
বঙ্গদর্শন

स्त ट्यायमयक्त वर्रकम नरहर व्यवस् शक्तिशाश दरिस्य खाश्चन विवायक वर्ग वृद्धे एक नकरनरे वर्तमुद्ध दकररे व्यक्ति क्हेरन शहरामत यात्रा मञ्जूषम कडिया-नुक अगियो प्रशा महरू । अवैधाना वृत्त 和C中有《四甲 更有一年《清歌· হাতে নিভাত পঞ্জুব। ুক্ৰিমানিত भिन् कारण न्यन्तिक मिल्यन प्रमृह दwern engrung filace uffer ela- fest Brinta genice ! Seiferen ख्डि कामरागि । क्षेत्रकथन अवनीत बार्डती बार्ज निविध प्रमेश के जनम बर्लिश्यक्ति के छातिरशत वावमा विरक्त बाक्षित्रत्वे प्रथा दिवा गानकामा छेन. कि गमनामधिक ? देश विकाल व्हेटन? शिक रम जोहीं गरबा जामानिय পূৰ্ব্যে কি খোল মালাক্ষের বাবসা ছিল प्रदेश क्षेत्र । काम त्यारमञ्*रम् के*मान् All the second আৰিক। কাষণ আমানিগের বৃত্তি ्यथन करत विजननंत्रभ वनगारे रयका द्य नाहे। लन्डियाकरलाव ऋतिवर्ष আচরণ আমাদিশের বিপরীত, পার্ मर्छः, वायमा अस्य क्षत्रिशं 'शक्तिसके े थर्वः देवांष इत्र वरकारत थंड विज्ञवर्ग वर्ग आवामिरगद मनुर्ग । वास्त्रमा वास्त्रका अविवायात्राच-क्या न्हें িছিল্`ন**িভ্ৰন পুরেলাও খেচাছ্**সাঙে क्रमान रावना मम्दरम् अक् अक्रिवन-জ্যের বিশ্বতির নিমিত ভর্মণার্থী ধন ক্রিড। 🟴 हेम्बा विरुक्ति। व्यामाविद्यक्ति किञ्च ভाराटि यानीयुक्तम बच्चा हरेड कथन निष्ठत (य निका धादक कि नी? मत्न कर यथन ख्वाधात ७ कर्य-এফ ছেতু, যগামণ জানলাডের কার এই মিলবর্ণারর উৎপদ্ম হয় নাই তং-উপেক্ষা এবং অপর হেডু উবিশিশ্ব कारण ইशमिरगर्ड यायम। एक निर्माह क्-শাস্তির নিমিক সামসুনহান্য, প্রবল্ विज्ञा नुष्राव अधियों चेनी विकारना किस ভাষানা কি বংশাছক্রমে ধারামাহিক মতে भेरत्रत्र ऋष्टि कतिएक गावा स्टेर**्य** ध्या-ধর্মের বিচাব থাল্ফো না। আই::বাট খং'বাবদা প্রতিপালন করিত না ছৈছে। ক্রমে আশ্বন ক্ষরির ও বৈশাের নিবিদ্ধ युष्टाद्यमञ्जा धर्मा निहारत निक्शन त्य दक्षान दा**वमा भवत**पन कविछ १ पनि क्कुशहरेक , पुकितांच कर्तिवाद, छना लाबम कलमा अहन कड़ा गाग्उरव छ।-ধ্ৰম আৰবাত। ত্ৰণ এতীয়-हीन कारमब निमित्त्व भूध नार्थ पृथक् প্ৰহুদ্ধে পৰায়ুৰ হয় বটে কিন্তু ভাছাট্ৰ चर्यमध्ये परम जिल्ला इरेलकः 📽 सहि। ' शाहासिरशेष साथि क्षेत्रांग ए.हे अडेश-कामदा विजीय श्रकारा निविध्नवि स কোন,সমধে ভালারা কাবৰ হ অভিগ্ ৰাসিখনের মধ্যে কায়স্বর্ণের **স**ঞি 🔞 स्वर्ग विक्शियत्व देवनाट्यव दर्श क्रवचाध पाकिर्वन।



প্রথম মুদ্রিড ১২৮১ বজাক পুনমুদ্রিড সংক্ষরণ ১৩৪৬ বজাক

সর্ববন্ধত্ব সংরক্ষিত

নিবেদন

সম্বর্দ্ধিত উৎসাহে বঙ্গদর্শনের তৃতীয় খণ্ডটি বঙ্গীয় পাঠকসমাঞ্জের কাছে উপস্থাপিত করা হইল। ইতিমধ্যে পুনঃপ্রকাশিত বঙ্গদর্শন যে জ্বনপ্রিয়তা অর্জ্জন করিয়াছে তাহা আশাতীত না হইলেও, আমাদের পক্ষে বিশেষ আনন্দদায়ক হইয়াছে, সন্দেহ নাই।

বহু গুণী, জ্ঞানী, মনীযী, পুনমু দ্রিত বঙ্গদর্শনের সম্জ্ঞা ও মুদ্রণের প্রশংসা করিয়া এবং তৎসঙ্গে আমাদের এই প্রচেষ্টার সাফল্যকামনা করিয়া, শুভেচ্ছা-লেখন পাঠাইয়াছেন। তাঁহাদের শুভেচ্ছা ও আশীর্বাণী আমাদের অফুরন্ত উৎসাহ ও অনুপ্রেরণা প্রদান করিয়াছে, বহু প্রতিকূল অবস্থাকে অতিক্রম করিবার সাহস ও শক্তি দিয়াছে। তাই আজ্ঞ তাঁহাদের প্রতি আমাদের অন্তরের গভীর ও অকৃত্রিম কৃতজ্ঞতা নিবেদন করিতেছি। আশা করি, বঙ্কিমচন্দ্রের বঙ্গদর্শনের নব-সংস্করণের প্রকাশকরূপে আমরা সকল বাঙ্গালীর নিকট হইতেই সমরূপ উৎসাহ ও শুভকামনা লাভ করিব। ইতি ১৫ই আষাত্ ১৩৪৬।

দি গ্যাশগ্যাল লিটারেচার কোম্পানী

৫৩, ষ্টিফেন হাউস ৫. ডালহৌসি স্কোয়ার, কলিকাতা।



বিষয়			পৃষ্ঠা
অধংপতন সঙ্গীত	•••	•••	648
আমার সঙ্গীত	•••	•••	86.7
আর্য্যজাতির সুক্ষ শিল্প	•••	•••	₹8¢
এই কি আমার সেই জীবনতোষিনী	•••	•••	৩৽ঀ
ঐতিহাসিক ভ্রম	•••	•••	. ২৫৪
কমল বিলাসী	• • •	•••	১৩৬
্ <u>छ</u> কমলাকান্তের দপ্তর	•••	٠, ١٥	२१,७०৯,७৫৮,৫२৯,७२১
কল্পতর•	•••	•••	8 (8
কালেজ রি-ইউনিয়ন	•••	•••	826
কোম্ৎ দৰ্শন	•••		9 4.0
রুষ্ণচরিত্র	•••	•••	৬৽৫
থাত	•••	·	818,৫৬1
<u>ठल</u> नाथ	•••	•••	> 9
চন্দ্রশেখর	•••	•••	৩১,৬৮,১৪০,১৮৯,২৩৩
চাৰ্ব্বাক দৰ্শন	•••	•••	३ १३,७३ <i>०</i>
চিহ্নিত স্থহদ	•••	•••	99
জাতিভেদ	•••	•••	৩২৮,৩৭৯,৪৪৪
জৈন ধর্ম	•••	•••	১৯৯, २२७
জ্ঞান সম্বন্ধে দার্শনিক মত	•••		৫৩৬
তিন রকম	•••	•••	> 6 •
দেবত্ত্ব	•••	•••	২৯৭
নানা কথা	•••	•••	৫৮১,৬৩ ৫
পরিমাণ রহস্ত	•••	•••	>48
পাগলিনী	•••	•••	₹•8
পূর্ববাগ.	•••	•••	৯৪,৫৭৪

ेखांठीना	•••	•••	85	
 প্রাপ্ত গ্রন্থের সংক্রিপ্ত সমালোচনা 	e•,3e,3eb,2•७,2७৪,03७,0७3,822,8 19,e2b			
∻বাঙ্গালার ইতিহাস	•••	•••	829,	
বান্ধালির বাহ্কা		•••	76.	
বান্মীকি ও তৎসাময়িক বুজান্ত	•••	•••	226,20b,9bb	
বাণভট্ট		•••	২৮ 8	
वियम्ब	•••	•••	७ऽ२	
রুত্রসংহার	•••	•••	675,668	
ভারত মহিমা	•••	•••	¢ •৮	
ভারতবর্ষীয় আর্য্যজাতির আদিম অবস্থা	৮,৫৩,১৩১,১৮২,২১৪,৩৩৯,৩৭২,৪৮৩,৫৮৪			
-ভালবাসার অত্যাচার	•••	•••	878	
ভাষা সমালোচন	•••	•••	>	
'শ্লাই ভাই	•••	•••	\$ \$ \$	
মহিষমৰ্দিনী	•••	•••	७२७	
ং /রজনী		২৯০,৩৪৬,৪৴৪,৪	350,605,696,628	
শ্ৰী হৰ্ষ		•	১৮,৯০	
সংগীত সমালোচনা		•••	৬২৮	
সমাজ বিজ্ঞান				
 সর্ উইলিয়ন গ্রে ও সর্ জর্জ কাম্বেল 	•••		b 0	
নেকাল আর একাল	•••	•••	8 25	



তৃতীয় খণ্ড]

देवमाथ ১२৮১

[প্রথম সংখ্যা



দ্বই

স্পদর্শনের প্রথম খণ্ডে, "ভাষার উৎপত্তি" ইত্যভিধেয় প্রবিদ্ধে, ভাষার উৎপত্তি
সম্বন্ধে যে কয়েকটি মত প্রচারিত আছে, তাহা সমালোচিত হইয়ছে।
অন্ত্রুকতিবাদই এক্ষণকার পণ্ডিতগণের গ্রাহ্য বলিয়া প্রতিপন্ধ করা হইয়ছে। সেই
অন্ত্রুকতি বাদ কি, তাহা এখন আর একবার বুঝাইয়া বলিলে বোধ হয় নিতান্ত
পুনক্ষক্তি হইবে না। কোন পদার্থ হইতে যে শব্দ নিঃস্ত হইয়া থাকে, অথবা
জন্তুগণ যে রব করিয়া থাকে, কিম্বা কোন পদার্থ ইন্দ্রিয় গোচর হইলে, আপনা
আপনি মন্ত্র্যা মুখ হইতে যে শব্দ নির্গত হয়, সেই শব্দ বা রবের অন্ত্রুকরণেই ভাষার
উৎপত্তি। অন্ত্রুকরণ শক্তি মন্ত্র্যার স্বভাবসিদ্ধ। সেই জ্বন্সই বালকে বংশীকে,
'ভোঁপো,' কুকুরকে, 'ভেউভেউ' এবং আততায়ীকে 'উঃ উঃ' বলিয়া থাকে; কিন্তু
আদিতে সকল শব্দই কি অন্ত্রুকরণ হইতে উৎপত্তিলাভ করিয়াছে? এবিষয়ে নানা
সন্দেহ হইতে পারে। সকল ভাষাতেই ক্রেন্স্টেলি শব্দ যে, অন্তুকরণস্টে ভাহার
আর কোন সন্দেহ নাই। অন্তগুলির সম্বন্ধে কেবল অন্ত্র্মান করিতে হইবে মাত্র।
কিন্তু কোন একটি বিশেষ শব্দ লইয়া জিজ্ঞাসা করা যাইতে পারে না, যে, এটি

কোন্ শব্দের অনুকরণে সৃষ্ট হইল ? কেন না ইহা অবশ্যই স্বীকার করিতে হইবে, যে যুগধর্মে অধিকাংশ শব্দই বিলক্ষণ রূপাস্তরিত হইয়াছে। এমন কি, যে শব্দ হইতে বর্ত্তমান শব্দটি উৎপন্ন হইয়াছে, তাহা হয়ত আমরা আজিও সেইরূপ উচ্চারণ করিয়া থাকি, অথচ সেটি যে, বর্ত্তমান শব্দটির পূর্ব্বপুরুষ তাহা জানিবার এখন কোন উপায় নাই বলিলেই হয়।

বিশেষতঃ সংস্কৃত অতি প্রাচীন ভাষা; ইহাতে ব্যাকরণের জটিলতা বিস্তর; আপিশলি* হইতে তারানাথ পর্য্যস্ত সকলেই ইহার উপর যথাসাধ্য দৌরাত্ম্য করিয়াছেন; স্বতরাং সংস্কৃত অত্যস্ত রূপাস্তরিত হইয়াছে; বর্ত্তমান শব্দ সকলের কুলচি স্থির করিয়া মূল গোত্র নির্ণয় করা অত্যস্ত কঠিন; কঠিন কেন? এক প্রকার অসম্ভব বলিলেও বলা যাইতে পারে।

সংস্কৃত 'নিষ্ঠীবন' শব্দের মধ্যে যে ইহার পূর্ব্বপুরুষের নাম লুকায়িত আছে তাহা আপাততঃ কোন মতেই বোধগম্য হয় না। কিন্তু একটু বিতর্ক করিয়া দেখিলে, তাহা শীঘ্রই অমুভূত হইবে। নি + স্থীপ্ × অন (ট) = নিষ্ঠীবন। এই স্থীপ্ শব্দেই বলুন আর ধাতুই বলুন, যে শুদ্ধ অমুকরণাত্মক তাহা অনেকেই স্বীকার করিবেন। নিষ্ঠীবন ত্যাগকালে মুখ হইতে যে শব্দ বহির্গত হইয়া থাকে তাহারই অমুকরণে এই সংস্কৃত স্থীপ্, গ্রাম্য বাঙ্গালা ছিপ বা ছেপ এবং পিক বা পিচ্, ইংরাজ্মি স্পিট্ (Spit) ইত্যাদি। চলিত বাঙ্গালা 'থুথু' শব্দ যে অমুকরণ মূলক তাহাও সহজে উপলব্ধি হয়। নিষ্ঠীবন শব্দের মূল সেরূপ সহজে বুঝা যায় না। কেন না ইহা বিশেষ রূপাস্করিত হইয়াছে।

কোন্ শব্দের অনুকরণে কোন্ শব্দ হইল, তাহা এখন প্রায়ই বলা যায় না; এবং এইরূপ প্রশ্ন উত্থাপন করিয়া, সত্ত্তর না পাইলেই, সকল শব্দই যে অনুকরণ-মূলক, এ কথা অস্বীকার করা যুক্তি সঙ্গত নহে।

কিন্তু এরপ কতগুলি শব্দ আছে, যেগুলি অনেক ভাষাতেই প্রায় সমান। ইংরেজি, সংস্কৃত এবং লাটিন অথবা গ্রীক ভাষায়, যে কতকগুলি শব্দ একরূপ আছে তাহা আমরা এই প্রস্তাবের প্রথম খণ্ডে, দ্বিতীয় খণ্ড বঙ্গদর্শনে আশ্বিন মাসে, দেখাইয়াছি।

এরপ যে শব্দগুলি, অনেক ভাষায় সমান, সেগুলি সম্বন্ধে সহজেই জিজ্ঞাসা করা যাইতে পারে, যে তাহার কোন্টি কোন্ শব্দের অনুকরণে উৎপন্ন হইয়াছে। সেগুলি অনেককাল যে বিশেষ রূপাস্তরিত হয় নাই, তাহা প্রত্যক্ষ লক্ষিত হইতেছে। যদি অনেক দিন রূপাস্তরিত না হইল, তাহা হইলে, আদিম অনুকৃত শব্দের মূর্ত্তি হয়ত তাহারা এখনও ধারণ করিয়া আছে।

वक्पर्मानित व्यथम थएउत ७७१ भृष्ठी एपथ

"ন, অন, অ," প্রভৃতি নিষেধ জ্ঞাপক শব্দের সাদৃশ্য অনেক ভাষাতেই আছে।
ন, না নি (ne L.), নেহি, নো (E. no) প্রভৃতি শব্দ কোন্ শব্দের অমুকরণে
স্থ হইল ? এই প্রশ্নে ভাষাতত্ত্ত্ত কোন আপত্তি করিতে পারেন না। শব্দগুলি
অনেক ভাষাতেই প্রায় একাক্ষরী; যে কিছু রূপান্তর হইয়াছে ভাহা স্বর বৈলক্ষণ্যে
মাত্র; কিন্তু দন্ত্য ন্ যে নিষেধ বুঝাইতেছে ভাহাতে কিছুই সন্দেহ নাই। কোন্
শব্দ বা রবের অমুকরণে এই দন্ত্য 'নর' নিষেধ জ্ঞাপকছ সৃষ্টি ?

এই প্রশ্নের উত্তরে, কোন কোন ভাষাবিৎ* বলেন, যে সকল শব্দই যে অমুকরণ-মূলক এমন না হইতেও পারে। এমন হইতে পারে যে কেহ কাহারও অমুকরণ না করিয়া, ভিন্ন ভিন্ন প্রদেশে অবস্থিত হইয়াও কেবল দম্ভ্য ন দ্বারা নিষেধ জ্ঞাপন করিয়াছেন।

বালকে এবিষয়ের উদাহরণ পাওয়া যায়। এরপ সকল দেশে সকল কালেই যটে, যে, বালকের ইচ্ছা না থাকিলেও, তদীয় পিতা মাতা তাহাকে ছয় পান করাইয়া থাকেন। অপোগও শিশু স্তম্যত্মপান করিয়া পরিতৃপ্ত হইয়াছে, তাহার আর পানস্পৃহা কিছুমাত্র নাই। কিন্তু স্নেহময়ী জননীর পোষণেচ্ছা এখনও নির্ভি পায় নাই। তিনি নিরুপায় শিশুকে মৃহবলে ক্রোড়ে পাতিত করিয়া, হয়ত হেমময় কোষপাত্রে ঘন হয় পরিপূর্ণ করিয়া, নতুবা শুক্তির কোষার্দ্ধে ছাগহয় পূর্ণ করিয়া তাহার মুখবিবরে প্রদান করিতে উল্যোগ করিতেছেন; অনুপায় শিশু তখন কি করিবে? মস্তক সঞ্চালন করিবে। মাতা বামকরে মস্তক ধারণ করিলেন; বালক তখন মুখ বদ্ধ করিয়া, দস্তে দস্ত বদ্ধ করিয়া—কি বলিবে? নি-নি-নি-মুঁ-উ-উ প্রায়, ইত্যাকার শব্দ করিয়া থাকে। এইরপে প্রথমে 'ন' উচ্চারণ করিয়া বালক নিষেধ জ্ঞাপন করিতে শিক্ষা করে।

এই শিক্ষা হইতে ক্রমে অভ্যাস। যাহা বালক শিথিয়াছিল, যুবার তাহা অভ্যস্ত বোধ হয়, অসভ্য আদিম নরে যাহা শিথিয়াছিল, এখনকার সভ্য নরের তাহা অভ্যস্ত। এরপ তর্ক হইতে পারে যে এরপ স্থলে শিক্ষা হইতে যে অভ্যাসের সৃষ্টি হয় তাহাও অনুকরণমূলক। প্রথম একবার ন বাণী বলিয়া পরে দ্বিতীয়বার সেই বালক সেরপ অবস্থায় পতিত না হইয়া যখন ন বাণী বলে, তখন সে আত্মান্ত্রকরণ করে মাত্র। এরপ কথা অপ্রামাণিক অনুমান মাত্র; এবং কখনই সত্য হইতে পারে না। ইহা যুক্তি বিরুদ্ধ। অনুকরণ ইচ্ছা প্রযুক্ত অপোগণ্ড বালকের ইচ্ছাশক্তি নাই। তাহার এরপ কার্য্য কেবল শারীরিক-অনুস্তি মূলক মাত্র।

শারীরিক অমুস্তি কাহাকে বলে ? কেহ চক্ষুতে আঘাত করিতে আসিলে চক্ষুর পাতা পড়িয়া যায় কেন ? শারীরিক অমুস্তি বলে। কোন শিরা, ধমনী

^{*}থেমন Farrar.

বা কোন শোণিত প্রবাহ বারম্বার এক পথে সঞ্চালিত হইলে, বা শরীরের কোন অঙ্গ বারম্বার একরূপ সঞ্চালিত হইলে, পরে কোন সদৃশ কারণের উৎপত্তি হইলেই সেই শোণিত প্রবাহ সেই পথে আবার ধাবিত হইবে, সেই অঙ্গ আবার সেইরূপ সঞ্চালিত হইবে।

ইহাকেই শারীরিক অমুস্তি বলিতেছি। শারীরিক অমুস্তি স্বভাবসিদ্ধ বলিয়াই, হাস্ত# বা ক্রেন্সন সম্বরণ করা নিতান্ত কষ্টকর।

নিষেধ জ্ঞাপক 'ন' শব্দের অভ্যাস বালক বা অসভ্য আদিমাবস্থার লোকের পক্ষে শারীরিক অমুস্তিমূলক।

বিশুদ্ধ অনুকৃতিবাদী ইহা স্বীকার করিয়াও বলিতে পারেন, যে, সেই ন আদিম বালকের পক্ষে অনুস্তিমূলক হইতে পারে, কিন্তু এখনকার কালে সেই ন যে কেবল অনুকৃতি মূলক তাহাতে আর সন্দেহ নাই।

কিন্তু ভাষার উৎপত্তি কথন সময়ে, বর্ত্তমান ভাষা সকল কিরূপে পাইলাম, সে বিষয়ের বিবেচনা করা আমাদের উদ্দেশ্য নহে। কেন না, তাহা হইলে, অপৌরুষেয়হ্বাদ, সম্মতিবাদ, এবং অমুকৃতিবাদ এ তিনটিই যুক্তিসঙ্গত হইয়া উঠে।

- (১) ভাষা অপৌরুষেয়া বা ঈশ্বর প্রদন্তা; কেন না সকলই ঈশ্বর দন্ত। এমন হইতে পারে বটে যে, ঈশ্বর বালককে বা আদিম লোককে, কুরুর দেখিয়া এবং তাহার রব আকর্ণন করিয়া, তাহাকে 'ভেউ ভেউ' নাম প্রদান করিতে কাণে কাণে পরামর্শ দেন নাই, কিন্তু বালককে তিনি অবশ্যই এরূপ শক্তি প্রদান করিয়াছিলেন, যে, সে তদ্বারা কুরুর দেখিলেই তাহার 'ভেউ ভেউ' নামকরণ করিবে। স্থতরাং ভাষা ঈশ্বর প্রদন্তা বা অপৌরুষেয়া।
- (২) ভাষা সম্মতিমূলিকাও বটে; কেন না কোন এক বিশেষ শব্দে কোন একটা বিশেষ পদার্থ বুঝাইবে একথায় এখন যদি সকলে সম্মত না হন, তাহা হইলে এখনই ঘরে ঘরে বাবেল মন্দির হইয়া উঠিবে।

এই সকল কথায় অন্তুকরণবাদীকে উত্তর দিতে হইবে, যে, ঈশ্বর সকল শক্তির বিধাতা এ কথার প্রতিবাদ করা ভাষা সমালোচকের উদ্দেশ্য নহে! এবং সম্মতি হইতে যে ভাষার স্থিতি তাহাও সকলকে স্বীকার করিতে হইবে। কিন্তু ভাষার স্থিতি সম্মতিসাপেক্ষ বলিয়া ভাষার উৎপত্তিকালে সম্মতির প্রয়োজন এ কথা যুক্তিযুক্ত নহে।

তাহাতেই বিশুদ্ধ অমুকরণবাদীকে আমরা বলিতেছি, যে এখন কালে, নিষেধ জ্ঞাপক 'ন' শব্দ প্রয়োগ কালে, একে অন্তের অমুকরণ করিয়া থাকে বলিয়া, নিষেধ

[•]Vide H. Spencer's Philosophy of Laughter.

জ্ঞাপক 'ন' অমুকৃতি মূলক বলা যাইতে পারে না। ইহা একরূপ স্বভাবজ এবং পরে অমুস্ততি মূলক।

স্থতরাং অমুকৃতিবাদ ছুই খণ্ডে বিভক্ত। ইহার বিভেদ 'ভাষার উৎপত্তি' প্রবন্ধে স্ফুটিত হইয়াছিল। পরিস্ফুট করা হয় নাই। সেই জ্বন্সই এই প্রস্তাবের অবতারণা।

ভাষা কতকদূর অমুকৃতা। যেমন পশাদির এবং তাহাদিগের রবের নামকরণ সময়ে। এবং কতদূর স্বভাবজা। যেমন পিতা মাতার নামকরণে, নিষেধ জ্ঞাপনে এবং হঠাৎ মনোভাব পরিবর্ত্তনশীল কোন বস্তুর নামকরণ কালে।

ভাষার উৎপত্তি বিবেচনা করিতে গেলে, ইহা মূলতঃ অন্তুক্কতা এবং স্বভাবজা। সেই মূলের মূল বিবেচনা করিতে গেলে, ঈশ্বর অবশ্যই হইবেন; কেননা ঈশ্বরের লক্ষণই এই যে, তিনি সকল মূলের মূল।

ভাষার স্থিতি বিবেচনা করিলে, ইহা কিয়ৎপরিমাণে অমুস্তি মূলক এবং কিয়ৎ পরিমাণে সম্মতি মূলক। দেহী মাত্রেরই পৌনঃপুনিক কার্য্যে অমুস্তি আছে। ভাষাতেও আছে। সমাজ মাত্রেরই সামাজিক কার্য্যে সকলের সম্মতি আছে— ভাষাতেও আছে। আঁর ঈশ্বর সকল স্থিতিরই মূল, সুতরাং ভাষা স্থিতিরও মূল।

ভাষার সৃষ্টিস্থিতি এইরূপ; ভাষার লয় হয় কি? হয় না। যে কারণে নৈয়ায়িক বৃক্ষ লতাকে নিত্য বলেন, সেই কারণেই আমরা ভাষা নিত্যা বলিতেছি। একটি বৃক্ষের লয় হয়, একটি শব্দের লয় হয়; বৃক্ষ্ণাতির লয় হয় না, সেইরূপ ভাষার লয় হয় না। তবে মহাপ্রলয়ে যখন সকল পদার্থ ই ব্রেক্ষে লীন হইবে, তখন অবশ্য ভাষারও লয় হইবে। কিন্তু সে স্বভন্ত কথা।

ভাষার সৃষ্টিস্থিতি আছে লয় নাই। কিন্তু বৈবর্ত্তন আছে। ভাষার অতি বিশ্ব-কর বৈবর্ত্তন হইয়া থাকে। জগতে সকল কার্য্যেরই নিয়ম আছে। সকল বৈবর্ত্তনের নিয়ম আছে; ভাষায় যে বৈবর্ত্তন হইয়া থাকে, তাহা অতি বিশ্বয়কর বটে, কিন্তু তাহারও অতি স্থন্দর নিয়ম আছে।

এই বৈবর্ত্তনের তুইটি মূল নিয়ম এই প্রস্তাবে বলা যাইতেছে।

(১) দেশ ভেদে, অবস্থা ভেদে উচ্চারণের তারতম্য হইয়া থাকে।

বেদে পঞ্চাব প্রদেশকে 'সগুসিন্ধু' বলিয়া কথিত হইয়াছে। প্রাচীন ইরাণীয়েরা দন্ত্য সর স্থানে হ উচ্চারণ করিত। এবং এই 'সপ্তসিন্ধুকে' তাহারা 'হগুহিন্দু' বলিয়াছে। সিন্ধু নদীকে হিন্দু বলিত। এইরূপে 'হিন্দু' এবং 'হিন্দিয়া' শন্দের উৎপত্তি। এখনও যেমন লগুনের ইতর লোকেরা হকার আদি কথায় হকারের লোপ করিয়া থাকে, মধ্যকালের ইউরোপীয়েরা সেইরূপ হিন্দিয়া শন্দের হ লোপ করিয়া 'ইগুয়া' নাম রাখিল। এইরূপে সিন্ধু হইতে 'ইগুয়া' নামের স্ঠি।

এইরপ নানা উদাহরণ প্রদত্ত হইয়া থাকে। কিন্তু এই নিয়ম স্থাপন জন্ম নানা উদাহরণ প্রদান করিবার আবশ্যক নাই। সকলেই লক্ষ্য করিয়া থাকিবেন, যে, ইংরাজ্বে বিশেষ চেষ্টায় ত উচ্চারণ করিতে প্রায়ই পারেন না; এবং সেইরপ স্কটলগুবাসী সাহেবেরা বিশেষ চেষ্টা করিয়া ট উচ্চারণ করিতে পারেন না। আমরা গত আশ্বিন মাসে ভিন্ন ভিন্ন ভাষা হইতে যে সকল শব্দ সাদৃশ্য প্রদর্শনার্থ উদ্ধৃত করিয়া দিয়াছি, এক ভাষা হইতে অন্য ভাষায় তাহার এক একটা কিরূপ হইবে, তিছিবয়ে কতকগুলি স্কুলর নিয়ম আছে। প্রসিদ্ধ জন্মাণ পণ্ডিত গ্রিম্ সে নিয়মগুলি ধারাবদ্ধ করিয়াছেন বলিয়া, সে গুলিকে গ্রিমের নিয়ম বলিয়া থাকে। সেগুলি অতি স্কুলর বটে; কিন্তু ব্যাকরণ স্বতের মত নিতান্ত বিধিবাক্য বলিয়া বোধ হয়, তাহাতেই আমরা এন্থলে সেগুলি উদ্ধৃত করিয়া দিলাম না।

(২) দেশ ভেদে যেরূপ শব্দের বৈবর্ত্তন হয়, এক দেশেই তাড়াতাড়িতে সেইরূপ শব্দ রূপাস্তরিত হইয়া থাকে।

পৃথিবীর সর্ব্বত্রই দেখিবেন, যে নগরের ভাষা একরূপ, আর পল্লীগ্রামের ভাষা অক্যরূপ। পল্লীগ্রামের ভাষা শিথিল, বিরল্ঞান্থ এবং দীর্ঘাবয়ববিশিষ্ট এবং নগরের ভাষা দৃঢ়বন্ধ, ঘন সংশ্লিষ্ট, স্বল্লায়ববিশিষ্ট। নগরের লোকজনতা অধিক এবং লোকে ব্যবসা বাণিজ্যের ব্যস্ততা নিবন্ধন দীর্ঘস্থিতিতায় ঘ্নণা করে বলিয়া এরূপ হইয়া থাকে।

এইরূপে করিলা হামি—করিলা হাম—করিলাম—কর্লাম—কর্ম—করু, হইয়া যায়। এইরূপে মধ্যম দাদা মহাশয়, ক্রমে মেজ্দা হইয়া উঠেন; এবং ঠাকুরমাতা ঠাকুরাণী; ক্রমে ঠাউমা হন।

ভাষা বৈবর্ত্তনের সকল নিয়ম দেখান আমাদিগের উদ্দেশ্য নহে; আমরা কেবল ছইটি প্রধান নিয়ম প্রদান করিলাম মাত্র। এই ছইটি নিয়মের মধ্যেই অনেকগুলি স্ক্রভন্ত সন্নিবেশিত আছে। স্ত্র হইল দেশ ভেদে উচ্চারণ ভেদ হইয়া থাকে—যথা সংস্কৃত দন্ত্য স, জেন্দ গ্রন্থে 'হ' হইয়াছে। দন্ত্য স, 'হ' হইল কেন, মূর্দ্ধণ্য য-র মত উচ্চারিত না হইল কেন? এটি বড় কৃট প্রশ্ন। কিন্তু বৈজ্ঞানিক এই প্রশ্নের যতক্ষণ উচ্চারণ করিতে না পারেন, ততক্ষণ তাঁহার স্ক্রকে বিজ্ঞান স্ত্র বলিব না। মক্ষমূলর এইরূপ প্রশ্নের উত্তর দিবার চেষ্টা করিতেছেন, আমাদের এরূপ ভরসাও আছে যে তিনি কালে কৃতকার্য্য ইইবেন।

চেষ্টা করিলে সকলেই কৃতকার্য্য হইতে পারেন; যখন দেখিতেছি, যে স্কটলগুবাসীরা, ট উচ্চারণ করিতে পারিতেছে না, ইংলগুবাসীরা ত উচ্চারণ করিতে পারিতেছে না, তখন আমি স্বচ্ছন্দে এরপ অনুমান করিতে পারি, যে এই ছই জাতির জিহ্বায় অবশ্য কোনরূপ আড় থাকিবে। এই আড় হয় তাহাদিগের

দেশের জলবায় হইতে, নয় তাহাদিগের খাছ হইতে, না হয় এতচ্ভয় হইতে উৎপন্ন হইয়াছে। এখন দেখ কোন্বর্প কোন্স্থান হইতে উৎপন্ন হয়। যে স্থানে জিহ্বার আঘাত করিলে ত বর্ণ উচ্চারিত হইয়া থাকে, শিখাইয়া দিলেও ইংরাজ শিশু, সেখানে জিহ্বার আঘাত করিতে পারে না। তাহার অভ্যাস নাই বলিয়া বলিতে পার না; কেননা স্কট্ শিশুরও ত অভ্যাস নাই, ত সে পারিল কেমন করিয়া? তবে পূর্বের্ব যাহা বলা যাইতেছিল তাহাই ঠিক; শীতবাতাতপখাছা নিবন্ধনই এরূপ হয়। শীতে জিহ্বা এড়াইয়া পড়ে, মদ খাইলে এড়াইয়া পড়ে, কিসে, কি খাইলে জিহ্বা তকারের উৎপত্তি স্থানে আঘাত করিতে পারে না? বিজ্ঞান এখন ঐ প্রশ্নের উত্তর প্রদানে অপারগ। আমাদিগের এরূপ ভরসা আছে, উপযুক্ত লোকে এ বিষয়ের সমালোচনা করিলে অচিরাৎ সত্বর প্রাপ্ত হইব।

আমাদের দেশে এতকাল লোকের ব্যাকরণ সূত্রে এরপ আস্থা ছিল, যে মহা মহা ভাষাবিদের এরপ প্রশ্ন কখন মনে উদিত হইয়াছিল কি না সন্দেহ। জায়া শব্দ, পতি শব্দ দ্বসমাসে একত্র হইলে, দম্পতি হইবে, কেন ? এ প্রশ্নের উত্তর সংস্কৃত বৈয়াকরণিক দিতে অসমর্থ। কিন্তু ব্যাকরণ সূত্র ব্যতীত এরপ ঘটনার কি কোন কার্নণ নাই? অবশ্যুই আছে। বরক্ষচি বলিলেন, সংস্কৃত 'ত'র স্থানে, প্রাকৃত 'ড্ড' হইবে। কেন ? ইহাতে এই ব্বিতে হইবে যে প্রাকৃতভাষীরা 'ত' উচ্চারণ করিতে পারিত না, চেষ্টা করিয়া 'ড্জ' বলিয়া ফেলিত। তবে বোধ হয় তাহারা বিদেশীয় হইবে, নহিলে এরপ উচ্চারণের বৈষম্য হয় কেন ?

এইরূপে ভাষা সমালোচনে প্রবৃত্ত হইলে, অনেক অন্ধতমসাবৃত পুরাবৃত্ত পরিষ্কৃত হইবে এবং প্রাচীন আচার ব্যবহার আমরা অনেক বুঝিতে পারিব।



উপক্রমণিকা (পূর্ব্ব প্রকাশিতের পর) শাসন প্রণালী

র্যাগণ ভারতবর্ষের উংকৃষ্ট স্থানগুলি অধিকার করিয়া প্রথম অবস্থায় কিছুকাল রাজ্য বিস্তার চেষ্টায় বিমুখ রহিলেন। অধিকৃত রাজ্যস্থ প্রজাবর্গের সুশাসন সম্পাদনই সে বিরতির কারণ। ইহারা নিশ্চয় জানিতে পারিয়াছিলেন যে, রাজ্য মধ্যে স্থনিয়ম না থাকিলে রাজার প্রভুতা থাকে না। প্রভুসমর্থিত তেজ যাবৎ রাজ্য মধ্যে বিস্তৃত না হয় তাবৎ প্রজার অন্তঃকরণে পাপে ভয়, ধর্মায়্মষ্ঠানে প্রবৃত্তি জল্মে না। যথাশাস্ত্র যুক্ত রাজার দণ্ডনীতি প্রজাবর্গের মনোমধ্যে দেদীপ্যমান না থাকিলে তাহাদিগের হৃদয়ে পাপরূপ পিশাচের একাধিপত্য হয়। পাপের বৃদ্ধিতেই সংসারে নানাবিধ অনিষ্ঠ ঘটে। প্রজার পাপে রাজা নষ্ট, রাজার পাপে রাজ্য নষ্ট হইয়া থাকে। স্থতরাং সংসার ক্রমশঃ ছঃখের স্থান হইতে পারে—অতএব এই বেলা স্থনিয়ম করা যাউক । স্থনিয়ম থাকিলে ভারত সংসার পুণ্যভূমি বলিয়া পরিগণিত হইতে পারিবে। (১)

(২) দণ্ডোহি স্থাহত্তেজোত্ দ্বিনশ্যকতাত্মভি:।
ধর্মাদিচলিতং হস্তি নৃপমেব সবাদ্ধবং ॥ ২৮
ক্ষতোত্র্গঞ্চ রাষ্ট্রঞ্চ লোকঞ্চ সচরাচরং।
ক্ষত্তরীক্ষ গতাংশ্চৈব মুনীন্ দেবাংশ্চ পীড়য়েৎ ॥ ২৯
সোহসহায়েন মুণ্টেন লুক্ষেনাক্বতবুদ্ধিনা।
ন শক্যো প্রায়তো নেতৃং সক্তেন বিষয়েষ্ চ ॥ ৩০০ মহ্-- ৭
ত্ত্রাপি ভারতং শ্রেষ্ঠং জমুদীপে মহামুনে।
যতো হি কর্মভূরেষা ইতোন্তো ভোগ ভূময়ঃ ॥ ১১
ক্ষত্তিল্লাভ তেজস্ক মহ্যাং পুণ্য সঞ্যম্ ॥ ১২

ভারতবর্ষকে পৃথিবীর পুণ্যাশ্রম করাই আর্য্যগণের প্রধান উদ্দেশ্য ছিল বলিয়াই যাবদীয় সাংসারিক বিষয়ের সঙ্গে ধর্মশাস্ত্রের সংশ্রব রাখিয়াছিলেন। ধর্মশাস্ত্রের সহায়তা ব্যতীত একপাও চলিবার কাহারও সামর্থ্য থাকিত না।

পূর্বকালে ধর্মশাস্ত্রের সঙ্গে যাহার পরম্পরা সম্বন্ধে সংশ্রব ছিল উত্তর কালে সেই স্থলগুলি কল্লিভ ধর্মশাস্ত্রের হূর্ভেগ্ন স্থল্য গ্রন্থ গ্রন্থি নারা অত্যন্ত সঙ্কট হইয়া উঠিল। তদবধি আর্য্যসন্তানগণের মানসিক প্রতিভা ও স্বাধীন প্রবৃত্তি ঐ সকল সঙ্কট স্থলে ক্রমশঃ প্রতিহত হইতে থাকিল। বারংবার প্রতিঘাত দ্বারা আর্য্য সন্তানগণের হৃদয় পর্যান্ত জর্জ্জরিত হইয়া গেল। অধস্তন সম্ভতিবর্গ যদি পূর্ববাচরিত প্রণালী অমুসারে চলিতেন, নৃতন নিয়মের একান্ত অমুরক্ত না হইতেন, পরিবর্ত্তসহ স্থলে স্থলে স্থনিয়ম ক্রেমে বিধির পরিবর্ত্তন করিয়া চলিতেন ও একেবারে ম্লোচ্ছেদের চেষ্টা না পাইতেন, তাহা হইলে ভারতসংসার চিরকাল সর্বজ্ঞাতির নিকট পুণ্যাশ্রম বলিয়া যে পরিচিত থাকিত, তদ্বিষয়ে কোন সংশয় নাই।

পূর্ববালে আর্য্যজাতির শাসনভার রাজার হত্তে সমর্গিত ছিল। এক্ষণে দেখা যাউক আর্য্যগণ কাহাকে রাজা শব্দে নির্দেশ করিতেন। স্থুল দৃষ্টিতে ইহাই বোধ হইবে যে অধিকৃত রাজ্যে যাঁহার স্বামিত্ব আছে, যিনি মন্ত্রিগণ পরিবৃত্ত হইয়া প্রজাপালন করেন, যাঁহার সহিত অন্য ভূপতিবর্গ সন্ধি নিবন্ধন হেতু সখ্যতা সূত্রে আবদ্ধ হন, যাঁহার ধনাগার নানাবিধ মণি মাণিক্যাদিতে পরিপূর্ণ, যাঁহার অধিকার মধ্যে অন্যান্য ক্ষুদ্র ভূস্বামী আছেন, যিনি আপন অধিকার মধ্যে প্রজার ধনপ্রাণ ও মান রক্ষা জন্ম সৈন্য সামস্তাদি পরিপূর্ণ তুর্গ প্রতিষ্ঠিত করিয়াছেন, যিনি কাম ক্রোধাদি রিপু পরতন্ত্র না হন এবং সর্ব্বদা প্রজারঞ্জন নিমিত্ত রত থাকেন, তৃষ্টের দণ্ড বিধান ও শিষ্টের পালন করেন, তিনিই রাজা—তেমন লোক ব্যতীত কাহাকেও রাজা উপাধি দেওয়া যায় না। দণ্ডই সাক্ষাত রাজা।

নৃপতির প্রকৃতি এই প্রকার। এক্ষণে তদীয় ব্যবহার, অমাত্যবর্গের কার্য্য, স্থহং লক্ষণ, কোষাগারে অর্থ সঞ্চয়াদি, স্বরাজ্য পর রাজ্যের বার্ত্তা গ্রহণ এবং তুর্গ রক্ষণাদির বিষয় স্থল ও প্রক্রান্ত বিষয়ের বর্ণনাক্রমে যথায়থ স্থানে ক্রমে লিখিত হইবে। (২)

গায়ন্তি দেবাংকিল গীতকানি
ধক্যান্তমে ভারত ভূমি ভাগে।
স্বর্গাপবর্গস্থচহেতুভূতে
ভবন্তি ভূমাং পুরুষাং স্থরত্বাৎ॥ ১০ বিষ্ণুপুরাণ—২ পং ৩ অং
(২) সাম্যমাত্য স্থন্তং কোষ রাষ্ট্রহুর্গ বলানি চ।
দগুংশান্তি প্রদাং স্বর্ধা দগু এবাভিরক্ষতি॥

আর্য্যগণ মনে করিলেন মুনিদিগেরও মতি বিজ্ঞম ঘটিয়া থাকে। বিষয়াসক্ত ব্যক্তির বৃদ্ধি জ্রংশ হইবার সম্পূর্ণ সম্ভাবনা। রাজ্য পালন ভার কেবল রাজার হস্তে সমর্পণ করিলে নানা অনিষ্ট ঘটিতে পারে। অতএব তাঁহাকে এককালে নিরক্কশ না করিয়া অক্সদীয় সাহায্য সাপেক্ষে রাজ্য শাসনের ভার অর্পণ করা মন্দ নয়। প্রজা-বর্গ মধ্য হইতে এমন মন্ত্র্যা নির্কাচন করা আ্বশুক, যাহার প্রতি দৃষ্টিমাত্র সর্ব্ব-লোকের ও রাজার ভক্তি জন্মে; তাঁহাকেই রাজার সহায়ম্বরূপ করিয়া দেওয়া উচিত। যেহেতুক ভক্তির পাত্র ব্যতীত কেহই সন্দেহ নিরাস জন্ম পরামর্শ জিজ্ঞাসা করে না।

এক্ষণে দেখা যাউক কাহার প্রতি সকলের ভক্তি জন্মে। প্রথম দৃষ্টিতেই ইহা একপ্রকার উপলব্ধি হইবে যে, যিনি জাতিশ্রেষ্ঠ, সদ্বংশপ্রসূত, বয়োবৃদ্ধ, ধার্ম্মিক, নিস্পৃহ, নিলে ভি, জিতেন্দ্রিয়, যিনি মন্ত্রণা গোপন রাখিতে সক্ষম, সর্বশাস্ত্র-পারদর্শী, যিনি সমগ্রবেদত্রয় অভ্যাস করিয়াছেন, যিনি গুণের উৎসাহ দ্যাতা, যিনি ক্ষমাশীল, স্মচতুর, লোকব্যবহার ও বার্ত্তা শাস্ত্রের তত্ত্বজ্ঞ, যিনি দোষের উচ্ছেদ কর্ত্তা এবং সংকর্মের অমুষ্ঠান বিষয়ে একান্ত উৎসাহী তাঁহারই প্রতি সমস্ত লোকের ও রাজ্ঞার আন্তরিক ভক্তি জন্মে। ভক্তিভাজন ব্যক্তিই নুপতির মন্ত্রীর যোগ্য। এবং-বিধ ব্যক্তির প্রতি মন্ত্রিত্ব ভার সমর্পণ করিলে রাজ্যের মঙ্গল হঠতে পারে। এমন ব্যক্তি সচরাচর কোনু জাতির মধ্যে অধিক দেখা যায় ? বিচার দারা দেখা গেল ব্রাহ্মণ ব্যতীত একাধারে এত গুণ কোন জাতির নাই। স্থুতরাং বিপ্রজাতিকে প্রধান মন্ত্রীর পদে সংস্থাপিত করা উচিত। ক্ষত্রিয়ের মধ্যে পূর্ব্বোক্ত গুণাবলীর অধিকাংশ আছে বটে, কিন্তু নিস্পৃহতা ও ক্ষমাগুণ না থাকাতে সে জাতীয় অমাত্যকে দ্বিতীয় শ্রেণীর মধ্যে গণ্য করা যাইত। বৈশ্য জাতির মধ্যে ক্ষত্রিয় অপেক্ষাও ক্রমশঃ গুণের ভাগ হ্রাস হইয়া আসিয়াছে। বিশেষতঃ তাহারা অর্থ-নিস্পৃহ নহে, প্রত্যুত কুসীদ ব্যবহার দ্বারা পাপসঞ্চয় করে; অতএব বৈশ্য মন্ত্রীকে তৃতীয় শ্রেণীর মধ্যে গণ্য করা বিধেয়। শাস্ত্রে অনধিকার প্রযুক্ত শৃদ্রগণের মন নিতান্ত ক্ষুত্র হয়, তদ্ধেতু পাপাচরণে প্রবৃত্তি জন্মিবার সম্পূর্ণ সম্ভাবনা। এই হেতু বশতঃ ক্ষমতাসত্ত্বে ও কার্য্যদক্ষতার পরিচয় পাইলেও তাহাদিগের প্রতি মন্ত্রণা অথবা

দণ্ড: স্থেষ্ জাগর্তি দণ্ডং ধর্মং বিত্র্ব্ধা: ॥ ১৮
স রাজা পুক্ষোদণ্ড: স নেতা শাসিতা চ স।
চতুর্ণামাশ্রমাণাঞ্চ ধর্মস্য প্রতিভূ: স্মৃত: ॥ ১৭
সমীক্ষ্য সধৃত: সম্যক্ সর্বা রঞ্জ্যতি প্রজা:।
অসমীক্ষ্য প্রণীতস্ত বিনাশয়তি সর্বত: ॥ ১৯

বিচারের ভার কদাচ অর্পিত হইত না। (৩) শৃত্ত জাতির প্রতি এতাদৃশ স্থণা প্রদর্শনই আর্য্য জাতির পতনের একতর কারণ বলিয়া অমুমান করা যায়।

বিচারাসন ও মন্ত্রণার ভার সর্ব্বাথ্যে সর্ব্বকালে ব্রাহ্মণ জাতির প্রতি বর্ত্তিল। বিপ্রজাতির অভাবে ক্ষত্রিয়ের প্রতি, তদভাবে বৈশুজাতি অবধি নিয়ম বিধি হইল। কালক্রমে সগুণত্ব বিষয় লোপ পাইয়া জাতিবিষয় হইয়া গেল। তখন শাস্ত্রের প্রমাণ অনুসারে নিগুণ ব্রাহ্মণও জাতি মর্য্যাদায় পূজ্য থাকিলেন। তদবধি অভপর্যান্ত ব্রাহ্মণগণ সর্ব্বোচ্চ আসনে অধিষ্ঠিত আছেন। জাতি মর্য্যাদা বা বংশ-গোরবে মন্ত্রিত্ব প্রাপ্তির নিয়ম কেবল যে ভারতবর্ষেই ছিল এমত নহে। কিয়ৎ পরিমাণে এ রীতি সর্ব্বদেশে ছিল এবং সর্ব্বদেশে আছে। ইংলণ্ডের হোস অব লর্ড দ্ ইহার এক জাজ্জল্যমান প্রমাণস্বরূপ অভাপি বর্ত্তমান। তবে নিয়মটি সপ্তণত্বের পরিবর্ত্তে জাতিমাত্র অবলম্বন করাতেই, দোষের কারণ হইল। ইংলণ্ডে সর্ব্বদা গুণবান্ ব্যক্তিগণ কমন্স শ্রেণি ইইতে নীত হইয়া লর্ডস্ শ্রেণিভুক্ত হন, অর্থাৎ সে দেশে গুণশালী শৃদকে ব্রাহ্মণত্ব প্রদন্ত হইয়া থাকে। এরূপ নিয়মের অভাবে আসিয়ায় ভারতবর্ষ, ইউরোপে স্পার্টা রাজ্য অধঃপতিত হইল।

ব্রাহ্মণ মন্ত্রী সর্ব্ববিষয়ে শ্রেষ্ঠ। রাজা তাঁহার সহিত সর্ব্বদা পরামর্শ করিবেন, তদীয় মন্ত্রণা অবহেলা করিয়া কদাচ স্বেচ্ছামুসারে রাজ্যশাসন করিবেন না। ইহাই

(৩) শুচিনা সত্যসদ্ধেন যথাশাস্ত্রাহ্বসারিপা।
প্রণেতৃংশক্যতে দণ্ডঃ স্বস্থায়েন ধীমতা॥ ৩১—অ ৭ মন্থ্ দৈনাপত্যক রাজ্যক দণ্ডনেতৃত্বমেবচ।
সর্কালোকাধিপত্যক বেদশাস্ত্র বিদর্গতি॥ ১০০—অ ১২ মন্থ্ শ্রুতাধ্যায়নসম্পন্নাঃ ক্লীনাঃ সত্যবাদিনঃ।
রাজ্ঞা সভাসদঃ কার্যাঃ শত্রে মিত্রেচ যে স্মাঃ॥

ব্যবহারতত্ত্বপুত কাত্যায়ন বচন।
অমাত্যং মুখ্যং ধর্মজ্ঞং প্রাক্তং কুলোকাতং।
স্থাপয়েদাসনে তিমিন্ থিয়ংকার্যোক্ষণেনৃণাং॥ ১৪১—অ ৮ মুম্
প্রতিঃ ক্ষমা দমোহস্তেম্বং শৌচমিন্তিয় নিগ্রহং।
ধীবিভা সভ্যমক্রোধো দশকং ধর্ম লক্ষণম্॥ ১২—অ ৬ মুম্
ক্রিয়াণাং বলং তেজো ব্রাহ্মণানাম্ ক্ষমা বলং। ২৭

মহাভারত আদিপর্ব বশিষ্ঠ বিশামিত্র সংবাদ।
ভূতানাং প্রাণিনঃ শ্রেষ্ঠাঃ প্রাণিনাং বৃদ্ধিজীবিনঃ।
বৃদ্ধিমংস্ নরাঃ শ্রেষ্ঠাঃ নরেষ্ ব্রান্ধণাঃ শ্বতাঃ॥ ৯৬
ব্রান্ধণেষ্ তু বিঘাংসো বিষৎস্থ ক্বত বৃদ্ধাঃ।
কৃতবৃদ্ধিষ্থ কর্তারঃ কর্ত্ব্ ব্রন্ধবেদিনঃ॥ ৯৭—অ ১ মৃত্ব

শাস্ত্রের আদেশ। (৪) মন্ত্রীর প্রতি এইরূপ ব্যবহার আধ্নিক ইংলণ্ডের রাজ্য শাসনের নিয়ম। মন্ত্রীর মতের বিরুদ্ধাচারিণী হইয়া ইংলণ্ডেশ্বরী স্বয়ং কোন কার্য্য করিতে পারেন না। অনেক যুদ্ধ, প্রাণিসংহার, রাজবিপ্লব, সমাজবিপ্লবের পর ইংলণ্ডীয়েরা এই তত্তটি স্থির করিয়াছেন। আমাদিগের পূর্ব্বপুরুষগণ, কেবল স্বীয় মানসিক শক্তির গুণে তিন সহস্র বংসর পূর্ব্বে এ বিধি সংস্থাপিত করিয়াছিলেন।

রাজ্যে স্থনিয়ম সংস্থাপন ও প্রজ্ঞাপালন জন্ম সাত অথবা আটটি মন্ত্রী রাখিবেন। যে ব্যক্তি যে কার্য্যে নিপুণ ও তত্ত্বজ্ঞ তদ্বিষয়ে অগ্রে তদীয় পরামর্শ গ্রহণ করিবেন। কর্ত্তব্য বিষয়ে পৃথক্ পৃথক্ ভাবে অথবা সম্দায় অমাত্যকে একত্র সমবেত করিয়া পরামর্শ জিজ্ঞাসা করিয়া আত্মবৃদ্ধি অমুসারে, যুক্তি অমুসারে ও শাস্ত্রাম্থসারে তদীয় মতের বলাবল বিবেচনা পূর্বেক স্বীয় মত সংস্থাপন করিবেন।
(৫) ইহাই ইংলণ্ডের কাবিনেটের দ্বারা রাজ্য শাসন প্রণালী। আধুনিক ইউরোপীয় রাজনীতির কোন কথা প্রাচীন ভারতবর্ষীয়েরা অবগত ছিলেন না ?

কেহই যুক্তি বিহীন শাস্ত্রের নিয়মানুসারে শাসন কার্য্যে সমর্থ ছিলেন না। যুক্তিহীন বিষয়ে যে পাপ জন্মে উহা আর্য্যজাতির অন্তরে প্রথমেই স্থান প্রাপ্ত হইয়াছিল। কিন্তু কি কারণে যে উত্তরকালে যুক্তির ধ্বংস হইয়া আসিতে লাগিল তাহা নির্ণয় করা সামাস্থ ব্যাপার নহে। যে দিন হইতে আর্য্যজাতি যুক্তিমার্গ পরিভ্রম্ভ হইলেন সেইদিন অবধি ইহাদিগের পতনের স্ত্রপাত ধরা যায়।

মস্ত্রিগণের কার্য্য বিভাগ।

দ্বিজাতি শ্রেষ্ঠ মন্ত্রিত্রয় বিচারাসনের ভার গ্রহণ করিয়া রাজার সভায় উপস্থিত থাকিতেন। রাজা যখন বিনীত্বেশে বিচার কার্য্য সম্পাদন করিতে বসিতেন

(৪) সর্কেষান্ধ বিশিষ্টেন আন্ধণেন বিপশ্চিতা:।

মন্ত্রমেং পরমং মন্ত্রং রাজা যাত্ত্ণ্য সংযুত্থ ॥ ৫৮ অ ৭ মন্ত্
(৫) মৌলান্ শান্ত্রবিদ: শ্রান্ লব্ধলক্ষান্ কুলোদগতান্।

সচিবান্ সপ্তচাষ্টোবা প্রক্রবিতি পরীক্ষিতান্॥ ৫৪—অ ৭ ঐ
তেষাং স্থং স্থমভিপ্রায়ম্পলভা পৃথক্ পৃথক্।

সমস্তানাঞ্চ কার্যেষ্ বিদ্যান্ত্রিতমাত্মন:॥ ৫৭—অ ৭
কেবলং ধর্মমান্ত্রিতা ন কর্তব্যাে বিনির্ণয়:।

যুক্তিহীন বিচারেত্ব ধর্মহানি: প্রজায়তে॥ বৃহস্পতি সংহিতা।

যুক্তিং ভায়ং স চ লোক ব্যবহার ইতি ব্যবহার মাতৃকা।

ধর্মশান্ত্র বিরোধেত্ব যুক্তিযুক্তাে বিধিংম্বতঃ।

ব্যবহারোহি বলবান্ ধর্মন্তেনাবহীয়তে॥ নারদ সংহিতা।

অবহীয়তে অবগম্যতে।

ভংকালে তাঁহার। সহায়তা করিতেন। তদমুসারে উক্ত দিবসে এ সকল অমাত্যকে সভাগন্দে নির্দ্দেশ করা রীতি ছিল। পাঠক, ইংলণ্ডীয় "প্রিবি কৌন্সলের" সজে ইহার সাদৃশ্য দেখিতে পাইবেন। রাজা যে দিন যে ছলে অন্ধ বিচার কার্ব্য নিস্পাদনে সমর্থ না হইতেন সেদিন তথায় প্রতিনিধি দিতেন। বিচারাসনে রাজার প্রতিনিধিকে প্রাড় বিবাক্ শন্দে নির্দ্দেশ করা যায়। উপরি কথিত মন্ত্রিত্রয়ের শ্রেষ্ঠ ব্যক্তি আসনের ভার প্রাপ্ত হইতেন। তৎপরে দিতীয় ও তৃতীয় মন্ত্রী। প্রাড় বিবাক্ আবার অন্থ তিনজন মন্ত্রীর সঙ্গে একত্র সমাসীন হইয়া বিচার কার্য্য নির্কাহ করিতেন। বিচারকালে অন্থান্থ সভাও উপস্থিত থাকিতেন। তৎকালে কুলশীল-সম্পন্ন ও বয়োর্দ্ধলোক বৃত্ততত্ব প্র এবং বার্ত্তা শান্ত্রদর্শী বণিক্ সভায় উপস্থিত থাকিতেন। (৬)

বিচার কালে সভায় সমাসীন সভ্যবর্গের নিকট সন্দেহ ভঞ্জন জন্ম কৃট প্রশ্নের পরামর্শ জিজ্ঞাসা করা হইত। সভ্যেরা অকুতোভয়ে যথাশাস্ত্র ও স্থায়্য কথা কহিতেন। রাজা ও বিচারক তদমুসারে কার্য্য করুন বা না করুন সভ্যেরা তদ্বিষয়ে দৃক্পাত করিতেন না। তাঁহারা ধর্ম্ম, যুক্তি ও সত্য পথের প্রতি দৃষ্টি নিক্ষেপ করিয়াই পরামর্শ দিতেন। বিচারক ব্যতীত বিচারাসনের অন্য সহায়-দিগকেও সভ্য শব্দে নির্দ্দেশ করা যাইত। ইহারাই এক্ষণকার জুরী Jury. (৭)

স্থবিজ্ঞ ব্রাহ্মণের অভাবে ক্ষত্রিয়, তদভাবে বৈশ্য বিচারাসনে বসিতেন। কেহই একাকী বিচার করিতে অমুমত ছিলেন না। ইহারা প্রায়ই বিচারাসনে বসিতেন না। সভার অথ্যে দণ্ডায়মান থাকিয়া অন্যান্য অমাত্য ও সভ্য পরিবেষ্টিত হইয়া ধর্মাধিকরণের কার্য্য করিতেন। সভ্যবর্গের মধ্যে যাঁহারা অর্থী প্রত্যর্থীর

(৬) ব্যবহারান্ দিদৃক্স আন্ধণি: সহ পার্থিব:।
নত্ত্বতি মন্ত্রিভিশ্ব বিনীত: প্রবিশেৎ সভাং। ১—অ ৮
বদা স্বয়ং নকুর্যান্ত্র নুপতি: কার্য্য দর্শনং।
তদা নিযুজ্যাদ্বিদাংসং আন্ধাং কার্য্যদর্শনে॥ ১—ঐ
সোহস্য কার্যাণি সম্পর্ভেৎ সভ্যৈরেব ত্রিভিত্র্বত:।
সভানেব প্রবিশ্রাত্রামাসীনাস্থিত এব বা॥ ১০—ঐ
কুলশীল বয়োবৃত্ত বিভ্রবন্তিরধিষ্টিতং।
বণিগ্ভিংস্যাৎকভিপয়ৈ: কুলবুদ্ধৈরধিষ্টিতং॥
ব্যবহারত্ত্বত্বত কাত্যায়ন বচন।
(১) সভ্যোনাবশ্রবন্ধবাং ধর্মার্থ সহিতং বচ:।
শৃণোতি যদি নো রাজা স্যাত্তসভ্যন্ত্রদান্ণ:॥
ব্যবহারত্ব্বত কাত্যায়ন বচন।

বাক্যের বলাবলামুসারে বিচারাসনে বিচার ও রূপতিকে বিচার মার্গে আনয়ন করিতেন তাঁহাদিগকেই ব্যবহারাজীব (উকীল) শব্দে নির্দেশ করা যাইতে পারে। (৮)

দ্তও মন্ত্রিপদ বাচ্য। তদীয় নিয়োগ গুণানুসারে হইত। সদ্ধশ সম্ভ্ত, সর্ববশান্ত্রের মর্মগ্রাহী, আকার, ইঙ্গিত ও চেষ্টা দ্বারা অন্তের হাদগত ভাব ও কার্য্যের ফল অনুসারে সক্ষম, অন্তঃ শুদ্ধিঃ ও বহিশুদ্ধি সম্পন্ন, ধর্মজ্ঞ, বিনীত, কার্য্যকুশল, নানাভাষা ও কলার অভিজ্ঞ ব্যক্তি দৃত পদে প্রতিষ্ঠিত হইতেন। দূতের অভিপ্রায় অনুসারে পররাজ্যের ভূপতির সঙ্গে সন্ধি বন্ধন, বিজেতব্য রাজাদির প্রতি পরাক্রমের উত্তম ও যুদ্ধ যাত্রা হইত। তাহাতেই আত্মরাজ্যরক্ষা ও শক্রগণের উপদ্রব নাশ হইয়া আসিত।

সেনাপতিও মন্ত্রিমধ্যে গণ্য। দণ্ডনীতি ও সৈশু সামস্ত সমস্ত তাহারই আয়ত্ত। দণ্ডনীতি যাবৎ পৃথিবীমণ্ডলে বিরাজিত থাকিবে তাবৎকাল প্রজাগণ স্বতঃ প্রবৃত্ত হইয়া বিনয়াদি সদ্গুণ শিক্ষায় মনোনিবেশ করিবে। দণ্ডনীতি অসৎ-পুরুষে রাখা বিগর্হিত। তদমুসারে দণ্ডনীতির ভার সেনাপতির হস্তে শুস্ত হয়। (৯)

ভারতবর্ষীয় মুসলমানের। ইহার অন্তকরণ করিয়া দগুরীতি ফৌজদারের হাতে রাখিয়াছিলেন। ব্রিটেনীয় ভারতবর্ষের যে সকল প্রদেশকে "বিধিচ্যুত"—(Non regulation) বলা যায়, তাহাতে এ নিয়মের একটু ছায়া আছে।

ত্রিবেদবিৎ কুলপুরোহিতও নুপতির সভায় অমাত্য মধ্যে গণ্য। বিচার দর্শন স্থলে তাঁহারও মত প্রবল বলিয়া পরিগণিত হইত। তিনি রাজার নিজকর্ত্তব্য বেদবিহিত যাবদীয় গৃহ্য কর্ম্ম সম্পাদনে একান্ত বাধ্য ছিলেন। গৃহ্য সূত্রাহুসারী ধর্ম কার্য্য নিষ্পাদন নিমিত্ত উক্ত কুলপুরোহিতকে রাজা একবার মাত্র বরণ করিতেন। তাহাই তাঁহার পক্ষে চিরস্থায়ী বরণ স্বরূপ ধরা যাইত। (১০)

- (৮) যদাকার্যবশান্তাঞ্চানপশ্চেৎ কার্যনির্ণয়ং।
 তদা নিযুজ্যাছিলাংসং ব্রাহ্মণং বেদপারগং॥
 যদি বিপ্রো নবিদ্বান্ স্যাৎ ক্ষত্রিয়ং তত্ত্ব যোজ্যেৎ।
 বৈশ্রমা ধর্মণাস্তত্তং শূক্তং যত্ত্বেন বর্জ থেৎ॥
 - কাত্যায়ন সংহিতা।
- (৯) দৃতকৈব প্রক্রীত সর্বশাস্ত বিশারদং।
 ইঙ্গিতাকার চেইজঃ শুচিং দক্ষং কুলোদগতং ॥ ৬৩—অ ৭ মফু
 অমাত্যে দণ্ড আয়ন্তো দণ্ডে বৈনয়িকী ক্রিয়া।
 নৃপতৌ কোষ রাষ্ট্রেচ দৃতে সন্ধি বিপর্যয়ে ॥ ৬৫—অ ৭ মফু
 (১০) পুরোহিতঞ্চ ক্রীত বৃণুয়া দেবচর্ত্তিজং।
 তেইসা গৃহাণি কর্মাণি কুর্বিতালিকানি চ॥ শ্লো—৭৮ অ—৭ মফু

এতদ্বাতীত অস্থাম্য কার্য্য বিষয়ে যে ব্যক্তির পারগতা আছে তাঁহাকে তদ্বিযয়ের ভারাক্রাস্ত ব্যক্তিবর্গের তত্বাবধান কার্য্যে নিযুক্ত করিতেন। তত্বাবধারকদিগকেও তত্তৎকার্য্যের অধ্যক্ষ শব্দে নির্দ্দেশ করা যাইত। যিনি চিকিৎসা শাস্থের
পারদর্শী ও পশুতত্ত্বজ্ঞ তিনি ভিষক্বর্গের উপরি অধ্যক্ষতা করিতেন। তাঁহার
পরামর্শ ক্রেমে হস্তী, অশ্ব ও গবাদি পশুর রক্ষণাবেক্ষণ ও সেনার চিকিৎসা হইত।

যিনি খনিজ দ্রব্যের গুণাগুণ নির্ণয়ে সমর্থ ও আকরিক বস্তুর মূল্য নির্দ্ধারণ বিষয়ে পটু তদীয় পরামর্শ অমুসারে আকরিক কার্য্যের অমুষ্ঠান হইত। আকরিক কার্য্যে প্রেয়্যবর্গের প্রতি তাঁহারই সর্ব্বতামুখী প্রভূতা থাকিত। (১১) অন্তঃপুর রক্ষার ভারও মন্ত্রীর প্রতি অর্পিত হইত।

ইত্যাদি প্রকারে আধুনিক সভ্যতাভিমানী জাতিদিগের স্থায় প্রত্যেক বিষয়ে পৃথক্ পৃথক্ অধ্যক্ষ বিনিয়োগ পুরঃসর রাজা ধর্ম কার্য্যে মনোনিবেশ করিতেন। প্রজাপালনই রাজার প্রধান ধর্ম, তদমুসারে তিনি নিশার শেষ প্রহরে শয্যা পরিত্যাগ করিতেন। শৌচ ক্রিয়া সমাধান পূর্বক পরিশুদ্ধবেশে পরিশুদ্ধ স্থলে উপবিষ্ট হইয়া পর বেন্দের উপাসনা দ্বারা চিত্ত স্থৈয়্য সম্পাদন করিতেন। উক্ত কার্য্য করিতে করিতেই স্থোদিয় হইত। দিনমণির আগমনের প্রথমক্ষণেই আহ্নিকাদি সন্ধ্যা বন্দন ও গৃহ্যোক্ত যাবদীয় দৈনিক ধর্ম কার্য্যের পরিসমাপ্তি পূর্বক ত্রিবেদজ্ঞ বৃদ্ধ ব্রাহ্মণগণের আশ্রয় ও উপদেশ গ্রহণ জন্ম রাজ্ব-প্রাসাদ হইতে নির্গত হইতেন।

তাঁহাদিগের সকাশে ঋক্, যজুঃ ও সাম এই বেদ ত্রয়ের শিক্ষণীয় বিষয়ে উপ-দেশ গ্রহণ হইত। (১২)

অধ্যক্ষান্ বিবিধান্ ক্র্যান্তত্র তত্র বিপশ্চিতঃ।
তেহস্য সর্বাণ্যবেক্ষরদৃণাংকার্যাণি ক্র্তাং॥ শ্লো ৮১—অ—৭—মফ্ —
(১১) মণি মৃক্তা প্রবালানাং লোহানাং তান্তবস্যচ।
গন্ধানাঞ্চ রসানাঞ্চ বিভাদর্যলাবলং॥ ৩২৯—অ ৯ মফ্
অন্তানপি প্রক্রীত শুচীন্ প্রজ্ঞান্ বস্থিতান্।
সম্যপর্থ সমাহর্ত্নমাত্যান্ স্পরীক্ষিতান্॥ ৬
তেষামর্থে নিযুঞ্জীত শ্রান্ দক্ষান্ ক্লোদ্গতান্।
শুচীনাকরকর্মান্তে ভীক্ষনস্তর্নিবেশনে॥ ৬২—মফ্ — অ ৭—
(১২) ব্রাহ্মণান্ পর্যুগাসীত প্রাতক্ষ্পায় পার্থিবঃ।
তৈরবিভাহুদ্ধান্ বিত্রস্তিতেষাঞ্চশাসনে॥ ৩৭
তৈরবিভাহুদ্মান্ বিত্রস্তিতেষাঞ্চশাসনে॥ ৩৭
তৈরবিভাহুদ্মান্ বিত্রস্তিতেষাঞ্চশাসনে॥ ৩৭
তিরবিভাহুদ্মান্ বিত্রস্তিতেষাঞ্চশাসনে॥ ৩৭
তিরবিভাহুদ্মান্ বিত্রস্তিতেষাক্ষ্পাম্বতীং।
আরীক্ষিকীঞ্চাত্মবিভাং বার্ত্রারম্ভাংশ্চলোকতঃ॥ ৪৩

তৎপরে দণ্ডনীতি ঘটিত কার্য্য কলাপের জটিলবিষয়ের সন্দেহ নিরাস নিমিত্ত বার্ত্তাশাস্ত্রতত্ত্বজ্ঞ মহাজনদিগের সমীপে উপস্থিত হইতেন। তথায় ক্ষণকাল বিশ্রামানস্তর আছুক্ষিকী বিভার অভ্যাসার্থ তদ্বিষয়ের যথার্থ মর্শ্বজ্ঞ ব্যক্তির সঙ্গগ্রহণ করিতেন। তদীয় সাহায্যে তর্ক বিভা, আত্মতত্ববিজ্ঞান ও ব্রহ্মতত্ত্ব নিরূপণ হইত। তদবসরে লোকবিত্ত পর্য্যালোচনায় ব্যাসক্ত হইয়া লোকাচারদর্শী বিপশ্চিতের সহিত সাক্ষাত করিতেন। তদনস্তর কৃষি, বাণিজ্ঞা, পশু পালনাদি সাধারণ বিষয়ের তত্ত্বজ্ঞিজ্ঞাত্ম হইয়া তত্ত্বৎ বিষয়ে কৃষক, বণিক্ ও পশু রক্ষকের মত পরিজ্ঞাত হইয়া বিনীত বেশে সভারোহণ করিতেন।

রাজসভায় ও বিচারগৃহে যেরূপে কার্য্য নির্ণয় হইত উহা পর্য্যালোচনা করিলে জানা যায় যে, রাজা স্বয়ং অথবা তদীয় প্রতিনিধি প্রাড্রিবাক ধর্মাসনে বিনীতভাবে সভ্যগণের সঙ্গে সঙ্গে একত্র উপবেশন পূর্বক, অগ্রে বাদীর প্রার্থনা শ্রবণ করিতেন। অভিযোগ উত্থাপনের প্রাকৃকালে বাদীকে সভ্য প্রাবণ করান হইত। মিথ্যাবাদ উত্থাপনে দণ্ড থাকা হেতু প্রায় কেহই মিথ্যাভিযোগ করিত না। বাদীর বাদ লিখন পূর্ব্বক প্রতিবাদীকে জিজ্ঞাস্য বিষয়ে অগ্রে সত্য শ্রাবণ করিয়া বাদীর সম্মুখে সমস্ত অভিযোগের কারণ গুলি তাহার স্থানয়ঙ্গম করিয়া দিতেন। ইহাতে যদি তথনির্ণয় হইত তবে সাক্ষী গ্রহণ হইত না। অভিযোক্তা অথবা প্রতিপক্ষ ব্যক্তির মধ্যে যদি কোন সন্দেহের কারণ ঘটিত তবে সাক্ষ গ্রহণ হইত। সাক্ষীকেও সত্য প্রাবণ হইত। সাক্ষীর বিষয় পৃথক স্থলে লিখিত হইবে; এখানে প্রক্রান্ত বিষয়ের পর্য্যালোচনা করা উচিত। বাদীর সাক্ষী কোন বিষয় অপলাপ করিলে প্রতিবাদীর পক্ষে সাক্ষী গ্রহণ করা রীতি ছিল। উভয় পক্ষের সাক্ষীতে যদি সন্দেহের কোন কারণ থাকিত তবে সাক্ষিগণকে অগ্রে দণ্ড বিধান পূর্বক অর্থী প্রত্যর্থীর বাক্যের বলাবল বিবেচনা অনুসারে শাস্ত্র ও যুক্তি এবং উভয় পক্ষের সত্যাসত্য নির্দারণ পুরঃসর প্রামাণিক রূপে জয় পরাজয় নিরূপিত হইত। যিনি বিচার করিতেন তাঁহাকে প্রাড্বিবাক্ কহা যাইত। নিতান্ত পক্ষে, এক বিষয়ে এই কার্য্যবিধির আইন আধুনিক কার্য্যবিধির আইনের অপেক্ষা ভাল। অগ্রে মিথ্যাবাদী সাক্ষির দণ্ড বিধান হইত। (১৩)

উথায় পশ্চিমে যামে ক্বালোচ: সমাহিত:।

হতাগ্নিবান্ধনাংশ্চর্চ্চ প্রবিশেংস শুভাং সভাং॥ ১৪৫ মহ্যূ—৭ অ
(১৩) ব্যবহারতব্ধৃত বচন। বৃহস্পতি:।

রাজা কার্য্যাণি সংপশ্যেৎ প্রাড্বিবাকোহথবা দ্বিজঃ।

প্রাড্বিবাকলক্ষণ মাহ।
বিবাদে পুছতি প্রশ্নং প্রতিপন্নং তথৈবচ।

যে ব্যক্তি জ্বয়ী হইত সে ব্যক্তি জ্বয়পত্র পাইত। জ্বয়পত্রে বিচার ঘটিত সমস্ত বিষয়ই লিপিবদ্ধ হইত, কোন বিষয় পরিত্যক্ত হইত না।

ইহাতে অভিযোগের কথা, তাহার কারণ, বাদী প্রতিবাদীর নামাদি, উহাদিগের বাদ প্রতিবাদ, সাক্ষীর ও প্রতিসাক্ষীর নামগোত্রাদি, এবং তদীয় বচন প্রতি
বচন, রাজা অথবা প্রাড বিবাকের প্রশ্ন ও বিচার, সভ্যগণের পরিপৃচ্ছা ও পরামর্শ,
অর্থী প্রত্যর্থীর মধ্যে কোন পক্ষে জয়, কি হেতু অক্সপক্ষে পরাজয়, কতিপয়
মন্ত্রিসমবেত সভায় ও কাহার বারা তত্তনির্ণয় পূর্বক বিচার কার্য্য সমাধা হইল,কোন
সময়ে অভিযোগের কারণ ঘটে, কোন সময়ে অভিযোগ উপস্থিত হয় এবং কোন
সময়ে বিচার নিষ্পত্তি হইল ইত্যাদি তাবিষয়য় ঐ জয়পত্রে লিখিয়া দেওয়া
বিচারাসনের অবশ্য কর্ত্ব্য কর্ম মধ্যে পরিগণিত ছিল। (১৪) তবে, ইংরেজের,
বিচারপ্রণালী সম্বন্ধে এত বড়াই কিসের জয়, তাহা ব্ঝিতে পারি না। প্রাচীন
ফয়শালা, আধুনিক ফয়শালা অপেক্ষা সর্বাংশে উৎকৃষ্ট।

প্রিয় পূর্বং প্রাগ্বদতি প্রাড্বিবাকস্তত:স্বত:॥ তথা কাত্যায়ন:। ব্যবহারাশ্রিতং প্রশ্নং পৃচ্ছতি প্রাড়িতি স্থিতি:। বিবেচয়তি যন্তশ্মিন প্রাড্বিবাক্সতঃশ্বতঃ। সপ্রাড্বিবাক: সামাত্য: স ব্রাহ্মণ পুরোহিত:। স্বয়ং স রাজা চিত্রয়াত্তেষাং জয় পরাজয়ে।। কুলশীলবয়োবৃত্ত বিত্তবস্তিরধিষ্টিতং! বণিগ ভি:স্যাৎ কতিপয়ৈ: কুলবুদ্ধৈরধিষ্টিতং। (১৪) নির্ণয় ফলমাহ বুহস্পতি:। প্রতিজ্ঞা ভাবয়েঘাদী প্রাডি,বাকাদি পূজনাৎ। জয়পত্রস্যচাদানাৎ জয়ীলোকে নিগন্ততে । জয়পত্রস্য লিখনপ্রকারমাহ সএব। ষদ্তং ব্যবহারেষু পূর্ব্বপক্ষোত্তরাদিকং। ক্রিয়াবধারণোপেতং জয়পত্রোহখিলং লিখেং। পূর্বেণাক্ত ক্রিয়াযুক্তং নির্ণয়ান্তং यদানুপ:। প্রদাসাজ্জয়িনে পত্রং জয়পত্রং তত্নচাতে ॥ তথা কাতাায়ন:। অর্থি প্রত্যর্থি বাক্যানি প্রতিসাক্ষি বচন্তথা। নির্ণয়স্য তথাতস্য যথাচার ধৃতং স্বয়ং ॥ এত হথাক্ষরং লেখ্যং যথা পূর্ব্বম্ নিবেশয়েৎ। সভাসদশ্চ যে তত্র ধর্মশান্ত্রবিদন্তথা ॥



সংস্কৃত চিত্রশালিকার তুইখানি মহামূল্য চিত্র প্রীহর্ষ নামান্ধিত, রত্নাবলী ও নৈষধ। রত্নাবলী অবলা, সরলা, কোমলাঙ্গী অঙ্গনা; অলঙ্কার বাহুল্য বিনাও দেখিতে স্থন্দরী। নৈষধ তেজস্বী, চিন্তাশীল, দৃঢ়কায় বীরপুরুষ; দেবোপম স্বাভাবিক সৌন্দর্য্য সন্তেও বিবিধ অলোকিক সঙ্জায় সভিদ্ধত। দেখিলে কোন ক্রেমেই তুইটী এক হস্তের চিত্রিত বলিয়া বোধ হয় না। লোকেরও বিশ্বাস এই প্রকার যে তুখানি হজন চিত্রকরের রচিত। তাঁহারা কে, এবং কোন্ সময়ে কোথায় প্রাত্ত্ ত হইয়াছিলেন, এই সকল কথা লইয়া তত্ত্বজিজ্ঞাস্থ সমাজে অনেক বাদামুবাদ হইয়া গিয়াছে।

পণ্ডিতবর শ্রীযুক্ত বাবু রামদাস সেন একবার বঙ্গদর্শনে এতৎ প্রস্তাবের অবতারণা করিয়াছিলেন। তাঁহার মতে, কাশ্মীরাধিপতি শ্রীহর্ষ রত্নাবলীর রচয়িতা; এবং আদিশুর কান্তকুজ হইতে বঙ্গদেশে যে পঞ্চরাহ্মণ আনমন করেন, তন্মধ্যে থিনি চট্টোপাধ্যায়দিগের পূর্ব্বপুরুষ তিনিই নৈষধকার। আমার ক্ষুদ্র বৃদ্ধিতে যতদূর আইসে, তাহাতে বোধ হয় যে এই ছুইটা সিদ্ধান্তেই ভ্রম আছে, এবং কোনটির পক্ষেই কোন প্রবল যুক্তি প্রদর্শিত হয় নাই। এজন্ত যাহা কিছু আমার বক্তব্য আছে, সত্যান্থরোধে বলিতে প্রবৃত্ত হইলাম। হয় ত আমারও ভুল হইবে; কিন্তু বারম্বার কোন বিষয়ের আলোচনা করিলে, সত্যের পথ যে পরিষ্কার হয়, তাহার সন্দেহ নাই।

এতদেশীয় ঐতিহাসিকতত্ব নির্ণয় করিতে গিয়া যে আমাদিগের পদস্থলন হইবে, বিচিত্র নহে। ভারতবর্ষের পুরাবৃত্ত নিবিড় তিমিরাচ্ছয়। অন্ধকারে অনুমানরূপ লোট্র নিক্ষেপ পূর্বেক পদার্থ পরিচয় করিয়া আমাদিগকে অগ্রসর হইতে হয়। ইতিহাস ও জীবনচরিত পাওয়া যায় না বলিলেই চলে। বোধ হয় যেন আমাদিগের পূর্ববপুরুষেরা এড দ্বিয়য়ক গ্রন্থ লিখিতে ভাল বাসিতেন না। হয়ত প্রকৃতি পুস্তক পাঠে এবং ঐশ্বরিক চিন্তায় তাঁহারা এমন নিমগ্রচিত্ত ছিলেন, যে নশ্বর মানবজীবনের

বৃত্তান্ত বর্ণনা করিতে তাঁহাদিগের প্রায়ই প্রবৃত্তি ইইত না। যেখানে বৌদ্ধদেবের প্রভাবে হিন্দুখর্দেরর বন্ধন শিথিল হইয়া মন্থয়ের গৌরব বর্দ্ধিত হইয়াছিল, সেই পর্বত পরিবৃত কাশ্মীর ও সাগর বেষ্টিত সিংহলের ইতিহাস আছে; তৎসাহায্যে, এবং প্রাচান মূজা, অনুশাসন পত্র, ক্লোদিত প্রস্তর, বা সাহিত্য দর্শনাদি গ্রন্থান্তর্গত উল্লেখ দেখিয়া আমাদিগকে তত্ত্ব নিরূপণ করিতে হয়।

কাশ্মীরাধিপতি শ্রীহর্ষ রত্নাবলীর রচয়িতা, এই মত অধ্যাপকশ্রেষ্ঠ উইলসন্ সাহেব উদ্ভাবন করেন। রাজতরঙ্গিণীতে হর্ষনামক নুপতির বৃত্তাস্ত আছে; কিন্তু তিনি যে রত্নাবলীকার, একথার বিন্দুবিসর্গও নাই। কেবল এই মাত্র লিখিত আছে, যে "তিনি অশেষ দেশভাষাজ্ঞ, সর্ব্বভাষায় সৎকবি, সর্ব্ব বিচ্চানিধি বলিয়া। দেশাস্তরেও খ্যাতি প্রাপ্ত হইয়াছিলেন।"

> "সোহশেষ দেশভাষাজ্ঞঃ সর্বভাষাস্থ সৎকবিঃ। কুৎন্দ্র বিন্যানিধিঃ প্রাপ খ্যাতিং দেশাস্তরেদ্বপি॥"

> > ৬১১ শ্লোক। ৭ম তরক। রাজতর কিণী।

কেবল এই শ্লোকের উপর নির্ভর করিয়া কাশ্মীরাধিপতি হর্ষদেবকে রক্লাবলী রচয়িতা বলা কতদূর সঙ্গতঁ, পাঠকবর্গ বিবেচনা করিবেন। কিন্তু তিনি যে রক্লাবলীকার নহেন, ইহার অপর প্রমাণ দেওয়া যাইতেছে।

ইহা সর্ব্বাদিসম্মত যে "সরস্বতী কণ্ঠাভরণ" নামক গ্রন্থ মালবাধিরাজ ভোজ-দেবের কৃত। উক্ত গ্রন্থে রত্নাবলী উদ্ধৃত হইয়াছে। কিন্তু রাজতরঙ্গিণী দৃষ্টে বোধ হয় যে ভোজরাজ হর্ষদেবের পিতামহ অনস্তদেবের সময়ে বর্ত্তমান ছিলেন। সপ্তম তরঙ্গের ১৯০ শ্লোকে অনস্তদেবের ইতিকৃত্ত বর্ণনাবসরে লিখিত হইয়াছে, যে—

> "মালবাধিপতির্ভোক্ত: প্রহিটত: রত্মশৃষ্টয়:। অকারয়ৎ যেন কুগু যোজনং কটকেশবে॥"

যে গ্রন্থ পিতামহের সমকালীন লোকে উদ্ধৃত করিয়াছে, সে গ্রন্থ পৌত্রের লিখিত হওয়া অতীব অসম্ভব ।#

আবার দেখা যাইতেছে যে ধনিকাপর নামা ধনঞ্জয় দশরূপ নিবন্ধে রত্নাবলী হইতে অনেক রত্ন উদ্ধৃত করিয়াছেন। ধনঞ্জয় মুঞ্জরাজ্ঞের সভাসদ্ ছিলেন।

> "বিফো: স্থতেনাপি ধনশ্বয়েন বিষন্মনোরাগ নিবদ্ধ হেতু:। আবিদ্ধতং ম্ঞমহীশ গোগী বৈদগ্ধাভাকা দশরপমেতং॥"

^{*} See the preface to Kavya Prakasa by Pandit Mahes Chandra Nyayaratna.

মুঞ্জ ভোজদেবের পূর্ব্বে মালবাধিপতি ছিলেন। উচ্জয়িনীর জ্যোতির্বেত্বগণের গণনামুসারে ভোজদেব খ্রীষ্টীয় ১০৪২ অব্দে প্রাত্ত্ ত হইয়াছিলেন।
কথানি অমুশাসন-পত্রের লিখনামুসারে নির্ণীত হয় যে ভোজরাজ্বের পৌত্র এবং
উদয়াদিত্যের পুত্র লক্ষ্মীধর ১১০৪ খ্রীষ্টাব্দে রাজত্ব করিতেছিলেন।
ক্ষ প্রত্রাং
ভোজের প্রাত্তাব কাল সম্বন্ধে কোন সন্দেহ থাকিতে পারে না। অতএব বোধ
হয় এ কথা নির্বিবাদে বলা যায় যে ১০৪২ খ্রীষ্টাব্দের পূর্বেব রত্নাবলী রচিত
হইয়াছিল।

রামদাস বাবু লিখিয়াছেন, "মহামহোপাধ্যায় উইলসন্ সাহেব কহেন, জ্রীহর্ষদেব ১১১৩ হইতে ১১২৫ খ্রীষ্টাব্দের মধ্যে কাশ্মীর রাজ্যশাসন করেন।" হর্ষদেব যদি ভোজরাজের পৌজ্রদিগের সমকালীন লোক হন, তাঁহার রাজহুকাল ঐরপ সময়ে হইবারই সম্ভাবনা, এবং তিনি কোন ক্রমেই রত্নাবলী রচয়িতা হইতে পারেন না।

এক্ষণে দেখা যাউক অন্ত কোন শ্রীহর্ষের প্রতি রত্নাবলী আরোপ করা যায় কি না। "রত্নাবলী" ও "নাগানন্দ" এই ছইখানি সংস্কৃত্ নাটক রাজা শ্রীহর্ষদেবের রচিত বলিয়া উভয় গ্রন্থের প্রস্তাবনায় উল্লিখিত হইয়াছে। নান্দাস্তে স্ত্রধরের উক্তি উভয় গ্রন্থের প্রায় একই প্রকার। নান্দীতে দেখা যায় যে রত্নাবলীতে হরপার্বতীকে এবং নাগানন্দে বৌদ্ধদেবকে নমস্কার করা হইয়াছে। ইহাতে জানা যাইতেছে যে, যে রাজার নামে গ্রন্থদ্বয় পরিচিত, তিনি এক সময়ে হিন্দু ও অপর সময়ে বৌদ্ধ মতাবলম্বী ছিলেন। কান্তকুজাধিপতি শ্রীহর্ষদেব বা হর্ষবর্দ্ধন, যিনি একটী অরু সংস্থাপন করেন, তাঁহার সম্বন্ধে এরূপ কথা একপ্রকার বলা যাইতে পারে। যখন কাদম্বরীকার বাণভট্ট "হর্ষচরিত" নামে তদীয় জীবন চরিত রচনা করেন, তখন বোধ হয় তিনি হিন্দু ছিলেন; নতুবা হিন্দু গ্রন্থকার তাঁহাকে বাড়াইতে যাইবে কেন १৫ন্দ যখন চীনদেশীয় পর্যাটক্ হুয়েন্থ সাঙ্ এতদ্দেশ ভ্রমণে আগমন করিয়া তাঁহাকে সমুদয় আর্য্যাবর্ত্তের সম্রাট্ট পদে প্রতিষ্ঠিত দেখেন, তখন তিনি

- * See Colebrooke's Miscellaneous Essays, Vol. II. p. 462-3.
- † Ibid p. 303.

[্]শশ হর্ষচরিত পাঠে অবগত হওয়া যায় যে হর্ষদেব যে রাজবংশে জন্মগ্রহণ করেন, সেই বংশের আদিপুরুষ পুষ্পভৃতি শৈব ছিলেন। শ্রীহর্ষের পিতা প্রতাপ শীল বা প্রভাকর বর্জন সৌর মতাবলম্বী ছিলেন। শ্রীহর্ষ ও তদীয় জ্যেষ্ঠন্রাতা রাজ্যবর্জন ভণ্ডী নামক এক ব্যক্তির নিকটে শিক্ষিত হয়েন। রাজ্যশ্রী নায়ী ভগিনীর উদ্দেশে বিদ্ধা প্রদেশে প্রবেশ করিয়া হর্ষদেব দিবাকর মিত্র নামক এক জন বৌদ্ধমতাবলম্বী সন্মাদীর সাক্ষাংকার লাভ করেন। দিবাকর মিত্র প্রথমে হিন্দু ছিলেন।

বৌদ্ধ ধর্মাবলম্বী।

আমাদিগের অন্থমান যদি সমূলক হয়, তাহা হইলে অনায়াসেই বুঝা যায় যে কেন, "হর্ষচরিতের" পঞ্চমাধ্যায়ের অন্তর্গত একটি শ্লোকের সহিত রত্মাবলীর স্ত্রধর ম্থবিনির্গত একটা শ্লোকের কথায় কথায় মিল আছে।

মধুস্দন "ভাববোধিনী" নামী ময়ৢয়াষ্টকের টীকায় লিথিয়াছেন যে বাণভট্ট যে শ্রীহর্ষের সভাপণ্ডিত ছিলেন, সেই শ্রীহর্ষই রত্মাবলীর রচয়িতা। মধুস্দনের গ্রন্থ সংবৎ ১৭১১ অর্থাৎ ১৬৫৪ খ্রীষ্টাব্দে, লিখিত। স্কৃতরাং আমরা যে মতের সমর্থন চেষ্টা পাইতেছি, তাহা অন্ততঃ তুই শত বৎসরের পূর্ব্বে এতদ্দেশের পণ্ডিত সমাজে গ্রাহ্থ ছিল, এরূপ বোধ হয়।

শ্রীহর্ষ একজন দিগ্বিজয়ী রাজা। তিনি নাটকাদি লিখিবেন, ইহা সম্ভবপর নহে। কিন্তু রাজ্য বিস্তার দ্বারা তিনি যদ্রপ যশোলাভ করিয়াছিলেন, তদ্রপ স্বনামে গ্রন্থ প্রচার দ্বারা যশস্বী হইতে চেষ্টা পাইবেন, এবং তঙ্জ্বস্ত লেখকদিগকে প্রচুর অর্থ দ্বারা সম্ভষ্ট করিবেন, ইহা বিচিত্র নহে। কাব্য প্রকাশকার লিখিয়াছেন,

"শ্রীহর্ষাদেধাবকাদীনামিব ধনম্।"

শ্রীহর্ষাদির নিকট হইতে ধাবক প্রভৃতির ধন প্রাপ্তি হইয়াছিল।

প্রকাশাদর্শে মহেশ্বর বলেন, "গ্রীহর্ষো রাজা। ধাবকেন রত্নাবলীং নাটিকাং তয়ামা রুত্বা বছ ধনং লবং।"

কাব্যপ্রকাশের টীকায় বৈছনাথ লিখিয়াছেন, "শ্রীহর্ষাখ্যস্থ রাজ্ঞোনাম। রত্নাবলীনাটিকাং কৃষা ধাবকাখ্য কবির্হুখনং লভেদিতি প্রসিদ্ধং।"

অস্তান্ত সংস্কৃত লেখকও এইরূপ কথা কহিয়াছেন। ঈদৃশ চিরাগত প্রবাদ মিথ্যা বলিয়া বোধ হয় না।

কালিদাসের রচিত বলিয়া প্রচলিত "মালবিকাগ্নিমিত্র" নামক নাটকের প্রস্তাবনায় লিখিত আছে, "প্রথিত যশসাং ধাবক সৌমিল্ল কবি পুজ্রাদীনাং প্রবন্ধানতিক্রম্য বর্ত্তমান কবেঃ কালিদাসস্থ ক্তেটা কিং কৃতো বহুমানঃ।"

প্রথিতযশা ধাবক সৌমিল্ল কবিপুজাদির প্রবন্ধ অতিক্রম করিয়া বর্ত্তমান কবি কালিদাসের কৃত গ্রন্থের কেন বহুমান করিতেছ।

ইহা হইতে জ্ঞানা যাইতেছে যে ধাবক একজ্ঞন প্রসিদ্ধ নাটক লেখক। কিন্তু তাঁহার কৃত কোন নাটক পাওয়া যায় না; কেবল এইমাত্র প্রবাদ আছে যে তিনি রত্মাবলীরচক। বোধ হয় মালবিকাগ্নিমিত্রকার এই প্রবাদের প্রতি লক্ষ্য করিয়াই

[া] থ্রী: ৬৩৮ অস।

শ্লোকটা এই—দ্বীপাদক্তস্মাদপি মধ্যাদপি জলনিধের্দিশোহপ্যস্তাৎ।
 আনীয় ঝটিতি ঘটয়তি বিধিরভিমতমভিম্থীভৃত: ॥
 হয়ত সভাপণ্ডিত বাণভাই রত্বাবলীয় এই শ্লোকটা রচনা করিয়া দিয়াছিলেন।

উপরি উদ্বৃত শ্লোক লিখিয়াছিলেন। কিন্তু কেহ কেহ আপত্তি করিতে পারেন যে ধাবক যখন কালিদাসের পূর্ববর্তী কবি, তখন তিনি কি প্রকারে কাম্মকুজাধিপতি শ্রীহর্ষের সমকালীন হইবেন? কালিদাস হয়ত খ্রীষ্ট জন্মিবার পূর্বেষ্ব বর্ত্তমান ছিলেন, নতুবা তিনি মাতৃগুপ্ত হইলেও খ্রীষ্টীয় ষষ্ঠ শতাব্দীর লোক; কিন্তু চীনপর্য্যটক বর্ণিত শ্রীহর্ষ খ্রীষ্টীয় সপ্তম শতাব্দীর রাজা। ইহার উত্তর নিমে দেওয়া যাইতেছে।

"ভোজ প্রবন্ধ" পাঠে জানা যায় যে ভোজরাজের সভায় একজন কবি কালিদাস ছিলেন। আমার বিবেচনায় তিনিই "মালবিকাগ্রিমিত্র" লেখক। রচনা প্রণালী ও কবিষের বিচার করিয়া দেখিলে এমন বোধ হয় না যে, যে রসময়ী লেখনী হইতে শকুন্তলা, বিক্রমোর্বনী, মেঘদ্ত, রঘুবংশ ও কুমারসম্ভব বিনির্গত হইয়াছে, সেই লেখনীই আবার মালবিকাগ্রিমিত্রের প্রস্তি। ভাষা ও কল্পনা সম্বন্ধে যেমন, তেমনই আম্ভরিক মহত্ব সম্বন্ধেও মালবিকাগ্রিমিত্রকার রঘুবংশকার অপেক্ষা অনেক নিকৃষ্ট। মালবিকাগ্রিমিত্রকার অহঙ্কারের অবতার, রঘুবংশকার মূর্ত্তিমান্ বিনয়। যে কালিদাস মহাকাব্য শিরোভ্ষণ রঘুবংশ লিখিতে গিয়া প্রাচীন কবিগণের গুণে মোহিত হইয়া লিখিয়াছেন,

"ক স্থ্যপ্রভবো বংশং কচাল্প বিষয়া মতিং। তিতীষ্ত্তিরং মোহাত্ত্পেনান্দি সাগরং। মন্দং কবিষশং প্রার্থী গমিয়্যাম্পহাস্থতাং। প্রাংশুলভো ফলে লোভাত্বাছরিববামনং॥ অথবা কৃত বাগ্বারে বংশেহন্দিন্ পূর্ব স্বিভি:। মণৌ বজ্রসমুংকীর্ণে স্তুম্পেবান্তি মে গভি:॥"*

সেই কালিদাস কি ধাবক সৌমিল্ল প্রভৃতি প্রাচীন কবিদিগের প্রবন্ধের উল্লেখ করিয়া মালবিকাগ্নিমিত্রের স্থায় সামাস্থ গ্রন্থ লিখিতে গিয়া বলিতে পারেন,

"পুরাণ মিত্যেব ন সাধু সর্বং, ন চাপি কাবাং নবমিত্যবভম্। সন্তঃ পরীক্যান্যতরম্ভবস্তে, মৃঢ়াপরপ্রত্যয়নেয়বৃদ্ধিঃ॥" ক

^{*} কোথায় বা স্থ্য প্রভব বংশ, ও অল্প বিষয়মতি আমিই বা কোথায়। আমি মোহ বশত: ভেলায় চড়িয়া ত্ত্তর সাগর পার হইতে যাইতেছি। উন্নতকায় ব্যক্তি স্বলভ ফল বাসনায় বামনের ন্যায় মৃঢ়তাবশত: কবিষশ: প্রার্থী হইয়া আমি উপহাসাম্পদ হইব। অথবা বজ্ঞকত ছিত্রপথে মণিমধ্যে যেমন স্ত্র প্রবেশ করে, তক্রপ পূর্বে পণ্ডিতগণ কৃত বাক্যদার দিয়া আমি এই বংশে প্রবেশ করিব।

শ পুরাতন সকলই ভাল নয়, নৃতন কাব্য সকলই নিন্দনীয় নয়; সাধুগণ পরীক্ষা করিয়াই ত্ইটীর মধ্যে একটীর প্রতি ভক্তি দেখান; মৃচ্চেরাই পরের বৃদ্ধি দারা নীত হয়।

যদি মালবিকাগ্নিমিত্রকার কালিদাস ভোজরাজের সভাসদ্ হন, তাহা হইলে তিনি যে রত্নবলীকার ধাবককে প্রাচীন কবি বলিয়া উল্লেখ করিবেন, ইহা বিচিত্র নহে। আমরা পূর্ব্বেই বলিয়াছি যে ভোজরাজ স্বয়ং "সরস্বতী কণ্ঠাভরণে" রত্নাবলী উদ্ধৃত করিয়াছেন, এবং তিনি প্রীপ্তীয় একাদশ শতাব্দীতে প্রান্তভূ ত হন। হর্ষদেব প্রীপ্তীয় সপ্তম শতাব্দীর লোক। চীনদেশীয় পর্য্যুটক হুয়েম্বসাঙ্ ও প্রাচীন মূজা প্রভৃতি হইতে অবগত হওয়া যায় যে খ্রীপ্তীয় ৬০৮ হইতে ৬৪৮ অব্দ পর্যান্ত তিনি কাত্যকুজের অধিপতি ছিলেন। ধাবক শ্রীহর্ষের সময়ে, স্বতরাং মালবিকাগ্নিমিত্র-কারের চারিশত বৎসর পূর্বের্ব, বিভ্রমান ছিলেন।

রত্নাবলীকার শ্রীহর্ষের বিষয়ে যাহা যাহা আমার বক্তব্য ছিল, একপ্রকার বলা হইল। এক্ষণে নৈষধকার শ্রীহর্ষ সম্বন্ধে কিঞ্চিৎ লেখা যাইতেছে।

নৈষধচরিতে প্রীহর্ষ আপনার পরিচয় দিয়াছেন। ইহাতে জানা যায়, তাঁহার পিতার নাম খ্রীহীর, মাতার নাম মামল্ল দেবী; তিনি কাম্মকুজেশ্বরের নিকট হইতে তামুলদ্বয় ও আসন প্রাপ্ত হইয়াছিলেন; এবং তিনি "গোড়োবর্বীশকুল প্রশস্তি" অর্থাৎ গৌড়ীয় রাজবংশ্বের বৃত্তান্ত লিখিয়াছিলেন। প এতদ্বাতিরিক্ত তিনি "অর্থব-বর্ণনকাব্য," "খণ্ডনখণ্ডখান্ত," "নবসাহসাঙ্ক চরিত" প্রভৃতি অন্তান্ত গ্রন্থও লিখিয়াছিলেন। য় স্বতরাং এরূপ অন্থুমান করা অন্তায় নহে যেতিনি কাম্মকুজ নগরে প্রতিষ্ঠা লাভ করিয়া গৌড় দেশে আসিয়াছিলেন ও মহাতীর্থ গঙ্গাসাগর দর্শন করিয়াছিলেন; নতুবা কাম্মকুজ বসিয়া গৌড়ীয় রাজবংশের বৃত্তান্ত বা সমুদ্র বর্ণনা লিখিতে তাঁহার প্রবৃত্তি হইবে কেন? আদিশূর কাম্মকুজ হইতে বঙ্গদেশে যে পঞ্জন ব্যাহ্মণ আনয়ন করেন, তন্মধ্যে একজনের নাম খ্রীহর্ষ ছিল। কুলাচার্য্যেয়া বলেন,

ভট্টনারায়নোদক্ষোবেদগর্ভোহথ ছান্দড়:।
অথ শ্রীহর্ষ নামাচ কান্তকুজ্ঞাৎ সমাগতা:॥
শাণ্ডিল্য গোত্রজ শ্রেষ্ঠো ভট্টনারায়ণ: কবি:।
দক্ষোহথ কাশুপ শ্রেষ্ঠে। বাৎস্য শ্রেষ্ঠাহথ ছান্দড়:॥

- * "তামুলদম্মাসনঞ্লভতে যঃ কান্তকুজেশ্রাং। ২২শ সর্গ।
- 🕈 শ্রীহর্ষং কবিরাজ রাজি মুক্টাল্কার হীর: স্বতং
- শ্রীহীর: স্ব্বেজিতে দ্রিয় চয়ং মামল্লদেবী চ যং।
- গৌডোব্বীশকুল প্রশস্তি ভণিতি ভাতর্যায়ং তন্মহা
- কাব্যে চাঞ্চণিনৈষ্ধীয় চরিতে সর্গোহগমৎ সপ্তমঃ॥
- 💠 সংদৃদ্ধার্থবর্থনিস্য নবমগুস্য ব্যরং শীন্মহা
- কাব্যে চারু ণিনৈষধীয় চরিতে সর্গোনিসর্গোচ্ছল:। ১ম।

ভत्रवास क्नात्यक्षः खिरुत्वा रुववर्षनः । विषयुक्तिक मावर्ता विषादम हेनि चुन्नः ॥

বিভাসাগরোদ্ভ কুলাচার্য্য বচন । বছবিবাহ বিষয়ক প্রথম পুস্তক। ১৬ পৃষ্ঠা।

স্থতরাং শ্রীহর্ষ কাশ্যপ গোত্রজ চট্টোপাধ্যায় কুলের পূর্ব্ব পুরুষ নহেন, ভরদ্বাজ্ব গোত্রীয় মুখোপাধ্যায় দিগের পূর্ব্ব পুরুষ। ক যে পঞ্চজন ব্রাহ্মণকে আদিশূর এদেশে আনিয়াছিলেন, তাঁহারা সকলেই স্থপগুত ; এবং তন্মধ্যে ভট্টনারায়ণ বেণীসংহার নামক বীররসপ্রধান নাটকের রচয়িতা। হর্ষবর্জন শ্রীহর্ষও যে নৈষধকার হইবেন, আশ্চর্য্য নহে। তিনি একজন প্রধান পণ্ডিত বলিয়া কাশ্যকুজে খ্যাতি লাভ করিয়াছিলেন! তিনি তদনন্তর গোড়ে অবস্থিতি করিয়াছিলেন; এবং বঙ্গদেশে আসিয়া গঙ্গাসাগর সঙ্গম সন্দর্শনে গমন করিয়াছিলেন, ইহা সম্ভব। স্মৃতরাং নৈষধ লেখকের কয়েকটী পরিচায়ক লক্ষণ বঙ্গীয় ভরদ্বাঞ্চ কুলপিতা শ্রীহর্ষে আছে।

শ্রীহর্ষ যে বঙ্গদেশের কবি, এরূপ প্রবাদ অনেক কাল হইতে এদেশে প্রচলিত আছে। বাঙ্গালার আদি কবি বিত্যাপতি সংস্কৃত ভাষায় যে পুরুষপরীক্ষা গ্রন্থ লিখেন,* তাহার বাঙ্গালা অনুবাদে লিখিত আছে, "গৌড়দেশে শ্রীহর্ষ নামা এক

দাবিংশো নবসাহসাম্ব চরিতে চম্পুক্তোহয়ং মহা
কাব্যে তস্য ক্রতৌনলীয় চরিতে সর্গোনিসর্গোজ্জল:। ২২শ।
ষষ্ঠ: খণ্ডন খণ্ডতোহপি সহদ্বাৎ ক্ষোদ ক্ষমেতন্মহা
কাবোহয়ং ব্যগলয়লস্য চরিতে সর্গোনিসর্গোজ্জল:। ৬১।

- ক আমরা জানি এ ভূল রামদাস বাব্র দোষে ঘটে নাই। তিনি কোন বন্ধুবাক্যে নির্ভর করিয়া এ ভ্রমে পভিত হইয়াছিলেন।—বং সম্পাদক।
- * বাসবদন্তার প্রস্তাবনায় ডাক্তার হল সাহেব বিভাপতি ঠাকুর কৃত পুরুষপরীক্ষান্তর্গত দানবীর বড়াহের উপাথ্যান হইতে নিম্নলিথিত সংস্কৃত শ্লোক উদ্ধৃত করিয়াছেন :—

"বিপ্রৈঃ সম্ভট্টিতৈঃ প্রমৃদিত হৃদ্ধৈর্বন্দিভিল ক কামে ভূ তৈয়ঃ সিদ্ধাভিলাধৈর্দিগবনিপতিভির্বশুতামাশ্রম্ব । বিষৎ সাথৈঃ প্রহুট্টেদিশিদিশি স্থভটিঃ কাঞ্চনাভ্যধ্যমানৈ নিতাং সংস্কৃষমান সঙ্গ্যতি নুপতিদান বীরো বড়াহঃ॥"

বান্ধালা পুরুষ পরীক্ষায় এই শ্লোকের পশ্চাত্দ্ত অহ্বাদ দৃষ্ট হয় :— "সম্ভইচিত্ত ব্রাহ্মণ সমূহ এবং প্রফুলচিত্ত বন্দিগণ আর অভিল্যিত বস্তু প্রাপ্ত দাস্বর্গও স্ববশীভূত চতুর্দ্দিগস্থ মহীপাল সকল এবং ধনপ্রাপ্ত পণ্ডিতবর্গ আর উত্তম ভট্টগণ এই সকল মহয় কর্তৃক স্তৃয়মান যে দানবীর রাজা বড়াহ তিনি জয়যুক্ত হউন।

বান্ধানা পুরুষপরীক্ষা শ্রীহরপ্রসাদ রায় কর্তৃক ফোর্ট উইলিয়ম কানেক্ষের অধ্যক্ষগণের নিয়োগাস্থ্যারে প্রণীত হইয়া ১৮১৫ সালে প্রচারিত হয় (Vide p. 189 Vol. XIII. Calcutta Review.) পণ্ডিত, তিনি অতিশয় কবি ছিলেন। এক সময়ে নলচরিত্র নামে কাব্য রচনা করিয়া বিবেচনা করিলেন যে রসযুক্ত ও মনোরম এবং গুণালম্বারযুক্ত এইপ্রকার যে কাব্য সে কবিদিগের যশের নিমিত্ত হয়। তদ্ভিম্ন যে কাব্য সে উপহাসের নিমিত্ত হয়। অপর অগ্নিতে স্বর্ণের পরীক্ষা করিবেক এবং সভার মধ্যে কবিতাবেত্তা-দিগের নিকটে কাব্যের পরীক্ষা করিবে। যে কাব্য পণ্ডিতেরা গ্রহণ না করেন সে কাব্যেতে কবির কি ফল ? পশ্চাৎ জ্রীহর্ষ সেই কাব্য লইয়া পণ্ডিত সমাজ্বের উদ্দেশে বারানসী গেলেন। সেখানে গিয়া ককোক নামা পণ্ডিতকে স্বাভিপ্রায় নিবেদন করিলেন।" মেধাবী কথা, পুরুষপরীক্ষা।

চৈতন্ম চরিতামৃত পাঠে জানা যায় যে জ্বয়দেব, বিদ্যাপতি ও চণ্ডীদাসের কবিতা পড়িতে চৈতন্মদেব ভাল বাসিতেন। স্কুতরাং বিদ্যাপতি চৈতন্মের পূর্ব্বে প্রাত্ত্ত্ব হইয়াছিলেন, এবং তিনি চারিশত বৎসরের পূর্বের লোক। অতএব শ্রীহর্ষ যে বঙ্গদেশের কবি, একথা বহুকাল হইতে প্রচলিত আছে, তাহার সন্দেহ নাই।

এক্ষণে দেখা যাউক যে গ্রীহর্ষকে আদিশুরের সমকালীন লেখক বলিলে কোন প্রকার অসঙ্গতি দোষ ঘটে কি না। বাখরগঞ্জে একখানি তাম্রফলক পাওয়া গিয়াছে তদ্ প্টে জানা যায় যে মাধব সেন ও কেশব সেন লক্ষণ সেনের পুত্র, লক্ষণ সেনের পিতা বল্লাল সেন, বল্লাল সেনের পিতা বিজয় সেন, এবং সেন রাজবংশের আদি-পুরুষ বীর সেন। মালদহের নিকটস্থ দেপাড়ায় প্রাপ্ত এক খণ্ড ক্ষোদিত প্রস্তরফলক পাঠে অবগত হওয়া যায় যে বিজ্ঞয় সেনের পিতা হেমস্ত সেন, হেমস্ত সেনের পিতা সামন্ত সেন, এবং সামন্ত সেনের পিতা বীর সেন। বঙ্গ বিজয়ের অত্যল্পকাল পরে মিনহাজুদ্দিন নামক মুসলমান ইতিহাস-লেখক লিখেন যে বঙ্গের শেষ রাজা লাক্ষণেয় ভূমিষ্ঠ হইয়া পর্য্যন্তই রাজা এবং আশি বৎসর রাজত্ব করিয়াছিলেন। মুসলমানদিগের কর্তৃক বঙ্গ বিজয় ১২০৩ খৃঃ অব্দে ঘটে। স্থুতরাং লাক্ষণেয়ের রাজ্যারম্ভ ১১২৩ থীষ্টাব্দে ঘটিয়াছিল। লাক্ষণেয় যদি লক্ষণ সেনের পৌত্র হন, এবং বীর সেনের অপর নাম বংশের আদি বলিয়া যদি আদিবীর বা আদিশৃর হয়, তাহা হইলে লাক্ষণেয়ের পূর্ব্বে সেন বংশীয় ৮ জন রাজা হইয়াছিলেন। ইহাদিগের প্রত্যেকের রাজত্ব কাল ভারতবর্ষ সম্বন্ধীয় ভূয়োদর্শনামুরূপ গণনামুসারে গড়ে ১৬ বৎসর করিয়া ধরিলে, আদিশূরের রাজ্যারম্ভ ৯৯৫ খ্রীষ্টাব্দে ঘটে। স্থুতরাং নৈষধ চরিত রচয়িতা শ্রীহর্ষ, আদিশ্রের সমকালীন লোক হইলে, ১০০০ থ্রীষ্টাব্দে বর্ত্তমান ছিলেন, বলা যাইতে পারে।

* নৈষধকার শ্রীহর্ষ যে আদিশ্রের আনীত পঞ্চ বান্ধণের মধ্যে একজন, বাবু রাজেন্দ্র-লাল মিত্র এই মতের উদ্ভাবন করেন। See Babu Rajendra Lala's Paper on Mahendra Pala in the Journal of the Asiatic Society of Bengal. ভোজরাজকৃত সরস্বতী কণ্ঠাভরণে নৈষধ উদ্ধৃত হইয়াছে। আমরা পূর্ব্বেই বলিয়াছি যে ভোজরাজের সময় ১০৪২ খ্রীষ্টাব্দ। স্মৃতরাং তৎপূর্বেই নৈষধ চরিত রচিত হইয়াছে, জানা যাইতেছে। ইহাতে শ্রীহর্ষের প্রহর্ভাব কাল সম্বন্ধে আমাদিগের মতেরই সমর্থন হইতেছে।

পূর্ব্বে আমরা লিখিয়াছি যে শ্রীহর্ষের লিখিত একখানি গ্রন্থের নাম "নবসাহসান্ধ চরিত," অর্থাৎ নৃতন সাহসান্ধ রাজার জীবন চরিত। চীনপর্য্যটক হুয়েন্থসঙের
লেখায় এক সাহসান্ধ রাজার উল্লেখ দেখা যায়; তিনি সপ্তম শতাব্দীতে বর্ত্তমান
ছিলেন। বোধ হয় সেই প্রাচীন সাহসান্ধ হইতে প্রভেদ দেখাইবার জন্ম গ্রন্থকার
শ্বীয় গ্রন্থের নাম নবসাহসান্ধ চরিত করিয়াছিলেন। মহেশ্বর কৃত "বিশ্বপ্রকাশ"
পাঠে অবগত হওয়া যায় যে খ্রীষ্টীয় দশম শতাব্দীর মধ্য বা শেষভাগে সাহসান্ধ
নামক একজন রাজা গাধিপুরে অর্থাৎ কাম্মকুজে রাজত্ব করিভেছিলেন। বিশ্বপ্রকাশ
১০৩৩ শকাব্দে অর্থাৎ ১১১১ খ্রীষ্টাব্দে রচিত হয়। গ্রন্থের প্রস্তাবনায় গ্রন্থকার
আপনার পরিচয় পূত্রে লিখিয়াছেন যে গাধিপুরস্থ সাহসান্ধ রাজার সভাবৈত্য হইতে
তিনি ছয় পুরুষ অন্তর।* যদি সাহসান্ধ দশম শতাব্দীর কাম্মকুজের রাজা হন,
তদীয় চরিত বঙ্গীয় শ্রীহর্ষ লিখিবেন, ইহা বিচিত্র নহে।

ছ্:খের বিষয় এই যে শ্রীহর্ষ "গোড়োব্বীশকুল প্রশস্তি," "নব সাহসাঙ্ক চরিত" প্রভৃতি যে সকল ঐতিহাসিক গ্রন্থ লিখিয়াছিলেন, তাহাদিগের মধ্যে কোনটাই পাওয়া যায় নাই। বোধ হয়, সর্ব্ব সাধারণে এইরূপ গ্রন্থের বিশেষ আদর করিত না। যে রাজবংশের গুণ বর্ণনা এই সকল গ্রন্থে থাকিত, সেই রাজারাই আগ্রহ করিয়া গ্রন্থগুলি রাখিতেন। পরে যখন মুসলমানেরা আসিয়া রাজ্যগুলি ধ্বংস করিয়াছে, তখন উক্ত পুস্তকগুলি নষ্ট হইয়া গিয়াছে। অনুমান হয় যে যাহা কিছু ইতিহাস-গ্রন্থ আমাদিগের ছিল, এইরূপেই বিলুপ্ত হইয়াছে। যদি অনেক লোকের ঐতিহাসিক রচনার প্রতি অনুরাগ থাকিত, বা যদি কেহ মিথ্যাকল্পনাশৃশ্র সর্বলোকস্থদয়রঞ্জন ইতিহাস লিখিতে পারিত, তাহা হইলে ঈদৃশ হর্দ্দিশা ঘটিত না। কিন্তু দেশীয় লোকের অনন্থরাগ বা উপেক্ষায় এবং বিদেশীয় বিজেত্গণের বিদ্বেষে আমাদিগের পুরাবৃত্ত প্রায় অদৃশ্য হইয়া গিয়াছে।

* "A prince named Sahasanka must have occupied the throne [of Kanouj] about the middle of the 10th century as Maheswara the author of Viswaprakasa in the year 1111, makes himself sixth in descent from the physician of that monarch." P. 463, Vol. XV. Asiatic Researches.

চাঁদ কবি নৈষধকার জ্রীহর্ষের উল্লেখ করিয়াছেন। চারিজ্বন প্রাচীন কবির নাম করিয়া পরে লিখিয়াছেন,

> नत्र क्रभः भठन्य श्रीहर्यमातः नरेनतात्रक्षं मिरेन स्र्यहातः।

পঞ্চম, নরের প্রধান, সার কবি জ্রীহর্ষ, যিনি নলরাজ্ঞার কণ্ঠে স্বভাহার দিয়াছেন।

চাঁদকবি পৃথিরাজের সময়ে প্রাত্তর্ভ হইয়াছিলেন। ১১৯২ এটিান্দে মহমদ ঘোরীর সঙ্গে যুদ্ধে পৃথিরাজের মৃত্যু হয়। স্থতরাং চাঁদ এটিয় ছাদশ শতাব্দীর শেষ ভাগের লোক। তিনি যে ঞীহর্ষের উল্লেখ করিবেন, আশ্চর্য্য নহে।

রামদাস বাবু লিখিয়াছেন, "স্থবিখ্যাত জৈন লেখক রাজ্বশেখর ১৩৪৮ খ্রীষ্টাব্দে 'প্রবন্ধকোষ' রচনা করেন। এই গ্রন্থে তিনি লিখিয়াছেন, খ্রীহীর পুত্র প্রীহর্ষদেব বারানসীতে জন্ম গ্রহণ করিয়া তথাকার নুপতি গোবিন্দ চন্দ্রের তন্য় মহারাজ জয়স্তচন্দ্রের আজ্ঞায় নৈষধ চরিত কাব্য রচনা করিয়াছিলেন। রাজ্বশেখর জয়স্তচন্দ্র সাধ্বন্ধে অনেক বিবরণ লিপিবদ্ধ করিয়াছেন। জয়স্তচন্দ্র, পঞ্জুল নামে বিখ্যাত এবং অনিহীল বারা পত্তনের অধীশ্বর কুমার পালের সমকালবর্ত্তী। মুসলমান নুপতিগণ ইহার বংশ এককালে ধ্বংস করিয়াছিলেন। সংস্কৃত বিভাবিশারদ ডাক্তার বুলর সাহেব কহেন, এই জয়স্তচন্দ্র কার্চ্চ কৃট ক্ষত্রিয় নুপতি এবং ইনিই জয়চন্দ্র নামে খ্যাত। জয়চন্দ্র ১১৬৮ এবং ১১৯৪ খ্রীষ্টান্দের মধ্যে কান্তকুজ ও বারানসীর অধীশ্বর ছিলেন। রাজ্বশেখরের বিবরণ প্রামাণিক বোধ হইতেছে, কেননা, তাহার সহিত শ্রীহর্ষের নিজ্ব পরিচয়ের প্রক্য আছে।"

আমাদিগের বিবেচনায় রামদাস বাবু এস্থলে ভ্রমে পতিত হইয়াছেন। আমরা পূর্বেই বলিয়াছি যে নৈষধ "সরস্বতী কণ্ঠাভরণে" উদ্ধৃত হইয়াছে, স্কুতরাং উহা ১০৪২ খ্রীষ্টাব্দের পূর্বের লিখিত। রাজা জয়চন্দ্র ঐ সময়ের শতাধিক বৎসর পরে প্রাত্ত্রভূতি হন। তিন চারিশত বৎসর পরে যদি কেহ কল্পনা অবলম্বন করিয়া কোন গ্রন্থকারের জীবন চরিত লিখিতে যায়, সে গ্রন্থোক্ত পরিচয়গুলি ঠিক রাখিলেই প্রামাণিক বিবরণ লিখিয়াছে, বলা যাইতে পারে না। এতৎসম্বন্ধে অন্তর্কাপ প্রমাণ চাই। বিশেষতঃ রামদাস বাবু যখন শ্রীহর্ষকে আদিশুরের আহুত পঞ্চব্রাহ্মণের এক জন বলিয়া গণ্য করিয়াছেন, তখন তাহাকে জয়চন্দ্রের সমকালবর্ত্তী কি প্রকারে বলিতে পারেন? জয়চন্দ্রের সময় ১১৬৮ খ্রীষ্টাব্দ। মুসলমান দিগের কর্ত্ত্বক বঙ্গবিজয় ১২০৩ খ্রীষ্টাব্দে। ৩৫ বৎসরের মধ্যে কি সমুদায় সেনবংশের রাজত্ব শেষ হইল? প্রামাণিক মুসলমান ইতিহাসকারদিগের মতে তখন ত বঙ্গে লাক্ষণেয়ই রাজত্ব করিতেছিলেন।

আমরা পূর্ব্বে বলিয়াছি যে নৈষধকার প্রীহর্ষ "খণ্ডন খণ্ডখাগ্য" নামক এক খানি গ্রন্থ রচনা করিয়াছেন। এই গ্রন্থে তিনি নৈয়ায়িকমত খণ্ডন করিয়াছেন, এবং ইহা অভাপি বর্ত্তমান আছে। ইহাতে বৃহস্পতি কৃত লোকায়ত সূত্র, বৌদ্ধ-দিগের মাধ্যমিক মত, এবং শঙ্করাচার্য্যকৃত বাদরায়ণীয় সূত্রের ভাশ্যের, উল্লেখ আছে; যথা, "সোহয়ং অপূর্ব্বঃ প্রমাণাদি সন্থানভূগপগমাত্মা বাক্স্তম্ভন মন্ত্রো ভবতাভূগহিতো নূনং যস্ত্র প্রভাবাৎ ভগবতা স্থরগুরুণা লোকায়ত সূত্রাণি ন প্রণীতানি তথাগতেন বা মধ্যমাগমা নোপদিষ্টা ভগবৎপাদেনচ বাদরায়ণীয়েষ্ সূত্রেষ্ ভাশ্যং ন ভাষে।"

কোন্ সময়ে লোকায়ত সূত্র লিখিত বা মাধ্যমিকমত প্রচারিত হয়, বলা যায় না। বাণকৃত হয়চরিতে লোকায়তিক সম্প্রদায়ের নাম দৃষ্ট হয়। বাণ ঐঠিয় সপ্তম শতান্দির লোক। কিন্তু রামায়ণের অযোধ্যাকাণ্ডেও মহাভারতের শাস্তি পর্বেব লোকায়তবাদ লক্ষিত হয়। স্থতারাং লোকায়ত মতের উল্লেখ দেখিয়া খণ্ডন লেখকের প্রাছ্রভাব কাল সম্বন্ধে কোনরূপ অনুমানই করা যায় না। ঐঠিয় পঞ্চম শতান্দীর প্রারম্ভে চীন দেশীয় পর্যাটক ফাহিয়ান এতদেশে ছিলেন। তিনি মাধ্যমিক মতের উল্লেখ করিয়াছেন। কিন্তু ঐ মতের উৎপত্তি কোন্ সময়ে হইয়াছিল, তাহা নির্ণয় করা যায় না। অতএব ইহা হইতেও ঐহর্মের কাল নিরূপণ চেষ্টা বিফল হইতেছে।

সুবিখ্যাত কোলক্রক সাহেব অনুমান করেন যে শঙ্করাচার্য্য খ্রীপ্টীয় অন্তম শতাব্দীর বা শেষে নবম শতাব্দীর প্রারম্ভে প্রাত্মভূত হন। সম্ভরাং যে খণ্ডনকার তৎকৃত ভাষ্যের উল্লেখ করিয়াছেন, তিনি পরবর্ত্তী দশম শতাব্দীর শেষভাগের বা একাদশ শতাব্দীর প্রারম্ভের লোক হইবেন, ইহা বিচিত্র নহে। যাহা হউক, তিনি যে নবম শতাব্দীর পূর্বের লোক নহেন, ইহা এক প্রকার প্রতিপন্ন হইতেছে।

খণ্ডন খণ্ডখাদ্যের অহ্য এক স্থল লইয়া শ্রীহর্ষের প্রাত্ত্র্ভাবকাল সম্বন্ধে আরও কিছু কথা বলা যাইতে পারে।

> "ভন্মাদস্মাভিরপ্যস্মিরর্থে ন থলু ছুস্পটা। ছদ্যা থৈবান্তথাকারমক্ষরাণি কিয়স্ত্যাপি॥"

* See Colebrooke's Essays, Vol. I. p. 332 Also Colebrooke's Preface to his translation of the Dayabhaga, উইলসন সাহেবেরও এই মত।

See Wilson's Preface to his Sanscrit Dictionary, P. XVII, and his Essays on the Religion of the Hindoos. Vol. I. P. 201.

অর্থাৎ "এ নিমিত্ত কয়েকটি অক্ষরের অস্তথা করিয়া এই অর্থে ভোমারই গাথা অবলম্বন করা আমার অসাধ্য নহে" এই বলিয়া খণ্ডনকার নিম্নোদ্ধৃত প্লোকটি লিখিয়াছেন,

"ব্যাঘাতো যদি শহান্তি নচেচ্ছহা ততন্তরাং। ব্যাঘাতাবধিরাশহাতর্ক শহাবধিঃ কৃতঃ॥"

উদয়নাচার্য্য কৃত কুসুমাঞ্জলীকারিকায় ইহার প্রতিরূপ একটি শ্লোক দেখা যায়, যথা—

> "শহাচেৎ অমুমাহন্ত্যের নচেৎ শহাততন্তরং। ব্যঘাতাৰধিরাশহাতর্ক: শহাবধির্মত: ॥''

এতদ্বেশে পণ্ডিতদিগের মধ্যে অনেক শ্লোক লিপিবদ্ধ না হইয়া বহুকাল মুখে ম্খে চলিয়া আইসে। স্থুতরাং একথা বলা যাইতে পারে না যে কুসুমাঞ্জলীকারিকার এই শ্লোকটি উদয়নের পূর্বেব প্রচলিত ছিল না। যাহা হউক, যদি ইহা সম্পূর্ণরূপেই উদয়নাচার্য্যের রচিত হয়, তাহা হইলে এইমাত্র জানা যাইতেছে যে শ্রীহর্ষ উদয়নের পরবর্ত্তী। কিন্তু উদয়ন কোন্ সময়ে প্রাত্ত্র্ভূ ত হইয়াছিলেন, নির্ণয় করা কঠিন।

মহোদয় কাওয়েল সাহেব স্বকৃত কুসুমাঞ্জলী প্রস্তাবনায় লিখিয়াছেন যে বাচস্পতি মিশ্র শাল্পর ভাষ্যের "ভামতি" নায়ী টীকা লিখেন, উদয়ন বাচস্পতি মিশ্র কৃত "খায়বার্ত্তিক তাৎপর্য্য টীকার" * পরিশুদ্ধি জন্ম "খায় বার্ত্তিক তাৎপর্য্য পরিশুদ্ধি জন্ম "খায় বার্ত্তিক তাৎপর্য্য পরিশুদ্ধি জন্ম "খায় বার্ত্তিক তাৎপর্য্য পরিশুদ্ধি" রচনা করেন, এবং মাধবাচার্য্য স্বর্বদর্শন সংগ্রহে বারম্বার উদয়নের কুসুমাঞ্জলি উদ্ধৃত করিয়াছেন। শল্পরাচার্য্য প্রীষ্টীয় নবম শতান্দীর প্রারম্ভের লোক, মাধবাচার্য্য চতুর্দ্দশ শতান্দীর প্রথমার্দ্ধের। স্বতরাং কাওয়েল সাহেব বলেন, আমরা অনেক ল্রমের আশল্ধা না করিয়া স্থির করিতে পারি যে বাচস্পতি মিশ্র খৃং দশম শতান্দীতে এবং উদয়নাচার্য্য দাদশ শতান্দীতে প্রাছ্ত্ ত হইয়াছিলেন। এবিষয়ে আমাদিগের কিছু বক্তব্য আছে। প্রথমতঃ আমরা এমন কোন প্রমাণ দেখি নাই যে "কুসুমাঞ্জলী" যে উদয়নের লিখিত, "খায় বার্ত্তিক তাৎপর্য্য পরিশুদ্ধি"ও সেই উদয়নের রচিত। দ্বিতীয়তঃ যদি "খায় বার্ত্তিক তাৎপর্য্য পরিশুদ্ধি"ও সেই উদয়নের রচিত। দ্বিতীয়তঃ যদি "খায় বার্ত্তিক তাৎপর্য্য পরিশুদ্ধি" কুসুন্মাঞ্জলীকার কর্ত্বক বাচস্পতি মিশ্র কৃত "খায় বার্ত্তিক তাৎপর্য্য টীকার" পরে লিখিত ইইয়া থাকে, তাহা হইলে ইহাও অসম্ভব নহে যে উভয়ে শল্পরাচার্য্যের পরে নবম ও দশম শতান্দীতে প্রাত্ত্র্ভ্ ত হইয়াছিলেন। তৃতীয়তঃ আমরা কলিকাতা সংস্কৃত কলেজের পুস্তকালয়ে হস্তলিখিত গ্রন্থের মধ্যে বাচস্পতি মিশ্রকৃত "খণ্ডনোদ্ধার"

* "ভামতি" ও "ভায় বার্ত্তিক তাৎপর্য টীকা" উভয়ই যে বাচম্পতি মিশ্রের লিথিত, হা তৎক্বত স্বরচিত গ্রন্থের উল্লেখ দৃষ্টে জানা যায়; See Dr. Hall's Catalogue. P. 87. নামক একখানি পুস্তক দেখিয়াছি। ইহাতে শ্রীহর্ষের খণ্ডন খণ্ডখাদ্যের আপত্তি মীমাংসা চেষ্টা আছে। যদি এই বাচম্পতি মিশ্র "ভামতি"-কার হন, তিনি উদয়নের পরবর্ত্তী হইবারই সম্ভাবনা; কিন্তু তিনি "ভামতি"-কার কি না, তাহার প্রমাণ নাই। চতুর্থতঃ মাধবাচার্য্য স্বকৃত "শঙ্কর দিখিজয়" নামক গ্রন্থে শঙ্করাচার্য্য, উদয়নাচার্য্য ও শ্রীহর্ষকে সমসাময়িক লোক বলিয়া বর্ণনা করিয়াছেন। উক্ত গ্রন্থে লিখিত আছে যে খণ্ডনকার শ্রীহর্ষ ও তৎপরাজ্যাসমর্থ উদয়ন শঙ্কর কর্তৃক পরাভৃত হন। গুরুত্বের অপর স্থলে স্থরেশ্বরাচার্য্যকে শঙ্কর বলিতেছেন,

"বাচস্পতিত্বমধিগম্য বস্তম্বরায়াং ভাব্য বিধাস্যসিত্মাং মুমভাষ্য টীকাং।" ক

অর্থাৎ "বাচম্পতিত্ব প্রাপ্ত হইয়া তুমি বসুন্ধরায় জ্বন্ধ গ্রাহণ করিবে এবং আমার ভায়ের টীকা বিধান করিবে।"

এই সকল বিবেচনা করিয়া দেখিলে বোধ হয় যে মাধবাচার্য্য উদয়ন ও প্রীহর্ষকে শহরের স্থায় প্রাচীন লেখক ভাবিতেন এবং বাচস্পতি মিশ্রকে তৎপরবর্তী জ্ঞান করিতেন। পঞ্চমতঃ, যখন সরস্বতী কণ্ঠাভরণে নৈম্ম উদ্ধৃত হইয়াছে, তখন জানা যাইতেছে যে ভোজরাজের পূর্বের প্রীহর্ষ বর্ত্তমান ছিলেন; স্থতরাং যদি কুসুমাঞ্জলীকার প্রীহর্ষের পূর্বেবর্ত্তী হন, তাহা হইলে এইরূপ অমুমান করাই যুক্তিযুক্ত হইতেছে যে খ্রীপ্রীয় একাদশ শতাব্দীর পূর্বের উদয়নাচার্য্য প্রাত্তর্ভূ ত হইয়াছিলেন। নতুবা কল্পনা অবলম্বন করিয়া, উদয়নকে ঘাদশ শতাব্দীর লোক বলিয়া প্রীহর্ষকে তৎপরবর্ত্তী সাময়িক বলা বিবেচনা সিদ্ধ বোধ হয় না। ষষ্ঠতঃ, যদি এমন কোন অকাট্য প্রমাণই পাওয়া যায় যে উদয়নাচার্য্য বাস্তবিক দ্বাদশ শতাব্দীতে বর্ত্তমান ছিলেন, তাহা হইলে সরস্বতী কণ্ঠাভরণের বলে বলিতে হইবে যে শ্রীহর্ষ উদয়নের পূর্বেবর্ত্তী, আর কুসুমাঞ্জলী কারিকার যে শ্লোকের সহিত খণ্ডন খণ্ডখাতোদ্ধৃত শ্লোকের সাদৃশ্য আছে, সে শ্লোক কারিকা লিখনের পূর্বের্ব নৈয়ায়িকদিগের মধ্যে প্রচলিত ছিল।

^{*} ১৫म "मदत्र पिथिजय", ১৫१। स्त्रा

ণ ১৩শ 'শহর দিখিজয়'', ৭৩। স্লো



দাত্রিংশতম পরিচ্ছেদ

প্রতাপ কি করিলেন

তাপ জমীদার এবং প্রতাপ দস্তা। আমরা যে সময়ের কথা বলিতেছি, সে সময়ের অনেক জমিদারই দস্তা ছিলেন। ডারুইন বলেন, মানবজাতি বানরদিগের প্রপৌত্র; এ কথায় যদি কেহ রাগ না করিয়া থাকেন, তবে পূর্ব্বপুরুষ-গণের এই অখ্যাতি শুনিয়া বোধ হয় কোন জমীদার আমাদের উপর রাগ করিবেন না। বাস্তবিক দস্তাবংশে জন্ম অগৌরবের কথা বলিয়া বোধ হয় না, কেন না অন্তত্র দেখিতে পাই, অনেক দস্তাবংশজাতই গৌরবে প্রধান। তৈমুরলঙ্গ নামে বিখ্যাত দস্তার পরপুরুষেরাই বংশ মর্য্যাদায় পৃথিবীমধ্যে শ্রেষ্ঠ হইয়াছিলেন। ইংলণ্ডে বাঁহারা বংশ মর্য্যাদার বিশেষ গর্ব্ব করিতে চাহেন, তাঁহারা নর্মান্ বা স্কন্দেনেবীয় নাবিক দস্তাদিগের বংশোন্তব বলিয়া আত্মপরিচয় দেন। প্রাচীন ভারতে কুরুবংশেরই বিশেষ মর্য্যাদা ছিল; তাঁহারা গোচোর; বিরাটের উত্তর গোগৃহে গোরু চুরি করিতে গিয়াছিলেন। তুই এক বাঙ্গালি জমীদারের এরূপ কিঞ্চিৎ বংশ মর্য্যাদা আছে।

তবে অক্সান্ত প্রাচীন জমীদারের সঙ্গে প্রতাপের দস্মতার কিছু প্রভেদ ছিল। আত্মসম্পত্তি রক্ষার জন্ত, বা হুর্দান্ত শত্রুর দমন জন্তই প্রতাপ দস্মদিগের সাহায্য গ্রহণ করিতেন; অনর্থক পরস্বাপহরণ বা পরপীড়ন জন্ত করিতেন না, এমন কি হুর্বল বা পীড়িত ব্যক্তিকে রক্ষা করিয়া পরোপকার জন্তই দস্মতা করিতেন। প্রতাপ আবার সেই পথে গমনোত্তত হইলেন।

যে রাত্রে শৈবলিনী ছিপ ত্যাগ করিয়া পলাইল, সে রাত্র প্রভাতে প্রতাপ, নিজা হইতে গাত্রোত্থান করিয়া, রামচরণ আসিয়াছে দেখিয়া আনন্দিত হইলেন; কিন্তু শৈবলিনীকে না দেখিয়া, চিন্তিত হইলেন। কিছুকাল তাহার প্রতীক্ষা করিয়া তাহাকে না দেখিয়া তাহার অমুসন্ধান আরম্ভ করিলেন। গঙ্গাতীরে অমু- সন্ধান করিলেন, পাইলেন না। অনেক বেলা হইল। প্রতাপ নিরাশ হইয়া সিদ্ধান্ত করিলেন, যে শৈবলিনী ডুবিয়া মরিয়াছে। প্রতাপ জানিতেন, এখন তাহার ডুবিয়া মরা অসম্ভব নহে।

প্রতাপ প্রথমে মনে করিলেন "আমিই শৈবলিনীর মৃত্যুর কারণ।" কিন্তু ইহাও ভাবিলেন, "আমার দোষ কি ? আমি ধর্ম ভিন্ন অধর্ম পথে যাই নাই! শৈবলিনী যে জন্ম মরিয়াছে তাহা আমার নিবার্য্য কারণ নহে।" অতএব প্রতাপ নিজের উপর রাগ করিবার কারণ পাইলেন না। চল্রুশেখরের উপর কিছু রাগ করিলেন—চন্দ্রশেখর কেন শৈবলিনীকে বিবাহ করিয়াছিলেন ? রূপসীর উপর একট রাগ করিলেন, কেন শৈবলিনীর সঙ্গে প্রভাপের বিবাহ না হইয়া, রূপসীর সঙ্গে বিবাহ হইয়াছিল ? স্থন্দরীর উপর আরও একটু রাগ করিলেন—স্থন্দরী তাঁহাকে না পাঠাইলে. প্রতাপের সঙ্গে শৈবলিনীর গঙ্গা সম্ভরণ ঘটিত না. শৈবলিনীও মরিত না। কিন্তু সর্ব্বাপেক্ষা লরেন্স ফষ্টরের উপর রাগ হইল—সে শৈবলিনীকে গৃহত্যাগিনী না করিলে, এ সকল কিছুই ঘটিত না। ইংরেজ জ্বাতি বাঙ্গালায় না আসিলে, শৈবলিনী লরেন্স ফষ্টরের হাতে পড়িত না। অতএব ইংরেজ জাতির উপরও প্রতাপের অনিবার্য্য ক্রোধ জুমিল। প্রতাপ সিদ্ধান্ত করিলেন, ফষ্টরকে আবার ধৃত করিয়া, বধ করিয়া, এবার অগ্নিসৎকার করিতে হইবে—নহিলে সে আবার বাঁচিবে—গোর দিলে মাটি ফুঁড়িয়া উঠিতে পারে। দ্বিতীয় সিদ্ধান্ত এই করিলেন, যে ইংরেজ জাতিকে বাঙ্গালা হইতে উচ্ছেদ করা কর্ত্তব্য, কেননা ইহাদিগের মধ্যে অনেক ফষ্টর আছে।

এইরপ চিন্তা করিতে করিতে, প্রতাপ সেই ছিপে মুঙ্গের ফিরিয়া গেলেন। প্রথম চন্দ্রশেখরের সন্ধান করিলেন, তাঁহার সন্ধানার্থ রমানন্দস্বামীর আশ্রমে গেলেন। শুনিলেন, চন্দ্রশেখর শৈবলিনী পুনঃ প্রাপ্তির পরদিন সেখানে গিয়াছিলেন, আর যান নাই। আরও শুনিলেন যে রমানন্দ স্বামীও সেই দিন আশ্রমত্যাগ করিয়া গিয়াছেন। কোথায় গিয়াছেন কেহ জানে না।

প্রতাপ, মুঙ্গেরে রমানন্দ বা চন্দ্রশেখর কাহারও উদ্দেশ পাইলেন না। ছুর্গ মধ্যে গেলেন। দেখিলেন, ইংরেজের সঙ্গে নবাবের যুদ্ধ হইবে, তাহার উচ্চোগের বড় ধুম পড়িয়া গিয়াছে।

প্রতাপের আহলাদ হইল। মনে ভাবিলেন, নবাব কি এই অসুরদিগকে বাঙ্গালা হইতে তাড়াইতে পারিবেন না ? ফুর কি ধৃত হইবে না ? তারপর মনে ভাবিলেন, যাহার যেমন শক্তি, তাহার কর্ত্তব্য, এ কার্য্যে নবাবের সাহায্য করে। কার্চ্চ বিড়ালেও সমুদ্র বাঁধিতে পারে। তারপর মনে ভাবিলেন, আমা হইতে কি কোন সাহায্য হইতে পারে না ? আমি কি করিতে পারি ? তারপর মনে

ভাবিলেন, আমার সৈন্ত নাই, কেবল লাঠিয়াল আছে—দস্ম্য আছে। তাহাদিগের দারা কোন্ কার্য্য হইতে পারে ? ভাবিলেন, আর কোন কার্য্য না হউক, লুঠপাঠ হইতে পারে। যে গ্রামে ইংরেজের সাহায্য করিবে, সে গ্রাম লুঠ করিতে পারিব। যেখানে দেখিব ইংরেজের রশদ লইয়া যাইতেছে, সেইখানে রশদ লুঠ করিব। যেখানে দেখিব ইংরেজের জব্য সামগ্রী যাইতেছে, সেইখানে দস্মার্ত্তি অবলম্বন করিব। ইহা করিলেও নবাবের অনেক উপকার করিতে পারিব। সম্মুখ সংগ্রামে যে জয়, তাহা বিপক্ষ বিনাশের সামাত্য উপায় মাত্র। সৈত্যের পৃষ্ঠরোধ এবং খাতাহরণের ব্যাঘাত, প্রধান উপায়। যতদূর পারি, ততদূর তাহা করিব।

তারপর ভাবিলেন, আমি কেন এত করিব ? করিব, তাহার অনেক কারণ আছে। প্রথম, ইংরেজ চল্রশেখরের সর্ব্বনাশ করিয়াছে; দ্বিতীয়, শৈবলিনী মরিয়াছে; তৃতীয়, আমাকে কয়েদ রাখিয়াছিল; চতুর্থ এইরূপ অনিষ্ট আর আর লোকেরও করিয়াছে ও করিতে পারে; পঞ্চম, নবাবের এ উপকার করিতে পারিলে ছই একখানা বড় বড় পরগনা পাইতে পারিব।

অতএব আমি ইহা করিব।

প্রতাপ তখন অমাত্যবর্গের খোষামোদ করিয়া নবাবের সঙ্গে সাক্ষাৎ করিলেন। নবাবের সঙ্গে তাঁহার কি কি কথা হইল, তাহা অপ্রকাশ রহিল। নবাবের সঙ্গে সাক্ষাতের পর তিনি স্বদেশাভিমুখে যাত্রা করিলেন।

অনেক দিনের পর, তাঁহার স্বদেশে আগমনে রূপসীর গুরুতর চিস্তা দূর হইল, কিন্তু রূপসী শৈবলিনীর মৃত্যুর সন্থাদ শুনিয়া হৃংখিত হইল। প্রতাপ অসিয়াছেন শুনিয়া সুন্দরী তাঁহাকে দেখিতে আসিল। সুন্দরী শৈবলিনীর মৃত্যুর সন্থাদ শুনিয়া নিতান্ত হৃংখিতা হইল, কিন্তু বলিল যে, "যাহা হইবার তাহা হইয়াছে। কিন্তু শৈবলিনী এখন সুখী হইল। তাহার বাঁচা অপেক্ষা মরাই যে সুথের, তা আর কোন্ মুখে না বলিব।"

প্রতাপ রূপসী ও স্থন্দরীর সঙ্গে সাক্ষাতের পর, পুনর্ব্বার গৃহত্যাগ করিয়া গেলেন। অচিরাৎ দেশে দেশে রাষ্ট্র হইল যে মৃক্ষের হইতে কাটোয়া পর্য্যস্ত যাবতীয় দম্য ও লাঠিয়াল দলবদ্ধ হইতেছে, প্রতাপ রায় তাহাদিগকে দলবদ্ধ করিতেছে।

শুনিয়া গুরগণ খাঁ চিস্তাযুক্ত হইলেন। জগৎ শেঠের সঙ্গে প্রতাপসম্বন্ধে যে কথোপকথন হইয়াছিল, তাহা পূর্ব্বে বর্ণিত করিয়াছি।

জ্বগৎ শেঠ স্বীকৃত হইলেন যে, প্রয়োজনীয় অর্থ তাঁহারা দিবেন। প্রতাপকে অর্থের প্রলোভন দেখানই গুরগণ খাঁর কর্ত্তব্য বোধ হইল। তিনি সাক্ষাতের মানস জানাইয়া প্রতাপের নিকট বিশ্বাসী দৃত প্রেরণ করিলেন। প্রতাপ পুনর্ব্বার, অর্থপৃষ্ঠে মুঙ্গের চলিলেন।

গুরগণ খাঁর সহিত প্রতাপের সাক্ষাতে কি ফল ফলিল, তাহা পশ্চাৎ বলিব। শৈবলিনী ও দলনীকে বিষম সন্ধটে রাখিয়া আসিয়াছি। তাহাদিগের কি ঘটিল, ভাহা একণে বলিব।

ত্রয়ন্ত্রিংশতম পরিচ্ছেদ

भिवनिभी कि कतिन

মহান্ধকারময় পর্বত গুহা—পৃষ্ঠচ্ছেদী উপলশ্য্যায় শুইয়া—শৈবলিনী।
মহাকায় পুরুষ, শৈবলিনীকে তথায় ফেলিয়া দিয়া গিয়াছেন। ঝড় রৃষ্টি থামিয়া
গিয়াছে—কিন্তু গুহা মধ্যে অন্ধকার—কেবল অন্ধকার— অন্ধকারে ঘোরতর নিঃশব্দ।
নয়ন মুদিলে অন্ধকার—চক্ষ্ চাহিলে তেমনি অন্ধকার। নিঃশব্দ—কেবল কোথাও
পর্বতন্ত্ব রন্ধ্র পথে বিন্দু বিন্দু বারি গুহা তলন্ত্ব শিলার উপরে পড়িয়া, ক্ষণে ক্ষণে
টিপ্ টাপ্ শব্দ করিতেছে। আর যেন কোন জীব মন্মুয়্য কি পশু কে জানে
শৈই গুহা মধ্যে নিঃশ্বাস ত্যাগ করিতেছে।

এতক্ষণে শৈবলিনী ভয়ের বশীভূতা হইলেন। ভয় ? তাহাও নহে।
মন্থায়ের স্থিরবৃদ্ধিতার সীমা আছে—শৈবলিনী সেই সীমা অতিক্রম করিয়াছিলেন।
শৈবলিনীর ভয় নাই—কেননা জীবন তাঁহার পক্ষে অবহনীয়, অসহনীয় ভার হইয়া
উঠিয়াছিল—ফেলিতে পারিলেই ভাল। বাকি যাহা—সুখ, ধর্ম, জ্বাতি, কুল, মান,
সকলই গিয়াছিল—আর যাইবে কি ? কিসের ভয় ?

কিন্তু শৈবলিনী আশৈশব, চিরকাল, যে আশা হাদয় মথ্যে সযত্নে, সঙ্গোপনে, লালিত করিয়াছিল, সেই দিন, বা তাহার পূর্ব্বেই, তাহার উচ্ছেদ করিয়াছিল; যাহার জক্য সর্ববিত্যাগিনী হইয়াছিল, এক্ষণে তাহাও ত্যাগ করিয়াছে; চিত্ত নিতান্ত বিকল, নিতান্ত বলশৃষ্য। আবার প্রায় ছই দিন অনশন, তাহাতে পথঞান্তি, পর্বতারোহণ প্রান্তি; বাত্যা বৃষ্টি জনিত শীড়া ভোগ; শরীরও নিতান্ত বিকল, নিতান্ত বলশৃষ্য। তাহার পর এই ভীষণ দৈব ব্যাপার—দৈব বলিয়াই শৈবলিনীর বোধ হইল—মানব চিত্তবৃত্তি আর কতক্ষণ প্রকৃতিন্থ থাকে? দেহ ভাঙ্গিয়া পড়িল, মন ভাঙ্গিয়া পড়িল—শৈবলিনী অপহাত চেতনা হইয়া, অর্দ্ধ নিদ্রাভিভূত, অর্দ্ধ জাগ্রতাবস্থায় রহিল। গুহা তলস্থ উপলখণ্ড সকলে পৃষ্ঠদেশ ব্যথিত হইতেছিল।

সম্পূর্ণরূপে চৈততা বিলুপ্ত হইলে, শৈবলিনী দেখিল, সম্মূথে এক অনন্ত বিস্তৃতা নদী। কিন্তু নদীতে জ্বল নাই—ত্বকূল প্লাবিত করিয়া রুধিরের প্রোতঃ বহিতেছে। তাহাতে অস্থি, গলিত নরদেহ, নুমুগু, কন্ধালাদি ভাসিতেছে। কুন্তীরাকৃতি জীব সকল—চর্ম মাংসাদি বর্জিত—কেবল অস্থি ও বৃহৎ, ভীষণ,

উজ্জ্বল চক্ষদ্বয় বিশিষ্ট, ইভস্তভ: বিচরণ করিয়া সেই সকল গলিত শব ধরিয়া খাইতেছে। শৈবলিনী দেখিল যে, যে মহাকায় পুরুষ তাহাকে পর্বত হইতে ধত করিয়া আনিয়াছে. সেই আবার তাহাকে ধৃত করিয়া সেই নদীতীরে আনিয়া वमाहेल। त्म প্রদেশে, রৌজ নাই, জোৎসা নাই, তারা নাই, মেঘ নাই, আলোক মাত্র নাই—অথচ অন্ধকার নাই। সকলই দেখা যাইতেছে—কিন্তু অস্পষ্ট। রুধিরের নদী, গলিত শব, স্রোভোবাহিত কঙ্কালমালা, অস্থিময় কুন্তীরগণ, সকলই ভীষণাদ্ধকারে দেখা যাইতেছে। নদীতীরে বালুকা নাই—তৎপরিবর্ত্তে লোহ সুচী সকল অগ্রভাগ উর্দ্ধ করিয়া রহিয়াছে। শৈবলিনীকে মহাকায় পুরুষ সেইখানে বসাইয়া নদী পার হইতে বলিল। পারের কোন উপায় নাই। নৌকা নাই, সেতৃ নাই। মহাকায় পুরুষ বলিল, সাঁতার দিয়া পার হ; তুই সাঁতার জানিস্--গঙ্গায় প্রতাপের সঙ্গে অনেক সাঁতার দিয়াছিদ্। শৈবলিনী এই রুধিরের নদীতে কি প্রকারে সাঁতার দিবে ? মহাকায় পুরুষ তখন হস্তস্থিত বেত্র প্রহার জন্ম উথিত করিলেন। শৈবলিনী সভয়ে দেখিল, যে সেই বেত্র জ্বলম্ভ লোহিত লোহ নির্দ্মিত। শৈবলিনীর বিলম্ব দেখিয়া, মহাকায় পুরুষ শৈবলিনীর পুষ্ঠে বেত্রাঘাত করিতে লাগিলেন। শৈবলিনী প্রহারে দগ্ধ হইতে লাগিল। শৈবলিনী প্রহার সহ করিতে না পারিয়া রুধিরের নদীতে ঝাঁপ দিল। অমনি অস্থিময় কুম্ভীর সকল তাহাকে ধরিতে আসিল, কিন্তু ধরিল না। শৈবলিনী সাঁতার দিয়া চলিল; রুধিরস্রোতঃ বদন মধ্যে প্রবেশ করিতে লাগিল। মহাকায় পুরুষ তাহার সঙ্গে সঙ্গে রুধিরস্রোতের উপর দিয়া পদত্রজে চলিল—ডুবিল না। মধ্যে মধ্যে পুতিগন্ধ-বিশিষ্ট গলিত শব ভাসিয়া আসিয়া শৈবলিনীর গাত্রে লাগিতে লাগিল। এইরূপে শৈবলিনী পরপারে উপস্থিত হইল। সেখানে কূলে উঠিয়া, চাহিয়া দেখিয়া, "রক্ষা क्त ! तका कत !" विनया ही कांत्र कतिए नाशिन । मन्पूर्य यांश प्रिन, তাহার সীমা নাই, আকার নাই, বর্ণ নাই, নাম নাই। তথায় আলোক অতি ক্ষীণ, কিন্তু এতাদৃশ উত্তপ্ত যে তাহা চক্ষে প্রবেশ মাত্র শৈবলিনীর চক্ষু বিদীর্ণ হইতে लांशिल—विषमः (यात्रां यात्रां ष्वांला मञ्जव, हत्कः (महेत्रां ष्वांला धित्रल । नामिकाग्र এরপ ভয়ানক পৃতিগন্ধ প্রবেশ করিল, যে শৈবলিনী নাসিকা আরত করিয়াও উম্বতার স্থায় হইল। কর্ণে, অতি কঠোর, কর্কশ, ভয়াবহ, শব্দ সকল এককালে প্রবেশ করিতে লাগিল-ছাদয় বিদারক আর্ত্তনাদ, পৈশাচিক হাস্তা, বিকট ছঙ্কার, —পর্বত বিদারণ, অশনি পতন, শিলা ঘর্ষণ, জ্বল কল্লোল, অগ্নি গর্জ্জন, মুমুর্ব ক্রন্দন, সকলই এককালীন শ্রবণ বিদীর্ণ করিতে লাগিল। সম্মুখ হইতে ক্ষণে ক্ষণে ভীমনাদে এরপ প্রচণ্ড বায়ু বহিতে লাগিল যে ভাহাতে শৈবলিনীকে অগ্নিদিখার ত্যায় দগ্ধ করিতে লাগিল—কখন বা শীত শতসহস্র ছুরিকাঘাতের ত্যায় অঙ্গ ছিন্ন বিচ্ছিন্ন করিতে লাগিল। শৈবলিনী ডাকিতে লাগিল "প্রাণ যায়! প্রাণ যায়! রক্ষা কর!" তখন অসহ্য পৃতিগন্ধ বিশিষ্ট এক বৃহৎ কদর্য্য কীট আসিয়া শৈবলিনীর মুখে প্রবেশ করিতে প্রবৃত্ত হইল। শৈবলিনী তখন চীৎকার করিয়া বলিতে লাগিল, "রক্ষা কর! এ নরক! এখান হইতে উদ্ধারের কি উপায় নাই ?"

মহাকায় পুরুষ বলিলেন "আছে।" স্বপ্পাবস্থায় আত্মকৃত চীৎকারে শৈবলিনীর মোহনিদ্রা ভঙ্গ হইল। কিন্তু তখনও ভ্রান্তি যায় নাই—পৃষ্ঠে প্রস্তর ফুটিতেছে। শৈবলিনী ভ্রান্তি বশে জাগ্রতেও, ডাকিয়া বলিল, "আমার কি হবে! আমার উদ্ধারের কি উপায় নাই ?"

গুহামধ্য হইতে গম্ভীর শব্দ হইল "আছে।"

এ কি এ ? শৈবলিনী কি সত্য সত্যই নরকে ? শৈবলিনী বিশ্মিত, বিমুগ্ধ, ভীতচিত্তে জিজ্ঞাসা করিল, "কি উপায় ?"

গুহামধ্য হইতে উত্তর হইল, "ঘাদশ বার্ষিক ব্রত অবলম্বন কর।"

এ কি দৈববাণী ? শৈবলিনী কাতর হইয়া বলিতে লাগিল, "কি সে ব্রত ? কে আমায় শিখাইবে ?"

উত্তর—"আমি শিখাইব।"

শৈ। তুমিকে?

উত্তর—"ব্রত গ্রহণ কর।"

শৈ। কি করিব ?

উত্তর—"তোমার ও চীনবাস ত্যাগ করিয়া আমি যে বসন দিই, তাই পর। হাত বাড়াও।"

শৈবলিনী হাত বাড়াইল। প্রসারিত হস্তের উপর একখণ্ড বস্ত্র স্থাপিত হইল। শৈবলিনী তাহা পরিধান করিয়া, পূর্ব্ববস্ত্র পরিত্যাগ করিয়া জিজ্ঞাসা করিল, "আর কি করিব ?"

উত্তর—তোমার শ্বশুরালয় কোথায় ?

শৈ। বেদগ্রাম। সেখানে কি যাইতে হইবে ?

উত্তর—হাঁ—গিয়া গ্রামপ্রান্তে পর্ণকুটীর নির্মাণ করিবে।

শৈ। আর?

উত্তর—ভূতলে শয়ন করিবে।

শৈ। আর ?

উত্তর—ফলমূলপত্র ভিন্ন ভোজন করিবে না। একবার ভিন্ন খাইবে না। শৈ। আর ?

উত্তর-জ্বাধারণ করিবে।

শৈ। আর ?

উত্তর—একবার মাত্র দিনাস্তে গ্রামে ভিক্ষার্থ প্রবেশ করিবে। ভিক্ষাকালে গ্রামে গ্রামে আপনার পাপ কীর্ত্তন করিবে।

শৈ। আমার পাগ যে বলিবার নয়! আর কি প্রায়শ্চিত্ত নাই ?

উত্তর—আছে।

শৈ। কি?

উত্তর-মর্ণ।

শৈ। ব্রত গ্রহণ করিলাম—আপনি কে ?

শৈবলিনী কোন উত্তর পাইল না। তখন শৈবলিনী সকাতরে পুন*চ জিজ্ঞাসা করিলেন, "আপনি যেই হউন, জানিতে চাহি না। এই পর্ব্যতের দেবতা মনে করিয়া আমি আপনাকে প্রণাম করিতেছি। আপনি আর একটি কথার উত্তর করুন—আমার স্বামী কো্থায় ?"

উত্তর—কেন গ

শৈ। আর কি তাঁহার দর্শন পাইব না ?

উত্তর—তোমার প্রায়শ্চিত্ত সমাপ্ত হইলে পাইবে।

শৈ। দ্বাদশ বৎসর পরে १

উত্তর—দ্বাদশ বৎসর পরে।

শৈ। এ প্রায়শ্চিত্ত গ্রহণ করিয়া কত দিন বাঁচিব ? যদি দ্বাদশ বৎসর মধ্যে মরিয়া যাই ?

উত্তর—তবে মৃত্যুকালে সাক্ষাৎ পাইবে।

শৈ। কোন উপায়েই কি তৎপূর্বে সাক্ষাৎ পাইব না ? আপনি দেবতা, অবশ্য জানেন।

উত্তর—যদি এখন তাঁহাকে দেখিতে চাও, তবে সপ্তাহকাল দিবারাত্র এই শুহামধ্যে একাকিনী বাস কর। এই সপ্তাহ, দিনরাত্র কেবল স্বামীকে মনোমধ্যে চিস্তা কর—অন্ত কোন চিস্তাকে মনোমধ্যে স্থান দিও না। এই সাত দিন, কেবল একবার সন্ধ্যাকালে নির্গত হইয়া ফলমূলাহরণ করিও; তাহাতে পরিভোষজনক ভোজন করিও না—যেন ক্ষুধা নিবারণ না হয়। কোন মন্মুশ্যের নিকট যাইও না,—বা কাহারও সহিত সাক্ষাৎ হইলেও কথা কহিও না। যদি এই অন্ধকার শুহায় সপ্তাহ অবস্থিতি করিয়া, সরল চিত্তে অবিরত অনম্ভমন হইয়া কেবল স্বামীর ধ্যান কর, তবে তাঁহার সাক্ষাৎ পাইবে।

চতুন্ত্রিংশত্তম পরিচ্ছেদ দলনী কি করিল

মহাকায় পুরুষ, নিঃশব্দে দলনীর পাশে আসিয়া বসিল। দলনী কাঁদিতেছিল, ভয় পাইয়া রোদন সম্বরণ করিল। নিষ্পন্দ হইয়া রহিল। আগন্তুকও নিঃশব্দে রহিল। যতক্ষণ এই ব্যাপার ঘটিতেছিল, ততক্ষণ অন্তত্ত্ব দলনীর আর এক সর্ববনাশ উপস্থিত হইতেছিল।

মহম্মদ তকির প্রতি গুপ্ত আদেশ ছিল, যে ইংরেজ্বদিগের নৌকা হইতে प्रमुची द्वापादक इस्तुभे कृतिया मुक्लाद शार्शित । महन्मा एक विरविष्या করিয়াছিলেন, যে ইংরেজেরা বন্দী বা হত হইলে, বেগম কাজে কাজেই তাঁহার হস্তগতা হইবেন, স্মৃতরাং অফুচরবর্গকে বেগম সম্বন্ধে কোন বিশেষ উপদেশ প্রদান করা আবশ্যক বিবেচনা করেন নাই। পরে যখন, মহম্মদ তকি দেখিলেন, নিহত ইংরেজ্বদিগের নৌকায় বেগম নাই, তখন তিনি বুঝিলেন যে, বিষম বিপদ উপস্থিত। তাঁহার শৈথিল্যে বা অমনোযোগে নবাব রুপ্ট হইয়া, কি উৎপাত উপস্থিত করিবেন, তাহা বলা যায় না। এই আশঙ্কায় ভীত হইয়া, মহম্মদ তকি, সাহসে ভর করিয়া নবাবকে বঞ্চনা করিবার কল্পনা করিলেন। লোক পরস্পরা তখন শুনা যাইতেছিল. যে যুদ্ধ আরম্ভ হইলেই ইংরেজেরা মীরজাফরকে কারামুক্ত করিয়া পুনর্কার মস্নদে বসাইবেন। যদি ইংরেজেরা যুদ্ধজয়ী হয়েন, তবে মীরকাসেম এ প্রবঞ্চনা শেষে জানিতে পারিলেও কোন ক্ষতি হইবে না। আপাততঃ বাঁচিতে পারিলেই অনেক লাভ। পরে যদিই মীরকাসেম জয়ী হয়েন, তবে তিনি যাহাতে প্রকৃত ঘটনা কখন না জানিতে পারেন, এমত উপায় করা যাইতে পারে। আপাততঃ কোন কঠিন আজ্ঞা না আসে। এইরূপ ছুরভিসন্ধি করিয়া, তকি এই রাত্রে নবাবের সমীপে মিথ্যা কথা পরিপূর্ণ এক আরঞ্জি পাঠাইতেছিলেন।

মহম্মদ তকি নবাবকে লিখিলেন যে, বেগমকে আমিয়টের নৌকায় পাওয়া গিয়াছে। তকি, তাঁহাকে আনিয়া যথা সম্মানপূর্বক কেল্লার মধ্যে রাখিয়াছেন। কিন্তু বিশেষ আদেশ ব্যতীত তাঁহাকে হজুরে পাঠাইতে পারিতেছেন না। ইংরেজ্ব-দিগের সঙ্গী খানসামা, নাবিক, শিপাহী প্রভৃতি যাহারা জীবিত আছে, তাহাদের সকলের প্রমুখাৎ শুনিয়াছেন যে বেগম আমিয়টের উপপত্নী স্বরূপ নৌকায় বাস করিতেন। উভয়ে এক শয্যায় শয়ন করিতেন। বেগম স্বয়ং এ সকল কথা স্বীকার করিতেছেন। তিনি এক্ষণে খ্রীষ্টধর্মাবলম্বন করিয়াছেন। তিনি মুঙ্গেরে যাইতে অসমত। বলেন, "আমাকে ছাড়িয়া দাও। আমি কলিকাতায় গিয়া আমিয়ট সাহেবের স্কুল্গণের নিকট বাস করিব। যদি না ছাড়িয়া দাও, তবে

আমি পলাইয়া যাইব। যদি মৃক্তেরে পাঠাও তবে আত্মহত্যা করিব।" এমত অবস্থায় তাঁহাকে মৃক্তেরে পাঠাইবেন, কি এখানে রাখিবেন, কি ছাড়িয়া দিবেন, তিছিবয়ে আজ্ঞার প্রত্যাশায় রহিলেন। আজ্ঞা প্রাপ্ত হইলে তদমুসারে কার্য্য করিবেন। তকি এই মর্শ্মে পত্র লিখিলেন।

অশ্বারোহী দৃত সেই রাত্রেই এই পত্র লইয়া মুঙ্গেরে যাত্রা করিল।

কেহ কেহ বলে দূরবর্তী অজ্ঞাত অমঙ্গল ঘটনাও আমাদিগের মন জানিতে পারে। এ কথা যে সত্য, এমত নহে, কিন্তু যে মূহুর্ত্তে মূরশিদাবাদ হইতে অশ্বারোহী দৃত, দলনী বিষয়ক পত্র লইয়া মুঙ্গেরে যাত্রা করিল, সেই মূহুর্ত্তে দলনীর শরীর রোমাঞ্চিত হইল। সেই মূহুর্ত্তে তাঁহার পার্শ্বন্থ বলিষ্ঠ পুরুষ, প্রথম কথা কহিল। তাঁহার কণ্ঠস্বরে হউক, অমঙ্গল স্চনায় হউক, যাহাতে হউক, সেই মূহুর্ত্তে দলনীর শরীর কণ্টকিত হইল।

পার্শ্ববর্তী পুরুষ বলিল, "তোমায় চিনি। তুমি দলনী বেগম।" দলনী শিহরিল।

পার্শ্বন্থ পুরুষ পুনর্পি কহিল, "জানি, তুমি এই বিজনস্থানে তুরাত্মা কর্তৃক পরিত্যক্ত হইয়াছ।"

দলনীর চক্ষের প্রবাহ আবার ছুটিল। আগন্তুক কহিল, "এক্ষণে তুমি কোথায় যাইবে ?"

সহসা দলনীর ভয় দূর হইয়াছিল। ভীতি বিনাশের দলনী বিশেষ কারণ পাইয়াছিল। দলনী কাঁদিল। প্রশ্নকর্ত্তা প্রশ্ন পুনরুক্ত করিলেন। দলনী বলিল, "যাইব কোথায়? আমার যাইবার স্থান নাই। এক যাইবার স্থান আছে—কন্তি সে অনেক দূর। কে আমাকে সেখানে সঙ্গে লইয়া যাইবে?"

আগন্তুক বলিলেন, "তুমি নবাবের নিকটে যাইবার বাসনা পরিত্যাগ কর।" দলনী উৎক্ষিতা, বিস্মিতা হইয়া বলিলেন, "কেন ?"

"অমঙ্গল ঘটিবে।"

দলনী শিহরিল, বলিল, "ঘটুক। সেই বৈ আর আমার স্থান নাই। অম্যত্র মঙ্গলাপেক্ষা স্বামীর কাছে অমঙ্গলও ভাল।"

"তবে উঠ। আমি তোমাকে মুরশিদাবাদে মহম্মদ তকির নিকট রাথিয়া আসি। মহম্মদ তকি তোমাকে মুঙ্গেরে পাঠাইয়া দিবেন। কিন্তু আমার কথা শুন। এক্ষণে যুদ্ধ আরম্ভ হইয়াছে। নবাব স্বীয় পৌরজনকে রুহিদাসের গড়ে পাঠাইবার উত্যোগ করিতেছেন। তুমি সেখানে যাইও না।"

"আমার কপালে যাই থাকুক, আমি যাইব।"

"তোমার কপালে মুক্তের দর্শন নাই।"

দলনী চিন্তিতা হইল। বলিল, "ভবিতব্য কে জানেঁ ? চলুন, আপনার সঙ্গে আনি মুরশিদাবাদ যাইব। যতক্ষণ প্রাণ আছে, নবাবকে দেখিবার আশা ছাড়িব না।"

আগন্তুক বলিলেন, "ভাহা জানি। আইস।"

ছুইজনে অন্ধকার রাত্রে মুরশিদাবাদে চলিল। দলনী প্রভঙ্গ, বহ্নিমুখ বিবিক্ষু হইল।



٥

মাদিগের সমাজ সংস্কারকেরা, নৃতন কীর্ত্তি স্থাপনে যাদৃশ ব্যগ্র, সমাজের গতি পর্য্যবক্ষেণায় তাদৃশ মনোযোগী নহেন। "এই হইলে ভাল হয়, অতএব এই কর," ইহাই তাঁহাদিগের উক্তি, কিন্তু কি করিতে কি হইতেছে, তাহা क्ट प्राथन ना। वाक्रानीता य रेश्तबिक निर्य, रेशां मक्रानतरे छैरमार ; মেকলে হইতে আটকিন্সন্ পর্য্যস্ত বহুকাল ইহার যত্ন হইয়া আসিতেছে। কিন্তু ইহার ফল কি তাহার সমালোচনা কেবল আজি কাল হইতেছে। এক শ্রেণীর লোক বলেন, ইহার ফল মাইকেল মধুস্থদন দত্ত, দারকা নাথ মিত্র প্রভৃতি; দ্বিতীয় শ্রেণীর লোক বলেন, ত্ই একটি ফল স্থপন্ধ এবং স্মধুর বটে, কিন্তু অধিকাংশ তিক্ত ও বিষময়—উদাহরণ মাতালের দল এবং সাধারণ বাঙ্গালী লেখকের পাল। আবার দিনকভধুম পড়িল, স্ত্রীলোকদিগের অবস্থার সংস্কার কর, স্ত্রীশিক্ষা দাও, বিধবার বিবাহ দাও, জ্রীলোককে গৃহপিঞ্জর হইতে বাহির করিয়া উড়াইয়া দাও, বছ-বিবাহ নিবারণ কর; এবং অক্যান্য প্রকারে পাঁচী রামী মাধীকে বিলাভি মেম করিয়া তুল। ইহা করিতে পারিলে যে ভাল, তাহাতে কোন সন্দেহ নাই; কিন্তু পাঁচী যদি কখন বিলাতি মেম হইতে পারে, তবে আমাদিগের শালতরুও একদিন ওক্রুক্ষে পরিণত হইবে, এমন ভরসা করা যাইতে পারে। যে রীতিগুলির চলন আপাতত: অসম্ভব, সেগুলি চলিত হইল না ; স্ত্রীশিক্ষা সম্ভব, এজন্ম তাহা এক প্রকার প্রচলিত হইয়া উঠিতেছে। পুঁস্তক হইতে এক্ষণে বাঙ্গালী স্ত্রীগণ যে শিক্ষা প্রাপ্ত হয়, তাহা অতি সামান্ত ; পরিবর্ত্তনশীল সমাজে অবস্থিতি জন্ত, অর্থাৎ শিক্ষিত এবং ইংরেজের অমুকরণকারী পিতা ভ্রাতা স্বামী প্রভৃতির সংসর্গে থাকায় তাহারা যে শিক্ষা প্রাপ্ত হয়, তাহা প্রবলতর। এই দ্বিবিধ শিক্ষার ফল কিরূপ দাঁড়াইতেছে ? বাঙ্গালী যুবকের চরিত্রে যেরূপ পরিবর্ত্তন দেখা যাইতেছে, বাঙ্গালী যুবতীগণের চরিত্রে দেরপ লক্ষণ কিছু দেখা যাইতেছে কি না ? যদি দেখা যাইতেছে, সেগুলি ভাল

না মন্দ ? তাহার উৎসাহ দান বিধেয়, না তাহার দমন আবশ্যক ? এ সকল প্রশ্ন সাধারণ লেখকদিগকে আলোচনা করিতে আমরা প্রায় দেখিতে পাই না, অথচ, ইহার অপেক্ষা গুরুতর সামাজিক তত্ত্বও আর নাই। তাই বলিতেছিলাম যে, আমাদিগের সমাজ সংস্কারকেরা নৃতন কীর্ত্তি স্থাপনে যাদৃশ ব্যগ্রা, সমাজের বর্ত্তমান গতির আলোচনায় তাদৃশ মনোযোগী নহেন।

বিষয়টি অতি গুরুতর। সমাজে স্ত্রীজাতির যে বল, ভাহা বর্ণিত করিবার প্রয়োজন নাই। মাতা বাল্যকালের শিক্ষাদাত্রী; স্ত্রী বয়ংপ্রাপ্তের মন্ত্রী, ইত্যাদি প্রাচীন কথা পুনরুক্ত করিবার প্রয়োজন নাই। সকলেই জানেন স্ত্রীলোকের সম্মতি এবং সাহায্য ব্যতীত সংসারের কোন গুরুতর কার্য্য সম্পন্ন হয় না। গহনা গড়ান ও গোরু কেনা হইতে ফরাসিস রাজ্যবিপ্লব এবং লুথরের ধর্মবিপ্লব পর্যান্ত সকলেই স্ত্রীসাহায্য সাপেক্ষ। ফরাসিস্ত্রীগণ ফরাসিস্ রাজ্যবিপ্লব মহারথী ছিলেন। আন বলীন হইতে ইংলগু প্রটেষ্টান্ট—

-Gospel light first dawned from Bullen's eyes:

এ সংসার-জ্বলে বাস করিতে গেলে, রমণী কুন্তীরের সহিত বাদ করা পোষায় না। তাঁহাদের অমতে কোন কাজ করা যায় না। তাঁহারা যে দিগে চলেন, আমরা সেই দিগে চলি; সংসার রণক্ষেত্রের রথীগণের তাঁহারাই সারখি; এক্ষণভঙ্গুর দেহ-ছ্যাক্ড়ার তাঁহারাই কোচমান; এ ভাঙ্গা ডিঙ্গীতে তাঁহারাই বাঙ্গাল মাঝি। আমরা কার্য্য করি; তাঁহারাই কার্য্য করান। আমরা অস্ত্র, তাঁহারা হাত; আমরা লাঠি, তাঁহারা লাঠিয়াল; আমরা খান্ত, তাঁহারা বক্ত্র; আমরা বৃদ্ধি, তাঁহারা ইচ্ছা। আমরা চক্রে, তাঁহারা কুন্তকার, আমাদিগকে ঘুরাইতেছেন; আমরা মেঘ, তাঁহারা বায়্যু, রাত্রিদিন আমাদিগকে ফুর্টেইডেছেন; আমরা কার্ছ, তাঁহারা অগ্নি, রাত্রিদিন আমাদিগকে হাড়েহাড়ে পোড়াইতেছেন। আমাদিগের উপার্জন ও পরিশ্রমের অধিকাংশ তাঁহাদিগেরই জন্ম। সংসার ক্ষেত্রে পুরুষ চাসাগণ কর্ম্ম রূপ ঘাস কাটিয়া মাথায় করিয়া ঘরে লইয়া যায়, রমণী রূপিনী গাবী-গণ তাহা বসিয়া বসিয়া খায়।

ব্যক্ত ত্যাগ করিয়া ইহা বলা যাইতে পারে যে, আমাদের শুভাশুভের মূল আমাদের কর্ম, কর্মের মূল প্রবৃত্তি; এবং অনেক স্থানেই আমাদিগের প্রবৃত্তি সকলের মূল আমাদিগের গৃহিনীগণ। অতএব স্ত্রীজ্ঞাতি আমাদিগের শুভাশুভের মূল। স্ত্রীজ্ঞাতির মহন্ধ কীর্ত্তন কালে, এই সকল কথা বলা প্রাচীন প্রথা আছে এজন্ম আমরাও একথা বলিলাম; কিন্তু একথা গুলি যাঁহারা ব্যবহার করেন তাঁহাদিগের আন্তরিক ভাব এই যে পুরুষই মন্ত্র্যু জ্ঞাতি; যাহা পুরুষের পক্ষেশুভাশুভ বিধান করিতে সক্ষম, তাহাই শুরুতর বিষয়; স্ত্রীগণ, পুরুষের শুভাশুভ

বিধায়িনী বলিয়াই তাঁহাদিগের উন্নতি বা অবনতির বিষয় গুরুতর বিষয়। বাস্তবিক, আমরা সেরপ কথা বলি না। আমাদিগের প্রধান কথা এই, যে স্ত্রীগণ সংখ্যায় পুরুষগণের তুল্য, বা অধিক; তাঁহারা সমাজের অর্দ্ধাংশ। তাঁহারা পুরুষগণের শুভাশুভ বিধায়িনী হউন, বা না হউন, তাঁহাদিগের উন্নতিতে সমাজের উন্নতি; যেমন পুরুষদিগের উন্নতিতে সমাজের উন্নতি, ঠিক সেই পরিমাণে স্ত্রীজাতির উন্নতিতে সমাজের উন্নতি, কেন না স্ত্রীজাতি সমাজের অর্দ্ধেক ভাগ। স্ত্রী পুরুষের সমান ভাগের সমষ্টিকে সমাজ বলে; উভয়ের সমান উন্নতিতে সমাজের উন্নতি। এক ভাগের উন্নতি সমাজ সংস্করণের মুখ্য উদ্দেশ্য, তাহার উন্নতি সহায় বলিয়াই অন্য ভাগের উন্নতি গৌণ উদ্দেশ্য, এ কথা নীতি বিরুদ্ধ।

কিন্তু সমাজের নিয়ন্ত বর্গ সর্ব্ব কালে সর্ব্ব দেশে, এই ভ্রমে পতিত। তাঁগারা বিধান করেন যে স্ত্রীলোকেরা এইরূপ এইরূপ আচরণ করিবে।—কেন করিবে ? উত্তর, তাহা হইলে, পুরুষের অমুক মঙ্গল ঘটিবে, বা অমুক অমঙ্গল নিবারিত হুইবে। সমাজ-বিধাতাদিগের সর্বত্ত এইরূপ উক্তি; কোথাও এ উদ্দেশ্য স্পষ্ট কোথাও অম্পুষ্ট, কিন্তু সর্বব্রই বিগুমান। এই জ্মাই সর্বব্র স্ত্রীজ্ঞাতির সতীবের জম্ম এত পীড়াপীড়ি; পুরুষের সেই জাতীয় দোষ, কোথাও তত বড় গুরুতর দোষ বলিয়া গণনীয় নহে। বাস্তবিক নীতি শাস্ত্রের স্বাভাবিক মূল ধরিতে গেলে এমত কোন বিষয়ই পাওয়া যায়না, যদ্বারা স্ত্রীকৃত ব্যভিচার পুরুষকৃত পরদার গ্রহণ অপেক্ষা গুরুতর দোষ বিবেচনা করা যায়। পাপ চুই সমান। একপুরুষভাগিনী স্ত্রীতে পুরুষের যে স্বাভাবিক অধিকার, একস্ত্রীভাগী পুরুষে ন্ত্রীলোকের ঠিক সেই স্বাভাবিক অধিকার, কিছু মাত্র ন্যুন নহে। তথাপি পুরুষে এ নিয়ম লজ্মন করিলে, তাহা বাবুগিরি মধ্যে গণ্য; জ্রীলোক এ দোষ করিলে, সংসারের সকল মুখ তাহার পক্ষে বিলুপ্ত হয়; সে অধমের মধ্যে অধম বলিয়া গণ্য হয়, কুষ্ঠগ্রন্তের অধিক অম্পৃশ্রা হয়। কেন ? পুরুষের স্থাখের পক্ষে জ্রীর সতীছ আবশ্যক; স্ত্রীজাতির স্থথের পক্ষে পুরুষের ইন্দ্রিয় সংযম আবশ্যক। কিন্তু পুরুষই সমাজ, স্ত্রীলোক কেহ নহে। অতএব স্ত্রীর পাতিব্রত্যচ্যুতি গুরুতর পাপ বলিয়া সমাজে বিহিত হইল; পুরুষের পক্ষে নৈতিক বন্ধন শিথিল রহিল।

সকল সমাজেই স্বীজাতি পুরুষাপেক্ষা অনুন্নত; পুরুষের আত্মপক্ষপাতিতাই ইহার কারণ। পুরুষ বলিষ্ঠ, স্থতরাং পুরুষই কার্য্যকর্তা; স্বীজাতিকে কাজে কাজেই তাঁহাদিগের বাছবলের অধীন হইয়া থাকিতে হয়। আত্মপক্ষপাতী পুরুষগণ, যত দূর আত্মসুখের প্রয়োজন, ততদূর পর্যাস্ত স্ত্রীগণের উন্নতির পক্ষেমনোযোগী; তাহার অতিরেকে তিলার্জ নহে। এ কথা অক্সান্ত সমাজের অপেক্ষা, আমাদিগের দেশে বিশেষ সত্য। প্রাচীন কালের কথা বলিতে চাহিনা; তৎকালীন

দ্রীঞ্চাতি চিরাধীনতার বিধি, কেবল অবস্থা বিশেষ ব্যতীত দ্রীগণের ধনাধিকারে নিষেধ; দ্রী, ধনাধিকারিণী হইলেও দ্রীর দান বিক্রয়ে ক্ষমতার অভাব; সহমরণ বিধি; বছ কাল প্রচলিত বিধবার বিবাহ নিষেধ; বিধবার পক্ষে প্রচলিত কঠিন নিয়ম সকল; দ্রীপুরুষে গুরুতর বৈষম্যের প্রমাণ। তৎপরে মধ্যভারতেও দ্রীঞ্চাতির অবনিত আরও গুরুতর হইয়াছিল। পুরুষ প্রভু, দ্রী দাসী; দ্রী জল তুলে, রন্ধন করে, বাটনা বাটে, কুটনা কোটে। বরং বেতন-ভাগিনী দাসীর কিঞ্চিৎ স্থাধীনতা আছে, কিন্তু বনিতা ত্বহিতা স্বসার তাহাও ছিলনা। আজি কালি, পুরুষের শিক্ষার গুণে হউক, দ্রীশিক্ষার গুণে হউক, বা ইংরেজের দৃষ্টান্তের গুণে হউক, এ অবস্থার পরিবর্ত্তন হইতেছে। কিন্তু যেরূপ পরিবর্ত্তন হইতেছে, তাহার সর্ব্বাংশই কি উন্নতি স্চক ? বঙ্গীয় যুবকদিগের যে অবস্থান্তর ঘটিতেছে তাহার বিশেষ আন্দোলন শুনিতে পাই, কিন্তু বঙ্গীয়া যুবতীগণের যে অবস্থান্তর ঘটিতেছে, তাহা কি উন্নতি ?

এ প্রশ্নের উত্তর দিবার পূর্বের পূর্বকালে বঙ্গীয়া যুবতী কি ছিলেন, এক্ষণে কি হইতেছেন, তাহা স্মরণ করা আবশ্যক। প্রাচীনার সহিত নবীনার তুলনা আবশ্যক। পুর্বেকালের যুবতীগণের নাম করিতে গেলে, আগে শাঁখা শাড়ী সিন্দুর কোটা মনে পড়িবে; বাঁকমলের মুটাম হাত উপর মনসা পেড়ে শাড়ীর রাঙ্গা পাড় আসিয়া পড়িয়াছে; হাতে পৈছা, কম্বন এবং শংখ, (যাহার জুটিল তাহার বাউটি নামে সোনার শংখ)—মৃষ্টি মধ্যে দৃঢ়ধৃত সম্মার্জনী, বা রন্ধনের বেড়ী; কপালে, কলা বউয়ের মত সিন্দুরের রেখা, নাকে চন্দ্রমণ্ডলের মত নথ; দাঁতে অমাবস্থার মত মিশি; এবং মন্তকের ঠিক মধ্যভাগে, পর্বেত শুঙ্গের তায় তুঙ্গ কবরী শিখর। আমরা স্বীকার করি যে, সেকেলে মেয়ে যখন গাছকোমর বাঁধিয়া, ঝাঁটা হাতে করিয়া, থোঁপা খাড়া করিয়া, নথ নাড়িয়া দাঁড়াইত, তখন অনেক পুরুষের হৃৎকম্প হইত। যাঁহারা এবম্বিধা প্রাঙ্গণবিহারিণী রসবতীর সঙ্গে বাদামুবাদ সাহস করিতেন. তাঁহারা একটু সতর্ক হইয়া দূরে দাঁড়াইতেন। ইহারা কোন্দলে বিশেষ পরিপক ছিলেন ; পরস্পরের পৃষ্ঠহণের সঙ্গে তাঁহাদের হস্তের সম্মার্জ্জনীর বিশেষ কোন সম্বন্ধ ছিল। তাঁহাদিগের ভাষাও যে বিশেষ প্রকারে অভিধান-সম্মত ছিল, এমত বলিতে পারিনা, কেননা তাঁহারা "পোড়ার মুখো," "ডেক্রা" ইত্যাদি নিপাতনসাধ্য শব্দ আধুনিক প্রাণনাথ প্রাণকান্তাদির স্থলে ব্যবহার করিতেন; এবং "আবাগী" "শতেক্ থ্য়ারী" প্রভৃতি শব্দ আধুনিক "সথি" "ভগিনি" স্থানে প্রয়োগ করিতেন।

এক্ষণে যে স্থন্দরীকুল চরণালক্তকে বঙ্গ ভূমিকে উজ্জ্বলা করিতেছেন, তাঁহারা ভিন্ন প্রকৃতি। সে শাঁখা শাড়ী সিন্দুর, মিশি মল মাছ্লী, কিছুই নাই; অনাভি-ধানিক প্রিয় সম্বোধন সকল স্থন্দরীগণের রসনা ত্যাগ করিয়া বাঙ্গালা নাটকে আশ্রম লইয়াছে; যেখানে আগে মোটা মন্সা পেড়ে শাড়ী মেয়ে মোড়া গনিক্লথ ছিল, এক্লণে তাহার স্থানে শান্তিপুরে ডুরে রূপের জাহাজের পাল হইয়া সোহাগের বাতাসে ফরফর করিয়া উড়িতেছে। হাতা বেড়ী ঝাঁটা কলসীর পরিবর্ত্তে, সূচ সূতা কার্পেট কেতাব হইয়াছে; পরিধেয় আটু ছাড়িয়া চরণে নামিয়াছে; কবরী মূর্দ্মা ছাড়িয়া ক্লের পড়িয়াছে; এবং অঙ্কের স্ববর্ণ, পিগুত্ব ছাড়িয়া, অলঙ্কারে পরিণত হইয়াছে। ধূলিকর্দমরঙ্গিণীগণ, সাবান স্থাক্ষাদির মহিমা ব্রিয়াছেন; কলকণ্ঠ ধ্বনি, পাপিয়ার মত গগনপ্লাবী না হইয়া মার্জারের মত অক্ষুট হইয়াছে। পতির নাম এক্ষণে আর ডেক্রা সর্ব্বনেশে নহে; তত্তংস্থানে সম্বোধন-পদ সকল দীনবন্ধ্ বাব্র গ্রন্থ হইতে বাছিয়া বাছিয়া নীত হইয়া ব্যবহাত হইতেছে। স্থুল কথা এই, প্রাচীনার অপেক্ষা নবীনার ক্লিট কিছু ভাল। ব্রীজাতির ক্লিটর কিছু সংস্কার হইয়াছে।

কিন্তু অন্যাশ্য বিষয়ে, তাদৃশ উন্নতি হইয়াছে কি না বলিতে পারি না। কয়েকটি বিষয়ে নবীনাগণকে আমরা নিন্দনীয়া বিবেচনা করি। তাঁহাদিগের কোন প্রকার নিন্দা করা আমাদিগের ঘোরতর বে-আদবি। তবে চল্রের সঙ্গে তাঁহাদিগের সাদৃশ্য সম্পূর্ণ করিবার জন্ম তাঁহাদিগের কিঞ্চিৎ কলঙ্ক রটনায় প্রবৃত্ত হইলাম।

১। তাঁহাদের প্রথম দোষ আলস্ত। প্রাচীনা অত্যন্ত প্রমশালিনী এবং গৃহ কর্ম্মে স্মুপটু ছিলেন ; নবীনা, ঘোরতর বাবু ; জলের উপর পদ্মের মত স্থিরভাবে বসিয়া স্বচ্ছদর্পণে আপনার রূপের ছায়া আপনি দেখিয়া দিন কাটান। গৃহকর্শ্যের ভার, প্রায় পরিচারিকার প্রতি সমর্পিত। ইহাতে অনেক অনিষ্ট জন্মিতেছে ;—প্রথম, শারীরিক পরিশ্রমের অল্পতায়, যুবতীগণের শরীর বলশৃত্য এবং রোগের আগার হইয়া উঠিতেছে। প্রাচীনাদিগের, অর্থাৎ পূর্ব্বকালের যুবতীদিগের শরীর স্বাস্থ্য জ্বনিত এক অপূর্ব্ব লাবণ্য বিশিষ্ট ছিল, এক্ষণে তাহা কেবল নিমুশ্রেণীর লোকের মধ্যে দেখা যায়। নবীনাদিগের প্রাতাহিক রোগভোগে তাহাদিগের স্বামী পিতা পুত্র প্রভৃতি সর্বাদা জালাতন এবং অমুখী; এবং সংসারও কাজে কাজেই বিশৃষ্টলাযুক্ত এবং ছঃখময় হইয়া উঠে। গৃহিণী রুগ্নশয্যাশায়িনী হইলে গৃহের ঞী থাকে না ; অর্থের ধ্বংস হইতে থাকে ; শ্রিশুগণের প্রতি অযত্ন হয় ; স্থুতরাং তাহাদিগের স্বাস্থ্যক্ষতি ও কুশিক্ষা হয়; এবং গৃহমধ্যে সর্ব্বত্র জুর্নীতির প্রচার হয়। যাহারা ভালবাদে, তাহারাও নিত্য রুগ্নের সেবার হুঃখ সহ্য করিতে পারে না; স্বতরাং দম্পতী প্রীতিরও লাঘব হইতে থাকে। এবং মাতার অকাল মৃত্যুতে শিশুগণের এমত অনিষ্ট ঘটে যে, তাহাদের মৃত্যুকাল পর্য্যস্ত তাহারা উহার ফলভোগ করে। সভ্য বটে, ইংরেজ জাতীয় স্ত্রীগণকে আলস্থ পরবশ দেখিতে

পাই, কিন্তু তাহারা অশ্বারোহণ, বায়ুসেবন ইত্যাদি অনেকগুলি স্বাস্থ্য-রক্ষক শারীরিক ক্রিয়া নিয়মিতরূপে সম্পাদন করে। আমাদিগের গৃহপিঞ্চরের বিহঙ্গিনী-গণের সে সকল কিছুই হয় না।

দ্বিতীয়, স্ত্রীগণের আলস্থে আর একটি গুরুতর কুফল এই যে, সস্থান হুর্বল এবং ক্ষীণজীবী হয়। শিশুদিগের নিত্য রোগ এবং অকালয়ত্যু অনেক সময়েই জননীর শ্রমে অনুরাগশৃহ্যতার ফল। অনেকে বলেন, আগে এত রোগ ছিল না; এখন নিত্য পীড়া; আগে লোকে দীর্ঘজীবী ছিল; এক্ষণে অল্পবয়সে মরে। অনেকের বিশ্বাস আছে, এসকল কাল মহিমা; কলিতে অনৈসর্গিক ব্যাপার ঘটিতেছে। বৃদ্ধিমান্ ব্যক্তি জ্বানেন যে নৈস্গিক নিয়ম কখন কালমাহান্ম্যে পরিবর্ত্তিত হয় না; যদি আধুনিক বাঙ্গালীরা বছরোগী এবং অল্লায়ুং হইয়া থাকে, তবে তাহার অবশ্য নৈস্গিক কারণ আছে সন্দেহ নাই। আধুনিক প্রস্থৃতিগণের শ্রমে বিরতিই সেই সকল নৈস্গিক কারণের মধ্যে অগ্রগণ্য। যে বঙ্গদেশের ভরসা লোকের শারীরিক বলোন্নতির উপর বর্ত্তিয়াছে, সেই বঙ্গদেশে জননীগণের আলস্থবশ্যতার এরপ বৃদ্ধি যে অতি শোচনীয় ব্যাপার তাহার সন্দেহ নাই।

আলস্থের তৃতীয় কুফল এই যে নবীনাগণ গৃহকর্মে নিতান্ত অশিক্ষিতা এবং অপটু। কখনও সে সকল কাজ করেন না, এজগু শিখেনও না। ইহাতে অনেক অনিষ্ট ঘটে। প্রাচীনারা নিতান্ত ধনী না হইলে, জল তুলিতেন, বাসন মাজিতেন, উঠান ঝাঁট দিতেন; রন্ধন তাঁহাদের জীবনের প্রধান কার্য্য ছিল। এ কিছু বাড়াবাড়ি; নবীনাদিগের এত দূর করিতে আমরা অনুরোধ করি না; যাহার যেমন অবস্থা, সে তদমুসারে কার্য্য করিলেই যথেষ্ট; কেবল কার্পেট তুলিয়া কাল কাটাইলে, অতি ঘণিতরূপে পরস্পরের জীবন নির্বাহ করা হয় বিবেচনা করি। স্থুখ বর্দ্ধন জন্ম সকলেরই জন্ম; যে স্ত্রী, ভূমগুলে আসিয়া, শয্যায় গড়াইয়া, দর্পণ সম্মুখে কেশ-রঞ্জন করিয়া কার্পেট তুলিয়া, সীতার বনবাস পড়িয়া এবং সস্তান প্রসব করিয়া কাল কাটাইলেন, আপনার ভিন্ন কাহারও স্থুখ বৃদ্ধি করিলেন না, তিনি পশুজাতির অপেক্ষা কিঞ্চিৎ ভাল হইলে হইতে পারেন, কিন্তু তাঁহার স্ত্রীজন্ম নির্থক। এ গ্রেণীর স্ত্রীলোকগণকে আমরা গলায় দড়ি দিয়া মরিতে পরামর্শ দিই; পৃথিবী তাহা হইলে অনেক নির্থক ভার বহন যন্ত্রণা হইতে বিমুক্তা হয়েন।

গৃহিণী গৃহকর্ম না জানিলে রুগ্নগৃহিণীর গৃহের স্থায় সকলই বিশৃঞ্চল হইয়া পড়ে। অর্থে উপকার হয় না; অর্থ অনর্থক ব্যয় হয়; দ্রব্য সামগ্রী লুঠ যায়; অর্দ্ধেক দাস দাসী এবং অপর লোক চুরি করে। বছব্যয়েও খাদ্যাদির অপ্রভূল ঘটে; ভাল সামগ্রীর থরচ দিয়া মন্দ সামগ্রী ব্যবহার করিতে হয়; ভাল সামগ্রী গৃহস্থের কপালে ঘটেনা। পৌরন্ধনে পৌরন্ধনে অপ্রণয় এবং কলহ ঘটিয়া উঠে। অতিথি অভ্যাগতের উপযুক্ত সম্মান হয় না। সংসার কটকময় হয়।

২। নবীনাদিগের দ্বিতীয় দোষ, ধর্ম সম্বন্ধে। আমরা এক্ষণকার বঙ্গাঙ্গনা-গণকে অধার্মিক বলিতেছি না,—বঙ্গীয় যুবকদিগের তুলনায় তাঁহারা ধর্মভক্ত এবং বিশুদ্ধাত্মা বটেন, কিন্তু প্রাচীনাদিগের সম্প্রদায়ের তুলনায় তাঁহারা ধর্মে লঘু, সন্দেহ নাই। বিশেষ যে সকল ধর্ম গৃহস্থের ধর্ম বলিয়া পরিচিত সেইগুলিতে এক্ষণকার যুবতীগণের লাঘব দেখিয়া কষ্ট হয়।

স্ত্রীলোকের প্রথম ধর্ম পাতিব্রত্য। অদ্যাপি, বঙ্গ মহিলাগণ পৃথিবীতলে পাতিব্রত্য ধর্মে তুলনারহিতা। কিন্তু যাহা ছিল তাহা কি আর আছে ? এ প্রশ্নের উত্তর শীষ্ম দেওয়া যায় না। প্রাচীনাগণের পাতিব্রত্য যেরূপ দৃঢ় গ্রন্থির দ্বারা হৃদয়ে নিবদ্ধ ছিল, পাতিব্রত্য যেরূপ তাহাদিগের অস্থি মঙ্জা শোণিতে প্রবিষ্ট ছিল, নবীনাদিগেরও কি তাই ? অনেকের বটে, কিন্তু অধিকাংশের কি তাই ? নবীনাগণ পতিব্রতা বটে, কিন্তু যত লোকনিন্দা ভয়ে, তত ধর্মভয়ে নহে।

তাহার পর, দানাদিতে প্রাচীনাদিগের যেরূপ মনোভিনিবেশ ছিল, নবীনাদিগের সেরূপ দেখা যায় না। প্রাচীনাগণের দৃঢ় বিশ্বাস ছিল, যে দানে পরমার্থের কান্ধ হয়। যে দান করে, সে স্বর্গে যায়। এক্ষণকার যুবতীগণের স্বর্গে বিশ্বাস তত দৃঢ় নহে; তাহাদিগের পরলোকে স্বর্গ প্রাপ্তি কামনা তত বলবতী নহে। ইংরেন্ধী সভ্যতার ফলে, দেশে নানাবিধ সামগ্রীর প্রাচ্ন্য্য হওয়াতে সকলেরই অর্থের প্রয়োজন বাড়িয়াছে, স্ত্রীলোকদিগেরও বাড়িয়াছে; এক্ষ্য তাদৃশী অমুরক্তি আর নাই। তত দান করিলে, আর কুলায় না। টাকায় যে সকল স্ব্থ কেনা যায়, তাহার সংখ্যা এবং বৈচিত্র্য বাড়িয়াছে, দানের আধিক্য করিলে, এখন অনেক বাঞ্চনীয় স্বথে বঞ্চিত্ত হইতে হয়। স্বভরাং স্ত্রীলোকে (এবং পুরুষ) আর তত দানশালিনী নহে।

হিন্দুদিগের একটি প্রধান ধর্ম অতিথি সংকার। যে গৃহে আসে, তাহাকে আহারাদির দ্বারা পরিতৃষ্ট করণ পক্ষে এতদ্দেশীয় লোকের তুল্য কোন জাতি ছিল না। প্রাচীনাগণ এই গুণে বিশেষ গুণশালিনী ছিলেন। নবীনাদিগের মধ্যে সে ধর্ম একেবারে বিলুপ্ত হইতেছে। গৃহে অতিথি অভ্যাগত আসিলে, প্রাচীনারা কৃতার্থ হইতেন, নবীনাগণ বিরক্ত হয়েন। লোককে আহার করান, প্রাচীনাদিগের প্রধান মুখ ছিল, নবীনাগণ ইহাকে ঘোরতর বিপদ্ মনে করেন।

ধর্মে যে নবীনাগণ প্রাচীনাদিগের অপেক্ষা নিকৃষ্ট, তাহার একটি বিশেষ কারণ অসম্পূর্ণ শিক্ষা। লেখা পড়া বা অক্স প্রকারের শিক্ষা তাঁহারা যাহা কিঞ্চিৎ প্রাপ্ত হয়েন, তাহাতেই বৃঝিতে পারেন যে প্রাচীন ধর্মের শাসন অমূলক। অতএব

তাহাতে বিশ্বাস হারাইয়া, ধর্মের যে বন্ধন ছিল, তাহা হইতে বিমুক্ত হয়েন। তাহার স্থানে আর নৃতন বন্ধন কিছুই গ্রন্থি বন্ধ হইতেছে না। আমরা লেখা পড়ার নিন্দা করিতেছি না। ধর্ম ভিন্ন বিস্তার অপেক্ষা মূল্যবান্ বস্তু যে পৃথিবীতে কিহুই নাই, ইহা আমরা ভুলিয়া যাইতেছি না। তবে বিভার ফল ইহা সর্ববি ঘটিয়া থাকে, যে তাহাতে চক্ষু ফুটে, মিথ্যাকে মিথ্যা বলিয়া বোধ হয়, সত্যকে সত্য বলিয়া জানা যায়। বিভার ফলে লোকে, প্রাচীন ধর্মশান্ত্র ঘটিত ধর্মের মূলের অলীকত্ব দেখিতে পায়; প্রাকৃতিক যে সত্য ধর্মা, তাহা সত্য বলিয়া চিনিতে পারে। অতএব বিভায় ধর্শ্বের ক্ষতি নাই, বরং বৃদ্ধি আছে। সচরাচর পণ্ডিতে ধর্মিষ্ঠ, মূর্থে পাপিষ্ঠই হয়। কিন্তু অল্প বিভাব দোয এই যে, ধর্মের মিথ্যা মূল তন্ধারা উচ্ছেদ হয়; অথচ সত্য ধর্শ্বের প্রাকৃতিক মূল সংস্থাপিত হয় না ৷ সেটুকু কিছু অধিক জ্ঞানের ফল। পরোপকার করিতে হইবে, এটি যথার্থ ধর্মনীতি বটে। মূর্থেও ইহা জানে, এবং মূর্থদিগের মধ্যে ধর্ম্মে যাহাদের মতি আছে, তাহারাও ইহার বশবর্তী হয়। তাহার কারণ এই যে এই নৈতিক আজ্ঞা প্রচলিত ধর্মশান্ত্রে উক্ত হইয়াছে ; মূর্থের তাহাতে দৈবাজ্ঞা বলিয়া বিশ্বাস আছে। দৈববিধি লজ্জ্বন করিলে ইহলোকে ও পরলোকে ক্ষতি প্রাপ্ত হইতে হইবে বলিয়া, মূর্থ সে নীতির বশবর্ত্তী । পণ্ডিতও সে নীতির বশবর্ত্তী, কিন্তু তিনি ধর্মশাস্ত্রোক্ত বলিয়া তছক্তির অনুসরণ করেন না। তিনি জানেন যে ধর্শ্বের কতকগুলি প্রাকৃতিক নিয়ম আছে তাহা অবশ্য পালনীয়: এবং পরোপকার বিধি সেই সকল নিয়মের ফল। অতএব এস্থলে ধর্মের ক্ষতি হইল না। কিন্তু যদি কেহ ঈদৃশ পরিমাণে মাত্র বিভার আলোচনা করে যে তদ্ধারা প্রাচীন ধর্মশাস্ত্রে বিশ্বাস বিনষ্ট হয়, অথচ যতদূর বিভার আলোচনায় প্রাকৃতিক ধর্মে বিশ্বাস জন্মে, তত দূর না যায়, তবে তাহার পক্ষে ধর্মের কোন মূল থাকে না। লোকনিন্দা ভয়ই তাথাদিগের একমাত্র ধর্মা বন্ধন হইয়া উঠে। সে বন্ধন অতি তুর্বল। আধুনিক অল্প শিক্ষিত যুবক যুবতীগণ, কিয়দংশে এই অবস্থাপন্ন; এজন্য ধর্মাংশে তাঁহারা প্রাচীনাদিগের সমকক্ষ নহেন। যাঁহারা স্ত্রীশিক্ষায় ব্যতিব্যস্ত, তাহাদিগের আমরা জিজ্ঞাসা করি যে, আপনারা বালিকাদিগের হৃদয় হইতে প্রাচীন ধর্ম-বন্ধন বিযুক্ত করিতেছেন, তাহার পরিবর্ত্তে কি সংস্থাপন করিতেছেন ?

এ কথার তাৎপর্য্য এরপ নহে, যে দ্রীশিক্ষা ভাল নহে। আমাদিগের বক্তব্য এই যে স্ত্রীগণকে যে শিক্ষা দেওয়া হইতেছে, তাহার উৎকর্ষ সাধন নিতান্ত প্রয়োজনীয়। আঙ্গুল ফুলিয়া কলাগাছ হয় না বটে; প্রথম উদ্যমের ফল সামান্ত হইবে; তথাপি এবিষয়ে সমাজের যত্ন আরও তীব্রতর হওয়া নিতান্ত আবশ্যক। এ বিষয়ে গবর্ণমেণ্ট বিশেষ নিন্দার ভাগী। স্ত্রীশিক্ষায় রাজপুরুষগণের নিতান্ত অমনোযোগ; স্ত্রীশিক্ষায় অতি অল্প ব্যয় হইয়া থাকে। স্ত্রী পুরুষ সংখ্যায় সমান;

বিভার উভয়েরই অধিকার সমান; বালক শিক্ষায় যত টাকা রাজকোষ হইতে ব্যয় হয়, বালিকা শিক্ষায় তত না হইবে কেন? বালিকারা পড়ে না, বিবাহ হইলেই তাহারা অন্তঃপুর মধ্যে নিরুদ্ধ হয়, ইত্যাদি কথা অবলম্বন করিয়া যাঁহারা স্ত্রী শিক্ষায় অর্থব্যয়ে নিরুৎসাহী, তাঁহারা অল্প ব্রেন। বহুলতর অর্থব্যয় করিলে এ সকল আপত্তি নিরাস করা যায়। স্ত্রীলোকদিগের পক্ষ সমর্থন জন্ম একখানি সাময়িকপত্র নাই, ইহা তুঃখের বিষর। তাহা হইলে এ সকল বিষয়ের পুঝানুপুঝ বিচার দেখিতে পাইতাম।

নবীনা-সম্প্রদায় সম্বন্ধে কতকগুলি গুরুতর কথা বলিতে আমাদের বাকি রহিল। বারাস্টরে বলিব । বঙ্গস্থুন্দরীগণ আমাদের উপর রাগ করিবেন না; এবার কিছু যদি নিন্দা করিয়া থাকি, বারাস্টরে প্রশংসা করিব। তাঁহাদের যতই দোষ নির্দেশ করি না কেন, তাঁহারা যে বঙ্গীয় যুবকগণ অপেক্ষা অনেক গুণে শ্রেষ্ঠ, ইহা আমরা শতমুখে স্বীকার করি। এখন যে বঙ্গদেশে ধর্মের নাম শুনা যায়, আমাদের বিবেচনায় তাহার এক কারণ এই বঙ্গীয় যুবতীগণ।

প্রাপ্তরাজ্ব সাক্ষিত্ত সমালাদ্রা

নিদান। অর্থাৎ শ্রীযুক্ত মাধব কর প্রণীত সংস্কৃত রোগ নিশ্চয় নামা গ্রন্থ। শ্রীউদয় চাঁদ দত্ত কর্ত্তৃক অনুবাদিত। কলিকাতা। গণেশ যন্ত্র।

আমরা সর্ব্বদাই মনে করি যে এক্ষণকার ইউরোপীয় বিপ্তায় সুশিক্ষিত বাঙ্গালি চিকিৎসকেরা যদি আমাদিগের প্রাচীন চিকিৎসা শাস্ত্রের অনুশীলন করেন, তবে কিছু উপকার হইতে পারে। প্রথম উপকার, প্রাচীন ভারতের সভ্যতার বিজ্ঞান পারদর্শিতার কিছু পরিচয় পাওয়া যায়—প্রাচীন ভারতের সভ্যতার ইতিহাসের এক পরিচ্ছেদ প্রচারিত হয়। দ্বিতীয় উপকার, প্রাচীন চিকিৎসা শাস্ত্র হইতে আধুনিক চিকিৎসা শাস্ত্রের কোন লাভ হইবার সম্ভাবনা নাই কি ? বলিতে পারি না; আমরা বিশেষজ্ঞ নহি। তবে দেখিতেছি, দেশী চিকিৎসা অগ্রাপি বিলাতী চিকিৎসার প্রতিযোগিনী হইয়া, প্রচলিত আছে—বিলাতী চিকিৎসার প্রতার সম্ভেও দেশী চিকিৎসার মান আজিও বজায় আছে—কোন গুণ না থাকিলে কি এরূপ ঘটিত ? দেশী ভূতব্ব, দেশী জ্যোতিষ, দেশী গণিত, সকল প্রকারের দেশী বিজ্ঞান, দেশী প্রাচীনভাষা পর্য্যস্ত, বিলাতী বিজ্ঞান, বিলাতী ভাষার কাছে দাঁড়াইতে পারিতেছে না, কেবল দেশী দায়-মীমাংসা শাস্ত্র এবং দেশী চিকিৎসা শাস্ত্র অগ্রাপি প্রবল। কোন গুণ না থাকিলে কি এরূপ ঘটিতে পারে ?

সে যাহাই হউক, উদয় চাঁদ বাব্র এই উন্নম প্রশংসনীয় সন্দেহ নাই। ভরসা করি অন্ন চিকিৎসকেও এই পথে গমন করিবেন। আমরা যতদূর দেখিয়াছি,— অনুবাদ উত্তম হইয়াছে। নিদান লিখিত রোগ সকলের ইংরেজি নাম, টীকায় সন্নিবেশিত হওয়াতে আরও ভাল হইয়াছে। "নিদান" নাম শুনিলেই অনেকে ইহা দেখিতে ইচ্ছুক হইবেন সন্দেহ নাই। ইহার মূল্যও অল্প—১ টাকা মাত্র; এবং গ্রন্থ ব্রিধার কোন কষ্ট নাই।

প্রমোদিনী। প্রথম খণ্ড। পাকুড় প্রমোদিনী সভা হইতে প্রকাশিত সন ১২৮০। এখানি সাময়িক পত্র। বৎসরে তিনবার প্রকাশ হইবে। আমরা শুনিয়াছি যে যাঁহারা ইহা প্রচার করিতেছেন, তাঁহারা তরুণ বয়স্ক। স্কুতরাং, অম্ম হইলে যে প্রণালীতে ইহার সমালোচনা করিতাম তাহা করিলাম না। পরামর্শ স্বরূপ তুই একটি কথা বলিব।

১ম। ৭২ পৃষ্ঠা পত্ত কেন ? এ প্রকারের পত্ত ৭২ পৃষ্ঠা পাঠ করা, স্থাদায়ক নহে।

২য়। গান্ত প্রবন্ধ তিনটী। ছুইটী উপন্থাস এবং তৃতীয়টি ছতোমী নক্সা। এখন এ সকলের কিছু বাড়াবাড়ি হইতেছে। ইহার বৃদ্ধি দেখিয়া আমরা সুখী নহি। ভাল হইলে ক্ষতি নাই—কিন্তু মধ্যশ্রেণী গল্প ও নক্সায় বিশেষ লাভ নাই।

তয়। গভের মধ্যে "কয়না মুকুর" নামক প্রবন্ধের ভাষাটী কথঞিৎ ভাল। "পাগলের প্রলাপ" হুতোমী—স্কুতরাং তাহার ভাষায় ভাল কিছু নাই। "বিচিত্র অঙ্গীকার" নামক প্রবন্ধের ভাষা সংস্কৃত বহুল এবং অপ্রশংসনীয়। ইহা আভোপাস্ত অনর্থক শব্দাভৃম্বরে পরিপূর্ণ। লেখক কি কাদম্বরীর অন্তুকরণে চেষ্টা পাইয়াছেন ? সে প্রবৃত্তি ভাল নহে। আমরা ইতর লোকের ভাষায় গ্রন্থ লিখিতে বলি না। যে ভাষা সরল, অথচ বিশুদ্ধ, তাহাই বাঞ্ছনীয়।

৪র্থ। লেখকদিগের অলঙ্কার প্রিয়তা আমাদিগের বড় ভাল লাগে নাই। তাঁহাদিগের উৎসর্গ পত্র পাঠ করিয়া দেখিবেন আমরা সত্য বলিতেছি কিনা—


" প্রীল শ্রীযুক্ত বাবু লক্ষ্মীনারায়ণ পাঁড়ে মহাশয়ের স্নেহরসার্জ নাম এই প্রমোদিনীর কুন্তলে, হীরক স্বরূপ প্রদান করিয়া তাঁহার শ্রীচরণে উপহার প্রদান করিলাম।"

কি উপহার প্রদান করিলেন ? পুস্তক ? সে কথা ত ব্যক্ত হয় নাই। যাহা লিখিয়াছেন, তাহাতে বুঝাইতেছে, যে পাঁড়ে বাবৃর নামই উপহার প্রদত্ত হইল। "তাঁহার প্রীচরণে" কাহার প্রীচরণে ? বুঝায় যেন, প্রমোদিনীর প্রীচরণে, লেখকদিগের অভিপ্রায়, লক্ষ্মীনারায়ণ বাবৃর প্রীচরণে। কিন্তু লক্ষ্মীনারায়ণ বাবৃর প্রীচরণে, লক্ষ্মীনারায়ণ বাবৃর নাম কিরূপ উপহার ? নামটি "ম্বেহরসার্দ্র"—নাম আর্দ্র হয় কি প্রকারে ? কোন লোক লক্ষ্মীনারায়ণ বাবৃর নাম শুনিয়া "ম্বেহরসার্দ্র" হইতে পারে, তাহা হইলে প্রোতার মন "ম্বেহরসার্দ্র"; নামটি "ম্বেহরসার্দ্র" নহে। আবার যাহা "আর্দ্র" তাহাকেই সেইখানে হীরকের সহিত তুলনা করা, উৎকৃষ্টালঙ্কার নহে। আমাদের বিবেচনায়, এত গগুগোল না করিয়া অমুকের প্রীচরণে প্রমোদিনী উপহার প্রদত্ত হইল, এই সরল কথা লিখিলেই ভাল হইত।

৫ম। পাকুড় হইতে এরপ একখানি সাময়িক পত্র প্রচারারম্ভ হইয়াছে,
 ইহাতে প্রচারকদিগের উৎসাহ এবং বিতায়ুশীলন প্রবৃত্তির বিশেষ প্রশাংসা করিতে

হয়। আমরা তাঁহাদিগকে ধন্তবাদ করিতেছি। দ্বিতীয় সংখ্যা প্রথমাপেক্ষা উৎকৃষ্ট হউক, এই বাসনায় আমরা কিঞ্চিৎ কর্কশ পরামর্শ দিলাম।

কাব্য পেটিকা, রসকাদম্বিনী, অর্থনীতি ও অর্থব্যবহার, চন্দ্রনাথ, উদাসিনী প্রভৃতি অনেকগুলিন গ্রন্থ আমাদিগের নিকট রহিয়াছে; স্থানাভাবে সমালোচনা হইতেছে না। গ্রন্থকারদিগের নিকট আমরা নিতান্ত লক্ষ্ণিত আছি। নিতান্ত ভরসা আছে, আগামী মাসে ঐ সকল গ্রন্থের সমালোচনা করিব।



উপক্রমণিকা

(পূর্বপ্রকাশিতের পর)

কোষাগার বিষয়

জা কাহাকেও রাজকর হইতে মুক্তি দিবেন না এইটা সামান্য নিয়ম। বিশেষ বিশেষ বিশেষ স্থলে অনেকে সাক্ষাৎ সম্বন্ধে করভার হইতে মুক্ত ছিলেন। কোন কোন স্থলে কোন কোন ব্যক্তি একেবারেই কর ভার হইতে নির্ম্মক্ত ছিলেন। কোবাধ্যক্ষ মন্ত্রী মধ্যে গণ্য।

ব্রাহ্মণগণ তপস্থাদি যে সমস্ত সৎকার্য্যের অমুষ্ঠান দারা পুণ্য সঞ্চয় করেন রাজা উহার ষষ্ঠাংশের ফলভাগী। এই কারণে বেদবিৎ ব্রাহ্মণকে রাজকর দিতে হইত না। বরং রাজা নিজে ক্লেশ পাইতেন তথাপি ব্রাহ্মণের অমুসংস্থানের পক্ষে অযত্মবান্ হইতেন না। অহ্ম, জড়, মৃক, ক্জ, আতুর সপ্ততিবর্ষীয় মনুষ্য স্থবির ব্যক্তি, অনাথা স্ত্রী, অপোগণ্ড বালক, ভিক্ষ্ক ও সংসারাশ্রমত্যাগী প্রভৃতি জনগণ রাজকর হইতে মুক্ত ছিলেন। (১)

বিভান্ ব্রাহ্মণ যদি কোন স্থলে মৃত্তিকাভ্যস্তরে নিহিত নিধির সন্ধান পান, উহা রাজ্বারে বিজ্ঞাপন করিয়াই আত্মসাত্ করিতে পারেন। বিদ্বান্ ব্রাহ্মণের দৃষ্ট নিহিত নিধির বিষয়ে রাজার কিঞ্জিৎ মাত্র অধিকার দেখা যায় না। রাজা যদি স্বয়ং কোন গুপু নিধির সন্ধান পাইতেন তবে তাহার অর্দ্ধাংশ বিদ্বান্ ভূদেব-

(১) মহু।

শ্রিয়মাণোহপ্যাদদীত ন রাজা শ্রোত্রিয়াৎ করং।
নচ ক্ষাহস্য সংসীদেচ্ছোত্রিয়ো বিষয়ে বসন্ ॥ ১৩৩—অ ৭
অন্ধোক্তঃ পীঠদর্শীসপ্তত্যা স্থবিরশ্চ যং।
শ্রোত্রিয়েষ্পুক্রংশ্চ ন দাপ্যাঃ কেনচিৎ করং॥ ৩৯৪—অ ৮

বর্গমধ্যে বিতরণ পূর্বকে অবশিষ্ট আত্মসাত্ করিতে সক্ষম ছিলেন। অর্দ্ধেক গ্রাহ্মণ-সাৎ না করিলে পাপের ভাগী হইতেন।

08

রাজা অথবা অন্য কোন রাজপুরুষ কর্তৃক যদি কোন গুপ্ত নিধির আবিকার হয় এবং পশ্চাৎ যদি কোন ব্যক্তি আসিয়া এই বস্তু আমার বলিয়া সত্যতা পূর্ব্বক প্রার্থনা করে তবে রাজা ঐ ধনের ষষ্ঠাংশ মাত্র গ্রহণ করিতে যোগ্য, অবশিষ্ট অংশ বাদ সমুখায়ী ব্যক্তির। কিন্তু পরে যদি জানা যায়, সে ব্যক্তি মিথ্যা করিয়া লইয়াছে, তবে তাহার দণ্ড বিধান পূর্ব্বক সমস্ত ধনই ব্রাহ্মণসাৎ করিতেন এরপ স্থলে রাজা ষষ্ঠাংশের অধিক পাইতেন না।

অস্বামিক ধন প্রাপ্ত হইলে ঐ ধনের প্রকৃত উত্তরাধিকারী নির্দ্ধারণ নিমিত্ত তিন বর্ষ পর্য্যন্ত কাল দেওয়া যাইত। ইংরেজি নিয়ন ছয় মাস, কিন্তু প্রাচীন নিয়মটিই উৎকৃষ্ট বলিয়া বোধ হয়। ঐকাল মধ্যে সর্ববদা সর্বস্থলে অস্বামিক ধনের উত্তরাধিকারীর অন্বেষণ জন্ম ঘোষণা প্রচার করা রীতি ছিল। তিন বর্ষ মধ্যে প্রকৃত স্বামী অথবা প্রকৃত উত্তরাধিকারী উপস্থিত না হইলে তখন ঐ ধন রাজকোষ পরিভুক্ত হইত। ইতিপূর্বের্ব উহা স্থাপিত ধনের ত্যায়় বিবেচ্য থাকিত। তিন বংসর মধ্যে অস্বামিক ধনের প্রার্থীর স্থিরতা হইলে ঐ অস্বামিক ধনের প্রত্যূর্পণ কালে তাহার প্রমাণ প্রয়োগ গ্রহণাদি দ্বারা তদীয় ধন বলিয়া প্রতীতি হইলে তাহাকে সমর্পিত হইত। প্রনষ্ঠ ধনের উদ্ধার কালে প্রনষ্টাধিগত ধনস্বামী রাজাকে স্থল ও বস্তু বিবেচনায় কোথাও বা ষষ্ঠাংশ কোথাও বা দশমাংশ কোথাও বা দাদশাংশ ঐ বস্তুর রক্ষণ প্রত্যূর্পণ ও অধিকারী নির্ণয়রূপ রাজধর্ম্মের রাজকরম্বরূপ দিতেন। রাজা কোন স্থলেই ষষ্ঠাংশের অধিক লইতেন না। প্রবঞ্চক উক্ত নিধির অষ্টমাংশ তুল্য দণ্ডভোগ করিত স্থল বিশেষে দ্রব্য বিবেচনায় দণ্ডের ন্যুনতা ছিল।

যে সকল ব্যক্তির ক্ষেত্রের সঙ্গে সংশ্রব ছিল না অথচ অরণ্যের ক্রম, মৃগয়ালদর মাংস, বন হইতে আহত মধু, গোষ্টোৎপন্ন স্থত, সর্বপ্রকার গদ্ধন্রব্য, ওয়ির বৃক্ষাদির রস পত্র, শাক, ফল, মূল, পুষ্প ও তৃণ, বেণুনির্দ্ধিত পাত্র, চর্ম বিনির্দ্ধিত পাত্র, মৃগয় পাত্র এবং সর্বপ্রকার পাষাণময় দ্রব্য বিক্রয় দারা জীবিকা নির্বাহ করিত তাহারাও রাজাকে কর দিত। ইহাদিগের নিকট হইতে রাজা তত্তৎ-দ্রব্যোৎপন্ন লাভাংশের ষষ্ঠভাগ গ্রহণ করিতেন। ইহাই প্রাচীন লাইসেন্স টেক্স।

যে ব্যক্তি বাণিজ্য কার্য্যে পটু, সর্ব্বপ্রকার বস্তুর অর্ঘ সংস্থাপনে সমর্থ, শুল্ক গ্রহণ সময়ে অগ্রে তদীয় সহায়তায় পণ্য দ্রব্যের মূল্য নির্দ্ধারণ হইত। সেই দ্রব্য বিক্রেয় দ্বারা যে পরিমাণে লাভ সম্ভাবনা জ্ঞান হইত, তাহারই বিংশতি ভাগের এক ভাগ শুক্ষস্বরূপ রাজকর আদায় করা পদ্ধতি ছিল। মহার্ঘ বস্তুতেও কদাচ তদপেক্ষা অধিক গ্রহণ করিতেন না।

যাহারা পশুপাল অথবা মণিমাণিক্যাদি বস্তু বিক্রয় দ্বারা আত্ম পরিবারের ভরণপোষণ পূর্বক সংসার যাত্রা নির্বাহ করে, সে প্রকার জনগণের সমীপে তত্তং-দ্রব্যোৎপন্ন লাভাংশের পঞ্চশত ভাগের একভাগ রাজার প্রাপ্য। তাহাই রাজ-করস্বরূপ। (২)

ক্ষেত্র বিশেষে ফল বিশেষে কৃষকের পরিশ্রম বিবেচনায় ক্ষেত্রস্বামীর ব্যয় অমুসারে লভ্যের পরিমাণ বিবেচনায়, ধান্তাদি শস্তের প্রতি কোথাও লাভের ষষ্ঠাংশ কোথাও বা দ্বাদশ ভাগের এক ভাগ রাজাকে রাজস্ব স্বরূপ প্রাদত্ত হইত। রাজা ষষ্ঠাংশের অধিক গ্রহণ করিতে সক্ষম ছিলেন না।

কোন গ্রামেই সমস্ত ভূমি প্রজ্ঞা বিলি হইত না। যথায় কিঞ্চিন্মাত্র ভূমিও পতিত থাকিবার সম্ভাবনা থাকিত না তথায় অগ্রে গোচারণ নিমিত্ত উর্ব্বর ভূমি বাদ রাখিয়া প্রজ্ঞা পত্তন হইত। ঐ গোচারণ ভূমির চতুঃসীমায় যাহাদিগের ক্ষেত্র থাকিত তাহারা স্ব স্ব ক্ষেত্রের পার্শ্বে বৃতি সংস্থাপনপূর্বক ক্ষেত্রকার্য্য সম্পাদন করিত। গোচারণ ভূমি চতুঃসীমার প্রত্যেক সীমা শতধন্ন পরিমিত রাখিবার রীতি।

> (২) বিঘাংস্ত আন্ধণো ঘট্ট্যা পূর্ব্বোপনিহিতং নিধিং। অশেষতোহপ্যাদদীত সর্বস্যাধিপতির্হিন: ॥ ৩৭—অ ৮ যন্তপশ্যেরিধিং রাজা পুরাণং নিহিতং ক্ষিতৌ। তশাদ্যি জেভ্যোদত্তার্দ্ধমর্দ্ধং কোষে প্রবেশয়েং॥ ৩৮ আদদীতাথ ষড্ভাগং প্রনষ্টাধিগতরূপ:। দশমং দাদশং বাপি সতাং ধর্ম মহুস্মরন্। ৩৩--এ মমায়মিতি যোক্রয়ালিধিং সত্যেন মানবং। তস্তাদদীত ষড্ভাগং রাজা দ্বাদশমেববা। ৩৫—এ প্রনষ্ট স্বামিকং রিক্থং রাজাত্র্যক্ষং নিধাপয়েৎ। অর্বাকত্রানাদ্ধরেৎ স্বামী পরেণ নূপতির্হরেৎ॥ ৩٠ আদদীতাথ ষছভাগং জ্বমাংস মধুসর্পিষাং। গক্ষীযধিরসানাঞ্চ পুষ্পমূলফলস্ত চ। ১৩১-ম ৭ পত্রশাক তৃণানাঞ্চ বৈদলস্থাচ চর্মণাম্। মুবায়ানাঞ্চ ভাণ্ডানাং সর্বস্থান্মেয়দ্যচ ॥ ১৩২—ঐ ভক স্থানেষু কুশলাঃ সর্বপণ্য বিচক্ষণাঃ। কুর্যারর্ঘং যথাপণ্যং ততো বিংশং নৃপোহরেৎ ॥ ৩৯৮— घ ৮ পঞ্চাশদ্ভাগ আদেয়ে। রাজ্ঞাপশু হিরণ্যয়ো:। ধাতানামন্তমোভাগ: যঠো ছাদশ এব বা । ১৩০-- ম ৭

কুক্ত গ্রাম হইলেও এতদপেক্ষা অল্প রাখিবার প্রথা ছিল না। গণ্ডগ্রাম বা নগরের পক্তে তিনগুণ অধিক পরিমিত ভূমিখণ্ড গোচারণ নিমিত্ত পরিত্যক্ত হইত। চারি হস্তে এক ধন্ত হয়।

ব্যক্তি বিশেষের প্রতি সাক্ষাৎ সম্বন্ধে কর গ্রহণ করা রীতি ছিল না বটে, কিন্তু কোন না কোনরূপে সে ব্যক্তি অবশ্য দেয় রাজস্বের নিজ্রয় স্বরূপ আত্ম পরিশ্রম দ্বারা তৎসাধ্য রাজকীয় কার্য্য সমাধা করিত। তদ্বারা রাজার সাংসারিক কার্য্যের ব্যয়ের অনেক লাঘব হইয়া আসিত। এ পদ্ধতি অভাপি অনেক স্থলে প্রচলিত আছে। সে প্রকার কার্য্যে কাহারা ব্রতী ছিল তাহা দেখিতে গেলে ইহাই জানা যায় যে স্পকার, কাংশ্রকার, শন্থকার, মালাকার, ক্স্তকার, কর্মকার, স্ত্রধর, চিত্রকর, স্বর্ণকার, লেখক, কারুক, তৈলিক, মোদক, নাপিত, তন্তুবায় প্রভৃতি ব্যক্তিবর্গ যাহারা শারীরিক পরিশ্রম দ্বারা অর্জ্জন করে তাহাদিগকে রাজা প্রতিমাসে এক এক দিন বিনা বেতনে আপন কার্য্যে নিযুক্ত করিবেন। উহাদিগের পরিশ্রমের মূল্যকেই রাজস্ব স্বরূপ জ্ঞান করিতে হইবে।

বাস্তবাটীর উপর বার্ষিক কর গ্রহণ করিতেন। ইহারা স্থল বিশেষে ব্যক্তি বিশেষকে করভার হইতে নিষ্কৃতি দিয়াছেন বটে কিন্তু বিবেচনা করিয়া দেখিলে পরম্পরা সম্বন্ধে কেহই করভার হইতে মুক্ত নন। ব্রাহ্মণগণ সাক্ষাৎ সম্বন্ধে রাজস্ব দিতেন না বটে কিন্তু ইহারা সকল কার্য্যের অগ্রে রাজপূজা করিতেন। ঐ রাজপূজাই কর স্বরূপ। আরও দেখা যায় ইহারা পিতৃযজ্ঞের অন্তর্চান কালে অগ্রে ভূসামীর পূজা করিয়া থাকেন। তৎপরে স্বীয় অভীষ্ট পিতৃদেবের অর্চনা করেন। (৩)

যদি কেহ বলেন ভূস্বামীর উদ্দেশে ব্রাহ্মণগণ যে দান করেন তাহা ভূপতিকে দেওয়া হয় না। তাহার মীমাংসা স্থলে শাস্ত্রকারেরা কহিয়াছেন, বেদজ্ঞ ব্রাহ্মণে যাহা দান করা যায়, তাহাতেই রাজা পরিতৃষ্ট হন। বিশেষতঃ ইহা এক প্রকার স্থির সিদ্ধান্ত যে সমুদ্রে পাছ্য অর্থ দেওয়া অপেক্ষা, যথায় দিলে উপকার হয় তথায়

(৩) মহু।

ধহংশতং পরিহারো গ্রামন্যস্যাৎ সমস্ততঃ।
শম্যাপাতান্ত্রোবাপি ত্রিগুণো নগরস্যতু॥ ২০৭—অ ৮
সাংবৎসরিকমাপ্তৈশ্চ রাষ্ট্রাদাহারয়েদ্বলিং।
স্যাচ্চামায় পরোলোকে বর্ত্তেত পিতৃবমূর্॥ ৮০—অ ৭
যৎকিঞ্চিদপি বর্ষসা দাপয়েৎ করসন্ধতিং।
ব্যবহারেণ জীবস্তং রাজা রাষ্ট্রে পৃথক্জনং॥ ১৩৭—ঐ
কারুকান্ শিল্পিনশ্চৈব শ্রাংশ্চান্ড্যোপজীবিনং।
একৈকংকারয়েৎকর্ম মাসি মাসি মহীপতিং॥ ৩৮—ঐ

দেওয়া উচিত। স্থতরাং শ্রান্ধের অল্পরিমিত বস্তু রাজসমীপে বস্তুমধ্যে গণ্য হইতে পারে না কিন্তু নিরন্ধ ব্রাহ্মণের নিকট উহা উপাদের বস্তুমধ্যে পরিগণিত হইতে পারে, তদ্বারা তাঁহার তৃপ্তি সম্পাদন হয়। ভূপতি কেবল এই দেখিবেন প্রজ্ঞাগণ তাঁহার প্রতি অন্থরক্ত কি বিরক্ত। যখন পিতৃযজ্ঞ কালেও ভূস্বামীকে শ্ররণ করা রীতি, তখন অবশ্য বলিতে হইবে ইহারা পরম্পরা সম্বন্ধে রাজকর দিয়া আত্মনিকৃতি সম্পাদন করেন।

রাজা জলৌকা সদৃশ ব্যবহার অবলম্বন করিয়া অল্পে অল্পে করগ্রহণ করেন, কেহই অধিক করভারাক্রান্ত হইলাম মনে করেন না। রাজা যে কেবল করগ্রহণের অধিকারী ছিলেন এমন নহে। তিনি প্রজার ধন, মান, প্রাণ ইত্যাদি সম্দায় বিষয় আত্মনিধি নির্বিশেষে রক্ষা করিয়া প্রজাবর্গের নিকট পিতার তুল্য মান্ত হইতেন। আচার ব্যবহার বিষয়েও তাঁহার পরামর্শ জিজ্ঞাসা করা রীতি ছিল। রাজা প্রজাকে আত্মপুক্ত সদৃশ জ্ঞান করিতেন।

অপ্রাপ্ত ব্যবহারাশ্রম।

রাজ্ঞা কেবল আত্মরক্ষা করিয়াই নিক্ষৃতি পাইতেন না। তাঁহাকে মৃতপিতৃক শিশুজ্ঞনের যাবদীয় বিষয়, ধন, মান, জাতি সন্ত্রম, আচার ব্যবহার, বিছাশিক্ষা প্রভৃতি তাবিদ্বিয়ের ভার গ্রহণ পূর্বক তদীয় আশৈশবকাল পর্যান্ত সমুদায় স্বচক্ষে প্রত্যক্ষ করিয়া আত্মধন নির্বিশেষে রক্ষণাবেক্ষণ করিতে হইত। মৃতপিতৃক শিশু যাবৎ বয়ঃপ্রাপ্ত ও জ্ঞানবান না হয় তাবৎকাল নূপতি উক্ত শিশুকে পুত্রনির্বিশেষে বিছাভাস করাইবেন। মৃতপিতৃক তরুণ ব্যক্তি যে সময়ে আপন বিষয় বৃঝিয়া লইতে সক্ষম হয় তখন রাজা সর্ববসমক্ষে তদীয় হত্তে যাবদীয় গচ্ছিত ধন বৃদ্ধিসমেত প্রত্যর্পণ করিতেন। অতএব আধুনিক "Court of ward" ইংরেজদিগের সৃষ্টি নহে। তবে ইংরেজেরা স্বার্থপর হইয়াই অপ্রাপ্ত ব্যবহার ভূস্বামীর তত্বাবধারণ করেন, তাঁহাদিগের রাজ্বস্বের ক্ষতি না হয়। ভারতবর্ষীয় রাজ্বগণের সে উদ্দেশ্য নহে।

দ্বিজ্ঞাতি সন্তান স্থলে সমাবর্ত্তন বিধি পর্য্যস্ত রাজ্ঞার অধীনে থাকিত। অক্স জাতির পক্ষে প্রাপ্ত বয়স পর্য্যস্ত সীমা। বেদ বেদাক্ষের অভ্যাসে ফল জ্বন্মিলে বিবাহের পূর্ব্বে গুরুর নিকট পাঠ সমাপ্তির বিদায় গ্রহণ স্বরূপ যজ্ঞাক্ষ স্নান বিধিকে সমাবর্ত্তন কহা যায়। (৪)

অনাথ শরণ।

অনাথান্ত্রীঙ্গনের প্রতিও রাঙ্গার দৃষ্টি ছিল। আর্য্য ভূপতিগণ যৎকালে

⁽৪) মহু।

वानपायापिकः त्रिक्थः ভावजाकाञ्चनानस्य

ণ যাবৎ স স্যাৎ সমাবৃত্তো যাবচ্চাতীত শৈশব: ॥---২৭ অ ৮

ইন্দ্রিয় সুখকে তৃচ্ছ জ্ঞান করিতেন, যখন প্রজারপ্পনকে পরম পুরুষার্থ জ্ঞান করিতেন, তখন ইহারা আত্ম অর্জাঙ্গস্বরূপ সহধর্মিণীকে তৃচ্ছ জ্ঞান করিয়া প্রফার সুখবৃদ্ধি এবং আপনার কুলমর্য্যাদা রক্ষা ও নিজের সুযশের দিগে ধাবিত ছিলেন। অনাথা-স্ত্রীজাতিরাও রাজার শাসন হেতৃ তৃশ্চরিত্র হইতে পারিত না। উদ্ধত যুবা পুরুষও অনায়াসে আত্মন্ত্রী বিসর্জ্জন দিতে সক্ষম হইত না। ইহার বিস্তার পরে প্রদর্শিত হইবে এক্ষণে প্রক্রান্ত বিষয় আরম্ভ করা গেল।

বন্ধ্যাত্ব নিবন্ধন বিরাগ হেতু যে স্ত্রীর স্বামী দারান্তর পরিগ্রহ করিয়া তদীয় গ্রাসাচ্ছাদন নির্বাহযোগ্য ধন দানানন্তর বন্ধ্যা বনিতাকে পৃথক্ করিয়া দিয়াছে সে স্ত্রী অনাথ শরণের অধিকারভুক্ত। যে স্ত্রীলোক অমুদ্দিষ্টপতিক ও পুত্রাদিরহিত, যে স্ত্রীজন প্রোষিত ভর্তৃক, যে বিধবার পিতৃকুল, মাতৃকুল, শশুরকুলে অভিভাবক নাই, অথবা যে স্ত্রী রোষাদি হেতু বশতঃ কাতরা, কিম্বা সামর্থ্যবিহীনা কিন্তু ইহার সকলেই সাধ্বী, তাহাদিগের ধন, মান, আচার ব্যবহার ইত্যাদি যাবদীয় বিষয় ভূপতি মৃতপিতৃক বালকধনের স্থায় রক্ষা করিবেন। ধর্মশাস্ত্রের ইহাই নিদেশ, ইহার অস্থ আচরণ করিলে রাজ্যা মহাপাতকীর মধ্যে গণাঁ।

উন্মন্ত, জ্বড়, মৃক, অন্ধ, আত্রাদি ব্যক্তিবর্গ রাজার অবশ্য পোয়বর্গ মধ্যে পরিগণিত ছিল। স্বতরাং তাহাদিগের বিষয়ে আর বিশেষ নিয়ম করিতে হয় নাই। তাহাদিগের মধ্যে যদি কাহারও ধন থাকিত উহা মৃতপিতৃক শিশু-ধনের সদৃশ জ্ঞানে তৎপুজ্রাদি উত্তরাধিকারীর বয়ংপ্রাপ্তিকাল পর্যাস্ত রাজার অধীনে থাকিত। ইংরেজদিগের রাজ্যে এসকল নাই। কেবল যে তাঁহাদিগের রাজ্যস্বের দায়ী, তাহারই বিষয়ের রক্ষণাবেক্ষণ কোর্ট অব ওয়ার্ডদ্ হইতে হয়। যে রাজ্যস্বের দায়ী নহে—সে মরুক বাঁচুক সে জন্ম সরকারের কিছু আসিয়া যায় না আর্য্যগণ সেরূপ ভাবিতেন না। তাঁহারা প্রজার মঙ্গল কামনায় নানাবিধ স্থনিয়ম সংস্থাপন করায় রাজা শব্দটী আর্য্যগণের কর্ণে অতি স্থমধুর হইয়া আছে। আর্য্যগণ উপরি কথিত নিয়ম ক্রমেই রাজার প্রতি ভক্তিমন্ত আছেন। ইহারা কদাচ কোনকালে রাজ্বভক্তি বিশ্বত হন নাই। অত্যাপি ইহাঁদিগের এমনি সংস্কার যে রাজদর্শনে পুণ্য সঞ্চয় হয়।

সত্য, ত্রেতা, দ্বাপরাদি যুগকে কাল বিশেষ জ্ঞান করেন না। আর্য্যগণ রাজ্ঞাকেই কখন সত্য যুগ, কখন ত্রেতা, কখন দ্বাপর, কখন কলি যুগ বলিয়া নির্দেশ করিয়াছেন। (৫)

^(€) মহ।

বন্ধ্যাংপুত্রাহুচৈবংস্যাৎরক্ষণং নিজ্গাস্থচ। পতিব্রতাহ্বচ স্তীয়্ বিধ্বাস্থাতুরাহ্বচ ॥ ২৮—ম ৮

রাজ্ঞা যখন অনলসভাবে কায়িক বাচিক ও মানসিক বৃত্তি পরিচালনপূর্বক স্বয়ং সমস্ত বিষয় মীমাংসা পূর্বক ধর্মামুসারে স্বহস্তে রাজকার্য্য নির্বাহ করিতে থাকেন তখন তাঁহাকে সাক্ষাৎ সভ্যযুগ কহা যায়। সভ্য ত্রেতা দ্বাপরাদি যুগ আর কিছুই নহে। রাজ্ঞার অবস্থা ও কার্য্য বিশেষ দ্বারা তাঁহাকে মূর্ত্তিমান্ যুগ স্বরূপ জ্ঞান করা গিয়া থাকে।

নুপতি যখন আত্মকর্ত্তব্য বিষয়ের পরিসমাপ্তি বিধানে অভ্যুদ্যত কিন্তু শারীরিক ব্যাপার বিরহিত তখন তাঁহাকে ত্রেতাযুগ শব্দে অভিহিত করা যায়।

যখন কর্ত্তব্য কর্ম্মে ভূপতির মনোযোগ ও প্রক্রাস্ত বিষয়টিও অস্তঃকরণে জাগরক আছে সত্য, পরস্ক কায়িক ও বাচিক ব্যাপার বিষয়ে তদীয় উৎসাহের অভাব দেখা যায় তখন ঐ অবস্থায় ভূপতিকে দ্বাপরযুগের স্বরূপ জ্ঞান করা যায়।

রাজা যখন কোন কার্য্য দেখেন না। নিদ্রাদি আলস্থে কালহরণ করেন ভদীয় রাজকার্য্য অস্থদীয় সাহায্য ব্যতীত সম্পন্ন হয় না তখন তাঁহাকে তদবস্থায় সাক্ষাৎ কলিযুগ কহা যায়। (৬)

এই প্রথা অমুসারেই আর্য্যগণের মধ্যে গাঁহারা আলস্থাদি পরতন্ত্র হইতেন তাঁহাদিগকে আর্য্যেরা পাপাত্মা অথবা সাক্ষাৎ কলি বলিয়া নিন্দা করিয়াছেন।

সত্য ত্রেতা দ্বাপর ও কলিযুগ শব্দের তাৎপর্য্য কি ? সত্যযুগে লোক সকল সত্তথেরে কার্য্যে আশক্ত থাকিত। ধর্ম কর্ম্বের অন্নষ্ঠান দ্বারা সন্বগুণের লক্ষণ অনুমান করা যায়। ত্রেতাযুগে রজোগুণ প্রবেশ করিল। তখন অর্থ চিন্তা জন্ম ধর্ম একপাদ অন্তরে গেলেন। রজোগুণের সহায়তায় ত্রেতাযুগে লোকের অন্তঃকরণে একপাদ অধর্ম স্থান প্রাপ্ত হইলেন। দ্বাপরে তমোগুণ আসিলেন তৎসাহায্যে লোকের মনে কাম প্রবৃত্তি জন্মিল, তখন ধর্ম দ্বিপাদ অন্তরে থাকিলেন।

কৃতং তেতে। যুগকৈব বাপরং কলিরেবচ।
রাজ্যোর্ত্তানি সর্কানি রাজাহি যুগম্চাতে ॥ ৩০১—অ ৯
(৬) মহ ।
কলিং প্রস্থােভবিত সজাগ্রদ্ধাপরং যুগং ।
কর্মার্যস্থাভবিত সজাগ্রদ্ধাপরং যুগং ॥ ৩০২—অ ৯
চতুস্পাং সকলােধর্ম: সতাকৈব কৃতে যুগে ।
নাধর্মে নাগমং কশ্বিমহালান্ প্রতিবর্ত্ততে ॥ ৮১—অ ১
ইতরেবাগমান্ধর্ম: পাদশন্তবরােপিতঃ ।
চৌরিকান্তমায়াভিধর্মশিচাপৈভিপাদশং ॥ ৮২—অ ১
তমসাে লক্ষণং কামাে রজসন্তর্প উচাতে ।
সন্ধাা লক্ষণং ধর্ম: শ্রেষ্ঠ মেষাং যথেভারং ॥ ১০০ আ ১২

কলিযুগে তমোগুণের প্রাধান্ত হেতু ধর্মকে ত্রিপাদ অস্তরে অপসত হইতে হইল। একারণেই রাজাকে যুগচতুষ্টয় স্বরূপ কহিয়াছেন।

আর্য্যগণ কোন্ জাতির পক্ষে কিরপে কার্য্যকে পরম ধর্ম করিয়াছেন তাহার নির্দ্ধারণে এই দেখা যায় যে ব্রাহ্মণের পক্ষে একমাত্র তপস্থাই শ্রেষ্ঠ ধর্ম বলিয়া নির্দ্দেশ করিয়াছেন। রাজ্যরক্ষাই ক্ষত্রিয়ের পক্ষে পরম ধর্ম। বার্ত্তা গ্রহণই বৈশ্যের প্রধান ধর্ম। শৃত্র জাতি এক মাত্র সেবা দ্বারা পরমার্থ পদ প্রাপ্ত হইতে পারে। জাতি ধর্ম ক্রমশঃ দেখান যাইবে। (৭)

⁽ ৭) বান্ধণস্য তপোজ্ঞানং তপঃক্ত্রস্য রক্ষণং ।
বৈশ্বস্যুত্, তপোবার্তা তপঃ শৃত্রস্যুসেবনং ॥ ২২৬—অ ১১



osefs; 43g

অপ্তম সংখ্যা জীলোকের রূপ

্রানেক ভামিনী রূপের গৌরবে পা মাটিতে দেন না। ভাবেন যেদিক্ দিয়া অঙ্গ দোলাইয়া চলিয়া যান, লাবণ্যের তরক্ষে সেদিকের সংজ্ঞা ডুবিয়া যায়; নুতন জ্বগতের সৃষ্টি হয়। তাঁহারা মনে করেন, তাঁহাদের রূপের ঝড় যেদিকে বয়, সেদিগে সকলের ধৈর্য্য-চালা উড়িয়া যায়, ধর্ম্ম-কোটা ভাঙ্গিয়া পড়ে; যখন পুরুষের মন-চড়ায় তাঁহাদের রূপের বান ডাকে, তখন তাঁহাদের কর্ম্ম-জাহাজ, ধর্ম-পান্সী, বৃদ্ধি-ডিঙ্গি, সব ভাসিয়া যায়। কেবল সৌন্দর্য্যাভিমানিনী কামিনী কুলেরই এইরূপ প্রতীতি নহে; পুরুষেরাও যখন মহিলাগণের মোহিনীশক্তির বশীভূত হইয়া তাহাদিগের রূপের মহিমা বর্ণনারম্ভ করেন, তখন যে তাঁহারাও কি বলেন ভাবিলে বিশ্বিত হইতে হয়; তখন গগনের জ্যোতিষ্ক, পৃথিবীর পর্ব্বত, পশু পক্ষী কীট পতঙ্গ লতা গুলাদি সকলকেই লইয়া উপমার জন্ম টানাটানি পাডান—আবার, অনেককেই অপমানিত করিয়া ফিরিয়া পাঠান। রূপসীর মুখমগুলের সহিত তুলনা করিয়া তাঁহারা পূর্ণশশীকে নিমন্ত্রণ করিয়া, আবার মসীবৎ মান বলিয়া ফেরত পাঠান ; গরিব চাঁদ, আপনার কলঙ্ক আপনি বুকে করিয়া রাতারাতি আকাশের কাজ সারিয়া পলায়ন করে। স্থন্দরীর ললাটের সিন্দুরবিন্দু দেখিয়া তাঁহারা উষার সীমস্ত শোভা তরুণ তপনের নিন্দা করেন; রাগে সূর্য্যদেব, পৃথিবী দগ্ধ করিয়া চলিয়া যান। রসময়ীর আস্যের হাস্যরাশি অবলোকন করিয়া প্রফুল্লকমলে সৌর-রশ্মির লাস্থ বা বিকসিত কুমুদে কৌমুদীর নৃত্য তাঁহারা আর ভালবাসেন না; সেই অবধি কমল কুমুদে কীট পতক্ষের অধিকার। কামিনীর কণ্ঠহার নিরীক্ষণ করিয়া তাঁহারা নিশার তারকামালার প্রতি অবজ্ঞা প্রকাশ করেন; বোধ করি, ভবিষ্যতে জ্যোতিষের অফুশীলন ত্যাগ করিয়া, স্বর্ণকারের বিভায় মন দিবেন। রঙ্গিণীর শরীব্র সঞ্চালনে তাঁহারা এত লাবণালীলা বিলোকন করেন যে জ্যোৎস্মা-ময়ী রজনীতে মন্দ মন্দ আন্দোলিত বৃক্ষপত্রে বা নিয়ত কম্পিত সিন্ধ হিল্লোলে চন্দ্রিকার খেলায় তাঁহাদিগের আর মন উঠে না। এইজন্মই বা, রাত্রে নিজা যান এবং নদীকে কলসী কলসী করিয়া শুষিতে থাকেন। আবার যখন রমণীর নয়ন বর্ণন করেন, তখন সরোবরের মলয়মারুতে দোহুল্যমান নীলোৎপল দুরে থাকুক, ' বিশ্বমগুলের কিছুই তাঁহাদিগের ভাল লাগে না।

এই নারীম্র্তির স্তাবককুলের উপমানুভবশক্তির কিছু প্রশংসা করিতে হয়।
এক চক্ষু, তাঁহাদিগের কল্পনাপ্রভাবে কখন পক্ষী, যথা খঞ্চন, চকোর; কখন মংস্তা,
যথা, সফরী; কখন উদ্ভিদ, যথা, পদ্ম, পদ্মপলাশ, ইন্দীবর; কখন জড় পদার্থ,
যথা, আকাশের তারা। এক চক্রু, কখনও রমণীর মুখমগুল, কখনও তাহার পায়ের
নখর।* উচ্চ কৈলাস শিখর এবং ক্ষুত্র কোমল কোরক, একেরই উপমাস্থল;
কিন্তু ইহাতেও কুলায় না বলিয়া দাড়িম্ব কদম্ব করিকুন্ত এই বিষম উপমাশৃত্যলে
বদ্ধ হইয়াছে। জলচর ক্ষুত্র পক্ষী হংস এবং স্থলচর প্রকাশু চত্তুপদ হস্তী,
ইহাদিগের গমনে বৈষম্য থাকাই স্বাভাবিক উপলব্ধি; কিন্তু কবিদিগের চক্ষে
উভয়েই রমণীকুল-চরণ বিস্থাদের অনুকারী। আবার যে সে হাতীর গমনের সহিত,
এই হংসগামিনীদিগের গমন সাদৃশ্য নির্দ্দেশ করা বিধেয় নহে; যে হাতী হাতীর
রাজা, সেই হাতীর সঙ্গেই গজেন্দ্রগামিনীগণের গতি তুলনীয়। শুনিয়াছি হাতী,
এক দিন অনেক দূর যাইতে পারে; অশ্বাদি কোন পশু তত পারে না। যাঁহাদিগকে
দূরে যাইতে হয়, তাঁহারা এই গজেন্দ্রগামিনীদিগের পিঠে চড়িয়া যান না কেন ?
যেদিগে রেইলওয়ে হয় নাই, সে দিগে বাছিয়া বাছিয়া গজগামিনী মেয়ের ডাক
বসাইলে কেমন হয়?

আমিও এককালে কামিনী ভক্ত কবিদলভুক্ত ছিলাম। আমি তখন এই অখিল সংসারে রমণীর স্থায় স্থান্দর বস্তু আর দেখিতে পাইতাম না। চম্পক, কমল, কুন্দ, বন্ধুজীব, শিরীশ, কদম্ব, গোলাপ প্রভৃতি পুষ্পচয় তখন কামিনীকান্তিগ্রাথিত কুস্থম মালিকার স্থায় মনোহর বোধ হইত না। বলিতে কি, বসস্তের কুস্থমবতী বস্থমতী অপেক্ষাও আমি কুস্থমময়ী মহিলাকে ভালবাসিতাম; বর্ষার উচ্ছুসিতসলিলা চিররঙ্গিণী তরঙ্গিণী অপেক্ষাও রসবতী যুবতীর পক্ষপাতী ছিলাম। কিন্তু এক্ষণে আর আমার সে ভাব নাই। আমার দিব্যজ্ঞান হইয়াছে। আমি মায়াময়ী মানবীমগুলের কুহকজাল ছিন্ন করিয়া বাহির হইয়া পলায়ন করিয়াছি। জালিয়ার পচা জালে রাঘব বোয়াল পড়িলে, যেমন জাল ছিড়িয়া পন্ধায়ন করে, আমি তেমনি পলায়ন করিয়াছি; ক্ষুদ্র মাকড়সার জালে যেমন গুবুরে পোকা পড়িলে জাল

^{*} আমার বিবেচনায় চন্দ্রের সহিত নথরের তুলনা অতি স্থলর—কেননা উত্তয় পদবিস্থাস হইতে পারে—যথা নথর নিকর হিমকর করম্বিত কোকিল কৃজিত কুঞ্জুটীরে।— এটি আমার নিজের রচনা।—প্রীভীম্বদেব।

ছিঁ ড়িয়া পলায়ন করে, আমি তেমনি পলায়ন করিয়াছি; ত্রস্ত গোরু, একবার দড়িছাঁ ড়িতে পারিলে যেমন উদ্ধান্ধানে পলায়ন করে, আমি তেমনি দৌড় মারিয়া পলায়ন করিয়াছি। সকলই আফিমের প্রসাদে! হে মাতঃ আফিম দেবি! তোমার কোটা অক্ষয় হোক। তুমি বৎসর বৎসর সোনার জাহাজে চড়িয়া চীন দেশে পূজা খাইতে যাও! জাপান, সাইবিরিয়া, ইউরোপ, আমেরিকা সকলই তোমার অধিকার ভুক্ত হোক; তোমার নামে দেশে দেশে তুর্গোৎসব হউক। কমলাকান্তকে পায়ের রাখিও। আমি তোমার কুপায় সাধারণের উপকারার্থে নিজের মন খুলিয়া তুই চারিটি কথা বলিব।

কথা শুনিয়া কেবল স্ত্রীলোকে কেন, অনেক পুরুষেও আমাকে পাগল বলিবেন। বলুন। ক্ষতি নাই। নূতন কথা যে বলে, সেই পাগল বলিয়া গণ্য হয়। গালিলিও বলিলেন, পৃথিবী ঘুরিতেছে। ইতালীয় ভদ্রসমান্ত্র, ধার্ম্মিক সমান্ত্র, বিঘান্ সমান্ত্র, শুনিয়া হাসিলেন; শুনিয়া স্থির করিলেন, গালিলিওর মতিভ্রম হইয়াছে। কাল্বের স্রোভ বহিয়া গেল। ইতালীর ভদ্রসমান্ত্র, ধার্মিক সমান্ত্র, বিঘান্ সমান্ত্র আর পৃথিবী ঘুরিতেছে শুনিলে হাসেন না; গালিলিওকে আর মতিভাস্ত জ্ঞান করেন না।

সকলে সৌন্দর্য্য বিষয়ে স্ত্রীলোকের প্রাধাস্ত স্বীকার করেন। বিচ্চা, বৃদ্ধি, বলে পুরুষের শ্রেষ্ঠতা স্বীকার পাইয়াও, রূপের টীকা স্ত্রীলোকের মন্তকে দেন। আমার বিবেচনায় এটি মস্ত ভুল। আমি দিব্যচক্ষে দেখিয়াছি যে পুরুষের রূপ অপেকা স্ত্রীলোকের রূপ অনেক দূর নিকৃষ্ট। হে মানময়ি মোহিনীগণ! কুটিল কটাক্ষে কালকৃট বর্ষণ করিয়া আমাকে এই দোষে দগ্ধ করিও না; কালসর্পিণী বিনিন্দিত বেণীদারা আমাকে বন্ধন করিও না; ভ্রাধমুতে কোপে তীক্ষ্ণার যোজনা করিয়া আমাকে বিদ্ধ করিও না। বলিতে কি, তোমাদের নিন্দা করিতে ভয় করে। পথ বুঝিয়া যদি ভোমরা নথ-ফাঁদ পাতিয়া রাখ, তবে কত হস্তী বদ্ধচরণ হইয়া, ভোমাদের নাকে ঝুলিতে পারে—কমলাকান্ত কোনু ছার! ভোমাদের নথের নোলক খসিয়া পড়িলে, মানুষ খুন হইবার অনেক সম্ভাবনা; চল্রহারের একখানি চাঁদ যদি স্থানচ্যুত হইয়া কাহারও গায়ে লাগে, তবে তাহার হাত পা ভাঙ্গা বিচিত্র নহে। অতএব তোমরা রাগ করিও না। আর হে রমণীপ্রিয়, কল্পনাপ্রিয়, উপমাপ্রিয় কবিগণ, তোমাদিগের স্ত্রীদেবীর স্থুখময়ী স্থুবর্ণময়ী প্রতিমা ভাঙ্গিতে প্রবৃত্ত হইয়াছি বলিয়া, ভোমরা আমাকে মারিতে উদ্ভত হইও না। আমি সপ্রমাণ করিয়া দিব থে ভোমরা কুসংস্কারাবিষ্ট পৌত্তলিক। ভোমরা উপাস্থ দেবতার প্রকৃত মূর্ত্তি পরিত্যাগ পূর্ব্বক বিকৃত প্রতিমূর্ত্তির পূঞ্চা করিতেছ।

যাহার স্থন্দর কেশপাশ আছে, সে আর পরচুলা ব্যবহার করে না। যাহার উজ্জ্বল ভাল দাঁত আছে, তাহার কৃত্রিম দস্তের প্রয়োজন হয় না। যাহার বর্ণে লোকের মন হরণ করে, তাহার আর রং মাথিয়া লাবণ্য বৃদ্ধি করিতে হয় না। যাহার নয়ন আছে, ভাহার আর কাচের চক্ষুর আঞ্রয় লইতে হয় না। যাহার চরণ আছে, তাহাকে আর কাষ্ঠপদ অবলম্বন করিতে হয় না। এইরূপ যাহার যে বস্তু আছে. সে তাহার জন্ম লালায়িত হয় না। যে বুঝিতে পারে যে প্রকৃতি কোন পদার্থে তাহাকে বঞ্চিত করিয়াছেন, সেই তদ্বিষয়ে আপনার অভাব মোচনার্থে যত্ন করিয়া থাকে। এই সকল দেখিয়া শুনিয়া আমি স্থির করিয়াছি যে স্ত্রীলোকদিগের মধ্যে সৌন্দর্য্যের অত্যন্ত অভাব। তাহারা সর্ব্বদা আপন আপন রূপ বাড়াইতে ব্যস্ত; কি উপায়ে আপনাকে স্থন্দরী দেখাইবে, ইহা লইয়াই উন্মাদিনী; ভাল ভাল অলঙ্কার কিসে পাইবে, নিয়ত ইহাই ভাহাদিগের ভাবনা, ইহাই তাহাদিগের চেষ্টা; এমন কি, বলা যাইতে পারে যে অলম্কারই তাহাদিগের জ্বপ, অলম্বারই তাহাদিগের তপ, অলম্বারই তাহাদিগের ধ্যান, অলঙ্কারই তাহাদিগের জ্ঞান। স্বীয় দেহ সঙ্জিত করিতে এত যাহাদিগের যত্ন, তাহাদিগের প্রকৃত সৌন্দর্য্য যে অধিক আছে, এরূপ বোধ হয় না। যাহার নাক স্থূন্দর নহে, সেই নাকে নথরূপ রজ্জুতে নোলক-জগন্নাথকে দোলায়; যাহার কান স্থলর নহে, সেই ঢাকাই কানরূপ নানা ফলফুল পশুপক্ষীবিশিষ্ট বাগানের যোড়া কানে ঝুলাইয়া দেয়। যাহার হৃদয় ভাল নহে, সেই সেখানে সাতনর ফাঁসির দড়ি টাঙ্গাইয়া পুরুষজ্ঞাতির, বিশেষতঃ স্তম্মপায়ী বালকদিগের ভীতি বিধান করে। যে অলঙ্কার বিনাও আপনাকে স্থন্দরী বলিয়া জানে, সে কখন অলঙ্কারের বোঝা বহিতে এত ব্যগ্র হয় না। পুরুষে ভূষণ বিনা সম্ভষ্ট থাকে; স্ত্রীলোকে ভূষণ বিনা মন্ত্রয় সমাজে মুখ দেখাইতে লজ্জা পায়। অতএব জ্রীলোকদিগের নিজের ব্যবহার দ্বারা বুঝা যাইতেছে যে পুরুষাপেক্ষা স্ত্রীজ্ঞাতি সৌন্দর্য্য বিষয়ে নিরুষ্ট।

স্ত্রীজাতি অপেক্ষা যে পুরুষজাতির সৌন্দর্য্য অধিক, প্রকৃতির সৃষ্টি পদ্ধতি সমালোচনা করিয়া দেখিলে আরও স্পষ্ট প্রতীতি হইবে। যে বিস্তীর্ণ চম্দ্রকলাপ দেখিয়া জলদমুকুট ইম্প্রধন্ম হারি মানে, সে চম্দ্রকলাপ ময়ুরের আছে; ময়ুরীর নাই। যে কেশরে সিংহের এত শোভা, তাহা সিংহীর নাই। যে বিশাল দস্তে হস্তীর এত সৌন্দর্য্য, হস্তিনীর তাহা নাই। যে ঝুটিতে ব্যভের কাস্তি বৃদ্ধি করে, গাভীর তাহা নাই। কুরুটের যেমন স্থান্দর তাত্র চূড়া ও পক্ষ সকল আছে, কুরুটীর তেমন নাই। এইরূপ দেখিতে পাইবে যে উচ্চশ্রেণীর জীবদিগের মধ্যে স্ত্রী অপেক্ষা পুরুষ স্থান্তী। ময়ুষ্য সৃষ্টি করিতে প্রবৃত্ত হইয়া সৃষ্টিকর্ত্তা যে এই নিয়মের ব্যতিক্রেম করিয়াছেন, এমন বোধ হয় না। হে মূল "বিভাস্থান্দর"-কার! তোমার মনে কি

এই তন্ধটা উদিত হইয়াছিল ? এজগুই কি তুমি নায়কের নাম স্থল্পর রাখিয়াছিলে ? তুমি কি বুঝিয়াছিলে যে স্ত্রীলোক যত কেন বিতাবতী হউক না, পুরুষের স্বাভাবিক সৌল্বর্য্য ও বুদ্ধির নিকটে তাহাকে পরাভব স্বীকার করিতে হইবে।

সৌন্দর্য্যের বাহার যৌবনকালে। কিন্তু রূপান্ধভামিনীগণ! তোমাদিগের যৌবন কভক্ষণ থাকে ? জোয়ারের জলের মত আসিতে আসিতেই যায়। কুড়ি হইলেই তোমরা বুড়ী হইলে। অল্পদিনের মধ্যেই তোমাদিগের অঙ্গ সকল শিথিল হইয়া পড়ে। বয়স আসিয়া শীঘ্রই তোমাদিগের গলার লাবণ্যমালা ছিঁড়িয়া লয়। চল্লিশ পঁয়তাল্লিশে পুরুষের যে জ্রী থাকে, বিশ পঁচিশের উর্দ্ধে তোমাদিগের তাহা থাকে না। তোমাদিগের রূপের স্থিতি সোদামিনীর ত্যায়, ইম্প্রুষ্কুর ত্যায়, মুহূর্ত্তেক . জন্ম না হউক ; অত্যল্পকালের জন্ম, সন্দেহ নাই। যাহারা রূপোপভোগে উন্মন্ত, আমি আহারে বসিলেই তাহাদের যন্ত্রণা অমুভূত করিতে পারি ;—আমার জীবনে ঘার হুঃখ এই যে, অন্ধ ব্যঞ্জন পাতে দিতে দিতেই ঠাণ্ডা হইয়া যায়। তেমনি, জ্রীলোকের সৌন্দর্য্যরূপ বৃক্ড়ি চালের ভাত, প্রণয়-কলাপাতে ঢালিতে ঢালিতে ঠাণ্ডা হইয়া যায়—আর কাহার সাধ্য খায় ? শেষে বেশভূষা রূপ তেঁভূল মাথিয়া, একটু আদর-লবণের ছিটা দিয়া, কোনরূপে গলাধঃকরণ করিতে হয়।

হে সৌন্দর্য্য গর্বিত কামিনীকুল! সত্য করিয়া বল দেখি, এই রূপ ক্ষণস্থায়ী বলিয়াই কি তোমাদিগের রূপের এত আদর? ভাল করিয়া দেখিতে, না দেখিতে, ভাল করিয়া উপভোগ করিতে না করিতে, অন্তর্হিত হইয়া যায় বলিয়া তোমাদিগের রূপের জন্ম কি পুরুষেরা পিপাসিত চাতকের স্থায় উন্মত্ত? অপরিজ্ঞাত হারাধন বলিয়াই কি তোমরা উহার প্রকৃত মূল্য নির্ণয়ে অশক্ত? কেবল ক্ষণস্থায়ী পদার্থ বলিয়া নয়, অপর কারণেও স্ত্রীলোকের সৌন্দর্য্য মনোহর মূর্ত্তিধারণ করে। যে সকল গ্রন্থকারদিগের মত ভূমগুলে গ্রাহ্ম হইয়াছে, তাঁহারা সকলেই পুরুষ, এ কারণে আমার বিবেচনায় অনুরাগ নেত্রে কামিনীকুলের রূপ বর্ণনা করিয়াছেন। কথাই আছে, "যার যাতে মজে মন, কিবা হাড়ি কিবা ডোম"। যে রমণীগণ প্রণয়ের পদার্থ, তাহাদিগকে কে সহজ চক্ষুতে দেখিবে? স্থন্দর মূকুরের প্রভাবে দৃষ্ট বস্তু কুৎসিত হইলেও স্থন্দর দেখাইবে। মনোমোহিনীর রূপ নিরীক্ষণকালে তাহাকে প্রীতিরঞ্জনে মাখাইয়া দেখিব। পুরুষাপেক্ষা তাহার মাধুর্য্য কেন না অধিক বোধ হইবে?

হে প্রণয়দেব, পাশ্চাত্য কবিরা তোমাকে অন্ধ বলিয়াছেন। কথাটা মিথ্যা নয়। তোমার প্রভাবে লোকে প্রিয় বস্তুর দোষ দেখিতে পায় না। তোমার অঞ্জনে যাহার নেত্র রঞ্জিত হইয়াছে, সে বিশ্ববিমোহন পদার্থ পরস্পরায় পরিবৃত থাকে। বিকট মূর্ত্তিকে সে মধুময় ভাবে। প্রেতিনীর

অঙ্গভালীকে মৃত্মন্দমলয়মারতে দোহলামানা ললিতা লবঙ্গলতার লাবণ্যলীলা অপেক্ষাও স্থাবনরী জ্ঞান করে। এজগ্যই চীনদেশে খাঁদা নাকের আদর। এজগ্যই বিলাতী বিবিদের রাঙ্গা চুল ও বিভাল চোকের আদর। এজগ্যই কাফ্রিদেশে স্থুল ওষ্ঠাধরের আদর। এজগ্যই বাঙ্গালদেশে উদ্বিচিত্রিত মিশি-কলন্ধিত চাঁদবদনের আদর। এজগ্যই মানব সমাজে স্ত্রীরূপের আদর। আর যদি স্ত্রীলোকেরা পুরুষের স্থায় মনের কথা মুখে আনিতেন, তাহা হইলে হে প্রণয়দেব, নিজের গুণে হউক না হউক, অস্ততঃ তোমার গুণেও আমরা শুনিতে পাইতাম যে পুরুষের সোল্দর্য্যের কাছে স্ত্রীলোকের রূপ কিছুই নয়। যদিও অন্তরের গুপুভাব বাক্যদারা ব্যক্ত করিতে মহিলাগণ অত্যন্ত সঙ্কুচিতা, তথাপি কার্য্য দারা তাহাদিগের আন্তরিক গৃঢ় তত্বগুলি কিয়ৎ পরিমাণে প্রকাশিত হইয়া পড়ে। কে না দেখিয়াছে যে, সুল্দরীরা পরম্পারের সৌন্দর্য্য স্থীকার করিতে চাহেন না, অথচ পুরুষের ভক্ত হইয়া বসেন ? ইহাতে কি বুঝাইতেছে না যে মনে মনে তাঁহারা স্ত্রীলোকের রূপাপেক্ষা পুরুষের রূপের পক্ষ-পাতিনী ?

রূপ, রূপ করিয়া স্ত্রীলোকের সর্ব্বনাশ হইয়াছে। সকলেই ভাবে রূপই কামিনীকুলের মহামূল্য ধন, রূপই কামিনীকুলের সর্বস্থ। স্থতরাং মহিলাগণ যাহা কিছু কাম্য বস্তু প্রার্থনা করেন, লোকে কেবল রূপের বিনিময়েই দিতে চায়। ইহাতেই মন্তুম্ব সমাজের কলঙ্ক বারাঙ্গণাবর্গের স্কৃষ্টি। ইহাতেই পরিবার মধ্যে স্ত্রীলোকের দাসীত্ব।

অস্থায়ী সৌন্দর্য্যই যোষিদ্মগুলীর এক মাত্র সম্থল, সংসারসাগর পার হইবার একমাত্র কাগুারী, এ কথা আর আমি শুনিতে চাহি না। অনেক দিন শুনিয়াছি। শুনিয়া কাণ ঝালাপালা হইয়া গিয়াছে। শুনিতে আর পারি না। আমি শুনিতে চাই যে, নারীজাতির রূপাপেক্ষা শত গুণে, সহস্র গুণে, লক্ষ গুণে, কোটা গুণে মহম্বের গুণ আছে। আমি শুনিতে চাই যে তাঁহারা মূর্ত্তিমতী সহিষ্ণুতা, ভক্তি ও প্রীতি। যাঁহারা দেখিয়াছেন যে কত কষ্ট সহ্য করিয়া জননী সম্ভানের লালন পালন করেন, যাঁহারা দেখিয়াছেন যে কত যত্নে মহিলাগণ পীড়িত আত্মীয়বর্গের সেবা শুশ্রুষা করেন, তাঁহারা কামিনীকুলের সহিষ্ণুতার কিঞ্চিৎ পরিচয় পাইয়াছেন। যাঁহারা কখন কোন স্থলরীকে পতি পুজের জন্ম জীবন বিসর্জ্বন, ধর্ম বাহ্যস্থ বিসর্জ্বন করিতে দেখিয়াছেন, তাঁহারা কিয়দ্ধুর ব্ঝিয়াছেন যে কিরপ প্রীতি ও ভক্তি স্ত্রীহাদয়ে বসতি করে।

যখন আমি উৎকৃষ্টা যোষিদ্বর্গের বিষয়ে চিস্তা করিতে যাই, তখনই আমার মানস-পটে, সহমরণপ্রার্থতা সতীর মূর্ত্তি জ্ঞাগিয়া উঠে। আমি দেখিতে পাই যে, চিতা জ্বলিতেছে, পতির পদ সাদরে বক্ষে ধারণ করিয়া প্রজ্বলিত ছুতাশন মধ্যে সাধনী বসিয়া আছেন। আন্তে আন্তে বহ্নি বিস্তৃত হইতেছে, এক অঙ্গ দগ্ধ করিয়া অপর অঙ্গে প্রবেশ করিতেছে। অগ্নি-দগ্ধা স্বামীর চরণ ধ্যান করিতেছেন, মধ্যে মধ্যে হরিবোল বলিতে বলিতেছেন বা সঙ্কেত করিতেছেন। দৈহিক ক্লেশ পরিচায়ক লক্ষণ নাই। আনন প্রফুল্ল। ক্রেমে পাবকশিখা বাড়িল, জীবন ছাড়িল, কায়া ভস্মীভূত হইল। ধন্য সহিষ্কৃতা! ধন্য প্রীতি! ধন্য ভক্তি!

যখন আমি ভাবি যে কিছুদিন হইল আমাদিগের দেশীয়া অবলা অঙ্গনাগণ কোমলাঙ্গী হইয়াও এইরূপে মরিতে পারিত, তখন আমার মনে নৃতন আশার সঞ্চার হয়, তখন আমার বিশ্বাস হয় যে মহন্তের বীজ আমাদিগের অন্তরেও নিহিত আছে। কালেও কি আমরা মহন্ত দেখাইতে পারিব না ? হে বঙ্গ-পৌরাঙ্গনাগণ —তোমরা এ বঙ্গদেশের সার রত্ন! তোমাদের মিছা রূপের বড়াইয়ে কাঞ্জ কি ?



পঞ্চত্রিংশত্তম পরিচ্ছেদ

বাভাস উঠিল

বলিনী তাহাই করিল−–সপ্তদিবস গুহা হইতে বাহির হইল না—কেবল এক একবার দিনাস্তে ফল মূলাথেষণে বাহির হইত। সাতদিন মহুশ্রের সঙ্গে আলাপ করিল না। প্রায় অনশনে, সেই বিকটান্ধকারে অনত্যেন্দ্রিয়বৃত্তি হইয়া, স্বামীর চিস্তা করিতে লাগিল,—কিছু দেখিতে পায় না, কিছু শুনিতে পায় না, কিছ স্পূর্ণ করিতে পায় না। ইন্দ্রিয় নিরুদ্ধ—মন নিরুদ্ধ—সর্বত্র স্বামী। স্বামী চিত্তবৃত্তি সমূহের একমাত্র অবলম্বন হইল। অন্ধকারে আর কিছু দেখিতে পায় না—সাতদিন সাত রাত কেবল স্বামিমুখ দেখিল। ভীম নীরবে আর কিছু শুনিতে পায় না—কেবল স্বামীর জ্ঞান পরিপূর্ণ, স্নেহবিচলিত, বাক্যালাপ শুনিতে পাইল— দ্বাণেন্দ্রিয় কেবলমাত্র তাঁহার পুষ্পপাত্রের পুষ্পরাশির গন্ধ পাইতে লাগিল—ছগ কেবল চন্দ্রশেখরের আদরের স্পর্শ অনুভূত করিতে লাগিল। আশা আর কিছুতে নাই—আর কিছুতে ছিল না, স্বামিসন্দর্শন কামনাতেই রহিল। স্থৃতি কেবল শাশ্রুশোভিত, প্রশস্ত ললাটপ্রমুখ বদনমগুলের চতুঃপার্শ্বে, ঘুরিতে লাগিল—কণ্টকে ছিন্নপক্ষ ভ্রমরী যেমন ত্র্লভ স্থান্ধিপুষ্পবৃক্ষতলে কণ্টে ঘুরিয়া ঘুরিয়া বেড়ায়, তেমনি ঘুরিয়া বেড়াইতে লাগিল। যে এ ব্রতের পরামর্শ দিয়া ছিল—সে মমুয়াচিত্তের সর্ববাংশদর্শী সন্দেহ নাই। নির্জ্জন, নীরব, অন্ধকার, মনুযাসন্দর্শনরহিত, তাহাতে আবার শরীর ক্লিষ্ট, ক্লুধাপীড়িত; চিত্ত অক্সচিস্তা শৃষ্ঠ ; এমন সময়ে যে বিষয়ে চিত্ত স্থির করা যায় তাহাই জপ করিতে করিতে চিত্ত তন্ময় হইয়া উঠে। এই অবস্থায়, অবসন্ন শরীরে, অবসন্ন মনে, একাগ্র চিত্তে, স্বামীর ধ্যান করিতে করিতে শৈবলিনীর চিত্র বিকৃতি প্রাপ্ত হইয়া উঠিল।

বিকৃতি ? না দিব্য চক্ষু ? শৈবলিনী দেখিল—অন্তরের ভিতর অন্তর হইতে দিব্যচক্ষু চাহিয়া, শৈবলিনী দেখিল, এ কি রূপ ! এই দীর্ঘ শালতরুনিন্দিত,

স্থভুজবিশিষ্ট, স্থন্দর গঠন, স্থকুমারে বলময়, এ দেহ যে রূপের শিখর! এই যে ললাট,—প্রশস্ত, চন্দনচর্চিত, চিস্তারেখা বিশিষ্ট—এ যে সরস্বতীর শয্যা, ইল্রের রণভূমি, মদনের সুখকুঞ্জ, লক্ষ্মীর সিংহাসন! ইহার কাছে প্রতাপ ? ছি! ছি! সমুদ্রের কাছে গঙ্গা! ঐ যে নয়ন,—জ্বলিতেছে, হাসিতেছে, ফিরিতেছে, ভাসিতেছে—দীর্ঘ, বিক্ষারিত, তীব্র জ্যোতি, স্থির, স্নেহময়, করুণাময়, ঈষৎরঙ্গপ্রিয়, সর্বব্য তত্ত্বজ্ঞিজামু—ইহার কাছে কি প্রতাপের চক্ষু ? কেন আমি ভূলিলাম— কেন মজিলাম—কেন মরিলাম! এই যে স্থন্দর, স্থুকুমার, বলিষ্ট দেহ—নবপত্র শোভিত শালতর,—মাধবী জড়িত দেবদারু, কুসুম পরিব্যাপ্ত পর্বত, অর্দ্ধেক সৌন্দর্য্য অর্দ্ধেক শক্তি--আধ চন্দ্র আধ ভামু--আধ গৌরী আধ শঙ্কর--আধ রাধা আধ শ্রাম—আধ আশা আধ ভয়—আধ জ্যোতিঃ আধ ছায়া. আধ বহু আধ ধৃম-কিসের প্রতাপ ? কেন না দেখিলাম-কেন মঞ্জিলাম-কেন মরিলাম! সেই যে ভাষা সরিষ্কৃত, পরিক্ষুট, হাস্থপ্রদীপ্ত, ব্যঙ্গরঞ্জিত, ম্নেহ পরিপ্লুত, মৃত্, মধুর, পরিশুদ্ধ, কিসের প্রতাপ !—কেন মজিলাম—কেন মরিলাম—কেন কুল হারাইলাম ? সেই যে হাসি—ঐ পুষ্পপাত্রস্থিত মল্লিকারাশি তুল্য, মেঘ মণ্ডলে বিহ্যাত্ত্ল্য, হ্ব্ৰিৎসরে হুর্গোৎসব তুল্য, আমার সুখম্বপ্ন তুল্য— क्ति पिलाम ना, किन मिलाम, किन मिलाम, किन वृत्रिलाम ना १ मिट य ভালবাসা, সমুদ্রতুল্য, অপার, অপরিমেয়, অতলম্পর্শ, আপনার বলে আপনি চঞ্চল-প্রশান্তভাবে স্থির, গম্ভীর, মাধুর্য্যময়-চাঞ্চল্যে কুলপ্লাবী, তরঙ্গ ভঙ্গভীষণ, অগম্য, অজেয় ভয়ঙ্কর,—কেন বুঝিলাম না, কেন হৃদয়ে তুলিলাম না—কেন আপনা খাইয়া প্রাণ দিলাম না! কে আমি ? তাঁহার কি যোগ্য—বালিকা, অজ্ঞান, অনক্ষর, অসৎ, তাঁহার মহিমা জ্ঞানে অশক্ত, তাঁহার কাছে আমি কে ? সমুস্তে শম্বুক, কুস্থমে কীট, চল্রে কলম্ব, চরণে রেণুকণা—তাঁর কাছে আমি কে ? জীবনে কুম্বগ, হৃদয়ে বিম্মৃতি, মুখে বিম্ন, আশায় অবিশ্বাস—তাঁর কাছে আমি কে ? সরোবরে কর্দ্বম, মৃণালে কন্টক, পবনে ধূলি, অনলে পতঙ্গ। আমি মঞ্জিলাম— মরিলাম না কেন ?

যে বলিয়াছিল, এইরপে স্বামী ধ্যান কর, সে অনস্ত মানবস্থাদয়-সমূদ্রের কাণ্ডারী—সব জানে। জানে যে, এই মন্ত্রে চির প্রবাহিত নদী অহ্য খাদে চালান যায়,—জানে যে এ বক্ত্রে পাহাড় ভাঙ্গে, এ গণ্ডুষে সমূদ্র শুষ্ক হয়, এমন্ত্রে বায়ু স্তম্ভিত হয়। শৈবলিনীর চিত্তে চির-প্রবাহিত নদী ফিরিল, পাহাড় ভাঙ্গিল, সমূদ্র শোষিল, বায়ু স্তম্ভিত হইল। শৈবলিনী প্রতাপকে ভুলিয়া চক্রশেখরকে ভালবাসিল।

মন্থব্যের ইন্দ্রিয়ের পথ রোধ কর—ইন্দ্রিয় বিলুপ্ত কর—মনকে বাঁধ,—বাঁধিয়া একটি পথে ছাড়িয়া দাও—অহা পথ বন্ধ কর,—মনের শক্তি অপহাত কর—মন কি করিবে? সেই এক পথে যাইবে—ভাহাতে স্থির হইবে—ভাহাতে মজিবে। শৈবলিনী পঞ্চম দিবসে আহরিত ফল মূল খাইল না—ষষ্ঠ দিবসে ফল মূল আহরণে গেল না—সপ্তম দিবস প্রাতে ভাবিল, স্বামী দর্শন পাই না পাই—অভ মরিব। সপ্তম রাত্রে মনে করিল, স্থাদ্য মধ্যে পদ্মফুল ফুটিয়াছে—ভাহাতে চক্রশেখর যোগাসনে বসিয়া আছেন; শৈবলিনী ভ্রমর হইয়া পাদপদ্মে গুণ গুণ করিতেছে।

সপ্তম রাত্রে সেই অন্ধকার নীরব শিলাকর্ক্ প গুহামধ্যে, একাকী স্বামিধ্যান করিতে করিতে শৈবলিনী চেতনা হারাইল। সে নানা বিষয় স্বপ্ন দেখিতে লাগিল। কখন দেখিল সে ভয়ঙ্কর নরকে ডুবিয়াছে, অগণিত, শতহস্ত পরিমিত, সর্পগণ অযুত ফণা বিস্তার করিয়া, শৈবলিনীকে জড়াইয়া ধরিতেছে; অযুত মুণ্ডে মুখ ব্যাদান করিয়া শৈবলিনীকে গিলিতে আসিতেছে, সকলের মিলিত নিশ্বাসে প্রবল বাত্যার স্থায় শব্দ হইতেছে। চন্দ্রশেখর আসিয়া, এক বৃহৎ সর্পের ফশায় চরণ স্থাপন করিয়া দাঁড়াইলেন; তখন সর্প সকল বস্থার জলের স্থায় সরিয়া গেল। কখন দেখিল, এক অনস্ত কুণ্ডে পর্ব্বতাকার অগ্নি জ্বলিতেছে; আকাশে তাহার শিখা উঠিতেছে; শৈবলিনী ভাহার মধ্যে দগ্ধ হইতেছে; এমত সময়ে চক্রশেখর আসিয়া সেই অগ্নি-পর্বত মধ্যে এক গণ্ডুষ জল নিক্ষেপ করিলেন, অমনি অগ্নিরাশি নিবিয়া গেল; শীতল পবন বহিল, কুগু মধ্যে স্বচ্ছসলিলা তরতরবাহিনী নদী বহিল, তীরে কুসুম সকল বিকশিত হইল, নদীজ্বলে বড় বড় পদাফুল ফুটিল— চন্দ্রশেখর তাহার উপর দাঁডাইয়া ভাসিয়া যাইতে লাগিলেন। কখন দেখিল এক প্রকাণ্ড ব্যাম্র আসিয়া শৈবলিনীকে মুখে করিয়া তুলিয়া পর্ব্বতে লইয়া বাইতেছে; চন্দ্রশেখর আসিয়া পূজার পুষ্পপাত্র হইতে একটি পুষ্প লইয়া ব্যাঘ্রকে ফেলিয়া মারিলেন, ব্যাঘ্র তখনই ভিন্নশিরা হইয়া প্রাণত্যাগ করিল, শৈবলিনী দেখিল তাহার মুখ কণ্টরের মুখের স্থায়।

রাত্রিশেষে শৈবলিনী দেখিলেন, শৈবলিনীর মৃত্যু হইয়াছে, অথচ জ্ঞান আছে। দেখিলেন পিশাচে তাঁহার দেহ লইয়া অন্ধকারে শৃত্যপথে উড়িতেছে। দেখিলেন, কত কৃষ্ণ মেঘের সমৃদ্র, কত বিহ্যুদন্নিরাশি পার হইয়া তাঁহার কেশ ধরিয়া উড়াইয়া লইয়া যাইতেছে। কত গগনবাসী অপ্সরা, কিয়রাদি মেঘ তরঙ্গ মধ্য হইতে মুখমণ্ডল উথিত করিয়া, শৈবলিনীকে দেখিয়া হাসিতেছে। দেখিলেন, কত গগনচারিশী ভৈরবী, রাক্ষসী, কৃষ্ণ মেঘে আরোহণ করিয়া, কৃষ্ণকলেবর বিহ্যুতের মালায় ভূষিত করিয়া, কৃষ্ণকেশাবৃত ললাটে তারার মালা গ্রাথিত করিয়া বেড়াইতেছে,—শৈবলিনীর পৃতিগন্ধবিশিষ্ট মৃতদেহ দেখিয়া তাহাদের মৃথের জল পড়িতেছে, তাহারা হাঁ করিয়া আহার করিতে আসিতেছে। দেখিলেন কত দেব দেবীর বিমানের, কৃষ্ণভাশৃক্যা উজ্জ্বলালোকময়ী ছায়া মেঘের উপর পড়িয়াছে;

পাছে পাপিষ্ঠা শৈবলিনীর শবের ছায়া বিমানের পবিত্র ছায়ায় লাগিলে শৈবলিনীর পাপক্ষয় হয়, এই ভয়ে তাঁহারা বিমান সরাইয়া লইতেছেন। দেখিল. নক্ষত্র স্বন্দরীগণ নীলাম্বর মধ্যে ক্ষুত্র ক্ষুত্র মুখগুলি সকলে বাহির করিয়া, কিরণময় অঙ্গুলির দ্বারা পরস্পারকে শৈবলিনীর শব দেখাইতেছে—বলিতেছে—দেখ, ভগিনি দেখ, মহুশ্য-কীটের মধ্যে আবার অসতী আছে! কোন তারা শিহরিয়া চক্ষু বুজিতেছে; কোন তারা লঙ্জায় মেঘে মুখ ঢাকিতেছে; কোন তারা অসতী নাম শুনিয়া ভয়ে নিবিয়া যাইতেছে। পিশাচেরা শৈবলিনীকে লইয়া উদ্ধে উঠিতেছে. তারপর আরও উদ্ধে, আরও মেঘ, আরও তারা পার হইয়া আরও উদ্ধে উঠিতেছে। অতি উদ্ধে উঠিয়া সেইখান হইতে শৈবলিনীর দেহ নরককুণ্ডে নিক্ষেপ করিবে বলিয়া উঠিতেছে। যেখানে উঠিল, সেখানে অন্ধকার, শীত,—মেঘ নাই, তারা নাই, আলো নাই, বায়ু নাই, শব্দ নাই। শব্দ নাই-কিন্তু অকস্মাৎ অতি দূরে অধঃ হইতে অতি ভীম কল কল ঘরঘর শব্দ শুনা যাইতে লাগিল—যেন অতি দুরে, অধোভাগে, শত সহস্র সমুদ্র এককালে গর্ভিক্ততেছে। পিশাচেরা বলিল ঐ নরকের কোলাহল শুনা যাইতেছে, এইখান হইতে শব ফেলিয়া দাও। এই বলিয়া পিশাচেরা শৈবলিনীর মন্তকে পদাঘাত করিয়া শব ফেলিয়া দিল। শৈবলিনী ঘুরিতে ঘুরিতে, ঘুরিতে ঘুরিতে, পড়িতে লাগিল। ক্রমে ঘুর্ণ গতি বৃদ্ধি পাইতে লাগিল, অবশেষে কুম্ভকারের চক্রের ক্যায় ঘুরিতে লাগিল। শবের মুখে, নাসিকায়, রক্তবমন হইতে লাগিল। ক্রমে নরকের গর্জন নিকটে শুনা যাইতে লাগিল. পৃতিগন্ধ বাড়িতে লাগিল—অকস্মাৎ সজ্ঞানমৃতা শৈবলিনী দূরে নরক দেখিতে পাইল। তাহার পরেই তাহার চক্ষু অন্ধ, কর্ণ বধির হইল,—তখন সে মনে মনে চম্রশেখরের ধ্যান করিতে লাগিল, —মনে মনে ডাকিতে লাগিল, "কোথায় তুমি— স্বামিন্! কোথায় স্বামী—স্ত্রীজাতির জীবন সহায়, আরাধনার দেবতা, সর্কে সর্ক-মঙ্গল! কোথায় তুমি, চন্দ্রশেখর! তোমার চরণারবিন্দে, সহস্র, সহস্র, প্রণাম ! আমায় রক্ষা কর । তোমার নিকটে অপরাধ করিয়া, আমি এই নরককুণ্ডে পতিত হইতেছি—তুমি রক্ষা না করিলে কোন দেবতায় আমায় রক্ষা করিতে পারেন না—আমায় রক্ষা কর। তুমি আমায় ক্ষমা কর, প্রসন্ন হও, এইখানে আসিয়া, চরণ-যুগল আমার মস্তকে তুলিয়া দাও—তাহা হইলেই আমিনরক হইতে উদ্ধার পাইব।"

তখন, অন্ধ, বধির, মৃতা শৈবলিনীর বোধ হইতে লাগিল যে, কে তাহাকে কোলে করিয়া বসাইল—তাহার অঙ্কের সৌরভে দিক্ পুরিল। সেই ছরস্ত নরক-রব, সহসা অন্তর্হিত হইল, পৃতিগন্ধের পরিবর্ত্তে কুসুমগন্ধ ছুটিল। সহসা শৈবলিনীর বিধিরতা ঘুচিল—চক্ষু আবার দর্শনক্ষম হইল—সহসা শৈবলিনীর বোধ হইল—এ মৃত্যু নহে, জ্ঞীবন'; এ স্বপ্ন নহে, প্রকৃত। শৈবলিনী চেতনাপ্রাপ্ত হইল।

চক্দুরুশীলন করিয়া দেখিল, গুহা মধ্যে অল্প আলোক প্রবেশ করিয়াছে; বাহিরে পক্ষীর প্রভাত কৃজনি গুনা যাইতেছে — কিন্তু একি এ ? কাহার অঙ্কে তাঁহার মাথা রহিয়াছে? কাহার মুখমগুল, তাঁহার মস্তকোপরে, গগনোদিত পূর্ণ-চন্দ্রবং এ প্রভাতান্ধকারকে আলোক বিকীর্ণ করিতেছে? শৈবলিনী চিনিলেন, চন্দ্রশেখর।

ষ্ট্রিংশত্তম পরিচ্ছেদ নৌকা ডুবিল

চন্দ্রশেখর বলিলেন, "শৈবলিনি !"

শৈবলিনী উঠিয়া বসিল, চক্রশেখরের মুখপানে চাহিল; মাথা ঘুরিল; শৈবলিনী পড়িয়া গেল; মুখ চক্রশেখরের চরণে ঘর্ষিত হইল। চক্রশেখর, তাহাকে ধরিয়া তুলিলেন, তুলিয়া আপন শরীরের উপর ভর রাখিয়া শৈবলিনীকে বসাইলেন।

শৈবলিনী কাঁদিতে লাগিল, উচ্চৈঃম্বরে কাঁদিতে কাঁদিতে, চন্দ্রশেখরের চরণে পুনঃপতিত হইয়া, বলিল, "এখন আমার দশা কি হইবে ?"

চন্দ্রশেখর বলিলেন, "তুমি আমাকে দেখিতে চাহিয়াছিলে কেন ?"

শৈবলিনী চক্ষু মুছিল, রোদন সম্বরণ করিল—স্থির হইয়া বলিতে লাগিল, "বোধ হয় আমি আর অতি অল্পদিন বাঁচিব"—শৈবলিনী শিহরিল—স্বপ্নদৃষ্ট ব্যাপার মনে পড়িল,—ক্ষণেক কপালে হাত দিয়া, নীরব থাকিয়া আবার বলিতে লাগিল,— "অল্পদিন বাঁচিব—মরিবার আগে তোমাকে একবার দেখিতে সাধ হইয়াছিল। এ কথায় কে বিশ্বাস করিবে ? কেন বিশ্বাস করিবে ? যে ভ্রষ্টা হইয়া স্বামিত্যাগ করিয়া আসিয়াছে, তাহার আবার স্বামী দেখিতে সাধ কি ?"

শৈবলিনী কাতরতার বিকট হাসি হাসিল।

চন্দ্র। তোমার কথায় অবিশ্বাস নাই—আমি জ্বানি যে তোমাকে বল-পূর্বক ধরিয়া আনিয়াছিল।

শৈ। সে মিথ্যা কথা। আমি ইচ্ছা পূর্ব্বক ফন্টরের সঙ্গে চলিয়া আসিয়াছিলাম। ডাকাইভির পূর্ব্বে ফন্টর আমার নিকট লোক প্রেরণ করিয়াছিল।

চন্দ্রশেখর অধোবদন হইলেন। ধীরে ধীরে শৈবলিনীকে পুনরপি শুয়াইলেন; ধীরে ধীরে গাত্রোখান করিলেন এবং গমনোমুখ হইয়া, মৃত্ব মধুর স্বরে বলিলেন, "শৈবলিনী, দ্বাদশ বৎসর প্রায়শ্চিত্ত কর। উভয়ে বাঁচিয়া থাকি, তবে প্রায়শ্চিতান্তে আবার সাক্ষাৎ হইবে। এক্ষণে এই প্রয়ন্ত।" শৈবলিনী হাত যোড় করিল;—বলিল, "আর একবার বসো! বোধ হয়, প্রায়শ্চিত্ত আমার অদৃষ্টে নাই। আবার সেই স্বপ্ন মনে পড়িল—"বসো—তোমায় ক্ষণেক দেখি।"

চক্রশেখর বসিলেন।

শৈবলিনী জিজ্ঞাসা করিল, "আত্মহত্যায় কি পাপ আছে ?" শৈবলিনী স্থিরদৃষ্টে চম্রশেখরের প্রতি চাহিয়াছিল, তাহার প্রফুল্ল নয়নপদ্ম, জলে ভাসিতেছিল।

চন্দ্র। আছে। কেন মরিতে চাও?

শৈবলিনী শিহরিল। বলিল, "মরিতে পারিব না—সেই নরকে পড়িব।"

চন্দ্র। প্রায়শ্চিত্ত করিলে নরক হইতে উদ্ধার হইবে।

শৈ। এ মন-নরক হইতে উদ্ধারের প্রায়শ্চিত্ত কি ?

চন্দ্র। সেকি?

শৈ। এ পর্বতে দেবতারা আসিয়া থাকেন। তাঁহারা আমাকে কি করিয়াছেন বলিতে পারি না– আমি রাত্রদিন নরক স্বপ্ন দেখি—

চন্দ্রদেশর দেখিলেন, শৈবলিনীর দৃষ্টি গুহাপ্রান্তে স্থাপিত হইয়াছে—যেন দূরে কিছু দেখিতেছে। দেখিলেন, তাহার শীর্ণ বদনমগুল বিশুক্ষ হইল—চক্ষ্ণ বিশ্বারিত, পলকরহিত হইল; নাসারক্ষ সঙ্গুচিত, বিশ্বারিত হইতে লাগিল—শরীর কটকিত হইল—কাঁপিতে লাগিল। চন্দ্রশেখর জিজ্ঞাসা করিলেন, "কি দেখিতেছ ?"

শৈবলিনী কথা কহিল না, পূর্ববিৎ চাহিয়া রহিল। চন্দ্রশেখর জিজ্ঞাসা করিলেন, "কেন ভয় পাইতেছ ?"

শৈবলিনী প্রস্তরবৎ।

চম্রশেখর বিস্মিত হইলেন—অনেকক্ষণ নীরব হইয়া শৈবলিনীর মুখপ্রতি চাহিয়া রহিলেন। কিছুই বুঝিতে পারিলেন না। অকস্মাৎ শৈবলিনী বিকট চীৎকার করিয়া উঠিল—"প্রভু! রক্ষা কর! রক্ষা কর! তুমি আমার স্বামী! তুমি না রাখিলে কে রাখে!"

শৈবলিনী মূর্চ্ছিতা হইয়া ভূতলে পড়িল।

চন্দ্রশেখর নিকটস্থ নিঝর হইতে জল আনিয়া শৈবলিনীর মুখে সিঞ্চন করিলেন। উত্তরীয়ের দ্বারা ব্যজন করিলেন। কিছুকাল পরে শৈবলিনী চেতনা প্রাপ্ত হইল। শৈবলিনী উঠিয়া বসিল। নীরবে বসিয়া কাঁদিতে লাগিল।

চক্রশেখর বলিলেন, "কি দেখিতেছিলে ?"

শৈ। সেই নরক!

চন্দ্রশেখর দেখিলেন, জীবনেই শৈবলিনীর নরকভোগ আরম্ভ হইয়াছে। শৈবলিনী ক্ষণ পরে বলিল, "আমি মরিতে পারিব না—আমার ঘোরতর নরকের ভয় হইয়াছে। মরিলেই নরকে যাইব। আমাকে বাঁচিতেই হইবে। কিন্তু একাকিনী, আমি দ্বাদশ বৎসর কি প্রকারে বাঁচিব ? আমি চেতনে অচেতনে, কেবল নরক দেখিতেছি।"

98

চম্রশেশর বলিলেন, "চিস্তা নাই—উপবাসে এবং মানসিক ক্লেশে, এ সকল উপস্থিত হইয়াছে। বৈছেরা ইহাকে বায়ু রোগ বলেন। তুমি দেবগ্রামে গিয়া গ্রামপ্রাস্তে কুটীর নির্মাণ কর। সেখানে স্থলরী আসিয়া ভোমার ভত্বাবধারণ করিবেন—চিকিৎসা করিতে পারিবেন।"

সহসা শৈবলিনী চক্ষু মুদিল—দেখিল গুহাপ্রান্তে স্থন্দরী দাঁড়াইয়া, প্রস্তরে ক্ষোদিতা—অঙ্গুলি তুলিয়া দাঁড়াইয়া আছে। দেখিল স্থন্দরী, অতি দীর্ঘাকৃতা, ক্রমে তালবৃক্ষ পরিমিতা হইল, অতি ভয়য়রী! দেখিল, সেই গুহাপ্রান্তে সহসা নরক স্প্ত হইল,—সেই পৃতিগন্ধ, সেই ভয়য়র অগ্নিগজ্জন, সেই উত্তাপ; সেই শীত, সেই সর্পারণ্য, সেই কর্দর্য কীটরাশিতে গগন অন্ধকার! দেখিল, সেই নরকে পিশাচেরা কণ্টকের রক্ষু হস্তে, বৃশ্চিকের বেত্রহস্তে নামিল—রক্ষুতে শৈবলিনীকে বাঁধিয়া, বৃশ্চিক-বেত্রে তাহাকে প্রহার করিতে করিতে লইয়া চলিল; তালবৃক্ষ পরিমিতা প্রস্তর্ময়ী স্থন্দরী হস্তোত্তোলন করিয়া তাহাদিগকে বলিতে লাগিল—"মার! মার! আমি বারণ করিয়াছিলাম! আমি নৌকা হইতে ফিরাইতে গিয়াছিলাম, শুনে নাই! মার মার! যত পারিস্ মার্! আমি উহার পাপের সাক্ষী! মার! মার! শৈবলিনী যুক্ত করে, উয়ত আননে, সজল নয়নে স্থন্দরীকে মিনতি করিতেছে; স্থন্দরী শুনিতেছে না; কেবল ডাকিতেছে "মার! মার! অসতীকে মার! আমি সতী, ও অসতী! মার! মার!" শৈবলিনী, আবার সেইরূপ, দৃষ্টিস্থির লোচন-বিক্ষারিত করিয়া, বিশুক মুখে, স্তম্ভিতের শ্রায় রহিল। চন্দ্রশেধর চিন্তিত হইলেন—বুঝিলেন, লক্ষণ ভাল নহে। বলিলেন, "শৈবলিনি! আমার সঙ্গে আইস!"

প্রথমে শৈবলিনী, শুনিতে পাইল না। পরে চন্দ্রশেখর, তাহার অঙ্গে হস্তার্পণ করিয়া তুই তিন বার সঞ্চালিত করিয়া ডাকিতে লাগিলেন, বলিতে লাগিলেন—"আমার সঙ্গে আইস।"

সহসা শৈবলিনী দাঁড়াইয়া উঠিল, অতি ভীতস্বরে বলিল, "চল, চল, চল, চল, দীত্র চল, শীত্র চল, এখান হইতে শীত্র চল !" বলিয়াই, বিলম্ব না করিয়া, গুহা দ্বারাভিম্থে ছুটিল, চন্দ্রশেখরের প্রতীক্ষা না করিয়া, ক্রভপদে চলিল। ক্রভ চলিতে, গুহার অস্পষ্ট আলোকে পদে শিলাখণ্ড বাজিল; পদস্খলিত হইয়া শৈবলিনী ভূপতিতা হইল। আর শব্দ নাই। চন্দ্রশেখর দেখিলেন শৈবলিনী আবার মূর্চিছতা হইয়াছে।

তখন চন্দ্রশেখর, তাহাকে ক্রোড়ে করিয়া গুহা হইতে বাহির হইয়া, যথায় পর্ববিজ্ঞান্ধ হইতে অতি ক্ষীণা নিঝ রিণী নিঃশব্দে জলোদগার করিতেছিল—তথায় আনিলেন। মুখে জলসেক করাতে এবং অনাবৃত স্থানের অনবরুদ্ধ বায়ুস্পর্শে শৈবলিনী সংজ্ঞালাভ করিয়া চক্ষু চাহিল --বলিল, "আমি কোথায় আসিয়াছি ?"

চন্দ্রশেখর বলিলেন, "আমি ভোমাকে বাহিরে আনিয়াছি।" শৈবলিনী শিহরিল—আবার ভীত হইল, বলিল, "তুমি কে?"

চন্দ্রশেখরও ভীত হইলেন। বলিলেন, "কেন এরূপ করিতেছ? আমি যে তোমার স্বামী—চিনিতে পারিতেছ না কেন?"

भारतिनी हा हा कतिया हामिन, विनन,

' "স্বামী আমার সোণার মাছি

বেড়ায় ফুলে ফুলে,

তেকাটাতে এলে সথা, বুঝি পথ ভূলে ?'

তুমি কি লরেন্স ফন্টর ?"

চন্দ্রশেষর দেখিলেন যে, যে দেবীর প্রভাতেই এই মমুয়দেহ স্থানর, তিনি শৈবলিনীকে ত্যাগ করিয়া যাইতেছেন—বিকট উন্মাদ আসিয়া তাঁহার স্থবর্ণ মন্দির অধিকার করিতেছে। চন্দ্রশেষর রোদন করিলেন। অতি মৃত্ স্বরে, কত আদরে আবার ডাকিলেন, "শৈবলিনি!"

শৈবলিনী আবার হাসিল, বলিল, "শৈবলিনী কে ? রসো রসো ! একটি মেয়ে ছিল, তার নাম শৈবলিনী। আর একটি ছেলে ছিল, তার নাম প্রতাপ। একদিন রাত্রে ছেলেটি সাপ হয়ে বনে গেল ; মেয়েটি একটি ব্যাঙ্গ হয়ে বনে গেল। সাপটি ব্যাঙ্গ টিকে গিলে ফেলিল। আমি স্বচক্ষে দেখেছি। হাঁগা সাহেব ! তুমি কি লরেন্দ ফ্টর ?"

চন্দ্রশেখর গদগদকণ্ঠে সকাতরে ডাকিলেন, "গুরুদেব! একি করিলে? একি করিলে?"

শৈবলিনী গীত গায়িল

"কি করিলে প্রাণ্ সধি, মনচোরে ধরিয়ে, ভাসিল পীরিতি নদী ছুই কূল ভরিয়ে।"

বলিতে লাগিল, "মনোচোর কে ? চন্দ্রশেখর। ধরিল কাকে ? চন্দ্রশেখরকে । ভাসিল কে ? চন্দ্রশেখর। ছই কুল কি ? জানি না। তুমি চন্দ্রশেখরকে চন ?"

চন্দ্রশৈখর বলিলেন, "আমিই চন্দ্রশেখর।"

শৈবলিনী ব্যান্ত্রীর স্থায় ঝাঁপ দিয়া চম্রশেখরের কণ্ঠলগ্ন হইল—কোন কথা না বলিয়া, কাঁদিতে লাগিল—কত কাঁদিল—তাহার অঞ্চল্পলে চম্রশেখরের পূষ্ঠ, কণ্ঠ, বক্ষ, বস্ত্র, বাহু প্লাবিত হইল। চম্রশেখরও কাঁদিলেন। শৈবলিনী কাঁদিতে কাঁদিতে বলিতে লাগিল—"আমি তোমার সঙ্গে যাইব।"

চক্রশেখর বলিলেন, "চল।" শৈবলিনী বলিলেন, "আমাকে মারিবে না!" চক্রশেখর বলিলেন " না।"

দীর্ঘনিশ্বাস ত্যাগ করিয়া চন্দ্রশেখর গাত্রোখান করিলেন। শৈবলিনীও উঠিল। চন্দ্রশেখর কাঁদিতে কাঁদিতে চলিলেন—উন্নাদিনী পশ্চাৎ পশ্চাৎ চলিল —কখন হাসিতে লাগিল, কখন কাঁদিতে লাগিল, কখন গায়িতে লাগিল।



5 *

বাল সহতর—অনক্ত-হৃদয়!
শৈশবে, সলিলে সলিল বেমন,
উভয় হৃদয় হইয়াছে লয়।
তোমার আমার জীবন য়ুগল,
এক রক্ষে তুই লতার মতন;
শৈশবে যথন হৃদয় ক্রেমল,
অনস্ত বেষ্টনে করেছে বেষ্টন।

এক বিত্যালয়ে পড়েছি হ্জনে,
একই প্রাক্তণে করেছি থেলা,
সম ক্ষথ হু:থে ভাসিয়াছি মনে,
সরল হৃদয়ে শৈশব বেলা।
বেই প্রেমে ধরি গলায় গলায়,
যাইতাম ক্ষথে অধ্যয়ন তরে;
বেই প্রেমে ধরি গলায় গলায়,
অধ্যয়ন করি আসিতাম ঘরে।

সেই প্রেম—কত বংশরের পরে, উছলিছে আজি, হৃদরে আমার, নিদাঘে বিশুদ্ধ পর্বত নির্বারে, ধেন হলো আজি বরিষা সঞ্চার ;— সেই স্রোতে এই কয়েক বংশর গিয়াছে ভাসিয়া; আজি মনে লয়, যুড়াতে কৈশোর বিদগ্ধ অস্তর, ফিরে এল সেই শৈশব সময়।

8

সংসার-সাগর—— চিন্তার তরঙ্গ—
দারিদ্রা দাহন—— দাসত্ব দংশন,
ধেন অকস্মাৎ হলো স্বপ্ন ভঙ্গ,
বোধ হইতেছে, সকলই স্থপন।
আইস আবার গলায় গলায়,
কহি শুনি স্থপ ত্ংপ সমাচার,
বিদেশে, বিভূমে, ঈশ্বর ক্রপায়,
আছিলে ত ভাল বল একবার?

œ

তু:খিনী ভারতে অক্ল সাগরে, ভাসাইয়া যবে চলিলে সথা, কি ভাব উদয় হইল অন্তরে, দেখিয়া মলয়-অচল রেখা ? মলয়াবারের তীর স্ববহিম, মিশাইল যবে জ্বাধি জলে ? মলয়-অচল উজ্জ্বল নীলিম, মিশাইলে নীল আকাশ তলে ?

•

পার্থিব জগত, ছায়া বাজি প্রায়,
লুকাইলে দ্বে; অসীম আকাশ
সসীম মগুলে ঘেরিয়া তোমায়,
ঢাকিল যখন নীলাম্থ নিবাস;
অধীনত্বে যেন সরোধে ফেণিয়া
অসীম জলধি, বীরদর্প ভরে,
সাজিল যখন উর্দ্মি আফালিয়া,
কি ভাব উদয় হইল অস্তরে?

Covenanted.

কি ভাব উদয় হইল অস্তরে ? লজ্যিয়া ষ্থন ভীম পারাবার, निष्यियो-शाय (त ! श्रुपय विषदत,--অভাগা বান্ধালি অদৃষ্ট হর্কার, अमृद्र यथन कतित्व पर्भन, ত্রিভঙ্গ ভলিম খেত ব্রিটনীয়া. (রত্মাকর গর্ভে রত্ম সর্কোন্তম) হাদ্য কি তব উঠিল নাচিয়া? निक्कीर, इस्तन, राकानि क्रमग्र, নাচিল কি সংখ। নামিলে হখন ব্রিটনীয়া তীরে ? কবিগণে কয়, हेश्मक भन्नतम इन्न विस्माहन, আক্রম দাসের দাসত বন্ধন-**পাপরাশি যথা জাহুবী পরশে**: কিন্তু ভারতের লতার বেষ্টন. চির লৌহমর ত্রদৃষ্ট বশে। ইতিহাসে কহে অভাগী ভারত, বিটনীয়া শিরে মুকুট-রতন: কিন্তু সেই রত্ন কোথায়, কি মত, ব্রিটনীয়াবাসী ভাবে কি কখন ? ভাবে কি কখন,—অভাগিনী পড়ি হিমাদ্রি গহরে, সমুক্র ভিতরে, (বহে শত নদী অশ্রধারা ঝরি !) মুমুর্বার মত রহিয়াছে পড়ে ?

ভারত জীবন, যাহাদের করে, জানেন কি তাঁরা ভারত অমর ? পোড়াও আগুনে, ডুবাও সাগরে, মুমুর্জীবন হবে না অন্তর। কিন্তু মুছাইয়া নয়নের জল, कत कीन प्राट्ट कीवन मक्षांत्र, আবার ভারত, ছাড়ি হিমাচল তুলিবে মন্তক-মরি ! ছ্রাশার কি স্থথ-ছলনা! নাহি কাৰ তাহে। বল বল স্থে! দেখেছ কি তুমি, পতিতা বিগত বিপ্লব প্রবাহে, জগৎ-গৌরব ফ্রাঞ্চ বীরভূমি ? ফরাসি গৌরব সমাধি "সিডনে" (১) मां ज़ारेबा त्यादक विवादम विश्वन, ফরাসি অদৃষ্টে--বাঙ্গালি নয়নে ঝরেছিল নাকি এক বিন্দুজল ? ক্ষসিয়া প্রসিয়া—নব গৌরবিণী রণ রক্তৃমে সিংহিনী যুগল! চলিছে রসিয়া দক্ষিণ বাহিনী,

ব্রিটিশ হর্যাক্ষ কটাক্ষে বিহ্বল ! একদিকে ফ্রাঞ্চ, ভূতল-শায়িনী,

অন্তত্তে প্রসিয়া হঠাং-প্রবল,---

মরি তুই চিত্র !—ভাব প্রবাহিণী !

অন্ধ মানবের কি শিকার স্থল।

আর এক পদ!—একেবারে তুমি
তুবিলে অদৃষ্ট অতল সাগরে,
সন্মুখে তোমার রোম রক্তৃমি,
চিহুমাত্র আছে নদ টাইবরে!
তুবন বিক্তমী অভিনেতৃগণ,
সময়ের গর্ভে হইয়াছে লয়;
অগতবিষয় কীত্তি অগণন,
কল কলে ওই নদে মাত্র কয়!

গ্রীকের গোরব শ্রশান যুগল—
শার্টা, এথেন্স—করিয়া দর্শন,
ঝরিল না সংধ! নয়নের জল,
হন্তিনা, অযোধ্যা, কবিয়া শ্ররণ?
তীর্থ "থর্মপলি" দেখেচ কি হায়!
শত জ্রয়ে যথা, রক্তে আপনার,
খাধীনতা রত্ম রক্ষিল হেলায়?
ভারতে আমরা ত্লনায় তার—

যাক সেই ছ:খ কি হবে বলিয়া?
বল সথে তব আছে কি স্মরণ?
যাইতে ইংলতে, অঞ্চতে ভাসিয়া
বলেছিলে—মনে আচে কি এখন?
বলেছিলে—"মাতঃ ভারত ছ:খিনি!
তব ছ:খে মাত! হৃদ্য বিকল;
সহিতে না পারি, দিবস যামিনী

ভারত বৈধবা—মাতৃ-চিতানল।"

16

36

অক্ল, ত্ৰ্লজ্য সিদ্ধু অতিক্ৰমি,
বীরত্বের ধনি ব্রিটনে পসিয়া;
অগত জীবন ইউরোপে ভ্রমি
আসিয়াছে সথে কি ফল লভিয়া?
শিথেছ সাহিত্য, শিথেছ দর্শন;
শিথেছ গণিতে নক্ষত্র মগুল,
কিন্তু তাহে সথে! হবে কি বারণ
"মাতার রোদন,—মাতু-চিতানল?"

29

ইংরাজের শ্বশ্রু, ইংরাজের কেশ, ইংরাজি আহার—প্রিয় ত্রাণ্ডিজল, আনিয়াছ সপে! ইংরাজের বেশ, কিন্তু ইংরাজের কই বীর্য্য বল ? কই ইংরাজের তীক্ষ তরবার ? কই ইংরাজের স্থাক্ষয় কামান ? কই ইংরাজের সাহস অপার ? সিংহ চর্ম্মে তুমি মের অল্প প্রাণ!

36

হয়েছ "চিহ্নিত!"—কিন্তু সেই চিহ্ন তব পক্ষে হায়! কলত কেবল, সেই চিত্নে সথে হইবে না ছিন্ন, দীনা ভারতের অদৃষ্ট শৃত্বল।

শ্রীনঃ

এই উৎকৃষ্ট কবিতার শেষাংশ অমুমোদনীয় নহে।—বং সম্পাদক।



ক্রিক্সবাসী কোন বর, কলিকাতা নিবাসী একটি কল্যা বিবাহ করিয়া গৃহে লইয়া যান। কল্যাটি পরমাস্থলরী, বৃদ্ধিমতী, বিভাবতী, কর্মিষ্ঠা এবং স্থালা। তাঁহার পিতা মহা ধনী, নানা রত্নে ভ্ষিতা করিয়া কল্যাকে শশুর গৃহে পাঠাইলেন। মনে ভাবিলেন, আমার মেয়ের কোন দোষ কেহ বাহির করিতে পারিবে না। সঙ্গের লোক ফিরিয়া আসিলে তিনি জিজ্ঞাসা করিলেন, "কেমন হে বাঙ্গালেরা মেয়ের কোন দোষ বাহির নিরতে পারিয়াছে ?" সঙ্গের লোক বলিল, "আজ্ঞা হাঁ—দোষ লইয়া বড় গওগোল গিয়াছে।" বাবু জিজ্ঞাসা করিলেন—"সে কি ? কি দোষ ?" ভ্তা বলিল, "বাঙ্গালেরা বড় নিন্দা করিয়াছে, মেয়ের কপালে উল্কি নাই।" আমরা এই বঙ্গদর্শনে, কখন সর্ জর্জ ক্যাম্বেল সাহেব সম্বন্ধে কোন কথা বলি নাই। যাঁহার নিন্দা তিন বৎসরকাল বাঙ্গালাপত্রের জীবন স্বরূপ ছিল, তাঁহার কোন উল্লেখ না থাকাতে, আমাদের ভয় করে যে পাছে কেহ বলে, যে বঙ্গদর্শনের উল্কি নাই। আমরা অভ্য বঙ্গদর্শনকে উল্কি পরাইতে প্রবৃত্ত হইলাম।

তবে এই উল্কি বড় সামান্ত নহে। যে পত্র বা পত্রিকা—(কোন্গুলি পত্র আর কোন্গুলি পত্রিকা ভাহা আমরা ঠিক্ জানি না—কি করিলে পত্র পত্রিকা হইয়া যায়, তাহাও অবগত নহি)—যে পত্র বা পত্রিকা একবার কপালে এই উল্কিপরিয়াছেন, তিনি বঙ্গদেশ মোহিয়াছেন, মৃগ্ধ হইয়া বঙ্গীয় পাঠকগণ তাঁহার পশ্চাৎ পশ্চাৎ ছুটিয়াছে—এবং সাম্বৎসরিক অগ্রিম মূল্যে বরণ করিয়া তাঁহাকে ঘরে তুলিয়াছে। যে এই উল্কি পরে, তাহার অনেক সুখ।

এক্ষণে সর্ জর্জ কাম্বেল এতদেশ ত্যাগ করিয়া গিয়াছেন—ইহাতে সকলেই ছঃখিত। এ পৃথিবীতে পরনিন্দা প্রধান স্থা—বিশেষ যদি নিন্দিত ব্যক্তি উচ্চ-শ্রেণীস্থ এবং গুণবান্ হয় তবে আরও স্থা। সর্ জর্জ কাম্বেল গুণবান্ হউন বা না হউন উচ্চশ্রেণীস্থ বটে। তাঁহার নিন্দায় যে স্থা, তাহাতে এক্ষণে বঙ্গদেশের

লোক বঞ্চিত হইল। ইহার অপেক্ষায়, আর গুরুতর ছ্র্যটন। কি হইতে পারে। এই যে গুরুতর ছ্র্ভিক্ষ-বহ্নিতে দেশ দগ্ধ হইতেছিল—তাহাতেও আমরা কোন মতে প্রাণ ধারণ করিতেছিলাম—খবরের কাগজ চলিতেছিল, বাঙ্গালি বাবু গল্পের মজলিশে অল্লীল গল্প ছাড়িয়া, সর্ জর্জের নিন্দা করিয়া বোতল শেষ করিতেছিলেন। কিন্তু এক্ষণে ? হায়! এক্ষণে কি হইবে!

এইরূপ সর্বজননিন্দার্হ হওয়া সচরাচর দেখা যায় না। অনেকে বলিবেন, সর্জ্ব কাম্বেলের অসাধারণ দোষ ছিল, এইজ্বন্থই তিনি এইরূপ অসাধারণ নিন্দনীয় হইয়াছিলেন। আমাদিগের বিশ্বাস আছে যে এইরূপ সর্বজন নিন্দনীয় হয়, যাহার নিন্দায় সকলের তৃষ্টি জন্মে, সে হয় অসাধারণ দোষে দোষী বা অসাধারণ গুণে গুণবান্ নয়ত তৃই। জিজ্ঞাস্থা, সর্জ্ব কাম্বেল, অসাধারণ দোষে দোষী, না অসাধারণ গুণে গুণবান্ বলিয়া তাঁহার এই নিন্দাতিশয্য হইয়াছিল ?

তাঁহার পূর্ব্বগামী শাসনকর্ত্তা সর্ উইলিয়ম গ্রে। সর্ উইলিয়ম গ্রের স্থায় কোন লেঃ গবর্ণর প্রতিষ্ঠা প্রাপ্ত হয়েন নাই। সর্ জর্জ কাম্বেল ও সর্ উইলিয়ম গ্রের এই ভাগ্যতারতম্য কোন্ দোষে বা কোন্ গুণে ? কোন্ গুণে সর্ উইলিয়ম সকলেয় প্রিয়, কোন্ দোষে সর্ জর্জ সকলের অপ্রিয় ?

যাঁহারা এই কথার মীমাংসা করিতে ইচ্ছুক তাঁহাদিগকে একটা কথা বুঝাইতে হয়। এই ব্রিটিশ ভারতীয় শাসন প্রণালী দূর হইতে দেখিতে বড় জাঁক, শুনিতে ভয়ানক, বুঝিতে বড় গোল—ইহার প্রকৃতি কি প্রকার ? এক লেঃ গবর্ণর কর্ত্ত্বক যে এই বৃহৎ রাজ্য শাসিত হয় সে কোনু রীতি অবলম্বন করিয়া ?

সেরীতি হুই প্রকার। একটি রীতি, একটি সামান্ত উদাহরণের দ্বারা বুঝাইব। মনে কর, বাঁধের কথা উপস্থিত। কমিস্তানরের রিপোর্টে ইউক, বোর্ডের রিপোর্টে ইউক, ইঞ্জিনিয়রদিগের রিপোর্টে ইউক, সম্বাদপত্রে ইউক, লেঃ গবর্ণর জানিলেন যে, নদীতীরস্থ প্রাচীন বাঁধ সকল রক্ষিত হইতেছে না—তাহার উপায় করা কর্ত্তব্য। তথন লেঃ গবর্ণরের হুকুম হইল যে রিপোর্ট তলব কর। এই হুকুমে যদি কোন বিশেষ গুণশালিত্ব বা যোগ্যতা থাকে, তবে সে গুণশালিত্ব বা যোগ্যতা লেঃ গবর্ণরের। সেক্রেটরি সাহেব হুকুম পাইয়া, বোর্ডে চিঠি লিখিলেন—তাঁহার চিঠিতে কথাটা একটু বিস্তৃতি পাইল—তিনি বলিলেন ইহার বিশেষ অবস্থা জ্বানিবে—অধীনস্থ কর্ম্মচারীদিগের অভিপ্রায় কি তাহা লিখিবে, ইহার কিরূপ উপায় হইতে পারে তাহা লিখিবে। বোর্ড, ঐ পত্রখানির একাদশ খণ্ড অতি পরিদ্ধার অমুলিপি প্রস্তুত করিয়া, একাদশ কমিস্তানরের নিকট পাঠাইলেন। একাদশ কমিস্তানর, অমুলিপি প্রাপ্ত হইয়া তাহার কোণে পেন্সিলে প্রাপ্তির তারিথ লিখিয়া বাক্ষে ফেলিলেন, তাঁহার গুরুতর কর্ত্বব্য কার্য্য সমাপ্ত হইল। বাক্স প্রাচীন প্রথামুসারে

যথাসময়ে চাপরাশির স্কন্ধে আরোহণ করিয়া, কেরাণীর নিকট পৌছিল। কেরাণী ভাহার আর এক এক খণ্ড পরিষ্কার অমুলিপি প্রস্তুত করিয়া সাত দিনের মিয়াদ লিখিয়া দিয়া, কালেক্টরদিগের নিকট পাঠাইলেন। যে পথে মহাজন যায় সেই পথ,—দোর্দণ্ড প্রচণ্ড প্রভাপান্থিত শ্রীল শ্রীযুক্ত কালেক্টর বাহাছ্র, চুরট খাইতে খাইতে চিঠির কোণে লিখিলেন, "সব ডিবিজন ও ডেপুটিগণ বরাবর।" চিঠি এইরূপে বড় ডাক্ষর হইতে মেজো ডাক্ষরে, মেজো ডাক্ষর হইতে ছোট ডাক্ষরে এবং তথা হইতে শেষে আটচালা নিবাসী বোতামশৃত্য চাপকানধারী কাল কোল নাত্স মুত্রস ডিপুটি বাহাত্বের ছিন্ন পাত্রকামণ্ডিত শ্রীপাদপদ্মযুগলে মধুলুক ভ্রমবের স্থায় আসিয়া পড়িল। ডিপুটি বাহাছরেরা প্রায় উপরস্থ মহাত্মাদিগের অমুকরণ করিয়া, ইরেজি চিঠির বাঙ্গালা পরওয়ানা করিয়া সবইনস্পেক্টরগণের নিকট ফেলফোর রিপোর্ট তলব করিলেন—সবইনস্পেক্টর পরওয়ানা কনষ্টেবলের হাওয়ালা করিল—কনষ্টেবল যে গ্রামে বাঁধ সেইখানে, কাল কোর্ত্তা কাল দাড়ি এবং মোটা রুল লইয়া, দর্শন দিয়া এক অন্নাভাবে শীর্ণ ক্লিষ্ট চৌকিদারকে ধরিল। ধরিয়াই জিজ্ঞাসা করিল যে "তোদের গাঁয়ের বাঁধ থাকে না কেন রে ?" চৌকিদার ভীত হইয়া বলিল, "আজ্ঞা, জমীদারে মেরামত করে ন , আমি গরিব মামুষ কি করিব ?" কনষ্টেবল তথন জমীদারী কাছারিতে পদরেণু অর্পণ করিয়া গোমস্তাকে কিছু তম্বী করিলেন। গোমস্তা জমীদারী খাতায় পাঁচ টাকা খরচ লিখিয়া কনষ্টেবল বাবুকে দেভ টাকা পারিভোষিক দিয়া বিদায় করিলেন। কনষ্টেবল আসিয়া সবইনস্পেক্টর সমক্ষে রিপোর্ট করিলেন "বাঁধ সব বেমেরামত—জমীদার মেরামত করে না— জ্মীদার মেরামত করিলেই মেরামত হইতে পারে।" ডিপুটি বাহাত্বর লিখিলেন, "বাঁধ সব বেমেরামত,—জমীদারেরা মেরামত করে না—তাহারা মেরামত করিলেই হয়।" কালেক্টর বাহাত্বর সেই সকল কথা লিখিলেন, অধিকন্তু "এক্ষণে জমীদারদিগকে বাঁধ মেরামত করিতে বাধ্য করা উচিত।" কমিস্থানর, সেই সকল কথা লিখিয়া বোর্ডে জ্বিজ্ঞসা করিলেন, "এক্ষণে, কি প্রকারে জ্বমীদার বাঁধ মেরামত করিতে বাধ্য হইতে পারে ?" বোর্ড ভত্তহক্তি পুনরুক্ত করিয়া, একটা যাহা হয় উপায় নির্দ্ধিষ্ট করিলেন। সেক্রেটরি সাহেব সেই সকল কথা সাজাইয়া লিখিয়া এক রিজ্পলিউ-সনের পাণ্ডুলিপি প্রস্তুত করিয়া পাঠাইলেন, লে: গবর্ণর সাহেব, সম্মত হইয়া তাহাতে দস্তখত করিয়া দিলেন। আজ্ঞা দেশে প্রচারিত হইল: লে: গবর্ণর বাহাছরের যশ দেশে বিদেশে ঘোষিল। যাহারা মিত্রপক্ষ ভাহারা গবর্ণর বাহাছরের প্রশংসা করিতে লাগিল-শত্রুপক্ষ নানা জাতীয় ইংরেজি বাঙ্গালায় তাঁহাকে গালি পাডিতে লাগিল। নষ্টের গোড়া চৌকিদার নির্বিদ্ধে স্বদেশে কোদালি পাড়িতে नाशिन।

বাস্তবিক যে এইরূপ কোন প্রকৃত ঘটনা ঘটিয়াছে, এমত নহে। একটি কল্লিত ঘটনা অবলম্বন করিয়াই এ সকল কথা লিখিলাম। এইরূপ যে সচরাচরই ঘটিয়া থাকে, এমত নহে। কিন্তু অনেক সময়ে ঘটে। সৌভাগ্যক্রমে ঘাঁহারা মুযোগ্য শাসনকর্ত্তা, তাঁহারা এ প্রথা অবলম্বন করেন না, অযোগ্যেরা করিয়া থাকেন। এইরূপ কার্য্যপ্রণালীকে "কলে শাসন" বলা যাইতে পারে। ধর্মের কলের স্থায় শাসনের কলও বাতাসে নড়িয়া থাকে; কোন দিগ্ হইতে কোন কর্ম্মচারীর রিপোর্টের বাতাস, বা অন্থ প্রকার ফাঁপি উঠিয়া, কলে লাগিলে, কল চলিতে আরম্ভ করে; তদন্তের হুকুম হইতে কলের দম আরম্ভ হইয়া বোর্ড কমিস্যনর প্রভৃতি অধোধ্য পর্য্যায়ক্রমে ঘুরিয়া আবার লেঃ গবর্ণর পর্যায়্ত আসিয়া সহি মোহরের মঞ্জি মুক্রিত করিয়া দিয়া বন্ধ হয়। যেমন কলের ধৃতি, কলের স্থৃতা প্রভৃতি সামগ্রী আছে, তেমনি কলে তৈয়ারি রাজাজ্ঞাও আছে।

যে লেঃ গবর্ণর এইরপে কলে শাসন করেন, তিনি সুমানুষ হইলে হইতে পারেন; তদ্ভিন্ন তাঁহার বৃদ্ধিমন্তা, যোগ্যতা বা অন্ত কোন গুণের প্রশংসার কারণ দেখা যায় না। তিনি কখন আপন বৃদ্ধির চালনা করেন না, কোন বিষয়ের সদ্বিবেচনা করিবার জন্ম তাঁহাকে নিজে কষ্ট পাইতে হয় না। তিনি পরিশ্রম স্বীকার করিয়া কখন কোন নৃতন বিষয়ে প্রবৃত্ত হয়েন না; পরিশ্রম স্বীকার করিয়া কোন বিষয়ের যথার্থ স্বয়ং মীমাংসা করেন না। তিনি শাসন যন্ত্রের একটি অংশ মাত্র— যখন রাজ্যের কল বাতাসে নড়িল, তখন তিনিও নড়িলেন, কলে চালিত হইয়া মঞ্জুরি লিপি সমেত সহিমোহর করিয়া দিয়া কলে থামিলেন। সেইরপ ঘণ্টাপূর্ণ হইলে, ঘড়ির মুরদ, বাহির হইয়া, ঠংঠং করিয়া ঘণ্টা বাজাইয়া, আবার কলে মিশিয়া যায়।

সর্ উইলিয়ম গ্রে ও সর্ জর্জ কাম্বেলে প্রধান প্রভেদ এই যে সর্ উইলিয়ম গ্রে কলে শাসন করিতেন, সর জর্জ কাম্বেল তাহা করিতেন না।

কলে শাসনের অনেক গুণ আছে। তাহার ফল ভাল হউক, মন্দ হউক, লোকের অসপ্তোষের সম্ভাবনা অতি অল্প। যাহা পূর্ব্বাপর চলিয়া আসিতেছে, তাহা নিতান্ত অনিষ্টকর হইলেও, লোকে তাহাতে সম্ভষ্ট; পূর্বে প্রচলিতা রীতি অত্যম্ভ অনিষ্টকারী হইলেও লোকে তাহার সংশোধনে অসম্ভষ্ট। পুরাতনের মন্দও ভাল, নৃতনের ভালও মন্দ। কলের শাসন, শাসনই নহে; যিনি কলে শাসন করেন, তিনি কিছু করেন না বলিলেই হয়। অতএব কলের শাসনে পুরাতনের কিঞ্চিশ্মাত্র সংস্করণ ভিন্ন নৃতন কখন ঘটে না; যাহা আছে, তাহাই প্রায় বজ্বায় থাকে, যাহা নাই, অথচ আবশ্রক, প্রায় তাহা ঘটিয়া উঠে না। এজন্ম লোকেরও অসম্ভোষ জন্মে না; বিশেষ এদেশীয় লোক পুরাতনের অত্যম্ভ অমুরাগী, নৃতনে অত্যম্ভ বিরক্ত।

সর উইলিয়ম গ্রে, কলে শাসন করিতেন, স্বতরাং লোকের বড় প্রিয় ছিলেন। সর্জর্জ কাম্বেল, কলে শাসন করিতেন না, এজন্ত লোকের বড় অপ্রিয় হইয়া উঠিয়াছিলেন। রাজ্যশাসন উভয়েরই উদ্দেশ্য; কিন্তু সর্ উইলিয়ম গ্রের উদ্দেশ্য ছিল কেবল শাসনের কল চালান; সর জর্জ কাম্বেলের উদ্দেশ্য শাসনের উদ্দেশ্য সফল করা। এমত বলিতেছিনা যে সর জর্জ কাম্বেল সে উদ্দেশ্য সিদ্ধ করিয়া-ছিলেন। তাঁহার শাসনে সুফল ফলিয়াছে, সর উইলিয়ম গ্রের শাসনে কুফল ফলিয়াছে, একথা বলাও আমাদের অভিপ্রায় নহে। কেবল বলিতে চাই যে, সর্ জর্জ কাম্বেল আপন বৃদ্ধিতে চলিতেন ; এ বৃহৎ রাজ্যশাসন জন্ম চিস্তা করিতেন ; উদ্দেশ্যগুলি স্থির করিয়া, তাহার সাধনে প্রাণপণে যত্ন করিতেন; যে কার্য্য কর্ত্তব্য এবং সাধ্য বলিয়া বুঝিতেন, কিছুতেই তাহা হইতে বিরত হইতেন না। সরু উই-লিয়ম গ্রে এ সকল কিছুই করিতেন না। যাহা হয় আপনি হউক; কেহ কল টিপিয়া দেয় ত কল চলুক,—আমি কিছুর মধ্যে থাকিব না। নিজের বৃদ্ধি গ্রে সাহেব প্রায় খরচ করিতেন না; জমার অঙ্কে কিছু ছিল কি না বলা যায় না। নিজের যত্ন প্রায় তাঁহার কোন বিষয়ে ছিল না। তাঁহার দারা যে কিছু সৎকার্য্য সিদ্ধ হই-য়াছে—তাহা কলে; তাঁহার দারা যে কিছু অনিট ঘটিঁয়াছে, তাহা কলে। তিনি উচ্চ শিক্ষার পোষক ছিলেন বলিয়া বাঙ্গালি-মহলে বড় প্রশংসিত; কিন্তু বাঙ্গালি বাব্দিগের মত, আসল কথাটা কি তাহা ব্ঝেন নাই ; কেবল আট্কিঅন সাহেব কল টিপিয়া দিয়াছিলেন বলিয়া কলের পুত্তলী সর্ উইলিয়ম গ্রে উচ্চ শিক্ষার পোষকতা করিয়াছিলেন, ঘড়ির মুরদ ঘড়ি পিটিয়া িয়া কলে লুকাইয়াছিলেন।

এমন নহে যে, সর্ জর্জ কাম্বেলের সময় কলে শাসন একেবারে ছিল না।
শাসনের কল চিরকাল বজায় আছে; যিনি ইচ্ছা তিনি শাসন-কর্তা হউন, সে কল
মধ্যে মধ্যে বাতাসে নড়িবে; সকল শাসনকর্তাকেই শাসনের কল চালাইয়া
কতকগুলি কার্য্য সম্পন্ন করিতে হইবে। তবে সর্ জর্জ কাম্বেল কলে সিদ্ধ তত্ত্বগুলি অবশ্যগ্রাহ্য মনে করিতেন না; ইচ্ছাত্মসারে তাহা ত্যাগ করিতেন;
ইচ্ছাত্মসারে তত্তৎস্থানে নূতন সিদ্ধান্ত আদিষ্ট করিতেন। সর্ জর্জ কাম্বেল কল
নিজে চালাইতেন, স্বয়ং কলের অংশ ছিলেন না।

সর্ উইলিয়ম গ্রে সকলের মন রাখিয়া কাজ করিতেন; গালিগালাজকে বড় ভয় করিতেন। সম্বাদপত্রের ভয়ে তটস্থ ছিলেন; ব্রিটীশ ইণ্ডিয়ান আসো-সিয়েসনকে মুক্রবিব বলিয়া মানিতেন। স্থুখ্যাতির আশায় এবং গালির ভয়ে, তিনি সম্বাদপত্রের আজ্ঞাকারী ছিলেন; ব্রি, ই, আসোসিয়েসনের প্রধান মেম্বরদিগের কেনাবেচার মধ্যে ছিলেন। সর্ জর্জ কাম্বেল কাহারও নিকট স্থুখ্যাতি খুঁজিতেন না; কাহারও অমুরোধ রাখিতেন না। সম্বাদপত্রসকলকে দ্বুণা করিতেন,

ব্রিটীশ ই: আসোসিয়েসনকে ব্যঙ্গ করিতেন। অতএব একজন যে লোকের প্রিয়, আর একজন অপ্রিয় হইবেন ইহা সহজেই অনুমেয়।

সর্ উইলিয়ম গ্রে কিয়দংশে প্রিয়বাদী ছিলেন, সর্ জর্জ কাম্বেল বড় অপ্রিয়বাদী ছিলেন। সকলকে কটু বলায় সর্ জর্জ কাম্বেলের বিশেষ আমাদ ছিল। তাঁহার গুরুতর অহঙ্কারই এই অপ্রিয়বাদিছের একটা প্রধান কারণ। তিনি জানিতেন যে, পৃথিবীতে বৃদ্ধিমান, পণ্ডিত এবং বিজ্ঞ একা সর্ জর্জ কাম্বেল; আর সকল ময়্বাই মৃখ, নির্কোধ, অসার, ভণ্ড এবং স্বার্থপর। তিরস্কারই তাহাদের উপযুক্ত ব্যবহার। এইরূপ তমোভিভূত হইয়া সর্ জর্জ কাম্বেল, কাহারও পরামর্শ গ্রাহ্য করিতেন না। নিজেও দেশের অবস্থা কিছুই জানিতেন না। অথচ সকল বিষয়েই আয়বৃদ্ধিমত মীমাংসা করিয়া হস্তক্ষেপ করিতেন। তাহাতে অনেক অনিষ্ট ঘটাইয়াছেন।

সর্ জর্জ কামেল এদেশীয়গণকে বিশেষ ঘৃণা করিতেন। তিনি বিবেচনা করিতেন, ইহারা অকর্মণ্য—কোন গুরুতর ভারের অযোগ্য। এই ঘৃণা, তাঁহার শাসনকার্য্যের আর একটি ঘোরতর বিদ্ন হইয়া দাঁড়াইয়াছিল। যাহার প্রতি ঘৃণা আছে তাহার স্থুখ ছংখের ভাগী হওয়া যায় না, প্রজার স্থুখ ছংখের ভাগী না হইলে, কখন প্রজার স্থুখ বৃদ্ধি, ছংখ নিবারণ করা যায় না।

সর্ উইলিয়ম গ্রে ও সর্ জর্জ কাম্বেল উভয়েই স্বেচ্ছাচারী ও দৃঢ়প্রতিজ্ঞ ছিলেন। যিনি যাহা ধরিতেন, তিনি তাহা আর ছাড়িতে চাহিতেন না। তৃই জনের "রোখ" বড় ভয়ানক ছিল—দণ্ড প্রণয়নের সাধ তৃই জনেরই বড় গুরুতের ছিল। তুই জনেরই একটি নিতান্ত নিন্দনীয় দোষ ছিল যে, বিনাপরাধেও দণ্ডবিধান করিতেন। বিশেষ সর্জর্জ কাম্বেলের আয়নিষ্ঠতা কিছুই ছিল না।

স্থল কথা এই যে সর্জর্জ কামেল অত্যন্ত গর্বিত, আত্মাভিমানী, কৃষ্ণচর্মে ঘৃণাবিশিষ্ট, পরোপদেশে বিরক্ত, স্বেচ্ছাচারী, অপ্রিয়বাদী, অপ্রিয়কারী, অস্থায়পর শাসনকর্তা ছিলেন। সর্উইলিয়ম গ্রের এত দোষ ছিল না; তিনি কেবল স্থলবৃদ্ধি ছিলেন; কোন রূপে লোকের মন রাখিয়া, কলে শাসন করিয়া, নিন্দার হাত হইতে মৃক্তিলাভ তাঁহার উদ্দেশ্য ছিল।

গুণ পক্ষে, সর্জর্জ কাম্বেল সাহেবের নিতান্ত অভাব ছিল না। তিনি বৃদ্ধিমান, স্থপণ্ডিত, পরিশ্রমী এবং অধ্যবসায় সম্পন্ন। ছর্ভিক্ষের ব্যাপারে দেখা গিয়াছে, তিনি ক্ষিপ্রকারী এবং দ্রদর্শী। তিনি সাম্যবাদী। প্রজ্ঞার কোন মঙ্গল সিদ্ধ করিয়া থাকুন, বা না থাকুন, তিনি প্রজ্ঞার হিতৈষী। সর্ উইলিয়ম গ্রের গুণের মধ্যে কেবল ইহাই আমাদের স্মরণ হইতেছে যে, তিনি অপেক্ষাকৃত নিরপেক্ষ ছিলেন। নসর জর্জ কাম্বেলের মত বহু গুণে গুণবানু ও বহু দোষে দোষী শাসনক্ষ্ঠা কেছই এদেশে আসেন নাই; সর্ উইলিয়ম গ্রের মত দোষশৃষ্ম ও গুণশৃষ্ম কেছ আসেন নাই। গুণবান্ ও দোষযুক্তের শত্রু অনেক; নির্দোষ ও নিগুণের শত্রু থাকেনা! সর্ জর্জ কাম্বেলের নিন্দা এবং সর্ উইলিয়ম গ্রের সুখ্যাতির কারণই এই।

কিন্তু কিছু বিবেচনা করিয়া দেখিলে, সে নিন্দা ও স্থ্যাতির সকল কারণ বন্ধায় থাকে না। তুই একটা উদাহরণের দ্বারা এ কথা প্রতিপন্ন করিতেছি।

রোডশেষের আইন প্রচার করার জন্ম সর্ জ্বর্জ কাম্বেল বিশেষ নিন্দিত, কিন্তু এবিষয়ে সর্ জ্বর্জ কাম্বেলের দোষ কি ? তিনি কেবল উপরিস্থ কর্মচারীর আজ্ঞা প্রতিপালন করিয়াছিলেন। রোডশেষের দায়ী ডিউক্ অব আর্গাইল; অধস্তন কর্মচারীর সাধ্য নাই উপরিস্থ কর্মচারীর আজ্ঞা লঙ্খন করেন। সর্ জ্বর্জ কাম্বেল রোডশেষ বিধিবদ্ধ করিয়া অলঙ্খনীয় আজ্ঞাপালন করিয়াছেন মাত্র।

নৃতন কার্য্যবিধি আইনের ছুইটি নিয়মের জ্বন্স সর্ জ্বর্জ কাম্বেল নিন্দিত হইয়া থাকেন। প্রথম, জুরির বিচারের অলজ্বনীয়তার উচ্ছেদ, দ্বিতীয়, সরাসরি বিচারের প্রথা।

সারসরি বিচার প্রথার আমরা অন্তুমোদন করি না। অন্তুমোদন করি না, তাহার কারণ এই যে, এ দেশীয় বিচারকগণ অনেকেই এই ক্ষমতার অযোগ্য। কিন্তু বিচারক অযোগ্য বলিয়া, আইন অসম্পূর্ণ থাকিবে কেন ? একটি কথা বিশেষ বিবেচনা করা আবশ্যক। যেরূপ লিখিত বিচার প্রণালী প্রচলিত, তাহাতে একটি ফৌজদারী মোকদ্দমা করিতে অনেক বিলম্ব হয়। বিচারকেরা যে কয়েকটির বিচার করিতে পারেন, সেই কয়টির বিচার করিয়া অবশিপ্টের দিন ফিরাইয়া দেন। এইরূপ অনেক মোকদ্দমার দিন, পুনঃ পুনঃ ফিরিয়া যায়। অর্থী প্রত্যর্থী অনেকবার কষ্ট পাইয়া, রফা করিয়া চলিয়া যায়। না হয়, সাক্ষী পলায়; নয়, ধনী পক্ষ, সময় পাইলে অর্থ ব্যয় করিয়া সাক্ষিগণকে বশীভূত করে। এইরূপে বিচারকের অনবকাশে অনেক মোকদ্দমার বিচার একেবারে হয় না। ইহার ছুইটা মাত্র উপায় সম্ভবে; প্রথম, বিচারকের সংখ্যা বৃদ্ধি, দ্বিতীয় বিচারকের অবকাশ বৃদ্ধি। প্রথম উপায়, অর্থব্যয়সাপেক্ষ; বিচারকসংখ্যা বৃদ্ধি করিতে গেলে, আবার নৃতন টেক্স বসাইতে হয়। টেক্সের নামে লোকের যেরূপ ভয়. টেক্স বসিলে লোকের যেরূপ কষ্ট. টেক্সের জন্ম গবর্ণমেণ্টের উপর প্রজার যেরূপ অসস্থোষ তাহাতে আর টেক্স বসান সম্ভব নহে। স্থতরাং বিচারকের সংখ্যা বাড়াইবার কোন উপায় নাই। অতএব বিচারকের অবসর বৃদ্ধি ভিন্ন এ অবিচার নিবারণের উপায়াস্তর নাই। বিচারকের অবসর বৃদ্ধির একমাত্র উপায় আছে। যাহাতে মোকদ্দমায় অল্প সময় লাগে, তাহা

করিলেই অবসর বৃদ্ধি হইতে পারে। এই জন্ম সরাসরি বিচারের সৃষ্টি। ইহার অন্ম কোন উপায় নাই—কেবল কতকগুলি মোকদ্দমায় লেখাপড়ার অল্পতা করা একমাত্র উপায়। যদি বল, আপিল উঠিয়া গেল কেন ? উত্তর, প্রমাণ লিপিবদ্ধ না থাকিলে কি দেখিয়া আপিল আদালত বিচার নিষ্পত্তি করিবেন।

জুরির বিষয়েও একটী বিশেষ কথা আছে। যদি হাঁড়ি গড়া, ঘটি গড়ায় নৈপুণ্য শিক্ষার অধীন, তবে বিচারকার্য্যেই শিক্ষার প্রয়োজন নাই, এ কথা নির্বোধ বা কুসংস্কারাবিষ্ট লোকেই বলিবে। বিচার কার্য্য শিক্ষিত জজের দ্বারা হওয়াই কর্ত্তব্য—যে অনেক দিন ধরিয়া কোন একটি কাঞ্চ অভ্যাস করিয়াছে. তাহাকেই শিক্ষিত বলিতেছি। যদি কাঁসারীকে ঘটি গড়িতে না দিয়া, তাঁতিকে কাপড় বুনিতে না দিয়া, পাঁচজন মাটি-কাটা মজুরকে দিয়া ঘটি গড়ান, বা বস্তু বনান, ভাল না হয়, তবে যে বিচারকার্য্য শিল্পকর্মাপেক্ষা শতগুণে কঠিন, তাহাতেই কি কেবল শিক্ষিতাপেক্ষা অশিক্ষিতের কার্য্য ভাল ? অনেকে বলেন, একজন বিচারকের উপর নির্ভর করিলে ভূলের সম্ভাবনা, অতএব একজন জজের অপেক্ষা পাঁচ জ্বন জবির বিচার ভাল। ইহা-বলিলে বলিতে হয় যে একজ্বন নিউটন অপেক্ষা পাঁচ জন পাঠশালার গুরু গণনায় ভাল, একজন হক্ষ্ লী অপেক্ষা পাঁচটা নেটিব ডাক্তার শারীরতত্ত্বে ভাল, একজন কালিদাস অপেকা বাঙ্গালা সম্বাদপত্রের পাঁচজ্জন পত্র-প্রেরক কবিষে ভাল। আমাদিগের সংস্থার আছে যে, যাহা বিলাতী, তাহাই ভাল, বিলাতে জুরির প্রথা প্রচলিত আছে, স্থতরাং আমাদের দেশেও ঠিক্ সেই জুরির বিচার চালাইতে হইবে। এরপ কুসংস্থারাবিষ্ট লোকে জ্বানেন না যে ইংলণ্ডে যখন বিচারকেরা পক্ষপাতী ছিলেন, ধনীর বশীভূত হইয়া দীনের অস্তায় দণ্ড করিতেন. ७খन मीरनंद त्रकार्थ मीरनंद घाता मीरनंद विठात थनीत घाता थनीत विठात. ममारनंद षाता ममात्मत विठात, এই প্রথা সৃষ্ট হইয়াছিল। এইক্ষণে ইংলণ্ডে *সে অবস্থা নাই*. किन्न देश्नएकत भाग प्रभागात्र श्रिय प्रदेश प्रदेश किन्न है । অগ্রাপি চলিতেছে। এবং কতকগুলি অমুকরণভক্ত দেশেও গৃহীত হইয়াছে। এক্ষণে ইংলণ্ডীয় কুতবিদ্য, চিম্তাশীল ব্যক্তিগণ জুরির বিচারের প্রথার বিরোধী হইয়া দাঁড়াইতেছেন। ভারতবর্ষ, বিশেষ প্রকারে জ্বরির বিচার প্রথার অযোগ্য। জ্বরির স্ষ্টি হইয়া অবধিই ভারতবর্ষে অবিচার হইতেছে—দোষী দোষ করিয়া, সেসন হইতে প্রায় খালাস পাইয়া আসিতেছে। হুগলীতে নবীনের বিচার, ইহার একটি জাজ্জল্য-মান প্রমাণ। এই ঘোর অবিচার নিবারণের জ্বন্তই সর জর্জ কাম্বেল জুরির আইনের কিঞ্চিৎ পরিবর্ত্তন করাইয়াছেন। সে জ্বন্ত তাঁহার নিন্দা না করিয়া তাঁহাকে ধশুবাদ করিতে হয়। তিনি যে জুরির প্রথার একেবারে উচ্ছেদ করেন নাই, ইহাতেই আমরা ছঃখিত।


কার্য্যবিধি-আইন সম্বন্ধে আর একটি কথা আমাদিগের বলিতে বাকি আছে। ব্রিটীশ-ভারতবর্ষীয় রাজ্যে সর্ব্বাপেক্ষা তিমিরময় কলঙ্ক—দেশী বিদেশীতে বিচারাগারে বৈষম্য। দেশীর জন্ম এক আইন আদালত—সাহেবের জন্ম ভিন্ন আইন আদালত। এই লঙ্জাকর কলঙ্ক মেকলে হইতে লরেন্স পর্য্যস্ত অনেকে অপনীত করিতে চেষ্টা করিয়াছিলেন—কেহ শক্ত হয়েন নাই। সর্ জ্র্জ কাম্বেল হইতেই সেই কার্য্য কিয়দংশে সিদ্ধ হইতেছে। এবিষয়ে তিনি দেশীয় লোকের পরম বন্ধুর কার্য্য করিয়াছেন। অন্য কেহ করিলে, এতদিন তাঁহার স্কুখ্যাতিতে দেশ পুরিয়া যাইত। সর্ জ্র্জ কাম্বেল এ কার্য্য করিয়াছেন বলিয়া সে কথার কোন উচ্চবাচ্য নাই।

উচ্চশিক্ষার বিরুদ্ধাচরণ তাঁহার আর একটি নিন্দার কারণ। যিনি কোন প্রকার শিক্ষার বিরুদ্ধাচরণ করেন, তিনি মনুখ্যজাতির শত্রুর মধ্যে গণ্য। ইহা স্মরণ করিতে হইবে যে, সকল মন্তুয়্মেরই শিক্ষায় সমান অধিকার। শিক্ষায় ধনীর পুত্রের যে অধিকার, কৃষক-পুত্রের সেই অধিকার। রাজকোষ হইতে ধনীদিগের শিক্ষার অন্য অধিক অর্থব্যয় হউক, নির্ধনদিগের শিক্ষায় অল্প ব্যয় হউক, ইহা ন্যায়-বিগর্হিত কথা। বরং নির্ধনদিগের শিক্ষার্থ অধিক ন্যুয় এবং ধনীদিগের শিক্ষার্থ অল্প ব্যয়ই স্থায়সঙ্গত; কেননা ধনিগণ আপন ব্যয়ে শিক্ষাপ্রাপ্ত হইতে পারে, কিন্তু নির্ধনগণ, সংখ্যায় অধিক এবং রাজকোষ ভিন্ন অনন্তগতি। কিন্তু ভারতবর্ষীয় ব্রিটীশ গবর্ণমেন্ট পূর্ব্বাপর শিক্ষার্থ যে প্রণালীতে ব্যয় করিয়া আসিয়াছেন, তাহা স্থায়ামুমোদিত নহে। ধনীর শিক্ষার্থই সে ব্যয় হইয়া আসিতেছে; দরিদ্রের শিক্ষার্থ প্রায় নহে। যখন ইণ্ডিয়ান গ্রথমেণ্ট হইতে এ প্রথা পরিবর্ত্তন করিয়া, ধনীর শিক্ষার ব্যয়ের লাঘব করিয়া, দরিজ শিক্ষার ব্যয় বাডাইবার প্রস্তাব হইয়াছিল, তখন সর উইলিয়ম গ্রে "উচ্চশিক্ষা ! উচ্চশিক্ষা !" করিয়া সে প্রস্তাবের প্রতিবাদ করিয়া, দেশের লোকের প্রিয় হইয়াছিলেন বটে, কিন্তু দেশের মঙ্গল করেন নাই। যদি উচ্চশিক্ষার ব্যয় হইতে কিছু টাকা লইয়া তাহা দরিত্র শিক্ষায় ব্যয় করিবার জন্ম সরু জর্জ কাম্বেল উচ্চশিক্ষার ব্যয় কমাইয়া থাকেন তবে আমরা তাঁহার নিন্দা করিতে পারি না।

আরও কয়েকটি বিষয়ের সমালোচনার ইচ্ছা ছিল, কিন্তু স্থানাভাবে এ প্রস্তাবের আর সম্প্রসারণ করিতে পারিলাম না। উপসংহারে বক্তব্য যে যদি কেহ আমাদিগকে জিজ্ঞাসা করে যে সর্ জর্জ কাম্বেলের কৃত এমন কি কার্য্য আছে যে তঙ্জক্ম সর্ জর্জের কিছু প্রশংসা করিতে পারি ? আমরা তাহা হইলে বলিব যে, ছর্ভিক্ষ সম্বন্ধে তিনি উপকার করিয়াছেন, ব্রিটীশজাত প্রজাকে এতদ্দেশীয় আদালতের বিচারাধীন করিয়াছেন, প্রবিনসিয়াল আয়ব্যয়, তাঁহার হস্তে যেরূপ স্থানয়ম-বিশিষ্ট ছিল। পক্ষান্তরে যদি কাহাকে আমরা জিজ্ঞাসা করি যে সঁরু উইলিয়ম গ্রের কৃত এমন কোন কার্য্য অচেছ, যে তড্জক্ত আমরা তাঁহার নাম শ্বরণ করিয়া প্রশংসা করিতে পারি, তাহা হইলে তিনি কি উত্তর দিবেন ? উচ্চশিক্ষার পক্ষ সমর্থন ?

অনেকে এই প্রস্তাব পাঠ করিয়া লেখকের প্রতি অত্যস্ত অসন্তুষ্ট হইবেন।
এদেশীয় লোকের মধ্যে অনেকের বিশ্বাস আছে যে, সর্ জর্জ কাম্বেল, মন্ম্যাকারে
পিশাচ ছিলেন। আমরা পিশাচ বলিয়া তাঁহাকে বর্ণিত করি নাই। তিনি বহু
দোষযুক্ত ছিলেন, কিন্তু তাঁহার দোষের বর্ণনার অভাব নাই। যাহার অনেক দোষ,
তাহার কোন গুণ আছে কি না, এবিষয়ের সমালোচনার ফল আছে—যে এক চক্ষে
দেখে সে অর্দ্ধেক অন্ধন। এ প্রস্তাবের জন্ম, যদি কেহ রাগ করেন, আমাদের আপত্তি
নাই। কোন শ্রেণীর পাঠকের সম্ন্তোষের কামনায় কোন প্রকার কথা এ পত্রে
লিখিত হয় না; কোন শ্রেণীর পাঠকের অসন্তোষের আশক্ষায় কোন কথা ব্যক্ত
করিয়া বলিতে, এ পত্রের লেখকেরা সঙ্কুচিত নহেন। বর্ত্তমান লেখক সর্ জর্জ
কাম্বেল কর্তৃক কোন অংশে উপকৃত বা সর্ উইলিয়ম গ্রে কর্তৃক কোন অংশে অপকৃত
নহেন; যাহা লিখিত হইল, সত্যানুরোধেই লিখিত হইল। এদেশে অন্ধ অন্ধকে
পথ দেখাইতেছে; ল্রাস্ত জ্রান্তকে উপদেশ দিতেছে। যদি এই প্রবন্ধের সাহায্যে
কেহ এ কথাটি হাদয়ঙ্কম করিতে পারেন, তাহা হইলেই এ প্রস্তাবের সার্থকতা হইল।

শ্রীভজ্নাম।



ভরোপে প্রাচীন কালের ইতিবৃত্ত নিচয় সঙ্কলিত হয়য়া ক্রমেই প্রকাশ হইতে আরম্ভ হইয়াছে। গ্রীক ও রোমকদিগের ইতিহাস তত্তৎ জাতির বিচক্ষণ পণ্ডিতবর্গের দ্বারা লিপিবদ্ধ হওয়াতে এক্ষণে উক্ত জাতিদ্বয়ের স্থপ্রসিদ্ধ রাজা ও পণ্ডিতগণের জীবনবৃত্তান্ত অবগত হইবার কোন অস্থবিধা হইতেছে না, কিন্তু আমরা রামায়ণ ও মহাভারত অবলম্বন করিয়া রামচন্দ্র, কুরু, পাগুর, ব্যাসদেব ও বাল্মীকির জীবন-চরিত অবগত হইবার চেষ্টা করিলে মহাবিল্রাট উপস্থিত হয়। আমাদিগের দেশে প্রকৃত জীবন-চরিত লিখিবার প্রথা ছিল না স্থতরাং এক্ষণে প্রাচীন কালের ইতিবৃত্ত সঙ্কলনে প্রবৃত্ত হইলেই নানা গোলযোগ উপস্থিত হইয়া থাকে। প্রাচীন তামশাসন, অশোকস্তম্ভ ও অস্তান্ত জয়য়স্তম্ভ লিপি তথা মৌর্য্য, গুপ্ত, পালবংশীয় প্রভৃতি রুপতিগণের প্রাচীন মুদ্রা সন্দর্শনে ভারতবর্ষের অনেক বিবরণ আবিদ্ধৃত হইতেছে। আমাদিগের গবর্ণমেন্ট জেনারেল কনিংহামের স্থায় স্থোগ্য ব্যক্তিকে নিযুক্ত করায় পৃথ্বীতলে প্রোথিত প্রাচীন তামশাসন, মুদ্রা, প্রস্তর্রুকলকস্থ লিপি হইতে নানা প্রাচীন বিষয় জ্ঞাত হইতেছি। সম্প্রতি তিনি মথুরা কন্ধালী স্তৃপ মধ্যে তামশাসন ও অনেক বৌদ্ধলিপি প্রাপ্ত হইয়াছেন, এ সকল পুরাবৃত্ত লেখকগণের পরম আদরণীয় হইবেক।

তাম্রশাসন, মূদ্রা প্রভৃতির মৃদ্রিত বিষয় পাঠে কোন নূপতির কাল নিরূপণ নির্বিদ্মে স্থির হইতে পারে কিন্তু একমাত্র প্রাচীন সংস্কৃত গ্রন্থ অবলম্বনে কোন প্রাচীন কবি বা মহাজনের জীবন চরিত সম্বন্ধীয় বিবরণ সন্ধলন করা বড় সহজ্ঞ ব্যাপার নহে। তাহাতে নানা মূনির নানা মত; একখানি গ্রন্থ এক রূপ এবং আর এক সময়ের অপর একজন গ্রন্থকার সেই বিবরণ ভিন্ন প্রকার সন্ধলন করিয়াছেন, তাহা হইতে সত্য নিরাকরণ করিয়া কেহই ভ্রমশৃষ্ম প্রস্তাব লিপিবদ্ধ করিতে পারেন না। মহামহোপাধ্যায় উইলসন সাহেব যে সকল কবি ও নূপতিগণের কাল নিরূপণ করিয়া গিয়াছেন, প্রায় সে সকল আধুনিক তত্ত্বদর্শী পণ্ডিত-

গণের ভ্রমপূর্ণ বোধ হইতেছে। লাসেন, পাভি, এডালং, সেজি প্রভৃতির ত কথাই নাই, ভট্ট মোক্ষমূলরেরও ঐতিহাসিক ভ্রম মৃত অধ্যাপক গোলড্ ষ্টু, কার কর্তৃক সংশোধিত হইয়াছে; কাজেই আমরা মৃক্তকণ্ঠে বলিতেছি যদি কোন মহাত্মা আর্য্যগণের ইতিবৃত্ত বহু যত্নসহকারে লিপিবদ্ধ করেন, তাঁহার প্রস্থাবও ভ্রমশূ্ম্য হয় কিনা সন্দেহ; তবে এক বিষয়ের যতই তর্ক বিভর্ক চলিবে ততই তাহা ক্রমে উত্তমরূপ সামঞ্জস্ম হইয়া আসিবে।

আমি প্রথম বর্ষের বঙ্গদর্শন ৭০২ পৃষ্ঠায় শ্রীহর্ষাখ্য একটা বিবরণ প্রকাশ করি। এই প্রস্তাবের প্রতিবাদ করিয়া গত সংখ্যার বঙ্গদর্শণে বিচক্ষণবর "শ্রীরাজ্ব" স্বাক্ষরিত মহাশয় একটা প্রস্তাব প্রকাশ করিয়াছেন। আমার মতে তুই জ্বন শ্রীহর্ষ। একজন নৈষধকার ও একজন রত্বাবলীপ্রণেতা। নৈষধকার শ্রীহর্ষকে কোন বিজ্ঞ বন্ধুর কথাতে চট্টোপাধ্যায় বংশের আদিপুরুষ লিখিয়াছিলাম কিন্তু উক্ত ভ্রম আমার প্রথমভাগ ঐতিহাসিক রহস্যে সংশোধিত হইয়াছে।

আমি অনেক দিবস হইল একদা কথোপকথনচ্ছলে বঙ্গদর্শনের স্থযোগ্য সম্পাদক মহাশয়কে বলিয়াছিলাম যে, শ্রীহর্ষ ভরদ্বাজ গোত্রোম্ভব এবং ইহার বংশজাত ধুরন্ধর মুখটা বঙ্গদেশীয় মুখোপাধ্যায় বংশের আদি পুরুষ। যথা—

ভরবাজ গোত্তে শ্রীহর্ব বংশজাতঃ ধুরন্ধর মুধয়টা সচ মুধ্যঃ।

সংস্কৃত বিভাবিশারদ বুলার সাহেব বম্বের আসিয়াটীক সোসাইটীর অধিবেশনে শ্রীহর্ষ সম্বন্ধে একটা উৎকৃষ্ট প্রস্তাব পাঠ করেন, তাহাতে তিনি জৈন লেখক রাজশেখরের প্রবন্ধ-চিন্তামণি হইতে কবির জীবন বৃত্তাস্ত সঙ্কলন করিয়াছিলেন। আমি রাজশেখরের প্রস্থপাঠ করত উক্ত মহোদয়ের প্রস্তাবের পোষকতা করিয়াবজদর্শনে এবং ইংরাজী ভাষায় বম্বে প্রদেশের ইণ্ডিয়ান এন্টিকুয়ারী নামক মাসিক পত্রিকার সংখ্যাদয়ের গ্রীহর্ষের বিবরণ লিপিবদ্ধ করি; শেষোক্ত প্রস্তাবদ্ম মেং গ্রাউশ সাহেবের মত খণ্ডন করিয়া শ্রীহর্ষকে কবিচন্দ্র ভট্টের সমসাময়িক স্থির করিয়াছি। এই মর্ম্মে সোমপ্রকাশে যে প্রস্তাব লিখিয়াছিলাম ভাহাও ঐতিহাসিক রহস্ত পরিশিষ্টে প্রকাশ হইয়াছে। রাজশেখর ১৩৪৮ খঃ অঃ গ্রন্থ রচনা করেন, তাঁহার বিবরণ কবির পরিচয়ের সহিত ঐক্য আছে এবং পুরুষ পরীক্ষায় বিভাপতি মেধাবী কথায় শ্রীহর্ষের যে পরিচয়ের দিয়াছেন ভাহাও রাজশেখরের বিবরণের সহিত অনক্য হয় না। শ্রীহর্ষ স্বয়ং কহিয়াছেন, তিনি কাম্বন্ধুজেশ্বরের নিকট হইতে সম্মানম্চক তামুলদ্বয় প্রাপ্ত হইয়াছিলেন; রাজশেখর এই নূপতিকে কাম্বন্ধুজাধিপতি জয়স্তচন্দ্র স্থির করিয়াছেন; তাহা হইলে শ্রীহর্ষ জ্বাদশ শতাব্দীর ব্যক্তি। শ্রীহর্ষ "গোড়াবর্ষীশকুলপ্রশান্ত্র" রচনা করাতে তাঁহার গোড়ে আগমন স্থির হইতেছে।

এক্ষণে একটা কথা গুরুতর বোধ হইতেছে; প্রস্তাব লেখক হল সাহেব কৃত বাসব দন্তার ভূমিকা দেখিয়া লিখিয়াছেন যে ভোজদেব কৃত সরস্বতী কণ্ঠাভরণ মধ্যে নৈষধের প্রমাণ উদ্ধৃত হইয়াছে। একথা প্রকৃত হইলে কিছু গোলযোগের বিষয় বটে, কেননা তাহা হইলে মুঞ্জের প্রাতৃপুত্র ভোজের পূর্বের শ্রীহর্ষ বর্ত্তমান ছিলেন প্রমাণ হইবেক কিন্তু আমার নিকট রত্নেখরের টাকা সহ সরস্বতীকণ্ঠাভরণ আছে, তাহার মধ্যে নৈষধের প্রমাণ উদ্ধৃত দেখিতে পাইলাম না এবং বুলার সাহেব লিখিয়াছেন তিনিও এই প্রমাণ উক্ত অলঙ্কার গ্রন্থে দেখেন নাই। আফেক্ট্ মহোদয়ও তাঁহার স্ববিস্তীর্ণ সংস্কৃত গ্রন্থের তালিকায় ইহার কোন উল্লেখ করেন নাই, কাজেই এ কথাটি প্রমাণিক হইতেছে না, আবার যদি কোন একখানি সরস্বতীকণ্ঠাভরণে নৈষধের প্লোক থাকে, তবে তাহা অধুনিক কোন পণ্ডিত কর্ত্বক সন্ধিবেশিত হইয়াছে বলিব—এজন্ত তাহা কৃত্রিম। পূর্বেই লিখিয়াছি চাদকবি শ্রীহর্ষের সমকালিক। চাঁদ শ্রীহর্ষের মান্তবৃদ্ধি জন্ত তাঁহার নাম পৃথীরাজ চৌহালরাদের প্রস্তাবনায়, কালিদাদের পূর্বের্ব উল্লেখ করিয়া তাঁহাকে "নরের প্রধান, সার কবি শ্রীহর্ষ" বলিয়াছেন। শ্রীহর্ষ, কুমারপাল, হেমচন্দ্র, চাঁদ সকলেই খ্রীষ্টীয় দ্বাদশ শতান্ধীর শেষ ভাগে বর্ত্তমান ছিলেন।

নৈষধ কর্তা গ্রীহর্ষ সম্বন্ধে প্রস্তাব লেখক যে সকল প্রমাণ উদ্ধৃত করিয়াছেন তাহা সমৃদ্য় ইতিপূর্ব্বে পণ্ডিত কাশীনাথ ত্রাম্বক তৈলঙ্গ কর্ত্ত্বক এবং পি, এন, পূর্ণিয়া কর্ত্ত্বক Indian Antiquary প্রকাশিত হইয়াছে, আর তিনি যে কুসুমাঞ্জনীর তথা খণ্ডনখণ্ডখাতোর শ্লোক লইয়া উদয়নাচার্য্য এবং বাচম্পতি মিশ্র সম্বন্ধে তর্ক বিতর্ক করিয়াছেন, তাহা কিছুই নূতন বলিয়া প্রতীয়মান হইল না, সমৃদ্য় পণ্ডিত কাশীনাথ ত্রাম্বক তৈলঙ্গের লিখিত প্রবন্ধ মধ্যে উল্লেখ আছে *।

কাশ্মীরাধিপতি শ্রীহর্ষ কৃত রত্নাবলী, ধাবকপ্রণীত প্রমাণ করিবার নিমিত্ত "শ্রীরাজ" মহাশয় যে সকল প্রমাণ উদ্ধৃত করিয়াছেন তাহা সমুদায় ইতিপূর্ব্বেও আমার কৃত প্রস্তাবে উদ্ধৃত হইয়াছিল, তথাপি সে সকল প্রমাণের উপর একান্ত নির্ভর করা যুক্তিসঙ্গত নহে। বহুশাস্ত্রদর্শী পণ্ডিত ঈশ্বরচন্দ্র বিভাসাগর ও তারানাথ তর্কবাচম্পতি কাশ্মীরাধিপতি শ্রীহর্ষ রত্নাবলী ও নাগানন্দ প্রণেতা স্বীকার করিয়াছেন এক "কাব্য প্রকাশের" প্রমাণ বেদবৎ মান্ত করিয়া শ্রীহর্ষের কীর্ত্তিলোপ করা নিতান্ত যুক্তি বিরুদ্ধ। প্রস্তাব লেখক বলেন "মধুস্পন" "ভাববোধিনী" নামী ময়ুরাষ্টকের টীকায় লিখিয়াছেন যে বাণভট্ট "যে শ্রীহর্ষের সভাপণ্ডিত ছিলেন, সেই শ্রীহর্ষই রত্নাবলীর রচয়িতা।" মধুস্পন পঞ্চানন্দ বংশোন্তব মাধব ভট্টের পুক্ত

^{*} Vide Indian Antiquary Page 297. Vol. 1.

এবং বালক্ষের ছাত্র, তিনি ময়ুর শতকের টীকাকার। সেই টীকার নাম "ভাববোধিনী।" প্রস্তাব লেখক তাঁহাকে ভ্রমক্রমে ময়ুরাষ্টকের টীকাকার বলিয়াছেন। "ভাববোধিনী" ১৬৫৪ খৃঃ অঃ স্থরাটে লিখিত হইয়াছিল। আমরা উহা দেখি নাই। সম্প্রতি অধ্যাপক বুলার সাহেব ইহার উল্লেখ করিয়াছেন। এই টীকার প্রমাণ এবং মম্মটাচার্য্যের "প্রীহর্ষাদেধ বিকাদিনামিব ধনম্" বাক্য আমরা বিশ্বাস করিতে পারিলাম না। এ সকল কথা প্রামাণিক স্থির করিবার চেষ্টা করিলে বলবৎ প্রমাণ প্রয়োগ আবশ্যক।

গ্রীরামদাস সেন।



প সধি নাগর রাজে,

ও মুথ ফুলর হেরি বিধুবর

জলদে লুকায় লাজে,

মরকত ভাতি জিনি তমু কাঁতি
ভূষিত বনফুল সাজে,

চলন স্বকে তরল তরঙ্গে

নৃপুর ফণু ফণু বাজে,
সজনি নব বুলাবনে মদন বিরাজে।

۵

ফুটল শতদল সর-উর মাবে,
সাজল উপবন নববধ্ সাজে,
জুটল অলিদল লুটল পরিমল
ছুটল মলয় বাতাসে,
কেতকী হাসল পিককুল ভাসল
মঙ্গল মাধবী মাসে,
তাহে স্থি পুন পুন ব্রজপতি নিককণ
ধরলোচন শর করত বিথার
কৈসে জীয়ব স্থি প্রাণ হ্মার।

٠

অধর বিকাশিত মধুরিম হাসে,
ভারি রমণীমন প্রেমক ফাঁসে,
চঞ্চল লোচনে বন্ধ বিলোকনে
কহত রভসময় বাত,
মনসিজ ভাপে বিরহ বিলাপে
যুবতী মরমে মরি যাত,
পৈঠি হৃদয়মে নাশত ভরমে
হরত হরি মন প্রাণে,
স্থিরে কৈসে রাথব অব কুলশীল মানে।

8

মধুর মুরলীবর তান বরিখে,
ম্রছত মূনি মন জারত বিখে,
রাই রাই করি বাঁজত বাঁশরী
বিপিনে বোলায়ত মোয়,
হম কুল নারী কহই ন পারি
বৈদন হিয়ে মুঝ হোয়,
ডগমগ ডোলে পীরিতি হিলোলে
ফুটত রদে অতি গাঢ়ি,
সগি কৈদে রহব ঘরে মাধ্বে ছাড়ি।

প্রাপ্ত হাজ্ব প্রাক্তান্ত্র

সকাদ্যিনী; অর্থাৎ সংস্কৃত অমরুশতক কাব্যের বাঙ্গালা অনুবাদ। মূল্য

সংস্কৃত অমরুশতক কাব্য আদিরস প্রধান। প্রকৃত আদিরস জগতের একটী তুর্লভ পদার্থ। ইহা পবিত্র, বিশুদ্ধ, অমূল্য। সংস্কৃত নানা গ্রন্থে এই আদিরস চরমোৎকর্ষ লাভ করিয়াছে। ইংরাজিতে নানা স্থানে চমৎকার আদিরস পাওয়া যায়। অন্ধকবি মিল্টন যখন ইদন উদ্যান মধ্যে প্রথম নরদম্পতিকে স্জন করিয়া মনোহর গন্ধবাহী প্রভাতকালে তাহাদিগের দৃশ্য উন্মোচন করিয়াছেন, তখন তাহাতে কি অপূর্ব্ধ আদিরস সজ্বটিত হইয়াছে! সরলা নিষ্পাপা লোকমাতা নিদ্রা যাইতেছেন, আদিপুরুষ প্রত্যেক লোমকৃপে তাঁহাকে নিরীক্ষণ করিতেছেন, অলকাবলীর উপরি প্রভাত সমীরণ নৃত্য করিতেছে, নিমীলিত নয়নোপরি অলকাবলী ঝলঝল করিতেছে, আদম যতনে তাহা সরাইয়া দিতেছেন; এই চিত্র সমধিক মনোহর, ইহা অতুল্য, অমূল্য। সেই জন্ম আদিরসের প্রধানস্থ।

কিন্তু এই অপূর্ব্ব রসের বিকৃতি আছে; পৈশাচিকী বিকৃতি আছে। একটা সামাশ্য কথায় বলে, যে মন্দ দ্রব্য কোনরপে সেবন করা যায়, কিন্তু ভাল দ্রব্য মন্দ হইলে তাহা একেবারে অসহ্য হয়। যোল খাওয়া যায়, কিন্তু ছ্বং ছিঁ ড়িয়া গেলে, তাহা আর কাহার সাধ্য যে গলাধ্যকরণ করে ? আদিরস সম্বন্ধেও সেইরপ। সংস্কৃত নানা গ্রন্থে এবং বাঙ্গালা অনেক গ্রন্থে আদিরসের কুৎসিত বিকৃতি দেখিতে পাওয়া যায়। অমরুশতকেরও অনেকগুলি শ্লোক নিতান্ত অশ্লীল। অন্থবাদক বলেন যে, একশত শ্লোকের মধ্যে কেবল পাঁচটি অশ্লীল, তিনি সেই পাঁচটি অন্থবাদ করেন নাই। অশ্যগুলি সম্বন্ধে তিনি বলেন, যে "অনেকে মনে করেন এই শতক অশ্লীলতা দোষে দ্যতি," "উহা তাঁহাদের ভ্রান্তি মাত্র," "এরপ কাব্যও যদি অশ্লীল হয়, তবে আদিরসের কবিতা মাত্রই তাদৃশ দোষে দ্যিত হইতে পারে।" আমরা অনুবাদক মহাশয়ের মতের সম্পূর্ণ অনুমোদন করিতে পারিলাম না, মুক্তকণ্ঠে

বলিতেছি, অমরুশতক অল্লীলতা দোষে দূষিত, এমন কি, ইহার মঙ্গলাচরণ স্টুচক প্রথম শ্লোকটিই কিঞ্চিৎ অল্লীল। সেই অল্লীল ছত্রটি পরিবর্ত্তন করিয়া আমরা ক্রিন্দর্শন পাঠককে (পাঠিকাকে নয়) আশীর্কাদ ছলে, সেই শ্লোকটি উদ্ধৃত করিলাম।

এই অলকগুলি, ললাটে পড়িছে ঝুলি,
মণিময় কাণবালা দোলে ঝলমলে,
বিন্দু বিন্দু ঘর্মজল, ফুটে যেন মুক্তাফল,
ভিলক পুছিয়া যায়, সেই ঘর্মজলে।
ছল ছল মিটি মিটি, সেই কামিনীর দিঠি,
অলস আবেশে আর শ্রম প্রেমভরেতে,
ম্থথানি হোক তারি, তোমার মঙ্গলকারী,
কি কাজ কেশব-শিব ব্লাদি দেবেতে?

অমরুশতক্রাব্যের বিশুদ্ধতা সম্বন্ধে অমুবাদক মহাশয়ের সহিত এক মত হইল না বলিয়া, আমরা তাঁহার রুচির বিশেষ প্রাশংসা করিতে পারিলাম না বটে, কিন্তু তাঁহার ক্ষমতার প্রশংসা না করিলে, আমাদের অ্রধর্ম হইবে। রসকাদম্বিনী-কারের অনুবাদ ক্ষমতা অতি স্থন্দর। অনুবাদিত গ্রন্থ, অনেক সময়েই নীরস, কটমট, এবং বিস্তার বিশিষ্ট হয়, এরূপ হইয়াও হয়ত মূলের ভাব কিছুই থাকে না; কিন্তু রসকাদম্বিনী সেরূপ নহে। ইহার রচনা, অতি সহজ, স্থুমিষ্ট, এবং ইহাতে মূলের সকল কথাগুলি না থাকুক অমরুশতকের ভাবটি ইহাতে স্থুন্দর রক্ষিত হইয়াছে। নিজের কবিত্ব বোধ না থাকিলে কখন এরূপ হইত না, রসকাদম্বিনীকার একটি ক্ষুদ্র কবি। এত কথা বলিয়া যদি ছুই চারিটি শ্লোক আমরা উদ্ধৃত করি তাহা হইলে বিশেষ দোষ না হইলেও না হইতে পারে। ছটি মানের কবিতা দেখন। এ মান শ্রীমতীর ছর্জ্য় মান নহে। ইহা মান, অভিমান নহে। তুষার নিজে লুপ্ত হইয়া পানীয় জলের শীতলতা বৃদ্ধি করে, বলিয়াই তুষারের আদর। এই মান তুষার-প্রণায়নীর হৃদয় সরসীতে নিক্ষিপ্ত হইয়া, তৎক্ষণাৎ গলিয়া গিয়া প্রণয়ভাণ্ডার শীতল করে বলিয়াই এ মানের আদর। এই মান, প্রণয়রূপ গানের পক্ষে প্রকৃতই মান। মানের ঘরে ক্ষণেক বিচ্ছেদ বটে, কিন্তু এই মান না থাকিলে প্রণয় গানের লয় সঙ্গতি হয় না।

প্রথম, মানে কেবল হাসি:--

স্ত্রীপুরুষ ত্জনায়, বিমুখে মানের দায়, শুয়ে র(ই)ল বিছানায়, মৌনবত ধরি, সাধিতে উতলা মন, তথাপি না ছাড়ে পণ, স্থাপন গৌরব ধন, রাথে যত্ন করি। ক্রমে কিছু উচ্চশিরে, আড় চোথে ধীরে ধীরে, দোহে দোহা পানে ফিরে লাগিল দেখিতে, চোথে চোথে হল মিল, ডাঙ্গিল মানের খিল দোহে দোহা আলিজিল হাসিতে হাসিতে॥

দ্বিতীয়, মানে, হাসি কালা:—

দেখিত নিরখি মোরে, বিধুম্খী কি আচরে,

এই ভেবে চুপে আমি রহিন্থ যতনে,
প্রেয়সীও তাই হেরি, মানেতে হইল ভারী,

মনে কৈল এ ধূর্ত্ত কি কহে মোর সনে।
এইরপ তৃইজনে, বিস্মিত নয়নার্পণে,
পরস্পর দেখিতেছি হেন অবস্থায়,
আমি হাদিলাম ছলে, সে নারীও অঞ্জলে,
ভাদিয়া ধৈরজ শুক্ত করিল আমায়।

এইস্থলে এইরূপ মানের একটি গান তুলিব। রসকাদম্বিনী হইতে নহে।
তৃতীয়, মানে, ঘোর রিপদঃ—

মনে মনে সাধরে।
কৈ আগে সাধিবে বল, ঘটিল প্রমাদ রে।
নয়নেতে লাজ অতি, হৃদয় ব্যাকুল
উভয়ে ত্যজিতে নারে মান অন্থরোধ রে।

চতুর্থ, এ মানেও ঘোর বিপদ বটে, কিন্তু কেবল একজনের।
ভুক্ন বাঁকাইয়া রই, তথাপি অমনি সই,
উতলা হইয়া আঁথি তারি পানে ধায় লো
চিত্ত তো কর্কশ করি, তথাপি যে সহচরি!
অঙ্গ শিহরিয়া উঠে, তার কি উপায় লো ?
বাক্যরোধ করি বটে তবু বিশৃষ্ধলা ঘটে,
পোড়া মুখে হাসি পায় রাধা নাহি যায় লো
যদি সে জনের সনে, দেখা হয় তবে মেনে,
মানের নির্কাহ করা, ঘটে বড় দায় লো ॥

তবে ইনি একলা মান করিতে চান ? মানিনী বটে !

পঞ্ম, আর এক প্রকার মান, কেবল কান্না।
মান করে কি প্রকারে, আনল স্থীরা তারে,
পুর্ব্বে তাহা শিক্ষা দেয় নাই,

ত্মল ভলী বাঁকা কথা, যে সব মানের প্রথা নাহি জানে বালা কিছু তাই। কান্তের প্রথম দোষে, সে বালা কেবল রোবে
কি করিবে লাগিল কাঁদিতে,
অঞ্চধারা দর দরে কপোল বহিয়া ঝরে
বস্তা যেন আসিল আঁথিতে।

সেই বন্সার জল যে বস্ত্রাঞ্চলে মুছাইয়া দিয়াছে সেই জানে আদিরস কি।
কবিতা কুসুমমালিকা। প্রথম ভাগ। মেডিকাল কালেজের ইংরাজি
শ্রেণীর ছাত্র শ্রীযুক্ত বিহারীলাল সাহা কর্তৃক প্রণীত। মূল্য ছুই আনা। মালাগাছটি
অতি ছোট বটে, কিন্তু ইহার কুসুমগুলি নূতন না হউক কোমল, নির্মাল, ও স্থান্ধি।
তাহার পরিচয় প্রদান করিব। প্রদোষকালে কোথায় কি হইতেছে দেখুন—

একস্থানে,—
কোফিল-কৃজিত-কঠে মা মা মা বলিয়া,
জননী সদনে শিশু করিছে গমন,
সে রব শুনিয়া কাণে বাছ পসারিয়া,
লইছেন স্থেহময়ী সস্তানরতন।

আবার কোথায় বা,—
পুরাণপুত্তলি পুত্রে দিয়া বিসর্জন,
পুত্রশোকাতুরা এবে ত্থিনী জননী,
ঘন ঘন বলি মুখে কোথা বাছাধন
পুরিছে রোদন বোলে আকাশ অবনি।

কোনস্থানে,—
গৃহকান্ধ পরিহরি সধবা কামিনী
গাঁথিয়া কুস্থমহার অতি চিকণিয়া,
ভেটিতেছে নিজ নাথে যেন পাগলিনী,
দেখাতে হৃদয়-নাট পরাণ খুলিয়া

কিন্তু অন্তস্থানে,—
পরাণপিঞ্চরবদ্ধ বিহন্দ বিহনে
কোথা প্রাণনাথ বলি, বিরলে বসিয়া
ভাসিছে নয়ন নীরে বিরহিণীগণে,
কার না দহে গো প্রাণ সে রব শুনিয়া ?*

নবরসাস্ক্র, অর্থাৎ আদিহাস্তকরুণ প্রভৃতি নবরসের সংক্ষিপ্ত বর্ণন।
শ্রীরসিকচন্দ্র রায় কর্তৃক প্রণীত। কলিকাতা নৃতন সংস্কৃত যন্ত্রে মুদ্রিত। মূল্য
ছাপাতে ছিল। দ, আনা, হাতে কাটিয়া করা হইয়াছে ৮ দ আনা মাত্র। রসিক
বাবুকে আমরা চিনি না, কিন্তু তিনি যদি শুদ্ধ আপন নামের গৌরব রক্ষার্থ এই
প্রস্থ প্রচার করিতেন তাহা হইলে, আমাদিগের কোন কথাই বলিবার ছিল না,
কিন্তু বিজ্ঞাপনে বলা হইয়াছে "বালকবর্গের রসামুভব জন্ম উক্ত নবরস সংক্ষেপে
বর্ণনা করিয়া প্রকাশ করিতেছি।" আমরা জিজ্ঞাসা করি নবরসের আলঙ্কারিক
ভেদ জ্ঞান কি বালকের বোধ্য ? এমন কি—রসিক বাবু যে হাস্থরসের উদাহরণটি
প্রদান করিয়াছেন, তাহা আমাদিগেরই করুণরসাত্মক বলিয়া বোধ হইয়াছে, অথচ
আমরা নিতান্ত বালক নহি, স্কৃতরাং এই নবরস যে বালকে রসিক বাবুর মত
বুঝিতে পারিবে এমন বোধ হয় না। বিশেষ একটা সামান্য কথায় বলে, "না

^{*} সংসার এইরূপই বটে, কোথাও হাসি, কোথাও কান্না। যে হাসি দেখে হাসিতে পারে, কান্না দেখে কাঁদিতে পারে, সেই সাধু।

হলে রসিকা বয়োধিকা রস বুঝে না।" আমাদের মন্দ অদৃষ্ট, তাহাতেই রসিক বাবুকেও এত কথা বলিতে হইল। 'স্থুল কথা, রসবোধ বালকের হয় না, প্রস্থানি বালকের উপযোগী হয় নাই; এবং বালোপযোগী কাব্যগ্রন্থ বঙ্গদর্শনে সমালোচিত হয় না।

পল্লীগ্রামদর্পণ। নাটক। প্রীপ্রসন্ধচন্দ্র মুখোপাধ্যায় প্রণীত। ১২৭৯ সাল, মূল্য এক টাকা, মফস্বলে ডাকমাস্থল ছই আনা। এই 'নাটক' গ্রন্থের 'সারপ্রমুখ' মধ্যে লিখিত আছে "দর্পণখানি অদ্য দয়াদাক্ষিণ্যবান্ স্বদেশ হিতৈষী গুণিজনগণ সন্ধিবনে সমর্পণ করিলাম।" অতগুলি আভিধানিক বিশেষণে স্বত্বস্থাপন করিতে আমরা আপাতত প্রস্তুত নহি, স্বত্রাং ঐ সকল নানা বিশেষণ যুক্ত জনগণ সমীপে 'নাটককার' যেসকল প্রার্থনা করিয়াছেন, তাহা পূর্ণ করিতে আমরা অপারগ। তবে গ্রন্থকার সাহিত্য সমাজকে গ্রন্থের প্রতি 'সম্মেহ সক্বপ কটাক্ষ করিতে' অমুরোধ করিয়াছেন, আমরা সাহিত্য সমাজকর সভ্যভাবে এই অমুরোধ রক্ষা করিব। অমুরোধ রক্ষা করিব তাহার অম্য কারণও আছে; এবিষয়ে আমরা বিশেষ অমুরুদ্ধ হইয়াছি। গ্রন্থকার কি জম্ম গ্রন্থ প্রেরণ করিয়াছেন তাহা ইংরেজিতে গ্রন্থের শিরোদেশে লিখিয়া দিয়াছেন; তিনি সমালোচকের নিকট গ্রন্থ প্রেরণ করিয়াছেন, for his favourable opinion if available. গ্রন্থের প্রশংসাবাদকল্পে আমরা এই বলিতে পারি, যে গ্রন্থকার পল্লীগ্রামের ছ্রবস্থা বর্ণন জন্ম গ্রন্থ বিজ্ঞের কথা নহে।

হেমলতা। ১ম খণ্ড ১ম সংখ্যা পাক্ষিকপত্র। শ্রীমহেন্দ্রনাথ ঘোষ কর্তৃক সম্পাদিত। অনেক দিন হইল এখানি পাওয়া গিয়াছে। সময়াভাবে বা স্থানাভাবে সমালোচিত হয় নাই। সম্পাদক বলিয়াছেন ইহাতে স্থানিক্ষিতা স্ত্রীলোক লিখিবেন। আমাদের অন্পরোধ যেগুলি স্ত্রীলোকের, সেগুলি স্ত্রীলোকের বলিয়া চিহ্নিত করা থাকে। এ সংখ্যায় সেরূপ নাই বলিয়া আমরা হেমলতার সময়ক্ সমালোচন করিতে পারিলাম না। আর একটি যাহাতে স্ত্রীলোকে লিখিবে, তাহা অধিকতররূপে স্ত্রীলোকেরই পাঠ্য হইবার সম্ভাবনা। তবে হেমলতা মধ্যে, এত ইংরেজির ছড়াছড়ি কেন? ইহার মধ্যে যে পরিণয়-কুমুম নাটক প্রকাশিত হইতেছে, তাহা আর না প্রকাশিত হইলেই ভাল হয়। যাহা হউক আমরা হেমলতার স্থিতি ও উন্নতি আস্তরিক ইচ্চা করি।

উদাসিনী। কলিকাতা বাল্মীকি যন্ত্র। মূল্য একটাকা। এরূপ কল্পনা-প্রস্ত কাব্যগ্রন্থ বঙ্গভাষায় অতি বিরল। সরলা প্রেমউদাসিনী, স্থুরেন্দ্র প্রেম-ভিখারী। পিতৃমাতৃহীনা সরলা রাজরাণীনা হইয়া, ঐশ্বর্য্যে মোহিত না হইয়া, যাহাকে ভালবাসিত তাহাকেই বরণ করেন। এইজ্বন্স সরলাকে কত কট্ট সহ করিতে হইয়াছে; তাহাতে সে দৃক্পাত করে নাই। প্রণয়ের বজ্রায়স সামর্থ এই কাব্য মধ্যে প্রদর্শিত হইয়াছে। প্রণয় যতই পীড়িত হইয়াছে ততই বল সংগ্রহ করিয়াছে। শেষে প্রণয়েরই জয় হইয়াছে। ইহার পূর্কেই স্বয়ং প্রণয়দেব ও রতিদেবী এই নবদম্পতির সহায় হইয়াছেন। তখন ইহারা ছল্পবেশে ছিলেন। হঠাৎ—

একিরে আবার নৃতন ব্যাপার,
নৃতন প্রকার রূপের ছটা
শত শত শশী যেন একাকার
পিছনে গভীর জলদ ঘটা।
নয়ন ঝলসে বরণের ভাসে
অমিয় অধরে অমৃত করে,
বিলাস লালসা নয়নে বিকাশে
অলস গমনা রূপের ভরে
মরি মরি কিবে মালতি মালিকা
ছলে ছলে দোলে বিনোদ গলে,
ছলিছে কেমন কমল কলিকা
সমীর পরশে শ্রবণতলে।
ফুলে ফুলে গাঁথা হাতের বলয়,

পদ্মালা গলে কেমন রাজে, বেল যুঁই জাতি কুহুম নিচয় তারকা ঝলকে কেশের মাঝে।

আর এক জনের

ঝক ঝক জলে বরণ বিএল,
কৃষিত কাঞ্চন সোহাগে মাথা,
ঢল ঢল করে মৃথ-শতদল,
চুলু ঢুলু প্রেমে নয়ন বাঁকা।
ফুলের মালিকা শোভিছে মাথে
পিছনে শোভিছে ফুলের তৃণ,
ফুলে ফুলকয় শোভিতেছে হাতে
ফুলের ধরুক ফুলের গুণ,

তখন এই প্রাণয়দেব স্বয়ং পুরোহিত হইলেন ; রতিদেবী নবদম্পতিকে বরণ করিতে লাগিলেন, আর—

হাসিয়া হাসিয়া দিগন্ধনাগণে ছলুধ্বনি দেয় মিলিয়া সবে, কুন্থম আশার বরষি সঘনে কাঁপায় গগন উৎসব রবে। তাহার পর

দেখিতে দেখিতে, স্থপন সমান, চকিতে সে সব পাইল লয়, বিশ্বয় বিপ্লবে হারা হয়ে জ্ঞান, সরলা স্থবেক্স চাহিয়া রয়।

আমরা নবদম্পতিকে আশীর্কাদ করিয়া এবং গ্রন্থকারকে ধন্যবাদ প্রদান করিয়া বিদায় লইলাম।

মৃদক্ষমঞ্জরী। শ্রীযুক্ত বাবু শৌরীন্দ্রমোহন ঠাকুর কর্তৃক প্রণীত।
উপসংহারে গ্রন্থকার লিখিয়াছেন যে "সংগীতবৃক্ষের বাছরূপ যে একটি মহতী
শাখা আছে মৃদক্ষমঞ্জরী গ্রন্থখানি তাহার মঞ্জরীরূপে কল্পিত হইল" এবং প্রার্থনা
করিয়াছেন যে "গুণজ্ঞজনগণের কোমল করম্পর্শে ইহা প্রস্ফুটিত এবং ফলিত
হইবেক।"

আমাদিগের বিবেচনায় মৃদঙ্গমঞ্জরী কেবল মঞ্জরী মাত্র নহে বাভ শাস্ত্রের ইহা "উপক্রেমণিকা" বলিয়া গণনীয় হইবেক এবং ইহার সাহায্যে শিক্ষার্থিগণের সঙ্গত করিবার সহজ্ঞে ক্ষমতা জন্মিতে পারিবেক, অভএব গ্রন্থকার আমাদিগের বিশেষ ধন্তবাদের পাত্র, আমরা কায়মনোবাক্যে তাঁহার ধন্তবাদ করিতেছি।

"প্রবেশিকা" এবং "মৃদঙ্গের জন্ম বৃত্তান্ত" কিছু বিস্তৃতভাবে বর্ণিত হইলে আমরা আপ্যায়িত হইতাম। মহাদেব কর্তৃক ত্রিপুরাস্থর বধ উপলক্ষে মৃদঙ্গের জন্ম হওয়াতে ইহাই বোধ হয়, যে আর্য্যেরা দেশীয় আদিম মন্থ্যুদিগকে জয় করিয়া তাহাদের মাদল গ্রহণ করিয়া বৃদ্ধিকোশলে তাহা স্থুসুরশালী করিয়াছেন।

হস্তপঠি এবং শব্দ সাধন অতি সুচারু হইয়াছে, এবং উদ্ধৃত পরমগুলি অতি সাবধানে এবং বিচক্ষণভার সহিত সঙ্কলিত হইয়াছে। লালা কেবলকুষ্ণের বোলগুলি অতি মনোহর, কিন্তু গ্রন্থকারের অভিপ্রায় মত প্রকৃত মার্দ্দিঙ্গাকের লক্ষণযুক্ত "গীতের বছবিধ রীতিজ্ঞ সদা সন্তুষ্টচিত্ত" অধ্যাপক শ্রীযুক্ত ক্ষেত্রমোহন গোস্বামী এবং শ্রীযুক্ত বাবু শরচ্চন্দ্র ঘোষ মহাশয়গণের প্রক্রমণিকাগুলিতে বিশেষ প্রীতিলাভ হয়়, ইহাতে বাঙ্গালির বুদ্ধিজ্যোতিঃ, চাতুর্য্য, কোমলতা এবং মাধুর্য্য সম্পূর্ণ প্রকাশমান।

পরিশিষ্ট পাঠে আমরা বিশেষ আনন্দ লাভ করিলাম। বছু পরিশ্রম সহকারে প্রাচীন সংস্কৃত তান সকল যাহা উদ্ধৃত করা হইয়াছে, তাহা যদিও শিক্ষার্থীর পক্ষে বিশেষ উপকারের নহে, কিন্তু আদিমকালের আদর্শ এবং ইতিহাসমূলক বলিয়া আমাদিগের পরম যত্নের ধন, ভরসা করি কোন মহাত্মা ইহাদের জন্ম, অবয়ব, কাল এবং প্রণালীর মীমাংসা করিবেন। সংস্কৃত এবং আধুনিক তালে যে মাত্রা ভেদ দেখা যায় তাহা প্রগাঢ় ভেদ বোধ হয় না। মাত্রার তারতম্যে হঠাৎ ভিন্ন ভিন্ন বোধ জ্ঞান হইলেও, মূলে এক্য দেখা যায়।

চিত্ত-কানন। প্রথম ভাগ। শ্রীকানাইলাল মিত্র প্রণীত। কলিকাতা, বেন্টিস্ক প্রেস। ১২৮০।

এ গ্রন্থও পদ্ম। ইহার বিশেষ গুণ কিছুই নাই, এবং গুণশৃহ্যতা ভিন্ন অন্ত কোন দোষ নাই। "রাবণের প্রতি মন্দোদরী।" প্রভৃতি হুই একটি কবিতা পড়া যায়।

কাব্যপেটিকা। শ্রীমহেশচন্দ্র তর্ক চূড়ামণি প্রণীত। কলিকাতা মৃজ্ঞাপুর অপর সরকিউলার রোড, নং ৫৮।৫ গিরিশ বিভারত্ব যন্ত্রে মুদ্রিত। সন ১২৭৭।

এই গ্রন্থ সংস্কৃত পছে খণ্ডকাব্যাকারে লিখিত। গ্রন্থকার এক এক রসাত্মক কতকগুলি কবিতা একত্র যোজনা করণানন্তর এক একটি পরিচ্ছেদের স্থায় যোজনা করত এইরূপ কয়েকটি পরিচ্ছেদে গ্রন্থ সমাপ্ত করিয়াছেন। কবিতা যেরূপ, সংক্ষেপে তাঁহার কিঞ্চিৎ পরিচয় দিতেছি। মঙ্গলাচরণের পর "শৃঙ্গারকাব্যশীর্ষক" একটি পরিচ্ছেদ।

এ অশংটি পরিহার্য্য। এবিষয়ে এই মাত্র বক্তব্য যে, সংস্কৃতভাষায় যতগুলি অপাঠ্য, অশ্লীল গ্রন্থ আছে, ইহা তাহারই উদগীর্ণের উদগীরণ।

কাল বর্ণনটি মন্দ হয় নাই; ইহাতে নৃতনম্ব কিছু না থাকিলেও কিঞ্চিৎ কবিম্ব আছে। আমর দেশ কাল পাত্র বিবেচনায় এই অংশটিকে ভাল বলিলাম ও যথাস্থানে ইহা হইতে কিঞ্চিৎ উদ্ধৃত করিলাম।

"শাস্তকাব্যানি" শীর্ষক পরিচ্ছেদটি অশ্লীলতাদূষ্ট নহে, তথাপি সম্ভবতঃ শাস্ত-রসোদ্দীপক হয় নাই; ইহার কোন কোন কবিতা ভাল, কোন কোন কবিতা সদোষও হইয়াছে।

> ক্রণো জীর্ণো বিশীর্ণ: পদমপি চলিতৃং যো ন শক্নোতি তল্পা নিংশোচ: পৃতিগদ্ধিবিস্কৃতি সমলং যত্র ভৃঙ্ক্তেইপি তত্র। শুশ্রষাভিবিরক্ত: সপদি পরিজনো যাচতে যক্ত মৃত্যুং সোইপি প্রায়ো জ্ঞুপ্রান্ত্রমমূনয়তি প্রেমবদ্ধাদ্ধযোক্যা॥

এই শ্লোকটির তাৎপর্য্য বোধ হয় এইরূপ থে, এমত অবস্থাপন্ন ব্যক্তিও জ্বত্যা স্ত্রীকে অমুনয় করিয়া থাকে। এই বাক্যদ্বারা স্ত্রীজ্ঞাতি প্রতি দ্বণা প্রদর্শন করানই গ্রন্থকারের উদ্দেশ্য; কিন্তু উক্ত বাক্য গ্রন্থকারের অভিপ্রায় সিদ্ধি পক্ষে অমুকুল কি না বলিতে পারি না।

আত্মত্তব তবারয় গুদপি কিং শক্রন্ জিতারগুসে
দৈশুংজ্ঞানলবেংপি কোবত তথাপ্যাদ্যাভিমানো মহান্।
চারিকৈর্মলিনোংসি গৌর ইতিচ শ্লাঘা কথস্তে মুষা
সর্কো ভাতরয়ং ভ্রমন্তব ভবাবর্ত্তে মুছ্র্রাম্যত: ॥
প্রসম্পেদ্ধি গৌরীশ কদা মে ছেংস্যতেতম:।
প্রাতরভাদিতে স্র্গোদিঙ্মৃদ্স্য যথা ভ্রম:।

ইহা মন্দ হয় নাই বিশেষতঃ দ্বিতীয় শ্লোকটীতে দৃষ্টাস্কটী অতীব স্থুন্দর। এক্ষণে কাল বর্ণন হইতে কিঞ্চিৎ।

গ্রীষ্ম

শের শিরীষ কুষ্ঠমন্তত পাটলাক্ষ: স্ক্রংলপদ্মিব কলং-মশকারবেন।
ক্রীড়দ্মিব প্রথববাতধুতৈ রজোভির্বালোহতা রিঙ্গতি ভূবোহঙ্ক তলে নিদায়: ॥
গাজং বিশেষ বিশদং সলিলাবগাহাৎ থিয়ো মূহুর্বান্ধন চালনতোহগ্রহন্তৌ।
অঙ্গাহ্যুশীর মলয়োদ্ভব চর্চিতানি তাপো ন শাম্যতি তথাপ্যধুনা জনানাম্॥
দিনেষু চণ্ডাতপদাহশস্কুয়া পদং জনো বাস্থতি সর্ববতোবৃতং।
শৃত্যং তথা রাজিষু চন্দ্রিকেঙ্গন্না ক্রম প্রতীপোহপি স্থাবহন্তপে॥

বৰ্ষা

বদ্ধণাত করকাভিবর্বরোঃ সম্ভবেহণ্যমৃততুন্দিলং ঘনং।
ভৌতি চাতক্ষুবা ক হীয়তে ঘাতুকাণিনমূ গৌঃ শয়খিনী।
পর্যায়তোহন্ত বিরুতেঃ সমমন্ত্রতারৈম ব্যাপ্পবাঃ কিমিতরেতর মালপন্তি।
উৎকৃত্তিতিম দকলা অপি মৎস্যরহাঃ কিং প্রায়বং স্থলভমীনতয়া স্তবন্তি॥

এই শ্লোকগুলি উৎকৃষ্ট, ইহাতে স্বভাবের বৈচিত্র্য স্থন্দর রক্ষিত হইয়াছে; কিন্তু এ অংশ মধ্যেও কোন কোন স্থানে ঋতু সংহারের ছায়া লক্ষিত হয়।

আমরা বাহুল্য ভয়ে অক্যান্য ভাগ উদ্ধৃত করিলাম না। অন্যান্য অংশের পক্ষে আমানিগের বক্তব্যও অধিক নাই; তবে চন্দ্রোদয় বর্ণন হইতে আর একটী শ্লোক পাঠকবর্গকে উপহার দিব।

> পূর্ব্বাচল ব্যবহিতোহপি তমোভিভূতানাখাসয়ন্ত্রির জনং কর মূলময্য । উজ্জুন্ততে শ্বরমপি ত্রয়ন্ত্রিবায়ং দেব্যারতেঃ কুতুক কলুকবং স্থাংশুঃ॥

পাঠক দেখিবেন চূড়ামণি মহাশয় সম্ভাবনা সত্ত্বে কখনই আছারসকে পরি-ভ্যাগ করেন নাই; কিঞ্চিৎ সুবিধা পাইয়া কেমন "দেব্যারভেঃ কুতুক কন্দুকবৎ" প্রয়োগ করিয়াছেন। ফলভঃ এই কবি যখন যেখানে সুযোগ দেখিয়াছেন ভখনই কি করুণ, কি শাস্ত, সকলের ভিতরেই আদিরস প্রবেশ করাইয়াছেন। এই কারণ গ্রন্থখানি বিকৃত ও অল্লীলভাদৃষ্ট হইলেও গ্রন্থকার ভাহা কিছুই লক্ষ্য করেন নাই। ফলভঃ গ্রন্থকারের এই দোষ্টি অভ্যস্ত প্রবল।

উপসংহারে বক্তব্য যে, এ গ্রন্থকারের অমুকরণস্পৃহা অত্যন্ত বলবতী। এই গ্রন্থের সর্ব্বাপেক্ষা মহদ্দোষ এই, ইহার অধিকাংশ কবিতা নিমুশ্রেণীস্থ সংস্কৃত কবির অমুকৃতিমূলক। সত্য বটে যে, মনুষ্য হভাবতঃ অমুকরণপ্রিয়। আমরা যখন যাহা কিছু প্রচলিত দেখি, বিচার না করিয়া বিবেচনা না করিয়া তখনই তদভিমূখে ধাবমান হই। কিন্তু এ কথা অস্থান্য পক্ষে যাহা হউক এ পক্ষে তত শোভমান নহে। আমাদিগের অমুকরণপ্রিয়তা আছে বলিয়াই একটি ক্ষুম্র প্রবন্ধ বা একখানি ক্ষুম্র কাব্য রচনা করিতে গিয়া শত শত সহস্র সহস্র বর্ষ ক্রমাগত প্রচলিত কবিতা বা প্রস্তাবের ছত্রে ছত্রে অমুকরণ করিলে চলিবে না। রচনা বিষয়ে অমুকরণের আরও মহোদ্দোষ এই যে, লেখকের নিজের যাহা কিছু কবিত্ব থাকে, অস্থের অমুকরণ করিতে গিয়া হয়ত তিনি তাহা হারাইয়া বসেন। এ বিষয়ের বছবিধ প্রমাণ দর্শান যাইতে পারে, কিন্তু এ প্রস্তাবের তাহা উদ্দেশ্য নহে; পাঠক দেখিবেন অনেক আখ্যায়িকা, গীতিকাব্য ও সাময়িক পত্রিকা লেখকদিগের এই দশা। সংস্কৃত গ্রন্থকারদিগের মধ্যে এই রীতি অত্যন্ত প্রচলিত। প্রাচীন মহাক্রিয়া যে প্রণালীতে যে কোন বস্তু বর্ণন করিয়াছেন, অধন্তন কবিরা সেই সেই বস্তু-

বর্ণন স্থলে তাঁহাদিগের মধ্যে অবশ্যই কাহারও না কাহারও অমুকরণ করিয়াছেন। এই নিমিত্ত অনেক সংস্কৃত কবির কবিছশক্তি সত্ত্বেও কবিতা সুরস হয় নাই; এই নিমিত্ত অধিকাংশ সংস্কৃতগ্রন্থে সাদৃশ্য যোজনা প্রায়ই একরপ ও এই নিমিত্তই অধন্তন সংস্কৃত কাব্যের উত্তরোত্তর অধোগতি। আমরা এইস্থলে এ বিষয়ের একটি উদাহরণ প্রদর্শন করিব। সকলেই জানেন যে মুখ বর্ণনায় উপমাস্থলে চন্দ্রপদ্ম সংস্কৃত গ্রন্থকারের একায়ত্ত। কিন্তু যে কবি স্বতঃপ্রবৃত্ত হইয়া মুখের সাদৃশ্য স্থলে চন্দ্রপদ্মকে গ্রহণ করিয়াছেন, ও যে কবি তদ্মারা কেবল অমুচিকীর্যার্ত্তি চরিতার্থ করিয়াছেন উভয়ের কবিছে কিরূপ প্রতেদ, তাহা নিম্নোদ্ধত শ্লোক দ্বারা কলে অমুভব করিতে পারিবেন।

চন্দ্রংগতা পদ্ম গুণান্নভূঙ্কে পদ্মান্দ্রিতা চান্দ্রমদীমভিখ্যাং। উমামুগস্ক প্রতিপত্ত লোলা দ্বিসংশ্রিয়ং প্রীতিমবাপ লক্ষী॥

অগ্যত্র

ধৃতলাঞ্চনগোময়াঞ্চলং বিধুমালেপন পাওরং বিধি:।
ভ্রময়ত্যুচিতং বিদর্ভলা নহু নীরাজন বর্জমানকং॥
স্থমা বিষয়ে পরীক্ষণে নিধিলং পদ্মমভাজি তন্থাং।
অধুনাপি নভঙ্গলকণং সলিলোনজ্জন মৃজ্বতিক্টং॥

পাঠক দেখিবেন প্রথম কবিতাটী ও শেষ তুইটী একই ভাবাত্মক, কিন্তু কবি স্থলভ রচনা ও অন্তুচিকীর্ঘা বশতঃ প্রথমটী যে পরিমাণে হৃদয়গ্রাহিণী, অন্ত তুইটী সেই পরিমাণে কর্ণজন্ম।

সর্ববশেষে বক্তব্য যে এই কাব্যখানির ভাষা অতি বিশদ, আর ছন্দগুলি সর্বব্যই স্থানররূপে রক্ষিত হইয়াছে, শ্রুতিকটু বা কাঠিন্য দোষ কুত্রাপি নাই।

ष्यर्थनोठि ও षर्थ ব্যবহার। শ্রীযুক্ত নৃসিংহচন্দ্র মুখোপাধ্যায় এম এ, বি এল, বিভারত্ব প্রণীত।

একদা কোন তুর্ভিক্ষ-তুঃখনিবারণী সভায় আমরা উপস্থিত ছিলাম। একজন স্থানিজ্ঞ সভ্য প্রস্তাব করিলেন যে, চাউল সস্তা করিবার অন্য উপায় নাই, বাজারের দর বাঁধিয়া দেওয়া হউক। যখনই তুর্ভিক্ষের কোন স্ট্রনা উপস্থিত হয়, তখনই দেশীয় লোকে প্রায় বাজারের দর বাঁধিবার জন্ম ব্যস্ত হয়েন। পুনশ্চ দেশীয় লোকে সর্বাদা মনে করিয়া থাকেন, ভারতবর্ষীয় বাণিজ্যে দেশের অনিপ্ত হইতেছে, বিলাতীয় সওদাগরেরা আসিয়া দেশের টাকাটা লুঠিয়া লইয়া যাইতেছে। এই সকল গুরুতর ভ্রম যে ভ্রম, ইহা তাঁহাদিগকে বুঝান প্রায় অসাধ্য। এ সকল ভ্রমে দেশের অনেক অনিপ্ত ঘটিতেছে—অনেক অবাঞ্থনীয় বিষয়ের বুথা যত্ন হইতেছে, অনেক মঙ্গলের উচ্ছেদের জন্ম চেঠা হইতেছে, অনেক বুথা ভ্রেম লোকে কন্ত পাইতেছেন। কিসে

সামাজিক উন্নতি কিসে অবনতি তাহা তাঁহারা বুঝিতে পারেন না; সমাজের গতি পর্য্যবেক্ষণায় তাঁহারা অশক্ত। এই সকল দেখিয়া আমাদিগের সর্বাদা মনে হইড, যে যত দিন না বাঙ্গালা ভাষায় অর্থশাস্ত্রের প্রচার হয়, তত দিন দেশের উন্নতির প্রধান পথ রুদ্ধ। যিনি অর্থশাস্ত্র বিষয়ক গ্রন্থ বাঙ্গালা ভাষায় প্রচার করিবেন, তিনি দেশের পরম উপকার করিবেন। নুসিংহ বাবু দেশের এই মহৎ উপকার করিয়াছেন।

আমরা এ গ্রন্থ পাঠ করিয়া নৃসিংহ বাবুর অনেক প্রশংসা করিয়াছি। আমাদিগের এরূপ বিশ্বাস ছিল, যে অর্থশাস্ত্র যেরূপ ছরুহ, তাহা সকলের বোধগম্য করিয়া বাঙ্গালা ভাষায় ইহার প্রণয়ন করা অসাধ্য: নৃসিংহ বাবু সে অসাধ্যও সাধন করিয়াছেন। এই গ্রন্থ, সকলেরই বোধগম্য। অতি সরল ভাষায়, অতিশয় কঠিন তত্ত্ব সকল অতি পরিন্ধার করিয়া বুঝান হইয়াছে। অর্থশাস্ত্র বিষয়ক এরূপ পরিন্ধৃত রচনা ইংরাজিতেও বিরল। গ্রন্থখানি পাঠ করিলে বোধ হয় নৃসিংহ বাবু এই শাস্ত্র অতি স্থন্দররূপে নিজে বুঝিয়াছেন, এবং বাঙ্গালা রচনায় তিনি বিশেষ ক্ষমতাশালী।

নৃসিংহ বাবু বিস্তর আয়াস সহকারে নানা গ্রন্থ হইতে এই গ্রন্থ সন্ধলিত করিয়াছেন। কোন একজ্ঞন লেখকের মতের অমুগামী হয়েন নাই। ইহা ভালই করিয়াছেন।

গ্রন্থানির মূল্য অতি অল্প, অথচ তাহাতে বিস্তর কথা আছে। উৎকৃষ্ট গ্রন্থ এরূপ স্থমূল্য প্রায় দেখা যায় না। গ্রন্থকারের উদ্দেশ্য লোকের শিক্ষা, নিজের লাভ নহে। আমরা নৃসিংহ বাবুর কাছে ইহার জন্ম বিশেষ কৃতজ্ঞ।

আমাদিগের বিবেচনায় বিভালয়ের ছাত্রগণকে অর্থশাস্ত্রের মূল নীতি সকল শিখান কর্ত্তব্য । এই গ্রন্থখানি তাহার বিশেষ উপযোগী। শিক্ষা বিভাগের কর্ত্তপক্ষগণকে অমুরোধ করি, এ গ্রন্থখানি বিভালয়ে প্রচারিত করুন।

ঐতিহাসিক রহস্য। প্রথম ভাগ। শ্রীরামদাস সেন প্রণীত। কলিকাতাঃ ঈশ্বরচন্দ্র বন্ধ কোম্পানী।

এই প্রন্থে কতকগুলি ঐতিহাসিক প্রবন্ধ সঙ্কলিত হইয়াছে। যথা
(১) ভারতবর্ধের পুরাবৃত্ত সমালোচন, (২) মহাকবি কালিদাস, (৩) বরক্রচি, (৪) শ্রীহর্ধ,
(৫) হেমচন্দ্র, (৬) হিন্দুদিগের নাট্যাভিনয়, (৭) বেদপ্রচার (৮) গৌড়ীয় বৈঞ্চবাচার্য্যবন্দের গ্রন্থাবলীর বিবরণ, (৯) শ্রীমন্তাগবত (১০) ভারতবর্ধের সঙ্গীত শাস্ত্র। এবং
একটি পরিশিষ্ট আছে। শ্রীমন্তাগবত বিষয়ক প্রবন্ধটি রহস্য সন্দর্ভ হইতে
পুনমু প্রিত, এবং অবশিষ্ট সকলগুলিই বঙ্গদর্শন হইতে পুনমু প্রিত।

অল্পাংশ ভিন্ন এই গ্রন্থ বঙ্গদর্শন হইতে পুনমু জিত বলিয়া আমরা ইহার সবিশেষ সমালোচনা হইতে বিরত হইলাম। কেননা, ইহার প্রশংসা করিলে একপ্রকার আত্মপ্রশংসা করিতে হয়। বিশেষ, এই সকল প্রবন্ধ প্রথমে এই পত্রের সম্পাদকের অন্ধুরোধে লিখিত হয়।

তবে ইহা বলা যাইতে পারে, যে রামদাস বাব্ এক জন বিখ্যাত লেখক এবং পুরাবৃত্তবেত্তা। এবং এই সকল প্রবন্ধ অস্থান্ত পত্রে বিশেষ প্রশংসিত হইয়াছে। এ প্রকার গ্রন্থ এই প্রথম বাঙ্গালা ভাষায় প্রচারিত হইল।

গ্রন্থকার এই গ্রন্থ স্থবিখ্যাত ভাষাতত্ত্ববেত্তা "ভট্ট মোক্ষমূলর"কে উপহার প্রাদান করিয়াছেন।



মরা একজন স্থলেখককে অত পাঠকদিগের নিকট পরিচিত করিতেছি।
"চন্দ্রনাথ" পাঠ করিয়া আমাদিগের এইরূপ বোধ হইয়াছে যে, ইহার
প্রণেতা স্থলেখক বটে, কিন্তু তিনি যেমন স্থলেখক, গ্রন্থ তত ভাল হয় নাই।
বোধ হয় ক্ষেত্রপাল বাবুর এই প্রথম গ্রন্থ, এই গ্রন্থখানি পাঠ করিয়াই আমরঃ
তাঁহাকে স্থলেখক বলিতেছি, অথচ গ্রন্থখানির তত প্রশংসা করি না।

অথচ গ্রন্থখানির এ পরিমাণে উৎকর্ষ আছে যে, ইহার দোষনির্বাচনে প্রবৃত্ত হওয়া যাইতে পারে। সচরাচর বাঙ্গালা গ্রন্থসকল এরপ জঘন্ত যে, ম্বণা করিয়া আমরা তাহার দোষনির্বাচনে প্রবৃত্ত হই না। অনেক গ্রন্থকার এই বলিয়া আমাদিগের নিকট মনোছঃখ প্রকাশ করিয়া থাকেন যে, "আমার গ্রন্থের উপর ব্যঙ্গ করা হইয়াছে, কিন্তু দোষ কিছু নির্বাচন করা হয় নাই।" তাঁহারা বুঝেন না যে, যাহার সর্বাঙ্গে ক্ষত, তাহার কোথায় ঔষধ দিব ? যাঁহার এক পৃষ্ঠার দোষবর্ণনে দশ পৃষ্ঠা লিখিতে হয়, ক্ষুত্র বঙ্গদর্শনে তাঁহার কত দোষ লিখিব ? তাঁহাদিগের দোষনির্বাচনের কোন ফলও দেখা যায় না। দোষনির্বাচনে ছইটি মাত্র উদ্দেশ্য— এক, গ্রন্থকার, আপন দোষ সংশোধন করিয়া ভবিদ্যতে উৎকর্ষলাভ করিতে পারেন; আর এক অন্তকে সতর্ক করা। এ সকল গ্রন্থ সম্বন্ধে প্রথম উদ্দেশ্য, অরণ্যে রোদন মাত্র— যাঁহার রচনা দেখিয়া ভবিদ্যতের আশা একেবারে নির্মাণ হয়, তাঁহাকে পরামর্শ দিয়া কি করিব ? দ্বিতীয় উদ্দেশ্যেও যত্ন নিম্প্রাঞ্জন—যাহা কেহ পড়িকে না তৎসম্বন্ধে পরকে সতর্ক করিবার আবশ্যকতা কি ?

এই সকল কারণে অধিকাংশ গ্রন্থের সবিস্তার দোষকীর্ত্তনে আমরা বিরত; কখন কখন কোন গ্রন্থের প্রতি এতাদৃশ ঘুণা জন্মে যে, তাহার কিছুমাত্র দোষের উল্লেখ করা অনাবশ্যক মনে করি। ইহার ফল এই দাঁড়ায় যে, যাঁহার কিছু গুণ

আছে, ভাঁহার দোব থাকিলেই তিনিই নিন্দার ভাগী হয়েন—গ্রন্থ কিয়ৎপরিমাণে উৎকৃষ্ট না হইলে তাহার দোষ ব্যাখ্যায় আমরা প্রবৃত্ত হই না।

চম্দ্রনাথের "কিছু" গুণ আছে বলিলে অন্যায় বলা হয়—ইহার অনেক গুণ আছে। অনেক দোষও আছে। দোষ গুণের ছই একটা বলিতেছি।

অনেক উৎকৃষ্ট কাব্যোপস্থাসে ছইটি পৃথক্ উপাখ্যান, একত্রে বিস্থস্ত হইয়াছে। লিয়রে, এইরপ ছইটি উপাখ্যান; একটির নায়ক অয়ং লিয়র, আয় একটির নায়ক এড্মণ্ড ও এড্গার। "নিদাঘ নিশীথের স্বপ্নে" এরপ, ছইটি নায়ক এবং ছই নায়িকা, ছইটি স্বতন্ত্র উপাখ্যানের বিষয়ীভূত। এবান্হাের, এক উপাখ্যানের নায়ক ঐবান্হাে, অপরের নায়ক রাজা রিচার্ড। কেনিম্বর্থে, একটি উপাখ্যানের নায়ক, লের, নায়কা রাজ্ঞী; অপরের নায়ক ট্রেসিলিয়ন, নায়কা এমি। এইরপ শত শত উৎকৃষ্ট কাব্য, নাটক, উপস্থাসে আছে, কিন্তু এই সকলেই, স্বতন্ত্র উপাখ্যানগুলি আশ্চর্য্য কৌশলের সহিত, এক স্বত্রে গ্রন্থিত হইয়াছে, ছই স্রোতঃ এক খাদে প্রবাহিত হইয়াছে। প্রতিভাশৃষ্য লেখকের হস্তে তাহা হয় না—উদাহরণ—"মিষ্টরিস"।

চন্দ্রনাথে, তুইটি কেন, চারিটি পৃথক্ পৃথক্ উপক্যাস সন্নিবেশিত হইয়াছে যথা—

- ১। সোরেন্দ্র হেমলতার কথা।
- ২। নবীন স্থলোচনার কথা।
- ৩। নিস্তারিণী সদানন্দের কথা।
- ৪। মহেন্দ্র মনোরমার কথা।

এই চারিটি উপস্থাসের মধ্যে কাহারও সঙ্গে কাহারও কোন সম্বন্ধ দেখা যায় না। চারিটি স্বতম্বই আছে। চারিটি পৃথক্ পৃথক্ লিখিলেই ভাল হইত—বস্তুতঃ তাহাই হইয়াছে। কেবল, এ উপস্থাসের পরিচ্ছেদ, ও উপস্থাসের পরিচ্ছেদগুলির মধ্যে, ও উপস্থাসের পরিচ্ছেদ, এ উপস্থাসের মধ্যে সন্ধিবিষ্ট করিয়া, ক্ষেত্রপাল বাবু চারিখানির এক টাইটলপেজ, এক নাম দিয়া, জোর করিয়া এই এক গণ্ডা নবেলকে একখানি বলিয়া পরিচয় দিয়াছেন।

মূলবিষয়নির্ম্মাণে এইরূপ কৌশলের অভাব। স্বতম্ব উপাখ্যানগুলির গ্রন্থনে বিশেষ প্রশংসনীয় নির্ম্মাণকৌশল দেখিতে পাইলাম না। সদানন্দ নিস্তারিণীর উপাখ্যানে কিঞ্চিৎ কৌশল আছে—নবীনের উপাখ্যানেও কিঞ্চিৎ—কিন্তু অপর স্থাইটিতে কিছু মাত্র নাই।

দ্বিতীয়, চরিত্র। সৌরেজ্র কিছু হয় নাই; ছেমলতাও না। রঘুনাথ ভট্টাচার্য্য কেহ নহে। নবীন, সামাক্ত প্রকার; স্থলোচনা, কাপির কাপি, তস্ত কাপি। উপেন্দ্র, সাধারণ নাটকের বওয়াটে বাবু মাত্র—আলালের ঘরের ছলালের "প্র-পরা-অপ-পৌক্র।" তাঁহার পারিষদেরা মতিলালের পারিষদের "স্কু-উৎ-পরি-দোহিত্র" মাত্র। কেবল রূপচাঁদ স্কুন্দর হইয়াছে—অতি স্কুন্দর হইয়াছে। মহেন্দ্র বা মনোরমা বিশেষ কিছু না; বিনোদও না। সদানন্দ, উত্তম হইয়াছে; নিস্তারিণী উত্তম হইয়াছে। মতিয়া, এক নজর বৈ দেখা দেয় নাই; কিন্তু সেই এক নজরে অনেক সৌন্দর্য্য দেখাইয়াছে।

ইহা কেহ প্রত্যাশা করে না যে, কোন কাব্যের সকল নায়ক নায়িকাগুলির চরিত্র উত্তম হইবে। সকলগুলিকে পরিস্ফুট করা যাইতেও পারে না। একখানি গ্রন্থে ছই একটি চরিত্র সুচিত্রিত হইলেই তাহার প্রশংসা করা যায়। সদানন্দ, নিস্তারিণী এবং রূপচাঁদকে দেখিয়া, চরিত্রচিত্রবিষয়ে তাঁহার প্রশংসা করিলাম।

ক্ষেত্রপাল বাবু চরিত্রের সৃষ্টিকর্তা নহেন—তাঁহার গ্রন্থে নৃতন সৃষ্টি কিছুই নাই। তিনি চিত্রকর মাত্র—কয়টি চিত্র উত্তম হইয়াছে।

তৃতীয়, সংস্থান। যে সকল অবস্থা বিশেষে নায়ক নায়িকাগণকৈ সংস্থাপিত করিলে, রসবিশেষের অবতারণা সহজ্ঞ হয়, তাহাকে সংস্থান বলিতেছি। ইহাতে নৈপুণ্য ব্যতীত উপস্থাসকার, বা নাটককার, কোন মতে কৃতকার্য্য হইতে পারেন না। সংস্থানই রসের আকর। ক্ষেত্রপাল বাবুর ইহাতে বিলক্ষণ দক্ষতা আছে। নবীন স্থলোচনার উপাখ্যান স্থসংস্থানে পরিপূর্ণ।

চতুর্থ, রস। ইহাতেও ক্ষেত্রপাল বাব্র ক্ষমতা মন্দ নহে। অনেক স্থানে, করুণ ও হাস্মরসের অবতারণায় বিলক্ষণ পটুতা দেখাইয়াছেন। পশ্চাৎ উদাহরণ উদ্ধৃত করিতেছি।

ভাষা। ক্ষেত্র বাবুর ভাষা বহুবিধ। সচরাচর হুতোমী ভাষাই ব্যবহার করিয়াছেন। অর্থাৎ যে ভাষা বাঙ্গালিরা লিখিয়া থাকেন—সে ভাষায় গ্রন্থ না লিখিয়া যে ভাষা কথোপকথনে ব্যবহাত হয় তাহাতেই গ্রন্থ লিখিয়াছেন। কিন্তু আবার অনেক স্থানে হুতোমী ভাষা পরিত্যাগ করিয়া, বাঙ্গালা লিপির ভাষা ব্যবহার করিয়াছেন। অনেক স্থানে ভাষা সরল ও সুমধুর—স্থানে স্থানে শব্দাভূম্বর-বিশিষ্ট।

পঞ্চম, রুচি। ক্ষেত্রপাল বাবুর রুচির নিন্দা করিতে আমরা বাধ্য হইতেছি।
৭৩ পৃষ্ঠায়, নিম্ন হইতে গণিয়া নবম পংক্তি পাঠ করুন—অশ্লীলতা দোষের উদাহরণ
পাওয়া যাইবে। "স্বামী" অর্থে তাঁহার নায়িকারা ভর্তা শব্দের অপভ্রংশটিই ব্যবহার
করিয়া থাকেন। তাহারা স্বস্থ স্বামীকে স্থখের সময়ে, ছঃখের সময়ে, সকল সময়ে,
"ভাই" বলিয়া সম্বোধন করিতে ব্যস্ত। কিন্তু এ সকল সামান্ত দোষ। একটি
শুক্তর, এবং মার্জ্জনাতীত রুচির দোষ এই যে, তিনি গাঢ়রঙে পাপের চিত্র

তাঁকিয়া তাহাকে পাঠকের নয়নপথে ধরিয়াছেন—পাপের সে চিত্রের জন্ম বছ যত্নে রঙ ফলাইয়া, বছ যত্নে তাহাতে তুলি ঘসিয়াছেন। তাহাতে পাপের মোহিনীশক্তি পরিক্ষুট হইয়াছে। উদাহরণ—মহেন্দ্র মনোরমা সম্বন্ধে ৮৪।৮৫ এবং ১৭৩।১৭৪ পৃষ্ঠার লিখিত বিবরণ। সত্য বটে, ধর্মাধর্মের বিরোধই কাব্যের সামগ্রী—এবং রাবণ হইতে মোহস্ত পর্য্যস্ত পাপিষ্ঠের পাপ বর্ণনা কাব্যের একটি কার্য্য। কিন্তু এখানে যেরূপ বর্ণনা দেখা যায়, তাহাতে পাপের বিল্ল হয় না—পৃষ্টি হয়। কবির কর্ত্তব্য, পাপের সিদ্ধির উপর আবরণ নিক্ষেপ করিয়া তাহার লক্ষণ, গতি, এবং ফল বর্ণিত করেন।

উপাখ্যানের শেষভাগে গ্রন্থকার যাকে পাইয়াছেন, তাহাকে মারিয়াছেন। স্থলোচনা মরিল, নবীন মরিল, মহেন্দ্র মরিল, মনোরমা মরিল, সদানন্দ মরিল, আরও কে কে মরিল। অনেক তরুণ লেখক ইংরেজি নাটকের অমুকরণ করিতে গিয়া এইরূপ কসাইয়ের কাজ করিয়া ফেলেন। ক্ষেত্রপাল বাবুকে এই গোহত্যাগুলির প্রায়শ্চিত্ত করিতে অমুরোধ করি।

সবিস্তারে আমরা চন্দ্রনাথের দোষ বর্ণনা করিয়াছি বলিয়া, আমরা সবিস্তারে গ্রান্থের গুণোর পরিচয় দিবার জন্ম, নিম্নলিখিত কয়েকটি স্থান উদ্ধৃত করিলাম।

প্রথম একটি বর্ণনা।

"রজনী অবসান; কিন্তু এখন প্রভাত হয় নাই। চন্দ্রমা গগনমধ্যস্থ জ্যোতিঃহীন, পূর্ব্বদিকে শুক্রগ্রহ একাকী সমুজ্জ্বল। সপ্তর্ধিমণ্ডল বায়্কোণে বিলীনপ্রায়।
অন্ধকার পাংশুবর্ণ। নীলবর্ণ গগনে মেঘাবলী অপূর্ব্ব শ্রী ধারণ করিয়া চন্দ্রমাকে
পরিবেষ্টন করিয়া আছে। পক্ষিগণ কুলায় হইতে এক এক বার কিঞ্চিৎ বাহির
হইয়া নিস্তব্ধ জগতে সুম্বরলহরী বিস্তার করত পুনরায় কুলায় মধ্যে প্রবিষ্ট হইয়া
নীরবে রহিয়াছে—বোধ হয় উহারা নিশি অবসান হইয়াছে কি না তাহা নিশ্চয়
করিতে পারিতেছে না। ভাগীরথীর জল এখন শশিকলার স্থন্দর ছবি লইয়া মৃত্য
করিতেছে। মন্দ মন্দ বায়্ভরে তরঙ্গরাজি আসিয়া তটে প্রতিহত হইয়া পুনরায়
যুগশত সম্মিলিত জলরাশিতে মিলিত হইতেছে। বৃক্ষপত্র হইতে নিশির শিশির
বিন্দু বিন্দু হইয়া ভূতলে পতিত হইতেছে,—এমন সময়ে রঘুনাথ ভট্টাচার্য্য এক
হস্তে একখানি কোশা, অপর হস্তে পরিধেয় ধুতি ও নামাবলী লইয়া ধীরে ধীরে
গঙ্গাস্বানে আসিতেছেন; পথ ঘাট জনহীন, একাকী মৃত্যুম্বরে—

হে কেশীজনমথন, মধু ক্লন্তন মুরারে।
(জয়) জয় মীল-রূপ-ধ্র, জয় বরাহ্বর,
কুর্মারূপধর, বামন বিহারে।

হরিনাম সংকীর্ত্তন করিতে করিতে গঙ্গাতীরে আসিয়া উপনীত হইলেন—
হইয়া দেখিলেন তিন জ্বন ধীবর জাল ফেলিয়া মৎস্ত ধরিতেছে; তাহাদিগের সম্মুখে
একটি ক্ষুদ্র নৌকাতে একজন মনুষ্য দাঁড় হস্তে বসিয়া আছে, পরপারে—আবদ্ধ নৌকাশ্রেণী হইতে দ্বীপমালা ভাগীরখীর জলে প্রতিবিশ্বিত হইয়া কম্পিত হইতেছে।"
তারপর সদানন্দ নিস্তারিণীর সম্বাদ।

"কর্ত্তা রেগেছেন দেখে খুদি চাক্রাণী কাটের পুতুলের মতন আড়ষ্ট হয়ে এক পাশে দাঁড়িয়ে রইল; এমন সময়ে ঝম্ ঝম্ মলের শব্দ কর্তার কাণে গেল। কর্তা গিল্লী আস্ছেন বুঝ্তে পেরে রাগভরে মুখখানি গোঁজ করে রইলেন। গিল্লী ঝম্ ঝম্ কর্তে কর্তে ঘরের ভিতরে এলেন। গিন্নী দেখ্তে মন্দ নয়, রং উজ্জ্বল শ্রামবর্ণ, গড়ন পিটনগুলি বেশ মাট মাট, তাতে আবার যৌবনকাল, যৌবন জুয়ারের জল কানে কান, টল টল, বানের টান, কুটগাছ টি দিলে ছভাগ হয়ে যায়—কানে কতকগুলি মাকৃড়ি, খোঁপা ফিরিঙ্গি গোচ্ করে বাঁধা জরি দিয়ে মোড়া, হাতে চার গাচা করে সোণার দম্দম্, ছপায়ে চারগাচি মল্, পরণে একথানি অতি সরু সিম্লের ধৃতী-পরা মাত্র, আঁচলে একটা রিং, তাতে কতকগুলি চাবি ঝোলান। এই আঁচলটি ঢং করে বেড় দিয়ে কাঁদের উপর ফেলেচেন! চলুবার কি ঠসক! আন্তে আন্তে হেলতে হলতে যাচেন, এম্নি ভাবে যাচেন যেন প্রতি পদে পদে বল্চেন্ আমার এ যৌবনের ভার আমি আর বইতে পারিনে, যদি কেউ মন বুঝে নেয় তো দিতে রাজি আছি। গিন্নী এইরূপ ভাবে ঘরের ভিতর এলেন, কর্তা হাঁড়িপানা মুখ করে বসে আছেন দেখ্লেন, দেখে জক্ষেপও করলেন্ না। আন্লা থেকে একখানি আট্পউরে কাপড় নিয়ে, পরা কাপড়খানি ছাড়তে লাগ্লেন। সদানন্দ আরো জ্বলে উঠলেন, শেষে আর থাকতে না পেরে বল্লেন, "কোথায় গিয়েছিলে ?"

গিন্নী। যেখানে যাই না কেন, আবার তো ফিরে এসেছি।

কর্ত্তা। আসবেনা তো যাবে কোনু চুলোয় ?

গিন্নী। চুলোয় সন্তি, তুমি যে রেগে গর্ গর্ কর্চো তোমার কি হয়েছে ?

কর্তা। বুকে বসে দাড়ী ওপ্ডাচ্চো আবার কি হয়েছে ?

গিন্নী। পাকা দাড়ী ওপ্ড়ালে কি লেগে থাকে —কাঁচা হলেই লাগে।

কৰ্ত্তা। আৰ্থি কি বুড়?

গিন্নী। আমি সে ভাবে বলিনে—না— তুমি বুড় মও আমি বুড় — তুমি ধোল বছরের ছোক্রা, মরণ আর্ কি যত বয়স হচ্চে তত ছোট হচ্চেন্।

কর্তা। (ভয়ন্ধর রেগে) মর্ বলে গালাগাল্ দিলে যে বড়? আমি মোলে ভূমি নিশ্চিম্ব হও---- গিন্ধী। (ঈষৎ হাসিতে হাসিতে) বালাই—তোমাকে কি গাল দিতে পারি ? আকাশে থুথু ফেল্লে আপনারি গায়ে লাগে—তোমাকে যে ভালবাসে সে মরুক।

কর্ত্তা। আবার ঠাট্টা---গালের উপর আবার ঠাট্টা---

গিন্ধী। বেস্ আমি কি ঠাটা কর্লুম, আমি বল্লুম তোমাকে যে ভালবাসে সে মরুক্—আমি তোমাকে ভালবাসি, আর তুমি আমাকে দূর্ ছাই কর, এই জয়ে আমি মরি।

কর্ত্তা। (কিছু নরম্ হয়ে) তুমি যে আমাকে ভালবাস তা আমি দেখ তিই পাদ্ধি; আমি বাড়ী থেকে একটু বেরিয়ে গিয়েছিলুম্ আর তুমি উমাচরণ ভদ্দরের বাড়ী কর্তাভন্ধার্ দলে গিয়ে মিশেছিলে।

গিন্নী। তাতে কি ত্বস্ত হয়েছে—এই অন্ধকার বাড়ীতে চুপ ্করে না থেকে একটু গানু টানু শুনুতে যাই, তাতে তোমার এত রাগ কেন ?

কর্তা। রাগ্কেন? ও সব বদ্মাইসের দল, ওখানে ভদ্রলোকের মেয়ে ছেলে যায় না।

গিন্নী। না—ওখানে সব ছোটলোকের মেয়েরা আসে, ওরা ধর্মের কথা কয়, ওরা বদমাইস্; আর তুমি ভূলেও ধর্মের কথা মুখে আন না—কেবল টাকা টাকা কর, তুমিই সাধু।

কর্তা। আমি অধার্মিক্ই হই, আর অসাধুই হই, আমাকে ভালবাসা ও আমার সেবা করা ভোমার ধর্ম।

গিনা। আমি কি তা কর্চি নি, আমি এও কর্চি ওও কর্চি।

কর্ত্তা। তা হবে না, শুক্রবার হলে তুমি আর ওখানে যেতে পাবে না।

গিল্পী। (মহা বিপদ দেখে) বলি তুমি আমার সঙ্গে অ্যাত লেগেচ কেন ? তোমার অনেক টাকা দেখে আমার বাপ মা তোমায় বেচে গিয়েছে, তাই তুমি যা ইচ্ছে তাই বল্চো; আমি যদি বড় মানুষের মেয়ে হতুম, আমার বাপের যদি বিষয় থাক্তো তাহলে আর তুমি আমাকে ছু পা দিয়ে থাঁৎলাতে পার্তে না—এক মুঠ খেতে দেও বলে কি অ্যাত—(বলে ফুঁপিয়ে ফুঁপিয়ে কাঁদ্তে লাগ্লো।)

কর্তা। (মহা ফাঁপরে) আমি তোমাকে কখন অযত্ন করেছি, না তোমাকে কখন বকি, তবে তুমি কর্তাভজার দলে গিয়েছিলে বলে রাগ্ করেছিলুম্, রাগের ভরে ছটো নিষ্ঠুর কথা বলেছি, তা ঝক্মারি করেছি, আর কেঁদনা, তোমার কাল্লা দেখলে আমার বুক ফেটে যায়; তুমি কিসে স্থথে থাক্বে বলে ভেবে ভেবে আমার শরীর আধখানি হয়ে গেছে, আমার আর সে রকম্ বল নাই, সে রং নাই, এই দেখ কাল হয়ে গিয়েছি, আমি সর্ব্বদাই তোমার বিষয় ভাবি।

গিন্নী। ভাব বেনা কেন ? সদাই আমার দোষ ভাব, তোমার জ্বস্তে আমার একটু স্বস্তি নেই, কোথায় যাবার যো নেই, কারো সঙ্গে কথা কবার যো নেই, একটু ছাতের উপর দাঁড়াবার যো নেই, ছিনে জোঁকের মত সর্ব্বদাই সঙ্গে লেগে আছো—ছি! পুরুষ মান্থবের কি অ্যাত মেয়ে-স্থাক্ড়া হওয়া ভাল ? তোমার আচরণ দেখে আমার এম্নি ঘেন্না হয়, যে গলায় একগাছা দড়ী দিয়ে মরি। (এই বলিয়া গিন্নী পুনরায় ফুঁপিয়ে ফুঁপিয়ে কাঁদতে লাগ্লেন।)

কর্ত্তা। (সকাতরে) আমি ঝক্মারি করেছি, আমার ঘাট্ হয়েছে, তুমি আর কেঁদনা আমি আর কিছু বলবো না।

গিন্নী। তুমি আমার গায়ে হাত দিয়ে বল আমায় কখন কিছু বল্বেনা, আমাকে শুক্রবার সন্ধ্যার সময় ছেড়ে দেবে—বল ? না বল্লে আমি আর খাব দাব না, আমি—(এই বলে ডিপ্কেরে শুয়ে পড়লেন্)

কর্ত্তা। (অগত্যা) এই গায়ে হাত দিয়ে বল্চি আমি তোমাকে আর কিছু বলুবো না।

গিন্নী। শুক্রবার সন্ধ্যাবেলা ছেড়ে দেবে, বল ?

কর্ত্তা। দেবো।

গিন্নী। আমার মাথা খাও, দেবে ?

কর্ত্তা। আঃ! আচ্ছা দৈবো।"

তারপর বিনাপরাধে চোর বলিয়া অবরুদ্ধ হওয়ার পরে, নবীনের গৃহে প্রত্যাগমন।

তারপর নবীনের পুলিস হইতে প্রত্যাগমন।

"পর দিন, সোমবার, বেলা পাঁচটা বেজেচে, নবীনবাবু সদ্বিচারক মহাত্মা রবার্ট সাহেবের নিরপেক্ষ বিচারে নির্দেষী প্রকাশ হয়ে পুলিস থেকে বেরিয়ে একবার মনে করিলেন আপিসে যাই। সাহেব একে তো প্রতিকূল অম্নিতিই দোষ না পেয়ে তাড়াবার পন্থা করে, আজ আবার এই কামাই হয়েছে, কোন খবর পাঠাতে পারি নি—নিশ্চয় জরিমানা করেচে। কিন্তু স্থলোচনাকে কাল রাত্রে যে রকম দেখে এসেচি, তাতে তিলার্দ্ধ বিলম্ব কর্তে পারি নি, মন কেমন ছ ছ কর্চে, আগেত বাড়ী যাই, প্রাণটা জুড়াগ। মনে মনে এই চিস্তার পর যত শীঘ্র চল্তে পারেন চলে বাড়ীর দরোজায় এসে দাঁড়ালেন। দরোজা দেওয়া— যা দিতে লাগ্লেন। বাড়ীর ভিতর থেকে দাসী দরোজায় ঘা মারা শব্দ শুন্তে পেয়ে তাড়াতাড়ি দরোজা খুলে দিতে এল। ছেলে ছটিও সেই সঙ্গে—"সদি, বাবা এয়েচে, বাবা এয়েচে" জিজ্ঞাসা কর্তে কর্তে দৌড়িয়ে দাসীর সঙ্গে এল। দরোজা খুলিতেও বিলম্ব সহিল না। ছেলে ছটি কপাটের ফাঁক দিয়ে "বাবা, বাবা, এয়চ ?"

বলে ডাক্তে লাগ্লো। নবীনবাবু বাহির থেকে—"হাঁ বাবা এসেচি" বলে সাড়া **मिलन। मानी मरताका भूल मिला। एकल कृति अम्नि मो**ज़िएय नवीनवाव् হাঁটুছটো জাপ্টিয়ে ধর্লে। বড় ছেলেটি বাপের মুখের দিকে চেয়ে কাঁদ কাঁদ চক্ষে তিরস্কার করিবার ভাবে "বাবা কোণায় গিয়েছিলে ? মার অমুখ—মা উঠ্তে পারে না আমরা আজ্ব ভাত খাই নি।"ছোট ছেলেটি "বাবা কোথায় গিছ্লি ?" বলে উঠে গলা জড়িয়ে ধরে ফুলে ফুলে কাঁদ্তে লাগ্লো। নবীনবাবুর চক্ষু ছটি তাই দেখে জলে আবরিয়ে এল। তিনি বড় ছেলেটির দাড়ি ধরে "আজ ভাত খেতে পাওনি বাবা ?" বলেই আপনি ফুলে ফুলে কাঁদতে কাঁদতে একটি ছেলের হাত ধরে, আর একটিকে বুকে করে নিয়ে, ভাড়াভাড়ি বাড়ীর ভিতর গেলেন—গিয়ে দেখেন সাধ্বী স্থলোচনা ধরাবলুষ্ঠিতা, তাঁহার স্বাভাবিক হাস্তবদনখানি অতি মান, মস্তকের কেশরাশি আলুলায়িত, চতুম্পার্শে বিস্তৃত, ওষ্ঠ ও অধরের আর সে রক্তিম আভা নাই, শুষ্ক, পাণ্ডুবর্ণ, মন্দ মন্দ কম্পিত। যে প্রফুল্ল নয়নম্বটীর জ্যোতিঃ নবীনবাবুর হৃদয়ে অমৃত বর্ষণ করিত, সেই নয়ন ছটিতে আহা! আজ কালিমা পড়িয়াছে— স্বর ক্ষীণ ও অপরিস্ফুট—অস্থিরা, ধরোপরি এপাশ ওপাশ করিতেছেন। নবীন-বাবু প্রাণাধিকা স্থলোচনাকে ঈদুশ অবস্থাপন্ন দেখিয়া "হা প্রিয়তমে—রে চণ্ডাল গোলোক তুই কি করিলি" বলিয়া তিনি স্থলোচনার নিকট বসিয়া পড়িলেন। স্থুলোচনা স্বামীকে প্রত্যাগত দেখিয়া প্রথমতঃ আহলাদিত, তৎপরে তাঁহার সকরুণ আর্ত্তনাদ শুনিয়া চমকিত হইয়া, উঠিয়া বসিবার জন্ম চেষ্টা করিলেন—উঠিতে পারিলেন না। নবীনবাবু স্বয়ে স্থলোচনার মন্তকটি আপনার ক্রোড়ে রাখিলেন। স্থলোচনা দক্ষিণ হস্ত দ্বারা স্বামীর কটিদেশ বেষ্টন করিয়া কাতর স্বরে বলিলেন "আমার প্রাণ ক্যামন কর্চে—তোমার কি হলো তুমি এখন ক্যান বল্চো না আবার কি তোমায় নিয়ে-?"

ইত্যাদি। ভরসা করি, পাঠক এতক্ষণে বুঝিয়াছেন যে আমরা কেন বলিয়াছি যে লেখক স্থলেখক বটে, কিন্তু গ্রন্থ তত ভাল হয় নাই।



চতুর্থ প্রস্থাব---রাজধর্ম

জধর্ম সম্বন্ধে রামায়ণ হইতে যে উপকরণ সমষ্টি সংগৃহীত হইবে, তাহাই যে নিরবচ্ছিন্ন ভাবে বাল্মীকির সময়ে, ভারতে কার্য্যে পরিণত হইয়াছিল, ইহা বিবেচনাসিদ্ধ নহে। কাজে এবং কথায় সচরাচর যতটুকু অন্তর দেখা যায়, এখানেও বোধ হয় সেইরূপ হইতে পারে। মনুয়্যের সাক্ষাৎ সম্বন্ধে কর্ত্তব্য কার্য্য এবং মনুয়্যের অবস্থা, এতত্ভয়ের বৃত্তান্ত বিষয়ে কিছু প্রভেদ লক্ষ্য হয়। প্রথমোক্ত বিষয়ে অত্যুক্তি হওয়ার অধিক সম্ভাবনা, শেষোক্ত বিষয়ে তত নহে।

এই প্রবন্ধের প্রথম প্রস্তাবদ্ধয়ে যেরূপ দেশ প্রদেশাদির আকৃতি এবং অবস্থিতি প্রদর্শিত হইয়াছে, তাহা দ্বারা প্রতীত হইবে যে রামায়ণের সময়ে বা তাহার অব্যবহিত পুর্বের, আর্য্যভূভাগে একছত্র রাজা কেহ ছিলেন না। মহাভারতে যেমন দেখা যায় যে, কোন কোন প্রতাপশালী রাজা মধ্যে মধ্যে একাধিকারের চেষ্টা করিয়াছেন এবং কখন বা সফলও হইয়াছেন, আবার কখন বা নৈরাশ্যে পতিত হইয়াছেন; রামায়ণের উত্তরকাণ্ড ব্যতীত আর কোথাও সেরূপ লক্ষিত হয় না। উত্তরকাণ্ড বাল্মীকির লেখনীনিঃস্থত কি না এবিষয়ে অনেক পণ্ডিতের সন্দেহ আছে, (১) যাহা হউক এই প্রবন্ধলিখনে উক্ত কাণ্ড পরিত্যক্ত বলিয়া এই প্রস্তাবের পাঠকেরা জানিবেন।

⁽১) এডছিবয় স্বিস্তারে Griffith's Ramayan, Vol. I. Introduction p. XXIII to XXV দেখ। তথায় "There is every reason to believe that the seventh Book is a later addition." পুনন্দ উত্তরকাণ্ডে বর্ণিড "Traditions and legends only distantly connected with the Ramayan properly so called." &c.—Gorresio. পুনন্দ নৃতন সংযোজন স্বদ্ধে "Whole chapters thus betray their origin by their barrenness of thought and laborious mimicry of the epic spirit, which in the case of the old parts spontaneously burst out of the heart's fulness like the free song of a child &c."—Westminister Review Vol. L.

আর্য্য-ভূমি এই সময়ে বছতর কুত্র কুত্র রাজ্যে বিভক্ত। প্রত্যেক বিভাগে এক এক জন অধীশর। ইনি আপন অধিকার মধ্যে যথাসম্ভব রাজকার্য্য অনশ্র-রাজশাসনবশ্য হইয়া সমাধা করিতেন। কিন্তু তাহা বলিয়া কেহ কাহার সঙ্গে সম্পর্কশৃষ্ম ছিলেন না। ইহাদিগের একতাসূত্রে বন্ধন করিবার অনেক বিষয় থাকাতে কদাচ কেহ কাহার বিরোধী হইতেন না। আচার ব্যবহার ক্রিয়াকলাপ আর্য্যসম্ভানগণের মধ্যে সর্ব্বত্রই একরূপ, এক ধর্মাক্রাস্থ, একই নিয়মাধীন এবং সেই নিয়মকর্ত্তা ব্রাহ্মণগণ সর্বব্রই সমানভাবে পূজনীয়; তাঁহারাই একালে একতাবন্ধনের পূঢ়রজ্জু স্বরূপ। দ্বিতীয়তঃ বহুদূরব্যাপী বৈবাহিক সম্বন্ধও বিবাদের পথে সাধারণ বাধা ছিল না। ফলতঃ বহিঃপ্রকৃতি কোথাও কিছু পৃথক লক্ষিত হইলেও, অন্তঃ-প্রকৃতি নির্বিশেষে একরূপ ছিল। রামায়ণে যথায় যাগ যজ্ঞাদি মহোৎসবের ব্যাপার, তথায়ই ভিন্ন ভিন্ন প্রদেশস্থ রাজগণকে একত্রে আমোদ আহলদে নিমগ্ন থাকিতে দেখা যায়। দশরথের পুত্রকামনায় যে যজ্ঞ হয় তাহাতে আর্য্যাবর্ত্তের এক প্রান্ত হইতে অপর প্রান্ত পর্য্যন্ত সমস্ত রাজবর্গ একত্র সমবেত হইয়াছিলেন, তত্রপ অস্থান্ত মহোৎসবেও। মহাভারতে রাজা যুধিষ্টিরের রাজসূয় এবং অশ্বমেধ যজ্ঞে ও অক্যান্য উৎসবকালেও এক্সপ সৌহার্দ্দের পরিচয় পাওয়া যায়, কিন্তু আবার রাজাদিগের আপনাপনির মধ্যে বিবাদেরও অভাব নাই। রামায়ণে সেরূপ দৃষ্টান্ত অতি বিরল, কেবল ইহার দ্বারাই তৎকালে রাজাদিগের পরস্পরের সহ-সম্ভাবে অবস্থান প্রমাণীকৃত হইতে পারে।

আর্য্যবংশের এই সময়ের রাজ্য সংস্থানের ব্যবস্থা অবলোকন করিলে, ইউরোপ খণ্ডের খ্রীপ্তীয় শতাব্দীর মধ্যম কালীয় ফিউডাল রাজ্য বিভাগের কথা মনে উদয় হয়। বস্তুতঃ পরম্পরের মধ্যে অল্প বৈলক্ষণ্য; তদ্বতীত, ভারতীয় রাজ্যসংস্থান ফিউডাল নিয়মেই সংস্থাপিত ও পরিবর্দ্ধিত। এতহুভয়ের উৎপত্তি বিষয়ে বিশেষ বিভিন্নতা দৃষ্ট হইবে না। রোমক সাম্রাজ্যের অধংপাতে বর্বর জ্ঞাতিরা যেমন যুদ্ধাধিকারাস্তে, বিগ্রহলক বস্তুর বিভাগে বিশেষ বিশেষ ভূখণ্ড লাভ করিয়া, তাহাতে একেশ্বরম্ব বিস্তার করিয়াছিল, আবার সেই সকল ভূখণ্ড যেমন অধীনস্থ ভিন্ন ভিন্ন মণ্ডলকে নিয়ম বিশেষের বশবর্তী করিয়া অংশ নির্দেশ করিয়া দেওয়া হইত, সেইরূপ প্রাচীন কালে আর্য্যগণ্ড আদিম অধিবাসীদিগকে পরাজয় করিয়া রাজ্যসংস্থাপন করেন, এবং অংশনির্দেশের নিমিত্তই অধীনস্থ ক্ষুদ্র করদ রাজার নাম শুনিতে পাওয়া যায়। দশরথের এত ক্ষুদ্র রাজ্য, তথাপি তাঁহার সভায় বহুসংখ্যক অধীন রাজগণের (২০১) অবস্থান দেখিতে পাওয়া যায়। প্রেরাহিতের উন্ধতি ও অধম বর্ণের হুর্দ্দশা উভয়েতেই সমান। ঋথেদ (১-১৭৩-১০, ৮-৬২-১১ ইত্যাদি) হইতে আরম্ভ করিয়া মানব ধর্মশান্ত্র পর্যাস্ত্র (রাজ্বর্ধ্ম অধ্যায়ে)

গ্রামপতি, পুরপতি প্রভৃতির শাসন-কর্তৃত্ব পদের উল্লেখ দেখিতে পাওয়া যায়। ইহাদের কার্য্য কি, ভাহা ঋষেদ দারা স্পষ্ট কিছু জ্ঞাত হওয়া যায় না ; কিন্তু মানব ধর্মশাল্পে প্রতিপন্ন হয় যে ইহারা সেই সেই গ্রাম ও পুরের শাসনকর্তা এবং যাবতীয় রাজকার্য্যের সম্পাদক। যখন কোন নৃতন নিয়মাবলী প্রবর্ত্তিত হয়, তাহা যে সম্পূর্ণ নৃতন এমন নহে, এবং যাহা পুরাতন তাহা একেবারে পরিত্যক্ত হয় না। বরং তাহাই ভিত্তিস্বরূপ রাখিয়া উন্নতিসাধন করা হয় এবং কোন কোনটা যেমন নূতন হয় আবার তেমনি কোন কোনটা পুরাতন অবিকল রাখিয়া দেওয়া হয়। নুতন যাহা হয়, ভাহার মধ্যে এমনও অনেক হয় যে তাহা প্রণয়ন সময়ে কার্য্যে পরিণত না হইয়া পরে হইয়া থাকে। এতদ্বারা ঋথেদের সাময়িক আচার ব্যবহারের সহ মন্ত্র, এবং রামায়ণ মন্ত্র পূর্বে বা পরে হউক, তাহার সহিত রামায়ণের সম্বন্ধ বহুলাংশে নিরূপিত হইতে পারে। একের বর্ণিত বিষয় অন্তের ভাব পরিক্ষুট করিতে অনেক সক্ষম। যাহা হউক, এই গ্রাম ও পুরপতি প্রভৃতিগণ ফিউডাল সাময়িক স্থান বিশেষের বর্গোমাষ্টারের ন্যায়। বাহ্যিক আকার সম্বন্ধে এই পর্য্যন্ত। আভ্যস্তরিক ব্যাপারে যথেচ্ছাচারের আধিক্য উভয়স্থানেই সমান ; বিশেষ এই যে একস্থানের যথেচ্ছাচার প্রায় সকল সময়েই স্থবুদ্ধিপ্রসূত, অপর স্থানে নিরক্ষরচিত্ত হইতে উদ্ভব। ফলপ্রসবিতার মধ্যে দেখা যায় যে, ফিউডাল প্রভুরা পরস্পরের মধ্যে যেমন বিবাদ বিসম্বাদে প্রায় প্রত্যহ নররক্তে স্নান করিতেন, আর্য্যেরা তৎ-পরিবর্ত্তে প্রেমসংমিলনে মনের স্থুখে কাল্যাপন করিতেন। ফিউডাল প্রজারা ভিন্ন ভিন্ন শাসনে থাকিয়াও, আচার, ব্যবহার, ভাষা, রীতি, নীতি দেশস্থ সমস্ত অধিবাসীর অভ্যন্তরে একরূপ থাকায় এবং বহিঃশক্রর ও আভ্যন্তরিকশক্রর উত্তেজনায় একতার মূল্যাবধারণ করিয়া, কালে তাহার ফলস্বরূপ সর্ব্ব সংমিলনে জগতের স্থ্-বিকাশক সভ্যজাতির মধ্যে পরিগণিত হইয়াছে। আর আর্য্যেরা এক প্রকৃতি সত্ত্বেও, তদভাবে দৈহিক সুখপরবশে ও একতার মর্ম্ম অনবগতে, জ্ঞাতিবিদ্বেষিতা লাভ করিয়া স্বতন্ত্রতা দোষে এমনি নিস্তেজঃ হইয়া পড়িয়াছেন যে, এখন আপন অন্ন পরিপাকের ক্ষমতা পর্যাম্ভ নাই।

আভ্যন্তরিক রাজনীতি কিরপে ছিল, তাহা বহুলভাবে নিম্নে উদ্ধৃত অংশ হইতে প্রতীত হইবে। ভরত রামের অনুসরণে নির্গত হইয়া চিত্রকৃট পর্বতে তাঁহার দেখা পাইলে, রাম রাজ্যের কুশল প্রশ্ন জিজ্ঞাসা করিতেছেন। (২)

⁽২) এই রাজনীতিগুলি গ্রিম্পি সাহেব ক্বত রামায়ণের ইংরেজি অন্থবাদে নাই। তৎক্বত রামায়ণের অযোধ্যাকাণ্ডের ৯৯, ১০০, ১০১ সর্গ এবং হেমচন্দ্র ভট্টাচার্য্য কর্ত্তক সংগৃহীত রামায়ণের ঐ কাণ্ডের ১০০ সর্গ মিলাইয়া দেখ। গ্রিফিপ সাহেব শ্লিপলকর্ত্তক সংগৃহীত রামায়ণ হইতে অন্থবাদ করিয়াছেন, এই রামায়ণ উত্তর পশ্চিম অঞ্চলের পাঠ দৃষ্টে। আমার

২।১০০ (৩) তুমি ত দেবতা, পিতৃ, পিতৃত্ল্য গুরু, বৃদ্ধ, বৈষ্ঠা, ব্রাহ্মণ ও ভ্তাগণকে সবিশেষ সম্মান কর ? যিনি অমন্ত্র ও সমন্ত্র শরপ্রয়োগ করিতে সমর্থা, সেই অর্থনাস্ত্রবিদ্ উপাধ্যায় সুধন্বার ত অবমাননা কর না ? মহাবল, বিজ্ঞা, জিতেন্দ্রিয়, সংকুলপ্রস্ত ইঙ্গিতজ্ঞ ও আত্মসম লোকদিগকে ত মন্ত্রিছে নিযুক্ত করিয়াছ ? দেখ শাস্ত্রবিশারদ অমাত্যগণের প্রযত্ত্রে মন্ত্র স্বর্গিত হইলে নিশ্চয়ই জয়লাভ হয়। (৪) বংস ! তুমি ত নিদ্রোর বশীভূত নহ ? যথাকালে ত জাগরিত হইয়া থাক ? রাত্রিশেষে অর্থাগমের উপায় ত অবধারণ কর ? তুমি একাকী বা বহুলোকের সহিত ত মন্ত্রণা কর না ? যে বিষয় নির্ণীত হয় তাহা ত গোপনে থাকে ? (৫) যাহা অল্পায়াসসাধ্য এবং বহুফলপ্রদ এইরপ কোন কার্য্য

আদর্শমূল পণ্ডিত হেমচন্দ্র ভট্টাচার্য্য কর্তৃক সংগৃহীত রামায়ণের প্রথম তিন কাণ্ড, অপর তিন কাণ্ড হন্তলিপি। আমার আদর্শ পুন্তকে যাহা যাহা আছে আমি মূল প্রভাবে তাহাই গ্রহণ করিতেছি ইহা জ্ঞাতব্য।

- (৩) এই অংশের অম্বাদ হেমচক্স ভট্টাচার্য্যের রামায়ণের অম্বাদ হইতে গৃহীত হইল। উক্ত ভট্টাচার্য্য এই অংশের ব্যাথ্যার্থে রামামুদ্ধ হইতে যে কিছু টীকার অম্বাদ দিয়াছেন, ভাহা টীকার স্থানে "—হে" চিহ্নে চিহ্নিত করিয়া অবিকল রাথা হইল, তঘ্যতীত যত টীকা দে সকল আমার ধারা সংগৃহীত।
 - (৪) "কচ্চিদাত্মসমা বৃদ্ধা: শুদ্ধা: সম্বোধনক্ষমা: ।২৫।
 কুলীনাশ্চাহ্যবক্তাশ্চ কৃতান্তে বীর মন্ত্রিণ: ।
 বিজয়ো মন্ত্রমূলো হি রাজ্ঞো ভবতি ভারত ॥২৬।
 কচ্চিং সংবৃতমন্ত্রৈতে অমাত্যৈ: শাস্ত্রকোবিদৈ: ।
 রাষ্ট্রং স্বরন্ধিতং তাত !————— ॥২৭।
 মহাভারত সভাপর্ব্ধ।৫।

কচ্চিদাত্মনমা: শ্রা: শ্রুতবস্থো জিতেন্দ্রিয়া:।
কুলীনান্দেন্দিওজ্ঞান্দ কৃতান্তে তাত ! মন্ত্রিগঃ ॥ ১৫ ।
মন্ত্রো বিজয়মূলো হি রাজ্ঞাং ভবতি রাঘব ।
ক্ষাংবৃতা মন্ত্রিধুরৈরমাত্যৈ: শাস্ত্রকোবিলৈঃ ॥১৬ ।
ক্ষাংবৃতা মন্ত্রিধুরৈরমাত্যে: শাস্ত্রকোবিলৈঃ ॥১৬ ।

ইহার মধ্যে চোর কে?

(৫) কচিন্নিপ্রাবশং নৈষি কচিৎকালেংপি ব্ধাসে। কচিচ্চাপররাত্রেষ্ চিস্কয়সার্থমর্থবিৎ। ২৮। কচিন্যন্ত্রয়সেনৈকঃ কচিন্ন বহুভিঃ সহ। কচিত্তে মন্ত্রিভো মন্ত্রো ন রাষ্ট্রং পরিধাবভি॥২৯। অবধারণ করিয়া, শীঘ্রই ত তাহার অনুষ্ঠান করিয়া থাক ? (৬) তোমার যে কার্য্য সমাহিত হইয়াছে এবং যাহা সম্পন্নপ্রায়, সামস্ত রাজগণ সেইগুলি ত জ্ঞাত হইয়া থাকেন ? যে সমস্ত বিষয়় অবশিষ্ট আছে, উহারা ত তাহা জানিতে পারেন না ? তুমি ও তোমার মন্ত্রী, তোমরা যাহা গোপন করিয়া রাখ, তর্ক ও য়ুক্তি দ্বারা তাহা ত কেহ উদ্ভাবন করিতে পারে না ? (৭) সহত্র মুর্থকে উপেক্ষা করিয়া একটি মাত্র পণ্ডিতকে ত প্রার্থনা করিয়া থাক ? দেখ, অর্থসঙ্কট উপস্থিত হইলে, বিজ্ঞ-লোকেই সর্ব্বতোভাবে শুভসাধন করিয়া থাকেন। যদি নূপতি সহত্র বা অযুত্ত মুর্থে পরিয়ত হন, তাহা হইলে উহাদের দ্বারা তাঁহার কোন বিষয়েই বিশেষ সাহায্যলাভ হয় না। বলিতে কি, মেধাবী মহাবল স্থদক্ষ বিচক্ষণ একজন অমাত্যই, রাজা বা রাজকুমারের যথোচিত শ্রীয়্বিদ্ধ করিতে পারেন। বৎস! উন্নতশ্রেণীতে উন্নত, মধ্যমশ্রেণীতে মধ্যম, এবং অধমশ্রেণীতে অধম ভূত্য ত নিয়ুক্ত করিয়াছ ? যে সকল অমাত্য কুলক্রমাগত ও সচ্চরিত্র এবং যাঁহারা উৎকোচগ্রহণ করেন না, তুমি তাঁহাদিগকে ত প্রধান প্রধান কার্য্যের ভার প্রদান কর ? প্রজারা অতি কঠোর দণ্ডে নিপীড়িত হইয়া ত তোমার অবমাননা করে না ?

কচিচ নিজাবশং নৈষি কচিচংকালে হববুধানে।
কচিচাপররাত্তেষ্চিন্তয়সার্থ নৈপুন্ম্॥ ১৭।
কচিন্তর্যসেনৈক: কচিন্ন বছভি: সহ।
কচিত্তে মন্ত্রিতো মন্ত্রো রাষ্ট্রং ন পরিধাবতি॥ ১৮
অবোধ্যাকাও। ১০০।

চোর কে?

(৬) কচিদর্থান্বিনিশিতা লঘ্মূলান্ মহোদয়ান্। ক্ষিপ্রমারভদে কর্তুং ন বিলয়দি তাদৃশান্॥৩০।

মহাভারত।২৫।

কচ্চিদর্থং বিনিশ্চিত্য লঘুমূলং মহোদয়ম্।
ক্ষিপ্রমারভদে কর্জুং নদীর্ঘয়িদ রাঘব ॥১৯।
ক্ষেধ্যাকাও ॥১০০।

চোর কে ?

বিরক্ত হইরা আর সাদৃশ্য উঠাইয়া দেখাইলাম না। ফলতঃ সভাপর্বোক্ত ও রামায়ণোক্ত রাজনীতি কিছু কিছু বাদ দিয়া একটি অপরের নকল বলিয়া লওয়া যায়।

(१) "কচ্চিন্ন ক্বডকৈদ্'তৈর্যে চাপ্য পরিশন্ধিতা: । ভবো বা ভব চামাতৈ্যভিন্ততে মন্ত্রিতং তথা ॥২৩। সভাপর্য ।৫।

অপেকার্ক্টত নিক্নষ্টচেতা রাজা ও হীন সমাজের প্রতি এ উপদেশ বর্তে।

যেমন মহিলারা বলপ্রয়োগপর কামুককে ঘুণা করে, তদ্রপ যাজকেরা তোমায় পতিত জানিয়া ত অগৌরব করিতেছেন না ? সামাদি প্রয়োগকুশল রাজনীতিজ্ঞ, (৮) অবিশ্বাসী ভূত্য ও ঐশ্বর্য্যপ্রার্থী বীর, ইহাদিগকে যে না বিনাশ করে, সে স্বয়ংই বিনষ্ট হয়, তুমি ত এই সিদ্ধান্তের অনুসরণ করিয়া থাক ? যিনি মহাবীর ধীর ধীমান্ সংকুলোম্ভব স্থদক্ষ ও অমুরক্ত তুমি এইরূপ লোককে ত সেনাপতি করিয়াছ ? যাঁহারা মহাবলপরাক্রান্ত, শ্রেণীপ্রধান ও যুদ্ধবিশারদ এবং যাঁহারা লোকসমক্ষে আপনার পৌরুষের পরীক্ষা দিয়াছেন, তুমি তাঁহাদিগকে ত সমাদর কর ? তুমি ত যথাকালে সৈন্সগণকে অন্ন ও বেতন (৯) প্রদান করিয়া থাক ? তদ্বিষয়ে ত বিলম্ব কর না ? অন্ন ও বেতনের কালাতিক্রম ঘটিলে ভূত্যেরা স্বামীর প্রতি রুষ্ট ও অসম্ভষ্ট হইয়া থাকে. এবং এই কারণেই তাঁহার নানা অনর্থ উপস্থিত হয়। বংস! প্রধান প্রধান জ্ঞাতিরা তোমার প্রতি ত বিশেষ অনুরক্ত আছেন ? এবং তাঁহারা তোমার নিমিত্ত প্রাণপরিত্যাগেও ত প্রস্তুত ? যাহারা জনপদবাসী বিদ্যান্ অনুকূল প্রত্যুৎপল্পমতি ও যথোক্তবাদী, এইরূপ লোকদিগকে ত দৌত্যকার্য্যে নিযুক্ত করিয়াছ? তুমি অন্তোর অষ্টাদশ# ও স্বপক্ষে পঞ্চদশ, ণ প্রত্যেক তীর্থে তিন তিন গুপ্তচর প্রেরণ করিয়া ত সমুদয় জানিতেছ ? যে শত্রু দূরীকৃত হইয়া পুনর্বার আগমন করিয়াছে, ছর্বল হইলেও তাহাকে ত উপেক্ষা কর না ? নাস্তিক ব্রাহ্মণদিগের সহিত ভোমার ত বিশেষ সংস্রব নাই ? * * * * কৃষক ও পশুপালকেরা ত ভোমার প্রিয়পাত্র হইয়াছে ? এবং স্ব স্ব কার্য্যে রত থাকিয়া সুখসচ্ছন্দে ত কাল্যাপন

⁽৮) "উপায়কুশলং বৈভাং"—মূদ রামায়ণে, তথ্যাখ্যায় উপায়কুশলং সামাত্রপায় চন্তবং বৈভাং বিভাবিদং রাজনীতিশান্তজ্ঞং"।—রামান্তল। ইহা অতি মূর্থের রাজনীতি এবং অলদর্শিতার পরিচয়, এবং সমাজের সভত অশাস্ত ও শব্ধিত ভাবজ্ঞাপক। এইরপ (যেমন সংবাদপত্রে দৃষ্ট) পারক্তের সাহ একদা সাদর্শগুরে ডিউকের বৈভব দেখিয়া, তাঁহাকে নির্বিল্পের রাজ্যে বাস করিতে দেওয়া হইয়াছে, এজন্ত বৃটনীয় যুবরাজের নিকট আশকা প্রকাশ করিয়াছিলেন।

⁽२) ইহা অতি বিচক্ষণ নীতি । ইউরোপথণ্ডে অল্পকাল হইল ইহার প্রচলন আরম্ভ হইয়াছে। মুসলমানদের মধ্যে মোগল বংশ এই নীতি প্রথম প্রবর্ত্তিত করেন।

^{*} ১। মন্ত্রী, ২। পুরোহিত, ৩। যুবরান্ধ, ৪। সেনাপতি, ৫। দৌবারিক, ৬। অন্তঃপুরাধিকারী, ৭। বন্ধনাগারাধিকারী, ৮। ধনাধ্যক্ষ, ৯। রাজাজ্ঞানিবেদক, ১০। প্রাড়-বিবাক নামক ব্যবহার জিজ্ঞাসক (জল্প পিডত), ১১। ধর্মাসনাধিকারী, ১২। ব্যবহার নির্ণায়ক সভ্য (জুরি), ১৩। বেতন দানাধ্যক্ষ, ১৪। কর্মান্তে বেতনগ্রাহী, ১৫। নগরাধ্যক্ষ, ১৬। আটবিক, ১৭। দুগুধিকারী, ১৮। তুর্গপাল।—হে।

ক পূর্ব্বোক্ত অষ্টাদশ তীর্থের মন্ত্রী পুরোহিত ও যুবরাক্ত এই তিনটি বাদ দিয়া পঞ্চদশ।—হে।

করিতেছে ? ইষ্ট সাধন ও অনিষ্ট নিবারণপূর্বক তুমিত উহাদিগকে প্রতিপালন করিয়া থাক ? (১০) অধিকারে যত লোক আছে ধর্মামুসারে সকলকে রক্ষা করাই তোমার কর্ত্তব্য । বৎস ! স্ত্রীলোকেরা ত তোমার যত্নে সাবধানে আছে ? উহা-দিগকে ত সমাদর করিয়া থাক ? বিশ্বাস করিয়া উহাদিগের নিকট কোন গুপ্ত কথা ত প্রকাশ কর না ? (১১) তোমার পশুসংগ্রহে আগ্রহ কিরূপ ? রাজ্যের অনেক বন হস্তীর আকর, তৎসমূদয়ের ত তত্ত্বাবধান করিয়া থাক ? (১২) রাজবেশে সভামণ্যে ত প্রবেশ কর ? প্রতিদিন পূর্ব্বাহ্নে গাত্রোত্থান করিয়া, রাজ্বপথে ত পরিভ্রমণ করিয়া থাক ? ভৃত্যেরা কি নির্ভয়ে তোমার নিকট আইসে,—না এক কালেই অন্তরালে রহিয়াছে ? দেখ, অতি দর্শন ও অদর্শন এই উভয়ের মধ্যরীতিই অর্থ প্রাপ্তির কারণ। বৎস ! তুর্গসকল ধন-ধান্ত, জলযন্ত্র, অন্ত্র-শস্ত্র এবং শিল্পী ও বীরে ত পরিপূর্ণ আছে ? তোমার আয় ত অধিক, ব্যয় ত অল্প ? অপাত্রে ত অর্থ বিতরণ কর না ? দৈবকার্য্য, পিতৃকার্য্য, অভ্যাগত বান্ধণের পরিচর্য্যা, যোদ্ধা ও মিত্রবর্গে ত তুমি মুক্তহন্ত আছ ? কোন শুদ্ধস্বভাব সাধুলোকের বিরুদ্ধে অভিযোগ উপস্থিত হইলে, ধর্ম্মণাস্ত্রবিৎ, বিচারকের নিকট দোষ সপ্রমাণ না করিয়া, তুমি ত অর্থলোভে তাঁহাকে দণ্ডপ্রদান কর না ? (১৩) যে তন্ত্রর ধৃত, লোপ্তের সহিত পরিগৃহীত এবং বছবিধ প্রশ্নে স্পুষ্ট হইয়াছে, ধনলোভে তাহাকে ত মোচন করা হয় না ? ধনী বা দরিজ যাহারই হউক না, বিবাদরূপ সন্ধটে ভোমার অমাভ্যেরা ভ অপক্ষপাতে ব্যবহার পর্য্যালোচনা করিয়া থাকেন ? দেখ, যাহাদের উপর মিথ্যাভিযোগের সম্যক্ বিচার না হয়, সেই সকল নিরীহ লোকের নেত্র হইতে যে অঞাবিন্দু নিপতিত হইয়া থাকে, তাহা ঐ ভোগাভিলাষী রাজার পুত্র ও পশুসকল বিনষ্ট করিয়া ফেলে। বৎস! তুমি বালক, বৃদ্ধ, বৈছাও প্রধান প্রধান লোক-

⁽১০) অধম জাতির পক্ষে সামাজিক শাসন কঠোর থাকিলেও, রাজ্বারে তাহাদের কিরূপ অবস্থা, তাহা এই বাক্যে উপলব্ধি হয়। ইউরোপের সভ্যতার পথপ্রদর্শক রোমক জাতির প্রাচীন অবস্থায়ও এরপ লোকদিগের পক্ষে যেরূপ কঠোর নিয়ম ছিল, তাহার সহিত এখানে তুলনা করিয়া দেখা উচিত। Cod. Justice. T. XI. tit. 47 & 49 দ্রষ্টব্য।

⁽১১) তৎকালে জীলাতির মানসিক উন্নতি কতদ্র এবং মহয়বর্গের তৎপ্রতি কতদ্র আখা, এই বাক্য তাহার পরিচায়ক। ঐ ঋথেদে "ইন্দ্রন্দিদ্ ঘ তদ্ অব্রবীৎ স্তিয়াঃ অশাস্তম্ মনঃ। উত্তো অহ ক্রতুং রঘুম্।"—৮—৩৩—১৭।

⁽১২) বর্ত্তমান গবর্ণমেন্টের খেদা ডিপার্টমেন্টের ফ্রায়।

⁽১৩) এই স্থানিয়ম বুটনদীপ একজন রাজার মন্তক ছেদন, অপরকে গুরীকরণ ব্যতীক স্বৃদ্ করিতে পারেন নাই। ইউরোপ ভূভাগ অতি অল্পনাল হইল, ইহার মধুর মর্ম অবগত হইয়াছে। তুর্ভাগ্য আসিয়ার অনেক স্থানে এখনও নহে।

দিগকে ত বাক্য ব্যবহারে ও অর্থে বশীভূত করিয়াছ ? শুরু, বৃদ্ধ, তপস্থী, দেবতা, অতিথি, চৈত্য ও সিদ্ধব্রাহ্মণকে ত নমস্কার কর ? অর্থ দ্বারা ধর্ম, ধর্ম দ্বারা অর্থ ' এবং কাম দ্বারা ঐ উভয়কে ত নিপীড়িত কর না ? তুমি ত যথাকালে ধর্ম অর্থ কাম সমভাবে সেবা করিয়া থাক ? (১৪) বিদ্বান্ ব্রাহ্মণেরা পৌর ও জনপদ্বাসীদিগের সহিত তোমার ত শুভাকাজকা করেন ? নাস্তিকতা, মিথ্যাবাদ, অনবধানতা, ক্রোধ, দীর্ঘস্ত্রতা, অসাধ্সঙ্গ, আলস্তা, ইন্দ্রিয়সেবা, একব্যক্তির সহিত রাজ্য চিস্তা ও অনর্থদর্শীদিগের সহিত পরামর্শ, নির্ণীত বিষয়ের অনুষ্ঠান, মন্ত্রণা প্রকাশ, প্রাতে কার্য্যের অনারম্ভ এবং সমৃদ্য় শক্রর উদ্দেশে এককালে যুদ্ধ যাত্রা, তুমি ত এই চতুর্দ্দশ রাজ্বদোষ পরিহার করিয়াছ ? দশবর্গ# (১৫) পঞ্চবর্গ † (১৬) চন্তর্বর্গ! সপ্তবর্গ দ্বাত্ত এই তিন বিল্ঞা ত তোমার অভ্যন্ত আছে ? ইন্দ্রিয়-

- (১৪) "পূর্ব্বাহ্নে চাচরেদ্বর্দ্মং মধ্যাহ্নেহর্থমূপার্জয়ে । সায়াছে চাচরেৎ কামমিত্যেয়া বৈদিকী শ্রুতিঃ ॥—দক্ষোক্ত কালব্যবস্থা।
- * মৃগয়া, ছ্যতক্রীড়া, দিবানিস্রা, পরিবাদ, স্বীপারতয়্য়া, ময়্ম, নৃত্য, গীত, বায় ও বৃধা
 শয়াটন।—হে।
 - (>4) উक्क विवरम

"मृगशांत्को मिवाचानः नतिवानः जित्शमनः।

ত্রোযাত্তিকম্বুপাঢ়াচ কামজো দশকো গণ॥" মহু। ৬ আ।

† অবস্ত্র্ন, বিরিত্র্য, বেণুত্র্য, ইরিণ ত্র্য (সর্কা শক্ত পূর্ণ প্রাদেশ) ধাষন ত্র্য (গ্রীক্ষকালে অগ্যা)।

(১৬) উক্ত বিষয়ে

"পঞ্চবর্গস্ত চৌদকং পার্বতং বাক্ষ মৈরিণং ধাষনং তথা। ইতি ত্র্গং পঞ্চবিশং পঞ্চ বর্গ উদাহতঃ। ইরিণং সর্বশস্ত শৃত্ত প্রদেশঃ তৎসম্বন্ধি ত্র্গমৈরিণং তস্যাণি পরৈর্গন্ধমশক্য-ম্বাং। ধাষনম উষ্ণকালে তুর্গং ভবতি।—রামাহক।

‡ नाम, मान, एडम ७ मछ।—हर ।

¶ স্বামী, অমাত্য, রাষ্ট্র, তুর্গ, কোষ, বল ও স্থল্ছ।—হে।

§ কৃষি, বাণিজ্য, তুর্গ, সেতু, কুঞ্চরবন্ধন, খনি, আকর, করাদান ও শৃষ্ম নিবেশন।
হে।—

(১৭) অথবা

প্রৈভন্তং সাহসং জোহমীর্বাস্থার্থদূরণম। বাগদওয়োশ্চ পারুক্তং জোধকোহণি গণোষ্টক ॥—রামান্তক।

- (১৮) धर्ष, व्यर्थ, काम।
- (১৯) द्यमञ्जूषी।
- (২•) বার্ত্তা কুষ্যাদি।

জয়, বাড্গুণ্য * (২১) দৈব ও মানুষ ব্যসন, (২২) রাজকৃত্য,† বিংশতিবর্গ,‡ প্রকৃতিবর্গ,¶ মণ্ডল,§ (২৩) যাত্রা, (২৪) দণ্ডবিধান, দ্বিযোনী* সন্ধি ও বিগ্রহ

- * সদ্ধি-বিগ্ৰহ প্ৰভৃতি ছয় গুণ।—হে।
- (২১) "সন্ধিন বিগ্রহো যানমাসনং বৈধমাঞ্জর।"—রামান্তজ অথবা

"বড়্ গুণা: বক্তা প্রগল্ভো মেধাবী স্বভিমারয়বিৎ কবি:।"—নীলকণ্ঠ।

- (২২) "হতাশনো জলং ব্যাধি ছভিকোমরক্তথেত্যেতদৈবম্। মাহ্বত্ত আযুক্ত-কেডালোরেভাঃ পরেভাো রাজবল্লভাৎ। পৃথিবীপতি লোভাচ্চ ব্যসনং মাহ্বত্তিদিমিতি।"
- † অসমবেতন ল্বকে, অপমানিত মানীকে, অকারণকোপাবিষ্ট ক্রুদ্ধকে প্রদর্শিতভন্ন ভীতকে, শত্রু হইতে ভেদ করাই রাজক্বতা।—হে।
- ‡ বালক, বৃদ্ধ, দীর্ঘরোগী, জ্ঞাতি বহিষ্কত, ভীক্ষ, ভয়জনক, লৃদ্ধ, লৃদ্ধজন, বিরক্ত প্রকৃতি, বিষয়ে অত্যাশক্ত, বহুমন্ত্রী, দেববান্ধণনিন্দক, দৈবোপহত, দৈবচিস্কক, ঘূর্ভিক্ষব্যসনি, বলব্যসনি, অদেশস্থ, বহুশক্র, মৃতপ্রায় ও অসত্য ধর্মরত, ইহাদিগের সহিত সদ্ধি করিবে না।—হে।
 - ¶ অমাত্য, রাষ্ট্র, তুর্গ, ও দণ্ড।—হে।
 - § বাদশরাজমগুল।—হে।
 - (২৩) উক্ত উভয়বিধ বিষয়ে

 ''অমাত্য রাষ্ট্র তুর্গানি কোশোদগুল্চ পঞ্চমঃ।
 এতা প্রকৃতয়ন্তজ কৈ বিজিগীবোরদাহতাঃ॥
 সম্পন্নস্ত প্রকৃতিভিম হোৎসাহঃ কৃত শ্রমঃ।
 ক্রেতু মেষণশীলক্চ বিজিগীব্রতি শ্বতঃ॥
 অরিমিত্রমরেমিত্রং মিত্রিমিত্রমতঃ পরঃ।
 অধারিমিত্রমিত্রঞ্চ বিজিগীবোঃ প্রস্কৃতাঃ॥
 পার্ফিগ্রাহস্ততঃ পশ্চাদাকন্দন্তদনস্করঃ।
 আসারা বলয়কৈব বিজিগীবোস্থ পৃষ্ঠতঃ॥
 অরেশ্চ বিজিগীবোশ্চ মধ্যমো ভৃষ্যনস্করঃ।
 অহগ্রাহ সংহতয়োর্ব্যন্তয়োর্নিগ্রহে প্রভুঃ॥
 মগুলাছহিরেভেষামৃদাসীনো বলাধিকঃ।
 অহগ্রহে সংহতানাং বান্তানাঞ্চবধে প্রভুঃ॥
 ইতি কামন্দকীরে উক্ত নীলকগ্রোদ্যতঃ।
 - (২৪) যাত্রা যানং ভচ্চ গঞ্বিধন্।
 "বিগ্রহ সন্ধায় তথা সম্ভ্যাথ প্রসন্ধতঃ।
 উপেক্ষ চেডি নিপুণৈগান্ং পঞ্বিধং স্বভন্।"—রামান্তর ।
- *সন্ধি ও বিগ্রহাদির মধ্যে বৈধিভাব ও আশ্রয় সন্ধিষোনিক এবং বান ও আসন বিগ্রহযোনিক। তে।

এ সম্দায়ের প্রতি তোমার ত দৃষ্টি আছে ? বেদোক্ত কর্ম্মের ত অমুষ্ঠান করিতেছ ? ক্রিয়া কলাপের ফল ত উপলব্ধ হইতেছে ? ভার্য্যা সকল ত বন্ধ্যা নহে ? শাস্ত্রজ্ঞান ত নিক্ষল হয় নাই ? আমি যেরূপ কহিলাম, তুমি ত এই প্রকার বৃদ্ধির অমুসারে চলিতেছে ? ইহা আয়ুষ্কর, যশস্কর এবং ধর্ম অর্থ ও কামের পরিবর্দ্ধক।"

348

প্রচলিত হউক অথবা প্রচলিত বলিয়া ধরিয়া লওয়া যাউক, সমাজের মধ্যে স্থাজনীতির গতি এই পর্যাস্ত। আবার রাজ্য অরাজক হইলে কিরাপ ত্রবস্থা হইত ভাহা দেখা যাউক। রাজা দশরথের মৃত্যুতে রাজ্য অরাজক হওয়ায় অমাত্যবর্গ রাজ্যের অমলল আশক্ষা করিয়া বশিষ্ঠের নিকট বলিতেছেন।

২। ৬৭২৫ (২৫)—"অরাজক রাজ্যে সভাস্থাপনে এবং স্থরম্য উন্থান ও পুণ্য গৃহনিশ্বাণে কাহারই প্রবৃত্তি জন্মে না; যজ্ঞশীল জিতেন্দ্রিয় ব্রাহ্মণেরা যজ্ঞামুষ্ঠানে বিরত হন; ধনবান্ যাজ্ঞিক ঋষিকদিগকে অর্থদান করেন না; উৎসব বিলুপ্ত ও নট নর্ত্তক নিশ্চিম্ত এবং দেশের উন্নতিসাধক সমাজের প্রীবৃদ্ধিও রহিত হইয়া যায়। অরাজক রাজ্যে ব্যবহারার্থীরা অর্থসিদ্ধি বিষয়ে সম্পূর্ণ ই হতাশ হন; পৌরাণিকেরা শ্রোতার অভাবে পুরাণ কীর্ত্তনে বীতরাগ হইয়া থাকেন; কুমারী সকল সায়াহ্নে মিলিত ও স্বর্ণালঙ্কারে অলঙ্কৃত হইয়া, উন্থানে ক্রীড়া করিতে যায় ना ; গোপালক कृषक्ता कवां छेल्यां हैन भूर्यक भयन करत ना ; এवः विनानीतां । কামিনীগণের সহিত বেগবান্ বাহনে আরোহণপূর্বক বনবিহারে নির্গত হয় না। অরাজক রাজ্যে দূরগামী বণিকেরা বিপুল পণ্যন্তব্য লইয়া দূরপথে যাইতে ভীত ও সঙ্কৃচিত হয়; অন্ত্রশিক্ষায় নিযুক্ত বীরপুরুষদিগের তলশব্দ আর কেহ শুনিতে পায় না ; অলব্ধ-লাভ ও লব্ধরক্ষা তৃষ্কর হইয়া উঠে ; রণস্থলে শত্রুর বিক্রম সৈহাগণের একান্ত হঃসহ হয়; বিশালদশন ষষ্ঠ বৎসরের মাতঙ্গ সকল কণ্ঠে ঘণ্টাবন্ধনপূর্বক রাজপথে ভ্রমণ করে না ; কেহ উৎকৃষ্ট অশ্বে বা স্থসজ্জিত রথে আরোহণ পূর্বক সহসা বহির্গত হইতে সাহসী হয় না; শাস্ত্রজ্ঞ সুধীগণ বন বা উপবনে গিয়া শাস্ত্র বিচার করিতে বিরত হন; এবং ধর্মশীল লোকেরাও দেবপূজার উদ্দেশে দক্ষিণা দান ও মাল্যমোদক প্রস্তুত করিতে সংশয়ারূচ হইয়া থাকেন। অরাজক রাজ্যে রাজ-কুমারেরা চন্দন ও অগুরুরাগে রঞ্জিত হইয়া বসস্ত কালীন বৃক্ষের স্থায় পরিদৃশ্যমান হন না ; যাঁহারা একাকী পর্য্যটন করেন এবং যথায় সায়ংকাল প্রাপ্ত হন সেই স্থানে বিশ্রাম করিয়া থাকেন, সেই সমস্ত জিতেন্দ্রিয় মুনিও ব্রন্মে চিত্ত সমাধানপূর্বক ভ্রমণ করিতে পারেন না; অধিক আর কি, যেমন জলশৃত্য নদী, তৃণশৃত্য বন এবং পালকহীন গো, অরাজক রাজ্যও তদ্ধপ; এই অবস্থায় জীবন রক্ষা করা নিতাস্তই তৃত্র হয়, এবং এই অবস্থায় মনুয়োরা মৎস্তের স্থায় প্রতিনিয়ত পরস্পর পরস্পরকে

⁽২৫) পণ্ডিত হেমচন্দ্র ভট্টাচার্য্য ক্বন্ত অস্থবাদ।

ভক্ষণ করিয়া থাকে। যে সমস্ত নাস্তিক ধর্মমর্য্যাদা লব্জন করিয়া রাজ্বণণ্ডে দণ্ডিত হইয়াছিল, তাহারাও এই সময়ে প্রভূষ প্রদর্শন করে। চক্ষু যেমন শরীরের হিতসাধন ও অহিত নিবারণে নিযুক্ত আছে প্রজাদিগের পক্ষে রাজ্বাও তদ্রপ।"

ভরতের প্রতি রামের প্রশ্নছলে যে রাজনীতি বর্ণিত হইয়াছে, তাহার ছারা তৎসাময়িক রাজধর্ম কভদূর অঙ্গ প্রত্যাঙ্গ সম্পন্ন ও বহুবাড়য়র বিশিষ্ট, ইহা প্রতিপন্ন হইবে। এ নীতি সমূহের কোন্ কোন্ অংশ পরিত্যাগ করিলে, উহা সর্ব্ব- কালে সর্বদেশে নুপতিগণের কণ্ঠভূষণ হইবার যোগ্য । এতদূর উৎকর্ম সম্পেও আলোচকের ক্ষোভ নিবারণ হয় না, আকাজ্রম পরিতৃপ্ত হয় না; কেন ? প্রজাদিগের অস্তরের গুহুতম প্রদেশে ইহার মূল রোপিত হয় নাই। পুর্ব্বোক্ত রাজনিয়ম সমৃদয় যতই কেন উৎকৃষ্ট বলিয়া বোধ হউক না, পরক্ষণে বর্ণিত অরাজ্বকতার স্বভাবে এবং ভিন্ন ভিন্ন স্থান পর্য্যালোচনে অমুমিত হইতেছে যে, যিনি যখন রাজা থাকিতেন, উক্ত নিয়মগুলির অমুষ্ঠানবিষয়ে তাঁহারই প্রকৃতির উপর অনেক নির্ভর করিত। একের উপর নির্ভর করে বলিয়াই অরাজকতায় এত ফুর্দ্দশার সম্ভব; রাজা এবং প্রজা এ উভয়ের উপর সমানরূপে নির্ভর থাকে, তবে রাজা মরিলেন কি বাঁচিলেন তাহা লোকে জানিতেও পারে না, অথবা জানিতে চায়ও না। ফলতঃ সেইকালে রাজকার্য্যে সাধারণ প্রজাবর্গের হস্ত কতদূর ছিল, তাহা নিরূপণার্থে বিশেষ কন্ট পাইতে হয় না।

রাজা যদি ঐ সকল স্থনিয়মের অনুষ্ঠান করিতেন, তবে ইহা জ্ঞাতব্য নহে যে তিনি প্রকৃতিবর্গর নিকট বাধ্যতা বশতঃ ওরূপ করিতেন। প্রকৃতিবর্গও কেমন করিয়া তাহার অনুষ্ঠান জ্বন্থ রাজাকে বাধ্য করিতে হয় তাহা জ্ঞানিতেন না। রাজা যদি সং হইতেন তবে তিনি দেবপ্রেরিত অথবা দেবাবতার বলিয়া পূজ্য। অসং হইলে লোকে অদৃষ্টের দোষ দিয়া ক্ষান্ত থাকিত। আরও অসং হইলে, নৈরাশ্বসম্ভূত ক্ষণিক উন্মন্ততা এবং ক্রোধবশবর্তী হইয়া তাঁহাকে রাজ্যচ্যুত করিত, এই পর্যান্ত হইয়াই ক্ষান্ত। চকিতের ক্যায় পরক্ষণেই পূর্বকথা সমস্ত বিশ্বত হইয়া, আবার পূর্বমত ধীরভাব ধারণ করিয়া অদৃষ্ট-সাগরে আত্মসমর্পণ পূর্বক নিরস্ত থাকিত। স্থতরাং তাহাদের যে কোন উদ্বেগ, স্থায়ীরূপে কার্য্যকরী হইতে পারে নাই, তথন পূর্ব্বিক্ত নিয়মাবলী যে নিরবচ্ছিন্নভাবে ও সম্যক্ প্রকারে আচরিত হইতে না তাহা অন্থমান-সিদ্ধ।

একাধিপত্যসম্পন্ন রাজার দৌরাত্ম্য অপরিসীম। এরপ রাজা আশান্তরূপ সৎ হইলেও দৌরাত্ম্য আশান্তরূপ নিবারিত হয় না। যেহেতু সে সময়ে যাহা কিছু হইয়া থাকে-সকলই একটি মাত্র চিত্তপ্রসূত। মন্ত্র্যু-চিত্ত ভ্রান্তিসকুল, ভিন্ন ভিন্ন চিত্ত ভিন্ন ভিন্ন রূপ, গুণ এবং হীনতার আধার। বছ চিত্তের একত্র সমাবেশে, ভিন্ন ভিন্ন করের সংযোজনে ভারাধিক্য হওয়ায়, হীনতা ও জান্তি হ্রস্বভেদা হইয়া থাকে।
ক্তরাং এক চিত্তের কারের মতদ্র জান্তি প্রবেশ করে, বছ চিত্ত-সংযোগে ভারা হইডে
পার না। একাধিপত্য রাজ্যে এক চিত্তের কার্য্য, হয় রাজার, নতুবা জনাত্যপ্রধানের—ফল-প্রস্বিতায় উভয়ই এক। এরপ রাজ্যে সৎ রাজা সদভিপ্রায়র্ক্ত
হইলেও জান্তিবশতঃ কার্য্যে পরিণত করার দোবে এবং তজ্ঞপ অপরাপর কারণে
অনেক অসৎকার্য্য করিয়া থাকেন।

যাহা হউক সমাজ্ব পূৰ্ণাবস্থা প্ৰাপ্ত না হইলে, প্ৰজাগণ চক্ষু কৰ্ণ বিশিষ্ট হইয়া শাসন কার্য্যে হস্তক্ষেপ করিতে সমর্থ হয় না। এই সময়ে একাধিপত্যযুক্ত রাজার প্রয়োজন। আভ্যন্তরিক অভ্যাচার থাকিলেও তিনি প্রকাগণকে বহিংশক্র হইতে রক্ষা করিয়া থাকেন। অত্যাচারে উত্তেজিত হইলে উৎসাহের বৃদ্ধি হয়, প্রজাগণ এই সময়ে উৎসাহযুক্ত হইয়া পরস্পার সংমিলনে আত্মোন্নতি করিয়া গন্তব্য স্থানে অগ্রসর হইতে থাকে। কিন্তু ভারতে ইহার বিপরীত ভাব দাঁডাইয়াছে। এখানে প্রজাদের মধ্যে আত্ম-বিরোধভাব, ইহার এক পক্ষ ব্রাহ্মণগণ, অপরপক্ষ সাধারণ জনবর্গ। সাধারণ জনবর্গের প্রতি দিবিধ অত্যাচার, প্রথমতঃ রাজার, দিতীয়তঃ ব্রাহ্মণের। এতহুভয় কারণে তাহাদিগের চক্ষু উদ্মিলিত হইবার অবসর হয় নাই। ব্রাহ্মণেরাও তন্নিমিত্ত আপনাদের ক্ষমতা বৃদ্ধি করিতে তাহাদের যথোচিত সাহায্য না পাইয়া হীনবল হইয়াছিলেন। জ্ঞানবত্তায় যদিও তাঁহারা বাহ্যিকভাকে পূজ্য ছিলেন বটে, কিন্তু ক্ষত্রিয় রাজ্ঞারা তাঁহাদিগকে যে কলে চালাইতেন প্রায় সেই কলে •চলিতেন। আবার এরূপ সমাজের উপর যাঁহার আধিপত্য, তাঁহার পরিণাম কিরূপ দাঁড়ায় তাহা সহজে অমুমান করা যাইতে পারে। উহা কিরূপ অঙ্কুরিত, পুষ্পিত ও ফলবতী হইয়াছে, তাহা বর্তমান সময়ের সহ-সম্বন্ধ স্থাপন করিয়া পূর্ব্বাপর व्यालाम्ना कतिरल मृष्टे श्रेटरा। याश रुपेक वान्मीकित मगरा এরপ ভাবের বাল্যাবস্থা।

> ইতি চতুর্থ প্রস্তাব। শ্রীপ্রফুল্লচন্দ্র বন্দ্যোপাধ্যায়।



कशलका खुद्र मशुद्र

নবম সংখ্যা

বিবাহ

বিশাধ মাস বিবাহের মাস। আমি ১লা বৈশাখে নসী বাব্র ফুলবাগানে বসিয়া একটি বিবাহ দেখিলাম। ভবিশ্যৎ-বরক্সাদিগের শিক্ষার্থ লিখিয়া রাখিতেছি।

মল্লিকার বিবাহ। বৈকাল-শৈশব অবসান প্রায়, কলিকা-কন্সা বিবাহ যোগ্যা হইয়া আসিল ৮ কন্সার পিতা বড়লোক নহে, ক্ষুত্র বৃক্ষ, তাহাতে আবার অনেকগুলি কন্সাভারগ্রস্ত। সম্বন্ধের অনেক কথা হইতেছিল, কিন্তু কোনটা স্থির হয় নাই। উন্সানের রাজা স্থলপদ্ম নির্দ্দোষ পাত্র বটে, কিন্তু ঘর বড় উচু, স্থলপদ্ম অতদূর নামিল না। জ্ববা এ বিবাহে অসম্মত ছিল না, কিন্তু জ্বা বড় রাগী, কন্সাকর্তা পিছাইলেন। গন্ধরাজ্ঞ পাত্র ভাল, কিন্তু বড় দেমাগ, প্রায় তাঁহার বার পাওয়া যায় না। এইরূপ অব্যবস্থার সময়ে অমররাজ ঘটক হইয়া মল্লিকার্ক্ষসদনে উপস্থিত হইলেন। তিনি আসিয়া বলিলেন, "গুণ। গুণ। গুণ। মেয়ে আছে।"

वृक्ष, भाशा ना कतिया पूर्विण-नयना व्यवश्चर्यनवणी कच्छा प्राप्तरीतना ।

শুমর একবার বৃক্ষকে প্রাদক্ষিণ করিয়া আসিয়া বলিলেন, "গুণ! গুণ! গুণ! গুণ দেখিতে চাই। ঘোমটা খোল।"

লঙ্জাশীলা কন্থা কিছুতেই ঘোমটা খুলেনা। বৃক্ষ বলিলেন "আমার মেয়েগুলি বড় লাজুক। তুমি একটু অপেক্ষা কর, আমি মুখ দেখাইতেছি।"

ভ্রমর ভেঁ। করিয়া স্থলপদ্মের বৈঠকখানায় গিয়া রাজপুত্রের সঙ্গে ইয়ারকি করিতে বসিলেন। এদিগে মল্লিকার সন্ধ্যাঠাকুরাণী দিদি আসিয়া তাহাকে কত বৃশাইতে লাগিল—বলিল "দিদি, একবার ঘোমটা খোল—নইলে, বর আসিবে না—লন্ধী আমার, চাঁদ আমার, সোণা আমার" ইত্যাদি। কলিকা কতবার ঘাড়

নাড়িল, কভবার রাগ করিয়া মুখ ঘুরাইল, কতবার বলিল, "ঠান্দিদি, তুই খা।" কিন্তু শেষে সন্ধার স্লিশ্ধ অভাবে মুগ্ধ হইয়া মুখ খুলিল; তখন ঘটক মহাশয় ভেঁ। করিয়া রাজবাড়ী হইতে নামিয়া আসিয়া ঘটকালীতে মন দিলেন। কন্সার পরিমলে মুগ্ধ হইয়া বলিলেন, "গুণগুণগুণ গুণ গুণাগুণ। কন্সা গুণবতী বটে। ঘরে মধু কত।"

কন্সাকর্তা বৃক্ষ বলিলেন, "ফর্দ্ধ দিবেন, কড়ায় গগুায় বুঝাইয়া দিব।" ভ্রমর বলিলেন "গুণ্ গুণ্, আপনার অনেক গুণ্—ঘটকালীটা ?"

কন্সাকর্ত্তা শাখা নাড়িয়া সায় দিল—"তাও, হবে।"

ভ্রমর—"বলি ঘটকালীর কিছু আগাম দিলে হয় না ? নগদ দান বড় গুণ— গুণ গুণ গুণ গুণ।"

কুজ বৃক্ষটি তখন বিরক্ত হইয়া, সকল শাখা নাড়িয়া বলিল, "আগে বরের কথা বল—বর কে?"

ভ্রমর—"বর অতি স্থপাত্র।—তাঁর অনেক গুণ্-ন্-ন্" "কে তিনি ?"

"গোলাবলাল গন্ধোপাধ্যায়। তাঁর অনেক গুণ।"

এ সকল কথোপকথন মনুষ্যে শুনিতে পায় না, আমি কেবল আফিম প্রসাদাৎ দিষ্য কর্ণ পাইয়াই, এ সকল শুনিতেছিলাম। আমি শুনিতে লাগিলাম, কুলাচার্য্য মহাশয়, পাখা ঝাড়িয়া, ছয় পা ছড়াইয়া গোলাবের মহিমাকীর্ত্তন করিতেছিলেন। বলিতেছিলেন যে, গোলাব বংশ বড় কুলীন; কেন না ইহারা "ফুলে" মেল। যদি বল, সকল ফুলই ফুলে, তথাপি গোলাবের গৌরব অধিক, কেন না ইহারা সাক্ষাৎ বাঞ্ছা-মালীর সস্তান; তাঁহার স্বহস্তরোপিত। যদি বল এ কুলে কাঁটা আছে, কোন কুলে বা কোন ফুলে নাই ?

যাহা হউক ঘটকরাজ কোনরূপে সম্বন্ধ স্থির করিয়া বোঁ করিয়া উড়িয়া গিয়া, গোলাব বাবুর বাড়ীতে খবর দিলেন। গোলাব, তখন বাতাসের সঙ্গে নাচিয়া নাচিয়া, হাসিয়া হাসিয়া, লাফাইয়া লাফাইয়া খেলা করিতেছিল, বিবাহের নাম শুনিয়া আহলাদিত হইয়া কন্মার বয়স জিজ্ঞাসা করিল; ভ্রমর বলিল, "আজি কাল

গোধৃলি লগ্ন উপস্থিত, গোলাব বিবাহে যাত্রার উণ্ডোগ করিতে লাগিলেন। উচ্চিক্ষড়া নহবৎ বাজাইতে আরম্ভ করিল; মৌমাছি সানাইয়ের বায়না লইয়াছিল, কিন্তু রাতকাণা বলিয়া সঙ্গে যাইতে পারিল না। খড়োতেরা ঝাড় ধরিল; আকাশে তারা-বাজি হইতে লাগিল; কোকিল আগে আগে ফুকরাইতে লাগিল। অনেক বর্ষাত্র চলিল, স্বয়ং রাজকুমার স্থলপদ্ম দিবাবসানে অসুস্কুকর বলিয়া

আসিতে পারিলেন না, কিন্তু জবাগোষ্ঠী—শেতজ্ববা, রক্তজ্ববা, জরদক্ষবা প্রভৃতি সবংশে আসিয়াছিল। করবীদের দল, সেকেলে রাজাদিগের মত বড় উচ্চ ডালে চড়িয়া আসিয়া উপস্থিত হইল। সেঁউতি নীতবর হইবে বলিয়া, সাজিয়া আসিয়া ছলিতে লাগিল। গরদের জ্বোড় পরিয়া চাঁপা আসিয়া দাঁড়াইল—বেটা ব্রাপ্তি টানিয়া আসিয়াছিল, উগ্র গন্ধ ছুটিতে লাগিল। গন্ধরাজ্বেরা বড় বাহার দিয়া দলে দলে আসিয়া, গন্ধ বিলাইয়া দেশ মাতাইতে লাগিল। অশোক, নেশায় লাল হইয়া আসিয়া উপস্থিত; সঙ্গে একপাল পিপড়া মোসায়েব হইয়া আসিয়াছে; তাহাদের গুণের সঙ্গে সমন্ধ নাই, কিন্তু দাঁতের জ্বালা বড়—কোন্ বিবাহে না এরূপ বর্ষাত্র জ্বোটে, আর কোন্ বিবাহে না তাহারা ছল ফুটাইয়া বিবাদ বাঁধায় ? কুরবক, কুটজ প্রভৃতি আরও অনেক বর্ষাত্র আসিয়াছিলেন, ঘটক মহাশয়ের কাছে তাঁহাদের পরিচয় শুনিবেন। সর্বব্রই তিনি যাতায়াত করেন এবং কিছু কিছু মধু পাইয়া থাকেন।

আমারও নিমন্ত্রণ ছিল, আমিও গেলাম। দেখি বরপক্ষের বড় বিপদ্। বাতাস, বাহকের বায়না লইয়াছিলেন; তখন ছঁ—ছম করিয়া অনেক মরদানি করিয়াছিলেন, কিন্তু কাজের সময়ে কোথায় লুকাইলেন, কেহ খুঁজিয়া পায় না। দেখিলাম বর, বর্ষাত্র সকলে অবাক্ হইয়া স্থিরভাবে দাঁড়াইয়া আছেন। মল্লিকাদিগের কুল যায় দেখিয়া, আমিই বাহকের কার্য্য স্বীকার করিলাম। বর, বর্ষাত্র সকলকে তুলিয়া লইয়া মল্লিকাপুরে গেলাম।

সেখানে দেখিলাম, কন্সাকুল, সকল ভগিনী, আহলাদে ঘোমটা খুলিয়া, মুখ ফুটাইয়া, পরিমল ছুটাইয়া, সুখের হাসি হাসিতেছে। দেখিলাম, পাতায় পাতায় জড়াজড়ি, গন্ধের ভাণ্ডারে ছড়াছড়ি পড়িয়া গিয়াছে—রূপের ভরে সকলে ভাঙ্গিয়া পড়িতেছে। যূথি, মালতী, বকুল, রজনীগন্ধ প্রভৃতি এয়োগণ স্ত্রী-আচার করিয়া বরণ করিল। দেখিলাম পুরোহিত উপস্থিত; নশীবাবুর নবমবর্ষীয়া কন্সা (জীয়ন্ত কুসুমর্মাপিণী) কুসুমলতা স্চ স্তা লইয়া দাঁড়াইয়া আছে; কন্সাক্তা কন্সা সম্প্রদান করিলেন; পুরোহিত মহাশয় ছইজনকে এক স্তায় গাঁথিয়া গাঁটছড়া বাঁথিয়া দিলেন।

তখন বরকে বাসর ঘরে লইয়া গেল। কত যে রসময়ী মধুময়ী সুন্দরী সেখানে বরকে ঘেরিয়া বসিল তাহা কি বলিব। প্রাচীনা ঠাকুরাণীদিদি টগর সাদা প্রাণে বাঁধা রসিকতা করিতে করিতে শুকাইয়া উঠিলেন। রঙ্গনের, রাঙ্গা মুখে হাসি ধরে না। যুই, কন্মের সই, কন্মের কাছে গিয়া শুইল; রজ্জনীগদ্ধকে বর তাড়কা-রাক্ষসী বলিয়া কত তামাসা করিল; বকুল, একে বালিকা, তাতে যত গুণ, তত রূপ নহে; এক কোণে গিয়া চুপ করিয়া বসিয়া রহিল; আর ঝুমকা ফুল বড় মানুষের গৃহিণীর মত মোটা মাগী নীল শাড়ী ছড়াইয়া জমকাইয়া বিদিল তখন—

"কমল কাকা—ওঠ বাড়ী যাই—রাত হয়েছে, ওকি ঢুলে পড়্বে যে ?"

কুমুমলতা এই কথা বলিয়া আমার গা ঠেলিতেছিল; — চমক হইলে, দেখিলাম কিছুই নাই। সেই পুষ্পা বাসর কোথায় মিশিল ? — মনে করিলাম, সংসার অনিত্যই বটে — এই আছে এই নাই। সে রম্য বাসর কোথায় গেল, — সেই হাস্তমুখী শুলু স্মিত সুধাময়ী পুষ্পস্থলরী সকল কোথা গেল ? যেখানে সব যাইবে সেইখানে — স্মৃতির দর্পণতলে, ভূত সাগরগর্ভে। যেখানে রাজা প্রাজ্ঞা, পর্বত সমুদ্র গ্রহ নক্ষত্রাদি গিয়াছে বা যাইবে সেইখানে — ধ্বংসপুরে। এই বিবাহের ভায় সব শৃন্তে মিশাইবে, সব বাতাসে গলিয়া যাইবে — কেবল থাকিবে — কি ? ভোগ ? না, ভোগ্য না থাকিলে ভোগ থাকিতে পারে না। তবে কি ? স্মৃতি ?

কুমুম বলিল, "ওঠ না—কি কচ্চো ?"

আমি বলিলাম, "দূর পাগলি, আমি বিয়ে দিচ্ছিলাম।"

কুস্থম খেঁসে এসে, হেসে হেসে কাছে দাঁড়াইয়া আদর করিয়া জিজ্ঞাসা করিল "কার বিয়ে, কাকা ?"

আমি বলিলাম, "ফুলের বিয়ে।"

"ওঃ পোড়া কপাল, ফুলের ? আমি বলি কি ! আমিও যে এই ফুলের বিয়ে দিয়াছি।"

"কই গু"

"এই যে মালা গাঁথিয়াছি।" দেখিলাম, সেই মালায় আমার বর কন্সা রহিয়াছে।



শাসন প্রণালী

(পূর্বপ্রকাশিতের পর)

বিজ্ঞান অদৃষ্ট যেকালে স্থপ্রসন্ধ ছিল তৎকালে ইহার যেদিগে দৃষ্টি নিক্ষেপ করা যাইত সর্ব্বদিগেই স্থলন দৃষ্টে পরিপূর্ণ বোধ হইত। পুরাকালে ভারতীয় আর্য্যসন্তানগণ সমস্ত ধরাতলে অগ্রগণ্য ছিলেন। সভ্যভার বৃদ্ধির সঙ্গে যেমন পাপের আধিক্য হইতে লাগিল অমনি তাহার নিবৃত্তিচেষ্টায় সকলেই তন্মনস্ক হইলেন।

ভিন্নদেশীয় ও আধুনিক সভ্যজাতির চক্ষে যাহা সামান্ত দোষ বলিয়া গণ্য, ভারতবর্ষীয়দিগের নয়নপথে সেগুলি সেপ্রকার সামান্ত অপরাধ বলিয়া উপেক্ষার যোগ্য নয়। ইহাদিগের নিকট অকার্য্য চিন্তা, কুকর্ম্ম, কুপরামর্শ, কুসঙ্গ, কুব্যবহার মাত্রই দোষজনক। দোষ মাত্রই পাপোৎপত্তির মূল।

ইহারা পাপে রত না হইতে পারেন এই কারণে শাস্ত্রকারেরা আত্মা ও মনকে সকল কার্য্যের সাক্ষী স্বরূপ কহিয়াছেন। (১) এই জাতির ধর্ম্মোপদেশকগণ মনুয্য-দিগকে শাস্ত্রের নিয়মাধীন করিয়া সংসার রক্ষার নিমিত্ত সমাজঘটিত যে সকল নিয়ম করিয়াছেন তাহার কতকগুলি অভ্য প্রদর্শিত হইতেছে।

ইহাদিগের বিচারপ্রণালীর কতিপয় বিষয় পূর্ব্বেই বলা গিয়াছে, এক্ষণে ব্যবহার সংহিতার নিয়মান্ত্রসারে কোন্ কার্য্য নিষিদ্ধ ও তত্তৎকার্য্য জ্ঞান পূর্ব্বক করিলে অথবা অজ্ঞানকৃত হইলে কিরপ দোষ ঘটে ও সেই দোষগুলি কি প্রকার পাতকে পরিণত হয় এবং তাহার দণ্ডই বা কতদূর হইয়া থাকে ইত্যাদি বিষয় নির্দ্ধারণ করিতে পারিলে দণ্ডনীতিঘটিত বিষয়ের তাবৎ কার্য্য ও শাসন প্রণালী জ্ঞানা যায়।

⁽১) মহু বচনাৰ্দ্ধ।

আত্মৈব হ্যাত্মন: সাক্ষী গতিরাত্মা তথাত্মন:।

[আবাচ

কেছ কেছ মনে করিতে পারেন বিচারপ্রণালীর বিষয় এক প্রকার বলা হইয়াছে। কিন্তু মকদ্দমার আপীলের কথা কিছু বলা হয় নাই। তাঁহাদিগের বোধ-সৌকর্য্যার্থ আপীলের কথা অত্যে স্পষ্টাক্ষরে নির্দেশ করা যাইতেছে।

বিচারকালে যদি অভিযোক্তা অথবা প্রতিযোগী ব্যক্তির পক্ষে প্রমাণ প্রয়োগাদি পরিশুদ্ধরূপে গ্রহণ না হইয়া থাকে তাহা হইলে পুনর্বিচার হইতে পারে। প্রাড বিবাকাদি কর্তৃক নিষ্পাদিত বিচারের প্রকৃত দোষ প্রদর্শন করিতে না পারিলে পুনর্বিচারস্থলে অভিযোগটা পুনর্নিষ্পাদনযোগ্য বলিয়া গ্রাহ্ম হইত না। পুনর্বিচার-দর্শনকালে রাজাকে বিচারাসনে উপস্থিত থাকিতে হইত। তাঁহার অমুপস্থিতি কালে পুনর্বিচার স্থগিত থাকিত। প্রথম ধর্মাধিকরণের নিষ্পন্ন বিচারে দোষ দৃষ্ট হইলে দ্বিতীয় ধর্মাধিকরণের মতান্ত্রসারে নৃপতিকর্তৃক প্রথম বিচারকের দণ্ডবিধান করা রীতি ছিল। (২)

সুবিচার না করিলে রাজদ্বার হইতে তিরস্কৃত, দণ্ডিত, লোকসমাজে দ্বণিত এবং পরকালে নরকভাগী হইতে হইবে এই ভয়ে অধিকাংশ বিচারকই জ্ঞানগোচরে কদাপি অবিচার করিতেন না। সেই হেতুই ইহাদিগের কৃত নিষ্পত্তির বিরুদ্ধে অধিকাংশ স্থলে প্রায় আপীল হইত না। স্মৃতরাং পুনর্বিচারের কথা অল্প পরিমাণে দেখা যায়। আপীলের ভাগ অতি অল্প হইবার আরও একটা বিশেষ গুরুতর কারণ লক্ষিত হয়। সেটা এই—বাদী প্রতিবাদী কি প্রকার অবস্থার লোক, তাহাদিগের কেমন বিষয়ে বাদ প্রতিবাদ ও কি বিষয়ক অভিযোগ কি প্রকার—সাক্ষী আছে উহা অগ্রে পরীক্ষিত হইত। তৎপরে বিবেচনান্ত্রসারে সেটা বিচারযোগ্য কিনা জ্ঞান হইলে তাহার মীমাংসা জন্য বিচারাসনে অর্পিত হইত।

(২) অস্থিচারেত্ বিচারাস্তর্মাহ নারদ:।
আসাক্ষিকন্ত ষদৃষ্টং বিমার্গেণচ তীরিতং।
অস্থাত মতৈ দৃষ্টং পুনদ শনমইতি ॥
আসাক্ষিকমিত্য প্রামাণিকোপলক্ষণং।
তথা যাক্ষবন্ধা।—
হদৃষ্টাংস্ত পুনদ্ ষ্টা ব্যবহারাষ্পেণতৃ।
সভ্যাঃ সম্বন্ধিনো দণ্ড্যা বিবাদাদিগুণং দমং॥
তীরিতাঞ্চান্থশিষ্টঞ্ যত্ত কচন যন্তবেং।
কৃতংতদ্বন্ধতো বিভান্নতভূষো নিবর্ত্তরেং॥ ২২০
আমাত্যাঃ প্রাড্ বিবাকোবা যৎকুর্যুঃ কার্য্যমন্তথা।
তৎস্বয়ং নপতিঃ কুর্যাৎ তান্ সহস্রঞ্চ দণ্ডরেং॥ ২০৪

বিশেষতঃ বিবাদমাত্রই ধর্মাধিকরণ দারা নিপায় হইত তাহা নয়। কুল, মিত্র, শ্রেণী, পরিবাররক্ষক পিতা, মাতা এবং শুরু পুরোহিতাদি দ্বারা অনেক স্থলে বিবাদ ভঞ্জন করা রীতি ছিল বলিয়া অধিকাংশ স্থলে প্রকৃতরূপে স্থপদ্ধতি অমুসারে মীমাংসা হইয়া আসিত, তয়িবন্ধন পুনর্বিচারের স্থল থাকিত না। আরও একটী বিশেষ কথা এই যে, আর্যাজাতির সমাজবন্ধনগ্রন্থি সমস্ত এমন দৃঢ় হইয়া রহিয়াছে যে, সত্যকালে যাহা নিষিদ্ধ ছিল উহা ত্রেতাদি তিন যুগে নিষিদ্ধ ও তাদৃশ পাপজনক না হইলেও ইহাদিগের আবহমান কালের সংস্কার অমুসারে চিরকালই উহা নিষিদ্ধ বলিয়া জ্ঞান হইয়া আসিতেছে। স্থতরাং ইহাদিগের সমাজের একজন দোষ করিলে সমাজের সমস্ত লোককে দোষী ও পাপলিপ্ত জ্ঞান করা যায়।

ইহারা এমনি তেজম্বী ও ধার্মিক ছিলেন যে মন্দ কর্মমাত্র ইহাদিগের দ্বণার বিষয় ছিল। কুকর্শ্বের অনুষ্ঠান করা দূরে থাকুক পাপচিস্তাকেও মনে স্থান দিতেন না। এমন এককাল গিয়াছে যেকালে পাপীৰ্যক্তির সঙ্গে ক্রেণাপকথনেও ভারতবর্ষীয় আর্যাজাতির অধ্ঃপতন ও নরকভোগ জ্ঞান হইত। এখন সেকাল কোথা গেল ।—দ্বিতীয় যুগে পাপীর সংস্পর্শে মানুয়্যের পাপ লেখে। ক্রমে লোকের সংস্কার পরিবর্ত্তিত হওয়াতে তৃতীয় যুগে পাপীর অন্ন ভক্ষণে পাপ জননের বিধি হইল। চতুর্থ যুগে কুকর্ম্মকরণ দ্বারাই পাপোৎপত্তির বিধি থাকিল বটে—কিন্তু সংস্কারের গুণে, উপদেশের গুণে, সমাজের প্রথানুসারে পাপীর সঙ্গে কথোপকথনাদি চতুর্বিধ বিষয়ই সর্বকালে আর্য্যজাতির নিকট পাপজনক বলিয়া নির্ণীত আছে। ভারতবর্ষীয়েরা পাপকার্য্যে এরূপ ভয় করেন, পাপ-পঙ্ক ইহাদিগের শরীর ওমনকে এরূপ কলুষিত করেযে ইহারা পাপক্রিয়ার ধ্বনি শুনিতেও ইচ্ছা করেন না। ইহাদিগের অন্তরাত্মাই ইহাদিগের পাপ পুণ্যের সাক্ষী। সত্যকালে দেশমধ্যে কোন ব্যক্তি পাপ-পঙ্কে পতিত হইলে ধার্ম্মিকলোকেরা সে দেশ পরিত্যাগ করিতেন। ত্রেতাযুগে পতিত ব্যক্তি যে গ্রামে বাস করিত সে গ্রামে ধার্ম্মিকগণ বাস করিতেন না। দ্বাপরে পাপীব্যক্তি ও তৎসংস্ষ্ট লোক-মাত্রকেই পরিত্যাগ করিয়া অন্তত্র বাস করা রীতি ছিল। কলিতে কথোপকথনে তাদৃশ দোষ না হউক কিন্তু পারতপক্ষে স্থ্য আদান প্রদান ও অন্নভোজনে দোষ জন্মে এরূপ দৃঢ় বিশ্বাস আছে। এস্থলে শাস্ত্রের বচন সঙ্গুচিত বলিতে হইবে। পাপীকে এই প্রকারে ঘুণা করাতে আর্য্যসমাজে দোষ প্রবেশ করিতে পারিত না। স্বতরাং রুথা অভিযোগ হইত না। সত্য অভিযোগের সত্য মীমাংসা হইত বলিয়া আপীলের স্থল থাকিত না। (৩)

⁽৩) ক্বতে পততি সম্ভাষাৎ ত্রেতারাং স্পর্শনেনতু। বাপক্ষে ভক্ষণে তক্স কলো পতিত কর্ম্মণা॥ ২৬

অভিযোগের পূর্ব্বে যে প্রকারে শপথ ও দিব্য করান হাঁত তাহার নিয়মে এই জানা যায় যে স্বল্পকারণে কোন অভিযোগ উপস্থিত হাঁলে পুত্রবান্ পুরুষ সবন্ধুব্যক্তিও পুত্রবতী নারীদিগকে পুত্রের মস্তকস্পর্শ অথবা প্রিয়ব্যক্তির অঙ্গ স্পর্শ করিয়া শপথ করিতে হাঁত। বৈশ্যজাতিকে শপথ করাইতে হাঁলে গোরু শস্ত ও কাঞ্চন দ্বারা শপথ করানই প্রকৃত শিষ্টাচার। ক্ষত্রিয়জাতিকে শপথ করাইতে হালৈ সত্য বল মিথ্যা বলিও না পাপ হাইবে এইরূপ কহিতে হায়। ব্রাহ্মণকে শপথ করাইবার সময় কি জান যথার্থ বল এইমাত্র বলিলেই তাঁহার পক্ষে যথেষ্ট হাইত। শৃত্র ও প্রীজাতির পক্ষে সর্ব্বপ্রকার পাতক দ্বারা শপথ করান রীতি প্রচলিত ছিল।

দিব্য বিষয়ে—দেবতা, ত্রাহ্মণ, বাহন, অস্ত্র, গো, বৃষ, বীক্ত ও সুবর্ণাদি দারা দিব্য করান যায়। লোকসমাজে ও বিচারাসনের সম্মুখে এইরপে অভিহিত হইয়া ধর্মের অপলাপ পুর:সর কোন্ ব্যক্তি অসত্য কহিতে সাহসী হন ? যিনি মিথ্যা কথনে অথবা ছলে সাহসী হন তাঁহারও আকার ইক্সিত, চেষ্টা মুখভঙ্গী ও বিকৃত স্বরাদি দ্বারা তাঁহার মিথ্যাকথন প্রকাশ পায়। মিথাবাদী জন সংসার মাঝে অভি অপদার্থ মধ্যে গণ্য হয়। মিথ্যা অভিযোগের দণ্ড আছে, সে দণ্ড স্থলবিশেষে অভি ভয়ানক; বিশেষতঃ হিন্দুজাতিরা লঘু পাপেও গুরুদণ্ড করিতেন বলিয়া কেহ নিতান্ত মর্ম্মান্তিক পীড়া না পাইলে কাহারও বিরুদ্ধে বুথা অভিযোগ করিত না।

শপথ ও দিব্য অভাপি পল্লীগ্রাম মাত্রে প্রচলিত আছে। উহা দারা স্ত্রী-লোকের কলহ, বালকগণের বিবাদ ও অজ্ঞলোকের বৈষয়িক কার্য্য সম্বন্ধীয় বিবাদের মীমাংসা হইয়া থাকে। ধর্মাধিকরণে অভিযোগ উপস্থিত হয় না। (৪)

ত্যজেদেশং কৃত্যুগে ত্রেতায়াং গ্রামমুৎক্ষেও ।

ছাপরে কুলমেকম্ভ কর্তারঞ্চ কলৌ বুগে ॥ ২৫
কৃতেতু লিপ্যতে দেশস্ত্রেতায়াং গ্রাম এবচ ।

ছাপরে কুলমেকম্ভ কলৌ কর্তা বিলিপ্যতে ॥ ২৫
পরাপর সংহিতা, ১ম অধ্যায়
(৪) গোবী জ কাঞ্চনৈবৈঞ্ছং শূজংসবৈশ্বস্ত পাতকৈঃ
পুত্রদারস্ত বাপ্যেবং শিরাংসি স্পর্শয়েৎ পৃথক্ ॥

দেব রান্ধণে পাদাংশু পুত্রদারশিরাংসিচ ।

এতেতুশপথাংপ্রোক্তামম্বনা স্বল্পকারণৈঃ ॥

সাহসেদি শাপেচ দিব্যানিতু বিশোধনং ।

বৃহস্পতি সংহিতা ।

শপথ প্রকারমাহ নারদঃ ।

সত্যবাহন শ্বাণি গোবী জ কনকাণিচ ।

বিচারকার্য্য স্থচাক্বরূপে যথার্থরূপে ও স্থায়ান্থসারী না হইলে পাপ জন্ম, ঐ পাপ চতুর্থা বিভক্ত হইরা প্রথম পাদপরিমিত অংশ রাজার ক্বন্ধে নির্ভর করে। বিভায় পাদপরিমিত ভাগ বিচারকের শরীর ও মনকে স্পর্শ করে। তৃতীয় পাদাংশ সাক্ষীকে আক্রমণ করে। চতুর্থ পাদ প্রমাণাংশ অভিযোক্তাকে পাপী করিয়া থাকে। স্থতরাং দেখা যাইতেছে বিচারকার্য্যের দোষে প্রকৃত পাপকারীর ক্ষম হইতে পাপের ম্ব অংশ বিচারক, নূপতি ও সাক্ষীর ক্ষমে পতিত হইতেছে। এই জ্ঞানটী স্থদৃঢ় থাকাতেই সর্ব্বত্র স্ববিচারই দেখা যাইত অবিচার প্রায়ই দেখা যাইত না।

আর্য্যজাতির মতে ব্যবহারকাগু চারিভাগে বিভক্ত। ইহার প্রথম পাদ পূর্ববপক্ষ। উত্তরপক্ষকে দ্বিতীয় পাদ ধরা যায়। ক্রিয়াকে তৃতীয় পাদ কহা গিয়া থাকে। নির্ণায় দ্বারা ব্যবহারকাণ্ডের চতুর্থ পাদ নির্দ্ধারিত হয়। এক্ষণে দেখা যাইতেছে যে বাদীর কথাগুলি পূর্ববপক্ষ, প্রতিযোগী ব্যক্তির প্রতিবচনগুলি উত্তর-পক্ষ, লেখ্য ও সাক্ষীর বচন প্রমাণাদি ক্রিয়াপক্ষ, নিষ্পত্তিকে নির্ণয়পক্ষ কহা গিয়া থাকে। (৫)

স্পূশেচ্ছিরাংসি পুঞাণাং দারাণাং স্থস্নাস্থপা।

দিব্যতন্ত্বগুত্বচন।

(৫) পাদোহধর্মস্ত কর্ত্তারং পাদঃসাক্ষিণ মিচ্ছতি।

পাদঃ সভাসদঃ সর্বান্ পাদোরাজানমিচ্ছতি॥

এনোগচ্ছতি কর্ত্তারং নিন্দার্হো যত্র নিন্দাতে।

ব্যবহারতন্ত্বগুত মন্থনারদ বৌধায়ন হারীত বচন।

প্র্বপক্ষঃমৃতংপাদো দিতীয়স্চোত্তরঃমৃতঃ॥

বৃহস্পতি সংহিতা।



হা মরি কিবা দেখিত্ব স্থন্দর মধুর স্থপনলহরী !—

নবীন প্রদেশে নবীন গগন,
মধুর মধুর শীতল পবন,
সরস সরসে নীরদ বরণ
সলিল ভ্রমিছে বিহরি ।
কত সরোজিনী সরোবর পরে,
পরিমলময় সদা নৃত্য করে,
ফুটে ফুটে জলে শত থরে থরে,
অপুর্ব স্থবাস বিতরি ।

সরোবর তীরে দ্রাণেতে বিহ্নল, ভ্রমে কত প্রাণী হেরে সে কমল ; পরাণ শরীর স্কবাসে শীতল,

বাজায়ে বাজায়ে বাঁশরী।

শ্রমে কত স্থথে, কত সে আনন্দ;

যেন মাতোয়ারা পেয়ে সে স্থগন্ধ,

সরোবরে পশি পিয়ে মকরন্দ—

চিস্তা, শোক তাপ পাশরি।
ভাকে পদ্মকলি, ভাকে পদ্মনাল,
ঢালে পদ্মমধু পূর্ণ করি গাল;
ভথয়ে স্থরদ নবীন মৃণাল

কতই যতনে আছরি।
আনন্দে অঘোর মধুমন্ত মন,
ত্যজি বারি পুন:, উঠে কতক্ষণ
তীরে বসি ধীরে সেবে সমীরণ
হদয়ে স্থেবর লহরী।

পুন: গিয়া জলে তোলে পদ্মদল—
কোরক বিকচ নলিনী অমল
মকরন্দ লৈয়ে ঢালে অবিরল
পুরিয়া পুরিয়া গাগরী।
পুন: উঠে তীরে মৃত্ত মন্দ বায়,
ধীরে ধীরে সবে তরুতলে ধায়;
নিকুঞ্জ ছাড়িয়া তথন সেথায়
প্রবেশে কতই স্থন্দরী।
মধুমাথা হাসি বদনে বিকাস,
পদ্মমধু বাসে পরাণে উল্লাস,
পদ্ম স্থধা পিয়ে মিটায়ে পিয়াস—

কুবলয়ে বান্ধে কবরী।
বিছায়ে কোমল কমল পাতায়,
স্থশীতল শয়া ভূতলে সাজায়,
চারু মনোহর উপাধান তায়,

প্রথিত নলিনীমঞ্জরী।
তরু তলে তলে হেন মনোহর
কমলের শ্বাগ কোমল স্থানর;
হশ্বফেণনিভ স্থচারু অম্বর
যেন রে মেদিনী উপরি।

এরপে কুস্থম-শয়ন পাতিয়া, বিলাসিনীগণ হাসিয়া হাসিয়া, হদয়বল্লভ পারশে বসিয়া

ছড়ায় বিলাস লহরী;
কেহ বা খুলিয়া গ্রীবার ভূষণ,
হেমময় মালা জড়িত রতন,

পরায়ে প্রিয়েরে করিয়া যতন, (थनाय नयन-जरूती: অলকার চুল কেহ বা খুলিয়া, জড়ায়ে জড়ায়ে বিননী তুলিয়া, বঁধুরে বাঁধয়ে, সোহাগে গলিয়া, অধরে হাসির মাধুরী; কেহ বা আপন নয়ন-অঞ্জন তুলিয়া বিলাসে করে বিলেপন প্রিয় আঁখি পরে—সলাজ বদন, চঞ্চল বসনে সম্বরি; কোন বা ললনা ছলিয়া চাতরে, রাকা পদ তুলি প্রিয়-হাদি পরে, অলক্ত লাম্বনে দেহ চিহ্ন করে, জানাতে প্রেমের চাকরি। এরপে বসিয়া যতেক লগনা,• হাব, ভাব, হাসি প্রকাশে ছলনা; কেহ বা শিয়রে, কোন বা অঙ্গনা চরণ পারশে প্রহরী। বসিয়া এভাবে যতেক স্থন্দরী, মধুর ললিত মোহন বাঁশরী, স্থরেতে বাঁধিয়া আলাপ আচরি পূরিছে পল্লববল্লরী। সে স্থরতরকে মিলিয়া তথন উঠিল সঙ্গীত পুরিয়া কানন— খ্যামা, কলকণ্ঠ, শারী অগণন "বউ কথা কও" স্থন্দরী উঠিল ডাকিয়া, পুরি চারি দিক— বেণু বীণা রব মধুর অধিক জগৎ সংসার করিল অলীক, ছড়ায়ে গীতের লহরী। বাঁণীতে বাজিছে—"কিবা সে সংসার" কোকিলা ভাষিছে—"সে সব মিছার" "শ্রম, আশা ভ্রম সকলি অসার" প্রতিধানি উঠে কুহরি;—

"কি হবে জীবনে, প্রেমের আমোদে পরাণ যদি না মাতে ! "রসের বাগান স্থথের মেদিনী নারী-ফুল ফুটে তাতে। "যে জানে মথিতে এ সুথ জলধি সেই সে পীযুষ পায়; "সথের বাজার স্থথের মেদিনী রসের বেসাতি তায় !" "হায় সে পীযুষ! কিবা তার সম ভাব রে ভাবুক মনে ! "হায়-ধন, মান, যশ, প্রাণের নিগড়! কণ্টক আশার বনে ! "এ যে স্থথের ধরণী, ভাবনা উদাস ইহাতে নাহিক সাজে: "হেথা প্রাণের সারঙ্গ প্রমোদে মাজিলে তবে সে আনন্দে বাজে! "শুধু—রসিক যে জন রসের ধরায় সেই সে হরষ পায় ! "ডুবে নারীস্থধাকৃপে লভে প্রেমস্থধা দ্বিজ এই গীত গায়।" বিহগঃ বিটপী, বাশরী, বীণাতে এই গীত শুধু বরিষে প্রপাতে; মাতিল তাহাতে প্রক্বতি যেন বা বিক্যাসি বেশের চাতরি। হইল বিকাস; চারু কিসলয় তরুরাজি কোলে মৃত্ মৃত্ খাস কুস্থম চুম্বিল মলয় বাতাস---লতিকা উঠিল শিহরি ; তুলিয়া কলাপ মদন বিধুর নাচিতে লাগিল উন্মন্ত ময়ুর; नवीन जनम निनामि मधुद গগন রাখিল আবরি।

গাঢ়তর আরো বাজিল বাদন, গাঢ়তর আরো গীত বরিষণ গাঢ়তর বেশ আরো সে ভূবন---আঁধারিল যেন শর্বারী। যত তক্ষ ছিল পড়িল লুটিয়া, বিটপে বিটপে লভা বিনাইয়া, করিল মণ্ডপ কুম্বমে ভৃষিয়া, ধীর নাদে মৃত্ মর্মরি! মণ্ডপে মণ্ডপে যুগল যুগল, স্থতক্রা অলসে শরীর নিচল, পড়িল পরাণী—অসাড সকল— রহিল চেতনা সংহরি। একাকী তথন ভ্ৰমিয় সে দেশ: চারিদিকে খালি হেরি চারু বেশ কমল-সরসী, কোমল প্রদেশ রাজিছে ভূতল উপরি; পাতিয়া নলিনী যত প্রাণিগণ সরোবর তীরে স্থথে নিমগন, কেবলি নির্থি, যতই ভ্রমণ করি সে অপূর্ব্ব নগরী! ষড় ঋতু ক্রমে কত আসে যায়— প্রাবৃটের কোলে নিদাঘ জুড়ায়, প্রারুট আবার শরতে লুকার, • নিশিরে করিয়া স্থলরী: শিশিরের কোলে হিমঋতু আসে: নিশি-অশুজলে তরুদল ভাসে: প্রাণী সে সকল তথনও বিলাসে অংঘার দিবস শর্কারী। যতদিন কুধা জঠরে না জলে, সেই ভাবে তারা পড়িয়া ভূতলে, অচেতন চিতে থাকয়ে বিহুবলে-জগত সংসার পাশরি। বসস্ত ফিরিয়া আইলে আবার জাগিয়া করয়ে মূণাল আহার,

कमल-शीय्य शिरा शूनकीत, পড়য়ে চেতনা সম্বরি। কত যে আনন্দে প্রকৃতি খেলায় ঋতুতে ঋতুতে ঘটনা ছলায় !---নাহি জানে তারা—দিবস নিশায় স্বভাবের কত চাতরি। নাহি দেখে কভু সে শোভার মুধ ! ঘোরতর যবে প্রকৃতির বুক ঘনঘটাক্রালে-পতন উন্মুখ বিজ্ঞলি বেডায় বিচরি। না বুঝিতে পারি কি শোভা তথন! গগনের কোলে যবে প্রভঞ্জন চলে দম্ভ করি ছাডিয়া গর্জন— নাচয়ে প্রকৃতি স্থন্দরী! নেচে নেচে যবে ঘন ঘন ফোঁটা পড়ে ধরাতলে ভেদি গিরি কোঠা সরিৎ সরদী উলটা পালটা অদুখ্য কন্দর শিথরী। তথন হৃদয়ে যে ভাব গভীর করে আন্দোলন, অবীর শরীর— না জানে তাহারা, না ভাবে মহীর কত সে ঐশ্বর্যা-লহরী। যে ভাব পরশে প্রাণে পুষ্প ফুটে থাকে চিরকান, প্রাণিচিত্ত পুটে, নিত্য পরিমল নিত্য যাহে উঠে জগতে সঞ্চারি মাধুরী;— যে ভাব পরশে মানবের মন বেডায় জগৎ করি বিদারণ, করে তেজোজালে পৃথিবী দাহন— জীবন মরণ বিশ্বরি ;— না পরশে কভু তাদের পরাণ; জীবন কাটায় করি মধু গান; নারীগত মান—নারীগত প্রাণ, নারী পায়ে ধরা চাকরিঁ!

এইরূপে হেরি সে চারু অঞ্চল ; গেল কত কাল ভ্ৰমিতে কেবল; শেষে যেন প্রাণ হইল বিকল ভাবিয়া সে ঘোর শর্বারী। ভাবিয়া ক্লয়ে উদয় ধিকার. নরজাতি বৃঝি নাহি হেন আর ? ধৃধৃ করে শৃত্ত পুরাকাল যার— হেরে উঠে প্রাণ শিহরী। হায় রে কিরূপে এ ছার জীবন এ ভাবে, এখানে, যাপে প্রাণিগণ ! ভূলে কি ইহারা ভাবে না কখন এ বিলাস ভোগ পাশরি ? কালচিত্রপটে যদি ফিরে চায় গুরুদত্ত ধন কি দেখিতে পায় ? কিবা সে সঙ্কেত আছে রে কোথায়— ভ্রমিতে সংসার ভিতরি। পিতৃকুলগত কোন মহাভাগে দিয়াছে স্থমন্ত্র ? শুনে অন্থরাগে পুন: জীয়ে প্রাণ, পুন: ছুটে আগে ভবিষ্য-তরক্ষে উতরি। নরজাতি যত হের ধরা মাঝে সকলেরি চিহ্ন কালবক্ষে সাজে: নির্থিলে তায় হাদিতন্ত্রী বাজে. কুধা তৃষ্ণা যায় পাশরি! এ ছার জাতির কি আছে তেমন, কালের কপালে সঙ্কেত লিখন ? অপূর্ব্ব বা কিবা নৃতন কেতন উড়িছে ভবিয়-উপরি ?

ভাবিতে ভাবিতে কত দূরি যাই, পুরী প্রান্তভাগ নির্থিতে পাই— তেমতি সরস কোমল সে ঠাই, সজ্জিত পল্লববল্লরী। প্রাণিগণ সেথা করিছে বিলাস. তেমতি আকৃতি প্রকৃতি আভাস, সেই নিদ্রা ঘোর, তরুতলে বাস, সেইরূপে নারী প্রহরী। সেখানে রমণী আরো স্থচতুরা, জানে কত আরো ছলনা মধুরা, সদা মনে ভয় পাছে সে বঁধুরা ছাড়িয়া পলায় নগরী। কাছে কাছে আছে সোণার পিঞ্লর. স্থুবৰ্ণ শিকলি শতেক লহর; যদি কেহ উঠে শুনে অন্য স্বর বিলাস প্রমোদ পাশরি;— অমনি তাহারে বাঁধে সে শৃত্বলে, অমনি পিঞ্জরে পূরে কত ছলে, কত কাঁদে প্রাণী, ভাসে চক্ষু জলে, তবু সে না ছাড়ে স্থন্দরী। ভয়ে কাঁপে প্রাণ ভেবে সে প্রথায়; ভাবি কেন, হায়, প্রবেশি সেথায়, কিরূপে বাঁচিব করি কি উপায়, কিরপে ছাড়ি সে নগরী! হেন কালে দেখি বিফারি নয়ন, বিশ্বয়ে বিমুগ্ধ, সেই প্রাণিগণ, আমারি স্বদেশী—নহে সে স্বপন !— থেলিছে বঙ্গের উপরি।

আহা মরি কিবা দেখির স্থন্দর অপূর্ব্ব স্থপন লহরী!



সপ্তত্তিংশতম পরিচ্ছেদ পূর্ব্ব কথা

🗲 ব্ৰ কথা যাহা বলি নাই এক্ষণে সংক্ষেপে বলিব।

🏒 যে দিন আমিয়ট, ফষ্টরের সহিত, মুঙ্গের হইতে যাত্রা করিলেন, সেই **मिन मैक्सान क**रिएक करिएक त्रभानन्त्रसाभी क्यानिल्यन त्य, क्ष्टेत ও मलनीत्रभभ প্রভৃতি একত্রে আমিয়টের সঙ্গে গিয়াছেন। গঙ্গাতীরে গিয়া চন্দ্রশেখরের সাক্ষাৎ পাইলেন। তাঁহাকে এ সম্বাদ অবগত করিলেন, বলিলেন, "এখানে তোমার আর থাকিবার প্রয়োজন কি-কিছুই না। তুমি স্বদেশে প্রত্যাগমন কর। শৈবলিনীকে আমি কাশী পাঠাইব। তুমি যে পরহিতব্রত গ্রহণ করিয়াছ অন্ত হইতে তাহার কার্য্য কর। এই যবনকন্সা ধর্মিষ্ঠা, এক্ষণে বিপদে পতিতা হইয়াছে, তুমি ইহার পশ্চাদমুসরণ কর; যখনই পারিবে, ইহার উদ্ধারের উপায় করিও। প্রতাপও তোমার আত্মীয় ও উপকারী, তোমার জ্ঞতই এ ছর্দ্দশাগ্রস্ত ; ভাহাকে এ সময়ে ভ্যাগ করিতে পারি না। তাহাদিগের অনুসরণ কর।" চল্রদেখর নবাবের নিকট সম্বাদ দিতে চাহিলেন, রমানন্দস্বামী নিষেধ করিলেন, বলিলেন, "আমি সেখানে সম্বাদ দেওয়াইব।" চল্রশেখর গুরুর আদেশে, অগত্যা, একখানি ক্ষুত্র নৌকা লইয়া আমিয়টের অনুসরণ করিতে লাগিলেন। রমানন্দস্বামীও সেই অবধি, শৈবলিনীকে কাশী পাঠাইবার উত্যোগে, উপযুক্ত শিয়ের সন্ধান করিতে প্রবৃত্ত হইলেন। তথন অকস্মাৎ জানিলেন যে শৈবলিনী পৃথক্ নৌকা লইয়া ইংরেজের অমুসরণ করিয়া চলিয়াছে। রমানন্দস্বামী বিষম সন্ধটে পড়িলেন। এ পাপিষ্ঠা কাহার অনুসরণে প্রাবৃত্ত হইল, ফষ্টরের না চন্দ্রশেখরের ? রমানন্দস্বামী, মনে মনে ভাবিলেন, "বৃঝি চন্দ্রশেখরের জন্ম আবার আমাকে সাংসারিক ব্যাপারে লিপ্ত হইতে হইল।" এই ভাবিয়া তিনিও সেই পথে চলিলেন।

রমানন্দস্থামী, চিরকাল পদব্রজে দেশ বিদেশ ভ্রমণ করিয়াছেন,—উৎকৃষ্ট পরিব্রাজক। তিনি তটপত্থে, পদব্রজে, শীস্ত্রই শৈবলিনীকে পশ্চাৎ করিয়া আসিলেন; বিশেষ তিনি আহার নিজার বশীভূত নহেন, অভ্যাসগুণে সে সকলকে বশীভূত করিয়াছিলেন। ক্রেমে আসিয়া চন্দ্রশেখরকে ধরিলেন। চন্দ্রশেখর তীরে রমানন্দস্বামীকে দেখিয়া, তথায় আসিয়া তাঁহাকে প্রণাম করিলেন।

রমানন্দকামী বলিলেন, "একবার, নবদ্বীপে, অধ্যাপকদিগের সঙ্গে আলাপ করিবার জন্ম বঙ্গদেশে যাইব, অভিলাষ করিয়াছি। চল, তোমার সঙ্গে যাই।" এই বলিয়া রমানন্দস্বামী চন্দ্রশেখরের নৌকায় উঠিলেন।

ইংরেজের বহর দেখিয়া তাঁহারা ক্ষুদ্র তরণী নিভ্তে রাখিয়া তীরে উঠিলেন। দেখিলেন, শৈবলিনীর নৌকা আসিয়াও, নিভ্তে রহিল; তাঁহারা ছই জনে তীরে প্রচ্ছন্নভাবে থাকিয়া সকল দেখিতে লাগিলেন। দেখিলেন, প্রতাপ শৈবলিনী সাঁতার দিয়া পলাইল। দেখিলেন, তাহারা নৌকায় উঠিয়া পলাইল। তখন তাঁহারাও নৌকায় উঠিয়া তাহাদিগের পশ্চাঘর্ত্তী হইলেন। তাহারা নৌকা লাগাইল, দেখিয়া তাঁহারাও কিছুদ্রে নৌকা লাগাইলেন। রমানন্দস্বামী, অনস্তবৃদ্ধিশালী—চন্দ্রশেখরকে বলিলেন, "সাঁতার দিবার সময় প্রতাপ শৈবলিনীতে কি কথোপকথন হইতেছিল, কিছু শুনিতে পাইয়াছিলে ?"

চ। না।

র। তবে, অন্তরাত্রে নিজা যাইও না। উহাদের প্রতি দৃষ্টি রাখ।

উভয়ে জাগিয়া রহিলেন। দেখিলেন, শেষ রাত্রে শৈবলিনী নৌকা হইতে উঠিয়া গেল। ক্রমে তীরবনমধ্যে প্রবেশ করিয়া অদৃশ্য হইল। প্রভাত হয় তথাপি ফিরিল না। তখন, রমানন্দস্বামী চন্দ্রশেখরকে বলিলেন, "কিছু বৃঝিতে পারিতেছি না, ইহার মনে কি আছে। চল, ইহার অনুসরণ করি।"

তখন উভয়ে সতর্কভাবে শৈবলিনীর অনুসরণ করিলেন। সন্ধ্যার পর মেঘাডম্বর দেখিয়া রমানন্দস্বামী বলিলেন, "তোমার বাহুতে বল কত ?"

চন্দ্রশেখর, হাসিয়া, একখণ্ড বৃহৎ প্রস্তর একহস্তে তুলিয়া দূরে নিংক্ষেপ করিলেন।

রমানন্দস্বামী বলিলেন, "উত্তম। শৈবলিনীর নিকটে গিয়া অন্তরালে বসিয়া থাক, শৈবলিনী আগতপ্রায় রাত্যায় সাহায্য না পাইলে, স্ত্রীহত্যা হইবে। নিকটে এক গুহা আছে। আমি তাহার পথ চিনি। আমি যখন বলিব, তখন তুমি শৈবলিনীকে ক্রোড়ে লইয়া আমার পশ্চাৎ পশ্চাৎ আসিও।"

- চ। এখনই ঘোরতর অন্ধকার হইবে, পথ দেখিব কি প্রকারে?
- র। আমি নিকটেই থাকিব। আমার এই দণ্ডাগ্রভাগ তোমার মৃষ্টিমধ্যে দিব। অপর ভাগ আমার হস্তে থাকিবে।

শৈবলিনীকে গুহায় রাখিয়া, চন্দ্রশেখর বাহিরে আসিলে, রমানন্দ্রামী মনে মনে ভাবিলেন, "আমি এতকাল সর্ব্বশাস্ত্রাধ্যয়ন করিলাম, সর্ব্বপ্রকার মনুখ্যের সহিত আলাপ করিলাম, কিন্তু সকলই বৃথা! এই বালিকার মনের কথা বৃঝিতে পারিলাম না! এ সমুদ্রের কি তল নাই!" এই ভাবিয়া চন্দ্রশেখরকে বলিলেন, "নিকটে এক পার্ববিত্য মঠ আছে, সেইখানে অন্ত গিয়া বিশ্রাম কর। কল্য প্রাতে পুনরপি যবনীর অনুসরণ করিবে। মনে জানিও, পরহিত ভিন্ন তোমার ব্রত নাই। তাহার উদ্ধার সম্পন্ন করিয়া, তুমি এইখানে আসিও। সেই মঠে আমার সঙ্গে সাক্ষাৎ করিও। শৈবলিনীর জন্ম চিন্তা করিও না, আমি এখানে রহিলাম। কিন্তু তুমি আমার অনুমতি ব্যতীত শৈবলিনীর সঙ্গে সাক্ষাৎ করিও না। তুমি যদি আমার মতে কার্য্য কর, তবে শৈবলিনীর প্রমোপকার হইতে পারে।"

চক্রশেশর বলিলেন, "আমি মুরশিদাবাদ পর্য্যন্ত যাইব। মুরশিদাবাদে গেলে যবন-কন্সার উদ্ধারের অবশ্য উপায় করিতে পারিব। বর্ষারন্তে গঙ্গা অত্যন্ত বেগবতী হইয়াছেন—নৌকাপন্থে যাইব, তটপন্থে ফিরিব। অন্সের দ্বিগুণ পথ আমি চলিতে পারি। সপ্তাহ মধ্যে আমি ফিরিয়া আসিব।" এই বলিয়া চক্রশেশর বিদায় হইলেন। রমানন্দস্বামী, তাহার পর, অন্ধকারে, অলক্ষ্যে গুহামধ্যে প্রবেশ করিলেন।

তাহার পর যাহা যাহা ঘটিল, পাঠক সকলই জ্বানেন।

চন্দ্রশেখর, দলনীকে মহম্মদ তকির নিকট রাখিয়া, আত্যস্তিক পরিশ্রম করিয়া, অষ্টম রাত্রে সেই পার্ববভ্য মঠে আসিয়া রমানন্দস্বামীকে প্রণাম করিলেন। রমানন্দস্বামী সপ্তাহ বৃত্তাস্ত তাঁহাকে সবিস্তারে, অবগত করিয়া, প্রভাতে গুহামধ্যে প্রবেশ করিতে উপদেশ দিলেন। তাহার পর যাহা ঘটিল, তাহাও বিবৃত করা গিয়াছে।

উন্মাদগ্রস্তা শৈবলিনীকে চক্রশেখর সেই মঠে রমানন্দস্বামীর নিকটে লইয়া গেলেন। কাঁদিয়া বলিলেন, "গুরুদেব! এ কি করিলে ?"

রমানন্দস্বামী, শৈবলিনীর অবস্থা সবিশেষ পর্য্যবেক্ষণ করিয়া, ঈষৎ হাস্থা করিয়া কহিলেন, "ভালই হইয়াছে। চিস্তা করিও না। তুমি এইখানে তুই একদিন বিশ্রাম কর। পরে ইহাকে সঙ্গে করিয়া স্বদেশে লইয়া যাও। যে গৃহে ইনি বাস করিতেন, সেই গৃহে ইহাকে রাখিও। যাঁহারা ইহার সঙ্গী ছিলেন, তাঁহাদিগকে সর্ববদা ইহার কাছে থাকিতে অনুরোধ করিও। প্রভাপকেও সেখানে মধ্যে মধ্যে আসিতে বলিও। আমি পশ্চাৎ যাইতেছি।"

গুরুর আদেশ মত, চম্রশেখর শৈবলিনীকে গ্রহে আনিলেন।

অষ্ঠত্রিংশতম পরিচ্ছেদ

ভকুম

ইংরেজের সহিত যুদ্ধ আরম্ভ হইল। মীরকাশেমের অধঃপতন আরম্ভ হইল। মীরকাশেম প্রথমেই কাটোয়ায় যুদ্ধ হারিলেন। তাহার পর গুরগণ থাঁর অবিশ্বাসিতা প্রকাশ পাইতে লাগিল। নবাবের যে ভরসা ছিল, সে ভরসা নির্বাণ হইল। নবাবের এই সময়ে বৃদ্ধির বিকৃতি জ্বন্মিতে লাগিল। বন্দী ইংরেজ্বদিগকে বধ করিবার মানস করিলেন। অস্থাস্থ সকলের প্রতি অহিতাচরণ করিতে লাগিলেন। এই সময়ে মহম্মদ তকির প্রেরিত দলনীর সম্বাদ পোঁছিল। জ্বলম্ভ অগ্নিতে ম্বতাছতি পড়িল। ইংরেজেরা অবিশ্বাসী হইয়াছে—সেনাপতি অবিশ্বাসী বোধ হইতেছে—রাজ্যলক্ষ্মী বিশ্বাস্থাতিনী—আবার দলনীও বিশ্বাস্থাতিনী ? আর সহিল না। মীরকাশেম মহম্মদ তকিকে লিখিলেন, "দলনীকে এখানে পাঠাইবার প্রয়োজন নাই। তাহাকে সেইখানে বিষপান করাইয়া বধ করিও।"

মহম্মদ তকি স্বহস্তে বিষের পাত্র লইয়া দলনীর নিকট গেল। মহম্মদ তকিকে তাঁহার নিকটে দেখিয়া দলনী বিম্মিতা হইলেন। ক্রুদ্ধ হইয়া বলিলেন, "এ কি খাঁ সাহেব, আমাকে বেইয়াত করিতেছেন কেন ?"

মহম্মদ ভকি কপালে করাঘাত করিয়া কহিল, "কপাল! নবাব আপনার প্রতি অপ্রসন্ধ।"

দলনী হাসিয়া বলিলেন, "আপনাকে কে বলিল ?"
মহম্মদ তকি, বলিল, "না বিশ্বাস করেন, পরওয়ানা দেখুন।"

দ। তবে আপনি পরওয়ানা পড়িতে পারেন নাই।

মহম্মদ তকি দলনীকে নবাবের সহিমোহরের পরওয়ানা পড়িতে দিলেন। দলনী পরওয়ানা পড়িয়া, হাসিয়া দূরে নিঃক্ষেপ করিলেন। বলিলেন, "এ জ্বাল। আমার সঙ্গে এ রহস্ত কেন ? মরিবে সেই জন্ত ?"

মহ। আপনি ভীতা হইবেন না। আমি আপনাকে রক্ষা করিতে পারি ?
দ। ও হো! তোমার কিছু মতলব আছে! তুমি জাল পরওয়ানা লইয়া
আমাকে ভয় দেখাইতে আসিয়াছ ?

মহ। তবে শুরুন। আমি নবাবকে লিখিয়াছিলাম যে আপনি আমিয়টের নৌকায় তাহার উপপত্নী স্বরূপ ছিলেন। সেই জন্ম এই হুকুম আসিয়াছে।

শুনিয়া দলনী জ্র কৃঞ্চিত করিলেন। স্থিরবারিশালিনী ললাট-গঙ্গায় তরঙ্গ উঠিল—জ্রধন্তে মশ্মথ, চিস্তাগুণ দিল—মহম্মদ তকি মনে মনে প্রমাদ গণিল। দলনী বলিলেন, "কেন লিখিয়াছিলে ?" মহম্মদ তকি আমুপূর্বিক আভোপাস্ত সকল কথা বলিল। তখন দলনী বলিলেন, "দেখি পরওয়ানা আবার দেখি।"

মহম্মদ তকি পরওয়ানা আবার দলনীর হত্তে দিল। দলনী বিশেষ করিয়া দেখিলেন। বলিলেন, "যথার্থ বটে। জ্বাল নহে। কই বিষ ?"

"কই বিষ ?" শুনিয়া মহম্মদ তকি বিস্মিত হইল। বলিল, "বিষ কেন ?"

দ। পরওয়ানায় কি ছকুম আছে ?

মহ। আপনারে বিষপান করাইতে।

म। তবে कई विष ?

মহ। আপনি কি বিষপান করিবেন না কি ?

দ। আমার রাজার হুকুম আমি কেন পালন করিব না ?

মহম্মদ তকি মর্ম্মের ভিতর লঙ্চায় মরিয়া গেল। বলিল, "যাহা হইয়াছে, হইয়াছে। আপনাকে বিষপান করিতে হইবে না। আমি ইহার উপায় করিব।"

দলনীর চক্ষ্ হইতে ক্রোধে অগ্নিফাুলিঙ্গ নির্গত হইল। সেই ক্ষুদ্র দেহ উন্নত করিয়া দাঁড়াইয়া দলনী বলিলেন, "যে তোমার মত পাপিষ্ঠের কাছে প্রাণদান প্রহণ করে, সে তোমার অপেক্ষাও অধম—বিষ আন।"

মহম্মদ তকি দলনীকে দেখিতে লাগিল। স্থন্দরী—নবীনা, সবে মাত্র যৌবন-বর্ষায়, রূপের নদী পুরিয়া উঠিতেছে—ভরা বসস্তে অঙ্গ-মুকুল সব ফুটিয়া উঠিয়াছে। বসন্ত বর্ষায় একত্রে মিশিয়াছে। যাকে দেখিতেছি—সে ছু:খে ফাটিতেছে —কিন্তু আমার দেখিয়া কত স্থুখ! জগদীশ্বর! ছু:খ এত স্থন্দর করিয়াছ কেন? সর্পের এত রূপ দিয়াছ কেন? এই যে কাতরা বালিকা—বাত্যাতাড়িত প্রফ্রুটিত কুসুম—তরঙ্গোৎপীড়িতা প্রমোদ-নৌকা—ইহাকে লইয়া কি করিব—কোথায় রাখিব? সয়তান আসিয়া তকির কাণে কাণে বলিল—"হাদয়-মধ্যে।"

তকি বলিল, "শুন স্থন্দরি—আমাকে ভজ্জ—বিষ খাইতে হইবে না।" শুনিয়া দলনী—লিখিতে লঙ্জা করে—মহম্মদ তকিকে পদাঘাত করিলেন। মহম্মদ তকির বিষ দান করা হইল না—মহম্মদ তকি দলনীর প্রতি, অর্জি দৃষ্টিতে চাহিতে চাহিতে ধীরে, ধীরে, ধীরে ফিরিয়া গেল।

তখন দলনী মাটিতে লুটাইয়া পড়িয়া, কাঁদিতে লাগিলেন—"ও রাজরাজেশ্বর! শাহানশাহা! বাদশাহের বাদশাহ! এ গরিব দাসীর উপর কি হুকুম
দিয়াছ! বিষ খাইব ? তুমি হুকুম দিলে, কেন খাইব না! তোমার আদরই আমার
অমৃত! তোমার ক্রোধই আমার বিষ—তুমি যখন রাগ করিয়াছ—তখন আমি
বিষপান করিয়াছি। ইহার অপেক্ষা বিষে কি অধিক যন্ত্রণা! হে রাজাধিরাজ—
জগতের আলো—অনাথার ভরসা—পৃথিবী-পতি—ঈশ্বের প্রতিনিধি—দয়ার-সাগর

—কোথায় রহিলে ?—আমি ভোমার আদেশে হাসিতে হাসিতে বিষপান করিব—কিন্তু তুমি দাঁড়াইয়া দেখিলে না,—এই আমার ছঃখ।"

করিমন নামে একজন পরিচারিকা দলনী বেগমের পরিচর্য্যায় নিযুক্ত ছিল। তাহাকে ডাকিয়া, দলনী আপনার অবশিষ্ট অলঙ্কার তাহার হস্তে দিলেন। বলিলেন, "লুকাইয়া হকিমের নিকট হইতে আমাকে এমত ঔষধ আনিয়া দাও—যে আমার নিজা আসে—সে নিজা আর না ভাঙ্গে। মূল্য এই অলঙ্কার বিক্রয় করিয়া দিও। বাকি যাহা থাকে তুমি লইও।"

করিমন, দলনীর অশ্রুপূর্ণ চক্ষু দেখিয়া ব্ঝিল। প্রথমে সে সমত হইল না—দলনী পুনঃ পুনঃ উত্তেজনা করিতে লাগিলেন। শেষে মৃখ, লুব্ব জ্বীলোক, অধিক অর্থের লোভে, স্বীকৃত হইল।

হকিম ঔষধ দিল। মহম্মদ তকির নিকট হরকরা আসিয়া গোপনে সম্বাদ দিল—"করিমন বাঁদী আজ এই মাত্র হকিম মেরজা হবীবের নিকট হইতে বিষ ক্রেয় করিয়া আনিয়াছে।"

মহম্মদ তকি করিমনকে ধরিলেন। করিমন স্বীকার করিল। বলিল "বিষ দলনী বেগমকে দিয়াছি।"

মহম্মদ তকি শুনিয়াই দলনীর নিকট আসিলেন। দেখিলেন দলনী আসনে উদ্ধান্থ, উদ্ধান্তিতে, যুক্তকরে বসিয়া আছেন—বিস্ফারিত পদ্মপলাশ চক্ষু হইতে জলধারার পর জলধারা গগু বহিয়া বস্ত্রে আসিয়া পড়িতেছে—সম্মুখে শৃত্য পাত্র পড়িয়া আছে—দলনী বিষপান করিয়াছেন।

মহম্মদ তকি জিজ্ঞাসা করিলেন, "এ কিসের পাত্র পড়িয়া আছে ?"

দলনী বলিলেন, "ও বিষ। আমি তোমার মত নিমকহারাম নই—প্রাভুর আজ্ঞা পালন করিয়া থাকি। তোমার উচিত—আমার এই উচ্ছিষ্ট পান করিয়া আমার সঙ্গে আইস।"

মহম্মদ তকি নিঃশব্দে দাঁড়াইয়া রহিল। দলনী ধীরে, ধীরে, শয়ন করিল। চক্ষু বৃজ্জিল। সব অন্ধকার হইল। দলনী চলিয়া গেল।

উনচত্বারিংশতম পরিচ্ছেদ

সমাট ও বরাট

মীরকাশেমের সেনা কাটোয়ার রণক্ষেত্রে পরাভূত হইয়া হঠিয়া আসিয়াছিল।
ভগ্ন কপাল গিরিয়ার ক্ষেত্রে আবার ভাঙ্গিল—আবার যবনসেনা, ইংরেজের বাহুবলে, বায়ুর •নিকট ধূলিরাশির স্থায় তাড়িত হইয়া ছিন্ন ভিন্ন হইয়া গেল।

ধ্বংসাবশিষ্ট সৈন্মগণ, আসিয়া উদয়নালায় আশ্রয় গ্রহণ করিল। তথায় চতু:পার্ষে খাদ প্রস্তুত করিয়া যবনের। ইংরেজ সৈন্মের গতিরোধ করিতেছিলেন।

মীরকাশেম স্বয়ং তথায় উপস্থিত হইলেন। তিনি আসিলে, সৈয়দ আমীর হোসেন, একদা জানাইল যে একজন বন্দী তাঁহার দর্শনার্থ বিশেষ কাতর। তাহার কোন বিশেষ নিবেদন আছে, হজুরে নহিলে তাহা প্রকাশ করিবে না।

মীরকাশেম জিজ্ঞাসা করিলেন, "সে কে ?"

আমীর হোসেন বলিলেন, "একজন স্ত্রীলোক—কলিকাতা হইতে আসিয়াছে। ওয়ারন হৃষ্টিং সাহেব পত্র লিখিয়া তাহাকে পাঠাইয়া দিয়াছেন। সে বাস্তবিক বন্দী নহে। যুদ্ধের পূর্কের পত্র বলিয়া অধীন তাহা গ্রহণ করিয়াছে। অপরাধ হইয়া থাকে, গোলাম হাজির আছে।" এই বলিয়া আমীর হোসেন পত্র পড়িয়া নবাবকে শুনাইলেন।

ওয়ারন হৃষ্টিং লিখিয়াছিলেন, "এ স্ত্রীলোক কে তাহা আমি চিনি না, সে নিতাস্ত কাতর হইয়া আমার নিকটে আসিয়া মিনতি করিল যে, কলিকাতায় সে নিঃসহায়, আমি যদি দয়া করিয়া নবাবের নিকট পাঠাইয়া দিই, তবে সে রক্ষা পায়। আপনাদিগের সঙ্গে আমাদিগের যুদ্ধ উপস্থিত হইতেছে, কিন্তু আমাদের জাতি স্ত্রীলোকের সঙ্গে বিবাদ করে না। এজন্ম ইহাকে আপনার নিকট পাঠাইলাম। ভাল মন্দ কিছু জ্বানি না।"

নবাব পত্র শুনিয়া স্ত্রীলোককে সম্মুখে আনিতে অনুমতি দিলেন। সৈয়দ আমীর হোসেন বাহিরে গিয়া ঐ স্ত্রীলোককে সঙ্গে করিয়া আনিলেন—নবাব দেখিলেন—কুল্সম।

নবাব রুষ্ট হইয়া ভাহাকে বলিলেন, "তুই কি চাহিদ্ বাঁদী—মরিবি—?"

কুল্সম নবাবের প্রতি স্থির দৃষ্টি করিয়া কহিল—"নবাব! তোমার বেগম কোথায়! দলনী বিবি কোথায়!" আমীর হোসেন কুল্সমের বাক্যপ্রণালী দেখিয়া ভীত হইল—এবং নবাবকে অভিবাদন করিয়া সরিয়া গেল।

মীরকাশেম বলিলেন, "যেখানে সেই পাপিষ্ঠা, তুমিও সেইখানে শীস্ত্র যাইবে।"

কুল্সম বলিল, "আমিও, আপনিও। তাই আপনার কাছে আসিয়াছি। পথে শুনিলাম লোকে রটাইতেছে যে, দলনী বেগম আত্মহত্যা করিয়াছেন। সত্য কি!"

নবাব। "আত্মহত্যা! রাজদণ্ডে সে মরিয়াছে। তুই তাহার ত্কর্মের সহায়—তুই কুকুরের দ্বারা ভুক্ত হইবি—" কুল্সম আছড়াইয়া পড়িয়া আর্দ্রনাদ করিয়া উঠিল—এবং বাহা মূখে আসিল তাহা বলিয়া নবাবকে গালি দিতে আরম্ভ করিল। শুনিয়া চারিদিগ্ হইতে সৈনিক, ওমরাহ, ভৃত্য, রক্ষক প্রভৃতি আসিয়া পড়িল—একজন কুল্সমের চূল ধরিয়া তুলিতে গেল। নবাব নিষেধ করিলেন—তিনি বিশ্বিত হইয়াছিলেন। সে সরিয়া গেল। তখন কুল্সম, বলিতে লাগিল, "আপনারা সকলে আসিয়াছেন, ভালই হইয়াছে। আমি এক অপূর্বে কাহিনী বলিব, শুরুন। আমার এক্ষণই বধাজা হইবে—আমি মরিলে আর কেহ তাহা শুনিতে পাইবে না। এই সময় শুরুন। শুরুন, যে শ্ববে বাঙ্গালা বেহারের, মীরকাশেম নামে এক মূর্থ নবাব আছে। দলনী নামে, তাহার বেগম ছিল। সে, নবাবের সেনাপতি গুর্গন খাঁর ভগিনী।"

শুনিয়া, কেহ আর কুল্সমের উপর আক্রমণ করিল না—সকলেই পরস্পারের মুখের দিগে চাহিতে লাগিল—সকলেরই কৌতৃহল বাড়িতে লাগিল। নবাবও কিছু বলিলেন না—কুল্সম বলিতে লাগিল—

"গুর্গন থাঁ ও দৌলাতউল্লেছা ইম্পাহান হইতে পরামর্শ করিয়া জীবিকা-ষেষণে বাঙ্গালায় আসে। দলনী যখন, মীরকাশেমের গৃহে বাঁদী স্বরূপ প্রবেশ করে, তখন উভয়ে উভয়ের উপকারার্থ প্রতিজ্ঞাবদ্ধ হয়।"

কুল্সম তাহার পরে, যে রাত্রে তাহারা তুইজনে গুর্গন খাঁর ভবনে গমন করে, তদ্বুভাস্ত সবিস্তারে বলিল। গুর্গন খাঁর সঙ্গে যে সকল কথাবার্ত্তা হয়, তাহা দলনীর মুখে শুনিয়াছিল, তাহাও বলিল। তৎপরে, প্রত্যাবর্ত্তন, অশারোহী গুর্গন খাঁর সহিত পুনঃ সাক্ষাৎ, চল্রুশেখরের সাহায্য, প্রতাপের গৃহে অবস্থিতি, ইংরেজগণ কৃত আক্রমণ, এবং শৈবলিনী ভ্রমে দলনীরে হরণ, নৌকায় কারাবাস, আমিয়ট প্রভৃতির মৃত্যু, ফষ্টরের সহিত তাঁহাদিগের পলায়ন, শেষে দলনীকে গঙ্গাতীরে ফষ্টর কৃত পরিত্যাগ, এ সকল বলিয়া শেষে বলিতে লাগিল।—

"আমার স্কন্ধে সেই সময় সয়তান চাপিয়াছিল সন্দেহ নাই, নহিলে আমি সে সময়ে বেগমকে কেন পরিত্যাগ করিব ? আমি সেই পাপিষ্ঠ ফিরিঙ্গীর ত্বঃখ দেখিয়া তাহার প্রতি—মনে করিয়াছিলাম সে আমাকে বিবাহ করিবে। মনে করিয়াছিলাম নিজামতের নৌকা পশ্চাৎ আসিতেছে—বেগমকে তুলিয়া লইবে—নহিলে আমি তাহাকে ছাড়িব কেন ? কিন্তু তাহার যোগ্য শান্তি আমি পাইয়াছি —বেগমকে পশ্চাৎ করিয়াই আমি কাতর হইয়া ফস্টরকে সাধিয়াছি যে আমাকেও নামাইয়া দাও—সে নামাইয়া দেয় নাই। কলিকাতায় গিয়া যাহাকে দেখিয়াছি —তাহাকেই সাধিয়াছি যে আমাকে পাঠাইয়া দাও—কেহ কিছু বলে নাই। শুনিলাম হৃষ্টিং সাহেব বড় দ্বালু—তাহার কাছে কাঁদিয়া গিয়া তাঁহার পায়ে

चलपर्भम

ধরিলাম—তাঁহারই কুপায় আসিয়াছি। এখন, তোমরা আমার বধের উত্যোগ কর—আমার আর বাঁচিতে ইচ্ছা নাই।" এই বলিয়া কুলুসম কাঁদিতে লাগিল।

বহুমূল্য সিংহাসনে, শতশত রশ্মি প্রতিঘাতী রত্মরাজ্জির উপরে বসিয়া, বাঙ্গালার নবাব অধোবদনে। এই বৃহৎ সাফ্রাজ্যের রাজ্জণণ্ড, তাঁহার হস্ত হইতে ত স্থালিত হইয়া পড়িতেছে—বহু যত্নেও ত রহিল না। কিন্তু যে অজ্ঞেয় রাজ্য, বিনা যত্নে থাকিত—সে কোথায় গেল! তিনি কুস্থম ত্যাগ করিয়া, কণ্টকে যত্ন করিয়াছেন—কুল্সম সত্যই বলিয়াছে।—বাঙ্গালার নবাব মূর্থ!

নবাব গুমরাহদিগকে সম্বোধন করিয়া বলিলেন, "তোমরা শুন, এ রাজ্য আমার রক্ষণীয় নহে। এই বাঁদী যাহা বলিল, তাহা সত্য—বাঙ্গালার নবাব মূর্য। তোমরা পার, সুবা রক্ষা কর, আমি চলিলাম। আমি রুহিদাসের গড়ে স্ত্রীলোক-দিগের মধ্যে লুকাইয়া থাকিব, অথবা ফকিরি গ্রহণ করিব"—বলিতে বলিতে নবাবের বলিষ্ঠ শরীর প্রবাহ মধ্যে রোপিত বংশখণ্ডের ন্যায় কাঁপিতেছিল—চক্ষের জ্বল সম্বরণ করিয়া মীরকাশেম বলিতে লাগিলেন, "শুন বন্ধুবর্গ! যদি আমাকে সেরাজ্বউন্দোলার স্থায়, ইংরেজে বা তাহাদের অ্মুচরে মারিয়া ফেলে, তবে তোমাদের কাছে আমার এই ভিক্ষা সেই দলনীর কবরের কাছে আমারে কবর দিও। আর আমি কথা কহিতে পারি না—এখন যাও। কিন্তু তোমরা আমার এক আজ্ঞা পালন কর—আমি সেই তকি খাঁকে একবার দেখিব—আলি হিব্রাহিম খাঁ ?"

হিত্রাহিম খাঁ উত্তর দিলেন, নবাব বলিলেন, "তোমার স্থায় আমার বন্ধু জগতে নাই—তোমার কাছে আমার এই ভিক্ষা—তকি খাঁকে আমার কাছে লইয়া আইস।"

হিত্রাহিম খাঁ অভিবাদন করিয়া, তামুর বাহিরে গিয়া, অশ্বারোহণ করিলেন। নবাব তখন বলিলেন, "আর কেহ আমার উপকার করিবে ?"

সকলেই যোড় হাত করিয়া হুকুম চাহিল। নবাব বলিলেন, "কেহ সেই ফ্টরকে আনিতে পার ?"

আমীর হোসেন বলিলেন, "সে কোথায় আছে, আমি ভাহার সন্ধান করিতে চলিলাম ।"

নবাব ভাবিয়া বলিলেন, "আর সেই শৈবলিনীকে? তাহাকে কেহ আনিতে পারিবে?"

মহম্মদ ইর্ফান্ যুক্তকরে নিবেদন করিল, "আমি তাহাকে লইয়া আসিতেছি।" এই বলিয়া মহম্মদ ইর্ফান্ বিদায় হইল।

শেষ কাসেম আলি বলিলেন, "গুর্গন খাঁ কত দূর ?"

অমাত্যবর্গ বলিলেন, "তিনি ফৌজ লইয়া উদয় নালায় আসিতেছেন শুনিয়াছি—কিন্তু এখনও পৌছেন নাই। নবাব, মৃত্ মৃত্ বলিতে লাগিলেন, "ফৌজ! ফৌজ! কাহার ফৌজ?"

একজন কে চুপি চুপি বলিলেন, "তাঁরি।"

অমাত্যবর্গ বিদায় হইলেন। তখন নবাব রত্নসিংহাসন ত্যাগ করিয়া উঠিলেন, হীরকখচিত উফীষ দূরে নিক্ষেপ করিলেন—মৃক্তার হার কণ্ঠ হইতে ছিঁ ড়িয়া ফেলিলেন—রত্নখচিত বেশ অঙ্গ হইতে দূর করিলেন।—তখন নবাব ভূমিতে অবলুষ্ঠিত হইয়া, দলনী! দলনী! বলিয়া উচ্চৈঃস্বরে রোদন করিতে লাগিলেন।

এ সংসারে নবাবি এইরূপ।



নং ১

ক্ষদর্শনে "নবীনা এবং প্রাচীনা" কে লিখিল ? যিনি লিখুন, তিনি মনে করিয়া-ছেন, অবলা স্ত্রীজ্ঞাতি কিছু কথা কহিবে না, অতএব যাহা ইচ্ছা তাহা লিখি। জ্ঞানেন না যে সম্মার্জ্জনী স্ত্রীলোকেরই আয়ুধ।

ভাল, নবীন মহাশয়, আপনারা নবীনা প্রাচীনার গুণ দোষের তুলনা করিয়া-ছেন, নবীন ও প্রাচীনে কি তুলনা হয় না ? তুলনা করিলে দোষের ভাগ কোন্ দিগে ভারি হইবে ?

প্রাচীনের অপেক্ষা নবীনের গুণের মধ্যে দেখি, তোমরা একট ইংরেজি শিখিয়াছ। কিন্তু ইংরেজি শিখিয়া কাহার কি উপকার করিয়াছ ? ইংরেজি শিখিয়া কেরাণীগিরি শিথিয়াছ দেখিতে পাই। কিন্তু মনুযুত্ত ? শুন, প্রাচীনে নবীনে প্রভেদ কি, বলি। প্রাচীনেরা পরোপকারী ছিলেন; তোমরা আত্মোপকারী। প্রাচীনেরা সত্যবাদী ছিলেন; তোমরা কেবল প্রিয়বাদী। প্রাচীনেরা ভক্তি করিতেন, পিতা মাতাকে: নবীনের ভক্তি করা পত্নী বা উপপত্নীকে। প্রাচীনেরা দেবতা ব্রাহ্মণের পূজা করিতেন; তোমাদের দেবতা টেস ফিরিঙ্গী, তোমাদের ব্রাহ্মণ সোনারবেনে। সত্য বটে, তাঁহারা পৌত্তলিক ছিলেন, কিন্তু তোমরা বোতলিক। জ্বগদীশ্বরীর স্থানে, তোমরা অনেকেই ধান্সেশ্বরীকে স্থাপনা করিয়াছ; ব্রহ্মা বিষ্ণু মহেশ্বরের স্থানে, ব্রাণ্ডি, রম, জিন। বিয়র, সেরি, তোমাদের ষষ্ঠী মনসার মধ্যে। বঙ্গীয় বাবুর ভাতৃম্বেহ, সম্বন্ধীর উপর বর্ত্তিয়াছে, অপত্যম্বেহ ঘোড়া কুরুরের উপর বর্ত্তিয়াছে; পিতৃভক্তি আপিসের সাহেবের উপর বর্ত্তিয়াছে, আর মাতৃভক্তি ? পাচিকার উপরে। আমরা অতিথি অভ্যাগত দেখিলে মহাবিপদ্ মনে করি বটে, তোমরা তাহাদিগকে গলা ধাকা দাও। আমরা অলস; তোমরা শুধু অলস নও—তোমরা বাবু! তবে ইংরেজ বাহাছর, নাকে দড়ি দিয়া তোমাদের ঘানিগাছে ঘুরায়, বল নাই বলিয়া ঘোর। আর আমরাও নাকে দড়ি দিয়া ঘুরাই, বুদ্ধি নাই विनया त्यात । आमता त्यथा পড़ा भिथि नार्ट विनया आमात्मत्र धर्मात वसन नार्ट,

আর তোমাদের ? তোমাদের ধর্ম্মের বন্ধন বড় দৃঢ়, কেননা তোমাদের সে বন্ধনের দড়ী, একদিগে তাঁড়ি, আর একদিগে বারস্ত্রী টানিয়া আঁটিয়া দিতেছে; তোমরা ধর্ম-দড়িতে মদের কলসী গলায় বাঁধিয়া, প্রেম-সাগরে ঝাঁপ দিতেছ—গরিব "নবীনা" খুনের দায়ে ধরা পড়িতেছে। তোমাদের আবার ধর্মের ভয় কি ? তোমরা কি মান ? ঠাকুর দেবতা ? যিশুগ্রীষ্ট ? ধর্ম মান ? পাপ পুণ্য মান ? কিছু না—কেবল আমাদের এই আলতা-পরা মল-বেড়া শ্রীচরণ মান; সেও নাতির কালায়।

গ্রীচণ্ডিকা স্থন্দরী দেবী।

নং ২

সম্পাদক মহাশয়! আপনাদের শ্রীচরণে এ কিন্ধরীকুল, কোন দোষে দোষী? আমরা কি জ্ঞানি?—আপনারা শিখাইবেন, আমরা শিথিব—আপনারা গুরু, আমরা শিশ্য,—কিন্তু শিক্ষাদান এক, নিন্দা আর। বঙ্গদর্শনে "নবীনার" প্রতি এত কট ুক্তি কেন?

আমাদের সহস্র দোষ আছে স্বীকার করি। একে দ্রীজাতি, তাতে বাঙ্গালির মেয়ে; জাতিতে কাঠমল্লিকা, তাহাতে মরুভূমে জন্মিয়াছি—দোষ না থাকিবে কেন ? তবে কতকগুলি দোষ, আপনাদেরই গুণে জন্মিয়াছে। আপনাদের গুণে, দোষে নহে। আপনারা আমাদের এত ভাল না বাসিলে, আমাদের এত দোষ ঘটিত না। আপনারা আমাদের সুখী করিয়াছেন, এজন্ম আমারা অলস। মাথার ফুলটি খসিয়া পড়িলে, আপনারা তুলিয়া পরান। আপনারা জল হইয়া যে নলিনী স্থাদয়ে ধারণ করেন, সে কেন স্বচ্ছ সলিলে আপনার রূপের ছায়া দেখিয়া দিন না কাটাইবে ?

আমরা অতিথি অভ্যাগতের প্রতি অমনোযোগী—তাহার কারণ আমরা স্থামী পুত্রের প্রতি অধিক মনোযোগী। আমাদের ক্ষুত্র হৃদয়ে আপনারা এতস্থান গ্রহণ করিয়াছেন যে, অস্ত ধর্মের আর স্থান নাই।

আর—শেষ কথা, আমরা কি ধর্মভীতা নহি? ছি! ধর্মভীতা বলিয়াই, আপনাদিগকে আর কিছু বলিতে পারিলাম না। তোমরাই আমাদিগের ধর্ম। তোমাদের ভয়ে ভীতা বলিয়া, অন্ত ধর্মের ভয় করি না। সকল ধর্ম কর্ম আমরা স্বামী পুত্রে সমর্পন করিয়াছি—অন্ত ধর্ম জানি না। লেখা পড়া শিখাইয়া আমাদিগকে কোন্ ধর্মে বাঁধিবেন? যত শিখান না কেন—আমরা বাঙ্গালির মেয়ে, সকল বন্ধন ছিঁড়িয়া এই পাতিব্রত্য বন্ধনে আপনা আপনি বাঁধা পড়িব। যদি ইহাতে অধর্ম হয়, সে আপনাদের দোষ, আপনাদেরই গুণ। আর, যদি আমার স্থায় মুখরা বালিকার কথায় রাগ না করেন, ভবে জিজ্ঞাসা করি, আপনারা গুরু, আমরা শিষ্য- আপনারা আমাদের কোন্ ধর্ম শিখাইয়া থাকেন?

লেখা পড়া শিখিব ? কেন ? তোমাদের মুখচন্দ্র দেখিয়া যে সুখ, লেখা পড়ায় কি তত ? তোমাদের সুখসাধনে যে ধর্মাশিক্ষা, লেখা পড়ায় কি তত ? দেখ, তোমাদের দেখিয়া আমরা আত্মবিসর্জন শিখিয়াছি, লেখা পড়ায় কি তাহা শিখাইবে ? আর লেখা পড়া শিখিব কখন ? তোমাদের মুখ ভাবিতে ভাবিতে দিন যায়, ছাই লেখা পড়া শিখিব কখন ?

ছि! मांजीमिरगत निन्मा!

গ্রীলক্ষ্মীমণি দেবী।

নং ৩

ভাল, কোন্ রসিকচ্ড়ামণি "নবীনা এবং প্রবীণা" লিখিলেন ?

লেখক মহাশয়! তুমি যা বলিয়াছ, সব সত্য—একটি মিণ্যা নহে। আমরা অলস বটে,—কিন্তু আমরা অলস না হইয়া, কাজ করিয়া বেড়াইলে. তোমাদের দশা কি হইত ? এ বিজরি, তোমাদের হৃদয়াকাশে স্থির না থাকিলে, কাহার প্রতি চাহিয়া, এ দীর্ঘ হৃঃখদারিদ্রাময় জীবন কাটাইতে ? এ সৌদামিনী স্থির না থাকিলে, তোমরা এ সংসারান্ধকারে কোথায় আলো পাইতে ? আমরা কাজ করিব ? করিব, ক্ষতি কি, কিন্তু দেখ যেন, আমাদের তিলেক না দেখিয়া, তোমরা তৈলশৃত্য প্রদীপের মত হঠাৎ নিবিয়া বসিও না; জলশৃত্য মাছের মত বার বার পুচ্ছ আছড়াইতে থাকিও না; আর রাখালশৃত্য (?) বাচুরের মত হাম্বারবে তোমাদের গৃহগোহাল পরিপূর্ণ করিও না। আমরা কাজ করিতে যাইব, কিন্তু তোমরা এ ঢল ঢল চঞ্চল রূপতরক্ষ যে দেখিতে পাইবে না! এ কলকণ্ঠধানি ক্ষণেক না শুনিলে যে গীতিমুগ্ধ হরিণের ত্যায় সংসারারণ্যে যে শব্দান্থেষণ করিয়া বেড়াইবে!—কপাল খানা! আবার বলেন কাজ করে না!

আমরা অতিথি অভ্যাগতকে খাইতে দিই না;—দিব কি, তোমরা যে ঘরে কিছু রাখ না। ইংরেজের আপিসের কি গুণ বলিতে পারি না—যাইবার সময় যাও যেন নন্দহলাল—ফিরে এস যেন কুস্তকর্ণ! নিজের নিজের উদর—এক একটি আধমণি বস্তা—আমরা যাই হিন্দুর মেয়ে, তাই তাহাতে কোন মতে ত্রিশ সের ঠাসিয়া দিই—তার উপর আবার অতিথি অভ্যাগত।

ধর্মের বন্ধনে বাঁধিবেন ? ক্ষতি নাই, কিন্তু যে একাদশী নিরামিষের বাঁধনে বাঁধিয়া রাখিয়াছেন, তার উপর এ বন্ধনে আর কাজ কি ? আপনারা একাদশীর ভার নিন, আমরা লেখা পড়া শিখিয়া,—ধর্মের বন্ধন আঁটো করিয়া বাঁধিতে রাজি আছি। আমার মনে বড় সাধ, একবার আপনাদিগের সঙ্গে অবস্থার বিনিময় করি। গালিগালাজ দিবার আগে, একবার কত সুখ তুঃখ বুঝিয়া লউন। আমরা মরিলে আপনারা, একাদশী করিবেন, নিরামিষ খাইবেন, ঠেঁটি পরিবেন, আপনারা

স্বর্গারোহণ করিলে, আমরা "বিতীয় সংসার" করিব—জীয়স্তে আপনারা সন্তান প্রসব করিবেন, রন্ধনশালার তত্বাবধারণ করিবেন,—বাড়ীতে বিবাহ উপস্থিত হইলে, গোঁপের উপর ঘোমটা টানিয়া বরণডালা মাথায় করিয়া, জীআচার করিবেন, বাসর ঘরে রসের হাসি হাসিয়া বাসর জাগিবেন, স্থথের সীমা থাকিবে না ।—আমরা যোবনে বহি হাতে করিয়া কালেজে যাইব—বয়সকালে, ফিরিঙ্গী খোঁপার উপর, পাগড়ী তেড়া করিয়া বাঁধিয়া আপিসে যাইব—টোনহলে নথ নাড়িয়া স্পীচ করিব,— চস্মার ভিতর হইতে এই চোখের বিলোল কটাক্ষে স্প্তি স্থিতি প্রলয় করিব—সাধের ধর্মের দড়ি গলায় বাঁধিয়া সংসার-গোহালে খোল বিচালি খাইব ।—ক্ষতি কি ! ভোমরা বিনিময় করিবে ? কিন্তু একটা কথা সাবধান করিয়া দিই—ভোমরা যখন মানে বসিবে—আমরা যখন মান ভাঙ্গিতে বসিব—মুখখানি কাঁদো কাঁদো করিয়া, কর্নভূষা একটু ঈষৎ রসের দোলনে দোলাইয়া, এই সভ্রমর সরোজনয়নে একবার চোরা চাহনি চাহিয়া, যখন গহনাপরা হাতথানি, তোমাদের পায়ে দিব— তখন ? তখন কি ভোমরা, আমাদের মত মানের মান রাখিতে পারিবে ?

বড়াই ছাড়িয়া, তাই কর; তোমরা অন্তঃপুরে এসো—আমরা আপিশে যাই। যাহারা সাতশত বৎসর পরের জুতা মাথায় বহিতেছে তাহারা আবার পুরুষ! বলিতে লজ্জা করে না।

প্রীরসময়ী দাসী।



দ্বিতীয় সংখ্যা

(সমুদ্রের গভীরতার পরিমাণ)

কের বিশ্বাস আছে যে, সমুদ্র কত গভীর, তাহার পরিমাণ নাই। অনেকের বিশ্বাস যে সমুদ্র "অতল।"

অনেক স্থানে সমৃদ্রের গভীরতা পরিমিত হইয়াছে। আলেকজান্দ্র্যা নিবাসী প্রাচীন গণিত ব্যবসায়িগণ, অনুমাণ করিতেন যে, নিক্টস্থ পর্বত সকল যত উচ্চ, সমৃত্রেও তত গভীর। ভূমধ্যস্থ (Mediteranean) সমৃদ্রের অনেকস্থানে ইহার পোষক প্রমাণ পাওয়া গিয়াছে। তথায় এ পর্য্যস্ত ১৫০০০ ফিটের অধিক জল পরিমিত হয় নাই—আল্প্স্ পর্ব্বত শ্রেণীর উচ্চতাও ঐরপ।

মিশর ও সাইপ্রস দ্বীপের মধ্যে ছয় সহস্র ফিট, আলেকজান্দ্রা ও রোড্সের মধ্যে নয়সহস্র নয়শত, এবং মাল্টায় পূর্বে ১৫০০ ফিট জল পাওয়া গিয়াছে। কিন্তু তদপেক্ষা অস্থাস্থ সমুদ্রে অধিকতর গভীরতা পাওয়া গিয়াছে। হস্বোলটের কম্মস্ প্রস্থে লিখিত আছে যে, একস্থানে ২৬০০০ ফিট রশী নামাইয়া দিয়াও তল পাওয়া যায় নাই—ইহা চারি মাইলের অধিক। ডাক্তার স্কোরেস্বি লিখেন যে সাত মাইল রশী ছাড়িয়া দিয়াও তল পাওয়া যায় নাই। পৃথিবীর সর্ব্বোচ্চতম পর্ববিভশুক্ব পাঁচ মাইল মাত্র উচ্চ।

কিন্তু গড়ে, সমুন্দ কত গভীর, তাহা না মাপিয়াও গণিতবলে জানা যাইতে পারে। জলোচ্ছাসের কারণ সমুদ্রের জলের উপর সূর্য্য চল্রের আকর্ষণ। অতএব জলোচ্ছাসের পরিমাণের হেতু, (১) সূর্য্য চল্রের গুরুত্ব, (২) তদীয় দূরতা, (৩) তদীয় সম্বর্ত্তন কাল, (৪) সমুদ্রের গভীরতা। প্রথম, দ্বিতীয় এবং তৃতীয় তত্ত্ব আমরা জ্ঞাত আছি; চতুর্থ আমরা জ্ঞানি না, কিন্তু চারিটির সমবায়ের ফল, অর্থাৎ জলোচ্ছাসের পরিমাণ, আমরা জ্ঞাত আছি। অতএব অজ্ঞাত চতুর্থ সমবায়ী কারণ অনায়াসেই গণনা করা যাইতে পারে। আচার্য্য হটন এই প্রকারে গণনা করিয়া স্থির করিয়াছেন যে সমূজ, গড়ে, ৫.১২ মাইল, অর্থাৎ পাঁচ মাইলের কিছু অধিক মাত্র গভীর। লাপ্লাস ব্রেষ্ট নগরে জলোচ্ছাস পর্য্যবেক্ষণের বলে যে "Ratio of Semidiurnal Co-efficients" স্থির করিয়াছিলেন, তাহা হইতেও এইরূপ উপলব্ধি করা যায়।

(취약)

সচরাচর শব্দ প্রতি সেকেণ্ডে ১০৩৮ ফিট গিয়া থাকে বটে, কিন্তু বের্থেম ও ব্রেগেট নামক বিজ্ঞানবিৎ পণ্ডিতেরা বৈহ্যাতিক তারে প্রতি সেকেণ্ডে, ১১, ৪৫৬ সেকেণ্ড রেগে শব্দ প্রেরণ করিয়াছিলেন। অতএব তারে, কেবল পত্র প্রেরণ হয় এমত নহে; বৈজ্ঞানিক শিল্প আরও কিছু উন্নতি প্রাপ্ত হইলে মন্থ্য তারে কথোপকথন করিতে পারিবে।

মনুষ্যের কণ্ঠস্বর কত দূর যায় ? বলা যায় না। কোন কোন যুবতীর ব্রীড়ারুদ্ধ কণ্ঠস্বর শুনিবার সময়ে, বিরক্তিক্রমে ইচ্ছা করে যে, নাকের চসমা খুলিয়া কাণে পরি; কোন কোন প্রাচীনার চীৎকারে বোধ হয়, গ্রামান্তরে পলাইলেও নিশ্বতি নাই। বিজ্ঞানবিদেরা এ বিষয়ে কি সিদ্ধান্ত করিয়াছেন, দেখা যাউক।

প্রাচীনমতে আকাশ শব্দবহ; আধুনিক মতে বায়ু শব্দবহ। বায়ুর তরঙ্গে শব্দের সৃষ্টি ও বহন হয়। অতএব যেখানে বায়ু তরল ও ক্ষীণ সেখানে শব্দের অস্পষ্টতা সম্ভব। ব্লাঙ্ শৃঙ্গোপরি শব্দ অস্পষ্টশ্রাব্য বলিয়া শস্তোর বর্ণনা করিয়া-ছেন। তিনি বলেন তথায় পিস্তল ছুঁড়িলে পটকার মত শব্দ হয়; এবং শ্রাম্পেন খ্লিলে কাকের শব্দ প্রায় শুনিতে পাওয়া যায় না। কিন্তু মাশ্রুস বলেন যে তিনি সেই শৃঙ্গোপরেই ১৩৪০ ফিট হইতে মনুষ্য কণ্ঠ শুনিয়াছিলেন। এ বিষয় "গগন পর্যাটন" প্রবন্ধে কিঞ্চিৎ লেখা হইয়াছে।

যদি শব্দবহ বায়ুকে চোক্ষার ভিতর রুদ্ধ করা যায়, তবে মনুযুক্ষ্ঠ যে অনেক দূর হইতে শুনা যাইবে, ইহা বিচিত্র নহে। কেন না শব্দতরক্ষ সকল ছড়াইয়া পড়িবে না। বিও নামক বিজ্ঞানবিৎ, পারিসের লোহনির্দ্মিত জ্বলপ্রণালী মুখে কর্ণ রাখিয়া ৩১২০ ফিট হইতে ক্লুটের গীত শুনিতে পাইয়াছিলেন। ক্লুট কি, অতি মুহু কাণে কাণে কথা শুনিতে পাইয়াছিলেন। যদি কেহ আপনার ঘরে খাটে শুইয়া, গৃহাস্তরে বন্ধু প্রতিবাসীর সঙ্গে কথোপকথন করিতে চাহেন, তবে হুই গৃহের মধ্যে চোক্ষা নির্দ্মাণ করিলেই তাহা পারেন।

স্থির জল, চোঙ্গার কাজ করে। কুন্দ্র ক্ষুদ্র উচ্চতায় বায়ু প্রতিহত হইতে পায় না—এজফা শব্দতরঙ্গ সকল, ভগ্ন হইয়া নানা দিগ্ দিগস্তরে বিকীর্ণ হয় না। এই জফা প্রশস্ত নদীর এ পার হইতে ডাকিলে ও পারে শুনিতে পায়। বিখ্যাত হিমকেন্দ্রায়ী পর্য্যটক পারির সমভিব্যাহারী লেপ্টেনাট ফ্টুর লিখেন যে, তিনি

পোর্ট বৌষেনের এ পার হইতে পরপারে স্থিত মমুদ্রোর সহিত কথোপকথন করিয়া-ছিলেন। উভয়ের মধ্যে ১।০ মাইল ব্যবধান। ইহা আশ্চর্য্য বটে।

কিন্তু সর্ব্বাপেক্ষা বিশ্বয়কর ব্যাপার ডাক্তার ইয়ং কর্তৃক লিখিত হইয়াছে। তিনি বলেন যে, জ্বিরণ্টরে দশ মাইল হইতে মনুষ্য কণ্ঠ শুনা গিয়াছে। কথা বিশ্বাসযোগ্য কি ?

(জ্যোতিস্তরঙ্গ)

প্রবন্ধান্তরে কথিত হইয়াছে যে, আলোক ইথর নামপ্রাপ্ত বিশ্বব্যাপী জাগতিক তরল পদার্থের আন্দোলনের ফল মাত্র। স্থ্যালোক, সপ্তবর্ণের সমবায়; সেই সপ্তবর্ণ ইন্দ্রধন্ন অথবা স্ফাটিক প্রেরিভ আলোকে লক্ষিত হয়। প্রত্যেক বর্ণের তরঙ্গ সকল পৃথক্ পৃথক্; তাহাদিগের প্রাকৃতিক সুমবায়ের ফলে, শ্বেভ রৌজে। এই সকল জ্যোতিস্তরঙ্গবৈচিত্রই জগতের বর্ণ বৈচিত্রের কারণ। কোন কোন পদার্থ, কোন কোন বর্ণের তরঙ্গ সকল রুদ্ধ করিয়া, অবশিষ্টগুলি প্রতিহত করে। আমরা সে সকল জব্যুকে প্রতিহত তরঙ্গের বর্ণ বিশিষ্ট দেখি।

তবে তরঙ্গেরই বা বর্ণ-বৈষম্য কেন? কোন তরঙ্গ রক্ত, কোন তরঙ্গ পীত, কোন তরঙ্গ নীল কেন? ইহা কেবল তরঙ্গের বেগের তারতম্য। প্রতি ইঞ্চি স্থান মধ্যে একটি নির্দ্দিষ্ট সংখ্যার তরঙ্গের উৎপত্তি হইলে, তরঙ্গ রক্তবর্ণ, অন্ম নির্দ্দিষ্ট সংখ্যায় তরঙ্গ পীতবর্ণ, ইত্যাদি।

যে জ্যোভিন্তরঙ্গ এক ইঞ্চি মধ্যে ৩৭, ৬৪০ বার প্রক্ষিপ্ত হয়; এবং প্রভি সেকেণ্ডে ৪৫৮,০০০,০০০,০০০ বার প্রক্ষিপ্ত হয়, তাহা রক্তবর্ণ। পীত তরঙ্গ, এক ইঞ্চিতে ৪৪০০০ বার এবং প্রতি সেকেণ্ডে ৫৩৫,০০০,০০০,০০০ বার প্রক্ষিপ্ত হয়। এবং নীল তরঙ্গ প্রতি ইঞ্চিতে ৫১, ১১০ বার এবং প্রতি সেকেণ্ডে ৬২২,০০০,০০০,০০০ বার প্রক্ষিপ্ত হয়। পরিমাণের রহস্ত ইহা অপেক্ষা আর কি বলিব ? এমন অনেক নক্ষত্র আছে যে, তাহার আলোক পৃথিবীতে পঞ্চাশ বৎসরেও পৌছে না। সেই নক্ষত্র হইতে যে আলোক-রেখা আমাদের নয়নে আসিয়া লাগে, তাহার তরঙ্গ সকল, কতবার প্রক্ষিপ্ত হইয়াছে ? এবার যখন, রাত্রে আকাশ প্রতি চাহিবে, তখন এই কথাটি একবার মনে করিও।

(সমুদ্র তরঙ্গ)

এই অচিস্তা বেগবান্ স্ক্র হইতে স্ক্র, জ্যোতিস্তরক্ষের আলোচনার পর, পার্থিব জলের তরঙ্গমালার আলোচনা অবিধেয় নহে। জ্যোতিস্তরক্ষের বেগের পরে, সমুদ্রের ঢেউকে অচল মনে করিলেও হয়। তথাপি সাগর তরঙ্গের বেগ মন্দ নহে। ফিণ্ডে, সাহেব প্রমাণ করিয়াছেন যে অতি বৃহৎ সাগরোশ্মি সকল ঘন্টার ২০ মাইল হইতে ২৭॥ মাইল পর্য্যস্ত বেগে ধাবিত হয়। স্কোরেসবি সাহেব গণনা করিয়াছেন যে আটলান্টিক সাগরের তরঙ্গ ঘণ্টায় প্রায় ৩৩ মাইল চলে। এই বেগ ভারতবর্ষীয় বাষ্পীয় রথের বেগের অপেকা ক্ষিপ্রতির।

যাঁহারা বাঙ্গালার নদীবর্গে নৌকারোহণ করিতে ভীত, সাগরোর্দ্মির পরিমাণ সম্বন্ধে তাঁহাদের কিরূপ অনুমান, তাহা বলিতে পারি না। উপকথায় "তালগাছ প্রমাণ ঢেউ" শুনা যায়—কিন্তু কেহ তাহা বিশ্বাস করে না। সমূত্রে তদপেক্ষা উচ্চতর ঢেউ উঠিয়া থাকে। ফিগুলে সাহেব লিখেন ১৮৪৩ অব্দে কম্বালের নিকট ৩০০ ফিট অর্থাৎ ২০০ হাত উচ্চ ঢেউ উঠিয়াছিল। ১৮২০ সালে নরওয়ে প্রদেশের নিকট ৪০০ ফিট পরিমিত ঢেউ উঠিয়াছিল।

সমুদ্রের ঢেউ অনেক দ্র চলে। উত্তমাশা অন্তরীপে উদ্ভূত মগ্ন-তরঙ্গ তিন সহস্র মাইল দূরস্থ উপদ্বীপে প্রহত হইয়া থাকে। আচার্য্য বাচ বলেন যে, জাপান দ্বীপাবলীর অন্তর্গত সৈমোদা নামক স্থানে একদা ভূমিকম্প হয়। তাহাতে ঐস্থান সমীপস্থ "পোতাশ্রয়ে" এক বৃহৎ উর্দ্মি প্রবেশ করিয়া, সরিয়া আসিলে পোতাশ্রয় জল শৃশ্য হইয়া পড়ে। সেই ঢেউ প্রশান্ত মহাসাগরের পর-পারে, সানফ্রান্সিস্কো নগরের উপকূলে প্রহত হয়। সৈমোদা হইতে ঐ নগর ৪৮০০ মাইল ব্যবধান। ঐ ৪৮০০ মাইল তরঙ্গরাজ ১২ ঘণ্টা ১৬ মিনিটে পার হইয়া-ছিলেন অর্থাৎ মিনিটে ৬॥ মাইল চলিয়া ছিলেন।

প্রাপ্ত গ্রন্থের দাফিপ্ত দ্রমালোদ্র

বিহার। শ্রীমহিমাচন্দ্র চক্রবর্ত্তী প্রণীত। কলিকাতা কাব্যপ্রকাশ যন্ত্র। এখানি কাব্য গ্রন্থ। ভূমিকা এইরূপে আরম্ভ হইয়াছে ;—

"সাহিত্য-সংসার মধ্যে কাব্য একটি মনোহর পুম্পোছান স্বরূপ, তাহাতে বিমল পরিমল পরিপুরিত পদ-প্রস্থানরাজী সর্বাদা বিকসিত হইয়া স্থরসিক ভাবৃক ভ্রমণ-কারীর চিত্ত অমুরঞ্জিত করে। আমি একদা ভাবৃক ভাণে ঐ মনোহর পুম্পোছানে পরিভ্রমণ করিতে প্রবৃত্ত হইলাম। কণ্টে তাহার প্রকোষ্ঠে প্রবিষ্ট হইয়া দেখি" ইত্যাদি।

আর কি গ্রন্থের পরিচয় দিতে হইবে ? যদি হয়, তবে এক স্থান হইতে নিম্নলিখিত কয় পংক্তি উদ্ধার করিলাম—

রিপুদল ছ্রাচার কদাচারে রত।
বিষম বিলাসি—মতি না হয় বিগত॥
প্রেক্তা প্রভৃত মান, করেছে প্রয়াণ।
তাহাতে তাড়িত হয়ে মনে অভিমান॥
বিশক্ষ বিপক্ষগণ, বলিষ্ঠ প্রধান।
সহজত ''নয় ভারী, বিজয় বিধান॥"
কেমনে এমন ধনে, হইবে বিরত।
অচির-উদিত-ভায়, চির অস্তগত॥
বাসনা বিরোধ হেতু বিরোধীর সনে।
ভাবিয়া ভয়াল দলে, ভয়োদিত মনে॥ ইত্যাদি

পাঠক কি ইহার কিছু ব্ঝিয়াছেন ? না ব্ঝিয়া থাকেন, "প্রভুতা প্রভূত" এবং "ভাবিয়া ভয়াল দলে, ভয়োদিত মনে" পড়িয়া স্থা ইইয়াছেন সন্দেহ নাই। আমরা ইহা পড়িয়া বলিতে পারি যে "সাহিত্য-সংসার মধ্যে কাব্য একটি মনোহর পুম্পোছান স্বরূপ, ইহাতে রিপুবিহার প্রভৃতি নানা প্রকার আগাছা জন্মে। আগাছাগুলি কাটিয়া আথা ধরান, গৃহস্থ লোকের কর্ত্ব্য।

বেহুলা নিধিন্দর। নাম চম্পুকাব্যম্। গবর্ণমেন্ট বৃত্তিভোগী ছগলী বিভালয় ভূতপূর্বে পণ্ডিত ঞ্জীভগবচ্চক্র বিশারদ প্রশীতম্। কলিকাতা রাজধান্তাং বি এম্স যত্ত্বে মুক্রিভম্।

বেছলার প্রাচীন উপখ্যান অবলম্বন করিয়া এই গ্রন্থখানি রচিত হইয়াছে। এখানি সংস্কৃত। ইহার উদ্দেশ্য, আধুনিক বিভার্ষিবর্গের উপকার। গ্রন্থখানি সেই জ্বন্য অতি সরল সংস্কৃতে লিখিত হইয়াছে।

ি বিশারদ মহাশয় বিখ্যাত পণ্ডিত। তাঁহার নিকট বঙ্গদর্শনের গ্রন্থসমালোচকেরা অনেক ৠলে বন্ধ। শিশ্যের দ্বারা অধ্যাপকের গ্রন্থ রীতিমত
সমালোচিত হইতে পারে না। তবে, ইহা বলায় বোধ হয় দোষ নাই যে, সংস্কৃত
কাব্যামোদী পণ্ডিতেরা এই গ্রন্থ পাঠ করিয়া স্থা হইবেন। এবং শিক্ষার্ধিগণ
উপকৃত হইবেন। তবে, অনেকের এরূপ বোধ আছে যে, আধুনিক লেখকের গ্রন্থ
ইইতে প্রাচীন ভাষা শিক্ষা করা কর্ত্বব্য নহে। ইউরোপে লাটিন শিখিতে কাইসর,
বর্জিল, হরেস ত্যাগ করিয়া কেহ "স্কুলমেন" দিগের লাটিন অধ্যয়ন করে না।
কিন্তু সংস্কৃত সম্বন্ধে ইহা বলা যাইতে পারে যে ভবভূতি, শ্রীহর্ষ, ভট্টনারায়ণ প্রভৃতির
গ্রন্থ সকল এক্ষণে বিদ্বার্থিগণের দ্বারা অধীত হইতেছে। তাঁহারা যখন লিখিয়াছিলেন, তখনও সংস্কৃত ভারতবর্ষের চলিত ভাষা ছিল না—এক্ষণকার স্থায় পণ্ডিতের
ভাষা ছিল মাত্র। অতএব, ভাষা জ্ঞানে তাঁহাদিগেরও যেরূপ বৃৎপত্তি সম্ভাবনা,
আধুনিক লেখকেরও সেইরূপ।

তৃতীর বর্ব : চতুর্ব সংখ্যা



কালির এক্ষণে উন্নতির আকাজ্জা অত্যম্ভ প্রবল হইয়াছে। সর্বাদা উন্নতির জন্ম ব্যস্ত। অনেকে তদ্বিষয়ে বিশেষ গুরুতর আশা করেন না। কেন না বাঙ্গালির বাহুবল নাই। বাহুবল ভিন্ন উন্নতি নাই, ইহা তাঁহাদিগের বিশ্বাস।

বাঙ্গালির বাহুতে বল নাই, ইহা সত্যকথা। কখন হইবে কি না, এ কথার মীমাংসার পুর্বের দেখা যাউক কখন ছিল কি না।

বাঙ্গালার পুরাবৃত্ত নাই। যাহা বাঙ্গালার পুরাবৃত্ত বলিয়া পাঠশালার বালকগণ কর্ত্তক অধীত হইয়া থাকে, তাহা বাস্তবিক বাঙ্গালার পুরাবৃত্ত নহে, বাঙ্গালার মুসলমানদিগের পুরাবৃত্ত। উহা বাঙ্গালির দাসত্বের পুরাবৃত্ত; বাঙ্গালার অধংপাতের ইতিহাস। সত্য বটে, যেমন বাঙ্গালার পূর্ব্বাবস্থার কোন লিখিত বৃত্ত নাই, সেইরূপ ভারতবর্ষের অফ্যান্থাংশেরও নাই। নাই, কিন্তু আধুনিক প্রত্নতত্ত্ববিৎ পণ্ডিতেরা অমুসন্ধানে অনেক কথা জানিয়াছেন। পশ্চিম ভারতের, মধ্য ভারতের, দক্ষিণ ভারতের পূর্ব্ব গৌরবের অনেক প্রমাণ পাইয়াছেন। পুরাবৃত্ত থাক্ বা না থাক্, ইহা জানা আছে যে, মোর্য্যবংশীয় ও গুপ্তবংশীয় সমাটেরা হিমাচল হইতে নৰ্মদা পৰ্য্যন্ত এক ছত্ৰে শাসিত করিয়াছিলেন; জানা আছে দিখিজয়ী যুনানীগণ শতক্র অতিক্রম করিতে সক্ষম হয় নাই ; জ্বানা আছে সেই বীরেরা, আসিয়ার মধ্যে ভারতবাসীরই বীরবেরই প্রশংসা করিয়াছিলেন; জানা আছে যে তাঁহারা চন্দ্রগুপ্ত দ্বারা ভারতভূমি হইতে উন্মূলিত হইয়াছিলেন; জ্বানা আছে, হর্ষবর্দ্ধনের পশ্চাৎ পশ্চাৎ বন্থশত করপ্রদ রাজা অমুসরণ করিতেন; জ্ঞানা আছে, দিখিজয়ী আরবেরা তিনশতবংসরে পশ্চিম ভারতবর্ষ অধিকার করিতে পারে নাই। এইরূপ আরও অনেক কথা জানা গিয়াছে। পশ্চিম ভারতবর্ষীয়দিগের বীর্য্যবন্তার অনেক চিক্ত অম্বাপি ভারতভূমে আছে।

বাঙ্গালার পূর্ব্ব বীরম্ব, পূর্ব্ব গৌরবের কি জ্ঞানা আছে ? কেবল ইহাই জ্ঞানি যে যখন পশ্চিম ভারতে বেদ স্বষ্ট ও অধীত হইতেছিল, উপনিষদ সকল প্রশীত হইতেছিল, অযোধ্যার স্থায় সর্বসম্পদশালিনী নগরী সকল স্থাপিতা এবং অলঙ্কতা হইতেছিল—বাঙ্গালা তখন অনার্য্য ভূমি, আর্য্যগণের বাসের অযোগ্য বলিয়া পরিত্যক্ত। (১) কেবল ইহাই জানি যে যখন উত্তর ভারতে, সমস্ত আর্য্য বীরগণ একত্রিত হইয়া, কুরুক্ষেত্রজিত রাজ্যখণ্ড সকল বিভাগ করিতেছিলেন, যখন পশ্চিমে ময়াদি অমর, অক্ষয় ধর্মশাস্ত্র সকল প্রণীত হইতেছিল, তখন বঙ্গদেশে পৌণ্ড, প্রভৃতি অনার্য্য জাতির বাস। প্রাচীন কাল দূরে থাকুক, যখন মধ্যকালে, চৈনিক পরিব্রাজক হোয়েন্থ সাঙ বঙ্গদেশপর্য্যটনে আসেন, তখন তিনি দেখিয়াছিলেন যে, এই প্রদেশ গৌরবশৃত্য কুদ্র কুদ্র রাজ্যে বিভক্ত। বঙ্গদেশের পূর্ব্বগৌরব কোথায় ?

তবে, ইহার পরে শুনা যায় যে, পাল বংশীয় ও সেনবংশীয় রাজ্বগণ, বৃহৎ রাজ্য স্থাপন করিয়াছিলেন, এবং গৌড় নগরী বড় সমৃদ্ধিশালিনী হইয়াছিল। কিন্তু এমত কোন চিহ্ন পাওয়া যায় না যে তাঁহারা এই বাহুবলশৃত্য বাঙ্গালি জাতি এবং তাঁহাদিগের প্রতিবাসী তদ্রপ তুর্বল অনার্য্যজাতিগণ ভিন্ন অন্য কাহাকে আপন অধিকারভুক্ত করিয়াছিলেন। এই মাত্র প্রমাণ আছে বটে যে মুঙ্গের পর্য্যস্ত তাঁহাদিগের অধিকারভুক্ত ছিল। অন্যত্র তাঁহাদিগের অধিকার বিস্তার সম্বন্ধে তিনটি মাত্র কথা আছে, তিনটিই অমূলক।

প্রথম। কিম্বদন্তী আছে যে, দিল্লীতে বল্লালসেনের অধিকার ছিল। এ কথা একখানি দেশীগ্রন্থে লিখিত থাকিলেও নিতান্ত অমূলক এবং জেনেরল কনিঙহাম সাহেব তাহার অমূলকতা প্রতিপন্ন করিয়াছেন। বঙ্গেশ্বর বল্লাল সেনের অধিকার দিল্লী পর্য্যন্ত বিস্তৃত হইলে, এরূপ বৃহৎ ব্যাপার ঘটিত যে, তাহা হইলে অবশ্য একখানি সামান্য গ্রন্থে উল্লেখ ভিন্ন অন্য প্রমাণ অবশ্য পাওয়া যাইত। বঙ্গ হইতে দিল্লীর মধ্যে যে বহুবিস্তৃত প্রদেশ, তথায় বঙ্গপ্রভূত্বের কোন কিম্বদন্তী, কোন উল্লেখ, কোন চিহ্ন অবশ্য থাকিত। কিছু নাই।

দ্বিতীয়। ১৭৯৪ সালে গোড়েশ্বর মহীপাল রাজের একখানি শাসন কাশীতে পাওয়া গিয়াছিল তাহা হইতে কেহ কেহ অমুমান করেন কাশী প্রদেশ মহীপালের রাজ্যভুক্ত ছিল। এক্ষণে সেমত পরিত্যক্ত হইতেছে। (২)

তৃতীয়। লক্ষণ সেনের ছই একখানি তাম্রশাসনে তাঁহাকে প্রায় সর্বদেশ জেতা বলিয়া বর্ণনা করা আছে। পড়িলেই বুঝা যায় যে, সে সকল কথা চাটুকার কবির কল্পনা মাত্র।

- (>) বঙ্গদর্শনের দ্বিতীয় খণ্ডে "বঙ্গে ব্রাহ্মণাধিকার" দেখ।
- (२) See Introduction to Sherring's Sacred City of the Hindus, by F. E. Hall. p*xxxv, Note 2.

অতএব পূর্ব্বকালে বাঙ্গালিরা যে বাছবলশালী ছিলেন এমত কোন প্রমাণ নাই। পূর্ব্বকালে ভারতবর্ষস্থ অস্তান্ত জাতি যে বাছবলশালী ছিলেন, এমত প্রমাণ আনেক আছে, কিন্তু বাঙ্গালিদিগের বাছবলের কোন প্রমাণ নাই। হোয়েন্থ সাঙ্ড "সমতট" রাজ্যবাসীদিগের যে বর্ণনা করিয়া গিয়াছেন, তাহা পড়িয়া বোধ হয় পূর্ব্বে বাঙ্গালিরা এইরূপ, খর্বাকৃতি ছুর্ব্বল গঠন ছিল।

বাঙ্গালিদিগের বাহুবল কখন ছিল না, কিন্তু কখন হইবে কি ?

বৈজ্ঞানিক ভবিশ্যৎ উক্তির নিয়ম এই যে যেরূপ হইয়াছে, সেই অবস্থায় সেইরূপ হইবে। যে যে কারণে বাঙ্গালি চিরকাল হুর্বল, সেই সেই কারণ যতদিন বর্ত্তমান থাকিবে, ততদিন বাঙ্গালিরা বাহুবলশৃত্য থাকিবে। সে সকল কারণ কি ?

আধুনিক বৈজ্ঞানিক ও দার্শনিকদিগের মতে, সকলই বাহা প্রকৃতির ফল। বাঙ্গালির ছর্ব্বলতাও বাহা প্রকৃতির ফল। ভূমি, জলবায়ু এবং দেশাচারের ফলে বাঙ্গালিরা ছর্ব্বল, ইহাই প্রচলিত মত। সেই সকল মতগুলির, সংক্ষেপতঃ উল্লেখ করিতেছি।

কেহ কেহ বলেন, এদেশের ভূমি অত্যন্ত উর্কারা—অল্প পরিশ্রমেই শস্তোৎ-পাদন হইতে পারে। স্থৃতরাং বাঙ্গালিকে অধিক পরিশ্রম করিতে হয় না। পরিশ্রম অধিক না করিলে শরীরে বলাধান হয় না। বঙ্গভূমির উর্বারতা বঙ্গবাসীর তুর্বালতার কারণ।

তাঁহারা আরও বলেন যে ভূমি উর্বরা হইলে, আহারের জন্ম মৃগয়া পশু-হননাদির আবশ্যকতা হয় না। পশুহনন ব্যবসায় বল, সাহস ও পরিশ্রমের কার্য্য। মনুষ্যকে সর্ববদা নিরত রাখে, এবং তাহাতে ঐ সকল গুণ অভ্যন্ত এবং স্ফুর্জিপ্রাপ্ত হয়।

দেখা যাইতেছে যে বঙ্গদেশ ভিন্ন আরও উর্বর দেশ আছে। ইউনাইটেড ষ্টেইসের অনেক অংশ বঙ্গদেশাপেক্ষায় উর্বরভায় ন্যুন নহে। সেই আমেরিকা বাসীদিগের বলের পরিচয় দাসত্বের যুদ্ধে বিলক্ষণ পাওয়া গিয়াছে। তাঁহাদিগের ভয়ে আজি কালি, ইউরোপের হুর্দ্দান্ত বলশালী জাতিরাও তটস্থ। তবে বলা যাইতে পারে ইহারা তরুণ জাতি। উর্বরতার কুফল আজিও আমেরিকায় ফলে নাই।

ইটালি ও গ্রীসের ভূমিও অত্যস্ত উর্ব্বরা। আধুনিক গ্রীসীয় ও ইতালীয়গণ বলশালী বলিয়া বিখ্যাত নহেন বটে, কিন্তু এককালে সেই উর্ব্বর প্রদেশবাসিগণ পৃথিবী জ্বয় করিয়াছিল। তখন কি সে সকল দেশের ভূমি উর্ব্বরা ছিল না ?

অনেকে বলেন জলবায়ুর দোষে বাঙ্গালিরা ছর্ব্বল। যে দেশের বায়ু আর্দ্র অথচ তাপযুক্ত, সে দেশের লোক ছর্ব্বল। কেন হয়, তাহা শারীরভত্ত্ববিদেরা ভাল করিয়া বুঝান নাই। বায়ুর আর্দ্রভা সম্বন্ধে একটি কথা আছে। বায়ু যে পরিমাণে উষ্ণ ভাষতে সেই পরিমাণে অদৃশ্য জলকণা গুপ্ত ভাবে থাকে। বায়ুভত্ববিদের। ইহাকে "Saturation" বলেন। বায়ুর তাপানুযায়ী জল বায়ুমধ্যে থাকিলে, কখন সে বায়ুকে আর্দ্র বলা যায় না। কেন না, সেটুকু তাপেরই আমুষঙ্গিক। সে পরিমাণের জলসিক্তভার যে দোষ, ভাহা তাপের ফল মাত্র। এক্ষণে জিজ্ঞাস্থ যে, বাঙ্গালার বায়ু যে বাঙ্গালির হুর্বলভার কারণ, সে কি কেবল ভাপের কারণে, না তাপের যাহা ধারণীয়, ভাহার অভিরিক্ত জলসিক্তভার কারণে?

কেবল তাপে কখন এরপে ঘটিতে পারেনা। যদি ঘটিত, তবে আরবগণ দিখিজয়ী হইল কি প্রকারে? আরবের স্থায় কোন দেশ তপ্ত? আরবীয়ের স্থায় বলবান্ কে? ভারতবর্ষের অনেক প্রদেশ এমত আছে যে, বঙ্গদেশের স্থায় তাপশালী। কিন্তু উড়িয়া ও আসাম ভিন্ন কোন্দেশের লোক বাঙ্গালির স্থায় ত্র্বল? তবে, যদি বলেন, বায়ুর ধারণাশক্তির অতিরিক্ত জলসিক্ততাই পীড়ার কারণ, তাহা হইলে প্রমাণ করিতে হইবে বঙ্গদেশের বায়ু ধারণাশক্তির অতিরিক্ত জল ধারণ করে। বাস্তবিক তাহা নহে। বঙ্গদেশের বায়ু ইংলণ্ডের বায়ু হইতেও শুক্ষ। যিনি এই বিশায়কর কথায় অবিশ্বাস করিবেন তিনি নিয়োজ্ত টীকা পাঠ করিবেন। (৩)

অনেকে মোটামূটি বলেন যে জলসিক্ত তাপযুক্ত বায়ু অত্যন্ত অস্বাস্থ্যকর, তল্পিবন্ধন বাঙ্গালিরা নিত্য রুগ্ন, এবং তাহাই বাঙ্গালির হুর্বলতার কারণ।

যদি তাহা সত্য হয়, তাহা হইলে বাঙ্গালা দেশের মধ্যেই বল সম্বন্ধে অনেক তারতম্য দেখা যাইত। বাঙ্গালা অতি বৃহদ্দেশ, উহার মধ্যে অনেক প্রকার জ্বল বায়ু আছে। রঙ্গপুর, দিনাজপুর, যেরূপ অস্বাস্থ্যকর, মেদিনীপুর, বীরভূম ঠিক তাহার বিপরীত। এ কথা সত্য হইলে, রঙ্গপুর দিনাজপুর অঞ্চলের লোক অপেক্ষা, মেদিনীপুর বীরভূম প্রদেশের লোক, এবং পার্ব্বত্য বহাজাতি সকল সবল হইবার সম্ভাবনা ছিল। কিন্তু সকলেই সমান হুর্বল, কোন তারতম্য দেখা যায় না।

⁽³⁾ The high humidity of the atmosphere in Bengal, and more especially in its eastern districts, has become proverbial; and if the term be used in reference to the quantity of vapour in the air as measured by its tension, the popular belief is justified by observation. But if used in the more usual sense of relative humidity, that is, as referring to the percentage of vapour in the air in proportion to that which would saturate it, the average annual humidity of a large part of Bengal is sensibly lower than that of England. A comparative

অনেকে বলেন, অন্নই অনর্থের মূল। এদেশের ভূমির প্রধান উৎপান্ত চাল, এবং এ দেশের লোকের খান্ত ভাত। ভাত অতি অসার খান্ত, তাহাতেই বাঙ্গালির শরীর গঠে না। এক্ষন্ত "ভেতো বাঙ্গালি" বলিয়া বাঙ্গালির কলঙ্ক হইয়াছে।

table is subjoined of the mean vapour tension and relative humidity of London and Calcutta in each month of the year, and the mean of the whole year; the data for the former place being taken from an essay on the climate of London by the late Professor Daniell, those for the latter from the results of the hourly observations registered at Surveyer General's Office Calcutta, and computed in the Meteorological Office of Bengal. The former are deduced from 17 Year's, the latter from 14 Year's observations.

Mean Vapour Tension in Thousandths of an inch.

		Feb.	Mar.	Apl.	мау.	Jun.	Jul.	Aug.	Sept	Oct.	Nov.	Decm.	Aver- age.
Lon- don.		·264	280	·315	340	·490	·534	·530	·468	·389	·310	:	376. inch.
Cal- cutta.	·487	·549	·695	·805	·889	·947	·954	·950	·950	·828	·605	·489	762

Mean Relative Humidity: -- Saturation 100.

	}	Feb.	Mar.	Apl.	Мау.	Jun.	Jul.	Aug.	Sept	Oct.	Nov.	Decm.	Year.
Lon- don.	97	94	89	84	82	82	84	85	91	94	96	97	89
Cal- cutta.	71	68	67	69	73	81	85	86	85	78	73	72	76

The quantity of vapour in the air of Calcutta, relatively to the dry air, is then, on the average of the year, about twice as great as in that of London; but the relative humidity of the former equals that of the latter only in the three first months of the rains, which are among the driest months of an European climate.—Bengal Administration Report, 1872-73, Statestical Summary page. 5-6.

শারীরতত্ত্বিদেরা বলেন যে, খান্ডের রাসায়নিক বিশ্লেযণ সম্পাদন করিলে দেখা যায় যে, তাহাতে ষ্টার্চচ, গ্লুটেন, প্রভৃতি কয়েকটি সামগ্রী আছে। গ্লুটেন নাইট্রেজন প্রধান সামগ্রী। তাহাতেই শরীরের পুঞি। মাংসপেষী প্রভৃতির পুষ্টির জন্ম এই সামগ্রীর বিশেষ প্রয়োজন। ভাতে, ইহা অতি অল্প পরিমাণে থাকে। মাংসে বা গমে ইহা অধিক পরিমাণে থাকে। এই জন্ম মাংসভোজী এবং গোধ্ম-ভোজীদিগের শরীর অধিক বলবান্—"ভেতো" জাতির শরীর ত্র্বল। ময়দায় গ্লুটেন, শত ভাগে দশ ভাগ থাকে; (৪) মাংসে (Fibrin বা Musculine) ১৯ ভাগ, (৫) এবং ভাতে ৭ কি ৮ ভাগ মাত্র থাকে (৬)। স্বতরাং বাঙ্গালি ত্র্বল হইবে বৈ কি ?

ইহাতে জনষ্টোন বলেন যে বাঙ্গালি "ভাতে পুষিয়া লয়"—অর্থাৎ এত ভাত খায় যে, সকলেরই পেটের খোল বাড়িয়া গিয়া পেট "নেও" হইয়া পড়ে। স্থৃতরাং গ্লুটেনের মাত্রা সমান হইয়া যায়। আরও দাল, কলাই, মাছ, ত্ব্ব প্রভৃতিতে গ্লুটেন যথেষ্ট আছে,—তাহাতেও ভাতের দোষ সারিতে পারে।

তাহা ভিন্ন আরও একটি কথা আছে। ইংরেজ সৈতা বড় বলবান্। তন্মধ্যে আইরিম সৈনিক দিগের বিশেষ যশ। তাহারা বড় বলবান্ ও সাহসী। আয়র্লপ্তের প্রধান খাতা, আলু। আলুতে গ্লুটেন চালের তায় অতি অল্প। শত ভাগের মধ্যে আট ভাগ মাত্র (৭) যদি আলু-খেকো আয়রিষ বীর পুরুষ হইল, তবে ভেতো বাঙ্গালি ত্র্বল হইল কি দোষে ?

কেহ কেহ বলেন, বাল্যবিবাহই বাঙ্গালির পরম শক্ত—বাল্যবিবাহের কারণেই বাঙ্গালির শরীর তুর্বল। যে সম্ভানের মাতাপিতা অপ্রাপ্তবয়ং, তাহার শরীর ও বল চিরকাল অসম্পূর্ণ থাকিবে, এবং যাহারা অল্পবয়স হইতে ইন্দ্রিয় সুথে নিরত, তাহারা বলবান্ হইবার সম্ভাবনা কি ?

এতৎ সম্বন্ধে আমাদিগের একটি কোতুকাবহ কথা মনে হয়। এ দেশের মন্থয় যে প্রকার তুর্বল ও ক্ষুদ্রাকার, এ দেশের গোর্য, অশ্ব, ছাগ প্রভৃতিও সেইরূপ। বঙ্গীয় মন্ত্র্যের স্থায় বঙ্গীয় পশুগণও কি বাল্যবিবাহপরায়ণ? ইহা কি সভ্য যে সভ্য দেশের পশুগণও সভ্য এবং কুসংস্কারশৃত্য বলিয়া বাল্য বিবাহে বিমুখ—কেবল বাঙ্গালিপশুই অকালে ইন্দ্রিয় স্থুখেচছু?

- (8) Johnstone's Chemistry of Common Life, Vol. 1, p 100.
- (e) Ibid, p 125,
- (w) Ibid, 101.
- (9) Ibid, p 115.

বাঙ্গালি মনুয়োরই কি, এবং বাঙ্গালি পশুরই কি, তুর্বলতা যে জলবায় বা মৃত্তিকার গুণ, তাহা সহজেই বুঝা যায়। কিন্তু জলের, বা বায়্র বা মৃত্তিকার কোন দোবের এই কুম্বল, তাহা কোন পণ্ডিতে অবধারিত করেন নাই।

क्डि और पूर्वमाजात या मकन कांत्रन निर्फिष्ठ दृहेगाए वा উল्लिখिত दृहेन, তাহাতে এমত ভরসা করা যায় না যে অল্পকালে, সে ত্র্বলতা দূর হইবে। ইহাও বলা যাইতে পারে যে, এমত কোন নিশ্চয়তা নাই যে কোন কালে, এ সকল কারণ অপনীত হইতে পারে না। বাল্যবিবাহই যদি এ ছর্ব্বলভার কারণ হয়, তবে এমন ভরসা করা যাইতে পারে যে সামাজিক রীতির পরিবর্তনে এ কুপ্রথা সমাজ হইতে দূর হইবে ; এবং বাঙ্গালির শরীরে নলস্ঞার হইবে চাল এ অনিষ্টের কারণ হয়, তবে, এমন ভরসা করা যাইতে পারে যে গোংমাদির চাস এ দেশে বৃদ্ধি করাইলে, বাঙ্গালি ময়দা খাইয়া বলিষ্ঠ হইবে। এমন কি কালে জলবায়ুও পরিবর্ত্তন হইতে পারে। ভূগর্ভস্থ পদার্থের বলে, ভূমি ক্রমশঃ উর্দ্ধোখান, ক্রমশঃ নিমজ্জন করে—তাহাতে জলবায়ুর পরিবর্ত্তন ঘটিয়া থাকে। এক্ষণে মনুষ্য বাসের অযোগ্য যে স্থন্দরবন তাহা এককালে বৃহন্ধনাকীর্ণ ছিল, এমত প্রমাণ আছে। ভূতত্ববিদেরা বলেন যে, ইউরোপীয় অনেক প্রদেশ, এক্ষণকার অপেক্ষা উষ্ণতর ছিল, এবং তথায় সিংহ হস্তী প্রভৃতি উষ্ণদেশবাসী জীবের আবাস ছিল। আবার এককালে সেই সকল প্রদেশ হিমশিলায় নিমগ্ন ছিল। সে সকল যুগাস্তরের কথা—সহস্র সহস্র যুগে সে সকল পরিবর্ত্তন ঘটিতে পারে। কিন্তু ঐতিহাসিক কালের মধ্যেও জ্বলবায়ুশীত তাপের পরিবর্ত্তনের অনেক প্রমাণ পাওয়া যায়। পূর্বকালে রোমনগরীর নিমে টেবর নদের মধ্যে বরফ জমিয়া যাইত। এবং এক সময়ে ক্রমাগত চল্লিশদিন তাহাতে বরফ জমিয়া ছিল। কুষ্ণ সাগরে (Euxine Sea) অবিদ নামক কবির জীবনকালে, প্রতি বৎসর শীত ঋতুতে বরফ জমিয়া যাইত। এবং রীণ এবং রণ নামক নদীদ্বয়ের উপরে তৎসময়ে বরফ এরূপ গাঢ জ্বমিত যে তাহার উপর দিয়া বোঝাই গাড়ি চলিত। এক্ষণে রোমে বা কুঞ্চ সাগরে. वा छेक नगीष्रदा वतरकत नाम माज नारे। त्कर त्कर वत्नन, कृषिकार्यात वाधित्का, বন কাটায়, মৃত্তিকা ভগ্ন করায়, এবং ঝিল বিল শুষ্ক করায় এ সকল পরিবর্ত্তন ঘটিয়াছে। যদি কৃষিকার্য্যের আধিক্য শীত প্রদেশ উষ্ণ হয়, তবে উষ্ণ প্রদেশ শীতল হইবার কারণ কি ? গ্রীনলগু এককালে এরূপ তাপযুক্ত প্রদেশ ছিল যে, ইহাতে উদ্ভিদের বিশেষ আধিক্যে এবং শোভা ছিল, এবং সেই জন্ম উহার নাম গ্রীনলগু হইয়াছিল। একণে সেই গ্রীনলগু সর্বাদা এবং সর্বাত্র হিমশিলায় মণ্ডিত। এই দ্বীপের পূর্বব উপকূলে, বহু সংখ্যক ঐশ্বর্য্যশালী উপনিবেশ ছিল,—এক্ষণে সে উপকৃলে কেবল বরফের রাশি, এবং সেই সকল উপনিবেশের চিহ্ন মাত্র নাই।

লাব্রাডর, এক্ষণে শৈত্যাধিক্যের জন্ম বিখ্যাত—কিন্তু যথন সহস্রে খ্রীষ্টাব্দে নর্শ্নেনেরা তথায় গমন করেন, তখন ইহারও শীতের অল্পতা দেখিয়া তাঁহারা প্রীত হইয়াছিলেন, এবং ইহাতে জাক্ষা জন্মিত বলিয়া ইহার জাক্ষাভূমি নাম দিয়াছিলেন। (৮)

এ সকল পরিবর্ত্তনের অতি দূর সম্ভাবনা। না ঘটিবারই সম্ভাবনা। বাঙ্গালির শারীরিক বল চিরকাল এইরপ থাকিবে, ইহা এক প্রকার সিদ্ধ, কেন না তুর্বব্যতার নিবার্য্য কারণ কিছু দেখা যায় না।

ভবে কি বাঙ্গালির ভরসা নাই ? এ প্রশ্নে আমাদের ছইটি উত্তর আছে।

প্রথম উত্তর। শারীরিক বলই অত্যাপি পৃথিবী শাসন করিতেছে বটে। কিন্তু শারীরিক বল পশুর গুণ; মনুয় অত্যাপি অনেকাংশে পশুপ্রকৃতিসম্পন্ন, এজন্য শারীরিক বলের আজিও এতটা প্রাহ্রভাব। কিন্তু শারীরিক বল উন্নতি নহে। উন্নতির উপায় মাত্র। এ জ্বগতে বাহুবল ভিন্ন কি উন্নতির উপায় নাই ?

বাহুবলকে উন্নতির উপায়ও বলিতে পারি না। বাহুবলে, কাহারও উন্নতি হয় না। যে তাতার, ইউরোপ, আসিয়া জয় করিয়াছিল, সে কখন উন্নতাবস্থায় পদার্পণ করিল না। ক্রম, বলিষ্ঠ কিন্তু অত্যাপি উন্নত নহে। তবে বাহুবল উন্নতির পক্ষে এই জন্ম আবশ্যক যে, যে সকল কারণে উন্নতির হানি হয়, সে সকল উপদ্রব হুইতে আত্মরক্ষা করা চাই। সেই জন্ম বাহুবলের প্রয়োজন। কিন্তু যেখানে সে প্রয়োজন নাই, সেখানে বাহুবল ব্যতীতও উন্নতি ঘটে। ছুইটি উদাহরণ দেওয়া যাইতেছে।

১ম। স্কট্লণ্ড, অতি ক্ষুদ্র রাজ্য। কোনকালে বাহুবলে বিশেষ বলবান্
নহে। ইংলণ্ডীয় রাজ্ঞগণ সর্ববদা ইহার উপর অত্যাচার করিতেন; স্কট্লণ্ড কখন
কণ্টে আত্মরক্ষা করিত, কখন পারিত না। এজন্য স্কট্লণ্ড যত দিন, ইংলণ্ড হইতে
যতন্ত্র রাজ্য ছিল, ততদিন স্কট্লণ্ডের উন্নতি ইংলণ্ড হইতে অল্পতর হইয়াছিল। পরে
ইংলণ্ডের প্রথম জেমদের সময়ে, ইংলণ্ড ও স্কট্লণ্ড এক রাজ্য হইল। স্কট্লণ্ড
আত্মরক্ষার দায় হইতে নিষ্কৃতি পাইল। তখন স্কট্লণ্ডের উন্নতি অতি ক্রতবেগে
হইতে লাগিল। এক্ষণে স্কট্লণ্ড ইংলণ্ড হইতে কোন অংশে অপেক্ষাকৃত অনুমত
নহে। কিন্তু পূর্ব্বাপেক্ষা কোন অংশে বাছবল বাড়ে নাই। স্কটেরা বাছবলে
বলবন্ত না হইয়াও উন্নত হইয়াছে।

২য়। গারিবলদির সময় হইতে ইটালী কিঞ্চিৎ বাহুবল প্রদর্শন করিয়াছে। সেও অল্প দিন। আজি কালির কথা ছাড়িয়া দিয়া, পূর্ববাবস্থা ধরিতে হয়। পূর্ববাবস্থা ধরিতে গেলে আধুনিক ইটালীকে ইউরোপের মধ্যে বিশেষ বাহুবলশৃত্য

⁽b) The Scientific American.

রাজ্য বলা বাইতে পারে। কিন্তু উন্নতিতে ইটালী, কোন ইউরোপীয় রাজ্যের অপেক্ষায় লঘু নহে। কতকগুলি লঘুচেতা লোক আছেন—এদেশে আছেন, ইউরোপেও আছেন, এবং মনুয় জ্বাতির তুর্ভাগ্যবশতঃ তাঁহাদিগের মধ্যে অনেকেই লেখক, তাঁহারা বাহুবলকেই উন্নতি বলেন। তাঁহারা ইটালীয়দিগকে অত্যুন্নত জ্বাতি মধ্যে না গণিলেও গণিতে পারেন। কিন্তু যে সকল স্থুখের সমবায়কে জ্বাতীয় উন্নতি বলা যায়, তাহাতে ইটালী কোন দেশের অপেক্ষা ন্যূন নহে। বরং ইহা বলা যাইতে পারে যে, এই ইটালী ও স্কটলগু, এই তুই বাহুবল-বিহীন রাজ্য মধ্যে যত মহল্লোক জন্মগ্রহণ করিয়াছে, এত অল্প ভূমির মধ্যে এত বহুসংখ্যক নরশ্রেষ্ঠ আর কোথাও জন্মগ্রহণ করেন নাই।

এখানেও বাহুবল ব্যতীতও উন্নতি। এখানেও আত্মরক্ষার প্রয়োজন হয় নাই। পূর্ব্বে পোপের প্রভাপে, অধুনা ইউরোপীয় শক্তিসাম্য রক্ষার হেতু প্রয়োজন হয় নাই। ক্রেবল বিনিষিয়া, পরহস্তগত ছিল।

এই সকল কথার আলোচনা করিয়া মনে উদয় হয়, অধুনা বাঙ্গালারও আত্মরক্ষার প্রয়োজন নাই, কেন না ইংরেজ বাঙ্গালা রক্ষা করিতেছে। অতএব বাঙ্গালির উন্নতির জন্ম বাঙ্গালির বাহুবলের প্রয়োজন নাই। ইংলণ্ডের অধীনে থাকিয়া ইংলণ্ডের বাহুবলরক্ষিত হইয়া, বাঙ্গালা কি ইটালী ও স্কটলণ্ডের স্থায় উন্নত হইতে পারিবে না ?

অসম্ভব কিছুই নহে—বরং সেই লক্ষণই দেখা যাইতেছে। তবে, ইংরেজের রাজ্যশাসনের যে সকল দোষ, তাঁহাদিগের ভারতীয় রাজনীতিতে যে সকল উন্নতিনাশক নিয়ম আছে, তাহা অপনীত হওয়া চাই। দেশী বিদেশী প্রজায়, সর্বপ্রকার অধিকারের সমতা চাই। ইহা নহিলে, দেশের উন্নতি নাই। ইংরেজের শাসনপ্রণালী কিয়দংশে পরিশুদ্ধ হউক। তাহা হইলেই হ্বল বাঙ্গালির উন্নতি হইবে। বরং ইংরেজের অধীনে থাকাই, বাঙ্গালির উন্নতির এক মাত্র উপায় বলিয়া বোধ হয়। কেন না যে বাহুবল, আত্মরক্ষার্থ উন্নতির পক্ষে প্রয়োজন, যাহা বাঙ্গালির নিজের নাই, বা হইবার সম্ভাবনা নাই, ইংরেজ তাহা দিতেছে—ইংরেজের বাহুবল আমাদিগের নিজের বাহুবলের কার্য্য করিতেছে।

ছিতীয় উত্তরে, আমরা যাহা বলিতেছি বাঙ্গালার সর্বব্য, সর্ব্ব নগরে, সর্বব্যামে সকল বাঙ্গালির স্থানয়ে তাহা লিখিত হওয়া উচিত। বাঙ্গালি শারীরিক বলে হর্ববল—তাহাদের বাহুবল হইবারও সম্ভাবনা নাই—তবে কি বাঙ্গালির ভরসা নাই? এ প্রশ্নে আমাদিগের উত্তর এই যে, শারীরিক বল বাহুবল নহে।

মন্নুষ্যের শারীরিক বল অতি তৃচ্ছ। তথাপি হস্তী অশ্ব প্রভৃতি মন্নুষ্যের বাহুবলে শাসিত হইতেছে। মন্নুষ্যে মন্নুষ্যে তুলনা করিয়া দেখ। যে স্বকল পার্ব্বত্য বক্ত জাতি হিমালয়ের পশ্চিমভাগে বাস করে, পৃথিবীতে তাহাদের স্থায় শারীরিক বলে বলবান্ কে? এক একজন মেওয়াওয়ালার চপেটাঘাতে, অনেক সেলর গোরাকে ঘূর্ণ্যমান হইয়া আঙ্গ্র পেস্তার আশা পরিত্যাগ করিতে হইয়াছে দেখা গিয়াছে। তবে গোরা সমুদ্র পার হইয়া আসিয়া, ভারত অধিকার করিল—কাব্লির সঙ্গে ভারতের কেবল ফল বিক্রেয়ের সম্বন্ধ রহিল, কেন? অনেক ভারতীয় জাতি হইতে, ইংরেজেরা শারীরিক বলে লঘু। শারীরিক বলে, শিকেরা ইংরেজ অপিক্ষা বলিষ্ঠ। তথাপি শিক, ইংরেজের পদাবনত। শারীরিক বল, বাহুবল নহে।

উদ্যম, ঐক্য, সাহস এবং অধ্যবসায় এই চারিটি একত্রিত করিয়া, শারীরিক বল ব্যবহার করার যে ফল তাহাই বাহুবল। যে জাতির উত্তম, ঐক্য, সাহস এবং অধ্যবসায় আছে, তাহাদের শারীরিক বল যেমন হউক না কেন, তাহাদের ; বাহুবল আছে। এই চারিটি বাঙ্গালির কোন কালে নাই, এজ্ঞ বাঙ্গালির বাহুবল, কোন কালে নাই।

কিন্তু সামাজিক গতির ধলে, এই চারিটি বাঙ্গালির চরিত্রে সমবেত হওয়ার অসম্ভাবনা কিছুই নাই।

বেগবৎ অভিলাষ হাদয় মধ্যে থাকিলে উত্তম জন্মে। অভিলাষ মাত্রেই কখন উত্তম জন্মে না। যখন অভিলাষ এরপে বেগ লাভ করে যে, তাহার ৄ অপূর্ণবিস্থা বিশেষ ক্লেশকর হয়, তখন অভিলাষিতের প্রাপ্তির জন্ম উত্তম জন্মে। অভিলাষের অপূর্ত্তি জন্ম যে ক্লেশ, তাহার এমন প্রবলতা চাহি যে, নিশ্চেষ্টতা এবং আলস্তের যে স্থুখ, তাহা তদভাবে স্থুখ বলিয়া বোধ না হয়। এরপে বেগয়্কুক্ কোন অভিলাষ বাঙ্গালির হাদয়ে স্থান পাইলে, বাঙ্গালির উত্তম জন্মিবে। ঐতিহাসিক কাল মধ্যে এরপে কোন বেগয়্কু অভিলাষ বাঙ্গালির হাদয়ে কখন স্থান পায় নাই।

যখন বাঙ্গালির হাদয়ে সেই এক অভিলাষ জ্বাগরিত হইতে থাকিবে, যখন বাঙ্গালি মাত্রেরই হাদয়ে সেই অভিলাষের বেগ এরূপ গুরুতর হইবে যে, সকল বাঙ্গালিই ভজ্জ্য আলম্ম সুখ তুচ্ছ বোধ করিবে, তখন উচ্চমের সঙ্গে ঐক্য মিলিভ হইবে।


সাহসের জন্ম আর একটু চাই। চাই যে সেই জাতীয় স্থাখর অভিলাষ, আরও প্রবলতর হইবে। এত প্রবল হইবে যে তঙ্জন্ম প্রাণ বিসর্জ্জনও শ্রেয়োবোধ হইবে। তখন সাহস হইবে।

যদি এই বেগবৎ অভিলাম, কিছুকাল স্থায়ী হয়, তবে অধ্যবসায় জন্মিবে।

অতএব যদি কখন (১) বাঙ্গালির প্রদয়ে কোন জাতীয় স্থাপের অভিলাষ প্রবল হয় (২) যদি বাঙ্গালি মাত্রেরই প্রদয়ে সেই অভিলাষ প্রবল হয়, (৩) যদি সেই প্রবলতা এরূপ হয় যে তদর্থে লোকে প্রাণপণ করিতে প্রস্তুত হয়, (৪) যদি সেই অভিলাবের বল স্থায়ী হয়, তবে বাঙ্গালির অবশ্য বাছবল হইবে।

বাঙ্গালির এরূপ মানসিক অবস্থা যে কখন ঘটিবে না, একথা বলিভে পার। যায় না। যে কোন সময়ে ঘটিতে পারে।

অতএব বাঙ্গালির ভরসা নাই, একথা সত্য নহে; কিন্তু যাঁহারা ইংরেজ্বের নিন্দায় সুখী, তাঁহাদিগের স্মরণ রাখা কর্ত্তব্য যে, এক্ষণে বাঙ্গালির প্রধান ভরসা ইংরেজ্ব।



তদ্দেশীয় পণ্ডিতদিগের মতে ভারতবর্ষীয় দর্শনশাস্ত্র সমূহ আন্তিক ও নান্তিক এই ছুই ভাগে বিভক্ত। যে যে দর্শনে বেদের প্রমাণ অগ্রাহ্য করা হইয়াছে, সেইগুলি নান্তিক, যথা বৌদ্ধ ও চার্কাকদর্শন; এবং যে যে দর্শনে বেদ প্রামাণ্য বলিয়া গণ্য হইয়াছে সে সমূদায় আন্তিক পদবাচ্য, যদিও তন্মধ্যে কোন কোনটি নিরীশ্বর, যথা কাপিল ও জৈমিনি দর্শন। যে সাংখ্যে ঈশ্বর অসিদ্ধ এবং যে প্র্কিমীমাংসায় মন্ত্রাতিরিক্ত দেবতার অন্তিত্ব স্বীকৃত হয় নাই, সে সাংখ্য ও মীমাংসা আন্তিক; এবং বেদ বহিন্ত্ ত বৌদ্ধ সর্ক্বসৃষ্টিকর্ত্তা আদি বৌদ্ধ মানিলেও নান্তিক। ধন্য শব্দ প্রয়োগের কোশল! এতৎ প্রবন্ধে আমরা নান্তিক দর্শনান্তর্গত চার্কাক-দর্শনের সমালোচনা করিব।

কয়েকটি প্রধান বিষয়ে এতদেশীয় অপর সমুদায় দর্শনের সহিত চার্বাকদর্শনের বিবাদ। উত্তর ও পূর্বে মীমাংসা, স্থায় ও বৈশেষিক, সাংখ্য, যোগ ও বৌদ্ধ
সকল দর্শনেই পরলোক স্বীকৃত হইয়াছে। কেবল চার্বাক-মতাবলম্বীরাই পরলোক
মানেন না। এজ্ঞ চার্বাকদর্শনের আর একটি নাম লোকায়তদর্শন, কেন না
ইহলোকই ইহার সর্ববিষ।

সকল দর্শনেই অনুমান প্রমাণ মধ্যে পরিগণিত হইয়াছে; কেবল চার্ববিক-দর্শনেই প্রত্যক্ষাতিরিক্ত প্রমাণ অগ্রাহ্য। যাহা চক্ষু কর্ণ প্রভৃতি ইপ্রিয়ের অগোচর, চার্ববাক-শিয়েরা তাহার অন্তিম্ব স্বীকার করেন না। এই নিমিন্তই-তাঁহারা ঈশ্বর, পরলোক ও দেহাতিরিক্ত আত্মা মানেন না। স্মৃতরাং চার্ববাকদর্শনকে নাস্তিক-দর্শন বলা অস্থায় নহে।

এতদ্দেশীয় অস্থাস্থ দর্শনকারের। ত্বংখ মিশ্রিত সংসারের স্থুখ চাহেন না। তাঁহারা যে মোক্ষ প্রার্থনা করেন তাহাতে স্থুখ ত্বংখ কিছুই নাই; সংসার বন্ধনি বিমোচন, প্রবৃত্তিত্বেরের নির্ব্বাণ, আন্তরিক স্থৈই জীবনের উদ্দেশ্য।

মাধবাচার্য্য সর্বনর্শন সংগ্রহে চার্ব্বাককে "বৃহস্পতি মতামুসারী নাস্তিক শিরোমণি" বলিয়া বর্ণনা করিয়াছেন। বৃহস্পতি বা চার্ব্বাক লিখিত কোন গ্রন্থ দেখা যায় না। কেবল এই মাত্র বলিতে পারা যায় যে মাধবাচার্য্য পশ্চাল্লিখিত শ্লোকগুলি বৃহস্পতির উক্ত বলিয়া উদ্ধৃত করিয়াছেন—

> ন স্বর্গো নাপবর্গো বা নৈবাত্মা পারলোকিক:। নৈব বর্ণাশ্রমাদীনাং ক্রিয়ান্চ ফলদায়িকা: ॥ অগ্নিহোত্রং ত্রয়োবেদান্ত্রিদণ্ডং ভস্মগুর্গনম্ । বৃদ্ধি পৌরুষহীনানাং জীবিকা ধাতৃনিশ্বাতা॥ পশুশেরিহত: স্বর্গং জ্যোতিষ্টোমে গমিয়তি। স্বপিতা যজমানেন তত্র কম্মান্ন হিংস্তাতে ॥ মৃতানামপি জন্তুনাং শ্রাদ্ধং চেতুপ্রিকারণম ! গচ্ছতামিহ জন্তুনাং ব্যর্থং পাথেয় কল্পনম।। স্বৰ্গস্থিতা যদা তৃপ্তিং গছেয়ন্তত্ত্ৰ দানত:। প্রাসাদস্ভোপরিস্থানামত্র কন্মান্ন দীয়তে॥ यांवड्डीत्वर स्वथः खीरवमृनः कृषा धुङ शिरवर । ভন্মীভৃতস্ত দেহস্ত পুনরাগমনং কৃত: ॥ यमि গচ্ছেৎ পরং লোকং দেহাদেষ বিনির্গত:। কশান্ত্রোন চায়াতি বন্ধুনেহসমাকুল:॥ ততক জীবনোপায়ো ব্রাহ্মণৈর্বিহিতন্তিহ। মৃতানাং প্রেতকার্য্যাণি নত্মসৃদিয়তে কচিৎ॥ ত্রয়ো বেদস্য কর্তারো ভণ্ড ধৃর্ত্ত নিশাচরা:। জর্ফ রী ভূফ রীত্যাদি পণ্ডিতানাং বচ: শ্রুতম্॥ অখন্তাত্রহি * * * পদ্মীগ্রাহ্ম প্রকীত্তিতম। ভবৈত্তদ্বৎ পরক্ষৈব গ্রাহ্মজাতং প্রকীর্ত্তিতম। মাংসানাং থাদনং তদ্বনিশাচর স্মীরিতম্॥

"স্বর্ম, অপবর্গ বা পরলোকগামী আত্মা নাই; বর্ণাশ্রমাদির কোন ক্রিয়াও ফলদায়িনী হয় না। অগ্নিহোত্র, তিনবেদ, ত্রিদণ্ড ও ভত্মলেপন বৃদ্ধি পৌরুষহীনদিগেরই ধাতৃনির্মিত জীবিকা। যদি জ্যোতিষ্টোম যজ্ঞে নিহত পশু স্বর্গে গমন
করে, তবে যজমান কেন স্ব পিতাকে বলিদান করে না ? যে জস্তুগণ মরিয়াছে,
শ্রাদ্ধে যদি তাহাদিগেরও তৃপ্তি জন্মে, তবে পর্য্যটকদিগের পাথেয় সঙ্গে রাখিবার
প্রয়োজন নাই। যদি স্বর্গস্থিত লোকে ভূতলন্থ দানে তৃপ্তিপ্রাপ্ত হয়, তবে
প্রাসাদোপরিস্থিত ব্যক্তিবর্গের তৃপ্তি নিমিত্ত ভূতলে আয় কেন না দাও ? যতদিন
জীবিত থাক, স্বথে জীবন যাত্রা নির্ম্বাহ্ কর; ঋণ করিয়াও মৃত্ত খাও; ভস্মীভূত

দেহের পুনরাগমন কোথায়? যদি দেহ হইতে নির্গত হইয়া কেহ পরলোকে যায়, তবে বন্ধুম্নেহে আকুল হইয়া কেন ফিরিয়া না আইসে? স্থতরাং মৃতদিগের প্রেত্তকার্য্য বিহিত্ত করা ব্রাহ্মণদিগের জীবনোপায় মাত্র; অন্থ কিছু নহে। তিন বেদের কর্ত্তা ভণ্ড, ধূর্ত্ত ও নিশাচর। জফর্ রী তৃফর্ রী ইত্যাদি পণ্ডিতদিগের বচন সকলেই শুনিয়াছে। লিখিত আছে যে অশ্বমেধে * * * রাজ্পত্মী ধরিবেন। ভণ্ডগণ ইত্যাকার কত কি ধরিবার কথা লিখিয়াছে। তদ্ধেপ মাংসভক্ষণ নিশাচর নির্দিষ্ট।"

কোন্ সময়ে চার্ব্বাক বা বৃহস্পতির মত প্রচারিত হয়, স্থির করা কঠিন। বিষ্ণু পুরাণে ইহার প্রতি কটাক্ষ লক্ষিত হয়, যথা—

> অনানপানা পাষ্ট প্রকারের্বচভিদিন্ত। দৈতেয়ানু মোহয়ামাস মায়ামোহ বিমোহরুৎ॥ স্বল্লেনৈব হি কালেন মায়ামোহেন তে২স্থরা:। মোহিতান্তত্যজু: সর্কাং স্ত্ররীমার্গাপ্রিতাং কথাং॥ কেচিদ হি নিন্দাং বেদানাং দেবানাং অপরে দ্বিজ। যজ্ঞকৰ্ম্মকলাপস্তা তথান্তেচ দ্বিজন্মনাং॥ নৈতদ্যুক্তিসহং বাঁক্যং হিংসা ধর্মায় নেয়তে। হবিংম্যনলদগ্ধানি ফলায়েতার্ভকোদিতং॥ যক্তৈরনেকৈর্দেবস্থমবাপ্যেক্ত্রেণ ভূজাতে। শম্যাদি যদি চেৎ কাঠং তদ্বরং পত্রভুক পশুঃ॥ নিহতন্য পশোর্যজ্ঞে স্বর্গপ্রাপ্তির্যদীয়তে। স্বপিতা যজমানেন কিন্নু তন্মান্ন হন্ততে ॥ তৃপ্তয়ে জায়তে পুংসো ভূক্ত মক্তেন চেৎ ততঃ। দতাচ্ছ কিং শ্রদ্ধায়রং ন বহেয়ুঃ প্রবাসিনঃ॥ জন প্রদ্বেয় মিত্যেতদবগম্য ততোবচ: । উপেক্ষ্য শ্রেরের বাক্যং রোচতাম্ যন্ময়েরিতং॥ ন হ্যাপ্তবাদা নভসো নিপতস্তি মহাস্করা:। যুক্তিমন্বচনং গ্রাহাং ময়া ন্যৈশ্চভবদ্বিধৈঃ॥ মায়ামোহেন দৈতেয়াঃ প্রকারের্বহুভিন্তথা। ব্যুখাপিতা যথা নৈষাং ত্রয়ীং কশ্চিদরোচয়ৎ॥ ইখম্মার্গবাতেষু তেষু দৈত্যেষু তেহমরা:। উত্যোগং পরমং কৃত্বা যুদ্ধায় সমুপস্থিতা: ॥ ততো দেবাস্থরং যুদ্ধং পুনরেবাভবদ ছিজ। হতাশ্ততেহস্থরা দেবৈ: সন্মার্গপরিপন্থিন:॥ সধর্মকবচন্ডেষাং অভূত্য: প্রথমং দিজ। তেন রক্ষাভবং পূর্বাং নেশুর্ন ষ্টেচতত্ততে॥

"হে ছিল্ল, মায়ামোহ মায়াজাল বিস্তৃত করিয়া অস্তাম্য বহু প্রকার পাষ্ড প্রকারে দৈত্যদিগকে বিমুগ্ধ করিলেন। মায়ামোহ কর্ত্ত্ব মোহিত হইয়া সেই অস্তুর সকল অল্পকালেই ত্রিবেদমার্গাঞ্জিত কথা সমূদয় পরিত্যাগ করিল। হে দিজ, কেহ বেদের নিন্দা করিতে লাগিল, কেহ বা দেবের, কেহ বা যজ্ঞ কর্মকলাপের এবং কেহ বা ব্রাহ্মণের। হিংসায় ধর্ম হয় এ বাক্য যুক্তিসহ নহে; অগ্নিতে ঘৃত पक्ष कतित्व कोन कन আছে, ইহা বালকের উক্তি। ই<u>न</u> यদি অনেক যজ্ঞ দারা দেবৰ প্ৰাপ্ত হইয়া শম্যাদি কাষ্ঠ ভক্ষণ করেন, পত্রভুক্ পশু ভদপেক্ষা শ্রেষ্ঠ। যদি যজ্ঞে নিহত পশুর স্বর্গপ্রাপ্তি হয়, স্বপিতাকে যজ্ঞমান কেন মারিয়া ফেলে না ? যদি অন্তের ভুক্ত অন্নে পুরুষের তৃপ্তি হয়, তবে প্রবাসীদিগের উদ্দেশে শ্রদ্ধা পূর্ব্বক শ্রাদ্ধ কর, তাহাদিগের আর অন্ধ বহন করিতে হইবে না। তন্নিমিত্ত এই বাক্য জনশ্রদ্ধের ইহা বৃঝিয়া শাস্ত্রের মোক্ষ-নির্ণায়ক বাক্য অবহেলাপূর্ব্বক আমি যাহা বলিতেছি তাহাতেই শ্রদ্ধা কর। হে মহামুরগণ, আগু বাক্য আকাশ হইতে পড়ে না; আমার কাছে ও তোমাদিগের স্থায় লোকের কাছে যুক্তিযুক্ত বচনই গ্রাহ্ম। এইরূপ বিবিধপ্রকারে মায়ামোহ দৈত্যদিগের চিত্ত বিকৃত করিয়া দিলে, তিন বেদের প্রতি তাহাদিগের আর রুচি রহিল না। এই প্রকারে দৈত্যগণ বিপথগামী হইলে অমরগণ পরম উত্যোগ করিয়া যুদ্ধে উপস্থিত হইলেন। অনন্তর, হে দ্বিজ্ঞ, দেবাস্থরে পুনরায় যুদ্ধ বাধিল; এবং দেবতাদিগের হস্তেই সম্মার্গপরিত্যাগী অম্বরেরা নিহত হইল। হে দ্বিজ, প্রথমে অস্কুরদিগের যে ধর্ম-কবচ ছিল, তদ্ধারা পূর্বেব তাহার। রক্ষিত হইত, এক্ষণে সেই ধর্ম-কবচ নষ্ট হওয়ায় তাহারা বিনষ্ট হইল !"

মহাভারতের শাস্তি পর্ব্বে চার্ব্বাকের উল্লেখ দৃষ্ট হয়, যথা—

নিঃশব্দে চ স্থিতে তত্ত্ব তত্তো বিপ্রজনে পুন: ।
রাজানং ব্রাহ্মণচ্চুদ্মা চার্কাকো রাক্ষসোহব্রবীং ॥
তত্ত্ব চুর্বোধনসথা ভিক্ষ্মপেণ সংবৃত্ত: ।
সাক্ষঃ শিখী ত্রিদণ্ডীচ ধুপ্তো বিগত সাধবসঃ ॥
বৃতঃ সর্বৈস্তথা বিপ্রৈরাশীর্কাদ বিবক্ষ্,ভি: ।
পরং সহক্রৈ রাজেন্দ্র তপোনিয়ম সংশ্রিতৈ: ॥
স দৃষ্টঃ পাপমাশংস্কঃ পাগুবানাং মহাদ্মনাং ।
অনামন্ত্রোব তান্ বিপ্রাং স্তম্বাচ মহীপতিং ॥
চার্কাক উবাচ।

ইমে প্রাহর্দ্বিজাসর্বে সমারোণ্য বচো মরি।
ধিগ্ ভবস্তং কুনৃপতিং জ্ঞাতিঘাতিনমস্ত বৈ ॥
কিংতেন স্থান্ধি কৌন্তের কুত্বেমং জ্ঞাতি সংক্ষয়ং।
ঘাতরিবা গুরুংশৈতব মৃতং প্রেয়ো ন জীবিতং॥

ইতি তে বৈ দ্বিজা: শ্রুদ্ধা তক্ত ছুইস্য রক্ষ্ণ: । বিব্যপুশ্চ কুন্তুশ্বৈত তক্ত বাক্য প্রধর্ষিতা: ॥ ততন্তে ব্রাহ্মণা: সর্ব্বে সচ রাজা বৃধিষ্টির: । ব্রীড়িতা পরমোদিগ্নাস্ত্বফীমাসন্ বিশাম্পতে॥

.

ব্রাহ্মাণা উচুঃ।

"এব ত্র্য্যোধন-সথা চার্ব্বাকো নাম রাক্ষস: । পরিব্রাজকরপেণ হিতং তক্ত চিকীর্বতি ॥ নবরং ব্রুম ধর্মাত্মন্ ব্যেত্তে ভরমীদৃশং । উপতিষ্ঠতু কল্যাণং ভবস্তং ব্রাতৃতিঃ সহ ॥"

বৈশস্পায়ন উবাচ।

তততে ব্রাহ্মণা সর্বে হুকারৈ: ক্রোধ মৃচ্ছিতা:।
নির্ভংসয়স্কঃ শুচয়ো নিজন্ম; পাপ রাক্ষসং॥
স পপাত বিনির্দশ্বত্তেজসা ব্রহ্মবাদিনাং।
মাহেক্সাশনি নির্দশ্বঃ পাদপোহত্মবানিব॥

"অনস্তর দ্বিজ্ঞগণ নিঃশব্দ হইলে ছন্মবান্ধান্ধপী চার্বাক রাক্ষদ রাব্ধাকে বলিতে লাগিল। সেই অক্ষ-শিখা ত্রিদণ্ড সম্বলিত ভিক্ষ্বেশধারী, নির্লভ্জ ও নির্ভীক ছর্য্যোধনসখা সহস্র তপোনিরত আশীর্বাদ প্রদানাভিলাধী বিপ্রবর্গে পরিবৃত্ত হইয়া মহাত্মা পাগুবদিগের অনিষ্ট কামনা করিয়া অস্থ্য দ্বিজ্ঞগণকে না দ্বিজ্ঞাসিয়াই ভূপতিকে বলিল, "এই সম্দায় বিপ্রগণ আমার প্রতি আরোপ করিয়া বলিতেছেন, ধিক্ তুমি, কুনুপতি, জ্ঞাতিঘাতী; হে কৌস্তেয়, জ্ঞাতি এবং গুরু ক্ষয় করিয়া তোমার কি লাভ হইল ? তোমার পক্ষেই মৃত্যুই শ্রেম ; জীবন ধারণ নহে।" তখন সেই ছৃষ্ট রাক্ষসের বাক্য শুনিয়া দ্বিজ্ঞগণ অত্যন্ত ব্যথিত ও ক্রুদ্ধ হইলেন এবং ব্যাহ্মণগণ ও রাজা যুর্ঘিন্টির লজ্জিত ও চিম্বান্থিত হইয়া তুফীস্তাব অবলম্বন করিয়া রহিলেন। ত্রাহ্মণেরা কহিলেন, "এ ছ্র্য্যোধন-সখা চার্ব্বাক নামা রাক্ষস। পরিত্রাজকরূপে তাহার মঙ্গল কামনা করিতেছে। হে ধর্মাত্মন, আমরা এ সকল বাক্য বলি নাই, আপনি ঈদৃশ ভয় পরিত্যাগ করুন। ভ্রাত্থগণের সহিত আপনার কল্যাণ হউক।"

"বৈশম্পায়ন কহিলেন, অনস্তর সেই শুদ্ধাচারী ব্রাহ্মণ সকল ক্রুদ্ধ হইয়া ভ ৎসনা করতঃ হুঙ্কার পরিত্যাগ পূর্বেক পাপ রাক্ষসকে বিনাশ করিলেন। বজ্জ-দক্ষ অঙ্কুরবান্ পাদপের স্থায় ব্রহ্মবাদীদিপের তেজে দক্ষ হইয়া সে পতিত হইল।" রামায়ণের অযোধ্যাকাণ্ডে যখন মহর্ষি জাবালি রামচন্দ্রকে অরণ্যযাত্রা হইডে প্রতিনিবৃত্ত হইতে বলিভেছেন, তখন তাঁহার উক্তি মধ্যে চার্ব্বাক মত লক্ষিত হয়, যথা—

অর্থধর্মপরা বে বে তাংস্তাংক্ষোচামি নেতরান্।
তেহি তৃঃধমিহ প্রাপ্য বিনাশং প্রেত্য নেমিরে ॥
অন্তকাপিতৃদৈবত্য মিত্যয়ং প্রস্ততো জনঃ ।
অন্তর্গপত্রবং পশ্র মৃতোহি কিমশিয়তি ॥
যদি ভূক্তমিহান্তেন দেহমক্তস্ত গচ্ছতি ।
দত্তাং প্রবস্তাং শ্রাদ্ধং ন তৎপথ্যশনং ভবেং ॥
দানসংবলনাহেতে গ্রন্থানেধাবিভিঃকৃতাঃ ।
যজস্ব দেহি দীক্ষস্ব তপন্তপ্যস্ব সন্তাজ ॥
স নান্তি পরমিত্যেতং কুকুবৃদ্ধিং মহামতে ।
প্রত্যক্ষং যন্তদাতিষ্ঠ পরোক্ষং পৃষ্ঠতঃ কুকু ॥

"যাঁহারা শাস্ত্রার্থধর্মপরায়ণ, আমি তাঁহাদিগের জন্ম ব্যাকুল হইতেছি। তাঁহারা ইহলোকে ছংখ পাইয়া, অস্তে বিনাশপ্রাপ্ত হয়। লোকে পিতৃদেবতার উদ্দেশে অষ্টকা প্রাদ্ধ করে; দেখ, ইহাতে কেবল অন্ধ ধ্বংস হয়; মৃতব্যক্তি কি আহার করিতে পারে? যদি একের ভুক্ত অন্ধ অন্মের দেহে যায়, তবে প্রবাসীর উদ্দেশে প্রাদ্ধ কর, তাহার পাথেয়ের প্রয়োজন হইবে না। যজ্ঞ কর, দান কর, দীক্ষিত হও, তপস্থা কর, বিষয় বাসনা ত্যাগ কর এইরূপ দানপ্রবর্ত্তক গ্রন্থ বৃদ্ধিমান্ ব্যক্তিরা রচনা করিয়াছেন। ধর্ম কোন কাজের নয়, হে মহাম্মন্, তুমি এই বৃদ্ধি কর। পরোক্ষ পশ্চাতে রাখিয়া, যাহা প্রত্যক্ষ তাহার অমুষ্ঠান কর।"

এপর্যান্ত যে সকল শ্লোক উদ্ধৃত হইল সে সকল পর্যালোচনা করিলে এই মাত্র প্রতীতি জন্মে যে বিষ্ণুপুরাণ, মহাভারত ও রামায়ণ তাহাদিগের বর্ত্তমান আকার ধারণ করিবার অগ্রে চার্ব্বাকদর্শন প্রচারিত হইয়াছিল। অনেকে বিবেচনা করেন রামায়ণ ও মহাভারতের অনেকাংশ বৃদ্ধদেবের আবির্ভাবের পূর্ব্বে বিরচিত হইয়াছিল। কিন্তু এ মতটা প্রামাণ্য হইলেও আমাদিগের জানিবার উপায় নাই যে, আমাদিগের উদ্ধৃত শ্লোকগুলি সেই প্রথম রচিত ভাগের অন্তর্গত কি না। স্কুতরাং মহাভারতে চার্ব্বাকের নাম এবং রামায়ণে তদীয় প্রত্যক্ষবাদ লক্ষিত হইলেও, লোকায়তদর্শন প্রচারের সময় নির্ণীত হইতেছে না। তবে এই মাত্র বলা যাইতে পারে যে, যখন শান্তি পর্ব্বে ছর্য্যোধনের সমকালীন লোক বলিয়া চার্ব্বাকের বর্ণনা দেখা যায় এবং অযোধ্যাকাণ্ডে জাবালি ঋষির মূখে লোকায়তিক উপদেশ শুনা যায়, তখন চার্ব্বাক-মত প্রাচীন মত বলিয়া বছকাল হইতে গ্রাক্ত ইয়াছে সন্দেহ নাই। এ প্রসঙ্গে আর একটি কথাও শ্বরণ করা উচিত। যিনি এই মতের

প্রবর্ত্তক, তাঁহার নাম বৃহস্পতি। খণ্ডন খণ্ডখাছকার প্রীহর্ষ তাঁহাকে দেবগুরু বিদ্যাছেন। ইহাও তাঁহার প্রাচীনছের আর একটি প্রমাণ। লোকে বাঁহার বৃদ্ধির সহিত তুলনা দিয়া থাকে, তিনিই কি সেই বৃহস্পতি ? ধর্মশান্তকারদিগের মধ্যে একজ্বন বৃহস্পতি আছেন। তিনিও তর্কাছুরাগী। তিনি লিখিয়াছেন

কেবলং শান্ত্রমান্ত্রিত্য ন কর্ত্তব্যো বিনির্ণয়: । যুক্তিহীন বিচারেতু ধর্মহানিঃ প্রজায়তে ॥

তথাৎ, "কেবল শাস্ত্র আশ্রয় করিয়া তম্বনির্ণয় করা উচিত নয়; যেহেতু যুক্তিহীন বিচারে ধর্মহানি হয়।"

কিন্তু তর্কানুরাগী হইলেও ধর্মশাস্ত্রকার বৃহস্পতি বেদবিরোধী নাস্তিক বৃহস্পতি হইতে পারেন না।

যদি উপরে উপরে দেখা যায়, তাহা হইলে লোকায়তদর্শন প্রচারের সময় সম্বন্ধে কয়েকটি কথা মনে উদিত হয়। এই দর্শনে ঈশ্বরের অন্তিম্ব স্বীকৃত হয় নাই; স্মৃতরাং ইহা কাপিলদর্শনের পরে রচিত হইবার সম্ভাবনা। এই দর্শনে বেদ ও পশুবধের প্রতি বিদ্বেষ দৃষ্ট হয়; স্মৃতরাং এরূপ অন্থমেয় যে ইহা বেদবিদ্বেষী অহিংসাধর্মাবলম্বী বৃদ্ধদেবের পরবর্ত্তী কালের। কিন্তু কে বলিতে পারে যে কপিল বা শাক্যসিংহের পূর্ব্বে নান্তিক-মত প্রচলিত ছিল না বা প্রকাশিত হয় নাই, অথবা বৈদিক ক্রিয়াকলাপের প্রতি লোকের অশ্রন্ধা জন্মে নাই ?

এতদেশীয় কোন বিষয়েরই প্রকৃত ইতিবৃত্ত পাওয়া যায় না। অমুসন্ধান করিতে গেলেই অন্ধকার দেখিতে হয়। ইউরোপের ইতিহাসে যেরূপ পর্যায়ক্রমে এক মতের পর অপর মতের আবির্ভাব লক্ষিত হয়, এ দেশের দর্শনশাস্ত্র সম্বন্ধে সেরূপ কিছুই দেখা যায় না। বোধ হয় যেন সকল দর্শনই একসময়ে দেখা দিয়াছিল। প্রত্যেক দার্শনিকদলের মূল স্ত্র-গ্রন্থে অপর দর্শন স্ত্রের উল্লেখ বা মতখণ্ডন প্রাপ্ত হওয়া যায়। যথা, কাপিল স্ত্রের প্রথমাধ্যায়ে ২০ হইতে ২৪ স্ত্রে পর্যাস্ত বৈদান্তিক অবিভাবাদখণ্ডন এবং ১৫০ ও ১৫১ স্ত্রে একাত্মবাদখণ্ডন আছে। উক্ত অধ্যায়ের ২৫ স্ত্রে লিখিত আছে,—

न वृत्रः यपुष्पार्थवीमिनः विद्यायिकामिवः,

অর্থাৎ "আমরা বৈশেষিকাদিদিগের স্থায় ষট্পদার্থবাদী নহি।" আবার ২৭ ও তৎপরবর্ত্তী কয়েকটি সূত্রে বৌদ্ধদিগের ক্ষণিকত্বাদখণ্ডন দৃষ্ট হয়। স্কুতরাং কিপিলের সাংখ্য-সূত্রে বেদান্ত, বৈশেষিক ও বৌদ্ধ অন্ততঃ এই তিন মতের প্রাগস্তিত্ব স্টিত হইতেছে। এইরূপ যদি আবার বেদান্ত সূত্রের দিকে দৃষ্টি কর, দেখিবে যে ২৮ ও ৩১ সূত্রে পতঞ্চলিকৃত যোগ-দর্শনের উল্লেখ আছে, ২ ও ৩ সূত্রে সাংখ্য-মত খণ্ডন আছে এবং অস্থান্ত স্থুলে কণাদের

পরমাপুরাদ লইয়া বিবাদ আছে। এই নিমিত্ত কেবল স্ত্রগুলি দেখিয়া ছির করিবার উপায় নাই যে অগ্র-পশ্চাৎ কোন্ দর্শনের কখন্ উৎপত্তি হইয়াছে। বোধ হয় যখন, সকল দর্শনেরই প্রচার হইয়া পরস্পরের খণ্ডন চেষ্টা চলিতেছিল, সেই সময়ে প্রচলিত মূল দর্শন স্ত্রগুলি লিপিবদ্ধ হইয়াছিল। যদি কপিল, বদরায়ণ, গৌতম প্রভৃতিকে ভিয় ভিয় দার্শনিক সম্প্রদায়ের মত-প্রবর্ত্তক বলিয়া ধরা যায়, তাহা হইলে বলিতে হইবে যে, যে স্ত্রগুলি তাঁহাদিগের নামে চলিতেছে, সেগুলি তাঁহাদিগের রচিত নহে; তাঁহাদিগের মতামুসারী শিয়্ম প্রশিয়্মগণ কর্তৃক অনেক বাদামুবাদের পরে লিখিত। সাংখ্যকারিকাকার ঈশ্বর কৃষ্ণ কাপিল-স্ত্র সম্বন্ধে ইহা স্পষ্ট করিয়াই বলিয়াছেন। তিনি লিখিয়াছেন যে, "ঋষি দয়া করিয়া এই প্রধান পবিত্র শাস্ত্র আমুরিকে দয়াছিলেন, আমুরি পঞ্চনিখকে এবং পঞ্চনিখ ইহাকে বহু বিস্তীর্ণ করিয়াছেন।" (১) আবার দেখ যখন জৈমিনি-স্ত্রে জৈমিনির দোহাই ও বেদান্ত-স্ত্রে বদরায়গের দোহাই দেখা যায়, তখন এগুলি তাঁহাদিগের লিখিত না হইয়া শিয়্ম প্রশিষ্মের লিখিত হইবারই সম্ভাবনা। (২)

যদিও ভিন্ন ভিন্ন দর্শনের উৎপত্তি-পর্য্যায় নির্ণয় পূর্বক দার্শনিক মত-প্রবর্ত্তক ঋষিবর্গের সময় নিরূপণ করা ছংসাধ্য, তথাপি তাঁহাদিগের প্রাছ্রভাবকাল সম্বন্ধে সাধারণতঃ ছই একটি কথা বলা যাইতে পারে। সকল দর্শনই সূত্রাকারে লিখিত। স্কুতরাং সংস্কৃত সাহিত্যের যে কাল সূত্রপ্রধান, সেই কালেই দর্শন সকলের আবির্ভাব। ভট্টমোক্ষমূলর সাহেবের মতে খ্রীষ্টাব্দের ৬০০ হইতে ২০০ বর্ষ পূর্বে পর্যান্ত এই কালের ব্যাপ্তি। এই সময়ের শিরোভ্র্যণ বুদ্ধদেব। বোধ হয়, তাঁহার জন্মের কিছুকাল পূর্বে হইতে দার্শনিককালের আরম্ভ। সংসার ছংখময়, ইহাই এতদ্দেশীয় দর্শনের মূলতত্ত্ব। শাক্যসিংহ জন্মিবার পূর্বেই ইহা এতদ্দেশ-বাসীরা বিলক্ষণ স্থান্যক্রম করিয়াছিলেন এজন্মই কাতর হইয়া কতলোক সংসার পরিত্যাগ করিতেছিল। যখন বৃদ্ধদেব সাংসারিক স্থুখ বিসর্জ্জন করিয়া মোক্ষণপ্রের পথিক হইলেন, তিনি বহুসংখ্যক লোককে তৎসদৃশদশাপন্ধ দেখিতে পাইলেন। কি প্রকারে ছংখ নিবৃত্তি হইবে, তৎকালে চিন্তাশীল ব্যক্তিবর্গ এই প্রশ্ন লইয়াই ব্যস্ত ছিলেন। বৈদিককালের ক্রিদিগের ক্রায় উাহারা সাংসারিক

⁽১) এতৎপবিত্রমগ্র্যং মুনিরাস্থররেংমুকম্পরা প্রদদৌ আস্থরিরপি পঞ্চশিখার তেনচ বহুধা কৃতং তন্ত্রং॥ १०।

⁽³⁾ Vide a Lecture on "Hindu Philosophy" delivered by the present writer on the 14th of March 1857 at the Bethune Society and published in the transactions of the society in 1870.

স্ব্যপ্রার্থী ছিলেন না। উচ্চপদ, বিচিত্র বেশ ভূষা, স্থরম্য হর্মা, উপাদের খান্ত, স্বুন্দরী নারী, বহুসংখ্যক সম্ভান, শতবর্ষ বয়ংক্রেম, এ সকলে তাঁহাদিগের মনস্কৃষ্টি হইত না। তাঁহারা বৃঝিয়াছিলেন যে সাংসারিক স্থাবর আঁতে আঁতে ছংখ। এই জ্বন্তুই তাঁহাদিগের সংসারের প্রতি বিরক্তি। এই জ্বন্তুই তাঁহাদিগের সংসার-বন্ধন ছেদন চেষ্টা। সংসার তাঁহাদিগের পক্ষে কেন এত ক্লেশকর বোধ হইয়াছিল. সম্পূর্ণরূপে বুঝা যায় না। কিন্তু এরপ হইবার কোন কারণ নির্দেশ করা যায় না, এমত নহে। বৈদিক সময়ে আর্য্যগণ হিমালয় সন্নিহিত শীতল প্রদেশে বাস করিতেছিলেন। স্বাস্থ্যকর স্থানে থাকিয়া তাঁহাদিগের কার্য্য করিতেও যেমন প্রবৃত্তি হইত, শরীর ও মনেরও তেমনই ক্মুর্ত্তি ছিল। বিশেষতঃ তাঁহারা দস্ম্য-দিগকে জয় করিয়া দিন দিন নৃতন নৃতন প্রদেশে আপনাদিগের অধিকার বিস্তার ক্রিতেছিলেন এবং তন্নিমিত্ত অনেকেই অন্যচিত্ত হইয়া উৎসাহ ও অমুরাগের সহিত আপনাদিগের পার্থিব স্থখবর্দ্ধনার্থেই প্রবৃত্ত ছিলেন। তৎকালে সমাজের বন্ধনও এমন শিথিল ছিল যে, লোকে ইচ্ছামুসারে চলিতে পারিত; বর্ণাশ্রম বা তন্নির্দ্দিষ্ট ক্রিয়াকলাপের জালু এত দূর বিস্তৃত ছিল না যে, তাহাতে আবদ্ধ হইয়া কাহাকেও স্বাধীনতা ও স্থুখ বিসৰ্জ্জন করিতে হইত। কিন্তু সৌত্রিক সময়ে ইহার সম্পূর্ণ বিপর্য্য ঘটিয়াছিল। তখন আর্য্যগণ উষ্ণ অনুগঙ্গ প্রদেশের অধিবাসী। পরিশ্রম করিতে গেলে তাঁহাদিগের কষ্ট হয়। সুথ অপেক্ষা শান্তিই তাঁহাদিগের বাঞ্ছনীয় হইয়া উঠিয়াছে। বিশবেতঃ তাঁহাদিগের মধ্যে যে পরিমাণে সভ্যতা বৃদ্ধি হইয়াছে তাহাতে তাঁহাদিগের হুংখাযুভব শক্তির বৃদ্ধি হইয়াছে। এদিকে সামাজিক শাসনও বাড়িয়াছে। জাতিভেদ, আশ্রম বিভাগ ও কর্মকাণ্ড স্থিরীকৃত হইয়া স্বাধীন গতির পথ রুদ্ধ করিয়াছে; স্বেচ্ছামুসারে স্থখান্বেষণে যেদিকে সেদিকে যাইবার উপায় নাই। জীবন ভার বোধ হইয়াছে। সংসারের প্রতি আস্থা নাই। ছঃখের কিসে নিবারণ হইবে, ইহাই প্রধান প্রশ্ন হইয়া দাঁড়াইয়াছে। বুদ্ধদেবের পূর্বেব এ প্রশ্নের উত্তর কি কেহ দেন নাই ? বোধ হয় দিয়াছিলেন। বৌদ্ধেরা বলেন যে কপিলদেব শাক্যসিংহের পূর্ববকালবর্তী বৃদ্ধ। সাংখ্যদর্শন-প্রবর্ত্তক ঋষির নামও কপিল; এবং স্থিরচিত্তে বিবেচনা করিতে গেলেও সাংখ্যদর্শনকেই বৌদ্ধধর্মের মূল বলিয়া বিশ্বাস হয়। কপিল নিরীশ্বর, বুদ্ধদেবও নিরীশ্বর। কপিল সাংসারিক ছুঃখে কাতর, বৃদ্ধদেবও সাংসারিক হৃঃথে কাতর। কপিল বলেন, হৃঃথের কারণ জ্বন্ধ, জন্মের কারণ কর্মা, কর্ম্মের কারণ প্রবৃত্তির, প্রবৃত্তির কারণ অজ্ঞানতা ; বৃদ্ধদেবও সেই সকল কথা বলেন। আবার ভাবিয়া দেখ, বৌদ্ধদিগের যে ক্ষণিকত্বাদ ভাহাও সাংখ্য-মত হইতে উৎপন্ন। কপিল-শিষ্যেরা বলেন যে, কার্য্য কারণের রূপান্তর বা পরিণাম মাত্র। বুদ্ধদেব দেখিলেন যে জগৎ প্রতিক্ষণে পরিবর্তিত হইতেছে, প্রতিক্ষণে নৃতন কার্য্যরূপে পরিণত হইতেছে; স্বতরাং ভাবিদেন কোন পদার্থ ই ক্ষণাধিক স্থায়ী নহে। এই ক্ষণিকদ্বাদই সপ্রমাণ করিতেছে যে বৌদ্ধ-মত অনেক দার্শনিক আলোচনার শেষফল। যতদিন লোকে স্বাভাবিক অবস্থায় থাকে, ততদিন চন্দ্র, সূর্য্য, গ্রহ, নক্ষত্র, পর্বত, নদী, পশু, পক্ষী, মন্থ্য প্রভৃতিকে বছকাল স্থায়ী বলিয়া বিশ্বাস করে; অনেক দার্শনিক চর্চা না হইলে কেহ ব্ঝিতে পারে না যে, মুহূর্তপরিবর্ত্তনশীলতাই এই বিপুল বিশ্বের প্রধান লক্ষণ।

সাংখ্য-মত-প্রবর্ত্তক কপিল ঋষিই যে কেবল বুদ্ধদেবের পূর্ব্ববর্ত্তী ছিলেন এমন নহে; বোধ হয় লোকায়ত-মত-প্রবর্ত্তক বৃহস্পতিও শাক্যসিংহের পূর্ব্বে প্রান্থর্ভ্যুত হইয়াছিলেন। তৈত্তিরীয় ব্রাহ্মণে লিখিত আছে যে একদা বৃহস্পতি গায়ত্রীদেবীর মস্তকে আঘাত করেন, তাহাতে মস্তক চুর্ণ হইয়া যায় এবং মস্তিষ্ক ছিন্ন বিচ্ছিন্ন হইয়া পড়ে। কিন্তু গায়ত্রীর মৃত্যু নাই; তঙ্জ্জ্যু প্রতি খণ্ড মস্ত্রিক্ষ-বসা হইতে এক একটি বষট্কার দেবের উৎপত্তি হইল। (৩) আমাদিগের বোধ হয় এই গল্পের মধ্যে একটি মহামূল্য তত্ত্ব নিহিত রহিয়াছে। গায়গ্রীই হিন্দুধর্মের বীজ্বমন্ত্র। বৃহস্পতি সেই গায়ত্রীর মস্তকে আঘাত করেন। স্থতরাং ইহাতে ব্যাইতেছে যে বৃহস্পতি হিন্দুধর্মের বিনাশ চেষ্টা করিয়াছিলেন। অতএব তৈত্তিরীয় ব্রাহ্মণে যে বৃহস্পতির উল্লেখ দৃষ্ট হইতেছে, তিনি নাস্তিক-মত প্রবর্ত্তক হইবার বিলক্ষণ সম্ভাবনা। তাহা হইলে স্বীকার করিতে হইতেছে যে লোকায়তবাদ তৈতিরীয় ব্রাহ্মণ সংকলিত হইবার পূর্ব্বে প্রচারিত হইয়াছিল। তৈত্তিরীয় ব্রাহ্মণ পুরাতন কৃষ্ণ যজুর্বেদের অন্তর্গত। স্মৃতরাং বলিতে হইতেছে যে সৌত্রিক সময়ের পূর্ব্বে ব্রাহ্মণপ্রধানকালে কর্ম্মকাণ্ডের প্রথম বাড়া-বাড়ির আমলে লোকায়তমতের উৎপত্তি হয়। ভট্টমোক্ষমূলর সাহেবের মতে ব্রাহ্মণপ্রধানকাল খ্রীষ্ট জন্মিবার ৮০০ হইতে ৬০০ বর্ষ পূর্বব পর্য্যস্ত বিস্তৃত।

- (9) "The Taittiriya Brahmana relates an interesting anecdote regarding the origin of the word Vashat. The God presiding over Vashat is Vashatkara. The anecdote is as follows: Once upon a time Vrihaspati struck the Goddess Gayatri on the head, which was smashed into pieces and the brain split. But Gayatri is immortal, and every drop of her brain so split was alive, and became Vashatkara. The commentator adds Vashat is derived from Vasa, grease, brain matter."
- P. XXXVI, Appendix to Durgapuja by Pratapa Chandra Ghosha, B. A.

অতএব এরপ অমুমান নিতান্ত অস্থায় নহে যে নাস্তিক-মত প্রবর্ত্তক বৃহস্পতি খ্রীষ্টা-দের অন্ততঃ সাত আট শত বৎসর পূর্ব্বে প্রাহর্ত্ত্ হইয়াছিলেন। ছাবিশে সাতাইশ শত বৎসর পর্যান্ত হিন্দুসমাজে তাঁহার মত-দারা কত পরিবর্ত্তন সংঘটিত হইয়াছে, কে বলিতে পারে ? আমরা পূর্বেই দেখাইয়াছি যে রামায়ণ, মহাভারত ও বিষ্ণুপুরাণেও তাঁহার যুক্তি সকল প্রবেশ করিয়াছে। উপনিষদ ও দর্শন সমূহে কর্মকাণ্ডের প্রতি যে অবজ্ঞা দৃষ্ট হয়, তাহাও বৃহস্পতির তর্ক সম্ভূত হওয়া অসম্ভব নহে। ইন্দ্রাদি বৈদিক দেবতার প্রাধান্ত বিলোপও যে তাঁহার হস্তে কতদ্র ঘটিয়াছিল, কে নির্ণয় করিবে ? বোধ হয় যেন তাঁহার নাস্তিকতাই কপিল, বৃদ্ধ ও জৈমিনিকে নাস্তিক করিয়াছে; এবং তাঁহার প্রত্যক্ষবাদ বিরুদ্ধে ধর্ম রক্ষার্থ তর্ক করিতে গিয়া অমুমান পদ্ধতি আবিষ্কৃত হইয়াছে।



(পূর্ব্বপ্রকাশিতের পর) বিচারদর্শনের কাল নির্দ্ধারণ

বসের প্রথম যাম অতিক্রান্ত হইলেই বিচারকার্য্য আরম্ভ হইত। চতুর্থ যাম পর্য্যন্ত বিচারদর্শনের সীমা। ইহা দ্বারা এক প্রকার ইহাই স্থির হয় যে, দিবা ছই প্রহর অতিবাহিত হইলে সেদিন আর নৃতন অভিযোগের বিষয় শ্রুত হইত না। কিন্তু কার্য্য বিশেষে, স্থল বিশেষে ও বিষয় বিশেষে নৃতন অভিযোগ উত্থাপিত হইতে পারিত। কার্য্যের লাঘব গৌরব ও অবস্থা বিবেচনায় সেদিন উহা উপেক্ষিত না হইয়া তৎক্ষণাৎ সর্ব্বাগ্রে উহার বিষয় বিবেচিত হইত। পূর্ব্বোপস্থিত বিষয় বলিয়া তাহার প্রতি পক্ষপাত হইত না। ইহাদিগের বিধান-সংহিতায় সামান্য নিয়ম ও বিশেষ নিয়ম উভয়ই আছে। ইহারা স্থল বিশেষে নিয়ম সক্ষোচ ও বিস্তার করিতে পারিতেন। (১)

তামাদি (অর্থাৎ কালাতিক্রম দোষ) হিন্দুজাতির। স্বল্পকালে কোন ব্যক্তির স্বন্ধ ধ্বংস করিতেন না। ধন সম্বন্ধের অভিযোগে ন্যুনকল্পে দশবৎসর অতিক্রাস্ত না হইলে কালাত্যয় দোষ ঘটিত না। ধনস্বামীর সমক্ষে কোন ব্যক্তি নির্কিবাদে দশবৎসর কাল ধনাদি উপভোগ না করিলে তাহাতে তাহার স্বন্ধ জন্মিবার কোন সম্ভাবনা ছিল না। ভূমি বিষয়ে স্বামীর সমক্ষে নির্কিবাদে বিংশতি বর্ধ পর্যাস্ত উপভোগ প্রমাণ না করিতে পারিলে ঐ ভূমি বিষয়ে উপভোক্তার স্বামিদ্ধ জন্মিত না। স্বতরাং ভূমি বিষয়ে বিংশতি বর্ধ পরিমিত কাল অতিক্রাস্ত হইলে উপভোক্তার স্বন্ধ হইবার সম্ভাবনা থাকিত। বিংশতি বর্ষের পূর্বের অভিযোগ ঘটিলে যাহার ভূমি তাহারই হয়। (২)

^{(&}gt;) দিবসম্মাষ্টমংভাগং মুক্ত্বা ভাগত্রয়ন্ত যৎ। স কালো ব্যবহারাণাং শান্তদৃষ্টঃ পরং স্বতঃ॥

⁽২) পশ্যতোহক্রবতো হানিভূ মেবিংশতিবার্ষিকী। পরেণ ভূজ্যমানশু ধনশু দশবার্ষিকী॥ যাজবদ্ধা।

পরোক্ষে যদি কোন ব্যক্তি ভাহার ভিনপুরুষ পর্যান্ত কোন ব্যক্তির ধন এবং ভ্রমাদি উপভোগ করিয়া থাকেন, যাহাদিগের বস্তু ভাহারা যদি ভিনপুরুষমধ্যে কোন বিবাদ উত্থাপন না করে তবে ঐ বস্তু উপভোক্তার স্বত্ব হয়। পরস্তু জ্ঞাতি, বন্ধু, সকুল্য, জামাতা, শ্রোত্রিয় রাজা ও রাজমন্ত্রী যদি বছকাল উপভোগ করেন তথাপি অন্তের বস্তুতে ইহাদিগের স্বামিত্ব জ্বন্মে না। যাহার বস্তু ভাহারই স্বত্ব। এরূপ ব্যক্তির উপভোগে প্রকৃত ধনস্বামীর স্বত্বধ্বংস হয় না। (৩)

ত্বাক্ত, জড়, রোগার্ত্ত, বালক, ভীতব্যক্তি, প্রবাসী জন এবং রাজকার্য্যে নিয়োগ হেতু ভিম্নদেশস্থিত ব্যক্তিবর্গের সমক্ষেই হউক অথবা পরোক্ষেই হউক উপভোগ দ্বারা ঐ সকল ব্যক্তির বস্তুতে উপভোক্তার স্বামিত্ব জন্মে না। কিন্তু এতদ্যতিরিক্ত দ্বলে ধনস্বামীর সমক্ষে যদি উপভোগ প্রমাণ হয় তবে উপেক্ষা নিবন্ধন সে বস্তুতে উপভোক্তারই স্বামিত্ব হয়, প্রকৃত ধনস্বামীর স্বত্ব লোপ পাইয়া থাকে।

স্থাবর ও অস্থাবর বিষয়ে কি প্রকারে ভোগাদির দ্বারা স্বন্ধ নাশ হয়, উপভোক্তার স্বামিদ্ব জন্মে ইহা নির্ণীত হইলে বিচারপদ্ধতির নিয়ম স্থিরীকৃত হইতে পারে। বিধান সংহিতা পরিশুদ্ধ ও স্থপ্রণালীযুক্ত হইলে বিচার কার্য্যের স্থবিধা হয় এই কারণে প্রথমে বিধান সংহিতার স্থুল স্থুল নিয়ম গুলি বলা উচিত। তদমুসারে অগ্রে লিপির বিষয় বিবেচনা করা আবশ্যক।

দেখ মানুষ মাত্রেরই ভ্রান্তি জন্মিয়া থাকে; বিশেষতঃ অলিখিত বিষয় ষাগ্মাযিক কাল পর্য্যন্ত আলোচিত না হইলে উহা বিশ্বতির গর্ভে লীন হয়। এই

ভূক্তি: ন্ত্রিপুরুষী সিধ্যেৎ পরোক্ষা নাত্র সংশয়: ।
অনিবৃত্তে সপিগুত্বে সাকুল্যানাং ন সিদ্ধতি ॥
বিবাহ্য শ্রোত্রিভূক্তিং রাজামাত্যৈস্তবৈধ্বচ ।
স্থানীর্ষেণাপি কালেন তেষাং সিধ্যেৎ ন তদ্ধনং ॥
অশক্তালস রোগার্ত্ত বাল ভীত প্রবাসিনাং ।
শাসনার্ক্ত মন্তেন ভূকা ভূক্তং নহীয়তে ॥

বৃহস্পতি সংহিতা।

(৩) সনাভি বান্ধবৈর্বাপি ভূক্তং যৎ স্বজনৈত্তথা।
ভোগাৎ তত্র ন সিদ্ধি:স্থাৎ ভোগমন্তেষ্ ক্লয়েৎ।
ন ভোগা: ক্লয়েৎ স্ত্রীষ্ দেবরাজ ধনেষ্চ।
বাল শ্রোতিয় বৃদ্ধেন প্রাপ্তেচ পিতৃতঃ ক্রমাৎ॥

কাত্যায়ন সংহিতা।

দার সীমা দাস ধনং নিক্ষেপোপনিধিঃ স্তিরঃ। রাজস্বং শ্রোত্তিয়স্বঞ্চ নভোগেন প্রনশ্রতি॥

নারদ সংহিতা।

কারণে ধর্মশাস্ত্রকারের। বিধাতার সৃষ্ট অক্ষরকেই বাক্যের প্রতিনিধি করিয়াছেন।
আক্ষর দর্শন মাত্র সর্ব্ববিষয় স্মরণ-পথে উদিত হয়। অক্ষর দ্বারা সমস্ত বিষয়গুলি
চিত্রিত ছবির স্থায় দেদীপ্যমান দেখা যায়। যতকাল লিখিত পত্রখানি থাকে তাবৎ
কালমধ্যে সে বিষয়ের কোন অক্ষের বিকলতা ঘটিতে পারে না। কোন বিষয়েই
বিচ্যুত হইবার সম্ভাবনা থাকে না। সেই কারণে আর্য্যগণ বর্ণবিলীর নাম অক্ষর
রাখিয়াছেন। অক্ষর শব্দের ব্যুৎপত্তি ধরিলে ইহাই বোধ হয় যে যাহার ক্ষয় নাই
তাহাকেই অক্ষর শব্দ নির্দেশ করা যায়।

পত্রারাঢ় লেখ্যই প্রমাণ বলিয়া গ্রাহ্ম। পত্রশব্দে ভূজ্যপত্র, তালপত্র, তাড়িতপত্র ধরা গিয়া থাকে ।

লেখা ভেদ

রাজদণ্ড ব্রন্মোত্তরদানপত্র তাত্রফলকে লিখিত হইত। তাহাকে তাত্রশাসন অথবা তাত্রপত্র বলা গিয়া থাকে। ঐ দানপত্রে দাতা ও গৃহীতা উভয়েরই নাম, গোত্রাদি এবং পূর্বে পুরুষের কীর্ত্তিজনিত যশোগীত, দানের কাল, পরিমাণ ও সীমাদির উল্লেখ থাকে। তাত্রফলকের অভাবে তৎপরিবর্ত্তে পটে লিখিত হইত। বোধ হয় ঐ পট আর কিছুই নহে কাষ্ঠময় ফলক বিশেষ। যে হেতু বিচার নিষ্পত্তি কালে জয় পত্রের পাণ্ড্লেখ্য কাষ্ঠময় ফলকে লিখন পূর্ব্বক সভ্যগণ কর্ত্ত্বক বিবেচিত হইত। কাষ্ঠ ফলকের ব্যবহার অভাপি ব্যবসাদার লোকের মধ্যে প্রচলিত আছে। প্রস্তর ফলকে দেবপ্রতিষ্ঠাদির বিষয় ক্ষোদিত হইত, এক্ষণেও হইয়া থাকে। (৪)

মৌখিক বাক্য অপলাপ হইতে পারে, লিখিত বাক্য সহজ্বে অপহুব করিবার সাধ্য থাকে না —স্থতরাং ব্যবহার বিষয়ে লিখিত প্রমাণই মৌখিক বাক্য অপেক্ষা গৌরবান্বিত।

দানলেখ্যের সাধারণ নাম দানপত্র; তাদ্রফলকে লিখিত হইলে শাসনপত্র কহা যায়। নৃপতি কোন ব্যক্তি বিশেষের প্রতি অথবা কোন বীরের প্রতি তাহার শৌর্য্যাদিগুণে পরিতুষ্ট হইয়া, যাহা দান করেন এবং পারিতোষিক দানের প্রমাণ স্বরূপ যে লিখিত পত্র দেন তাহাকে প্রসাদপত্র কহা যায়। ইহাকেই এক্ষণকার

> (৪) বাগাসিকেতু সময়ে প্রান্তিঃ সংজারতে মতঃ। ধাত্রাক্ষরাণি স্ষ্টানি পত্রার্ক্তকতঃ পূরা। বৃহস্পতি সংহিতা।

পাণ্ডুলেধ্যেন ফলকে ভূমৌ বা প্রথমং লিখেৎ। ন্যুনাধিকন্ত সংশোধ্য পশ্চাৎ পত্রে নিবেশয়েৎ॥

ব্যাস সংহিতা।

Pension ধরা যাইতে পারে। বিচার নিষ্পত্তি করিয়া জয়ী ব্যক্তিকে যে লেখ্য দেওয়া গিয়া থাকে তাহারই নাম জয়পত্র। দায়াদগণ অথবা যাহার সঙ্গে বিভাগের সস্ভাবনা থাকে তাঁহারা পরস্পর যে লেখ্যকে বিভাগ ক্রিয়ার প্রমাণ স্বরূপ বলিয়া অভিহিত করেন তাহাকে বিভাগ-পত্র কহা যায়। ক্রয় বিক্রয় স্থলে উভয় পক্ষের যে লেখ্য প্রস্তুত হয় উহার প্রথম পক্ষকে ক্রয়লেখ্য, দ্বিতীয় পক্ষকে বিক্রেয় বা সম্মতিলেখ্য কহা গিয়া থাকে। বন্ধক রাখিয়া উভয় পক্ষ হইতে যে লেখ্য আদান প্রদান হয়, উহার মধ্যে উত্তমর্ণের দত্ত লেখ্যকে সম্মতিপত্র, অধমর্ণের প্রদত্ত পত্রকে আধিলেখ্য নামে কহা যায়। (৫)

প্রজাবর্গ রাজশাসনের বশবর্তী হইয়া রাজার নিকট যেসকল প্রতিজ্ঞা-পত্র দেয় তাহার নাম সম্বিৎপত্র। দাস প্রভুর সেবা শুক্রা করিবে বলিয়া প্রভুর নিকট যে লেখ্য প্রদান করে তাহার নাম দাসলেখ্য। অধমর্ণ ঋণ লইয়া উত্তমর্ণকে যে লেখ্য দেয় তাহার নাম কুসীদলেখ্য অথবা ঋণলেখ্য। রাজা প্রজাকে, প্রভু ভূত্যকে এবং উত্তমর্ণ অধমর্ণকে যে লেখ্য দেন তাহার নাম সম্মতি-পত্র।

তমাদি ঘটিত কথার স্বিশেষ উল্লেখ করিতে হইলে অগ্রে উত্তমর্ণ, অধমর্ণ, ঋণ, স্থদ, গচ্ছিত এবং লেখন প্রকারাদি নির্ণয় করা আবশ্যক। ঋণদাতাকে আর্য্য জাতির ভাষায় উত্তমর্ণ কহা যায়। ঋণী ব্যক্তির উপাধি অধমর্ণ। যাবৎ পরিমিত বস্তু ঋণ দেওয়া যায় তাহার নাম মূল। যাহা বৃদ্ধি হয় তাহার নাম স্থদ অথবা কুসীদ। কুসীদ শব্দে মন্দ পথ বৃঝায়। শাস্তামুসারে ঋণের বৃদ্ধি গ্রহণ

(৫) দশ্বা ভ্য্যাদিকং রাজা তাশ্রপত্রেংথবা পটে।
শাসনং কারয়েং ধর্মং স্থানবংশাদি সংযুতং॥
সেবা শৌর্যাদিনা ভূষ্টঃ প্রসাদ লিখিতস্কতং।
যদ্ তং ব্যবহারেষ্ প্রেরাপক্ষোত্তরা দিকং॥
ক্রিয়াবধারণোপেভৃং জয়পত্রেংখিলং লিখেং।
লাতরঃ সংবিভক্তা যে অবিরোধাং পরস্পরং॥
বিভাগপত্রং কুর্বস্তি ভাগলেখাং তহুচ্যতৈ।
ভূমিং দশ্বাভ্ যং পত্রং কুর্য্যাৎ চক্রার্ক কালি কং॥
অনাচ্ছেম্য মনাহার্য্যং দানলেখ্যং তহুচ্যতে।
গ্রামো দেশক যঃ কুর্য্যাৎ মতং লেখ্যং পরস্পরং।
রাজা বিরোধি ধর্মার্থে সন্থিৎ পত্রং বদন্তিচ।
ধনং বৃদ্ধ্যা গৃহীত্বাভু স্বয়ং কুর্য্যাচ্চকারয়েং॥
উদ্ধারপত্রং তৎ প্রোক্তং শ্বণ লেখ্যং মনীবিভিঃ॥

বুহস্পতি সংহিতা।

অতিশয় নিন্দনীয়, এ কারণে স্থদের নাম কুসীদ হইয়াছে। স্থদব্যবসায়ীকে কুসীদজীবী বলে। এই ব্যবসায়টী বৈশ্য জাতির নিজস্ব স্বরূপ, ইহাতে ঐ জাতির পাপ
জন্মে না।

পুরাকালে অর্থ ব্যবহারে কদাচ দ্বিগুণের অধিক বৃদ্ধি ছিল না। কিন্তু ধান্ত বৃদ্ধি পক্ষে তমাদি কালের পূর্বেদিন পর্য্যন্ত সুদের বৃদ্ধির বৃদ্ধি ধরিলেও প্রত্যেক বর্ষে শতকরা পাঁচ অংশের অধিক পাইতেন না। শেষ সীমায় মূল ও বৃদ্ধির সঙ্গে ধরিয়া দ্বিগুণের অধিক দেওয়া যাইত না। যাঁহারা বর্ষে বর্ষে অথবা মাসে মাসে বৃদ্ধি গ্রহণ করিতেন তাঁহারা চক্রবৃদ্ধি অথবা কালবৃদ্ধি পাইতেন না। বৃদ্ধির বৃদ্ধিকে চক্রবৃদ্ধি শব্দে নির্দ্দেশ করা যায়। ঐ বৃদ্ধি ঋণী ব্যক্তি স্বীকার পূর্ববক না লিখিয়া দিলে উত্তমর্ণ নিজ্ঞ ইচ্ছায় চক্রবৃদ্ধি গ্রহণ করিতে অধিকারী ছিলেন না। কায়িক শ্রম দারা যে বৃদ্ধি পরিশোধ হয় তাহার নাম কায়িকা। মাসে মাসে দেয় স্থদকে কালিকা বলা যায়। সময় বিশেষে কালে কালে যে ঋণ শোধ হয় তাহার নামও কালিকা। ইহাকেই কীন্তিবন্দী বলা যায়। (৬)

অপরিমিত বৃদ্ধি

ইহা কোন ব্যক্তির আপৎকাল ভিন্ন গ্রাহ্য নহে। এই বৃদ্ধির অঙ্গীকার-পত্র বিলক্ষণরূপ প্রমাণাদি দ্বারা দৃঢ়ীকৃত না হইলে কোন ব্যক্তিই দ্বিগুণের অধিক শুদ লইতে পারগ হন না। কিন্তু ঋণী কর্ত্তৃক লিখিত প্রমাণ থাকিলে অধমর্ণের নিকট হইতে তদঙ্গীকৃত পরিমাণে বৃদ্ধি গ্রহণ সিদ্ধ হইতে পারে। (৭)

(৬) কুসীদ বৃদ্ধিদৈ গুণ্যং নাত্যেতি সক্ষণাহতা।
ধান্তে সদেলবে বাহ্যে নাতিক্রামতি পঞ্চতাং॥ ১৫১
কৃতান্ত্যারাদধিকা ব্যতিরিক্তা ন সিদ্ধৃতি। ১৫২
কুসীদ পথমাহস্তং পঞ্চকং শতমর্হতি॥
নাতি সাম্বংসরীং বৃদ্ধিং নচাদৃষ্টাং পুণ্ঠরেং।
চক্রবৃদ্ধিঃ কালবৃদ্ধিঃ কারিতা কায়িকাচ যা॥ ১৫৩

মহু৮ অ

কায়িকা কায়সংযুক্তা মাস গ্রাহ্মাচ কালিকা। বৃদ্ধের্ব দ্বিশ্চক্র বৃদ্ধিং কারিতা ঋণিনা কৃতা। ভাগো যদ্বিগুণাদুৰ্দ্ধং চক্রবৃদ্ধিশ্চ গৃহুতে। পূর্ণেচ সোদয়ং পশ্চাৎ বৰ্দ্ধুয়ং তদ্বিগর্হিতং।

বৃহস্পতি সংহিতা।

(৭) কাত্যায়নঋণিকেন ক্বতা বৃদ্ধিরধিকা সংপ্রকল্পিতা।

ব্যবসার স্থলে মূলধনের পরিমাণ ও শুদের কথা লাভের অংশের উল্লেখ না থাকিলে ধনস্বামী লাভাংশের অশীতিভাগ ও শ্রমকারী লাভাংশের বিংশতি ভাগ গ্রহণ করিতে পারেন। যাহারা ব্যবসায়ে শুদ গ্রহণ করে তাহারা ধর্মামুসারে শতকরা তুইভাগ শুদ স্বরূপ গ্রহণ করিতে পারে। (৮)

প্রণয় হেতৃ প্রিয় ব্যক্তিকে ঋণ দিলে যাবৎ বৃদ্ধি গ্রহণের উল্লেখ না হইবে আবৎ কাল বৃদ্ধি থাকিবে না। যখন বৃদ্ধি যাচ্ঞা করিবেন তদবধি বৃদ্ধি পাইতে পারে। যদি উত্তমর্ণ যাজ্ঞা করিয়াও শুদ প্রাপ্ত না হন তবে ধর্মাধিকরণের বিচারে বার্ষিক শতকরা পাঁচ টাকার অধিক বৃদ্ধি পাইতে পারেন না। (৯)

কথা প্রসঙ্গে আর একটা কথার উদ্রেখ করা অতীব আবশ্যক জ্ঞান হইল। আর্য্যজাতির নিকট কাহারও চাকুরী তমাদি হইত কি না। বেতনগ্রাহী কর্মচারী অমুস্থতা অথবা বার্দ্ধক্যাদি হেতু বশতঃ কার্য্যে অক্ষম হইলে বেতন পাইতেন কি না। তাহাদিগের কর্ম্মে তাহাদিগের পুজ্রাদির উত্তরাধিকারিম্ব জন্মিত কিনা।— তাহার নির্দ্ধারণে এই জ্ঞানা যায় যে বিশ্বস্ত ও প্রিয় কার্য্যকারী ব্যক্তি যে কেবল পীড়াকালে বেতন পাইত এমন ময়; অক্ষম অবস্থায় পূর্ণমাত্রায় যাবজ্জীবন বৃত্তি ভোগ করিত। সম্ভাবনাস্থলে পুজ্র পৌজ্রাদিক্রমে চাকুরী ও নিষ্কর ভূমি উপভোগ করিতে পাইত। (১০)

পাঠক মনে করিবেন আর্য্যজ্ঞাতি ধর্মাধিকরণ সংস্থাপন করিয়াই নিশ্চিম্ন ছিলেন। তাহা নহে। পাঠক তুমি সভ্য হইতে ইচ্ছা কর ? যাহারা রাজ্বপথ কুৎসিত করে তাহাদিগকে দণ্ড দিতে মানস করিয়াছ ? স্থল বিশেষে কাহাকেও

আপংকালে ক্বতা নিত্যং দাতব্যা কারিতা তথা ॥
অন্তথা কারিতা বৃদ্ধিন দাতব্যা কথঞ্চন ।

(৮) মহ অধ্যায়—যথা—
বশিষ্ঠোবিহিতাং বৃদ্ধিং স্জেদ্বিত্ত বিবৰ্দ্ধিনীং ।
অশীতি ভাগং গৃহীয়াআসাঘার্দ্ধ বিকং শতে ॥ ১৪০
দিকং শতং বা গৃহীয়াৎ সতাং ধর্মমহম্মরন্ ।
দিকং শতং বা গৃহানো না ভবত্যর্থ কিষিষী ॥ ১৪১
(৯) বিষ্ণু বচন ।
প্রীতিদন্তং নবর্দ্ধেত ধাবন্ধ প্রতিযাচিতং ।
বাচ্যমানং ন দত্তঞ্চেত্বর্দ্ধতে পঞ্চকং শতং ॥

(১০) মহ ৮ম অধ্যায়
আর্তন্তব্যাৎ স্বস্থঃসন্ যথাভাবিত্মাদিতঃ ।
স্বাদীর্ঘস্থাপি কালস্য তল্পভেত্বৈ বেতনং ॥২১৬

কি দোষ মার্জন। করিতে অমুরোধ কর ? তুমি হাতুড়ে বৈজের ও গণ্ডমূর্থের চিকিৎসা নিবারণ করিতে উল্লোগী হইয়াছ ? ক্ষুত্র ব্যবসাদার (ফড়ে) দিগকে শাস্তি দিতে বাসনা কর ? কেন না তাহারা উৎকৃষ্ট ক্রব্যমধ্যে অপকৃষ্ট ক্রব্য মিসান দিয়া মন্দ করে। তন্দারা লোকের পীড়া জন্মে। তুমি যাহার জন্ম এত খেদিত সেগুলি আর্যাজাতির চক্ষে অগ্রেই দোষ বলিয়া পতিত হইয়াছিল।

গর্ভিণী, রোগী ও বালক ব্যতীত অহ্য ব্যক্তি যদি অনাপৎকালে রাজমার্গ অপরিষ্কৃত করিতে তাহা হইলে তাহাকে অগ্রে রাজপথ পরিষ্কৃত করিতে হইত তৎপরে স্থল বিশেষে তাহার ছই পণ বরাটক (কোড়ী) দশু হইত। গর্ভিণী, বালক ও রোগার্ড ব্যক্তি ঐ প্রকার কুব্যবহার আর না করে এজহ্য তিরষ্কৃত হইত। (১১)

চিকিৎসকের দারা পশু সম্বন্ধে অমঙ্গল ঘটিলে প্রথম সাহস, মামুষের পক্ষে অমঙ্গল ঘটিলে দ্বিতীয় সাহস দগু হইত। অদূষিত দ্রব্য দূষিত করিলে দোষকারীর প্রথম সাহস দগু দেওয়া রীতি ছিল। দণ্ডের প্রমাণ ও স্বাক্ষীস্বরূপ দণ্ডনীতি প্রকরণে লিখিত হইবে। (১২)

(১১) সম্ৎস্জেদ্রাজমার্গে যস্ত মেধ্যমনাপদি।
স দ্বোকার্য্যাপণৌ দন্তাদমেধ্যঞ্চাপি শোধয়েৎ॥ ২৮২
আপদ্গতোহথবা বৃদ্ধো গর্ভিণী বাল এব বা।
পরিভাবণমইস্তি তঞ্চ শোধ্যমিতি স্থিতিঃ॥ মহ্ন ৯ অ। ২৮০
(১২) চিকিৎসকানাং সর্বেষাং মিথ্যা প্রচরতাং দমঃ।
অমান্ন্রেষ্ প্রথমো মান্নুরেষ্চ মধ্যমঃ॥ ২৮৪
অদ্বিতানাং দ্রবাণাং দ্বণে ভেদনে তথা।
মনীনামপরাধেচ দণ্ডঃ প্রথম সাহসঃ। ২৮৬। মহ্ন ৯ অ।



চত্বারিংশত্তম পরিচ্ছেদ জন ধ্যালকার্ট

ক্র পরিচ্ছেদে প্রকাশ পাইয়াছে যে কুল্সমের সঙ্গে ওয়ারেন হেষ্টিংস সাহেবের সাক্ষাৎ হইয়াছিল। কুল্সম্ আত্মবিবরণ সবিস্তারে কহিতে গিয়া, ফস্টরের কার্য্য সকলের সবিশেষ পরিচয় দিল।

ইতিহাসে ওয়ারেন হেটিংস পরপীড়ক বলিয়া পরিচিত হইয়াছেন। কর্মঠ লোক কর্ত্ব্যান্ত্রোধে অনেক সময়ে পরপীড়ক হইয়া উঠে। যাঁহার উপর রাজ্য-রক্ষার ভার, তিনি স্বয়ং দয়ালু এবং স্থায়পর হইলেও রাজ্য-রক্ষার্থ পরপীড়ন করিতে বাধ্য হন। যেখানে তৃই এক জনের উপর অত্যাচার করিলে, সমূদয় রাজ্যের উপকার হয়, সেখানে তাঁহারা মনে করেন যে সে অত্যাচার কর্ত্ব্য। বস্তুতঃ যাঁহারা ওয়ারেন হেটিংসের স্থায় সাম্রাজ্য-সংস্থাপনে সক্ষম, তাঁহারা যে দয়ালু এবং স্থায়নিষ্ঠ নহেন, ইহা কখনও সম্ভব নহে। যাঁহার প্রকৃতিতে দয়া এবং স্থায়পরতা নাই—তাঁহার দ্বারা রাজ্য-স্থাপনাদি মহৎ কার্য্য হইতে পারে না—কেন না তাঁহার প্রকৃতি উয়ত নহে—ক্ষুদ্র। এ সকল ক্ষুদ্রচেতার কাজ্ব নহে।

ওয়ারেন হেষ্টিংস দয়ালু ও গ্রায়নিষ্ঠ ছিলেন। কুল্সম্কে বিদায় করিয়া তিনি ফষ্টরের অনুসন্ধানে প্রবৃত্ত হইলেন। দেখিলেন, ফষ্টর পীড়িত। প্রথমে তাহার চিকিৎসা করাইলেন। ফষ্টর উৎকৃষ্ট চিকিৎসকের চিকিৎসায় শীত্রই আরোগ্যলাভ করিল।

তাহার পরে, তাহার অপরাধের অমুসন্ধানে প্রবৃত্ত হইলেন। ভীত হইয়া, ফষ্টর তাঁহার নিক্ট অপরাধ স্বীকার করিল। ওয়ারেন হেষ্টিংস কৌন্সিলে প্রস্তাব উপস্থিত করিয়া ফষ্টরকে পদচ্যুত করিলেন। হেষ্টিংসের ইচ্ছা ছিল যে, ফ্টরকে বিচারালয়ে উপস্থিত করেন; কিন্তু সাক্ষীদিগের কোন সন্ধান নাই এবং ফ্টরেও নিজকার্য্যের অনেক ফলভোগ করিয়াছে, এই ভাবিয়া তাহাতে বিরভ হইলেন। ফণ্টর তাহা বৃঝিল না। ফণ্টর অত্যস্ত ক্ষুজাশয়। সে মনে করিল, তাহার লঘু পাপে গুরুদণ্ড হইয়াছে। সে ক্ষুজাশয় অপরাধী ভূত্যদিগের স্বভাবামুসারে পূর্বে প্রভুদিগের প্রতি বিশেষ কোপাবিষ্ট হইল। তাহাদিগের বৈরিভাসাধনে কৃত-সংক্ষা হইল।

ভাইস্ সম্বর নামে এক জন সুইস্ বা জর্মান মীরকাশেমের সেনাদলমংশ্য দৈনিক-কার্য্যে নিযুক্ত ছিল। এই ব্যক্তি সমক নামে বিখ্যাত হইয়ছিল। উদয়ন্দর্নালায় ববন শিবিরে সমক সৈত্য লইয়া উপস্থিত ছিল। ফস্টর উদয়নালায় ভাহার নিকট আসিল। প্রথমে কোশলে সমকর নিকট দৃত প্রেরণ করিল। সমক মনে ভাবিল, ইহার দ্বারা ইংরেজদিগের গুপু মন্ত্রণা সকল জানিতে পারিব। সমক ফস্টরকে গ্রহণ করিল। ফস্টর, আপন নাম গোপন করিয়া, জন ষ্ট্যালকার্ট বলিয়া আপনার পরিচয় দিয়া, সমকর শিবিরে প্রবেশ করিল। যখন আমীর হোসেন ফ্টরের অনুসন্ধানে নিযুক্ত, তখন, লরেন্দ ফস্টর সমকর তামুতে।

আমীর হোসেন, কুল্সম্কে যথাযোগ্য স্থানে রাখিয়া, ফষ্টরের অনুসন্ধানে নির্গত হইলেন। অনুচরবর্গের নিকট শুনিলেন যে, এক আশ্চর্য্য কাণ্ড ঘটিয়াছে, একজন ইংরেজ আসিয়া মুসলমান সৈশুভুক্ত হইয়াছে। সে সমরুর শিবিরে আছে। আমীর হোসেন সমরুর শিবিরে গেলেন।

যখন আমীর হোসেন সমকর তামুতে প্রবেশ করিলেন, তখন সমক্র ও ফস্টর একত্রে কথাবার্ত্তা কহিতেছিলেন। আমীর হোসেন আসন গ্রহণ করিলে সমক্র জন ষ্টালকার্ট বলিয়া তাঁহার নিকট ফস্টরের পরিচয় দিলেন। আমীর হোসেন ষ্ট্যালকার্টের সঙ্গে কথোপকথনে প্রবুত্ত হইলেন।

আমীর হোসেন, অস্থাম্ম কথার পর ষ্ট্যালকার্টকে জিজ্ঞাসা করিলেন, "লরেন্স ফুটর নামক একজন ইংরেজকে আপনি চিনেন ?"

ফণ্টরের মুখ রক্তবর্ণ হইয়া গেল। সে মৃত্তিকা পানে দৃষ্টি করিয়া, কিঞ্চিৎ বিকৃত কঠে কহিল, "লরেন্স ফণ্টর ? কই—না।"

আমীর হোসেন, পুনরপি জিজ্ঞাসা করিলেন, "কখন তাহার নাম শুনিয়াছেন ?" ফপ্টর কিছু বিলম্ব করিয়া উত্তর করিল—"নাম—লরেন্স ফণ্টর—হাঁ—ফই ? না।"

আমীর হোসেন আর কিছু বলিলেন না, অক্সাক্ত কথা কহিতে লাগিলেন।
কিন্তু দেখিলেন, ষ্ট্যালকার্ট আর ভাল করিয়া কথা কহিতেছে না। ছুই একবার
উঠিয়া যাইবার উপক্রম করিল। আমীর হোসেন অফুরোধ করিয়া ভাহাকে,
বসাইলেন। আমীর হোসেনের মনে মনে হইভেছিল যে, এ ফ্টুরের কথা জানে,
কিন্তু বলিভেছে না।

ফন্তর কিয়ৎক্ষণ পরে আপনার টুপি লইয়া মাথায় দিয়া বসিল। আমীর হোসেন জ্ঞানিতেন যে, এটি ইংরেজ্ঞদিগের নিয়ম বহিভূতি কাজ। আরও, যখন ফন্তর টুপি মাথায় দিতে যায়, তখন তাহার শিরংস্থ কেশশৃত্য আঘাত চিত্নের উপর দৃষ্টি পড়িল। ষ্ট্যালকার্ট কি আঘাত-চিত্ন ঢাকিবার জন্ম টুপি মাথায় দিল ?

আমীর হোসেন, বিদায় হইলেন। আপন শিবিরে আসিয়া, কুল্সম্কে ডাকিলেন; ভাহাকে বলিলেন, "আমার সঙ্গে আয়।" কুল্সম্ তাঁহার সঙ্গে গেল।

কুল্সম্কে সঙ্গে লইয়া আমীর হোসেন পুনর্ব্বার সমকর তামুতে উপস্থিত হুইলেন। কুল্সম্ বাহিরে রহিল। ফট্টর তখনও সমকর তামুতে বসিয়াছিল। আমীর হোসেন সমককে বলিলেন, "যদি আপনার অমুমতি হয়, তবে আমার একজন বাঁদী আসিয়া আপনাকে সেলাম করে। বিশেষ কার্য্য আছে।"

আমীর সমক অমুমতি দিলেন। ফপ্তরের দ্বংকম্প হইল—সে গাত্রোখান করিল। আমীর হোসেন হাসিয়া হাত ধরিয়া তাহাকে বসাইলেন। কুল্সম্কে ডাকিলেন। কুল্সম্ আসিল। ফপ্তরকে দেখিয়া, নিম্পন্দ হইয়া দাঁড়াইল।

আমীর হোসেন, কুল্সম্কে জ্বিজ্ঞাসা করিলেন, "কে এ ?" কুলসম বলিল, "লরেন্স ফ্টুর।"

আমীর হোসেন ফষ্টরের হাত ধরিলেন। ফষ্টর বলিল, "আমি কি করিয়াছি?" আমীর হোসেন তাহার কথার উত্তর না দিয়া সমরুকে বলিলেন, "সাহেব! ইহার গ্রেপ্তারীর জন্ম নবাব নাজিমের অনুমতি আছে। আপনি আমার সঙ্গে শিপাহী দিন, ইহাকে লইয়া চলুক।"

সমরু বিশ্বিত হইলেন। জিজ্ঞাসা করিলেন, "বৃত্তান্ত কি ?" আমীর হোসেন বলিলেন, "পশ্চাৎ বলিব।" সমরু সঙ্গে প্রহরী দিলেন, আমীর হোসেন ফুরকে বাঁধিয়া লইয়া গেলেন।

একচত্বারিংশত্তম পরিচ্ছেদ

আবার বেদগ্রামে

বহুক্ষ্টে চন্দ্রশেখর শৈবলিনীকে স্বদেশে লইয়া আসিলেন।

বহুকাল পরে আবার গৃহমধ্যে প্রবেশ করিলেন। দেখিলেন, সে গৃহ, তখন অরণ্যাধিক ভীষণ হইয়া আছে। চালে প্রায় খড় নাই—প্রায় ঝড়ে উড়িয়া গিয়াছে; কোথায় বা চাল পড়িয়া গিয়াছে—গোরুতে খড় খাইয়া গিয়াছে—বাঁশ বাঁকারি পাড়ার লোকে পোড়াইতে লইয়া গিয়াছে। উঠানে নিবিড় জঙ্গল হইয়াছে—উরগজাতীয় নির্ভয়ে তন্মধ্যে জ্রমণ করিতেছে। ঘরের কবাট সকল চোরে খুলিয়া

লইয়া গিয়াছে। ঘর খোলা—ঘরে জব্য সামগ্রী কিছুই নাই, কতক চোরে লইয়া গিয়াছে—কতক স্থল্পরী আপন গৃহে লইয়া গিয়া তুলিয়া রাখিয়াছে। ঘরে বৃষ্টি প্রবেশ করিয়া জ্বল বসিয়াছে—কোথাও পচিয়াছে, কোথাও ছাতা ধরিয়াছে। ইন্দুর, আরস্থলা, বাহুড় পালে পালে বেড়াইতেছে। চন্দ্রশেধর, শৈবলিনীর হাত ধরিয়া দীর্ঘ নিশ্বাস ত্যাগ করিয়া সেই গৃহমধ্যে প্রবেশ করিলেন।

নিরীক্ষণ করিলেন যে, ঐ খানে দাঁড়াইয়া, পুস্তক রাশি ভন্ম করিয়াছিলেন।
মনে করিয়াছিলেন যে, গৃহত্যাগী হইব, সর্ব্বত্যাগী, সয়্যাসী হইব। আবার সেই
গৃহে আসিতে হইল,—সর্ব্বত্যাগী হইতে পারেন নাই, সয়্যাসী হইতে পারেন নাই,
কেন না অপরাধিনী শৈবলিনীকে ভুলিতে পারেন নাই। তাহার পর মনে করিয়াছিলেন, রাজবিপ্লব ঘটাইবেন, দ্বিতীয় চাণক্য হইবেন—কই তাও ত পারিলেন না—
শৈবলিনী আবার জড়াইল। মনে করিয়াছিলেন, পরহিত্ত্রত সফল করিবেন,
তাহাতেও শৈবলিনীকে ভুলিতে পারিলেন না, তবে আর কেন ? শৈবলিনীই
সকলের সার, শৈবলিনীই সংসার। চন্দ্রশেখর ডাকিলেন, "শৈবলিনি!"

শৈবলিনী কথা কহিল না; কক্ষদারে বসিয়া পূর্ব্ব স্বপ্ন-দৃষ্ট করবীরের প্রতি
নিরীক্ষণ করিতেছিল। চন্দ্রশেখর যত কথা কহিলেন, কোন কথার উত্তর দিল
না—বিক্ষারিত লোচনে চারিদিগ্ দেখিতেছিল—একটু একটু টিপি টিপি হাসিতেছিল
—একবার স্পষ্ট হাসিয়া অঙ্গুলির দারা কি দেখাইল। চন্দ্রশেখর সাশ্রুলোচনে
তাহার প্রতি দৃষ্টিপাত করিতে লাগিলেন।

এদিগে পল্লীমধ্যে রাষ্ট্র হইল—চক্রশেখর শৈবলিনীকে লইয়া আসিয়াছেন। অনেকে দেখিতে আসিতেছিল। স্থান্দরী সর্বাগ্রে আসিল।

সুন্দরী শৈবলিনীর ক্ষিপ্তাবস্থার কথা কিছু শুনে নাই। প্রথমে আসিয়া চল্রদেশ্বরকে প্রণাম করিল। শৈবলিনীর প্রতি চাহিয়া বলিল, "তা, ওকে এনেছ বেশ করেছ। প্রায়শ্চিত্ত করিলেই হইল।"

কিন্তু স্থলরী দেখিয়া বিশ্বিত হইল যে, চন্দ্রশেখর রহিয়াছে, তবু শৈবলিনী সরিলও না, ঘোমটাও টানিল না, বরং স্থলরীর পানে চাছিয়া খিল খিল করিয়া হাসিতে লাগিল। স্থলরী ভাবিল, "এ বৃঝি ইংরিজি ধরণ, শৈবলিনী ইংরেজের সংসর্গে শিখিয়া আসিয়াছে!" এই ভাবিয়া, শৈবলিনীর কাছে গিয়া বসিল—একটু তফাৎ রহিল, কাপড়ে কাপড় না ঠেকে। হাসিয়া শৈবলিনীকে বলিল, "কি লা! চিন্তে পারিস্ ?"

শৈবলিনী বলিল, "পারি—তুই পার্বভী।" স্থন্দরী বলিল—"মরণ আর কি! তিনদিনে ভুলে গেলি?" শৈবলিনী বলিল, "ভূলব কেন লো—দেই যে তুই আমার ভাত ছুঁয়ে কেলেছিলি বলিয়া, আমি ভোকে মেরে গুঁড়া নাড়া কল্পুম। পার্বতী দিদি একটি গীত গা না ?

> আমার মরম কথা তাই লো তাই, আমার খ্রানের বামে কই সে রাই ? আমার মেঘের কোলে কই সে চাঁদ ? মিছে লো পেতেছি পিরিতি ফাঁদ।

কিছু ঠিক পাইনে পার্ববতী দিদি—কে যেন নেই—কে যেন ছিল, সে যেন নেই—কে যেন আসবে, সে যেন আসে না—কোথা যেন এয়েছি, সেখানে যেন আসি নাই—কাকে যেন খুঁ জি, তাকে যেন চিনি না।"

স্থন্দরী বিশ্মিতা হইল—চন্দ্রশেখরের মুখ পানে চাহিল—চন্দ্রশেখর স্থন্দরীকে কাছে ডাকিলেন। স্থন্দরী নিকটে আসিলে তাহার কর্ণে বলিলেন, "পাগল হইয়া গিয়াছে।"

সুন্দরী তখন বুঝিল। 'কিছুক্ষণ নীরব হইয়া রহিল। স্থুন্দরীর চক্ষু প্রথমে চক্চকে হইল, তার পরে পাতার কোলে ভিজা ভিজা হইয়া উঠিল, শেষ জলবিন্দু ঝিরল—স্থুন্দরী কাঁদিতে লাগিল। স্ত্রীজাতিই সংসারের রত্ন। এই স্থুন্দরী আর একদিন কায়মনোবাক্যে প্রার্থনা করিয়াছিল, শৈবলিনী যেন নৌকা সহিত জলমগ্ন হইয়া মরে। আজি সুন্দরীর গ্রায় শৈবলিনীর জন্ম কেহ কাতর নহে।

সুন্দরী আসিয়া ধীরে ধীরে, চক্ষের জল মৃছিতে মুছিতে, শৈবলিনীর কাছে বসিল—ধীরে ধীরে কথা কহিতে লাগিল—ধীরে ধীরে পূর্ব্ব কথা স্মরণ করাইতে লাগিল—শৈবলিনী কিছু স্মরণ করিতে পারিল না। শৈবলিনীর স্মৃতির বিলোপ ঘটে নাই—ভাহা হইলে পার্ব্বতী নাম মনে পড়িবে কেন ? কিন্তু প্রকৃত কথা মনে পড়ে না—বিকৃত হইয়া, বিপরীতে বিপরীত সংলগ্ন হইয়া মনে আসে। স্থান্দরীকে মনে ছিল, কিন্তু স্থান্দরীকে চিনিতে পারিল না।

সুন্দরী, প্রথমে চন্দ্রশেখরকে আপনাদিগের গৃহে স্নানাহারের জন্ত পাঠাইলেন; পরে সেই ভগ্ন গৃহ শৈবলিনীর বাসোপযোগী করিতে প্রবৃত্ত হইলেন। ক্রমে ক্রমে, প্রতিবাসিনীরা একে একে আসিয়া তাঁহার সাহায্যে প্রবৃত্ত হইল; আবশ্যকীয় সামগ্রী সকল আসিয়া পড়িতে লাগিল।

এদিকে প্রতাপ মৃঙ্গের হইতে প্রত্যাগমন করিয়া, লাঠিয়াল সকলকে যথা-স্থানে সমাবেশ করিয়া, একবার গৃহে আসিয়াছিলেন। গৃহে আসিয়া শুনিলেন, চন্দ্রশেখর গৃহে আসিয়াছেন। স্বরায় তাঁহারে দেখিতে বেদগ্রামে আসিলেন। সেইদিন রমানন্দস্থামীও সেই স্থানে পূর্ব্ব প্রতিশ্রুতি অমুসারে, আসিয়া দর্শন দিলেন। তিনি বলিয়াছিলেন, ঔষধ লইয়া যাইব। বলিলেন, ঔষধ আনিয়াছি। ইহা অব্যর্থ, কিন্তু শুভক্ষণে সেবন করাইতে হইবে।

চম্রশেখর, গণনা করিয়া বলিলেন, আজি রাত্রি চারিদণ্ডের পর উত্তম সময়। সেই সময়ে ঔষধ সেবন করান স্থির হইল।

দ্বিচতারিংশত্তম পরিচ্ছেদ

যোগবল না Psychic Force ?

শ্বরধ কি তাহা বলিতে পারি না, কিন্তু ইহা সেবন করাইবার জ্বস্থা, রমানন্দস্বামী বিশেষরূপে আত্মশুদ্ধি করিয়া আসিয়াছিলেন। তিনি সহজে জিতেন্দ্রিয়,
কুৎপিপাসাদি শারীরিক বৃত্তি সকল অস্থাপেক্ষা তিনি বশীভূত করিয়াছিলেন; কিন্তু
এক্ষণে তাহার উপরে কঠোর অনশন ব্রত আচরণ করিয়া আসিয়াছিলেন। মনকে
কয়দিন হইতে ঈশ্বরের ধ্যানে নিযুক্ত রাখিয়াছিলেন—পারমার্থিক চিন্তা ভিন্ন অস্থা
কোন চিন্তা মনে স্থান পায় নাই।

অবধারিত কালে, রমানন্দস্বামী ঔষধ সেবনার্থ উত্যোগ করিতে লাগিলেন। শৈবলিনীর জ্বন্থ শয্যারচনা করিতে বলিলেন, স্থন্দরীর নিযুক্তা পরিচারিকা শয্যা রচনা করিয়া দিল।

রমানন্দস্বামী তথন সেই শয্যায় শৈবলিনীকে শুইতে অমুমতি করিলেন। স্থন্দরী শৈবলিনীকে ধরিয়া বলপূর্বক শয়ন করাইল—শৈবলিনী সহজে কথা শুনে না। স্থন্দরী গৃহে গিয়া স্নান করিবে—প্রত্যহ করে।

রমানন্দস্বামী, তখন সকলকে বলিলেন, "তোমরা একবার বাহিরে যাও। আমি ডাকিবামাত্র আসিও।"

সকলে বাহিরে গেল—কেবল চন্দ্রশেখর রহিলেন। রমানন্দস্থামী চন্দ্রশেখরকে বলিলেন, "তুমিও যাও। সকলকে লইয়া এতদূরে অবস্থিতি কর যে, আমার পাঠ্য মন্ত্র কেহ না শুনিতে পায়। আমি ডাকিবামাত্র আসিও।"

চন্দ্রশেশর গৃহের বাহিরে গিয়া তত্রপ করিলেন, রমানন্দস্বামীর হস্তে ঔষধি প্রস্তুত।

সকলে বাহিরে গেলে, রমানন্দ্রামী ঔষধ মাটিতে রাখিলেন। শৈবলিনীকে বলিলেন "উঠিয়া বস দেখি।"

শৈবলিনী, মৃত্ মৃত্ গীত গায়িতে লাগিল—উঠিল না। রমানন্দস্থামী স্থির দৃষ্টিতে তাহার নয়নের প্রতি নয়ন স্থাপিত করিয়া বসিয়া রহিলেন—ক্রমে, শৈবলিনী ভীতা হইয়া উঠিয়া বসিল। রমানন্দস্বামী ভাহাকে বলিলেন, "একটি কথা কহিবে না কেবল আমার চক্ষের প্রতি চাহিয়া থাকিবে।"

উন্মাদিনী আরও ভীতা হইয়া তাহাই করিল। তখন, রমানন্দস্বামী তাহার ললাট, চক্ষু প্রভৃতির নিকট নানাপ্রকার বক্রগতিতে হস্ত সঞ্চালন করিতে লাগিলেন। এইরূপ কিছুক্ষণ করিতে করিতে শৈবলিনীর চক্ষু বৃদ্ধিয়া আসিল— অচিরাৎ শৈবলিনী ঢুলিয়া পড়িল—ঘোর নিক্রাভিন্তৃত হইল।

তখন রামানন্দথামী ডাকিলেন, "শৈবলিনি।"
শৈবলিনী নিজিতাবস্থায় বলিল, "আছে ।"
রমানন্দথামী বলিলেন "আমি কে ?"
শৈবলিনী পূর্ববিৎ নিজিতা—কহিল, "রমানন্দথামী।"
র। তুমি কে ?
শৈ। শৈবলিনী।

त्र। **भि**वनिनी कि?

শৈ। স্বামীর নাম করিতে নাই।

র। বল।

শৈ। চন্দ্রশেখরের স্ত্রী।

র। একোন স্থান?

শৈ। বেদগ্রাম—আমার স্বামীর গৃহ।

র। বাহিরে কে কে আছে ?

শৈ। আমার স্বামী, প্রতাপ ও স্থন্দরী।

র। তুই এস্থান হইতে গিয়াছিলি কেন ?

শৈ। ফণ্টর সাহেব লইয়া গিয়াছিল বলিয়া।

র। এ সকল কথা এতদিন তোর মনে পড়ে নাই কেন ?

শৈ। মনে ছিল—ঠিক করিয়া বলিতে পারিতেছিলাম না।

র। কেন?

শৈ। আমি পাগল হইয়াছি।

র। সত্য সত্য না কাপট্য আছে ?

শৈ। সভ্য সভ্য, কাপট্য নাই।

র। তবে গু'এখন

শৈ। এখন এযে স্বপ্ধ—এ আপনার গুণে জ্ঞানলাভ করিয়াছি।

র। তবে সত্য কথা বলিবি ?

र्मि। . विन्व।

র। তুই ফষ্টরের সঙ্গে গেলি কেন ?

শৈ। প্রতাপের জন্ম।

রমানন্দ চমকিয়া উঠিলেন—স্হস্র চক্ষে বিগত ঘটনা সকল পুনর্দ্দৃষ্টি করিতে লাগিলেন ৷ জিজ্ঞাসা করিলেন, "প্রতাপ কি তোমার জার !"

व। हि। हि।

র। তবে কি १

শৈ। এক বোঁটায় আমরা ছুইটি ফুল, এক বনমধ্যে ফুটিয়াছিলাম—ছিড়িয়া পুথক করিল কেন ?

রমানন্দস্বামী, অতি দীর্ঘনিশ্বাস ত্যাগ করিলেন। তাঁহার অপরিসীম বৃদ্ধিতে কিছু পুর্কায়িত রহিল না। জিজ্ঞাসা করিলেন, "যেদিন প্রতাণ শ্লেচ্ছের নৌকা হইতে পলাইল, সেদিনের গঙ্গায় সাঁতার মনে পড়ে ?"

শৈ। পড়ে।

त । कि कि कथा श्रेग़ा हिल ?

শৈবলিনী সংক্ষেপে আমুপূর্বিক বলিল। শ্বনিয়া, রমানন্দস্বামী মনে মনে প্রতাপকে অনেক সাধুবাদ করিলেন। জিজ্ঞাসা করিলেন, "তবে তুমি ফষ্টরের সঙ্গেবাস করিলে কেন ?"

শৈ। বাস মাত্র। যদি পুরন্দরপুরে গেলে, প্রতাপকে পাই, এই ভরসায়। র। বাস মাত্র—তবে কি তুমি সাধবী ?

শৈ। প্রতাপকে মনে মনে আত্মসমর্পণ করিয়াছিলাম—এজন্ম আমি সাধ্বী নহি—মহাপাপিষ্ঠা।

त्र। नट्ट ?

শৈ। নচেৎ সম্পূর্ণ সতী।

র। ফপ্টর সম্বন্ধে ?

শৈ। কায়মনোবাক্যে।

রমানন্দস্বামী খর খর দৃষ্টি করিয়া, হস্ত সঞ্চালন করিয়া, কহিলেন, "সভ্য বল।"

নিজিতা যুবতী জ কুঞ্চিত করিল বলিল—"সতাই বলিয়াছি।"

রমানন্দস্বামী আবার নিশ্বাস ত্যাগ করিলেন, বলিলেন, "তবে ব্রাহ্মণ-কন্যা হইয়া জাতি ভ্রষ্ট হইতে গেলে কেন ?"

শৈ। আপনি সর্বশাস্ত্রদর্শী। বলুন, আমি জাতিভ্রষ্ট কি না। আমি তাহার অন্ন খাই নাই—তাহার স্পৃষ্ট জলও খাই নাই। প্রত্যহ স্বহন্তে পাক করিয়া খাইয়াছি। হিন্দু পরিচারিকায় আয়োজন করিয়া দিয়াছে। এক নৌকায় বাস করিয়াছি বটে—কিন্তু গঙ্গার উপর।

রমানন্দস্থামী অধোবদন হইয়া বসিলেন;—অনেক ভাবিলেন—বলিতে লাগিলেন, "হায়় হায় া কি কুকর্ম করিয়াছি—জীহত্যা করিতে বসিয়াছিলাম।" ক্ষণেক পরে জিজাসা করিলেন, "এ সকল কথা কাহাকেও বল নাই কেন?"

শৈ। আমার কথায় কে বিশ্বাস করিবে ?

র। এ সকল কথা কে জানে ?

শৈ। ফষ্টর, আর পার্বভী।

র। পার্বতী কোথায় ?

শৈ। মাসাবধি হইল মুক্তেরে মরিয়া গিয়াছে।

র। ফষ্টর কোথায় ?

रेम। निकरण-छेपरानाचार, नवारवत भिवितत।

রমানন্দ স্বামী কিয়ৎক্ষণ চিস্তা করিয়া পুনরপি জিজ্ঞাসা করিলেন, "তোমার রোগের কি প্রতিকার হইবে—বুঝিতে পার ?"

শৈ। আপনার যোগবল আমাকে দিয়াছেন—তৎপ্রসাদে জ্বানিতে পারিতেছি—আপনার শ্রীচরণ কুপায়, আপনার ঔষধে আরোগ্যলাভ করিব।

র। আরোগ্য লাভ করিলে, কোথা যাইতে ইচ্ছা কর ?

শৈ। यनि विष পाই, ७ খাই – কিন্তু নরকের ভয় করে।

র। মরিতে চাও কেন ?

শৈ। এ সংসারে আমার স্থান কোথায় ?

র। কেন, তোমার স্বামীর গৃহে ?

শৈ। স্বামী আর গ্রহণ করিবেন ?

র। যদি করেন १

শৈ। তবে কায়মনে তাঁহার পদসেবা করি।

এই সময়ে দূরে অশ্বের পদশব্দ শুনা গেল। রমানন্দস্থামী জিজ্ঞাসা করিলেন, "আমার যোগবল পাইয়াছ বলিতেছ—বল ও কিসের শব্দ ?"

শৈ। ঘোড়ার পায়ের শব্দ।

র। কে আসিতেছে ?

শৈ। মহম্মদ ইরফান-নবাবের সৈনিক।

র। কেন আসিতেছে ?

শৈ। আমাকে লইয়া যাইতে—নবাব আমাকে দেখিতে চাহিয়াছেন।

র। ফটর সেখানে গেলে পরে তোমাকে দেখিতে চাহিয়াছিলেন, না তৎপূর্বে ?

শৈ। না। ছই জনকে আনিতে একসময় আদেশ করেন।


র। কোন চিম্ভা নাই। নিজা যাও।

এই বলিয়া রমানন্দস্থামী চন্দ্রশেশর প্রভৃতিকে ডাকিলেন। তাহারা আসিলে বলিলেন যে, "এ নিজা যাইতেছে। নিজাভঙ্গ হইলে, এই পাত্রস্থ উষধ খাওয়াইও। সম্প্রতি, নবাবের সৈনিক আসিতেছে—কল্য শৈবলিনীকে লইয়া যাইবে। তোমরা সঙ্গে যাইও।"

সকলে বিশ্বিত ও ভীত হইল। চক্রশেখর জিজ্ঞাসা করিলেন, "কেন ইহাকে নবাবের নিকট লইয়া যাইবে ?"

রমানন্দস্বামী বলিলেন, "এখনই শুনিবে। চিস্তা নাই।"

মহম্মদ ইরফান আসিলে, প্রতাপ তাঁহার অভ্যর্থনায় নিযুক্ত হইলেন। এদিগে, যথাকালে রমানন্দস্বামী, শৈবলিনীকে মহৌষধ সেবন করাইলেন।



দ্ধ ধর্ম্মের অবসানেই জৈনধর্ম্মের সমৃন্ধতি। শাক্যসিংহের উপদেশ-মালা অসাধারণ চিস্তাশীল ধর্মপরিব্রাজ্বকগণ গ্রহণ করিয়া তত্তৎকালীন ভূমগুলের স্থুসভ্য জ্বনপদে অভিনব ধর্ম্মের স্থুমিশ্ধ বারি সিঞ্চন করত বৌদ্ধধর্ম্মের উৎস চতুর্দ্দিগে উন্মুক্ত করিয়া দিয়াছিলেন। ধর্ম্মের নানা মতভেদ উপস্থিত হইলেই মহাবিপ্লব ঘটিয়া থাকে, বৌদ্ধর্শ্মের তাহাই ঘটিল এবং ক্রমে ভারতবর্ষে উহা হীন-প্রভা ধারণ করিল। এই অবসরে জৈন ধর্ম শনৈঃ শনৈঃ পাদবিক্ষেপ করিতে করিতে মহাজনের ধর্ম হইয়া উঠিল। সদ্বিদ্বান্গণ আচার্য্যের উপদেশ মূলভিত্তি স্বরূপ গ্রহণ করিয়া জৈনধর্মের নানা গ্রন্থ রচনায় প্রবৃত্ত হইলেন এবং ক্রমেই ধর্মের সমুন্ধতি হইতে চলিল। বৌদ্ধধর্মের তায় জৈনধর্ম প্রগাঢ় কল্পনাপ্রসূত নহে, স্থুতরাং ইহা ভারতবর্ষ ভিন্ন অন্ত দেশে আদৃত হয় নাই। বৌদ্ধধর্মের ছায়া লইয়া ইহা নিশ্বিত এবং বৌদ্ধধর্শ্বের নীতি-মালা ইহাতে গৃহীত হইয়াছে ; কিন্তু তথাপি মূলপত্তন সারহীন এবং নিস্তেজঃ। জৈনধর্ম্ম হিন্দু ও বৌদ্ধধর্মের মধ্যবর্তী ধর্ম্ম, ইহাতে পৌতুলিক উপাসনার অঙ্গ প্রত্যঙ্গ কিছুমাত্র পরিত্যক্ত হয় নাই, এজ্ঞ ইহার অভিনবত্ব কিছুই নাই বলিলেই হয়। সংস্কৃত এবং প্রাকৃত ভাষায় জৈন গ্রন্থ সকল রচিত হইয়াছে। প্রথম সূত্র গ্রন্থ; ইহাতে ধর্ম সম্বন্ধীয় গুহ্যকথা সমুদায় জ্ঞাত হওয়া যায়; তাহার মধ্যে কল্পযুত্র, দশ বৈকালিকসূত্র, ক্ষেত্র সমাসসূত্র, চতুর্বিংশতি সূত্র, নবতদ্ব সূত্র, প্রতিক্রমণ সূত্র, সংগ্রহণী সূত্র, স্মরণসূত্র, পক্ষীসূত্র ইহা ভিন্ন একবিংশতি স্থান, উপদেশমালা, বালা-বিবোধ, অতি প্রসিদ্ধ। উপাধান বিধি, প্রশ্নোত্তর-রত্নমালা, আত্মায়ুশাসন, আরাধনা প্রকার প্রভৃতি জ্ঞান কাণ্ডের বছবিধ গ্রন্থ আছে। শান্তিজিনস্তব, বৃহৎ শান্তিস্তব, মহাবীর স্তব, ঋষভ স্তব, পার্শ্বনাথ স্তব, কল্যাণ মন্দির স্তোত্র প্রভৃতি স্তবগ্রন্থ। পুরাণ অনেকগুলি এবং সেগুলি হিন্দুদিগের পুরাণের প্রণালীতে রচিত; তাহার মধ্যে এক্ষণে পদ্মপুরাণ, মহাবীর চরিত, নেমি রান্ধর্ষি চরিত, চিত্রসেন চরিত, মৃগাবতী চরিত, গঙ্গসিংহ চরিত, সাধু চরিত প্রভৃতি স্থপ্রাপ্য। অধিকাংশ জৈন গ্রন্থ প্রাকৃত ভাষায় রচিত। বৌদ্ধ-

ধর্ম্মের ফ্রায় সাধারণের বোধাধিকারার্থ প্রসিদ্ধ জৈন গ্রন্থ নিচয় এই ভাষায় রচিত হইয়াছে এবং পণ্ডিতগণের জন্ম কতিপয় প্রসিদ্ধ গ্রন্থের টীকাও সংস্কৃত ভাষায় আছে। স্বপ্রসিদ্ধ জৈন কোষকার হেমচন্দ্রও প্রাকৃত ভাষায় গ্রন্থ রচনা করিয়া সংস্কৃত ভাষায় তাহার টীপ্লনী লিখিয়া দিয়াছেন। জৈনদিগের গ্রন্থ মধ্যে কল্পত্র অতীব আদরণীয়। এই গ্রন্থ মহাবীরের পরলোক গমনের ৯৮০ বৎসর পর অর্থাৎ ৪১১ খ্বঃ অ: রচিত হয়, কিন্তু কেহ কেহ অনুমান করেন যে উহা ৬৩২ খ্বঃ আ: রচিত হইয়াছিল। গ্রন্থকার ভত্তবহু গুজরাট নিবাসী, তিনি গ্রুবসেনের রাজ্যশাসন সময়ে বর্ত্তমান ছিলেন, ইহাতে প্রীভিন্সন সাহেব অমুমান করেন, তিনি চারিশত খ্রীষ্টাব্দের লোক। কল্পফুত্রের চারিখানি টীকা পঞ্চদশ হইতে সপ্তদশ খৃঃ আঃ মধ্যে রচিত। যশোবিজ্ঞয় কৃত সংস্কৃত টীকা অতি বিশদ। দেবীচন্দ্র কল্পসূত্রের গুজুরাটী অমুবাদ করিবার সময় জ্ঞান-বিমল ও সময়-সুন্দর নামক টীকাছয় ব্যবহার করিয়াছিলেন। ভাজ মাসের অষ্টদিবস জৈনাচার্য্যগণ প্রসিদ্ধ জৈনগ্রন্থ সকল অধ্যয়ন করেন, তাহার মধ্যে পঞ্চদিবস কেবল কল্পসূত্র পাঠ করিয়া থাকেন। কল্প-স্তুত্রে লিখিত আছে, যেমন বিশ্বমধ্যে অর্হতের স্থায় পরম দেবতা ও মুক্তির স্থায় পরম পদ আর নাই (নার্হতঃ পরমো দেবো ন মুক্তেঃ পরমং পদং) তদ্রূপ শ্রীকল্প-স্ত্রের স্থায় ভূমণ্ডলে ধর্মগ্রন্থ আর বর্ত্তমান নাই। কল্পসূত্র সর্ব্ব গ্রন্থের শিরোরত্ন স্বরূপ। এই কল্পক্রদের শ্রীবীর-চরিত্র বীজ, শ্রীপার্শ্ব-চরিত্র অস্কর, শ্রীঝযভ-চরিত বৃক্ষমূল এবং শাখা, শ্রীনেমি-চরিত বৃষ্ট, স্থবিরাবলী মুকুল, সমাচারিজ্ঞান স্থগন্ধ এবং মোক্ষ ইহার ফল; অধিক কি, ইহার অধ্যয়নে জীব জ্বরা মরণ প্রভৃতি সাংসারিক কট্ট হইতে মুক্ত হইয়া মোক্ষমার্গে গমন করেন। এইরূপ কল্পসূত্র সম্বন্ধে অনেক ফলঞ্চতি আছে, তাহা সঙ্কলন করিতে হইলে প্রস্তাব বাহুল্য হইয়া উঠে। ভদ্ৰবহু এই গ্ৰন্থ দশ শ্ৰুত স্কন্ধ অষ্টমাধ্যায়ন এবং প্ৰত্যাখ্যান হইতে সঙ্কলন করেন। কল্পসূত্র তিন ভাগে বিভক্ত, যথা—প্রথম পরিচ্ছেদে প্রথম হইতে শেষ জিন চরিত কথা, দ্বিতীয় পরিচ্ছেদে স্থবিরাবলী বর্ণন, এবং তৃতীয় পরিচ্ছেদে সমাচারী সূত্র ব্যাখ্যান। আমরা কল্পসূত্র হইতে এই প্রস্তাবে অনেক প্রমাণ উদ্ধত করিলাম।

মহাবীর কর্তৃক জৈন ধর্ম প্রচারিত হয়। ইনি জৈনদিগের চতুর্বিংশতি ভীর্থন্কর *, এজন্ম হেমচন্দ্রের মতে ইহার অপর নাম অস্তিম জিন। মহাবীর চরিত অমুসারে ইনিই প্রথমে শক্রমর্দনের রাজ্যশাসন কালে বিজয় নগরের একটী গ্রামে নয়সার নামে প্রধান গ্রাম্য লোক ছিলেন। তাঁহার পুণ্যকর্মজন্ম মায়াময় মমুন্য দেহ পরিত্যক্ত হইলেই সৌধর্ম নামক স্বর্গলোকে গমন করিয়া বছকাল পরে প্রথম

"তীর্য্যতে সংসারসমুজাদনেনেতি তীর্থং তৎকরোতিতি তীর্থন্বরং" হেমচন্দ্র দীকা।

তীর্থন্ধর ঋষভ দেবের পৌক্র মরীচি নামে ভূমগুলে জন্ম পরিগ্রহণ করত ব্রহ্মলোকে গমন করিলেন। তৎপরে কয়েক বার বিলাসপ্রিয় ব্রাহ্মণ হইয়া জন্মগ্রহণ করত ক্রেমে কয়েক লক্ষ বৎসর জৈন স্বর্গে বাস করিয়া অবশেষে রাজগৃহের নৃপতি বিশ্বভূত নামে ধরামগুলে অবতীর্ণ হইয়াছিলেন। তাহার পরে ক্রেমান্বয়ে ত্রিপৃষ্ট, চক্রবর্তী, প্রিয় মিত্র, এবং তৃতীয় বার সন্ম্যাসধর্মরত নন্দন নামে জন্মগ্রহণ করেন। নন্দনের মৃত আত্মা কুন্দ গ্রামের কোদল বংশোন্তব ঋষভ দত্ত নামক ব্রাহ্মণের সহধর্মিণী দেব নন্দীর গর্ভে প্রবেশ করিলে, তিনি এক অপূর্ব্ব স্বপ্ন দেখিতে পাইলেন। এই স্বপ্নে তিনি হস্তী, বৃষ, সিংহ, লক্ষ্মী, পুষ্পমালা, চন্দ্র, সূর্য্য, সৈনিক, কুন্ত, পদ্ম-শোভিত সরোবর, সাগর, ঋয়াশ্রম, মুক্তাবলী এবং নিধুম পাবক দেখিতে পাইলেন, যথা।—

গয়, বসহ, সীহ, অভিসেয্য, দাম, সসি, দিনয়রং, জহুং, কুন্ত, পউমসর, সাগর, বিমান ভবন, রয়মুঞ্চয়, সিহিচ।

জলন্ধারবংশোন্তবা দেবনন্দী এই স্বপ্নদৃষ্টে অতীব চিস্তাকুল চিত্তে স্বামীর নিকট সমৃদয় বিজ্ঞাপন করিলেন। ঋষভ দত্ত তপষী, জ্ঞানবান, তিনি যোগবলে স্বপ্লবিবরণ সমুদয় জ্ঞাত হইয়া প্রীতিপ্রফুল্ল চিত্তে ব্রাহ্মণীকে কহিলেন, তোমার গর্ডে এবারে এক মহাপুরুষ জন্মগ্রহণ করিবেন ; তিনি রূপে শশধরের স্থায় এবং বিস্থায় বৃহস্পতি তুল্য। সেই বালক যৌবন প্রাপ্ত হইলে ঋক্-যজু:-সাম-অথর্ব্ব এই বেদ চতুষ্টয় এবং ইতিহাস, পুরাণ (ইহাও বেদের অংশ বিশেষ) নির্ঘন্ট, (বৈদিক শব্দ সংগ্রহ), শিক্ষাকল্প প্রভৃতি বেদাঙ্গ নিচয়ের স্মারক ও ধারণক্ষম হইবেন। পূর্ব্বোক্ত ষড়ঙ্গ বিশেষরূপে অবগত হইবেন। ষষ্ঠীতন্ত্র কাপিল শান্ত্রে (অর্থাৎ ষষ্ঠীপন্থা সাংখ্যদর্শন) পণ্ডিত হইবেন। গণিত শাস্ত্রে কুশল হইবেন। যজ্ঞ-বিভায়, ব্যাকরণবিভায়, ছন্দংশাস্ত্রে, জ্যোতিংশাস্ত্রে, এবং ব্রাহ্মণ বাক্যে (বেদভাগ বিশেষ) সন্ন্যাস শাস্ত্রে অতিশয় নিপুণ হইবেন। ক এতচ্ছুবলে ব্রাহ্মণীর আর আনন্দের সীমা রহিল না, কিন্তু দেবলীলা মনুষ্যের বোধগম্য নহে। দেবরাজ মহেন্দ্র দেখিলেন পূর্ব্বপরম্পরা অর্হত, চক্রবর্তী, এবং বাস্থ্রদেবের জন্ম ইক্ষাকু এবং হরিবংশ মধ্যে হইয়াছে, তাহাতে এপ্রকার দরিত্র ব্রাহ্মণের গৃহে তীর্থঙ্করের জন্মগ্রহণ অতীব লজ্জাকর; এজন্য মায়াবলে দেবনন্দীর গর্ভ হইতে শেষ তীর্থঙ্করকে ভারত ক্ষেত্রের রাবণ নগরের অধীশ্বর কাশ্যপবংশোম্ভব সিদ্ধার্থ নূপতির রাজ্ঞী ত্রিশলার গর্ভে সঞ্চালন করিলেন। পুত্র প্রসবে রাজ্ঞী ত্রিশলার আনন্দের সীমা রহিল না।

[†] জুবন গমন্থপ্যতে । রিউবের । জউবের । সাম বের । অথর্বণ বের । ইতিহাস পঞ্চনাণং । নির্থংট চুছট্টনং । সঙ্গোবং গগানং । চউত্র বেরানং । সারই । বারই । ধারই । সউংগবী । সট্টি তস্ত বিসারই । সিথানে । সিথাকপ্রে । বাগরণে । চ্ছন্দে । নিরুত্তে । জীই সামরণে । অণস্থর । বংজর এস্থ । পরিবায়ত্রস্থ । স্থপরি নিবিবট্টিএ । আবিভবিশ্বই ॥

স্বর্গে বিভাধরীগণ পুস্পবর্ষণ করিতে লাগিলেন, বিশ্বমধ্যে স্থাবর জঙ্গম আনন্দে পুলকিত হইল। নুপতি পুজের নাম বর্দ্ধমান রাখিলেন এবং শক্র তাঁহার দেবতা ও মন্থুযোর উপর কর্তৃত্ব জন্ম তাঁহার মহাবীর আখ্যা প্রদান করিলেন।

মহাবীর বয়:প্রাপ্ত হইলে সমরবীর নূপতির কন্সা যশোদার পাণি পীড়ন করিলেন। এই উদ্বাহের অল্পকাল পরেই তাঁহার প্রিয়দর্শনা নামী একটা কন্সা জন্মল। এই কন্সার কুমার জামলি পাণিগ্রহণ করেন। ইতিমধ্যে মহাবীরের পিতামাতার মৃত্যু হইল; ইহাতে তিনি সংসার অনিত্য, ক্ষণভঙ্গুর স্থির করিয়া, তাঁহার জ্যেষ্ঠ ভ্রাতা নন্দিবর্দ্ধনকে রাজ্যভার প্রদান করতঃ যতিধর্ম গ্রহণ করিলেন। ক্রমাগত ছুই বৎসর ইন্দ্রিয় সংযম দ্বারা তিনি জিনম্ব প্রাপ্ত হইলেন।

তাঁহার বহু দর্শনে ক্রমে জ্ঞানের উন্নতি হইতে লাগিল এবং ৬ বংসর কাল যোগাভ্যাসে নিযুক্ত হইলেন। সিদ্ধার্থ নামক যক্ষ গোপনে তাঁহার সহায় হইয়া বৃদ্ধিরন্তির উন্নতি করিতে লাগিলেন। রাজগৃহের নলন্দ নামক গ্রামে মহাবীরের গোশল নামক নীচকুলোদ্ভব এক শিষ্য হইল। এব্যক্তির আচার ব্যবহারে পল্লীর অনেক লোকের সহিত বিবাদ ঘটিত। একদা পার্শ্বনাথ জিনের মতাবলম্বী বর্দ্ধন স্থরির শিষ্যগণের সহিত বসন পরিধান সম্বন্ধে বিবাদ ঘটিল। গোশল মহাবীরের মতাবলম্বী দিগম্বর, তিনি পার্শ্বনাথের মতাবলম্বী শেতাম্বর জৈনগণকে তাড়না করাতে, তাহারা কহিল, "নিপ্র্ভাগুণ পার্শ্বশিষ্যাং বয়ং"। তাহাতে গোশল প্রত্যুত্তর করিল ক্ষথান্ত যুয়ং নিগ্রন্থা বস্ত্রাদি গ্রন্থধারিণঃ। কেবলং জীবিকা হেতোরিয়ং পাষ্ণ্ড-কল্পনা। বস্ত্রাদিসক্ষরহিতো নিরপেক্ষো বপুষ্যপি। ধর্ম্মাচার্য্যো হি যাদৃঙ্গমে নিগ্রন্থিয়াদৃশাঃ খলু।"*

মহাবীর এইরূপ সশিশু ৬ বংসর মগথে ও অযোধ্যায় পরিভ্রমণ করিতে লাগিলেন। বন্ধ ভূমি, স্থন্ধি ভূমি এবং লাট বা লাড় দেশীয় গোনদগণ তাঁহার প্রতি অত্যস্ত উৎপীড়ন করিয়াছিল, তাহাতে তিনি কিছুমাত্র ক্ষুরুচিত্ত হয়েন নাই। এ সময় তাঁহার এক শিশু তেজঃ লেশু যোগ শিক্ষা করিয়া স্বয়ং জিনম্ব ক প্রাপ্ত হইয়াছে বিবেচনায় তাঁহাকে পরিত্যাগ করিয়াছিল কিন্তু দেবরাজ ইন্দ্রের কুপায় কেহই পূর্ণমনোর্থ হয় নাই। তিনি কৌশাস্বীতে গমন করিলে নুপতি শতানীক

^{*} আমরা ভগবান্ পার্ধনাথের শিশ্ব, আমরা নিগ্রন্থ অর্থাৎ কোন বন্ধন আমাদের নাই।
তছত্তবে গোশল কহিল, "তোমাদের কোনও বন্ধন নাই এ কেমন কথা? বিগক্ষণ বন্ধ গ্রন্থি
দেখিতেছি। হার! হার! কোন পাষও ব্যক্তি এই কল্পনা কেবল জীবিকা নির্ব্বাহের জক্তই
করিয়াছে সন্দেহ নাই। আমাদের ধর্মাচার্য্য যেমন বাছ শরীরে বন্ত্রাদিসক্লর্ছিত, তেমনি
অন্তরেও সক্লর্ছিত। আমাদের অন্তর্বহিঃ কোথাও বন্ধন অপেক্ষা করে না।

[†] জয়তি রাগদের মোহানিতি জিন:। হেমচন্দ্র টীকা॥

তাঁহার বিশেষ আদর করিয়াছিলেন। এই সময় ঘাদশবর্ষ পর্যান্ত উপবাসাদি শারীরিক কট্ট স্বীকার করিয়া সিদ্ধ হইলেন। তাঁহার বৈশাখ মাসে ঋজুপালিকা নদী তীরস্থ শালবৃক্ষমূলে জ্বপ করিতে করিতে কেবল জ্ঞানলাভ হইল। এই জ্ঞানই জৈন ধর্মের চরম সীমা। এক্ষণে মহাবীর জ্ঞিনপদবাচ্য হইলেন। ইন্দ্রাদি দেবগণ তাঁহার স্তব করিতে লাগিলেন এবং অসংখ্য শিশ্ব তাঁহার উপদেশে মৃশ্ধ হইল। তিনি অপাপ পুরীতে গমন করিয়া জীবনের মোক্ষ উদ্দেশ্য সম্বন্ধে বিবিধ বক্তৃতা করত মগধের অনেক ব্রাহ্মণকে শিশ্ব করিলেন। মহাবীরের জ্ঞানের ইয়ত্তা রহিল না, তিনি মুক্তিপ্রদ পরমপদ প্রাপ্ত হইয়া স্থুখ, ছঃখ, স্বাধীনতা, সাংসারিক জ্ঞান হইতে "সিদ্ধ বৃদ্ধে মৃত্তে অন্তগড়ে পরিনিক্ষ, উ সক্ষত্যুখপহিণে "অর্থাৎ সর্ব্ব সন্তাপাভাবাৎ" সর্ব্ব সন্তাপ হইতে মুক্তিলাভ করিয়া স্বর্গীয় আনন্দ উপভোগ করিতে লাগিলেন, "যথা অণংতে অণুত্তরে নিক্রধাই নিরাবরণে কসিনে কেবল বরণানন্দ সনা সমুপ্যয়ে।"

মহাবীরের চতুর্দশ শিশু সর্বপ্রধান। তাঁহারা যদিও জ্বিন নহেন, তথাপি জিন তুল্য মহাপণ্ডিত যথা "অজিনাণং জিনসংকাসং সর্ববাধর সন্ধি পাইন" (অজি নাপি জিন সদৃশাঃ সর্ববাক্ষর সমূহ জ্ঞাতারঃ)।

মগধের গোতম বংশীয় বস্থৃন্ত, ইচ্ছন্ত্তি, অগ্নিভ্তি এবং বায়্তৃতি নামক তিন পুত্র। হেমচন্দ্র ইহাদিগের সকলকে গোতম আখ্যা প্রদান করিয়াছেন।*
ব্যক্ত, সুধর্মা, মন্দিত, মোর্য্যপুত্র, অকম্পিত, অচল ভ্রাতা, মৈত্রেয়, মহাবীরের একাদশ গণধর নামে খ্যাত। এই সকল আচার্য্য ছারা জৈন ধর্মের সমূহ উন্নতি হইয়াছিল। মহাবীর সসানিক এবং শ্রীণিক নামক কোশম্বী এবং রাজগৃহের রূপদ্বয়কে জৈন মতাবলম্বী করিয়াছিলেন। জৈন গ্রন্থে দৃষ্ট হয় মহাবীর ভবিম্বদাণী স্বরূপ কহিয়াছিলেন, কুমার পাল জন্মগ্রহণ করিয়া ধর্মের উন্নতি করিবেন; এতৎ সম্বন্ধে শক্রুপ্তয় মাহান্ম্যে এই মাত্র লিখিত আছে, যথা "ততঃ কুমার পালস্ত বাহড়ো বস্তু পালবিৎ। সময়াতা ভবিম্বন্তি শাসনেহিন্মন প্রভাবকাং।"

(व्यव्यानाः)

ভীরা

ইক্রভৃতিরগ্নিভৃতির্কায়্ভৃতিশ্চ গৌতম: ।



শাগলিনী রে আমার!
এই কারা, এই হাসি; এই আনন্দের রাশি;
এই দেখি মুখচন্দ্র বিষাদে আঁধার;
এই নাচ, এই গাও; এই যাও, ফিরে চাও;
এই অন্তর্ধান, এই গলার আবার;
পাগলিনী রে আমার!

.ત્ર વ્યાયાત્ર !

চঞ্চল চিন্তের স্রোত ;—
কিবা স্থপ, হঃথ তায়, স্থির না থাকিতে পায়,
তেসে বায় স্রোতে ক্ষুদ্র তৃণের আকার ;
এই প্রোম বরিবায়, সেই স্রোত পূর্ণ-কায়,
এই মান নিদাবেতে বিশুদ্ধ আবার ;
পাগলিনী রে আমার ।

9

পিঞ্জরের পাখী তুমি,
বেড়াও পিঞ্জর মাঝে, চরণে শৃত্যল বাজে,
নাহি জ্ঞান, আনন্দেতে গাও অনিবার
স্বভাব, সঙ্গীতরাশি, আঁধারে শ্রামের বাঁশী;
যে বুলি বলাই তাহা বল আরবার,
পাগলিনী রে আমার!

8

এই পাগলিনী মূর্ণ্ডি,—
একমাত্র, বাঙ্গালির হুংথ সাগরের তীর,
এই মূর্ন্ডি,—একমাত্র গৃহ অলঙ্কার;
বাঙ্গালির শৃশু ঘরে, এই মূর্ন্ডি শোভা ধরে,
অন্ত মূর্ন্ডি কদাচিত শোভিবে না আর,
পাগলিনী রে আমার!

শোভিবে না আহ্লাদিনী।
আহ্লাদিনী বঙ্গদরে! নিঝ রিণী প্রভাকরে!
মক্রন্থনি মধ্যে মৃগত্ঞিকা সঞ্চার!
অলিতেছে চিতা প্রায়, যাহার হানয় হায়!
তাহার আলয়ে কিসে আহ্লাদ আবার?
পাগলিনী রে আমার!

শোভিবে না বিষাদিনী।
বাহিরের তৃঃখানলে, নিরস্তর চিত্ত জলে,
তাহাতে বিষাদ যদি গৃহেতে আবার,
হতভাগা বঙ্গবাসী, হইবেক ভস্মরাশি,
কোথায় যুড়াবে এই যন্ত্রণা তাহার,
পাগলিনী রে আমার।

গন্তীরা ত্রান্ধিকা মূর্ত্তি ! নাহি স্থপ, নাহি হৃঃখ, সতত বিষণ্ণ মুখ, পাপে অমতাপে চিত্ত দহে অনিবার ! এই পাপরাশি হায় ! যাবে কোন তপস্থায় ? এত পাপ যার ঘরে কি স্থথ তাহার,

পাগলিনী রে আমার ?

নাহি চাহি কোন মূর্তি;—
আহলাদিনী, বিষাদিনী, কিম্বা পাপ-প্রয়াসিনী
নাহি চাহি অক্ত ছবি গৃহেতে আমার,
ওই কান্না, ওই হাসি, আমি বড় ভালবাসি,
ওই বালিকার শৃক্ত-হৃদর তোমার,
পাগলিনী রে আমার!

2

জনিয়া অনস্ত তৃ:থে,

যবে দম্ব কলেবরে, ফিরিয়া আসিব ঘরে,
দেখিব বিবাদে মাথা সকল সংসার,
তথন হাসিয়া স্থথে, কোমল প্রসন্ন মুখে,
ধরিয়া গলায় মম, হাসিও আবার,
পাগনিনী রে আমার!

> د

কিম্বা যদি হাসি মুখ,
দেখি প্রিয়ে! কোনদিন,—বিত্যুৎকৌমুদীলীন
অধর টিপিরা, শুনি স্থখ সমাচার,
"পাই নাথ! যেই স্থখ, নির্থি তোমার মুখ,"
বলিও—"তাহার কাছে, কি স্থখ আবার!"
পাগলিনী রে আমার!

>>

এই বরিবার মত,
তব মুখে সদা দেখি, মেবে চক্রে মাথামাথি
মান বিহ্যতেতে মাথা আদর আমার;
তব কান্না, তব হাসি, তাই এত ভালবাসি,
তরল চঞ্চল ওই হাদয় তোমার,
পাগলিনী রে আমার!

> <

যে চাহে দেখিতে প্রিয়ে !
আচঞ্চল সৌদামিনী, আচঞ্চল কাদমিনী,
আচঞ্চল আহলাদিনী,—হউক তাহার ।
আমি মেঘে ভাল বাসি, চঞ্চলা চপলা হাসি ;
আমি ভাল বাসি তোরে,—চাঞ্চল্য সবার !
পাগলিনী রে আমার !

শ্রীনঃ।

প্রপ্তির জাফিগু জন্মলোদ্র

র্যাদর্শন। সাহিত্য, বিজ্ঞান, ইতিহাস, পুরাবৃত্ত, বার্ত্তাশাস্ত্র, জীবনবৃত্ত, শব্দশাস্ত্র ও সঙ্গীতাদি বিষয়ক মাসিকপত্র ও সমালোচন। শ্রীযোগেব্রু নাথ বন্দ্যোপাধ্যায় বিষ্ঠাভূষণ, এম্-এ, সম্পাদিত। কলিকাতা। নৃতন ভারত যন্ত্র। ১২৮১ শাল।

গত ছুইবংসর মধ্যে আমরা অনেকগুলি ইংরেজি ও বাঙ্গালা উৎকৃষ্ট মাসিক পত্র সমাদরপূর্ব্বক, পাঠকদিগের নিকট পরিচিত করিয়াছি। বিশেষ আহলাদের সহিত এখানিও পরিচিত করিতেছি। ফলে এখানির বিশেষ পরিচয় দেওয়া অনাবশ্যক; আপনার গুণে ইহা সকলের নিকট পরিচিত হইয়াছে।

এ পত্রের রচনা-প্রণালী অতি পরিষ্কার; যে সকল বিষয় ইহাতে লিখিত হইতেছে, তাহা সারগর্ভ, ও লেখকেরা কৃতবিষ্ঠ, এবং লিপিকুশল। তবে, সকল প্রবন্ধগুলি যে তুল্যরূপে প্রশংসনীয় নহে, ইহা বলা বাহুল্য, "আত্মারাম পড়!" এবং "শক্রসিংহ" ইত্যভিধেয় প্রবন্ধদ্বয়ের কোন প্রশংসা করা যায় না।

কোন জাতি নৃতন শিক্ষা প্রাপ্ত হইতে থাকিলে, সেই জাতির সাহিত্য প্রায় ছই অংশে বিভক্ত হয়, এক অমুবাদ, আর এক অমুকরণ। কদাচিৎ ছই একজন, স্ববৃদ্ধিন্দক অভিনব সাহিত্য রচনায় সক্ষম হয়েন। আরব জাতীয়েরা অমুবাদ ভিন্ন প্রায় আর কিছুই করিতে পারেন নাই। রোমক সাহিত্য যুনানী সাহিত্যের অমুকরণ মাত্র। বর্ত্তমান বাঙ্গালা সাহিত্যে অমুবাদ ও অমুকরণ উভয়ই লক্ষিত হইতেছে। বিগ্যাসাগর মহাশয় প্রভৃতি পণ্ডিতেরা অমুবাদ করেন; মধুস্দন দত্ত, দীনবন্ধু মিত্র প্রভৃতি স্কবিরা অমুকরণ করেন। মেঘনাদ বধ, ইলিয়দের অমুকরণ, নবীন তপস্বিনী, "Merry Wives of Windsor" নামক নাটকের অমুকরণ। কিন্তু অনেক সময়ে, অমুকরণ অপেক্ষা অমুবাদ স্থসাধ্য, এবং সাধারণের উপকারী হয়। অমুকরণ ছই এক জন বিশেষ প্রতিভাশালী লেখকের হস্তেই ভাল হইয়া থাকে; ভাল হইলেও, উপকারিভায় সকল সময়ে অমুবাদের তুল্য হয় না।

আমরা দেখিলাম যে আর্য্যদর্শন লেখকেরা এবিষয়ে যথার্থ কার্য্যকারিতা বৃঝিয়াছেন। ইহা সদ্বিবেচনা এবং বিজ্ঞতার কাজ হইয়াছে। এই প্রথা অবলম্বন করিয়া তাঁহারা দেশের বিশেষ মঙ্গল সাধিতে পারিবেন, এমত সম্ভাবনা।

ইহাও বক্তব্য যে, সকল প্রবন্ধগুলি অমুবাদমূলক নহে। অনেক স্থানে, লেখকেরা আত্মবৃদ্ধির উপর নির্ভর করিয়াছেন, এবং চিস্তাশীলতার পরিচয়ও দিয়াছেন। আমরা ভরসা করি, এই পত্র দীর্ঘঞ্জীবী হইয়া সর্ব্বত্র সমাদৃত হইবে।

' বান্ধাব। মাসিক পত্র ও সমালোচন। গ্রীকালীপ্রসন্ন ঘোষ কর্তৃক সম্পাদিত। ঢাকা ইষ্ট বেঙ্গাল প্রেস।

ইহা আর একখানি উৎকৃষ্ট মাসিক পত্র। পশ্চিম বাঙ্গালায় অনেকগুলি উৎকৃষ্ট মাসিক পত্র প্রকাশিত হইতেছে, কিন্তু পূর্বে বাঙ্গালায় সেরপ ছিল না। অথচ পূর্বেবঙ্গবাসিগণ যে পশ্চিমবঙ্গবাসিগণ অপেক্ষা বিভাবুদ্ধিতে ন্যুন, ইহা আমরা স্বীকার করি না। অতএব ঢাকা হইতে এই উৎকৃষ্ট মাসিক পত্রের প্রকাশারাস্ত হইয়াছে দেখিয়া আমরা বিশেষ প্রীতি লাভ করিয়াছি। ছঃখের বিষয় এই যে, এই পত্রের কলেবর ক্ষুদ্র, এবং মুদ্রাকার্য্য এ প্রদেশের মাসিকপত্র সকলের ভ্যায় উৎকৃষ্ট হয় নাই। ভরসা করি, ইহার আকার বাড়িবে, এবং মুদ্রাকার্য্যর উন্নতি ঘটিবে।

কিন্তু পত্র আকারে ক্ষুদ্র হইলেও গুণে, অন্থ কোন পত্রাপেক্ষা লঘু বলিয়া আমাদিগের বোধ হইল না। রচনা অতি স্থন্দর, এবং লেখকদিগের চিস্তাশক্তি অসামান্ত। ইহা যে, বাঙ্গালায় একখানি সর্কোৎকৃষ্ট পত্রমধ্যে গণ্য হইবে, তিম্বিয়ে আমাদিগের সংশয় নাই।

কাব্য কোমুদী। প্রথম খণ্ড। শ্রীশ্রীনাথ চন্দ প্রণীত। কলিকাতা, রামায়ণ যস্ত্র। ১৭৯৬ শকাব্য।

এখানি পছা গ্রন্থ। ছই একটি কবিতা মন্দ নহে। ছই একটি নিতান্ত নীরস ও অসার। ইহার একটি গছা উপক্রমণিকা আছে। উপক্রমণিকা অতি পরিষ্কার, এবং বাক্যাড়ম্বর ও অনাবশ্যক বিস্তৃতি শৃষ্য, কিন্তু ইহাতে অনেক ভ্রমাত্মক কথা আছে।

ললিত। সুন্দরী। প্রথম সর্গ। শ্রীঅধরলাল সেন বিরচিত। নৃত্ন বাঙ্গালা যস্ত্র। কলিকাতা।

এখানি পছ। গ্রন্থকারের অন্থরোধ যে, আমরা তাঁহার গ্রন্থের প্রতি পংক্তি, প্রতি শ্লোক, প্রতি পৃষ্ঠা পৃথক্ পৃথক্ সমালোচনা করি। লেখক অতি তরুণ বয়স্ক, আমরা জানিয়াছি। অতএব এখন তাঁহার এ আশা পূর্ণ না হইলেও তিনি রাগ করিতে পারেন না। যখন তিনি কোন উৎকৃষ্টতর গ্রন্থ প্রণয়ন করিবেন, তখনও আমরা প্রতি পংস্কি, প্রতি শ্লোক, প্রতি পৃষ্ঠা পৃথক্ পৃথক্ করিয়া সমালোচিত করিতে পারিব না—কুজ বঙ্গদর্শনে তাহা পাঁচ বৎসরে সম্পন্ন হইতে পারে না—তবে সাধ্যামুসারে সবিস্তারে সমালোচনা করিব। উপস্থিত কাব্যে, নবীনম্বের বিশেষ অভাব, কিন্তু দেখিয়া বোধ হয় বয়োবৃদ্ধি হইলে ইহার রচনা বিশেষ প্রশংসনীয় হইতে পারিবে।

স্বর্ণ**লতা নাটক।** ঞ্রীদেবেন্দ্রনাথ বন্দ্যোপাধ্যায় প্রণীত । কলিকাতা প্রাচীন ভারত যন্ত্র।

মানব প্রকৃতি সম্বন্ধে কতকগুলি গুঢ় তত্ত্ব আছে, তাহা আধ্যাত্মিক দর্শনের অপ্রাপ্য, বিজ্ঞানের অপ্রাপ্য। তাহা কেবল কবিই দেখিতে পান। তাহার প্রকটনই নাটকের উদ্দেশ্য—সেই জন্ম নাটকের সৃষ্টি। বঙ্গদেশে নাটকের সে উদ্দেশ্য লোপ পাইয়াছে—মোহস্তের মোকদ্দামা, নাপিতের মোকদ্দামা—কুলীনের বক্তবিবাহ-কি মজার শনিবার ইত্যাদি বিষয়ের প্রকটনার্থ বঙ্গীয় নাটক লিখিত श्वा कठकश्वि नांठककादात উদ्দেশ "मिनियान तिकत्रामणन।" এ मिनियान রিফরমেশ্যন অর্থে সমাজ সংস্করণ নহে –ইহার অর্থ বিলাতী রেওয়াজ। যদি দেশে এমত কোন প্রথা থাকে যে ইংরেজে তাহার বিপরীতাচরণ করে, তবে নাটকের দ্বারা তাহার নিন্দা করিতে হইবে। দেবেন্দ্র বাবু দেখিলেন যে, দেশী প্রথা সকল প্রায় পূর্ব্বগামী নাটককারগণ উৎস্ট করিয়াছেন—নীলের চাস হইতে তীর্থ ভক্তি পর্য্যন্ত কিছু বাকি নাই; অতএব তিনি "মনোনীত করিয়া পরিণয় করিবার প্রথা প্রচলিত না থাকায়" যে কত অনিষ্ট, তাহার বর্ণনা জন্ম নাটক লিখিয়াছেন। নাটকখানি ৯৫ পৃষ্ঠায় সম্পূর্ণ হইয়াছে। অতএব দেবেন্দ্র বাবুর দিন কোনমতে কাটিয়া গেল। কিন্তু ভবিশ্যৎ নাটককারেরা কি লিখিবেন, তাহা ভাবিয়া আমরা ব্যাকুল হইয়াছি। আমরা তাঁহাদিগের উপকারার্থ, ভাবিয়া চিস্তিয়া কয়েকটি বিষয় স্থির করিয়াছি – ভরসা করি, তাঁহারা ইহার মধ্যে কোন বিষয় মনোনীত করিবেন। যথা বাঙ্গালী মাছ ভাত খায়, মুরগী খায় না—এই কুপ্রথায় অনেক অনিষ্ট ঘটিতেছে, এই নৈতিক ব্যবস্থা অবলম্বন করিয়া "মুরগী নাটক" নামে একখানি উৎকৃষ্ট নাটক হইতে পারে। আর, এ দেশে অশ্বের দ্বারা চাস না হইয়া বলদের দ্বারা চাস হয়, এই কুপ্রথার নিন্দার্থ "বলদ মহিমা" নামে আর একখানি উৎকৃষ্ট নাটক হইতে পারে। "রোড্ শেষ নাটক," "হুর্ভিক্ষ নাটক" প্রভৃতি নাটক এপর্য্যন্ত হয় নাই—ভরসা করি, শীঘ্র হইবে। হইলে, যেমন হউক, স্বর্ণলতা নাটকের অপেক্ষা অপকৃষ্ট হইতে পারিবে না।

তত্ত্ব কুসুম। অর্থাৎ মনের প্রতি ঈশ্বর বিষয়ক উপদেশ। শ্রীদ্বারকানাথ ঘোষ প্রণীত। ঢাকা স্থলভ যন্ত্র। "ওদ্ব কুসুম" যদি এইরপ, তদ্বের ফল না জানি কেমন ? দ্বারকানাথ বাবৃ,
অতি সরলপ্রকৃতির লোক সন্দেহ নাই। নচেৎ এ গ্রন্থ প্রচারিত করিতে কখন
সাহস করিতেন না। আশ্চর্য্যের বিষয় এই যে, যে গ্রন্থখানি আমরা পাইয়াছি,
তাহাতে "দ্বিতীয় সংশ্বরণ" লেখা আছে। বাঙ্গালির পায় শত নমস্কার। তাঁহারা
যদি ইহার প্রথম সংশ্বরণ কিনিয়া পড়িয়া থাকেন, তবে তাঁহাদের অসাধ্য কার্য্য
নাই। এবং তাঁহাদের কোন ভরসাও নাই।

শহাগুরু নিপাতের পর অশোচাবস্থায় কর্ত্তব্যাকর্ত্তব্যের বিচার।
"প্রত্ন কন্ত্রনন্দিনী" পত্রিকা হইতে উদ্ধৃত। কলিকাতা সত্য যন্ত্র। ১৭৯৬।

প্রস্থারম্ভে লিখিত হইয়াছে "কোন মহাশয় ব্যক্তি, তাঁহার মাতৃবিয়োগের পর তাঁহার কোন আত্মীয়ের নিকট হইতে অশোচব্যবস্থার কর্ত্তব্য বিষয়ে একখানি ব্যবস্থা প্রাপ্ত হইয়াছিলেন। তাহার উত্তর প্রত্যুত্তরে একটি স্থদীর্ঘ বিচার নিষ্পন্ন হয়। ঐ সকল বাদান্থবাদের পাঠে অনেকের উপকার হইতে পারে, এই বিবেচনায় তাহা (গ্রম্থে) প্রকটীকৃত হইয়াছে। এ বিষয়ে শাস্ত্রার্থ ই উদ্দেশ্য, বিবাদীর কেহই পাণ্ডিত্যের অভিমান রাশ্লেন না; অতএব তাঁহাদের পরিচয় না দেওয়াই বিধেয় হইয়াছে।"

বিবাদীরা পাণ্ডিত্যের অভিমান রাখেন না, কিন্তু গ্রন্থখানি এই শাস্ত্রে পাণ্ডিত্য পরিপূর্ণ। আর, পণ্ডিতদিগের কৃত স্মৃতি-শাস্ত্রঘটিত বিচারে যেরূপ অভদ্রতা, এবং গালির ব্যবহার পূর্ব্ব হইতে প্রচলিত আছে, ইহাতে তাহার কিছু মাত্র নাই। বিচারকেরা কেবল পণ্ডিত নহেন, বিশেষ ভদ্রলোক।

ঋতুবিলাস। "রিপু বিহার" রচয়িতা শ্রীমহিমাচন্দ্র চক্রবর্তী প্রণীত। কলিকাতা নৃতন সংস্কৃত যন্ত্রে মুদ্রিত। ১২৭৯ সাল।

এই গ্রন্থের উপরে লেখা আছে.

অসম কুস্থম ফুল্ল বল্লরী নৃতন। পরিমলপূর্ণ কিনা দেখ ভৃঙ্গগণ !!

আমরা ভৃঙ্গ নহি—মনুখ্য জাতীয় বলিয়া আত্ম পরিচয় দিই—এই জন্ম বোধ হয় এ "বল্লরীতে" নৃতন কিছু দেখিলাম না—বা পরিমল পাইলাম না।— উদাহরণ, গ্রন্থারম্ভেই

বসস্ত ঋতুর উদয়

বসম্ভ ঋতুপতি,

সংহতি সদাগতি,

প্রবেশে সরসে এ ভূবনে।

ফুটনে ফুলকুল,

লুঠনে সমাকুল,

মধুপ ধাইছে একমনে ॥

নিকুল মল বনে, মাতিয়া বঁধু সনে, কোকিল কলতি একতানে। বঞ্চ শাখাপরে, সারিকা থরে থরে, রঞ্জিছে মন গুঞ্জন গানে॥ কাঁদিছে কোক-বধ্, হেরিয়া কাল মধু, মোহিত দহিত কলেবরে। ছাডিয়া প্রাণকান্ত, অন্তর নহে শান্ত, হায়রে। বিরহ বিষজ্জরে॥ মল্লিকা মুগ্ধভাতি, তাহাতে ভূষপাঁতি, পশিয়া ডাকিছে কলকলে। অহো! আনন্দ মনে, স্থামীর আগমনে, वाकां हेर्छ कबू मन वरन ॥ সলিলে সরোজিনী, স্থবন প্রেমাধিনী, হাসিয়া ভাসিছে স্থথ-ব্রদে। হানিছে খরশর, মনোজ যোধবর, মাতিছে ধনিকা কামমদে।

ইহাতে নূতন কি? পরিমল কোথায়? তবে এ গ্রন্থ "রিপুবিহারের" অপেক্ষা কিঞ্চিৎ ভাল।

গ্রন্থকার যে সকল ছ্রূহ শব্দ ব্যবহার করিয়াছেন, টীকায় তাহার অর্থ লিখিয়া দিয়াছেন। ছ্রূহ শব্দ ব্যবহারের এত প্রয়োজন কি ছিল? অভিধান বিক্রেতাদিগের নিকট আমাদের নিবেদন—অভিধানগুলির একটু দাম বাড়াইবেন।

বীরাঙ্গনা পত্রোত্তর কাব্য। সটাক। শ্রীরামকুমার নন্দী প্রণীত। শ্রীরামপুর। আলফ্রেড যন্ত্র। ১২৭৯ শাল।

এখানি পছা। মাইকেল মধুস্থান দত্ত বীরাঙ্গনা কাব্য লিখিয়াছেন, দেখিয়া, এই কবি, তাহার উত্তর দিয়াছেন। দত্তমহাশয় কেবল নায়িকার উক্তি সকল লিখিয়া গিয়াছেন; মেয়েমানুষের কথা কে সহ্য করিতে পারে ? রামকুমার বাবু তাহার উত্তর দিয়াছেন। পুরুষ জাতির মুখ রাখিয়াছেন সন্দেহ নাই।

মধ্য হইতে বাব্ দক্ষিণাচরণ রায় আসিয়া গ্রন্থভূমিকায় লেখকের এক জীবন-চরিত লিখিয়া দিয়াছেন; এবং সঙ্গে সঙ্গেকে কাব্যের সমালোচনা করিয়াছেন।

এই জীবন বৃত্তে, আমরা জানিয়া স্থণী হইলাম যে, এই উত্তরদায়ক কবি এক্ষণে কাছাড়ে ডিপুটি কমিশ্যনরের আফিশে একোন্টেন্ট, এবং মনি অর্ডর এজেন্ট। ইনি পূর্ব্বে আফিশে নকলনবিশ ছিলেন। বোধ হয়, পূর্ব্বাভ্যাস বশতঃই এই কাব্য প্রণয়ন করিয়াছেন। দক্ষিণাবাব্র সমালোচনার উদাহরণ স্বরূপ, কয়েক পংক্তি উদ্ধৃত করিতেছি।
"রাজা ত্ব্যস্ত শকুস্তলা সম্বোধনে, কামদেবকে উল্লেখ করিয়া যে কয়েকটি
পংক্তি লিখিয়াছেন, উহা বিশুদ্ধ রচনা না বলিয়া ক্ষান্ত থাকা যায় না। শক্ষশুলি এমন ধ্বনিকারক যে অস্তঃস্থান পর্য্যস্ত তাহাদের প্রতিধ্বনি সবলে প্রতিঘাত
হইতে থাকে এবং অস্তঃকরণ যেন তৎসহ নৃত্য করিয়া উঠে এ কথা কোন্ সন্থাদয়
ব্যক্তি স্বীকার না করিবেন গ যথা—

"অঞ্চতৰ মনোভৰ ত্বস্ত প্ৰহারী, কে সহে তাহার শব নশ্বর জগতে নর নারী! হীন শক্তি তৃহিন শিথরে, আত্ম সম্বরণে শভ্ শম্বরারি শরে, বিহীন সম্বিত অজ অমুজ সম্ভব, জন্তভেদী শক্র, ভেদিলে যে কুস্কুমেষ্ কুসম বিশিধে।"

শব্দগুলি ধ্বনিকারকই বটে। সমালোচনা পড়িয়া, আমাদিগের সাধারণীর চানাচুর মনে পড়িল, "ইম্মে প্রাড়বিবাক হাায়, মলিয়ুচ হাায়, সহাকুভূতি হাায়, উহুখল হাায়, ধৃষ্ট্যহুম হাায়।" সর্বাঙ্গ সম্পূর্ণ করিবার জন্ম, গ্রন্থখানি সটীক করা হইয়াছে—কেন না রঘুবংশাদি সকলই সটীক; এবং হেমবাবু, মেঘনাদবধের টীকা করিয়া মুদ্রিত করিয়াছেন। টীকারও কিছু উদাহরণ উদ্ধৃত করিতেছি—

পন্নগপতি—অনস্ত দিতিস্কত—অস্কর ত্রিদশ—দেবতা ইম্রজাল—ভোজবাজি, ভেলকি।

কাব্য সম্বন্ধে, কেবল ইহাই বলা প্রয়োজন যে, কাব্যখানি আত্যোপাস্ত বীরাঙ্গনার অমুকরণ—অমুকরণের অমুকরণ—স্বতরাং ইহাতে বিশেষ প্রশংসনীয় কিছু দেখা যায় না। স্থানে স্থানে, মাধুর্য্য আছে।

বৈদেহী বৈধব্য কাব্য। শ্রীঅনাথবন্ধু রায় প্রণীত। ঢাকা গিরিশ যন্ত্র। এ গ্রন্থখানির বিষয় কুশীলবের পালা। রামপুশ্রদিগের কথাবার্ত্তাগুলিও যাত্রার স্থায় হইয়াছে। স্থানে স্থানে, কিঞ্চিৎ কবিত্ব দেখা যায়। অনেকস্থানে ইহা হর্ব্বোধ্য, অর্থব্যক্তি ভালরূপে হয় নাই।

স্থূত। প্রাচীন আর্য্যগণের চিকিৎসা বিজ্ঞান। বাঙ্গালা অন্ত্রাদ এবং সংস্করণ শ্রীঅম্বিকাচরণ বন্দ্যোপাধ্যায় প্রণীত। কলিকাতা। বিক্টোরিয়া যন্ত্র।

আধুনিক লোকের ইংরেজি চিকিৎসাতেই ভক্তি। আমাদিগের বোধ আছে, অক্সাম্য বিছার, ইউরোপীয়দিগের যেরূপ প্রাধান্ত, চিকিৎসা শাস্ত্রে সেরূপ নহে। দেশী চিকিৎসা প্রণালীতে অনেক সময়েই ইংরেজি চিকিৎসা অপেক্ষা স্থাসিদ্ধি জ্বায়া থাকে। দেশী চিকিৎসা, বাঙ্গালা চিকিৎসা, উভয়ের গুণ, উভয়ের অভাব আছে। একের যাহা আছে, দ্বিতীয়ের তাহা নাই; দ্বিতীয়ের যাহা আছে, প্রথমের তাহা নাই। উভয়ে সংমিলিত হইলেই পরস্পরের অভাব পূর্ণ হইয়া সর্ব্বরোগ শান্তিদায়ক চিকিৎসাপদ্ধতির উদ্ভাবন হইতে পারে। ছর্ভাগ্যবশতঃ ডাক্তারেরা প্রায় সংস্কৃত জ্ঞানেন না, বৈছেরা কেহই ইংরেজি জ্ঞানেন না। এজ্ফ উভয়ের বিছা অসম্পূর্ণ রহিতেছে। এক্ষণে যদি, দেশী চিকিৎসা শাস্ত্র বাঙ্গালায় প্রচারিত হয়, তবে দেশী ডাক্তারগণ, তাহার মর্ম্মাবগত হইতে পারেন। অতএব অম্বিকা বাবুর এই উদ্ভম অত্যন্ত প্রশংসনীয় এবং হিতকর। তাহাকে উৎসাহ দান করা, বাঙ্গালি মাত্রেরই কর্ত্ব্য। তিনি যে কার্য্যে প্রবৃত্ত তাহা অত্যন্ত ছ্রহ—তিনি বিশেষ সাধুবাদের পাত্র। অম্বুবাদ অতি প্রাঞ্জল হইতেছে।

রামোদাহ নাটক। অর্থাৎ রামের সহিত সীতার বিবাহ বর্ণন। শ্রীস্থরেন্দ্রনাথ বন্দ্যোপাধ্যায় প্রণীত। শ্রীরামপুর আলফ্রেড যন্ত্র।

অশুভক্ষণে বাল্মীকি রামায়ণ প্রণীত করিয়াছিলেন। ভরসা ছিল, বাঙ্গালার অঙ্গুলিকণ্টু মূণ ব্যধিগ্রন্ত মহাশয়েরা, বিষয়াভাবে কাব্যনাটক রচনায় বিমুখ হইবেন। কিন্তু-রামায়ণ থাকিতে তাহা ঘটিবার সম্ভাবনা নাই। রামের বিবাহ, রামের বনবাস, সীতার বনবাস, রামের যুদ্ধ, কুশীলবের যুদ্ধ প্রভৃতি বিষয়াবলম্বন করিয়া অসংখ্য অপাঠ্য কাব্য নাটকের সৃষ্টি হইতেছে। সমুদ্রে রক্ত্র আছে বলিয়া, অধ্যবসায়শালী বাঙ্গালি কবিগণ অবিরত লোণা জ্বল সেচিতেছেন। সম্প্রতি আর একখানি রামোদ্বাহ নাটক উপস্থিত। রামোদ্বাহ বলিলে কেহ যদি না বৃদ্ধিতে পারেন, এই জ্ম্যু, গ্রন্থকার বলিয়া দিয়াছেন, "অর্থাৎ শ্রীরামের সহিত সীতার বিবাহ বর্ণন।" আমরা গ্রন্থকারের নিকট বিশেষ বাধ্য হইলাম। পাঠকের মনোরঞ্জনার্থ এই নাটক হইতে একটি কৌশল্যা বিলাপ উদ্ধৃত করিয়া দিতেছি।

"কৌশ—[কপালে করাঘাত করিতে করিতে] যা! আবার আমার কপালে একি হলো! মহারাজ এই কথা কইতে কইতে এমন হলেন কেন! (গাত্রে হস্ত স্পর্শ করিয়া) শক্ত মক্ত দেখ্টি যে! কি করি! মহারাজ বৃঝি পুত্রশোকে প্রাণ পরিহার কল্পেন! (চরণ স্পর্শ করিয়া ক্রেন্দন করিতে করিতে) মহারাজ। আপনি গাত্রোখান করুন, আপনকার ভূমিশয্যা কেন ?—এরূপ অবস্থাবলোকনে বিষ বিন্দুর স্থায় আমার নয়নে দরদরিত বারিধারা বরিষণ হচ্চে। স্থায় বহুলভ! ছরায় গাত্রোখান করুন্। আপনাকে নীতি শিক্ষা দেওয়া অবলাঙ্গনার বিধেয় নয়। আপনি এত কাতর হবেন না। অগ্রে প্রাণধণ রঘুমণির তত্ত্বাহুসন্ধানে সংখ্যাতিরিক্ত যুদ্ধোৎসাহী সেনাদিগকে পাঠাইয়া দিন্। পরে যাহা কর্ত্ব্যাকর্ত্ব্য তাই কর্বেন—

(চরণ পরিত্যাগ পূর্ব্বক বাম গণ্ডে হস্ত দিয়া) আহা! গুণমণি রাম বিনা যেন আমাকে বৎসহারা গাভীর স্থায় করেচে! আর তৃষিতা চাতকিনী যদ্ধপ কাদস্বিনী সন্দর্শনে প্রফুল্লিতা হয়ে উদ্ধৃদৃষ্টে অবিরত চঞ্চুব্যাদান করিতে থাকে, আমিও তদ্ধপ নীলমণির আসার আশায় রাজপন্থাবলোকন করিতে থাকি:। আহা! আমার স্থান্য আকাশে আর কি সে রাম-চন্দ্রের উদয় হবে! তিনি যে অস্তাচলে!—তবে বাঁচনে স্রথ কি—"

কৈটি কি ? ইহাতে কপালে করাঘাত আছে, চরণম্পর্শ আছে, ভূমিশয্য। আছে, বিষবিন্দু আছে, হ্রদয়বল্লভ আছে, চাতকিনী আছে, কাদম্বিনী আছে, নীলমণি আছে, নাই কি ? যদি কিছুর অভাব থাকে, তবে এক "আসার আশায়" তাহা পরিপূর্ণ হইয়াছে। সাধারণীর তেলে ভাজা চানাচুর কোথায় লাগে ?



শাসন প্রণালী

[পূর্ব্ব প্রকাশিতের পর]

ঠক, তোমাকে সে দিন বলিয়াছি বিচারপ্রণালী সাক্ষীর বিষয় ও সমাজপ্রথা আমূল বিজ্ঞাপন করিব। অন্ত এই তিন বিষয়ের কিছু কিছু শ্রবণ
কর। তত্ত্বান্তুসদ্ধান পূর্বেক পাঠ কর। দেখিবে ভারতবর্ষীয় ঋষিগণ কোন বিষয়েই
আন্তের নিমিত্ত কিছু অবশিষ্ট রাখিয়া যান নাই। তুমি সভ্য জাতির নিকট যাহা
শিক্ষা করিতে চেষ্টা করিতেছ, উহা কতকাল পূর্বেব আর্য্যজ্ঞাতিরা অভ্যাস
করিয়াছেন। সাক্ষীর লক্ষণ, ব্যবসায়, আচার, ব্যবহার ও জ্ঞাতি প্রভৃতি অবগত
হইলে বুঝিবে, ঋষিগণ ঐ বিষয়ে কতদূর অভিজ্ঞতা প্রদর্শন করিয়াছেন।
তাঁহাদিগের অনুসরণে কত ব্যক্তি কুতার্থ হইয়াছেন, হইতেছেন ও হইবেন।

প্রিয়দর্শন, অন্থ আমি তোমাদিগকে বিচারকের কর্ত্তব্য বলিব। তুমি আর্য্যজাতিকে স্বার্থপর বলিয়া বুথা অপবাদ দিয়া থাক, তোমার সে ভ্রম দূর করিবার ইচ্ছা করে।

দেখ, আর্য্যভূপতিগণ কাহাকেও নীতিবিরুদ্ধ কার্য্যে প্রবৃত্তি দিতেন না। যে ব্যক্তি স্বতঃপ্রবৃত্ত হইত, তাহাকেও অসৎ কার্য্য হইতে বিনিবৃত্ত করিতেন। ধর্মাধিকরণের অথবা বিচারাদির ব্যয় সঙ্কুলনার্থ কোন প্রকার কৌশলাদি দ্বারা প্রজাপীড়ন পূর্বক অর্থ গৃহীত হইত না। (১)

আর্য্যজাতির নিকট কোন ব্যক্তি বিচারপ্রার্থী হইলে তাহাকে প্রতিজ্ঞা-পত্রের [কাগচের] মূল্য (Court Fees) দিতে হইত না। প্রতিবাদীকেও উত্তরপক্ষ সমর্থন নিমিত্ত উত্তরপত্রের আলেখ্য জন্য পত্রগুল্ক দেওয়ার কোন প্রমাণ দেখা যায়

> (>) শ্রুতি স্মৃতি বিরুদ্ধঞ্চ ভূতানামহিতঞ্চমৎ। ন তংপ্রবর্ত্তয়েদ্রাজা প্রবৃত্তঞ্চ নিবর্ত্তয়েৎ॥

> > মহু কাত্যায়ন

না। ইহাদিগের নিকট হইতে পদাতিকের বেতনাদির সম্বন্ধেও কোন উল্লেখ নাই।

রাজকীয় সমস্ত ভৃত্যই রাজকোষ হইতে বেতন, ভৃতি, অল্লাচ্ছাদন এবং স্থলবিশেষে চিরস্থায়ী বৃত্তিও ভোগ করিত। আর্য্যজাতির নিকট যে ব্যক্তির কার্য্য সুথকর, হিতকর ও প্রিয়তর বোধ হইত, সে ব্যক্তি বৃদ্ধাবস্থা অথবা অহ্য কোন হেতু বশতঃ প্রভুর কার্য্য সম্পাদনে অক্ষম হইলে তদীয় পূর্ব্বামূষ্ঠিত কার্য্যকলাপের পুরস্কার প্রাপ্ত হইত।

পুরস্কার বা পেনস্থন (২) এ বিষয়টী রাজার প্রসন্ধতা অথবা ইচ্ছার উপর অধিক নির্ভর করিত না। রাজনীতির নিয়মান্থসারেই বাধ্য ভৃত্য ও কর্মচারী মাত্রেই রাজদত্ত বৃত্তি উপভোগ করিতে অধিকারী ছিল। স্থতরাং কেহই অর্থী প্রত্যর্থীর নিকট কিছু গ্রহণ করিতে সক্ষম ছিল না। যে ব্যক্তি উৎকোচ গ্রহণ করিত, রাজা তাহার সর্বস্ব লুঠন পূর্বক তাহাকে স্বরাজ্যবহিষ্কৃত করিতেন।

এই কারণে পদাতিকেরাও অর্থী প্রত্যর্থীর নিকট কিঞ্চিন্মাত্র লালসা রাখিত না। (৩)

রাজভৃত্য যদি তাহাদিগের ভরণপোষণ জন্ম বিচারকের নিকট অভিযোগ করিত, ধর্মাধিকরণ অমনি মুক্তহস্তে তাহার পক্ষে ডিক্রী দিতেন। আর্য্যেরা জানিতেন, ভৃত্যবর্গ অবাধ্য হইলে রাষ্ট্রবিপ্লব ঘটিবার সম্ভাবনা। স্থতরাং বেতনাদির বিষয়ে বড় গুণনিষ্ঠ ছিলেন। সামান্ম ভৃত্যেরা শাস্ত্রের নিয়মামুসারে দাস্য বৃত্তির নিজ্ঞায় স্বরূপ উৎকৃষ্ট ও অপকৃষ্ট ভেদে ছয় পণ হইতে এক পণ পর্য্যন্ত দৈনিক বৃত্তি পাইত। উভয় ব্যক্তিই বর্ষমধ্যে তৃইবার পরিধেয় পাইবার যোগ্য বলিয়া অভিহিত, তাহাদিগের অন্ধ সংস্থান জন্ম প্রতি মাসে ধান্ম প্রদানেরও ব্যবস্থা আছে। শাস্ত্রের নিয়মামুসারে উৎকৃষ্ট ভৃত্য ছয় মাস অন্তে ছয় যোড় কাপড় ও প্রত্যেক মাসে ছয় ব্যোণ পরিমিত ধান্ম গ্রহণের অধিকারী; অপকৃষ্ট ভৃত্য মাসিক এক ব্যোণ পরিমিত ধান্ম এবং ধান্মাসিকে এক যোড় বস্ত্র পাইত। চারি আঢ়কে এক ব্যোণ হয়। এক আঢ়ীর পরিমাণ চারি পুছল। আট কৃঞ্চিতে এক পুছল

- (২) কচ্চিৎ পুরুষকারেণ পুরুষ: কর্মশোভয়ন। লভতে মানমধিকং ভূয়ো বা ভক্তবেতনম্॥ ৫৩ মহাভারত—সভাপর্ক, অধ্যায় ৫
- (৩) উৎকোচকাশ্চোপধিকা বঞ্চকাঃ কিতবান্তথা। মন্ত্ৰলাদেশবৃত্তাশ্চ ভদ্ৰাশ্চেক্ষণিকৈঃ সহ॥ ২৫৮ মহ্—অ ১

কহা যায়। কুঞ্জির পরিমাণ অষ্ট মৃষ্টি। বঙ্গভাষায় কুঞ্জির পরিবর্তে কুণিকা, খুঁচি হুইয়াছে। [8]

মৃষ্টির পরিমাণকে ন্যুনকল্পে এক ছটাক ধরিলেও এক জোণে এক মণ পাঁচ সের ধাস্য ধরা যায়—বোধ হয় মৃষ্টিমধ্যে এতদপেক্ষা অধিক ধাস্য ধরে। প্রিয়দর্শন, তুমি মনে করিতেছ, উংকৃষ্ট ও অপকৃষ্ট এই ছুই শ্রেণী দাস ছিল, মধ্যবিধ ভৃত্য ছিল না। তুমি কেন ভাব না ন্যুন সংখ্যার পরিমাণ এক পণ, এক যোড় বস্ত্র, এক জোণ ধাস্থ্য, উদ্ধি সংখ্যার পরিমাণ ছয় পণ, ছয় জ্বোড় বস্ত্র ও ছয় জোণ ধাস্থ্য পরিমাণ হয় পণ, ছয় জ্বোড় বস্ত্র ও ছয় জোণ ধাস্থ্য পরিমাণ হইতে ডিক্রী পাইত নতুবা মধ্যবিধ কিন্ধরের প্রতি মধ্যবিধ নিয়ম ছিল।

ভৃত্যগণের পরিচয় স্থলে উচ্চতম কর্মচারিবর্গের উল্লেখ করা নিতান্ত দোষাবহ; এজন্ম উহা এখানে পরিত্যক্ত হইল। স্থলবিশেষে দেখিতে পাইবেন।

বিচার প্রণালীর কথা প্রসঙ্গে ভৃত্যের কথা উঠিয়াছে স্কুতরাং প্রসঙ্গ পরিত্যাগ করিতে পারি না। পদাতিক, তুমি বিচারাসনের উপকরণ মধ্যে গণ্য কাজেই তোমাকে আসরে নামাইলাম, তুমি রাগ করিও না। এক্ষণে তোমাদিগের দোষে বিচার যত নষ্ট হয়, বোধ হয় পূর্বে তাহার সহস্রাংশের একাংশও সে প্রকার হইত না। পদাতিক, তোমরা রাজার গৃঢ় চর ও চক্ষু; তোমরা স্থশীল হও, এই ইচ্ছা; অন্ধ হইও না।

অভিযোগ বিষয়।

অভিযোগ উপস্থিত করিবার সময় বাদীকে অগ্রে দোষনিমুক্তি প্রতিজ্ঞা, সংকারণান্বিত সাধ্য, লোকপ্রসিদ্ধ পক্ষ সমর্থন করিতে হয়। ইহার বিপরীত হইলে অভিযোগ গ্রাহ্য হয় না এবং প্রতিবাদীকেও উত্তর পক্ষ সমর্থন নিমিত্ত আহ্বান না করা বিচারাসনের রীতি ছিল না। ব্যবহার প্রকরণে প্রতিজ্ঞাপত্রই সার বস্তু; উহা সদোষ হইলে বাদী নিশ্চয়ই ক্ষতিগ্রস্ত হন। [৫]

(৪) পণোদেরোংবরুপ্টস্থ বড়ুৎরুপ্টস্থ বেতনং।

যান্মাসিকন্তথাচ্ছাদো ধাস্তজোণস্ত মাসিক:। ১২৬ মহু—অ ৭
অন্তমুষ্টির্ভবেৎকুঞ্চি: কুঞ্নোংপ্টোচ পুন্ধনা:।
পুন্ধলানিত্ চন্ধারি আঢ়ক: পরিকীর্ত্তিত:॥
চত্রাঢ়কোভবেদ্রোণ ইতি কুলুকভট্রবৃত মহুটীকা।
(৫) নারদ বচন যথা
সারস্ত ব্যবহারাণাং প্রতিজ্ঞা সমুদান্ধতা।
তদ্ধানে হীয়তে বাদী ততন্তামন্তরো ভবেৎ॥

বিচারক প্রথমতই দেখিবেন বাদী যে সকল কারণ নির্দেশ করিতেছে সেগুলি প্রতিজ্ঞা পত্রে নিঃসন্দিশ্ধরূপে লিখিত, পূর্ব্বাপর সংলগ্ন, বিরুদ্ধ কারণ বিনিমুক্তি, বিরোধিবাক্যের প্রতিরোধক, অহ্য প্রমাণে অকাট্য এবং লেখনটা অভি স্থান্দররূপে ও স্বল্লাক্ষরে বিরচিত হইয়াছে তবেই গ্রহণযোগ্য জ্ঞান করিবেন। এবস্থিধ পক্ষ গ্রহণান্তর প্রতিবাদীকে উত্তর পক্ষ সমর্থনজন্ম বিচারাসন হইতে লেখ্য প্রেরণ দ্বারা আহ্বান করিবার রীতি। (৬)

বাদী যে সকল বাদ উত্থাপন করে সেই সকল বাদবাক্যের নাম প্রতিজ্ঞা, প্রতিজ্ঞা বাক্যের অর্থের নাম পক্ষ, বিচার্য্য বিষয় সার্থক কি না বিবেচনা অমুসারে দেখা কর্ত্তব্য, তদমুসারে বাদ উত্থাপনকালে দেশ কাল পাত্র, বর্ষ, মাস, কোন্ পক্ষের কোন্ তিথি, দিন সংখ্যার নাম, উভয় পক্ষের নাম গোত্রাদি এবং পীড়া প্রদান, পরে প্রতিবাদী অভিযোগ নিবারণ জন্ম বাদীর প্রতি ক্ষমা চিহু প্রকাশ করিয়াছিল কি না, ইত্যাদি তাবৎ বিষয় বিশেষতঃ সাধ্য, প্রমাণ, দ্রব্যসংখ্যা ও কি বিষয়ক অভিযোগ তৎসম্দায় প্রকাশ করিবে; এবং ঐ পত্রে উভয় পক্ষের বাসস্থান, জাতি, বয়ক্রম ও কাহার অধিকারে বাস তৎসমস্ত,পরিস্কৃতরূপে ক্রমান্বয়ে লিখিত থাকিবে। (৭)

কাত্যায়ন

উপস্থিতে বিবাদেতু বাদীপক্ষং প্রকাশয়েং।
নিরবজ্ঞং সংপ্রতিজ্ঞং প্রমাণাগমসন্মতং ॥
দেশকালং সমাং মাসং পক্ষাহো জাতি নামচ।
দ্রব্য সংখ্যোদয়ং পীড়াং ক্ষমা লিক্ষণ লেথয়েং॥
নিবেশ্য কালং বর্ষঞ্চ মাসং পক্ষং তিথিং তথা।
কোণং প্রদেশং বিষয়ং স্থানং জাত্যা কৃতী বয়ः॥
সাধ্য প্রমাণং দ্রব্যঞ্চ সংখ্যাং নাম তথাত্মনঃ।
রাজ্ঞাঞ্চ ক্রমশো নাম নিবাসং সাধ্যনামচ।
ক্রমাৎ পিতৃণাং নামানি লেথয়েৎ রাজসন্মিধৌ॥
প্রতিজ্ঞা দোষ নির্মৃক্তং সাধ্যং সৎকারণান্বিতং।
নিশ্চিতং লোকসিদ্ধঞ্চ পক্ষং পক্ষ বিদো বিছঃ॥
কাত্যায়ন ও বৃহস্পতি

স্বরাক্ষর: প্রভৃতার্থো নি:সন্দিশ্বো নিরাকুল: । বিরোধিকারণৈর্মুকো বিরোধি প্রতিরোধক: ॥ যদান্বেবং বিধঃ পক্ষ: কল্পিত: পূর্বে বাদিনা। দতাত্তৎ পক্ষ সম্বন্ধ: প্রতিবাদী তদোত্ত রং॥

কাত্যায়ন।

(৭) বচনস্থা প্রতিজ্ঞাত্বং তদর্থস্থচ পক্ষতা। অসঙ্করেণ বক্তব্যং ব্যবহারেষু বাদিভিঃ॥ প্রতিবাদী যাবৎকাল পর্য্যন্ত উত্তর প্রদান না করে তাবৎকাল মধ্যে বাদী নিজকত ভাষাপত্ত সংশোধন করিতে অধিকারী। (৮)

উত্তর প্রদান হইলে ভাষাপত্রের ন্যুনাধিক্য পরিহার করিবার কাহারও ক্ষমতা থাকে না, প্রতিজ্ঞাপত্রকেই ভাষাপত্র কহা যায়। ভাষাপত্রের লেখক কায়ন্থ ব্যক্তি। তাহার পরীক্ষক উদাসীন বিজ্ঞ ব্যক্তি। যে ব্যক্তির সঙ্গে কোন পক্ষের কোন সংশ্রব নাই তাহাকেই উদাসীন কহা যায়।

শাস্ত্রকারেরা কছেন শতরঞ্চাদি দ্যুতক্রীড়ায়, ত্রতে, যজ্ঞকর্ম্মে ও ব্যবহারাদি বিষয়ে কর্ম্মকর্ত্তা নিজে ভাল মন্দ বৃঝিতে পারেন না। উদাসীন ব্যক্তিরা তত্তাবং পুঝামুপুঝরূপে দেখিতে পান। তাঁহাদিগের দর্শনপথে ও বৃদ্ধিমার্গে অত্যের দোষ গুণ পতিত হয় অতএব রাজদারে যাইবার অগ্রে বিজ্ঞ ও উদাসীন ব্যক্তিকে ভাষা-পত্র দেখাইবে। তদীয় পরামর্শে ভাষাপত্র পরিশুদ্ধ করিবে। (৯)

প্রিয়দর্শন! তুমি আমাকে একটা কথা জিজ্ঞাসা করিতে পার, স্থল বিশেষে বাচনিক অভিযোগ হইত কিনা। তাহার সম্বন্ধে কি প্রকার নিয়ম ছিল। পাঠক, তুমি বৃঝিয়াছ এরূপ স্থলে কি হইত ? এখানে প্রাড্বিবাক নিজেই অর্থীর স্বভাবোক্ত বাক্যগুলি শুনিয়া লিখন পূর্বক ভাষাপত্রের প্রতিজ্ঞা, পক্ষ ও সাধ্য সংস্থাপন করিতেন। (১০) বাচনিক অভিযোগের বিষয়গুলি অগ্রে পাঞ্চুলেখ্য স্বরূপে কাষ্ঠ ফলকে লিখিত হইত, তৎপরে তাহা অভিযোক্তাকে প্রবণ করাণই প্রাসিদ্ধ রীতি। উহা প্রবণ করিয়া অভিযোক্তা যদি তদীয় তৎকালের বিশ্বত বিষয়গুলি সন্নিবিষ্ট এবং অপ্রাসঙ্গিক বিষয় পরিত্যাগ করিতে ইচ্ছা করে তবে তদ্বিবয়ের সামঞ্জস্ম বিধান পূর্বক ফলকন্থিত পাঞ্লেখ্যের বিষয়গুলি যথাক্রমে প্রতিলিপি করিয়া প্রাড্বিবাককে স্বহস্তে ভাষাপত্র সম্পন্ন করিতে ইইত।

পরাশর—আচার প্রকরণ।

দ্যুতেচ ব্যবহারেচ প্রব্রতে যজ্ঞ কর্মণি। যানি পশুস্কাদাসীনাঃ কর্তা তানিনপশুতি॥

ব্যাস সংহিতা।

⁽৮) শোধরেৎ পূর্ব্ব পক্ষম্ভ যাবন্নোত্তর দর্শনং। উত্তরেণাবরুদ্ধস্ত নিবৃত্তং শোধনং ভবেৎ॥

⁽৯) শুচীন্ প্রজ্ঞান্ স্বধর্মজ্ঞান্ কুরু মুদ্রা করাহিতান্। লেথকানপি কায়স্থান্ লেগ্যক্নতা বিচক্ষণান্॥ ১০

^{(&}gt;•) পূর্বপক্ষং স্বভাবোক্তং প্রাড বিবাকোইথ দেখরেৎ। পাণ্ডুদেথ্যেন ফলকে পশ্চাৎ পত্রে নিবেশরেৎ॥

কাত্যায়ন।

যে বিচারক অর্থিবাক্যের প্রতিকৃল বাক্য লেখেন অথবা প্রত্যর্থীর উত্তর, বাক্য বিরুদ্ধভাবে অর্থীকে জ্ঞাপন করান, স্থল বিশেষে উভয় পক্ষেরই বিপর্য্যয় কথা লেখেন তিনি আর্য্যজ্ঞাতির শাসন অরুসারে চৌর সদৃশ পাপী ও দণ্ডনীয় ব্যক্তি; রাজা এরূপ ব্যক্তিকে চৌর্য্যাপরাধের শান্তি প্রদান করিতেন। লেখক তোমাদিগকে একটা কথা বিজ্ঞাপন করি, তোমরা যদি সভ্যতাভিমানে মন্ত্র না হও তবে মর্ম্মগ্রহ করিতে পারিবে। দেখ আর্য্য জ্ঞাতির বিচার কার্য্য কভক্ষণ পরে রূপতিসরিধানে উপস্থিত হয়। (১১)

তোমরা প্রথম বিচারস্থলকে নিম্ন আদালত বলিয়া থাক। দিতীয় স্থলকে উচ্চ আদালত বা আপীল আদালত বল। তৃতীয় স্থলকে সর্ব্বোচ্চ কিম্বা তৎপরিবর্ত্তে প্রধান বিচারস্থল নামে নির্দেশ করিয়া থাক। এই প্রকারে ক্রমশঃ দেশ শাসনকর্তা হইতে রাজা বা রাজ্ঞী পর্য্যন্ত ক্রমান্বয়ে উচ্চ উচ্চতর, ও উচ্চতম কহিয়া থাক, লেখকেরও সে প্রকার বলিবার পথ আছে।

মন্থ ও নারদ একমত্য অবলম্বন পূর্ব্বক কহিয়াছেন প্রথমে বাদী প্রতিবাদীর স্বন্ধনের নিকটে বিচার নিষ্পত্ত্বি হওয়া উচিত, দ্বিতীয় কল্পে বাণিজ্য ব্যবসায়ী মধ্যস্থ বর্গদারা বিচার নিষ্পত্তি মন্দ নয়, তৃতীয় কল্পে সদ্বিত্যাসম্পন্ন বিপ্রজ্ঞাতির সভায় বিচার্য্য বিষয় নিক্ষিপ্ত হওয়া উচিত, তাঁহাদিগের পরেই নূপতি সদস্য পরিবৃত্ত প্রাড্বিবাকাদিদারা বিচার দর্শন সমাধা হওয়া উচিত। সর্বশেষে নূপতি অমাত্য পরিবৃত্ত হইয়া স্বয়ং বিচার দর্শন কার্য্য সম্পন্ন করিবেন। ইহাদের প্রত্যেকের নাম যথাক্রমে কুল, শ্রেণী, গণ, অধিকৃত ও নূপতি শব্দে নির্দেশ করা যায়।

প্রিয়দর্শন, তুমি অভিজ্ঞ, তোমার বৃদ্ধিবিবেচনায় আর্য্যজ্ঞাতির ধর্মশাস্ত্রকারদিগকে আধুনিক সভ্যজ্ঞাতির প্রসিদ্ধ প্রসিদ্ধ সচিব অপেক্ষা প্রগাঢ়বৃদ্ধি বলিয়া
বিশেষ অন্থভব হয় কি ? কি সমকক্ষ বা তোমার মতে হীনকল্প বলিয়া বোধ হয়
তাঁহাদিগের তুমি যাহাই জ্ঞান কর কিছু ক্ষতি নাই। তাঁহাদিগের পরামর্শ শুন,
তৎকৃত মীমাংসা দেখ অবশ্য তোমার ভক্তি হইবে। নূপতি অথবা বিচারক অগ্রে
বাদী প্রতিবাদীর ভ্রম প্রমাদ কথিত বিষয়গুলি নিরাস করিতেন। তৎপরে যথার্থ

^{(&}gt;>) অন্তত্মকাং লিপেগোংকাং অর্থিপ্রত্যর্থিনাং বচঃ।
চৌরবং শাসয়েত্তম্ভ ধার্ম্মিকঃ পৃথিবীপতিঃ॥
কাত্যায়ন।
কুলানি শ্রেণয়ন্দৈব গণান্ধধিকৃতা নৃপাঃ।

প্রতিষ্ঠা ব্যবহারাণাং গুরোরেবোত্তরোত্তরং।

মন্থ নারদৌ॥

তত্ত্বের মীমাংসায় প্রবৃত্ত হইতেন। সদোষ অপ্রসিদ্ধ নিষ্প্রয়োজন ও নিরর্থক বাদের খণ্ডন না করিয়া কদাচ মীমাংসায় প্রবৃত্ত হইতেন না।

পাঠক, তুমি এক্ষণে জিজ্ঞাসা করিতে পার সদোষ, অপ্রসিদ্ধ, নিষ্প্রয়োজন ও নিরর্থক বিবাদের লক্ষণ বল তবে তোমরা বুঝিবে। (১২)

যে বিষয় দ্বারা বাদীর কোন প্রকার অনিষ্ট অথবা মানহানির সম্ভাবনা নাই তদ্ধপ বাক্যকে সদোষ-বাদ কহা যায়। যেমন অমুক আমার প্রতি হাস্থ করিয়াছে।

যাহা কখন ঘটে নাই, ঘটিবার সম্ভাবনাও নাই, তত্রপে বাক্যে বাদ উত্থাপন করিলে তাহাকে অপ্রসিদ্ধ বলিয়া গণ্য করা যায়। যেমন কেহ কহিল, আমার একটী গর্দভ ছিল অমুক তাহার শৃঙ্গদ্বয় ভগ্ন করিয়া লইয়াছে। এ বাক্যকে কে না অপ্রসিদ্ধ বলিবে।

কোন কোন স্থলে ব্যক্তি বিশেষের এ প্রকার স্বভাব আছে যে, তাহাদিগের নিজের ক্ষতি ঘটিবার আশঙ্কা না থাকিলেও অন্সের ক্ষতি হইতে পারে বলিয়া বিবাদ করে; তদবস্থায় যে বাদ প্রতিবাদ তাহাকে নিষ্প্রয়োজন কহা গিয়া থাকে। সংসারে এমন ব্যক্তিও অনেক আছেন যাঁহারা নিজকুত অপরাধকে দোষ বলিয়া গণ্য করিতে জানেন না এবং অভিমানের বশবর্ত্তী হইয়া ব্যক্তি বিশেষকে ভৎ সনা, তাড়না ও প্রহারাদি করিয়া থাকেন এবং তাহার প্রতিফল স্বরূপ সামাশ্য লোক হইতে গ্লানিস্টক অপবাদ অথবা অল্প আঘাত প্রাপ্ত হইয়া ক্রোধের বশে অভিযোগ করেন; তদবস্থায় ঐরূপ অভিযোগকে শাস্ত্রকারেরা নির্থক বলিয়া নির্দ্দেশ করিয়াছেন।

বিদ্যাবতী স্ত্রীজাতিকে লেখক লীলাবতী বা লাবণ্যবতী বলিয়া সম্বোধন করিবে, তোমরা তাহাতে রুষ্ট হইও না। তোমরাও লেখকের কথা শুনিয়া বিচার করিতে পার; স্মৃতরাং তোমাদিগকে যদি এখানে আহ্বান না করি তবে আমার সভ্য, অভিজ্ঞ, প্রিয়দর্শন পাঠকগণ আমাকে অসন্থদয় কহিবেন। তাঁহাদিগের মনস্তুষ্টি ও তোমাদিগের মর্য্যাদা রৃদ্ধির জন্ম তোমাদিগকেও ডাকিব। তোমরা কোন

⁽১২) অপ্রসিদ্ধং সদোষঞ্চ নির্বর্থং নিস্পায়োন্দনং। অসাধ্যং বা বিরুদ্ধং বা রাজা পক্ষং বিবর্জয়েৎ॥ বৃহস্পতি॥

নকেনচিৎ ক্বতোযন্ত সোহপ্রসিদ্ধ উদাহত: । কার্য্যবাধবিহীনন্চ বিজ্ঞেয়ো নিস্থায়োজনং॥ অক্সাপরাধন্চাল্লার্জো নিরর্থক উদাহত:। কার্য্যবাধ বিহীনন্চ বিজ্ঞেয়ো নিস্থায়োজনং॥

শক্ষা করিও না। তোমাদিগকে বশিষ্ঠের অরুদ্ধতী ও অক্ষমালা, নলের দময়ন্তী, কৃষ্ণের রুদ্ধিনী, সত্যবানের সাবিত্রী, শিবের পার্ববতী ও গৌরী এবং অক্যান্ত বিচক্ষণা সাধবী স্ত্রীলোকদিগের তুল্য জ্ঞান করি। তাঁহারা পুরুষদিগের সঙ্গে সমকক্ষ ভাবে সকল বিষয় বিচার করিতে পারিতেন, সময়ে সময়ে তাঁহারা পুরুষ অপেক্ষাও বৃদ্ধি বৈচিত্র প্রদর্শন করিতেন। তাই তোমাদিগকে স্মরণ করিলাম। রাম সীতাকে বনবাস দিয়াছিলেন বলিয়াই তোমাদিগকে সীতার সমান বলিতে বাসনা করি না। সেইজন্য তোমাদিগকে সীতা শব্দে আখ্যা দিলাম না। লক্ষ্মী অতি চঞ্চলা বলিয়া তাঁহার সঙ্গে উপমা দিতে ইচ্ছাও করি না। সরস্বতী কহিলে উপমার ক্ষল থাকিবে না এজন্য সেটী বাদ দিলাম।

পাঠক, তোমাকে সেদিন কহিয়াছি সাক্ষীর বিষয় আগ্রোপাস্ত বলিব, অগ্ত আরম্ভ করিলাম। ভারতবর্ষের ৠিষগণ এ বিষয়ের যতদূর নির্ণয় করিয়া গিয়াছেন তৎসমুদায় কহিব; তুমি দেখ তাঁহারা কোন্ কথা সভ্য জাতির নিকট শিক্ষাপ্রাপ্তির জন্য অবশিষ্ট রাখিয়া গিয়াছেন।

শাক্ষি-প্রকরণ

কোন ঘটনাস্থলে কোন ব্যক্তি কোন বিষয় স্বচক্ষে দর্শন ও স্বকর্ণে প্রবণ না করিলে তদ্বিয়ে সাক্ষী হইতে পারে না, অতএব সাক্ষী হইবার অগ্রে স্বচক্ষে দর্শন ও স্বকর্ণে প্রবণ অত্যাবশ্যক। যিনি সাক্ষিধর্ম অবলম্বন করেন তাঁহাকে সত্য বলা উচিত। সত্য কথায় ধর্ম ও অর্থ কিছুই ক্ষয় প্রাপ্ত হয় না। যথাদৃষ্ট ও যথাক্রত বিষয় কহিবে কিন্তু ধর্মাধিকরণে আহুত বা পরিপৃষ্ট না হইলে কদাচ স্বতঃপ্রবৃত্ত হইয়া সাক্ষী দিবে না, তাহাতে পাপ লিখে। স্থলবিশেষে ও কার্য্যবিশেষে স্বতঃপ্রবৃত্ত হইয়া সাক্ষী দিবার বিধি দেখা যায়, তথায় স্বেচ্ছা প্রবৃত্ত সাক্ষ্যদানে অধর্ম হয় না। বিধি ও নিষেধ স্থলে সাক্ষী সাক্ষ্য ব্যতিক্রম করিলে দণ্ড ও পাপভাগী হন। (১৩)

(১৩) সমক্ষদর্শনাৎসাক্ষী প্রবণাচ্চৈব সিদ্ধতি।
তত্র সত্যংক্রবন্ সাক্ষী ধর্মার্থাভ্যাং নহীয়তে॥ ৭৪
যত্রানিবদ্ধোহপীক্ষেত শৃণুয়াদ্বাপি কিঞ্চন।
পৃষ্টন্তরাপি ভদ্মাৎ যথা পৃষ্টং যথা শ্রুতং॥ ৭০

মমু ৮ অ

য: সাক্ষী নৈব নির্দিষ্টো না হুতো নৈব দেশিতঃ। ক্রয়াৎ মিধ্যেতি তথ্যংবা দণ্ড্য:সোপি নরাধিপৈ॥ মিতাক্ষরা ধৃত যাক্সবদ্য বচন।

সাক্ষ্যগ্ৰহণ কালাদি

আর্য্যেরা সাক্ষ্য গ্রহণের যে কাল নির্দ্দেশ করিয়াছেন তাহাতে ইহাই স্পষ্ট অমুমান হয় যে যখন জগতের সমস্ত প্রাণী সুস্থভাবে থাকে সেই সময়কেই ঋষিগণ সাক্ষ্য গ্রহণের প্রকৃত কাল বলিয়া নির্ণয় করিয়াছেন। সে সময়ের নাম পূর্ববাহ্ন। (১৪)

সাক্ষ্য গ্রহণ ধর্মাধিকরণের মধ্যেই হইত। দেব ও ব্রাহ্মণ সমীপে অর্থী প্রবাত্ত পর্বির সমক্ষে প্রাড় বিবাক অথবা রাজা স্বয়ং সাক্ষীকে জিজ্ঞাসা করিতেন। সাক্ষী ব্যক্তি পূর্বে বা উত্তর মুখ হইয়া যথাদৃষ্ট ও যথাক্রত বিষয় সত্য প্রমাণ কহিত; সাক্ষ্য গ্রহণ সময়ে প্রাড় বিবাক ও সভ্যগণ সাক্ষীর নিকট সত্যের প্রশংসা ও মিথ্যার দোষ প্রখ্যাপন করিতেন। সাক্ষীকে সান্ধনা বাক্যে প্রশ্ন করা হইত। কেহ জ্ঞাতব্য বিষয়ের আভাস দ্বারা সাক্ষীকে সহায়তা করিতেন না। অথবা বারংবার জিজ্ঞাসা করিতেন না।

কাহার সাক্ষী কে উহা তোমাকে বলি, নাই। প্রিয়দর্শন, তুমি নিশ্চয় জানিবে, জাতি, বয়স, ধর্ম, ব্যবসায়, শ্রেণী, কুল ও মর্য্যাদা অনুসারে বিশেষ বিশেষ ব্যক্তি কার্য্যবিশেষে সাক্ষিযোগ্য বলিয়া পরিগণিত হয়।

(১৪) দেব ব্রাহ্মণ সায়িধ্যে সাক্ষ্যং পৃচ্ছেদৃতং দ্বিজান্। প্রায়্থোদঙ্ ম্থোবাপি প্র্বাক্তেবৈশুচিঃ শুচীন্॥ ৮৭ সভাস্তঃসাক্ষিণঃ সর্বানর্থি প্রত্যথি সয়িধৌ। প্রাডিববাকোহমুয়ীত বিধিনানেন সাম্বরন্॥ ৭৯ সত্যং সাক্ষী ক্রবন্ সাক্ষ্যে লোকানাপ্রোতি পৃষ্ণলান্। ইহ চার্থগতাং কীর্ভিং বাগেষা ব্রন্ধ নির্মিতা॥ ৮১ সাক্ষ্যেহন্তং বদন্ সাক্ষ্যী পাশৈর্বধ্যেত বারুবাঃ। ৮২ সাক্ষোহন্তং বদন্ সাক্ষ্যী পাশৈর্বধ্যেত বারুবাঃ। ৮২ আবৈবহ্যায়নঃ সাক্ষ্যী গতিরায়া তথায়নঃ। মাবমংশ্বঃ সমাস্থানং নৃণাং সাক্ষিণমুজ্ঞং॥ ৮৪ মক্তম্ভেবৈবপাপোক্তো নকন্দিৎ পশ্রতীতিনঃ। তাংস্কদেবাঃ প্রপশ্রতির স্বক্ষৈয় পুরুষঃ॥ ৮৫

স্বভাবোক্তং বচন্তেষাং গ্রাহ্থং যদোষ বর্জ্জিতং। উক্তে২পি সাদিশো রাজা নপ্রষ্টব্যাঃ পুণঃ পুন:॥ নারদ সংহিতা। পাষণ্ড, নাস্তিক, মিথ্যাবাদী, অপোগণ্ড বালক, ছলকারী, জ্ঞটাধারী, ছদ্মবেশী লোক, স্ত্রীঙ্গাভি, ধূর্ত্ত প্রভৃতি যাবভীয় মন্দসংসর্গী ব্যক্তিও পথিককে আর্য্যের। সাক্ষিযোগ্য জ্ঞান করিতেন না।

রাজা, সন্ন্যাসী, বিদ্বান্ ও অতি বৃদ্ধবর্গকে সাক্ষ্যদান হইতে নিছ্ডি
দিয়াছিলেন; কেহ সাক্ষ্য মানিলে ইহাদিগকে সাক্ষী হইতে হইত না। এতহাতীত
জনগণের মধ্যে কাহাকেও কেহ সাক্ষী মানিলে সাক্ষ্যদান বিন্নহে সাকীর তহু সনা
ভানগণের মধ্যে কাহাকেও কেহ সাক্ষী মানিলে সাক্ষ্যদান বিন্নহে সাকীর তহু সনা
ভানগণের মধ্যে কাহাকেও কেহ সাক্ষী মানিলে সাক্ষ্যদান বিন্নহে সাকীর তহু সনা
ভানগণের হইত। (১৫) ইহা দওবিধির প্রকরণে দেখান বাইবে।

প্রিয়দর্শন, এখন তুমি কহিতে পার কেমন বিবামে খোন বালি সাক্ষী হইত উহা বল। আমি অগ্রে তাহাই কহিব তংশনে নামান শুনিবে। সাক্ষিপ্রকরণ অত্যন্ত বিস্তৃত, একদিনে বলিলে তোমানিসের হইবে না; পড়িবে ও ক্রেশ বোধ হইবে, অতএব ক্রেমে ক্রেমে বিবরাভারের বিরাম-স্থলে সমুদায় কহিব। অভ্য সমাজ সংস্কার উপনীত করিতে বাঞা করি।

সমাজের ক্ষমতা

প্রাচীন রাজর্ষিবর্গ দোষ সংশোধনে একান্ত অনুরাগী ছিলেন। ইহারা সমাজ বন্ধনের বল বৃঝিয়াছিলেন। সমাজের কোন ব্যক্তিকে হঠাৎ পরিত্যাগ করিতে সম্মত ছিলেন না। যদি কোন ব্যক্তি দোষী বলিয়া পরিগণিত হইত, রাজা তাহার সে দোষ সংশোধন নিমিত্ত যথাযোগ্য দণ্ডবিধান করিতেন এবং সমাজের অভিপ্রায় অনুসারে গ্রহণযোগ্য ব্যক্তিকে যথোপযুক্ত প্রায়ন্চিত্ত করাইয়া সমাজে সংস্থাপন করিতেন। এইরূপে আর্য্যসমাজের বলবিক্রম বৃদ্ধি হইয়াছিল। তৎকালে উম্মার্গপ্রস্থিত, কুলচ্যুত, শ্রেণীন্রপ্ট ও জ্বাতিন্রপ্ট ব্যক্তিবর্গও বিনীতভাবে রাজার নিকট আসিয়া নিজ দোষের দণ্ড গ্রহণ করিলে রাজা যথাযোগ্য দণ্ডপ্রদান পূর্বক সমাজের নিকট উহার আত্মশুদ্ধির প্রায়ন্চিত্ত জিজ্ঞাসা করিতেন। সে ব্যক্তি যথাশাস্ত্র প্রায়ন্চিত্ত সম্পাদন করিয়া সমাজের নিকট আত্মসমর্পণ করিলে রাজা পরিতৃষ্ট হইয়া তাহাকে তৎকুলে ও সমাজের পথে প্রবেশ করিতে অধিকার দিতে

(১৫) দাসো নৈক্তিকোহশ্রাদ্ধ বৃদ্ধ স্ত্রী বালচক্রিকা
মন্তোশ্বন্ত প্রমন্তার্ত কিতব। গ্রাম বাজকা: ॥
মহাপথিক সামুদ্র বাল প্রব্রজিতাতুরা: ।
বার্দ্ধিক শ্রোত্রিরা চারহীন ক্লীবকুশীলবৌ ।
নান্তিক ব্রাত্যদারাশ্বি যোগিনোহযাজ্যযাজকা: ।
একস্থানী সহাচারী নচৈবেতে সনাভয়: ॥

নারদ সংহিতা।

পারিতেন। যে রাজা এইরূপ লোকহিতকর কার্য্য করিতে সমর্থ হইতেন, তিনি লোকসমাজে অক্ষয় কীর্ত্তি ও যশোলাভ করিতেন। এবং শাস্ত্রকারদিগের মতে এমন রাজার অর্গগমনপথ সদা উদ্যাটিত, তিনি চিরকাল অর্গে বাস করিবার যোগ্য। যখন তিনি অর্গগামী হন, তখন দেবলোকেরাও তাঁহার প্রশংসা না করিয়া বিরত থাকিতে পারেন না। প্রিয়দর্শন, এখন ক্রমেই সমাজের বল খর্ব্ব হইয়া আসিতেছে, ছর্দ্দশারও একশেষ; এখন একবার সর্বজ্ঞন-হিতকারী পরাশর মুনির কথিত এক-জন হিন্দু ভূপতির আবির্ভাব হওয়া আবশ্যক। (১৬)

উপাধি ও সন্মান

বিদেশি, তুমি মনে করিয়াছ আমি তোমাকে ভুলাইবার জন্ম বাগ্জাল বিস্তার করিয়াছি, তুমি একবার ভ্রমে বা স্বপ্নেও সে প্রকার চিস্তা করিও না। আমি অপ্রমাণ কোন কথা তোমার নিকট বলিব না। তুমি একবার প্রমাণ প্রয়োগগুলি অন্ম ব্যক্তির নিকট মিলাইয়া দেখ। ঠিক্ মিলে যায় কি না। হে সভ্য! তোমা-দিগকে নমস্কার, ভোমরা যেমন পুরাতন জিনিস ঘসে মেজে নৃতন বলিয়া বাহির করে, এ জাতির মধ্যে সে প্রকার পাইবে না। ইহাদিগের পুরাতন জব্যজাত যাহা আছে, সেগুলির যদি কেহ একবার পর্দ্ধ। ঝাড়িয়া বাহির করে তবে তোমার প্রদর্শিত পরিপাটি নৃতন জব্যগুলি প্রাচীন আর্য্যজাতির নিকট পুরাতন ও কীটাকুলিত অথবা জর্জরিত বলিয়া বোধ হইবে।

তোমরা ক্ষুদ্র ক্ষুদ্র ভ্যামিগণকে, সামন্তরাজাদিগকে, করদভূপতিবর্গকে ও মিত্র সম্রাট্সমূহকে সম্মান করিয়া থাক, স্থলবিশেষে উপাধি দিয়া থাক, বিদ্বান্মগুলীর পাণ্ডিত্যের প্রশংসার চিহ্নপ্ররূপ উপাধি প্রদান কর ; কার্য্যকুশল লোক-দিগকে কেবল বাহব। দিয়া তাহাদিগের আকারগত বাহ্যভাব পরিত্যক্ত করিয়া কতক মনস্তুটি করিতে সক্ষম বটে—কিন্তু প্রকৃতপক্ষে মনে প্রবেশ করিতে পার না। আর্য্যেরা অন্ধকে পদ্মলোচন কহিতেন না। যদি কহিতেন অবশ্য তাহার দর্শনশক্তি দিতেন। ইহারা যাহাকে সম্মান বা উপাধি দিতেন, তাহার আন্তরিক বল ও উৎসাহ বৃদ্ধির উপায় নির্দ্ধারণ করিয়া দিতেন। কেবল উপাধি পাইয়া তাহাকে অন্নসংস্থান জন্য অন্য লোকের উপাসনা করিতে হইত না। সে ব্যক্তিকে উপযুক্ত

(১৬) যন্তাক্ত মার্গাণি কুলানি রাজা শ্রেণীশ্চ জাতিশ্চ গুণাশ্চ লোকান্। স্থানীয় মার্গে বিদ্যাতি ধর্মান্ নাকেংপি গীর্ঝাণ গগৈও প্রশস্তঃ ॥


be (別本 |

বৃহৎ পরাশর সংহিতা ৫ অধ্যায় আচার প্রকরণ

ভরণপোষণের শক্তি প্রদান হইত। তাহার উন্নতির দার রুদ্ধ থাকিত না, সে সাধ্যসত্তে সর্বত্ত প্রবেশ করিতে পারিত।

শাস্ত্রকারের। কহিয়াছেন, যে রাজা দগুনীয় ব্যক্তির দগুবিধান করেন তিনি সমস্ত যজ্ঞের ফল পান; তদ্রূপ যে শরণাগত প্রতিপালন পূর্বক গুণিগণের, বৃদ্ধ-জনের, সাধুশীলের, সামস্ত ভূপতি প্রভূতির ও মগুলদিগের সম্মান করেন, তিনিও সমস্ত যজ্ঞ-ফলের অধিকারী এবং যে রাজা এবস্থিধ ব্যক্তির অসম্মানহেতু মনঃপীড়া জন্মান তিনি অচিরেই ধ্বংস প্রাপ্ত হন। (১৭)

(১৭) দণ্ডং দণ্ড্যেষ্ কুর্বাণো রাজা যজ্ঞফলং লভেং।
বুদ্ধান্ সাধুন্ দ্বিজান্ মৌলান্ যো ন সম্মানয়েন্প:।
পীড়াং করোতি চামীযাং রাজা শীদ্রং ক্ষয়ং ব্রজেৎ॥
পরাশর সংহিতা, ২২ক্লো—১০ অধ্যায়।



(পূর্ব্ব প্রকাশিতের পর)

হাবীর বহু শিশ্য সমভিব্যাহারে অপাপ পুরীতে প্রত্যাগমন করিলেন। সে সময় তাঁহার সঙ্গে চতুর্দ্দশ সহস্র সাধ্, ৩৬০০০ সহস্র সাধ্বী, চতুর্দ্দশ পূর্বব শাস্ত্রে (১) পণ্ডিত, ৩০০ শত শ্রমণ, ১৩০০ শত অবধি জ্ঞানী, (২) ৭০০ শত কেবলী, (৩) ৫০০ শত মনোবিৎ, ৪০০ শত বাদী, একলক্ষ উনষ্টি সহস্র শ্রাবক এবং এই সংখ্যার দ্বিগুণ শ্রাবিকা এবং গোতম ও সুধর্মা নামক তুইজন গণধর সঙ্গে ছিল। মহাবীর এই সকল প্রগাঢ় চিন্তাশীল শিষ্যগণের মধ্যে থাকিয়া ৭২ বৎসর বয়সে নির্বাণ প্রাপ্ত হইলেন। পার্শ্বনাথের ২৫০ শত বৎসর পরে মহাবীরের মৃত্যু হয়। ইউরোপীয় পুরাবিৎগণের মতামুসারে শেষ তীর্থন্ধরের খৃষ্ট জন্মাইবার ৫৬৯ বৎসর পূর্ব্বে মৃত্যু হইয়াছিল।

মহাবীর চতুর্বিংশতি জিন, তাঁহার পূর্বের ঋষভ, অজিত, সম্ভব, অভিনন্দন, সুমতি, পদ্মপ্রভা, স্থপর্শ, চন্দ্রপ্রভা, পুষ্পদস্ত, শীতলা, শ্রেয়ংশ, বাস্থপৃজ্য, বিমলা, অনন্ত, ধর্ম, শান্তি, কুন্ত, অরা, মালি, সুব্রত, নাম, নেমি ও পার্থ নামক তীর্থন্ধর বর্ত্তমান ছিলেন। ইহাদিগের মধ্যে পার্শ্বনাথের মত ভারতবর্ষে সর্ববস্থানে প্রচলিত। শত্রুগ্রমাহাত্ম্যমধ্যে পার্শ্বনাথ সম্বন্ধে এইরূপ আখ্যায়িকা আছে, যথা—

- (১) স্ব্রিতানি গণধরৈ রক্ষেত্য: পূর্ব্বমেব যং। পূর্ব্বানিত্যভিধীয়ন্তে তেনৈতানি চতুর্দ্দশ। ইতি মহাবীর চরিতম্। জৈনদিগের অঙ্গ শাল্লের পূর্ব্বে গণধরেরা যাহা প্রণয়ন করিয়াছিলেন, তাহাকে পূর্ববান্ধ বা পূর্ব্বতন্ত্র বলে। পূর্ব্ব নামক শাল্ল চতুর্দশ সংখ্যায় বিভক্ত ॥
- (২) "অসম্যক্ দর্শনাদিগুণ জনিতক্ষরোপশম নিমিন্তমবিচ্ছিন্ন বিষয়ং জ্ঞানমবধিঃ।" ইতি জৈন পত্র বিবরণম্। জ্ঞাদি দোষ নির্ভির নিমিন্ত অবিচ্ছিন্ন (ধারাবাহী) বিষয়ক জ্ঞানকে অবধি জ্ঞান বলে॥
 - (৩) সর্ব্বপাবরণ বিশয়ে চেতন স্বরূপা আবির্জাবঃ কেবলং তদক্তান্তি কেবলী॥ থেমচক্র টীকা।

"তত্রাসীদখনেনাথ্যা জিনাজাকলনো নৃপ: ।

অভিরাম গুণোন্দামা বামা বামাশরাজনি ॥

সর্ব্ব বামা শিরোরত্বং শীলধ্যানাস্য বল্পভা ।

সাক্তদা বামিনী বামে তুর্ব্যে বর্ব্যস্থপাকরান্ ॥

শরানা শরনীরে প্রাণশুৎ ক্বপ্নাংশতর্ক্দশ ॥

চৈত্রে সিতৌ চতুর্থ্যাং ভে বিশাধারাং জিনেশবং: ।

তদগত্তে প্রাণতামগাত্ন্দ্যোতশ্চ জগত্ররে ॥

পূর্বেহ্বকালে পৌষস্য দশম্যাং মিত্রভে স্বতম্ ।

সা স্ত শ্রামলং সর্পধ্ব জমিজ্যং স্বরাস্থরৈঃ ॥"

অর্থাৎ পার্শ্বনাথ কাশীধামে অশ্বসেন নামে জৈন রাজার পুত্র। ইহার মাতার নাম বামা। বামা দেবী একদিন রাত্রে স্বপ্ন দেখিতেছিলেন যেন চৈত্র শুক্র চতুর্থীতে বিশাখা নক্ষত্রে আদি জৈনেশ্বর তাঁহার গর্ভে জন্মগ্রহণ করিয়াছেন। অনস্তর তাঁহার গর্ভ সঞ্চার হইলে, তিনি পৌষ মাসের দশমী তিথিতে মিত্র দৈবত নক্ষত্রে তাঁহাকে প্রসব করিলেন। তিনি শ্রামবর্ণ এবং সর্পচিহ্নযুক্ত ও সকলের পূজ্য। পার্শ্বদেব যৎকালে মাতৃগ্বর্ভে বাস করেন, তখন তাঁহার মাতা বামাদেবীর এইরূপ জ্ঞান হইত, তিনি যেন তাঁহার পার্শ্বে একটি সর্প ধারণ করিতেছেন। এ কথা মুখেও বলিতেন, অতঃপর ঐ কারণে তাঁহার পিতা "পার্শ্ব" এই নামে তাঁহাকে ডাকিতে লাগিলেন। তাহাতেই তিনি ক্রমে পার্শ্বনাথ নামে বিখ্যাত হইলেন, যথা—

অমান্দিন্গৰ্ভগে পাৰ্খে সৰ্পং সৰ্পস্তমৈক্ষত। ইতীব নিৰ্মমে তদ্য পাৰ্খ ইত্যভিধাং পিতা॥

পার্শ্বনাথের বাল্যকাল ও যৌবনকাল উভয় কালই নির্দ্ধোষে অতিবাহিত হয়। পরে বার্দ্ধক্যে তিনি কাশীবাস পরিত্যাগ করিয়া সম্মেত পর্বতে প্রাণত্যাগ করেন। তিনি ১০০ শত বৎসর জীবিত ছিলেন, তাঁহার জীবনের অধিকাংশ কালই উপদেশ প্রদান, ধর্ম প্রচার প্রভৃতি সদমুষ্ঠানে অতিবাহিত হয়, যথা—

আয়ুর্বর্ষশতং প্রাপান্য ভগবান্ সম্মেত শৈলং গতো।
মাসেনানশনেন কর্ম্ম বিলয়ং কৃষা অয়স্তিংশতা॥
সার্দ্ধংতৈঃ প্রমণেঃ সিতাষ্টম দিনে মাসে শুচৌ নির্বৃতে
রাধায়াং ত্রিদশৈঃ কৃতাস্তকরণঃ শ্রীপার্যনাথো জিনঃ।—

জৈনদিগের আচার্য্যেরা বৌদ্ধ সম্প্রদায় হইতে বিচ্ছিন্ন হইয়া যে সকল দর্শন গ্রাম্থ ও বস্তু নির্ণয়, তর্ক প্রণালী উদ্ভাবন করেন তাহার সংক্ষিপ্ত বিবরণ এই—

প্রথম বৌদ্ধ সম্প্রদায় হইতে পৃথক্ হইবার কারণ এই যে, তাঁহারা আত্মার স্থায়িত, ঈশ্বরের অন্তিত, বাহ্য বস্তুর পৃথক্ বস্তুত স্বীকার করেন না। আদি জৈনাচার্য্যদিগের উহা ক্লচিকর না হওয়াতেই তাঁহারা ভিন্ন হইলেন। ভিন্ন হইয়া २२४

আপনাদের মন্তব্য স্থির রাখিবার জ্বন্থ নানা গ্রন্থ, নানা যুক্তির উদ্ভাবন করিতে লাগিলেন। এই মতের দর্শনগ্রন্থ এই সকল—

সিদ্ধসেন বাক্য। প্রমেয় কমল মার্ত্তও (গ্রন্থকার প্রতাপচন্দ্র), আপ্তর নিশ্চয়ালন্ধার (অহং চন্দ্র পুরি গ্রন্থকার) তৌতাতিক (তুতাতভট্ট গ্রন্থকার) বীতরাগস্তুতি। অর্হৎ প্রবচন সংগ্রহ। পরমাগম সার। যোগদেব (ইনি গ্রন্থকার, গ্রন্থের নাম পাওয়া যায় না) তত্বার্থ পুত্র। অর্হত (ইনিও গ্রন্থনির্মাতা, গ্রন্থের নাম উল্লেখ নাই) পদ্মনন্দি। বাচকাচার্য্য (ইনিও গ্রন্থকার) স্বরূপ সম্বোধন। বাচকাচার্য্যের টীকাকার বিভানন্দ। হেমচন্দ্রাচার্য্য। সিদ্ধান্ত। অনন্তবীর্য্য (গ্রন্থকার) স্থাদ্বাদ। স্থাদ্বাদ মুঞ্জরী। জিনদত্ত পুরি প্রভৃতি (গ্রন্থকার)।

জৈন ছই প্রকার। শ্বেতাম্বর জৈন ও দিগম্বর জৈন। এই উভয়ের ধর্ম প্রভেদ প্রভৃতি, জিনদত্ত সূরি বলিয়াছেন যথা—

> জিনদত্ত স্থরিণা জৈনং মতমিথমুক্তম্। বলভোগোপ ভোগানামুভয়োদ্বিনলাভয়ো: ॥ অন্তরায়ন্তথা নিদ্রা ভীরজ্ঞানং জুগুপ্সিতম। হিংসারতা রতো রাগদ্বেষৌ রতি রতি স্মর:॥ শোকো মিথ্যাত্তমেতে ই । জিনো দেবো গুরু: সমাক তত্বজ্ঞানোপদেশক:॥ জ্ঞান দর্শনচারিত্রাণ্যপ্রক্স বর্ত্তিনি। স্তাঘাদক্ত প্রমাণে দ্বে প্রতাক্ষ মহমাপি চ। নিত্যানিত্যাত্মকং সর্বাং নব তত্ত্বানি সপ্ত বা। জিবাজীবো পুণ্যপাপে চাশ্রবঃ সংবরোহপিচ।। বন্ধো নির্জরণং মৃক্তি রেষাং ব্যাখ্যাধনোচ্যতে। চেতনালকণো জীব: স্থাদজীবন্তদন্তক: ॥ সৎকর্ম পুন্ধলাঃ পুণ্যং পাপং তন্ম বিপর্যায়ঃ। আশ্রবঃ কর্ম্মণাং বন্ধো নির্জরন্ত ছিযোজনম ॥ অষ্ট কর্মক্ষয়ানোকো২থান্তর্ভাবন্চ কৈন্চন। পুণ্যস্ত সংশ্রবে পাপস্তাশ্রবে ক্রিয়তে পুন: ॥ লনানস্তচভূকস্ত লোকাগৃঢ়স্ত চাত্মন:। ক্ষীণাষ্টকর্মণো মুক্তিনির্ব্যাবৃত্তির্জিনোদিতা॥ সরজোহরণা ভৈক্ষ্যভূজো লুঞ্চিত্যদ্ধজা:। বেতাম্বরা: ক্ষমাশীলা: নি: সঙ্গা কৈনসাধব: ॥ লুঞ্চিতা: পিচ্ছিকাহন্তা: পাণিপাতা দিগম্বরা:। উদ্ধাশিনোগৃহে দাতুৰ্বিতীয়া: স্থ্যজিনৰ্বয়: ॥

ভূঙ্জে ন কেবলং ন স্ত্রীং মোক্ষমেতি দিগম্বর: । প্রাহ্রেবামরং মেদো মহান্ খেতাম্বরৈ: সহ ইতি ॥

মর্ম্ম এই—এই মতের উপাস্থা দেবতা জিন। বল, ভোগ, উপভোগ, দান, লাভ সম্বন্ধে বিদ্ধ উপস্থিত হওয়া এবং নিজা, ভীতি, অজ্ঞান, জুগুপ্পা, হিংসা, রতি, অরতি, রাগ, দ্বেষ, কাম, শোক, মিথ্যা প্রভৃতি অষ্টাদশ মমুদ্য সংক্রাস্ত দোষ যাঁহার নাই তিনিই তব্বজ্ঞানের উপদেষ্টা, জ্ঞান, দর্শন, সক্ষরিত্র ও মোক্ষে অবস্থিত। প্রত্যক্ষ ও অমুমান এই প্রমাণদ্বয় ইহাদের সম্মত। তর্করীতির নাম স্থাদ্বাদ। ইহাদিগের মতে জগতের মূল তব্ব একমতে ৯টি, একমতে ৭টি। তন্মধ্যে নিত্যানিত্য সম্মিত্রা। ঐ সকল তব্বের নাম জীব (১) অজ্ঞীব (২) পুণ্য (৩) পাপ (৪) আক্রাব (৫) সম্বর (৬) বন্ধ (৭) নির্জরণ (৮) মৃক্তি (৯)। চেতন বস্তু জীব—অচেতন পদার্থ অজ্ঞীব— সংকর্ম্ম সমূহ পুণ্য—তদ্বিপরীত পাপ—কর্ম্মের বন্ধন জনকতা আত্রব—কর্ম্মত্যাগ নির্জর—অষ্ট কর্ম্মক্ষয় মৃক্তি। সপ্ত তত্ববাদীর মতে মোক্ষ পদার্থ টী নির্জারণের অন্তর্ভ্ ত—পুণ্য সংশ্রবের, পাপ আক্রবের অন্তর্গত। এই মতের সাধুরা ক্ষমাশীল, সঙ্ক রহিত, কেশ-সংস্কার করে না ও ভিক্ষায়ভোজী। দিগম্বরেরা পিচ্ছিকা ও পয়ঃপাত্রধারী এবং নিরাবরণ। শ্বেতাম্বরেরা উহা করে না। শ্বেতাম্বরেরা প্রীসম্ভোণে একাস্ত বিরত, দিগম্বরেরা রত।

নৈয়ায়িকেরা যেমন কার্য্য লিঙ্গক—ঈশ্বরামুমান করিয়া থাকেন। অর্থাৎ "ক্ষিত্যাদিকং সকর্ত্ত্বং কার্য্যছাৎ" ক্ষিত্যাদি পদার্থের কোন না কোন কর্ত্তা আছে, যে হেতু ক্ষিত্যাদি বস্তু জন্ম। যে বস্তু জন্ম হয়, সেই বস্তুর কর্ত্তা অবশ্য থাকিবে। এইরূপ ঈশ্বরামুমান জৈনেরা করে না। তাহাদের মতে জগৎ জন্মই নহে। তাহারা এইমাত্র বলে যে, কোন সর্বব্দ্ত আত্মা আছেন, তিনিই ঈশ্বর। যথা—

সর্ববজ্ঞো জিত রাগাদি দোষদ্রৈলোক্য পূজিতঃ। যথাস্থিতার্থ বাদীচ দেবোহর্ছন পরমেশ্বরঃ। ইতি অহং চন্দ্র স্থারি।

উহাদের ঈশ্বরান্থমান প্রণালী এই যে, কোন এক আত্মা সর্ব্ব পদার্থ সাক্ষাৎ-কারী আছে, কারণ যখন দেখা যায় যে আত্মার জ্ঞানপ্রতিবন্ধক সামগ্রী সকলের সমান নহে, কোন আত্মার জ্ঞান প্রতিবন্ধক অল্প, কোন আত্মার অধিক। এইরূপ কোন এক আত্মার জ্ঞান প্রতিবন্ধক একবারে নাই হইতেও পারে। যাহার জ্ঞান প্রতিবন্ধক একবারে নাই, সেই আত্মাই সর্ব্বপ্ত ও ঈশ্বর। এই প্রতিজ্ঞার উপর অনেক তর্ক-কোশল আছে, তত্তাবতের অবতারণ করা নিপ্পরোজন।

জৈন মতে জীব হুই প্রকার। সংসারী ও মৃক্ত। সংসারী জীব হুইপ্রকার, সমনস্ক ও অমনস্ক। শিক্ষা ক্রিয়াকলাপাদি অভ্যাসরত জীব সমনস্ক আর তন্ত্রহিত জীব অমনস্ক। এই অমনস্ক জীব হুই প্রকারে বিভক্ত। ত্রস ও স্থাবর। শুখ

ভান্ত

গণ্ডলোক প্রভৃতি দ্বি-ইন্দ্রিয়, ত্রি-ইন্দ্রিয় ভেদে ত্রস ৪ প্রকার। পৃথিবী জল বৃক্ষাদি ভেদে বহুবিধ স্থাবর তত্মজ্ঞান জিনোক্ত উক্ত পদার্থের স্বরূপাবগতি। তত্মজ্ঞানের উপায় গুরুপদেশ ও শান্ত্রচর্চা জ্বিনোক্ত কার্য্যকলাপের অমুষ্ঠান। মুক্তি— জ্ঞানাবরণ ও কর্মবন্ধ ক্ষয় হইলে আত্মার উপরি প্রদেশে সুখম্বরূপে অবস্থান। কাহারও মতে সতত উদ্ধ গমন। "গছাগত্য বিবর্ত্তন্তে চন্দ্র সূর্য্যাদয়ো গ্রহাঃ। অগ্রাপি ন নিবর্ত্তম্ভে দ্বালোকাকাশমাগতাঃ।" ইহাদের তর্কের নাম সপ্তভঙ্গি অর্থাৎ সপ্ত প্রকার অবয়ব-যুক্ত।

কল্প স্থাত্রের সমাচারি অধ্যায়ে যতিগণের কর্ত্তব্যান্ত্র্ছানের বিবিধ নিয়ম লিখিত আছে, সাধারণতঃ তাহাদের পূজা-পদ্ধতি মন্ত্র যথা "ওঁম্ ঞ্রীং—ঋষভেয় স্বস্তি-ওঁম্ মন্ত্রীং ক্রীং শ্রীস্থর্শাচার্য্য, আদি গুরুভ্যো নম: ওঁম্ স্তীং হ্রীম্ সমজিন চৈতালেভা: গ্রীজিনেলভো নম:" ইত্যাদি এবং গায়ত্রী যথা—

"नत्मा अत्रीरुष्ठानः नत्मा त्रिकानः नत्मा आयुत्रीयागः नत्मा उक्करुयानः नत्मा লোইসর্বসাতৃণং।"

উপরের লিখিত দার্শনিক তর্ক বিতর্ক সাধারণ যতিগণ অবগত নহে, তাহারা ধর্মের স্থুল মর্ম্ম এইমাত্র জানে যে—ধর্ম্মো জগতঃ সার:। সর্ববস্থুখানাং প্রধানহেতৃত্বাৎ। তস্তোৎপত্তির্মকুজাঃ। সারং তেনৈব মান্তুয়ো। অর্থাৎ ধর্ম্মই জগতের সার যেহেতৃ ধর্মই স্থুখনাত্রেরই প্রধান কারণ। এবস্ভূত ধর্মের উৎপত্তিকারণ মনুষ্য, সেই কারণে মনুষ্যুকে জীব মধ্যে সার বলা যায়। ইহা ভিন্ন "স্বর্গাপবর্গপ্রদঃ" স্বর্গ ও অপবর্গ (মোক্ষ) ধর্মের ফল ও "সাধুনাং আচারঃ" সাধু-সম্মত আচার অর্থাৎ সাধুরা যাহা আচরণ করেন তাহাই ধর্মকে জানিবার পথ এবং ধর্মের লক্ষণ এই যে "পুরুষ প্রধানত্বাৎ ধর্মস্তু" অর্থাৎ যদ্ধারা মনুয়েরা ওংকর্ষলাভ করিতে পারে। যতিগণের কর্ত্তব্য কর্ম্ম (অষ্ট্রম তপস্থা) যথা—

চৈত্যে পরিপাঠো সমস্ত সাধুবন্দনং সাম্বৎসরিক প্রতিক্রমণং মিথঃ সাধর্মিকং শমনং অপ্তমং তপশ্চ।

অর্থাৎ চৈত্য (দেবমন্দির) স্থানে পরিপাঠ (১) সাধুদিগের বন্দনা করা (২) বংসরের মধ্যে অন্ততঃ একবার তীর্থ পরিভ্রমণ (৩) পরস্পর মিত্রভাবে অবস্থান্ (৪) ইন্দ্রিয় দমন (৫) এই পাঁচটী অষ্টম তপস্তা বলিয়া উক্ত হইয়াছে।

বৌদ্ধদিগের স্থায় জৈনদিগেরও অহিংসা পরম ধর্ম। অশোকের স্থায় তাহাদিগেরও এইরূপ রাজ-ঘোষণা আছে—"অমারী—ছোষনাদ" অর্থাৎ কোন প্রাণীকে মৃত্যু-মূখে পতিত করিও না। জ্বৈনধর্শ্বের এই মাত্র সার নীতি যথা---

''ত্যন্ত হিংসাং কুরু দরাং ভল ধর্মং সনাতনম্। স্বলেহেনাপি সন্থানাং বিধেকু প্রকৃতিং তথা॥ তবৈরিণ্যপি মাবৈরং কুর্য্যাঃ স্বস্ত হিতায়চ॥ উবাচ চ জিনো দেবো গুরুম্ ক্রপরিগ্রহঃ। দয়া প্রধানো ধর্মক গ্রয়েতৎ সদাস্তমে॥

[শক্ৰপ্ত মাহাত্মম্]

' যে সকল নীতি উদ্ধৃত হইল তাহা সাধারণ ধর্ম্ম অর্থাৎ সকল ধর্মের সারভাগ, স্থৃতরাং ইহা যে কেবল জৈনদিগের ধর্ম তাহা কি প্রকারে বলা যাইতে পারে, তাহাতেই উদয়ানাচার্য্য ক্রেন—

"যন্ত্রসাধারণো মুখ মণ্ডলী করণাদিঃ কেশোল্ল্ঞনাদির্নাসে সর্বৈরন্তু স্থীয়তে।" "অর্থাৎ মুখবন্ধন, পিচ্ছিকা গ্রহণ, কেশোল্ল্ঞন প্রভৃতি কয়েকটী জৈনদিগের অসাধারণ ধর্ম; তাহা অস্ত কোন জাতির নাই।

অমর সিংহ এবং হেমচন্দ্র ছইজন প্রসিদ্ধ সংস্কৃত কোষকার জৈন ধর্মাবলম্বী। অমর সিংহ বিক্রমাদিত্যের সভাসদ স্থতরাং তিনি খুঠীয় ৫০০ পঞ্চশত শতাব্দীর ব্যক্তি। বৃদ্ধ গয়ার প্রাসিদ্ধ জৈনমন্দির অমর সিংহ কর্তৃক প্রতিষ্ঠিত হয়। হেমচন্দ্র খেতাম্বর জৈন। তিনি জৈন গ্রন্থের মতামুসারে মহাবীরের নির্ব্বাণের ১৬৬৯ বৎসর পরে বর্ত্তমান ছিলেন।

মহাবীরের পরে স্থর্ম্ম, যতীশ্বর, বজ্র সেন, চল্র, মনাতৃক্ষ, জয়দেব, শ্রীমন্, বিজয় সমৃত্র প্রভৃতি স্থবিরাবলী জৈনধর্ম্মের উন্নতির চেষ্টা করিয়াছিলেন কিন্তু তাঁহাদিগের নানা মতভেদ উপস্থিত হওয়াতে অভীষ্ট সিদ্ধ হয় নাই। মহামহোপাধ্যায় উদয়নাচার্য্য ও কুমারিল ভট্ট প্রবল তর্ক-তরকে জৈনদিগকে পরাস্ত করিয়াছিলেন। সেই অবধিই জৈনধর্ম্ম হীনপ্রভাবিশিষ্ট হইয়াছে। জৈনদিগের আবৃ, গির্ণার, শক্রজয় এবং পার্শ্বনাথ পর্বত প্রসিদ্ধ তীর্থস্থান। এই সকল তীর্থের সংস্কৃত ও মাগধী ভাষার গ্রান্থে মাহাত্ম্য বর্ণন আছে, তাহা যতিগণ সাদরে পাঠ করিয়া থাকেন। ইহার মধ্যে শক্রজয় মাহাত্ম্য প্রসিদ্ধ। এই প্রছে জৈনাচার্য্য ধনেশ্বর স্থরি স্বরাষ্ট্র দেশের শক্রজয় নামক গিরির স্তোত্র মাহাত্ম্য বর্ণনা এবং সিদ্ধ পুরুষদিগের চরিত্র বর্ণনা করিয়াছেন। ইহা চতুর্দ্দশ সর্গে বিভক্ত। এই গ্রন্থ স্থরাষ্ট্রাধিপতি শিলাদিত্যের আগ্রহে ধনেশ্বর স্থরি ৪৭৭ শকে প্রস্তৃত করেন। তিনি বলভীরাজ্ব শিলাদিত্যের পার্বদ এবং তাঁহার ধর্ম্বোপদেষ্টা। প্র

†"দপ্ত সপ্ততিনন্ধানামতিক্রম্য চতু: শতীন্। বিক্রমান্ধাচ্ছিন্নদিত্যো ভবিতা বিক্র বৃদ্ধি কৃং। "দপ্ত সপ্ত চতু: সরেঃ গতে বৈক্রম বৎসরে। জ্ঞগৎ সেঠের সঙ্গে জৈনধর্মাবলম্বী ওসয়ালগণ বঙ্গদেশে আগমন করেন। এক্ষণে স্থ্রবিখ্যাত সেঠ-বংশধরেরা জৈন ধর্ম ত্যাগ করিয়া বৈষ্ণব ধর্ম গ্রহণ করিয়াছেন, কিন্তু তাঁহাদিগের ওসয়ালগণের সহিত আহার ব্যবহার করিতে আপত্তি নাই। কলিকাতা ও মুরশিদাবাদ ওসয়ালদিগের বাণিজ্য ব্যবসায়ের আকর স্থান। তাঁহারা বঙ্গদেশে কতিপয় জৈনমন্দির নির্মাণ করিয়াছেন, ইহার মধ্যে রায় লছমীপৎ সিংহ বাহাছরের মন্দির বছব্যয়ে নির্মিত। এই সকল মন্দিরে ভোজক ব্রাহ্মণগণ পূজারিরূপে নিযুক্ত আছে।

গ্রীরামদাস সেন

"শ্রীশতঞ্জয় মাহাত্মাং বক্তি ভক্তি প্রণোদিত: বলাভ্যাং শ্রীস্থরাষ্ট্রেশ শিলাদিত্যন্ত চাগ্রহাৎ।" ইতি শত্রুঞ্জয় মাহাত্মাং। ‡ সরে—শতে। অয়মব্যয় শব্ধঃ।



ত্রয়শ্চত্বারিংশত্তম পরিচ্ছেদ

দরবারে

হৎ তামুর মধ্যে, বার দিয়া বাঙ্গালার শেষ রাজ্ঞা বসিয়াছেন—শেষ রাজ্ঞা, কেন না, মীরকাসেমের পরে যাঁহারা বাঙ্গালার নবাব নাম ধারণ করিয়াছিলেন, ভাঁহারা কেহ রাজত্ব করেন নাই।

বার দিয়া, মৃক্তাপ্রবাল রজ্বত কাঞ্চন শোভিত উচ্চাসনে, নবাব কাসেম আলি খাঁ, মৃক্তাহীরকমণ্ডিত হইয়া, শিরোদেশে উন্ধীযোপরে উজ্জ্বলতম স্থ্যপ্রভ হীরকখণ্ডরঞ্জিত করিয়া, দরবারে বসিয়াছেন। পার্শ্বে শ্রেণীবদ্ধ হইয়া, ভৃত্যবর্গ, যুক্তহস্তে
দণ্ডায়মান—অমাত্যবর্গ অনুমতি পাইয়া জানুর দ্বারা ভূমি স্পর্শ করিয়া, নীরবে
বসিয়া আছেন। নবাব জিজ্ঞাসা করিলেন, "বন্দীগণ উপস্থিত ?"

মহম্মদ ইরফান বলিলেন, "সকলেই উপস্থিত।" নবাব, প্রথমে লরেন্স ফষ্টরকে, আনিতে বলিলেন।

লরেন্স ফন্টর আনীত হইয়া সম্মুখে দণ্ডায়মান হইল। নবাব জিজ্ঞাসা করিলেন, "তুমি কে ?"

লরেন্স ফন্টর ব্ঝিয়াছিলেন যে, এবার নিস্তার নাই। এতকালের পর ভাবিলেন, "এতকাল ইংরেজ নামে কালি দিয়াছি—এক্ষণে ইংরেজের মত মরিব।" ফন্টর বলিলেন, "আমার নাম লরেন্স ফন্টর।"

নবাব। তুমি কোন্ জাতি ?

ফন্টর। ইংরেজ।

ন। ইংরেজ আমার শত্র—তুমি শত্রু হইয়া আমার শিবিরে কেন আসিয়াছিলে ?

ফ। আসিয়াছিলাম, সে জন্ম আপনার যাহা অভিকৃচি হয়, করুন্—আমি আপনার হাতে পড়িয়াছি। কেন আসিয়াছিলাম, তাহা জিজ্ঞাসার প্রয়োজন নাই —জিজ্ঞাসা করিলেও কোন উত্তর পাইবেন না।

বলদর্শন

নবাব ক্রুদ্ধ না হইয়া হাসিলেন, বলিলেন, "জানিলাম তুমি ভয়শৃ্য। সত্য কথা বলিতে পারিবে ?"

ফ। ইংরেজ কখন মিথ্যা কথা বলে না।

ন। বটে ? তবে দেখা যাউক। কে বলিয়াছিল যে, চম্রশেখর উপস্থিত আছেন ? থাকেন, তবে তাঁহাকে আন।

भश्चम देत्रकान চक्षरभथत्रक जानिलान। नवाव চक्षरभथत्रक प्रथाष्ट्रिया कृष्टिलान, "हैशांक एन ?"

क। नाम अनिशाष्टि— िवन ना।

ন। ভাল। বাঁদী কুল্সম কোথায়?

কুল্সমও আসিল। নবাব ফপ্টরকে বলিলেন, "এই বাঁদীকে চেন ?"

यः। हिनि।

ন। কেএ?

ফ। আপনার দাসী।

ন। মহম্মদ তকিকে আন।

তখন মহম্মদ ইরফান তকি খাঁকে বদ্ধাবস্থায় আনীত করিলেন।

তকি থাঁ, এতদিন ইতস্ততঃ করিতেছিলেন, কোন্ পক্ষে যাই। এইজগ্য শক্ত পক্ষে আজিও মিলিতে পারেন নাই। কিন্তু তাঁহাকে অবিশ্বাসী জানিয়া নবাবের সেনাপতিগণ চক্ষে চক্ষে রাখিয়াছিলেন। আলি-হিব্রাহিম থাঁ অনায়াসে তাঁহাকে বাঁধিয়া আনিয়াছিলেন।

নবাব তকি খাঁর প্রতি দৃষ্টিপাত না করিয়া বলিলেন, "কুল্সম! বল, তুমি মুঙ্গের হইতে কি প্রকারে কলিকাতায় গিয়াছিলে ?"

কুল্সম, আমুপ্র্বিক সকল বলিল। দলনী বেগমের বৃত্তান্ত সকল বলিল। বিলিয়া যোড়হন্তে, সজলনয়নে, উচ্চৈঃস্বরে বলিতে লাগিল—"জাঁহাপনা! আমি এই আম-দরবারে, এই পাপিষ্ঠ, স্ত্রীবাতক মহম্মদ তকির নামে নালিশ করিতেছি, গ্রহণ করুন্! সে আমার প্রভূপত্নীর নামে মিথ্যা অপবাদ দিয়া, আমার প্রভূকে মিথ্যা প্রবঞ্চনা করিয়া, সংসারের স্ত্রীরত্বসার দলনী বেগমকে পিপীলিকাবৎ অকাতরে হত্যা করিয়াছে—জাঁহাপনা! পিপীলিকাবৎ এই নরাধমকে অকাতরে হত্যা করিয়াছে—জাঁহাপনা! পিপীলিকাবৎ এই নরাধমকে অকাতরে হত্যা করুন্।"

মহম্মদ তকি, রুদ্ধকঠে বলিল, "মিথ্যা কথা—তোমার সাক্ষী কে ?"

কুল্সম বিক্ষারিত লোচনে, গর্জন করিয়া বলিতে লাগিল—"আমার সাক্ষী! উপরে চাহিয়া দেখ—আমার সাক্ষী জগদীশ্বর! আপনার বুকের উপর হাত দে—আমার সাক্ষী তুই! যদি আর কাহারও কথার প্রয়োজন থাকে, এই ফিরিক্টীকে জিজ্ঞাসা কর।"

ন। কেমন, ফিরিঙ্গী, এই বাঁদী যাহা যাহা বলিতেছে, তাহা কি সত্য ?
তুমিও ত আমিয়টের সঙ্গে ছিলে—ইংরেজ সত্য ভিন্ন বলে না।

ফন্তর যাহা জানিত, স্বরূপ বলিল। তাহাতে সকলেই বুঝিল, দলনী অনিন্দনীয়া। তকি অধোবদন হইয়া রহিল।

তখন, চন্দ্রশেখর কিঞ্চিৎ অগ্রসর হইয়া বলিলেন, "ধর্মাবভার! যদি এই ফিরিঙ্গী সভ্যবাদী হয়, ভবে উহাকে আর ছুই একটা কথা প্রাশ্ব করন।"

নবাব ব্ঝিলেন, — বলিলেন, "তুমিই প্রশ্ন কর— বিভাষীতে ব্ঝাইয়া দিবে।" চন্দ্রশেখর জিজ্ঞাসা করিলেন, "তুমি বলিয়াছ চন্দ্রশেখরের নাম শুনিয়াছ— আমি সেই চন্দ্রশেখর। তুমি তাহার—"

চন্দ্রশেখরের কথা সমাপ্ত হইতে না হইতে ফণ্টর বলিল,—"আপনি কষ্ট পাইবেন না। আমি স্বাধীন—মরণ ভয় করি না। এখানে কোন প্রশ্নের উত্তর দেওয়া না দেওয়া আমার ইচ্ছা। আমি আপনার কোন প্রশ্নের উত্তর দিব না।"

চন্দ্রশেখরের মুখ ম্লান হইল। নবাব অনুমতি করিলেন, "তবে শৈবলিনীকে আন।"

শৈবলিনী আনীতা হইল। ফট্টর প্রথমে শৈবলিনীকে চিনিতে পারিল না
—শৈবলিনী, রুগ্না, শীর্ণা, মলিনা,—জীর্ণ সঙ্কীর্ণ বাসপরিহিতা—অরঞ্জিতকুন্তলা—
ধূলি ধূষরা। গায়ে খড়ি—মাথায় ধূলি,—চুল আলুথালু—মূখে পাগলের হাসি—
চক্ষে পাগলের জিজ্ঞাসাব্যঞ্জক দৃষ্টি। ফট্টর শিহরিল।

নবাব জিজ্ঞাসা করিলেন, "ইহাকে চেন ?"

ফ। চিনি।

ন। একে?

यः। रेगविननी, हन्यर्गथरत्रत्र शङ्गी।

ন। তুমি চিনিলে কি প্রকারে ?

ফ। আপনার অভিপ্রায়ে যে দণ্ড থাকে—অনুমতি করুন্। আমি উত্তর দিব না।

ন। আমার অভিপ্রায়, কুরুর দংশনে তোমার মৃত্যু হইবে।

ফষ্টরের মুখ বিশুক্ষ হইল—হস্ত পদ কাঁপিতে লাগিল। কিছুক্ষণে, থৈষ্ট্য প্রাপ্ত হইল,—বলিল,

"আমার মৃত্যুই যদি আপনার অভিপ্রেত হয়—অহা প্রকার মৃত্যু আজঃ। করুন্।" ন। না। এ দেশে একটি প্রাচীন দণ্ডের কিম্বদন্তী আছে। অপরাধীকে কটি পর্যান্ত মৃত্তিকামধ্যে প্রোথিত করে—তাহার পরে তাহাকে দংশনার্থ শিক্ষিত কুরুর নিযুক্ত করে। কুরুরে দংশন করিলে, ক্ষত মুখে লবণ বৃষ্টি করে। কুরুরেরা মাংসভোজনে পরিতৃপ্ত হইলে চলিয়া যায়, অর্দ্ধ ভক্ষিত অপরাধী অর্দ্ধ মৃত হইয়া প্রোথিত থাকে—কুরুরদিগের ক্ষ্ধা হইলে তাহারা আবার আসিয়া অবশিষ্ট মাংস খায়। তোমার ও তকি খাঁর প্রতি সেই মৃত্যুর বিধান করিলাম।

বন্ধনযুক্ত তিকি থাঁ আর্ত্তপশুর স্থায় বিকট চীৎকার করিয়া উঠিল। কণ্ঠর জামু পাতিয়া, ভূমে বসিয়া, যুক্তকরে, উর্দ্ধনয়নে ডাকিতে লাগিল—"O Father! That art in Heaven! Take pity on a poor erring soul! Thy will be done!" মনে মনে বলিতে লাগিল, "আমি কখন তোমাকে ডাকি নাই, কখন তোমাকে ভাবি নাই—চিরকাল পাপই করিয়াছি! তুমি যে আছ তাহা কখন মনে পড়ে নাই। কিন্তু আজি আমি নিঃসহায় বলিয়া, তোমাকে ডাকিতেছি— হে নিরুপায়ের উপায়—অগতির গতি! আমায় রক্ষা কর!"

কেহ বিশ্বিত হইও না। যে ঈশ্বরকে না মানে, সেও বিপদে পড়িলে তাঁহাকে ডাকে—ভক্তিভাবে ডাকে। ফষ্টরও ডাকিল।

নয়ন বিনত করিতে ফস্টরের দৃষ্টি তাসুর বাহিরে পড়িল। সহসা দেখিল, এক জটাজ ট্রধারী, রক্তবন্ত্রপরিহিত, শ্বেতশাশ্রুবিভূষিত, বিভূতিরঞ্জিত পুরুষ, দাঁড়াইয়া তাহার প্রতি দৃষ্টি করিতেছে। ফস্টর সেই চক্ষু প্রতি স্থির দৃষ্টিতে চাহিয়া রহিল—ক্রমে তাহার চিত্ত সেই দৃষ্টির বশীভূত হইল। ক্রমে চক্ষু বিনত করিল—বেন দারুণ নিজায় তাহার শরীর অবশ হইয়া আসিতে লাগিল। বোধ হইতে লাগিল যেন সেই জটাজ টুধারী পুরুষের ওষ্ঠাধর বিচলিত হইতেছে—যেন তিনি কি বলিতেছেন। ক্রমে সজলজলদগস্তীর কণ্ঠধানি যেন তাহার কর্ণে প্রবেশ করিল। ফ্টর শুনিল যেন কেহ বলিতেছে "আমি তোকে কুরুরের দণ্ড হইতে উদ্ধার করিব। আমার কথার উত্তর দে। তুই কি শৈবলিনীর জ্ঞার গ্"

ফষ্টর একবার সেই ধূলিধ্বরিতা উম্মাদিনীর প্রতি দৃষ্টি করিল—বলিল—"না।" সকলেই শুনিল, "না। আমি শৈবলিনীর জ্বার নহি।"

সেই বজ্বগম্ভীর শব্দে পুনর্ব্বার প্রশ্ন হইল। নবাব প্রশ্ন করিলেন, কি কে করিল ফন্টর ভাহা বুঝিতে পারিল না—কেবল শুনিল যে বজ্বগম্ভীরম্বরে প্রশ্ন হইল যে "তবে শৈবলিনী ভোমার নৌকায় ছিল কেন ?"

ফপ্তর উচ্চৈ:ম্বরে বলিতে লাগিল, "আমি শৈবলিনীর রূপে মুগ্ধ হইয়া, ভাহাকে গৃহ হইতে হরণ করিয়াছিলাম। আমার নৌকায় রাখিয়াছিলাম। মনে করিয়াছিলাম যে সে আমার প্রতি আসক্ত। কিন্তু দেখিলাম যে তাহা নহে, সে আমার শক্ত। নৌকায় প্রথম সাক্ষাতেই সে ছুরিকা নির্গত করিয়া আমাকে বলিল, 'তুমি যাদ আমার কামরায় আসিবে তবে এই ছুরিতে ছ্জানেই মরিব। আমি তোমার মাতৃত্ল্য।' আমি তাহার নিকট যাইতে পারি নাই। কখন তাহাকে স্পর্শ করি নাই।" সকলে এ কথা শুনিল।

পুনরপি বজ্রগম্ভীর শব্দে প্রশ্ন হইল, "এই শৈবলিনীকে তুমি কি প্রকারে মেচ্ছের অন্ন খাওয়াইলে ?"

ফন্টর কৃষ্টিত হইয়া বলিল "একদিনও আমার অন্ন বা আমার স্পৃষ্ট অন্ন সে খায় নাই। সে নিজে রাঁধিত।"

প্রশ্ন। কি রাঁধিত ?

ফপ্টর। কেবল চাউল-অন্নের সঙ্গে ছগ্ধ ভিন্ন আর কিছু খাইত না।

প্রশা জল?

ফ। গঙ্গা হইতে আপনি তুলিত।

চন্দ্রশেখর, ফষ্টরের সকল অপরাধ ভুলিয়া, গিয়া, ফষ্টরকে আলিঙ্গন দিতে চাহিলেন, এমত সময়ে সহসা—শব্দ হইল, "ধুরুম্ ধুরুম্ ধুম্ বুম্ !"

মবাব বলিলেন, "ও কি ও ?" ইরফান্ কাতরম্বরে বলিল, "আর কি ? ইংরেজের কামান। তাহারা শিবির আক্রমণ করিয়াছে।"

সহসা তামু হইতে লোক ঠেলিয়া বাহির হইতে লাগিল। "হুড়ুম্ হুড়ুম্
বুম্" আবার কামান গর্জিতে লাগিল। আবার! শত শত কামান একত্রে শব্দ
করিতে লাগিল—ভীম নাদ লক্ষে লক্ষে নিকটে আসিতে লাগিল—রণবাছ বাজিল
—চারিদিক্ হইতে তুম্ল কোলাহল উথিত হইল। অধ্বের পদাঘাত, অব্বের
ঝঞ্জনা—সৈনিকের জ্য়ধ্বনি, সমুদ্রতরঙ্গবৎ গর্জিয়া উঠিল; ধ্মরাশিতে গগন প্রচ্ছের
হইল—দিগস্ত ব্যাপ্ত হইল। সুষ্প্তিকালে যেন জ্বলোচ্ছাসে উছলিয়া, ক্ষ্র সাগর
আসিয়া বেড়িল।

সহসা নবাবের অমাত্যবর্গ, এবং ভৃত্যগণ, ঠেলাঠেলি করিয়া তামুর বাহিরে গেল—কেহ সমরাভিম্থে—কেহ পলায়নে। কুল্সম, চক্রশেখর, শৈবলিনী, ও ফট্টর ইহারাও বাহির হইল। তামু মধ্যে একা নবাব ও বন্দী তকি বসিয়া রহিলেন।

সেই সময়ে কামানের গোলা আসিয়া তামুর মধ্যে পড়িতে লাগিল। নবাব সেই সময়ে স্বীয় কটিবন্ধ হইতে অসি নিষোষিত করিয়া, তকির বক্ষে স্বহস্তে বিদ্ধ করিলেন। তকি মরিল। নবাব তামুর বাহিরে গেলেন।

চতুশ্চথারিংশত্তম পরিচ্ছেদ

যুদ্ধ-ক্ষেত্ৰে

শৈবলিনীকে লইয়া বাহিরে আসিয়া চন্দ্রশেখর দেখিলেন, রমানন্দ স্বামী দাঁড়াইয়া আছেন! স্বামী বলিলেন, "চন্দ্রশেখর! কি শুনিলে?"

চক্রশেশর রোদন করিতে লাগিলেন, বলিলেন, "গুরুদেব! যাহা শুনিলাম ভাহা এ জ্বশ্বে কখন শুনিব, এমন ভরসা করি নাই। কিন্তু এক্ষণে, শৈবলিনীর প্রাণরক্ষা করি কি প্রকারে? চারিদিকে গোলাবৃষ্টি হইতেছে। চারিদিক্ ধ্মে অন্ধকার—কোধায় যাইব ? আপনিই বা কেন এখানে আসিলেন ?"

রমানন্দস্বামী বলিলেন, "চিস্তা নাই,—দেখিতেছ না, কোন্ দিগে যবন সেনাগণ পলায়ন করিতেছে ? যেখানে যুদ্ধারস্তেই পলায়ন, দেখানে আর রণজয়ের সম্ভাবনা কি ? এই ইংরেজ জাতি অতিশয় ভাগ্যবান্—বলবান্—এবং কোশলময় দেখিতেছি—বোধ হয়, ইহারা একদিন সমস্ত ভারতবর্ধ অধিকৃত করিবে। চল, আমরা পলায়নপরায়ণ যবনদিগের পশ্চাছর্ত্তী হই।"

তিনজ্জনে পলায়নোগুত যবন সেনার পশ্চাদগামী হইলেন। অকস্মাৎ দেখিলেন, সম্মুখে একদল স্থসজ্জিত অস্ত্রধারী হিন্দুসেনা—রণমত্ত হইয়া দর্পিতপদে ইংরেজরণে সম্মুখীন হইতে যাইতেছে । মধ্যে, তাহাদিগের নায়ক, অশ্বারোহণে। সকলেই দেখিয়া চিনিলেন যে প্রতাপ।

চন্দ্রশেখর বলিলেন, "ওকিও প্রতাপ ! এ ছর্জ্জয় রণে তুমি কেন ? ফের।" "আমি আপনাদিগের সন্ধানেই আসিতেছিলাম। চলুন, নির্বিল্নস্থানে আপনাদিগকে রাখিয়া আসি।"

এই বলিয়া প্রতাপ, তিনজনকে নিজ ক্ষুদ্র সেনাদলের মধ্যস্থানে স্থাপিত করিয়া ফিরিয়া চলিলেন। তিনি যবনশিবিরের নির্গমন পথসকল সবিশেষ অবগত ছিলেন। অবিলম্বে তাঁহাদিগকে, সমরক্ষেত্র হইতে দূরে লইয়া গেলেন। গমনকালে চন্দ্রশেখরের নিকট, দরবারে যাহা যাহা ঘটিয়াছিল, তাহা সবিস্তারে শুনিলেন। শুনিয়া জিজ্ঞাসা করিলেন, "এক্ষণে শৈবলিনী সম্বন্ধে আপনি কি ব্যবস্থা করিবেন ?"

চন্দ্রশেখর বাষ্পগদগদ কণ্ঠে বলিলেন, "এক্ষণে জ্বানিলাম যে ইনি নিষ্পাপ। যদি লোকরঞ্জনার্থ কোন প্রায়শ্চিত্ত করিতে হয়, তবে তাহা করিব। করিয়া, ইহাকে গৃহে লইব। কিন্তু সুখ আর আমার কপালে হইবে না।"

প্র। কেন, স্বামীর ঔষধে কোন ফল দর্শে নাই ?

চ। এ পর্য্যন্ত নহে।

প্রতাপ বিমর্ষ হইলেন। তাঁহারও চক্ষে জল আসিল। শৈবলিনী অবগুঠন
মধ্য হইতে তাহা দেখিতেছিল—শৈবলিনী একটু সরিয়া গিয়া, হস্তেঙ্গিতের দারা
প্রতাপকে ডাকিল—প্রতাপ অশ্ব হইতে অবতরণ করিয়া, তাহার নিকটে গেলেন।
শৈবলিনী অন্তের অঞ্জাব্য স্থরে প্রতাপকে বলিল, "আমার একটা কথা কাণে
কাণে শুনিবে—আমি দৃষণীয় কিছুই বলিব না।"

প্রতাপ বিশ্মিত হইলেন, — বলিলেন "ভোমার বাতুলতা কি কৃত্রিম ?"
লৈ। এক্ষণে বটে। আজি প্রাভে শয্যা হইতে উঠিয়া অবধি সকল
কথা বুঝিতে পারিতেছি। আমি কি সত্য সত্যই পাগল হইয়াছিলাম ?

প্রতাপের মুখ প্রাফ্ল হইল। শৈবলিনী, তাঁহার মনের কথা ব্ঝিতে পারিয়া ব্যপ্রভাবে বলিলেন, "চুপ! এক্ষণে কিছু বলিও না। আমি নিজেই সকল বলিব —কিন্তু তোমার অনুমতি সাপেক।"

প্র। আমার অমুমতি কেন ?

শৈ। স্বামী যদি আমায় পুনর্কার গ্রহণ করেন—তবে মনের পাপ আবার লুকাইয়া রাখিয়া, তাঁহার প্রণয়ভাগিনী হওয়া উচিত হয় ?

প্র। কি করিতে চাও ?

শৈ। পূর্বকথাসকল তাঁহাকে বলিয়া, ক্ষমা চাহিব।

প্রতাপ চিন্তা করিলেন—বলিলেন, "বলিও। আশীর্কাদ করি, তুমি এবার স্থুখী হও।" এই বলিয়া প্রতাপ নীরবে অঞ্চবর্ধণ করিতে লাগিলেন।

শৈ। আমি সুখী হইব না। তুমি থাকিতে আমার সুখ নাই—

প্র। সে কি শৈবলিনী ?

শৈ। যতদিন তুমি এ পৃথিবীতে থাকিবে, আমার সঙ্গে আর সাক্ষাৎ করিও না। স্ত্রীলোকের চিত্ত অতি অসার; কতদিন বশে থাকিবে জ্বানি না। এজন্মে তুমি আমার সঙ্গে সাক্ষাৎ করিও না।

প্রতাপ আর উত্তর করিলেন না। ফ্রতপদে অশ্বারোহণ করিয়া, অশ্বে ক্যাঘাত পূর্বক সমরক্ষেত্রাভিমুখে ধাবমান হইলেন। তাঁহার সৈক্তগণ তাঁহার পশ্চাৎ পশ্চাৎ ছুটিল।

গমনকালে চন্দ্রশেখর ডাকিয়া জিজ্ঞাসা করিলেন, "কোথা যাও ?" প্রতাপ বলিলেন, "যুদ্ধে।"

চন্দ্রশেশর ব্যগ্রভাবে, উচ্চৈঃম্বরে বলিতে লাগিলেন, "যাইও না। যাইও না। ইংরেজের যুদ্ধে রক্ষা নাই।"

প্রতাপ বলিলেন, "ফট্টর এখনও জীবিত আছে ৷ তাহার বধে চলিলাম ৷"

চক্রশেশর ক্রভবেগে আসিয়া প্রভাপের অথের বল্গা ধরিলেন। বলিলেন, "কষ্টরের বধে কাজ কি ভাই ? যে হুই, ভগবান্ ভাহার দণ্ডবিধান করিবেন—তুমি আমি কি দণ্ডের কর্ত্তা ? যে অধম সেই শক্রর প্রভিহিংসা করে—যে উত্তম, সে শক্রকে ক্ষমা করে।"

প্রতাপ বিস্মিত, পুলকিত হইলেন। এরপ মহতী উক্তি তিনি কখন লোকমুখে শ্রুবণ করেন নাই। অশ্ব হইতে অবতরণ করিয়া, চন্দ্রশেখরের পদধ্লি গ্রহণ করিলেন। বলিলেন, "আপনিই মমুশ্রমধ্যে ধন্য। আমি ফণ্টরকে কিছু বলিব না।"

এই বলিয়া প্রতাপ পুনরপি অশ্বারোহণ করিয়া, যুদ্ধক্ষেত্রাভিমুখে চলিলেন। চন্দ্রশেখর বলিলেন, "প্রতাপ, তবে আবার যুদ্ধক্ষেত্রে যাও কেন ?"

প্রতাপ মুখ ফিরাইয়া অতি কোমল, অতি মধুর হাসি হাসিয়া বলিলেন, "আমার প্রয়োজন আছে।" এই বলিয়া অথে ক্যাঘাত করিয়া অতি ক্রতবেগে চলিয়া গেলেন।

সেই হাসি দেখিয়া, রমানন্দস্বামী উদ্বিগ্ন হইলেন। চন্দ্রশেখরকে বলিলেন, "তুমি বধুকে লইয়া গৃহে যাও। আমি গঙ্গাস্থানে যাইব। আজি সাক্ষাৎ না হয় কালি হইবে।"

চন্দ্রশেখর বলিলেন, "আমি প্রতাপের জ্বন্ত অত্যন্ত উদ্বিগ্ন হইতেছি।" রমানন্দ্রমামী বলিলেন, "আমি তাঁহার তত্ত্ব লইয়া যাইতেছি।"

শ্রান্ত হইয়া রমানন্দস্থামী এক বৃক্ষমূলে উপবেশন করিলেন। সেইখান দিয়া একজন শিপাহী পলাইতেছিল। রমানন্দস্থামী, তাহাকে জিজ্ঞাসা করিলেন, "তোমরা সকলেই পলাইতেছ—তবে যুদ্ধ করিল কে ?"

শিপাহী বলিল, "কেহ নহে। কেবল এক হিন্দু বড় যুদ্ধ করিয়াছে।" স্বামী জিজ্ঞাসা করিলেন, "সে কোথা ?" শিপাহী বলিল, "গড়ের সম্মুখে দেখুন্।" এই বলিয়া শিপাহী পলাইল।

রমানন্দস্বামী গড়ের দিগে গেলেন; দেখিলেন, যুদ্ধ নাই। কয়েকজ্বন ইংরেজ ও হিন্দুর মৃতদেহ একত্রে স্ত্পাকৃত হইয়া পড়িয়া রহিয়াছে। স্বামী, তাহার মধ্যে প্রতাপের অমুসন্ধান করিতে লাগিলেন। পতিত হিন্দুদিগের মধ্যে কেঁহ গভীর কাতরোক্তি করিল। রমানন্দস্বামী তাহাকে টানিয়া বাহির করিলেন। দেখিলেন, সেই প্রতাপ!—আহত মৃতপ্রায়—এখনও জীবিত।

রমানন্দস্বামী জল আনিয়া তাহার মুখে দিলেন। প্রতাপ তাঁহাকে চিনিয়া প্রণামের জন্ম, হস্তোস্তোলন করিতে উত্যোগ করিলেন, কিন্তু পারিলেন না।

স্বামী বলিলেন, "আমি অমনিই আশীর্কাদ করিতেছি, আরোগ্য লাভ কর।" প্রভাপ কণ্টে বলিলেন, "আরোগ্য! আরোগ্যের—আর বড় বিলম্ব নাই। আপনার পদরেণু আমার মাথায় দিন।

রমানন্দস্থামী জিজ্ঞাসা করিলেন, "আমরা নিষেধ করিয়াছিলাম – কেন এ তুর্জ্জ্য রণে আসিলে ? শৈবলিনীর কথায় কি এরূপ করিয়াছ ?"

প্রতাপ বলিল, "আপনি কেন এরূপ আজ্ঞা করিতেছেন ?"

স্বামী বলিলেন, "যখন তুমি শৈবলিনীর সঙ্গে কথা কহিতেছিলে, তখন তাহার আকারেন্সিত দেখিয়া বোধ হইয়াছিল যে, সে আর উন্মাদগ্রস্তা নহে। এবং বোধ হয় তোমাকে একেবারে বিশ্বত হয় নাই।"

প্রতাপ বলিলেন, "শৈবলিনী বলিয়াছিল, যে এ পৃথিবীতে আমার সঙ্গে আর সাক্ষাৎ না হয়। আমি বৃঝিলাম, আমি জীবিত থাকিতে শৈবলিনী বা চক্রশেখরের সুখের সম্ভাবনা নাই। যে আমার পরম প্রীতির পাত্র, যে আমার পরমোপকারী, তাহাদিগের সুখের কণ্টকস্বরূপ এ জীবন আমার রাখা অকর্ত্তব্য বিবেচনা করিলাম। তাই, আপনাদিগের নিষেধ সত্ত্বেও এ সমর-ক্ষেত্রে, প্রাণত্যাগ করিতে আসিয়াছিলাম। আমি থাকিলে, শৈবলিনীর চিত্ত, কখন না কখন বিচলিত হইবার সম্ভাবনা। অতএব আমি চলিলাম।"

রমানন্দস্বামীর চক্ষে জ্বল আসিল; আর কেহ কখন রমানন্দস্বামীর চক্ষে জ্বল দেখে নাই। তিনি বলিলেন, "এ সংসারে তুমিই যথার্থ পরহিতব্রতধারী। আমরা ভণ্ডমাত্র। তুমি পরলোকে অনম্ভ অক্ষয় স্বর্গ ভোগ করিবে সন্দেহ নাই।"

ক্ষণেক নীরব থাকিয়া, রমানন্দস্থামী বলিতে লাগিলেন, "শুন বংস! আমি তোমার অন্তঃকরণ ব্ঝিয়াছি। ব্রহ্মাণ্ড জয় তোমার এই ইন্দ্রিয় জয়ের তুল্য হইতে পারে না—তুমি শৈবলিনীকে ভালবাসিতে ?"

সুপ্ত সিংহ যেন জাগিয়া উঠিল। সেই শবাকার প্রতাপ, বলিষ্ঠ, চঞ্চল, উন্মন্তবৎ হুছুদ্ধার করিয়া উঠিল—বলিল—"কি বৃঝিবে, তুমি সন্ন্যানী! এ জগতে মহুন্ত কে আছে, যে আমার এ ভালবাসা বৃঝিবে! কে বৃঝিবে, আজি এই বোড়শ বংসর, আমি শৈবলিনীকে কত ভালবাসিয়াছি। পাপচিত্তে আমি তাহার প্রতি অহুরক্ত নছি—আমার ভালবাসার নাম জীবন বিসর্জ্জনের আকাজ্জা। শিরে শিরে, শোণিতে শোণিতে, অন্থিতে অন্থিতে, আমার এই অন্থুরাগ অহোরাত্র বিচরণ করিয়াছে। কখন মান্থুযে তাহা জানিতে পারে নাই—মান্থুয়ে তাহা জানিতে পারিত না—এই মৃত্যু কালে আপনি কথা তুলিলেন কেন? এজন্মে এ অন্থুরাগে মঙ্গল নাই বলিয়া, এ দেহ পরিত্যাগ করিলাম। আমার মন কলুষিত হইয়াছে—কি জানি শৈবলিনীর হুদয়ে আবার কি হইবে? আমার মৃত্যু ভিন্ন ইহার উপায় নাই—এই জন্ত মরিলাম। আপনি এই গুপ্ত তন্ধ শুনিলেন—আপনি জ্ঞানী, আপনি শাস্ত্রদর্শী—আপনি বলুন আমার পাপের কি প্রায়শ্চিত্ত গুআমি কি জগদীশ্বরের কাছে দোবী? যদি দোব হইয়া থাকে, এ প্রায়শ্চিত্ত কি তাহার মোচন হইবে না?"

রমানন্দস্বামী বলিলেন, "তাহা জ্ঞানি না। মানুষের জ্ঞান এখানে অসমর্থ ; শাস্ত্রে এখানে মৃক। তুমি যে লোকে যাইতেছ, সেই লোকেশ্বর ভিন্ন এ কথার কেহ উত্তর দিতে পারিবে না। তবে, ইহাই বলিতে পারি, ইন্দ্রিয় জ্ঞায়ে যদি পুণ্য থাকে, তবে অনস্ত স্বর্গ তোমারই। যদি চিত্তসংযমে পুণ্য থাকে, তবে দেবতারাও তোমার তুল্য পুণ্যবান্ নহেন। যদি পরোপকারে স্বর্গ থাকে, তবে দধীচির অপেক্ষাও তুমি স্বর্গের অধিকারী। প্রার্থনা করি, জন্মান্তরে যেন, তোমার মত ইন্দ্রিয়জয়ী হই।"

রমানন্দস্থামী নীরব হইলেন। ধীরে ধীরে ধীরে, প্রতাপের প্রাণ বিমৃক্ত হইল। তৃণশয্যায়, অনিন্দক্ষ্যোতিঃ স্বর্ণতরু পড়িয়া রহিল।

তবে যাও, প্রতাপ! অনন্ত ধামে। যাও, যেখানে ইন্দ্রিয়জ্বয়ে কট নাই, রূপে মোহ নাই, প্রণয়ে পাপ নাই, সেইখানে যাও! যেখানে, রূপ অনন্ত, প্রণয় অনন্ত, স্থ অনন্ত পুণ্য, সেইখানে যাও। যেখানে পরের ছঃখ পরে জানে, পরের ধর্ম পরে রাখে, পরের জয় পরে গায়, পরের জয় পরকে মরিতে হয় না, সেই মহৈশ্বর্যময় লোকে যাও! লক্ষ শৈবলিনী পদপ্রান্তে পাইলেও, ভাল বাসিতে চাহিবে না।

পরিশিষ্ট

লরেন্স ফষ্টর, নবাবের তামুর বাহিরে আসিয়া, কি করিবেন, কোথা যাইবেন, কিছু স্থির করিতে পারিলেন না; যবন এবং ইংরেন্ড উভয়েই তাঁহার শক্ত। বিহ্বলের স্থায় ইতস্তত: শ্রমণ করিতে লাগিলেন। কতকগুলি ইংরেজ সেনা একদল যবনকে প্রহার করিয়া তাড়াইতে তাড়াইতে লইয়া যাইতেছিল। ফন্টর একজন মৃত যবনের বন্দুক কুড়াইয়া লইয়া সেই ইংরেজদিগের সঙ্গে মিশিলেন। কিন্তু পরিচ্ছদে ধরা পড়িলেন। সেই রেজিমেন্টের পোষাক, তাঁহার পরা ছিল না।

সার্জেণ্ট জিজ্ঞাসা করিল, "তুমি কে ? পোষাক পর নাই কেন ?"
ফন্টর বলিল, "আমি লরেন্স ফন্টর। মুসলমানের। আমাকে বন্দী করিয়া
রাখিয়াছিল।"

সার্জেণ্ট বলিল, "ছুইজন ইহাকে সেনাপতির নিকট লইয়া যাও। সেনা-পতির আজ্ঞা আছে, বন্দী কেহ হস্তগত হইলে তাঁহার নিকটে প্রেরিত হইবে।" যুদ্ধাবসানে লরেন্স ফুইর, ইংরেজ সেনাপতির নিকটে আনীত হইলেন। সেনাপতি দেখিয়া শুনিয়া বলিলেন, "জানি। লরেন্স ফুইর, পলাতক রাজবিজ্ঞোহী—যবন সেনা মধ্যে পদ গ্রহণ করিয়াছে, উহাকে ফাঁসি দেওয়া যাইবে।"

বিচারাস্তে যুদ্ধের পরে রীতিমত বিচার হইয়া ফপ্টরের ফাঁসি হইল।

চক্রশেখর, শৈবলিনীকে লইয়া গৃহে আসিলেন। স্থন্দরী শৈবলিনীর সঙ্গে ছই চারিটা কথা কহিয়াই জানিল যে শৈবলিনী রোগ হইতে নিষ্কৃতি পাইয়াছে। আহলাদে, স্থন্দরী চক্রশেখরকে সবিশেষ কহিল। আহলাদে চক্রশেখর শৈবলিনীকে আলিঙ্গন করিতে প্রায় স্থন্দরীকে আলিঙ্গন করিয়া ফেলিয়াছিলেন। তিনি সেই দিনই, পুনর্কার সংসার পাতিয়া, শৈবলিনীকে গ্রহণ করিলেন। রমানন্দস্বামী আসিলে একটা লৌকিক প্রায়শ্চিত্ত করিবেন স্থির করিলেন।

রমানন্দস্বামী প্রতাপের মৃত্যুসস্থাদ লইয়া আসিলেন। কেন প্রতাপ মরিয়াছে, তাহা প্রকাশ করিলেন না। চন্দ্রশেখর, অত্যন্ত শোকাকুল হইয়া উদয় নালার মাঠে গিয়া, প্রতাপের দেহ লইয়া যথাবিধি সংকার করিলেন। কিয়দ্দিবস, প্রতাপের শোকে, এরপ অধীর হইয়া রহিলেন যে, শৈবলিনীর প্রায়শ্চিত্তের কথা বিশ্বত হইয়া রহিলেন। রমানন্দস্বামী প্রায়শ্চিত্তের ব্যবস্থা করিয়া দিয়া আশ্রমে যাত্রা করিলেন।

নবাব কাসেম আলি খাঁ উদয় নালা হইতে মুঙ্গেরে পলাইলেন। তথায় জ্বগৎ শেঠদিগকে গঙ্গা জলে নিমগ্ন করিয়া বধ করিলেন। এবং যে সকল ইংরেজ বন্দী ছিল, তাহাদিগকে সমরার হস্তে বধ করিলেন। এই সকল ছ্ফার্য্য করিয়া, মুঙ্গের ত্যাগ করিয়া সসৈত্যে পাটনা যাত্রা করিলেন।

গুর্গণ খাঁ অতি চতুর। তিনি নবাবের আদেশক্রমে উদয় নালা যাইবার জম্ম নবাবের পশ্চাৎ যাত্রা করিয়াছিলেন বটে। কিন্তু উদয় নালা পর্যান্ত যান নাই—নবাবের অগ্রেই ফিরিয়াছিলেন। ভাব গতিক বুঝিয়া নবাবের সঙ্গে যাহাতে সাক্ষাৎ না হয়, এইরূপ কোশল করিতেন। কিন্তু এক্ষণে নবাবের সঙ্গে যাইতে বাধ্য হইলেন। পথিমধ্যে নবাব সৈক্যদিগকে ইন্ধিত করিলেন, ভাহারা বিজ্ঞাহের ছল করিয়া গুরুগণ খাঁকে খণ্ড খণ্ড করিয়া ফেলিল।

তাহার পরে নবাবের অদৃষ্টে যাহা যাহা ঘটিল তাহা ইতিহাসে লিখিত আছে। বাঙ্গালার শেষ হিন্দু রাজা, রাজ্যভ্রপ্ট হইয়া পুরুষোত্তমের যাত্রী হইয়াছিলেন —বাঙ্গালার শেষ যবন রাজা, রাজ্যভ্রপ্ট হইয়া ফকিরি গ্রহণ করিলেন।

কুল্সম, যুদ্ধক্ষেত্রে নবাবের ভৃত্যবর্গের সহিত পলায়ন করিয়াছিল। কাসেম আলি ফকিরি গ্রহণ করিলে, সে মীরজাফেরের অবরোধে নিযুক্ত হইল। দলনীকে কথন ভুলিল না।

সমাপ্ত



কদল মন্থ্য বলেন যে, এ সংসারে স্থুখ নাই, বনে চল, ভোগাভোগ সমাপ্ত করিয়া মুক্তি বা নির্ব্বাণ লাভ কর। আর একদল বলেন, সংসার স্থ্রখন্য, বঞ্চকের বঞ্চনা অগ্রাহ্য করিয়া, খাও, দাও, ঘুমাও। যাঁহারা, সুখাভিলাষী তাঁহাদিগের মধ্যে নানা মত। কেহ বলেন ধনে সুখ, কেহ বলেন মনে সুখ; কেহ বলেন ধর্মে, কেহ অধর্মে; কাহার স্থুখ কার্য্যে, কাহারও সুখ জ্ঞানে। কিন্তু প্রায় এমন মহুশ্য দেখা যায় না, যে সৌন্দর্য্যে স্থা নহে। তুমি স্থুন্দরী স্ত্রীর কামনা কর; স্থুন্দরী কন্মার মুখ দেখিয়া প্রীত হও; স্থুন্দর শিশুর প্রতি চাহিয়া বিমুগ্ধ হও, স্থন্দরী পুত্রবধুর জন্ম দেশ মাথাও কর, স্থন্দর ফুলগুলি বাছিয়া শয্যায় রাখ, ঘর্মাক্ত ললাটে যে অর্থ উপার্জ্জন করিয়াছ, সুন্দর গৃহ নির্মাণ করিয়া, সুন্দর উপকরণে সাজ্রাইতে, তাহা ব্যয়িত করিয়া ঋণী হও ; আপনি স্থন্দর সাজিবে বলিয়া সর্ব্বস্থ পণ করিয়া, সুন্দর সজ্জা খুঁজিয়া বেড়াও,—ঘটা বাটা পিতল কাঁশাও যাহাতে স্থূন্দর হয়, তাহার যত্ন কর। স্থূন্দর দেখিয়া পাখী পোষ, স্থূন্দর বৃক্ষে স্থলর উত্তান রচনা কর, স্থলর মুখে স্থলর হাসি দেখিবার জন্ম, স্থলর কাঞ্চন রত্নে স্বন্দরীকে সাজাও। সকলেই অহরহ সৌন্দর্য্য-তৃষায় পীড়িত, কিন্তু কেহ কখন এ কথা মনে করে না বলিয়াই এত বিস্তারে বলিতেছি।

এই সোন্দর্য্যত্যা যেরূপ বলবতী, সেইরূপ প্রশংসনীয়া এবং পরিপোষনীয়া।
মন্ত্র্যের যত প্রকার স্থুখ আছে তন্মধ্যে এই স্থুখ সর্ব্বাপেক্ষা উৎকৃষ্ট, কেন না,
প্রথমতঃ ইহা পবিত্র, নির্দ্মল, পাপ-সংস্পর্শনৃত্য; সোন্দর্য্যের উপভোগ কেবল
মানসিক স্থুখ, ইন্দ্রিয়ের সঙ্গে ইহার সংস্পর্শ নাই। সত্য বটে, স্থন্দর বস্তু, অনেক
সময়ে ইন্দ্রিয়তৃপ্তির সহিত সম্বন্ধ বিশিষ্ট; কিন্তু সোন্দর্য্যজনিত স্থুখ ইন্দ্রিয়তৃপ্তি
হইতে ভিন্ন। রত্নখচিত স্থবর্ণ জলপাত্রে জলপানে তোমার যেরূপ ত্যা নিবারণ
হইবে, কুগঠন মূৎপাত্রেও ত্যা নিবারণ সেইরূপ হইবে; স্বর্ণপাত্র জলপান করায়

হন্দশিরের উৎপত্তি ও আর্য্যজাতির শির্চাতুরি, শ্রীশ্রামাচরণ শ্রীমাণি প্রণীত। কলিকাতা। ১৯৩০।

যেটুকু অতিরিক্ত সুখ, তাহা সৌন্দর্য্যক্ষনিত মানসিক সুখ। আপনার স্বর্ণপাত্রে জ্বল খাইলে অহন্ধারক্ষনিত সুখ তাহার সঙ্গে মিশে বটে, কিন্তু পরের স্বর্ণপাত্র 'জলপান করিয়া ত্যা নিবারণাতিরিক্ত যে সুখ, তাহা সৌন্দর্য্যক্ষনিত মাত্র বলিয়া স্বীকার করিতে হইবে। দ্বিতীয়তঃ, তীব্রতায় এই সুখ সর্বস্থাপেক্ষা গুরুতর; ধাঁহারা নৈসর্গিক শোভাদর্শনপ্রিয়, বা কাব্যামোদী, তাঁহারা ইহার অনেক উদাহরণ মনে করিতে পারিবেন; সৌন্দর্য্যের উপভোগজনিত সুখ, অনেক সময়ে তীব্রতায় অসন্থ হইয়া উঠে। তৃতীয়তঃ, অত্যাত্য সুখ পৌণঃপুণ্যে অপ্রীতিকর হইয়া উঠে, সৌন্দর্য্যক্ষনিত সুখ চিরনূতন এবং চিরপ্রীতিকর।

অতএব যাঁহারা মনুযাজাতির এই সুখবর্জন করেন, তাঁহারা মনুযাজাতির উপকারকদিগের মধ্যে সর্ব্বোচ্চ পদ প্রাপ্তির যোগ্য। যে ভিখারী খঞ্জনী বাজাইয়া, নেড়ার গীত গাইয়া মুষ্টিভিক্ষা লইয়া যায়, তাহাকে কেহ মনুযাজাতির মহোপকারী বলিয়া স্বীকার করিবে না বটে, কিন্তু যে বাল্মীকি, চিরকালের জ্ব্যু কোটি কোটি মনুয়ের অক্ষয় সুখ এবং চিত্তোৎকর্ষের উপায় বিধান করিয়াছেন, তিনি যশের মন্দিরে নিউটন, হার্বি, ওয়াট্ বা জেনরের অপেক্ষা নিম্ন স্থান পাইবার যোগ্য নহেন। অনেকে লেকি, মেকলে, প্রভৃতি অসারগ্রাহী লেখকদিগের অনুবর্ত্তী হইয়া কবির অপেক্ষা পাছকাকারকে উপকারী বলিয়া উচ্চাসনে বসান; এই গণ্ডমূর্থ দলের মধ্যে আধুনিক অর্ক্মশিক্ষিত বাঙ্গালিবাবু অগ্রগণ্য। পক্ষান্থরে ইংলণ্ডের রাজপুরুষ চূড়ামণি প্লাডপ্টোন, স্কটলগুজাত মনুযাদিগের মধ্যে, হিউম্, আদাম স্মিথ, হন্টর, কার্লাইল থাকিতে ওয়াল্টর স্কটকে সর্ব্বোপরি স্থান দিয়াছেন।

যেমন মন্তব্যের অন্যাম্য অভাব পূরণার্থ এক একটি শিল্প বিদ্যা আছে, সৌন্দর্য্যাকাজ্জা পূরণার্থও বিদ্যা আছে। সৌন্দর্য্য স্কলের বিবিধ উপায় আছে। উপায়ভেদে, সেই বিদ্যা পৃথক্ সুথক্ রূপ ধারণ করিয়াছে।

আমরা যে সকল স্থূন্দর বস্তু দেখিয়া থাকি, তন্মধ্যে কতকগুলির কেবল বর্ণ মাত্র আছে—আর কিছু নাই। যথা—ইন্দ্রধন্ন, আকাশ প্রভৃতি।

আর কতকগুলির বর্ণ ভিন্ন, আকারও আছে, যথা পুষ্প।
কতকগুলির বর্ণ ও আকার ভিন্ন, গতিও আছে, যথা—উরগ।
কতকগুলির বর্ণ, আকার, গতি ভিন্ন, রব আছে; যথা—কোকিল।
মনুয়ের বর্ণ, আকার, গতি ও রব ব্যতীত অর্থযুক্ত বাক্য আছে।

অতএব সৌন্দর্য্য সম্জনের জন্ম, এই কয়টি সামগ্রী, বর্ণ, আকার, গতি, রব ও অর্থযুক্ত বাক্য।

य स्नोन्नर्गञ्जननी विष्ठांत वर्ग मां व व्यवस्थन, छाटादक ठिखविष्ठा करह।

যে বিভার অবলম্বন আকার, তাহা দ্বিবিধ। জ্বড়ের আকৃতি সৌন্দর্য্য যে বিভার উদ্দেশ্য, তাহার নাম স্থাপত্য। চেতন বা উদ্ভিদের সৌন্দর্য্য যে বিভার উদ্দেশ্য, তাহার নাম ভাস্কর্য্য।

যে সৌন্দর্য্যক্ষনিকা বিদ্যার সিদ্ধি গতির দ্বারা, ভাহার নাম নৃত্য। রব যাহার অবলম্বন, সে বিভার নাম সঙ্গীত। বাক্য যাহার অবলম্বন, ভাহার নাম কাব্য।

কাব্য, সঙ্গীত, নৃত্য, ভাস্কর্য্য, স্থাপত্য, এবং চিত্র, এই ছয়টি সৌন্দর্যাঞ্চনিকা বিজ্ঞা। ইউরোপে এই সকল বিজ্ঞার যে জ্ঞাতিবাচক নাম প্রচলিত আছে, শ্রীমাণি বাবু তাহার অমুবাদ করিয়া "স্ক্র্মশিল্প" নাম দিয়াছেন। নামটি আমাদের প্রীতিকর হয় নাই। যদি কালিদাস প্রেতাবস্থায় শুনিতে পান যে কুমারসম্ভব, শকুন্তলার রচনা, "শিল্প" বিভা মাত্র, তবে তিনি রাগ করিবেন সন্দেহ নাই, এবং যে শিল্প বিভার প্রভাবে ইলোরার প্রকাশু গুহাট্টালিকা খোদিত হইয়াছিল, তাহাকে "স্ক্র্ম" বলা একটু অসঙ্গত হয়। যাহা হউক, নামে কিছু আসিয়া যায় না।

কাব্যের সঙ্গে, অন্থান্থ "সুক্ষাশিল্পের" এত প্রকৃতিগত বিভেদ যে, একণে অনেকেই ইহাকে আর "সুক্ষাশিল্প" মধ্যে গণ্য করেন না ; নৃত্য গীত, সামাজিক সামগ্রী, একা বিভানের নহে, স্থতরাং উহাও একটু তফাৎ হইয়া পড়িয়াছে ; এবং "সুক্ষাশিল্প" নাম করিলে, আপাততঃ চিত্র, ভাস্কর্য্য, এবং স্থাপত্যই মনে পড়ে। বাবু শ্যামাচরণ শ্রীমাণির গ্রন্থের বিষয়, কেবল এই তিন বিভা।

প্রাচীন ভারতবর্ষে, এই তিন বিভার কিন্নপ প্রচার এবং উন্নতি ছিল, তাহার পরিচয় দেওয়াই এই গ্রন্থের উদ্দেশ্য। কিন্তু গ্রন্থারন্তে, সাধারণতঃ স্ক্রাশিল্পের উৎপত্তি বিষয়ক একটি প্রবন্ধ আছে। প্রবন্ধটি পাঠযোগ্য।

তৎপরে গ্রন্থকার, অম্মদেশীয় শিল্পকার্য্যের প্রাচীনত্ব সপ্রমাণ করিতে চেষ্টা পাইয়াছেন। এদেশের শিল্পকার্য্য যে প্রাচীন, ছিম্বয়ে সংশয় নাই, কিন্তু শ্রীমাণি বাবু ইহার যেরূপ প্রাচীনতা প্রতিজ্ঞাত করিয়াছেন, সেরূপ প্রাচীনতা প্রমাণিত করিতে পারেন নাই। অশোকের পূর্বকালিক স্থাপত্য বিভার কোন চিহু এ দেশে যে বর্ত্তমান নাই, তাহা আপাততঃ স্বীকার করিতে হইবে।

এই প্রন্থে প্রাচীন আর্য্যগণের স্থাপত্য বিষয়ে যাহা লিখিত হইয়াছে, তাহাই ইহার উৎকৃষ্টাংশ; তাহা পাঠ করিয়া ভারতবর্ষীয় মাত্রেই প্রীতিলাভ করিবেন। প্রাচীন ভারতবর্ষীয়েরা পৃথিবীর কোন জাতির অপেক্ষায় স্থাপত্য দক্ষতায় ন্যুন ছিলেন না। ভারতবর্ষীয়েরা, কাব্য, দর্শন, গণিত প্রভৃতি নানা বিছায় প্রাধাক্তলাভ করিয়াছিলেন, কিন্তু স্থাপত্যে যেরূপ তাঁহাদিগের প্রাধান্ত প্রতিবাদের আতীত, বোধ হয়, সেরূপ আর কোন বিছায় নহে। কগু সন সাহেবের যে কয়টি

কথা জীমাণি বাবু উদ্ধৃত করিয়াছেন, আমরাও তাহা পুনরুদ্ধৃত না করিয়া থাকিতে পারিলাম না। তিনি বলেন যে:—

"ইহা সম্পূর্ণরূপে স্বাধীন ও ভূমগুলস্থ অস্তাস্ত জাতীয় স্থাপত্য হইতে এত পৃথক্ যে, মিথ্যা ও ভ্রমাত্মক সংস্কারোৎপত্তির আশব্ধা না করিয়া ইহার সহিত কোন জাতীয় স্থাপত্যের তুলনা করা যাইতে পারে না। * * * ইহার অঙ্গপ্রত্যঙ্গাদির বহুবায়াস-সাধ্য-গঠন-নৈপুণ্য ভূমগুলে অদ্বিতীয়। ইহার অলক্ষার প্রাচুর্য্যই আশ্চর্য্য ভাব উদ্দীপক এবং ইহার ক্ষুদ্র ক্ষুদ্র গঠনগুলির ভিন্ন ভিন্ন অংশসকলের সৌন্দর্য্য ও মাধুরী এবং প্রধান গঠনটীর সহিত সে সকলের উপযোগিতা, সর্বস্থলেই দর্শকের চিত্তবিনোদন করে।

"ভারতবর্ষীয়েরা স্তস্তের বিশেষ বিশেষ অংশ ও ভ্ষণের দীর্ঘতা, হ্রম্বতা, স্থূলতা ও স্ক্র্মতা বিষয়ে ইজিপ্ত এবং গ্রীশীয়দিগের পশ্চাদ্বর্তী বটে, কিন্তু তাঁহাদিগের পিল্লার ভ্ষণ এবং যে সকল মন্থ্য-মূর্ত্তি ইমারত বহন করে (Caryatides) ভৎসম্বন্ধে তাঁহারা উক্ত উভয় জাতিকে পরাজ্বয় করিয়াছেন।"

শ্রীমাণি বাব্ ভারতবর্ষীয় স্থাপত্য তিন শ্রেণীতে বিভক্ত করিয়াছেন। প্রথম যে সকল ভূগর্ভ এবং পর্ববভাভ্যম্ভরে খোদিত হইয়া প্রস্তুত; দ্বিতীয়, যে সকল পর্বতের বাহ্যাভ্যম্ভরে উভয়েই খোদিত, এবং তৃতীয়, যে সকল প্রস্তুর ও ইষ্টকাদি উপকরণে গঠিত।

প্রথম শ্রেণীর স্থাপত্যের উদাহরণ স্বরূপ ইলোরার গুহার বর্ণনা উদ্বৃত করিলাম।

"একটি অন্ধচন্দ্রাকার লোহিত গ্রাণিট পর্ব্বতাভ্যন্তর অন্ধক্রোশ ব্যাপিয়া খোদিত হইয়া এই বিখ্যাত গুহাসকল প্রস্তুত হইয়াছে। ঐ অন্ধচন্দ্রাকার স্থানের ব্যাস প্রায় ২॥॰ ক্রোশ হইবে। স্থপতি কার্য্যে যত প্রকার গঠন ও অলন্ধার পারিপাট্য থাকিতে পারে, সে সকলই এই গুহাসকল মধ্যে দেখিতে পাওয়া যায়। যথা;—বহু ভূষণে বিভূষিত স্তম্ভ, অলিন্দ, চাঁদনী, সোপানশ্রেণী, সেতু, শিখর, গুম্বজাকার ছাদ, বৃহদাকার প্রতিমূর্ত্তি এবং ভিত্তি সংলগ্ন বহুবিধ খোদিত কারুকার্য্য —ইহার কিছুরই অভাব নাই।"

"অত্রত্য গৃহসকল প্রায় দিতল। কোন কোনটা তিনতলও আছে। কিন্তু প্রথম তল মৃত্তিকাদিতে প্রায় পরিপূর্ণ হওয়ায় তৎপ্রবেশ হঃসাধ্য হইয়া উঠিয়াছে। এতদ্গুহাস্থ ইক্রসভা অতীব বিস্তৃতা ও মনোহারিণী; ইহার অভ্যন্তরন্থ স্তম্ভ সকল ইদানীস্তন কালের স্থায় নহে—একটা হাঁড়ী বিপরীত ভাবে স্থাপিত করিয়া তাহাকে পদ্ম পাপ্ড়ী দ্বারা বেষ্টন করিলে অত্রস্থ স্তম্ভ বোধিকার গঠন-প্রণালী কথঞ্চিত বোধগম্য হইতে পারে, কিন্তু উল্টা হাঁড়ী বলিয়া আমাদিগের অনাদর করা উচিত নহে। কারণ, হাঁড়ীর গঠন কিছু বিশ্রী নহে, প্রত্যুতঃ শ্রীসম্পন্ন, তাহাতে ইহার মনোহর ভাস্কর্য্য, এবং সমৃদয় শুল্ডের বিভূষণ-সংযুক্ত-গঠন দেখিলে হাদয় যে অপুর্ব্ব ভাবে উচ্ছাসিত হইবে তাহা বিচিত্র নহে। অপরস্তু, এই বোধিকা সকল উৎকল দেশীয় বিমান সকলের চূড়ার নিয়ে আয়াশিলার (আমলকী ফলের স্থায় বর্ত্তুলাকার ও পলবিশিষ্ট বলিয়া আয়াশিলা নামে খ্যাড) আকারে খোদিত। এই গুহার প্রশস্ত গৃহ সকলের বহিঃপ্রকোষ্ঠে শোভনীয় কীলকশ্রেণী বা গরাদিয়া সকল কর্ত্তিত হইয়াছে। অপর, ইহার প্রবেশদার অতীব মনোহর গঠনে গঠিত—দাদশটী সৃদ্দ স্তন্তোপরি অপূর্ব্ব কার্ম-কার্য্য খচিত ইহার দিব্য গুম্বজ্ব অত্যাপিও মুশোভিত হইয়া রহিয়াছে। তৃতীয় চিত্রপটে ইন্দ্রসভার যে চিত্র প্রদন্ত হইল তদ্দারা পাঠক ইহার স্ক্রাক্ষ রচনাচাত্র্য্য কিয়ৎপরিমাণে হাদয়ঙ্গম করিতে পারিবেন।"

"ইন্দ্রসভার অন্তঃপাতী তিনটী গুহা আছে। একটি ৬০ পাদ দীর্ঘ এবং
৪৮ পাদ প্রস্থ; ইহার ভিত্তিতে অনেক বৃদ্ধমূর্ত্তি সকল খোদিত আছে; ইহার
গর্ভস্থানে ব্যাদ্রেশ্বরী ভবানী ও বৃদ্ধদেবের মূর্ত্তি বিরাজমান। দ্বিতীয় গুহা-গর্ভের
বাম ও দক্ষিণ পার্শ্বের ব্যাদ্রেশ্বরী ভবানীর মূর্তিদ্বয়ের মধ্যে পরশুরামের মূর্তি
খোদিত আছে। তৃতীয় গুহার বহিঃপ্রকোঠে গজারাঢ়-পুরুষ এবং শার্দ্ধূলপৃষ্ঠে
উপবিষ্টা এক জ্রীর মূর্ত্তি থাকায়, ইহাদিগকে ইন্দ্র ও শচী অনুমানে বান্ধাণেরা এই
গুহাত্রয়ের নাম ইন্দ্রসভা রাখিয়াছেন। কিন্তু, ইহাও বক্তব্য যে, এই জ্রীমৃত্তিই
প্রথম ও দ্বিতীয় গুহায় ব্যাদ্রেশ্বরী ভবানী বলিয়া অভিহিত হইয়াছে।

"'ছমার লয়না' অর্থাৎ বিবাহশালা নামে অপর এক সর্ব্বাপেক্ষা বৃহৎ গুহা আছে। ইহা ১২৫ হস্ত দীর্ঘ, এবং ১০০ হস্ত প্রস্থা। এই গুহার গর্ভস্থানে শিবলিঙ্গ প্রতিষ্ঠিত আছে। ইহাতে অনেক দেবদেবীরও মূর্ত্তিসকল দেখিতে পাওয়া যায়, কিন্তু তন্মধ্যে হরপার্ব্বতীর বিবাহ ব্যাপার খোদিত থাকায় এই গুহার নাম বিবাহশালা হইয়াছে।

"ইলোরার আর একটা প্রসিদ্ধ গুহার নাম 'কৈলাস'; ইহা ৩৬৭ হস্ত দীর্ঘ এক বিস্তীর্ণ প্রাঙ্গণ মধ্যে নির্দ্ধিত। ইহার প্রবেশ দ্বারে এক চমৎকার নহবৎখানা আছে এবং এতন্মধ্যে এত অধিকসংখ্যক দেবতাদিগের লীলাপ্রকাশক মৃর্তিসকল দৃষ্ট হয় যে, তাহার তুলনা পৃথিবীর আর কোথাও প্রাপ্ত হওয়া যায় না। প্রাঙ্গণের তিন দিকে স্তম্ভ্যুক্ত অলিন্দ এবং তাহার ভিত্তিতে বহুল দেবাদির মৃর্তিসকল খোদিত আছে। গোপুরের পশ্চাতে কৈলাসের প্রাসাদ, ইহা পাঁচটা মন্দিরে সম্পূর্ণ। মধ্যস্থ মন্দির সর্ব্বাপেক্ষা উচ্চ; ইহা ৪৪ হস্ত দীর্ঘ, এবং ৩৭ হস্ত প্রস্থ। এই মন্দিরসকল খোদিত গঙ্গ ও শার্দ্ধূলযুক্ত উপানোপরি স্থাপিত। এই গুহার

পশ্চান্তাগে একটা চাঁদনীর মধ্যে এত দেবদেবীর মূর্তি আছে যে, ইহাকে হিন্দু দেবতাদিগের প্রদর্শন গৃহ বলিয়া প্রতীয়মান হয়।

এই গুহার সন্ধিকটে অনেক গুহা দেখিতে পাওয়া যায়, এবং তৎসমূদরই পর্বত খোদিত হইয়া প্রস্তুত হইয়াছে। স্তস্ত, ছাদ, প্রাচীর, অলিন্দ, গুম্বস্ত এবং অসংখ্য দেবদেবীর মূর্ত্তি—এ সকলই একখণ্ড প্রস্তুর, ইহার কোন অংশ গ্রাথিত নহে। এই সমস্ত পর্বত খোদিত করিতে কত সময়, কত প্রম ও কত অর্থ ব্যয়িত হইয়াছে, তাহা মনে করিলে স্তব্ধ হইতে হয়।"

"বিতীয় শ্রেণীর স্থপতি কীর্ত্তি সকলের মধ্যে চিলামক্রমের মন্দিরের বর্ণনা উদ্ধৃত করিলাম।

"চিলামক্রমের মন্দিরগুলি ১৩৩২ পাদ দীর্ঘ, ৯৩৬ পাদ প্রস্থ এবং ৩০ পাদ উচ্চ ও ৭ পাদ প্রস্থ প্রাচীর দ্বারা পরিবেষ্টিত। এই স্থবিস্তৃত প্রাঙ্গণের প্রায় মধ্যস্থলে ও ঈষৎ পূর্ব্বদিকে একটি চমৎকার বৃহদাকার মন্দির আছে। ইহা দীর্ঘে ২২৪ পাদ এবং প্রস্থে ৬৪ পাদ; ইহার সম্মুখে এক চাঁদনী আছে, উহা সহস্র স্তম্ভে স্থশোভিত! উক্ত মন্দিরাভ্যস্তরস্থ মূর্ত্তিসকল ভারতবর্ষীয় যাবতীয় দেবদেবীর আদর্শে খোদিত। কিন্তু ইহার মধ্যে এরূপ একটি অত্যাশ্চর্য্য কীর্ত্তি আছে যে, ভাহা ভূমগুলের অন্য কোন স্থানেই দেখিতে পাওয়া যায় না। চতুক্ষোণাকার স্তম্ভ-শ্রেণী-সংলগ্ন এক প্রস্তর-শৃন্ধল খোদিত আছে, তাহা দীর্ঘে ১৪৬ পাদ এবং তাহার প্রত্যেক কড়া তিন পাদ দীর্ঘ। আশ্চর্য্যের বিষয় এই যে, ইহা ভিত্তিসংলগ্ন নহে, কেবল মাত্র স্তম্ভ হইতে স্তম্ভান্তরে সংযোজিত, অবশিষ্টাংশ শৃন্যে বুলিয়া আছে। অপর এই মন্দিরের প্রবেশদ্বারে এরূপ উৎকৃষ্ট খোদিত মূর্ত্তিসকল এবং এরূপ তুইটি মনোহর শোভাসম্পন্ন পিল্লা আছে যে, প্রসিদ্ধ শিল্প-নিপুণ গ্রীকজাতিও উক্ত প্রকার গঠনে ঐরূপ অলম্বার যোজনা করিতে সমর্থ হয়েন নাই।"

মহাবালীপুরের মন্দিরের প্রসঙ্গে লিখিত আছে যে, "এই নগরন্থ প্রধান মন্দিরে সাতিশয় স্থানর গঠনে স্থাণাভিত মমুদ্য-মূর্তিসকল অভাপিও বিভাষান আছে। একজ্বন ইউরোপীয় স্বচক্ষে দেখিয়া লিখিয়াছেন তাহাদের কোন কোন অংশ বিশেষতঃ মুখ্ঞী, স্থবিখ্যাত ভাস্করবিভা-বিশারদ কানবাকৃত মূর্ত্তিসকলের তুল্য।"

তৃতীয় শ্রেণীর স্থাপত্যের প্রধান উদাহরণ, ভুবনেশ্বর। আবু পর্ববিজ্য জৈন মন্দিরের অভ্যন্তরস্থ অলঙ্কার সম্বন্ধে শ্রীমাণি বাবু লিখিয়াছেন যে, তাহার সাদৃশ্য বোধ হয় ভূমগুলের আর কুত্রাপি দৃষ্ট হয় না।

"বিখ্যাত ফরগুসন সাহেব বলিয়াছেন যে, এরূপ বহুবায়াসসম্পন্ন এবং বিশুদ্ধ ক্লচির অনুমোদিত স্থপতি-কার্য্য বোধ হয় আর কুত্রাপি নাই এবং উক্ত মহাত্মা ইহার চাঁদনী লক্ষ্য করিয়া কহিয়াছেন যে, সে কৃষ্টফর রেনের লণ্ডন প্রভৃতির স্থিবিখ্যাত ধর্মমন্দির সকল এই জৈন চাঁদ্নীর সহিত সৌসাদৃশ্য সম্পন্ন হইলে আরও উৎকৃষ্ট হইত। এই কীর্ত্তি ১০৩২ খ্রীঃঅব্দে নির্দ্মিত হয়। ইহাতে ১৮০০০০০০ অষ্টাদশ কোটী টাকা এবং চতুর্দ্দশ বর্ষ সময় ব্যয়িত হইয়াছিল।"

ভারতবর্ষীয় স্থাপত্যের ছুইটি মাত্র দোষের উল্লেখ আছে, বিজ্ঞনতা এবং আলোকাভাব।

ভারতবর্ষীয় ভাস্কর্য্যের গৌরব, স্থাপত্য-গৌরবের স্থায় নহে, তথাপি আমাদিগের প্রাচীন ভাস্কর্য্য, আধুনিক দেশী ভাস্কর্য্যাপেক্ষা সহস্র গুণে প্রশংসনীয়।

শ্রীমাণি বাবু কয়েকটি উদাহরণের বর্ণনা করিয়া লিখিয়াছেন,

"বর্ত্তমান গবর্ণমেন্ট শিল্প-বিভালয়ের মুদক্ষ অধ্যক্ষ শ্রীযুক্ত লক সাহেব মহোদয় ভুবনেশ্বরাস্তর্গত এক মন্দির-ভিত্তিতে একটা তুর্গাদেবীর মৃর্ত্তি দেখিয়া চমৎকৃত হইয়াছেন; তিনি বলেন যে উহা কোমল ও মুখস্পর্শ রক্তমাংসে গঠিত বলিয়া বোধ হয়, কঠিন প্রস্তর বলিয়া প্রতীয়মান হয় না! বাস্তবিক অম্মদেশীয় ভাস্কর্য্যের ইহা একটি প্রধান ধর্ম—সর্বত্রেই ইহার গৌরবের কথা শ্রবণগোচর হয়। পাঠক! বোধ করি আপনি অবগত আছেন যে এইরূপ মুখস্পর্শ ও কোমল গঠন এবং মনোহর অঙ্গবিশ্রাস প্রভৃতি শ্রেষ্ঠ ভাস্কর্য্যের লক্ষণ। অতএব আপনি শুনিলে আনন্দিত হইবেন যে, আর্য্যগণ এই সকল উৎকৃষ্ট লক্ষণ দ্বারা অলক্ষ্ত করিয়া অধিকাংশ প্রতিমূর্ত্ত্যাদি বিশেষ নৈপুণ্য সহকারে নির্মাণ করিয়াছিলেন! এই জাতীয় শিল্পের অপর একটা উৎকৃষ্ট ধর্ম্ম "প্রয়োজন সিদ্ধি" অর্থাৎ, শিল্পী পুত্তলিকাদিগকে যে যে কার্য্যে নিয়োজিত করিবার কল্পনা করিয়াছেন, দৃষ্টিমাত্রে দর্শকের মনে সেই সেই উদ্দেশ্য-সাধন-ভাবের উপলব্ধি হয়। আমি আহ্লাদের সহিত ব্যক্ত করিতেছি যে, অনেক বিখ্যাত ইউরোপীয় পণ্ডিত অম্মদ্দেশীয় পৌরাণিক ভাস্কর্য্যে এই মহদ্গুণের অস্তিত্ব স্বীকার করিয়াছেন।"

পরে মথুরার বিখ্যাত পুত্তলিকাসকলের বিস্তারিত বর্ণনা করিয়াছেন। আনেকে উহা গ্রীকশিল্পিনির্মিত সাইলেনসের প্রতিমূর্ত্তি বিবেচনা করেন। শ্রীমাণি বাবু এ কথার প্রতিবাদ করিয়াছেন। * তিনি বলেন যে উহা হিন্দু শিল্পকরের

^{*} গ্রীক্ জাতিরা মথুরা পর্যান্ত আসিয়াছিল, এ কথা অসম্ভব বলিয়া শ্রীমাণি মহাশয় যে আপত্তি করিয়াছেন, তাহা অকিঞ্চিৎকর। হন্টর সাহেব প্রমাণ করিয়াছেন যে, গ্রীক্জাতিরেরা মধ্য-ভারতবর্ষের নানা স্থানে বাস করিত। মহাভাষ্যের বিখ্যাত উদাহরণ "অরুণৎ যবনো সাকেতম্," শ্রীমাণি মহাশয় কি বিশ্বত হইয়াছেন ? যথন গ্রীকেরা অযোধ্যা অবরোধ করিয়াছিল, তথন মথুরায় না আসিবে কেন ?

খোদিত, কৃষ্ণলীলা বর্ণন। সাইলেনস নহে—বলরাম। যদি এই তাস্কর্য্য হিন্দু প্রণীত হয়, তবে সে হিন্দু গ্রীকদিগের নিকট শিল্প শিক্ষা করিয়াছিল, সন্দেহ নাই। তাহার বিশেষ চিহু আছে। ভারতবর্ষীয় ভাস্কর্য্য মধ্যে ইহাই সর্ব্বোৎকৃষ্ট।

নশ্বর চিত্রপট অযত্নে রাখিলে, প্রস্তরাদির স্থায় অধিককাল স্থায়ী হয় না;
এজস্ম শ্রীমাণি বাবু অজস্তা ও বাঘের গুহাস্থিত ফুেস্কো পেন্টিং ভিন্ন আর কোন
চিত্রের উল্লেখ করিতে পারেন নাই। প্রধানতঃ তাঁহাকে নাটকের সাক্ষিতার
উপর নির্ভর করিতে হইয়াছে। সে প্রমাণ আমরা বিশেষ সম্ভোষজনক বিবেচনা
করি না; কবির স্বভাব এই যে, প্রকৃত অন্থংকৃষ্ট হইলেও তাহাকে উৎকর্ষ প্রদান
করেন। উত্তরচরিত ও শকুস্তলায় যে চিত্রবিস্থার পরিচয় আছে, ততদূর নৈপুণ্য
যে ভারতবর্ষীয়েরা লাভ করিয়াছিলেন, তদ্বিষয়ে অস্থ প্রমাণ আবশ্যক।

যাহা হউক, শ্রীমাণি বাবুর এই ক্ষুদ্র গ্রন্থ পাঠে আমরা বিশেষ প্রীতিলাভ করিয়াছি। এ বিষয়ে বাঙ্গালা ভাষায়, দ্বিতীয় গ্রন্থ নাই; এই প্রথমোগুম। গ্রন্থে পরিচয় পাওয়া যায় যে শ্রীমাণি বাবু স্বয়ং সুশিক্ষিত এবং শিল্প সমালোচনায় স্পুপটু। এবং গ্রন্থ-প্রণয়নে বিশেষ পরিশ্রমও করিয়াছেন। এই গ্রন্থের বিশেষ পরিচয়ে পাঠকগণ সন্তুষ্টিলাভ করিবেন বলিয়াই, আমরা এই ক্ষুদ্র গ্রন্থ হইতে এত কথা উদ্ধৃত করিতে সাহস করিয়াছি।

উপসংহারে, স্বদেশীয় মহাশয়গণকে ছই একটা কথা নিবেদন করিলে ক্ষতি নাই। বাঙ্গালি বাবৃদিগের নিকট স্ক্ষ্মশিল্প সম্বন্ধে কোন কথা বলা, ছই চারি জন স্থশিক্ষিত ব্যক্তি ভিন্ন, অন্সের কাছে, ভশ্মে গ্লত ঢালা হয়। সৌন্দর্য্যান্থরাগিণী প্রস্তুত্তির, বোধ হয় এত অল্প অক্স কোন সভ্যজাতির নাই। বাস্তবিক সৌন্দর্য্য-প্রিয়তাই, সভ্যতার একটি প্রধান লক্ষণ এবং বাঙ্গালিরা এখনও যে সভ্যপদবাচ্য নহেন, ইহাই তাহার একটি প্রমাণ। তাঁহারা গৃহিণীর মুখখানি স্থন্দর দেখিতে ভালবাসেন বটে—এবং কতকটা পুত্রবধ্র সম্বন্ধেও তাই, কিন্তু অক্যত্র সে সৌন্দর্য্য-প্রিয়তা তত বলবতী নহে। সঙ্গতি থাকিলেও ছেঁড়া মাহ্মর, ছেঁড়া বালিশ, ছর্গন্ধ মিস এবং তৈলচিত্রিত জ্বাজিম, আমরা বড় ভালবাসি। পরিধেয় সম্বন্ধে রজককে বঞ্চনা করাই বাঙ্গালি জ্বাতির জীবনযাত্রার একটি প্রধান বীরম্ব। গৃহমধ্যে, পৃতিগন্ধবিশিষ্ট, কদর্য্য কীটসঙ্কুল, দৃষ্টিপীড়ক কতকগুলি স্থান না থাকিলে বাঙ্গালি লাবে। ঈদৃশ জ্বাতির সৌন্দর্য্যস্পৃহা কোথায় ? এবং যে বিহার একমাত্র উদ্দেশ্য সৌন্দর্য্য, তাহার আদর কি প্রকারে সম্ভবে ? স্থ্তরাং বাঙ্গালার স্ক্ষ্মশিল্পের এত ছর্দ্দশা।

স্বীকার করি, সকল দোষটুকু বাঙ্গালির নিজের নহে। কতকটা বাঙ্গালির সামাজিক রীতির দোষ;—পূর্বপুরুষের ভদ্রাসন পরিত্যাগ করা হইবে না, তাহাতেই অসংখ্য সম্ভানসম্ভতি লইয়া গর্ত্তমধ্যে পিপীলিকার স্থায়, পিল্ পিল্ করিতে হইবে—স্কুতরাং স্থানাভাববশতঃ পরিষ্কৃতি এবং সৌন্দর্য্যসাধন সম্ভবে না। কতকটা, বাঙ্গালির দারিদ্রা জম্ম। সৌন্দর্য্য অর্থসাধ্য—অনেকের সংসার চলে না। তাহার উপর সামাজিক রীত্যমুসারে, আগে পৌরস্ত্রীগণের অলঙ্কার, দোলফুর্গোৎসবের ব্যয়, পিতৃপ্রান্ধ, মাতৃপ্রান্ধ, পুক্রকন্থার বিবাহাদিতে, অবস্থার অতিরিক্ত
ব্যয় করিতে হইবে—সে সকল ব্যয় সম্পন্ন করিয়া, শৃকরশালা তুল্য কদর্য্য স্থানে
বাস করিতে হইবে, ইহাই সামাজিক রীতি। ইচ্ছা করিলেও, সমাজশৃত্তলেবদ্ধ
বাঙ্গালি, সে রীতির বিপরীতাচরণ করিতে পারেন না। কতকটা হিন্দুধর্ম্মের
দোষ; যে ধর্মামুসারে, উৎকৃষ্ট মর্ম্মর প্রস্তুত হর্ম্যও গোময় লেপনে পরিষ্কৃত করিতে
হইবে, তাহার প্রসাদে স্ক্ষ্মশিল্পের ছর্জনারই সম্ভাবনা।

এ সকল স্বীকার করিলেও, দোষক্ষালন হয় না। যে ফিরিঙ্গি কেরাণীগিরি করিয়া শত মূদ্রায় কোনমতে দিনপাত করে, তাহার সঙ্গে বৎসরে বিংশতি সহস্র মুদ্রার অধিকারী গ্রাম্য ভূস্বামীর গৃহপারিপাট্য বিষয়ে ভূলনা কর। দেখিবে, এ প্রভেদটি অনেকটাই স্বাভাবিক। ছই চারিজ্বন ধনাঢ্য বাবু, ইংরেজ্বদিগের অমুকরণ করিয়া, ইংরেজের স্থায় গৃহাদির পারিপাট্য বিধান করিয়া থাকেন এবং ভাস্কর্য্য ও চিত্রাদির দ্বারা গৃহ সজ্জিত করিয়া থাকেন। বাঙ্গালি নকল-নবিশ ভাল, নকলে শৈথিল্য নাই। কিন্তু তাঁহাদিগের ভাস্কর্য্য এবং চিত্র সংগ্রহ দেখিলেই বোধ হয় যে অমুকরণ-স্পৃহাতেই এ সকল সংগ্রহ ঘটিয়াছে—নচেৎ সৌন্দর্য্যে তাঁহাদিগের আস্তরিক অমুরাগ নাই। এখানে ভালমন্দের বিচার নাই, মহার্ঘ হইলেই হইল; সন্ধিবেশের পারিপাট্য নাই, সংখ্যায় অধিক হইলেই হইল। ভাস্কর্য্য চিত্র দূরে থাকুক, কাব্য সম্বন্ধেও বাঙ্গালির উত্তমাধ্য বিচারশক্তি দেখা যায় না। এ বিষয়ে সুশিক্ষিত অশিক্ষিত সমান—প্রভেদ অতি অল্প। সৌন্দর্য্য-বিচারশক্তি, সৌন্দর্য্য-রসাস্বাদন সুখ, বুঝি বিধাতা বাঙ্গালির কপালে লিখেন নাই।



নেকের মনে তিনটি সিদ্ধান্ত বন্ধমূল আছে। প্রথমটা এই যে, বাঙ্গালিরা কখনও বিদেশ বিজয় করে নাই; দ্বিতীয়টা এই যে, যে দিন বখ্তিয়ার খিলিজি সপ্তদশ জন অখারোহী সমভিব্যাহারে নবদীপে প্রবেশ করিলেন, সেই দিনেই সেনবংশের রাজত্ব বিলুপ্ত এবং সমুদায় বাঙ্গালাদেশ মুসলমানদিগের পদানত হইল; তৃতীয়টা এই যে, মুসলমান ভূপালদিগের সময়ে যে ক্ষমতাপন্ধ জমীদারদিগের উল্লেখ দৃষ্ট হয়, তাহারা করসংগ্রাহক রাজকর্মচারী ছিল মাত্র। আমরা প্রমাণ করিব যে এ তিনটা সিদ্ধান্তই ভ্রমাত্মক।

কিন্তু প্রমাণ প্রয়োগ করিবার পূর্বের্ব আমাদিগের বলা আবশ্যক হইতেছে যে বাঙ্গালাদেশ ও বাঙ্গালি বলিতে আমরা কি বৃঝি। সর্ববাদিসন্মত কথা কহিবার উদ্দেশে আমরা মগধ, মিথিলা, উড়িয়া ও আসাম এ কয়েকটাকে বাঙ্গালা হইতে পৃথক্ জ্ঞান করিব। স্বতরাং আমাদিগের অবলম্বিত বাঙ্গালার চতুঃসীমা এইরপ হইতেছে; উত্তরে, সিকিম ও ভোটরাজ্য এবং গারো ও খস পাহাড়; পশ্চিমে, মহানন্দানদী এবং রাজমহল ও ছোটনাগপুরের পাহাড়; দক্ষিণে, স্বর্ণরেখানদী ও বঙ্গসাগর; পূর্বের, চট্টগ্রাম-লুসাই-মণিপুর-পাহাড়গ্রেণী ও আসাম প্রদেশ। এই চতুঃসীমাবদ্ধ স্থানেই বাঙ্গালা ভাষা প্রচলিত, এবং ইহার অধিবাসীদিগকে আমরা বাঙ্গালি বলি। যদিও বাঙ্গালা ভাষা আসামে প্রবেশ করিয়াছে এবং বাঙ্গালিরা উড়িয়া, অযোধ্যা, কাশী প্রভৃতি স্থানে উপনিবেশ সংস্থাপন করিয়াছেন, তথাপি বঙ্গদেশবহিঃস্থ বাঙ্গালির সংখ্যা এত অল্প যে তাহা ধর্ত্বব্য নহে।

বঙ্গদেশের আর্য্যরাজত্বকালের পুরাবৃত্ত নাই। স্থতরাং আমাদিগকে বিদেশীয় লেখক ও প্রাচীন অনুশাসন-পত্রের সাহায্য অবলম্বন করিতে হইতেছে। কিন্তু ভাবিয়া দেখিলে, প্রতীতি হইবে যে এগুলি লিখিত দেশীয় ইতিহাস অপেক্ষাও প্রামাণ্য।

মহাবংশ, রাজরত্নাকরী ও রাজাবলী এ তিনখানি প্রামাণ্য গ্রন্থে সিংহলের পূর্ববিবরণ সন্ধলিত হইয়াছে। এই তিনখানিতেই এই মর্শ্মের কথা আছে যে, বঙ্গদেশে সিংহবাছ নামে এক রাজা ছিলেন; তাঁহার জ্যেষ্ঠপুত্র বিজয়সিংহ, প্রজাপীড়ন-দোষে নির্বাসিত হইলে, সাতশত সঙ্গী লইয়া অর্ণবপোত আরোহণ করেন এবং অনেক বিপদ উত্তীর্ণ হইয়া লঙ্কাদ্বীপে উপস্থিত হন ও তত্রত্য অধিবাসী-দিগকে যুদ্ধে জয় করিয়া সেখানকার রাজসিংহাসনে অধিরোহণ করেন; অনস্তর বিজয়ের প্রলোকপ্রাপ্তি হইলে তাঁহার আতৃষ্পুত্র পাণ্ড্বাস বঙ্গদেশ হইতে যাত্রা করিয়া মন্ত্রীর নিকট হইতে রাজ্যভার গ্রহণ করেন। পাণ্ড্বাসই লঙ্কার ঐতিহাসিক রাজবংশের আদিপুরুষ; এবং সিংহবংশের রাজ্য বলিয়া উক্ত দ্বীপের নাম সিংহল হইয়াছে। যে বৎসর বৃদ্ধদেবের জীবনলীলা সমাপ্ত হয়, সেই বৎসর বিজয় লঙ্কাদ্বীপে উপনীত হন। অধিকাংশ পণ্ডিতদিগের মত এই যে বৃদ্ধদেবের তিরোভাব খ্রীষ্টান্দের ৫৪৩ বর্ষ পূর্বের্ব ঘট; কেবল ভট্টমোক্ষমূলর সাহেব এই ঘটনার কাল খ্রীঃ পৃং ৪৭৭ বৎসর বলিয়া স্থির করেন। যাহা হউক, স্বীকার করিতে হইতেছে যে খ্রীষ্টান্দের পূর্ববর্ত্তী যন্ঠ বা পঞ্চম শতাব্দীতে বাঙ্গালিরা, বর্ত্তমান ইংরাজ্ব জাতির ভার, সমুত্রপথে সাহসপূর্বক যাত্রা করিয়া বিদেশ বিজয় করিয়াছিল।

বিদেশীয় লেখর্ক পরিত্যাগ করিয়া এক্ষণে আমরা ছুইখানি অনুশাসন পত্রের কথা বলিব। একখানি মৃঙ্গেরে ও অপরখানি বুদাল নামক স্থানে পাওয়া গিয়াছে। এ ছুইখানির ইংরাজী অনুবাদ এসিয়াটিক রিসার্চ্চের প্রথম খণ্ডে আছে। (১) প্রথমখানি গৌড়াধিপতি দেবপাল দেবের প্রদন্ত। উহাতে লিখিত আছে যে তাঁহার বিজয়ী সেনা তখন মৃদ্যগিরিতে অর্থাৎ মুঙ্গেরে শিবির সন্ধিবেশ করিয়া অবস্থিতি করিতেছিল; সেখানে বর্ছা জন্ম নদীর উপর যে নৌসেতু নির্শ্বিত হুইয়াছিল, তাহাকে পর্বতশ্রেণী বলিয়া ভ্রান্তি জন্মিত; সেখানে উত্তরদেশীয় নরপতিগণ এত অন্থ পাঠাইতেন যে, তাহাদিগের পদধূলতে দিক্ অন্ধকার হইত; সেখানে জমুদ্বীপের এত ক্ষমতাশালী নুপালগণ সম্মান প্রদর্শন করিতে আসিতেছিলেন যে, তাঁহাদিগের পরিচারকবর্গের পদভরে পৃথিবী বসিয়া যাইতেছিল। (২) বিজ্য়ীসেনা ও সামস্ত ভূপতিনিচয়ে পরিবেষ্টিত হইয়া রাজ্য দেবপাল যে

⁽⁵⁾ See Asiatic Researches. Vol. 1.

^{(2) &}quot;At Moodgo-ghiri where is encamped his victorious army; across whose river is constructed for a road a bridge of boats, which is mistaken for a chain of mountains; whither the Princes of the North send so many troops of horse that the dust of their hoops spreads darkness on all sides; whither so many mighty chiefs of Jamboo Dwipa resort to pay their respects, that the earth sinks beneath the weight of the feet of their attendants. There Deva Paladeva (who walking in the foot-steps of the mighty Lord of the great Soogots)...issues his commands."

অনুশাসন পত্র বাহির করিতেছেন, ভাহাতে তিনি স্পষ্টাক্ষরে লিখিতেছেন যে, গালোন্তরী হইতে সেতৃবন্ধ রামেশ্বর পর্যান্ত এবং লক্ষীকৃল হইতে পশ্চিম সাগর পর্যান্ত, সমৃদায় স্থান তিনি জয় করিয়াছিলেন; এবং যুদ্ধার্থে তাঁহার ঘোটকসকল কামোজদেশে উপস্থিত হইয়া কান্তা সন্দর্শনে আনন্দধ্বনি করিয়াছিল। (৩) লক্ষীকৃল পূর্ববেদেশীয় লক্ষ্মীপুর, এবং কামোজদেশ রঘুবংশ দৃষ্টে সিন্ধুনদের অপর পার্শবর্তী বলিয়া বোধ হয়। রঘু পারসীক ও হুণদিগকে পরাঞ্জিত করিয়া কামোজদেশীয় রাজগণকে আক্রমণ করেন; এবং উক্ত দেশে উৎকৃত্ত অশের উল্লেখও দেখা যায়। (৪) মুক্সেরের অনুশাসন-পত্র পাঠ করিয়া বোধ হয় যে গৌড়াধিপ দেবপাল দেব, সমৃদয় ভারতভূমির রাজচক্রবর্তী হইয়াছিলেন। বুদালের প্রস্তর-লেখ্যন্বান্ত এই মতের সমর্থন হয়। এটা পালরাজবংশের একজন মন্ত্রীর আদেশান্তসারে প্রস্তুত্ত; এবং ইহাতে কেদার মিশ্র নামক এক ব্যক্তির বিষয়ে লিখিত আছে যে তাঁহার বৃদ্ধিবলে গৌড়েশ্বর বহুকাল নির্মান্ত্রীকৃত উৎকলকুলের ও খবর্বীকৃতগর্বব হুণদিগের দেশ, মহিমাবিচ্যুৎ দ্রাবিড় ও গুর্জ্জররাজের রাজ্য এবং সার্বভেনি সমুন্ত-মেখল রাজসিংহাসন উপভোগ করেন। (৫)

বাঙ্গালিদিগের বিদেশবিজয় বিষয়ে আর একখানি অনুশাসন পত্রের উল্লেখ করিয়া আমরা ক্ষান্ত হইব। অনেকে জানেন যে উড়িয়ার গঙ্গাবংশীয় রাজারা অত্যন্ত পরাক্রান্ত ছিলেন; তাঁহারা এক সময়ে ত্রিবেণী পর্যান্ত রাজ্য বিস্তার করিয়াছিলেন; তাঁহারাই জগদ্বিখ্যাত জগন্নাথদেবের মন্দির প্রস্তুত করান। এক্ষণে জানা যাইতেছে যে তাঁহারাও বাঙ্গালি ছিলেন। পগুতগণাগ্রগণ্য উইল্সন

^{(9) &}quot;He who conquered the earth from the source of the Ganges as far as the well-known bridge, which was constructed by the enemy of Dasasya, from the river of Luckicool, as far as the habitation of Boroon, who going to subdue other princes, his young horses meeting their females at Kamboge, they mutually neighed for joy."

^(8) কাম্বোজাঃ সমরেসোচুং তক্ত বীর্য্যমনীধরাঃ।
গজালানপরিক্লিষ্টেরকোট্যে সার্দ্ধমানতাঃ॥
তেষাং সদশভ্যিষ্ঠা স্কলা দ্রবিণরাশয়ঃ।
উপদা বিবিশুঃ শখরোৎসেকাঃ কোশলেশ্বরং॥"

৪ সর্গ রঘুবংশ।

^{(¢) &}quot;Trusting to his wisdom, the king of Gour for a long time enjoyed the country of the eradicated race of Ootkola, of the Hoons of humbled pride, of the kings of Dravir and Goorjas whose glory was reduced, and the universal sea-girt throne.'

সাহেব ম্যাকেঞ্জি সংগ্রহের প্রস্তাবনায় লিখিয়াছেন যে কল্ভিন্ সাহেব যে অমুশাসন পত্র প্রাপ্ত হন তদ্ধে নির্ণীত হয় যে চোরঙ্গ গঙ্গাবংশের আদিপুরুষ নহেন; যিনি কলিঙ্গে প্রথম উপস্থিত হন, তাঁহার নাম অনস্তবর্দ্মা বা কোলাহল; তিনি গঙ্গা-রাটীর অর্থাৎ গঙ্গাসন্নিহিত তমোলুক ও মেদিনীপুর প্রদেশের অধিপতি ছিলেন। এই ঘটনা প্রীষ্ঠীয় একাদশ শতাব্দীর শেষভাগে ঘটে। (৬)

বাঙ্গালিরা বিদেশ বিজয় করিয়াছিল, ইহা একপ্রকার সপ্রামাণ হইল। এক্ষণে আমরা দেখাইব যে, বখ্ তিয়ার খিলিজির নবদ্বীপ প্রবেশের সঙ্গে সঙ্গেই সেনবংশের রাজত্ব শেষ ও বাঙ্গালার স্বাধীনতাসূর্য্য অন্তমিত হয় নাই। মিনহাজই সিরাজ্ব বঙ্গালের আসিয়া বখ্ তিয়ার খিলিজির কোন কোন সঙ্গীর মুখে ১২০৩ খ্রীষ্টাব্দের বঙ্গবিজয় বৃত্তান্ত শ্রবণ করিয়াছিলেন; "তবকৎইনসিরী" নামক গ্রন্থে ইহা তিনি লিপিবদ্ধ করিয়াছেন। উক্ত গ্রন্থ ১২৬০ খ্রীষ্টাব্দে লিখিত; উহাতে লাক্ষণেয় সেনের পলায়ন বর্ণনা করিয়া মিনহাজ বলেন যে, "রায় লাক্ষণেয় সঙ্কনট ও বঙ্গাভিমুখে চলিলেন, সেখানে তাঁহার মৃত্যু হয়। তাঁহার পুত্রগণ অভাপি বঙ্গদেশের অধিপতি আছেন।" (৭) বাস্তবিক বখ্ তিয়ার কেবল লক্ষ্ণাবতী বা গৌড় প্রদেশ অধিকার করেন; পদ্মার অপর পার্শ্ববর্তী প্রকৃত বঙ্গদেশ জয় করিতে পারেন নাই। (৮) আরবী-পারসী-বিভাবিশারদ রক্ম্যান সাহেব লিখিয়াছেন যে, "বখ্ তিয়ার খিলিজি সমুদায় বাঙ্গালা জয় করিয়াছিলেন এরূপ বিশ্বাস করা অভ্যায়; তিনি কেবল মিথিলার পূর্ব্ব-দক্ষিণাংশ, বারেন্দ্র, রাঢ়ের উত্তরাংশ, এবং বগড়ির উত্তর-পশ্চিমভাগ

- () "An inscription procured, since Mr. Stirling wrote, by Mr. Colvin, shews that Choranga was not the founder of Gungavansa family, but that the first who came into Kalinga was Ananta Varma—also called Kolahala, sovereign of Gunga Rarhi—the low country on the right bank of the Ganges or Tumlook and Midnapore; this occurred at the end of the eleventh century of our era."
 - P. CXXVIII Wilson's Preface to Mackenzie Collection.
- (9) Rai Lokhmoniya went towards Sanknat and Bengal, where he died. His sons are to this day rulers in the territory of Bengal."

See Elliot's History of India told by her own Historians.

- (b) "Distinct from the country of Lakhnauti is Banga, and in this part of Bengal the descendants of the Lakmaniyah kings of Nadiya still reigned in A. H. 658. or 1260. A. D. when Minhaji siraj, the author of the Tabaqat, wrote his history."
 - H. Blochmann's Geography and History of Bengal.

অধিকার করিয়াছিলেন। বিজিত প্রদেশ উহার প্রধান নগরী হইতে লক্ষ্মণাবতী নাম প্রাপ্ত হইয়াছিল।" (৯) "তবকৎইনসিরীতে" এবং মুসলমান রাজত্বকালের প্রথম শতাব্দীর কোন মুদ্রাতে স্বর্গ-গ্রামের নামোল্লেখ না থাকাতে, ১২৬০ খ্বঃ অব্দে বঙ্গ সেনবংশীয় রাজাদিগের হাতে ছিল, মিন্হাজের এই উক্তির সমর্থন হইতেছে। "তারিখিবরণি" নামক ইতিহাস গ্রন্থে বুলবনের রাজ্যশাসন সময়ে (১২৮০ খ্বঃ অব্দে) স্বর্ণগ্রাম একজন স্বাধীন রাজার বাসস্থল বলিয়া প্রথম উল্লিখিত দৃষ্ট হয়; কিন্তু তগলকসার সময়ে (১৩২৩ খ্বঃ অব্দে) সোণার গাঁও সাতগাঁয় মুসলমান শাসনকর্তা প্রবেশ করিয়াছে, এবং স্বর্ণগ্রাম, সপ্তগ্রাম ও লক্ষ্মণাবতী এই তিনটি সম্মিলিত প্রদেশের সাধারণ নাম "বাঙ্গালা" হইয়াছে। (১০)

একপ্রকার প্রদর্শিত হইল যে, যদিও ১২০৩ খঃ অব্দে মুসলমানেরা বাঙ্গালায় উপস্থিত হয়, তথাপি সেনবংশ ধ্বংস করিতে তাহাদিগের প্রায় একশত বৎসর লাগিয়াছিল। এক্ষণে আমরা দেখাইব যে, এই ঘটনার পরেও মুসলমানদিগের প্রভূষ এ দেশের কোন কোন স্থলে কখনও সংস্থাপিত হয় নাই এবং কোন কোন স্থলে বহুকালান্তে বদ্ধমূল হইয়াছিল। স্থবিখ্যাত ব্রক্ম্যান সাহেব "বাঙ্গালার ভূর্ত্তান্ত ও ইতিহাস" নামক প্রস্তাবে এতদ্দেশীয় মুসলমান রাজ্যের সীমা সম্বন্ধে যে সকল কথা লিখিয়াছেন, সেই সকলই আমাদিগের প্রধান অবলম্বন।

হন্টর সাহেব বলেন যে বিষ্ণুপুরের রাজারা কখনও মুসলমানদিগের অধীনতা স্বীকার করে নাই। (১১) ব্লক্ম্যান সাহেব এখানকার মুসলমান রাজ্যের পশ্চিম

(>) "It would be wrong to believe that Bakhtyar Khiligi conquered the whole of Bengal, he merely took possession of the south-eastern parts of Mithila, Barendra, the northern portions of Radha, and the north-western tracts of Bagdi. This conquered territory received from its capital the name of Lakhnauti."

Blochmann's History and Geography of Bengal.

(>•) "Minhaj's remark that Banga was, in 1260, still in the hands of Lakhman Sen's descendants is confirmed by the fact that Sunnargaon is not mentioned in the Tabaqat nor does it occur on the coins of the first century of Mahomedan rule. It is first mentioned in the Tarikhi Barini, as the residence, during Balban's reign of an independant Rai; but under Tughluq Shah (A. D. 1323) Sunnargaon and Satgaon which likewise appear for the first time are the seats of Mahomedan Governors, the term Bangalah being now applied to the united provinces of Lakhnauti, Satgaon and Sunnargaon."

See also p. 238, Journal of the Asiatic Society of Bengal, part I. 1873.

(>>) See Hunter's Rural Bengal.

শীমা সম্বন্ধে যাহা লিখিয়াছেন, তাহাতে এই মতের প্রতিপোষকতা হয়। তিনি কহেন, "দৃষ্ট হইবে যে এই সীমাদ্বারা কাহালগাঁর দক্ষিণ হইতে বরাকর পর্যান্ত সমুদায় সাঁওতাল পরগণা, পাচেট, এবং বিষ্ণুপুরের রাজাদিগের রাজ্য, বর্জিত হইতেছে।" (১২)

দক্ষিণ-পশ্চিমে মেদিনীপুর ও হিজ্বলি ১৫৭৬ খ্রীষ্টাব্দ পর্য্যস্ত উড়িষ্যা রাজ্যের অন্তর্গত ছিল। উক্ত বৎসর হিন্দু-সেনাপতি কালাপাহাড়ের প্রভাবে তাহা উৎকল সহ বঙ্গেশ স্থলেমানসাহের হস্তগত হয়। (১৩)

দক্ষিণে আকবরের সময়েও আমরা প্রতাপশালী প্রতাপাদিত্যের নাম শুনিতে পাই। আকবরনামা দৃষ্টে জানা ষায়, স্থন্দরবনের সন্নিহিত প্রদেশে (১৫৭৪) খ্বঃ অন্দে, মুকুন্দ নামে একজন পরাক্রাস্ত স্বাধীন হিন্দু জমীদার ছিলেন। ফরিদপুর সম্মুখস্থ "চর মুকুন্দিয়া" নামক দ্বীপে তাঁহার নামের চিহ্ন অভাপি রহিয়াছে। তিনি দিল্লীর সমাটের একজন সেনানায়ককে নিহত করেন; এবং তদীয় পুত্র শক্রজিৎ জাহাঙ্গীর সাহের প্রতিনিধি বঙ্গীয় শাসনকর্তাদিগকে কর দিতে অস্বীকার করিয়া তাহাদিগকে অনেক কষ্ট দেন। শক্রজিৎ কুচবেহারের রাজার সহিত যোগ করিয়াছিলেন, কিন্তু পরিশেষে সাহজাহানের রাজ্ব সময়ে (১৬৩৬ খ্বঃ অন্দে) বন্দীকৃত ও বিনষ্ট হন। (১৪)

- (>>) "This boundary, it will be seen, excludes the whole of the Santal Parganahs from the south of Khalgaon to the Barakar, Pachet and the territory of the Rajahs of Bishnupur (Bankura.)"
- (50) "I mentioned Mahall, Mandalghat at the confluence of the Rupnarain and the Hughli as the south-west frontier of Bengal. The districts of Midnapur and Hijli (south-east of Midnapur) were therefore excluded. They belonged to the Kingdom of Orissa till A. H. 775, or A. D. 1567, when Suliman, king of Bengal, and his general Kalapahar defeated Mukund Dev, the last Gujptai" G. H. B.
- (58) "When Akbar's army, in 1574, under Munim Khan Khanan invaded Bengal and Orissa, Murad Khan one of the officers, was despatched to south-eastern Bengal. He conquered, says Akbarnama, Sirkars Bakla and Fathabad, and settled there; but after some time he came into collision with Mukund, the powerful Hindu Zemindar of Fathabad and Boshnah, who in order to get rid of him, invited him to a feast and murdered him together with his sons... The name of Mukund still lives in the name of the large island "Char Mukundia" in the Ganges opposite Faridpore... His son Satrjit gave Jahangir's Governors of Bengal no end of trouble and refused to send in the customary peshkosh or do homage at the court of Dhaka. He was in

পূর্ববদ্ধে ত্রিপুরা, ভূপুরা, নওয়াখালি, এবং চট্টগ্রাম বছকাল বিবাদ ভূমি ছিল; প্রীষ্টার সপ্তদশ শতাব্দীর পূর্বে সেগুলি প্রায় ত্রিপুরার ও আরাকানের রাজাদিগের অধিকৃত ছিল। রাজমহল হইতে রাজধানী ঢাকা নগরীতে উঠিয়া আসিবার পরে বাঙ্গালায় মুসলমান রাজ্যের সীমা ফণীনদী পর্যান্ত বিস্তৃত হইয়াছিল, এবং ওরেঞ্জেব বাদসাহের সময়ে চট্টগ্রাম হস্তগত হয়। (১৫) প্রীহট্ট বিজয় ১৩৮৪ খ্রীষ্টাব্দে ঘটে। (১৬) ত্রিপুরা, হিরম্বা বা কাছাড়, জয়ন্তী, খস, গারো এবং কারিকরি পর্ববিতপ্রদেশ, এ সকল মুসলমানদিগের রাজ্যভুক্ত হয় নাই। (১৭) আইন আকবরিতে লিখিত আছে যে "ত্রিপুরা স্বাধীন; ইহার রাজার নাম বিজয় মাণিক। রাজাদিগের সকলের নামেই মাণিক আছে; এবং প্রধান বংশীয়দিগের নামে নারায়ণ আছে।" (১৮)

উত্তর বাঙ্গালার রাজ্ঞগণ এমন পরাক্রাস্ত ছিলেন যে তাঁহারা একপ্রকার স্বাধীনতা সন্তোগ করিতেন। (১৯) যে গণেশ খ্রীষ্টীয় পঞ্চদশ শতাব্দীর প্রারম্ভে বাঙ্গালার সিংহাসনে অধিরোহণ করেন, ওয়েষ্টমেকট সাহেবের মতে তিনি দিনাজপুরের রাজ্ঞা গণেশ। (২০) রঙ্গপুরের উত্তরে কামতা নামে একটি রাজ্য ছিল; secret understanding with the Rajahs of Koch Behar and Coch Halo, and was at last, in the reign of Shahjahan, captured and executed at Dhaka (about 1636. A. D.)" G. H. B.

- (5a) "Tiparah, Bhaluah, Noakhali and District Chatgaon were contested grounds of which the Rajahs of Tiparah and Arakan were at least before the 17th century oftener masters than the Mahomedans. It was only after the transfer of the capital from Rajmahall to Dhaka, that the south-east frontier of Bengal was extended to the Phani River, which was the imperial frontier till the beginning of Aurangzib's reign, when Chatgaon was permanently conquered, assessed, and annexed to Subah Bangalah." G. H. B.
 - (39) "Silhet...was conquered in A. D. 1384." G. H. B.
- (>9) "The neighbouring countries to the east were Tiparah, Kachhar (the old Hirumba), the territories of the independent Rajahs of the Jaintia, Khaseah, and Garo Hills, and on the left bank of the Brahmaputra, the Karibari Hills, the Zemindars of which were the Rajahs of Sosang." G. H. B.
- (35) "Tiparah is independent; its king is Bijai Manik. The kings all bear the name of Manik, and the nobles that of Narain."—

 Ain Akbari.
- (১৯) "The Rajahs of Northern Bengal were powerful enough to preserve a semi-independence in spite of the numerous invasions from the times of Bakhtiar Khiliji." G. H. B.
 - (२0) See Dinajpur Raj in the Calcutta Review.

১৪৯৮ ঞ্রীষ্টাব্দে হোসেন সাহের সময়ে উহা অধিকৃত হয়। (২১) কামতা রাজবংশের তিরোভাবের পরে কোচরাজবংশের প্রাহ্মণ্ডাব হইয়া উঠে; পরিশেষে ১৬৬১ ঞ্রীষ্টাব্দে উরেঞ্জেবের সেনাপতি মিরজুয়া উক্ত প্রদেশ অধিকার করেন। (২২)

এপর্যান্ত যাহা যাহা লিখিত হইল, তাহাতে সপ্রমাণ হইতেছে যে বখ্তিয়ার খিলিজির প্রায় একশত বংসর পরে সেন বংশের রাজ্য ধ্বংস হয়; এবং তদনস্তরও বিষ্ণুপুর, পাচেট্, ত্রিপুরা, জয়স্তী, এ সকল স্থানের রাজ্ঞগণ মুসলমান্দিগের রাজ্ঞ্ব-কালে আপনাদিগের স্বতন্ত্রতা রক্ষা করিয়াছিলেন। এতদ্বতিরিক্ত দক্ষিণ, পূর্ব্ব ও উত্তরে অনেক জমিদার বছকাল স্বাধীন ছিলেন।

এক্ষণে আমরা জমিদারদিগের বিষয়ে কিঞ্চিং বলিব। বিষ্ণুপুর, পাচেট, দিনাজপুর, এই সকল স্থানের রাজারা এবং পূর্বে-দক্ষিণ প্রদেশীয় মুকুন্দ ও শক্তজিৎ জমিদারপদবাচ্য। ইহাতেই ব্ঝাইতেছে যে জমিদারেরা কেবল করসংগ্রাহক রাজকর্মচারী মাত্র ছিলেন না। কিন্তু এ বিষয়ের আমরা অপর প্রমাণ দিতেছি। আইন আকবরিতে লিখিত আছে যে সুবা বাঙ্গালার জমিদারেরা প্রায়ই কায়ন্থ এবং তাহারা ২৩,৩৩০ অশ্বারোহী, ৮,০১,১৫৮ পদাতিক, ১৮০ গজ, ৪,২৬০ কামান এবং ৪,৪০০ নৌকা দিয়া থাকে। (২৩) এরূপ যুদ্ধের উপকরণ যাহাদিগের ছিল, তাহাদিগের পরাক্রম নিতাস্ত কম ছিল না। বাস্তবিক অনেক জমিদারের বিরুদ্ধে সৈন্ত প্রেরণ না করিয়া কর আদায় করা যাইত না। স্থবিখ্যাত পাদরি লং সাহেব ইংরাজ রাজ্যের প্রথম আমলের কাগজপত্রের যে সকল অংশ মুদ্রিত করিয়াছেন, তৎপাঠে জানা যায় যে তখন বর্দ্ধমান, বীরভূম, বিষ্ণুপুর এবং মেদিনীপুরের রাজারা সৈন্ত সংগ্রহ করিয়া তৎকালীন শাসনকর্তাদিগের অনেক কষ্টের কারণ হইয়াছিলেন। (২৪)

১৮২১ খ্রীষ্টাব্দে উড়িয়ার কমিসনর ষ্টর্লিং সাহেব উক্ত দেশের ভূমির স্বস্থ সম্বন্ধে যে মিনিট লিখিয়া গবর্ণমেন্টে পাঠাইয়াছিলেন, তাহাতে পূর্বকালের

⁽२) "Kamata was invaded, about 1498 A. D. by Hasain Shah and legends state that the town was destroyed and Nilamba, the last Kamata Rajah, was taken prisoner." G. H. B.

⁽२२) "The Kamata family was succeeded by the Koch dynasty... Aurangzib's army under Mir Jumblah took Koch Bihar on the 19th December 1661." G. H. B.

⁽২৩) "The Zemindars (who are mostly Koits) furnish also 23,330 cavalry, 801, 158 infantry, 170 elephants, 4,260 cannon and 4,400 boats."
Gladwin's Ain Akbari vol. II.

⁽³⁸⁾ See Selections from Indian Records, edited by the Rev. Mr. Long.

জমিদারেরা কি ছিলেন একপ্রকার স্পষ্ট করিয়া লেখা আছে। ঐ লেখার মর্ম্ম নিমে গৃহীত হইল। (২৫)

"উড়িয়া বন্দোবন্তের সময়ে আক্বরের মন্ত্রিগণ সিংহাসনচ্যুত রাজবংশের প্রধান শাখাগুলির ভরণপোষণের ব্যবস্থা করা ফ্রায় এবং রাজনীতির অমুমোদিত কার্য্য জ্ঞান করিলেন। তঙ্ক্র্য বাস্তবিক উত্তরাধিকারী রামচন্দ্রদেবকে, জমিদার আখ্যা দিয়া, খোড়দা এবং তথা হইতে পুরীসন্নিহিত সাগর পর্য্যস্ত বিস্তৃত চারিটি পরগণা, জমিদারীস্বরূপ প্রদত্ত হইল, এবং এ নিমিত্ত খোড়দার রাজাদিগকে অফাপি উড়িয়ার জমিদার বলে। পূর্ব্বোক্ত আখ্যাসহক্ত রাজবংশের অপর এক ব্যক্তিকে কেল্লা আউলের জমিদারী দেওয়া হইল; এ ব্যক্তি তেলেক্সা মুকুন্দদেবের বংশীয় বলিয়া রাজ্যপ্রার্থী ছিল। কেল্লা পুটিয়া সারক্ষগড় এবং ত্ই তিন পরগণার জমিদারী তৃতীয় একজনকে প্রদত্ত হয়।

"আকবর সাহের রাজ্বত্বের দেড়শত বৎসর পর পর্য্যস্ত এই রাজ্ববংশীয় ব্যক্তিবর্গ এবং পুরুষামুক্রমিক রাজকর্মচারিগণ ব্যতীত আর কেহই কটকে জমীদার

"These descendants of the Royal family and Shewuks, or hereditary officers of state, were the only officially recognized Zemindars in Cuttack for a period of more than a century and a half after the reign of Akbar. Their situations answer to the sense in which the term Zemindar is used by Ferishteh, who invariably speaks of the "Rayan Zemindaran Dukhum," as powerful and formidable chiefs, commanding troops, and possessing forts like the Barons of the middle ages. They succeeded by inheritance, exercised powers of life and death within their lordships or jurisdictions, maintained forces proportioned to their means, and paid, if any thing only a light tribute, as their tenure was that of military service."

Stirling's Minute appended to Mr. Toynbee's History of Orissa.

^{(3¢) &}quot;At the settlement formed by the ministers of Akbar it was considered just and politic to make some provisions for the principal branches of the family of the dethroned Hindu Rajahs. To the actual heir, Ramchunder Deo, therefore, was assigned Khoordah and the four pergunnas extending from thence to the sea at Pooree as a Zemindaree, with the title of Zemindar, and the Rajahs of Khoordah have been in consequence down to the present day styled Zemindars of Orissa. The Zemindaree of Aul or Killa Aul on the eastern side of the district, was granted under the same title to another member of the Royal family who claimed the Raj as descended from the last dependent sovereign Teliga Mokoond Deb, and Killah Puttia Sarrungurh to a third, with the Zemindaree of two or three pergunnahs long since resumed.

বলিয়া রাজধারে স্বীকৃত হইত না। ফেরেস্তা 'দক্ষিণের রায় ও জ্মীদারদিগকে' পরাক্রান্ত, সেনাবলবিশিষ্ট, এবং বহু ছ্র্গাধিকারী বলিয়া বর্ণনা করিয়াছেন, সেই ফেরেস্তা যে অর্থে জ্মীদার শব্দের প্রয়োগ করেন পূর্বোল্লিখিত জ্মীদারদিগের পদ তদসুরূপ ছিল। উত্তরাধিকারের নিয়মান্স্নারে তাঁহারা বিষয় সম্পত্তি পাইতেন; আপন আপন প্রভুষাধীন স্থানে জীবন-মৃত্যু বিধানশক্তি ধারণ করিতেন; সাধ্যান্ত্রন্থ সৈক্য রাখিতেন; এবং যদি কিছু দিতে হইত, অতি সামাত্য করই দিতেন।"

এ পর্য্যস্ত যাহা কিছু লিখিত হইল, তাহাতেই প্রতিপন্ন হইতেছে যে পূর্ব্বকালের জ্বমীদারদিগের মধ্যে কেহ কেহ স্বাধীন ছিলেন, এবং কেহ বা বর্ত্তমান রাজপুতানার করদ রাজাদিগের স্থায় ছিলেন। তাঁহাদিগের সৈম্ম ছিল, গড় ছিল; এবং তাঁহারা স্বত্বাস্থরের বিচার করিতেন ও অপরাধের দণ্ড দিতেন। মুসলমানদিগের সময়ে বাঙ্গালাদেশের অধিকাংশ স্থলে হিন্দু জ্বমীদার ছিল; স্বতরাং প্রায় সর্ব্বত্তই শাস্ত্রের ব্যবস্থা ও হিন্দুসমাজ-প্রচলিত রীত্যন্ত্বসারে শাসনকার্য্য নির্ব্বাহিত হইত। রাজধানী সন্নিহিত স্থান ব্যতীত কোথাও মুসলমানরাজাদিগের সহিত প্রজাদিগের সাক্ষাৎসম্বন্ধ ছিল না।

প্রাপ্ত হাজ্ব দাফিপ্ত

ক্রিকেম নাটক। কলিক াতা বাল্মীকি যথে শ্রীকালীকিছা চক্রবর্তী কর্ত্তুক মুদ্রিত। শকাবদা ১৭১৬। মূল্য ১১ টাকা।

নাট্যোল্লিখিত ব্যক্তিগণ মধ্যে সেকেন্দর সা (Alexander), পুরু (Porus), তক্ষশীল (Taxilus), এফেষ্টিয়ান (Hephostion) ইহারাই প্রধান; মহিলাগণের মধ্যে প্রধানা ঐলবিলা—কল্লুপর্বতের রাণী, এবং অম্বালিকা তক্ষশীলের ভগিনী।

মহাবীর সেকেন্দর সিন্ধুনদী পার হইয়া ভারত-বিজয়ে অগ্রসর হইতেছেন, বিতস্তা নদীতীরে শিবির সংস্থাপন করিয়াছেন। রাণী ঐলবিলা স্বদেশের উদ্ধারার্থ কুতসংকল্প। তিনি অবিবাহিতা, রূপ-গুণবর্তী। প্রচার করিয়াছেন যে, "যে কোন ক্ষজ্রিয় রাজা ফদেশের জন্ম যবনদিগের সহিত যুদ্ধে সর্ব্বাপেক্ষা বীরত্ব প্রকাশ করিবেন, তিনিই তাঁহার পাণিগ্রহণ করিবেন।" মনে মনে পুরুরাজের শৌর্য্য-বীর্য্যে মুগ্ধ হইয়া তাঁহাকে আত্মসমর্পণ করিয়াছেন, এবং তাঁহার দৃঢ় বিশ্বাস আছে যে পুরুরাজ বীরত্বে তদীয় প্রতিজ্ঞা রক্ষা করিবেন। পুরুরাজ এদিকে যথার্থ ই বীরপুরুষ ও ঐলবিলার প্রণয়াকাজ্ফী। তক্ষশীলও ঐলবিলার প্রণয়াকাজ্জী— কিন্তু তক্ষশীল কাপুরুষ এবং স্বীয় ভগিনী অম্বালিকাকে সেকেন্দরে প্রদান পূর্বক নিষ্ণ্টকে রাজ্যভোগ করিতে ইচ্ছুক। এদিকে অম্বালিকাও সেই অসদিচ্ছার প্রতিবন্ধকতাচরণ করিতে ইচ্ছা করেন না। অম্বালিকাকে সেকেন্দর পূর্বে হরণ করিয়া লইয়া গিয়াছিলেন; অম্বালিকা এক্ষণে সেকেন্দরে অমুরক্তা। ভ্রাতা ভগিনী উভয়ে এইরূপ বন্দোবস্ত করিল যে, উভয়ে উভয়ের সাহায্য করিবে। কিন্তু ঐলবিল। তক্ষশীলকে দ্বণা করেন এবং পুরুরাজে একান্ত অমুরাগিণী, স্মৃতরাং এলবিলা ও পুরুরাজ মধ্যে প্রথমে মনোভঙ্গ সাধনার্থ ভ্রাতা ও ভগিনীতে ষড়যন্ত্র করিতে লাগিল। এদিকে সেকেন্দর রাত্রির অন্ধকারে বিভস্তা পার হইয়া আসিলেন। পুরুরাজে ও সেকেন্দরে ছন্দ্র যুদ্ধ হইল। একজন যবন সেনা অস্থায়

আক্রমণ করিয়া পুরুরাজকে আঘাতিত করি**ল। পুরুরাজ বন্দী ও লায়িত।** ষড়যন্ত্রের মন্ত্রণা কতক সিদ্ধ হ**ইল। পুরু এলবিলার প্রণারে সন্দেহ করিঙে** লাগিলেন ও হঠাৎ তক্ষণীলকে বধ করিলেন। পরে সেকেন্দর পুরুর বীরুষে गुरु হইয়া তাঁহাকে মোচন করিলেন, অমালিকাকে গ্রহণ করিলেন না; অমালিকা বীয়া পাপের প্রায়শ্চিত্ত স্বরূপ পুরু ও ঐলবিলার সন্দেহতম্বন পূর্বক তাঁহানের বিশ্ব कविया पिरमान ।

এই উপস্থাসে বৈচিত্র্য আছে। কিন্তু লেখার তাদৃশ বৈচিত্র্য নাই। সকলেই কাটা কাটা কথা কহে। লেখক যে কুতবিগু ও নাটকের রীতিনীতি বিলক্ষণ স্থানেন তাহা গ্রন্থ পড়িলেই বোধ হয়। গ্রন্থখানি বীররসপ্রধান, এবং গ্রন্থে বীরোচিত বাক্যবিষ্যাস বিস্তর আছে বটে, কিন্তু সকল স্থানেই যেন বীররসের খতিয়ান বলিয়া বোধ হয়। যেন সকল কথাতেই গুজুরত ও মারফত লেখা আছে বলিয়া বোধ श्वः। शास्त्रिक ভाব विलाग्ना ताथ श्वः ना। त्क त्यन विलल, त्क त्यन श्विनल, কে যেন সেই কথাগুলি ছাপিয়াছে আর আমরা পড়িলাম। নহিলে অঙ্গ কণ্টকিভ হইল না কেন ? প্রস্থের এই মুর্মভেদকতার অভাবে আমাদের ছঃখ হইয়াছে। পুরুবিক্রম সন্দর্শনে যে অন্তরাত্মা জানিল না তাহাতেই আমাদের হুঃখ হইয়াছে। যাহা হউক, এইরূপ কুতবিগু এবং মার্জ্জিতক্রচি মহাশয়গণ নাটক প্রণয়নের ভার গ্রহণ করেন, ইহা নিতান্ত বাঞ্চনীয়। তাহা হইলে, নিতান্ত পক্ষে বাঙ্গালা নাটকের বর্ত্তমান অল্লীলতা এবং কদর্যাতা থাকিবে না।

कुलीन कुना, अथवा कुमलिनी। खीलक्षीनाताग्रंग ठळ्ववर्धी क्षेपीछ। কলিকাতা। নং ১১ কলেজ স্কোয়ার রায় যন্ত্রে শ্রীবাবুরাম সরকার কর্তৃক মুদ্রিত k মূল্য বার আনা মাত্র।

গ্রন্থকার প্রীলক্ষ্মীনারায়ণ চক্রবর্ত্তী, বঙ্গদর্শনের পাঠকবর্গের নিকট পরিচিত ৷ গতবংসর প্রাবণমাসে আমরা তং-প্রণীত 'নন্দবংশোচ্ছেদ' নাটকের সমালোচনা করিয়াছিলাম ; বৎসরাস্থে আবার তিনি সাহিত্য-সংসারে দর্শন দান করিয়াছেন।

এই নাটকের উপতাস পৌরাণিকী ঘটনামূলক নহে। কুলীন কন্তা কমলিনী আধুনিকী, গল্পটিও স্থতরাং আধুনিক। গল্পটি শুদ্ধ আধুনিক নহে, হাবড়ার ঈশ্বর নাপিতের মোকদামামূলক। 'যে ভয়ে পলাও তুমি, সেই দেবী আমি।' এই সকল সামাজিক নাটককে আমরা ভয় করি: আর বঙ্গীয় কবিগণ আমাদিগকে জ্মালাতন করিবার জন্মই যেন. সামাজিক নাটকে দেশ প্লাবিত করিতেছেন। শ্রাবণ মাসে (স্বর্ণলতাকে) বিদায় দিয়াছি আবার শ্রাবণ শেষ না হইতেই 'কমলিনী' উপস্থিতা। আমরা গ্রন্থকারকে একটা কথা জিজ্ঞাসা করি, বঙ্গীয় কুমারীরা কি

ক্মলিনীকে আদর্শ করিয়া নীতি শিক্ষা করিবে ? বাহকে শিবিকা লইয়া আসিয়া ক্মলিনীকে বিলিল গ্রামান্তরে দিননাথের সঙ্গে তাঁহার সাক্ষাৎ হইবে; ক্মলিনী অমনি কাহাকেও কিছু না বলিয়া পিতা মাতার প্রীতি বিশ্বত হইয়া, কুলমান ভয়ে জ্লাঞ্জলি দিয়া শিবিকারোহণ করিলেন! এই উদাহরণ সংক্রামক হইলে বাঙ্গালার উন্নতি হইবে, যাঁহারা এরপে মনে করেন, তাঁহাদিগকে হিন্দু সমাজের সংস্কারক বলিয়া আমরা কখনই এ সমাজের কলঙ্ক করিব না। এইরূপ আচরণের জ্লুই আমরা ক্মলিনীর হুংখে হুংখিত হই নাই। ক্মলিনী যখন কালীবাড়ীতে বিসিয়া আক্রেপ করিয়া বলিলেন :—

"মা তুর্গে কি আমায় দয়া করবেন ? আমি যে মহাপাতকিনী, আমি যে কুল-কলঙ্কিনী, মা! আমি যে মা বাপের মনে ব্যথা দিয়ে এসেছি!" তথন আমরা মনে মনে বলিলাম, "তোমার জ্বন্য তুঃখ করিব কি ? তুমি মেয়ে ভাল নও, এখন আপনার পাপের ফল আপনি ভোগ কর।" কিন্তু ভৈরবেশ্বরী পূজকের পত্নী মনোরমা নিকটে ছিলেন, তিনি বোধ হয়, আমাদের মত সামাজিক নাটক পড়িয়া পড়িয়া হৃদেয় কঠিন করেন নাই, স্বুতরাং তিনি সাম্বনা বাক্যে বলিলেন:

"আর কেঁদ না মা চুপ কর, তুমি ত আর আপনার ইচ্ছায় আসনি তবে তোমার দোষ কি ? চুপ্কর।" কিন্তু কমলিনীর মন ইহাতে প্রবোধ মানিল না; কমলিনী হৃদয়োচ্ছাসে বলিয়া উঠিলেন:

"মা, আমার দোষ নয়, অমন কথা বোল না, আমি যে দিমুর কাছে যাব বলে, ইচ্ছা করেই পাল্কিতে উঠেছিলাম, আমার পাপের যে সীমা নাই মা, আঃ মাগো কোথা রৈলে, এজন্মে আর কি তোমার পা ত্থানি দেখতে পাব, মা ?" এত তুঃখ দেখিয়া এত আক্ষেপেও আমাদের চক্ষে জল আসিল না।

কুলীনকুমারীই হউন আর বংশজ ছহিতাই হউন, যিনি এখনকার 'পবিত্র প্রণয়ের' অন্থরোধে কুলত্যাগ করেন, তিনি বিলাতের সিলিং নবেলিষ্টগণের কাছে সুখ্যাতি পাইতে পারেন; আমরা তাঁহার প্রশংসা করিব না।

আর নাটকের নায়ক দিননাথ আগামী বর্ষে আইনে পরীক্ষা দিবেন, ভাঁহাকেও ছটা কথা বলি।

দিননাথ (স্বগত)। "আমাদের প্রণর অপবিত্র নর—লালসাসম্ভূত অচির-জ্বাতও নর, তবে আমি কমলকে কেন না বিবাহ করিব ?" ইত্যাদি।

দিননাথের এ যুক্তিতে আমরা অনুমত নহি। আবেগসন্ধুক্ষণ অপরিণত বয়সে কি কেহ বলিতে পারে, কোনু চিন্ত-চাঞ্চল্যটি লালসাসম্ভূত অচিরক্ষাত, আর কোন্টি স্বার্থসাধন শৃষ্ম ? কেহ বলিতে পারুক আর নাই পারুক আমরা বেশ বলিতে পারি, দিননাথ ভাহা বলিতে পারেন না। দিননাথ নিতান্ত অপরিপক্ষ দিননাথ বালক বলিলেই হয়; যে দিননাথ প্রণয়িনী বিচ্ছেদে একেবারে জ্ঞানশৃষ্ম হয়েন, যাঁহার ভরল বৃদ্ধি লোপ পায়, বাতৃলভা আক্রমণ করে সে দিননাথ কি আপনার চিন্তাবেগ পরীক্ষা করিতে পারে ? কখনই না। দিননাথ বঙ্গীয় যুবকের আদর্শ নহে। কমলিনী কুমারীবর্গের অমুকরণীয়া নহেন। নাটকখানিতে বিলাভী সভ্যভা প্রবিষ্ট হইয়াছে, নাটকখানি ভাল নহে।

ज्ञीन वर्व : वर्छ जर्था



পঞ্চম প্রস্তাব—রাজন্মবর্গ

🛂 শাধিপতিগণ দেববংশজ, দেবাবতার বা দেবদত্ত ক্ষমতাযুক্ত এবং তাঁহারাই নিয়ন্তা ও তাঁহাদের বাক্যই নিয়ম, এই বিশ্বাস ও বিষয় সম্বন্ধে খ্রীষ্টীয় শকের মধ্যম কালীয় ইউরোপথণ্ডের ইতিহাস পর্য্যালোচনা করিলে, দেখা যাইবে যে পূর্ব্বাপর উহা প্রজা সাধারণের কিরূপ হৃদয়ঙ্গম হইয়াছিল এবং রাজারা উহা লোক-ফ্রদয়ে প্রবেশ করাইবার জ্বন্থ কিরূপ চেষ্ঠা পাইয়াছিলেন। আধুনিক ঐতিহাসিক সময়ের প্রারম্ভে দেখা যায় যে জন্মণির জঙ্গলে কতকগুলি বর্ববরজাতি বাস করিতেছে। তাহারা অস্থির, দূঢ়কায়, সভত দ্বস্থপ্রিয় এবং দম্যুর্ত্তি লালসায় একজনের আহুগত্য স্বীকার করিতেছে। যাহার অহুগত হইতেছে, তিনি প্রথমতঃ আধিপত্য হেতু, দ্বিতীয়তঃ ওডিন (বুধ) বা তীস্কো ইত্যাদি দেববংশজাতম্ব হেতু তাহাদিগের নিকট ভক্তি উপহার গ্রহণ করিতেছেন। অতএব জর্মাণির জঙ্গলেই ইউরোপীয় রাজদেবছভাবের সূত্রপাত হইয়াছিল, কিন্তু অতি সঙ্কুচিতভাবে। পরে ইহারা যখন দস্ম্যবৃত্তির অমুসরণক্রমে ধ্বংসপ্রায় রোমকভূমে অবতীর্ণ হইল এবং খ্রীষ্টধর্ম গ্রহণ পূর্ববক আধিপত্য বিস্তার করিতে লাগিল, তখন খ্রীষ্টীয় ধর্মগ্রন্থের মর্মান্স্সারে রাজারা আপন আপন ক্ষমতায় দেবছভাব সংযোজিত করিতে ব্যস্ত হইয়া উঠিলেন। এই ব্যস্ততার সূত্রপাত মিরো-বিঞ্জীয় রাজাদিগের আমল হইতে হয়। কিন্তু অপরিচিত ভূভাগে, অপরিচিত ধর্ম্মে পরিণত সহচর বর্ববেরা সে মর্ম্মে প্রবেশ করিতে অক্ষমতাবশতঃ, এবং ওডিন প্রভৃতি পূর্ব্ব পূর্ব্ব দেবশ্রেণীতে ভক্তিচ্যুত হওয়ায়, এখন রাজাকে কেবল দস্ম্যবৃত্তির অধিনায়কস্বরূপ দেখিতে লাগিল। স্থতরাং মিরোবিঞ্জীয়দিগের চেষ্টা ফলবতী হইতে পায় নাই। কার্লোবিঞ্জীয় রাজাদিগের সময়েও এই চেষ্টা আরম্ভ হয়, কিন্তু নৃতন আকারে। এবং শেও পেপিন হট্ট ল এবং চার্লস মার্টেল পর্যান্ত প্রজাগণের বিশ্বাসে রাজা কেবল বলাধিনায়ক মাত্র ছিলেন।

ইতিহাসে অল্পজ্ঞান যুক্ত ব্যক্তিও জ্ঞাত আছেন বোধ হয়। খ্রীষ্টীয় দশম শতাব্দীর শেষভাগে এই ক্ষণপ্রতিষ্ঠিত দেবস্বভাবের উপর ভক্তির অনেক হ্রাস হওয়াতে, রাজতম্ব ছন্নছাড়া হইয়া যায় এবং তদ্বিনিময়ে ফিউডাল প্রথা পুষ্ট হইতে আরম্ভ হয়। এই ফিউডাল প্রথাই ইউরোপের উন্নতিপথের পথদর্শক স্বরূপ।

া রাজার দেবস্থভাবে বিশ্বাস প্রজাদিগের অত্যাচার সহিষ্কৃতার এবং হেয় প্রকৃতি প্রাপ্ত হওয়ার এক প্রধানতম কারণ; এবং সেই দেবত্বে বিশ্বাসাবিশ্বাসের প্রকার এবং তারতম্য প্রজাবর্গের চিত্তবৃত্তির এবং অবস্থার উন্নতি বা অবনতির আংশিক পরিচায়ক, ও ভাবী উন্নতি বা অবনতির আংশিক ভাবে ভবিষ্যৎজ্ঞাপক। এই নিমিত্ত এতিছিয় কিঞ্চিৎ সবিস্তারে আলোচিত হইতেছে। ভারতে বৈদিক সময় হইতে রাজারা দেবাবতার। মানব ধর্মশাস্ত্রকারের মতে—

"ইক্রানিল যমার্কাণামগ্রেশ্চ বরুণস্য চ।
চক্রবিত্তেশয়োশ্চৈব মাত্রা নিহাত্য শাখতী ॥৪।
বালোষপি নাবমন্তব্যো মহন্ত ইতি ভূমিপঃ!
মহতীদেবতাছেয়া নররূপেণ তিষ্ঠতি॥৮।"

মহ ৭ম আ।

ইন্দ্র, অনিল, যম, অর্ক, অগ্নি, বরুণ, চন্দ্র এবং কুবের ইহাদিগের সারভূত অংশ লইয়া রাজার সৃষ্টি হইয়াছে। রাজা বালক হইলেও সাধারণ মহুয়া জ্ঞানে তাঁহাকে অসম্মান করিবে না। যেহেতু তিনি মহাদেবতা নররূপে অবস্থান করিতেছেন।—

বাল্মীকির সাময়িক—

"পূজনীয়ন্চ মাক্তন্চ রাজা দগুধরো গুরু:। ইন্দ্রস্যেব চতুর্ভাগঃ" ইত্যাদি।

তর কাণ্ড-প্রথম দর্গ।

— যেহেতু রাজা ইন্দ্রের চতুর্থাংশের অবতার, এ নিমিত্ত তিনি পূজনীয়, মাননীয়, দণ্ডধর এবং গুরু। ইত্যাদি।—

পুনশ্চ আরণ্যকাণ্ডে চন্থারিংশ সর্গে, রাবণকে সীতাহরণে উদ্পত্ত দেখিয়া, তাহা হইতে নিবারণ করিবার নিমিত্ত মারীচ কতকগুলি প্রবোধবাক্য কহায়, রাবণ কুদ্ধ হইয়া যাহা বলিয়াছিল তাহার সারমর্ম এই।—"আমি তোমাকে আমার বাক্যের দোষগুণ বিচার করিতে বলি নাই, কেবল তোমার সাহায্য চাহিয়াছিলাম, অতএব আমার প্রতি তোমার এতগুলি বাক্য প্রয়োগে ধুষ্টতা প্রকাশ করা হইয়াছে

1911

এবং অতি অক্সায় হইয়াছে, যেহেতু রাজ্ঞা সর্ববসময়ে ও সর্বব অবস্থাতেই পুজনীয়, কারণ—

"পঞ্চরপাণি রাজানো ধারয়স্ত্যমিতৌজসঃ। অগ্নেরিক্রস্য সোমস্য যমস্য বরুণস্য চ॥"

>২।৩।৪॰

রাবণের বাক্য দ্বারা এখানে ইহাও প্রতীতি হইতেছে যে, এই দেবছরপ বিশ্বাসের আশ্রায়ে রাজারা কতদূর স্পর্দ্ধাযুক্ত হইতে পারেন। ইতিবৃত্তও সাক্ষ্য দিতেছে যে, যেখানে এই বিশ্বাস দৃঢ় প্রবল, ও প্রজাকর্তৃক বাধা দান শিথিল হইয়া আইসে, সেইখানেই রাজা দারুণ দান্তিক হইয়া উঠেন। আর্য্যগণের দীর্ঘাধিপত্যের মধ্যে ভারতের দিতীয় জেমসের স্থায় একইভাবে উৎপন্ধ-স্বভাব-বিশিষ্ট অনেক রাজা হইয়াছিলেন তাহার সন্দেহ নাই, কিন্তু জেমসকে দূরীকারক প্রজার স্থায় প্রজাও ভারতে ছিল না এমন নহে। আক্ষেপের বিষয় এই যে, ভারতীয়েরা দূরীকরণের ফলের তেমন মর্শ্মপ্ত ছিলেন না।—অত্যাচারের নিমিত্ত একজন রাজ্যবিচ্যুত হইলে, তাহার উত্তরাধিকারী কিঞ্চিৎ সদ্গুণ দর্শাইলেই, প্রজাবর্গ তাঁহাতে তাহাদের কল্পনায়ন্থ রাজদেবন্ধভাবৈর পরিচয় পাইল জ্ঞান করিয়া, ভবিশ্যতের পক্ষে অদূরদর্শিতাভাবে সন্দেহবিহীন হইয়া, পূর্ববৃৎ শাস্ত এবং নিশ্চেষ্ট ভাব অবলম্বন করিত।

বাল্মীকির সাময়িক আর্য্যেরা কথিত মত, নিরস্তর অত্যাচার সহ্য করিতেন না। এবং রাজার দেবছ ভাব, আর্য্যাধিপত্যের অস্থান্থ সময়ের সহ তুলনে অপেক্ষাকৃত সন্ধীর্ণ ভাবে তাঁহাদের মনে অবস্থান করিত। রাজার ঐ দেবছ কিরপ বন্ধন বিযুক্ত হইলে এ সময়ে অনর্থ উৎপত্তি হইত তাহা দেখা কর্ত্তব্য। রাবণ দান্তিকতা প্রকাশ করিলে, মারীচ তাহার প্রতি কহিতেছে, যেহেতু "রাজমূলোহি ধর্মান্চ যশান্চ," স্থতরাং যাহাতে তিনি মুপথভ্রষ্ট না হয়েন এজ্বন্থ সকলে তাঁহাকে সাবধান করিবে। রাজা স্বেচ্ছাচারী হইয়া অসৎপথে পদার্পণ করিলে, সৎস্বভাব মন্ত্রীরা তাঁহাকে রক্ষা করিবেন, কারণ তাঁহার মতিচ্ছের ঘটিলে সর্বসাধারণ ত্র্দিশাপর হইতে পারেন। যে রাজা অতি উগ্রস্বভাব, অবিনীত ও প্রতিকৃল, তিনি রাজ্যশাসনে অক্ষম। এবং যিনি অসৎ মন্ত্রীর সহ রাজকার্য্য পর্য্যালোচনা করেন তিনি বিনষ্ট হয়েন। (১) পুনশ্চ—

"তীক্ষমন্নপ্রদাতারং প্রমন্তং গর্বিতং শঠম্। ব্যসনে নাভিধাবন্তি সর্ববভূতানি পার্থিবম্॥ ১৫

⁽১) কিরূপ কার্য্যে রাজার দেবত্ব দূর হয়, এবং রাজা কিরূপ শান্তির যোগ্য বা বশবর্ত্তী ছইতে পারেন, তৎসম্বন্ধে মহার মত সংহিতার সপ্তম অধ্যায়ে দ্রষ্টব্য।

অভিমানিনমগ্রাহ্মশাস্থ্যসম্ভাবিতং নরম্। ক্রোধনং ব্যসনে হস্তি স্বন্ধনোহপি নরাধিপম্॥" ১৬৩৪১

তীক্ষ্ব অর্থাৎ অমাত্যাদি সকলের প্রতি উগ্রস্বভাব, কপণ, প্রমন্ত, গর্বিত ও শঠ রাজা বিপদে পতিত হইলেও কেহ তাহার সহায়তায় উন্নত হয় না। অভিমানী, অগ্রাহ্য এবং আপনাতেই সকলগুণের সম্ভব এরূপ ভাবযুক্ত এবং যিনি নিতান্ত কুন্ধ, বিপদে স্বন্ধনেও তাঁহার সংহার করিয়া থাকে।—ইত্যাদি।

যথায় রাজ্বদেবত্বে বিশ্বাস, যথায় রাজ্বতন্ত্র শাসনের উপর প্রক্তিবর্গের আন্থা, তথায় রাজ্বাদের শিক্ষা কিরূপ হওয়া উচিত, এবিষয়ে কাহার কিরূপ মত তাহা বলিতে পারি না। রাডিমীর মনোমেকস মৃত্যুকালীন পুত্রগণকে উপদেশ দিয়াছিলেন "ব্রত, উপবাস, মঠাশ্রম প্রভৃতি দ্বারা রাজ্ঞা স্মরণীয় হয়েন না, তাহার উপায় কেবল কার্য্য।" এ উপদেশের সফলতা যে শিক্ষার উপর নির্ভর করে তাহার সন্দেহ নাই।

বৃটন্দীপ যখন উন্নতির পথস্পর্শ করিতে অগ্রসর হইয়াছে, যখন তাহার জনৈক অধীশ্বর সমবেত প্রজাগণের মধ্যে একমাত্র তিনি নাম স্বাক্ষরে সক্ষম বলিয়া পাণ্ডিত্যাভিমান করিতেছেন, ভারত তখন পার্থিব গৌরবের শেষ সীমা অবলোকন করিয়া অধ্যপতিত হইয়াছে। সেখান হইতে বাল্মীকির সময় অনেক দূর, অনেক পুরাতন; রোম তখন গর্ভশয্যাশায়ী, গ্রীকেরা তখন কি করিতেছিল তাহা স্মরণ হয় না! তখন ভারতের রাজবর্গ কি করিতেন? অপরিসীম ক্ষমতা যাঁহাদের হস্তে ক্যন্ত, যাঁহারা দেবাবতার, তাঁহারা কিরপ গুণবান্ হইলে লোকের মনঃপৃত হইত ? অস্ততঃ লোকে সম্ভাবিত বলিয়া কি প্রত্যাশা করিত ?

"সর্ব্ববিষ্যাত্রতন্নাতো যথাবৎ সান্ধবেদবিৎ ॥" ২০১১ •

এই রাজাদিগের বিভাবত্তা, এই রাজাদিগের গুণবত্তা। সর্ববিভার ভাব সম্পূর্ণরূপে আয়ত্ব করা সাধ্যাতীত। এ কালের সর্ববিভার ভাব সম্যক্ প্রকারে হউক বা আংশিকই হউক, তৃতীয় প্রস্তাবে আলোচিত হইয়াছে। তারা; বালীর নিকট রামের গুণবর্ণনন্থলে কহিতেছেন.

"আর্জানাং সংশ্রয়ন্চৈব যশসনৈচকভাজনঃ। জ্ঞান বিজ্ঞান সম্পন্নো নিদেশে নিরতঃ পিতৃঃ॥ ধাতৃনামিব শৈলেক্রো গুণানামাকরো মহান্।" ৪।১৫

—বিপদ্নের গতি, এক মাত্র যশের ভাজন, জ্ঞান ও বিজ্ঞান সম্পন্ন এবং পিতৃআজ্ঞার বশবর্তী, হিমালয় যেরূপ সমস্ত ধাতুর আকর, তিনিও তদ্রপ গুণসমূহের আকর স্থান। পুনশ্চ দশরথের পুত্রবর্গ শিক্ষা প্রাপ্ত হইয়া কিরূপ গুণসম্পন্ন হইয়াছিলেন, তৎসম্বন্ধে এরূপ ক্থিত হইয়াছে।

"সর্ব্বে বেদবিদঃ শ্রাঃ সর্ব্বে লোকহিতে রতাঃ॥ ২৫
সর্ব্বে জ্ঞানোপসম্পন্নাঃ সর্ব্বে সমূদিতাগুণৈ।
তেষামপি মহাতেজা রামঃ সত্যপরাক্রমঃ॥ ২৬
ইষ্টঃ সর্ব্বস্য লোকস্থ শশান্ধ ইব নির্ম্বলঃ।
গজকংন্ধহর্ষপৃঠেচ রথচব্যাব্ সম্মতঃ॥ ২৭
ধমুর্বেদে চ নিরতঃ পিতুঃ শুশ্রমণে রতঃ।" ১১৮

—সকলেই বেদবিদ্ শ্র এবং লোকহিতে রত ও জ্ঞান এবং গুণসম্পন্ন হইয়াছিলেন। ইহাদের মধ্যে রাম সত্য পরাক্রম মহাতেজোবস্ত এবং নির্মাল শশাস্কের স্থায় সর্ববিজন মনোরঞ্জক হইয়াছিলেন। তিনি গজস্কন্ধে ও অশ্বপৃষ্ঠে আরোহণক্ষম এবং রথচর্য্যায় ও ধন্তুর্বেদে পারদর্শী ও পিতৃসেবা পরায়ণ হইয়াছিলেন।—

পুনশ্চ---

"শীলবৃদ্ধৈজ্ঞ'নবৃদ্ধৈর স্বোবৃদ্ধৈশ্চ সজ্জনৈ: ।
কথ্যমানস্তানৈ নিত্যমন্ত্রযোগ্যাস্তরেম্বপি ॥ ১২
শ্রেষ্ঠংশাস্ত্রসমূহের্ প্রাপ্তোব্যামিশ্রকের্ চ।
অর্থধর্মোচ সংগৃহ স্থপতরো ন চালস: ॥ ২৭
বৈহারিকাণাং শিল্পানাং বিজ্ঞাতার্থ বিভাগবিৎ ।
আরোহে বিনয়ে চৈব যুক্তো বারণ বাজিনাম্ ॥ ২৮
ধম্বর্বেদ্বিদাং শ্রেষ্ঠো লোকেংতির্থ সম্মতঃ ।
অভিযাতা প্রহর্তাচ সেনানায় বিশারদঃ ॥" ২৯।২।১

—অন্ত্রাভ্যাস কালীন অবসর যাহা পায়েন, তাহাও বৃথা নষ্ট না করিয়া শীলবৃদ্ধ, জ্ঞানবৃদ্ধ, ও বয়োবৃদ্ধ এরপ সজ্জনগণের সহিত সদালাপ করিয়া থাকেন। শ্রেষ্ঠ শাল্র সমূহ ও প্রাকৃতাদি ভাষা মিশ্রিত নাটকাদিতে পারদর্শী। তিনি অনলস হইয়া অর্থ ও ধর্ম্মের সংগ্রহ করিয়া অর্থাৎ সংগ্রহ কার্য্যের সহ অবিরোধভাবে স্থকামনা করিয়া থাকেন। বিহারকালীন শিল্প সমস্ত অর্থাৎ গীতবাছা চিত্র কর্মাদিতে এবং অর্থবিছায় স্পুন্টু। হস্তী এবং অস্থে আরোহণ ও তাহাদিগকে শিক্ষাদান কার্য্যে পারগ। ধয়্মুর্বিদ্দিগের শ্রেষ্ঠ ও লোকে অতিরথ বলিয়া মান্ত। বিপক্ষ সৈত্যাভিমুখে গমন, সংহারকরণ এবং সৈত্য সমাবেশ কার্য্যে পারদর্শী।—

রাজাদিগের প্রথম রাজকার্য্যে প্রবেশ সময় কিরূপ শিক্ষায় শিক্ষিত হইয়া কিরূপ উপদেশে উপদিষ্ট হইয়া প্রবেশ করিতে হয়, তৎসম্বন্ধে রামের যৌবরাজ্যে · অভিষেক প্রস্তাবে দশরথ কর্ত্বক রামের প্রতি যে উপদেশ প্রদন্ত হইয়াছে, তাহা উদ্ধৃত করা যাইতেছে।

> "ভূরোবিনয়মাস্থায় ভব নিত্যং জিতেব্রিয়: 18২ কামক্রোধসমূখানি ত্যজন্ম ব্যসনানিচ। পরোক্ষয়া বর্ত্তমানে বৃত্যা প্রত্যক্ষয়া তথা ॥৪০ অমাত্য প্রকৃতীঃ সর্বাঃ প্রজাশ্চৈবায়রঞ্জয়। কোষাগারায়ৢধাগাবৈঃ কৃষা সন্নিচয়ান্ বহুন্ ॥৪৪ ইস্তায়রক্তঃপ্রকৃতিব্যঃ পালয়তি মেদিনীম্। তন্ত্য নন্দতি মিত্রাণি লক্ষানৃত্যিবামরাঃ।"৪৫

—নিরস্তর সর্ববেভাবে বিনয়ী এবং জিতেন্দ্রিয় হইবে। কামক্রোধসহচর ব্যসন সমুদায় পরিত্যাগ করিবে। পরোক্ষাপরোক্ষ অবলম্বন পূর্ববিক কোষাগার ও আয়ুধাগার পূর্ব করিয়া অমাত্যবর্গ এবং প্রজাবর্গের প্রিয় হইবে ও চিত্ত-রঞ্জন করিবে। বিনি এরপ ইষ্টান্থরক্তপ্রকৃতি হইয়া রাজ্যপালন করেন, তাঁহার মিত্রবর্গ অমরগণের অমৃতলাভের ন্যায় আনন্দলাভ করেন।—(২)

বাল্মীকির বর্ণনায় রামের তাৎকালিক চিত্তায়ত্ব রাজগুণোৎকর্ষের পরাকাষ্ঠা প্রদর্শিত হইয়াছে। রাবণ তেমনই রাজদোষবিশিষ্ট। বোধ হয় যে কিছু উৎকৃষ্ট রাজগুণ বাল্মীকি মনে ধারণা করিতে পারিয়াছিলেন তাহা রামে আরোপ করিয়াছেন, আবার তেমনি যে কিছু রাজদোষ, তাহা রাবণে আরোপিত হইয়াছে। এমন স্থলে রাবণের গুণভাগ আলোচনা করিয়া কথিত রামগুণের পার্শ্বে স্থাপিত করিলে, প্রকৃতভাব উপলব্ধি করা সহজ হইয়া আইসে। তৃতীয় প্রস্তাবে প্রদর্শিত হইয়াছে যে এই সময়ে সংস্কৃত মৃত হইয়া শিক্ষিত ভাষায় পরিণত হইয়াছে, স্মৃতরাং শিক্ষা ভিন্ন সে ভাষায় প্রবেশাধিকার নাই এবং বেদাঙ্গ অধ্যয়ন ব্যতীত বেদবিভায় অধিকার হয় না। রামায়ণের স্থানাস্তরে দেখা যায়—

"যদিবাচং বদিষ্যামি দ্বিজাতিরিব সংস্কৃতাম্। সেরমালক্ষ্য রূপঞ্চ জানকী ভাষিতঞ্চ মে॥ রাবণং মক্তমানা মাং পুনস্ত্রাসং গমিস্বতি।" ৫।২৯

হন্নমান্ অশোকবনে জানকীকে দেখিতে পাইয়া কিরূপে তাঁহার সম্ভাষ করিবেন, তাহা মনে মনে চিন্তা করিতেছেন যে—যদি আমি দ্বিজ্ঞাতিগণের স্থায় সংস্কৃত বাক্য কহি, তাহা হইলে আমার (অনার্যাঞ্জাতিত্ব হেতু) এই রূপে, এরূপ

(২) এই প্রস্তাবেতে উদ্ধৃত এই অংশ, ইহার পূর্ব্বগত ও পরস্থিত অনেক উদ্ধৃত অংশ অবিকল স্লোকাম্যায়ী অম্বাদ না করিয়া, পরিস্ফূট করণার্থে টীকাকারের ভাব অনেক স্থানে অম্বাদ মধ্যে গৃহীত হইয়াছে। এ নিমিত্ত মূলাংশ দীর্ঘ হইলেও উদ্ধৃত করা গেল। উচ্চ ছিলাতি ভাষার সম্ভব দেখিয়া, জানকী আমাকে মায়ারূপধারী রাবণ মনে করিয়া ত্রাসযুক্ত হইতে পারেন ৷—পুনশ্চ পরিব্রাহ্মকরূপী রাবণ সীতা হরণার্থে কুটীর ছারে উপনীত হইয়া—

"দৃষ্ট্। কামশরাবিদ্ধো ব্রন্ধবোষ মুদীরয়ন্।" ১৪।৩।৪৬ "ব্রন্ধবোষং ব্রাহ্মণন্ধপ্রত্যভিজ্ঞানায় বেদবোষমূদীরয়ন্ কুর্বন্।"—রামাহজ ।

অতঃপর রাবণ অনেকক্ষণ ব্রাহ্মণ ভাবে সেই কুটারে সীতার সহিত কথাবার্তা কহিয়াছে এবং তাহাকে ব্রাহ্মণ বলিয়াই সীতার প্রতীত হইয়াছে। রাবণ অনার্য্য, রাবণ রাক্ষস, রাবণ দেবছেমী, রাবণ বেদপ্রতিপাদক ধর্মের বিরোধী, রাবণ যজ্ঞহস্তা, রাবণ পাপাবতার; তথাপি রাবণ যুদ্ধবিছায় রামের সমকক্ষ, সংস্কৃত ভাষায় স্থপণ্ডিত, বেদবিছায় অভ্যস্ত, এবং হিন্দু ধর্মশাস্ত্রের এরপ গৃঢ় মর্মজ্ঞাত যে পরিব্রাজক রূপ ধরিয়া, যতক্ষণ না সীতাকে আত্মপরিচয় প্রদান করিয়া ছিল, ততক্ষণ সীতাকে তাহার ব্রাহ্মণত্বে ভ্রান্তময়ী করিয়া রাখিতে সক্ষম হইয়াছিল। এ সকলের ছারা সুন্দররূপে অমুভূত হয় যে সেই সময়ে রাজাদের মধ্যে কেহ কদাচ মূর্য থাকিতেন। প্রায় সকলেই নানা শাস্ত্রে পণ্ডিত হইতেন। (৩) যদি বা কাহার কাহার কার্য্য নীতি-শাস্ত্রামুসারী সর্ব্ব সময়ে না হইত, কিন্তু তাহা বলিয়াই যে সেই সকল শাস্ত্র সম্পূর্ণরূপে তাঁহাদের দর্শনবহিন্ত্ তি ছিল এমন বিশ্বাস হয় না। বোধ হয়, স্থযোগ পাইলে, তাঁহারা ইচ্ছা করিয়াই নীতিশাস্ত্রের বিধি অনেক সময়ে অবহেলা করিতেন। মনুষ্য প্রকৃতিই এইরূপ!

অতি আক্ষেপের বিষয় সন্দেহ নাই যে রাজারা সুশিক্ষিত হইয়াও সময়ে সময়ে শুরুতর পাপে লিপ্ত হইতেন। সুশিক্ষিত হইলেও নীতিপথে সামাস্য ব্যতিক্রম ক্ষমাযোগ্য, লোকেও সচরাচর ক্ষমা করিয়া থাকে। যদিও সাধারণ একজন লোকের কথিত নীতিপথে সামাস্য ব্যতিক্রমের ফল, এবং দেশের শুভাশুভ যাহার উপর নির্ভর করে এরপ একজনের তথাবিধ ব্যতিক্রমের ফল, স্বতম্ত্র হইবার সম্ভব,—সামাস্য এক ব্যক্তির দোষে সমাজ দৃশ্য বা অদৃশ্য ভাবে হউক, অমুভবনীয় বা অনমুভবনীয় ভাবে হউক অতি অল্পই ক্ষতিগ্রাস্ত হইতে পারে, কিন্তু একজন রাজ্যেশ্বরের সেই দোষে হয় ত সমাজ বিশৃঙ্খল হইয়া যায়;—তথাপি দূর ব্যবধানে স্থিত দর্শকের চক্ষে উভয়ই সমান ক্ষমাযোগ্য হইতে পারে, তাহার চক্ষে উভয়ই মমুয়প্রকৃতি। কিন্তু যে দোষ অতি শুরুতর বলিয়া খ্যাত, যাহা কেবল স্বার্থে কৃত, যাহা অশিক্ষিত হর্জনেও কদাচ সম্ভব, এরূপ বা তথাবিধ দোষে শিক্ষিত লিপ্ত হইলে, তাহা অতি স্থিণিত এবং কদাচ ক্ষমাযোগ্য নহে। শিক্ষিত ব্যক্তি যদি আবার এরূপ হয়েন,

৩। মহুসংহিতার সপ্তম অধ্যারে রাজাদিগের শিক্ষাবিষয় দ্রষ্টব্য।

বে যিনি মানবীয় সম্ভাবিত বা তত্বচ্চতর অভাবকেও জয় করিয়া উপরে অবস্থিতি করেন, তাঁহাকে সেই সেই দোষ সম্ভাবিত হইলে পূর্ব্বক্থিতাপেক্ষা বছগুণে পাপী বলিয়া ধরা যায়। বাল্মীকির সময়ে এরূপ পাপের পাপী রাজপরিবারে বোধ হয় নিতাম্ব কম ছিল না, যেহেতু ভাতায় ভাতায়, পিতাপুত্রে, বিরোধ বিজোহ, তদামুষঙ্গিক ইত্যাদি পাপময় ব্যাপারের অনেক উল্লেখ দেখা যায়। অবশ্যই এ পাপ নানা কারণে উৎপত্তি লাভ করিত কিন্তু সেরূপ কারণ সাধারণ মানবমগুলীতে প্রায় ছই একজন মধ্যস্থের করায়ত্ব।

এতদ্বাতীত দেখা যায় যে বাল্মীকি স্থানে স্থানে কহিয়াছেন, (৩)২ ইত্যাদি), রাজারা বঞ্চনাচতুর, বিশ্বাসের ভাণ করিয়া স্থযোগমতে বিনাশ করে, অত্যস্ত কপটাচারী এবং বিশ্বাসঘাতক ইত্যাদি। ইহা অতি নীচপ্রকৃতির কার্য্য তাহার সন্দেহ নাই। আর্য্য রাজাদিগের এ স্বভাব অতি ঘুণাস্পদ। কিন্তু আশ্চর্য্যের বিষয় এই যে, যে সময়ে ধর্মের এবং ধর্মযুদ্ধের এত গৌরব, শিক্ষার এত আদর, বীর্য্যবান্ ও তেজ্ব:সম্পন্ন-ব্যক্তি সমাজের অলঙ্কার বলিয়া গণ্য, সেখানে এরূপ স্বভাব কেন এবং কেমন করিয়া প্রবেশ করিল ? ওরূপ স্বভাব ত অধ্যপতিত, নিরাশগ্রস্ত, পদে পদে দলিত, এমন সমাজেরই সম্পত্তি এবং অস্ত্র!—তাৎকালিক আর্য্যদিগের এরপ স্বভাবযুক্ত হওয়ার অস্থান্য কারণ থাকিতে পারে, কিন্তু পরি-দৃশ্যমান এই একটি কারণ পাওয়া যায়।—আর্য্যরাজাদিগের পরস্পরের মধ্যে অতি অল্পই কলহ হইত। ইহাদিগের সহিত নিরম্ভর দম্পুত্রে সম্বন্ধ কেবল অনার্য্য-দিগের ছিল। তাহারা নিরক্ষর, উচ্চভাবরহিত-চিত্ত, তেজোম্ভবস্থায় পথের তত্ত্বে অনভিজ্ঞ, সম্মুখ শক্রতায় অপারগ, অথচ তাহাদের আর্য্যদিগের প্রতি শক্রতা করিবার ইচ্ছা বিষম বলবতী। কাজে কাজেই ইহারা নিরম্ভর কপটাচরণ করিয়া আর্য্যগণকে জ্বালাতন করিত। আর্য্যগণও যে বিষে বিষ, সেই বিষে নির্বিষ করিতে গিয়া, সময়ে উহা তাঁহাদিগের স্বভাব স্বরূপ হইয়া দাঁড়াইয়াছিল।

রাজকুমারেরা সিংহাসন আরোহণের পূর্ব্ব হইতে বিবাহ করিতে আরম্ভ করিতেন। (৪) ক্রমে একটি একটি করিয়া অনেকগুলি হইত। (৫) রাজারা ক্ষত্রিয়, বৈশ্য ও শুদ্র এই তিন জ্বাতির কম্মাই (৬) বিবাহ করিতে পারিতেন।

⁽ ৪) বিবাহ কার্য্য কিরূপে সম্পন্ন হইত এবং তাহার আমুষ্যকিক বিষয় সমন্ত, গৃহধর্ম্ম প্রস্তাবে কথিত হইবে।

⁽৫) রাজা প্রজা উভয়েরই মধ্যে বহুবিবাহ-প্রথা বৈদিক কাল হইতে প্রচলিত হইয়া আসিয়াছে। ঋথেদের গা>৮া২, ১া১০৫া৮ প্রভৃতি দ্রষ্টব্য।

⁽৬) মহু ৩১৩। ব্রাহ্মণের চারিঙ্গাতির ক্সাই বিবাহযোগ্য। ক্ষ**ত্রি**য়ের স্বস্পাতি হইতে নিমে তিনজাতি অর্থাৎ ক্ষত্রিয়, বৈশ্ব ও পুদ্রকন্তা বিবাহযোগ্যা। বৈশ্বেরা ঐরপ আত্ম

ভাহাদিগকে যথাক্রমে মহিনী, বাবাতা, ও পরিবৃত্তি কহিত। সন্ত্রীক রাজকুমারেরা পৃথক্ রাজগৃহ আশ্রায় না করিয়া, রাজপুরমধ্যে পৃথক্ পৃথক্ অন্তঃপুরে বাস করিতেন। রামায়ণের এক স্থান হইতে অন্তঃপুরের বর্ণনা উদ্ধৃত করা যাইতেছে। তাহার দ্বারা উহার ভাব জ্ঞাপিত হইতে পারে। দশরথ কৈকেয়ীকে রামাভিষেকের সম্বাদ দিবার নিমিত্ত অন্তঃপুরে প্রবেশ করিয়া (২।১০।১২-১৬) দেখিলেন, কুজ ও বামনাকার স্ত্রীলোক সকল উহার চতুর্দিকে রহিয়াছে। শুক, ময়ুর, ক্রোঞ্চ ও হংসকলরব করিতেছে। বাছ্ম বাদিত হইতেছে। লতাগৃহ ও চিত্রিত গৃহসকল শোশ্তা পাইতেছে। যাহা প্রতিনিয়ত পুষ্প ও ফল প্রদান করিয়া থাকে, এই বৃক্ষ এবং চম্পক ও অশোক সকল শ্রেণীবদ্ধ হইয়া আছে। গজদন্ত, ম্বর্ণ ও রোপ্যের বেদি ও আসন প্রস্তুত রহিয়াছে। দীর্ঘিকা সকল অতি সুন্দর। মহারাজ দশরথ সেই নানাবিধ অন্ধপানে ও মহামূল্য অলঙ্কারে পরিপূর্ণ সুরপুরপ্রতিম সুসমৃদ্ধ স্বীয় অন্তঃপুরে প্রবেশ করিয়া।" ইত্যাদি।—হে। (৭)

রাজ্ঞারা বৃদ্ধাবস্থা প্রাপ্ত হইলেই প্রায় পুত্রকে রাজ্যভার প্রদান করিয়া, ধর্মকামনায় বনপ্রবেশ করিতেন। ২।২—রাজপুত্রদ্বের অভিষেকের পূর্ব্বাহেন অধীনস্থ ক্ষুদ্র রাজ্ঞাদিগের, রাজ্যস্থ প্রধান প্রধান ব্যক্তির ও রাহ্মণগণের সম্মতি গৃহীত হইত। কিন্তু পিতাপুত্রে, প্রাতায় প্রাতায় রাজ্য লইয়া বিবাদ বিসম্বাদের উল্লেখ থাকায়, অনুমান হয় যে ওরূপ সম্মতি গ্রহণ করা কেবল নামে মাত্র এবং ঐ সম্মতির উপর নৃতন অভিষেক অল্পই নির্ভর করিত। যাহা হউক ক্ষীণতা সত্ত্বেও প্রথাটি প্রশংসনীয় এবং প্রার্থনীয়। নানা কারণে উহার ধ্বংস না হইলে, সময়ে অনেক স্মুফল ফলিতে পারিত। বুটনের "বিজ্ঞ" ইতি খ্যাত যে সমাজ, দিনামার রাজ্ঞা-দিগের নিরন্তর পদানত থাকিয়া, তাহাদের ভালমন্দ সকল বাক্যই অনুমোদন করিয়াছে, সময়ে তাহাই মহাসভা রূপে পরিণত হইয়া এরূপ প্রভাপান্থিত হয় যে, তাহার প্রতাপে তৃতীয় জর্জ চোখের জলে ভাসিয়া হানোবরে যাইয়া শান্তিলাভ করিতে উৎস্কুক হয়েন।

হইতে নিম্নে ঘুই জাতির অর্থাৎ বৈশ্য ও শুদ্র কন্তা বিবাহ করিতে পারিত। শুদ্রের কেবল শুদ্র কন্তা বিবাহযোগ্যা। নীচজাতি আপনা হইতে উচ্চ জাতির কন্তা গ্রহণে অক্ষম। পুনশ্চ ঐতরেয় ব্রাহ্মণভায়ে "রাজ্ঞাংহি ত্রিবিধাঃ স্ত্রিয়ঃ। উত্তম মধ্যমাধ্মজাতীয়াঃ। তাসাং মধ্যে উত্তমজাতেঃ ক্ষত্রিয়ায়াঃ মহিনীতি নাম। মধ্যমজাতেবৈশ্যায়াঃ বাবাতেতি। অধ্মজাতেঃ শুদ্রায়াঃ পরিবৃত্তিঃ।"

(৭) এই অংশ পণ্ডিত হেমচক্র ভট্টাচার্য্য কর্তৃক অমুবাদিত। যথায় যথায় উক্ত পণ্ডিত ক্বত অমুবাদ গৃহীত হইবে, তথায় তথায় তাহা জ্ঞাপনার্থে অমুবাদ ভাগের শেষে "হে" চিহ্ন দেওয়া থাকিবে।

অনস্তর অভিষেকযোগ্য রাজকুমার নিরূপিত হইলে, অভিষেকের যেরূপ আয়োজ্বন হইত, তাহা নিম্নোদ্ধৃত অংশ হইতে প্রতীত হইবে। ২।৩—"স্থবর্ণ প্রভৃতি রত্ন সমুদায়, পৃঞ্জার জব্য, সর্কোষধি, শুক্রমাল্য, লাজ, পৃথক্ পৃথক্ পাত্রে মধু ও ঘ্বত, দশাযুক্তবন্ত্র, রথ, সমস্ত অন্ত্র, চতুরঙ্গ বল, স্থলক্ষণাক্রান্ত হস্তী, চামরন্বয়, ধ্বজ্ঞদণ্ড, পাণ্ডুবৰ্ণ ছত্ৰ, শতসংখ্যক হেমময় অত্যুজ্জল কুস্ত, সুবৰ্ণদৃঙ্গসম্পন্ন ঋষভ, অখণ্ড ব্যান্ত্রচর্ম্ম এবং অস্থান্থ যাহা কিছু আবশ্যক, তৎসমুদায়ই প্রাতে মহারাজ্ঞার অর্গ্রিহোত্র গৃহে সংগ্রহ করিয়া রাখ। মাল্য, চন্দন ও স্থগন্ধিধৃপে রাজ-প্রাসাদ ও সমস্ত নগরের দ্বারদেশ স্থশোভিত কর। বছসংখ্যক ব্রাহ্মণের অভিমতও পর্য্যাপ্ত হইতে পারে, এরূপ দধি ও ক্ষীরমিশ্রিত স্থুদৃশ্য ও স্থুসংস্কৃত অন্নসম্ভার, ঘৃড, লাজ ও প্রভুত দক্ষিণা প্রভাতে বিপ্রগণকে সমাদর পূর্ব্বক প্রদান করিও। কল্য সূর্য্যোদয় মাত্র স্বস্তিবাচন হইবে। এক্ষণে ব্রাহ্মণগণকে নিমন্ত্রণ ও আসন সকল প্রস্তুত কর। গায়িকা গণিকা সকল স্থুসঙ্গ্রিতা হইয়া প্রাসাদের দ্বিতীয় কক্ষে অবস্থান করুক। দেবতায়তন এবং চৈত্যসমূদয়ে অন্ন ও অন্যান্য ভক্ষদ্রব্য ও দক্ষিণার সহিত গন্ধপুষ্প প্রভৃতি পূজার উপকরণ দারা দেবপূজা কর। বীরপুরুষেরা বেশভূষা করিয়া স্থদীর্ঘ অসিচর্ম ও ধমুদ্ধারণ পূর্ব্বক উৎসবময় অঙ্গনমধ্যে প্রবেশ করুক।"—হে

তাহার পর অভিষেক ক্রিয়া সম্পন্ন হইলে, যেরপে রাজদৃশ্যের আড়ম্বর হইত, তাহা অভিষেকের নির্দ্ধারিত দিনে রামের রাজভাব কিছুমাত্র না দেখিয়া, বিশ্বয় বশতঃ সীতা রামের প্রতি যে প্রশ্নগুলি করিয়াছিলেন, তাহাতে উপলবির হইবে। ২।২৬—"শতশলাকারিচত শ্বেতছত্রে তোমার এই সুকুমার মুখকমল কেন আর্বত নাই! শশাঙ্ক ও হংসের স্থায় ধবল চামর যুগল লইয়া ভৃত্যেরা কি নিমিত্ত ইহা ব্যজন করিতেছে না! স্থত, মাগধ ও বন্দিগণ প্রীতমনে মঙ্গল-গীত গান করিয়া আজ কৈ তোমার স্পতিবাদ করিল! বেদপারগ বিপ্রেরা স্নানাস্তে কেন তোমার মস্তকে মধু ও দিধি প্রদান করেন নাই! গ্রাম ও নগরের প্রজাবর্গ প্রধান প্রধান সমস্ত পারিষদ্ বেশভ্ষা করিয়া অভিষেকান্তে কি কারণে তোমার অনুসরণ করিলেন না! সর্ব্বোৎকৃষ্ট পুপ্ররথ চারিটি সুসজ্জিত বেগবান্ অশ্বে যোজিত হইয়া কি নিমিত্ত তোমার অত্রে ধাব্মান্ হইল না! মেঘেয় স্থায় কৃষ্ণবর্ণ পর্ববাকার স্বদৃশ্য স্থলক্ষণাক্রান্ত হস্তী কেন তোমার অত্রে নাই! পরিচারকেরা স্বর্বনির্শ্বিত ভন্তাসন স্বন্ধে লইয়া কৈ তোমার অত্রে আগমন করিল!"—হে

রাজাদিগের প্রাতঃকালে শয্যা ত্যাগ করিয়া উঠিবার পূর্ব্বে, কিরূপ আড়ম্বর হইত তাহা নিম্নোদ্ধৃত অংশদারা প্রদর্শিত হইতেছে। ২০৬৫—"রাত্রি প্রভাত হইয়া গেল। প্রাতঃকালে সুশিক্ষিত স্থত, কুলপরিচয়দক্ষ মাগধ, ডন্ত্রিনাদ নির্ণায়ক 296

গায়ক ও স্কৃতিপাঠকগণ রাজভবনে আগমন করিল এবং স্ব স্থ প্রণালী অমুসারে উচ্চৈংস্বরে রাজা দশরথকে আশীর্বাদ ও স্কৃতিবাদ করিয়া প্রাসাদ প্রতিধ্বনিত করিতে লাগিল। পাণিবাদকেরা ভূতপূর্ব্ব ভূপতিগণের অভূত কার্য্যসকল উল্লেখ করিয়া করতালি প্রদানে প্রবৃত্ত হইল। সেই করতালি-শব্দে বৃক্ষশাখায় ও পিঞ্জরে যেসকল বিহঙ্গ বাস করিতেছিল, তাহারা প্রতিবৃদ্ধ হইয়া কোলাহল করিয়া উঠিল। পবিত্রস্থান ও তীর্থের নামকীর্ত্তন আরম্ভ হইল, বীণাধ্বনি হইতে লাগিল। বিশুদ্ধান চার সেবানিপুণ বহুসংখ্যক স্থীলোক ও বর্ষবর প্রভৃতি পরিচারকগণ আগমন করিল। স্নান বিধানজ্বেরা যথাকালে স্বর্ণকলসে হরিচন্দনস্থরভিত সলিল লইয়া উপস্থিত হইল। বহুসংখ্যক কুমারী ও সাধ্বী স্ত্রীরা মঙ্গলার্থ স্পর্শনীয় বেণু, পানীয় গঙ্গোদক এবং পরিধেয়বস্ত্র ও আভরণ আনয়ন করিল। প্রাতঃকালে নুপতির নিমিত্ত যে সমস্ত পদার্থ আহত হইল, তৎসমুদায়ই স্থলক্ষণ, স্থন্দর ও উৎকৃষ্টগুণসম্পন্ধ; সকলে সেই সকল জব্য লইয়া সূর্য্যোদয়-কাল পর্য্যন্ত রাজদর্শনার্থ উৎস্কুক হইয়া রহিল।"—হে।

অনন্তর রাজারা শয্যা হইতে উত্থান পূর্ব্ক, পূর্ব্বাহ্নিক কার্য্যসমূদায় সমাধা করিয়া মন্ত্রী ও অপরাপর অমাত্যবর্গ সহ রাজকার্য্যে প্রবৃত্ত হইতেন। ১।৭—মন্ত্রী আটজন, (৮) ইহারা ব্রাহ্মণ ভিন্ন অন্ত জাতীয়। এই অন্ত জাতির মধ্যে শৃদ্র স্থান পাইত কি না তাহা রামায়ণে ব্যক্ত নাই। (৯) কিন্তু ইহাদের যেরূপ গুণাবলি কথিত হইয়াছে, তাহা তৎসাময়িক কঠোর শাসনাধীন শৃদ্রে সম্ভব নহে। স্থানান্তরে কথিত হইয়াছে হন্মমান্ স্থগীবের মন্ত্রী, কিন্তু এ উভয়ই বানরজাতি, অনার্য্য, স্থতরাং আর্য্যশাস্ত্রে অধিকার নাই, অথবা থাকিলেও বেদে কখনই ছিল না। কিন্তু হন্মমান্ স্থগীবের আজ্ঞামত রামের নিকট দৌত্যকার্য্য সম্পাদন করিলে, রাম লক্ষ্মণের নিকট হন্মমানের প্রশংসা করিয়া কহিতেছেন,

"নানৃথেদবিনীতক্ত নাযজুর্বেদধারিণঃ। নাসামবেদবিত্বঃ শক্যমেবং বিভাষিত্ম ॥

(৮) "মৌলান্ শাস্ত্রবিদঃ শুরান্ লব্ধ লক্ষান্ কুলোগদতান্। সচিবান্ সপ্তচাষ্ট্রী বা প্রকুর্ববীত পরীক্ষিতান্॥" ৫৪

মহুণ আ।

রামায়ণের সাময়িক বন্দোবত্ত অধিক উন্নত বলিয়া বোধ হয়। মহ এই নিযুক্ত মন্ত্রীদিগকে ব্রাহ্মণদের সহিত পরামর্শ করিতে বাধ্য করিয়াছেন মাত্র, কিন্তু রামায়ণে কথিত আটজন মন্ত্রী ব্যতীত নিযুক্ত ব্রাহ্মণ-মন্ত্রী এবং ঋত্বিক্ ছিলেন, ইঁহারা সকলে মিলিয়া কার্য্য করিতেন।

(৯) মহুসংহিতা সপ্তম অধ্যায়—মন্ত্রীদিগের সহংশব্দাতত্বের উপর এত আগ্রহ প্রকাশ করিয়াছেন যে, তাহাতে শৃদ্রেরা বিনা উল্লেখেই বহিভূ'ত হইয়াছে বদিয়া বোধ হয়।

ন্যাং ব্যাকরণং ক্লমনেন বছধা শ্রুতম্। বছব্যাহরতানেন কিঞ্চিদপশন্তিম্॥" ৪।৩

- —ঋক্, যজুং ও সাম এই বেদত্রয় যাহার বিদিত নহে, সে এরূপ বাক্য বলিতে অশক্ত। ইনি নিশ্চয়ই পদার্থস্বরূপ নির্ণয়োপযোগী স্থায়, সাহিত্য, ব্যাকরণ অনেকবার শ্রবণ করিয়া থাকিবেন, কারণ এতবাক্য কহিলেন, কিন্তু একটিও অপশক্ষ ইহার মুখ হইতে নির্গত হইল না—
- এখন দেখা যাইতেছে হনুমান্ অনার্য্য বানর হইলেও বেদবিভা এবং ব্যাকরণ শাস্ত্রে স্থপণ্ডিত। ইহার দ্বারা কি এরূপ বোধ হয় যে আর্য্যব্যতীত শৃদ্ধ প্রভৃতি নীচ ন্ধাতিরাও মন্ত্রিদ্ধ কার্য্যদক্ষতার উপযোগী বেদ ও নীতিশাস্ত্রে শিক্ষিত হইতে পারিত, এবং তাহাদের সে শিক্ষা ফলে পরিণত হইত ? বোধ হয় না। তবে কি চতুর্দ্দিকে জ্বাতীয় শাসনে কঠোরতাসত্ত্বেও বাল্মীকি ভ্রমপ্রমাদে পতিত হইয়াছেন ? তাহাও নহে। উক্ত বাক্যদ্বারা মন্ত্রীদিগের বিভাবত্তার কতক পরিমাণে পরিচয় পাওয়া যাইতেছে এই মাত্র, তদ্ব্যতীত আর কিছুই উপলব্ধি হয় না। তবে যে এরূপ বিভাবত্তা অনার্য্য বানর হন্তুমানের প্রতি বাল্মীকি আরোপ করিয়ছেন, তাহা বোধ হয় হন্ত্র্মান্ দেব অংশ, পবনপুত্র এবং নারায়ণরূপী রামের ভক্ত বলিয়া।

কথিত আটজন মন্ত্রীর সকলেই বীর পুরুষ, নানা শাস্ত্রবিদ্, মন্ত্রজ্ঞ, ইঙ্গিতজ্ঞ, হিতেরত, অর্থবিদ্, লোকপ্রিয়, যশস্বী এবং স্থবক্তা। ইহারা যুক্তকরে রাজপার্শে দণ্ডায়মান থাকিয়া যথাসস্তব উপদেশ প্রদান করিতেন। তদ্ভিন্ন ছই জন মুখ্য শ্লেষিক এবং সাত জন ব্রাহ্মণ-মন্ত্রীও থাকিতেন এবং তাঁহারা রাজকার্য্যে পরামর্শ দান করিতেন। স্বদেশ এবং বিদেশবার্ত্তা জ্ঞাপনার্থে দৃত নিয়োজিত থাকিত এবং শার্লেমানের সাময়িক প্রথার স্থায় রাজকর্মচারীদিগের কার্য্য গোপনে অনুসন্ধানের নিমিত্ত এবং প্রকাশ্যে পর্য্যবেক্ষণের নিমিত্ত গুপ্তচর ও চরসকল নিযুক্ত থাকিত। ৩৬১১১, ২৭৫২৫ ইত্যাদি—

রাজ্ঞারা প্রজাগণের নিকট ষষ্ঠাংশ (১০) কর গ্রহণ করিতেন। কোন কোন বিশেষ দ্রব্যের উপর ভিন্নহারে কর আদায় হইত অথবা সমস্ত বস্তুর উপরেই ষষ্ঠাংশ হারে কর আদায় হইত, ইহার কোন স্পষ্ট উল্লেখ নাই। সমস্ত অথবা যে বস্তুর উপরেই ষষ্ঠাংশ হারে কর গৃহীত হউক না কেন, উহা সেই সময় বিবেচনা

(১০) মহুর সঙ্গে সাদৃশ্য দেখা যাউক। সংহিতা ৭।১৩০—১৩২—অক্সান্ত দ্রব্যের যঠাংশ কর নির্ণয় করিয়া, কেবল পশু ও স্থবর্গলাভের উপর পঞ্চাশ ভাগের এক ভাগ, এবং কৃষিকর্দ্ম দারা উৎপন্ন দ্রব্যের উপর তারতন্য বিবেচনা অনুসারে ছর আট বা দাদশ অংশের এক অংশ রাজা লইতেন। করিলে, ছর্বহ ভাহার সন্দেহ নাই। কেহ কেহ কহেন যেখানেই করভার অধিক, সেইখানেই সমাজ সেই পরিমাণে উন্নত। এ কথা অন্ত কোথাও থাটিলে খাটিতে পারে; কিন্তু পূর্ববাপর পর্য্যালোচনা করিলে, বাল্মীকির সময়ে সমাজ এতদূর উন্নত হয় নাই, যে ষষ্ঠাংশ করভার অবলীলাক্রমে বহন করিতে সমর্থ। এরপ সমাজে অধ্যশ্রেণী কিরূপ অবস্থায় কাল্যাপন করিত ভাহা অন্থুমান করা সহজ। ফলতঃ সেই সময়ও এই করভার বিবেচনা করিলে, আর্য্যরাজারা সমাজের যে কিছু উন্নতি সাধন করিয়াছিলেন ভাহা সত্ত্বেও তাঁহাদিগকে অবিবেচক বলা যাইতে পারে। যাহা হউক ভারত, তবু আনন্দে কাল কাটাইয়াছে।

করাদান ও বাণিজ্যবিনিময় কিরূপ উপায়ে সাধিত হইত, তাহা যতদূর অবধারণ করিতে পারা যায়, তদালোচনায় প্রবৃত্ত হওয়া যাইতেছে। গ্রীসীয় পুরাবৃত্তে দেখা যায় যে, স্পার্টা নামক বিখ্যাত সাধারণতত্ত্বে লোহখণ্ড এতদর্থে ব্যবহৃত হইত। রোমরাজ্যে রাজ্ঞা সর্বিয়স-তলিয়সের পূর্বের তাম্রখণ্ড ব্যবহৃত হইত, তাঁহার সময় হইতে মুদ্রার প্রচলন আরম্ভ হয়। বুটনদ্বীপে, নর্ম্মাণজাতীয় রাজ্ঞা উইলিয়ম কর্তৃক বৃটন অধিকৃত হওয়ার পূর্বের, যে যাহা উৎপন্ন করিত সে সেই দ্রব্য দ্বারা রাজকর প্রদান করিত। অত্যাপি অনেক অসভ্যস্থানে ঐ প্রথা প্রচলিত আছে। আমাদিগের ঘরের দ্বারে লুসাইজাতি গঙ্গদন্ত, শুক্ষ পশু, গয়াল প্রভৃতি গরুদ্বারা রাজকর প্রদান করিয়া থাকে। (১১) পাশ্চাত্য ভূভাগে ধাতুমুদ্রার প্রাচীনতম উল্লেখ বাইবেল-গ্রন্থে দেখা যায়। তথায় একস্থানে (১২) কথিত আছে যে আব্রাহাম ম্যকফিলার ভূমির মূল্যস্বরূপ এফ্রণকে চারিশত শেকল নামক ধাতু-মুদ্রা প্রদান করিয়াছিলেন। উহা ঐ কালীয় বণিকদিগের মধ্যে প্রচলিত মূদ্রাছিল। যদি বাইবেলের রচনার সময়ের প্রতি লক্ষ্য না করিয়া, বাইবেলে কথিত

⁽১১) গত নুসাই-বৃদ্ধে ধাতুমুদ্রা লইয়া কৌতুকাবহ ঘটনা হয়। দেবগিরি নামক স্থানের ওধারে যে সকল নুসাইজাতি বসতি করে, তাহারা তৎপূর্বে কখনও টাকা দেখে নাই। তাহাদের নিকট হইতে পশু ও কুকুটের বিনিময়ে ইংরেজ পক্ষীয় লোকের দ্বারা একবার ধাতুমুদ্রা প্রদত্ত হওয়ায়, তাহারা সেই প্রথন টাকার মুখ দেখে, কিন্তু দেখিবামাত্র তাহার উপর এত মায়া বসে ও তাহা লাভের ইচ্ছা এত বলবতী হয় যে তখন এক একটি মুরগী এক টাকা করিয়া বিক্রয় করিতে আরম্ভ করে। ইহাতে বিরক্ত হইয়া শেষে কেহ কেহ ডবল পয়সায় পায়া মাখাইয়া টাকা বলিয়া দিতে আরম্ভ করে। তাহারা তাহাও টাকা জ্ঞানে আনন্দে গ্রহণ করিত। ইহারা টাকা লইয়া তাহার চাকচিক্য হেতু গলায় গাঁথিয়া পরিত, তদ্ভিন্ন তাহার অক্সন্ধপ ব্যবহার তাহাদের সিদ্ধান্তে আশিত না।

^{(&}gt;२) Genesis XXIII.

মত আত্রাহামের সময়ও ঐ মুজার প্রচলনকাল গ্রাহ্য করা যায়, তাহা হইলে ঐ মুদ্রা খুষ্টের উনিশ শত বংসর পূর্বে প্রচলিত ছিল। তৎপূর্বে মুদ্রা প্রচলনের আর কোন নিদর্শন পাওয়া যায় না। কিন্তু এই মূদ্রার বিষয় হইাও লিখিত আছে যে. আব্রাহাম যৎকালে এফ্রণকে চারি শত শেকল প্রদান করেন, উহা গণনায় নিষ্পত্তি না হইয়া ওজনের দ্বারা প্রাদত্ত হয়। এ নিমিত্ত বোধ হয় যে উহার প্রত্যেকের পরিমাণের উপর বড় বিশ্বাস না থাকায়, দানাদান কালীন ওঞ্জন-পদ্ধতি গুহীত হইত। স্থতারাং উহা কোন টাকশাল হইতে নির্দ্ধারিত পরিমাণ প্রাপ্ত ছইয়া, ঐ পরিমাণ বরাবর রক্ষার্থে বিশেষ কোন উপায়যুক্ত হইয়া বাহির হইত না। এখন পৃথিবীর মধ্যে প্রাচীনতম গ্রন্থ ঋথেদে এ বিষয়ের কোন উল্লেখ পাওয়া যায় কি না তাহা দেখা কর্ত্তব্য। ঋথেদের বছস্থানে উল্লেখ আছে, একস্থান মাত্র উদ্ধৃত করা যাইতেছে। যথা, "দশোহিরণ্যপিওম্ দিবোদাসাদ্ অসানিষম্।"— ৬।৪৭।২৩। এই হিরণ্যপিও কিরূপ পরিমাণ বিশিষ্ট তাহা ঋথেদ দ্বারা স্পষ্টরূপে জ্ঞাত হওয়া যায় না। অনুমান হয় যে উহা সাদৃশ্যে শেকলের সঙ্গে সমজাতীয় হইতে পারে, অর্থাৎ শেকল পাশ্চাত্য ভূমিতে যে ভাবে যে অবস্থায় চলিত, ভারতে হিরণ্যপিণ্ডের অবস্থা তদপেক্ষা উন্নত বা অবনত বলিয়া বোধ হয় না। তথা হইতে রামায়ণের সময় অবতারণ করিলে দেখা যায় যে এখন আর হিরণ্যপিণ্ডের ব্যবহার নাই, তৎপরিবর্ত্তে স্বর্ব ও নিষ্ক প্রচলিত হইয়াছে। ইহাদের আকার প্রকার বা পরিমাণ (১৩) যদিও রামায়ণে নাই, এবং থাকিবারও কোন আবশুক ছিল না, তথাপি ইহাদের উল্লেখেই অনুমান হয় যে. ইহারা ভিন্ন ভিন্ন পরিমাণ विभिष्ठे ; এবং সর্ব্বদা সেই পরিমাণ রক্ষা করিয়াছে, কারণ যেখানেই উহার দান আদান ক্রিয়া, তথায়ই গণনা দ্বারা সিদ্ধ হইয়াছে, ওজনের দ্বারা কুত্রাপি নহে। এখন জিজ্ঞাস্য যে ইহাদের পরিমাণ সর্ববদা কি উপায়ে রক্ষিত হইতে পারে ?

১৩। স্থবর্ণ ও নিষ্কের পরিমাণ মহসংহিতার এরূপ দেওরা আছে—
সর্বপাঃ ষট্ যবোমধ্যস্তিমবন্ত্তক কৃষ্ণলং।
পঞ্চকৃষ্ণলকো মাষস্তে স্থবর্ণস্ত যোড়শ॥" ১৩৪।
"চতুঃ সৌবর্ণিকোনিষ্ণঃ।" ১৩৭।৮ অ

অর্থাৎ

ইহাতে ব্যবহার সাক্ষ্য দিতেছে যে রাজনিয়মাধীন কোন চিহ্নে মূজার চতুর্দিক চিহ্নিত না হইলে অসৎগণের কোশল হইতে পরিমাণ রক্ষা হয় না। রামামূজ রামায়ণের ২ ।২৩ ।১০ প্লোকের টীকায় লিখিয়াছেন যে "স্বনামান্ধিত নিক্ষ সহত্র।" পূর্বেক্তি অমুমানস্থল না থাকিলে, রামামূজ আধুনিক লোক বলিয়া, তাঁহার কথা হাসিয়া উড়াইয়া দেওয়া যাইত এবং তাঁহার কথায় কখনই বিশ্বাস করিতাম না। 'নামান্ধিত', একাস্তই না হউক কিন্তু কোন চিহ্নে চিহ্নিত ছিল তাহার সন্দেহ নাই। এই অমুমান ইউরোপীয় পণ্ডিতগণের নিকট উপহাসাম্পদ হইতে পারে, কিন্তু ব্যথার ব্যথী আর্য্যসন্তানগণের নিকট হইবে না বোধ হয়। ফলতঃ ডিওমীড় প্রভৃতি হোমারিক ব্যক্তিগণ যখন পশ্বাদি বিনিময় দ্বারা অস্ত্রশন্ত্র ও জব্যাদি খরিদ করিতেন, ভারত সে সময় প্রকৃত মূজাপদে বাচ্য মূজা ব্যবহার করিতেন। (১৪)

রাজ্ঞাদিগের মধ্যে উপহার দেওয়ার নিমিত্ত কিরূপ দ্রব্যাদি ব্যবহৃত ছিল, তাহা কেকয় রাজ কর্ত্তক ভরতকে উপহার প্রদন্ত দ্রব্যাঘারা অনেক পরিজ্ঞাত হওয়া যাইবে। তথায় (২) (৭০) ৪ কথিত হইয়াছে যে উৎকৃষ্ট হস্তী, বিচিত্র কম্বল, মৃগচর্মা, অস্তঃপুরপালিত ব্যাদ্রের স্থায় বলসম্পন্ন বৃহৎকায় করালবদন ক্রুর, ত্ই সহস্র নিষ্ক এবং যোড়শশত অশ্ব ভরতকে উপহার দেওয়া হইয়াছিল।

ভারত এখন প্রাচীন গৌরবের প্রথম পর্য্যায়ের উচ্চতম সোপানে উঠিয়াছেন। এখন রাজ্ঞ্বর্গের তেজস্বিতা অপরিসীম। যদিও উহা ব্রহ্মতেজ্বে এখন কিয়ৎপরিমাণে থর্বগোরব হইয়াছে, তথাপি তেজ সূর্য্যবৎ প্রদীপ্তমান। পূর্বের স্থায় এখন পশুবৎ তেজ নহে, তাহার সহ সদসদ্ বিবেচনা প্রকৃষ্টরূপে মিলিত হইয়াছে। সমাজে এখন বীর্য্যের গৌরব এত অধিক যে রাম এত গুণ-সম্পন্ন হওয়াতেও, বাল্মীকি তাঁহার বল পরীক্ষা ব্যতীত বিবাহ দিতে সক্ষম হইলেন না। সীতা স্ত্রীলোক হইয়াও বীর্য্যগৌরব এতদূর বৃঝিতেন যে, তিনি রাবণ কর্তৃক জয়লের না হইয়া হাত হইয়াছেন বলিয়া, রাবণকে কতই ধিকার দিয়াছিলেন। আবার পরশুরামকে ব্রাহ্মণ জ্বানিয়াও, যদিও রাম ব্রাহ্মণে ভক্তি বশতঃ প্রথমে অস্ত্রত্তোলন করেন নাই, কিন্তু পরশুরাম ভ্রমক্রমে তাহা ভীক্বতা হেতু অর্থাৎ ভীক্বতায়

⁽১৪) প্রিন্দেপ সাহেব যত প্রাচীন মুদ্রা সংগ্রহ করিয়াছিলেন, তাহার মধ্যে তাঁহার Indian Antiquities vol I. পুস্তকে Plate VIIতে বিহাটের নিকট প্রাপ্তমুদ্রার যে সকল ছবি দেওয়া আছে, তাহার মধ্যে প্রথম সংখ্যক মুদ্রা নানা কারণে অন্থমিত হয় যে উহা প্রীষ্টের পাচ শত বৎসর পূর্কের। ঐ মুদ্রারও আকার প্রকারে দেখা যায় যে উহার উভয় পার্ধে ও পৃষ্ঠেছবি ও অক্ষরে অন্ধিত। সত্যই মুদ্রার ওরূপ ভাব ঐ মুদ্রার তারিথ হইতে প্রচলিত হয় নাই। তাহার বহুপূর্ব্ব হইতে চলিত হইয়া আসিয়া থাকিবে বোধ হয়।

অস্ত্রজোলন করেন নাই জ্ঞান করিয়া, যখন ভং সনা করিলেন, তখন রাম ভক্তি-মোহ পরিত্যাগ পূর্ব্বক সদর্পে কহিলেন,

"বীৰ্য্যহীনমিবাশক্তং ক্ষত্ৰধৰ্ম্মেণ ভাৰ্গৰ। অবজানাসি যে ভেজঃ পশ্য মেহদ্য পরাক্রমন্॥"

কি মধুর বাক্য! এবাক্যের কি তখন প্রতিধ্বনি ইইয়াছিল, না প্রতিধ্বনি উহা স্বীয় করগত রাখিয়া আজি পর্য্যস্ত ধ্বনিত করিবার নিমিত্ত সময় প্রতীক্ষা করিতেছেন? তবে কবে হইবে? যেদিন হইবে, সেই না জ্বানি কি স্থাধের দিন! ভারত সস্তানেরা সেইদিন সে মধুর ধ্বনিতে কতই আনন্দ লাভ করিবেন, কতই পোষিত আশা ফলবতী ভাবিয়া মুশ্ধ হইতে থাকিবেন! তাঁহাদের সে স্থাধের চিন্তামাত্রেই আমরা যখন এত সুখী হইতেছি, তখন তাঁহাদের সে সুখ যে কত উন্নত তাহা কে বলিতে পারে!

ইতি পঞ্চম প্রস্তাব।

শ্রীপ্রফুল্লচন্দ্র বন্দ্যোপাধ্যায়




বিখ্যাতনামা বাণভট্টকৃত কাদম্বরী সংস্কৃত-সাহিত্য-সংসারমধ্যে একখানি অমূল্য রত্ব। এই প্রন্থের প্রথম পূর্ববভাগ বা বাণভাগ; দ্বিতীয় উত্তরভাগ বা তত্ত্রনয় ভাগ। গ্রন্থকার ইহা সম্পূর্ণ করিয়া যাইতে পারেন নাই, এজ্ঞ তিনি লোকান্তর গমন করিলে তাঁহার পুত্র শেষভাগ রচনা করিয়া গ্রন্থ সম্পূর্ণ করেন। চার্লস্ ডিকেন্স্ "Mystery of Edwin Drood" নামক তাঁহার শেষ উপন্তাস গ্রন্থ সম্পূর্ণ করিতে না পারাতে, তাঁহার মৃত্যুর পর উহা অসম্পূর্ণ অবস্থায় প্রকাশিত হইয়াছে, এমন কি তাঁহার উপযুক্ত জামাতা বিখ্যাত লেখক উইন্ধী কলিন্স্ও উহার শেষভাগ রচনা করিয়া সংযোজিত করিয়া দিতে পারেন নাই কিন্তু সংস্কৃত সাহিত্য-ভাগুারমধ্যে এতাদৃশ ঘটনা অতি বিরল। কোন সংস্কৃত গ্রন্থ অসম্পূর্ণ অবস্থায় প্রচারিত হয় নাই, স্থতরাং বাণ-পুত্র দেখিলেন, তাঁহার পিতার অপূর্ব্ব কীর্ত্তি লোপ হইবার সম্ভাবনা, এজন্ম কাদম্বরীর শেষভাগ লিখিয়া গ্রন্থখানি চিরস্থায়ী করিয়া দিয়াছেন। উত্তরভাগের রচনা যদিও পূর্ব্বভাগের স্থায় ললিত, মনোহর এবং প্রসাদগুণবিশিষ্ট নহে, তথাপি উপস্থাসভাগ অসংলগ্ন হয় নাই এবং রচনা প্রণালীরও স্থানে স্থানে বিশেষ মধুরতা আছে। বাণতনয়ের গ্রন্থরচনা দ্বারা যশঃস্পৃহা ছিল না এবং তিনি কবিত্বেরও দর্প করেন নাই। গ্রান্থের মুখবন্ধে অতি বিনীতভাবে স্বীকার করিয়াছেন যে, তিনি পিতৃকীর্ত্তি চিরস্মরণীয় করিবার জন্ম উত্তরভাগ রচনা করিয়া দিয়াছেন, এমন কি তাঁহার নাম পর্য্যস্ত প্রকাশ না করিয়া উদারতার একশেষ দৃষ্টান্ত প্রদর্শন করিয়াছেন। তিনি শেষভাগ রচনা না করিলে গ্রাম্থখানির নাম পর্য্যন্ত বোধ করি এতদিন লোপ পাইত; স্মৃতরাং এতাদৃশ কুল-পাবন পুত্রের জন্মগ্রহণ, বাণভট্টের পরম সৌভাগ্যের কারণ হইয়াছিল। কাদম্বরীর প্রারম্ভ শ্লোকমধ্যে বাণভট্ট স্বীয় বংশ বর্ণনা করিয়াছেন, যথা—

> বভূব বাৎস্যায়ন বংশ সম্ভবো দিজো জগদনীতগুণোহগ্রণীঃসভাম্। অনেকভূপার্চিতপাদপঙ্কজঃ কুবের নামাংশ ইব স্বরম্ভবঃ॥

উবাস যক্ত শ্রুতিশান্তকক্ষবে সদা পুরোডাসপবিত্রিতাধরে। সরস্বতী সোমকবায়িতোদরে সমন্তশান্তস্থতিবন্ধরে মুখে॥ ব্দগুর্গু হে গ্রন্থসমন্তবাদ্ময়ৈ: সসারিকৈ: পঞ্চরবর্জিভি: শুকৈ:। নিগৃহ্মানা বটবং পদে পদে যজুংবি সামানি চ যক্ত শক্কিতা:॥ হিরণ্য গর্ভোভূবনাগুকাদিব ক্ষপাকর: ক্ষীরমহার্ণবাদিব। অভূৎ স্থপর্ণোবিনতোদরাদিব দিজন্মনামর্থপতিঃ পতিস্ততঃ ॥ বিবৃহতো যক্ত বিসারি বাত্ময়ং দিনে দিনে শিয়গণা নবা নবা:। উষদুস্থ লগ্নাঃ প্রবণেহধিকাং প্রিয়ং প্রচক্রিরে চন্দনপল্লবা ইব॥ বিধানসস্পাদিতদানশোভিতৈ: ক্রুরক্সহাবীর সনাথ মূর্ত্তিভি:। मरेथत्रमःरेथा त्रब्रां ऋतानाः ऋत्थनत्यां यूपकरेतर्गरेख तिव॥ স চিত্রভাব্যং তনয়ং মহাত্মনাং স্থতোত্তমানাং শ্রুতিশান্ত্রশালিনাস্। অবাপ মধ্যে ক্টিকোপলামলং ক্রমেণ কৈলাসমিব ক্ষমাভূতাম্॥ মহাত্মনো যশ্র স্থানুর নির্গতাঃ কলস্কমৃক্তেন্দুকলামলত্বিয়:। দ্বিষয়নঃ প্রাবিবিশুঃ কুতান্তরা গুণা নৃসিংহস্ত নথাস্কুশা ইব॥ দিশামলীকালকভন্সতাং গতস্বয়ীবধূক্রর্ণত মালা লপন্নবঃ। চকার যন্তাধ্বর ধুমসঞ্জা মলীমসঃ শুক্লতরং নিজং যশঃ॥ সরস্বতী পাণি সরোজ সম্পুটপ্রমৃষ্টহোম শ্রমসীকরান্তস। যশোংহ শুশুক্লীকতসপ্তবিষ্টপাত্ততঃ স্মতোবাণ ইতি ব্যঙ্গায়ত॥

অর্থাৎ অশেষ গুণসম্পন্ন কুবের নামক এক ব্রাহ্মণ বাৎস্থায়ন বংশে উৎপন্ন হইয়াছিলেন। ঐ ব্রাহ্মণ অন্তুত যাজ্ঞিক ও নিরতিশয় পণ্ডিত ছিলেন,(তাঁহার পাণ্ডিত্য ও যাজ্ঞিকতার বিষয় দিতীয় ও তৃতীয় শ্লোকে বর্ণিত হইয়াছে) সেই কুবের হইতে অর্থপতি জন্মগ্রহণ করেন। এই মহাত্মারও প্রচুর পাণ্ডিত্য ছিল। অর্থপতি কেবল পণ্ডিত ছিলেন এমত নহে, অতিশয় যাজ্ঞিক ও বদান্থ ছিলেন। অর্থপতির অনেকগুলি পুত্র জন্ময়াছিল, তন্মধ্যে চিত্রভান্ন অতি ধীর ও গুণবান্ হইয়াছিলেন (৮)(৯) শ্লোকদ্বয়োক্ত বিশেষণ সম্পন্ন চিত্রভান্নর যে তনয় জ্বন্মে, তাঁহার নাম বাণ—



বাণভট্ট গ্রন্থমধ্যে এই মাত্র আপন পরিচয় দিয়াছেন; ইহাতে আমরা কবি-বৃত্তান্ত বিশেষ কিছুই অবগত হইতে পারিলাম না, কেবল তাঁহার পূর্ব্ব পুরুষগণের নাম জানিতে পারিলাম। সারঙ্গধর পদ্ধতি ষষ্ঠ অধ্যায়ের শেষে রাজশেখর ধৃত এই শ্লোকটি দৃষ্ট হয় যথা---

> অহো প্রভাবো বাদেব্যাযন্ মাতঙ্গ দিবাকর:। শ্রীহর্ষস্থাভব সভ্যঃ সমো বাণ ময়ুরয়ো:।

এই শ্লোকে মাতঙ্গ দিবাকর, বাণ ও ময়ুরকে শ্রীহর্ষরাব্দের সভ্য বলা হইয়াছে। বিলোচন কহেন বাণ ও ময়ূর সমসাময়িক কিন্তু মাতঙ্গ দিবাকরের নাম অস্ত কোন গ্রন্থে দেখি নাই। পণ্ডিতবর হলসাহেব তাঁহাকে জৈনাচার্য্য মনাতঙ্গপুরি স্থির করিয়াছেন, এটা প্রামাণিক হইতেও পারে, কেননা, মনাতঙ্গ বাণভট্টের সমকালিক ইহা জৈন গ্রন্থেও দৃষ্ট হইয়া থাকে; এক্ষণে এই তিন জনের আশ্রয়দাতা শ্রীহর্ষ কোন স্থানের নুপতি তাহাই জিজ্ঞাস্ত হইতেছে।

বাণভট্ট হর্ষচরিত-প্রণেতা। কাণ্যকুজাধিপতি হর্ষবর্দ্ধনের সহিত তাঁহার বাল-স্থিতা ছিল, এজ্ব্স তিনি হর্ষচরিতে তাঁহার গুণাবলী বর্ণন করিয়াছেন। হর্ষ-বৰ্দ্ধন ৬০৭ খঃ অঃ হইতে ৬৫০ খ্রীষ্টাব্দ পর্য্যস্ত রাজ্য করিয়াছিলেন কিন্তু চীনদেশীয় লেখক মাতনলিনের মতামুসারে তাঁহার ৬৪৮ খ্রীষ্টাব্দে মৃত্যু হইয়াছিল। স্বপ্রসিদ্ধ চৈনিক বৌদ্ধ পরিব্রাজ্বক হিয়াও সিয়াও হর্ষবর্দ্ধনের রাজ্যশাসন সময়ে কাণ্যকুজে গমন করিয়াছিলেন। আবুরিহান কহেন এই হর্ষবৰ্দ্ধন কর্ত্তক "শ্রীহর্ষ অদ্দ" প্রচলিত হইয়াছিল। এই অব্দ ৬০৭ হইতে ১১০০ খ্রীষ্টাব্দ পর্য্যস্ত কাণ্যকুক্ত ও মথুরায় প্রচলিত ছিল। এই এই কাণ্যকুজাধিপতি হর্ষবর্দ্ধন এবং ইনিই হিয়াঙ সিয়াঙের হর্ষবর্দ্ধন শিলাদিত্য। বাণভট্ট তাঁহার পার্ষদ, স্মৃতরাং তিনি খ্রীষ্টীয় সপ্তশতান্দীর মধ্যে বর্ত্তমান ছিলেন।

ভব্দ এবং নারায়ণ বাণভট্টের সহাধ্যায়ী। তাঁহার গণপতি, অধিপতি, তারা-পতি, এবং শ্রামল নামক পিতৃব্য-পুত্র ছিল। তিনি কিছু দিবস ষষ্টীগুহ এবং মণিপুরে বাস করিয়া কাণ্যকুজ গমন করেন। বাণভট্ট, ময়ুরভট্টের জামাতা। ইহাদিগের উভয়ের সম্বন্ধে একটি গল্প প্রচলিত আছে। ময়ুরভট্ট উজ্জয়িনীবাসী। তিনি এবং বাণভট্ট উভয়ে বৃদ্ধ ভোজের আশ্রয় গ্রহণ করিয়াছিলেন। তাঁহারা ছইজনেই সর্বশান্ত্রদর্শী, এজন্ম পরস্পর বিদ্যা বিষয়ে ঈর্বা করিতেন। একদা তাঁহারা এই বিবাদে প্রবৃত্ত হইলে রাজা তাঁহাদিগকে কাশ্মীরে বিদ্যা পরীক্ষা জন্ম গমন করিতে আজ্ঞা করিলেন। রাজাজ্ঞানুসারে তাঁহারা কাশ্মীরাভিমূখে যাত্রা করিয়া পথিমধ্যে ৫০০ শত বলীবর্দ গ্রন্থভার বহন করিয়া যাইতেছে দেখিয়া পরি-চালককে এ সকল গ্রান্থের নাম জিজ্ঞাসা ফরিলেন, তাহাতে সে কহিল এই ৫০০ শত

বলীবর্দ "ওঁ" শব্দের টীকা বহন করিয়া লইয়া যাইতেছে; এতৎশ্রবণে তাঁহারা গমন করিতে করিতে কিয়দ্দুরে দেখেন, পুনরায় ২০০০ সহস্র বলীবর্দ "ওঁ" শব্দের আর একখানি টীকা বহন করিয়া লইয়া যাইতেছে; তদ্দর্শনে তাঁহারা আপনাদিগকে শত শত ধিকার দিয়া পরস্পরের গর্ব্ব থর্ব্ব করিলেন। তাঁহারা বিশ্রামশালায় উভয়ে নিজাগত হইলে, ময়ুরভট্ট সরস্বতী কর্ত্বক জাগরিত হইলেন। দেবী তাঁহার পাণ্ডিত্যের পরীক্ষা জন্ম প্রশ্ন করিলেন "শত চক্রং নভক্ষলং।" ময়ুর নিমেষমধ্যে তাহান্ন পদ পূরণ করিয়া কহিলেন—

দামোদর করাঘাত বিহবলীকৃত চেতসা। দৃষ্টং চানুরমন্ত্রেন শতচক্রং নভস্থলম॥

এইরূপ সমস্থা পূরণ করিবামাত্র বাণ হুল্বার করিয়া সগর্ব্বে ক্রক্টী কৃটিল করত ঐ সমস্থা ভিন্ন কবিভায় পূরণ করিলেন। দেবী কহিলেন "ভোমরা উভয়েই সংকবি এবং স্থপণ্ডিত, কিন্তু বাণ তুমি গর্বের হুল্পার ধ্বনি করাতে পণ্ডিভোচিত কার্য্য কর নাই। ভোমার গর্ব্ব হ্রাস করিবার জন্ম "ওঁ" শব্দের ব্যাখ্যা দেখাইলাম, এক্ষণে বিবেচনা করিয়া দেখ উক্ত টীপ্লনীকার অপেক্ষা তুমি বিছাবিষয়ে কতদূর হীন। এই তুলনায় সমালোচন সময়ে ভোমার বিছাগোরব থর্ব্ব হইল; অভএব পণ্ডিতগণের বিছার গর্ব্ব করা সর্ব্বভোভাবে অকর্ত্বব্য।" সরস্বতীর বাক্য শ্রবণে উভয়ের চেতন হইল এবং সেই অবধি রাজনিকেতনে প্রভ্যাগমন করিয়া স্থথে বাস করিতে লাগিলেন।

একদিন বাণের স্ত্রীর সহিত বিবাদ ঘটিয়াছিল। তাঁহার স্ত্রীর প্রগল্ভতা বশতঃ সমস্ত রাত্রেই প্রায় বাগ্ বিতপ্তা হইয়াছিল। ময়্রভট্ট তাঁহার কন্তার কণ্ঠমর শুনিয়া হঠাৎ গবাক্ষদ্বারের নিকট গিয়া দেখিলেন বাণ তাঁহার স্ত্রীর পদযুগল ধারণ করিয়া বার বার ক্ষমা প্রথনা করিতেছেন কিন্তু তাহাতেও কামিনীর ক্রোধের শাস্তি না হইয়া দ্বিগুণ বৃদ্ধি হইল এবং তিনি পদাঘাতে তাঁহাকে দূরে নিক্ষেপ করিলেন। বাণ অত্যস্ত স্ত্রৈণ ছিলেন, তিনি এতাদৃশ অপমানেও হুঃখিত না হইয়া নানাবিধ বিনয় বাক্যে ও শ্লোক দ্বারা স্তব করিতে লাগিলেন। ময়ুরভট্ট গোপনে এ সকল দেখিয়া এককালে ক্রোধে অধীর হইয়া তাঁহার কন্তাকে ভর্ৎ সনা করিতে লাগিলেন। বাণের স্ত্রী পিতার কথায় ক্রুদ্ধা হইয়া তাঁহার অক্ষে চর্বিত তামুল নিক্ষেপ করিয়া কহিলেন, "এই চর্বিত তামুলের সঙ্গে তোমার অক্ষে কুষ্ঠ নির্গত হউক।" প্রভাত হইবামাত্র ময়ুরভট্টের অক্ষে কুষ্ঠ হইল। ময়ুরভট্ট রাজসভা ত্যাগ করিয়া রোগমুক্ত হইবার জন্ম স্থ্যদেবের মন্দিরে স্তব আরম্ভ করিলেন এবং একাস্ত চিত্তে "জন্তারাতীভকুজোন্তবেমিব দধতঃ" ইত্যাদি শ্লোকে স্তবারম্ভ করিলে, যঠ শ্লোক — "শীর্ণজ্ঞাণাঙ্গি পানিন্" ইত্যাদি পাঠ মাত্র ভগবান্ অংশুমালী প্রসর

হইয়া তাঁহাকে কুন্ঠরোগ হইতে বিমুক্ত করিলেন। এইরূপে সূর্য্যশতক প্রস্থের জ্বন্ম হইল। এইরূপ অসার এবং অলোকিক গল্পে প্রাচীন কবিদিগের জীবন বৃত্তাস্ত পরিপূর্ণ, ইহা ছঃখের বিষয় সন্দেহ নাই।

বাণভট্ট বিভাবিষয়ে ময়ুরভট্টের প্রতিদ্বন্দ্বী; ময়ুরভট্ট অলোকিক ক্ষমতা প্রভাবে রোগমুক্ত হইয়া রাজসভায় প্রভ্যাগত হইলেন দেখিয়া তাঁহার হৃদয় ঈর্ষ্যায় জর্জ্জরিত হইল। রাজা ময়ুরকে আদর করিতে লাগিলেন এবং সভাসদ্গণ**ও** তাঁহার প্রত্যাগমনে সুখী হইলেন, ইহা দেখিয়া বাণভট্টের অসহা বোধ হইল। তিনি এককালে ক্রোধে অধীর হইয়া স্বীয় হস্তপদ অস্ত্রদারা খণ্ড করিয়া ফেলিয়া. কায়মনোবাক্যে চণ্ডীকা শতকে চণ্ডীর স্তব করাতে ভগবতী প্রসন্মা হইয়া তাঁহাকে পুনরায় হস্তপদ বিশিষ্ট করিলেন। এই গল্প একজন জৈন টীকাকারের লিখিত, তাঁহার হিন্দুগণাপেক্ষাও জৈনদিগের অলৌকিক ক্ষমতা ইহাই বর্ণন করা মুখ্য উদ্দেশ্য। এজ্ঞ ময়ুর ও বাণভট্টের বিষয় লিখিয়াই তাঁহাদিগের সমকক্ষ এবং সমসাময়িক জৈনাচার্য্য মনাতঙ্গ সূরীর বিষয়ে লিখিয়াছেন যে তিনি ইচ্ছামুসারে ৪৪টা লোহ নিগড়ে আবদ্ধ হইয়া ৪৪টা "ভক্তামর স্তোত্র" শ্লোক প্রস্তুত করিয়া শৃঙ্খলমুক্ত হইয়াছিলেন। মনাতঙ্গ সূরী এই অলোকিক ক্ষমতা প্রভাবে বৃদ্ধ ভোজকে জৈন ধর্ম্মে দীক্ষিত করিয়াছিলেন। এগুলি যদিও গল্প কিন্তু তাহাতে এই সত্য প্রাপ্ত হওয়া যাইতেছে যে মনাতঙ্গ, ময়ুর, এবং বাণ এক সময়ে এক রাজার আশ্রায়ে বর্ত্তমান ছিলেন। সূর্য্য শতকের টীকাকার মধুস্থদনও এইরূপ বাণ ও ময়ূরভট্ট সম্বন্ধে একটি গল্প লিখিয়াছেন কিন্তু তাহাতে মনাতঙ্গের উল্লেখ নাই।

মাধবাচার্য্য কৃত শঙ্করবিজ্ঞয়ে দৃষ্ট হয়, খণ্ডনকার কবীক্র শ্রীহর্ষ, বাণ, ময়ৣর, উদয়ানাচার্য্য এবং শঙ্করাচার্য্য একসময়ে বর্ত্তমান ছিলেন। তাহাতে লিখিত আছে, বাণ ও ময়ৢর অবস্তীদেশবাসী।

বাণভট্ট হর্ষচরিত, চণ্ডীকাশতক, এবং কাদম্বরী গ্রন্থকর্তা। হর্ষচরিতে শ্রীহর্ষরাজ্বের বিবরণ বিবৃত হইয়াছে। ইহার শঙ্করভট্টকৃত টীকা আছে কিন্তু তাহা স্থপ্রাপ্য নহে। মার্কণ্ডেয় পুরাণান্তর্গত দেবীমাহাত্ম্য হইতে চণ্ডীকা শতক বিরচিত। উহা আছোপান্ত শার্দ্দু লবিক্রীভিতচ্চন্দে গ্রথিত। সরস্বতীকণ্ঠাভরণে লিখিত আছে বাণভট্ট পত্ত অপেক্ষা গত্ত লিখিতে বিশেষ পারদর্শী ছিলেন। কাদম্বরী তাঁহার উৎকৃষ্ট গত্তকাব্য। কবি ইহার প্রারম্ভ প্লোকে লিখিয়াছেন "দ্বিজশ্রেষ্ঠ মহাত্মা বাণ স্বীয় অকুষ্ঠিত বৃদ্ধি দারা এই কথাগ্রন্থ নির্মাণ করিতেছেন" * এ গর্কোন্ডিল তাঁহার নিতান্ত অর্থশৃত্য হয় নাই। সংস্কৃত ভাষায় দশকুমারচরিত, বাসবদন্তা

বিজেন তেনাক্ষত কণ্ঠ কৌঠ্যরা মহামনোমোহমলীমসান্ধরা
 অলক বৈদশ্ব্যাবিলাসমুশ্বরা ধিরা নিবন্ধে যমতিঘরী কথা।

এবং কাদম্বরী এই তিনখানি প্রসিদ্ধ গছকাব্য, তাহার মধ্যে কাদম্বরী সর্কোৎকৃষ্ট। কুমার ভার্গবীয়, চম্পুভারত, চম্রুশেখর, চেতোবিলাস চম্পু প্রভৃতির গছ রচনা কাদম্বরীর রচনার নিকট কোন গুণেই লক্ষিত হয় না। দীর্ঘ সমাসঘটিত বাক্য প্রয়োগ করাতে গ্রন্থখানির রচনা স্থানে স্থানে কিঞ্চিৎ নীরস হইয়াছে। সংস্কৃত ভাষায় একখানি কাদম্বরী-কথাসার নামক কাব্যগ্রন্থ আছে। উহা ৮ সর্গে বিভক্ত এবং উপস্থাসভাগ অবিকল বাণভট্টকৃত কাদম্বরী হইতে গৃহীত।

• সম্প্রতি বাণভট্টকৃত পার্ব্বতী-পরিণয় নামক একখানি ক্ষুদ্র নাটক প্রকাশিত হইয়াছে; উহা কাদম্বরী গ্রন্থকর্ত্তার লেখনীপ্রস্তুত কি না, তাহা প্রকৃতরূপে নির্ণয় করা স্থকঠিন। কোন অলঙ্কারগ্রন্থ মধ্যে পার্ব্বতীপরিণয়ের নামোল্লেখ দেখিতে পাই না কিন্তু ইহার প্রস্তাবনার শ্লোকের সহিত কাদম্বরী গ্রন্থকর্ত্তার পরিচয়ের ঐক্য আছে যথা——

স্বত্তি কবিসার্বভৌনো বংস্থান্বয় জলধি সম্ভবোবাণঃ। নৃত্যতি যদ্রসনায়াং বেধোমুখলাসিকা বাণী॥

ইহাতেও স্পষ্ট বাৎস্থায়ন বংশোদ্ভব বলা হইয়াছে। রচনা দৃষ্টে নাটক খানি কাদম্বরী প্রণেতার লিখিত বলিয়া প্রতীয়মান হয় না। ইহাতে গ্রন্থকার কিছুই কবিম্ব প্রকাশ করিতে পারেন নাই এবং ইহার অধিকাংশ ভাব কালিদাসের কুমারসম্ভব হইতে গৃহীত এবং কোন কোন কবিতার কুমারসম্ভবের কবিতার সহিত বিলক্ষণ সৌসাদৃশ্য আছে। এই নাটক ৫ অঙ্কে সম্পূর্ণ।

গ্রীরামদাস সেন



উপক্তাস প্রথম পরিচ্ছেদ

তোমাদের সুধ ছংখে আমার সুখ ছংখ পরিমিত হইতে পারে না। তোমরা আর আমি ভিন্নপ্রকৃতি। আমার সুখে তোমরা সুধী হইতে পারিবে না—আমার ছংখ তোমরা বুঝিবে না—আমি একটি কুদ্র যূথিকার গন্ধে সুখী হইব; আর ষোলকলা শশী আমার লোচনাগ্রে সহস্র নক্ষত্রমণ্ডল মধ্যস্থ হইয়া বিকসিত হইলেও আমি সুধী হইব না—আমার উপাখ্যান কি তোমরা মন দিয়া শুনিবে ? আমি জ্বশান্ধ।

কি প্রকারে ব্ঝিবে ? তোমাদের জীবন দৃষ্টিময়—আমার জীবন অন্ধকার—
ছুঃখ এই, আমি ইহা অন্ধকার বলিয়া জানি না। আমার এ রুদ্ধনয়নে, তাই আলো!
না জানি তোমাদের আলো কেমন!

তাই বলিয়া কি আমার স্থখ নাই ? তাহা নহে। স্থখ ছংখ তোমার আমার প্রায় সমান। তুমি রূপ দেখিয়া স্থী, আমি শব্দ শুনিয়াই স্থী। দেখ, এই ক্ষুব্দ কুব্দ যুথিকাসকলের বৃস্তগুলি কত স্ক্ষা, আর আমার এই করস্থ স্চিকাগ্রভাগ আরও কত স্ক্ষা! আমি এই স্চিকাগ্রে সেই ক্ষুব্দ পুষ্পবৃস্ত সকল বিদ্ধ করিয়া মালা গাঁথি—আশৈশব মালাই গাঁথিয়াছি—কেহ কখন আমার গাঁথা মালা পরিয়া বলে নাই যে কাণায় মালা গাঁথিয়াছে।

আমি মালাই গাঁথিতাম! বালিগঞ্জের প্রান্তভাগে আমার পিতার একখানি পুম্পোছান জমা ছিল—তাহাই তাঁহার উপজীবিকা ছিল। ফাল্কন মাস হইতে যতদিন ফুল ফুটিত, ততদিন পর্য্যন্ত পিতা প্রত্যহ তথা হইতে পুম্পাচয়ন করিয়া আনিয়া দিতেন, আমি মালা গাঁথিয়া দিতাম। পিতা তাহা লইয়া মহানগরীর পথে পথে বিক্রেয় করিতেন। মাতা গৃহকর্ম করিতেন। অবকাশ মতে পিতা মাতা উভয়েই আমাদিগের মালা গাঁথার সহায়তা করিতেন।

ফুল দেখিতে শুনি বড় স্থন্দর—পরিতে বুঝি বড় স্থন্দর হইবে—আণে পরম স্থন্দর বটে। কিন্তু ফুল গাঁথিয়া দিন চলে না। অন্নের বৃক্ষের ফুল নাই। স্থতরাং পিতা নিভাস্ত দরিত্র ছিলেন। মৃদ্ধাপুরে একখানি সামাশ্য খাপরেলের ঘরে বাস করিতেন। ভাহারই একপ্রাস্তে, ফুল বিছাইয়া, ফুল স্তুপাকৃত করিয়া, ফুল ছড়াইয়া, আমি ফুল গাঁথিতাম। পিতা বাহির হইয়া গেলে গান গাইতাম—

আমার এত সাধের প্রভাতে সই, ফুটলোনাকো কলি-

ও হরি—এখনও আমার বলা হয় নাই আমি পুরুষ কি মেয়ে! তবে, এতক্ষণে যিনি না বুঝিয়াছেন, তাঁহাকে না বলাই ভাল। আমি বলিব না।

পুরুষ হই, মেয়েই হই, অন্ধের বিবাহের বড় গোল। কাণা বলিয়া আমার বিবাহ হইল না। সেটা তুর্ভাগ্য কি সৌভাগ্য, যে চোখের মাথা না খাইয়াছে, সেই বৃঝিবে। অনেক অপাঙ্গ রঙ্গরঙ্গিনী, আমার চিরকৌমার্য্যের কথা শুনিয়া বলিয়া গিয়াছে, "আহা আমিও যদি কানা হতেম।"

বিবাহ না হউক—তাতে আমার ছংখ ছিল না। আমি স্বয়ন্বরা হইয়াছিলাম। একদিন পিতার কাছে কলিকাতার বর্ণনা শুনিতেছিলাম। শুনিলাম মন্ত্রমন্ট বড় ভারি ব্যাপার। অত্যুচ্চ, অটল অচল, ঝড়ে ভাঙ্গে না, গলায় চেন,—একা একাই বাব্। মনে মনে মন্ত্রমন্টকে বিবাহ করিলাম। আমার স্বামীর চেয়ে বড় কে ? আমি মন্ত্রমন্ট-মহিবী।

কেবল একটা বিবাহ নহে। যখন মন্ত্র্মেণ্টকে বিবাহ করি, তখন আমার বয়স্ পনের বৎসর। সতের বৎসর বয়সে—বলিতে লঙ্জা করে, সধবাবস্থাতেই—আর একটা বিবাহ ঘটিয়া গেল। আমাদের বাড়ীর কাছে, কালীচরণ বস্থ নামে একজন কায়স্থ ছিল। চীনাবাজারে তাহার একখানি খেলানার দোকান ছিল। সেও কায়স্থ—আমরাও কায়স্থ—এজন্ম একটু আত্মীয়তা হইয়াছিল। কালী বস্থর একটি চারি বৎসরের শিশুপুত্র ছিল। তাহার নাম বামাচরণ। বামাচরণ সর্বাদা আমাদের বাড়ীতে আসিত। একদিন একটা বর বাজনা বাজাইয়া মন্দগামী ঝড়ের মত আমাদিগের বাড়ীর সমুখ দিয়া যায়। দেখিয়া বামাচরণ জিজ্ঞানা করিল "ও কেও ?"

আমি বলিলাম "ও বর।" বামাচরণ তখন কায়া আরম্ভ করিল—"আমি বল হব।"

তাহাকে কিছুতে থামাইতে না পারিয়া বলিলাম, "কাঁদিস না—তুই আমার বর।" এই বলিয়া একটা সন্দেশ তাহার হাতে দিয়া জিজ্ঞাসা করিলাম "কেমন, তুই আমার বর হবি ?" শিশু সন্দেশ হাতে পাইয়া, রোদন সম্বরণ করিয়া বলিল "হব।" সন্দেশ সমাপ্ত হইলে, বালক ক্ষণেককাল আমার মুখপ্রতি চাহিয়া বলিল, "হাঁগা বলে কি কলে গা ?" বোধ হয় তাহার ধ্রুব বিশ্বাস জন্মিয়াছিল যে, বরে বৃঝি কেবল সন্দেশই খায়। যদি তা হয়, তবে সে আর একটা আরম্ভ করিছে প্রেন্ত । ভাব বৃঝিয়া আমি বলিলাম "বরে ফুলগুলি গুছিয়ে দেয়।" বামাচরণ স্বামীর কর্ত্তব্যাকর্ত্তব্য বৃঝিয়া লইয়া, ফুলগুলি আমার হাতে গুছাইয়া তুলিয়া দিতে লাগিল। সেই অবধি আমি তাহাকে বর বলি—সে আমাকে ফুল গুছাইয়া দেয়।

আমার এই ছই বিবাহ—এখন এ কালের জটিলা-কুটিলাদিগকে আমার জিজ্ঞাস্য—আমি সতী বলাইতে পারি কি ?

দ্বিতীয় পরিচ্ছেদ

বড় বাড়ীতে ফুল যোগান বড় দায়। সেকালের মালিনীমাসী রাজবাড়ীতে ফুল যোগাইয়া মশানে গিয়াছিল। ফুলের মধু খেলে বিভাস্থন্দর, কিল খেলে হীরা মালিনী—কেননা সে বড়বাড়ীতে ফুল যোগাইত। স্থন্দরের সেই রামরাজ্য হইল
—কিন্তু মালিনীর কিল আর ফিরিল না।

বাবা ত "বেলফুল" হাঁকিয়া, রসিক-মহলে ফুল বেচিতেন, মা ছই একটা অরসিক মহলে ফুল নিত্য যোগাইতেন। তাহার মধ্যে রামসদয় মিত্রের বাড়ীই প্রধান। রামসদয় মিত্রের সাড়ে চারিটা ঘোড়া ছিল—(নাতিদের একটা পণি আর আদত চারিটা) সাড়ে চারিটা ঘোড়া—আর দেড়খানা গৃহিণী। একজন আদত—একজন চিরক্লগ্না এবং প্রাচীনা। তাঁহার নাম ভুবনেশ্বরী—কিন্তু তাঁর গলার সাঁই সাঁই শব্দ শুনিয়া রামমণি ভিন্ন অহ্য নাম আমার মনে আসিত না।

আর যিনি পূরা একখানি গৃহিণী তাঁহার নাম লবঙ্গলতা। লবঙ্গলতা, লোকে বলিত, কিন্তু তাঁহার পিতা নাম রাখিয়াছিলেন ললিত-লবঙ্গলতা, এবং রামসদয় বাবু আদর করিয়া বলিতেন ললিত-লবঙ্গলতা-পরিশীলন-কোমল-মলয়-সমীরে। রামসদয় বাবু প্রাচীন, বয়৽ক্রম ৬০ বৎসর। ললিত-লবঙ্গলতা নবীনা, বয়স ১৯ বৎসর, দ্বিতীয় পক্ষের স্ত্রী—আদরের আদরিণী, গৌরবের গৌরবিণী, মানের মানিনী, নয়নের মণি, যোলআনা গৃহিণী। তিনি রামসদয়ের সিদ্ধুকের চাবি, বিছানার চাদর, পানের চুন, গোলাসের জল। তিনি রামসদয়ের জ্বরে কুইনাইন, কাশীতে ইপিকা, বাতে ফানেল, এবং আরোগ্যে স্কয়া।

নয়ন নাই—ললিত-লবঙ্গলতাকে কখন দেখিতে পাইলাম না—কিন্তু শুনিয়াছি তিনি রূপসী। রূপ যাউক্, গুণ শুনিয়াছি। লবঙ্গ বাস্তবিক গুণবতী। গৃহকার্য্যে নিপুণা, দানে মুক্তহস্তা, হৃদয়ে সরলা, কেবল বাক্যে বিষময়ী। লবঙ্গ- শতার অশেষ গুণের মধ্যে, একটি এই যে তিনি বাস্তবিক পিতামহের তুল্য সেই শ্বামীকে ভালবাসিতেন—কোন নবীনা নবীন-শ্বামীকে সেরপ ভালবাসে কি না সন্দেহ। ভালবাসিতেন বলিয়া, তাঁহাকে নবীন সাঞ্চাইতেন—সে সঙ্জার রস কাহাকে বলি ? আপন হস্তে নিত্য শুলুকেশে কলপ মাখাইয়া কেশগুলি রপ্তিত করিতেন। যদি রামসদয় লঙ্জার অমুরোধে কোনদিন মলমলের ধৃতি পরিত, শ্বস্তে তাহা ত্যাগ করাইয়া কোকিলপেড়ে, ফিতেপেড়ে, কন্ধাপেড়ে পরাইয়া দিতেন—মলমলের ধৃতিখানি তৎক্ষণাৎ বিধবা দরিত্তগণকে বিতরণ করিতেন। রামসদয় প্রাচীন বয়সে, আতরের শিশি দেখিলে ভয়ে পলাইত—লবক্ষলতা, তাহার নিজিতা-কন্থায় সর্বাক্তে আতর মাখাইয়া দিতেন। রামসদয়ের চসমাগুলি, লবক্ষ প্রায় চুরি করিয়া ভাঙ্গিয়া ফেলিত, সোণাটুকু লইয়া যাহার কন্থার বিবাহের সম্ভাবনা তাহাকে দিত। সদানন্দের নাক ডাকিলে, লবক্ষ ছয়গাছা মল বাহির করিয়া পরিয়া, ঘরময় ঝ্যুঝ্যু করিয়া রামসদয়ের নিজা ভাঙ্গিয়া দিত।

লবঙ্গলতা আমাদের ফুল কিনিত—চারিআনার ফুল লইয়া ছইটাকা মূল্য দিত। তাহার কারণ আমি কাণা। মালা পাইলে লবঙ্গ গালি দিত, বলিত এমন কর্দব্য মালা আমাকে দিস কেন ? কিন্তু মূল্য দিবার সময় ডবল পয়সার সঙ্গে ভুল করিয়া টাকা দিত। ফিরাইয়া দিতে গেলে বলিত—ও আমার টাকা নয়—ছইবার বলিতে গেলে গালি দিয়া তাড়াইয়া দিত। তাহার দানের কথা মুখে আনিলে মারিতে আসিত। বাস্তবিক, রামসদয় বাব্র ঘর না থাকিলে, আমাদিগের দিনপাত হইত না। তবে যাহা রয় সয়, তাই ভাল বলিয়া মাতা লবঙ্গের কাছে অধিক লইতেন না। দিনপাত হইলেই আমরা সন্তুষ্ট থাকিতাম। লবঙ্গলতা আমাদিগের নিকট রাশি রাশি ফুল কিনিয়া সদানন্দকে সাজাইত। সাজাইয়া বলিত, দেখ, রতিপতি। রামসদয় বলিত, দেখ, সাক্ষাৎ—অঞ্জনানন্দন। সেই প্রাচীনে নবীনে মনের মিল ছিল—দর্পণের মত ছইজনে ছইজনের মন দেখিতে পাইত। তাহাদের প্রেমের পদ্ধতিটা এইরপ—

রামসদয় বলিত, "ললিত-লবঙ্গলতা-পরিশী ?"— লবঙ্গ। আত্তে, ঠাকুরদাদা মহাশ্য়, দাসী হাজির। রাম। আমি যদি মরি ? লব। আমি তোমার বিষয় খাইব।

লবঙ্গ মনে মনে বলিত "আমি বিষ খাইব।" রামসদয়, তাহা মনে মনে জানিত।

লবঙ্গ এত টাকা দিত, তবে বড়বাড়ীতে ফুল যোগান হু:খ কেন ? শুন।

একদিন মার জর। অস্তঃপুরে বাবা যাইতে পারিবেন না—ভবে আমি বৈ আর কে লবঙ্গলতাকে ফুল দিতে যাইবে ? আমি লবঙ্গের জন্ম ফুল লইয়া চলিলাম। অন্ধ হই, যাই হই—কলিকাতার রাস্তাসকল আমার নখদর্পণ ছিল। বেত্রহস্তে সর্বব্রে যাইতে পারিতাম, কখন গাড়িঘোড়ার সম্মুখে পড়ি নাই। আনেকবার পদচারীর ঘাড়ে পড়িয়াছি বটে—ভাহার কারণ, কেহ কেহ অন্ধ যুবতী দেখিয়া সাড়া দেয় না বরং বলে, "আ মলো! দেখ্ছে পাস্নে ? কাণা নাকি ?" আমি ভাবিতাম "গুজনেই।"

ফুল লইয়া গিয়া লবঙ্গের কাছে গেলাম। দেখিয়া লবঙ্গ বলিলেন, "কিলো কাণী—আবার ফুল লইয়া মর্তে এয়েছিস্ কেন?" কাণী বলিলে আমার হাড় জ্বলিয়া যাইত—আমি কি কদর্য্য উত্তর দিতে যাইতেছিলাম, এমত সময়ে সেখানে হঠাৎ কাহার পদধ্বনি শুনিলাম—কে আসিল। যে আসিল—সে বলিল, "একে ছোট মা?"

ছোট মা! তবে রামসদরের পুত্র। রামসদয়ের কোন্ পুত্র! বড় পুত্রের কণ্ঠ একদিন শুনিয়াছিলাম—সে এমন অমৃতময়় নহে—এমন করিয়া কর্ণবিবর ভরিয়া স্থুখ ঢালিয়া দেয় নাই। বুঝিলাম, এ ছোট বাবু।

ছোট মা বলিলেন, এবার বড় মূহকণ্ঠে বলিলেন, "ও কাণা ফুলওয়ালী।" "ফুলওয়ালী! আমি বলিবা কোন ভন্তলোকের মেয়ে।"

লবঙ্গ বলিলেন, "কেন গা, ফুলওয়ালী হইলে কি ভদ্রলোকের মেয়ে হয় না ?"

ছোট বাবু অপ্রতিভ হইলেন। বলিলেন, "হবে না কেন ? এটা ত ভদ্রলোকের মেয়ের মতই বোধ হইতেছে। তা ওটি কাণা হইল কিসে!"

লবঙ্গ। ও জন্মান্ধ।

ছোট বাবু। দেখি ?

ছোট বাব্র বড় বিভার গৌরব ছিল। তিনি অস্থাস্থ বিভাও যেরূপ যত্ত্বের সহিত শিক্ষা করিয়াছিলেন, অর্থের প্রত্যাশী না হইয়াও চিকিৎসাশাস্ত্রেও সেইরূপ যত্ন করিয়াছিলেন। লোকে রাষ্ট্র করিত যে, শচীস্ত্র বাব্ ছোট বাব্) কেবল দরিদ্রগণের বিনা মূল্যে চিকিৎসা করিবার জন্ম চিকিৎসা শিখিতেছিলেন। "দেখি" বলিয়া আমাকে বলিলেন, "একবার দাঁড়াও ত গা।"

আমি জ্বড় সড় হইয়া দাঁড়াইলাম।
ছোট বাবু বলিলেন, "আমার দিকে চাও।"
চাব কি ছাই!
"আমার দিকে চোখ ফিরাও।"

কাণা চোখে শব্দভেদী বাণ মারিলাম। ছোট বাব্র মনের মত হইল না। তিনি আমার দাড়ি ধরিয়া, মুখ ফিরাইলেন।

ভাক্তারির কপালে আগুণ জ্বেলে দিই। সেই চিবৃক স্পর্শে আমি মরিলাম! সেই স্পর্শ পুতাময়। সেই স্পর্শে ঘূথী, জাঁতি, মল্লিকা, শেকালিকা, কামিনী, গোলাপ, সেঁউতি। সব ফুলের জ্বাণ পাইলাম। বোধ হইল, আমার আশে পাশে ফুল, আমার মাথায় ফুল, আমার পায়ে ফুল, আমার পরণে ফুল, আমার বৃকের ভিত্তর ফুলের রাশি। আ মরি মরি। কোন্ বিধাতা একুস্থমময় স্পর্শ গড়িয়াছিল! বলিয়াছি ভ, কাণার স্থ ছংখ তোমরা বৃঝিবে না। আ মরি মরি—সে নবনীত সুকুমার—পুতাগন্ধময়, বীণাধ্বনিবৎ স্পর্শ! বীণাধ্বনিবৎ স্পর্শ, যার চোখ আছে, সে বৃঝিবে কি প্রকারে! আমার স্থ ছংখ আমাতেই থাকুক। যখন সেই স্পর্শ মনে পড়িভ, তখন কত বীণাধ্বনি কর্ণে শুনিতাম, তাহা ভূমি, বিলোলকটাক্ষ-কুশলিনি! কি বৃঝিবে।

ছোট বাবু বলিলেন, "না, এ কাণা সারিবার নয়।"

আমার ত সেইজ্ঞ ঘুম হইতেছিল না।

লবঙ্গ বলিল, "তা না সারুক, টাকা খরচ করিলে কাণার কি বিয়ে হয় না ?" ছোট বাবু। কেন, এঁর কি বিবাহ হয় নাই ?

লবঙ্গ। না। টাকা খরচ করিলে হয় ?

ছোট বাবু। আপনি কি ইহার বিবাহ জন্ম টাকা দিবেন ?

লবঙ্গ রাগিল। বলিল "এমন ছেলেও দেখি নাই! আমার কি টাকা রাখিবার জায়গা নাই? বিয়ে কি হয়, তাই জিজ্ঞাসা করিতেছি। মেয়েমামূষ, সকল কথা ত জানি না। বিবাহ কি হয়?"

ছোট বাবু ছোট মাকে চিনিতেন। হাসিয়া বলিলেন, "তা মা, তুমি টাকা রেখ আমি সম্বন্ধ করিব।"

মনে মনে ললিত-লবঙ্গলতার মৃগুপাত করিতে করিতে আমি সেস্থান হইতে পলাইলাম।

তাই বলিভেছিলাম, বড়মামুষের বাড়ী ফুল যোগান বড় দায়।

বছম্র্ডিময়ি বস্ত্বরে! তুমি দেখিতে কেমন ? তুমি যে অসংখ্য, অচিন্তনীয় শক্তিধর, অনন্তবৈচিত্রবিশিষ্ট জড়পদার্থ সকল হৃদয়ে ধারণ কর, সে সব দেখিতে কেমন ? যাকে যাকে লোকে স্থুন্দর বলে, সে সব দেখিতে কেমন ? ভোমার হৃদয়ে যে অসংখ্য, বছপ্রাকৃতিবিশিষ্ট জন্তগণ বিচরণ করে, তারা সব দেখিতে কেমন ? বল মা, ভোমার হৃদয়ের সারভূত পুরুষজ্ঞাতি দেখিতে কেমন ? দেখাও মা, ভাহার মধ্যে, যাহার করম্পর্শে এড সুখ, সে দেখিতে কেমন ? দেখা মা, দেখিতে

কেমন দেখায় ? দেখা কি ? দেখা কেমন ? দেখিলে কিরূপ সুখ হয় ? এক মূহূর্ত্ত জন্ম এই সুখময়স্পর্শ দেখিতে পাই না ? দেখা মা ! বাহিরের চক্ষু নিমীলিত থাকে—থাকুক মা ! আমার হৃদয়ের মধ্যে চক্ষু ফুটাইয়া দে, আমি একবার অন্তরের ভিতর অন্তর লুকাইয়া, মনের সাধে রূপ দেখে, নারীজন্ম সার্থক করি । সবাই দেখে—আমি দেখিব না কেন ? বুঝি কীট পতঙ্গ অবধি দেখে—আমি কি অপরাধে দেখিতে পাইব না ? শুধু দেখা—কারও ক্ষতি নাই, কারও কট নাই, কারও পাপ নাই, সবাই অবহেলে দেখে—কি দোবে আমি কখনও দেখিব না ?

না! না! অদৃষ্টে নাই। হৃদয় মধ্যে খুঁজিলাম। শুধু শব্দ স্পর্শ গন্ধ। আর কিছু পাইলাম না।

আমার অন্তর বিদীর্ণ করিয়া ধ্বনি উঠিতে লাগিল, কে দেখাবি দেখা গো— আমায় রূপ দেখা! বুঝিল না! কেহই অন্ধের ছঃখ বুঝিল না।



📺 চরাচর আমাদিগের চতুঃপার্শ্বে যে সকল সামান্ত সামান্ত ঘটনা ঘটিতেছে, অনুসন্ধান করিলে তাহাদিগের মধ্যে অনেক গৃঢ় তত্ত্ব পাওয়া যায়। সর্ব্বদা দেখিয়া থাকি, মানবশিশু হাসিতে হাসিতে খেলিতে খেলিতে আনন্দে দৌডিতেছে; সহসা কপাট, কাষ্ঠাসন বা দেওয়ালে বাধিয়া পড়িয়া গেল; কোমল অঙ্গে বাথা পাইল: অমনি উঠিয়া উক্ত কপাট, কাষ্ঠাসন বা দেওয়ালকে মারিতে লাগিল। মারি দেখিয়া আমরা হাসি। হাসি কেন ? আমরা জানি যে কপাট. কাষ্ঠাসন বা দেওয়াল অচেতন, শিশু উহাকে সচেতন জ্ঞান করিতেছে, শিশু ভাবিতেছে যে মারিলে উহার গাত্রে বেদনা লাগিবে। কিন্তু আমরা যতবড় বিদ্বান্ ও বৃদ্ধিমান হই না কেন, আমাদিগের হাসিবার কারণ অতি অল্পই আছে। আমরাও এককালে ঐ শিশুর সদৃশ ছিলাম। জ্ঞানোন্নতিসহকারে শিশুর ভ্রম দূর হইবে; সে জানিতে পারিবে যে কপাট, কাষ্ঠাসন, দেওয়াল প্রভৃতি জড় পদার্থ, সচেতন নহে। কিন্তু প্রথমতঃ এই সকল বস্তুকে সচেতন জ্ঞান করাই শিশুর স্বভাবসিদ্ধ। আমরা যাহা কিছু জানি, ভাহার সহিত সাদৃশ্য দেখিয়া অপর পদার্থের প্রকৃতি নির্ণয় করিতে অগ্রসর হই। শিশুও এইরূপ করিয়া থাকে। আদৌ যে পদার্থের কারণম্ব তাহার জ্ঞানগোচর হয়, সেটী তাহার সচেতন আত্মা; বিশ্বপুস্তক পাঠ করিতে আরম্ভ করিয়াই সে আপনাকে কতকগুলি কার্য্যের কর্ত্তা বলিয়া বুঝিতে পারে এবং জানিতে পায় যে সে নিজে ইচ্ছা ও চেতনাবিশিষ্ট। স্থতরাং যেখানে কোন কার্য্য দেখে, সেখানেই সচেতন ও ইচ্ছাবিশিষ্ট অধিষ্ঠাতা কল্পনা করে। ইহাতে তাহার ভ্রম হয় বটে, কিন্তু অনুমানের অন্ত পথ অবলম্বন করিবার শক্তি তাহার নাই। যখন তাহার বুদ্ধির স্ফুর্ত্তি হইবে, জ্ঞানের বুদ্ধি হইবে, তখন সে বুঝিতে পারিবে যে প্রথমে যে সকল নিজ্জীব পদার্থকে সচেতন বলিয়া জ্ঞান করিয়াছে, ইচ্ছা এবং চেতনার প্রধান লক্ষণগুলিই তাহাদিগের নাই; স্মুতরাং তখন তাহার ভ্রান্তির নিবৃত্তি হইবে।

জ্ঞানসম্বন্ধে আদিম কালের মানবগণ এখনকার শিশুদিগের স্থায় ছিলেন। আমরা যে সকল নৈস্গিক নিয়মদ্বারা জগৎ কার্য্যের ব্যাখ্যা করি, তাঁহারা সে সকল কিছুই **জা**নিতেন না। এ বিশ্ব তাঁহাদিগের নিকটে অসম্বন্ধ ঘটনাবলীপূর্ণ বোধ হইত। আপনাদিগের কর্তৃত্বসাদৃশ্যে জ্বগৎকার্য্যের কারণানুসন্ধান করিতে গিয়া তাঁহারা সর্ব্বত্রই সচেতন এবং ইচ্ছাবিশিষ্ট অধিষ্ঠাতা অমুমান করিতেন। তাঁহারা দেখিতেন যে বায়্র প্রভাবে কখন বা লভাপল্লব মন্দ মন্দ সঞালিত হইতেছে, কখন বা মহদাকার মহীরুহ ভঙ্গ বা সমূলে উন্মূলিত হইতেছে ; দেখিয়া তাঁহারা বিবেচনা করিতেন যে বায়ু সচেতন এবং ইচ্ছাপূর্ব্বকই এই সকল কার্য্য করিতেছেন। কখন অন্ধকারবিনষ্ট এবং জগৎ আলোকিত করিতেছেন, কখন বা প্রথর উত্তাপদারা পৃথিবীমগুল দগ্ধ করিতেছেন; দেখিয়া তাঁহারা ভাবিতেন যে সূর্য্যও চেতনাবিশিষ্ট এবং কখন প্রসন্ধ, কখন অপ্রসন্ধ হন বলিয়াই ইচ্ছাক্রমেই এরূপ করেন। কখন শীতার্ত্তের ক্লেশমোচন করিতেছেন, কখন আহার সামগ্রী প্রস্তুত করিতেছেন, কখন তিমির হরণ পূর্বেক নিশাকালে পদার্থ প্রকাশ ও ভয় নিবারণ করিতেছেন, কখন বা ভীমমূর্ত্তি ধারণ পূর্ব্বক কাননরাজী বা গৃহাবলী ভম্মসাৎ করিতেছেন; দেখিয়া তাঁহারা কল্পনা করিভেন যে অগ্নি সচেভন এবং কখন তুষ্ট কখন রুষ্ট হন বলিয়া এই সকল কার্য্য স্বেচ্ছাপূর্ব্বক করিয়া থাকেন। এইরূপে পূর্ব্বকালে প্রাকৃতিক ঘটনাভেদে ভিন্ন ভিন্ন অতিমানুষিক সচেতন অধিষ্ঠাতা কল্পিত হইয়াছিল; তন্মধ্যে কোন কোনটা মন্তুয়্যের মঙ্গলকর, কোন কোনটা অমঙ্গলকর বলিয়া বিবেচিত হইত। প্রাচীন আর্য্য ঋষিগণ প্রথমোক্তদিগকে দেব, এবং শেষোক্তদিগকে অমুর বা দৈত্য বলিতেন। তাঁহাদিগের লিখনভঙ্গী দেখিয়া অমুমান হয় যে তাৎকালিক অজ্ঞানাবস্থায় দেখিয়া শুনিয়া আত্মরক্ষা করিয়া চলিবার পক্ষে আলোক যেরূপ উপকারী বোধ হইত, সেরূপ আর কিছুই হইত না ; এ নিমিত্ত তাঁহারা প্রভাশালী সূর্য্য, চন্দ্র, অগ্নি প্রভৃতির স্তুতিবাদ ও সাহায্য প্রার্থনা করিতেন। এই কারণেই আবার, যে মেঘ দিনমণি ও নিশামণিকে আরুত করিয়া জগৎপ্রকাশক জ্যোতিঃ হরণ করিত, যে রাত্রি পৃথিবীমণ্ডল তিমিরাচ্ছন্ন করিত, এবং যে রাছ করাল কবল ব্যাদানপূর্ব্বক প্রভাকর ও সুধাকরকে গ্রাস করিত, তাহাদিগের প্রতি তাঁহারা ক্রোধ বা দ্বণা প্রকাশ না করিয়া থাকিতে পারিতেন না। আমরা যে কেবল প্রলাপ বাক্য বলিতেছি না, কিঞ্চিৎ বিবেচনা করিলেই প্রতীতি হইবে। দেবগণ প্রাচীনদিগের আরাধ্য, এবং দীপ্তার্থবোধক দিব্ধাতু হইতে দেব শব্দের উৎপত্তি। দেবরাজ ইন্দ্রের প্রধান শত্রু বৃত্র, এবং বৃত্র শব্দের অর্থ মেঘ। (১) অমুরেরা

⁽১) তারানাথকৃত শব্দভোম মহানিধি দেখ।

দেব বিরোধী, এবং রাত্রির একটী নাম অস্থরা। (২) রাছ গ্রহণের কারণ এবং একজন প্রবল দৈতা।

ভাষাতদ্বের অনুশীলন ছারা জানা গিয়াছে যে মধ্য এসিয়ার আদিম বাসস্থান পরিত্যাগপূর্বক ভিন্ন ভিন্ন স্থানে প্রস্থান করিবার পূর্বেই আর্য্যজাতির মধ্যে দেবোপাসনা প্রচলিত হইয়াছিল। সংস্কৃত দেবস্, (৩) লাটিন দেউস্ (Deus), গ্রীক্ থেওস (Theos), ইহার সাক্ষ্যপ্রদান করিতেছে। পারসিক ভাষায় দেউ শব্দে দৈত্য এবং অন্তর শব্দে দেবতা বৃঝায়। যে কারণে সংস্কৃত সপ্তাহ পারসীতে হপ্তা, সংস্কৃত সপ্তসিদ্ধু পারসীতে হপ্তহেন্দু হইয়াছে, সেই কারণেই সংস্কৃত অন্তর পারসীতে অন্তর হইয়াছে। অন্তর প্রাচীন পারসিকদিগের উপাস্থ এবং দেব স্থায়; ইহা দেখিয়া অন্থমান হয় যে ধর্মসংক্রান্ত বিবাদ উপস্থিত হইয়া হিন্দু এবং পারসিকদিগের পূর্ব্বপুক্রষণণ বিচ্ছিন্ন হইয়া পড়েন।

य य तिमर्गिक घटना लहेशा य य एत्वा कन्निक. त्महे त्महे तिमर्गिक घटना অবলম্বন করিয়া সেই সেই দেবতাকে পুরাতন ঋষিগণ কত আখ্যা দিয়াছিলেন। এই আখ্যাগুলি অনেক সময়ে প্রাকৃততত্ত্বসমূম্ভবা কবিকল্পনার সৃষ্টি। কালক্রমে তাহাদিগের মূল ভূলিয়া গিয়া লোকে যখন তাহাদিগের ব্যাখ্যা চেষ্টা করিতে लांशिल, ज्येन प्रविज्य मःकांस नानाविध छेशाधारनत छेरशिख इहेल। ভট্টমোক্ষমূলর বলেন, "যে সকল লোকে স্থবর্ণবর্ণ সৌরকররাজীকে তরুপল্লবের সহিত যেন খেলিতে দেখিয়াছে, এই সকল প্রসারিত করদিগকে হস্ত বা বাছ বলিয়া বর্ণনা করা সে সকল লোকের অতি স্বাভাবিক ভাব। স্থুতরাং আমরা দেখিতে পাই যে বেদে সুর্য্যের অক্সতর নাম সবিতা "হিরণ্য পাণি" বলিয়া অভিহিত হইয়াছে। কে ভাবিতে পারিত যে এমন একটা সরল উপমা ওপাখ্যানিক ভ্রমের কারণ হইবে ? কিন্তু আমরা দেখিতেছি যে বেদের টীকাকারগণ সূর্য্যের হিরণ্যপাণি নামে তদীয় রশ্মির স্থবর্ণ কান্তি না বৃঝিয়া, তত্বপাসকদিগের উপর বর্ষণ করিবার নিমিত্ত তদীয় হত্তে স্বৰ্ণ আছে, ইহাই বুৰিয়াছিলেন। পুরাতন স্বাভাবিক আখ্যা হইতে একপ্রকার উপদেশ গৃহীত হইয়াছে, এবং লোকে এই বলিয়া সুর্য্যের উপাসনা করিতে উৎসাহিত হইয়াছে যে ভদীয় যাজকদিগকে দিবার জন্ম তাঁহার হত্তে স্বৰ্ণ আছে। তিনি যে কেবল উপদেশে পরিণত হইয়াছেন এমন নহে; তিনি একটা উত্তম উপাখ্যানের বিষয়ও হইয়াছেন। হিরণ্যপাণি সুর্য্যের প্রকৃত অর্থ বুঝিতে লোকে অশক্ত হউক বা অনিচ্ছুক থাকুক, ইহা নিশ্চিত যে দেবতম্ব-সম্বন্ধীয় পুরাতন ব্রাহ্মণ গ্রন্থে উক্ত হইয়াছে যে যজ্ঞে সূর্য্য আপনার হস্ত কাটিয়া

⁽২) তারানাথকত শব্দডোম মহানিধি দেখ।

⁽৩) দেবশব্দের প্রথমার একবচন, দেবঃ বা দেবদ্।

ফেলেন এবং যাজকেরা তৎপরিবর্ত্তে তাঁহাকে স্মুবর্গহস্ত প্রদান করেন। উত্তরকালে স্থা্য সবিতা নামে আপনি যাজক হইয়াছেন; এবং কিরূপে যজ্জবিশেষে স্বহস্ত কাটিয়া ফেলেন, আর কিরূপে অপর যাজকেরা তঙ্ক্তক্ত স্বর্ণহস্ত নির্মাণ করেন, তিহিয়ক একটা উপাখ্যান কথিত হইয়াছে।

কিঞ্চিৎ বিবেচনা করিয়া দেখিলেই প্রতীতি হইবে যে অনেক দেবতাই সূর্য্যের নামান্তর মাত্র। সূর্য্যার্ঘ্য প্রদানকালে এই মন্ত্রটী উচ্চারিত হয়—

> "নমোবিবস্থতে ব্রহ্মন্ ভাস্বতে বিষ্ণুতেজসে জগৎসবিত্রে শুচরে সবিত্রে কর্মাদায়িনে।"

অর্থাৎ "ব্রহ্মপ্রভাযুক্ত বিষ্ণুতেজােময় জ্বগৎ প্রসবিতা শুচিকর্মফলদায়ী সবিতা বিবস্বৎকে নমস্কার।" ইহাতে স্পষ্টই অনুমান হয় যে ব্রহ্মা ও বিষ্ণু উভয়েই সুর্য্যের নামভেদ মাত্র। যখন আমরা সুর্য্যোদয়কালকে ব্রহ্মাযুর্ত্ত বলি, এবং ব্রহ্মাকে রক্তবর্ণ বলিয়া বর্ণনা করি, তখন কি মনে হয় না যে, উদয়কালীন সুর্য্যকে প্রথমে ব্রহ্মা বলিত ? আর ব্রহ্মা যে সৃষ্টিকর্তা বলিয়া গণ্য হইবেন, ভাহাও আশ্চর্য্য নহে। সুর্য্যোদয়ে তিমিরাচ্ছয় জগতের প্রকাশ এবং নিজিত জীবের

* It was, for instance, a very natural idea for people who watched the golden beams of the Sun playing as it were with the foliage of trees, to speak of these outstretched rays as hands or arms. Thus we see that in the Vedas, Savitar, one of the names of the Sun, is called golden-handed (হিরণ্য পাণি). Who would have thought that such a simple metaphor could have ever caused any mythological misunderstanding? Nevertheless we find that the commentators of the Vedas see in the name golden-handed, as applied to the Sun, not the golden splendour of his rays, but the gold which he carries in his hands, and which he is ready to shower on his pious worshippers. A kind of moral is drawn from the old natural epithet, and people are encouraged to worship the Sun, because he has gold in his hands to bestow on his priests.....He was not only turned into a lesson, but he also grew into a respectable myth. Whether people failed to see the natural meaning of the golden-handed Sun, or whether thy would not see it, certain it is that the early theological treatises of the Brahmans tell of the Sun as having cut his hand at a sacrifice, and the priests having replaced it by an artificial hand made of gold. Nav. in later times the Sun, under the name of Savitar, becomes himself a priest, and a legend is told, how at a sacrifice he cut off his hand, and how the other priests made a golden hand for him."

Max Muller's Lectures on the Science of Language.

2nd Series, Pages 378-79.

জাগরণরূপ পুনর্জ্জীবন হয়। নিশাবসানে প্রভাকর দর্শনে আমাদিগের পূর্ব্বপুরুষ-দিগের মনে যে গভীর ভাব ও আনন্দের উৎপত্তি হইত, তাহা আমাদিগের বুঝিয়া উঠা হুষ্কর। আমাদিগের স্থায় তাঁহারা সবিতার উদয়াস্তের কারণ জ্বানিতেন না; কিন্তু তৎসঙ্গে আপন আপন সুখ ছঃথের অনেক যোগ দেখিতে পাইতেন। ছুদ্দান্ত নিশাচরদিগকে তাড়াইয়া, অন্ধকার বিনাশ করিয়া, কুল্মটিকা নিবারণ করিতে করিতে, যখন দিনমণি পূর্ব্বদিক সমুজ্জ্বল করিয়া উদিত হইতেন, তাঁহার রশ্মির মৃত্যুসঞ্জীবনী শক্তির প্রভাবে যেন বিশ্বসংসার পুনর্জ্জীবিত হইত। মধুময়ী উষা তাঁহার আগমন সম্বাদ দিত, স্থগন্ধ গন্ধবহ তাঁহার অভিনন্দন করিত, কলকণ্ঠ বিহঙ্গমগণ তাঁহার আগমনী গাইত, নব নব কুসুমে এবং নীহার মৃক্তাফলে সুসজ্জিত হইয়া ধরণী নৃতন সৌন্দর্য্য ধারণ করিত, এবং চতুর্দ্দিকে প্রফুল্ল জীবন স্রোভ প্রবাহিত হইয়া নিঃশব্দে বা উচ্চ নিনাদে ঈদৃশ সুখপ্রদ দেবের মহিমা প্রচার করিত। যখন মেঘ আসিয়া দিবাপতির প্রভা আবরণ করিত, অবনী-স্থন্দরী যেন হৃঃখে ম্লানমূর্ত্তি হইতেন। প্রাচীন আর্য্যকবি এই ছঃখে ছঃখিত হইতেন; তাঁহার আননও বিবর্ণ হইত। কিন্তু যখন দিননাথ নীরদনাগপাশ ছিন্ন করিয়া বহির্গত হইতেন. উল্লাসে কবি বিজয় সঙ্গীত গাইতেন। র্যখন হীনপ্রভ রবি পশ্চিমে ডুবিতেন, আর্য্য ঋষির অন্তঃকরণের শক্তিও ভূবিত, এবং স্বনিবাসে গমনপূর্ব্বক এই ভাবিতে ভাবিতে নিজ্রার হস্তে আত্মসমর্পণ করিতেন যে পুনরায় আপনি অথবা সূর্য্য উঠিবেন কি না সন্দেহ। তৎকালে প্রভাকরের গতি বা পরিণাম সম্বন্ধে বিজ্ঞান কোন কথাই কহেন নাই; স্থতরাং কল্পনার বিচিত্র সৃষ্টির বিস্তীর্ণ স্থান ছিল। আলোক এবং অন্ধকার, দিবা এবং রাত্রি, সূর্য্য এবং মেঘ ইহাদিগের পরস্পর যুদ্ধ মঙ্গলশক্তি ও অমঙ্গল শক্তির যুদ্ধের তায় প্রাচীনকালের চিম্তাশীল ব্যক্তিবর্গের চক্ষে লাগিত। তাঁহারা অতিশয় উৎসাহ সহকারে এই সৌর-নাটকের অভিনয় সন্দর্শন করিতেন: এবং কখন ভক্তিতে, কখন যুক্তিতে, কখন বা কবিছে পরিপূর্ণ বাক্যে আপনাদিগের উচ্ছ্বসিত অন্তঃকরণের ভাব প্রকাশ করিতেন। দূর প্রতিধ্বনিবৎ সেই অপুনরাগম্য কালের কোন কোন বাক্য বেদে শ্রুত হয়; এবং তৎসমুদয়ের নির্দ্দেশে অনেক দেবতার প্রকৃতি নির্ণীত হয়।

আমরা বলিয়াছি যে স্থ্যই ব্রহ্মা। এটা নৃতন কথা নহে। স্থবিখ্যাত কুমারিল্ল ভট্ট যখন বৌদ্দিগের সহিত বিচার করিয়াছিলেন, তখন তিনিও এই কথা বলিয়াছিলেন। কথিত আছে যে প্রজ্ঞাপতি ব্রহ্মা তদীয় কল্যা উষাতে উপগত হইয়াছিলেন। বৌদ্ধেরা তাঁহার চরিত্র সম্বন্ধে এই আপত্তি করিলে কুমারিল্ল ভট্ট বলিয়াছিলেন,

"প্রজ্ঞাপতিস্তাবৎ প্রজ্ঞাপালনাধিকারাদাদিতা এবোচাতে।

স চারুণোদয় বেলায়ামৃষস্থায়ভাতি সা তদাগমনাদেবোপজায়ত ইতিতদ্দু-হিতৃত্বেন ব্যপদিশাতে। তস্তাং চারুণ কিরণাখ্যবীজ নিক্ষেপাৎ স্ত্রীপুরুষ সংযোগ-বছুপচারঃ।" অর্থাৎ—

"প্রজাপালন করেন বলিয়া সূর্য্যকে প্রজাপতি বলে। অরুণোদয় সময়ে তাঁহার আগমনে উষার উৎপত্তি, এজন্ম উষাকে তাঁহার ছহিতা বলে। উষার সহিত তাঁহার তেজ সংযোগ ঘটে, এজন্ম উভয়কে স্ত্রীপুরুষভাবে বর্ণনা করা হইয়াছে।"

বিষ্ণু যে সূর্য্য, ইহার অপর প্রমাণ দেওয়া যাইতেছে। ঋগেদে লিখিত আছে,

"हेमम् विकृर्विठकस्य त्विधा निर्मार्थ श्रमः।"

অর্থাৎ "বিষ্ণু ইহা পরিক্রম করিয়াছিলেন। তিন স্থলে তিনি পদ-স্থাপন করিয়াছিলেন।" নিরুক্তকার যাস্ক ইহার পশ্চাহুদ্ধ ত অর্থ লিখিয়াছেন :—

> "যদ্ ইদম্ কিঞ্চ তদ্ বিক্রমতে বিষ্ণু: । ত্রিধা নিধাত্তে পদং । ত্রেধাভাব্য পৃথিব্যাম্ অন্তরীক্ষে দিবি" ইতি শাকপূণি: । "সমারোহণে বিষ্ণুপাদে গয়াশিরসি" ইতি ঔর্ণবাভ: ।

অর্থাৎ "যাহা কিছু আছে, বিষ্ণু পরিক্রম করিয়াছেন। তাঁহার পদ তিনি ত্রিধা স্থাপন করিয়াছেন, অর্থাৎ শাকপূণির মতে পৃথিবীতে অন্তরীক্ষে এবং আকাশে; ঔর্ণবাভের মতে সমারোহণে, বিষ্ণুপাদে এবং গয়াশিরে।"

ছুর্গাচার্য্য নিরুক্তের টিকার এই ব্যাখ্যা অবলম্বন করিয়া লিখিয়াছেন :—
"বিষ্ণুরাদিত্য:। কথং ইতি যত আহ 'ত্রেধা নিদাধে পদম্,' নিধাত্তে পদং নিধানং
পদে:। ক তৎ তাবৎ।

পৃথিব্যামস্তরীক্ষে দিবি ইতি শাকপ্ণি:। পার্থীব্যোগ্নির্জ্বা।
পৃথিব্যাম্ যৎকিঞ্চিদন্তিতদ্ বিক্রমতে তদ্ধিতিষ্ঠিতি।
অন্তরীক্ষে বৈহ্যতাত্মনা। দিবি স্ব্যাত্মনা। সমারোহণে,
উদয়গিরাব্তন্ পদমেকং নিধাত্তে। বিষ্ণুপাদে, মধ্যন্তিনেংস্তরীক্ষে।
গয়াশিরসি, অন্তগিরাবিত্যোণ্বাভ আচার্যোমস্ততে।"

অর্থাৎ "বিষ্ণু আদিত্য। কেন? কারণ, উক্ত হইয়াছে যে, তিন স্থলে তিনি পদ-স্থাপন করেন। কোথায় এরপ করেন? শাকপ্নির মতে, পৃথিবীতে, অন্তরীক্ষে এবং আকাশে। অগ্নিরূপে পৃথিবীতে যাহা কিছু আছে তাহাতে পরিক্রম, তাহাতে অধিষ্ঠান করেন। অন্তরীক্ষে বিছ্যুৎরূপে। আকাশে সূর্য্যরূপ। । আকাশে তর্ণার উদয়গিরিতে স্থাবাভ আচার্য্যের মতে তিনি একপাদ উদয়কালে সমারোহণে অর্থাৎ উদয়গিরিতে স্থাপন করেন; একপাদ মধ্যাহে বিষ্ণুপাদে বা অন্তরীক্ষে; একপাদ গয়ানিরে অর্থাৎ অন্তরিরিতে।"

গয়াশির শব্দের অর্থ ভূলিয়া গিয়া, বিষ্ণুগয়াশিরে একপাদ স্থাপন করিয়াছিলেন, ঔর্ণবাভ ঋষির এই কথা লইয়া লোকে যে গয়াম্মরের গল্প রচনা করিয়াছে এবং স্থবিধাক্রমে গয়ানামক একটা স্থান থাকায় এই উপলক্ষে ভাহার মাহাত্ম্য জ্বিয়াছে, ইহা বোধ হয় পাঠকেরা সহজ্বেই বৃঝিতে পারিবেন। কোন একটা আখ্যার প্রকৃত অর্থভেদ করিতে না পারিয়া কল্পনাদারা ভাহার ব্যাখ্যা করিতে গিয়াই, অধিকাংশ দেবঘটিত উপাখ্যানের স্পষ্টি হইয়াছে, অমুসন্ধান করিলে পদে পদেই এই সত্যটা লক্ষিত হইবে।

কেবল ব্রহ্মা বিষ্ণু নহে, রুদ্র ও সূর্য্য। এবিষয়ে আমাদিগের অধিক কথা কহিবার প্রয়োজন নাই; প্রচলিত "রোদ্র" শব্দই ইহার যথেষ্ট প্রমাণ। যখন সূর্য্য কিরণকে আমরা "রোদ্র" বলিতেছি, তখন পূর্ব্বকালে যে সূর্য্যকে রুদ্র বলিত ভাহার সন্দেহ নাই।

বর্ত্তমান হিন্দৃধর্মে ব্রহ্মা, বিষ্ণু ও রুদ্রেই দেবতাদিগের মধ্যে প্রধান, কিন্তু বৈদিক সময়ে অপর তিনটা প্রধান বলিয়া পরিগণিত হইত। নিরুক্তকার যাস্ক লিখিয়াছেন, "তিন্র এব দেবতা ইতি নৈরুক্তা অগ্নিঃ পৃথিবীস্থানোবায়্বা ইন্দ্রোবাস্তরীক্ষস্থানঃ সুর্য্যো ছ্যুস্থানঃ। তাসাম্ মহাভাগ্যাদেকৈকস্থাপি বহুনি নামধ্য়োনি ভবস্তি। অপিবা কর্ম্ম পৃথক্ ছাদ্ যথা হোতাহধ্বর্য্যুর্ম্মা উদগাতা ইত্যপোকস্য সতঃ।"

অর্থাৎ "নিরুক্তকারদিগের মতে দেবতা তিনটী; অগ্নি, পৃথিবী যাহার স্থান; বায়্ বা ইন্দ্র, অন্তরীক্ষ যাহার স্থান; এবং সূর্য্য, আকাশ যাহার স্থান। তাঁহাদিগের মহিমা প্রকাশার্থে তাঁহাদিগেরে বহু নাম প্রদত্ত হইয়া থাকে; অথবা তাঁহাদিগের কার্য্যভেদ প্রদর্শনার্থে, যথা একই ব্যক্তি কার্য্যভেদে হোতা, অধ্বর্য্য, ব্রহ্মা, উদগাতা প্রভৃতি নামে অভিহিত হয়।"

আমরা দেখাইয়াছি যে ব্রহ্মা বিষ্ণু রুক্ত তিনটীই সূর্য্যের নামান্তর। এক্ষণে আমরা ইন্দ্রের সম্বন্ধে গুটিকতক কথা বলিব; কারণ তিনি অভাপি নামে দেবাধিপতি, এবং বৈদিক কালে অতি প্রধান পদে প্রতিষ্ঠিত ছিলেন।

শব্দস্তোম মহানিধিতে পশুতবর শ্রীযুক্ত তারানাথ তর্কবাচম্পতি ঐশ্বর্যার্থ-বোধক ইদি ধাতু হইতে ইন্দ্র শব্দের ব্যুৎপত্তি করিয়াছেন, এবং উহার যে সকল অর্থ লিখিয়াছেন তন্মধ্যে দ্বাদশ অর্কের অন্তর্গত একটি অর্ক আছে।

কুমারিল্ল ভট্টের মতেও, ইন্দ্র সূর্য্য। ইন্দ্র অহল্যার সতীত্ব হরণ করিয়াছিলেন বলিয়া যে অপবাদ আছে, তাহার প্রকৃত অর্থ ব্ঝাইতে গিয়া কুমারিল্ল লিখিয়াছেন. "সমস্ততেজ্ঞাঃ পরমেশ্বরত্বনিমিন্তেশ্র শব্দবাচ্যঃ সবিতৈবাহনি লীয়মানতয়া রাত্রেরহল্যা শব্দ বাচ্যায়াঃ ক্ষয়াত্মকজরণ হেতৃত্বাড্জীর্যত্যত্মাদনেন বোদিতেন বেত্যহল্যা জার ইত্যুচ্যতে ন পরস্ত্রীব্যভিচারাৎ।"

অর্থাৎ "তেজোময় সবিতা ঐশ্বর্য্য হেতৃক ইন্দ্রপদবাচ্য। অহন্ অর্থাৎ দিনকে লয় করে বলিয়া রাত্রির নাম অহল্যা। সেই রাত্রিকে ক্ষয় বা জীর্ণ করেন বলিয়া ইন্দ্র অর্থাৎ সবিতাকে অহল্যাজার বলে, ব্যভিচার জন্ম নয়।"

এই উপাখ্যান সম্বন্ধে আরও তুই একটি কথা বলা যাইতে পারে। কথিত আছে যে অহল্যা গোতমের স্ত্রী ছিলেন। আমাদিগের বোধ হয় যে গোতম শব্দের অর্থ চন্দ্র, গো (রশ্মি) এবং তম্ (বাঞ্ছা করা) হইতে ইহার উৎপত্তি; কেন না চন্দ্র যে সূর্য্যের নিকট হইতে আলোক প্রাপ্ত হন, ইহা এতদ্দেশীয় পণ্ডিতগণ জানিতেন, যথা—

"পিতৃঃপ্রযন্ত্রাৎ স সমগ্রসম্পদঃ শুভৈঃ শরীরাবয়বৈদিনে দিনে। পুপোষ বৃদ্ধিং হরিদখদীধিতে রম্ব প্রবেশাদিব বাল চক্রমা॥"

রঘুবংশ।

অর্থাৎ "সমগ্রসম্পদসম্পন্ন পিতার প্রয়ন্ত্রে তাঁহার স্থুন্দর শরীরাবয়ব দিন দিন বৃদ্ধি পাইতে লাগিল, যেমন সূর্য্যরশ্মির অন্ধুপ্রবেশে বাল চন্দ্রমা বৃদ্ধি পায়।"

অথবা এমনও হইতে পারে যে বাস্তবিক গোতম নামে একজন ঋষি ছিলেন, এবং তাঁহার স্ত্রীর নাম অহল্যা ছিল। পরে লোকে এই অহল্যার সহিত সূর্য্যস্থাতা অহল্যার একতা অনুমান করিয়া গোতম মুনির স্ত্রীকে ইন্দ্র হরণ করেন, এই গল্পটীর সৃষ্টি করিয়াছেন।

বোধ হয়, এক অহল্যাকে অপর অহল্যা ভাবিয়া এই উপাখ্যানের আর একটা অংশ কল্পিত হইয়াছে। কথিত আছে যে পতির অভিসম্পাতে অহল্যা পাষাণ হইয়াছিলেন; বহুকালাস্তে রাম সীতা বিবাহ করিবার পূর্ব্বে তাঁহাকে উদ্ধার করেন। তারানাথ বলেন যে কর্ষণার্থ বোধক হল্ ধাতু হইতে অহল্যা শব্দের উৎপত্তি; স্মৃতরাং এই ব্যুৎপত্তি অনুসারে অহল্যা শব্দের অর্থ "যাহা কর্ষণযোগ্য নহে অর্থাৎ প্রস্তরময় ভূমি।" এই অহল্যার সহিত সূর্য্যহৃতা অহল্যার একতা ভাবিলে অহল্যার পাষাণ হইবার কথা স্পৃষ্ট হইবে, আশ্চর্য্য নহে। রাম সীতারে বিবাহ করিবার পূর্বেব অহল্যাকে মুক্ত করিলেন, ইহারও গৃঢ় অর্থ আছে। রাম শব্দের উত্তর আরাম বা স্থেস্বছল্দ; সীতা কৃষ্টভূমি; অহল্যা অকৃশ্য ভূমি। স্মৃতরাং ভাবার্থ এই হইতেছে যে, অকৃশ্য ভূমি মুক্ত করিয়া কৃষিকার্য্য করিলে মনুয়ে স্থ-স্মৃত্বে পাকিতে পারে। সীতার জন্মবিষয়ে যাহা কিছু লিখিত আছে; ভাহাতেও

আমাদিগের কথারই প্রতিপোষকতা হয়। সীতা পৃথিবীর কক্সা, অযোণিসম্ভবা, ভূমিকর্ষণকালে লাঙ্গলের ফালে উঠিয়াছিলেন।

এই প্রসঙ্গে ইন্দ্রের ত্ইটি নামের ব্যাখ্যা করা যাইতেছে। তিনি নাকি প্রথমে গোতমের শাপে সহস্রযোণি, পরে সেই মুনির প্রসাদে সহস্রাক্ষ হইয়াছিলেন। আমাদিগের বোধ হয় ইন্দ্রকে সহস্রযোণি বলিবার অর্থ এই যে তিনি অসংখ্য ভিন্ন ভিন্ন মূর্ত্তি পরিগ্রহ করেন। তিনি কখন সূর্য্য, কখন বায়ু, কখন বিষ্ণু, কখন ব্রহন্ ইতাদদি; কেননা কার্য্য বা মাহাত্মভেদে তিনি ভিন্ন ভিন্নরূপে প্রতীয়মান হন। সহস্রাক্ষ বলিতে সূর্য্যের সহস্র দিক্-প্রকাশক কিরণমালা; নতুবা অন্তরীক্ষপতি বলিয়া ইন্দ্রকে আকাশের সহিত এক জ্ঞান করিয়া আকাশের অসংখ্য তারকানিচয়কে তাঁহার চক্ষু বলিয়া কল্পনা করা হইয়াছে।

মেঘের নাম বুত্র; সেই বুত্রের সহিত বেদে ইন্দ্রের অর্থাৎ সূর্য্যের ক্রমাগত যদ্ধ। এই ঘটনা এবং দিবারাত্রির বিরোধ অবলম্বন করিয়াই বুত্রাস্থরের উপাখ্যান এবং দেবাস্থরের সমর সৃষ্ট হইয়াছে। স্থুভরাং কখন কখন আমরা দেবতাদিগের পরাজয় দেখিতে পাই। মেঘ অথবা রাত্রি যেমন দিনমণিকে সময়ে সময়ে আচ্ছন্ন করিয়া ফেলে, দৈত্যগণও তেমনিই দেবগণকে সময়ে সময়ে পরাভূত করে। দিনমণি যেমন তৎকালে মহিমাবিচ্যুত হইয়া কোথায় প্রচ্ছন্নভাবে থাকেন, তেমনই দৈত্য-যুদ্ধে বিগতগৌরব দেবগণ রাজ্যভ্রষ্ট হইয়া কোথায় লুকায়িত থাকেন। সময়ে সময়ে যেমন মেঘদল বিচ্ছিন্ন হইয়া পড়ে এবং সূর্য্য মুক্ত হইবেন আশা জন্মে, তেমনই মধ্যে মধ্যে দৈত্যদল ছত্রভঙ্গ হইয়া পলায়ন করে এবং দেবতাদিগের জয়ের সম্ভাবনা হইয়া উঠে। সহসা আবার যেমন নৃতন মেঘ আসিয়া দিবাকরকে ঢাকিয়া ফেলে, তেমনই আবার নৃতন দৈত্যসেনা সংগ্রামস্থলে উপস্থিত হইয়া বিজ্ঞয়প্রত্যাশী দেবতা-দিগকে অভিভূত করে। কিন্তু মেঘের যত কেন প্রতাপ হউক না, মেঘ অশ্ব, হস্তী, মহিষ প্রভৃতি যে কোন ভয়ানক মূর্ত্তি ধরুক না, পরিশেষে সূর্য্যের যেরূপ নিশ্চিত জ্বয়লাভ হয়, তত্রপ দৈত্যগণ যত কেন প্রবল হউক না, তাহারা মায়াবলে যত কেন ভীষণাকার ধারণ করুক না, অবশেষে প্রভাশালী অমর নির্জ্জর দেবগণের জয়লাভ হইবেই হইবে।

দিনে সূর্য্যের আলোক আমাদিগের সহায়; রাত্রিকালে চল্লের আলোক।
চল্রসংক্রান্ত ছই একটা কথা বলিয়া আমরা এবার এই প্রস্তাবের উপসংহার করিব।

দীপ্তার্থবোধক চদ্ ধাতু হইতে চন্দ্র শব্দের উৎপত্তি। স্থধাময়ী জ্যোৎস্না বিতরণ করিয়া নিশাসময়ে হিংস্রজন্ত ও শত্রুগণের হস্ত হইতে মুক্ত হইবার পথ চন্দ্র দেখাইয়া দিতেন। কেন তাঁহাকে দেবতা বলিয়া আদিকালের লোকে পূজা না করিবে ? দিবাভাগে জ্বলিয়া পুড়িয়া যামিনীতে চন্দ্রালোকে বসিলে কাহার মন

না প্রাফুল্ল হয় এবং কাহার চিত্তে না ভক্তি ও প্রীতি উচ্ছলিত হইয়া পড়ে ? কিন্তু চন্দ্র যদিও উপাস্থ্য দেবতা, তাঁহার অঙ্গে কৃষ্ণবর্ণ চিহু কেন এই বিষয়ের চিম্বা প্রাচীন কবিদিগের মনে উঠিতে লাগিল। কেহ চিহ্নের আকার দেখিয়া কল্পনাবলে তাঁহাকে শশাষ্ক, কেহ বা মুগান্ধ বলিলেন। অমনি কেহ অমুমান করিলেন যে বাস্তবিক তাঁহার কোলে একটা মুগশিশু বা শশশিশু আছে। কেহ বা আরও সুক্ষ টানিয়া স্থির করিলেন যে, চন্দ্র মৃগ চুরি করিয়া কলঙ্কিত হইয়াছেন। অগ্ন একদল এই কলঙ্কের অপর কারণ কল্পনা করিলেন। ইংহারা বলিলেন যে দেবগুরু বুহস্পতির পত্নী তারাকে হরণ করিয়া চন্দ্র কলঙ্কিত হইয়াছেন। এ কথার মূল আমাদিগের যেরূপ বোধ হয় নিম্নে লিখিত হইতেছে। বৃহস্পতিগ্রহ দেবগুরু অর্থাৎ দীপ্তিতে শ্রেষ্ঠ ; এই কারণেই তারকাসভামাঝে তাঁহার শোভাসন্দর্শন করিয়া বোধ হয় কোন কবি তাঁহাকে তারাপতি বলিয়া বর্ণনা করিয়াছিলেন। চল্র যেরূপে তারকামগুলীতে বিরাজ্ঞ করেন, তাহা দেখিয়া আর কোন কবি তাঁহাকে তারাপতি বলিয়াছিলেন। উত্তরকালে বৃহস্পতি ও চন্দ্র উভয়ের তারাপতিত্বের সামঞ্জস্ত করিতে গিয়া একটি বিকৃত গল্পের সৃষ্টি হইয়াছে। দেবগুরু বলিয়া বহস্পতির ক্ষন্ধে না চাপিয়া, দোষটা চন্দ্রের স্কন্ধেই চাপিয়াছে; এবং বিচারকালে চন্দ্রের কলম্বও তাঁহার বিরুদ্ধে সাক্ষ্য প্রদান করিয়াছে। কে না জানে যে কোন উচ্চপদস্থ ব্যক্তির দোষ সহসা বিশ্বাস্থ হয় না. বিশেষতঃ যদি তাহার বিপক্ষ দাগী লোক হয় ?

যে শাস্ত্রকারের। পরদারাকে মাতৃবৎ জ্ঞান করিতেন, তাঁহার। তাঁহাদিগের উপাস্থ্য দেবতাদিগের চরিত্র সম্বন্ধে অশ্লীল উপাখ্যান লিপিবদ্ধ করিয়াছেন দেখিয়া অনেকে বিস্মিত হন। পুরাতন আখ্যার প্রকৃত অর্থ ব্ঝিতে না পারিবার দোষে যে প্রকারে কালক্রমে উক্তবিধ উপাখ্যানসকলের উৎপত্তি হয়, শব্দ-বিজ্ঞানের সাহায্য অবলম্বন পূর্বক এই প্রবন্ধে তাহার কিঞ্চিৎ আভাস প্রদন্ত হইল। যাঁহারা এই বিষয়ের অধিক সমালোচনা করিবেন, তাঁহারা পৌরাণিক উপাখ্যানাদির যথার্থ অবগত হইয়া নৃতন আননদ অনুভব করিবেন, সন্দেহ নাই।



>

ই কি আমার সেই জীবনতোষিণী?

যৌবনের স্থেমরী স্থধাতরঙ্গিণী!

এই কি সে করতল শিরীষ কোমল?

ধরিতে হৃদরে যাহা হরেছি পাগল!

এই কি সে প্রাণহরা চোরা প্রিয় আঁখি?

সাধ্য নাহি ছিল যারে ক্ষণে ধরে রাঞি!

এই কি রে সেই তম্ম স্বর্ণ জিনি ষার

লবণা ঝরিত অঙ্গে—এই সে আমার?—

পালম্ক উপরে নারী পার্শ্বদেশে বসি তারি

ধীরে কোন প্রোঢ়জন বলে;

অলকার কেশগুলি হেরে ধীরে করে তুলি

ঘরে দীপ ধিকি ধিকি জলে।

₹

সাধের সামগ্রী যত, সকলি হেথায়
এইরূপে কলন্ধিত কালের মলায়!
সোণার বিগ্রহে যদি পৃজ একদিন,
সেও রে পরশ দোষে হয় রে মলিন!
হীরকে কাটিয়া কর চিকণ দর্পণ,
তাতেও কালের ছায়া কালেতে পতন!
কত শোভা পদ্মদলে জলে যবে ভাসে;
পরশ বারেক তারে—তারো শোভা হাসে!
সংসারের স্থ্য-পদ্ম নারীও শুকায় সম্ম
পুরুষের দরশ পরশে!
বলে আর ফিরে ফিরে নেহারে নেহারে ধীরে
নারী-আশ্রু নিদ্রার সরসে।

9

প্রবেশি সংসারে যবে—কি স্থথের কাল !
প্রকৃতির বুকে যেন স্থবর্ণের জাল
যতনে ছড়ান ছিল—জড়ান তাহাতে
কত মোহকর চিত্র নয়ন জুড়াতে !
কিবা নিম্রা, কি স্থপন, কিবা সে জাগিয়া
সকলি নিরথি বুক উঠিত নাচিয়া;
ছুটিয়া বেড়াত প্রাণ আশার থেলায়,
ভাবিয়া মানসে এই তরুণী-লতায় !
ভেবেছিয় সমুদয় পৃথিবীর স্থখময়
নবতরু রোপেছি আনিয়া!
সে নবীন তরু এই হায়রে আমিও সেই
কোথা গেল সে আশা ভাসিয়া!

R

"কেন, নাথ, কেন কেন" বলিয়া তথন উঠিলা রমণী সেই তাজিয়া শয়ন; তুলিয়া পরিয়া গলে বিগলিত হার, বলে "নাথ, হের দেথ এথনও বাহার; "চারা গাছে পাতা ছিল এবে ফুল তায় "ফুটেছে কেমন দেথ পাতায় পাতায়; "কে বলেছে ফুরায়েছে সে সাধের আশা "সেই তুমি সেই আমি সেই ভালবাসা। "মন দিয়ে থেল নাথ ফিরে হবে বাজি মাৎ সেই থেলা আবার খেলিব; সেই পুঁজি সেই পণ সেই প্রাণ সেই মন প্রাণনাথ সকলি সে দিব।" কি দিবিরে পাগলিনি—পাবি কি কোথায়?
সাধের বাগান ভাঙ্গা চেয়ে দেখ হায়!
ছায়া করে ছিল তাহে যেই ঘটি তরু,
বসিতাম তলে যার যবে ভার গুরু,
একটি তাহার হায়, সমূলে ভাঙ্গিয়া
গিয়াছে কোথায় চলে—সন্ধিনী ছাড়িয়া।
বন্মীকিতে জর জর নীরস শরীর,
সেও হায় গতপ্রায় বক্সাহত শীর!
রোপিয়্ব যে এত সাধে ফুলতরু কাঁধে কাঁধে
কটি তরু আছে বল তার?
কাঁটি বল ফুটে আছে দাঁড়াইলে কার কাছে
সেই আগ ছোটে পুনর্বার!

৬

পাগলিনী কোথা পাবি সে শোভা আবার—
সে ফুলের মধু, বাস, এখন সে আবার!
"কোথা পাব? এস নাথ দর্পণের কাছে,
"দেখাই সে শোভা যত, এবে কোথা আছে।
"কেন নাথ, নাই কি হে?—এই ত সে সব;
"সেই চাক্ন চাঁদমুখ, প্রাণের বল্লভ,
"সেই ত অমিয় মাথা, এখনও তোমার,
"নয়ন বচন, হাসি—দর্পণ মায়ার!—
"সেই বাহুলতা এই অধরে সে তিল এই
তথনও যা ছিলে, নাথ, এখনও ত সেই;
"সেই আমি সেই প্রাণ হৃদয়েতে সেই গান
তথন এখন কই প্রভেদ ত নেই।"

"প্রভেদ কি নাই"—হায় হায় রে কপটী,
দেখ দেখি একবার নয়ন পালটি
যৌবনের কুঞ্জবন—কত ছিল তায়
সারি, শ্রামা, শুক, পিক্ পাতায় পাতায়!
যতনে ডাকিলে কাছে হরিষে আসিয়া,
হৃদয়ে মাথায়, কোলে পড়িত লুটয়া;
এখনও কি সেই পাথী, আছে কি সে সব?
সেইরূপে কাছে এসে করে কিরে রব?
কত উড়ে গেছে তার, উড় উড়ু কত আর,
কত হায় নীরবে বসিয়া
অম্বথে শাখীতে লুটে ডাকিলে আসেনা হুটে
কাঁদে বসি সংগীত ভুলিয়া!

ь

এখন বাজে না আর সে কুছক-বাঁশী
মোহিণী মায়ার মুখে—সকলি রে বাসি
নিগন্ধ জগতে এবে,— নিগন্ধ হৃদয়
বসস্তের বাস শৃহ্য, ফণীর আলয়!
যাছিল লেহের মণি দিয়াছি বিলায়ে,
এখন ভিখারী— কাঁচ পাই না কুড়ায়ে।
ভেলেছে, প্রেয়সি, সেই আশার আরসি
হাসি, কাঁদি, খেলি বটে তব্ও উদাসী।
"তব্ও উদাসী?" নাথ কর দেখি দৃষ্টিপাত
বারেক এ শিশুর বদন
বলে তুলে আনি স্থথে রাপিলা স্বামির বুকে
পুনঃ মায়া-নিগড়ে বন্ধন!



Pagas 43g

বড বাজার

সন্ধ গোয়ালিনীর সঙ্গে আমার চিরবিচ্ছেদের সম্ভাবনা দেখিতেছি। আমি
নশীরাম বাব্র গৃহে আসিয়া অবধি, তাহার নিকট ক্ষীর, সর, দধি, তৃগ্ধ এবং
নবনীত খাইতেছি। আহারকালে মনে করিতাম, প্রসন্ধ কেবল পরলোকে
সদগতির কামনায় অনস্থ পুণ্য সঞ্চয় করিতেছে;—জানিতাম, সংসারারণ্যে যাহার।
পুণ্যরূপ মৃগ ধরিবার জন্ম ফাঁদ পাতিয়া বেড়ায়, প্রসন্ধ তন্মধ্যে স্মচতুরা; ভোজনাস্থে
নিত্যই প্রসন্ধের পরকালে অক্ষয় স্বর্গ এবং ইহকালে মৌতাত বৃদ্ধির জন্ম দেবতার
কাছে প্রার্থনা করিতাম। কিন্তু এক্ষণে হায়! মানবচরিত্র কি ভীষণ স্বার্থপরতায়
কলঙ্কিত! এক্ষণে সে মূল্য চাহিতেছে!

সুতরাং তাহার সঙ্গে চিরবিচ্ছেদের সম্ভাবনা। প্রথমদিন সে যখন মূল্য চাহিল, রসিকতা করিয়া উড়াইয়া দিলাম—ছিতীয়দিনে বিশ্বিত হইলাম—তৃতীয়-দিনে গালি দিয়াছি। এক্ষণে সে হুধ দই বন্ধ করিয়াছে। কি ভয়ানক! এতদিনে জানিলাম মন্থ্যজাতি নিতান্ত স্বার্থপর; এতদিনে জানিয়াছি যে, যে সকল আশা ভরসা স্যত্নে হৃদয়ক্ষেত্রে রোপণ করিয়া বিশ্বাস্ব জলে পুষ্ট কর, সকলই বুথা! এক্ষণে জানিয়াছি যে, ভক্তিপ্রীতি স্নেহ প্রণায়াদি সকলই বুথা গল্প—আকাশ-কুসুম! ছায়াবাজি! হায়! মন্থ্যজাতির কি হইবে! হায়, অর্থলুব্ধ গোয়ালা জাতিকে কে নিস্তার করিবে! হায়! প্রসন্ধ নামে গোয়ালার কবে গোরু চুরি যাবে!

প্রসন্ধের ছগ্ধ দিধি আছে, সে দিবে, আমার উদর আছে, খাইব; তাহার সঙ্গে এই সম্বন্ধ; ইহাতে সে মূল্য চাহে কোন্ অধিকারে, তাহা আমি বৃঝিতে পারিলাম না। প্রসন্ধ বলে, আমি অধিকার অনধিকার বৃঝি না; আমার পোরু, আমার ছধ, আমি মূল্য লইব। সে বৃঝে না যে, গোরু কাহারও নহে; গোরু, গোরুর নিজের; ছধ, যে খায় ভারই।

ভবে, এসংসারে মূল্য লওয়া একটা রীতি আছে, স্বীকার করি। কেবল খাত্যসামগ্রী কেন, সকল সামগ্রীই মূল্য দিয়া ক্রয় করিতে হয়। তুধ দই, চাল আর কারণ বুঝাইব কি, এই যে ছই প্রহর রৌদ্রে ঝুনানারিকেল বেচিতে আসিয়াছি, ব্রাহ্মণীই তাহার কারণ—কিছু যদি না কেন, তবে নারিকেল বহা,—অকারণ। অতএব নারিকেল কেন, নহিলে এই ঝুনানারিকেল মাধায় ঠুকিয়া মরিব।"

ব্রাহ্মণদিগের সেই প্রখর তপনতপ্ত ঘর্মাক্ত ললাট এবং বাগ্বিতগুজনিত অধরস্থার্ষ্টি দেখিয়া দয়া হইল—জিজ্ঞাসা করলাম "হাঁ ভট্টাচার্য্য মহাশয়! ঝুনানারিকেল কিনিতে আপত্তি নাই, কিন্তু দোকানে দা আছে ? ছুলিবে কি প্রকারে ?

"না বাপু দা রাখি না।"

"তবে নারিকেল ছোল কিসে ?"

"আমরা ছুলিনা—আমরা কামড়াইয়া ছোবড়া **খাই**।"

শুনিয়া, আমি ব্রাহ্মণদিগকে নমস্কার করিয়া পাশের দোকানে গেলাম।

দেখিলাম, ইহাদিগের সম্মুখেই এক্স্পেরিমেন্টেল সায়েন্সের দোকান। কতকগুলি সাহেব দোকানদার, ঝুনানারিকেল, বাদাম, পেস্তা, স্থপারি প্রভৃতি ফল বিক্রয় করিতেছেন। ঘরের উপরে বড় বড় পিতলের অক্ষরে লেখা আছে—

MESSRS BROWN JONES AND ROBINSON

NUT SUPPLIERS. ESTABLISHED 1757

ON THE FIELD OF PLASSEY.

MESSRS BROWN JONES AND ROBINSON

Offer to the Indian Public a large assortment of NUTS.

PHYSICAL, METAPHYSICAL, LOGICAL AND ILLOGICAL, SUFFICIENT TO BREAK THE IAWS

and

DISLOCATE THE TEETH OF

ALL INDIAN YOUTHS

WHO STAND IN NEED OF HAVING THEIR DENTAL SUPERFLUITIES CURTAILED.

দোকানদার ডাকিতেছেন—"আয় কালা বালক Experimental Science খাবি আয়। দেখ, ১নম্বর এক্সপেরিমেন্ট—ঘুসি; ইহাতে দাঁত উপড়ে, মাথা ফাটে এবং হাড় ভাঙ্গে। আমরা এ সকল এক্স্পেরিমেন্ট বিনামূল্যে দেখাইয়া থাকি—কালা মাথা বা বাঙ্গালীর হাড় পাইলেই হইল। আমরা স্কুল পদার্থের সংযোগ বিয়োগসাধনে পটু—রাসায়নিক বলে, বা বৈছ্যভীয় বলে, বা চৌমুক বলে,

জ্ঞান্থপিদার্থের বিশ্লেষণে স্থদক্ষ—কিন্তু সর্ব্বাপেক্ষা মৃষ্ট্যাঘাতের বলে মস্তকাদির বিশ্লেষণেই আমরা কৃতকার্য্য। মাধ্যাকর্ষণ, যৌগিকাকর্ষণ, চৌসুকাকর্ষণ প্রভৃতি নানাবিধ আকর্ষণের কথা আমরা অবগত আছি, কিন্তু সর্ব্বাপেক্ষা কেশাকর্ষণেই আমরা কৃতবিগু। এই সংসারে জড়পদার্থের নানাবিধ যোগ দেখা যায়; যথা বায়ুতে অয়জ্ঞন, ও যবক্ষারজ্ঞনের সামাশ্য যোগ; জলে, জলজন ও অয়জ্ঞনের রাসায়নিক যোগ; আর তোমাদিগের পৃষ্ঠে, ও আমাদের হস্তে, মৃষ্টিযোগ। অতএব, এই সকল আশ্চর্য্য ব্যাপার দেখিবে যদি, কালা মাথা বাড়াইয়া দাও; এক্স্পেরিমেন্ট করিব। দেখিবে, গ্রাবিটেশ্যনের বলে এই সকল নারিকেলাদি তোমার মন্তকে পড়িবে; পর্কশন নামক অন্তৃত শান্দিক রহস্থেরও পরিচয় পাইবে, এবং দেখিবে তোমার মন্তিকন্থিত স্নায়ব পদার্থের গুণে তুমি বেদনা অন্তুত্ত করিবে।

অগ্রিম মূল্য দিও; তাহা হইলে চ্যারিটিতে এক্সপেরিমেন্ট খাইতে পারিবে।" আমি এই সকল দেখিতে শুনিতেছিলাম, এমত সময়ে, সহসা দেখিলাম যে ইংরেজ দোকানদারেরা, লাঠি হাতে, ক্রুতবেগে ব্রাহ্মণদিগের ঝুনানারিকেলের গাদার উপর গিয়া পড়িলেন, দেখিয়া ব্রাহ্মণেরা নারিকেল ছাড়িয়া দিয়া, নামাবলি ফেলিয়া, মূক্তকচ্ছ হইয়া উদ্ধিখাসে পলায়ন করিতে লাগিলেন। তখন সাহেবেরা সেই সকল পরিত্যক্ত নারিকেল দোকানে উঠাইয়া লইয়া আসিয়া, বিলাতী অস্ত্রে ছেদন করিয়া, স্থথে আহার করিতে লাগিলেন। আমি জিজ্ঞাসা করিলাম যে, "এ কি হইল ?" সাহেবেরা বলিলেন "ইহাকে বলে Asiatic Researches." আমি তখন, ভীত হইয়া, আত্মশরীরে কোনপ্রকার Physiological researches আশল্বা করিয়া, সেখান হইতে পলায়ন করিলাম।

সাহিত্যের বাজার দেখিলাম। দেখিলাম, বাল্মীকি প্রভৃতি ঋষিগণ অমৃত ফল বেচিতেছেন; বুঝিলাম ইহা সংস্কৃত সাহিত্য; দেখিলাম, দেবর্ষিতৃল্য জ্যোতির্ময় মন্মুগণ নীচু, পীচ, পোয়ারা, আনারস, আঙ্গুর প্রভৃতি সুস্বান্থ ফল বিক্রয় করিতেছে—বুঝিলাম, এ পাশ্চাত্য সাহিত্য। আরও একখানি দোকান দেখিলাম—অসংখ্য শিশুগণ তাহাতে ক্রেয় বিক্রয় করিতেছে—ভিড়ের জ্ব্যু তন্মধ্যে প্রবেশ করিতে পারিলাম না—জিজ্ঞাসা করিলাম, এ কিসের দোকান ?

বালকেরা বলিল, "বাঙ্গালা সাহিত্য ?"

"বেচিতেছে কে ?"

"আমরাই বেচি। ছুই একজন বড় মহাজ্বনও আছেন। তন্তির রাজে দোকানদারের পরিচয় পশাবলি নামক গ্রন্থে পাইবেন।"

"কিনিতেছে কে ?"

"আমরাই।"

বিক্রেয় পদার্থ দেখিবার বাসনা হইল। দেখিলাম—খবরের কাগন্ধ জড়ান কতকগুলি অপক্ক কদলী।

তাহার পরে কলুপটিতে গেলাম। দেখিলাম, যত উমেদার, মোসায়েব, সকলে কলু সাজিয়া তেলের ভাঁড় লইয়া সারি সারি বসিয়া গিয়াছে। তোমার টাঁটাকে চাকুরি আছে, শুনিতে পাইলেই, পা টানিয়া লইয়া, ভাঁড় বাহির করিয়া, তেল মাখাইতে বসে। চাকরি না থাকিলেও—যদি থাকে, এই ভরসায়, পা টানিয়া লইয়া, তেল লেপিতে বসে। তোমার কাছে চাকুরি নাই—নাই নাই—নগদ টাকা আছে ত—আচ্ছা তাই দাও—তেল দিতেছি। কাহারও প্রার্থনা, তোমার বাগানে বসিয়া তুমি যখন ব্রাপ্তি খাইবে, আমি তোমার চরণে তৈল মাখাইব—আমার কন্সার বিবাহটি যেন হয়। কাহারও আদ্দাশ, তোমার কাণে অবিরত খোষামোদের গন্ধতেল ঢালিব—আমার বাড়ীর প্রাচীরটি যেন দিতে পারি। কাহারও কামনা, তোমার তোষাখানার বাতি জ্বালিয়া দিব—আমার খবরের কাগজখানি যেন চলে। শুনিয়াছি কলুদিগের টানাটানিতে অনেকের পা খোঁড়া হইয়া গিয়াছে। আমার শঙ্কা হইল, পাছে কোন কলু আফিঙ্কের প্রার্থনায় আমার পায়ে তেল দিতে আরম্ভ করে। আমি পলায়ন করিলাম।

তারপরে যশের বাজারে গেলাম—দেখিলাম সে ময়রাপটি। সম্বাদপত্র-লেখক নামে ময়রাগণ, গুড়েসন্দেশের দোকান পাতিয়া, নগদ মূল্যে বিক্রয় করিতেছে—রাস্তার লোক ধরিয়া সন্দেশ গতাইয়া দিয়া, হাত পাতিতেছে—মূল্য না পাইলেই কাপড় কাড়িয়া লইতেছে। এদিকে তাঁহাদের বিক্রেয় যশের ছুর্গন্ধে পথিক নাসিকা আর্ভ করিয়া পলায়ন করিতেছে। দোকানদারগণ বিনা ছানায়, শুধু গুড়ে, আশ্চর্য্য সন্দেশ করিয়া সস্তাদরে বিক্রয় করিতেছেন। কেহ টাকাটা সিকেটায় আনা ছ আনায়, কেহ কেবল খাতিরে—কেহ বা এক সাঁজ ফলাহার পেলেই ছাড়েন—কেহ বা বাবুর গাড়িতে চড়িতে পেলেই যশোবিক্রয় করেন। অক্সত্র রাজপুরুষগণ মিঠাইওয়ালা সাজিয়া, রায়বাহাছ্র, রাজাবাহাছ্র খেতাব, খেলাত, নিমন্ত্রণ, ধক্সবাদ প্রভৃতি মিঠাই লইয়া দোকান পাতিয়া বসিয়া আছেন. -- हाँमा, रमनाम, (थायारमाम, ডाव्हात्रथाना, तान्त्राचार, मृन्य नहेंसा मिठीहे বেচিতেছেন। বিক্রয়ের বড় বেবন্দোবস্ত—কেহ সর্ববস্ব দিয়া এক ঠোঙ্গা পাইতেছে ना-क्ट ७५ रमनारम प्रमुप्त नहेशा यहिष्ठ । এই तुभ अपनक प्राकान দেখিলাম-কিন্তু সর্ববত্রই পচা মাল আধা দরে বিক্রেয় হইতেছে—খাটি দোকান দেখিলাম না। কেবল একখানি দোকান দেখিলাম—তাহা অতি চমৎকার।

দেখিলাম, দোকানের মধ্যে নিবিড় অন্ধকার—কিছু দেখা যায় না। ডাকিয়া দোকানদারের উত্তর পাইলাম না—কেবল এক সর্ব্বপ্রাণিভীতিসাধক অনস্ত গর্জন শুনিতে পাইলাম—অল্লালোকে দারে ফলকলিপি পড়িলাম।

যশের পণ্যশালা।

বিক্রেয়—অনস্তয়শ। বিক্রেতা—কাল!

মূল্য-জীবন।

জীয়ন্তে কেহ এখানে প্রবেশ করিতে পারে না। জার কোথাও স্থযশঃ বিক্রয় হয় না।

পড়িয়া ভাবিলাম—আমার যশে কাজ নাই—কমলাকান্তের প্রাণ বাঁচিলে অনেক যশ হইবে।

বিচারের বাজারে গেলাম—দেখিলাম, সেটা কসাইখানা। টুপি মাথায় শামলা মাথায়—ছোট বড় কসাইসকল, ছুরি হাতে গোরু কাটিতেছে। মহিধাদি বড় বড় পশুসকল শৃঙ্গ নাড়িয়া ছুটিয়া পলাইতেছে—ছাগ মেষ এবং গোরু প্রভৃতি কুজ পশু সকল ধরা পড়িতেছে। আমাকে দেখিয়া গোরু বলিয়া একজন কসাই বলিল "এও গোরু, কাটিতে হইবে।" আমি সেলাম করিয়া পলাইলাম।

আর বড় বাজার বেড়াইবার সাধ রহিল না—তবে প্রসন্ধের উপর রাগ ছিল বলিয়া একবার দইয়ে হাটা দেখিতে লাগিলাম—গিয়া প্রথমেই দেখিলাম যে সেখানে খোদ কমলাকান্ত চক্রবর্ত্তী নামে গোয়ালা—দপ্তররূপ পচা ঘোলের হাঁড়ি লইয়া বসিয়া আছে—আপনি ঘোল খাইতেছে, এবং পরকে খাওয়াইতেছে।

তখন চমক হইল—চক্ষ্ চাহিলাম—দেখিলাম, নশীবাব্র বাড়ীতেই আছি। ঘোলের হাঁড়ি কাছে আছে বটে। প্রসন্ধ এক হাঁড়ি ঘোল আনিয়া আমাকে সাধিতেছে—"চক্রবর্তী মশাই—রাগ করিও না। আজ আর ছ্ধ দই নাই—এই ঘোলটুকু আনিয়াছি—ইহার দাম দিতে হইবে না।"

শ্ৰীকমলাকান্ত চক্ৰবৰ্তী।

প্রাপ্ত গ্রন্থের সাক্ষিপ্ত সমালান্ম

কানবিশের পতা। এ অক্ষয়চন্দ্র সরকার প্রণীত। চু^{*}চূড়া কদমতলা, সাধারণী যন্ত্র। ১২৮১।

"শ্রীঅক্ষয়চন্দ্র সরকার" এই নামযুক্ত গ্রন্থ এই প্রথম প্রচারিত হইল।
অতএব এমন অনেক পাঠক থাকিতে পারেন যে, অক্ষয় বাবুর বিশেষ পরিচয় জ্ঞানেন
না। আমরা তাঁহার এইমাত্র বলিব যে, বঙ্গদর্শনের কতকগুলি অত্যুৎকৃষ্ট প্রবন্ধ
তাঁহারই প্রণীত। সেগুলি তিনি স্বনামযুক্তে পুন্মু দ্রিত করিবেন, এরূপ ভরসা
আছে। তাঁহার প্রণীত সেই সকল প্রবন্ধগুলির সবিশেষ আলোচনা করিলে,
অনেকেই স্বীকার করিবেন যে, অক্ষয় বাবুর স্থায় প্রতিভাশালী গভ্যলেখক অল্পই
বঙ্গদেশে জন্মগ্রহণ করিয়াছেন।

অক্ষয় বাবু গত্যে যাদৃশ অন্ত্ত শক্তিশালী পত্তে সেরপ নহেন, ইহা অবশ্য স্বীকার করিতে হইবে। অতএব শিক্ষানবিশের পত্ত, তাঁহার ক্ষমতার উপযুক্ত পরিচয় নহে। তবে, ইহা "শিক্ষানবিশের পত্ত।" শিক্ষানবিশের জন্ম প্রণীত, এবং অক্ষয় বাবু যখন নিজে শিক্ষানবিশ ছিলেন, তৎকালে প্রণীত।

প্রাস্থভূমিকা হইতে কিয়দংশ উদ্ধৃত করিয়া, গ্রন্থের পরিচয় দিতেছি।

"বিষয়কার্য্যের শিক্ষানবিশী অবস্থায় অবকাশকালে বায়রণ হইতে একটু আখটু অমুবাদ করিতাম। তাহাতে ছইটি উদ্দেশ্য ছিল। প্রধান উদ্দেশ্য ছন্দোবন্ধ রচনা লিখিতে অভ্যাস করা; গৌণ উদ্দেশ্য অবকাশ কর্ত্তন; কোন কোন স্থানের অমুবাদ কিছু ভাল হইলে একটু আহ্লাদও হইত। এইরূপে 'বন্দীর বিলাপ,' 'ভারতবর্ধ,'ও 'সাগরের' জন্ম।

অবিকল ভাষামুবাদ করি নাই, রসামুবাদ করিবার চেষ্টা করিয়াছি। কৃত-কার্য্য হইতে পারি নাই তাহা জানি, স্কুতরাং প্রশংসাবাদপ্রাপ্তি লোভে এই গ্রন্থের প্রকাশ নহে। তবে রসজ্ঞ ভাল বলিলে কিছু আহ্লাদ হইবেই হইবে।"

কিন্তু গ্রন্থ প্রকাশের একটা বিশেষ উদ্দেশ্য আছে। ইহাতে বালকর্নের কিন্তু উপকার হইতে পারিবে। রসপূর্ণ কাব্যগ্রন্থ হইতে ছন্দোবন্ধে রসামূবাদের চেষ্টা করিলে, অল্প আল্প ছলোবোধ হয়, রসগ্রাহকতা কিঞ্চিৎ জল্মে, এবং ভাষা-জ্ঞানও কিছু পরিপৃষ্ট হয়। যাঁহারা বালকবৃন্দের ঐ ত্রিবিধা উন্নতির কামনা করেন, তাঁহারা শিক্ষানবিশের পতা হইতে, বোধ হয় কিছু সাহায্য পাইতে পারিবেন। এবং এমনও বোধ হয় যে, বালকে আপনা আপনি এই ক্ষুদ্র পুস্তক হইতে কিছু ফল লাভ করিবে।

আর একটি কথা আছে। এই পুস্তকের অধিকাংশই বায়রণের অন্ধুবাদ ও অন্ধুকরণ। যাঁহারা ইংরাজি বুঝেন না তাঁহারা বায়রণের অন্ধুবাদ হইতেও স্বদেশান্ধুরাগ শিক্ষা করিতে পারিবেন। আর এ শিক্ষা সংশিক্ষা।

আজিকালি বায়রণের কাব্যের সম্যক্ সমাদর দেখিতে পাওয়া যাইতেছে। সর্বব্রই বায়রণামুকরণ দেখিতে পাই। এমন সময় বায়রণ কোন্ বিষয়ে কিরূপ লিখিয়াছিলেন, তাহা জ্বানিতে অনেকের ইচ্ছা হইতে পারে। যাঁহারা ইংরাজি বুঝেন না তাঁহারা এই ক্ষুদ্র গ্রন্থে বায়রণের কাব্যের কিঞ্চিৎ নমুনা পাইবেন।

অমুবাদ কিরূপ হইয়াছে, তাহার উদাহরণ দেওয়া যাইতেছে।

Roll on, thou deep and dark blue Ocean, roll, স্থনীল গভীর সিন্ধা কল্লোলিয়া চল,

Ten thousand fleets sweep over thee in vain;
লক্ষণোত বক্ষে তব বৃথা ভাসি যায়!

Man marks the earth with ruin—
ধরাধাম ধ্বংস করে মানবের বল,

his control

Stops with the shore;
নর-গরিমার সীমা সাগর বেলায়,

upon the watery plain
The wrecks are all thy deed, nor doth remain
A shadow of man's ravage, save his own,
না থাকে আঁচড় কভু তব নীলকায়,
তব কীৰ্ত্তি তব অঙ্গে; মানব যথন
When, for a moment, like a drop of rain
সহসা সাগর গর্প্তে বৃষ্টিবিন্দু প্রায়
He sinks into thy depths with bubbling groan
হাবু ডুবু থেয়ে ডোবে, কেবল তথন
Without a grave, unknell'd unconffin'd and unknown.
সে দেহ বহন করে? কে করে দহন ?
কেবা হরিবোল বলে? কে করে ক্রন্দন?

ইহা মুক্তকণ্ঠে বলা যাইতে পারে যে, ইংরাজি পছের এরূপ উৎকৃষ্ট বাঙ্গালা পছামুবাদ আমরা আর কোথায় দেখি নাই।

এ গ্রন্থে ছুইটি মাত্র পদ্ম, অমুবাদিত বা অমুকৃত নহে। তন্মধ্যে হাসিকান্নার প্রথমাংশ উদ্ধৃত করিতেছি।

"মলিন ভূবন কেন বিষাদে বিকল ?
ধরাধর বরষিছে কেন আঁথিজল ?
কাছে গলা ভরাজলে, কিনারায় টলটলে,
প্রবল পবন বলে কেন করে কলকল ?
কূলেতে কদম্ব গাছে বিহল বসিয়া আছে,
নাহি গায় নাহি নাচে, কেন ভয়েতে বিহবল ?
পরপারে দৃষ্টি হয়, সব অন্ধকারময়,
সহে রুষ্টি তরুচয়, নীরবে নিচল !
এই যে চাহিল রবি, ধরাধরে নব ছবি,
পুলকে বলিছে কবি বলিহারি কল !
কাঁদে বিশ্ব কাঁদি আমি, হাসিল্ল হামালে তুমি,
হাসিকায়া পূর্ণভূমি, তোমারি কোঁশল !

তুংখমালা। আতৃ বিয়োগে ভগিনীর খেদ। কোন হিন্দুমহিলা প্রণীত। খেদের আর সমালোচন কি ? খেদে খেদই ভাল দেখায়। বিশেষ গ্রন্থে সন্নিবেশিত একখানি পদ্পময় পত্র ও প্রকাশকের একটা টীকা পাঠে জানিলাম যে, নবীনা রচয়িত্রী এখন কেবল আতৃশোকে খিন্না নহেন, বালিকা, অল্প বয়সে একটি পুত্ররত্বে শোভিতা হইয়াছিলেন, বিধাতা সেই ছেলেবয়সের ছেলেটিকে স্বয়ং গ্রহণ করিয়াছেন, স্বতরাং ছংখমালা এখন নিত্য নিত্য নৃতন ছংখই প্রদর্শন করে মাত্র।

"করিয়াছি কত পাপ, তাই পাই হেন তাপ, জন্মান্তরে কারে ব্ঝি প্রাত্হীন করেছি। লয়ে কার প্রাতাধন, দিয়ে স্থথে বিদর্জন, জন্মের মতন কারে শোকনীরে ফেলেছি। হেন হুংথ সেই পাপে, পুড়ি প্রাতা শোকতাপে, শোকাগ্নিতে দক্ষ আমি হই দিবানিশি। ভূলি তারে মনে করি, কিন্তু যে ভূলিতে নারি, সদা মনে জাগিতেছে সেই মুখশশী। সে রূপ যে মধুময়, যথন হে মনে হয়, স্থধাংশু জিনিয়া তার ছিল যে বদন। আকাশের চাঁদ মোরা হাতে পেরে হন্ন হারা, পল্লফুল দিয়ে জলে করি হে রোদন।

লেখাটি বেশ সরল, সরস এবং কষ্টকল্পনাসস্তৃত নহে বলিয়াই বোধ হয়।
আমরা ভরসা করি, নবীনা লেখিকা শীত্র হৃদয়শান্তি লাভ করিবেন।

তারাবাই। ঐতিহাসিক নাটক। শ্রীগঙ্গাধর চট্টোপাধ্যায় কর্ত্ত্ব প্রণীত ও প্রকাশিত।

গ্রন্থকার প্রত্থানি বঙ্গমহিলাকে উপহার প্রদান করিয়াছেন। এবং
 বিলয়াছেন;


"হয় যেন বন্ধনারী সবে বীরান্ধনা, গঙ্গাধর শর্মণের একান্ত বাসনা॥"

আমাদেরও একাস্ত বাসনা যে ব্রাহ্মণের আশীর্কাদ সকল হয়। স্থতরাং কর্কশ কঠিন সমালোচনায় কোমল করে প্রদন্ত উপহার-রত্নের আর গৌরব লাঘব করিব না। বাস্তবিক গ্রন্থখানিতে প্রশংসা অপ্রশংসার কিছুই নাই। বীররস প্রধানা নায়িকা তারাবাই বলিতেছেন।—নায়ককে বলিতেছেন:—

"গুলঞ্চর পতিনিষ্ঠা দেখে আমার ইচ্ছা হচ্চে যেন আমি তার মতন অনস্ত বাহুশৃঋলে আবন্ধ করে, নারিজীবনের সার পতিরূপ সারাল নিমতরুকে চিরকাল বক্ষঃস্থলে ধারণ করি—" এমন পিত্তনাশক উপমা কম্মিনকালে দেখি নাই!

বিবাহ ও পুত্রত্ব সম্বন্ধে মতুর মত। স্থানাভাব প্রযুক্ত এই গ্রন্থ এবং অক্সান্ত বহুসংখ্যক প্রন্থের সমালোচনা হইতেছে না। ক্রমে হইবে। গ্রন্থকারগণ অপরাধ মার্জ্জনা করিবেন।

ভৃতীয় বর্ষ : সপ্তম সংখ্যা



দ্বিতীয় পরিচ্ছেদ

মুখ্য সমাজে প্রধানতঃ ছই দলের লোক আছে। এক দলের দৃষ্টি স্থুখের দিকে, অফ্য দলের দৃষ্টি ধর্মের দিকে। এক দলের নিকটে পৃথিবী, আমোদপ্রমোদের হান, অপর দলের নিকটে ছঃখময় সক্ষটভূমি। এক দল ইহলোকের ব্যাপার লইয়াই ব্যস্ত, অপর দল পারলোকিক চিন্তায় ময়। এক দল বিষয়ী, অপর দল বৈরাগী। একদলের অবলম্বন যুক্তি, অপর দলের অবলম্বন বিশ্বাস। এক দল জড় জগতের তম্ব নির্ণয়ে সমূৎস্কক, অপর দল জীবাত্মা এবং পরমাত্মার প্রকৃতি নির্নপণে যত্ত্বশীল। এক দল প্রত্যক্ষগোচর পদার্থপুঞ্জে আকুষ্টিত্ত হইয়া অপ্রত্যক্ষ বন্তার বিচার দ্বারা মস্তিক্ষ বিলোড়িত করিতে চাহেন না, অপর দল প্রত্যক্ষ জগৎ অসারবৎ জ্ঞান করিয়া অপ্রত্যক্ষ নিত্যপদার্থের ধ্যানে রত। এক দলের বিবেচনা এই যে আপনাদিগের বৃদ্ধিবলে সকলই করিতে পারেন, অপর দল আপনাদিগকে অক্ষম জ্ঞান করিয়া পদে পদে দেবানুগ্রহের প্রার্থী। এক দল তার্কিক, অপর দল ভক্ত। এক দল কথায় কথায় প্রমাণ চাহেন, অপর দল শ্রদ্ধানস্পদ ব্যক্তির বাক্য শুনিলেই তাহার সত্যতা বিষয়ে কিছুমাত্র সন্দেহ করেন না। এক দল বর্ত্তমান সময় এবং উপস্থিত ঘটনাবলী হইতে স্থখাকর্ষণে প্রস্তুত্ত, অপর দল অতীতের উৎকর্ষ এবং ভবিয়্যতের মাহাত্ম চিম্বনে বিমুগ্ধ হইয়া সাংসারিক সম্পদ্কে অবহেলা করেন।

ইহা সহজেই অনুভূত হইবে যে চার্বাকদর্শন প্রথম দলের শাস্ত্র। ইউরোপখণ্ডে আরিষ্টটল্, এপিকুরস্, বেকন্, বেস্থাম, কোম্ত, মিল প্রভৃতি যে দলের মুখপাত,
ভারতবর্ষে বৃহস্পতি এবং চার্বাকও সেই দলের চূড়ামণি। সত্য বটে, ইহাদিগের
পরস্পরের মধ্যে অনেক মতভেদ আছে, কিন্তু ইহারা সকলেই স্থকে জীবনের
উদ্দেশ্য জ্ঞান করেন, সকলেই যুক্তিমার্গামী, এবং সকলেই ইহলোক লইয়া
ব্যস্তঃ।

যাঁহারা ছংখমিঞাত বলিয়া স্থতোগ করিতে চাহেন না, চার্বাক-মতাবলম্বীরা তাঁহাদিগকে পশুবৎ মূর্থ বলেন। মৎস্তে শব্ধ এবং কণ্টক আছে বলিয়া কি মহন্ত জ্বন্দ করিব না ? শ ধান্তের তুব বাছিতে হইবে বলিয়া কি অন্নাহার পরিত্যাগ করিব ? কণ্টকের ভয়ে কি কমল তুলিব না ? শশধরের কলঙ্ক আছে বলিয়া কি তাহার স্থাময়ী জ্যোৎস্নায় অঙ্গ ঢালিয়া শরীর মন শীতল করিব না ? বায়ুতে ধূলা আছে আশহা করিয়া কি গ্রীম্মকালে মন্দ মন্দ প্রবাহিত স্থাস্থিম দক্ষিণানিল সৈবন করিব না ? জলকর্দমাক্ত হইবার ভয়ে কি কৃষ্ট এবং বৃষ্টিসিক্ত ক্ষেত্রে শস্ত বপন করিতে বিরভ থাকিব ? অথবা কি ভিক্ষুকের যাজ্রা আশহা করিয়া আহার সামগ্রী প্রস্তুত করিব না ?

বিমল সুখ যদিও এ সংসারে নাই, তথাপি যাহা আছে তাহা অগ্রাহ্ করিবার বস্তু নহে। আমরা যদি গৃহী হ'হ, এক সময়ে যেমন দারা স্থত বন্ধুগণের প্রাফুল্ল আনন দেখিয়া সুখী হই, অপর সময়ে তেমনই তাহাদিগের পীড়া বা বিপক্জনিত বিষণ্ণ বদন দেখিয়া তুঃখিত হই। এক সময়ে যেমন পুত্রের বিকসিত মুখকমলের হাস্মরাশি বা নন্দিনীর আনন্দময়ী মূর্ত্তির লাবণ্যছটা নিরীক্ষণ করিয়া আনন্দরসে অভিষিক্ত হই, অপর সময়ে, তাহাদিগের শীর্ণ কলেবর বা মৃতদেহ দর্শন করিয়া শোকসাগরে নিমগ্ন হই। এক সময়ে যাহার প্রণয়ে সংসার আলোকময় দেখি, অপর সময়ে তাহার বিরহে সমূদয় জগৎ অন্ধকার বোধ হয়। এই**রূপে** যাহা এক সময়ে সুখের কারণ হইতেছে, তাহাই অপর সময়ে তুঃখের কারণ হয়। যদি আমরা কাহারও সহিত সম্বন্ধ না রাখি, যদি ভূমণ্ডলে এমন কেহই না থাকে যাহার ত্বঃখে বা অভাবে আমাদিগের ক্লেশ হয়, তাহা হইলেও আমরা ত্বংখের হাত এড়াইতে পারি না। যে এই জনাকীর্ণ জগতীতলে একা আছে, যাহার মনের কথা বলিবার একটিমাত্র লোক নাই, যাহার প্রীতির পাত্র কেহই নাই, তাহার চিত্ত উৎসাহশৃন্য, নিজ্জীব, হঃখময়, মরুতুল্য নীরস। যদি এরূপ অবস্থায় কাহারও অন্তঃকরণে শান্তি বিরাজ করে, সে ব্যক্তি সামান্ত মানব নহে। কিন্তু সামাজিক সম্বন্ধ বিরহিত হইয়াও যে সুখী থাকিতে পারে, সেও রোগ এবং দৈব ঘটনার স্রোত হইতে আপনাকে মুক্ত রাখিতে পারে না। সহসা যন্ত্রণাদায়িনী পীড়া আসিয়া

সর্বদর্শনসংগ্রহাস্তর্গত চার্বাকদর্শনং।

^{* &}quot;স্থানেব পুরুষার্থঃ। ন চাস্ত হৃঃথ সংভিন্নতয়া পুরুষার্থবনেব নাজীতি মন্তব্যম্ অবর্জননীয়তয়া প্রাপ্তি হৃঃথক্ত পরিহারেণ স্থানাত্রতিক ভোক্তব্যত্বাং। তত্তথা মংস্থার্থী সশকান্ সকটকান্ মংস্থান্থপাদত্তে স যাবদাদেয়ং তাবদাদায় নিবর্ত্ততে। যথা বা ধান্তার্থী সপলালানি ধান্তান্তাহরতি স যাবদাদেয়ং তাবদাদায় নিবর্ত্ততে। তত্মাদ্রুংথ ভয়ায়ামকুলবেদনীয়ং স্থং-ত্যক্ত্রুম্চিতম্। াদিক কিচ্দ্ ভীক্ষ দৃষ্ঠং স্থং ত্যক্তেং স তার্হ্ পশুবন্ধা ভবেং।"

সমৃদায় উলট্ পালট্ করিতে পারে। স্বাস্থ্যের সঙ্গে সঙ্গে মনের আনন্দ দূরীভূত হয়। জ্যোৎস্নাময়ী রজনীর মনোহর শোভা, উষার শীতল সমীরণ, কুসুমের সৌন্দর্য্য ও স্থগন্ধ, কলকণ্ঠ বিহঙ্গমগণের স্থমধুর সংগীত, আর স্থধাবর্ধণ করে না। যে বন্ধুবিনাও একাকী হর্ষোৎফুল্ল থাকিতে পারে, শারীরিক পীড়ায় তাহাকেও অস্থির করে, তাহাকেও কাতর করে। এতদ্বাতিরিক্ত কখন প্রবল ঝশ্বাবাত, কখন বজ্রাঘাত, কখন ছর্ভিক্ষ, কখন ব্যাম্ম প্রভৃতি হিংস্র জন্তু, কখন অতিরিক্ত সূর্য্যোত্তাপ, কখন ত্ব:সহ বৃষ্টিপাত, কখন অতিশয় শৈত্য, উপস্থিত হইয়া আমাদিগের অশেষ ক্লেশ উৎপাদন করিতে পারে। তথাপি আমরা বলি যে এ সংসার ছঃখময় নহে। **ছঃখ** যদিও সর্ব্বত্র আছে, যদিও রাজার প্রাসাদে এবং দরিজের কুটীরে, পণ্ডিতের উন্নত চিত্তে ত্রবং মূর্থের সঙ্কীর্ণ মনে, বিলাসীর প্রিয় ভবনে এবং যোগীর গিরিগুহায়, ছংখ অবস্থিতি করে; যদিও পথে, ঘাটে, ঘরে, দ্বারে, দেউলে, কাননে কাস্তারে, শ্মশানে, মশানে, সকল স্থানেই হুঃখ বিরাজিত; তথাপি হুঃখ অপেক্ষা মানুষের সুখের ভাগ অনেক অধিক। নতুবা কেন লোকে ইচ্ছাপূর্বক জীবনভার বহন করে? কেন লোকে মরিতে কৃষ্ঠিত হয় ? কেন রবিচন্দ্রতারাস্থশোভিত তরুলতাপল্লবপুষ্পবিভূষিত পরিমলবহমলয়মারুতসেবিত বিবিধভোগ্যবস্তুপরিপৃরিত ইহলোক পরিত্যাগ করিয়া যাইতে অধিকাংশ মন্তুয়েই বিপদ্ জ্ঞান করে ? যদি বাস্তবিক ছঃখই সুখাপেক্ষা সংসারে অধিক থাকিত, ভাহা হইলে আত্মহত্যার আশ্রয় গ্রহণ করিয়া বুদ্ধিজীবী মানবজাতি জীবনজালা হইতে মুক্তিলাভ করিত। অধিকাংশ লোকে মরিতে অনিচ্ছুক, ইহাতেই স্পষ্ট জানা যাইতেছে যে নরকুলের স্থাখের পরিমাণ ছঃখের পরিমাণাপেক্ষা অনেক অধিক।

আবারও ভাবিতে হয় যে ছুংখ আছে বলিয়া হয় ত সুখ অধিকতর বাঞ্চনীয় হইয়াছে। যে পরিশ্রমক্রেশ সহা না করে, সে ভাল করিয়া বিশ্রামের সুখ অর্ভব করিতে পারে না। যে কখন রোগগ্রস্ত হয় নাই, সে স্বাস্থ্যে যে কি আরাম ও স্বচ্ছন্দতা তাহা উত্তমরূপে বৃঝিতে পারে না। ক্ষুধান্ধনিত কট্ট হয় বলিয়াই আহারে এত তৃপ্তি জন্মে। তৃষ্ণায় যাতনা আছে বলিয়াই শীতল সলিলপানে এত সুখ। যে তামসী নিশাকালে আকাশমণ্ডল ঘনজলধরজালে আচ্ছাদিত হয়, নক্ষত্রমালা অদৃশ্য হইয়া যায়, তরুরাজি, গৃহাবলী প্রভৃতি লণ্ডভণ্ড করত প্রচণ্ড ঝিটকাপ্রবাহ বহিতে থাকে, তীরতুল্য তেজে অজস্ম বৃষ্টিধারা পড়িতে থাকে, ভীষণ নিনাদে গগন মেদিনী কম্পমান করিয়া মাঝে মাঝে অশনিপাত হয়; সেই নিশার অবসানে যদি জলদদল অন্তর্হিত হয় এবং জগৎ শান্তভাব অবলম্বন করে, তাহা হইলে হাসিতে হাসিতে, মহিমারাশিতে তিমির বিনাশ করিয়া সৌন্দর্য্য ছড়াইতে ছড়াইতে, কমল ফুটাইতে ফুটাইতে, যখন দিবাকর উদিত হন, সেদিন তাঁহাকে অন্ত দিনাপেকা

3263]

কত মনোহর বোধ হয়। এইরূপে বিরহের মর্মাভেদী যন্ত্রণাভোগ করিয়া, আঁতে আঁতে জ্বলিয়া পুড়িয়া, অবিরল অঞ্জ্বল বিসর্জ্জন করিয়া, বারম্বার দীর্ঘদাস ত্যাগ করিয়া, যখন প্রিয়সমাগম পুনরায় হয়, তখন সে মিলনে যে গাঢ় স্থুখ জ্বন্মে, তাহা বিচ্ছেদশৃষ্ম ব্যক্তিবর্গের বৃদ্ধির অতীত। বাস্তবিক একই অবস্থায় বহুকাল থাকা মন্ত্রেয়র পক্ষে কষ্টকর, সে অবস্থা যতই কেন বাঞ্ছনীয় হউক না। যাহা কিছুকাল ভাল লাগে, পরে তাহাই বারম্বার উপভোগ দ্বারা বিরক্তিকর হইয়া উঠে। একটি স্থাত্বিস্ত্র প্রতিদিন ভক্ষণ করিলে, কালক্রমে তাহার প্রতি অঞ্জ্বা জ্বন্মে। অতএব, আস্বাদের পরিবর্ত্তন আবশ্যক। কেবল মধুর রস অবলম্বন করিলেই চলিবে না, কটু ক্ষায় তিক্তও চাই।

যখন মানবজীবনে হুঃখাপেক্ষা সুখ অনেক অধিক, এবং যখন হুঃখ আছে বলিয়াই সুখের এত গৌরব, তখন হুঃখমিশ্রিত বলিয়া সুখের প্রতি অবহেলা করা মূর্খতা, সন্দেহ নাই। কিন্তু তাই বলিয়া আমরা চার্ব্বাকমভাবলম্বীদিগের স্থায় সুখকেই জীবনের উদ্দেশ্য, সুখকেই পরম পুরুষার্থ জ্ঞান করিতে পারি না। সুখ বলিতে তাঁহারা যদি ইন্দ্রিয়মুখ অথবা আত্মস্থ বুঝিতেন, যেরূপ তাঁহাদিগের শত্রু হিন্দুগ্রন্থকারদিগের কথায় প্রকাশ পায়, ভাহা হইলেই যে কেবল আমাদিগের আপত্তি হইত এরপ নহে। যে হিতবাদে আন্তরিক স্থাখের এবং অধিকাংশ মন্তুয়ের স্থাখের প্রাধান্ত, সে হিতবাদও আমরা সম্পূর্ণ দোষশৃষ্ঠ ভাবি না। আমাদিগের বিবেচনা এই যে আমরা কেবল স্থখভোগ করিতে জন্মপরিগ্রহ করি নাই। স্থখ যেমন আমাদিগের একটি লক্ষ্য, তেমনই আমাদিগের আরও ছুইটা মহৎ লক্ষ্য আছে, সত্য এবং স্বাধীনতা। আমরা কেবল ভোগশক্তিশালী জীব নহি, আমাদিগের জ্ঞান এবং ইচ্ছাও আছে। ভোগশক্তি যেমন স্থুখ চায়, জ্ঞান তেমনই সত্য চায়, ইচ্ছাও তেমনি স্বাধীনতা চায়। ভক্ষ্য, পেয়, পরিধেয়ের পারিপাট্যে ভোগশক্তি সম্ভষ্ট হইতে পারে, কিন্তু বৃদ্ধি সভ্য বিনা মান হইবে; ইচ্ছা স্বাধীনতা সংস্থাপন ও ক্ষমতাবিস্তার বিনা অসম্ভষ্ট হইবে। বৃদ্ধি সত্য পাইলে, এবং ইচ্ছা সাধীনতা পাইলে, সুথ জ্বন্মে, যথার্থ ; কিন্তু যে কেবল স্থাখের জন্ম সত্যের বা স্বাধীনতার অনুসরণ করে, আমরা বুঝি যে তাহার লক্ষ্য যে ব্যক্তি সত্যের জন্ম সভ্য এবং স্বাধীনতার জন্মই স্বাধীনতা চায় তাহার লক্ষ্যের স্থায় মহৎ নহে।

ত্বংখ আছে বলিয়া স্থাধের প্রতি উপেক্ষা করা মূর্খতা, এই সিদ্ধান্তের পরে স্থির করা আবশ্যক যে এই সুখ বলিতে কেবল ইহকালের সুখ বৃঝাইবে, না পরকালের সুখও বৃঝাইবে। চার্ধ্বাকমতাবলম্বীরা বলেন, ইহকালের সুখ। পরকাল অসম্ভব। ক্ষিতি, অপ্, তেজ, মরুৎ এই চারি ভূতের সংযোগে চৈতক্ত

উৎপন্ন হয়, যেমন স্থ্রা সমূৎপাদক জব্যচয় সমবেত হইলে মাদকতাশক্তি জন্ম। *
স্বতরাং মৃত্যুকালে যখন উক্ত চারি ভূতের বিয়োগ ঘটিবে, তখন চৈতন্মও বিলুপ্ত
হইবে। দেহাতিরিক্ত আত্মা কোন স্থলেই প্রত্যক্ষ করা যায় না; যেখানে চৈতন্ম
লক্ষিত হয়, সেখানেই তাহা দেহান্তর্গত। অতএব দেহের বিনাশে তাহার অবস্থিতি
অসম্ভব।

আবার দেখ যখন বলিতেছ, আমি স্থুল, আমি রুশ, আমি গোর, আমি রুষ্ণ, আমি গীড়িত, আমি সুস্থ, আমি যুবা, আমি বৃদ্ধ, তখন তুমি দেহ ইইতে আত্মাকে ভিন্ন জ্ঞান করিতেছ না। শ সত্য বটে, আমার দেহ, এ কথাও তুমি বলিয়া থাক; কিন্তু এটি ঔপচারিক প্রয়োগ, যেমন রাহুর মস্তক। ই যেরূপে রাহুর মস্তক এবং রাহু অভিন্ন, কথার কৌশলে ভিন্ন বলিয়া প্রতীয়মান হইলেও আমার দেহ এবং আমি সেইরূপ অভিন্ন। আমার দেহ, এই ব্যবহার অবলম্বন করিয়া যদি বলিতে চাও যে আত্মাই আমি, দেহ আমার বটে কিন্তু আমি নয়; তাহা হইলে এ সিদ্ধান্ত যুক্তিসহ হইবে না। আমরা যেমন "আমার দেহ" বলি, তেমনই "আমার আত্মা"ও বলিয়া থাকি। যদি "আমার দেহ" এই প্রকার শব্দ প্রয়োগ দৃষ্টে আত্মাকে আমি বলিতে চাও, তবে "আমার আত্মা" এইরূপে ব্যবহার দৃষ্টে দেহকে আমি বলিতে হইবে।

দেহাতিরিক্ত আয়ার প্রমাণ নাই, চার্ব্বাকমতাবলম্বীদিগের এই বাক্যের প্রতিবাদ করিতে বিজ্ঞান অভাপি অশক্ত। যে সকল প্রাকৃতিক তত্ত্ব এ পর্য্যন্ত অকাট্যরূপে নির্ণীত হইয়াছে, সে সকল বরং লোকায়তবাদের অমুকূল। বহুব্যাপী পর্য্যবেক্ষণ এবং পরীক্ষা দ্বারা নিরূপিত হইয়াছে যে জীবদেহের স্নায়্মগুলের তারতম্যায়ুসারে মানসিক শক্তির তারতম্য ঘটে। মেষের এবং মায়ুষের মন্তিক্ষের প্রভেদ দেখিলেই জানা যায় যে উভয়ের বৃদ্ধির অত্যন্ত প্রভেদ হইবে। আবার দেখা যায় যে মন্তিক্ষের অংশবিশেষের পীড়া হইলে মানসিক শক্তিবিশেষের হ্রাস বা লোপ হয়, এবং বৃদ্ধকালে মন্তিক্ষের ক্ষীণতা ও মুর্বলতাসহকারে মনের ক্ষীণতা

* অত্র চন্থারি ভূতানি ভূমি বার্য্যনলানিলা:। চতুর্ভ্য: থলু ভূতেভ্যশৈতক্তমুপজায়তে কিম্বাদিভ্য: সমেতেভ্যো দ্রব্যেভ্যো মদশক্তিবৎ ॥

সর্বাদর্শনোদ্ধ ত লোকায়তবচনং।

† অহং স্থূলকুশোহন্মীতি সামাক্যাধিকরণ্যত: । দেহং স্থোল্যাদি যোগাচ্চ স এবাত্মা ন চাপর: ॥

সর্বদর্শনোদ্ধৃত লোকায়তবচনং।

‡ ममत्मरहारुश्रमिङ्गाङिः मञ्जरदानीभागित्रकी ॥

नर्वपर्यताकृष्ठः।

এবং ছর্বলতা বৃদ্ধি পায়। স্থতরাং চৈতক্সসমন্থিত মানসিক ব্যাপার সম্দায়, সায়্মগুলের উপর, বিশেষতঃ মস্তিক্ষের উপর নির্ভর করে, ইহা বিজ্ঞানবিৎ পণ্ডিতগণ একপ্রকার স্থির করিয়াছেন। অতএব যখন দেহের কল ভাঙ্গিয়া যাইবে এবং স্নায়্মগুল তদীয় উপাদান নিচয়ে পরিণত হইবে, তখন চৈতক্মও বিলুপ্ত হইবে, ইহাই অনেকের বিশ্বাস, মুখে তাঁহারা কিছু বলুন বা না বলুন। কিন্তু এন্থলে একটি কথা বলা আবশ্যক। পাশ্চাত্য বিজ্ঞানবেত্বগণের মধ্যে আমেরিকা ও ইউরোপে কেহ কেহ প্রেততত্ত্বের পর্য্যালোচনা করিতেছেন। তাঁহাদিগের দল ক্রমেই পুষ্ট হইতেছে। তাঁহারা যদি সিদ্ধকাম হন, তাহা হইলে দেহাতিরিক্ত আত্মার প্রত্যক্ষ প্রমাণ পাওয়া যাইবে।

একাল পর্য্যন্ত পরলোক এবং ঈশ্বরের অস্তিত্ব সংস্থাপন জ্বন্ত অনুমান প্রমাণই অবলম্বিত হইয়াছে। ইহলোকে শিষ্টের পুরস্কার এবং ছুপ্টের দমন হয় না, ইহলোকে কর্মামুরূপ ফলপ্রাপ্তি ঘটে না, অতএব পরলোক আছে। যেমন ঘটপটাদির কর্ত্তা আছে, তেমনই এই বিশাল জগতেরও একজন কর্ত্তা থাকিবে, অতএব ঈশ্বর আছেন। এইপ্রকার অনুমান অবলম্বন করিয়াই পরলোক এবং ঈশ্বরতত্ত্ব নির্ণয় করাই রীতি। চার্ব্বাকমতাবলম্বী পণ্ডিতগণ বলেন যে আদৌ অনুমান অগ্রাহ্য। অনুমান ব্যাপ্তিজ্ঞান সাপেক্ষ। কিন্তু এই ব্যাপ্তিজ্ঞান কিরূপে হইবে ? যদি বল প্রত্যক্ষ দারা। তবে কোন্প্রকার প্রত্যক্ষ, বাহ্য না আন্তর ? চক্ষু প্রভৃতি ইন্দ্রিয়ের সহিত কোন পদার্থের সন্নিকর্ষ ঘটিলে, তাহার বাহ্য প্রত্যক্ষ হয়। স্থতরাং এরূপ প্রত্যক্ষ বর্ত্তমানে সম্ভব হইলেও, ভূত ও ভবিষ্যুৎ সম্বন্ধে অসম্ভব। # কিন্তু ব্যাপ্তি ত্রিকালব্যাপিনী। যখন আমরা ধূমে বহ্নির ব্যাপ্তির উল্লেখ করি, তখন আমাদের বলিবার উদ্দেশ্য এই যে বহ্নি ধূমের নিয়ত সহচর, কেবল বর্ত্তমানের নহে, ভূত এবং ভবিশ্বৎকালেরও সহচর। যখন আমরা জন্মি নাই, তখনও বহ্নি ধূমের সহচর ছিল। যখন আমাদিগের মৃত্যু হইবে, তখনও বহ্নি ধূমের সহচর থাকিবে। এইরূপ ত্রিকালব্যাপিনী ব্যাপ্তির জ্ঞান কখন বর্ত্তমানকালসম্বদ্ধ বাহ্য প্রত্যক্ষ দ্বারা হইতে পারে না। যদি বল মানস প্রত্যক্ষ-দারা এরূপ জ্ঞান হইবে, তাহাও প্রামাণ্য নহে। সুখ হুঃখ প্রভৃতি আন্তরিক অবস্থার অতিরিক্ত বিষয়ের জ্ঞান নিমিত্ত মন বহিরিন্দ্রিয় সাপেক্ষ। ক স্বতরাং

^{* &}quot;ন তাবৎ প্রত্যক্ষং তচ্চ বাহ্যমান্তরং বাভিমতম্। ন প্রথম: তন্ত সম্প্রায়্ক্ত বিষয়জ্ঞান-জনকত্বেন ভবতি প্রসরসম্ভবেহণি ভূতভবিশ্বতোন্তদসম্ভবেন সর্বোপসংহারবত্যা ব্যাপ্তের্ত্ জ্ঞানবাৎ।" সর্বন্দর্শনান্তর্গত চার্বাকদর্শনং।

^{† &}quot;নাপি চরনঃ অন্তঃকরণশু বহিরিন্দ্রিয় তদ্রত্বেন বাছেহর্থে স্বাতদ্রোণ প্রবৃত্তামূপপত্তেঃ। তহকুন্ চকুরাত্যক্তবিষরং পরতন্ত্র বহির্মন ইতি।" সর্বন্ধনান্তর্গত চার্বাকদর্শনং।

বাহ্য প্রত্যক্ষ দ্বারা ব্যাপ্তিজ্ঞান হইবার যে আপত্তি, মানস প্রত্যক্ষ দ্বারা ব্যাপ্তিজ্ঞান হইবারও সেই আপত্তি। যদি বল অমুমান দ্বারা ব্যাপ্তিজ্ঞানলাভ হয়, তাহা হইলে অনবস্থা দোষ ঘটে: * কারণ, যে ব্যাপ্তিজ্ঞান দারা অমুমান সিদ্ধ করিতে চাও, সেই ব্যাপ্তিজ্ঞান অমুমান সাপেক্ষ বলিতেছ। যদি শব্দকে ব্যাপ্তিজ্ঞানের উপায় স্থির কর, তাহা *হইলে*ও আপত্তি আছে। <mark>কাণাদ মতানুসারে শব্দ</mark> অহুমানের অন্তর্ভূত; যদি বল তদন্তর্ভূত নহে, ভাবিয়া দেখ শব্দের দারা কিরূপে জ্ঞান হয়। লোকে যখন কোন শব্দ ব্যবহার করে, কোন পদার্থের উদ্দেশে ব্যবহার করিতেছে, অমুমান দ্বারা আমরা বিবেচনা করিয়া লই। মনে কর কেহ বলিল, ঘট লইয়া আইস; যাহার প্রতি লক্ষ্য করিয়া আদেশ হইল, সে ব্যক্তি বস্তু वित्मं नहेशा वांत्रिन; वामता वमनि वसूमान कतिनाम त्य, এই वस्तुरे घर्छ। এইপ্রকার বুদ্ধব্যবহার দৃষ্টে যথন শব্দার্থের অনুমান হয়, তখন অনুমানকে ব্যাপ্তিজ্ঞানের উপায় বলিলে যে দোষ হয় শব্দকে অমুমানের কারণ বলিলে সেই (मायहे इहेरज्राह । के व्यावांत्र रिय, व्यार्थाभूमात्न मंक व्यायांत्र नाहे : अञ्चल কিরূপে শব্দ ব্যাপ্তিজ্ঞানের উপায় হইবে ? 🕸 অমুমান সিদ্ধ করিতে যে ব্যাপ্তিজ্ঞান আবশ্যক, তাহা উপাধিশৃত্য অর্থাৎ অত্যনিরপেক হওয়া উচিত। যখন আমরা অগ্নিকে ধূমের নিয়ত সহচর বলিতেছি, তখন আমাদিগের জানা কর্ত্তব্য যে ধুম অগ্নি ব্যতিরিক্ত অন্ত কোন পদার্থসাপেক্ষ নহে। এরপ অন্ত নিরপেক্ষতার জ্ঞান যদিও প্রত্যক্ষ স্থলগুলিতে সম্ভব, তথাপি অপ্রত্যক্ষ ভূত ভবিয়াদম্ভর্গত বা দুরদেশবর্ত্তী স্থলে অসম্ভব। স্থতরাং সর্ববত্র উপাধিশৃক্ততা নির্ণয়াভাবে ব্যাপ্তিজ্ঞানও হইতে পারে না। গ

Compare with the dictum "Nothing is in the intellect which was not originally in the senses."

 ^{* &}quot;নাপ্যত্মনানং ব্যাপ্তিজ্ঞানোপায়ঃ তত্র তত্রাপ্যেবমিতি অনবস্থাদৌস্থ্যপ্রসঙ্গাৎ।
 সর্বাদর্শনাস্তর্গত চার্ব্বাকদর্শনং।

[†] নাপি শব্দস্তত্পায়ঃ কাণাদ মতামুসারেণামুমান এবাস্কর্ভাবে আবস্কর্ভাবে বা বৃদ্ধব্যবহার-রূপ দিকাবগতি সাপেক্ষ তয়া প্রাপ্তক্ত দ্বণলঙ্গনাজ্জালত্বাৎ।

मर्खनर्गनासर्गठ ठाव्याकनर्गनः।

[্]র অন্তপদিষ্টাবিনাভাবক্ত পুরুষক্তার্থান্তর দর্শনেনার্থান্তরান্ত্মিত্যভাবে স্বার্থান্তমান কথায়াঃ কথা শেষত্থসঙ্গাৎ।—সর্বনর্শনসংগ্রহান্তর্গত চার্বাকদর্শনং।

[¶] উপাধ্যভাবোংপি দূরবগমঃ উপাধীনাং প্রত্যক্ষত্ব নিয়মাসম্ভবেন প্রত্যক্ষাণামভাবস্ত প্রত্যক্ষছেংপি অপ্রত্যক্ষাণামভাবস্তাপ্রত্যক্ষত্যা অমুমান্তপেকায়া মুক্ত দূষণানতিবৃত্তেঃ।

সর্বদর্শনসংগ্রহান্তর্গত চার্ব্বাকদর্শনং।

যাঁহারা পরিজ্ঞাত স্থলগুলিতে বস্তুদ্বরের সাহচর্য্যমাত্র পর্য্যবেক্ষণ করিয়া তাহাদিগের নিয়ত সহচারিতা অমুমান করেন, পূর্ব্বোক্ত আপত্তিগুলি তাঁহাদিগের পক্ষে অকাট্য; কিন্তু যাঁহারা সাহচর্য্যাতিরিক্ত কার্য্যকারণসম্বন্ধ বা নৈসর্গিক নিয়ম অবলম্বন করিয়া ব্যাপ্তি নিরূপণ করেন, তাঁহারা এপ্রকার তর্কে ভীত হইবেন না। * কিরূপ সাহচর্য্য হইতে ব্যাপ্তি নির্শিত হয়, এ প্রবন্ধে তদ্বিষয়ের সমালোচনা অসম্ভব। যাঁহারা এতৎসংক্রান্ত বিস্তীর্ণ বিচার অবগত হইতে অভিলাষী, তাঁহারা নৈয়ায়িক-দিগের আশ্রম গ্রহণ করিবেন।

যদি বেদদারা ঈশ্বর এবং পরলোক সংস্থাপন করিতে যাও, চার্ব্বাকমন্তা-বলম্বীরা বলেন যে বেদ আদৌ অপ্রামাণ্য; কারণ উহা প্রত্যক্ষবিলোপী, যুক্তি-বিরুদ্ধ ও ধূর্ত্তাসমূস্ত্ত। প্রত্যক্ষে যাহাতে স্থুখ পাওয়া যায়, বেদে তাহাকে হুংখের কারণ বলে; প্রত্যক্ষে যাহাতে হুংখ দেখা যায়, বেদে তাহা সুখের হেতু। সাংসারিক সুখদায়ী কত ভোগ্য বস্তু পারলোকিক হুংখমূলক বলিয়া বেদামুসারে পরিত্যজ্য; এবং কষ্টকর উপবাস যজ্ঞ প্রভৃতি ভবিষ্যুৎ সুখসম্পাদক বলিয়া শ্রুতিতে আদৃত। মৃতব্যক্তি দূরবর্ত্তী প্রেতলোকে থাকিয়া পৃথিবীতলে প্রদত্ত অথবা অপরভিক্ষত আহার দ্রব্যে পরিতৃপ্ত হয়, এইরূপ যুক্তিবিরুদ্ধ কথা বেদে কত আছে। আর সকল কার্য্যেই ব্রাহ্মণকে দানের বিধি থাকায়, এ সকল যে ব্রাহ্মণদিগের ধূর্ত্তাসম্ভূত তাহা স্পষ্টই জানা যাইতেছে। ক স্বতরাং বেদবাক্যে নির্ভর করিয়া ঈশ্বর বা পরলোক মানা যায় না।

চার্ব্বাকমতাবলম্বীদিগের দ্বারা আমাদিগের বোধ হয় কয়েকটা উপকার সাধিত হইয়াছে। তাঁহারা দেখাইয়াছেন যে ইহলোক ছঃখময় নহে, এবং সুখ পরিত্যজ্ঞা নহে। তাঁহারা শিখাইয়াছেন যে শাস্ত্রাপেক্ষা যুক্তি প্রবল। তাঁহারা অমুমানের মূল পরীক্ষায় প্রবৃত্ত হইয়া, নৈয়ায়িকদিগকে উক্ত মূলের প্রকৃত বলাবল বৃঝিতে ও তাহা দৃঢ় করিতে সমর্থ করিয়াছেন।

কার্য্যকারণভাবাদ্বা স্বভাবাদ্বানিয়ামকাৎ।
 অবিনাভাবনিয়মো দর্শনাস্তরদর্শনাৎ ॥

मर्वापर्गताकु जः।

† সর্বনদলনোজ্ত বৃহস্পতি বচনমালা এবং নৈষধ চরিতের সপ্তদশ সর্গ দেখ



তৃতীয় পরিচ্ছেদ

নিগৃঢ় মর্ম্ম

(দ্বিতীয় খণ্ডের ১৭৬-১৯২ এবং ৩৭৭-৩৯৭ পৃষ্ঠার পরে)

মরা ইতিপূর্বেব বলিয়াছি যে, এতদেশীয় জাতিভেদ প্রথার অনেক লক্ষণ অক্যান্য দেশেও দেখিতে পাওয়া যায়। কিন্তু ইহার মধ্যে প্রভেদ এই যে আমরাই কেবল লৌকিক নিয়ম পরিবর্ত্তন বিষয়ে কর্তৃত্ব ত্যাগ করিয়াছি; অন্যত্র লোকে যখন বুঝিতে পারে যে প্রচলিত নিয়মের কিঞ্চিৎ ব্যত্যয় না করিলে ক্ষতিগ্রস্ত হইব তখন তাহারা সেই ক্ষতি নিবারণে প্রবৃত্ত হয়। আমরা বলি যে প্রাচীন প্রথা সর্ব্বতোভাবে রক্ষা করিতে পারিলেই ভাল; প্রাচীন প্রথা কেন? যে প্রথাটী প্রচলিত আছে তাহা অভিনব হইলেও তজ্জনিত ক্ষতি নিবারণের যথাযোগ্য উপায় অবলম্বনে আমরা নিতান্ত পরায়্ম্য। ফলতঃ আমাদিগের অবস্থা এখন এমনই মন্দ হইয়াছে যে কোন কোন কুপ্রথা হইতে অব্যাহতি পাইবার জন্ম সমাজ ত্যাগ ভিন্ন উপায়ান্তর নাই।

পরস্কু আমাদিগের মধ্যে সামাজিক প্রথা আদৌ পরিবর্ত্তিত হয় না একথা সত্য নহে; তবে সমাজ একবাক্যে এরূপ কার্য্যে হস্তক্ষেপণ করিতে পারেন না। ক্রেমশঃ নিয়মলজ্বনকারী ব্যক্তিদিগের সংখ্যা বৃদ্ধি হইয়াই নূতন প্রথা প্রচলিত হয়। শ্রীযুক্ত ঈশ্বরচন্দ্র বিদ্যাসাগর মহাশয় যে সকল শাস্ত্রীয় তর্ক উথাপিত করিয়াছিলেন, তাহাতে যদি সকলকে নিরস্ত করিতে পারিতেন কিম্বা পণ্ডিতমাত্রেই যদি তাহার অমুমোদন করিতেন তথাচ তল্লিখিত প্রথা পরিবর্ত্তিত হইবার সম্ভাবনা ছিল না। যিনি প্রথমে প্রচলিত নিয়ম ভঙ্গ করিতেন তাঁহাকে অবশ্যই সমাজচ্যুত হইতে হইত। অতএব "লোকে যুক্তি অপেক্ষা শাস্ত্রীয় প্রমাণকে অধিকতর মাস্য করে;" কার্য্যকালে এই কল্পনার স্থল দেখা যায় না।

পাশ্চাত্য মতের প্রভাব আর কিছুতে না হউক একটা বিষয়ে বিলক্ষণ প্রকাশ হইয়াছে। পূর্বে পিতৃপৈতামহিক নিয়ম অবহেলন করা দূরে থাকুক ভাহার প্রতিবাদ করিলেও সমাজচ্যুত হইতে হইত। "অমুক নাস্তিক, উহার জলগ্রহণ করা হইবেক না।" এইরূপ কথা অনেকের মনেই উদয় হইত। শান্ত্রাক্তি দেশের অমঙ্গলদায়ক একথা মুখাগ্র করিলে ব্রাহ্মণ, ধোপা, নাপিত বন্ধ হইবে, এমত আশঙ্কা বিলক্ষণ প্রবল ছিল। স্থতরাং শান্ত্রীয় বিধানের দোষ গুণ বিচার করিবার ক্ষমতা কাহারই ছিল না। কিন্তু এখন, কার্য্যে তুমি যদি কোন প্রথা অতিক্রম না কর তবে তোমার মতামত ব্যক্ত করিলে কেহ তোমাকে সমাজ হইতে বহিছ্কত করিবেন না। তুমি যদি যজ্ঞোপবীত পরিত্যাগ কর, তবে কোন শান্ত্রনিষ্ঠ ব্রাহ্মণ তোমার স্পৃষ্ট জল গ্রহণ করিবেন না, কিন্তু যদি প্রকৃতপ্রস্তাবে যথানিয়মে গায়গ্রী আদি জপ কর এবং মুক্তকণ্ঠে বল যে বেদ মান্ত করা ভ্রান্তি মাত্র, তবে তোমাকে কোন গুরুতর সামাজিক দণ্ড ভোগ করিতে হইবেক না।

আমরা যে লভ্য একবার আয়ত্ত করি পরে তাহার প্রতি তাদৃশ দৃষ্টি থাকে না; কিন্তু উপরোক্ত অভিনব রীতি সামাগ্য উন্নতির লক্ষণ নহে। ফলতঃ জনসাধারণের মতপরিবর্ত্তন হইলে যে তাহা ক্রমশঃ কার্য্যে পরিণত হইবেক না, এ কথা মনে করা ভ্রম। এবং কোন বিষয়ে পুনঃ পুনঃ আন্দোলন করিলে লোকের জ্ঞানযোগ হইবে না, ইহাও অসম্ভব কথা। অভএব আমাদিগের সামাজিক প্রথা সমগ্রের শুণাগুণ যতই সমালোচিত হয়—ততই মঙ্গলের বিষয়।

কিন্তু শাস্ত্রীয় বিধি অযৌক্তিক কিম্বা ক্লেশজনক, একথা বুঝিয়াও কি আমরা তাহা রক্ষা করি, না তাহা প্রতিপালনে আমাদিগের ক্লেশ বোধই হয় না ?

শাসন যতই প্রবল হউক, কোন শাসন-প্রণালী এবং তদাঞ্জিত লোকসমূহের প্রকৃতি মধ্যে বিশেষ সামঞ্জস্ত না থাকিলে কখনই তাহা দীর্ঘকাল স্থায়ী হয় না। রাজশাসন ও সমাজশাসন মধ্যে এক বিশেষ এই যে রাজা স্পষ্টাক্ষরে দণ্ডার্ছ ব্যক্তিকে নিগ্রহ করেন। সমাজ তাদৃশ স্থলে আশ্রায় হরণ এবং অমুগ্রহ রহিত করিয়াই তাহাকে ক্রেশ দেন। সমাজ-বিক্রম বহু আধারে ব্যাপ্ত। তাহার সমষ্টি রাজ-বিক্রম অপেক্ষা হীন বলিতে পারি না। কিন্তু এই দ্বিবিধ দণ্ড অবলোকন করিলে রাজ-বিক্রমকে অপেক্ষাকৃত উগ্র বলিয়া বোধ হয়। সমাজ-বিক্রম রাজ-বিক্রমের আয় ভয়াবহ নহে। রাজনিয়্রম লজ্মনে যেমন আশক্ষা হয়, সমাজ-নিয়মের অম্বত্থা করিবার সময়ে লোকের মনে তাদৃশ ভীতি জয়ের না। অতএব যে স্থলে কোন সামাজিক নিয়ম বহুকাল পর্যান্ত প্রতিপালিত হইতেছে দেখা যায়, সেখানে সাধারণ লোকদিগকে তাহার অমুমোদনকারী মনে করা স্থায়সক্ষত। কেননা মমুষ্য উপস্থিত সুখ হৃংখের বিষয় অতি সুক্ষা বিচার করিতে পারেন। দণ্ডাশঙ্কা দণ্ডেরই অক্সবিশেষ। যখন কোন নিয়ম প্রতিপালনের ক্রেশ তল্পজ্বনজ্বনিত দণ্ডাশঙ্কার যন্ত্রণাকে অভিক্রম করে, তখন সেই নিয়ম কোনমতে দীর্ঘকাল স্থায়ী

হইতে পারে না। সামাজিক দণ্ডের বিভীষিকা স্বভাবতঃই অল্প স্থতরাং তদ্ধারা কোন নিয়ম প্রবর্ত্তনার্থ নিয়মটা এরপ করা আবশ্যক যেন তাহা লোকের স্বভাবানুযায়ী এবং সহজ্ঞে রক্ষিত হইবার যোগ্য হয়।

জাতিভেদের আদিবিষয়ে যিনি যেরূপ অনুমান করুন উহা যে এতদ্দেশে বহুকাল হইতে প্রচলিত আছে তাহাতে কাহারও সন্দেহ নাই। এবং বৌদ্ধ রাজ্য বিষয়ে যে মতামত থাকুক মুসলমান অধিকার হইতে এই প্রথা রক্ষণ বিষয়ের রাজ্যাহায্য অপসারিত হইয়াছে তদ্বিয়ে কেহই দ্বিরুক্তি করিতে পারেন না। অভএব তদবধি জাতিভেদ একমাত্র সমাজশাসনের দ্বারাই প্রতিপালিত হইতেছে, একথা স্বীকার করিতে হইবেক স্মৃতরাং আমাদিগের প্রকৃতির সহিত ইহার বিশেষ সম্বন্ধ থাকাও মানিতে হইবেক।

কিন্তু লোকের প্রকৃতি ? প্রকৃতি কাহাকে বলি ?—আমরা আত্মার অন্তিছ বা লক্ষণবিষয়ে কিছু বলিতেছি না, কিন্তু ব্যক্তি মাত্রের কার্য্য পর্য্যবেক্ষণ করিলে প্রকাশ হয় যে প্রত্যেকের কার্য্যের বিশেষ প্রণালী আছে। লোকের সমস্ত কার্য্য সর্ব্বতোভাবে সঙ্গত নহে, তথাপি স্থূল স্থূল বিষয়ে ব্যক্তি প্রতি এক একটা কার্য্য-প্রণালী নির্দেশ করা যাইতে পারে এবং সেই প্রণালী দেখিয়াই লোকের চরিত্র স্থির হয়। আবার ভিন্ন ভিন্ন লোকের চরিত্র বিষয়ে নানাপ্রকার ঐক্য দৃষ্ট্য হয় তদমু-সারেই সেই শ্রেণীস্থ লোকের সাধারণ প্রকৃতি ধৃত হয়।

জাতিভেদ নিয়ম সমস্ত ভারতবর্ষ বিস্তার করিয়া আছে; অশুত্র ইহার কোন কোন লক্ষণ থাকিলেও সমস্ত লক্ষণ দৃষ্ট হয় না এবং তৎসমুদায় এখানকার শ্রায় প্রবল নহে। আমরা চরিত্রগুণে স্বেচ্ছাপূর্বক এই নিয়ম প্রতিপালন করিতেছি, অশুত্র এতদভাবে লোকে অস্থাও নহে। তাহারাও স্বদেশের প্রথার পরিবর্ত্তে এই প্রথা অবলম্বন করিতে বাধ্য হইলে আপনাদিগকে নিতান্ত উৎপীড়িত জ্ঞান করিবেক সন্দেহ নাই। ইহার হেতু কি? আমরাই বা কেন নিকৃষ্টশ্রেণীস্থ ব্যক্তিকে শ্রেষ্ঠ পদাবলম্বন করিতে দেখিলে ছি ছি করি এবং অশ্ব দেশেই বা কেন এরূপ ঘটনা হইলে কিম্বা স্বেচ্ছামত সকলের অন্ধগ্রহণ করিতে নিষেধ করিলে লোকে কষ্টবোধ করে?

লোকসংখ্যার দারা জাতিভেদের দোষ-গুণ নিরাকরণ করিতে হইলে আমরা অন্য দেশের নিকট পরাস্ত হইব। কারণ আমরা কেবল জাতিভেদের প্রতি অন্থরক্ত নহি। এদেশে ইহার যে সকল নিয়ম আছে, আমাদিগের মতে তাহাই উৎকৃষ্ট সামাজিক প্রথা; অন্যত্র বিভিন্ন প্রকার জাতিবিষয়ক ব্যবস্থা দেখিলে আমরা কখনই তাহার অনুমোদন করিব না। এই জন্ম সমস্ত পৃথিবীর লোকের সহিত তুলনায় এতদ্দেশীয় জাতিভেদ নিয়মানুসারী লোকসংখ্যা অবশ্যুই ন্যুন হইবেক। যাহারা জাতিভেদ গ্রাহ্ম করে না তাহার মধ্যে অনেকে আমাদিগের অপেক্ষা বৃদ্ধি ও বিভাতে শ্রেষ্ঠ। তন্মধ্যে কেহই আমাদিগের প্রাচীন ঋষিগণের তুল্য নহে, এ কথা বলিলেও এই সমস্থা উপস্থিত হয় যে যাঁহারা পদে পদে উরতির উদ্দেশে প্রথাপরিবর্ত্তনে উন্তত, তাঁহারা কেন হিন্দুশান্ত্রের বিধি অবলম্বন করেন না ? পূর্ব্বে আমরা মনে করিতাম যে সংস্কৃত শাস্ত্র অস্ত জাতির (nation) ছর্ব্বোধ্য, কিন্তু এখন ইংলণ্ডে, ফরাসি ও জরমাণিতে বেদপুরাণাদির যে সমাদর দৃষ্ট হয় তাহাতে এরূপ মনে করা অসঙ্গত। কিন্তু কই ঐ সকল দেশে ত জাতিভেদ নিয়মের প্রতিকোন আস্থা নাই! অতএব আমাদিগের পক্ষে লোকাধিক্য বা বৃদ্ধি-প্রাথর্য্যের ভান করা যুক্তিসঙ্গত নহে। অবশ্যই অন্ত কোন হেতু থাকিবেক যে তাহাতেই আমরা জাতিভেদ নিয়মের বশীভূত থাকিয়া ইহাতে কোন ক্লেশ বোধ করি না। অতএব এতত্বিয়ে বিশেষ আলোচনা করা কর্ত্ব্য।

প্রাণিতত্ব অন্থসারে জাতিভেদের দোষগুণ বিচার।

আমাদিগের শারীরিক ও মানসিক বৃত্তির অনেকাংশ পিতৃ কিস্বা মাতৃপক্ষ হইতে উৎপন্ন হয় একথা সপ্রমাণ করিবার নিমিত্ত বিশেষ যত্নের প্রয়োজন নাই। কিন্তু অভিনব প্রাণিতত্ত্ববেতৃগণ এক নৃতন কথা প্রকাশ করিতেছেন। তাঁহারা বলেন যে অভ্যাসের এমন অন্তৃত গুণ যে এতদ্বারা স্নায়্সমূহের প্রকৃতি পরিবর্তিত হইয়া মস্তিক্ষের বিনা সংযোগে এবং আন্তরিক বাসনা অভাবে দৈহিক ক্রিয়া নিম্পাদিত হইতে পারে। এমন কি যে এই ধর্ম পুরুষামুক্রমে চালিত হইয়া একজনের দোষগুণ হইতে তত্বংশজাত অন্থা ব্যক্তির ইন্দ্রিয় এবং মনের আকৃতিবিকৃতি উৎপন্ন হয়। কথিত আছে যে সুরাপায়ীদিগের বংশজাত সন্তানাদি কখন স্বরাপান না করিয়াও সুরাসক্ত হয়।

অতএব কোন সম্প্রদায়ের প্রাধান্য বা স্বধর্ম অক্ষতভাবে রক্ষা করিবার ইচ্ছা থাকিলে তন্ত্রিকৃষ্ট সম্প্রদায়ের সহিত তাহাদিগের বিবাহ না করাই যুক্তিসঙ্গত; কারণ এতাদৃশ বিবাহ হইতে যে সস্তান উৎপন্ন হইবেক তাহারা কথঞিৎ নিকৃষ্ট সম্প্রদায়ের দোষও অধিকার করিবে। অমুলোম ও প্রতিলোম বিবাহ এই বিষয়ের বিদ্বদায়ক ছিল কিন্তু বোধ হয় স্বভাবসিদ্ধ বা প্রাচীন বলিয়া উহা সম্যক্রপে নিষিদ্ধ হয় নাই। কালে তাহা রহিত হইয়া জাতিভেদ প্রথার উন্নতি হইয়াছে।

কিন্তু যতদিন কোন সমাজের লোকসংখ্যা অল্প থাকে, ততদিন এক এক সম্প্রদায়ের ধর্ম অন্তের অনায়ত্ত এবং প্রত্যেক সম্প্রদায়ের নিকৃষ্ট ব্যক্তিগণ স্বশ্রেণী-মধ্যে বিবাহার্থ পরিত্যজ্য হয়। লোকসংখ্যা বৃদ্ধি হইলে বৃদ্ধিবৃত্তি ও ধর্মপ্রবৃত্তি বিষয়ে উৎকৃষ্ট এবং অপকৃষ্ট লোক সর্বশ্রেণীতে দৃষ্ট হয়। তখন প্রাগুক্ত উদ্দেশ্য রক্ষার্থ শ্রেণীর বিচার না করিয়া ব্যক্তিবিশেষের দোষগুণ বিচারপূর্বক বিবাহ দিলেই ক্রমশঃ গুণবিশিষ্ট স্ত্রীপুরুষের সহযোগে বংশের উন্নতিসাধন হইতে পারে।

এতন্তির যেমন শ্রেষ্ঠবর্ণের ধর্মরক্ষার নিমিত্ত নিকৃষ্ট বর্ণের সহিত বিবাহ নিষিদ্ধ, তদমুরূপ নিকৃষ্ট বর্ণের উন্নতির নিমিত্ত শ্রেষ্ঠ বর্ণের সহিত বিবাহ হওয়াই বাস্থনীয়। ফলতঃ যাহাতে উৎকৃষ্ট বর্ণের উপকার তাহাতেই যদি অপকৃষ্ট বর্ণের অপকার হয়, তবে এতাদৃশ নিয়মে সমগ্র সমাজের মঙ্গল কি ? এইজন্ম কোন কোন লোক মনে করিয়া থাকেন যে ব্রাহ্মণগণের স্বার্থসাধনের নিমিত্তই হিন্দুশাস্ত্রের সৃষ্টি হইয়াছিল। আমরা ইহার অমুমোদন করি না।

কিন্তু উল্লিখিত কয়েকটি হেতু মনে করিয়া কেহ জাতিভেদ সংস্থাপন করিয়াছিলেন, এতাদৃশ কল্পনা অপেক্ষা আর একটী সহজ কল্পনা প্রদর্শিত হইতে পারে।

নানা কারণে পৈতৃক ব্যবসা গ্রহণ করাই লোকের পক্ষে স্থলভ। এবং এক এক বর্ণান্তর্গত লোকের সংখ্যা বৃদ্ধি হইলে তাহাদিগের সকলের উপার্জ্জনের ব্যাঘাত হইবে বলিয়া তাদৃশ বৃদ্ধি নিবারণের ইচ্ছা স্বভাবসিদ্ধ ঘটনা, তদ্ভিদ্ধ অসবর্ণ বিবাহের সন্তানগণকে বহিষ্কৃত করিতে পারিলৈ এতাদৃশ কামনাসিদ্ধি হইতে পারিবে এইরপ বিবেচনাও স্বভাবতঃ উৎপন্ন হইতে পারে। স্থতরাং নিয়ামক-বিশেষের ছ্রভিসন্ধি বিনা লোকের বৃত্তিভেদ এবং অসবর্ণ বিবাহ নিষিদ্ধ হওয়া অসম্ভব নহে। কিন্তু ইহা সুসিদ্ধ হইতে কালবিলম্ব হয়।

যতদিন ধনসঞ্চয় না হয়, ততদিন দায়বিভাগের জয়্য় বিবাদও ঘটে না এবং দায়ক্রমনির্বয় বা শাস্ত্রকারের প্রয়েজনও থাকে না। কিন্তু তৎপূর্বেই লোকের আচরণ অমুসারে অনেকস্থলে এক একটা প্রথা নির্দিষ্ট হইয়া য়য়। এইজয়্ম শাস্ত্রকারেরা অনেক স্থলে কেবল পিতৃপৈতামহিক নিয়ম লিপিবদ্ধ করিয়াই ক্ষাম্ত হইয়াছেন। সেইরূপ উপজীবিকা নির্বাহার্থে কোন্ ব্যবসা অবলম্বন করিছে হইবেক, জনসমাজে এতাদৃশ তর্ক উপস্থিত হইবার পূর্বেই অনেকে স্বভাবতঃ পৈতৃক ব্যবসা অবলম্বন করিয়া থাকিবেক। এবং বিভিন্ন ব্যবসায়ীর মধ্যে বিবাহ সম্বন্ধ হইলে কি ক্ষতি বৃদ্ধি হইবেক তাহার চিন্তা উদয় হইবার পূর্বেই এক ব্যবসায়ীদিগের মধ্যে হাম্বতা এবং তদ্ধেতু বিবাহাদি সংঘটিত হওয়া অসম্ভব নহে। তখন অমুলাম প্রতিলোম বিবাহ এককালে নিষিদ্ধ হইবার কথা নহে। ক্রমশঃ নানা কারণে এতাদৃশ বিবাহ কুপ্রথাস্বরূপ গণ্য হইয়া পরিত্যক্ত এবং নিষিদ্ধ হওয়া সহজ্ব কল্পনা। কিন্তু আশ্চর্য্য এই যে অস্থাম্ম দেশে এ প্রকার প্রথা কালসহকারে প্রায় বিলুপ্ত হইয়া গিয়াছে। এবং আমাদিগের দেশে অসবর্ণ বিবাহ এককালেই রহিত হইয়াছে। আমাদিগের মনের গতিই ধারাবাহিক, সেইজ্বয়্ম গতকল্য যাহা করিয়াছি

অগু তাহার ব্যত্যয় করিতে ইচ্ছা হয় না এবং সেই হেতু অগু ব্যবসা গ্রহণ করা সহজ হইলেও সেদিকে অস্তঃকরণ ধাবিত হয় না। বিধবা বিবাহ নিষিদ্ধ হউক না হউক তাহা আমাদিগের সমাজ-প্রচলিত নাই, ইহাই প্রথা রক্ষার যথেষ্ট হেতু। প্রথাস্তর প্রবর্ত্তিত হইলে ক্ষতিবৃদ্ধি কি, হইবার উপায় আছে কি না সেদিকে মনই যায় না। নৃতন প্রথা দেখিলে বিজ্ঞাতীয় বলিয়া বিতৃষ্ণা জন্মে।

শিক্ষালাভ বিষয়ে জাতিভেদ প্রথার দোষগুণ বিচার।

জাতিভেদ নিয়ম হইতে ব্যবসা রক্ষার এক সন্থপায় হইয়াছে। অক্যান্স দেশে কোন বিষয় শিখিবার জন্ম তুই উপায় আছে। এক বিছালয়, অপর আপ্রেন্টিসের নিয়ম। কিছুদিন পূর্বেব বিছালয়সমূহ কেবল শাস্ত্র অধ্যাপনের নিমিত্তই নির্দিষ্ট ছিল। অধুনা বৃত্তি শিখিবার জন্মও বিছালয় সংস্থাপিত হইতেছে; যথা, এঞ্জিনিয়ারিং বৃত্তি ইত্যাদি।

আপ্রেন্টিস হইবার প্রণালী এই। প্রথমতঃ যে ব্যবসা অবলম্বন করিতে হইবেক তাহা স্থির করিয়া সেই ব্যবসাবলম্বী কোন ব্যক্তির সহিত এইরূপ যুক্তি করিতে হয় যে "আমি এতদিন বিনা বেতনে তোমার নিকট থাকিয়া তোমার ব্যবসা শিক্ষা এবং তোমার অধীন কার্য্য করিব। যদি নিয়মিতকাল মধ্যে তোমার কার্য্য ত্যাগ করিয়া যাই তবে এত দণ্ড দিব।" কালপূর্ণ হইলে উভয়ে অক্স নিয়ম করিয়া একত্র কার্য্য করিতে এবং তদমুসারে লাভালাভ বিভাগ করিয়া লইতে পারে অথবা শিশু (আপ্রেন্টিস) স্বয়ং পৃথক্রপে অভ্যাসিত ব্যবসা অবলম্বন করিতে পারে। যদি কেহ গুরুর নিকট প্রতিষ্ঠাপত্র না পাইয়া কোন ব্যবসা আরম্ভ করে, তবে তাহাকে কেহ বিশ্বাস করিয়া কার্য্যে নিযুক্ত করে না। এবং সেই ব্যবসায়ী **অক্তান্ত** ব্যক্তি ভাহার সহিত একত্রে কার্য্য করে না। কিছদিন পূর্ব্বে আমাদিগের মধ্যেও একবর্ণের লোক অক্সবর্ণের সহিত একত্র ব্যবসা করিত না। এখন ইহার এইমাত্র অবশেষ আছে যে বিভিন্ন বর্ণ মধ্যে আহার ও বিবাহ নিষিদ্ধ। এই সমস্ত নিষেধের নিগৃঢ় মর্ম এই যে, প্রথমতঃ কার্য্যগতিকে একটি প্রথা পড়িয়া যায় পরে সেই প্রথাই পিতৃপৈতামহিক ধর্ম ও তাহা উল্লভ্যন অধর্ম এইরূপ বিশ্বাস হইয়া উঠে; শাস্ত্রকারেরা তাহাই লিপিবদ্ধ করেন এবং লোকে বৈরনির্য্যাতনার্থে তাহার সাহায্য গ্রহণ করে। এখনও ঠিক এরূপ ঘটনা চলিতেছে। যদি তোমার কোন আত্মীয় ব্যক্তি প্রথা লঙ্ঘন করে, তবে তুমি তাহার প্রতি উপেক্ষা কর, কিন্তু কোন বিপক্ষ তাদৃশ কার্য্য করিলে শাস্ত্র বা প্রথার উল্লেখ করিয়া দণ্ডবিধানের চেষ্টা কর স্থুতরাং ইহাতে প্রথাভঙ্গ গোপনীয় বিষয় হইয়া উঠে। অথবা কার্য্যে দোষ আছে কি না, ধারাবাহিক হইলে একথা মনে উদয় হইবে না স্থুতরাং সে বিচারের দোহাই দিবে কি প্রকারে ?

জ্ঞাতিভেদ এবং আপ্রেণ্টিস বিষয়ক নিয়মন্বয় তুলনা করিলে দৃষ্ট হইবেক যে উভয়ের কার্য্য-প্রণালী বিভিন্ন কিন্তু শাসন তুল্য। কেবল প্রথোমক্ত প্রথাতে আমরা শিক্ষক ও বৃত্তি অনুসন্ধান বিষয়ে ধারাবাহিকমতে পিতৃপিতামহের প্রতি নির্ভর করি এবং গুরুশিয় মধ্যে স্ব স্ব অবস্থা ও প্রয়োজনমতে নূতন নিয়ম না করিয়া এক পিতৃআজ্ঞা পালনের দ্বারা সমস্ত কার্য্য নির্কাহ করিয়া থাকি। ধারাবহন প্রকৃতির প্রাহ্মভাব, ইহাতেই বিলক্ষণ প্রতীয়মান হইবেক যে, যে স্থলে পিতা কিন্তা তদভাবে স্বজ্ঞাতীয় কোন ব্যক্তি শিক্ষক বলিয়া নির্দ্দিষ্ট হয়েন নাই, উপদেশের উৎকর্ষ সাধনের নিমিত্ত পৃথক্ গুরু গ্রহণ করিবার নিয়ম হইয়াছে। তাহাতেও গুরুশিয় মধ্যে স্বান্ধ্বর্তী সম্বন্ধের পরিবর্ত্তে পৈতৃক সম্বন্ধ ঘটিয়াছে।

यि अकरलबरे এक এकि वायमा निर्वाचन कित्रमा नरेए रस. जरव जानक বিষয়ের চিস্তা করা আবশ্যক হইবেক। যথা "আমি এই ব্যবসা দ্বারা উত্তমরূপে জীবিকা নির্ব্বাহ করিতে পারিব অথবা অন্ত কোন ব্যবসা গ্রাহণ করিলে তুল্য শ্রামের দ্বারা অতিরিক্ত ফললাভ করিব ? আমার মনস্তুষ্টির জন্ম অন্ম কোন ব্যবসা গ্রহণ করা কর্ত্তব্য কি না ? অমুক অমুক ব্যবসার লাভীলাভ কি এবং লোকসংখ্যা কত ? অমুক ব্যবসা গ্রহণান্তে অমুক স্থানে গিয়া জীবিকা নির্ববাহ করিলে আমার লাভ বৃদ্ধি হইবেক কি না ?" ইত্যাদি। কিন্তু যাহারা শাশ্রুবিশিষ্ট হইবার পূর্বের পরিবার রক্ষণের ভারগ্রস্ত হয় তাহাদিগের চিন্তা করিবার সময় কোথা ? একবার বিলাস স্থাস্বাদন করিলে মনে নানাবিধ ভাবের উদয় হয় এবং তাহাতে অফ্র চিস্তার কথঞ্চিৎ ব্যাঘাত ঘটে; বিশেষতঃ স্ত্রীপুত্রের গ্রাসাচ্ছাদনের নিমিত্ত ব্যস্ত হইলে স্বেচ্ছামত ব্যবসা গ্রহণ করা ছ্ম্বর। "কি জানি অধিক লাভের প্রভ্যাশায় যদি সামাশ্য লাভেও বঞ্চিত হই, তবে এতগুলি পরিবারের উপায় কি হইবেক 🔭 এইরূপ চিন্তাপ্রযুক্ত ভগ্নোভম হইয়া তাহারা সহজেই পৈতৃক ব্যবসা অবলম্বনে প্রবৃত্ত হয়। আর যাহাদিগের মন একেবারে নিষ্পন্দপ্রায় হইয়া গিয়াছে তাহারা অবলীলাক্রমেই পিতৃপিতামহের অনুগামী হয়। "মাছিমারা কাপি" কেবল কেরাণীগণের স্বধর্ম নহে। ধারাবহন প্রকৃতির ফল।

ফলতঃ জাতিভেদ, বাল্যবিবাহ, পৈতৃক আবাস ভদ্রাসনে আসক্তি এবং একারবর্ত্তী থাকিবার প্রথা সমস্তই যেন একটি শৃঙ্খলাবদ্ধ বলিয়া বোধ হয়। হঠাৎ পরস্পরের মধ্যে বিশেষ সম্বন্ধ দৃষ্ট হয় না কিন্তু একটি প্রথা লক্তান করিলেই অক্সগুলির অন্ততঃ কিয়ৎপরিমাণেও ব্যাঘাত হয়। একারবর্ত্তী পরিবার বিচ্ছির হইলে আবাস পরিবর্ত্তন করিতে হয়। নৃতন আবাস অমুসন্ধানে প্রবৃত্ত হইলে ভিন্ন গ্রাম ভিন্ন দেশের প্রতি দৃষ্টি পড়ে। এবং তাহা হইতে আচার-ব্যবহারের আনেক ব্যত্যয় ঘটে। * ভদ্রাসন ত্যাগ করিলে বছ পরিবার একান্ধে রক্ষা করা সহজ্ব নহে। নৃতন স্থানে নৃতন সমাজে বৃত্তির কিঞ্চিৎ ব্যত্যয় সহজ্বেই হইতে পারে।

কিন্তু বাল্যবিবাহ জাতিভেদ নিয়মের প্রধান সহকারী। লেখকের ধারণা এই যে স্ত্রীজ্ঞাতির অন্তঃপুরে বাসও প্রাচীন প্রথা। যদি এ কথা সভ্য হয়, তবে ইহাও বাল্যবিবাহের সহকারী। কম্মার বৃদ্ধিশক্তি সম্যক্ পুষ্টিলাভ করিবার পূর্ব্বে ভাহার পরিণয় ক্রিয়া সমাধা হইলে পিতৃমনোনীত স্বর্ণপাত্র বিবাহ করিতে অসমতি প্রকাশের সম্ভাবনা থাকে না, বৃদ্ধিস্ফূর্টি হইলে অসবর্ণপাত্রে স্বয়ংই চিত্ত সমর্পণ করিতে পারে। কন্সা বয়স্থা হইবার পূর্বেব বিবাহিতা হইলে এই সমস্ত ঘটনা উপস্থিত হইতে পারে না। অতএব এই অভিসন্ধিতেই হউক কিম্বা রাক্ষ্স. গান্ধর্ব্য, পৈশাচ বিবাহ নিবারণার্থ ই হউক অথবা অন্ত যে কোন কারণেই হউক. বালিকা-বিবাহপ্রথা প্রবর্ত্তিত হইয়া অসবর্ণ বিবাহ এবং বর্ণসঙ্কর নিবারণের উৎকৃষ্ট উপায় হইয়াছে। আবার চিন্তা করিলে এ কথাও মনে হয় যে জাতিভেদ, ভদ্রাসনে আসক্তি এবং একান্নবর্ত্তী থাকিবার নিয়ম সমস্তই এক ধারাবাহিক প্রকৃতি হইতে স্বভাবতঃ উৎপন্ন হইতে পারে। বালিকাবিবাহ প্রথা যতুসহকারে প্রবর্ত্তিত মনে হয় কিন্তু তাহা অপর প্রথা কয়েকটীর ফল কি হেতু ইহা বিশেষ করিয়া স্থির করা কঠিন। সে যাহা হউক, এ কথা অবশ্য স্বীকার করিতে হইবেক যে আপ্রেন্টিস শিখাইবার প্রথা অভাবে লোকের ব্যবসা শিক্ষার নিমিত্ত পিতৃ উপদেশই উৎকৃষ্ট উপায়।

তদ্ভিন্ন যদি উল্লিখিত প্রাণিতস্ববিদ্গণের কথা সত্য হয়, তবে পুরুষামুক্রমে এক বৃত্তি প্রতিপালিত হইলে ক্রমশঃ তদ্বংশজাত ব্যক্তিগণের পক্ষে জাতীয় ব্যবসা শিক্ষা বিলক্ষণ সহজ্ব হইয়া উঠিবেক। সমাজের আ্যাবস্থাতে আপ্রেন্টিস-প্রণালী সংস্থাপিত হইবার সম্ভাবনা নাই স্কুতরাং উপদেশ দ্বারা সভ্যতার উন্নতিসাধন নিমিত্ত জাতিভেদ ব্যবস্থাই অত্যুৎকৃষ্ট।

কিন্তু ইহার দোষ এই যে স্বেচ্ছাপূর্ব্বক কোন বৃত্তি অবলম্বন করিলে লোকে যেমন যত্নসহকারে তাহাতে নিযুক্ত হয় পৈতৃক বলিয়া গ্রহণ করিলে সচরাচর সেরূপ উৎসাহ হয় না।

^{*} আমরা কোন বিশ্বস্ত ব্যক্তির মুখে শুনিয়াছি যে বারাণসীতে জনৈক রাঢ়শ্রেণীস্থ ব্রাহ্মণ বৈদিকের কন্সা গ্রহণ করিয়াছেন। প্রয়াগে করেকজন কায়স্থ ও ব্রাহ্মণ জ্বার ব্যবসা করিয়া থাকেন, তন্মধ্যে কায়স্থটী প্রয়োজনমতে স্বহস্তে চর্ম্ম সীবন পর্যাস্ত করিয়া থাকেন। সার বিদেশবাসী কোন কোন বান্ধালি স্ত্রীগণের অন্তঃপুরাবাস মোচন করিয়াছেন এ কথা অনেকেই জানেন।

লোকে নিয়মাধীন থাকিতে হইলেই কষ্ট বোধ করে। "এই নিয়মের অম্পথা করিতে পারি না" এই কথা মনোমধ্যে উদয় হইলেই স্বভাবতঃ ক্লেশের স্থল হইয়া উঠে। কিন্তু আমাদিগের সেরূপ যন্ত্রণা বোধ হয় না, ইহাতেই স্পষ্ট প্রতীতি হইবে যে, আমরা নিতান্ত নিস্তেজ হইয়াছি। আমরা একজন সংস্কৃতভাষাজ্ঞ ধার্ম্মিক কায়স্থের কথা শুনিয়াছি যে তিনি কুলপুরোহিতের মূর্যতা নিবন্ধন বৈরক্তি প্রযুক্ত স্বয়ং ছর্গোৎসবের মন্ত্রপাঠ করিতে বসিয়াছিলেন। ইহাতে তিনি কোন কোন লোকের নিকট নিতান্ত অপদস্থ হইয়াছিলেন। কিন্তু বাস্তবিক এই বৈরক্তি তেজের লক্ষণ। এবং নিজে মন্ত্রপাঠে সক্ষম হইলেও যে লোকে প্রতিনিধি নিযুক্ত করিতে বাধ্য হইলে ক্ষুর্মচিত্ত হয় না ইহাই আশ্চর্য্য এবং কাপুকৃষত্বের লক্ষণ।

বর্ণের তারতম্য অন্ধুসারে বৃত্তির সমাদরের ন্যুনাতিরেক হয়। স্মুতরাং শ্রেষ্ঠবর্ণের বৃত্তিগুলিই বিশিষ্টরূপ উন্নতিলাভ করে, অস্থান্থ বৃত্তি হেয় বলিয়া তাহার প্রতি কেহ যত্ন করে না। কিন্তু সংসারযাত্রা নির্বাহার্থে সকলই প্রয়োজন। কোন পদার্থ ই তুচ্ছ নহে। আমাদিগের ব্রাহ্মণেরা ধর্ম ও দর্শনশান্ত্রের আলোচনাতে বিলক্ষণ নিপুণ হইয়াছিলেন কিন্তু শিল্প-কর্ম কেবল নিকৃষ্ট বর্ণের ব্যবসা ছিল বলিয়া তাহার বিশেষ উন্নতি হয় নাই। বরং অভ্যাস্প্রণে ধারাবহন প্রকৃতি এতই প্রবল হইয়াছে যে, কি ব্রাহ্মণ কি নিকৃষ্টবর্ণ কেহই উন্নতি কি পরিবর্ত্তনের চিন্তাও করেন না। ভিন্ন ভিন্ন মন্থ্যের বৃদ্ধি ভিন্ন ভিন্ন প্রণালীতে নিযুক্ত হইয়া থাকে। যদি কেহ চিরকাল একস্থানে একই পদার্থ অবলোকন করে তাহা হইলে তাহার বৃদ্ধির ক্রুতি হয় না; নৃতন পদার্থ দেখিলে যে সকল নৃতন ভাব মনে উদয় হয় তাহা তাহার ত্র্লভ। তন্ত্রপ যদি বংশামুক্রমে একই কার্য্যে নিযুক্ত থাকা যায় তাহা হইলে কার্য্যান্তর দেখিবার ইচ্ছা হয় না এবং বৃদ্ধির গতিরোধ হইয়া যায়।

কোন কায়স্থ একটি টাকা ব্যয় করিলে তাহার কপর্দকের হিসাব দিবে।
কিন্তু একজন কৃষককে বল "তোমার ক্ষেত্রে কি পরিমাণ বীজ্ব রোপিত কত ধান্ত
উৎপন্ন হইয়াছে, সম্বংসর কত ব্যয় কতই বা লাভ হইল ?" সে কখনই ইহার
সত্ত্বর করিতে পারিবেক না। পূর্ব্বাপর যেরূপ শুনিয়াছে সেইরূপ উত্তর দিবে।
কিন্তু যদি পুদ্মানুপুদ্ম হিসাব লিখিয়া। রাখিত তাহা হইলে কবে বীজ্বের দোষে
কবে ভূমির দোষে শস্তোৎপত্তির ন্যুনতা ঘটিল তাহা জানিতে এবং এতছভ্য়ের
হেতু ব্রিতে পারিয়া উন্নতির চেষ্টা করিতে পারিত। কৃষক কায়স্থের বৃদ্ধি লইয়া
এ সকল বিষয়ে হিসাব রাখে না। কায়স্থ ধারাবাহিক মতে হিসাবই লিখেন
কিন্তু অনেক স্থলে হিসাবের উদ্দেশ্য ভূলিয়া যান। কৃষকের স্থায় অভীষ্ট সিদ্ধির
পক্ষে দৃক্পাত করেন না স্থতরাং অনেক সময়ে অপ্রয়োজন হিসাবে বৃধা কালক্ষেপণ

করেন এবং মনকে এই বলিয়া প্রবোধ দেন যে "বিস্তর কার্য্য করিতেছি।" আর কৃষক বলেন যে "আমার অত কথায় কান্ধ কি ?"

আমরা সকলেই মনে করি যে গৃহাদি যত মজবৃত হয় ততই ভাল। এজিনিয়ারেরা বলেন যে, যে কার্য্যে যত দৃঢ়তা আবশ্যক তদতিরিক্ত দৃঢ় করিলে বুণা অর্থ ব্যয় হয়। কিন্তু যখন শুভঙ্কর মসলার বল ও গাঁথুনির দৃঢ়তা পরিমাণ করিবার সঙ্কেত স্থির করিয়া দেন নাই তখন তাহার প্রতি উপেক্ষা করাই ধারাবাহিক ঝঙ্গালিদিগের স্বধর্ম হইবেক ইহাতে বিচিত্র কি ?

আজিকালি জগৎ-প্রসিদ্ধ জর্মান সৈত্যের কথা মনে করিলে আমাদিগের হীনতা বিলক্ষণ হাদয়ক্ষম হইবেক। যুদ্ধকালে সেনাগণকে শ্রেণীবদ্ধ রাখা অধ্যক্ষ দিগের প্রধান উদ্দেশ্য। যেন সকলে অনায়াসে আজ্ঞা শুনিতে পায় এবং কেহ ক্রেটি করিলে তাহা তৎক্ষণাৎ প্রকাশ হইয়া নিবারিত হইতে পারে। কিন্তু এখন কামান ছুঁড়িবার প্রণালী এতই পরিপক্ক হইয়াছে যে, ক্ষিপ্রহস্ত বিপক্ষের সম্মুখে সৈত্যগণ ঘন ঘন পঙ্ক্তিতে অগ্রসর হইতে পারে না; কামান পর্য্যন্ত যাইয়া রঞ্জক ঘর বন্ধ করিবার পূর্বেই বারম্বার গোলাবর্ষণে প্রায় সমুদায়কে ভ্তলশায়ী হইতে হয়; এতাদৃশ স্থলে সৈত্যগণ ফাঁক ফাঁক ছাড়া ছাড়া করিয়া অগ্রসর হইলে কার্য্য উদ্ধার হইবায় সম্ভাবনা কিন্তু শ্রেণীবদ্ধ হইয়া না থাকিলে যে ক্ষতি হয় তাহা কি প্রকারে নিবারিত হইবে ? জর্মান সৈত্যেরা ক্রমশঃ এমনি স্থবাধ হইয়া উঠিয়াছে যে তাহাদিগকে যুদ্ধারম্ভকালে একটি আজ্ঞা দিলে সকলেই আপনাপনি তদমুসারে কার্য্য করিতে পারে, অত্যাত্য সৈত্যের ত্যায় তাহাদিগের কার্য্য পর্য্যবেক্ষণ করিতে হয় না। যাঁহারা অধিক সংখ্যক লোককে কোন কার্য্যে নিযুক্ত করিয়াছেন তাঁহারাই জানেন যে শ্রমজীবীদিগের কার্য্য পর্য্যবেক্ষণে কত রূথা ব্যয় হয়। এবং তাঁহারাই বুঝিবেন যে জর্ম্মান সৈত্য কি অসাধারণ গুণসম্পন্ন হইয়াছে।

ইংলগুীয় কৃষকগণ একাধারে এতদেশীয় কায়স্থ ও কৃষকের বৃদ্ধি একত্রিত করিয়াছেন। ইউরোপীয় এঞ্জিনিয়ারগণ গৃহনির্মাণকার্য্যে গণিতশাস্ত্র নিরোজিত করিয়াছেন। জর্মান সেনাগণ নানা শাস্ত্রোপার্জিত বৃদ্ধি লইয়া যুদ্ধকার্য্য নির্বাহ করিতেছেন। এই সকল দেশের শ্রামজীবিগণ আপনাদিগের আয় বৃদ্ধির উদ্দেশে নানা বিষয়ে আত্মসংযম করিতেছে এতদ্দেশে বিশ্বাস্থ্য বোধ হয় না কিন্তু সুইউজরলগু দেশের অতি দরিক্র ইতর ব্যক্তিরা আপনাদিগের ভাবি অবস্থা সম্বদ্ধে এত দূরদৃষ্টিসম্পন্ন হইয়াছে যে বংশ বৃদ্ধি হইলে গ্রাসাচ্ছাদনের ব্যাঘাত হইবেক বলিয়া সস্তানোৎপাদন বিষয়ে পদে পদে আত্মসম্বরণ করিয়া থাকে। কিন্তু বীজগণিত স্থাইকর্ত্তাদিগের বংশাবলীর পক্ষে এতদূর গণনা করা অসাধ্য হইয়াছে। আমাদিগের মধ্যে যিনি অতি কর্ম্বর্চ কি পণ্ডিত তিনি একাগ্রচিত্তে কার্য্য করিব এই বাসনাই

করেন। অক্সদিকে দৃষ্টিপাত করিতে পারেন না। কিন্তু বৃদ্ধি মার্জিত না হইলে ক্রমশঃ স্থুল হইয়া যায়। মনে নৃতন ভাব উদিত না হইলে বৃদ্ধির স্ফুর্তি হয় না এবং চিন্তা স্তম্ভিত হইয়া যায়। নৃতন ভাব সংগ্রহ করিবার জন্ম সময়ে মনকে নির্দিষ্ট কার্য্য হইতে বিযুক্ত করিয়া অন্য বিষয়ে ব্যাপৃত করা আবশ্যক। এই জন্ম সকল ব্যবসার প্রথমে লেখাপড়া শিক্ষা করা উচিত এবং যেমন বীজ পরিশোধনার্থ ভিন্ন বংশে বিবাহ করা প্রয়োজন তদ্রপ মানসিক দর্শন বিস্তারিত করিবার জন্ম নানা ব্যবসায়ীদিগের মধ্যে হাম্মতা ও কুটুম্বিতা সংস্থাপন করা কর্ত্তব্য। আপ্রেন্টিস প্রথার দোষ নাই এ কথা বলি না। অন্যের অধীন না হইয়া পিতা-পিতৃব্য কিম্বা জ্ঞাতি-কুটুম্বের অধীন হইয়া ব্যবসা শিক্ষা করিলে শিয়ের অনেক কষ্ট নিবারিত হইতে পারে কিন্তু পদে পদে ব্যবসা নির্বাচন এবং পরের শিশ্ব হইয়া জীবিকা নির্বাহ করিতে হইলে যে স্বচিন্তা ও স্বাবলম্বনের প্রয়োজন হয় তাহা এক মহোপদেশ। আমাদিগের মধ্যেও গুরুপদেশের বিধান ছিল কিন্তু এখন তাহা কেবল ধর্মশাস্ত্র এবং ব্যায়াম শিক্ষাতে দৃষ্ট হয়। অনেক স্থলে উহাতেও ধারাবহন-প্রণালী প্রবিষ্ট হইয়া নানা দোষের উৎপত্তি হইয়াছে। তবে উল্লিখিত প্রাণিতত্বের নৃতন আবিকার অবশ্বাই জাতিভেদ প্রথার সাপেক।।



শাসনপ্রণালী (পূর্ব্বপ্রকাশিতের পর সাক্ষিবিষয়াদি)

ক্লিবিশেষে সাক্ষীর পরীক্ষা করা কর্ত্তব্য, স্থলবিশেষে পরীক্ষা না করিয়াই সাক্ষ্য গ্রহণ করা বিধেয়; সাক্ষী পরীক্ষিত হউক আর নাই হউক, সাক্ষী উপস্থিত হইলেই কালক্ষয় না করিয়া সাক্ষ্য গ্রহণ করিবে। কালবিলম্বে সাক্ষীর দোষ হইলে বিচারক পাতকী হইবেন। (১)

বিচার-নিষ্পাদন সময়ে যেখানে সাক্ষীর আগমন সম্ভাবনা ও সামর্থ্য না থাকে তথায় তল্লিখিত পত্রাদি দ্বারা তাহার সাক্ষ্য প্রমাণ হয়। সেই লেখ্য তাহার কি না তদ্বিয়ের সন্দেহ নিরাস জ্বন্য তদীয় অন্য লেখ্যের সঙ্গে তুলনা করিয়া দেখা রীতি, ইহা চিরপ্রসিদ্ধ। (২)

পূর্ব্বোক্ত ব্যক্তিগণকে ঋষিগণ কেন সাক্ষিযোগ্য জ্ঞান করেন নাই তাহা শুন। অজ্ঞতা হেতু শিশুজন, স্ত্রীলোকের মিথ্যা কথন অস্বাভাবিক নহে, এই কারণে কামিনীকুল, (৩) জ্ঞালকারী ব্যক্তিদিগের পাপকার্য্যে অভ্যাস আছে

ন কালহরণং কার্য্যং রাজ্ঞা সাক্ষিপ্রভাষণে। (১) কাত্যায়ন মহান্ দোষো ভবেৎ কালাদধর্ম বৃত্তিলক্ষণ:। অন্তর্বেশ্বনি রাত্রোচ বহিগ্র মাচ্চ যদ্ভবেৎ। নারদ এতস্মিন্নভিযোগে তু পরীক্ষা নাত্র সাক্ষিণাম্॥ অমুভাবিতু যঃ কশ্চিৎ কুর্য্যাৎ সাক্ষ্যং বিবাদিনাম। ময়ু অঃ ৮ অন্তর্বেশ্বন্থরণ্যে বা শরীর স্থাপি চাতায়ে॥ ৬৯ সাহসেষ্চসর্বেষ্তেয়সংগ্রহণেষ্চ। বান্দওয়োচ্চ পারুয়ে ন পরীক্ষেত সাক্ষিণ:॥ १२ অশক্য আগমো যত্র বিদেশ প্রতিবাসিনাম। (২) কাত্যায়ন ত্রৈবিহ্য প্রেষিতং তত্র লেখাং সাক্ষ্যং প্রদাপয়েৎ॥ বালোহজ্ঞানাদসত্যাৎ স্ত্রী পাপাভ্যাসাচ্চ কুটকুত্। (৩) কাত্যায়ন বিক্রয়াদান্ধবঃ স্বেহাদৈরনির্য্যাতনাদরিঃ॥

স্বভরাং তৎকথিত সত্য বাক্যকে লোকে কৃট সাক্ষ্য জ্ঞান করে তন্নিবন্ধন জ্ঞালকারী, বন্ধুজনেরা স্নেহ প্রযুক্ত অসত্য কহিতে সন্মত হইতে পারেন তদ্ধেতু স্বস্থুজ্জন, শত্রু ব্যক্তি পূর্ব্বাচরিত বৈর নির্য্যাভনের প্রতিশোধ বৃদ্ধিতে বিপরীত কহিতে পারে অভএব ইহাদের সাক্ষী গ্রাহ্য নহে।

এইরূপ বিচার শাস্তিকার্য্যেই প্রচলিত; সাহসিক কার্য্যাদিতে ইহাদের সাক্ষীও গ্রাহ্য হয়। (৪)

পাঠক তোমাকে যাহা বলিতেছি তিষিয়ে তোমার মতদ্বৈধ হইবার সম্ভাবনা, অতএব তুমি যেখানে যেখানে শাস্তিকার্য্যের নাম শুনিবে তাহাকে দেওয়ানী ও যেখানে যেখানে সাহসিক কার্য্য এই শব্দ শুনিবে তাহাকে ফৌজদারি বিচার মনে করিবে, তাহা হইলে তোমার মনে কোন দ্বিধা জন্মিবে না। পাঠক, তুমি এখন নিশ্চয় বৃঝিলে যে কাম, ক্রোধ, লোভ, মোহ, মন্ততা, ভয়, মৈত্র, রাগ, দ্বেষ ও অজ্ঞানাদি হেতু বশতঃ মিথ্যা বলিবার সম্ভাবনা, ইহা বিবেচনা করিয়াই ঋষিগণ সাক্ষী বিষয়ে অমুক্তহস্ত হইয়া রহিয়াছেন। (৫)

সাক্ষ্যকার্য্যে কামিনীজনের বিবাদে কামিনীকুল, দ্বিজ্ঞাতির বিবাদে তৎ সদৃশ দ্বিজ্ঞাতি, শৃত্তগণের বিষয়ে শৃত্র ব্যক্তি, অন্ত্যজ্ঞ ব্যক্তিবর্গের সাক্ষ্যে অন্ত্যজ্ঞ মন্ত্র্যাই সাক্ষী হইবে; সদৃশ সাক্ষী না হইলে শান্তিকার্য্যে গ্রাহ্য হয় না। (৬)

উভয় পক্ষের সাক্ষ্যে তুল্যতা থাকিলে সদ্গুণাদিসম্বদ্ধ ব্যক্তির কথা বিশিষ্ট প্রামাণিক বলিয়া গ্রাহ্য হইয়া থাকে। (৭) সাক্ষীর বিষয় অন্ত এই পর্য্যস্ত রাখা গেল ইহা ক্রমে ক্রমে বলিব নতুবা পাঠকের বিরক্তি ও অফ়চি জন্মিতে পারে।

(৪) উণ		5	দাসোহন্ধো বধিরঃ কুষ্ঠী স্ত্রীবালস্থবিরাদয়ঃ। এতে অনভিসম্বন্ধাঃ সাহসে সাক্ষিণো মতাঃ॥
(8) 9	1-/1	l	এতে অনভিসম্বন্ধাঃ সাহসে সাক্ষিণো মতাঃ॥
	অ: ৮	5	স্ত্রীনাম সম্ভবে কার্য্যং বালেন স্থবিরেণ বা। শিষ্যেণ বন্ধুনা বাপি দাসেন ভৃতকেন বা॥ १०
মন্থ অঃ		Į	শিষ্মেণ বন্ধুনা বাপি দাসেন ভৃতকেন বা॥ १०
		(ব্যাঘাতাচ্চ নৃপাক্ষায়াং সংগ্রহে সাহসেষ্চ।
না	द्रम्	į	ব্যাঘাতাচ্চ নৃপাজ্ঞায়াং সংগ্রহে সাহসেষ্চ। ন্ডেয় পাক্ষয়য়েন্দৈব ন পরীক্ষেত সাক্ষিণঃ॥
		(অসাক্ষ্য পিহি শাব্রেষ্ দৃষ্টঃ পঞ্চবিধঃ শ্বতঃ।
(৫) যাজ্ঞ	বন্ধ্য	ĺ	অসাক্ষ্য পিহি শান্ত্রেয়্ দৃষ্টঃ পঞ্চবিধঃ শ্বতঃ। ফনাদ্ দোষতো ভেদাৎ স্বয়ুমুক্তিমূঁ তান্তরঃ ॥
(৬) মন্ত্র ৮	- অ:	ç	ন্ত্রীণাং সাক্ষ্যং স্তিয়ঃ কুর্য্যুর্দিজানাং সদৃশদিজাঃ। শূদ্রাশ্চ সস্তি শূদ্রাণামস্ত্যানা মস্ত্যবোনয়ঃ॥
শ্লো ৬	b	Į	শূলাশ্চ সন্তি শূজাণামস্ত্যানা মস্ত্যবোনয়:॥
	(٩)		দ্বৈধে বহুনাং বচনং সমেতৃ গুণিনাং বচ:।
			গুণিদ্বৈধেতু বচনং গ্রাহ্যং যে গুণবত্তরাঃ॥
			য াজক্ম সংহিতা

সভূয় সমুখান

অনেকেই কহিয়া থাকেন আর্য্যজ্ঞাতির প্রবৃত্তি বাণিজ্ঞাবিষয়ে বিস্তৃত ছিল না বলিয়া সম্মিলিত সম্প্রদায় পরিভুক্ত বাণিজ্যের গুণ জানিতে পারেন নাই। যদি তাহা অবগত হইতে পারিতেন, তবে কি আমাদের ভাবনা থাকিত ?

পাঠক, তুমি লেখকের কথাগুলি শুনিয়া যথার্থ মীমাংসা করিবে। তুমি জান আর্য্যজাতির বাণিজ্যকার্য্যের ভার বৈশ্বগণের প্রতি অর্পিত ছিল। তাহারা যে সন্মিলিত সম্প্রদায় পরিভুক্ত বাণিজ্য জানিত না তাহা কি বিশ্বাস কর ? যদি কর, তবে তোমার ভ্রমপ্রমাদ নিরাস করাই অগ্রে উচিত। সিংহলদ্বীপে, যবদ্বীপে ও পূর্ব্বভিপদ্বীপের কতিপয় স্থলেও চীনের লোকের সঙ্গে যে বাণিজ্য চলিত তাহার প্রমাণ অনেক শুনিয়াছ। এক্ষণে তুমি কেবল এই কথার প্রমাণ চাও যে যদি সন্মিলিত সম্প্রদায় পরিভুক্ত বাণিজ্য থাকিত, তাহা হইলে তাহার কোন নাম (৮) অবশ্য আর্য্যগণের ধর্ম শাস্ত্রাদিতে উল্লেখ থাকিত। তদমুসারে তোমাকে সম্ভ্রমসমুখানের কথা বলিতেছি। বাণিজ্যব্যবসায়ী জনগণের মধ্যে যদি কতিপয় ব্যক্তি মিলিত হইয়া পরস্পরের অর্থ ও কায়িক শ্রম বিনিয়োগ পুরঃসর ক্ষতিবৃদ্ধির আত্বমানিক সীমা নির্দ্ধারণপূর্বক পরস্পর সম্বায় সম্বন্ধে বাণিজ্য করে, তবে তাহাকে তদবস্থায় সম্ভ্র্যসমুখান কহা যায়। (৯)

পাঠক, যেদিন অবধি সন্ত্য়সমুখান কার্য্য স্থগিত হইয়াছে, সেই দিন অবধি ভারতের ছর্দশার প্রাথমিক স্ত্রপাত ধরা যাইতে পারে। কোন্ সময়ে এই যে জাতিসাধারণহিতকর কার্য্যের পথে কন্টক পড়িয়াছে, তাহা নিশ্চয় করা স্থকঠিন। তবে এইমাত্র বলা যায় যে কলিকালের আদিভাগেই উহার লোপ হইয়াছে। অশ্য তিন যুগে যে সকল কার্য্য মানবগণের হিতজ্ঞনক ও স্থসাধ্য ছিল তাহার কতকগুলি কলিকালে মন্মুজ্জাতির পক্ষে অত্যস্ত ছঃখজনক ও অকীর্ত্তিকর ও অসাধ্যসাধন ভাবিয়া ভবিয়্তদ্বক্তা ঋষিগণ শাস্ত্রে "মাতার দিবিব" দিয়া (১০) সেগুলি

(৯) সমবায়েন বণিজাং লাভার্থং কর্ম্ম কুর্ব্বতাং।
লাভালাভৌ যথা দ্রব্যং যথা বাসম্বিদা ক্বতৌ ॥
যাজ্ঞবন্ধ্য সংহিতা ব্যবহার কাগু। ২৬২
সন্থ্য স্বানি কর্ম্মাণি কুর্বস্তিরিহ মানবৈং।
স্পন্দেন বিধিযোগেন কর্ত্তব্যাংশ প্রকল্পনা॥ মহু স্বং ৮ শ্লো। ২১১
(১০) সর্ব্বে ধর্ম্মাঃ ক্বতে জাতাঃ সর্ব্বে নষ্টাঃ কলৌ যুগে।
চাতৃবর্ণ্য সমাচারং কিঞ্চিৎ সাধারণং বদ॥
ব্যাস প্রান্ধী পরাশর সংহিতা ধর্ম্ম জিজ্ঞাসা।

⁽৮) সাংযাত্রিকঃ পোতবণিক্ (কর্ণধারস্ক নাবিকঃ।) অমরকোয় পাতালবর্গ।

কলিতে অধর্মজনক ও নরকপ্রাপ্তির কারণ বলিয়া নির্দেশ করিয়াছেন। ভারতের আর্য্যগণের মন সর্বাদ। স্বর্গের দিকে ধাবিত। স্থতরাং অস্বর্গ কার্য্যে তাঁহাদিগের মন কেন যাইবে ? কাজেই সমুদ্রযাত্রা রহিত হইল। এইটিই সম্ভূয়সমুখানের অন্তরায় বলিয়া অন্ত্রমিত হয়। বিদেশীয়দিগের সঙ্গে সংশ্রব না থাকিলে বাণিজ্য-বিস্তার হয় না।

সভ্যুসমুখান বিবাদে কতদূর দণ্ডের পরিমাণ তাহা যখন শাস্ত্রে আছে তখন অবশ্যই ইহা সর্ববাদিসম্মত বলিয়া পরিগণিত। লেখক বলিতে পারে ক্ট্রলপথে বাণিজ্য সহজ্ব নহে। দ্রব্যাদির আসার প্রসার অনায়াসসাধ্য না হইলে বাণিজ্যে লাভ হয় না। এই কারণেই প্রথমাবিধি স্থলপথের ব্যাণিজ্যে লোকের তাদৃশ আস্থা দেখা যায় নাই। অবশেষে যখন সমুদ্র্যাত্রা (১১) রহিত হইয়া গেল, তখন আর্য্যজ্ঞাতির পতনের উদ্মেষকাল, তৎকালে লোকের প্রতিভা লোপ হইবার উপক্রম। বিশেষতঃ তৎকালে ইহাদিগের গৃহ-বিচ্ছেদ আরম্ভ হইয়াছে। যখন আত্মীয়গণের সঙ্গে প্রণয় নাই, তখন অপরিচিত ব্যক্তির সঙ্গে কিরপে পরিচয় হইতে পারে ? সেই অন্তর্শ্বিচ্ছেদকালে প্রজাগণ প্রাণ্রক্ষার আশঙ্কায় ব্যতিব্যস্ত ছিল, এরূপ অবস্থায় কি কোন ব্যক্তির সদেশামুরাগ প্রবল থাকে ? তখন কেবল আত্মনক্ষার চিন্তা। স্থতরাং সদ্ভূয়সমুখান রহিত হইল।

পূৰ্ত্তকাৰ্য্য (Public Works)

আমাদিগের সভ্যজাতিরা বলিবেন ভারতবর্ষীয়দিগকে তাঁহারা পূর্ত্তকার্য্যের ফল শিক্ষা দিয়াছেন। তাঁহাদের উপদেশ না পাইলে অথবা আদর্শ না দেখিলে ভারতের আর্য্যগণ কদাচ পূর্ত্তকার্য্য করিতে সমর্থ হইতেন না। বৈদেশিক

বিষ্ণু পুরাণে
আদি পুরাণে

বর্ণাশ্রমাচারতী প্রবৃত্তির্ন কলোযুগে নৃণাং।

বস্তু কার্ত্তযুগে ধর্মো নকর্ত্তব্যঃ কলোযুগে।

পাপ প্রসক্তান্ত যতঃ কলৌ নার্যো নরন্তথা॥

(১১) সমুদ্রবাত্রা স্বীকার: কমগুসুবিধারণং
দ্বিরোপ স্থাতোৎপত্তির্মধুপর্কে শ্রীশোর্বিং।
দবরেণ স্থাতোৎপত্তির্মধুপর্কে শ্রীশোর্বিং।
মাংসদানং তথাপ্রাদ্ধে বানপ্রস্থাপ্রমন্তথা।
দন্তায়াস্কৈব কন্তায়া: পুনদানং পরস্তাচ।
দীর্ঘকালং ব্রন্ধচর্য্যং নরমেধাশ্বমেধকৌ।
মহাপ্রস্থান গমনং গোমেধঞ্চ তথা মথং।
ইমান্ ধর্মান্ কলিযুগে বর্জ্যানাছর্মনীবিধাঃ।

উদ্বাহ তন্ত্ৰ ধৃত বৃহন্ধারদীয় বচন।

পরিব্রাজক! তুমি একবার ভারত পরিভ্রমণ কর। ধর্মশাস্ত্র, পুরাণ ও কাব্য পাঠ কর, অবশ্য নানাস্থলে পূর্ত্তকার্য্য দেখিতে পাইবে। যদি ভোমার নারদ, মার্কণ্ডেয় মূনি, ভূষণ্ডী কাক অথবা কোন ভারতীয় উপন্যাসবক্তা বৃদ্ধের সহিত সাক্ষাৎ হয়, তবে অবশ্য পূর্ত্তকার্য্যের অনেক সমাচার পাইবে। নারদ ও যুধিষ্ঠির সম্বাদেও ওইরূপ কথাবার্ত্তা দেখা যায়, মহাভারত সভাপর্ব্ব দেখ।

পাঠক, তুমি কাশী চল; জ্ঞানবাপী ও মণিকর্ণিকা প্রভৃতি তীর্থ দেখ। যদি বৃন্দাবন যাও, তবে সেখানেও বনরাজী দেখিয়া পরিতোষলাভ করিতে পারিবে। তুমি কি অক্ষয় বটের কথা শুন নাই! অক্ষয় বটের এত মাহাম্ম্য কেন? ছায়াদান দ্বারা তিনি ক্লান্ত জনগণের প্রান্তি অপনয়নপূর্বক স্বস্তি ও শান্তি প্রদান করেন। পুরুষোত্তমক্ষেত্র দর্শন কর। নরেন্দ্রন্থদ, চক্রতীর্থ, মার্কণ্ডেয়ত্রদ, ইন্দ্রত্যম্পরোবর, শ্বেতগঙ্গা প্রভৃতি প্রীক্ষেত্রের ইন্দ্রত্যমরাজার পূর্বকার্য্য।

অক্ষয়বটের কথা শুনিয়াছ, সর্বস্থানে তাঁহার পূজা হয়।

রাম ভরতকে কি জিজ্ঞাসা করিয়াছিলেন, নারদ আসিয়া যুধিষ্ঠিরকে কি কি বিষয়ের উপদেশ দিয়াছিলেন ঃ (১২) পাঠক, তুমি রামায়ণ পড়; প্রজাদিগের জন্ম রাম কত ব্যস্ত হইয়া ভরতকে কহিলেন, ভ্রাতঃ তুমি প্রজাদিগের সঙ্গে সমত্বঃখসুখী কি না ? তুমি প্রজাদিগকে স্থলবিশেষে বীজ, ভোজ্ঞা ও ঋণ দিয়া থাক কি না ? মরুদেশ ও অল্পতোয়বিশিষ্ট প্রদেশসকলে বৃহৎ বৃহৎ তড়াগাদি করিয়া দিয়াছ কি না ? প্রজ্ঞাগণ দেবমাতৃক বলিয়া কৃষির নিমিত্ত যে খেদ করিত, তাহাদের সে খেদ নিবৃত্তি করিয়াছ কি না ? এখন সমুদায় রাজ্যকে অদেবমাভৃক বলিতে পারি কি না ? বৈদেশিক, তুমি বলিতে পার যদি ইহাদিগের সে বৃদ্ধিই ছিল, তবে প্রশস্ত রাজবত্মের কথা প্রবণ করা যায় না কেন ? তুমি মনে করিয়াছ ইহাদিগের ইতিহাস নাই, তুমি যাহা বলিবে তাহার উত্তর দিতে পারিব না। মহাভারত ও রামায়ণকে কি পদার্থ জ্ঞান কর ? তাহাতে প্রশস্ত রাজ্বপথের লক্ষণ দেখিতে পাইবে। রাজমার্গ অপরিষ্কৃত করিলে সাপরাধ ব্যক্তির দণ্ডবিধান হয় ও স্থলবিশেষে ভিরস্কার হইয়া থাকে তাহা তোমাকে দেখাইয়াছি। (মমু—অ ৯০-) ২৮২।২৮৩ শ্লোক। यদি বল বাঁধা রাস্তার ধারে সারি বাঁধা গাছ নাই। তাহার প্রমাণ জ্বন্য আমি দীলিপ রাজার বশিষ্ঠের আশ্রমগমন ও রঘুরাজার দিখিজয় যাত্রার কথা উল্লেখ করিব। দিলীপ যে সময়ে বশিষ্ঠের আশ্রমে যাইতেছেন, তখন

> (১২) কচ্চিদ্রাষ্টে তড়াগানি পূর্ণানিচ বৃহস্থিচ। ভাগশো বিনিবিষ্টানি ন কৃষিদেবি মাতৃকা॥ ৭৮ মহাভারত সভাপর্ব্ব অধ্যায় ৫

তাঁহার দর্শনলালসায় বৃদ্ধ গোপগণ সভোজ্ঞাত নবনীত উপহার সমভিব্যাহারে বিশিষ্ঠাঞ্জমাভিমুখের রাজমার্গে উপস্থিত আছে। রাজা সেই সকল বৃদ্ধদিগকে রাজবন্ধ স্থিত বৃক্ষপ্রেণীগত বনজবৃক্ষগুলির নাম জিজ্ঞাসা করিতে করিতে বিশিষ্ঠ- আগ্রমে চলিলেন। রঘু যে সময়ে যুদ্ধযাত্রা করেন তখন শরৎ কাল। অগাধ জলবিশিষ্ট নদীগুলি পয়ঃপ্রণালী দ্বারা জল নিঃসারণপূর্বক স্থখতার্য্য ও অল্পজ্ঞলা করিয়াছিলেন। মহুদেশগুলিকে সজল করিয়াছিলেন। যে সকল নদী নাব্য ছিল, সেগুলি সেতৃবন্ধন দ্বারা অনায়াসতার্য্য করিয়াছিলেন। রঘু যুদ্ধযাত্রাকালে যে স্থান মহারণ্য দেখিয়াছিলেন, তাহার ধ্বংস করিয়াছিলেন। তখন সেস্থল স্থগম্য স্থপরিষ্কৃত ও অনাত্বত স্থল হয়। (১৩)

এখন পাঠক তুমি শান্তের আদেশ চাও; পূর্বকার্য্যের শান্ত্রীয় প্রশংসা শুনিতে মানস করিয়াছ; তুমি প্রাচীন ঋষিদের প্রণীত ধর্মশান্ত্র শ্রবণ কব। দ্বিজ্ঞগণ সর্ববদা সমাহিতচিত্তে ইপ্ত ও পূর্বকার্য্য সমাধা করিবেন। ইপ্তকার্য্য দারা স্বর্গলাভ হয়। পূর্বকার্য্যই মোক্ষপ্রাপ্তির কারণ। যে ব্যক্তি দিনেকের নিমিত্তে ভূমি খনন করিয়া স্থেখাত্ব বারি প্রদান করেন, তদীয় জলাশয়ে অক্য প্রাণিবর্গের জলপানের সম্ভাবনা না থাকিলেও তৃষ্ণার্ত্ত একমাত্র গোধনের তৃপ্তিসাধনেই তাঁহার জলাশয় করণের ফল জন্মে। (১৪) সেই বারিক্ষেত্রই তাঁহার সপ্তকুল উদ্ধারের কারণ বলিয়া পরিগণিত হয়।

যাঁহার প্ররোপিত তরুরাজীর স্থুস্নিগ্ধ ছায়াতলে উপবিষ্ট হইয়া জীবগণ ক্লান্তি দূর করে তাহার পক্ষে সেই পাদপশ্রেণীই ভূমিদাতা ও গোদান কর্ত্তার সহিত সালোক্য প্রদানের সোপানস্বরূপ। যে ধর্মমতি পরকীয় বাপীকৃপ তড়াগাদি

(১৩) मर्ग २	নামধেয়ানি পৃচ্ছন্তৌ বক্তানাং মার্গ শাথিণাম্।
৪র্থ ২৪ শ্লো	পরিত: কুর্বতী গাধা: পথশ্চাম্ভানকর্দমান্। বাত্রায়ৈ প্রেরয়ামাস তংশক্তে: প্রথমং শরং ॥
ঐ ৩১ শ্লোক	শিকপৃষ্ঠাস্থ্যদন্তাংসি নাব্যাঃ স্থপ্রতরা নদীঃ। বিপিনানি প্রকাশানি শক্তিমন্তাচ্চকার সঃ॥
	त्र पूरः भ
(86)	ইষ্টাপূর্ত ইষ্টা পৃত্তেতু কর্তব্যে ব্রাহ্মণেন প্রবন্ধত:।
	ইষ্টেন লভতে স্বৰ্গং পূৰ্ত্তে মোক্ষমবাপুয়াৎ u
	একাহমপি কর্ত্তব্যং ভূমিষ্ঠমূদকং শুভং।
	কুলানি তারয়েৎ সপ্ত [্] যত্ত গৌর্বিভূষী <i>ভ</i> বেৎ ॥
	দিখিত সংহিতা

ে হৈয়ঙ্গবীনমাদায় ঘোষ ব্যদ্ধান্মপস্থিতান।

704

দেবমন্দিরাদির যথাসম্ভব পদ্ধোদ্ধার ও জীর্ণ সংস্কার করেন তিনিও পূর্ব্বোক্তরূপে স্বর্গফলভাগী হন। জীর্ণ সংস্কারাদিও অভিনব পূর্ত্তকার্য্যের সদৃশ গণ্য। ইষ্ট ও পূর্ব্তকার্য্যে দ্বিজ্ঞাতিত্রয়েরই সমান অধিকার। শূত্রগণের কেবল পূর্ত্তকার্য্যে অধিকার দেখা যায়। ইষ্টকার্য্যে শৃত্রগণ নিভাস্ত অনধিকারী। (১৫)

অগ্নিহোত্র, তপস্থা, সত্যপালন, নাস্তিক হইতে বেদের রক্ষা, আতিথ্য, বৈশ্বদেবের পূজা, এই কয়েকটি কার্য্যের নাম ইষ্ট। (১৬)

জুলাশয়, দান, বৃক্ষরোপন, প্রশস্ত বয় নির্মাণ, পঙ্কোদ্ধারকার্য্য ও জীর্ণসংস্কার, পান্থনিবাস, বাঁধাঘাট ও দেবমন্দিরাদি প্রতিষ্ঠা, অতিথিশালা প্রভৃতির নির্মাণকার্য্য পূর্ত্তমধ্যে গণ্য। কুল্যাদির বিষয় ইংরাজী দেখ। তথায় ঋক্বেদের বচন প্রমাণ উদ্ধার করা গেল।

Vide Mur's Sanskrit Texts, Vol. V.

R. V. IV 57, is a Hymn in which the ক্ষেত্ৰস্থান্তি, or deity who is the protector of the soil or of a husbandry, is addressed and a blessing is invoked on field operations, and their instruments, and on the Cultivators (কীলাস). Compare X. 117,7 উর্বরা, Cultivated and fertile land, is mentioned in various places. Water courses (কুল্যা), which may or may not have been artificial, are alluded to in III, 45,3, and X 43, 7 (সমক্ষরন্ সোমাস: ইন্দ্রম্ কুল্যাঃ ইব হুদম্), as bending to ponds or lakes; and waters which are expressly referred to as following in channels which had been dug up for them are mentioned in VII 49,9 "যাঃ আপো দিব্যা উক্তবা শ্রাবন্ধি খনিত্রিমাঃ উক্তবা যাঃ ষয়জ্জাঃ।" And from this it is not unreasonable to infer that then Irrigation of lands under cultivations may have been practised (Page 465)

बीनान ।

লিখিত সংহিতা।

(১৬) অগ্নিহোত্রং তপ: সত্যং বেদনাকৈব পালনং। আডিথ্যং বৈশুদেবঞ্চ ইষ্টমিত্যভিধীয়তে ॥ ইষ্টাপূর্ব্তে দিজাতীনাং সামাক্সো ধর্ম্ম উচ্যতে। অধিকারী ভবেচ্ছুক্তঃ পূর্ব্তে ধর্ম্মেণ বৈদিকে॥

লিখিত সংহিতা।

^{(&}gt;৫) ভূমিদানেন যে লোকা গোদানেনচ কীর্ত্তিতাঃ।
তাল্লোকান্ প্রাপ্নু যান্মর্ত্তাঃ পাদপানাং প্ররোপণে॥
বাপী কৃপ তড়াগানি দেবতায়তনানিচ।
পতিতাম্বন্ধরেছস্ক সপূর্ত্ত ফলমশ্লুনে॥



তৃতীয় পরিচ্ছেদ

ই অবধি, আমি প্রায় প্রত্যহ রামসদয় মিত্রের বাড়ী ফুল বেচিতে যাইতাম। কিন্তু কেন তাহা জানি না। যাহার নয়ন নাই, তাহার এ যত্ন কেন ? সে দেখিতে পাইবে না—কেবল কথার শব্দ শুনিবার ভরসা মাত্র। কেন শচীক্রবাব্ আমার কাছে আসিয়া কথা কহিবেন ? তিনি থাকেন সদরে—আমি যাই অন্তঃপুরে। যদি তাঁহার স্ত্রী থাকিত, তবেওবা কখন আসিতেন। কিন্তু বৎসরেক পূর্বের তাঁহার স্ত্রীর মৃত্যু হইয়াছিল—আর বিবাহ করেন নাই। অতএব সে ভরসাও নাই। কদাচিৎ কোন প্রয়োজনে মাতাদিগের নিকটে আসিতেন। আমি যে সময়ে ফুল লইয়া যাইব, তিনিও ঠিক সেই সময়ে আসিবেন, তাহারই বা সম্ভাবনা কি ? অতএব যে এক শব্দ শুনিবার মাত্র আশা, তাহাও বড় সফল হইত না। তথাপি অন্ধ প্রত্যহ ফুল লইয়া যাইত। কোন্ হরাশায়, তাহা জানি না। নিরাশ হইয়া ফিরিয়া আসিবার সময় প্রত্যহ সে কল্পনা রথা হইত। প্রত্যহই আবার যাইতাম। যেন চুল ধরিয়া লইয়া যাইত। আবার নিরাশ হইয়া ফিরিয়া আসিতাম, আবার প্রতিজ্ঞা করিতাম যাইব না— আবার বাইতাম। এরপে দিন কাটিতে লাগিল।

মনে মনে আলোচনা করিতাম, কেন যাই ? শুনিয়াছি, স্ত্রীজাতি পুরুষের রূপে মুশ্ধ হইয়া ভালবাসে। আমি কাণা, কাহার রূপ দেখিয়াছি ? তবে কেন যাই ? কথা শুনিব বলিয়া ? কখন কেহ শুনিয়াছে যে কোন রমণী শুধু কথা শুনিয়া উন্মাদিনী হইয়াছে ? আমিই কি তাই হইয়াছি ? তাও কি সম্ভব ? ঘদি তাই হয়, তবে বাছ শুনিবার জন্ম, বাদকের বাড়ী যাই না কেন ? সেতার সারেক্ষ এসরার বেহালার অপেক্ষা কি শচীক্র সুকণ্ঠ ? সে কথা মিধ্যা।

তবে কি সেই স্পর্শ ? আমি যে কুস্থমরাশি রাত্রিদিবা লইয়া আছি, কখন পাতিয়া শুইতেছি, কখন বুকে চাপাইতেছি—ইহার অপেক্ষা তাহার ম্পার্শ কোমল ? তা ত নয়। তবে কি ? এ কাণাকে কে ব্ঝাইবে, তবে কি ?

তোমরা ব্ঝ না, ব্ঝাইবে কি ? তোমাদের চক্ষু আছে, রূপ চেন, রূপই ব্ঝ। আমি জানি, রূপ-জন্তার মানসিক বিকারমাত্র—শব্দও মানসিক বিকার। রূপ, রূপবানে নাই, রূপ দর্শকের মনে—নহিলে একজনকে সকলে সমান রূপবান্দেখে না কেন—একজনে সকলেই আসক্ত হয় না কেন ? সেইরূপ শব্দও তোমার মনে। -রূপ দর্শকের একটি মনের স্থুখমাত্র, শব্দও শ্রোতার একটি মনের স্থুখমাত্র, ম্পার্শও স্পর্শকের মনের স্থুখমাত্র। যদি আমার রূপস্থুখের পথ বন্ধ থাকে, তবে শব্দ স্পর্শ গন্ধ কেন রূপস্থুখের স্থায় মনোমধ্যে স্ক্রেসময় না হইবে ?

শুক্ত্মিতে বৃষ্টি পড়িলে কেন না সে উৎপাদিনী হইবে ? শুক্ত কাষ্ঠে অগ্নি সংলগ্ন হইলে কেন না সে জ্ঞলিবে ? রূপে হোক, শব্দে হোক, স্পর্শে হোক, শৃত্য রমণীপ্রদয়ে স্থপুরুষ সংস্পর্শ হইলে কেন প্রেম না জ্ঞনিবে ? দেখ, অন্ধকারে ফুল ফুটে, মেঘে ঢাকিলেও চাঁদ গগনে বিহার করে, জ্বনশৃত্য অরণ্যেও কোকিল ডাকে, যে সাগরগর্ভে মন্ত্রত্য কখন যাইবে না, সেখানেও রত্ন প্রভাসিত হয়, অন্ধের স্থদয়েও প্রেম জন্ম—আমার নয়ন নিরুদ্ধ ধলিয়া স্থদয় কেন প্রস্ফুটিত হইবে না ?

হইবে না কেন, কিন্তু সে কেবল আমার যন্ত্রণার জন্ম। বোবার সুখস্বপ্ন, কেবল তাহার যন্ত্রণার জন্ম। বধিরের সঙ্গীতান্ত্ররাগ যদি হয়, কেবল তাহার যন্ত্রণার জন্ম; আপনার গীত আপনি শুনিতে পায় না। আমার হৃদয়ে প্রণয় সঞ্চার, তেমনই যন্ত্রণার জন্ম। পরের রূপ দেখিব কি—আমি আপনার কখন আপনি দেখিলাম না। রূপ! রূপ! আমার কি রূপ! এই ভূমগুলে রক্তনী নামে ক্ষুত্র বিন্দু কেমন দেখায়? আমাকে দেখিলে, কখনও কি কাহার আবার ফিরিয়া দেখিতে ইচ্ছা হয় নাই? এমন নীচাশয়, ক্ষুত্র কেহ কি জগতে নাই যে আমাকে স্থান্দর দেখে? নয়ন না থাকিলে নারী স্থান্দরী হয় না—আমার নয়ন নাই—কিন্তু তবে কারিগরে পাথর খোদিয়া চক্ষুঃশৃত্র মূর্ত্তি গড়ে কেন? 'আমি কি কেবল সেই রূপ পাযাণী মাত্র? তবে বিধাতা এ পাযাণ মধ্যে এ স্থাত্রঃখসমাকুল প্রণয়লালসাপরবশ হৃদয় কেন পুরিল? পাষাণের হঃখ পাইয়াছি, পাষাণের স্থখ পাইলাম না কেন? এ সংসারে এ তারতম্য কেন? অনস্ত হৃদ্ফতকারীও চক্ষে দেখে, আমি জন্মপ্রেই কোন্ দোষ করিয়াছিলাম যে আমি চক্ষে দেখিতে পাইব না? এ সংসারে বিধাতা নাই, বিধান নাই, পাপপুণ্রের দণ্ড পুরস্কার নাই—আমি মরিব।

আমার এই জীবনে বহুবৎসর গিয়াছে—বহুবৎসর আসিতেও পারে। বৎসরে বৎসরে বহুদিবস—দিবসে দিবসে বহু দশু—দণ্ডে দণ্ডে বহু মুহূর্ত্ত —ভাহার মধ্যে এক মুহূর্ত্ত জম্ম, এক পলক জন্ম, আমার কি চক্ষু ফুটিবে না? এক জন্ম, চক্ষু মেলিতে পারিলে দেখিয়া লই এই শব্দস্পর্শময় বিশ্বসংসার কি—আমি কি
—শচীন্দ্র কি ?

চতুর্থ পরিচ্ছেদ

তোমরা আমার গল্প শুনিতে বসিয়াছ কেন ? আমার এ গল্পে রাজা নাই—রাজপুত্র নাই, বীরপুরুষ নাই—যুদ্ধ নাই—চুরি ডাকাতি নাই—পুকাচুরি নাই— খুন জ্বখম নাই। অতি দীন হুংখিনীর হুংখের কথা। হুংখিনী অতি সামান্ত, কথাও সামান্ত, কেবল হুংখ অসামান্ত। রস পাইবে কি ? রসিক রসিকাগণকে অন্পুরোধ করিতেছি তাঁহারা অন্তর রসানুসন্ধান করুন। আমার হুংখ আমাতেই থাক।

আমি প্রত্যহই ফুল লইয়া যাইতাম, ছোটবাবুর কথার শব্দশ্রবণ প্রায় ঘটিত না—কিন্তু কদাচিৎ ছই একদিন ঘটিত। সে আহলাদের কথা বলিতে পারি না। আমার বোধ হইত, বর্ধার জলভরা মেঘ য়খন ডাকিয়া বর্ধে, তখন মেঘের বুঝি সেইরূপ আহলাদ হয়; আমারও সেইরূপ ডাকিতে ইচ্ছা করিত। আমি প্রত্যহ মনে করিতাম আমি ছোটবাবুকে কতকগুলি বাছা ফুলের তোড়া বাঁধিয়া দিয়া আসিব—কিন্তু তাহা একদিনও পারিলাম না। একে লড্ছা করিত—আবার, মনে ভাবিতাম ফুল দিলে তিনি দাম দিতে চাহিবেন—কি বলিয়া না লইব ? মনের ছংখে ঘরে আসিয়া ফুল লইয়া ছোটবাবুকেই গড়িতাম। কি গড়িতাম, তাহা জ্বানি না—কখন দেখি নাই।

এদিগে আমার যাতায়াতে একটি অচিন্তনীয় ফল ফলিতেছিল—আমি তাহার কিছুই জানিতাম না। পিতামাতার কথোপকথনে তাহা প্রথম জানিতে পারিলাম। একদিন সন্ধ্যার পর, আমি মালা গাঁথিতে গাঁথিতে ঘুমাইয়া পড়িয়াছিলাম। কি একটা শব্দে নিজা ভাঙ্গিল। জাগ্রত হইলে কর্ণে পিতা মাতার কথোপকথনের শব্দ প্রবেশ করিল। বোধ হয়, প্রদীপ নিবিয়া গিয়া থাকিবে, কেন না পিতামাতা আমার নিজাভঙ্গ জানিতে পারিলেন, এমত বৈধি হইল না। আমিও আমার নাম শুনিয়া কোন সাড়া শব্দ করিলাম না। শুনিলাম, মা বলিতেছেন,

"তবে একপ্রকার স্থিরই হইয়াছে 🤊

পিতা উত্তর করিলেন, "স্থির বৈকি ? অমন বড়মামুষ লোক, কথা দিলে কি আর নড়চড় আছে ? আর আমার মেয়ের দোষের মধ্যে অন্ধ, নহিলে অমন মেয়ে লোকে তপস্থা করিয়া পায় না।"

মা। তা, পরে এত করবে কেন ?

পিতা। তুমি বৃঝিতে পার না যে ওরা আমাদের মত টাকার কাঙ্গাল নয়—হাজার ছহাজার টাকা ওরা টাকার মধ্যে ধরে না। যেদিন রজনীর সাক্ষাতে রামসদয় বাব্র স্ত্রী বিবাহের কথা প্রথম পাড়িলেন, সেইদিন হইতে রজনী তাঁহার কাছে প্রত্যহ যাতায়াত আরম্ভ করিল। তিনি ছেলেকে জিজ্ঞাসা করিয়াছিলেন, "টাকায় কি কাণার বিয়ে হয় १" ইহাতে অবশ্য মেয়ের মনে আশাভরসা হইতে পারে যে, বৃঝি ইনি দয়াবতী হইয়া টাকা খরচ করিয়া আমার মেয়ের বিবাহ দিবেন। সেইদিন হইতে রজনী নিত্য যায় আসে। সেইদিন হইতে নিত্য যাতায়াত দেখিয়া লবঙ্গ বৃঝিলেন যে মেয়েটি বিবাহের জন্ম বড় কাতর হয়েছে—না হবে কেন, বয়স ত হয়েছে। তাঁতে আর ছোটবাবুতে টাকা দিয়া হরনাথ বস্থকে রাজি করিয়াছেন। গোপালও রাজি হইয়াছে।

হরনাথ বস্থ রামসদয় বাবুর বাড়ীর সরকার। গোপাল ভাহার পুত্র। গোপালের কথা কিছু কিছু জানিভাম। গোপালের বয়স ত্রিশ বৎসর—একটি বিবাহ আছে, কিন্তু সন্তানাদি হয় নাই। গৃহধর্মার্থে ভাহার গৃহিণী আছে—সন্তানার্থ অন্ধ পত্নীতে ভাহার আপত্তি নাই। বিশেষ লবঙ্গ ভাহাকে টাকা দিবে। পিতানাভার কথায় বুঝিলাম গোপালের সঙ্গে আমার সম্বন্ধ স্থির হইয়াছে—টাকার লোভে সে কুড়িবৎসরের মেয়েও বিবাহ করিতে প্রস্তুত। টাকায় জ্ঞাতি কিনিবে। পিতামাতা মনে করিলেন, এ জন্মের মত অন্ধ কন্যা উদ্ধার প্রাপ্ত হইল। ভাঁহারা আহলাদ করিতে লাগিলেন। আমার মাথায় আকাশ ভাঙ্গিয়া পড়িল।

তার পরদিন স্থির করিলাম, আর আমি লবঙ্গের কাছে যাইব না—মনে মনে তাহাকে শতবার পোড়ারমুখী বলিয়া গালি দিলাম। লক্জায় মরিয়া যাইতে ইচ্ছা করিতে লাগিল। রাগে লবঙ্গকে মারিতে ইচ্ছা করিতে লাগিল। হাখে কায়া আসিতে লাগিল। আমি লবঙ্গের কি করিয়াছি যে, সে আমার উপর এত অত্যাচার করিতে উগ্রত ? ভাবিলাম, যদি সে বড়মানুষ বলিয়া, অত্যাচার করিয়াই সুখী হয়, তবে জন্মান্ধ ছংখিনী ভিন্ন, আর কি অত্যাচার করিবার পাত্র পাইল না ? মনে করিলাম, না, আর একদিন যাইব, তাহাকে এমনই করিয়া তিরস্কার করিয়া আসিব—তারপর আর যাইব না—আর ফুল বেচিব না—আর তাহার টাকা লইব না—মা যদি তাহাকে ফুল দিয়া মূল্য লইয়া আসেন তবে, তাহার টাকার অন্ধ ভোজন করিব না—না খাইয়া মরিতে হয়—সেও ভাল। ভাবিলাম, বলিব, বড় মানুষ হইলেই কি পরশীড়ন করিতে হয় ? বলিব, আমি অন্ধ —অন্ধ বলিয়া কি দয়া হয় না ? বলিব পৃথিবীতে যাহার কোন সুখ নাই, তাহাকে বিনাপরাধে কণ্ট দিয়া তোমার কি সুখ ? যত ভাবি, এই এই বলিব, তত আপনার চক্ষের জলে আপনি ভাসি। মনে ভয় হইতে লাগিল, পাছে বলিবার সময় কথাগুলি ভুলিয়া যাই।

যথাসময়ে, আবার রামসদয় বাবুর বাড়ী চলিলাম। ফুল লইয়া যাইব না
মনে করিয়াছিলাম—কিন্ত শুধ্হাতে যাইতে লঙ্জা করিতে লাগিল—কি বলিয়া
গিয়া বসিব। পূর্ব্বমত কিছু ফুল লইলাম। কিন্তু আজি মাকে লুকাইয়া
গেলাম।

ফুল দিলাম—তিরস্কার করিব বলিয়া লবঙ্গের কাছে বসিলাম। কি বলিয়া প্রেসঙ্গ উত্থাপন করিব ? হরি ! হরি ! কি বলিয়া আরম্ভ করিব ? গোড়ার কথা কোন্টা ? যখন চারিদিকে আগুন জ্বলিতেছে—আগে কোন দিগ্ নিবাইবু ? কিছুই বলা হইল না ! কথা পাড়িতেই পারিলাম না । কালা আসিতে লাগিল ।

ভাগ্যক্রমে লবঙ্গ আপনিই প্রসঙ্গ তুলিল, "কাণি—তোর বিয়ে হবে।" আমি জ্বলিয়া উঠিলাম। বলিলাম "ছাই হবে।"

লবঙ্গ বলিল, "কেন, ছোটবাবু বিবাহ দেওয়াইবেন —হবে না কেন ?"

আরও জ্বলিলাম। বলিলাম, "কেন, আমি তোমাদের কাছে কি দোষ করেছি?"

লবঙ্গও রাগিল। বলিল, "আমলো! তোর কি বিয়ের মন নাই নাকি?" আমি মাথা নাড়িয়া বলিলাম, "না।" •

লবঙ্গ আরও রাগিল, বলিল, "পাপিষ্ঠা কোথাকার! বিয়ে করবিনে কেন ?" আমি বলিলাম—"খুসি।"

লবঙ্গের মনে বোধ হয় সন্দেহ হইল—আমি ভ্রপ্তা—নহিলে বিবাহে অসম্মত কেন ? সে বড় রাগ করিয়া বলিল, "আঃ মলো! বের বলিতেছি—নহিলে খেঙরা মারিয়া বিদায় করিব।"

আমি উঠিলাম—আমার তুই অন্ধচক্ষে জল পড়িতেছিল—তাহা লবঙ্গকে দেখাইলাম না—ফিরিলাম। গৃহে যাইতেছিলাম, সিঁড়িতে আসিয়া একটু ইতস্ততঃ করিতেছিলাম,—কই, তিরস্বারের কথা কিছুই ত বলা হয় নাই—অকস্মাৎ কাহার পদশন্দ শুনিলাম। অন্ধের শ্রবণশক্তি অনৈসর্গিক প্রথরতা প্রাপ্ত হয়—আমি তুই একবার সে পদশন্দ শুনিয়াই চিনিয়াছিলাম কাহার পদবিক্ষেপের এ শব্দ। আমি সিঁড়িতে বসিলাম। ছোটবাবু আমার নিকটে আসিলে, আমাকে দেখিয়া দাঁড়াইলেন। বোধ হয় আমার চক্ষের জন্দ দেখিতে পাইয়াছিলেন,—জিজ্ঞাসা করিলেন, "কে রজনি!"

সকল ভুলিয়া গেলাম! রাগ ভুলিলাম! অপমান ভুলিলাম, হুঃখ ভুলিলাম, —কাণে বাজিতে লাগিল—"কে রজনি।" আমি উত্তর করিলাম না—মনে করিলাম আর ছুই একবার জিজ্ঞাসা করুন্—আমি শুনিয়া কাণ জুড়াই।

ছোটবাবু জিজ্ঞাসা করিলেন, "রজনি! কাঁদিতেছ কেন ?"

আমার অন্তর আনন্দে ভরিতে লাগিল—চক্ষের স্থল আরও উছলিতে লাগিল। আমি কথা কহিলাম না—আরও জিজ্ঞাসা করুন্। মনে করিলাম, আমি কি ভাগ্যবতী! বিধাতা আমায় কাণা করিয়াছেন, কালা করেন নাই।

তিনি আবার জিজ্ঞাসা করিলেন, "কেন কাঁদিতেছ ? কেহ কিছু বলিয়াছে।" আমি সেবার উত্তর করিলাম—তাঁহার সঙ্গে কথোপকথনের স্থুখ, যদি জ্ঞাে একবার ঘটিতেছে—তবে ত্যাগ করি কেন ? আমি বলিলাম,

"ছোট মা তিরস্কার করিয়াছেন।"

ছোটবাব্ হাসিলেন,—বলিলেন, "ছোট মার কথা ধরিও না—ভাঁর মুখ ঐ রকম—কিন্তু মনে রাগ করেন না। তুমি আমার সঙ্গে এস—এখনই তিনি আবার ভাল কথা বলিবেন।"

তাঁহার সঙ্গে কেন না যাইব ? তিনি ডাকিলে, কি আর রাগ থাকে ? আমি উঠিলাম—তাঁহার সঙ্গে চলিলাম। তিনি সিঁ ড়িতে উঠিতে লাগিলেন—আমি পশ্চাৎ পশ্চাৎ উঠিতেছিলাম। তিনি বলিলেন, "তুমি দেখিতে পাও না—সিঁ ড়িতে উঠ কিরূপে ? না পার, আমি হাত ধরিয়া লইয়া যাইতেছি।"

আমার গা কাঁপিয়া উঠিল—সর্বশরীরে রোমাঞ্চ হইল—তিনি আমার হাত ধরিবেন! ধরুন না—লোকে নিন্দা করে করুক্—আমার নারীজন্ম সার্থক হউক! আমি পরের সাহায্য ব্যতীত কলিকাতার গলি গলি বেড়াইতে পারি, কিন্তু ছোট বাবুকে নিষেধ করিলাম না। ছোট বাবু—বলিব কি ? কি বলিয়া বলিব—উপযুক্ত কথা পাই না—ছোট বাবু হাত ধরিলেন!

যেন একটি প্রভাত-প্রফুল্ল পদ্মদলগুলির দ্বারা আমার প্রকাষ্ঠ বেড়িয়া ধরিল—যেন গোলাবের মালা গাঁথিয়া কে আমার হাতে বেড়িয়া দিল ! আমার আর কিছু মনে নাই। বুঝি, সেই সময়ে, ইচ্ছা হইয়াছিল—এখন মরি না কেন পূর্বি তখন গলিয়া জল হইয়া যাইতে ইচ্ছা করিয়াছিল—বুঝি ইচ্ছা করিয়াছিল শচীন্দ্র আর আমি, ছুইটি ফুল হইয়া এইরূপ সংস্পৃষ্ট হইয়া, কোন বন্ধ রক্ষে গিয়া এক বোঁটায় ঝুলিয়া থাকি! আর কি মনে হইয়াছিল—ভাহা মনে নাই। যখন সিঁড়ির উপরে উঠিয়া, ছোটবাবু হাত ছাড়িয়া দিলেন—তখন দীর্ঘনিশ্বাস ত্যাগ করিলাম—এ সংসার আবার মনে পড়িল—সেইসঙ্গে মনে পড়িল—"কি করিলে প্রাণেশ্বর! না বুঝিয়া কি করিলে! তুমি আমার পাণিগ্রহণ করিয়াছ। এখন তুমি আমায় গ্রহণ কর না কর—তুমি আমার স্বামী—আমি ভোমার পত্নী—ইহজ্বদ্মে অন্ধ ফুলওয়ালীর আর কেহ স্বামী হইবে না।"

সেই সময়ে কি পোড়া লোকের চোথ পড়িল ? বুঝি তাই।

পঞ্চম পরিচ্ছেদ

ছোটবাব্ ছোট মার কাছে গিয়া জিজ্ঞাসা করিলেন, "রজনীকে কি বলিয়াছ গা ? সে কাঁদিতেছে।" ছোট মা আমার চক্ষে জল দেখিয়া অপ্রতিভ হইলেন,— আমাকে ভাল কথা বলিয়া কাছে বসাইলেন—বয়োজ্যেষ্ঠ সপত্নীপুজ্রের কাছে সকল কথা ভাঙ্গিয়া বলিতে পারিলেন না। ছোটবাব্ ছোট মাকে প্রসন্ন দেখিয়া, নিজ্প প্রয়োজনে বছ মার কাছে চলিয়া গেলেন। আমিও বাড়ী ফিরিয়া আসিলাম।

এদিকে গোপাল বাবুর সঙ্গে আমার বিবাহের উন্তোগ হইতে লাগিল।
দিন স্থির হইল। আমি কি করিব ? ফুলগাঁথা বন্ধ করিয়া, দিবারাত্রি কিসে এ
বিবাহ বন্ধ করিব –সেই চিন্তা করিতে লাগিলাম। এবিবাহে মাতার আনন্দ, পিতার
উৎসাহ, লবঙ্গ-লতার যত্ন, ছোটবাবু ঘটক—এই কথাটি সর্ব্বাপেক্ষা কষ্টদায়ক—
ছোট বাবু ঘটক! আমি একা অন্ধ কি প্রকারে ইহার প্রতিবন্ধকতা করিব ? কোন
উপায় দেখিতে পাইলাম না। মালা গাঁথা বন্ধ হইল। মাতাপিতা মনে করিলেন,
বিবাহের আনন্দে আমি বিহরল হইয়া মালা গাঁথা ত্যাগ করিয়াছি।

ঈশ্বর আমাকে এক সহায় আনিয়া দিলেন। বলিয়াছি, গোপালবস্থর বিবাহ ছিল—তাহার পত্নীর নাম চাঁপা—বাপ রেখেছিল, চম্পকলতা। চাঁপাই কেবল এ বিবাহে অসমত। চাঁপা একটু শক্ত মেয়ে। যাহাতে ঘরে সপত্নী না হয়—তাহার চেষ্টার কিছু ত্রুটি করিল না।

হীরালাল নামে চাঁপার এক ভাই ছিল—চাঁপার অপেক্ষা দেড় বংসরের ছোট। হীরালাল মদ খায়—তাহাও অল্পমাত্রায় নহে। শুনিয়াছি গাঁজাও টানে। তাহার পিতা তাহাকে লেখাপড়া শিখান নাই—কোনপ্রকারে সে হস্তাক্ষরটি প্রস্তুত করিয়াছিল মাত্র, তথাপি রামসদয় বাবু তাহাকে কোথা কেরানিগিরি করিয়া দিয়াছিলেন। মাতলামির দোষে সে চাকরিটি গেল। হরনাথ বস্থু তাহার দমে খুলিয়া, লাভের আশায় তাহাকে দোকান করিয়া দিলেন। দোকানে লাভ দূরে থাক, দেনা পড়িল—দোকান উঠিয়া গেল। তারপর কোন গ্রামে বার টাকা বেতনে হীরালাল মাষ্টার হইয়া গেল। সে-গ্রামে মদ পাওয়া যায় না বলিয়া হীরালাল পলাইয়া আসিল। তারপর সে একখানা খবরের কাগজ করিল। দিনকতক তাহাতে খুব লাভ হইল, বড় শাসার জাঁকিল—কিন্তু লং সাহেবের আইনে বাধিয়া গেল—তয়ে হীরালাল কাগজ ফেলিয়া রূপোষ হইল। আবার হঠাৎ ভাসিয়া উঠিয়া ছোটবাবুর মোসায়েবি করিতে চেষ্টা করিতে লাগিল। কিন্তু ছোটবাবুর কাছে মদের চাল নাই দেখিয়া আপনা আপনি সরিল। অনস্তোপায় হইয়া নাটক লিখিতে আরম্ভ করিল। নাটক একখানিও বিক্রয় হইল না। তবে ছাপাখানার দেনা শোধিতে হয় না বলিয়া সে যাত্রা রক্ষা পাইল। এক্ষণে এ

ভবসংসারে আর কৃল কিনারা না দেখিয়া—হীরালাল চাঁপা দিদির আঁচল ধরিয়া বসিয়া রহিল।

চাঁপা হীরালালকে স্বকার্য্যোদ্ধার জম্ম নিয়োজিত করিল। হীরালাল ভগিনীর কাছে সবিশেষ শুনিয়া জিজ্ঞাসা করিল, "টাকার কথা সভ্য ভ? যেই কাণীকে বিবাহ করিবে, সেই টাকা পাইবে?"

চাঁপা সে বিষয়ে সন্দেহভঞ্জন করিল। হীরালালের টাকার বড় দরকার। সে তখনই আমার পিতৃভবনে আসিয়া দর্শন দিল। পিতা তখন বাড়ী ছিলেন। আমি তখন সেখানে ছিলাম না। আমি নিকটস্থ অক্স ঘরে ছিলাম—অপরিচিত্ত পুরুষে পিতার সঙ্গে কথা কহিতেছে, কণ্ঠস্বরে জ্ঞানিতে পারিয়া, কাণ পাতিয়া কথাবার্তা শুনিতে লাগিলাম। হীরালালের কি কর্কশ কদর্য্য স্বর!

হীরালাল বলিতেছে "সতীনের উপর কেন মেয়ে দিবে ?"

পিতা ছঃখিতভাবে বলিলেন, "কি করি! না দিলে ত বিয়ে হয় না—এত কাল ত হলো না।"

হীরালাল। কেন, ভোমার মেয়ের বিবাহের ভাবনা কি ?

পিতা হাসিলেন, বলিলেন, "আমি গরিব—ফুল বেচিয়া খাই—আমার মেয়ে কে বিবাহ করিবে ? তাতে আবার কাণা মেয়ে, আবার বয়েসও ঢের হয়েছে।"

হীরা। কেন পাত্রের অভাব কি ? আমায় বলিলে আমি বিয়ে করি।

এখন বয়:ছা মেয়ে ত লোকে চায়। আমি যখন স্তুশ্চ্ ভিশ্চ্ শাৎ পত্রিকার এডিটর

ছিলাম, তখন আমি মেয়ে বড় করিয়া বিবাহ দিবার জন্ম কত আর্টিকেল লিখেছি—
পড়িয়া আকাশের মেঘ ডেকে উঠেছিল। বাল্যবিবাহ!ছি!ছি! মেয়ে ত বড়
করিয়াই বিবাহ দিবে। এসো! আমাকে দেশের উন্নতির একজাম্পল্ সেট্ করিতে

দাও—আমিই এ মেয়ে বিয়ে করিব।

আমরা তখন হীরালালের চরিত্রের কথা সবিশেষ শুনি নাই—পশ্চাৎ শুনিয়াছি। পিতা ইতস্ততঃ করিতে লাগিলেন। এতবড় পণ্ডিত জামাই হাতছাড়া হয় ভাবিয়া শেষ একটু ফু:খিত হইলেন; শেষে বলিলেন, "এখন কথা ধার্য্য হইয়া গিয়াছে—এখন আর নড়চড় হয় না। বিশেষ এবিবাহের কর্তা শচীন্দ্র বাবৃ। শোহারাই বিবাহ দিতেছেন। তাঁহারা যাহা করিবেন, তাহাই হইবে। তাঁহারাই গোপাল বাবুর সঙ্গে সম্বন্ধ করিয়াছেন।

হীরা। তাঁদের মতলব তুমি কি বৃঝিবে? বড়মান্থবের চরিত্রের অস্ত পাওয়া ভার। তাঁদের বড় বিশ্বাস করিও না। এই বলিয়া হীরালাল চুপিচুপি কি বলিল ভাহা শুনিভে পাইলাম না। পিতা বলিলেন, "সে কি? না—আমার কাণা মেয়ে।"

হীরালাল তৎকালে ভগ্নমনোরথ হইয়া ঘরের এদিক্ সেদিক্ দেখিতে লাগিল। চারিদিক্ দেখিয়া বলিল, "তোমার ঘরে মদ নাই, বটে হে?" পিতা বিশ্বিত হইলেন, বলিলেন, "মদ! কিজ্জা রাখিব!"

হীরালাল মদ নাই জানিয়া, বিজ্ঞের স্থায় বলিল, "সাবধান করিয়া দিবার জ্বস্থ বল্ছিলাম। এখন ভদ্রলোকের সঙ্গে কুটুস্বিতা করিতে চলিলে, ওপ্তলা যেন না খাকে।"

কথাটা পিতার বড় ভাল লাগিল না। তিনি চুপ করিয়া রহিলেন। হীরালাল না বিবাহে, না মদে, কোন দিকেই দেশের উন্নতির একজাম্পল্ সেট করিতে না পারিয়া, কুলমনে বিদায় হইল।

ষষ্ঠ পরিচ্ছেদ

বিবাহের দিন অতি নিকট হইল—আর একদিনমাত্র বিলম্ব আছে। উপায় নাই! নিষ্কৃতি নাই! চারিদিক্ হইতে উচ্ছাসিত বারিরাশি গর্জিয়া আসিতেছে— নিশ্চিত ডুবিব।

তথন লঙ্ছায় জলাঞ্জলি দিয়া, মাতার পায়ে আছড়াইয়া পড়িয়া কাঁদিতে লাগিলাম। যোড়হাত করিয়া বলিলাম—"আমার বিবাহ দিও না—আমি আইবড় থাকিব।"

মা বিশ্বিতা হইয়া জিজ্ঞাসা করিলেন, "কেন ?" কেন ? তাহার উত্তর দিতে পারিলাম না। কেবল যোড়হাত করিতে লাগিলাম—কেবল কাঁদিতে লাগিলাম। মাতা, বিরক্ত হইলেন—রাগিয়া উঠিলেন, গালি দিলেন। শেষ পিতাকে বলিয়া দিলেন। পিতাও গালি দিয়া মারিতে আসিলেন। আর কিছু বলিতে পারিলাম না।

উপায় নাই! নিষ্কৃতি নাই! ডুবিলাম।

সেইদিন বৈকালে গৃহে কেবল আমি একা ছিলাম—পিতা বিব্লুহের খরচ সংগ্রহে গিয়াছিলেন—মাতা দ্বব্য সামগ্রী কিনিতে গিয়াছিলেন। এ সব সময়ে, হয় আমি দার দিয়া থাকিতাম, না হয় বামাচরণ আমার কাছে বসিয়া থাকিত। বামাচরণ এ দিন বসিয়াছিল। একজন কে দার ঠেলিয়া গৃহমধ্যে প্রবেশ করিল। চেনা পায়ের শন্দ নহে। জিজ্ঞাসা করিলাম, "কেগা ?"

উত্তর "তোমার যম।"

কথা কোপযুক্ত বটে কিন্তু স্বর স্ত্রীলোকের। ভয় পাইলাম না। হাসিয়া বলিলাম—"আমার যম কি আছে ? তবে এতদিন কোথা ছিলে।"

জ্বীলোকটির রাপ শাস্তি হইল না। "এখন জানবি! বড় বিয়ের সাধ! পোড়ারমুঝী; আবাসী।" ইত্যাদি গালির ছড়া আরম্ভ হইল। গালি সমাপ্তে সেই মধুরভাষিণী বলিলেন, "হাঁ দেখ, কাণি, যদি আমার স্বামীর সঙ্গে ভোর বিয়ে হয়, তবে যেদিন তুই ঘর করিতে যাইবি, সেইদিন তোকে বিষ খাওয়াইয়া মারিব।"

বুঝিলাম চাঁপা খোদ। আদর করিয়া বসিতে বলিলাম। বলিলাম, "শুন
—তোমার সঙ্গে কথা আছে।" এত গালির উত্তরে সাদর সন্তামণ দেখিয়া, চাঁপা
একটু শীতল হইয়া বসিল।

আমি বলিলাম, "শুন, এ বিবাহে তুমি যেমন বিরক্ত, আমিও তেমনি। আমার এ-বিবাহ যাহাতে না হয়, আমি তাহাই করিতে রাজি আছি। কিসে বিবাহ বন্ধ হয় তাহার উপায় বলিতে পার ?"

চাঁপা বিস্মিত হইল। বলিল, "তা তোমার বাপ মাকে বল না কেন?" আমি বলিলাম, "হাজার বার বলিয়াছি। কিছু হয় নাই।"

চাঁপা। বাবুদের বাড়ী গিয়া তাঁদের হাতে পায়ে ধর না কেন ?

আমি। তাতেও কিছু হয় নাই।

চাঁপা একটু ভাবিয়া বলিল, "তবে এক কাজ করিবি ?"

আমি। কি?

চাঁপা। ছদিন লুকাইয়া থাকিবি ?

আমি। কোথায় লুকাইব ? আমার স্থান কোথায় আছে ?

চাঁপা আবার একটু ভাবিল। বলিল, "আমার বাপের বাড়ী গিয়া থাকিবি ?" ভাবিলাম, মন্দ কি ? আর ত উদ্ধারের কোন উপায় দেখি না। বলিলাম, "আমি কাণা, নূতন স্থানে আমাকে কে পথ চিনাইয়া লইয়া যাইবে ? তাহারাই বা স্থান দিবে কেন ?"

চাঁপা আমার সর্বনাশিনী কুপ্রবৃত্তি মৃর্তিমতী হইয়া আসিয়াছিল; সে বলিল, "তোর তা ভাবিতে হইবে না। সে সব বন্দোবস্ত আমি করিব। আমি সঙ্গে লোক দিব, আমি তাদের বলিয়া পাঠাইব। তুই যাস্ত বল্?"

মঙ্জনোমুখের সমীপবর্তী কাষ্ঠফলকবং এই প্রবৃত্তি আমার চক্ষে একমাত্র রক্ষার উপায় বলিয়া বোধ হইল। আমি সম্মত হইলাম।

চাঁপা বলিল, "আচ্ছা, তবে ঠিক থাকিস্। রাত্রে সবাই ঘুমাইলে আমি আসিয়া দ্বারে টোকা মারিব, বাহির হইয়া আসিস্।"

আমি সম্মত হইলাম।

রাত্র দিতীয় প্রহরে দারে ঠক্ ঠক্ করিয়া অল্প শব্দ হইল। আমি জাগ্রত ছিলাম। দ্বিতীয় বস্ত্র মাত্র লইয়া আমি দারোদ্ঘাটনপূর্বক বাহির হইলাম। বুঝিলাম, চাঁপা দাঁড়াইয়া আছে। তাহার সঙ্গে চলিলাম। একবার ভাবিলাম না, একবার ব্ঝিলাম না যে, কি ছ্রুর্ম করিতেছি। পিতামাতার জ্বন্ত মন কাতর হইল বটে, কিন্তু তখন মনে মনে বিশ্বাস ছিল যে, অল্পদিনের জ্বন্ত যাইতেছি। বিবাহের কথা নিবৃত্তি পাইলেই আবার আসিব। রজনীনাম যে কলঙ্কে ডুবিবে, তাহা একবারও মনে পড়িল না।

আমি চাঁপার গৃহে—আমার শশুর বাড়ী ?—উপস্থিত হইলে চাঁপা আমায় সম্ভই লোক সঙ্গে দিয়া বিদায় করিল—পাছে তাহার স্বামী জ্ঞানিতে পারে, এভয়ে বড় তাড়াতাড়ি করিল—যে লোক সঙ্গে দিল, তাহার সঙ্গে যাওয়ার পক্ষে আমার বিশেষ আপত্তি—কিন্তু চাঁপা এমনই তাড়াতাড়ি করিল যে, আমার আপত্তি ভাসিয়া গেল। মনে কর কাহাকে আমার সঙ্গে দিল ? হীরালালকে।

হীরালালের মন্দ চরিত্রের কথা তখন আমি কিছুই জানিতাম না। সেজস্থ আপত্তি করি নাই। সে বৃবা পুরুষ—আমি বৃবতী—তাহার সঙ্গে কি প্রকারে একা যাইব ? এই আপত্তি। কিন্তু তখন আমার কথা কে শুনে ? আমি অন্ধ, পথ অপরিচিত, রাত্রে আসিয়ছি—স্বতরাং পথে যে সকল শব্দঘটিত চিহ্ন চিনিয়া রাখিয়া আসিয়া থাকি, সে সকল কিছু শুনিতে পাই নাই—অতএব বিনাসহায়ে বাড়ী ফিরিয়া যাইতে পারিলাম না—বাড়ী ফিরিয়া গেলৈও সেই পাপ বিবাহ! অগত্যা হীরালালের সঙ্গে যাইতে হইল। তখন মনে হইল—আর কেহ অন্ধের সহায় থাক না থাক—আমার উপর দেবতা আছেন; তাঁহারা কখন লবঙ্গলতার স্থায়, শীড়িতকে শীড়ন করিবেন না; তাঁহাদের দয়া আছে, শক্তি আছে, অবশ্য দয়া করিয়া আমাকে রক্ষা করিবেন—নহিলে দয়া কার জ্ব্য ?

তখন জানিতাম না যে ঐশিক নিয়ম বিচিত্র—মন্থুল্যের বৃদ্ধির অতীত—
আমরা যাহাকে দয়া বলি, ঈশ্বরের অনস্ত জ্ঞানে, তাহা দয়া নহে—আমরা যাহাকে
শীড়ন বলি—ঈশ্বরের অনস্ত জ্ঞানের কাছে তাহা শীড়ন নহে। তখন জানিতাম না
যে এই সংসারের অনস্ত চক্র দয়াদাক্ষিণ্যশৃত্য, সে চক্র নিয়মিত পথে অনতিক্র্
রেখায় অহরহ চলিতেছে, তাহার দারুণ বেগের পথে যে পড়িবে—অন্ধ হউক, খঞ্জ
হউক, আর্গ্র হউক, সেই পিষিয়া মরিবে। আমি অন্ধ নিঃসহায় বলিয়া, অনস্ত
সংসারচক্র পথ ছাড়িয়া চলিবে কেন ?

হীরালালের সঙ্গে প্রশন্ত রাজপথে বাহির হইলাম—ভাহার পদশন্দ অনুসরণ করিয়া চলিলাম—কোথাকার ঘড়িতে একটা বাজিল। পথে কেহ নাই—কোথায় শব্দ নাই—ছই একখানা গাড়ির শব্দ—ছই একজন সুরাপহাতবৃদ্ধি কামিনীর অসম্বন্ধ গীতিশব্দ! আমি হীরালালকে সহসা জিজ্ঞসা করিলাম—"হীরালাল বাবু, আপনার পায় জোর কেমন ?"

হীরালাল একটু বিশ্বিত হইল—বলিল, "কেন ?"

আমি বলিলাম, "জিজ্ঞাসা করি ?" হীরালাল বলিল, "তা মন্দ নয়।"

আমি। ভোমার হাতে কিসের লাঠি ?

হীরা। তালের।

আমি। ভাঙ্গিতে পার ?

হীরা। সাধ্য কি!

আমি। আমার হাতে দাও দেখি।

হীরালাল আমার হাতে লাঠি দিল। আমি তাহা ভাঙ্গিয়া দ্বিখণ্ড করিলাম।
হীরালাল আমার বল দেখিয়া বিশ্বিত হইল। আমি আধখানা তাহাকে দিয়া,
আধখানা আপনি রাখিলাম। তাহার লাঠি ভাঙ্গিয়া দিলাম দেখিয়া হীরালাল
রাগ করিল। আমি বলিলাম,—"আমি এখন নিশ্চিম্ত হইলাম—রাগ করিও না।
তুমি আমার বল দেখিলে—আমার হাতে এই আধখানা লাঠি দেখিলে—তোমার
ইচ্ছা থাকিলেও তুমি আমার উপর কোন অভ্যাচার করিতে সাহস করিবে না।"

शैत्रानान हूপ कतिया तशिन।



একাদশ সংখ্যা

আমার হুর্গোৎসব

পুমী পূজার দিন কে আমাকে এত আফিঙ্গ চড়াইতে বলিল! আমি কেন আফিঙ্গ খাইলাম! আমি কেন প্রতিমা দেখিতে গেলাম! যাহা কখন দেখিব না তাহা কেন দেখিলাম! এ কুহক কে দেখাইল!

দেখিলাম—অকস্মাৎ কালের স্রোতঃ, দিগস্ত ব্যাপিয়া প্রবলবেগে ছটিতেছে— আমি ভেলায় চড়িয়া ভাসিয়া যাইতেছি। দেখিলাম—অনন্ত, অকুল, অন্ধকারে, বাত্যাবিক্ষুর তরঙ্গসঙ্গুল সেই স্রোতঃ—মধ্যে মধ্যে উজ্জ্বল নক্ষত্রগণ উদয় হইতেছে, নিবিতেছে—আবার উঠিতেছে, দিগন্ত আলো করিতেছে—আবার নিবিতেছে। আমি নিতান্ত একা—একা বলিয়া ভয় করিতে লাগিল—নিতান্ত একা—মাতৃহীন— মা! মা ! করিয়া ডাকিতেছি। আমি এই কালসমুদ্রে মাতৃসন্ধানে আসিয়াছি। কোথা মা ! কই আমার মা ! কোথায় কমলাকান্তপ্রসূতি বঙ্গভূমি ! এ ঘোর কালসমূত্রে কোথায় তুমি ? সহসা স্বর্গীয় বাল্ডে কর্ণরন্ধ্র পরিপূর্ণ হইল—দিল্লগুলে প্রভাতা-রুণোদয়বৎ লোহিতোজ্জল আলোক বিকীর্ণ হইল-মিগ্ধ মন্দ প্রন বহিল-সেই তরঙ্গসফুলজলরাশির উপরে, দূরপ্রান্তে দেখিলাম—স্মুবর্ণমণ্ডিতা, এই সপ্তমীর শারদীয়া প্রতিমা! জলে হাসিতেছে, ভাসিতেছে, আলোক বিকীর্ণ করিতেছে! এই কি মা! হাঁ, এই মা। চিনিলাম, এই ।আমার জননী জন্মভূমি-এই মৃণায়ী-মৃত্তিকারূপিণী —অনন্তরত্বভূষিতা—এক্ষণে কালগর্ভে নিহিতা। রত্ত্মণ্ডিত দশভূজ— দশদিক্ লশদিকে প্রসারিত; তাহাতে নানা আয়্ধরূপে নানা শক্তি শোভিত; পদতলে শক্রবিমর্দ্দিত, পদাশ্রিত বীরন্ধনকেশরী শক্রনিষ্পীড়নে নিযুক্ত! এ মৃত্তি এখন দেখিব না—আজি দেখিব না, কাল দেখিব না—কালস্রোত পার না হইলে দেখিব না – কিন্তু একদিন দেখিব – দিগ্ ভুজা, নানা প্রহরণপ্রহারিণী, শক্রমর্দ্দিনী, বীরেন্দ্রপূর্চবিহারিণী—দক্ষিণে লক্ষ্মী ভাগ্যরূপিনী, বামে বাণী বিভাবিজ্ঞানমূর্ত্তিময়ী,

সঙ্গে বলরাপী কার্ডিকেয়, কার্য্যসিদ্ধিরূপী গণেশ! আমি সেই কালপ্রোতোমধ্যে দেখিলাম এই স্ববর্ণময়ী বঙ্গপ্রতিমা!

কোথায় ফুল পাইলাম বলিতে পারি না—কিন্তু সেই প্রতিমার পদতলে পুষ্পাঞ্চলি দিলাম—ডাকিলাম, "সর্ব্বমঙ্গলমঙ্গল্যে শিবে, আমার সর্ব্বার্থসাধিকে! অসংখ্য সন্তানকুলপালিকে ! ধর্ম অর্থ, মুখ তুংখ দায়িকে ! আমার পুষ্পাঞ্জলি গ্রহণ কর ৷ এই ভক্তি প্রীতি বৃদ্ধি শক্তি করে লইয়া তোমার পদতলে পুস্পাঞ্চলি দিতেছি, তুমি এই অনন্ত জলমণ্ডল ত্যাগ করিয়া এই বিশ্ববিমোহিনী মূর্ত্তি একবার জগৎ সমীপে প্রকাশ কর। এসো মা! নবরাগরঙ্গিণি, নববলধারিণি, নব দর্পে দর্পিণি, নবস্বপ্নদর্শিনি—এসো মা, গৃহে এসো—ছয়কোটি সম্ভানে একত্রে, এক কালে, দ্বাদশকোটি করযোড করিয়া, ভোমার পাদপদ্ম পূজা করিব। ছয়কোটি মুখে ডাকিব, মা প্রস্তি অম্বিকে! ধাত্রিধরিত্রিধনধাক্সদায়িকে! নগান্ধশোভিনি নগেন্দ্রবালিকে! শরৎস্থলরে চারুপূর্ণচন্দ্রভালিকে! ডাকিব,—সিন্ধুসেবিতে সিন্ধুপূজিতে সিন্ধুমথনকারিণি, শত্রুবধে দশভুজে দশপ্রহরণধারিণি ! অনন্তঞ্জী অনন্ত কালস্থায়িনি! শক্তি দাও সম্থানে, অনন্তশক্তিপ্রাদায়িনি! তোমায় কি বলিয়া ডাকিব মা! এই ছয়কোটি মৃগু ঐ পদপ্রান্তে লুন্ঠিত করিব, এই ছয়কোটি কণ্ঠে ঐ নাম করিয়া হুল্কার করিব, এই ছয়কোটি দেহ ভোমার জন্ম পতন করিব—না পারি এই দ্বাদশকোটি চক্ষে তোমার জন্ম কাঁদিব। এস মা গৃহে এস – যাঁহার ছয়কোটি সম্ভান –তাঁহার ভাবনা কি ?

দেখিতে দেখিতে আর দেখিলাম না—সেই অনস্ক কালসমূদ্রে সেই প্রতিমা ডুবিল! অন্ধকারে সেই তরঙ্গসঙ্গুল জলরাশি ব্যাপিল, জলকল্লোলে বিশ্বসংসার প্রিল! তখন যুক্ত করে, সজল নয়নে, ডাকিতে লাগিলাম, উঠ মা হিরন্ময়ি বঙ্গ-ভূমি! উঠ মা! এবার স্থসস্তান হইব - সৎপথে চলিব — ভোমার মুখ রাখিব। উঠ মা, দেবি দেবাস্থগৃহীতে — এবার আপনা ভূলিব — প্রাভ্বৎসল হইব, পরের মঙ্গল সাধিব —অধর্মা, আলস্থা, ইন্দ্রিয়-ভক্তি ত্যাগ করিব —উঠ মা—একা রোদন করিতেছি, কাঁদিতে কাঁদিতে চক্ষু গেল মা! উঠ উঠ, উঠ মা বঙ্গজননি!

মা উঠিলেন না। উঠিবেন না কি!

এস ভাই সকল ! আমরা এই অন্ধকার কালস্রোতে ঝাঁপ দিই। এস আমরা দ্বাদশকোটি ভুজে ঐ প্রতিমা তুলিয়া, ছয়কোটি মাথায় বহিয়া, ঘরে আনি। এস, অন্ধকারে ভয় কি ? ঐ যে নক্ষএসকল মধ্যে মধ্যে উঠিতেছে নিবিতেছে উহারা পথ দেখাইবে—চল ! চল ! অসংখ্য বাছর প্রক্ষেপে, এই কালসমূদ্র ভাড়িত, মথিত, ব্যস্ত করিয়া, আমরা সম্ভরণ করি—সেই স্বর্ণপ্রতিমা মাথায় করিয়া আনি। ভয় কি ? না হয় ভূবিব; মাতৃহীনের জীবনে কাজ কি ? আইস. প্রতিমা ভূলিয়া আনি, বড় পূজার ধূম বাঁধিবে। জেবক ছাগকে হাড়িকাটে ফেলিয়া সংকীর্ত্তি খড়েগ মায়ের কাছে বলি দিব—কত পুরাবৃত্তকার ঢাকী, ঢাক খাড়ে করিয়া, বঙ্গের বাজনা বাজাইয়া আকাশ ফাটাইবে —কত ঢোল, কাঁশি, কাড়া, নাগরায় বঙ্গের জয় বাদিত হইবে। কত শানাই পোঁ ধরিয়া গাইবে "কত নাচ গো।—" বড় পূজার ধূম বাঁধিবে। কত ব্রহ্মণ পণ্ডিত লুচি মণ্ডার লোভে বঙ্গপূজায় আসিয়া পাতড়া মারিবে—কত দেশী বিদেশী ভদ্রাভদ্র আসিয়া মায়ের চরণে প্রণামি দিবে—কত দীন তুঃখী প্রসাদ খাইয়া উদর পুরিবে। কত নর্ত্তকী নাচিবে, কউ গায়কে মঙ্গল গায়িবে, কত কোটি ভক্তে ডাকিবে মা। মা। মা।—

জয় জয় জয় জয়া জয়দাতি।
জয় জয় জয় বঙ্গ জগজাতি॥
জয় জয় জয় স্থাদে অন্নদে।
জয় জয় জয় বরদে শর্মাদে॥
জয় জয় জয় বাজে শুভার বি।
জয় জয় জয় শান্তি ক্ষেমকরি॥
দেষক দলনি, সন্তানপালিনি।
জয় জয় লক্ষি বারীক্রবালিকে।

জয় জয় কমলাকান্ত পালিকে ॥
জয় জয় ভব্তি শক্তি দায়িকে,
পাপ তাপ ভয় শোক নাশিকে ॥
মৃত্ল গন্তীর ধীর ভাষিকে ।
জয় মা কালি করালি অম্বিকে ॥
জয় হিমালয় নগবালিকে ।
অভূলিত পূর্ণচন্দ্র ভালিকে ॥
ভভে শোভনে সর্বার্থ সাধিকে ।
জয় জয় শান্তি শক্তিক কালিকে ॥

জয় মা কমলাকান্ত পালিকে॥

নমোস্ততে দেবি বরপ্রদে শুভে।
নমস্ততে কামচরে সদা ধ্রুবে॥
ব্রহ্মাণীক্রাণি রুড়াণি ভূতভব্যে যশস্থিনি।
ক্রাহিমাং সর্বব্য:থেভ্যো দানবানাং ভয়ন্করি॥
নমোস্ত তে জগন্নাথে জনার্দ্ধনি নমোস্ততে।
প্রিয়দান্তে জগন্মাতঃ শৈলপুত্রি বস্তন্ধরে।
ক্রায়ন্ত্রমাং বিশালাক্ষি ভক্তানামার্ত্তনাশিনি।
নমামি শির্মা দেবীং বন্ধনোস্ক্রবিমোচিতঃ॥
*

^{*} আর্যান্ডোত্র দেখ।

প্রাপ্ত প্রছের দার্ফিপ্ত



ড়েশ্বর নাটক। শ্রীরমেশচন্দ্র লাহিড়ী কর্তৃক প্রণীত। সন ১২৮০ সাল। কলিকাতা শিবাদহ যম্বে মুব্রিত।

গ্রন্থকার পুস্তকের আবরণ পত্তে একটা "বিজ্ঞাপন" দিয়াছেন :--

বিজ্ঞাপন।

"সন্ত্রদয় অথচ চিস্তাশীল পাঠকবর্গের হস্তে এই নাটক অর্পণ করিলাম।"
চিন্তাশীলের পক্ষে এই গ্রন্থ নৃতন নহে। ইহা জাল রামায়ণ অথবা জাল অযোধ্যাকাগু। লেখকের কবিছশক্তি আছে, স্কুতরাং তিনি এ পথ অবলম্বন করিয়া ভাল করেন
নাই। স্বয়ং ভবভূতি যে বাল্মীকিকে প্রণাম করিয়া দূরে অবস্থান করেন, সেই
বাল্মীকির অযোধ্যাকাণ্ডের কাপি করিয়া লাহিড়ী মহাশয় যে নাটক রচনা
করিয়াছেন, ইহা তাঁহার ভ্রম মাত্র। শুদ্ধ কাপি করিলেও ক্ষতি ছিল না; গ্রন্থকার
কাপি করেন নাই জাল করিয়াছেন। নামের, ঘটনার, সময়ের, চরিত্রের, ক্ষেরকার
করিয়া গৌডেশ্বর নাটক প্রণয়ন করিয়াছেন। অথচ—

গৌড়েশ্বর চন্দ্রকেত্	রাজা দশরথ
স্থীর	রামচন্দ্র
রঘুবর স্বরেন্দ্র	কুমার লক্ষ্মণ
বলরাম	ভরত
कार्वा ल	বশিষ্ঠ
বিজয়া	কৌশল্যা
কুন্তলা	কৈকেয়ী
তারা	মন্থরা
মনোরমা	সীতা
স্বস্ ন্দরী	উৰ্ন্মিলা

86

গৌড়েশরে, সেই দশরথের দ্রৈণ্য, চাপল্য, স্নেছ, মায়া ও পরিণাম। কুমার স্থীরে, শ্রীরামচন্দ্রের সেই বীরত্ব ও ধীরত্ব। রঘুবর স্থরেন্দ্রে, কুমার লক্ষণের সেই প্রতাপ, সেই প্রক্বতা সকলই সুস্পষ্ট দেখা যাইতেছে।

কুম্বলায়, কৈকেয়ীর সপত্নীভাব, ও তারাদাসীতে মন্থরার সেই কুচক্র সকলই দেখিতে পাওয়া যাইতেছে। স্থতরাং এরূপ প্রতারণায় গ্রন্থকার কিছু লাভ করিতে পারেন নাই বরং ক্ষতিগ্রস্ত হইয়াছেন বলিয়াই বোধ হয়।

পূর্ব্বেই বলিয়াছি গ্রন্থকারের কবিত্বশক্তি আছে। তাহার পরিচয়। স্থরস্থন্দরী রঘ্বরকে বলিতেছেন:—

"নাথ! নাহি দেখিয়াছি হেন কাল নিশি,
নাহি ছিল আশা দেখিব দিনের মুখ
আর! পোহাইল যদি এ কাল শর্করী,
না দিব যাইতে রণে, আজ। সারা নিশি,
কাঁদিয়াছে আকুল পরাণ, প্রাণনাথ,
দেখিয়া স্বপনে অমঙ্গল; রক্তর্ষ্টি
মাঝে পড়ি নরমুণ্ড, অসঙ্খ্যা, ছাইয়া
মেদিনী, হাসিল বিকট হাসি, ব্যাদান
করিয়া মুখ, আইলা ধাইয়া, খাইতে
মোর হৃদয়ের প্রাণ, আতঙ্গে দিলাম
হাত হদে, দেখিলাম আকুল হইয়া
নাহি প্রাণ তাহে, আছে শুধু মৃতহাদি
হরি লইয়াছে কেবা হৃদয়ের নিধি!!"

অস্ত স্থান হইতে; আচার্য্য জাবালি গৌড়েশ্বরের মৃত্যুতে হুঃখ করিতেছেন :—

"দেধরে সংসার, রাজস্থধ! যাহে মুগ্ধ
সবে; নরপাল হারাইল প্রাণ নিজে
অপালনে! অস্তিমের বন্ধু তার নাহি
একজন; কেহ নাহি বিসল শিয়রে
ভানতে শেষের এ ভয়কর দিনের
আশ্রয় রাম-নাম! কেহ নাহি দেখিল
নিবিতে এ রাজদীপ! নিমিলিতে রাজ্
আধি এ মহানিদ্রায়! না পড়িল এক
বিন্দু অশ্রুজন, ভিজাইতে সে তুর্গম
দেশের দারুণ পথ! পাশরি রাজারে
এ সক্কটে, সবে মন্ত পুরণেতে নিজ

নিজ সাধ! আহা! কিবা কক মক্তৃম রাজার জীবন! এ সংসারে স্থওউৎস প্রেম আদান-প্রদান-দেহ; কিন্তু হার! রাজগু জীবন বঞ্চিত, প্রেম রক্নাকরে!"

আবার বলি, গ্রন্থকারের এরূপ রচনা-ভঙ্গি ও কবিছ আছে, তিনি এরূপ পর্থ অবলম্বন করিয়া ভাল করেন নাই।

বিবাহ ও পুত্রত্ব বিষয়ে মতুর মত। গ্রীঈশানচন্দ্র বস্থ কর্তৃক সঙ্কলিত। এলাহাবাদ বিক্টোরিয়া যন্ত্র।

এ গ্রন্থখানি উৎকৃষ্ট। এরপ গ্রন্থের আমরা বিশেষ সমাদর করিয়া থাকি। ইহার ভূমিকা পাঠ করিতে পাঠকগণকে অমুরোধ করি। পাঠ করিয়া পাঠকগণ সম্ভুষ্ট হইবেন। ইহার মতামতের সমালোচনায় আমরা প্রবৃত্ত হইলাম না— ভূমিকা হইতে শেষাংশ উদ্ধৃত করিয়া, গ্রন্থকারের উদ্দেশ্য বুঝাইতেছি। গ্রন্থকারের মুখে, এরূপ পরিচয় দেওয়াই বিধেয়।

"আমি হিন্দুকুলশিরোমণি মন্ত্র বিবাহ ও পুজ্রত্ব বিষয়ক মত এই প্রস্তাবে প্রকাশ করিলাম। ইহাতে মন্ত্রর গভীর জ্ঞান, অসাধারণ ব্যবস্থা-প্রণয়ন-কোশল ও তাঁহার মতের বিশুদ্ধতা প্রদর্শন ভিন্ন আরো কিছু লক্ষ্য আছে। ইহাতে উত্তম মধ্যম অধম বহু প্রকার বিবাহ-নিয়ম প্রদর্শিত হইয়াছে। সে সমৃদায়ই প্রাচীন প্রথা ও তাহা মন্ত্রর ব্যবস্থাসন্মত। যে প্রচলিত হিন্দুবিবাহ-রীতির গুণ পুর্বেই উক্ত হইল, যদি এই বিশুদ্ধ রীতি কাহারো দৃষ্টিতে অবিশুদ্ধ বোধ হয়—যদি ইহার ব্যত্যয় করিয়া অক্সবিধ বিবাহে প্রবৃত্ত হইতে কাহারো একান্ত আগ্রহ হয়, মন্ত্রর ব্যবস্থা তাঁহার অন্তকুল হইবে। তাঁহার সহিত অন্ত লোকের সহামুভূতি না হইতে পারে, কারণ "ভিন্নকচির্হি লোকং" কিন্তু তাঁহার কার্য্য একান্ত শান্ত্র-বহিভূতি হইবে না—তাঁহাকে হিন্দু-সম্প্রদায়চ্যুত হইতে হইবে না। এইরূপ মনোমত বিবাহ করিতে পান না বলিয়া অনেকে হিন্দুদিগকে গালি দিয়া যান—জসভ্য বলিয়া বোধ করেন, তখন সকলের নিকট হিন্দু সভ্য হইবেন!

কিন্তু একটি কথা আছে। কতকগুলি বিবাহ-নিয়ম আছে, সেইগুলিকে মহু শ্রেষ্ঠ বিবাহ বলিয়াছেন, কতকগুলিকে অশ্রেষ্ঠ বলিয়াছেন এবং তদমুসারে তাহাদের মর্য্যাদাও স্থাপন করিয়াছেন। সেই শ্রেষ্ঠ ও অশ্রেষ্ঠ বিবাহের পরস্পর যেরূপ মর্য্যাদা নিরূপিত আছে, বর্ত্তমানকালে তাহার তারতম্য হইতে পারে, কিন্তু সেই মর্য্যাদাভেদ চিরকাল থাকিবে। তাহা হিন্দুগণ প্রাণাস্তেও ভুলিতে পারিবে না। তাহা হিমাচলের অঙ্গে উজ্জ্বল অক্ষরে খোদিত, সমৃদায় ভারত-সমৃত্রের জলেও তাহা থোঁত হটবে না।"

প্রমোদকামিনী কাব্য। প্রীত্মাণ্ডভোষ মুখোপাধ্যায় কর্তৃক প্রাণীত ও প্রকাশিত। কলিকাতা ঈশরচন্দ্র বমু কোং।

গোল্ডস্মিথ প্রণীত "হর্মিট" নামক গীতিকাব্য অবলম্বন করিয়া এখানি রচিত হইয়াছে। পাঠকদিগের স্মরণ থাকিতে পারে, গোল্ডস্মিথের ঐ কাব্যও প্রাচীনতর গীতিকাব্যের অমুসারী। অতএব এখানি নকলের নকল। বাঙ্গালা গ্রন্থ অধিকাংশ এইরূপ হইতেছে।

"নকল" শুনিয়াই কেহ ঘুণা করিবেন না; অমুকরণ হইলেই গ্রান্থ নিকৃষ্ট হয় না। ইহা প্রমাণ করা যাইতে পারে যে মহাভারত রামায়ণের অমুকরণ। বর্জিলের মহাকাব্য যে ইলিয়দের অমুকরণ, ইহা সর্বত্র স্বীকৃত। স্বয়ং সেক্ষণীয়রও অনেক সময়ে, নিকৃষ্টতর কবিদিগের গ্রন্থ অবলম্বন করিয়া আপন অপূর্ব্ব নাটক সকল রচনা করিয়াছিলেন। অনেক স্থলেই দেখা গিয়াছে, অমুকৃতের অপেক্ষা অমুকারী প্রতিভাশালী।

আমরা এই গ্রন্থ সম্বন্ধে সে কথা বলিতেছি না। ইহা গোল্ডস্মিথের কাব্য হইতে অনেকাংশে নিকৃষ্ট—কিন্তু মন্দও নহে; গোল্ডস্মিথের কাব্য ও এই কাব্য এক বিষয় লইয়া রচিত হইলেও, এতন্মধ্যে প্রকৃতিগত বিশেষ প্রভেদ দেখা যায়। হর্মিটের সরলতা ও মাধ্র্য্য প্রমোদকামিনী কাব্যে নাই। ইহা অধিকতর জটিল, এ প্রেম তত পরিশুদ্ধ নহে, এবং অধিকতর পরিক্ষুট । সে অনির্ব্বচনীয় মাধ্রি এবং কোমলতা দেখিলাম না। ইহাতে অনেক আবর্জনা জমিয়াছে। কিন্তু কবির কবিত্বের অভাব নাই; এবং এক এক স্থানে মধ্র বটে। গ্রন্থকার, নিতান্ত নকলনবিশও নহেন; অনেক স্থানে নৃতন বিষয় সন্ধিবেশ করিয়াছেন। ইহার কবিত্বের পরিচয় দিবার জন্ত, একটি স্থান উদ্ধৃত করিলাম—

পরদিন বিধুমুথ উদিলে তপন,

—পরি পুরি পুরুষের সাজ,

থু জিব সে রসরাজ,

এ প্রতিজ্ঞা পুরাইতে করিল মনন।
কোকনদ-বিনিন্দিত চরণ-কুমলে,

কিঞ্চিৎ কুক্তিত হয়ে,

পোড়া লোক-লাজ ভয়ে
পরিল পাছকা-বুগ বসিয়া বিরলে।
কাঁচলি উপরে বামা মুক্তার নয়ে,

ধরেছে অপুর্ব্ব বিভা,

পাইয়া রূপের নিভা,

নিশার শিশির যথা দিনকর করে!

জিনিরা চম্পাক-কলি অন্তুলি নিকরে, হীরক অন্তুরী ধরি পরিল যতন করি, বিতীয়ার চাঁদ ধেন অমল অহরে !

ম তকে পরিল তাজ মুনি-মনোহর ;
মনের মতন করে
সাজাইয়া অশ্ববরে,
চলিল মাধবীলতা যথা তরুবর।

মনোগতি ছুটে অশ্ব তুলিছে কামিনী;

যথা সরোবর কোলে,

মৃত্ মলয় হিল্লোলে,

দোলে রে সুখের দোলে নবীনা নলিনী।

মধুকণা ঘর্মবারি বদনকমলে, সেজেছে কি চমৎকার, যেন স্থধার আধার, তারা বেড়া চাঁদ মরি উদিত ভূতলে।

হিতাবলী। দ্বিতীয় ভাগ। অর্থাৎ হিতোপদেশপূর্ণ বাঙ্গালায় পদ্মগ্রন্থ। শ্রীপ্রসন্নচন্দ্র গুহ কর্তৃক বিরচিত। কলিকাতা বাঙ্গালা সাপ্তাহিক রিপোর্ট যন্ত্র।

এ গ্রন্থখানিও বালক শিক্ষার্থ। অতএব ইহা সম্বন্ধেও বিশেষ কিছু বলিতে আমাদের ইচ্ছা নাই। বিশেষ গ্রন্থকার সমালোচনাকারীর নিকট যেরূপ কাত-রোক্তি করিয়াছেন, তাহাতে স্থতরাং ক্ষান্ত হইতে হইতেছে। আমরা উদ্ধৃত করিতেছি—

এই যে নিষাদে হের মৃগ অন্তেষণে
ধাইতে কানন-মাঝে; তীক্ষ অন্ত্র-শস্ত্র
পূর্ণ-তৃণী পূর্বদেশে—সাক্ষাৎ শমন
সম। পরিহরি রক শার্দ্ধূল বারণ
মূগেক্স ভীষণ-মূর্ত্তি, বিকট বরাহ
প্রচণ্ড মহিষ আদি রহজ্জন্তগণ,
শাণিত সায়কে স্থধু করিলে শিকার
বিড়াল বঞ্চক আদি ক্ষ্ম পশ্চচর
হয় কি পৌরুষ তার ? ইথে কি কথন
হয় স্বার্থকতা তার ভীষণ শরের ?

তেমন পৃত্তক দোব-গুণ-বিচারীর

হর কি উচিত কড় ? বাপিতে সমর
কঠিন সমালোচনে নব লেথকের
কার্য্য, বাহার শকতি নহে পরিণত।

যদি হও বহদশী, বিচার তাদের
কার্য সবিশেষ—খ্যাতাপন্ন কবি যাঁরা
দেশের ভিতর, যাদের কবিছ যশঃ
স্থদেশে বিদেশে।

পাঠক হয়ত, শেষাংশ পড়িয়া ভাবিবেন যে, এরূপ গ্রন্থ হইতে উদ্ধৃত করার অপেক্ষা "কঠিন সমালোচনা" আর কিছু হইতে পারে না, এবং "বিড়াল বঞ্চক আদি" শিকারের জন্ম, ইহার অপেক্ষা ভীষণ শরের প্রয়োজন করে না। আমাদিগের সে অভিপ্রায় নহে, তাহা হইলে আরও তুলিতাম।

The Music and Musical Notation of Various Countries. By Loke Nath Ghose. Calcutta, J. N. Ghose and Biswas.

এখানি নানাদেশীয় স্বরলিপি বিষয়ক গ্রন্থ। গ্রন্থকার সংগীত-শাস্ত্রে অনভিজ্ঞ নহেন, এবং তাঁহার সংগ্রহও বিস্তর, তবে আড়ম্বর অতি ভয়ানক। এ গ্রন্থ,

"To His Excellency the Right Hon'ble Thomas George Baring Baron Northbrook of Stratton, G. M. S. I, Viceroy and Governor General of India" কে, উপহার প্রদন্ত হইয়াছে। ভূমিকায় কেবল একটি ক্রুল্ল কথার উল্লেখ জন্ত, Dr. Burney, Sir John Hawkins, Sir William Ouseley, Sir William Jones, Captain Willard, G. F. Graham Esq., Arthur Whitten Esq., W. C. Stafford Esq., Councillor Tilesius, M. Villoteau, এই সকল ব্যক্তির নাম নীত হইয়াছে, এবং গ্রন্থে আফ্রিকা, আমেরিকা, আরব, আরমাণি, আসিয়য় ব্রহ্ম, সিংহল, চীন, দামাস্ক, মিশর, ফলাশা, গ্রীস, ইছদা, ইয়াপিরু, জ্ঞাপান, কামস্কাট্কা, লুচু, মলয়, নবজীলগু, পারস্য, সিম্পরপল, সণ্ডিচন্তীপ, তিব্বত, যেজিদি, এই সকল দেশের অরলিপি-পদ্ধতি বর্ণিত হইয়াছে! বর্ষণ যত হউক না হউক, গর্জ্জন এ গ্রন্থের বিশিষ্টরূপে উদ্দেশ্য, ইহা দেখা যাইতেছে। বোধ হয়, সেই জ্যাই ইহা ইংরেজিতে লিখিত হইয়াছে। তুর্ভাগ্যবশতঃ লেখক ইংরেজি লিখিতে জানেন না। এরূপ কদর্য্য ইংরেজির সঙ্গে লর্ড নর্থক্রকের নাম গাঁথিয়া না দিলেই ভাল হইত। "বাবু ইংরেজির" উপর এত গালি বর্ষণ এই সকল লেখকের দোষে।

জীবন মরীচিকা। অর্থাৎ সংসারে সুধসাধনার্থ লোকেরা যে সকল চেষ্টা করেন, ধর্মামুষ্ঠান ব্যতিরেকে তৎসমুদায় যে অকর্মণ্য হয়, ইহাই প্রভীয়মান করণোপযোগী কতিপয় বিবরণ 'মিরাজ অব লাইফ' নামক ইংরেজি গ্রন্থ হইতে শ্রীগৌরনারায়ণ রায় কর্তৃক অমুবাদিত। কলিকাতা। হিতৈষী যন্ত্র। ১২৭৬।

যাঁহারা অনুবাদ করেন, তাঁহারা যশের অল্পই আকাজ্ঞা রাখেন। অনুবাদ ভাল হইলে প্রশংসার ভাগ মূলগ্রন্থকার পাইয়া থাকেন, অনুবাদ মন্দ হইলে, নিন্দার ভাগ অনুবাদকের। এই প্রন্থে আমরা নিন্দার কিছুই পাইলাম না, ইহা বিশেষ প্রশংসা বলিতে হইবে। ফলতঃ গৌরনারায়ণ বাবু কেবল অনুবাদ করেন নাই, ক্লচিৎ স্বকপোলকল্পিত ভাবগর্ভ কাব্যবাক্যও বিন্যন্ত করিয়াছেন। গৌরনারায়ণ বাবু স্থশিক্ষিত এবং বিদ্বান্—তিনি যে এরূপ সামান্ত বিষয়ে সম্পূর্ণরূপে কৃতকার্য্য হইয়াছেন, ইহা বলাই বাহুল্য।

গীতহার। অর্থাৎ নানাবিষয়ক শুদ্ধ সংগীত। শ্রীগঙ্গাধর চট্টোপাধ্যায় কর্ত্তৃক প্রণীত ও প্রকাশিত। কলিকাতা বেঙ্গল স্থুপিরিয়র যন্ত্র। ১৮৭৪।

বাঙ্গালা ভাষায় বিশুদ্ধ ও কৈচিকর গানের অভাব; কেননা অধিকাংশই বাঙ্গালা গীত আদিরস ঘটিত; এই অভাব দূরীকরণার্থ গঙ্গাধর বাবু কতকগুলি গীত রচনা করিয়া প্রচারিত করিয়াছেন। উদ্দেশ্যটি প্রশংসনীয়, কিন্তু গঙ্গাধর বাবু কৃতকার্য্য হইতে পারেন নাই। গীতগুলিতে কবিন্থ না থাকিলে তাহা সাধারণে চলিত হইবে না। এ গীতগুলি বিশুদ্ধ বটে, কিন্তু কবিন্ধশৃত্য। ডাক্তার মহেন্দ্রলাল সরকারের বিজ্ঞানসভা, অথবা সর্ জর্জ ক্যাম্বেল সাহেবের আক্রমণ হইতে উচ্চ শিক্ষা রক্ষা করিবার উপায় সম্বন্ধে গীত কিরূপ মুশ্ধকর হইবার সম্ভাবনা, তাহা পাঠক একপ্রকার অনুমান করিতে পারেন। প্রতিভাশালী ব্যক্তি সকলেই পারেন—কিন্তু গঙ্গাধর বাবু সে দরের কবি নহেন। উচ্চশিক্ষা সম্বন্ধীয় গীত হইতে কিঞ্চিৎ উদ্ধৃ ত করিতেছি—

দেশের হিতসাধনে হও আগুয়ান,
ধনবান বিধান বল বুদ্ধিমান——(সবে)
কর এমন উপায়, যাহাতে উচ্চ শিক্ষায়,
স্থলভে বদবাসীরে লভিতে পারে॥

সভ্য ইউরোপে আর আনেরিকার, দলে বলে সম্বরে চল হে তথার—— বিবিধ শিল্প সন্ধান, যত্র কলাদি নির্মাণ, শিধে আসি কর দূর, নিজ অভাবেরে॥ (ডাব্রুর)

সরকারের প্রস্তাবিত বিজ্ঞান সভায়, সাহায্য প্রদান সবে করছে ছরায়—— ধনী মানী জ্ঞানী ধীর, স্বাধীন সাহসী বীর, অচিরে হইবে সবে বিজ্ঞানেরি জ্ঞারে॥

পদ্যমুকুল। প্রথমভাগ। শ্রীরামলাল চক্রবর্ত্তি বিরচিত। কলিকাতা শুপ্ত প্রেস।

এই গ্রন্থখানি বালিকাদিগের পাঠার্থ প্রণীত। কোন বালিকায় পড়ে পড়ুক। গ্রন্থের বিশেষ কোন গুণ নাই।

নব মালিকা। বিবিধ বিষয়িণী পছ্যমালা। শ্রীছ্র্গাচরণ বন্দ্যোপাধ্যায় কর্তৃক (প্রণীত ?)। কলিকাতা।

এরপ কবিতা সম্বন্ধে অধিক কিছু বলিবার নাই। স্থানে স্থানে স্থকবিষ আছে। উদাহরণে পাঠক বৃঝিবেন। এ অংশ কিছু ভাল বলিয়াই, আমরা এত ছত্র উদ্ধৃত করিয়াছি—

ওই দেখ; দেখ, দেখ, জন্মিল কুমার;
আনন্দে পৃরিল পুর! জুড়ালো সংসার!
উঠিল উৎসবধ্বনি, বাছ-গগুগোল!
মঙ্গল-শংথের শব্দে বাড়িল কল্লোল!

মেহ-নীরে চল চল জনক-নয়ন !
সহ উপজিল আশা, সংসার-বন্ধন !
অমৃত-লহরীসম শিশুর ক্রন্দন ।
শ্রবণে প্রবেশি মুর্চ্ছা করে রে হরণ !

ভূলিল প্রস্বব্যথা ! উপজ্লি বল !
নিম হলো রক্ত অঁথি পেয়ে হর্ষজ্ল !
উৎস্কুক হইয়া মাতা ভাবে মনে মন,
কতক্ষণে শুন দিয়া জুড়াই জীবন !

আগন্থক, প্রতিবাসী, আত্মীয়, স্বজন, সকলে প্রফুল! হেরি জুড়ায় জীবন; ইক্সিয় সম্ভষ্ট হয়; হাদয় মোহিত, আনন্দে ডুবিয়া রই; শরীর স্থাধিত। কিসলয়সম শিশু বাড়ে দিন দিন ! জনক-জননী আশা ক্রমশ: প্রবীণ ! হাত পা নাড়িয়া জাছ খেলে নিজ মনে ! বিস্তারে বংশের গর্বর অঙ্গের ক্রেপণে !

কাঁচা মুখে কাঁচা হাসি কাড়ি লয় মন! জলজ-অন্তরে লোভে আরক্ত বরণ! রাঙ্গা ঠোঁটে ভাঙ্গা কথা কত স্থধা ধরে! বুঝি না কি বলে বীণা, তবু প্রাণ হরে!

জুড়িয়া মায়ের কোলে বেঁচে থাক ধন!

জনক জননী আশা করো রে প্রণ।
ও কি হলো! ফের, ফের, কর দরশন!

"কি হলো, কি হলো হায়!" উঠিল ক্রন্দন!

হার রে নিষ্ঠুর কাল ! এ কি ব্যবহার ! অভাগীর আশা-বন্ধ করিলি সংহার ! হরেছ প্রাণের পতি , তেকেছ তরণী ; ফলক ধরিরা তবু তেসেছিল ধনী । সেটুকু নইলি কাড়ি, পাবাণ-সমান!
ছবিল; ছবিল ওই; হারালো পরাণ!
আহা; তার আর্ত্তনাদে পুরিল হাদর!
অপার সংসার-জল। নারী বৈ ত নর!

একি রে তামাসা তোর! একি থেলা থেল!
দেখ আঁথি মেলি কাল! ভরে মারা গেল!
কেন দিলি দেখাইলি, স্থথের পুতলি?
কেন বা লইলি তার চকে দিরা ধূলি?

হাহাকার রবে বামা ধরণী লুটার ! আজন-বৃত্তান্ত শ্বরি বৃক্ ফাটি যায় ! এটি তার ; ওটি তার ; এখানে বসিত। হেথায় থেলিত ; ভাল এটি গো বাসিত।

এতক্ষণে ঘরে আসি বসিত ছ্য়ারে;
স্থারবে মা! মা! বলে ডাকিত আমারে।
মূছায়ে গায়ের ধূলি, করিয়া চুখন,
কালি যে দিয়াছি তারে শুন্ত এতকণ!

সেই ত রহেছে সব বসন ভূষণ ;
কেন নাহি হেরি মোর জীবনের ধন !
বাছার সামগ্রী তোরা বুক্ছ্ডান ধন ;
আজি কেন মনস্তাপ কর উৎপাদন।

সেই ত আইল রবি; আলো ত্রিসংসার; মোর শয্যা ঘেরি কেন রলো অন্ধকার; উঠ রে সোণার জাহ! হলো কত বেলা এসেছে ওদের ছেলে; যাও কর থেলা। সেই ত এসেছে সন্ধ্যা, অন্ধকার তার ;
মা বলি ডাকিয়া কেন ঝুলনা গলার ?
কি দোব হরেছে জাছ ? কি কষ্ট পেরেছ ?
কেন রে এখনো মোরে ভূলিয়া ররেছ ?

এস না আমার বাছা; আমার বল না; ধনপ্রাণ দিরা তোর পুরাই বাসনা। সত্য কি ত্যজিলি মোরে? ওরে দাগাদার! বলিয়া ডুকুরে উঠে? করে হাহাকার!

মনে হলো গর্ডাবস্থা, প্রসব-যাতনা ! সত্য হতে করনার দিশুণ তাড়না ! জ্ঞান-তন্দ্রার রহে অভিভূত-প্রার ; শব্দমাত্রে "বাছা এলি" বলি উঠি চার !

মোহবলে হেরিবারে তুলিয়া নয়ন,
চারিদিক্ শৃন্ত হেরি নামায় বদন !
জলে, স্থলে, শৃন্তে, প্রাণী, অপ্রাণী, স্থাবরে
যেদিকে ফিরায় চকু, ভাসে আঁথি-নীরে !

শরনে, ভ্রমণে, নিজা-আহার-ব্যবহারে, আলাপে, আমোদ আর মন নাহি সরে ! ফুরালো সংসারস্থথ ! মিছে আর বাস সংসারে ! হয়েছে তার জীবিত বিনাশ !

সহজে অশক্ত নারী; তাহে শোক-কীণ; কাঁদিয়া কাঁদিয়া পুন: হলো আঁথি হীন; সাহস হারালো; বুক ভাঙ্গিল এখন; সংসারগহনে কিসে করে বিচরণ!

চারিদিক্ অন্ধকার; না চলে চরণ।
অণুমাত্র রশ্মি ছিল করিলি হরণ!
বৈশাথে পতাকা যেন কম্পিত-শরীর!
নিরস্তর হাহাকার! সতত অধীর!

ন্দার না দেখিতে পারি; বাহিরার প্রাণ, কে পারে বারিতে কাল! ভূমি কাবান ? বিলাপতরঙ্গ। অর্থাৎ মাতৃবিয়োগবিধুর কতিপয় সস্তানের আক্ষেপ। শ্রীমহিমাচন্দ্র বস্থ প্রকাশিত। ঢাকা স্থলত যন্ত্র।

এরপ বিষয় লইয়া যিনি অপকৃষ্ট কবিতা লিখিতে পারেন, তিনি অসাধারণ মন্ত্র্যা সন্দেহ নাই। এই কাব্যের লেখক বা লেখকেরা অসাধারণ মন্ত্র্যা নহেন, এজন্য ইহাতে নিতান্ত অপকৃষ্ট কিছু নাই। বিশেষ ভালও কিছু নাই। গ্রন্থখানি অতি ক্ষুদ্র। ইহার অধিকাংশই চতুর্দ্দশপদী কবিতা।

শ্রীমন্মহীধরক্বত বেদদীপনামা সংহিতা উদাত্তাদি স্বরচিক্তসমন্বিতা শ্রীশুক্রবজুর্বেদঃ বাজসনেয়ি সংহিতা মাধ্যন্দিনী শাখা। কাশুধীতবেদাদি শ্রীসত্যব্রত সামশ্রমিণা সংটিপ্য সংশোধ্য চ প্রকাশ্যতে। কলিকাতা, সত্যবন্ত্র।

আমরা দেখিলাম, মূল ও ভাষ্য ব্যতীত একটি বাঙ্গালা অমুবাদও ইহার সঙ্গে আছে। এবং তৎপূর্ব্বে একটি উৎকৃষ্ট ভূমিকা লিখিত হইয়াছে। সামশ্রমি মহাশয় বিখ্যাত পণ্ডিত। অতএব যজুর্ব্বেদ প্রকাশের তিনি উপযুক্ত। তাঁহার লিখিত বেদের পরিচয় হইতে কিঞ্চিৎ উদ্ধৃত করিতেছি। পাঠক দেখিবেন, বেদ-ব্যাখ্যাকারী সাহেবদিগের পাণ্ডিত্যের সঙ্গে ইহার কত প্রভেদ।

"বেদ—ঋক্, যজু, সাম ও অথব্ব এই চারি অংশে বিভক্ত। পাছময় রচনাবলি
সংগৃহীত হইয়া ঋক্ নামে, গাছময় রচনাবলি সংগৃহীত হইয়া যজু নামে,
গীতিময় রচনাবলি সংগৃহীত হইয়া সাম নামে প্রসিদ্ধ হয়; এইরপ রচনামুসারে
বেদ-বিভাগ হইবার প্র্বে ঐ সমস্তই ত্রিবিধ রচনা-বিমিশ্র পাকায় ত্রয়ী নামে
ব্যবহৃত হইত। সেই অবস্থাতেই ঐ ত্রয়ী বেদ হইতে অঙ্গিরোবংশাবতংস মহর্ষি
অথব্রা ঐহিক প্রত্যক্ষ ফলপ্রদ শক্রমারণাদির উপযোগী যজ্ঞাদির প্রকরণগুলি
স্বতন্ত্র করিয়া তাহাই অধ্যাপন, যজনাদি দ্বারা স্থপ্রচলিত করত স্বীয় নামে প্রথিত
করেন। স্বতরাং ত্রয়ী বেদের একটি ক্ষুদ্র অংশ অথব্র নামে অভ্যাপি পরিচিত
রহিয়াছে, অপর বৃহৎ অংশটি মহর্ষি বেদব্যাস কর্ত্বক রচনামুসারে ভাগত্রয়ে বিভাগীকৃত হইয়া অবধি বেদ চতুরংশ ইহা সার্ব্বজনীন হইয়াছে।

এই স্থলে ইহাও বিশেষ জ্ঞাতব্য' যে, ঐ ত্রয়ীর আদিবিভক্ত অংশছয়ের কার্য্যতঃ হুইটি সম্প্রদায় দাঁড়াইয়াছে, যখন ঐ অথব্ব নামক ক্ষুজাংশের অনুসারে কোন যজ্ঞাদি অনুষ্ঠিত হয় তাহাতে এই ত্রিভাগীকৃত বৃহৎ অংশের কোনক্রপ অপেক্ষা থাকে না—এইরূপ যখন এই বৃহদংশীয় কোন যাগাদির অনুষ্ঠান করিতে হয় তখন ঐ ক্ষুজাংশ অথব্বের কোন আবশ্যকই থাকে না। পরং বৃহদংশের তিন অংশই পরস্পর-সাপেক্ষ, বৃহদংশের অনুসারে কোন একটি যজ্ঞ আরক্ষ করিলে তাহাতে ঋরেদের, যজুর্বেদের ও সামবেদের এই বেদাংশত্রয়েরই আবশ্যক হয় অর্থাৎ যেমন

কেবল অথর্ক বেদ লইয়া অথর্কবেদীয় যাগাস্থ্যান হইতে পারে, তজ্রপ কেবল ঋরেদ মাত্রে বা কেবল যজু অথবা সামবেদমাত্রে কোন যাগই সম্পন্ন হইতে পারে না, উহারা সম্পূর্ণই পরস্পরাপেক্ষ—একটি অশ্বমেধ ক্রুত্ব আরম্ভ করিলে উহাতে গন্ত, পদ্ম, গীতি ত্রিবিধ মন্ত্রেরই অপেক্ষা হইয়া থাকে। পরং ঐ তিন প্রকারের সমস্ত মন্ত্র ব্রিভাগীকৃত বৃহদংশের একত্র হুর্লভ। স্মৃতরাং ঐ ভাগত্রয়েরই উপযোগিতা উপস্থিত হয়। পক্ষান্তরে ঐ যজ্ঞের উপযোগী কোন মন্ত্রই অথর্ক নামক ক্ষুত্রাংশে না থাকায় তাহার কিছুমাত্র অপেক্ষা করিতে হয় না—এইরূপ অথর্কবেদীয় শ্রেনাদি যাগের অমুষ্ঠানে প্রয়োজনীয় গন্ত, পদ্ম, গীতিময় মন্ত্রগুলি একত্র অথর্কব বেদেই সংগৃহীত থাকা প্রযুক্ত ঐ অমুষ্ঠানে ঐ ত্রিভাগীকৃত বৃহদংশের কিছুমাত্র অপেক্ষা থাকে না— অথর্কব বেদের সহিত এই বেদত্রয়ের সর্ক্রথা অসম্বন্ধ ভাবের ইহাই একমাত্র নিদান।"

এই গ্রন্থ হিন্দুমাত্রেরই গৃহে থাকা কর্ত্তব্য। দ্বাদশ খণ্ডের অগ্রিম মূল্য দশ টাকা। क्रुडीय वर्ष : क्रिय मः भा



ব্যবসায় বিভাগ

নেকের মুখেই শুনা যায় যে ব্রাহ্মণগণ নিতান্ত স্বার্থপর ছিলেন, নিজের স্বন্ধ বিলক্ষণ বুঝিতেন, অস্তজাতির প্রতি সমত্বংখ-সুখী ছিলেন না। প্রিয়দর্শন পাঠক, তুমি কি বিবেচনা কর ইহারা নিষ্পৃহ ছিলেন না, ইহাদিগের সহামুভ্তি ছিলনা? আমি বিবেচনা করি আর্য্যজাতির ব্যুবসায় শ্রেণীগত বৃত্তিবিভাগ ও বৈবাহিক প্রথার ইতরবিশেষ দেখিয়াই তোমার সে শ্রম জন্মিয়াছে। তুমি মনোযোগ পূর্বক শ্রেণীগত বৃত্তিবিভাগ ও বৈবাহিক প্রথা আমূল পর্য্যালোচনা কর, তোমার সে শ্রম অনেকাংশে দূর হইবার সম্ভাবনা। সংপ্রতি তোমার শ্রমপ্রমাদ নিরাস জন্মই আর্য্যজাতির শ্রেণীগত বৃত্তি (ব্যবসায় বিভাগ) ও বিবাহ লিখিত হইল।

ব্রাহ্মণেরা ষট্কর্মশালী ছিলেন। এই ছয়টার নাম যজন, যাজন, অধ্যয়ন, অধ্যাপন, দান ও প্রতিগ্রহ। এই ছয়টা বৃত্তির আশ্রয়গ্রহণ পূর্বক বিপ্রাগ জীবিকা নির্বাহে সমর্থ। অনাপত্ কালে এতদ্বাতীত বৃত্তিদারা সংসার্যাত্রা নির্বাহ করিলে দ্বিজ্বরেরা পতিত হইতেন। তাঁহাদিগের ব্রাহ্মণ্য লোপ পাইত। তাঁহারা তৎক্ষণাৎ শৃদ্দমধ্যে পরিগণিত হইতেন। দেখ দেখি ইহারা কি নিতান্ত স্বার্থপর ছিলেন ? আপত্কাল ব্যতিরিক্তন্থলে ইহারা ক্ষত্রিয় বৃত্তিও অবলম্বনে সমর্থ ছিলেন না। মন্থ (৮৯ শ্লো অ ৩য়)

ক্ষত্রিয়গণ প্রজাপ্রতিপালন, দান, । যজ্ঞ, ও অধ্যয়ন এই চারিটী বৃত্তির অমুসরণ পুর:সর আত্মজীবিকা-নির্বাহে অধিকারী। ত্রাহ্মণগণ অবিরত বিষয়বাসনায়
প্রতিষিদ্ধ হইলেন। রাজস্তুগণ স্পৃহাপরিশৃত্ত হইয়া নিরস্তর বিষয়বাসনাতে
কালাতিপাত করিলেও শাদ্রামুসারে পতিত বা অপ্রদ্ধেয় হইবেন না, শাস্ত্রের
আদেশ অমুসারে তাঁহারা এককালে যাবদীয় সাংসারিক স্থুখভোগের অধিকারী
থাকিলেন। ত্রাহ্মণগণ যদি নিতান্ত স্বার্থপর হইতেন, তাহা হইলে কি ইহারা এ

অধিকারটা আপনাদিগের আয়ত্ত ও নিজস্ব করিতে পারিতেন না ? ময়ু (শ্লো ৯০ অ ৩য়)

বৈশ্যজ্ঞাতির প্রতি পশুরক্ষার ভার, দান, কৃষি, যজ্ঞ, অধ্যয়ন, বাণিজ্ঞা ও কুসীদবৃত্তিদারা জীবিকা-নির্বাহের আদেশ হইল। ব্রাহ্মণ ও ক্ষত্রিয়গণ পশুরক্ষা, বাণিজ্য অথবা কুসীদ্ ব্যবসায়দারা জীবিকা-নির্বাহ করিলে হেয় এবং সমাজ-বহিফুত হইতেন। বাণিজ্য লাভকর কার্য্য, স্বার্থপর ব্যক্তিরা কি লাভের বস্তুটীকে
স্বকীয় বৃত্তিমধ্যে রাখিতে যোগ্য হইতেন না ? অন্যের বৃত্তি বলিয়া স্পষ্টাক্ষরে
নির্দিষ্ট করিয়া দিলেন কেন ? মন্থু (শ্লা ১১ অ ৩য়)

শৃত্তগণ অস্য়াপরিশৃত্য হইয়া দ্বিজাতিদিগের সেবাশুঞ্জযাদ্বারা জীবিকা-নির্ববাহ করিবেন ইহাই তাঁহাদিগের বৃত্তি। মনু (শ্লো ৯২ অ ৩য়)

ভবিশ্ব পুরাণে অতি স্পষ্টাক্ষরে নির্দিষ্ট আছে যে অষ্টাদশ পুরাণ রামায়ণ ও মহাভারতাদি ধর্মশান্ত্রে শৃদ্রগণের বিশেষ অধিকার থাকিল। অগ্রে বিভা না হইলে পুরাণাদি পাঠ ও বিচারে কি প্রকারে ক্ষমতা জন্মিতে পারে ? ব্রাহ্মণগণ অনেক সময়ে শৃদ্রের প্রতি বাৎসল্য দেখাইয়াছেন; তৎসমস্ত শৃদ্রকৃত্য বিচারস্থলে নির্দেশ করা যাইবে। অভ্য শৃদ্রের পুরাণাদি শান্ত্রে অধিকার দেখান গেল। শৃদ্রেরা কৃষি, বাণিজ্য ও পশুপালনেও প্রতিষদ্ধি নন। (১)

দ্বিজ্ঞগণের বৈদিক ক্রিয়াকলাপে অধিকার থাকায় তাঁহারা অনায়াসে ব্রহ্ম নির্ণয়ে অধিকারী বলিয়া নির্দিষ্ট হইলেন। অধ্যাপনার ভার কেবল ব্রাহ্মণের প্রতিই বর্ত্তিল। এখানে দেখা যাইতেছে যে, যে ব্যক্তি আত্মনিগ্রহ ও তপস্থাদি দ্বারা ব্রহ্মনির্ণয়ে সমর্থ হইয়াছেন কালক্রমে তিনিও ব্রাহ্মণশ্রেণীতে উন্নীত হইয়াছেন। তাহার প্রমাণ সর্বব্র দেদীপ্যমান রহিরাছে। বিশ্বামিত্র ক্ষত্রিয়কুল হইতে, প্রসক্ষ বৈশ্য বংশ হইতে, শৃত্তক শৃত্তজাতি হইতে এবং যবন ঋষি মেচ্ছ গোষ্ঠী হইতে প্রথমে ঋষি সংজ্ঞা প্রাপ্ত হন, তৎপরে ব্রাহ্মণ্য অধিকার করিয়া বিপ্রগণ মধ্যে পরিগণিত হন।

^{(&}gt;) চতুর্ণামপি বর্ণানাং যানি প্রোক্তানি বেধসা।
ধর্মশাস্ত্রাণি রাজেন্দ্র শৃণু তানি নৃপোত্তম ॥
বিশেষতন্ত্র শৃদ্রাণাং পাবনানি মনীবিভিঃ।
অষ্টাদশ পুরাণানি চরিতং রাঘবস্তুত ॥
রানস্ত কুরুশার্দ্দ্র ধর্মকামার্থ নিদ্ধরে।
তথোক্তং ভারতং বীর পারাশর্যেন ধীমতা।
বেদার্থং সকলং যানি ধর্মশাস্ত্রাণিচ প্রভো।
ভবিষ্যপুরাণীয় বচন (শুদ্রকৃত্য বিচারণাতন্ত্র)

প্রিয়দর্শন পাঠক ও লীলাবতি, সদাচার সংক্রিয়ান্বিত, আত্মনাসংযমী ও জিতেন্দ্রিয় ব্যক্তিদিগের মধ্যে বড় ইতরবিশেষ দেখিতে পাইবে না। (২)

বিজাতিত।

আর্য্যসন্তানগণ জন্মাত্রেই দিজাতির প্রাপ্ত হন না। প্রস্তুতির গর্ভে জন্মযোগ্য কালে তাঁহাদিগের গর্ভাধান ক্রিয়া শান্ত্রামুসারে সম্পাদিত হয়। শিশু
ভূমিষ্ঠ হইলে জাতকরণ হইয়া থাকে। অন্ধ্রপ্রাশন ক্রিয়ার সঙ্গে অথবা কুলাচার
অন্ধ্যায়ী অন্ধ্রপ্রাশনের পূর্বেই ধর্মশান্ত্রের মতে নামকরণ সমাধা হয়। তৎপরে চূড়াকরণ। এটি স্থলবিশেষে উপনয়নের পূর্বেব স্থলবিশেষে সমকালেও সম্পন্ন হইয়া থাকে।
কেবল উপনয়ন সংস্কার দ্বারা দ্বিজ্পদ প্রাপ্ত হন না। উপনয়নের পূর্বেব
গর্ভাধানাদি পঞ্চ মহা সংস্কার যথাবিধানে ও যথাকালে সমাহিত না হইলে দ্বিজ্বাতি
পদের অযোগ্য হন। উপনীত হইলেই ইহাদিগকে ঋষিযজ্ঞ, দেবযজ্ঞ, পিতৃযজ্ঞ,
ত্রত, হোম, উপবাস এবং অক্সান্ত মহাযজ্ঞের অন্তর্চান দ্বারা পাঞ্চভৌতিক দেহকে
ক্রম্ব্রোপ্তিযোগ্য করিতে পারিলেই ত্রান্ধাণ শব্দের যোগ্য হন। ত্রান্ধণের বংশে
জন্মিলেই ব্রান্ধাণ হয় না। মন্থু (শ্লো ২৭৷২৮ অধ্যায় ২)

উপনীত হইলেই ইহাদিগের দ্বিভোজন রহিত হয়। যাবৎকাল ব্রক্ষাচর্য্যে থাকেন তাবৎকাল ইহাদিগকে একাহারে থাকিতে হয়। সমাবর্ত্তনবিধি সমাপ্তির পর রাত্রিকালে আহার করিতে নিষিদ্ধ নন বটে, কিন্তু কোন ব্রত নিয়মের অধীন হইয়া ধর্মকর্মের অনুষ্ঠানে রত হইতে হইলে ইহাদিগকে পূর্ব্বদিন হবিয়ার ভোজন করিতে হয় ও একাহারী থাকা বিধি। ক্রিয়াসমাপ্তির প্রাক্ষালে আর জলগ্রহণেও অধিকারী নন। শূজাদি এরূপ কঠোর ব্রতে কয় দিন স্কুন্থ মনে দিনযাপন করিতে সমর্থ হন! নিস্পৃহতা কাহার নাম জান? বিষয়াভিলাষ পরিত্যাগের নাম নিস্পৃহতা।

কেহ কেহ বলেন কেবল শৃদ্রজাতির প্রতিই ব্রাহ্মণগণের দৌরাত্ম্য ছিল। লেখক সে কথা কহে না। লেখক বলে, কি ব্রাহ্মণ, কি ক্ষত্রিয়, কি বৈশ্ব, কি শৃদ্ধ এবং স্ত্রীজাতি ইহাদিগের মধ্যে যিনিই ব্রহ্মনির্ণয়ে অক্ষম বলিয়া অন্থমিত হইয়াছেন, তাঁহাকেই ধর্মশাস্ত্রে অনধিকারী স্থির করিয়াছেন। জড়, মৃক, বধির, স্ত্রী ও শৃদ্ধ ইহাদিগকে বেদে অনধিকারী করিবার তাৎপর্য্য কি বিচার করিয়া দেখ, ঋষিগণকে স্বার্থপর বলিয়া বোধ হইবে না। মন্থু (শ্লোক ৫২ অ ২)

(২) শ্রোংপি শীলসম্পন্ধে গুণবান্ বান্ধণোভবেৎ। ব্যান্ধণোংপি জিয়াহীনঃ শ্রাৎপ্রত্যবরোভবেৎ।

ভোজা দ্ৰব্য।

শৃত্রাদি জ্বাতিরা যত্ত্র তার বাস করিতে পারে। তাহারা অপেয় পান, অখাত ভোজন করিলেও এককালে শৃত্রত্ব পরিভ্রষ্ট হয় না। কিন্তু ব্রাহ্মণেরা অপেয় পান ও অভোজ্য ভোজন করিলেই পতিত ও ব্রাহ্মণ্য হইতে রহিত হন। ইহাদিগের পরিশুদ্ধ ভোজ্য দ্রব্য মধ্যে অতি অল্প সামগ্রী দেখা যায়। যথা—

প্রথম কল্প—যব, তিল, তণ্ড্ল, মধু, স্থত, ত্থ্ণ, হরিক্রা, দবি।
দ্বিতীয় কল্প বা অপকর্ষ —গৃড়, দাড়িম, বিষফল, আত্র, পনস, কদলী।
আর্য্যজ্ঞাতির ধর্ম্মকর্ম যিনি দেখিয়াছেন ডিনি এতদ্বাতীত অস্থ্য কোন জব্য
শ্রোদ্ধপাত্রে অথবা পূজার জব্য মধ্যে অমুসন্ধান করিয়া পাইবেন না।

যাঁহারা আমিষভোজনের যোগ্য অর্থাৎ পিতৃযজ্ঞের বা দেবযজ্ঞের নিমন্ত্রিত ব্রাহ্মণ, তাঁহাদিগকে মৎস্থা মাংস ভোজন করান যাইতে পারে। শশক, শল্পকী, গোধা, কৃর্ম, গণ্ডার, ছাগ, মেষ ও হরিণ। অধুনা সভ্যলোকদিগের মধ্যে গোধিকা ভেজন দেখা যায় না। ইতর লোকের মধ্যে গোধিকা ভক্ষণ পূর্ব্বে প্রচলিত ছিল। কবিক্সপের মৃল্পরা ও কালকেতুর মাংস বিক্রেয় দেখ।

মৎস্থের মধ্যে পাঠীন, রোটিভ, মদ্গুরাদি কয়েকটি পবিত্র। অক্সগুলির মধ্যে একবিধ ছুইটীর এক এক জাতি পরিত্যজ্য বলিয়া স্থিরীকৃত হইয়া আছে। খাষ্ঠ বিচারে সমুদায় বিবৃত হইবে।

ছ্ম নানাপ্রকার, তন্মধ্যে ছাগ, মেষ, মহিষ ও গোছ্ম ছ্মমধ্যে গণ্য। গাভীছ্মই পবিত্র। অন্তগুলি তত পবিত্র নহে।

यर्गाना ।

আর্য্যেরা শৃত্রদিগকেও কার্য্যবিশেষে ও সময় অমুসারে মর্য্যাদার সহিত স্থান
দান করিতেন। শৃত্রব্যক্তি অত্যন্ত বৃদ্ধ হইলেই বৃদ্ধ বলিয়া সভায় সম্মান পাইত।
ইহাদিগের বিধান সংহিতায় অস্ত্রধারী ব্যক্তি, দশমীদশাগ্রস্তুজন, রুগ্নশারীরী ভারবাহী ক্লান্তজন, স্ত্রীজ্ঞাতি, স্নাতকব্রাহ্মণ, রাজ্ঞা এবং বিবাহসময়ে বর সম্মানের
যোগ্য। এসকল ব্যক্তি কালবিশেষে স্থলবিশেষে অগ্রগামী অথবা উচ্চ আসনে
উপবিষ্ট হইলে দোষী হন না বরং অনেক সময়ে সম্মান প্রাপ্তি বিষয়ে ইহাদিগকে
অগ্রসর করিতে হয় এবং ইহাদিগের জন্ম পথ পরিত্যাগ করিতে হয়।

এবং যে স্থলে ইহাদিগের সকলের সমাবেশ হয় তথায় স্নাতক দ্বিজ্ববর ও রাজা সর্বাত্তো মাস্তা। রাজা ও স্নাতকের মধ্যে স্নাতক নৃপকেই অগ্রসর করা বিধেয়। কিন্তু অস্নাতক রাজা ও স্নাতক ব্রাহ্মণের মধ্যে স্নাতক অগ্রগণ্য। (৩)

পঞ্চানাং ত্রিযু বর্ণেযু ভূয়াংসি গুণবস্তিচ।
 মত্র স্থ্যাঃ সোহত্র মানার্ছঃ শুল্রোহপি দশ্মীংগতঃ ॥ ১৩৭

खाई ଓ क्निई।

পাঠক, তুমি কহিতে পার, যে ব্যক্তির বয়:ক্রম অধিক সেই ব্যক্তিই মাশ্য। আর্য্যজাতিরা মাশ্যগণ্য ব্যক্তিবর্গকে সে প্রকারে গণনা করিতেন না। ইহারা সমবেত ব্রাহ্মণ, ক্ষত্রিয়, বৈশ্ব ও শৃদ্রের মধ্যে নিম্নলিখিত প্রকারে জ্যেষ্ঠ কনিষ্ঠ সংক্রা দিতেন। ব্রাহ্মণগণ বয়:ক্রমে কনিষ্ঠ হইলেও যদি তিনি জ্ঞানাপম হইতেন, তিনিই সর্ব্বাপেক্ষা তথাকার শ্রেষ্ঠ। ক্ষত্রিয়গণ শৌর্য্য ও বীর্য্যে পরাক্রান্ত হইলেই জ্যেষ্ঠ। বৈশ্যগণ ঐশ্বর্যাশালী হইলেই জ্যেষ্ঠ। শৃদ্রব্যক্তি জন্ম অমুসারে বৃদ্ধ হইলেই জ্যেষ্ঠ। কেবল বয়োজ্যেষ্ঠতা নিবন্ধন সভামধ্যে জ্যেষ্ঠ কিন্তু সমাজমধ্যে জ্যাতি অমুসারে জ্যেষ্ঠত্ব হয় না। জ্যেষ্ঠতা ও শ্রেষ্ঠতা অনেক পৃথক্ জ্ঞানিতে হইবে। কেবল বয়:ক্রম অথবা পক্ক কেশ ও শরীরের ললিত ও পলিতাদি দ্বারা মাশ্য হয় না—জ্ঞান ধনের দ্বারা যিনি মাশ্য তিনিই জ্যেষ্ঠ। বৃদ্ধের লক্ষণ তোমরা যাহা মনেকর তাহা নহে! (৪)

বিবাহ।

দিজাতিরা বেদপাঠ সমাপ্তির পর গুরু অনুজ্ঞাক্রমে দারপরিগ্রহ পুরংসর গৃহস্থাশ্রমে বাস করিতেন। নিতান্ত স্থুলবৃদ্ধি হইলেও ষট্ত্রিংশৎ বর্ষের অধিক কাল গুরুকুলে থাকিয়া বেদাধ্যয়ন করিতে হইত না। মধ্যবিধ রূপ বৃদ্ধিমান হইলে অষ্টাদশ বর্ষ তদপেক্ষা বৃদ্ধিমন্তর হইলে নববর্ষ পর্য্যন্ত থাকিতে হইত। কুশাগ্রবৃদ্ধি হইলে বেদের মর্ম্মগ্রহমাত্রেই তিনি গুরুগৃহ হইতে নিষ্কৃতি পাইতেন। তিনি তৎকালেই গুরুর নিকট হইতে বিদায় গ্রহণ ও সংসার আশ্রমের দারম্বরূপ ভার্য্যা-গ্রহণের অধিকারী হইতেন। মন্থু (শ্লো ১)২ অ ৩)

প্রিয়দর্শন পাঠক, তুমি কহিবে বড় কঠোর নিয়ম ছিল, কালের গতি অনুসারে সংসারের স্রোভ ফিরিয়াছে। ব্রাহ্মণের যেদিন উপনয়ন হয়, সেইদিন

চক্রিণো দশমীস্থস্ম রোগিণো ভারিণঃ স্ত্রীয়া:।
নাতকস্যচ রাজ্ঞশ্চ পথা দেয়ো বরস্তচ॥ ১০৮
তেষাক্ত সমবেতানাং মাস্ত্রো নাতক পার্থিবো।
রাজনাতকয়োইশ্চব নাতকো নূপমানভাক॥ ১০৯ (মন্ত ২য় অ)
(৪) বিপ্রাণাং জ্ঞানতোঁক্রৈচিং ক্ষত্রিয়াণাস্ত্রবীর্য্যতঃ।
বৈশ্যানান্ধাস্তধন শূর্যোণামেব জন্মতঃ॥ ১৫৫
ন হারনৈর্ন পলিতৈন বিত্তেন ন বন্ধুভিঃ।
ঋষয়শ্চক্রিরে ধর্ম্মংযোহন্টানঃ স নোমহান্॥ ১৫৪
ন তেন বৃদ্ধোর্ভবিতি যেনাস্থ্য পলিতং শিরঃ।
যোবৈর্বাপ্যধীয়ানন্তং দেবাঃস্থবিরো বিছুঃ॥ ১৫৬ (মন্ত ২য় অ)

হইতে তিনি সাবিত্রী গ্রহণে অধিকারী ছিলেন। কিন্তু অধুনা অনেক স্থলে দেখিবে
ঐ দিনেই সম্দায় ব্রশ্বচর্য্য আগুন্ত সমাপ্ত হয়। কোণাও বা ত্রিরাত্রি মাত্র
ব্রহ্মচর্য্য কোণাও বা একাদশাহ কাল ব্যাপিয়া ব্রহ্মচর্য্য। তৎকাল মধ্যে
যতদূর সম্ভবপর ততদূরই বৈদিক ব্রহ্মচর্য্যের সীমা। ঐ দিবসেই সমাবর্ত্তন
বিধি সমাহিত হয়। সমাবর্ত্তনের পরেই বিবাহের যোগ্য, স্ক্তরাং এক্ষণে বিপ্রগণ
সাতবংসর পরেই দারপরিগ্রহ করিবার ক্ষমতাপত্র পান। পূর্বকাল ও বর্ত্তমান
কালের কি ইতরবিশেষ তাহা দেখ।

সত্য, ত্রেতা ও দ্বাপর যুগে দ্বিজ্ঞগণ অসবর্ণা কন্সা গ্রহণে অধিকারী ছিলেন। তথাপি দ্বিজ্ঞগণ সর্বাগ্রে স্বজ্ঞাতীয়া ও সুলক্ষণাক্রাস্তা কন্সার পাণিগ্রহণেই অধিকারী। মন্ত্র (শ্লো ৪ অ ৩)

মাতামহ কুলে কুলগন্ধে যাহার সহিত সপ্তমপুরুষ অতিক্রান্ত হইরাছে যে স্থলে কন্মা ও পাত্রের সঙ্গে উভয় কুলের গোত্রের বা প্রবরের ঐক্য না থাকে। পিতৃবন্ধু, মাতৃবন্ধুদিগের সঙ্গে রক্ত সংশ্রবে পঞ্চমপুরুষের সীমা অতিক্রান্ত হইলে, সেইস্থলের সুলক্ষণাক্রান্তা কন্মা পাণিগ্রহণ কার্য্যে প্রশস্ত। মনু (শ্লো ৫ অ ০)।

শাসনপ্রণালী। (পূর্ব্বপ্রকাশিতের পর)

সাক্ষিবিষয়—মিথ্যা সাক্ষী ও দণ্ড। আর্য্যজাতিরা কোন্ কোন্ স্থলে কোন্ কোন্ সাক্ষীকে স্বভাবতঃ বিধান সংহিতার নিয়মামুসারে মিথ্যা জ্ঞান করেন তাহা প্রদর্শন করা গেল। যথা—

লোভহেতু যেব্যক্তি সাক্ষ্য দেয়, যে ব্যক্তি বন্ধুতার অন্থুরোধে সাক্ষ্য দিতে বাধ্য হয়। সাক্ষী দিয়া আমি যদি অমুকের এই এই কার্য্যটী সিদ্ধ করিয়া দিতে পারি, তাহা হইলে আমার কাম চরিতার্থ হইতে পারে—পূর্ব্বে কোন ব্যক্তির নিকট কৃতাপরাধ আছে, এখন সময় পাইয়া পূর্ব্বকৃত অপরাধের প্রতিশোধনানসে ক্রোধ হেতু যথায় সাক্ষ্য দেয়, অজ্ঞানবশতঃ যথায় সাক্ষ্য দিতে প্রবৃত্ত হয় এবং যেন্থলে বালকত্ব নিবন্ধন চাপল্য হেতু সাক্ষ্য দেয় তৎ সমস্ত মিথ্যাজ্ঞান করা বিধেয়। (৫)

দত্তের পরিমাণ।

অর্থপ্রাপ্তির লালসা স্থলে ন্যূনকল্পে সহস্রতোলক পরিমিত রৌপ্যের দণ্ড হইত। মোহ হেতু প্রথম সাহস পরিমিত দণ্ড, ভয় হেতু মধ্যম সাহস, বন্ধুতা

⁽৫) লোভান্মোহান্তরাবৈদ্যত্রাৎ কামাৎ ক্রোধন্তবৈবচ।
অজ্ঞানাৎ বালভাবাচ্চ সাক্ষ্যং বিতথমুচ্যতে॥ ১১৮
লোভাৎ সহস্রং দণ্ড্যস্ত মোহাৎ পূর্বন্ত সাহসং।
ভয়ান্দে মধ্যমৌ দণ্ডৌ মৈত্রাৎ পূর্বাং চতুগুর্লং॥ ১২০

হেতু সাহস দণ্ডের চতুগুণ পরিমিত দণ্ড নির্দ্ধারিত ছিল। এই দণ্ডগুলি ঋণ দান ও ঋণ পরিশোধ বিষয়ে। অস্ত স্থলে অস্ত সাক্ষীর অস্ত প্রকার দণ্ড জ্ঞানিবে। কাম হেতু সাহস দণ্ডের দশগুণ পরিমাণ দণ্ড হয়। ক্রোধ হেতু সাহস দণ্ডের ত্রিগুণ, অজ্ঞান হেতু তৃইশত মুদ্রা, বালস্বভাবসূল্ভ অজ্ঞতা হেতু একশত মুদ্রা দণ্ড হয়। (৬) জ্ঞাবকারীর দণ্ড।

আর্য্যজাতিরা জালকারী ব্যক্তিকে অত্যন্ত দ্বণা করিতেন, ইহারা মিথ্যা সাক্ষ্য, মিথ্যা শপথ, মিথ্যা ভাষণকে গুরুতর পাপ বলিয়া জানেন। 'জালকারী ও কৃট সাক্ষীকে মন্থয়-সমাজের কণ্টকশ্বরূপ বলিয়া বিবেচনা করিতেন। ঋষিরা কৃট সাক্ষীর কত নিন্দা করিয়াছেন। তাহাকে অপাংক্তেয় করিয়াছেন। মহা-পাতকীর যে দণ্ড সে দণ্ড দিতেও কুষ্ঠিত হন নাই। রাজা ইহাকে কারাগারে স্থানদানেও শঙ্কিত হইতেন। বিচারকেরাও ইহাকে অশ্রদ্ধা করিতে ত্রুটি করেন নাই; এবং যে ব্যক্তির পক্ষ হইয়া ইহারা পক্ষ সমর্থন করে, তিনিও কার্য্য উদ্ধার করিয়া লইতে পারিলে তাহাকে কি আর কদাচ বিশ্বাস করেন ? সে যখন রাজদ্বারে দণ্ডিত হয়, তদবধি তাহার আত্মীয়স্বজ্ঞন ও পরিবারবর্গ তাহাকে আর সাদরে গ্রাহণ করিতে সম্মত হয় ? সেই ব্যক্তিই কি আপনাকে আপনি ধিক্কার দেয় না ? তাহার অন্তরাত্মা কি তাহাকে কোন দিন অন্তুতাপে দগ্ধ করেন না ? অবশ্য করিতে পারেন। এইগুলি বিবেচনা করিয়া ঋষিগণ কৃট সাক্ষীর দণ্ড-অতি ভয়ানক করিয়াছেন। ব্রাহ্মণ ব্যতীত অম্ম ব্যক্তিকে উচিত দগুবিধান পূর্ব্বক স্বদেশ-বহিষ্কৃত করা হইত। ব্রাহ্মণের পক্ষে কেবল নির্বাসন দণ্ড ছিল। দশবিধ পাপকর্শ্মের সাক্ষীর দশবিধ দণ্ড ছিল। উদর, জিহ্বা, হস্ত, পদ, চক্ষ্ণ, নাসা, কর্ণ ও দেহের অক্যান্স অঙ্গ ইহার যে বিষয়ের সঙ্গে সংশ্রব হেতু যে বিষয়ে কৃট সাক্ষ্য হইত, কৃটকারীর (জালকারীর) সেই সেই অঙ্গের শাস্তিবিধান পূর্ব্বক নির্ব্বাসন প্রসিদ্ধ আছে। (৭)

⁽৬) কামাদ্দশগুণং পূর্বং ক্রোধান্ত, বিগুণং পরং।
অজ্ঞানাদ্দেশতে পূর্ণে বালিশ্রাচ্ছতমেবৃত্। ১২১ ময় ৮ম অ
(৭) এতানাহুঃ কোটসাক্ষ্যে প্রোক্তান্ দণ্ডান্মনীবিভিঃ।
ধর্ম্মস্তাব্যভিচারার্থমধর্ম নিয়মায়চ॥১২২
কোটসাক্ষ্যন্ত কুর্বাণাং জ্বীন্ বর্ণান্ ধার্ম্মিকো নৃপঃ।
প্রবাসয়েদগুয়িত্বা ব্রাহ্মণন্ত বিবাসয়েদগুয়িত্বা ব্রাহ্মণানি দণ্ডস্ত ময়ঃ স্বায়ন্তুবোহত্রবীং।
এবু বর্ণেষ্ ্যানি স্থ্য রক্ষতো ব্রাহ্মণো ব্রক্তেং॥১২৪
উপস্থাদরং জিহ্বা হত্তোপাদৌচ পঞ্চমং।
চক্ষুন্সিচ কর্ণোচ ধনং দেহস্তবৈব্য। ১২৫ ময় ৮ অ



চতুর্থ পরিচ্ছেদ

সমাজ শাসন

তিভেদ প্রথা রাজ্যশাসনের সহকারী। শাসনের আতিশয্যে শাসিত ব্যক্তিগণের তেজোহ্রাস হয়, এইজন্ম কোন কোন ইউরোপীয় শাস্ত্রবেত্তা বলেন
যে শাসন সংকীর্ণ করিয়া স্বামুবর্ত্তিতা বৃদ্ধি করাই কর্ত্তব্য এবং তাহাতে যে কিছু ক্ষতি
হইবেক তাহা প্রকারাস্তরে গঠিত হইয়া যাইবেক। আর কেহ কেহ বলেন যে
কালে লোকের বৃদ্ধি ও আচরণের উন্নতি হইলে সমাজশাসন এবং রাজশাসনের
স্থপ্রণালী হইয়া লোকের স্বামুবর্ত্তিতা এবং আজ্ঞামুবর্ত্তিতা উভয়েই সামঞ্জস্ম হইবেক।
ফলতঃ শাসনপ্রণালীর উৎকর্ষ-সাধনের নিমিত্ত ইউরোপ ও আমেরিকাতে যে কত
চেষ্টা হইয়াছে এবং এখনও হইতেছে তাহার অবধি নাই।

শাসন তৃইপ্রকার—রাজশাসন এবং সমাজশাসন। আমরা ধর্মশাসনকে সমাজশাসনের মধ্যে গণ্য করিলাম। স্থায়ামুসারে বিশ্লেষ করিলে রাজকার্য্য এক ব্যক্তি, সমগ্র সমাজ অথবা কভিপয় ব্যক্তির দ্বারা নির্বাহিত বলিয়া গণ্য হইবেক। তন্মধ্যে দৃষ্ট হইবেক যে যদি পদে পদে রাজাকে কিয়া রাজকর্মচারীকে আসিয়া লোকের কুকর্ম নিবারণ করিতে হয়, তবে কোন মতেই রাজ্যরক্ষা হয় না। বস্তুতঃ রাজ্যশাসন-প্রণালী সংস্থাপিত হইবার পূর্বেই লোকে আত্মরক্ষা অভ্যাস করিয়াছে এবং কখন বলপ্রয়োগ কখন ভয়প্রদর্শন কখন মিত্রতা কখন নিন্দা এবং কখন বা সংসর্গ পরিত্যাগ দ্বারা পরস্পরের অসদাচরণ নিবারণ করিতে আরম্ভ করিয়াছে। লোকের নিজে নিজে বলপ্রয়োগ করিতে হইলেই সমাজের বিশৃষ্থলা ঘটে, এইজস্ম তাহার ভার রাজহস্তেই স্থস্ত হইয়াছে। রাজশাসনের দ্বারা যাহা স্থসিদ্ধ না হয় তাহা সমাজ কর্ত্বক নির্বাহিত হইয়া থাকে। যে রাজ্য এক কিয়া কতিপয় ব্যক্তির শাসনাধীন, সেখানে অবশিষ্ট লোকের কর্তৃত্ব স্থভাবতঃ স্বন্ধ হয় কিন্তু যদি রাজ্য অথবা

রাজ্পদাভিষিক্ত ব্যক্তিগণ বাছল্য-রূপে ক্ষমতা প্রয়োগ না করেন তবে সেখানে সমাজ, কার্য্যগতিকে শাসনক্রিয়ার অনেক ভার গ্রহণ করেন। আমাদিগের শাসনপ্রশালী কিরূপ ছিল তাহা পুরাবৃত্ত অভাবে স্থির করা যায় না কিন্তু পশ্চিমাঞ্চলে রাজ্বগণ এখনও যেরূপ কার্য্য করিয়া থাকেন, বোধ হয় তাহা প্রাচীন প্রথার আদর্শ হইতে উদ্ভাবিত হইয়াছে এবং কিয়ৎপরিমাণে সেই আদর্শেই যে জমীদারগণও প্রজাদিগের উপর কর্তৃত্ব করিয়া থাকেন এ কথা নিতান্ত অযৌক্তিক না হইতে পারে।

জাতিভেদ প্রথাতে রাজার একাধিপত্য নাই কারণ রাজা অস্থায় পূর্বক ব্রাহ্মণের অবমাননা করিলে হিন্দুশাস্ত্রমতে রাজন্রোহিতা নিষিদ্ধ নহে। তদ্ভিন্ন ক্ষত্রিয়, বৈশ্য, শৃত্রমধ্যেও ক্ষমতার তারতম্য ছিল। একাকী ব্রাহ্মণেরাই যে সর্ববিষয় কর্ত্তা ছিলেন তাহাও নহে। মনে কর কোন গ্রামস্থ ব্রাহ্মণেরা সকলে একবাক্যে কোন হীনবর্ণ কিম্বা কুকর্মান্থিত ব্যক্তির যাজন ক্রিয়া স্বীকার করিলেন, তাহা হইলেই যে গ্রামস্থ অপরাপর লোক ব্রাহ্মণগণের অমুগামী হইবেক এ কথা বলা যায় না।

কিন্তু যত লোকের মধ্যেই কর্তৃত্ব বিস্তৃত থাকুক, তাঁহারা সকলে কখনই সমকক্ষ নহেন। রাজা কোন অস্থায় আজ্ঞা দিলে ব্রাহ্মণগণ প্রজাদিগকে তাহা প্রতিপালনে প্রতিষধ করিতে পারেন না। রাজা সভাস্থ হইয়া অনেক কার্য্য নির্বাহ করিতেন। এক এক জন রাজার অধিকারও অতি সামাস্থ ছিল, এই জন্ম তিনি একবারে আইনকারক জজ্জ সৈম্যাধ্যক্ষ সমস্ত পদের ভারই গ্রহণ করিতেন। গ্রামে গ্রামে এখনকার স্থায় বহুসংখ্যক রাজকর্ম্মচারী থাকিত না। তদভাবে গ্রামস্থ ভদ্রলোকেরা রাজ্যশাসনের কোন কোন কার্য্য করিতেন।

প্রাচীন ব্যক্তিদিগের মূখে শুনা যায় যে পূর্ব্বে পল্লীগ্রামে লোকে কখন মকদ্দামা করিত না। এখনও প্রবল জমীদারদিগের অধিকারস্থ প্রজ্ঞাগণ নায়েব এবং জমীদার ভিন্ন অস্তের নিকট নালিশ করিতে সাহসী হয় না। তদ্রপ পূর্ব্বে প্রতি গ্রামের এক এক জন বর্দ্ধিষ্ণু লোক সমস্ত প্রতিবাসীদিগের বিবাদ নিষ্পত্তি করিতেন। জাতিমর্য্যাদা রক্ষাপূর্ব্বক অস্তায়কারী ব্যক্তিগণের যথাযোগ্য দণ্ড করিতেন। লোকের জ্ঞাতিপাত করিতেন। এখন সমস্তই গিয়াছে কেবল শেষোক্ত কার্য্য লইয়া পল্লীগ্রামে দলাদলি হইয়া থাকে। বস্তুতঃ উল্লিখিত ব্যক্তিগণের দ্বারা সমাজশাসন নির্ব্বাহিত হইত। তাঁহারা জ্ঞাতিভেদ-প্রশালীর ফলস্বরূপ ছিলেন। ইহারা যে ঠিক সর্ব্বত্র শাস্ত্রীয় বিধানমতে কার্য্য করিতেন তাহা নহে। বিচারকার্য্যের জ্বস্থ ব্রাহ্মণ নিযুক্ত করিতেন না। বলপ্রয়োগের নিমিত্ত ক্ষত্রিয় সৈক্য সংগ্রহ করিতেন না। শৃদ্রগণকে একান্ত দাসন্থ পদে আবদ্ধ করিয়া রাখিতে পারিতেন না। মুসলমান আধিপত্য হইতে সে সকল বিলুপ্ত হইয়া গিয়াছিল। তথাপি পূর্ব্ব প্রথা মতে কর্থক্তিংরূপে সমাজ রক্ষা করিতেন। এখন আর সেরপে নাই। নাই বিলয়া

অনেকেই আক্ষেপ করিয়া থাকেন। কিন্তু কিসে এই প্রথা গেল ? অভিনিবেশ করিয়া দেখিলে প্রকাশ হইবে যে এখন রাজ্বশাসন বৃদ্ধি হইয়াই সমাজ্বশাসন থর্ব হইয়া গিয়াছে। গ্রামে গ্রামে পুলিস, মধ্যে মধ্যে থানা তাহার উপরে ডেপুটি মেজেন্টর এবং মুনসব প্রভৃতি নিযুক্ত হইয়া রাজ্বদণ্ড অতি সামান্ত লোকের বাসস্থান পর্যান্ত প্রসারিত হইয়াছে। রাজ্বসাহায্য প্রাপ্ত হইলে লোকে তদপেক্ষা নিকৃষ্ট সামাজিক আধিপত্যে সম্ভন্ত থাকিবে কেন ? সামাজিক শাসনে জাতিভেদ নিয়মানুসারে ইতরজাতিগণের যে হীনতা ছিল রাজা তাহা গ্রাহ্থ করেন না স্মৃতরাং ফুর্বলের সহায় হইয়া ইতরলোকদিগকে ভক্তমগুলীর সমকক্ষ করিতেছেন।

কিন্তু এতদেশে ধারাবহনপ্রকৃতি লোকের মনে কি দৃঢ়তা প্রাপ্ত হইয়াছে!
এত বন্দোরস্ততেও গ্রাম্য কর্তাদিগের সমস্ত প্রাধাস্থ বিনষ্ট হয় নাই। এখনও
জমিদারগণ অনেকানেক বিবাদ ভঞ্জন করিয়া থাকেন। মফস্বলে পিনাল কোডের
বিধান এখনও কেবল হ্ব্তিরে ভয়প্রদর্শক জ্জু স্বরূপ হইয়া আছে। লোকে
কার্য্য করিবার সময়ে পিতৃপৈতামহিক প্রথাই মাস্থ করে। চুরিকরা বস্তু ক্রয়
করিতে নাই একথা প্রায় কেহই মানে না—কিন্তু মূল্য দিলে জব্য পরিশুদ্ধ হয়
এসংস্কার বিলক্ষণ বদ্ধমূল রহিয়াছে।

সে যাহা হউক, প্রাচীন ও অভিনব প্রথার মধ্যে ইতরবিশেষ কি ?

অভিনব প্রথার মূল ইউরোপীয় সাধারণতন্ত্র। সমস্ত লোকের সমকক্ষতা বৃদ্ধি করিবার জন্ম শাসনপ্রণালী স্থাপিত হইলে রাজকর্মচারীর সংখ্যা বৃদ্ধি করিছে হয়, ইহাতে সামাজিক শাসনের এই লাঘব হইয়া থাকে যে সমাজমধ্যে কেহ স্বভঃ প্রাধান্ত লাভ করিয়া অত্যের প্রতি দগুপ্রয়োগ করিতে পারেন না। সমস্ত লোক সমবেত হইয়া যাহাদিগকে শাসনকার্য্য নির্বাহজন্ত নিয়োগ করে, তাঁহারাই কর্তৃত্ব করেন। স্বতরাং বিশিষ্ট ব্যক্তিগণের ক্ষমতা হুস্ব হইয়া সমাজনিয়োজিত কর্মচারি-গণের পদের মর্য্যাদা ও ক্ষমতা বৃদ্ধি হয়। কিন্তু ঐ সমস্ত কর্মচারিনিয়োগ বিষয়ে সকলেরই অধিকার থাকাতে তৎকর্তৃক কোন অত্যাচার হইলে সামান্ত লোকেরাই সমবেত হইয়া তাহা নিবারণ করিতে পারে। বাস্তবিক যেখানে লোকসমূহ এমন বৃদ্ধিমান্ ও তেজীয়ান্ হয় যে স্ব স্ব মনস্কামনা সিদ্ধির জন্ত স্বেচ্ছামত ঐক্য প্রাপ্ত হইয়া লোকবল সংগ্রহ করিতে পারে সেখানে লোকের সমকক্ষতা স্বভাবতঃই বর্ত্তমান আছে, সাধারণতন্ত্ব তাদুশ লোকের প্রতিষ্ঠিত শাসনকার্য্যের প্রণালী মাত্র।

আমাদিগের দেশে জাতিভেদের ফল বলিয়াই হউক অথবা উহার হেতু স্বরূপই হউক লোকের সমকক্ষতা নাই। রাজা সাধারণতন্ত্রী বলিয়া স্বদেশের প্রথা এখানে প্রচলিত করিলেই যে লোক নৃতন প্রণালীমতে কার্য্য করিতে পারিবে ইহা মহৎ জ্রমের বিষয়। ভবিশ্বতে কি হইবেক তাহার বিচার করা এই প্রস্তাবের উদ্দেশ্য নহে কিন্তু বর্ত্তমান শাসনপ্রণালী এবং দেশস্থ লোকের প্রকৃতির মধ্যে এখনও যে সামপ্রস্থা হয় নাই তাহা বলা বাহুল্য।

আমরা বিদেশীয় রাজার অধীন। এদেশে এখন এক রাজার আধিপত্য নাই, সমগ্র ইংরাজ সম্প্রদায় আধিপত্য করিতেছেন। নামে সকল প্রজাই রাজসন্নিধানে তুল্য। কিন্তু উহা বাক্য মাত্র। আমাদিগের সমকক্ষতা করিবার ক্ষমতা ও বৃদ্ধি না থাকিলে কেবল শাসনপ্রণালী ও রাজাজ্ঞাতে কি হয় ? কিন্তু প্রণালীর গুণে কর্মচারিগণের প্রাত্মর্ভাব হইয়া দেশীয় লোকের মধ্যে ন্যুনাভিরেক প্রায় বিলুপ্ত হইয়াছে, কেননা জাতিভেদ মতে যে সকল সম্প্রদায়ে প্রাধান্ত ছিল, এখন তাহাদিগের স্থলে এক ইংরাজ জাতি উপবেশন করিয়াছেন। ইহারা দেশীয় ধর্মানুসারে ব্যক্তির হস্তে না দিয়া পদের প্রতি ক্ষমতা অর্পণ করিয়াছেন, স্থুতরাং সকল লোকেই পরস্পরে সমকক্ষ হইতেছে কিন্তু রাজসম্প্রদায়স্থ ব্যক্তিগণ পৃথক এবং দেশীয় ব্যক্তিমাত্রেই ইংরাজমগুলীর অধীন। দেশীয় লোক সমকক্ষ হইয়া পরস্পরে বৈরিতা করিতে বিলক্ষণ সক্ষম হইয়াছেন কিন্তু তাঁহাদিগের মধ্যে সাধারণ তন্ত্রের কোন লক্ষণ নাই। সকলেই সমান হইতেছেন কিন্তু সকলেই রাজসন্নিধানে বলহীন হইতেছেন। অতএব পূর্বের সামাজিক শাসনে যাহারা নিকৃষ্ট ছিল তাহার। তেজোলাভ করে নাই। তদুদ্ধস্থ সম্প্রদায়ে অত্যাচার দমন হইয়াছে কিন্তু তাহাদিগের নিজের আত্মসংযম বা অধীন শ্রেণীর তেজোবৃদ্ধি প্রযুক্ত এই ঘটনা হয় নাই। অপর এক সম্প্রদায়, রাজা ও সমাজ উভয়েরই শাসন একায়ত্ত করাতে এইরূপ ঘটনা হইয়াছে। এতাদৃশ প্রণালীতে অত্যাচার নিবারিত হইলে সভ্যতার বৃদ্ধি বলিয়া গণ্য হইবেক কিনা তাহা বিচক্ষণ ব্যক্তিরা বিবেচনা কবিবেন।

যে তিন প্রকার শাসনপ্রণালীর কথা বলা গিয়াছে তাহার প্রতি অভিনিবেশ পূর্বক দৃষ্টি করিলে প্রতীতি হইবেক যে মন্ত্র্য্য মন্ত্র্য্যর উপর কয়েকটা বলের দ্বারা কর্তৃত্ব করিয়া থাকে। বাহুবল, বৃদ্ধিবল, ধর্মবল এবং এই তিনের ফলস্বরূপ অর্থবল ও বংশমর্য্যাদা। তন্মধ্যে বাহুবল বিচারে নিকৃষ্ট কিন্তু কার্য্যে প্রধান, পণ্ডিতেরা বলেন যে কালে বৃদ্ধি কিন্তা ধর্মবলই প্রধান হৃইবেক। বাহুবল কথঞ্চিৎরূপে বৃদ্ধি ও ধর্মের অয়ত্ত হইলে প্রথমতঃ বংশমর্য্যাদা অনস্তর অর্থবলেরই প্রাত্নভাব হইয়া থাকে।

জাতিভেদ বংশমর্য্যাদা রক্ষা করিবার প্রণালীবিশেষ। ব্রাহ্মণগণ সর্ব্বোচ্চপদাভিষিক্ত বিভা এবং ধর্মালোচনাতে নিয়োজিত হওরাতে তাঁহাদিগের শুণে বৃদ্ধি ও ধর্মের মাহাত্ম্যও রক্ষিত হইয়াছিল। বাহুবলের প্রাধায়ে অর্থবল

স্বভাবতঃ হীন থাকিত কেবল ব্রাহ্মণপ্রসাদাৎ ধর্মবৃদ্ধিসহকারে বাছবলের সাম্য হইয়া শৃদ্র ও বৈশ্যবর্ণের কথঞ্চিৎ শ্রীবৃদ্ধি হয়। ইহাতেও তাহাদিগের নিঞ্জের কোন মাহাত্ম্য ছিল না ; আপনাদিগের তেজ অভাবে কেবল ব্রাহ্মণ আশ্রয়েই ইহারা ধনশালী হইয়াছিলেন। কিন্তু ধারাবহন প্রকৃতির বশতাপন্ন হইয়া ত্রাহ্মণ ও ক্ষত্রিয়গণ আপনাদিগের ছরবস্থা বৃঝিতে পারেন নাই। তাঁহারা শৃদ্র ও বৈশ্যের গুণসমূহে অবহেলা করাতে অপেক্ষাকৃত ক্ষীণ হইয়াছেন মুতরাং তাঁহাদিগের হস্ত হইতে রাজপদ হাত হইলে নিকৃষ্ট বর্ণের পূর্ব্বোন্নতি বিলক্ষণ প্রভাসম্পন্ন হইয়া উঠিল। কারণ যে সকল বিছা ব্রাহ্মণ ক্ষত্রিয়ের একায়ত্ত ছিল তাহা সকলেরই অনায়ত্ত হইল। কিন্তু যদি বাহুবল সম্প্রদায়বিশেষের হস্তগত না হইয়া সকলের আয়ত্ত থাকিত এবং রাজভয়ে না হইয়া আত্মসংযমের দ্বারা সকলেই প্রথমতঃ অর্থ ক্রমশঃ ধর্ম লাভ করিত, তাহা হইলে ক্ষত্রিয়-বিনাশেই দেশের তেজোনাশ এবং ব্রাহ্মণ বিনা দেশের বিভালোপ হইত না এবং পূর্বেব যাঁহারা এইসকল বিষয়ে শ্রেষ্ঠ ছিলেন, তাঁহারা শৃদ্রের শ্রমশীলতা অভাবে উহাদিগের তুল্য হইয়া পড়িতেন না। এখন ব্রাহ্মণ ক্ষত্রিয় উভয়েই স্ব স্ব ধূর্ম ত্যাগ করিয়াছেন স্থতরাং ধর্ম ও বাহুবলের অভাবে অর্থবলেরই প্রত্নভাব। একবার অর্থবলের প্রাত্নভাব না হইয়া গেলে লোকে অর্থের অসারতা বুঝিয়া কখন ধর্ম্মে নিবিষ্ট হইতে পারে না। কিন্তু বর্ত্তমান অবস্থাতে এই কুলক্ষণ দৃষ্ট হইবেক যে লোকে বাহুবলের দোষগুণ বুঝিতে পারে নাই। আত্মরক্ষার্থ বাছবল প্রয়োজন কিন্তু তাহা এই প্রকারে সম্বরণ করিতে হইবেক যেন তুমি পরের হানি করিতে নিযুক্ত না হও। ক্ষত্রিয় ভিন্ন অপর জাতি ৰাহুবলের আস্বাদই জ্বানিত না, অতএব সম্বরণের দ্বারা তাহাদিগের ধর্মলাভ কি প্রকারে হইবেক ? এখন হর্বেল শুদ্র প্রভৃতি ব্যক্তিগণ বাহুবলের উদ্দেশ্য সিদ্ধির জন্ম অর্থবলের প্রয়োগ করিতে বাধ্য হইয়াছে। তাহাতে আত্মসংযম শিখিবার সম্ভাবনা নাই। কারণ ভীরুগণের স্বধর্ম হইতে নিষ্ঠুরতা উৎপন্ন হয় এবং ধনবৃদ্ধিতে তাহার সম্যক্ প্রতিকার হওয়া অসম্ভাবিত। আর যুদ্ধশিক্ষা না করিলে কখন স্থ্চারু মতে লোকবল সংগৃহীত হইতে পারে না। কোম্ৎ বলেন, সমাজে সর্বাগ্রে যুদ্ধপ্রিয়তা সর্ব্বান্তে শ্রমপ্রিয়ত। ঘটিয়া থাকে। তাঁহার মতে শ্রমজীবিগণ সৈনিক পুরুষদিগের স্থায় তেজীয়ান ও আজ্ঞাবাহী হইলেই পূর্ণোব্লতি হইবেক। আমাদিগের ছর্দশা প্রযুক্ত যুদ্ধপ্রিয়তা সর্বব্যাপী হইবার পূর্বেই শ্রমের শ্রীবৃদ্ধি হইয়াছে স্থতরাং সমস্ত লোকে ভীক্ন ও স্বেচ্ছাচারী হইয়া লোকবল সমাহরণের অযোগ্য হইয়াছে।

জ্ঞাতিভেদ নিয়মে বংশান্মসারে ব্যবসা নির্দেশ দ্বারা সকল লোক সকল বিষয় শিক্ষা করিতে পারে না। স্থতরাং তদ্ধারা যে শাসনপ্রণালীর কার্য্যসিদ্ধি হইত, তাহাতে হুষ্টের দমন হইলেও সমগ্র সমাজের জ্ঞানবৃদ্ধি হইতে পারে নাই। এখন সে নিয়ম ভঙ্গ হইয়া যে শাসনপ্রণালী প্রবর্ত্তিত হইয়াছে তাহাতেও মঙ্গল নাই। বংশাস্থক্রমে কার্য্য করিবার বাসনা দূরীকৃত না হইলে জাতিভেদ-প্রথা অতিক্রাস্ত হইবেক না। নৃতন নিয়ম প্রচারিত হইয়া কেবল লোকের অবক্ষম কুপ্রবৃত্তি সমূহ ক্ষুর্ত্তি পাইয়া পরে আসিয়া অধীনতা মোচন করিলে কখনই মুক্ত ব্যক্তির মাহাত্ম্য থাকে না।

অনেকে বলেন, বাঙ্গালিরা অত্যন্ত মোকদামাপ্রিয়; চিন্তা করিলে প্রকাশ হইবেক যে মোকদামাপ্রিয়তার মধ্যে প্রথম অর্থলাভ অথবা পরের ক্ষতি করিবার বাসনা, দ্বিতীয়, এই বাসনা বলদারা স্থুসিদ্ধ না করিয়া রাজার সাহায্য গ্রহণ,— এই ছটী লক্ষণ আছে। অর্থলাভেচ্ছা শ্রমপ্রিয়তা হইতে উৎপন্ন হয়। কতপ্রকারে অর্থলাভ করা যাইতে পারে তাহা আমাদিগের অপেক্ষা ইউরোপীয়েরা ভাল ব্বেন। এইজন্মই রেলওয়ে গাড়ীতে পা ভাঙ্গিলে তাহার প্রতিকারার্থে কোম্পানীর নামে নালিশ করিবার বাসনা বাঙ্গালির বুদ্ধিতে কখন প্রবেশ করে না। আমাদিগের মোকদ্দামার অধিকাংশ আন্তরিক বিরোধ ও পরের ক্ষতি করিবার বাসনা হইতে উত্থাপিত হয়। ইংরাজেরা এরূপ স্থলে, হয় ক্রোধসম্বরণ করেন নচেৎ অসহা হইলে বাহুবলের দ্বারা শত্রুদমন করিয়া মনের ক্লেশ দূর করেন। আমরা তাহাতে নিভান্ত পরামুখ। অপমানিত হইলে হুরমূতের দাবিতে নালিশ করিতেই ভালবাসি। অতএব শ্রমশীল ব্যক্তিগণের মধ্যে যেরূপ মোকদামা উপস্থিত হয় তাহার সংখ্যা আমাদিগের মধ্যে অল্প। আর জ্বেদের মোকদামাই অধিক। কারণ আমাদিগের যুদ্ধশিক্ষা হয় নাই। পশ্চিমাঞ্চলের ক্ষত্রিয়গণের আচরণ আমাদিগের বিপরীত, অস্থান্থ বর্ণ আমাদিগের সদৃশ। রাজসাহায্য গ্রহণেচ্ছা শ্রমপ্রিয়তার ফল বটে কিন্তু ক্রোধ নিবৃত্তির নিমিত্ত তদবলম্বন, তাদৃশ ইচ্ছার বিকৃতি। আমাদিগের মিথ্যা-কথন বিষয়ে যে নিন্দা আছে তাহার এক হেতু, যথাযথ জ্ঞানলাভের প্রতি উপেক্ষা এবং অপর হেতু উল্লিখিত ক্রোধ শাস্তির নিমিত্ত রাজসাহায্য অবলম্বন। নিজের লাভালাভের প্রতি দৃষ্টি না করিয়া পরের ক্ষতি করিতে ব্যগ্র হইলে ধর্মাধর্মের বিচার থাকে না। এইজন্মই যুদ্ধপ্রিয়তা ধর্ম-বিচারে নিন্দনীয়। কিন্তু তাহা হইতে মুক্তিলাভ করিবার জ্বন্থ আত্মসংযম আবশ্রক। ছুৰ্বল ও ভীতগণ যুদ্ধে পরাষ্মুখ হয় বটে কিন্তু তাহাতে ধৰ্ম নাই।

আমরা দিতীয় প্রস্তাবে লিখিয়াছি যে বঙ্গবাসিগণের মধ্যে কায়স্থবর্ণের ক্ষত্রিয়ত্ব ও স্থবর্ণবিণিকদিগের বৈশুত্বের কথা পরিত্যাগ করিলে ব্রাহ্মণ ভিন্ন যত বর্ণ দৃষ্ট হয় সকলেই বর্ণসঙ্কর, কেহই প্রকৃত শুদ্র বলিয়া গণ্য নহে। এইজ্জ্য বর্ত্তমান কালে শুদ্রশন্দে মিশ্রবর্ণ সমূহ বলিয়া উপলব্ধি হইয়াছে। ইহাদিগের ব্যবসা কবে নির্দিষ্ট হইল ? এ সকল বর্ণোৎপত্তি ও ভাহাদিগের ব্যবসা বিভেদ

কি সমসাময়িক ? ইহা কিরুপে হইবে ? পূর্কে কি গোপ মালাকরের ব্যবসা ছিল না ?

প্রথম কল্পে মিশ্রবর্ণগণ অবশ্যই ষেচ্ছামতে বাবসা গ্রহণ করিয়া থাকিবেক এবং বোধ হয় যৎকালে এত মিশ্রবর্ণ ছিল না তখন শৃদ্রেরাও ষেচ্ছামুসারে বর্ত্তমান ব্যবসা সমূহের এক একটি অবলম্বন করিত।

কিন্তু তাহাতে বংশামূক্রম রক্ষা হইত কি না ? মনে কর, যখন স্ত্রধার ও কর্মকার এই মিশ্রবর্ণছয় উৎপন্ন হয় নাই, তৎকালে ইহাদিগের ব্যবসা কে নির্বাহ করিত ? শুদ্রগণ অথবা অস্ত্র মিশ্রবর্ণ। কিন্তু তাহারা কি বংশামূক্রমে ধারাবাহিক মতে স্ব স্ব ব্যবসা প্রতিপালন করিত না স্বেচ্ছাক্রমে ব্রাহ্মণ ক্ষত্রিয় ও বৈশ্রের নিষিদ্ধ যে কোন ব্যবসা অবলম্বন করিত ? যদি প্রথম কল্পনা গ্রহণ করা যায় তবে প্রাচীন কালের নিমিত্তেও শুদ্র শব্দে পৃথক্ বর্ণসমষ্টি মনে করিতে হইবেক। কিন্তু তাহাদিগের আদি প্রকাশ নাই অতএব কোন সময়ে তাহারা অবশ্যই অভিন্ন অবস্থায় থাকিবেক। উভয় কল্পনাতেই স্বীকার করিতে হইবেক যে মিশ্রবর্ণ উৎপত্তির পরে হউক কিন্তা পূর্বেই হউক কোন এক সময়ে দ্বিন্তগণের নির্দিষ্ট ব্যবসা ভিন্ন আর যে যে ব্যবসা তত্তৎকালে প্রচলিত ছিল তৎসমুদায় শুদ্র বা মিশ্রবর্ণগণ বংশামুক্রমে না হইয়া স্বেচ্ছামতে অবলম্বন করিত।

অনন্তর এই সকল ব্যবসা, জাতিভেদ ও বংশামুক্রম প্রথা প্রবিষ্ট হইবার হেতু কি ? আর কিছুই নহে, কেবল পূর্ব্বপ্রচলিত জাতিভেদ বিধানের অমুকরণ হইতেই এত বর্ণ উপস্থিত হইয়াছে। যতদিন অমুলোম ও প্রতিলোম বিবাহ প্রচলিত ছিল, ততদিন মিশ্রবর্ণের লোকেরা হয় পিতৃমাতৃবর্ণের মধ্যে পরিগণিত হইয়া তাহাদিগের ব্যবসা অবলম্বন করিত নতুবা তাঁহাদিগের সমাজ হইতে বহিষ্কৃত হইলে স্বেচ্ছামত অন্ত কোন ব্যবসা অবলম্বন করিয়া স্ব স্ব বংশে তাহাই রক্ষা করিত। পরে জাতিভেদ প্রথার অধিকতর শ্রীবৃদ্ধি হইয়া এতাদৃশ নৃতন বর্ণোৎপত্তি স্থগিত হইয়া গেলে প্রকৃত শৃদ্রগণ তদমুকরণে প্রবৃত্ত হইয়া আবার পৃথক্ বর্ণ সংস্থাপন করিতে লাগিল এবং মিশ্রবর্ণদিগের দৃষ্টাস্তে আপনাদিগের মিশ্র আদি কল্পনা করিয়া লইল। ইহার স্থল এখনও কোথাও কোথাও দেখিতে পাওয়া যায়। ব্রাহ্মণগণ অনেকেই যজনযাজনাদি বৃত্তি পরিত্যাগ করিয়াছেন কিন্ত তৎপরিবর্ত্তে তাঁহারা কোনু ব্যবসা অবলম্বন করিতেছেন ? সকলেই নানাবিধ চাকরি করেন নিতান্ত তুর্দ্দশাপন্ন পাচকদিগকে পরিত্যাগ করিলে এই সকল চাকরির অধিকাংশ লেখাপড়া সংস্ষ্ট। লেখকের বিবেচনাতে এগুলি প্রকৃত প্রস্তাবে কায়ন্থবর্ণের ব্যবসা। আবার দেখ, অধুনাতন প্রথানুসারে অনেক নিকৃষ্ট বর্ণের লোকও লেখাপড়া শিখিতেছে কিন্তু শিখিয়া তাহারা কি পৈতৃক ব্যবসা প্রতিপালন

করে ? কেহই না। সকলেই এক কায়স্থ বর্ণের ব্যবসা করিতেছেন। কিন্তু রাহ্মণই বল কি নিকৃষ্ট বর্ণ ই বল, একবার উল্লিখিত মতে নৃতন ব্যবসা গ্রহণ করিলে তাঁহাদিগের বংশাবলীও তাহাতেই অন্তর্মক্ত থাকেন। অতএব শৃ্দ্র নাম যেমন হইয়াছে, সেইরূপ কায়স্থ ব্যবসাও ক্রেমে বহুবর্ণাধিকৃত বলিয়া গণ্য হইবেক। কিন্তু উভয় স্থলেই এক ধারাবহন প্রকৃতিই অধিষ্ঠান করিতেছে। অভিনব বিজ্ঞা-শিক্ষাপ্রণালী ইউরোপীয় সভ্যতার ফল কিন্তু সেই বীজ বঙ্গে রোপিত হইয়া ফলস্বরূপ কেবল এক নৃতন প্রকার কায়স্থ উৎপন্ন হইতেছে।

আবার দেখ, যখন বঙ্গে হিন্দু-বৌদ্ধের বিবাদ সমতা প্রাপ্ত হইয়াছিল, যবনের প্রাত্মভাবে সমাজ এখনকার ন্যায় আলোড়িত হয় নাই, তখন হিন্দু সমাজ লোকের উন্নতির জন্ম কি করিয়াছেন ? বল্লালসেন কোলীন্য সংস্থাপন এবং দেবীবর ঘটক কুলীনদিগের মেল বদ্ধ করেন। মধুমক্ষিকা গৃহসংস্কারে প্রাবৃত্ত হইলে একই প্রকার সম ষড়ভূজ কোষ নির্মাণ করে। হিন্দুগণ কেবল জাতির মধ্যে জাতি ভিন্ন আর কিছুই করিতে পারেন নাই।

ইদানীস্তন কৃতবিভ যুবকগণের মধ্যে অনেকে মনে মনে হিন্দুধর্ম পরিত্যাগ করিয়াছেন। কেহবা প্রকাশ্যরূপে খ্রীষ্টান কেহ ব্রাহ্ম হইয়াছেন। পূর্বেও ধর্ম লইয়া বিস্তর আন্দোলন হইয়া গিয়াছে। শাক্ত শৈবের কথা দূরে যাউক, দেশীয় মুসলমানের অধিকাংশ হিন্দুবংশোদ্ভূত তাহাতে সন্দেহ নাই। * বৈষ্ণবেরাই কি ? সকলেই ধর্মোদ্দেশে গমন করিয়া এক একটা পৃথক্ বর্ণ হইয়াছেন। যখন সেদিন ব্রাহ্মগণ একান্ত ব্যস্ত হইয়া রাজ্যসাহায্য অবলম্বন পূর্বেক তাঁহাদিগের বিবাহবিধান হিন্দুশাস্ত্র হইতে পৃথক্ বলিয়া নৃতন আকারে সংস্কৃত করিলেন, তখনই মনে করিয়াছি যে ঐ দেখ মধুমক্ষিকা আর একটা কোষ নির্মাণ করিতেছে।

বাক্ষাগণ উপলক্ষে আমাদিগের মহা আক্ষেপ এই যে তাঁহারাও একটা জ্বাতি হইতে চলিলেন। আমরা বিভা বৃদ্ধি বল অর্থ সকল বিষয়েই এখনও জ্বগতের নানা জ্বাতি অপেক্ষা নিকৃষ্ট। এখান হইতে সমস্ত জ্বগতের ধর্মের একতা সংস্থাপন করিবার চেষ্টা বিড়ম্বনা মাত্র। এখন জ্বাতিভেদ বিনষ্ট হইতেছে। তাহা সুসিদ্ধ না হইলে ভারতবাসিগণের মন সতেজ্ব এবং কর্ম্মাই হইবেক না; এখন অনক্যমনা হইয়া কালের সহকারিতা করিয়া যদি এই প্রথণ অপনীত করিতে পারা যায় তাহা হইলেই এ যুগের কীর্ত্তি সম্পন্ন হইবেক। প্রীষ্টান ব্রাক্ষেরা যে একথা বুঝেন না ইহা বড় হুংধের কথা। কিন্তু আবার যখন দেখি যে এদেশীয় আর এক সম্প্রদায়—

[#] একথা স্থান্থির করিবার উৎকৃষ্ট উপায় ভাষা-পরীক্ষা। জনেক মুস্লমান পুরুষেরা কথন বাঙ্গালা কথন উর্দ্ধৃতে কথা কহেন বটে কিন্তু প্রকৃত বন্ধীয়দিগের মহিলাগণ স্বভাবতঃ বন্ধভাষাতেই জালাপ করিয়া থাকেন।

(ইহাদিগকে rationalist নামে আখ্যায়িত করাই সহজ) ধর্ম লইয়া আন্দোলনে বিরত হইয়াছেন, আবার ব্যবহারে কোন দ্বিধা করেন না কেবল স্থায়পরতা সত্যনিষ্ঠা আদি কতিপয় নিয়মকেই সকল শাস্ত্রের নিদানভূমে স্থির করিয়াছেন। যখন দেখি যে ইহারাও মুসলমানদিগের প্রতি বিমুখ, তখন মনে হয় বুঝি আমরা কখনই জাতিভেদ ও ধারাবহনপ্রকৃতি অতিক্রাস্ত করিতে পারিব না।

ধারাবহনপ্রকৃতি কেবল এই সকল করিয়াই ক্ষান্ত হয় নাই। অমুলোম ও প্রতিলোম বিবাহ নিবারণ দ্বারা বর্ণভেদ পূর্ণতালাভ করিলে জাতিবিদ্বেষ বিলক্ষণ বলবৎ হইতেছে। কোন বর্ণ শ্রেষ্ঠ এবং কেহ নিকৃষ্ট ও অস্পর্শীয় ইত্যাকার ধারণা বছকাল হইতেই চলিয়া আসিতেছে। বরং ইহার হ্রাসে কতক মঙ্গল লক্ষণ মনে করা যায় কিন্তু পূর্ব্বে জাতি পরস্পরার মধ্যে প্রকৃতির নিন্দাবাদ ছিল না। এখন কায়স্থ, নাপিত, বারেন্দ্র ব্রাহ্মণ, এবং সমস্ত পূর্বাঞ্চলবাসীদিগকে ধূর্ত্ত এবং পক্ষান্তরে তন্তুবায় বর্ণ এবং রাঢ়শ্রেণীকে নির্কোধ মনে করা এতই প্রবল হইয়াছে যে লোকে ইহার প্রতি লক্ষ্যই করেন না।

কিন্তু জাতিভেদ প্রথা হইতে যত ক্ষতি হইয়াছে তন্মধ্যে বিভিন্ন বর্ণের হান্ততা নাশের স্থায় আর কিছুই নহে। আমরা পূর্ব্বে জাতি (nation) ও বর্ণ (caste) শব্দের বিভিন্নতা সংস্থাপন করিতে চেষ্টা পাইয়াছি। কিন্তু দেশের অবস্থাগুণেই তাদৃশ প্রয়োজনের উৎপত্তি হইয়াছে। বর্ণসমূহের মধ্যে বিভেদ বলবৎ হইয়া বিভিন্ন বর্ণের স্থলে এক একটি পৃথক্ জাতি হইয়া উঠিয়াছে। ব্রাহ্মণ কায়স্থ আদির মধ্যে যদি বিদ্দুমাত্র নৈকট্য লক্ষিত হইত, তাহা হইলে লোকে মুসলমান ইংরাজকে জাতি নামে ব্যক্ত করিত না। এখন রাজপীড়নে উৎকণ্ঠিত হইয়া আমরা বর্ণ সমূহের এক্য স্থাপনে ব্যক্তা হইয়াছি। ইহাতেও এত মতভেদ এই বড় হংখ।



ষষ্ঠ প্রস্তাব--ব্রাহ্মণবর্গ

ক্ষাণবর্গ প্রাচীন ভারতের শিরোভ্যবন্ত্ব সর্বোত্তম রত্ন। ভারত-অদৃষ্টক্ষেত্রে ইহারা বিধাতাস্বরূপ। তাঁহাদের অপরিসীম গুণে উক্তরূপ উচ্চাভিধান প্রদান করিয়াও তৃপ্তি বোধ হয় না। যে গুণ হেতু ব্রাহ্মণেরা সভ্যতম সমাজমধ্যেও "দেব" ইত্যাখ্যায় নির্কিবাদে পৃঞ্জিত হইয়াছিলেন, সে গুণ কখনই সাধারণ নহে। কিন্তু হতভাগ্য ভারত-অদৃষ্টে তাঁহাদের সেই গুণ, গুণ হইয়া দোষ হইয়াছে, তাঁহারা যদি এতদূর গুণশালী না হইতেন, সাধারণে বোধ হয় তাঁহাদের বাক্যে মোহিত হইয়া যথাপ্রদর্শিত পথে অন্ধের স্থায় ধাবিত হইত না এবং হুর্দশার দিন আগমন আরও কিছু দিন স্থাসত করিয়া রাখিতে সমর্থ হইত। ফলতঃ ব্রাহ্মণেরা ভারতকে যেমন প্রাচীন সভ্যতার উচ্চতম সোপানে উঠাইয়াছিলেন,—যে সোপান তাঁহার পদস্পর্শে ধয়্য বলিয়া জগৎস্থ জনগণ প্রগাঢ় ভক্তিশ্রদ্ধাসংযুত হইয়া দর্শনার্থে ক্রমেই আগ্রহযুক্ত হইতেছেন; সেই ভারতকে আবার তাঁহারা তেমনিই অধ্যপাতিত করিয়াছেন। অবনতিকারক ব্রাহ্মণদিগের সহিত এখানে কোন সম্বন্ধ নাই, যাঁহারা উন্নতিকারক, উন্নতিসাধন করিয়া কিঞ্চিৎ অলস ভাব প্রাপ্ত হইয়াছেন, তাহাদিগের সহিত সম্বন্ধ।

ব্রাহ্মণদিগের বিষয় আলোচনা করিতে হইলে, প্রথমে তাঁহাদের গুণভাগ পরিদর্শন দ্বারা মানসিক গতি অবগত না হুইলে, সমাজের উপর ইহাদের কত দূর প্রভুত্ব এবং ইহাদের দ্বারা ইতিহাস কিরপে পুষ্ঠতা প্রাপ্ত হইয়াছিল তাহা সম্যক্ অবগত হওয়া যায় না। ব্রাহ্মণদিগের গুণবত্তা সাধারণতঃ শাস্ত্র-বিভায়। এই শাস্ত্রবিভা সম্ভবতঃ হুই ভাগে বিভক্ত করিলে দোষ হয় না,—লৌকিক ও পারলৌকিক ভেদে অর্থবিভা ও ব্রহ্মবিভা। ব্রহ্মবিভা দ্বিবিধ, কর্মকাণ্ড ও জ্ঞানকাণ্ড। বাল্মীকির সাময়িক অর্থবিভা ও ব্রহ্মবিভার কর্মকাণ্ড ভাগের যথায়থ আলোচনা প্রবন্ধের ভূতীয় প্রস্তাবে করা হইয়াছে, এবং প্রদর্শিত হইয়াছে যে

কর্মকাণ্ড ক্রমেই জটিলতা প্রাপ্ত হইতে আরম্ভ হইয়াছে। এক্ষণে ব্রাহ্মণদিগের রীতিনীতি বর্ণনের পূর্ব্বে জ্ঞানকাণ্ড কিঞ্চিৎ পর্য্যালোচনা করিলে বোধ হয় কাহারও অরুচিকর হইবে না। বিষয় অতি বৃহৎ, সন্ধীর্ণ স্থানে সমাধা হওয়ার কথা নহে, স্কুতরাং যাহা কিছু হয়, তাহাতেই পরিতৃপ্ত হইতে হইবে।

জ্ঞানকাণ্ড সম্বন্ধে রামায়ণে হুইরূপ মত দৃষ্ট হয়। একটি জাবালি কর্তৃক রামকে প্রবাধ দেওয়ার ছলে [(২)১০৮] নিরীশ্বর ভাব, অপরটি, যদিও বিশেষরূপে বিবৃত নাই, বৈদান্তিক অর্থাৎ ঔপনিষদিক মত। জাবালি যেরূপ মত বিস্তার করিয়াছেন, তাহা ঐ সর্গের শেষ ভাগে "যথাহি চোরঃ স তথাহি বৃদ্ধঃ" এই পদ থাকায় কেহ কেহ অন্নুমান করেন যে উহা বৃদ্ধমত। কিন্তু বৃদ্ধদিগের মধ্যে সৌত্রান্তিক, যোগাচার ও বৈভাষিক এই তিন সম্প্রদায়ের মতের সঙ্গে উহার কোন সংস্রব নাই। মাধ্যমিকদিগের সহ মূল তত্ত্বের সাদৃশ্য আছে বটে, কিন্তু মাধ্যমিকাচার জাবালির মতের স্থায় কুৎসিত বিলাসপ্রিয়তা, পশুভাব ও নিকৃষ্টাচার যুক্ত নহে। জাবালির মতের অধিক ঘনিষ্টতা চার্ব্বাকদর্শনের সঙ্গে। (ক) এই সাধ্য সামাবলম্বনে সাধিত দর্শনের সারাংশ যেরূপে মাধ্যচার্য্য সর্ব্বদর্শন সংগ্রহে সংগৃহীত করিয়াছেন, জাবালির মতের সহঁ তাহার বহুল ঐক্য। পূর্ব্বাক্ত শেষোক্তের আদর্শ বলিলে ক্ষতি হয় না। ফলতঃ জাবালির মত অতি আধুনিক ও পরে যোজিত ইহা সহজেই উপলব্ধি হয়। অনেক ইউরোপীয় পণ্ডিতেরাও এই কথা প্রতিপোষণ করিয়া থাকেন। (১)

দিতীর মত বৈদান্তিক। আর্য্যগণের মতে শ্রুতিপ্রতিপাদিত ধর্মই উৎকৃষ্ট এবং সনাতন ধর্ম। শ্রুতি হুইভাগে বিভক্ত, মন্ত্র ও রাহ্মণ। মন্ত্রভাগ অতি প্রাচীন ঋষিদিগের দ্বারা গীত। রাহ্মণভাগ বছ পরে রচিত। ভিন্ন ভিন্ন বেদশাখায় মন্ত্রোক্ত কর্ম্মকাণ্ডের বিধি প্রদানার্থে এবং বিবৃত করণ উদ্দেশে অঙ্কুর ধরিয়া ইতিহাসাদি কথন অর্থে রাহ্মণভাগ রচিত হয়। রাহ্মণের প্রথমাংশে এইরূপ কর্ম্মকাণ্ড প্রভৃতি বর্ণিত হইয়া শেষভাগে জ্ঞানকাণ্ড বিবৃত হইয়াছে, সেই অংশকেই উপনিষদ্ বা বেদের অস্কুভাগ বলিয়া বেদাস্ত বলে। বেদশাখা সমূহ সেই সকল শাখার আদি শিক্ষকের নামান্ত্রসারে প্রায় নামিত, ব্রাহ্মণ ও উপনিষদ্ও তক্ত্রপ। কিন্তু প্রতি বেদশাখাতেই যে নৃতন নৃতন ব্রাহ্মণ ও উপনিষদ্ ছিল এমন নহে। এক শাখার

- (ক) এই প্রস্তাব লিখিত হইলে পর দেখিলাম যে বর্ত্তমান শ্রাবণ মাসের বঙ্গদর্শনস্থ চার্ব্বাকদর্শনের সমালোচক এই প্রস্তাব-লেথকের সহ একমতন্ত্ব।
- (১) "Schlegel regrets that he did not exclude them all from his edition. These lines are manifestly spurious".—Griffith's Ramayana, Vol. II. p 440 এবং extracts from Schlegel, do. do. pp. 498-499 তেখা ।

তা অশ্য শাখাতেও গ্রহণ করিয়াছিলেন। মক্ষমূলরের মতে প্রত্যেক বেদশাখার নিমিত্ত এক এক উপনিষদ্ ছিল। তত্ত্ব্যুত মুক্তিকা অমুসারে ১১৮০ বেদশাখা, (২) স্থৃতরাং ঐ সংখ্যক উপনিষদ্ও ছিল। কিন্তু এখন ১০৮ খানি মাত্র পাওয়া যায়। (৩) হিন্দুদিগের জ্ঞানকাণ্ড উপনিষদের উপরেই প্রধানতঃ নির্ভর করে। উহা যোগধর্ম্মের উৎসম্বরূপ। যোগধর্ম সম্বন্ধে যাহা কিছু পরে রুচিত হইয়াছে, উহা উপনিষদের ত্বহিতাস্বরূপ, বিরুদ্ধ মত অশ্রদ্ধেয়। এই নিমিন্তই জ্ঞানকাণ্ড বা দর্শনাদি সম্বন্ধে যাহা কিছু পরে রচিত হইয়াছে, প্রায় সকল রচয়িতাই আপন আপন মতের গৌরবরক্ষার্থে উপনিষদের দোহাই দিয়াছেন। এমন কি নিরীশ্বর সাংখ্যও. যদি বিজ্ঞানভিক্ষুর ভাষ্য গ্রাহ্ম হয়, উপনিষদের দোহাই দিতে ক্রাটী করেন নাই। এইরূপ দোহাই দেওয়ার প্রথায় অনিষ্ট ঘটিতেও ত্রুটি হয় নাই। ছুষ্ট বিছাভিমানিগণের আপন আপন মত প্রতিপোষকতার নিমিত্ত অনেক জাল উপনিষদ্ স্বষ্ট হইয়াছে। (৪) স্থুতরাং উপনিষদ্ও নির্বিবাদে নাই। যাহা হউক, বাল্মীকির সময়ে যোগধর্ম কতদুর উন্নতিসাধন করিয়াছিল, তাহা বাল্মীকির দারা উল্লিখিত বেদশাখা, ব্রাহ্মণ, উপনিষদ এবং আর যাহা যাহা তাঁহার পূর্ব্বের, সেই সকল হইতে যোগধর্মের সারাংশ মূল প্রস্তাবে প্রদর্শিত হইতেছে। পরবর্ত্তী সময়ে তত্তৎ ভাব কতদুর অমুস্ত বা অঙ্গপ্রত্যঙ্গ বিশিষ্ট হইয়াছে এবং মূল বিষয়ের সহিত কিরূপ সম্বন্ধ ধারণ করে, তাহা প্রায় টীকাকারে অন্যান্য বিষয়ের সহ পার্শ্ববর্ত্তিভাবে প্রদর্শিত হইবে।

উপনিষদ্ সমূহের উদ্দেশ্য যদিও এক কিন্তু তাহাতে আরও নানা বিষয় বিবৃত হইয়াছে, এবং প্রত্যেকেই ভিন্ন ভিন্ন পথাবলম্বনে সেই উদ্দেশ্য সাধিত হইয়াছে। সে সকলের সহিত এখানে সংস্রব রাখা অনাবশ্যক এবং তত্ত্পযুক্ত স্থানও নাই। উদ্দেশ্য মাত্র নিম্ন মত কয়ভাগে বিভক্ত করিয়া, তংপ্রতি দৃষ্টি রাখিয়া, যোগধর্ম আলোচিত হইতেছে। ঈশ্বরের স্বরূপ, স্ষ্টির ব্যক্তাব্যক্ততা, জীবাত্মার সহ পরমাত্মার সম্বন্ধ, জীবাত্মার অবস্থান, মৃক্ত্যুপায় এবং যোগ সাধনোপায়।

বৈদান্তিক কর্ম্মের মূল প্রস্থান "আত্মৈবেদমগ্র আসীদেক এব" এবং লব্ধ িফল "এতদাত্মমিদং সর্ববং তৎসত্যং স আত্মাতত্ত্বমসি শ্বেতকেতো।"

⁽২) বৈদশাধার সংখ্যা নিরূপণ অক্সমতে ''একবিংশতিধা বাহবচ্যং। একশতধা আধ্বর্য্যবং। সহস্রধা সামবেদং। নবধা আথর্বণং।"—তুর্গাচার্য্যের নিরুক্তভাষ্য ১।২•।

^{. . . (9)} Max Muller's Ans : Saas: Lit : p. 325.

⁽a) Max Muller's Ans : Saas : Lit :

স্থুকৃত স্বয়ম্ভ এবং যাঁহাকে অপর কিছুতেই ব্যক্ত করিতে সমর্থ হয় না, এবং বাঁহার দ্বারা অপর সকলই ব্যক্ত হইয়া থাকে, ও "এষ সর্কেশ্বর এষ সর্ক্ত এষোন্তর্য্যাম্যেষ যোনিঃ সর্ব স্থা প্রভবাপ্যয়ৌহি ভূতানাং" এরূপ একমাত্র পরমেশ্বর আদিতে বিরাজমান ছিলেন। তাঁহা ব্যতীত আর দ্বিতীয় সকাম বা নিদ্বাম কোন পদার্থ ই ছিল না। এই নিত্য অবিনাশী জ্ঞানময় আত্মা বহুধা হইতে কামনাযুক্ত হুইলেন। তঙ্ক্রপ্ত তপঃসাধন অর্থাৎ সৃষ্টির প্রক্রিয়া নিরূপণ করিয়া এই সমস্ত সৃষ্টি করিলেন। প্রথমে আকাশের উৎপত্তি হইল, অনন্তর ক্রমান্বয়ে আকাশ হইতে মরুৎ, মরুৎ হইতে তেজঃ, তেজঃ হইতে অপ্, অপ্ হইতে ক্ষিতি, ক্ষিতি হইতে উদ্ভিদ, উদ্ভিদ হইতে অন্ন, অন্ন হইতে রেত:, রেত: হইতে মমুয্যের উৎপত্তি হুইল। (৫) সৃষ্টির পরিরক্ষকগণ সৃষ্টির মানসে কারণজল মধ্যে সৃষ্ট একটি নরাকার পুরুষকে গ্রাহণ করিলেন, ইনি হিরণ্যগর্ভ। সেই পুরুষের শরীর উদ্ভিন্ন করিয়া অগ্নি, বায়ু, স্থ্যা, দিকু, উদ্ভিদ্, চন্দ্র, মৃত্যু এবং জল অর্থাৎ এই সকলের অধিষ্ঠাতৃ-দেবতা নিচয়ের উদ্ভব হইল। (৬) ইহারা মন্ত্র্যু-শরীরে প্রবেশ করিয়া—যথাক্রমে বাগিন্দ্রিয়, খাসেন্দ্রিয়, দর্শনেন্দ্রিয়, শ্রবণেন্দ্রিয়, কেশাবলী, মনঃ, প্রাণবায়ু এবং উৎপাদিকা শক্তি, এই সকলের অধিপতিভাবে অবস্থিতি করিলেন। অনস্তর পরমাত্মা স্ষষ্ট সমস্তে প্রবেশ করিয়া তাহাদিগকে প্রদন্ত যে স্বভাব ভাহা ব্যক্ত করিলেন। এ নিমিত্ত সাকার, নিরাকার, সং. অসং. বিদ্যা, অবিদ্যা, উভয়বিধ ভাবই তাঁহাতে আশ্রয় .করিল। (৭) পরমাত্মার আপন ভাবযুক্ত অবস্থাকে পরমাত্মা, এবং জীবের

"সর্ববং সলিলমেবাসীৎ পৃথিবী তত্র নির্মিতা। ততঃ সমভবদুবন্ধা স্বয়ষ্ট্রমের্বিতঃ সহ॥"

পুনশ্চ মন্নতে (১।৬-৯) অব্যক্ত সক্ষ পরমাত্মা সৃষ্টি করণেচ্ছুক হইরা পঞ্চভূতাদির সৃষ্টি করিলেন। তাহাতে আপন শক্তিরূপ বীজ অর্পণ করার, একটি অণ্ডের উৎপত্তি হইল। ঐ অণ্ডে ধাতা হিরণ্যগর্ভ জন্মপরিগ্রহ করিলেন।

(१) বেদান্ত হত্তের শান্তর ভার মতে ঈশর সত্য আর সমন্ত অসত্য অর্থাৎ অবিদ্যা বা মারা। এই হাই সেই অবিদ্যা প্রথাক। অবিদ্যার শক্তি ছিবিধ বিক্ষেপ শক্তি ও আবরণ শক্তি, এতত্ত্তর শক্তিযোগে জীবাত্মা অবিদ্যা আবদ্ধ হইরা থাকে। পরমাত্মার সহ জীবাত্মার একত্ত্ মর্শন ছারা অবিদ্যা পরিত্যাগ করিতে পারিলে জীবাত্মা মোক্ষ ছারা আপন স্বভাবে নীন হইরা শাকে। জরা মরণ হৃথ ছাংথ পুনর্জনাদি সমতই অবিদ্যান্তিত। পুনুদ্য মহানির্জাণ ভবে

⁽৫) ছান্দোগ্যে (৬।২-৩) ঈশ্বর বছধা হইতে বাঞ্চা করিলে প্রথমে তেজ সৃষ্টি হইল, তেজ হইতে জল, জল হইতে জর; জর হইতে স্বেদজ, জ্বজ্জ ও উদ্ভিজ্জের উৎপত্তি হইল। মুগুকে (১।১।৮) জন হইতে যথাক্রমে প্রাণ মন সত্যালোক কর্ম এবং জমৃতত্ব উৎপাদিত হইল। এতৎ প্রাচীন উপনিষদ্বেয়ে উল্লিখিত মতবৈলক্ষণ্য লক্ষিত হয়।

⁽৬) রামায়ণে ২।১১০।৩

চৈতস্তব্যরূপ পদার্থ যাহা বৈদান্তিক মতে বিজ্ঞানকোবাপ্রায়ী পরমাত্মা স্বয়ং, ভাহাকে জীবাত্মা বলিয়া কহিব। জীবাত্মা এবং পরমাত্মা উভয়ে অভেদ, পূর্ব্ব-ক্ষিত যিনি জীব-শরীরে প্রবেশ করিয়া তাহাদের স্বভাব ব্যক্ত করিলেন, তিনিই জীবশরীরস্থ হইয়া প্রমাত্মারূপী জীবাত্মা পদবাচ্য হইলেন। আকাশ যেমন ঘটাপ্রায় করিলেও, স্বভাবযুক্ত আকাশের সহ একই পদার্থ, পরমাত্মা তছৎ অবিস্তা আশ্রয় করিয়া জীবাত্মা সংজ্ঞা ধারণ করিলেও উভয়ে একই বস্তু হয়েন। (৮) এবং যেমন সূর্য্য যে সকল বস্তুর উপর কর প্রসারিত করেন, সেই সেই বস্তুর গুণামুসারে বা দর্শকের নেত্রদোষ অমুসারে, ভিন্ন ভিন্ন দোষগুণবিজ্ঞাপক সংজ্ঞা প্রাপ্ত হয়েন, অর্থাৎ মিথ্যা দৃষ্টি বশতঃ তত্তৎ ভাব তাঁহাতে আরোপিত হয়, কিন্তু সূর্য্য বস্তুতঃ সর্ব্বদাই আপন স্বভাবে রহিয়াছেন, জীবাত্মা তম্বৎ কর্মাশ্রয় অবিচ্চা প্রভাবে স্থুখ-ছঃখময়, মোহযুক্ত এবং বিচালিত বলিয়া পরিদুখ্যমান হইয়া থাকেন, বস্তুতঃ তিনি সুখ হঃখ আদি সমুদয় হইতেই নির্লিপ্ত। (৯) সুখ হুঃখ আদিভোগ পঞ্চীকৃত ভৌতিক প্রভাবেরই হইয়া থাকে, অর্থাৎ উহা অবিচ্যালীলা প্রপঞ্চ, স্কুতরাং ক্ষণিক। জীবাত্মা অবিতা প্রভাবে আবদ্ধ বশতঃ যদিও গমনবিমুখ, তথাপি মন অপেক্ষা দ্রুতগামী, নৈকট্য এবং দূরত্ব তাঁহার নিকট উভয়ই সমান, তিনি অন্তরাকাশে থাকিয়াও অন্তর বাহির উভয় স্থানে অবস্থান করেন। তিনি সর্বব্যাপী প্রভাষিত.

[&]quot;ব্রহ্মাদি তৃণপর্য্যন্তং মায়ায়াং কল্পিতং জগং।" এবং স্বমায়া রচিতং বিশ্বং ইত্যাদি। অবিদ্যা দ্বারা জীবাত্মা আবদ্ধ হইতে পারে কি না, তাহা সাংখ্য হত্তের প্রথম অধ্যায়ে ২০, ২১, ২৩, ২৪ হত্তে মীমাংসিত হইয়াছে।—"নাবিদ্যাতোহপ্যবস্ত্বনাবন্ধাযোগাং" ইত্যাদি। ব্রহ্মে এই বিশ্ব বেরপ নির্ভর করিয়া আছে তাহা অতি স্থন্দরভাবে খেতাশ্বতর উপনিষদে চক্র ও নদীর রূপকে প্রদর্শিত হইয়াছে।

⁽৮) এতদ্বাবের বিস্তার ভগবদগীতার ১৫।১৫ "সর্বস্থ চাহং হৃদি সন্নিবিষ্টঃ" ইত্যাদি, পুনশ্চ ১৫।১৪ "অহং বৈশানরোভূষা প্রাণিনাং দেহমাপ্রিতঃ। প্রাণোপাণ সমাযুক্তঃ" ইত্যাদি। যোগবাশিটে ৩।৫-৬ "জগদ্তমোহয়ং" ইত্যাদি। ব্রহ্মাণ্ড পুরাণাস্কৃগত উত্তরগীভার প্রথম অধ্যায়ে "অহমেকমিদং সর্বাং" ইত্যাদি। ভগরতী গীতাতেও এতৎ ভাবের ছায়া মাতঃ সর্বাময়ি প্রসাদ প্রমে বিশ্বেশি বিশ্বাপ্রয়ে। তং সর্বাং নহি কিঞ্চিদন্তি ভূবনে বস্তু তদন্তৎ শিবে।" ইত্যাদি।

⁽৯) ভগবদগীতার আত্মা জীবশরীরস্থ হইরাও কিরূপ নির্ণিপ্ত ভাবযুক্ত, তাহা সান্ধ্যের ছারা অব্ধ আশ্রর করিয়া বিভারিতভাবে বর্ণিত হইরাছে, তাহা স্থলর এবং দ্রষ্টব্য। ১০৷২৯—০৪ "প্রকৃত্যৈব চ কর্মাণি" ইত্যাদি। পুনশ্চ মহানির্বাণ তত্মে "অরমাত্মা সদামুক্তো নির্লিপ্ত: সর্ববন্তব্যু। কিন্তুস্য বন্ধনং।" ইত্যাদি।

আশরীরী, শিরামন্তিকবিহীন, নির্মাণ ও পাপরহিত। (১০) নিডা, স্ক্র, অবিনাশী, কিছু হইতে উৎপন্ন নহেন, স্বয়ন্তু, হস্তাও নহেন, হস্তব্যও নহেন। বাক্য, নেত্র, শ্রোত্র, শ্বাসপ্রশাস প্রভৃতির যিনি অতীত, এবং যাহা হইতে ঐ সকল যাক্ত হইয়া জগৎ প্রকাশিত হইতেছে এবং যিনি কেবল অধ্যাত্ম যোগ দ্বারা প্রাপ্তব্য, অথবা "অরমাত্মা ব্রহ্ম মনোময়ঃ প্রাণময়শ্চক্র্ময়ঃ পৃথিবীময় আপময়ো বায়্ময় আকাশময়ন্তেজোময়োহ তেজোময়ঃ কামময়োহকামময়ঃ ক্রোধময়োহকোধময়ে। ধর্মময়োহধর্মময়ঃ সর্ব্বময়ঃ।"

অবিতাবন্ধ পরমাত্মার অন্তর, মনঃ, অহঙ্কার, অজ্ঞান, বিজ্ঞান, প্রজ্ঞান, মেধা, ধৃতি, মতি, মনীযা, ভৃতি, স্মৃতি, ক্রতু, অস্থ্র, ইচ্ছা ইত্যাদি পরিচায়ক হয়। পরমাত্মা এ সকল পরিচায়কবিহীন নিরাকার। আত্মা জীবস্থ হইলে, জৈব যন্ত্রাবলী সহ সম্বন্ধে আত্মা রথী, শরীর রথ, সন্থ সারথি, মন বল্গা, ইন্দ্রিয়গণ অশ্ব, এবং উদ্দেশ্য পথ। আত্মার শারীরিক সম্বন্ধে অবস্থান এরূপ, অন্ধকে অবলম্বন করিয়া প্রাণবায়্র অবস্থান, প্রাণবায়্ অবলম্বনে মনঃ, মন অবলম্বনে বিজ্ঞান, বিজ্ঞান অবলম্বনে জানান্দ, সেই আনন্দ অবলম্বনে জীবাত্মার অবস্থান। এই জীবাত্মার জীবভাবে আধ্যাত্মিক উৎকর্ষতায় ইন্দ্রিয় হইতে উদ্দেশ্য মহৎ, উদ্দেশ্য হইতে মন মহৎ, মন হইতে সন্থ মহৎ, সন্থ হইতে ব্যক্ত জীবাত্মা, তত্মচে অব্যক্ত পরমাত্মা, উহা সীমা। (১১)

অন্নময় কোষমধ্যে মনোময় কোষ, তন্মধ্যে যথাক্রমে বিজ্ঞানময়, জ্ঞানময় এবং আনন্দময় কোষ। এই আনন্দময় কোষমধ্যে স্ক্র দেহযুক্ত জীবাত্মা। জীবাত্মা অঙ্গুষ্ঠ পরিমাণ, নবদারপুরে শয়নশায়ী। ইহার অবস্থা বা ভাব চারি প্রকার। প্রথমে বৈশ্বানর, ইনি শরীরস্থ হইয়া সকল জীবকে পরিচালনা করেন। ইহা জীবের জাগ্রতাবস্থা। এই সময়ে জীবাত্মা উনবিংশ ইন্দ্রিয় (১২) বিশিষ্ট

⁽১০) ভগবদগীতায় ২।১৭-২০ "অবিনাশী তু তদ্বিদ্ধি" ইত্যাদি, পুনশ্চ ২৩/১৩-১৫ "সর্ব্বতঃ পাণিপাদস্তৎ সর্ব্বতোহক্ষি শিরোমুখং" ইত্যাদি। স্থন্দর সাদৃশ্য।

⁽১১) এরপ উৎকর্ষতার পর্য্যায় কিঞ্চিৎ বৈলক্ষণ্য সহ ছান্দোগ্যে १।২-১৫ প্রাদর্শিত হইয়াছে। যথা, বাক্য হইতে মন মহৎ, মন হইতে সঙ্কল্প, সঙ্কল্প হইতে চিন্ত, চিন্ত হইতে ধ্যান, ধ্যান হইতে বিজ্ঞান, বিজ্ঞান হইতে ক্ষমতা, ক্ষমতা হইতে অল্ল, অয় হইতে জ্ঞল, জল হইতে তেজঃ, তেজ হইতে আকাশ, আকাশ হইতে শ্বতি, শ্বতি হইতে আশা, আশা হইতে প্রাণ, এই প্রাণকে যে সাধনা ছাল্লা জ্ঞাত হইতে পারে সেই অতিবাদী। এরপ ভবদগীতায় ৩।৪২ শরীর হইতে ইক্রিয় শ্রেষ্ঠ, ইক্রিয় হইতে মনঃ, মন হইতে বৃদ্ধি, বৃদ্ধি হইতে আআা। এরপ তুলনায় বস্ত্ববিশেষে গুরুষভাব প্রদানরূপ কার্য্য পর্য্যালোচনা করিলে সময়ভেদে চিন্তাশক্তির উন্নত বা অবনত ভাব অনেক উপলব্ধি হইতে পারে।

⁽১২) পঞ্চজানেক্রিয়, পঞ্চকর্মেক্রিয়, পঞ্চ বায়ু, মনঃ, বৃদ্ধি, আহছার ও চিত্ত।

হইয়া স্থুল বস্তু ভোগ করিয়া থাকেন। (১৩) দ্বিভীয় তৈজ্ঞস, উহা জীবের স্বপ্নাবস্থা, এই সময়ে উক্তরূপ ইন্দ্রিয় বিশিষ্ট পুরে আবদ্ধ হইয়া সূক্ষ্ম বস্তু ভোগ করিয়া থাকেন। তৃতীয় প্রাজ্ঞ, ইহা সুষ্প্তাবস্থা, এরূপ আবদ্ধ থাকিয়া পরমানন্দ ভোগ করিয়া থাকেন। চতুর্থ সর্ববন্ধন বিচ্ছিন্ন ব্রহ্ম। এই চতুর্বিধ ভাব যথা-ক্রমে 'অ.' 'উ.' 'ম,' এবং 'ওম' দ্বারা সাধিত হয়। (১৪) বৈশ্বানরভাবে জীবাত্মার অবস্থান দক্ষিণ নেত্রে. তৈজসভাবে মনোমধ্যে। প্রাজ্ঞভাবে অন্তরাকাশে,— অন্তর হইতে ১০১ নাড়ীর উৎপত্তি, প্রত্যেকে শতধাবিভক্ত, সেই প্রত্যেকের আবার ৭২০০ উপশাখা আছে, (১৫) স্বতরাং সমস্ত নাড়ীর সংখ্যা ৭২৭২,০০০,০০; উহার মধ্যে পরিচালিত বায়প্রবাহ, তাহা বিশেষ বিশেষ কার্য্যামুসারে প্রাণ, অপান, উদান, ব্যান ও সমান এই পঞ্চ নামে নামিত। এই পঞ্চ বায়ু অবলম্বন করিয়া পঞ্চ অগ্নির অবস্থান, যথা, গার্হপত্য, দক্ষিণাগ্নি, আহবনীয়, সভ্যাগ্নি ও আবসত্যাগ্নি। এ সকলের মধ্য দিয়া নাড়ী প্রধানা স্বযুমা (Coronal artery) অন্তরের উদ্ধভাগে উৎপন্ন হইয়া, তালুস্থ নাড়ীদ্বয়ের মধ্যস্থল অবলম্বন করিয়া এবং তালুস্থ মাংসখণ্ড ভেদ করিয়া করোটী নামক মস্ত্রকাস্থির ভিতর দিয়া কেশমূলে সীমা প্রাপ্ত হইয়াছে। এই নাড়ীতে প্রবেশ করিয়া তদবলম্বনে জ্ঞান ও আনন্দময় স্বৰ্ণপ্ৰভ আত্মা অন্তরাকাশে পদ্মবৎ গৃহমধ্যে বাস করিতেছেন। ভূর্ভুব অগ্নি বায়ু সকলেই তথায় বর্ত্তমান আছেন। (১৬)

"মেরোর'ছি প্রদেশে শশিমিছিরশিরে সব্য দক্ষে নিষপ্নে।
মধ্যে নাড়ী স্থ্যুমা ত্রিতর গুণমরী চক্রস্থ্যায়িরপা॥
ধৃস্তর স্মের পূষ্প প্রথিতউম বপুরুক্ত মধ্যাচ্ছিরস্থা।
বক্সাধ্যা মেচ্বদেশাচ্ছিরসি পরিগতা মধ্যমস্থা জলস্তী॥"
এবং "তন্মধ্যে পরমক্ষরঞ্চ মধ্বং" ইত্যাদি।

উত্তর গীতার দ্বিতীয় অধ্যায়ে

"দীর্ঘাস্থি মূর্দ্ধি পর্যান্তং ব্রহ্মদণ্ডেতি কথ্যতে॥ তন্তান্তে স্থবিরং কক্ষং ব্রহ্ম নাড়ীতি করিভিঃ। ইড়া পিঙ্গলয়োর্মধ্যে স্থম্মা কক্ষরূপিনী॥

⁽১৩) স্থূল দৃষ্টিতে পূর্ব্ব পূর্ব্ব বাক্যের সহ এ স্থল সহসা বিরোধী বোধ হয়, কিন্তু বিশেষ দর্শনে তাহা হইবে না। মায়ান্ত্রনিত সক্ষদেহী জীবান্মা এবস্থৃত ভাবে দৃষ্ট।

⁽১৪) অ+ উ+ম্=ওম্ এতদ্ মাহাত্ম্য ও সাধনোপায় মাধুক্যে এবং ছান্দোগ্য উপনিষদের প্রথমে দ্রপ্তরা।

⁽১e) ব্রহ্মাণ্ড পুরাণে উত্তর গীতা ২য় অধ্যায়েতেও "বিসপ্ততি সহস্রাণি" ইত্যাদি।

⁽১৬) পরবর্তী গ্রন্থকলাপে এই ভাব এতজপে স্পষ্টীকৃত বা শাখা প্রশাখা সহ বিস্তার প্রাপ্ত হইয়াছে। দন্তাত্রেয় ষট্ চক্রভেদে।

জীবাত্মা অবিভাপ্রভাবে পুনঃ পুনঃ জন্ম পরিগ্রহ করিয়া থাকে। (১৭) অবিভা মুক্ত হইলেই আত্মার মুক্তিসাধন হয়। এই মুক্তি সমান বায়ু অবলম্বী সপ্রশিখাময়ী (১৮) অগ্নিতে আছতি দান বা বেদবিধানোক্ত অভাত কর্ম্মের ছারা সাধিত হয় না। (১৯) ছান্দোগ্যে (৭।১।১-৩) নারদ সনৎকুমারের নিকট আক্ষেপ করিয়া কহিতেছেন যে চতুর্কেদ, পুরাণ, ইতিহাস, বেদানাং বেদ অর্থাৎ ব্যাকরণ, কর্ম্মবাণ্ড, মন্ত্রভাগ, রাশি# দৈব,† নিধি,‡ বাকোবাক্যম্ ও একায়নম্,§ দেববিভা, ব

সর্বাং প্রতিষ্টিতং যশ্মিন্ সর্বাগং সর্বতোমুখং।
তক্তা মধ্যগতা ক্র্যা সোমাগ্রি পরমেশ্বরাঃ॥
ভূতলোকাঃ দিশঃ ক্ষেত্রং সমুদ্রাঃ পর্বতাঃ শিলাঃ।
দ্বীপাশ্চ নিম্নগাবেদাঃ শাস্ত্রবিদ্যাকুলাক্ষরাঃ॥
স্বরমন্ত্র পুরাণানি গুণান্দৈতানি সর্বাগাঃ।
বীজ জীবাত্মক স্তেবাং ক্ষেত্রজাঃ প্রাণবায়বঃ।
স্বর্মান্তর্গতং বিশ্বং তন্মিন্ সর্বাং প্রতিষ্ঠিতং॥"
ইত্যাদি।

(১৭) ভগবলগীতা অমুসারে জীবের পাপ পুণ্য কর্ম স্থথ দুংথাদি দ্বীষর সৃষ্টি করেন না, উহা স্থভাব হইতে প্রবর্ত্তিত হয়। ৫। ১৪-১৫

> "নকর্ত্বং ন কর্মাণি লোকস্থ স্বজতি প্রভু: । ন কর্মফল সংযোগং স্বভাবস্ত প্রবর্ততে ॥ নাদত্তে কস্থাচিৎ পাপং নটেব স্কুক্তং বিভু: । অজ্ঞানেনাবৃতং জ্ঞানং তেন মৃছস্তি জস্তবং ॥"

- (১৮) এই সপ্তশিখা কালী, করালী, মনোজবা, স্থলোহিতা, স্থ্যুবর্ণা, ফুলিজিনী, ও বিশ্বরূপা।
- (১৯) এত দিয় মহানির্বাণতন্ত্র "নমুক্তির্জপনাদ্ধোমাত্রপবাসশতৈরপি" ইত্যাদি। অধ্যাত্ম রামায়ণে উত্তরকাণ্ডে পঞ্চমাধ্যায়ে "সা তৈত্তিরীয় শ্রুতিরাহ সাদরং, ক্যাসং প্রশাস্তাধিল কর্ম্মণাং শ্দুটং। এতাবদিত্যাহচ বাজিনাং শ্রুতি, জ্ঞানং বিমোক্ষায় নকর্ম সাধনং।" ভগদনীতায় ২।৪৫ "ত্রৈগুণ্যবিষয়া বেদা নিক্তৈগুণ্যো ভবার্জ্জুন।" এই গীতায় ক্থিত হইয়াছে যে মোহাবৃত জড়বুদ্দিশের প্রবোধার্থে গুণাত্মক কর্মভাগের কৃষ্টি।
 - * Arithmetic and Algebra.
 - † Physics.
 - ‡ Chronology.
 - § Logic and Polity.
 - ¶ Trchnology.

ব্রহ্মবিভা, শ ভূত বিভা, * * ক্ষেত্রবিভা, † † জ্যোতিষ, সর্পবিভা ‡ ‡ দেবজানবিভা, § § প্রভৃতি অভ্যাস করিয়াও ব্রহ্মজ্ঞান অভাবে খেদযুক্ত হইতেছেন। জ্ঞান এবং অজ্ঞান এতহুভরের মধ্যে জ্ঞান মোক্ষের কারণ, অজ্ঞান কর্মভাগ আশ্রয় করিয়া থাকে। কর্ম্মভাগ উন্নত বা অবনত হইলে তদমুসারে উচ্চ নীচ লোক সকল প্রাপ্ত হইয়া, পুণ্য বা পাপক্ষয়ে পুনর্বার জীবের জন্ম পরিগ্রহ হইয়া থাকে। (২০) পুণ্যসঞ্চিত লোক ব্রহ্মলোক তুলনায় কতদূর স্থায়ী তাহা এবস্তৃত্ত দৃষ্টাস্তে প্রদর্শিত হইয়াছে।—দর্শণে, প্রতিবিম্বের ভ্যায় ইহলোকে বাস, স্বশ্নে দৃষ্ট বস্তুর স্থায় পিতৃলোকে, জলেতে প্রতিবিম্বের স্থায় গদ্ধর্ব লোকে, এবং সূর্য্যাতপ প্রতিভাসিত চিত্রফলকস্থ উজ্জ্বল মূর্ত্তির স্থায় বহ্মলোকে। কিন্তু ইহা বলিয়া কর্ম্মভাগ একেবারে পরিত্যাগ করা বিধি নহে। ব্রহ্মবিভা অধ্যয়ন গ্রহণের পূর্বের কর্মকাণ্ড ও গৃহধর্ম পালন ভূয়োভূয়ঃ বিধানিত হইয়াছে। (২১) প্রথমে

- ¶ Articulation, Cerimonials and Prosody.
- * * Science of spirits.
- † † Archery.
- 1 1 Science of Antidotes.
- § § Fine arts.

উপরে গৃহীত ইংরেজি নামগুলি বাবু রাজেক্রলাল মিত্রের অন্থবাদিত।

- (২০) পুনর্জন্ম কিরূপে হইয়া থাকে তাহা ছান্দোগ্যে ৫।১০ প্রদর্শিত হইয়াছে। ন্যুম্ম কর্মাম্বদারে ভিন্ন ভিন্ন দেবলোক পিতৃলোক বা নিরুষ্টলোকে কর্মফল ভোগ করিয়া, ভোগ শেষ হইলে, যজ্ঞপ পর্যায়ক্রমে গন্তব্য স্থানে গমন করিয়াছিল, প্রত্যাবর্ত্তনে তজ্ঞপ পর্যায়ের বিপরীত ভাবে নীত হইয়া আকাশে পতিত হয়। তথায় বায়ুদঙ্গে নিলিত হইয়া ধূমত্ব প্রাপ্ত হওত ছিন্ন মেঘের সহ মিশ্রিত হয়। অনন্তর ঘন মেঘের সহ লিপ্ত হইয়া জলধারা ক্রমে চাউল বা অপর কোন আহারীয় দ্রব্যে প্রবেশ করে। অনন্তর পূর্ব্ব কর্মাম্বদারে ব্রাহ্মণ ক্ষত্রিয় বা নিরুষ্ট জাতি বা অথম জীবজন্ত ছারা আহারিত হইয়া রেতরূপে পরিণত হয়। এবং স্ত্রীপুরুষ উভয় যোগে পুনর্ব্বার পৃথিবীতে নীত হইয়া থাকে। ভগবতী গীতাতেও উমা হিমালয়ের নিক্ট এতর্মর্শে মানবজন্ম তত্ত্ব কহিয়াছেন। পুনশ্চ যোগবাশিষ্ঠে ১।৩৯ ক্ষ্মীণ পুণােশ ইত্যাদি, পুণাক্ষয়ে পুনর্জন্ম প্রতিপাদিত হইয়াছে, রামায়ণেও সর্ব্বত্ত তৃক্রপ।
- (২১) মন্ত্রর বিধি মতেও ৬।০৬,০৭ "অধীত্য বিধিবছেদান্" ইত্যাদি। আগে কর্মকাণ্ড ও গৃহধর্ম সমাধা করিয়া মোক্ষ চেষ্টা করিবে, নতুবা নরকে গমন হয়। অনস্তর ৬।০৯-৪৮ "যো দন্ধা সর্ববভূতেভাঃ" ইত্যাদি, মোক্ষার্থী ব্যক্তির যেরপ আচরণ কর্ত্তব্য তৎপক্ষে বিধি দেওয়া হইয়াছে। যোগবাশিষ্টে মুমুক্ষ্ প্রকরণে (১১) সর্গে (০১,০২) কর্মকাণ্ড শেষ করিলে কাকতালীয়বৎ জীবের পরমাত্ম তন্ত্বে প্রবৃত্তি জল্মে। ভগবদগীতায় (০)৪) কর্মের দারা জ্ঞানলাভ করিয়া মোক্ষ চেষ্টা করিবে।

কর্দের দ্বারা অসৎ পথ পরিত্যাগ করণ, জিতেন্দ্রিয় হওন, এবং বৃদ্ধি বশীভূত করিয়া ব্রহ্মজ্ঞানসাধন করিতে হইবে। অনস্তর প্রাপ্তজ্ঞান ব্রহ্মবিদ কামনারহিত হইয়া,— যে হেতু ব্রহ্মজ্ঞান প্রাপ্ত হইলে আর কোন বস্তুতে কামনা থাকে না—সন্ন্যাস গ্রহণ করিয়া পরিব্রাজ্ঞক হইতে পারেন। (২২) অথবা নিদ্ধাম হইয়া অর্থাৎ কার্য্যের ফলবাঞ্চাশৃত্য হইয়া এবং সফল নিম্ফল এ উভয়েতেই সমান চিত্তপ্রসাদ যুক্ত হইয়া গৃহে অবস্থান পূর্বক তদমুযায়ী কার্য্যে রত থাকিতে পারেন।

নানা নাম ও আকার বিশিষ্ট নদী সমূহ পৃথক্ পৃথক্ বোধ হইলেও সমূদ্রে পতিত হইলে যেমন আর তাহার পৃথক্ত থাকে না, তত্তৎ অবিছাবদ্ধ আত্মা ও স্বভাবস্থ পরমাত্মায় সম্বন্ধ। একজন মায়াবন্ধনে কর্মফল বশে পুনঃ পুনঃ মৃহ্যমান্ এবং তন্নিমিত্ত হীনতা জনিত খেদবান্ হইতেছেন, অপর নির্লিপ্ত ভাবে সাক্ষ্য স্বরূপ তাহা দর্শন করিতেছেন। কিন্তু মুহুমান আত্মা যখন সেই সাক্ষ্য স্বরূপ আত্মার সহ আপনার একত্ব অবলোকন করিতে সমর্থ হয়, তখন সেই আত্মা মোহযুক্ত হইয়া আপন স্বাভাবিকী শ্রীধারণ করিয়া থাকে। কিন্তু কথিত হইয়াছে যে উহা কর্ম্মভাগ দ্বারা সাধিত হয় না। প্রমান্তা যথন বাল্পনোনেত্রকর্ণাদির অগোচর, তখন তাহাদিগের সাহায্যে তিনি প্রাপ্তব্য হইতে পারেন না। কেবল যাহাতে তাঁহার অস্তিত্ব উপলব্ধি করিতেছে তাহারই দ্বারা তিনি দৃষ্ট, এবং প্রাপ্ত হইতে পারেন অর্থাৎ স্বীয় দেহস্থ আত্মার পরমাত্মা সহ অভেদত্ব দর্শিত হয়। যখন জীবাত্মা নিষ্কাম হইয়া কেবল প্রমাত্মায় মনোনিবেশ করত আমিই অন্ন, আমিই অন্নের ভোক্তা, আমিই তাহার একীভূত কারণ, আমিই বিশ্বের আদিতে জন্মগ্রহণ করিয়াছি, দেবতাদিগের পূর্ব্ব হইতেও আমি অমৃতত্ব ভোগ করিতেছি, আমিই সেই সূর্য্যের ত্যায় তেজ্বসী, আমিই "ধর্মময়োহধর্মময়ঃ সর্ববময়ঃ" এইরূপ জ্ঞানযুক্ত হইয়া, পরমাত্মা সহ আপনার একত্ব অবলোকন করিয়া থাকে, সেই আত্মাই মায়া বন্ধন ছিন্ন করিয়া ব্রহ্মলোকে আনন্দধাম অধিকার করিয়া থাকে অর্থাৎ পরমানন্দময় ব্রহ্মে লীন হয় বা আপন স্বভাবস্থ হয়। তখন শরীরী অবস্থায় যত দিন জগৎ বাস হয়. আর

(২২) ভগবদগীতায় ৫।৩ সন্ধ্যাসীর স্বভাব এরূপ বর্ণিত হইয়াছে, "জ্ঞেয়ং স নিত্যঃ সন্ধ্যাসী যো ন দ্বেষ্টি নাকাজ্জতি। নির্দ্ধ নিদাহি মহাবাহো স্থথং বন্ধাৎ প্রমূচ্যতে।"

২।১৭,১৮ শ্লোকের যদিও কিঞ্চিৎ বিরোধী, তথাপি তৎপরে ও পূর্ব্বে জ্ঞানলাভ সত্ত্বেও কর্ম্বের আবশ্যকতা দেখান হইরাছে। ২।২৫ অজ্ঞানী যদ্ধপ কর্ম্বে রত থাকে, জ্ঞানীও তদ্ধপ লোকহিত, লোকসংগ্রহ এবং অজ্ঞান ব্যক্তিদিগকে প্রবৃত্তি প্রাদানার্থে নিদ্ধামভাবে কর্ম্বের অম্প্রান করিবেন।

তীর্থাদির আবশ্যক থাকে না, সে সকলই তাহার শরীরে বর্ত্তমান। (২৩) তখন তাহার পক্ষে পিতাও নাই, মাতাও নাই, পৃথিবী, দেবতা, বেদ কেহই ভিন্ন ভাব ধরে না, চোর চোর নহে, ব্রহ্মহা ব্রহ্মহা নহে, চণ্ডাল চণ্ডাল নহে, পাপ পুণ্য হইতে পৃথক্, যেহেতু তিনি তখন এই সকলের অতীত হয়েন, তিনি তখন পরমাত্মা আপন স্বভাবস্থ। (২৪) বেদান্ত ধর্ম্মের এই লক্ষ ফলই ছান্দোগ্যে পিতাকর্তৃক পুত্রের নিকট উক্ত হইয়াছে "এতদাত্মমিদং সর্ব্বং তৎসত্যং স আত্মা তত্ত্বমিস শ্বেতকেতো।"

বন্ধলোকের উচ্চতা ও ভাব বৃহৎ আরণ্যকে ৩।৬।১ গার্গী যাজ্ঞবন্ধ্য সংবাদে বর্ণিত হইয়াছে। গার্গী কর্তৃক জিজ্ঞাসিত হইয়া যাজ্ঞবন্ধ্য অন্তরীক্ষ, গন্ধর্ব, আদিত্য, চন্দ্র, নক্ষত্র, দেব, ইন্দ্র, প্রজ্ঞাপতি এই সকল লোকের ক্রমান্বয়ে অবলম্বন ও অবস্থান কথিত হইলে, পুনর্বার ব্রন্মলোকের অবস্থান ও অবলম্বন কিরূপ তাহা জিজ্ঞাসিত হইয়া, ভর্মনা সহকারে কহিলেন যে এরূপ অযথা প্রশ্ন বিধিবহিভূতি, এরূপ প্রশ্নে প্রশ্নকারিণীর মুগু নিপাত হইবার সম্ভাবনা। পুনশ্চ ছান্দোগ্যে ৮।৪।১-২ ব্রহ্মলোকের ভাব অতি চমৎকাররূপে বর্ণিত হইয়াছে। ঐ অংশ বাবু রাজ্বনারায়ণ বস্থুও আপন হিন্দুধর্মের শ্রেষ্ঠতা বিষয়ক পুস্তকে উদ্ধৃত করিয়াছেন। ঐ অংশ উদ্ধৃত করিব, কিন্তু আমার অপেক্ষা তাঁহার কৃত অসুবাদে অধিক মনোহারিত্ব বোধ হওয়ায় তাহাই উদ্ধৃত করিলাম। "এই আত্মার সেতুর এপারে দিনরাত্র নিয়মিত হইতেছে, ওপারে দিনও নাই রাত্রিও নাই, সুকৃতিও নাই তৃষ্কৃতিও নাই, ইহা পুণ্য জ্যোতিতে সদা পবিত্র রহিয়াছে। জীব ইহার ওপারে উত্তীর্ণ হইলে, যে অন্ধ সে অনন্ধ হয়, যে সংসারে ত্বংখক্রেশে বিদ্ধ সে অবিদ্ধ হয়, যে পাপ ও দোষে উপতাপী সে অনমুতাপী হয়। এই সেতুকে উত্তীর্ণ হইয়া রাত্রিদিনের সমান আলোক ধারণ করে। এই ব্রহ্মলোক, ইহার দিবালোক কখন অন্ত হয় না ; ইহা সদাই প্রকাশিত রহিয়াছে।"

(২০) যতীক্ত ভগবান্ শঙ্করাচার্য্য এই ভাব গ্রহণ করিয়াই বোধ হয় যতি পঞ্চকে কহিয়াছেন

> "কাশীক্ষেত্রং শরীরং ত্রিভূবন জননীব্যাপিনী জ্ঞানগঙ্গা ভক্তিশ্রদ্ধা গয়েয়ং নিজগুরুচরণ ধ্যানযুক্ত প্রয়াগাঃ। বিখেশোহয়ং তুরীয়ং সকলঞ্জানমনঃ সাক্ষি ভূতান্তরাত্মা, দেহে সর্ববং মদীয়ং যদি বসতি পুনন্তীর্থমন্তং কিমন্তি॥"

(২৪) এই ভাবে ভগবান শঙ্করাচার্য্যের নির্বাণ ষটকে

"নমৃত্যুর্নশঙ্কা ন মে জাতি ভেদাঃ।

পিতানৈব মে নৈব মাতা ন জন্ম॥

নবন্ধুর্নমিত্রং গুরুবর্নিব শিশ্ব,

শিচদানন্দরূপঃ শিবোহহং শিবোহহং॥"

ব্রহ্মানন্দের উৎকর্ষ প্রদর্শনার্থে কথিত হইয়াছে যে ধনশালী অপেক্ষা শিক্ষিতের আনন্দ শতগুণ, এইরপে উত্তরোত্তর গন্ধর্বভাবপ্রাপ্ত মন্ময়ের, দেবছ-ভাবপ্রাপ্ত গন্ধর্বের, পিতৃলোকের, দেবলোকের, ইন্দ্রলোকের, বৃহস্পতির ও প্রজাপতির যথাক্রমে শতগুণ অতিক্রম করিয়া আনন্দের উৎকর্ষ। ব্রহ্মানন্দ এ সকলের অভীত ও পরিমাণবিহীন। ব্রহ্মবিভাবিশারদ ব্যক্তি সেই আনন্দ লাভ করিয়া থাকেন।

যোগসাধনের প্রণালী শ্বেতাশ্বতর উপনিষদে (২৫) এরপে বর্ণিত হইয়াছে।—
যে গুহার বায় বৃক্ষ পল্লব ও জলের মনোহর শব্দ প্রবেশ করিয়া থাকে, যথা হইতে
কোন কুদৃশ্য দৃষ্টিপথে পতিত না হয়, তথা সমভূমি স্থানে শিলাখণ্ড প্রভৃতি পরিষ্কার
করিয়া যোগী অবস্থান পূর্বক বক্ষঃ গ্রীবা ও শরীরে অপর উর্দ্ধাংশ উন্নত রাখিয়া মনঃ
সংযম পূর্বক জিতকাম ও জিতেন্দ্রিয় হইয়া, নাসিকাগ্রে প্রাণবায়ুর প্রতি দৃষ্টি
রাখিয়া একাগ্রচিত্ত হইবে এবং 'ওম্' শব্দ দ্বারা যোগ সাধন করিবে। যোগী
যখন যোগে পরমাত্মাতত্ব লাভ করিবে, তখন সাংসারিক সুখ তৃঃখ পরাজয় করিয়া
ব্রহ্মানন্দ লাভে সমর্থ হইবে। (২৬)

ইহা বলা বাহুল্য যে পূর্ব্বোক্ত যোগশাস্ত্র, বাল্মীকির সাময়িক এবং তৎপূর্ব্ব হইতে প্রচলিত শ্রুভি গ্রন্থকলাপ ইইতে সঙ্কলিত। উহা অবৈতবাদ। সভ্যভার আদি প্রবর্ত্তক সাধারণতঃ ভারতীয় ও গ্রীসীয়দিগকে বলা গিয়া থাকে। উভয়েই মনুয়জাতিকে মনুয়পদে পদবিক্ষেপ কার্য্য শিক্ষা দিয়াছেন। এতহুভয়ের মধ্যে আবার আদি শিক্ষক ভারতীয়েরা। গ্রীসীয়দের মধ্যে যখন কেহ জল, কেহ বায়ু, কেহ অগ্নি, কেহ ক্ষিতি, অপ্, ভেজঃ ও মক্রতের সমাবেশ আদি কারণ বলিয়া বাগ্বিতণ্ডা করিতেছেন, যখন সভ্যের অন্ধুরোধে একজন জ্বগদ্গুরু মহাজ্ঞানীকে বিষপানে দেহপাত করিতে হইতেছে, ভারতীয়েরা ভাহার বহুপূর্ব্ব হইতেই নির্ব্ববাদে এবং পূজনীয়ভাবে মানবচিত্তের অতি উচ্চতম আকাজ্জা বহুল পরিমাণে পরিতৃপ্ত করিয়া বিশ্রাম সুখাভিলাষ ব্যক্ত করিতেছেন। তাঁহাদিগের প্রচারিত সেই শ্রুভিগ্রন্থকলাপ এতদ্র গাঢ়তা পরিপূর্ণ যে এ অল্পন্থানে ভাহার শতাংশের একাংশ পরিচয় দিয়াছি বলিলেও ধৃষ্টতা বোধ হয়। (২৭)

পুনক্ত যোগসাধন সম্বন্ধে পাতঞ্জল দর্শনের প্রথম পাদে দ্রষ্টব্য।

⁽২e) খেতাখতর অপেক্ষাকৃত অনেক আধুনিক।

⁽২৬) ব্রহ্মধ্যান সহস্কে কি কি উপায় এবং সেই সেই উপায়ের কি কি বিদ্ন তাহা বেদান্তসারের শেষভাগে ত্রপ্টব্য।

⁽২৭) বেদাস্কভাগের শ্রেষ্ঠতা বিষয়ে একজন বিখ্যাত বিজাতীয় পণ্ডিত এরূপ বলেন :—
"There are passages in these works, unequalled in any language for grandeur, boldness and simplicity." পুনশ্চ

[&]quot;These are the relics of a better age."-Max Muller.

ভারতীয় শাস্ত্র যিনিই পূর্ব্বাপর পর্য্যালোচনা করিয়াছেন, তিনিই দেখিয়াছেন ধে ভারতের ধর্মপ্রচারক কোন মনুয়বিশেষ নহে, প্রকৃতিমাতা স্বয়ং। জননী সস্তানকে স্বয়ং আপন ক্রোড়ে লালন পালন সময়ে বাক্যক্রুর্ত্তি করিতে निका দিয়াছেন। বাল্যকালে ভাহার অর্দ্ধকর্ট অমৃতময় ধ্বনি **শু**নিয়া **এবণাস্থ**ে ভাসিয়াছেন, যৌবনে যৌবনশ্রীসম্পন্ন ও উদ্ভিন্নজ্ঞানাঙ্কুর বদনে অর্দ্ধ জ্ঞান অর্দ চাপল্য উভয় মিপ্রিত মধুরবাক্য শুনিয়া স্নেহ্যাগরে ভাসিয়াছেন, অভাগিনী আশা করিয়াছিলেন সেই সন্থানকে তাহার প্রাচীনাবস্থায় সর্ববকৃতি দেখিয়া আপনার জন্মসার্থক করিবেন। কিন্তু অপরিণামদর্শিনী জননীর সীমাতিরিক্ত উৎসাহে, অপরিণামদর্শী যুবা উন্নতি কামনায় পশ্চাদগত সকলকে আরও পশ্চাতে রাখিতে গিয়া শ্রমক্লিপ্টতায় কাতর হইয়া নিজ্জীব হইয়া পড়িয়াছে, জননী অশ্রুবর্ষণ করিতেছেন। ঈশ্বর করুন সেই অশ্রু শীঘ্রই মোচন হয়।—আদিমকালে ভারতীয় আর্য্যেরা তাৎকালিকী চিত্তের অপ্রশস্ততা অনুসারে দর্শন মোহকর প্রাকৃতিক পদার্থ মালায় স্রত্নীর রূপ কল্পনা করিয়া ভক্তিমার্গ শিক্ষা করিয়াছেন। দ্বিভীয়কালে চিত্তের অপেক্ষাকৃত উন্মত্ত ভাবামুসারে উন্নততত্ত্ব আবিষ্কার পূর্ব্বক চিত্ততৃপ্তি সাধন করিয়াছেন। পুরাণ তম্বোক্ত ধর্ম অভিশয়তার ক্ষণিক কুপরিণাম মাত্র। কিন্তু যেখানে ঈশ্বরভক্তি এত প্রবল যে

> "বিদ্বোদপি গোবিন্দং দমঘোষাত্মজঃ স্মরন্। শিশুপালো গতঃ স্বর্গং কিংপুনন্তৎ পরায়ণঃ॥"

সেখানে যে কালে আরও উন্নত ধর্মতত্ত্ব উদ্ভাবিত হইবে ইহা আশা করা যাইতে পারে। মনুষ্মাত্রেরই স্থানয়ে ঈশ্বর ধর্মবীজ্ঞমাত্র নিহিত করিয়াছেন, দেশকালপাত্রভেদে অনুরূপ ফলোৎপাদন হইয়া থাকে।

এখন জিজ্ঞাস্ত যে যথায় চিস্তাশক্তি এতদূর উচ্চ গগনবিহারিণী, তথায় অদৈতবাদ এবং আমুষঙ্গিক মায়াবাদ, পুনর্জন্মতত্ত্ব এবং তদামুষঙ্গিক উৎকৃষ্ট বা অপকৃষ্ট লোকের অস্তিম্ব কোথা হইতে আসিল। যেখানে ঈশ্বরের স্বরূপতা সম্বন্ধে যতদূর উৎকৃষ্ট তত্ত্ব উদ্ভাবিত হওয়া সম্ভব তাহা প্রায় হইয়াছে, তথায় তাহার সঙ্গে সঙ্গে এগুলি দেখিলে সহজে চক্ষু ফিরাইত্বে পারা যায় না। ইহা বোধ হয় এরপে উদ্ভত।—

পূর্ব্বেই বলা হইয়াছে যে জ্ঞানকাণ্ড অপেক্ষা মন্ত্রভাগ অতি পুরাতন। পরবর্ত্তী আর্য্যেরা জ্ঞানতত্ব আবিষ্কারকালে যদিও বৈদিক স্বভাবোপাসনা অতিক্রম করিয়া উঠিয়াছিলেন, কিন্তু কালসহকারে তাঁহাদের এ সংস্কারও জ্বন্মিয়াছিল যে বেদ অপৌক্রষেয়। স্থৃতরাং তাঁহাদিগের উদ্ভাবিত তত্ত্বসহ প্রাচীন বেদভাগের সামঞ্জস্ত সাধন করা অবশ্য কর্ত্তব্য বোধ করিয়াছিলেন। তত্ত্বজ্ঞানালোচনার উদ্রেকে

তাঁহারা ভৌতিক পদার্থ মাত্রের পরিবর্ত্তন ও ক্ষণিকতা অবলোকন করিয়া সিদ্ধান্ত 'করিয়াছিলেন যে, যে সমস্ত এরপ তাহা কখন নিত্য পদার্থ হইতে পারে না, ভৌতিক পদার্থের সৃক্ষ হইতে যতই সৃক্ষ অমুসন্ধান করিলেন, ততই ঐ ভাব দৃঢ় বন্ধমূল হইয়া আসিল। কিন্তু সেই অনিত্য পদার্থনিচয়ের মধ্যে জীবাত্মা যদিও শরীরসহ দৃষ্টিপথ বহিভূতি হইয়া থাকেন, তথাপি ডাহাকে ক্ষণিক বলিতে সাহসী হইলেন না, যেহেতু বেদে জীবাত্মা অমৃতত্বময় বলিয়া কথিত। ঈশরের কামনা-জনিত স্প্র-বস্তু যদিও নিত্য নহে কিন্তু অমৃতত্বময় হইতে পারে, ইহা তাঁহারা না ধরিয়া, অমৃতত্ব অর্থে নিত্য ভাব গ্রহণ করিয়াছিলেন যেহেতু একাধারে অসীম এবং সসীমতা অসম্ভব বোধ করিয়া থাকিবেন। আত্মা নিত্য, জীব বছসংখ্যক, স্মুতরাং বহুসংখ্যকই নিত্য আত্মা, ঈশ্বর ব্যতীত যদি পুথক পুথক আত্মার এরূপ নিত্যতা স্বীকার করা যায়, তাহা হইলে ঈশ্বরে আরোপিত মহিমার ব্যতিক্রম ঘটিয়া উঠে, কিন্তু তাহা হইবার নহে, অতএব জীবাত্মা এবং পরমাত্মা উভয়ে একই পদার্থ। নিত্যবস্তু সম্বন্ধে এরূপ মীমাংসিত হইল বটে, কিন্তু পরিদৃশ্যমান অনিত্য বস্তু কোথায় যাইবে, এবং বেদে যে পুনর্জন্মতত্ত্ব ও ভিন্ন ভিন্ন লোকভোগ কথিত হইয়াছে তাহাও ত কখন মিধ্যা হইতে পারে না।—স্বতরাং অবিছা বা মায়াতব, এবং তাহার আমুষঙ্গিক কর্ম প্রয়োজন হইল, ও তৎসঙ্গে বৈদিক কর্মকাণ্ডেরও আবশ্যকতা রক্ষিত হইল। আর্য্যেরা এরূপ উভয় কুল রক্ষা করিতে গিয়া কথিতরূপ ভোগশাস্ত্রের সৃষ্টি করিয়াছিলেন।

এই মায়াবাদ এবং অবৈততত্ত্বের বেদভাগের শাসন পরিত্যাগ করিলে, কেবল যুক্তি-অনুসারী মায়াবাদতত্ব মাত্র অবশিষ্ট থাকে। বৃদ্ধ শাক্যসিংহ, যাঁহার যুক্তির উপর কেবল নির্ভর, বেদভাগ যাঁহার নিকট দ্বণিত, বোধ হয়, মায়াবাদ শ্রুতি হইতেই গ্রহণ করিয়াছিলেন, বস্তুতঃ মায়াবাদই বৌদ্ধ মত। কোন কোন পশুতিবিশেষ বিবেচনা করেন যে হিন্দুরা মায়াবাদ বৌদ্ধদিগের নিকট গ্রহণ করিয়াছেন, একথা তত প্রামাণিক বলিয়া বোধ হয় না, যেহেতু বেদান্ত ভাগে বুদ্ধের আবির্ভাবের বহুপুর্বের্ব উহা উদ্ভাবিত হইয়াছে।

অবৈতবাদ ভাল কি মন্দ তাহা জিজ্ঞাসিত হইলে, রামানুক্ত স্বামীর সহ একবাক্যে বলি যে "নিত্যং স্বয়ং জ্যোতিরনা বুতোহসাবতীব শুদ্ধো জ্বগদেক সাক্ষী।
জীবস্তু নৈবংবিধ এব তত্মাদভেদ বুক্ষোপরি বজ্পপাতঃ। ন্যস্তঃ গ্রীপরমেশ্বরস্ত কুপয়া চৈতক্সলেশস্থয়ি তং তত্মাৎ পরমেশ্বরঃ স্বয়মহো নায়াতি বক্তুং শঠ।"
অবৈতবাদ পরবর্ত্তী দোষবিশেষের হেতু বলিয়া কেহ কেহ নির্দেশ করিয়াছেন এবং
আদর্শস্বরূপ ব্রজপুরে কুষ্ণের যথেচ্ছা বিহার এবং আধুনিক গোঁসাইদিগের
অত্যাচার প্রদর্শিত হইয়াছে, অর্থাৎ সর্বব্জীব কুষ্ণময় বলিয়া সেই সেই কার্য্য নির্দ্দোষ এবং ধর্মসঙ্গত বলিয়া উদ্ভূত ও গৃহীত হইয়াছে। হিন্দুশাল্রের কর্দমভাগ মাত্র যাহাদের আদর্শ এবং সমাজের অপকৃষ্ট অংশমাত্র যাহারা অবলোকন করিয়াছে, ভাহারাই ঐরপ দোষ সামাজিক সর্ব্ববস্তুতে আরোপ করিয়া থাকে। অবৈর্ভবাদ হইতে অনেক দোষ উৎপত্তি হইয়াছে ভাহা স্বীকার্য্য; আলোক এবং অন্ধকার পরস্পর বিরোধী হইলেও একাধারে থাকে, ও ভাহার কখন অন্যথা হয় না; সেই অন্ধকার আপন নির্দ্দিষ্ট সীমা অভিক্রম করিয়া আলোকের অধিকৃত স্থান এবং ক্রেমান্বয়ে ভাহার মূলভাগ পর্যান্ত অধিকার করিয়াছে কি না, যদি না করিয়া থাকে সে অন্ধকার অনিষ্টজনক নহে। প্রীষ্টধর্ম্মূলআশ্রায়ে পোপীয় ধর্ম যদ্রেপ, এবং পোপদিগের মধ্যে যন্ত্র আলেকজণ্ডার যদ্রেপ, বৈদিক অদৈতবাদের সহ কৃষ্ণের ব্রজ্ব-বিহারের বর্ণনভাগের নিকৃষ্ট অংশ ও আধুনিক গোঁসাইজীর সেই সম্বন্ধ। কৃষ্ণ-প্রণায় ও ভক্তি সম্বন্ধে উৎকৃষ্ট ভাবও যদৃচ্ছা দৃষ্টি করিলে প্রাপ্ত হওয়া যায়, যদৃচ্ছা উল্লেখ যথা—

"তচিস্তাবিপুলাহলাদ ক্ষীণপুণ্যচয়াসতী। তদপ্রাপ্তিমহাদুঃখ বিলীনাশেষপাতকা॥১৪ চিস্তয়ন্তী জগৎস্থতিং পরব্রহ্ম স্বরাপিণম্। নিক্লছ্ণাসতয়া মৃক্তিং গতান্তা গোপকন্তকা॥"১৫

বিষ্ণুপুরাণ ৫।১৩

পুনশ্চ মহাভারতে শাস্তিপর্ব্বে ৩৪৬ অগ্যায়ে
''সমাহিত মনস্বাস্ত নিয়তাঃ সংযতেক্রিয়াঃ।
একাস্তভাবোপগতা বাস্থদেবং বিশস্তি তে॥''

পরবর্ত্তী দার্শনিকদিগের দ্বারা অদৈতবাদ যুক্তিসহকারে বারম্বার দূষিত হইলে, বেদাস্কভাগ-পরায়ণ ব্যক্তিগণ পূর্ববাপর সংযোগ বিহীন করিয়া শ্রুতির খণ্ড-শ্রোকসমূহ উদ্ধৃতপূর্বক শ্রুতির দৈতমত প্রতিপাদন করিয়া, অদ্বৈতবাদিতার দোষ সেই অদিতীয় এবং অসাধারণ ব্যক্তি শঙ্করাচার্য্যের উপর আরোপ করিয়া থাকেন। ইহা কেবল শ্রুতির মান অযথাভাবে রক্ষার্থে হইয়াছে। পুরাণ-বিশেষেও উক্তরূপ উপায়ে—যদিও শঙ্করের উপর দোষ চাপাইয়া না হউক—অদৈতবাদকে দৃষিয়াছে, যথা পদ্মে—

"বেদার্থবন্মহাশাস্ত্রং মায়াবাদমবৈদিকং। ময়ৈব কথিতং দেবি জগতাং নাশকারণম্॥"

শঙ্করাচার্য্য আরও নূতন নূতন যুক্তির দারা অদৈতবাদের সম্প্রসারণ করিয়া-ছেন মাত্র। শঙ্করের পর হইতেই বেদাস্তধর্ম গ্রহণ করিলেই সন্ন্যাসধর্ম ভিন্ন গত্যস্তর নাই, এই রীতি, কিন্তু প্রাচীনকালে তাহা ছিল না। এ বিষয় পুর্বেই একবার

উক্ত হইয়াছে যে উহা সাধকের ইচ্ছাধীন ছিল। সন্মাসভাবে ইচ্ছা কদাচিৎ কাহার হইড, এবং অধিকাংশ গৃহস্থ আশ্রমে থাকিডেন বা সময়কালে ভৎকার্য্য অমুষ্ঠানে ৰিমুখ ছিলেন না। রামায়ণে ১।৩০ "উর্দ্ধ রেডা: ওভাচারো ত্রাহ্মং তপ উপাপমৎ" ও, ন লক্ষাসমূদিতা বাহ্ম্যা বক্ষভূতো মহাতপা:।" চূলী নামক জনৈক বক্ষৰ্ষি সোমদা নামক গন্ধৰ্বকন্তা কৰ্তৃক প্ৰাৰ্থিত হইয়া তাহাকে ব্ৰহ্মদন্ত নামে পুত্ৰ প্ৰদান করিয়াছিলেন। এইরূপ সেই প্রাচীন কালের যে কোন বন্ধর্ষির নাম শুনিতে পাওয়া যায়, সকলেই গৃহধর্মযুক্ত। ব্রহ্মর্ষিদিগের অলোকিক কার্য্য সম্পাদনের ক্ষমতা রামায়ণ ও তদ্রপ অক্যান্ত প্রাচীন ও আধুনিক গ্রন্থে কথিত হইয়াছে, যদি এরপ প্রাচীন ও আধুনিক গ্রন্থে কথিত না থাকিত তবে কাব্যে কাব্যাংশ বলিয়া ধরা যাইতে পারিত। কিন্তু তাহা নহে। এ বিশ্বাস বোধ হয় এরূপে উৎপন্ন হইয়াছে।—যোগশান্ত্রের যেরূপ প্রকৃতি এবং সাধনের উপায় যেরূপ, তাহাতে সিদ্ধ হওয়া মহুয়ের সাধ্যাতীত, যাহা মহুয়ের সাধ্যাতীত তাহা স্থুল বৃদ্ধিতে অসাধারণ ও অলোকিক, অসাধারণ ও অলোকিক হইলেই তাহার তদ্বৎ ক্ষমতা আছে, এবং যে সিদ্ধ হইবে সে সেই ক্ষমতা প্রাপ্ত হইবে। কিন্তু কেহ সিদ্ধও হয় নাই, বিশ্বাস্ত বিষয়ও আকাশ-কুসুমবৎ রহিয়া গিয়াছে। যদি বা কেহ কোন ঘটনাক্রমে সিদ্ধ বলিয়া পরিচিত হইতেন, তপোবলক্ষয়রূপ পরিণাম হেতু তাঁহারা সেই অলৌকিক ক্ষমতা প্রদর্শন করিতেন না, এইরূপ কল্পিত হেতু দ্বারা বিশ্বাস অচল থাকিত। বর্ত্তমান সন্ম্যাসীদিগের অলৌকিক ক্ষমতায় সাধারণের যেরূপ বিশ্বাস তাহা উপর্যুক্ত বাক্যের সহ তুলনা করিলেই প্রতীত হইবে। এ জগতে বিশ্বাস এইরূপ।—ইতি যোগশান্ত।

প্রস্তাব অসমাপ্ত।

প্রীপ্রফুল্লচন্দ্র বন্দ্যোপাধ্যায়।



সপ্তম পরিচ্ছেদ

রালাল, জগন্ধাথের ঘাটে গিয়া নৌকা করিল। রাত্রিকালে দক্ষিণা বাতাসে পাল দিল। সে বলিল তাহাদের পিত্রালয় হুগলী। আমি তাহা জিজ্ঞাসা করিতে ভুলিয়া গিয়াছিলাম।

পথে হীরালাল বলিল, "গোপালের সঙ্গে তোমার বিবাহ ত হইবে না—
আমায় বিবাহ কর।" আমি বলিলাম "না।", হীরালাল বিচার আরম্ভ করিল।
ভাহার যত্ন যে বিচারের দ্বারা প্রতিপন্ন করে যে, তাহার স্থায় সংপাত্র পৃথিবীতে
হুর্লভ; আমার স্থায় কুপাত্রীও পৃথিবীতে হুর্লভ। আমি উভয়ই স্বীকার করিলাম
—তথাপি বলিলাম যে "না, তোমাকে বিবাহ করিব না।"

তথন হীরালাল বড় ক্রুদ্ধ হইল। বলিল, "কাণাকে কে বিবাহ করিতে চাহে।" এই বলিয়া নীরব হইল। উভয়ে নীরবে রহিলাম—এইরপে রাত্রি কাটিতে লাগিল।

ভাহার পরে, শেষ রাত্রে, হীরালাল অকস্মাৎ মাঝিদিগকে বলিল, "এইখানে ভিড়ো।" মাঝিরা নৌকা লাগাইল—নৌকাতলে ভূমিস্পর্শের শব্দ শুনিলাম। হীরালাল আমাকে বলিল "নাম—আসিয়াছি।"—সে আমার হাত ধরিয়া নামাইল। আমি কূলে দাঁড়াইলাম।

তাহার পরে, শব্দ শুনিলাম, যেন হীরালাল আবার নৌকায় উঠিল। মাঝিদিগকে বলিল "দে নৌকা খুলিয়া দে।" আমি বলিলাম, "সে কি ? আমাকে নামাইয়া দিয়া নৌকা খুলিয়া দাও কেন ?"

হীরালাল বলিল, "আপনার পথ আপনি দেখ।" মাঝিরা নৌকা খুলিতে লাগিল—দাঁভ্রে শব্দ শুনিলাম। আমি তখন কাতর হইয়া বলিলাম, "তোমার পায়ে পড়ি! আমি অন্ধ—যদি একাস্তই আমাকে ফেলিয়া যাইবে, তবে কাহারও বাড়ী পর্যান্ত আমাকে রাখিয়া দিয়া যাও। আমি ত এখানে কখনও আসি নাই—এখানকার পথ চিনিব কি প্রকারে ?"

হীরালাল বলিল, "আমাকে বিবাহ করিতে সম্মত আছ ?"

আমার কারা আসিল। ক্ষণেক রোদন করিলাম; রাগে হীরালালকে বলিলাম, "তুমি যাও, ভোমার কাছে কোন উপকারও পাইতে নাই—রাত্র প্রভাত হইলে ভোমার অপেক্ষা দয়ালু শত শত লোকের সাক্ষাৎ পাইব। তাহারা অন্ধের প্রতি ভোমার অপেক্ষা দয়া করিবে।"

হী। দেখা পেলে ত ? এ যে চড়া! চারিদিকে জল। আমাকে বিবাহ করিবে ? •

হীরালালের নৌকা তখন কিছু বাহিরে গিয়াছিল। প্রবণশক্তি আমার জীবনাবলম্বন—প্রবণেই আমার চক্ষের কাজ করে। কেহ কথা কহিলে—কত দূরে, কোন্ দিকে কথা কহিতেছে তাহা অমুভব করিতে পারি। হীরালাল কোন্ দিক্, কতদূরে থাকিয়া কথা কহিল, তাহা মনে মনে অমুভব করিয়া, জলে নামিয়া সেইদিগে ছুটিলাম—ইচ্ছা নৌকা ধরিব। গলাজল অবধি নামিলাম। নৌকা পাইলাম না। নৌকা আরও বেশী জলে। নৌকা ধরিতে গেলে ডুবিয়া মরিব। কাতর হইয়া বলিলাম, "বাব্, আমার কি উপায় করিবে না? আমাকে কি এইখানে মরিতে হইবে ?"

হীরালাল বলিল, "আমাকে অন্ত বিবাহ কর।" কাতরে জিজ্ঞাসা করিলাম, "তুমি অন্ধ ভার্য্যা লইয়া কি করিবে ?"

হীরালাল বলিল, "বাবৃদিগের টাকাগুলি গণিয়া লইব। তার পরে, তোমায় পরিত্যাগ করিব। তখন তুমি অস্তকে ভঙ্গনা করিতে পারিবে; আমি কিছু বলিব না।"

আর সহা হইল না। তালের লাঠি তখনও হাতে ছিল। আবার ঠিক করিয়া শব্দামুভব করিয়া বুঝিলাম হীরালাল এই দিকে, এতদূর হইতে কথা কহিতেছে। পিছু হটিয়া, কোমর জলে উঠিয়া, শব্দের স্থানামুভব করিয়া, সবলে সেই তালের লাঠি নিক্ষেপ করিলাম।

চীৎকার করিয়া হীরালাল নৌকার উপর পড়িয়া গেল। "খুন হইয়াছে, খুন হইয়াছে!" বলিয়া মাঝিরা নৌকা খুলিয়া দিল। বাস্তবিক—সেই পাপিষ্ঠ খুন হয় নাই। তখনই তাহার মধুর কণ্ঠ শুনিতে পাইলাম—নৌকা বাহিয়া চলিল—সে উচ্চৈঃস্বরে আমাকে গালি দিতে দিতে চলিল—অতি কদর্য্য, অপ্রাব্য ভাষায় পবিত্রা গঙ্গা কলুষিত করিতে করিতে চলিল। আমি স্পষ্ট শুনিতে পাইলাম যে সে শাসাইতে লাগিল যে, আবার খবরের কাগজ্ঞ করিয়া, আমার নামে আর্টিকেল লিখিবে। আমি একটু ভীত হইলাম—কেন না আর্টিকেল কাহাকে বলে, তাহা তখন জ্ঞানিতাম না; মনে করিলাম কোন পৈশাচিক মন্ত্র তন্ত্র হইবে.

তাহার বলে আমি এই চরে মরিয়া, পচিয়া, পড়িয়া থাকিব—শৃগাল শক্নিতে আমাকে ভক্ষণ করিবে। এখন শুনিয়াছি, তাহা নহে; হীরালাল যে আশ্চর্য্যভাষায় তংকালে গঙ্গা পবিত্র করিতে ছিল, তাহারই অমুবাদ বিশেষকে আর্টিকেল বলে।

অন্তম পরিচ্ছেদ

সেই জনহীনা রাত্রিতে, আমি অন্ধ যুবতী, একা সেই দ্বীপে দাঁড়াইয়া, গঙ্গার কল কল জলকলোল শুনিতে লাগিলাম।

হায়, মাছ্র্যের জীবন! কি অসার তুই। কেন আসিস্—কেন থাকিস্, কেন যাস্! এ ছংখয়য় জীবন কেন! ভাবিলে জ্ঞান থাকে না। শৃচীক্র্রবাব্ একদিন ভাঁহার মাতাকে ব্রাইতেছিলেন, সকলই নিয়মাধীন। মাছ্র্যের এই জীবন কি কেবল সেই নিয়মের ফল! যে নিয়মে ফ্ল ফুটে, মেঘ ছুটে, চাঁদ উঠে,—যে নিয়মে জলবৃদ্ধুদে, ভাসে, হাসে, মিলায়, যে নিয়মে ধূল৷ উড়ে, তৃণ পুড়ে, পাতা খসে, সেই নিয়মেই কি এই স্বখতৃংখয়য় ময়য়-জীবন আরক্ষ, সম্পূর্ণ, বিলীন হয়! যে নিয়মের অধীন হইয়া এ° নদীগর্ভন্থ কৃত্তীর শিকারের সন্ধান করিতেছে—যে নিয়মের অধীন হইয়া এই চরে ক্ষুদ্র কীটসকল অন্য কীটের সন্ধান করিয়া বেড়াইতেছে, সেই নিয়মের অধীন হইয়া আমি শচীক্রের জন্ম প্রাণত্যাগ করিতে বিসয়াছি! ধিক প্রাণত্যাগে! ধিক প্রণয়ে, ধিক ময়য় ভীবনে! কেন এই গঙ্গাজ্বলে ইহা পরিত্যাগ করি না!

জীবন অসার—স্থুখ নাই বলিয়া অসার, তাহা নহে। শিমুল গাছে শিমুল ফুলই ফুটিবে, তাহা বলিয়া তাহাকে অসার বলিব না। হংখময় জীবনে হংখ আছে বলিয়া তাহাকে অসার বলিব না। কিন্তু অসার বলি এইজন্ম, যে হংখই হংখের পরিণাম—তাহার পর আর কিছু নাই। আমার মর্মের হংখ, আমি একা ভোগ করিলাম, আর কেহ জানিল না—আর কেহ ব্বিল না—হংখ প্রকাশের ভাষা নাই বলিয়া তাহা বলিতে পারিলাম না; শ্রোতা নাই বলিয়া তাহা ক্রিটে পারিলাম না। একটি শিমুল বৃক্ষ হইতে সহস্র শিমুল বৃক্ষ হইতে পারিবে কিন্তু তোমার হংখে আর কয়জনের হংখ হইবে। পরের অন্তঃকরণ মধ্যে পরে প্রবেশ করিতে পারে, এমন কয়জন পর পৃথিবীতে জপ্মিয়াছে? পৃথিবীতে কে এমন জপ্মিয়াছে যে, অন্ধ পুষ্পানারীর হংখ ব্যো! কে এমন জপ্মিয়াছে যে এ ক্ষুল হাদয়ে, প্রতি কথায়, প্রতি শব্দে, প্রতি বর্ণে, কত সুখ হংখের তরক্ষ উঠে, তাহা ব্যিতে পারে ? পুখ হংখ! ইা স্থাও আছে। যখন চৈত্রমাসে, ফুলের বোঝার সক্ষে সম্বে মৌমাছি ছুটিয়া

আমাদের গৃহমধ্যে প্রবেশ করিত, তখন সে শব্দের সঙ্গে আমার কত সুখ উছলিত, কে বুঝিত ? যখন গীতব্যবসায়িনীর অট্টালিকা হইতে বাছানিকান, সান্ধ্যসমীরণে কর্ণে আসিত, তখন আমার সুখ কে বুঝিয়াছে ?—যখন বামাচরণের আধ আধ কথা ফুটিয়াছিল—জ্বল বলিতে "ত" বলিত, কাপড় বলিতে "খাব" বলিত, রজনী বলিতে "জুঞ্জি" বলিত, তখন আমার মনে কত সুখ উছলিত তাহা কে বুঝিয়াছিল ? আমার ছংখই বা কে বুঝিবে ? অন্ধের রূপোন্মাদ কে বুঝিবে ? না দেখায় থে ছংখ তাহা কে বুঝিবে ? বুঝিলেও বুঝিতে পারে, কিন্তু ছংখ যে কখন প্রকাশ করিতে পারিলাম না, এ ছংখ কে বুঝিবে ? পৃথিবীতে যে ছংখের ভাষা নাই, এ ছংখ কে বুঝিবে ? ছোট মুখে বড় কথা তোমরা ভালবাস না, ছোট ভাষায় বড় ছংখ কি প্রকাশ করা যায় ? এমনই ছংখ যে, আমার যে কি ছংখ তাহাতে ছাদয় ধ্বংস হইলেও, সকলটা আপনি মনে ভাবিয়া আনিতে পারি না।

মন্থ্য ভাষাতে তেমন কথা নাই—মন্থ্যের তেমন চিন্তাশক্তি নাই। ছংখ ভোগ করি—কিন্তু ছংখটা বৃঝিয়া উঠিতে পারি না। আমার কি ছংখ ? কি তাহা জ্ঞানি না, কিন্তু ছাদয় ফাটিয়া যাইতেছে। সর্বদা দেখিতে পাইবে যে, তোমার দেহ শীর্ণ হইতেছে, বল অপহাত হইতৈছে, কিন্তু তোমার শারীরিক রোগ কি তাহা জ্ঞানিতে পারিতেছ না। তেমনি অনেক সময়ে দেখিবে যে, ছংখে তোমার বক্ষ বিদীর্ণ হইতেছে, প্রাণ বাহির করিয়া দিয়া, শৃক্তমার্গে পাঠাইতে ইচ্ছা করিতেছে—কিন্তু কি ছংখ তাহা আপনি বৃঝিতে পারিতেছ না। আপনি বৃঝিতে পারিতেছ না—পরে বৃঝিবে কি ? ইহা কি সামান্ত ছংখ ? সাধ করিয়া বলি জীবন অসার!

যে জীবন এমন হঃখময়, তাহার রক্ষার জ্বন্য এত ভয় পাইতেছিলাম কেন ? আমি কেন ইহা ত্যাগ করি না ? এই ত ক লনাদিনীগঙ্গাতরঙ্গমধ্যে দাঁড়াইয়া আছি — আর হুই পা অগ্রসর হইলেই মরিতে পারি। না মরি কেন ? এজীবন রাখিয়া কি ইইবে ? মরিব !

আমি কেন জন্মিলাম ? কেন অন্ধ হইলাম ? জন্মিলাম ত, শচীক্সের যোগ্য হইরা জন্মিলাম না কেন ? শচীক্সের যোগ্য না হইলাম, তবে শচীক্সকে ভাল বাসিলাম কেন ? ভালবাসিলাম তবে তাঁহার কাছে রহিতে পারিলাম না কেন ? কিসের জন্ম শচীক্রকে ভাবিয়া, গৃহত্যাগ করিতে হইল ? নিঃসহায় অন্ধ, গঙ্গার চরে মরিতে আসিলাম কেন ? কেন বানের মুখে কুটার মত, সংসার স্রোতে, অজ্ঞাত পথে ভাসিয়া চলিলাম ? এ সংসারে অনেক তৃঃখী আছে, আমি সর্ব্বাপেক্ষা তৃঃখী কেন ? এসকল কাহার খেলা ? দেবতার ? জীবের এত কপ্টে দেবতার কি সুখ ? কপ্ট দিবার জন্ম স্তিই করিয়া কি সুখ ? মৃত্তিমতী নির্দিয়তাকে কেন দেবতা বলিব ? কেন নিষ্টুরতার পূজা ক্রিব ? মামুষের এত ভয়ানক তৃঃখ কখন দেবকৃত নহে—তাহা

হুইলে দেবতা রাক্ষসের অপেক্ষা সহস্রগুণে নিকৃষ্ট। তবে কি আমার কর্মফল? কোন পাপে আমি জন্মান্ধ ?

ছই এক পা করিয়া অগ্রসর হইতে লাগিলাম—মরিব। গঙ্গার তরঙ্গরব কাণে বাজিতে লাগিল—বুঝি মরা হইল না—আমি মিষ্টগবদ বড় ভালবাসি! না, মরিব। চিবুক ডুবিল। অধর ডুবিল! আর একটু মাত্র। নাসিকা ডুবিল! চক্ষু ডুবিল। আমি ডুবিলাম!

ডুবিলাম, কিন্তু মরিলাম না। কিন্তু এ যন্ত্রণাময় জীবনচরিভ, আর বলিতে সাধ করে না। আর একজন বলিবে।

মরিলেই ভাল হইত। তাহার পরে, জীবন পাইয়া যে ভয়ানক কথা শুনিলাম, তাহা শুনার অপেক্ষা, মরাই ভাল ছিল। একদিন শুনিতে হইল যে, হীরালাল কলিকাতায় গিয়া শচীন্দ্রের সাক্ষাতে বলিয়াছিল যে আমি তাহার প্রণয়ের বশবর্তিনী হইয়া কুলত্যাগ করিয়া গিয়াছিলাম।

আমি সেই প্রভাতবায়্তাড়িত গঙ্গাজলপ্রবাহমধ্যে নিমগ্ন হইয়া ভাসিতে ভাসিতে চলিলাম। ক্রমে শ্বাস নিশ্চেষ্ট, চেতনা বিনষ্ট হইয়া আসিল।

দ্বিতীয় খণ্ড

(শচীন্দ্ৰ বক্তা)

প্রথম পরিচ্ছেদ

এ ভার আমার প্রতি হইয়াছে—রন্ধনীর জীবনচরিতের এ অংশ আমাকে লিখিতে হইবে। লিখিব।

আমি রজনীর বিবাহের সকল উদ্ভোগ করিয়াছিলাম—বিবাহের দিন প্রাতে শুনিলাম যে রজনী পলাইয়াছে, তাহাকে আর পাওয়া যায় না। তাহার অনেক অমুসন্ধান করিলাম, পাইলাম না। কেহ বলিল, সে ভ্রষ্টা। আমি বিশ্বাস করিলাম না। আমি তাহাকে অনেকবার দেখিয়াছিলাম—শপথ করিতে পারি সে কখন ভ্রষ্টা হইতে পারে না। তবে ইহা হইত্বে, পারে যে সে কুমারী, কৌমর্য্যাবস্থাতেই কাহারও প্রণয়াসক্ত হইয়া, বিবাহাশদ্বায় গৃহত্যাগ করিয়াছে। কিন্তু ইহাতেও ছ্টি আপত্তি; প্রথম, যে অন্ধ, সে কি প্রকারে সাহস করিয়া আঞ্রয় ত্যাগ করিয়া যাইবে ? দ্বিতীয়তঃ, যে অন্ধ সে কি প্রণয়াসক্ত হইতে পারে ? মনে করিলাম, কদাচ না। কেহ হাসিও না, আমার মত গশুম্থ অনেক আছে। আমরা খান ছ্ই তিন বহি পড়িয়া, মনে করি জগতের চেতনাচেতনের গুঢ়াদপিগৃঢ়তত্ব সকলই নখদর্পণ করিয়া ফেলিয়াছি, যাহা আমাদের বৃদ্ধিতে ধরে না, তাহা বিশ্বাস করি না।

ঈশ্বর মানি না, কেননা আমাদের কুজ বিচারশক্তিতে সে বৃহত্তত্ত্বের মীমাংসা করিয়া উঠিতে পারি না। অন্ধের রূপোন্মাদ কি প্রকারে বৃঝিব ?

সন্ধান করিতে করিতে জানিলাম, যে রাত্র হইতে রজনী অদৃশ্য হইয়াছে, সেই রাত্র হইতে হীরালালও অদৃশ্য হইয়াছে। সকলে বলিতে লাগিল, হীরালালের সঙ্গে সে কুলত্যাগ করিয়া গিয়াছে। অগত্যা আমি এই সিদ্ধান্ত করিলাম যে, হীরালাল রজনীকে ফাঁকি দিয়া লইয়া গিয়াছে! রজনী পরমা স্বন্দরী; কাণা হউক, এমন লোক নাই, যে তাহার রূপে মৃশ্ধ হইবে না। হীরালাল তাহার রূপে মৃশ্ধ হইয়া তাহাকে বঞ্চনা করিয়া লইয়া গিয়াছে। অন্ধকে বঞ্চনা করা বড় স্ব্সাধ্য।

কিছুদিন পরে হীরালাল দেখা দিল। আমি তাহাকে বলিলাম, "তুমি রজনীর সংবাদ জান ?" সে বলিল "জানি।" আমি জিজ্ঞাসা করিলাম "কোথায় সে ?" সে বলিল, "জানিলে আমি বলিব কেন ?" সে কিছু সন্ধান বলিল না, কিছু একপ্রকার বলিল যে, রজনী তাহার প্রতি অনুরক্তা হইয়া, তাহার সঙ্গে কুলত্যাগ করিয়া গিয়াছে।

কি করিব। নালিশ, ফরিয়াদ হইতে পারে না। আমার দাদাকে বলিলাম। দাদা বলিলেন, "রাস্কেলকে মার।" আমারও সেই ইচ্ছা। কিন্তু আমার একটু সন্দেহ ছিল। আমার মধ্যে মধ্যে বোধ হইতেছিল, হীরালালের সকল কথাই মিথ্যা। কেবল বড়াই। হীরালালও ইঙ্গিতে ভিন্ন স্পষ্ট কিছু বলে নাই। আমি সম্বাদপত্রে বিজ্ঞাপন দিতে আরম্ভ করিলাম। যে রজনীর সন্ধান দিবে, তাহাকে অর্থ পুরন্ধার দিব, ঘোষণা করিলাম। কিছু ফল ফলিল না।

দ্বিতীয় পরিচ্ছেদ

রজনী জ্ব্মান্ধ, কিন্তু তাহার চক্ষ্ দেখিলে অন্ধ বলিয়া বোধ হয় না। চক্ষে দেখিতে কোন দোষ নাই। চক্ষ্ বৃহৎ, স্থনীল, ভ্রমরকৃষ্ণ তারাবিশিষ্ট। অতি স্থলর চক্ষ্য—কিন্তু কটাক্ষ নাই। চাক্ষ্য স্বায়্র দোষে অন্ধ। স্বায়্র নিশ্চেষ্টতা বশতঃ রেটিনাস্থিত প্রতিবিশ্ব মস্তিকে গৃহীত হয় না। রজনী সর্ব্বাঙ্গস্থলরী; বর্ণ উদ্ভেদ-প্রমুখ নিতান্ত নবীন কদলীপত্রের স্থায় গৌর; গঠন, বর্ধাজ্ঞলপূর্ণ তরঙ্গিনীর স্থায় সম্পূর্ণতা প্রাপ্ত; মুখকান্তি গন্তীর; গতি অঙ্গভঙ্গী সকল, মৃত্, স্থির, এবং অন্ধতা বশতঃ সর্ব্বদা সঙ্কোচজ্ঞাপক; হাস্ত, তৃঃখময়। সচরাচর, এই স্থিরপ্রকৃতি স্থলর শরীরে, সেই কটাক্ষহীন দৃষ্টি দেখিয়া কোন ভাস্কর্য্যপট্ট শিল্পকরের যত্মনির্দিত প্রস্তরময়ী স্ত্রীমূর্ত্তি বলিয়া বোধ হইত।

রজনীকে প্রথম দেখিয়াই আমার বিশ্বাস হইয়াছিল যে, এই সৌন্দর্য্য অনিন্দনীয় হইলেও মুগ্ধকর নছে। হীরালালের কিরূপ মন বলিতে পারি না, কিন্তু সে বিশ্বাস আমার আঞ্চিও আছে। রক্ষনী রূপবতী, কিন্তু তাহার রূপ দেখিয়া কেহ কখন পাগল হইবে না। তাহার চক্ষের সে মোহিনী গতি নাই। সৌন্দর্য্য দেখিয়া লোকে প্রশংসা করিবে; বোধ হয়, সে মূর্ণ্ডি সহজে ভুলিবেও না, কেননা সে স্থির, গন্তীর কান্তির একটু অন্তুত আকর্ষণী শক্তি আছে, কিন্তু সেই আকর্ষণ অন্তবিধ; ইন্দ্রিয়ের সঙ্গে তাহার কোন সম্বন্ধ নাই। যাহাকে "পঞ্চবাণ" বলে, রজনীর রূপের সঙ্গে তাহার কোন সম্বন্ধ নাই।

দে যাহাই হউক—আমি মধ্যে মধ্যে চিন্তা করিতাম—রক্তনীর দশা কি হইবে ? দে ইতরলোকের কন্তা, কিন্তু তাহাকে দেখিয়াই বোধ হয় যে, দে ইতর প্রকৃতিবিশিষ্টা নহে। ইতরলোক ভিন্ন, তাহার অক্তত্র বিবাহের সম্ভাবনা নাই। ইতরলোকের সঙ্গেও এতকালে বিবাহ ঘটে নাই। দরিজের ভার্য্যা গৃহকর্মের জন্তা, যে ভার্য্যার অন্ধতানিবন্ধন গৃহকর্মের সাহায্য হইবে না—তাহাকে কোন্দরিজ বিবাহ করিবে ? কিন্তু ইতরলোক ভিন্ন এই ইতরবৃত্তিপরায়ণ কায়স্থের কন্তা কে বিবাহ করিবে ? তাহাতে আবার এ অন্ধ। এরপ স্বামীর সহবাদেরজনীর হুংখ ভিন্ন স্থাবন নাই। হুন্ছেছ্য কন্টককাননমধ্যে যত্নপালনীয় উত্যানপুষ্পের জন্মের স্থায়, এই রজনীর পুষ্পবিক্রেতার গৃহে জন্ম ঘটিয়াছে। কন্টকাবৃত্ত হইয়াই ইহাকে মরিতে হইবে। তবে আমি গোপালের সঙ্গে ইহার বিবাহ দিবার জন্ম এত ব্যস্ত কেন ? ঠিক জানি না। তবে ছোট মার দৌরাজ্যা বড়, তাঁহারই উত্তেজনাতে ইহার বিবাহ দিতে প্রবৃত্ত হইয়াছিলাম। আর বলিতে কি, যাহাকে স্বয়ং বিবাহ করিতে না পারি, তাহার বিবাহ দিতে ইচ্ছা করে।

একথা শুনিয়া অনেক সুন্দরী মধুর হাসিয়া জিজ্ঞাসা করিতে পারেন, তোমার মনে মনে রজনীকে বিবাহ করিতে ইচ্ছা আছে কি ? না, সে ইচ্ছা নাই। রজনী সুন্দরী হইলেও অন্ধ ; রজনী পুন্পবিক্রেতার কন্যা এবং রজনী অশিক্ষিতা। রজনীকে আমি বিবাহ করিতে পারি না, ইচ্ছাও নাই। আমার বিবাহে অনিচ্ছাও নাই। তবে মনোমত কন্যা পাই না। আমি যাহাকে বিবাহ করিব, সে রজনীর মত সুন্দরী হইবে, অথচ বিত্যুৎকটাক্ষবর্ষিণী হইবে, বংশমর্য্যাদার শাহ আলমের বা মহলার রাও হুকারের প্রপরাপসং পৌত্রী হইবে, বিছায় লীলাবতী বা লাপভ্রষ্টা সরস্বতী হইবে ; এবং পতিভক্তিতে সান্ধিত্রী হইবে ; চরিত্রে লক্ষ্মী, রন্ধনে জৌপদী, আদরে সত্যভামা, এবং গৃহকর্মে গদার মা। আমি পান খাইবার সময়ে পানের লবক্ষ খুলিয়া দিবে, তামাকু খাইবার সময়ে হুঁকায় কলিকা আছে কি না বলিয়া দিবে, আহারের সময়ে মাছের কাঁটা বাছিয়া দিবে, এবং স্নানের পর গা মুছিয়াছি কি না, তদারক করিবে। আমি চা খাইবার সময়ে, দোয়াতের ভিতরে চাম্চে পুরিয়া চার অনুসন্ধান না করি, এবং কালির অনুসন্ধানে চার পাত্রমধ্যে কলম না

দিই, ভিষ্কিয়ে সভর্ক থাকিবে; পিকদানিভে টাকা রাথিয়া বাক্শের ভিতর ছেপ না ফেলি, তাহার খবরদারি করিবে। বন্ধুকে পত্র লিখিয়া আপনার নামে শিরোনামা দিলে, সংশোধন করাইয়া লইবে, পয়সা দিতে টাকা দিতেছি কি না খবর লইবে, নোটের পিঠে দোকানের চিঠি কাটিভেছি কি না দেখিবে, এবং তামাসা করিবার সময়ে বিহাইনের নামের পরিবর্ত্তে ভক্তিমতী প্রতিবাসিনীর নাম করিলে, ভুল সংশোধন করিয়া লইবে। ঔষধ খাইতে, ফুলোল তৈল না খাই, চাকরাণীর নাম করিয়া ডাফিতে, হোসের সাহেবের মেমের নাম না ধরি, কাহাকে আদর করিয়া বাছা বলিতে শ্যালী না বলি, এ সকল বিষয়ে সর্ব্বদা সতর্ক থাকিবে। এমত কন্মা পাই, তবে বিবাহ করি। আপনারা যে ইনি ও কে টিপিয়া হাসিভেছেন, আপনাদের মধ্যে যদি কেহ অবিবাহিতা, এবং এই সকল গুণে গুণবতী থাকেন, তবে বলুন, আমি পুরোহিত ডাকি।



কের বিশ্বাস আছে যে, কেবল শত্রু, অথবা স্নেহদয়াদাক্ষিণ্যশৃষ্ঠ ব্যক্তিই আমাদিগের উপর অত্যাচার করিয়া থাকে। কিন্তু তদপেক্ষা গুরুতর অত্যাচারী যে আর একশ্রেণীর লোক আছে, তাহা সকল সময়ে আমাদের মনে পড়ে না। যে ভালবাসে সেই অত্যাচার করে। ভালবাসিলেই, অত্যাচার করিবার অধিকার প্রাপ্ত হওয়া যায়। আমি যদি তোমাকে ভালবাসি. তবে তোমাকে আমার মতাবলম্বী হইতে হইবে; আমার কথা শুনিতে হইবে; আমার অনুরোধ রাখিতে হইবে। তাহাতে তোমার ইষ্ট হউক, অনিষ্ট হউক, আমার মতাবলম্বী হইতে হইবে। অবশ্য ইহা স্বীকার করিতে হয় যে, যে ভালবাসে সে, যে কার্য্যে তোমার অমঙ্গল, জানিয়া শুনিয়া তাহাতে তোমাকে অমুরোধ করিবে না। কিন্তু কোন্ কার্য্য মঙ্গলজনক, কোন্ কার্য্য অমঙ্গলজনক, তাহার মীমাংসা কঠিন: অনেক সময়েই তুই জনের মত এক হয় না। এমতাবস্থায় যিনি কার্য্যকর্ত্তা, এবং তাহার ফলভোগী, তাঁহার সম্পূর্ণ অধিকার আছে যে, তিনি আত্মমতামুসারেই কার্য্য করেন; এবং তাঁহার মতের বিপরীত কার্য্য করাইতে রাজা ভিন্ন কেহই অধিকারী নহেন। রাজাই কেবল অধিকারী এই জন্ম যে. তিনি সমাজের হিতাহিতবেত্তাস্বরূপ প্রতিষ্ঠিত হইয়াছেন; কেবল তাঁহারই সদসৎ বিবেচনা অভ্রাম্ভ বলিয়া তাঁহাকে আমাদিগের প্রবৃত্তি দমনের অধিকার দিয়াছি: যে অধিকার তাঁহাকে দিয়াছি, সে অধিকার অনুসারে তিনি কার্য্য করাতে কাহারও প্রতি অত্যাচার হয় না। এবং সকল সময়ে এবং সকল বিষয়ে আমাদিগের প্রবৃত্তি দমন করিবার তাঁহারও অধিকার নাই : যে কার্য্যে অন্সের অনিষ্ট ঘটিবে বিবৈচনা করেন, তৎপ্রতি প্রবৃত্তির নিবারণেই তাঁহার অধিকার: যাহাতে আমার কেবল আপনারই অনিষ্ট ঘটিবে বিবেচনা করেন, সে প্রবৃত্তি নিবারণে তিনি অধিকারী নহেন। যাহাতে কেবল আমার নি**জে**র অনিষ্ট, তাহা হইতে বিরত হইবার পরামর্শ দিবার জ্বন্ত মনুষ্মাত্রেই অধিকারী; রাজাও পরামর্শ দিতে পারেন, এবং যে আমাকে ভালবাসে, সেও পারে। কিন্তু পরামর্শ ভিন্ন আমাকে তদ্বিপরীত পথে বাধ্য করিতে কেহই অধিকারী নহেন।

সমাজস্থ সকলেরই অধিকার আছে যে, সকল কার্য্যই, পরের অনিষ্ট না করিয়া আপনাপন প্রবৃত্তি মত সম্পাদন করে। পরের অনিষ্ট ঘটিলেই ইহা স্বেচ্ছাচারিতা; পরের অনিষ্ট না ঘটিলেই ইহা স্বামুবর্ত্তিতা। যে এই স্বামুবর্ত্তিতার বিদ্ধ করে, যে পরের অনিষ্ট না ঘটিবার স্থানেও আমার মতের বিরুদ্ধে আপন মত প্রবল করিয়া তদমুসারে কার্য্য করায়, সেই অত্যাচারী। রাজ্ঞা ইহা পারেন না বা করেন না। কেবল এক সমাজ, অপর প্রণয়ী, এই ছুই জনে এরূপ অত্যাচার করিয়া থাকেন।

সমাজের এই অভ্যাচার নিবারণ জন্ম কোন কোন পূর্ব্ব পণ্ডিভ ধৃভান্ত হইয়াছেন, এবং তদ্বিষয়ে জন ষ্টুয়ার্ট মিলের যত্ন ও বিচারদক্ষতা, অনস্তকাল পর্য্যস্ত তাঁহার মাহাত্মের পরিচয় দিবে। কিন্তু ভালবাসার অত্যাচার নিবারণের জ্বন্স যে কেহ कथन यजुनील হইয়াছেন, এমত আমাদিগের স্মরণ হয় না। কবিগণ সর্বতত্ত্বদর্শী এবং অনন্ত জ্ঞানবিশিষ্ট, তাঁহাদের কাছে কিছুই বাদ পড়ে নাই। কৈকেয়ীর অত্যাচারে দশরথকৃত রামের নির্ববাসনে, দ্যুতাসক্ত যুধিষ্ঠির কর্তৃক ভ্রাতৃগণের নির্বাসনে, এবং অস্তান্ত শত শত স্থানে, কবিগণ এই মহতী নীতি প্রতিপাদিতা করিয়াছেন। কিন্তু কবিগণ নীতিবেত্তা নহেন; নীতিবেত্তারা এ বিষয়ে প্রকাশ্যে হস্তক্ষেপ করেন নাই। যিনিই লৌকিক ব্যাপারসকল মনোভি-নিবেশপূর্বক পর্য্যবেক্ষণ করিবেন, তিনিই এ তত্ত্বের সমালোচনা যে বিশেষ প্রয়োজনীয়, তদ্বিষয়ে নিঃসংশয় হইবেন। কেননা এ অত্যাচারে প্রবৃত্ত অত্যাচারী অনেক। পিতা, মাতা, ভ্রাতা, ভগিনী, পুত্র, কক্সা, ভার্য্যা, স্বামী, আত্মীয়, কুটুম্ব, স্বন্ধং, ভৃত্য, যেই ভালবাসে, সেই একটু অত্যাচার করে, এবং অনিষ্ট করে। তুমি সুলক্ষণান্বিতা, সদ্বংশজা, সচ্চরিত্রা কন্মা দেখিয়া, তাহার পাণিগ্রহণ করিবে বাসনা করিয়াছ, এমন সময়ে, ভোমার পিতা আসিয়া বলিলেন, বিশু দত্ত বিষয়াপন্ন লোক, তাহার কন্সার সঙ্গেই তোমার বিবাহ দিব। তুমি যদি বয়:প্রাপ্ত হইয়া থাক, তবে তুমি এ বিষয়ে পিতার আজ্ঞাপালনে বাধ্য নহ; কিন্তু পিতৃপ্রেমে বশীভূত হইয়া, সেই কালকুটরাপিণী ধনি-কন্সা বিবাহ করিতে হইল। মনে কর, কেহ দারিন্দ্র-পীড়িত, দৈবামুকম্পায় উত্তম পদস্থ হইয়া দুরদেশে যাইয়া, দারিন্দ্র মোচনের উত্তোগ করিতেছে, এমন সময়ে, মাতা তাহাকে দূরদেশে রাখিতে পারিবেন না বলিয়া কাঁদিয়া পড়িলেন, তাহাকে যাইতে দিলেন না, সে মাতৃপ্রেমে বদ্ধ হইয়া নিরস্ত হুইল, মাতার ভালবাসার অত্যাচারে সে আপনাকে চিরদারিন্দ্রে সমর্পণ করিল। কুতী সহোদরের উপার্জ্জিত অর্থ, অকর্মা অপদার্থ সহোদর নষ্ট করে, এটা নিভাস্তই ভালবাসার অত্যাচার, এবং হিন্দু সমাজে সর্ববদাই প্রত্যক্ষ গোচর হইয়া থাকে। ভার্য্যার ভালবাসার অভ্যাচারের কোন উদাহরণ, নব বঙ্গবাসীদিগের কাছে প্রযুক্ত করা আবশ্যক কি ? আর স্বামীর অত্যাচার সম্বন্ধে, ধর্মতঃ এটুকু বলা কর্ত্তব্য যে, কতকগুলি ভালবাসার অত্যাচার বটে, কিন্তু অনেকগুলিই বাছবলের অত্যাচার।

যাহা হউক, মন্ত্রযুজীবন, ভালবাসার অত্যাচারে পরিপূর্ণ। চিরকাল মন্ত্রযু অত্যাচারপীড়িত। প্রথমাবস্থায় বাহুবলের অত্যাচার; অসভ্যক্তাতিদিগের মধ্যে যেই বলিষ্ঠ সেই পরপীড়ন করে। কালে, এই অত্যাচার, রাজার অত্যাচার এবং অর্থের অত্যাচারে পরিণত হয়; কোন সমাজে কখন একেবারে লুপ্ত হয় নাই। দ্বিতীয়াবস্থায়, ধর্মের অত্যাচার; তৃতীয়াবস্থায়, সামান্ধিক অত্যাচার; এবং সকলাবস্থাতেই ভালবাসার অত্যাচার। এই চতুর্বিধ পীড়নের মধ্যে, প্রণয়পীড়ন काशांत्र अप्राचन शीनवन वा अज्ञानिष्ठकाती नरह। वतः हेश वना याहेर आरत যে, রাজা, সমাজ বা ধর্মবেতা কেহই প্রণয়ীর অপেক্ষা বলবান নহেন, বা কেহ তেমন সদা সর্বাহ্মণ, সকল কাজে আসিয়া হস্তক্ষেপণ করেন না-স্থতরাং প্রণয়পীডন যে সর্বাপেক্ষা অনিষ্টকারী ইহাই বলা যাইতে পারে। আর, অন্ত অত্যাচার-কারীকে নিবারণ করা যায়, অন্ত অত্যাচারের সীমা আছে। কেননা অন্তান্ত অত্যাচারকারীর বিরোধী হওয়া যায়। প্রজা প্রজাপীড়ক রাজাকে রাজ্যচ্যুত করে, কখনও মস্তকচ্যুত করে। লোকপীড়ক সঁমাজ্বকে পরিত্যাগ করা যায়। কিন্তু ধর্ম্মের পীড়নে এবং স্লেহের পীড়নে নিষ্কৃতি নাই—কেননা ইহাদিগের বিরোধী হইতে প্রবৃত্তিই জ্বমে না। হরিদাস বাবাজী পাঁটার বাটি দেখিলে কখন কখন লাল ফেলিয়া থাকেন বটে কিন্তু কখন গোস্বামীর সম্মুখে মাংসভোজ্পনের ঔচিত্য বিচার করিতে ইচ্ছা করেন না-কেননা জানেন যে, ইহলোকে যভই কণ্ট পান না কেন, বাবাজী পরলোকে গোলোক প্রাপ্ত হইবে।

মনুষ্য যে সকল অত্যাচারের অধীন, সে সকলের ভিত্তিমূল মনুষ্যের প্রায়োজনে। জড় পদার্থকৈ আয়ন্ত না করিতে পারিলে, মনুষ্যজীবন নির্বাহ হয় না, এজন্য বাহুবলের প্রয়োজন। এবং সেই জন্মই বাহুবলের অত্যাচারও আছে। বাহুবলের ফল রুদ্ধি করিবার জন্ম, সমাজের প্রয়োজন; এবং সমাজের অত্যাচারও সঙ্গে সঙ্গে। যেমন পরস্পরে সমাজবন্ধনে বদ্ধ না হইলে, মনুষ্যজীবনের উদ্দেশ্য সুসম্পন্ন হয় না, তেমনি পরস্পরে আন্তরিক বন্ধনে বদ্ধ না হইলে, মনুষ্যজীবনের স্থানির্বাহ হয় না। অতএব সমাজের যেরূপ প্রয়োজন, প্রণয়েরও তদ্ধেপ বা ততাধিক প্রয়োজন এবং বাহুবলের বা সমাজের অত্যাচার আছে বলিয়াই যেমন বাহুবল বা সমাজ মনুষ্যের ত্যাজ্য বা অনাদরণীয় হইতে পারে না, প্রণয়ের অত্যাচার আছে বলিয়াই তাহাও ত্যাজ্য বা অনাদরণীয় হইতে পারে না। অপিচ যেমন বাহুবল বা সমাজবলকে অত্যাচারী দেখিয়া তাহাকে পরিত্যক্ত বা অনাদৃত না করিয়া, মনুষ্য ধর্মের দ্বারা তাহার শমতার চেষ্টা পাইয়াছে, প্রণয়ের অত্যাচারও

সেইরূপ ধর্মের দ্বারা শমিত করিতে যত্ন করা কর্ত্ব্য। ধর্মেরও অত্যাচার আছে বটে, এবং ধর্মের অত্যাচার শমতার জন্ম যদি আরও কোন শক্তি প্রযুক্তা হয়, তাহারও অত্যাচার ঘটিবে, কেননা অত্যাচার শক্তির স্বভাবসিদ্ধ। যদি ধর্মের অত্যাচার শমতায় সক্ষম কোন শক্তি থাকে, তবে জ্ঞান সেই শক্তি। কিন্তু জ্ঞানেরও অত্যাচার আছে। তাহার উদাহরণ, হিতবাদ এবং প্রত্যক্ষ বাদ। এতত্বভয়ের বেগে মন্ম্যান্ত্রদয়-সাগরে অনল্প ভাগ চড়া পড়িয়া যাইতেছে। বোধ হয় জ্ঞান ব্যতীত জ্ঞানের অত্যাচার শাসনের জন্ম অন্য কোন শক্তি যে মন্ম্যাকর্ত্বক ব্যবহাত হইবে, এক্ষণে এমন বিবেচনা হয় না।

সেইরূপ ইহাও বলা যাইতে পারে যে, প্রণয়ের দ্বারাই প্রণয়ের অভ্যাচার শমিত হওয়াই সম্ভব। এ কথা যথার্থ, স্বীকার করি। স্নেহ যদি স্বার্থপরতাশৃষ্ঠ হয়, তবে তাহাই ঘটিতে পারে। কিন্তু সাধারণ মন্থয়ের প্রকৃতি এইরূপ যে, স্বার্থপরতাশৃষ্ঠ স্নেহ হর্পভ। এই কথার প্রকৃত তাৎপর্য্য গ্রহণ না করিয়া, অনেকেই মনে মনে ইহার প্রতিবাদ করিতে পারেন। তাঁহারা বলিতে পারেন যে, যে মাতা স্নেহবশতঃ পুত্রকে অর্থান্বেষণে যাইতে দিল না—সে কি স্বার্থপর ? বরং যদি স্বার্থপর হইত, তাহা হইলে পুত্রকে অর্থান্বেষণে দূরদেশে যাইতে নিষেধ করিত না, কেননা পুত্র অর্থোপার্জন করিলে কোন্ না মাতা তাহার ভাগিনী হইবেন ?—অতএব এরপ দর্শনমাত্র আকাজ্জী স্নেহকে অনেকেই অস্বার্থপর স্নেহ মনে করেন। বাস্তবিক সে কথা সত্য নহে—এ স্নেহ অম্বার্থপর নহে। যাঁহারা ইহা অস্বার্থপর মনে করেন তাঁহারা অর্থপরতাকে স্বার্থপরতা মনে করেন; যে ধনের কামনা করে না, তাহাকে স্বার্থপরতাশৃষ্ঠ মনে করেন। ধনলাভ ভিন্ন পৃথিবীতে যে অক্সান্ত সুখ আছে, এবং তন্মধ্যে কোন কোন সুখের আকাজ্ঞা ধনাকাজ্ঞা হইতে অধিকতর বেগবতী, তাহা তাঁহারা বৃঝিতে পারেন না। যে মাতা অর্থের মায়া পরিত্যাগ করিয়া, পুত্রমুখ দর্শনস্থধের বাসনায় পুত্রকে দারিন্ত্র্যে সমর্পণ করিল, সেও আত্মস্থ খুঁজিল। সে অর্থজনিত সুখ চায় না, কিন্তু পুত্রসন্দর্শনজনিত সুখ চায়। সে সুখ মাতার, পুত্রের নহে; মাতৃদর্শনজ্বনিত পুত্রের যদি সুখ থাকে, থাক ;—সে স্বতন্ত্র, পুত্রের প্রবৃত্তিদায়ক, মাতার নহে। মাতা এখানে আপনার একটি সুখ খুঁজিল—নিতা পুত্রমুখ দর্শন; তাহার অভিলাধিণী হইয়া পুজকে দারিজ্য ছঃখে ছঃখী করিতে চাহিল; এখানে, মাতা স্বার্থপর, কেননা আপনার স্থথের অভিপ্রায়ে অম্যকে ছংখী করিল।

মমুন্ত্যের স্নেহ অধিকাংশই এইরূপ; প্রণয়ী, প্রণয়ভাজন উভয়েরই চিত্ত স্থাকর, কিন্তু স্বার্থপর, পশুরুত্ত। কেবল, প্রণয়ী অশু স্থাপেক্ষা প্রণয়সুথের অভিলামী, এইজন্ম লোকে এইরূপ স্নেহকে অস্বার্থপর বলে। কিন্তু স্নেহের যে স্থ, সে স্নেহযুক্তের; স্নেহযুক্ত আপন সুখের আকাজ্জী বলিয়া, সাধারণ মনুযা-স্নেহকে স্বার্থপর বৃত্তি বলিতেই হইবে।

কিন্তু স্বার্থসাধন জন্ম, স্নেহ মন্থ্য-হাদয়ে স্থাপিত নহে। মামুষের যতগুলি বৃত্তি আছে, বোধ হয়, সর্ব্বাপেক্ষা এইটি পবিত্র ও মঙ্গলকর। মনুষ্যের চরিত্র এ পর্য্যস্ত তাদৃশ উৎকর্ষলাভ করে নাই বলিয়াই মনুষ্য-স্নেহ অভ্যাপিও পশুবং। পশুবং, কেননা, পশুদিগেরও বংসম্মেহ, দাম্পত্যপ্রণয় এবং বাংসল্য দাম্পত্যব্যুতীত, পরস্পার প্রণয় আছে। প্রথমটি মানুষের অপেক্ষা অল্প পরিমাণে নহে।

স্নেহের যথার্থ স্বরূপই অস্বার্থপরতা। যে মাতা পুত্রের স্থাবের কামনায়, পুত্রমুখ দর্শন কামনা পরিত্যাগ করিলেন, তিনিই যথার্থ স্নেহবতী। যে প্রণায়ী, প্রণয়ের পাত্রের মঙ্গলার্থ আপনার প্রণয়জনিত স্থখভোগও ত্যাগ করিতে পারিল, সেই প্রণায়ী।

যতদিন না সাধারণ মন্ত্র্যের প্রেম, এইরূপ বিশুদ্ধতা প্রাপ্ত হইবে, ততদিন মানুষের ভালবাসা হইতে অস্বার্থপরতা কলঙ্ক ঘূচিবে না। এবং স্নেহের যথার্থ স্ফুর্ বিষটিবে না। যেখানে ভালবাসা, এইরূপ বিশুদ্ধি প্রাপ্ত হইবে, বা যাহার স্থাদ্যে হইয়াছে, সেইখানে ভালবাসার দ্বারায়, ভালবাসার অত্যাচার নিবারণ হইতে পারে, এবং হইয়াও থাকে। এরূপ বিশুদ্ধ প্রণয়বিশিষ্ট মনুষ্য ত্র্লভ নহে। কিন্তু এ প্রবন্ধে তাঁহাদিগের কথাও বলিতেছি না—তাঁহারা অত্যাচারীও নহেন।

অশুত্র, ধর্ম্মের শাসনে প্রণয় শাসিত করাই ভালবাসার অত্যাচার নিবারণের একমাত্র উপায়। সে ধর্ম্ম কি ?

ধর্মের যিনি যে ব্যাখ্যা কর্মন না, ধর্ম এক। ছইটি মাত্র মূল কুত্রে সমস্ত মন্থব্যের নীতিশান্ত্র কথিত হইতে পারে। তাহার মধ্যে একটি আত্মসম্বন্ধীয়, দ্বিতীয়টি পরসম্বন্ধীয়। যাহা আত্মসম্বন্ধীয়, তাহাকে আত্মসংস্কারনীতির মূল বলা যাইতে পারে,—এবং আত্মচিত্তের স্ফুর্ত্তি এবং নির্মালতা রক্ষাই তাহার উদ্দেশ্য। দ্বিতীয়টি, পরসম্বন্ধীয় বলিয়াই তাহাকে যথার্থ ধর্মনীতির মূল বলা যাইতে পারে। "পরের অনিষ্ট করিও না; সাধ্যামুসারে পরের মঙ্গল করিও।" এই মহতী উক্তি জগতীয় তাবদ্বর্মশান্ত্রের একমাত্র মূল, এবং একমাত্র পরিণাম। অন্য যে কোন নৈতিক উক্তি বল না কেন, তাহার আদি ও চরম ইহাতেই বিলীন হইবে। আত্মসংস্কারনীতির সকল তত্ত্বের সহিত, এই মহানীতিতত্ত্বের ঐক্য আছে। এবং পরহিতনীতি এবং আত্মসংস্কারনীতি একই তত্ত্বের ভিন্ন ব্যাখ্যা মাত্র। পরহিত রতি এবং পরের অহিতে বিরতি, ইহাই সমগ্র নীতিশান্ত্রের সার উপদেশ।

অতএব এই ধর্মনীতির মূল স্থাবলম্বন করিলেই ভালবাসার অত্যাচার নিবারণ হইবে। যখন স্নেহশালী ব্যক্তি স্নেহের পাত্তের কোন কার্য্যে হস্তক্ষেপণ করিতে উন্নত হয়েন, তখন তাঁহার মনে দৃঢ় সম্বল্প করা উচিত যে, আমি কেবল আপন সুখের জন্ম হস্তক্ষেপণ করিব না; আপনার ভাবিয়া, যাহার প্রতি স্নেহ করি, তাহার কোন প্রকার অনিষ্ট করিব না। আমার যতটুকু কন্তু সন্থ করিতে হয়, করিব; তথাপি তাহার কোন প্রকার অহিতে তাহাকে প্রবৃত্ত করিব না।

এ কথা শুনিতে অতি ক্ষুদ্র, এবং পুরাতন জনশ্রুতির পুনরুক্তি বলিয়া বোধ হইতে পারে, কিন্তু ইহার প্রয়োগ সকল সময়ে তত সহজ বোধ হইবে না। উদাহরণ স্বরূপ, দশরথকৃত রাম-নির্বাসন, মীমাংসার্থ গ্রহণ করিব; তদ্বারা এই সামান্ত নিয়মের প্রয়োগের কঠিনতা অনেকের হ্রদয়ঙ্গম হইতে পারিবে। এস্থলে কৈকেয়ী এবং দশরথ উভয়েই ভালবাসার অত্যাচারে প্রয়ন্ত; কৈকেয়ী দশরথের উপরে; দশরথ রামের উপরে। ইহার মধ্যে কৈকেয়ীর কার্য্য স্বার্থপর এবং নৃশংস বলিয়া চিরপরিচিত। কৈকেয়ীর কার্য্য স্বার্থপর ও নৃশংস বটে, তবে তৎপ্রতি যতটা কটুক্তি হইয়া আসিতেছে ততটা বিহিত কি না বলা যায় না। কৈকেয়ী আপনার কোন ইষ্ট কামনা করে নাই; আপনার পুত্রের শুভ কামনা করিয়াছিল। সত্য বটে পুত্রের মঙ্গলেই মাতার মঙ্গল; কিন্তু যে বঙ্গীয় পিতামাতা, স্বীয় জ্বাতিপাতের ভয়ে পুত্রকে শিক্ষার্থ ইংলণ্ডে যাইতে দেন না, কৈকেয়ীর কার্য্য তদপেক্ষা যে শতগুণে অস্বার্থপর, তিহিয়ে সংশয় নাই।

সে কথা যাউক, কৈকেয়ীর দোষগুণ বিচারে আমরা প্রবৃত্ত নহি। দশরপ
সত্যপালনার্থ রামকে বনপ্রেরণ করিয়া ভরতকে রাজ্যাভিষিক্ত করিলেন।
তাহাতে তাঁহার নিজের প্রাণবিয়োগ হইল। তিনি সত্যপালনার্থ আত্মপ্রাণবিয়োগ এবং প্রাণাধিক পুত্রবিরহ স্বীকার করিলেন, ইহাতে ভারতবর্ষীয় সাহিত্যেতিহাস তাঁহার যশোকীর্ত্তনপরিপূর্ণ। কিন্তু উৎকৃষ্ট ধর্মনীতির বিচারে ইহাই
প্রতিপন্ন হয় যে, দশরথ পুত্রকে স্বাধিকারচ্যুত এবং নির্ক্বাসিত করিয়া, সত্যপালন
করায়, ঘোরতর অধর্ম করিয়াছিলেন।

জিজ্ঞাসা করি, সভ্য মাত্র কি পালনীয় ? যদি সভী কুলবভী, কুচরিত্র পুরুষের কাছে ধর্মভ্যাগে প্রতিশ্রুতা হয়, তবে সে সভ্য কি পালনীয় ? যদি কেহ, দস্মার প্রারোচনায় স্থল্কে বিনা দোষে বধ করিতে সভ্য করে, তবে সে সভ্য কি পালনীয় ? যে কেহ ঘোরতর মহাপাতক করিতে সভ্য করে, ভাহার সভ্য কি পালনীয় ?

যেখানে সত্য লজ্জনাপেক্ষা সত্য রক্ষায় অধিক অনিষ্ট, সেখানে সত্য রাখিবে, না সত্য ভঙ্গ করিবে ? অনেকে বলিবেন, সেখানেও সত্য পালনীয়, কেননা, সত্য নিত্য ধর্ম, অবস্থাভেদে তাহা পুণ্যন্থ পাপন্থ প্রাপ্ত হয় না। যদি পাপপুণ্যের এমন নিয়ম কর যে, যখন যাহা কর্মকর্তার বিবেচনায় ইষ্টকারক ভাহাই কর্ত্তব্য; যাহা তাঁহার তাৎকালিক বিবেচনায় অনিষ্টকারক তাহা অকর্ত্তব্য, তবে পুণ্য পাপের প্রভেদ থাকে না—লোকে পুণ্য বলিয়া ঘোরতর মহাপাতকে প্রবৃত্ত হইতে পারে। আমরা এ তত্ত্বের মীমাংসা এ স্থলে করিব না—কেননা হিতবাদীরা ইহার এক প্রকার মীমাংসা করিয়া রাখিয়াছেন। স্থুল কথার উত্তর দিব।

যখন এরূপ মীমাংসার গোলযোগ হইবে, তখন ধর্মনীতির যে মূল সূত্র সংস্থাপিত হইয়াছে, তাহার দারা পরীক্ষা কর।

সত্য কি সর্বত্র পালনীয় ? এ কথার মীমাংসা করিবার আগে জিজ্ঞাস্থা, সত্য পালনীয় কেন ? সত্যপালনের একটি মূল ধর্মনীতিতে, একটি মূল আত্ম-সংস্কার-নীতিতে। আমরা আত্মসংস্কার-নীতিকে ধর্মনীতির অংশ বলিয়া পরিগণিত করিয়া অফীকার করিয়াছি; ধর্মনীতির মূলই দেখিব। বিশেষ উভয়ের ফল একই। ধর্মনীতির মূল সূত্র, পরের অনিষ্ট যাহাতে হয়, তাহা অকর্ত্তর। সত্যভঙ্গে পরের অনিষ্ট হয়, এজন্ম সত্য পালনীয়। কিন্তু যখন এমন ঘটে যে, সত্যপালনে পরের গুরুতর অনিষ্ট, সত্যভঙ্গে ততদূর নহে, তখন সত্য পালনীয় নহে। দশর্পের সত্যপালনে রামের গুরুতর অনিষ্ট; সত্যভঙ্গে কৈকেয়ীর তাদৃশ কোন অনিষ্ট নাই। দৃষ্টান্তজ্ঞনিত জনসমাজ্যের যে অনিষ্ট, তাহা রামের স্বাধিকারচ্যুতিতেই গুরুতর। উহা দস্ম্যতার রূপান্তর। অতএব এমত স্থলে দশর্প সত্যপালন করিয়াই মহাপাপ করিয়াছিলেন।

এখানে দশরথ স্বার্থপরতাশৃত্য নহেন। সত্যভঙ্গে জগতে তাঁহার কলঙ্ক ঘোষিত হইবে, এই ভয়েই তিনি রামকে অধিকারচ্যুত এবং বহিন্ধৃত করিলেন; অতএব যশোরক্ষারপ স্বার্থের বশীভূত হইয়া রামের অনিষ্ট করিলেন। সত্য বটে, তিনি আপনার প্রাণহানিও স্বীকার করিয়াছিলেন; কিন্তু তাঁহার কাছে প্রাণাপেক্ষা যশঃ প্রিয়, অতএব আপনার ইষ্টই খুঁ,জিয়াছিলেন। এজত্য তিনি স্বার্থপর। স্বার্থপরতাদোযযুক্ত যে অনিষ্ট তাহা ঘোরতর পাপ।

অস্বার্থপর প্রেম, এবং ধর্ম, ইহাদের একই গতি, একই চরম। উভয়ের সাধ্য অন্সের মঙ্গল। বস্তুতঃ প্রেম, এবং ধর্ম একই পদার্থ। সর্ব্ব সংসার প্রেমের বিষয়ীভূত হইলেই ধর্ম নাম প্রাপ্ত হয়। এবং ধর্ম যত দিন না সর্বজনীন প্রেম-স্বরূপ হয়, ততদিন সম্পূর্ণতা প্রাপ্ত হয় দা। কিন্তু মনুষ্যগণ, কার্য্যতঃ স্নেহকে ধর্ম হইতে পৃথগ্ভূত রাথিয়াছে, এজন্য ভালবাসার অত্যাচার নিবারণ জন্য ধর্মের দারা স্নেহের শাসন আবশ্যক।



•

বাগানে যাবিরে ভাই ? চল সবে মিলে যাই, যথা হর্ম্ম স্থশোভন, সরোবর তীরে। যথা ফুটে পাঁতিপাঁতি, গোলাব মল্লিকাজাতি, বিশ্লোনিয়া লতা দোলে মৃত্ল সমীরে॥ নারিকেল বৃক্ষরাজি, চাঁদের কিরণে সাজি, নাচিছে দোলায়ে মাথা ঠমকে ঠমকে। *
চন্দ্রকর লেখা তাহে, বিজলি চমকে॥

ş

চল যথা কুঞ্জবনে, নাচিবে নাগরীগণে, রাঙ্গা সাজ পেসোয়াজ, পরশিবে অঙ্গে। তত্ত্বরা তবলা চাঁটি, আবেশে কাঁপিবে মাটী, সারক্ত তরক তুলি, স্থর দিবে সঙ্গে॥ খিনিখিনিখিনিখিনি, ঝিনিকি ঝিনিকি ঝিনি তাব্রিম তাব্রিম তেরে, গাওনা বাজনা। চমকে চাহনি চাক্ত ঝলকে গহনা॥

9

ঘরে আছে পদ্মুখী, কভু না করিল স্থুখী,
শুধু ভালবাসা নিয়ে, কি হবে সংসারে ?
নাহি জানে নৃত্যগীত, ইয়ারকিতে নাহি চিত,
একা বসি ভালবাসা, ভাল লাগে কারে ?
গৃহ ধর্ম্মে রাখে মন, হিত ভাবে অমুক্ষণ,
সে বিনা তুংখের দিনে অক্ত গতি নাই।
এ হেন স্থথের দিনে, তারে নাহি চাই॥

8

আছে ধন গৃহপূর্ণ, যৌবন যাইবে তুর্ণ,
যদি না ভূঞ্জিম স্থপ, কি কাঞ্চ জীবনে ?
ঠুসে মতা লও সাতে, ধেন না ফুরার রাতে,
স্থথের নিশান গাঢ় প্রমোদ ভবনে।
থাতা লও বাছা বাছা, দাড়ি দেখে লও চাচা,
চপ্ স্থপ কারি কোর্মা, করিবে বিচিত্র।
বাঙ্গালির দেহরত্ন, ইহাতে করিও যত্ন
ইংরেজ্ব-পাত্নকা স্পর্লে, হয়েছে পবিত্র ॥
গঠিত ইংরাজি ছাঁচে, আমার চরিত্র ॥

বন্দ মাতঃ স্থ্রধ্নি, কাগজে মহিমা শুনি বোতল বাহিনী পুণ্যে, এক্শ নন্দিনি! করি ঢক ঢক নাদ, প্রাপ্ত ভকত সাধ, লোহিতবরণি বামা, তারেতে বন্দিনি! প্রণমামি মহানীরে, ছিপির কীরিটি শিরে, উঠ শিরে ধীরে ধীরে, যক্ত জননি! তোমার ক্লপার জন্ম, যেই পড়ে সেই ধ্যা শ্যায় পতিত রাধ, পতিত্তপাবনি!

বাক্স বাহনে চন, ডজন ডজনি॥

কি ছার সংসারে আছি, বিষয় অরণ্যে মাছি, মিছা করি ভন্তন্ চাকরি কাঁটালে। মারে জুতা সই স্থথে, লঘা কথা বলি মুখে, উচ্চকরি ঘুটি তুলি দেখিলে কালালে॥ শিখিয়াছি লেখা পড়া, ঠাণ্ডা দেখে হই কড়া, কথা কই চড়া চড়া, ভিখারী ফকিরে। বল যত রোখ তত, বান্ধালি শরীরে॥

٩

পুর পাত্র মন্ত ঢালি, দাও সবে করতালি, কেন তুমি দাও গালি, কি দোব আমার ? দেশের মন্দল ঢাও ? কিসে তার ক্রটি পাও ? লেক্চরে কাগজে বলি, কর দেশোদ্ধার ॥ ইংরেজের নিন্দা করি, আইনের দোব ধরি, সম্বাদ পত্রিকা পড়ি, লিখি কভূ তায়। আর কি করিব বল স্বদেশের দার ?

ь

করেছি ডিউটির কাজ, বাজা ভাই পাকোয়াজ কামিনি গোলাপি সাজ, ভাসি আজ রঙ্গে। গেলাস পুরে দে মদে, দে দে আর আর দে, দে দে এরে দে ওরে দে, ছড়ি দে সারঙ্গে। কোথায় ফুলের মালা? আইস্ দেনা? ভাল জালা "বংশী বাজায় চিকন কালা?" স্থর দাও সঙ্গে। ইন্দ্র অর্গে থায় স্থধা, স্থর্গ ছাড়া কি বস্থধা? কত স্থর্গ বাজালায় মদের তরঙ্গে। টলমল বস্থন্ধরা ভবানী ক্রভঙ্গে॥

a

যে ভাবে দেশের হিত, না বুঝি তাহার চিত,
আরহিত ছেড়ে কেবা, পরহিতে চলে।
না জানি দেশ বা কার? দেশে কার উপকার?
আমার কি লাভ বল, দেশ ভাল হলে?
আপনার হিত করি, এত শক্তি নাহি ধরি,
দেশহিত করিব কি, একা ক্ষুদ্র প্রাণী!
ঢাল মদ্। তামাক দে। লাও ব্রাপ্তি পানি।

١.

মন্ত্ৰত্ব ? কাকে বলে ? স্পিচ দিই টোনহলে, লোক আসে দলে দলে, শুনে পায় প্ৰীত। নাটক নকে কৰ্ত, লিথিয়াছি শত শত, এ কি নর মহন্তব ? নর দেশহিত ?
ইংরেজি বাঙ্গালা ফেঁদে, পলিটিক্স লিথি কেঁদে,
পভা লিথি নানা ছাঁদে, বেচি সন্তা দরে।
অশিষ্টে অথবা শিষ্টে, গালি দিই অষ্টেপ্ঠে,
তবু বল দেশহিত কিছু নাহি করে ?
নিপাত যাউক দেশ! দেখি বসি ঘরে॥

[অগ্রহায়ণ

>>

হাঁ! চামেলি ফ্লিচম্পা! মধুর অধরকম্পা!
হামীর কেদার ছারা, নট মহাস্তর!

হুকা না হুরস্তবোলে! সেরমে ফুল না ডোলে!
পিরালা ভর দে মুঝে! রঙ্ভরপুর!

স্থপ্চপ্কটলেট, আন বাবা প্লেট প্লেট,
কুক্ বেটা ফাষ্টরেট, যত পার থাও!

মাথামুগু পেটে দিয়ে পড় বাপু জমী নিয়ে,
জনুমি বাঙ্গালি কুলে, স্ল্থ করেয় যাও।
পতিতপাবনি স্করে, পতিতে তরাও॥

25

যাব ভাই অধংপাতে, কে যাইবি আয় সাতে, কি কাজ বাঙ্গালি নাম, রেখে ভূমগুলে? লেখাপড়া ভন্ম ছাই, কে কবে শিখেছে ভাই লইয়া বাঙ্গালি দেহ, এই বঙ্গস্থলে? হংসপুছে লয়ে করে, কেরাণির কাজ করে, মুন্দেফি চাপ্রাশি কিম্বা ডিপ্টিপিয়াদা। অথবা স্বাধীন হয়ে, ওকালতি পাস লয়ে, থোষামুদি জ্য়াচুরি, শিথিছে জিয়াদা! সার কথা বলি ভাই, বাঙ্গালিতে কাজ নাই, কি কাজ সাধিব মোরা, এ সংসারে থাকি, মনোর্ভি আছে যাহা, ইক্রিয় সাগরে তাহা বিসর্জন করিয়াছি, কিবা আছে বাকি? কেন দেহভার বয়ে, যমে দাও ফাঁকি?

20

ধর তবে শ্লাস আঁটি, জ্বলম্ভ বিষের বাটী শুন তবলার চাঁটি, বাজে খন্ খন্। নাচে বিবি নানাছন্দ, স্থন্দর থামিরা গন্ধ, গন্তীর জীমৃত্যক্ত হুঁ কার গর্জন ॥ সেজে এসো সবে ভাই, চল অধংপাতে যাই, অধম বাঙ্গালি হতে, হবে কোন কাজ ? ধরিতে মহন্ত দেহ, নাহি করে লাজ ?

28

মর্কটের অবতার, রূপ গুণ সব তার, বাঙ্গালির অধিকার, বাঙ্গালি ভূষণ! হা ধরণি! কোন্ পাপে, কোন্ বিধাতার শাপে, হেন পুত্রগণ গর্জে, করিলে ধারণ? বঙ্গদেশ ভূবাবারে, মেঘে কিম্বা পারাবারে ছিল না কি জলরাশি? কে শোষিল নীরে? আপনা ধ্বংসিতে রাগে, কতই শক্তি লাগে, নাহিকি শক্তি তত, বাঙ্গালি শরীরে ? কেন আর জলে আলো, বঙ্গের মন্দিরে ?

মরিবে না ? উঠ তবে, ভাই ভাই মিলি সবে,
লভি নান পৃথিবীতে, অজ্যে, অভূল !
ছাড়ি দেহ থেলা ধূলা ! ভাঙ বাছভাও গুলা
মারি থেদাইয়া দাও, নর্ভকীর কূল ।
মারিয়া লাঠির বাড়ি, বোতল ভাঙ্গহ পাড়ি,
বাগান ভাঙ্গিয়া ফেল, পুকুরের তলে
হথ নামে দিয়ে ছাই, ছংখসার কর ভাই,
কভু না মুছিবে কেহ, নয়নের জলে,
বত দিন রবে ছংখ, এ বঙ্গ মণ্ডলে।

প্রাপ্ত গ্রন্থের প্রাপ্তির

তিবিনোদ কাব্য। প্রীঈশানচন্দ্র বস্থু প্রণীত। বর্দ্ধমান অর্থ্যমা যন্ত্রে প্রোপ্রাইটর প্রীহরিমোহন চট্টোপাধ্যায় দ্বারা মুক্তিত। সন ১২৭৪ সাল। মূল্য ।।০/ দশ আনা।

এই কাব্যথানি ভালও নহে, মন্দও নহে স্মৃতরাং ইহার বিস্তৃত সমালোচন সম্ভব নহে। ভবে পাঠ করিতে করিতে ছই পংক্তি পাওয়া গেল তাহাতে বাস্তবিক চিত্রবিনোদ কোন কোন সময়ে হইতে পারে। যথা—

গঙ্গাজল-বিসৰ্জিত শরমাৎসাথাদে প্রস্থাষ্ট জযুকগণ হোকা হোকা নাদে।

কবি মধুস্দনের অনুকরণে সেনাগম বর্ণন করিয়াছেন; অনুকরণ প্রায়ই হাস্তরসোদ্দীপক হইয়া থাকে, নিম্নোদ্ধত অংশে সে রূপ হয় নাই, প্রশংসার কথা বটে।

সিন্ধুসহ ঘন্দী বায়ু ঘন্দ আরম্ভিলে
ভৈরব কল্লোল নাদ উন্তবে যেমন,
তেমনি বিক্রান্ত সৈক্ষকুল কোলাহলে,
বোরতর বাখনাদে পুরিল কানন—
ভূমি, আচম্বিতে। যেন, সে নিনাদে মাতি
শব্দবাহ, উল্লিফিয়া উঠিল আক্রোশে,
অন্তরীক্ষে, অত্রপুঞ্জে দিতে রে গঞ্জনা।
রুষিয়া অমুদবৃন্দ, গন্ধীর নির্ঘোষ—
আবরিল নভঃস্থল, ভীষণ অশনি—
নাদে কম্পে বিশ্বস্তরা, শক্ষায় শশাক্ষ
লুকাইল, তমোরাশি, গ্রাসিল কৌমুদী।

তৃতীয় বৰ্ষ: নবম সংখ্যা



মৃৎ দর্শন লইয়া এক্ষণে এতদেশীয় কৃতবিছ সমাজে অনেক আন্দোলন চলিতেছে। কেহ কেহ উক্ত স্থপ্রসিদ্ধ ফরাসিস্ পণ্ডিতের মতের প্রতিবাদ চেষ্টা করিতেছেন। কেহ কেহ বা তাঁহাকে গুরু বলিয়া গ্রহণ করিতেছেন। এরূপ অবস্থায় পক্ষপাত পরিত্যাগপূর্বক তদীয় প্রধান প্রধান মতগুলি পর্য্যালোচনা করা আবশ্যক হইতেছে।

কোম্ত কেবল দার্শনিক নছে, তিনি একজন নৃতন ধর্মশাস্ত্রপ্রবর্ত্তক। এই প্রবন্ধে আমরা ভদীয় positive philosophy অর্থাৎ "প্রামাণিক দর্শনের" স্থূল স্থূল কথাগুলি বলিব।

কোম্ভ বলেন যে, জগৎকার্য্য সম্বন্ধে মন্থয়-সমাজে যথাক্রমে তিন প্রকার ব্যাখ্যা অবলম্বিত হইয়া থাকে; প্রথম, পৌরাণিক, আধ্যাত্মিক বা ইচ্ছামূলক; দিওীয়, দার্শনিক, কাল্পনিক বা শক্তিমূলক; তৃতীয়, বৈজ্ঞানিক, প্রামাণিক বা নিয়মমূলক। সকল বিষয়ের জ্ঞানেরই উন্নতিপথে ক্রমান্বয়ে এই তিনটী সোপান আছে।

লাকে যখন প্রথমে বিশ্বব্যাপার ব্ঝিতে যায়, তখন প্রত্যেক কার্য্যের একটি একটি সচেতন ইচ্ছাবিশিষ্ট কর্ত্তা অনুমান করিয়া থাকে। ইহার একটি গৃঢ় কারণ আছে। আমাদিগের জ্ঞান স্ফুর্ত্তি হইতে হইতেই আমরা জ্ঞানিতে পারি যে, আমরা যে সকল কার্য্য করি, সে সকল আমাদিগের সচেতন ইচ্ছাবিশিষ্ট আত্মা হইতেই সমুভূত। এ নিমিত্ত প্রথমাবস্থায় যেখানে যে কার্য্য প্রত্যক্ষ করি, সেখানেই সচেতন ইচ্ছাবিশিষ্ট কর্ত্তার কল্পনা করি। এই কারণেই শিশুগণ গতিবিশিষ্ট বা কার্য্যকারী নির্জীব পদার্থদিগকে সজীব জ্ঞান করে। এই কারণেই প্রাচীনকালে মানবগণ প্রচণ্ড ঝটিকা প্রবাহে, ক্ষুদ্ধ সিন্ধুসলিলে, তিমিরবিনাশী দিবাকরে, গৃহ কাননগ্রাসী অনল রাশিতে, বিহ্যুদ্মালাশোভিত বঙ্ক্সার্জনে, দেবতা দেখিতেন।

এইরূপে পুরাকালে পুরাণবর্ণিত বায়ু, বরুণ, সূর্য্য, অগ্নি, ইন্দ্র প্রভৃতি দেবতাগণের সৃষ্টি হইয়াছে বলিয়া, জ্ঞানের প্রথম সোপানকে পৌরাণিক বলা গিয়াছে; আর প্রত্যেক ঘটনাতে তাঁহাদিগের জ্ঞান ও ইচ্ছা বিশ্বমান দৃষ্ট হইত বলিয়া, পৌরাণিক ব্যাখ্যাকে আধ্যাত্মিক ও ইচ্ছামূলক আখ্যা দেওয়া হইয়াছে।

কালে বাতে জ্বগতের প্রকৃত তত্ত্ব প্রকাশিত হয়, ততই লোকে জ্বানিতে পারে যে, পূর্বেষ্ঠে যে সকল পদার্থকৈ সচেতন বিবেচনা করিয়াছিল, চৈতন্ত্যের পরিচায়ক লক্ষণগুলিই তাহাদিগের নাই। তখন তাহাদিগের ঘারা কিরূপে কার্য্যসাধন হয় এইরপ বিতর্ক উপস্থিত হইয়া, স্থিরীকৃত হয় যে তাহাদিগের অস্তর্নিহিত কার্য্যসাধিকা শক্তি আছে। এপ্রকার অনুমান অস্বাভাবিক নইে। ইচ্ছার চৈত্যাংশ বাদ দিলে, কার্য্যসাধিকা শক্তি ভিন্ন আর কি থাকে ? কিন্তু এতদ্বারা কি কোন কার্য্যর প্রকৃত ব্যাখ্যা হয় ? আদিমাবস্থায় লোকে ভাবে অগ্নি দেবতা, আমাদিগের স্থায় ইচ্ছাপূর্বক বস্তুনিচয় ধ্বংস করেন; দ্বিতীয়াবস্থায় লোকে কল্পনা করে যে অগ্নিতে দাহিকা শক্তি আছে, তাহাতেই পদার্থসকল দগ্ধ হয়। কিন্তু অগ্নিতে পদার্থনিচয় দগ্ধ হয়, এতদতিরিক্ত কি জ্ঞান দাহিকাশক্তির নিকটে পাওয়া গেল ? যখন পৌরাণিক মতে অনাস্থা জন্মিয়া দর্শনশাস্ত্রের আলোচনার আরম্ভ হয়, তখন ঈদৃশ শক্তিসকল বছলপরিমাণে কল্পিত হয় বলিয়া, জ্ঞানের দ্বিতীয় সোপানের নাম দার্শনিক, কাল্পনিক বা শক্তিমূর্লক রাখা হইয়াছে।

পরিণামে অনেক দেখিয়া শুনিয়া লোকে অবগত হয় যে, সকল কার্য্যেরই
নিয়ম আছে; অর্থাৎ নির্দিষ্ট পূর্বেরা ত্ররত্ব এবং সাদৃশ্য সম্বন্ধ আছে। নিয়মাতিরিক্ত
আর কিছুই জ্ঞানিবার ক্ষমতা আমাদিগের নাই, এইরূপ বিবেচনা করিয়া যখন
আমরা কোন বিষয়ে অধিষ্ঠাত্রী দেবতা এবং কার্য্যসাধিকা শক্তি পরিত্যাগ পূর্বেক
নিয়মানুসন্ধানে প্রবৃত্ত হই, তখনই আমরা তিষিয়ের বৈজ্ঞানিক সোপানে উপস্থিত
হই। নিয়মই বিজ্ঞানের প্রধান লক্ষ্য, এবং বিজ্ঞান পদে পদে প্রমাণ চায়। এ
নিমিত্ত জ্ঞানের চরম সোপানের নাম বৈজ্ঞানিক, প্রামাণিক, বা নিয়মমূলক বিলয়া
নির্দেশ করা গিয়াছে।

কোম্ভ বলেন যে বিশ্বমগুলের সকল বস্তুই নিয়মের অধীন। আকাশে যে ধ্মকেত্ কখন কখন দেখা যায়, আর মানুষের মনে যখন যে ইচ্ছা উদিত হয়, সকলই নিয়মের অধীন। পৃথিবীতে লোকের পদাঘাতে যে রেণুরাশি উড়িতে থাকে, নভোমগুলে যে অসংখ্য জ্যোতিক্ষগণ বিরাজিত, মনুয়-সমাজে যখন যে ঘটনা ঘটে, সকলই নিয়মের অধীন। উল্লা ছুটিতেছে, মেঘ উঠিতেছে, পাখী উড়িতেছে, মংস্থা সম্ভরণ করিতেছে, মানব-সন্থান হাসিতেছে, কাঁদিতেছে, নাচিতেছে, গাইতেছে, সমাজবিশেষের উদয়, উন্নতি বা বিলয় হইতেছে, সকলই নিয়মানুসারে। কিন্তু কোম্ভ যদিও নিয়ম-ভক্ত, তথাপি তিনি অদৃষ্টবাদী নহেন। তিনি বলেন, বিজ্ঞানের অধিকার বৃদ্ধির সঙ্কে সঙ্গেত অদৃষ্টবাদ দোষ যে আরোপিত হইবে,

ইহা আশ্চর্য্য নহে। কারণ, যখন কোন প্রকার কার্য্য ইচ্ছার অধিকার হইতে
নিয়মের অধিকারে আইসে, নিয়মের সৈহ্য্য ইচ্ছার অস্থিরতার সহিত তুলনায়
এত অবিচলিত লক্ষিত হয় যে, অদৃষ্টশাসনবৎ প্রতীয়মান হইবারই কথা।
প্রথমে গগনের জ্যেতিঙ্কগণের গতি হইতে নৈসর্গিক নিয়মের যে প্রকার জ্ঞান
লাভ হয়, তাহাতেও এইরপ ভ্রান্তি হইবারই সন্তাবনা; যেহেতু যত কেন ইচ্ছা
করি না, আমরা তাহাদিগের গতি পরিবর্ত্তন করিতে সক্ষম নহি। যদিও প্রকৃতির
নিয়মাবলী অপরিবর্ত্তনীয়, তথাপি জ্যোতিষাধিকার-বহিভূত জগৎ-কার্য্যসকল
অনেক দ্র পরিবর্ত্তনীয়। তাপ, তড়িৎ প্রভৃতি পদার্থ, রাসায়নিক প্রক্রিয়া, বিবিধ
প্রকার জীব, এবং সামাজিক ঘটনা, কত দূর মন্থুয়ের ক্ষমতাধীন, প্রতিদিনই দৃষ্ট
হইতেছে। খ যদিও নিয়মান্থসারে সকলই ঘটে, তথাপি ইচ্ছান্থসারে তাপ, তড়িৎ
প্রভৃতি কমাইয়া বাড়াইয়া, রাসায়নিক প্রক্রিয়াবিশেষ অবলম্বন করিয়া, জীববিশেষকে কার্য্যবিশেষে নিয়োগ করিয়া, কোনরূপ সমাজসংস্কার কার্য্যের স্কুচনা
করিয়া অভিমতান্ত্ররপ সংযোগ বিয়োগ দ্বারা মানবগণ জগতে কত প্রকার
পরিবর্ত্তন সংঘটন করিতেছে।

কোম্ত যদিও বিবেচনা করেন যে জগৎ-কার্য্য এবং তদীয় নিয়ম এতদ্বাতিরিক্ত আর কিছুই জানিবার অধিকার আমাদিগের নাই, যদিও তিনি বলেন জগতের মূলকারণ ও চরম লক্ষ্য অপরিজ্ঞেয়, তথাপি তিনি নাস্তিক নহেন। তাঁহার মতে নাস্তিকেরা অজ্ঞেয় বিষয়ের আলোচনায় প্রবৃত্ত; তাহারা জগতের উৎপত্তি, জীবের উৎপত্তি প্রভৃতি অনমুসন্ধেয় ব্যাপার লইয়া ব্যস্ত। তিনি কহেন যে, যদি নৈসাগিক নিয়মাতিরিক্ত জগৎকার্য্য শৃঞ্চলসমূৎপাদক গৃঢ় কারণের তত্ত্বামূসন্ধান কর, তাহা হইলে তিমিহিত বা তদ্বহিংস্থ ইচ্ছাবিশেষ কল্পনা করা যেমন সঙ্গত এমন আর কিছুই নহে; কারণ, এরপে অমুমান দ্বারা আমাদিগের কার্য্যসন্থবা ইচ্ছার সহিত তাহার সাদৃশ্য রক্ষিত হয়। দার্শনিকশিক্ষাজনিত অহন্ধার না থাকিলে, কেইই এমন সহন্ধ ব্যাখ্যা পরিত্যাগ করিয়া অন্তরূপ কষ্টকল্পনা করিতে যাইত না; এবং যতদিন না লোকে নির্বিকল্পক সত্যামুসন্ধানের নিক্ষলতা বৃঝিয়াছিল, ততদিন এই ব্যাখ্যাতেই মমুশ্যবৃদ্ধি সন্ধন্ত ছিল। কোম্তের বিবেচনায় প্রকৃতির পদ্ধতিতে নিঃসন্দেহ অনেক দোষ আছে; কিন্তু সচেতন ইচ্ছা হইতে ইহার উৎপত্তি হইয়াছে, এ অন্থমানটি যেমন সঙ্গত, অচেতন যন্ত্রবাদ তেমন নহে। স্থতরাং তিনি বলেন যে নাস্তিকেরা পৌরাণিকদিগের মধ্যে সর্ব্বাপেক্ষা যুক্তিহীন; কারণ, তাহারা

^{*} See general view of Positivism translated from the French of Auguste Comte by J. H. Bridges, pages 57 and 58.

পৌরাণিক বিষয় লইয়া ব্যস্ত, অথচ তত্ত্পযোগী অনুসন্ধান-প্রণালী পরিত্যাগ করিয়াছে । *

কোম্ত প্রকৃতির পদ্ধতিতে কিরূপে দোষারোপ করেন, আমরা ব্ঝিতে পারি না। তাঁহার চক্ষে যাহা দোষ বলিয়া লাগে, তাহাই কি প্রকৃত দোষ ? বিজ্ঞানবিং ও বছদর্শী হইয়া তিনি কি প্রকারে এরূপ অযৌক্তিক মত প্রচার করিলেন ? আমরা জগতের একদেশ মাত্র দেখিতেছি, তত্পযোগী যাহা লক্ষিত না হয়, সমৃদয় বিশ্বমণ্ডল সম্বন্ধে তাহার অন্তিছের আবশ্যকতা নাই, আমরা কি সাহসে বলিব ? যদি বলিতে যাই, তাহা হইলে কি আমরা ধরিয়া লই না যে আমরা সকল বস্তুর বা প্রাকৃতিক কার্যের চরম উদ্দেশ্য জানি ? যাহারা বিবেচনা করে যে স্র্যা, চক্র, তারা আমাদিগকে আলোক প্রদান করিবার জন্মই স্বষ্ট হইয়াছে, প্রকৃতির কার্য্যে দোষারোপ করিয়া কি কোম্ত তাহাদিগের দলে পড়িতেছেন না ?

জ্বগতীস্থ সমস্ত ব্যাপারই যে নিয়মের অধীন, কোম্ত যদিও এ মতের প্রতিপোষক অনেক কথা বলিয়াছেন, তথাপি তিনি ইহার সংস্থাপক নহেন। বছকাল হইতে বিজ্ঞানবিৎ সমাজে এ মতটা চলিয়া আসিতেছে; এবং বহুবিস্তীর্ণ পর্য্যবেক্ষণ ও পরীক্ষাদ্বারা ইহা সংস্থাপিত হইয়াছে। এক একটা নৈসর্গিক নিয়মের আবিজ্ঞিয়া ইহার এক একটা মূল; এবং প্রাচীন কাল হইতে বর্ত্তমান কাল পর্য্যন্ত অনেক প্রতিভাশালী ব্যক্তির যত্নে ইহার পুষ্টিসাধন হইয়াছে। কিন্তু বিগত তিন

* "If we insist upon penetrating the unattainable mystery of the essential Cause that produces phenomena, there is no hypothesis more satisfactory than that they proceed from Wills dwelling in them or outside them; an hypothesis which assimilates them to effect, produced by the desires which exist within ourselves. Were it not for the pride induced by metaphysical and scientific studies it would be inconceivable that any atheist ancient or modern should have believed that his vague hyphothesis on such a subject were preferable to this direct mode of explanation. And it was the only mode which really satisfied the reason, until men began to see the utter inanity and inutility of all search for absolute truth. The order of Nature is doubtless very imperfect in every respect; but its production is far more compatible with the hyphothesis of an Intelligent Will than with that of a blind mechanism. Persistent atheists therefore would seem to be the most illogical of theologists, because they occupy themselves with theological problems and yet reject the only appropriate method of handling them." General view of Positivism p. 50.

শত বৎসরের মধ্যে ইহার প্রভাবের অত্যন্ত বৃদ্ধি হইয়াছে। গালিলিও গতির নিয়ম, এবং নিউটন মাধ্যাকর্ষণ, আবিন্ধার করিয়া দেখাইয়াছেন যে গগনমগুলস্থ জ্যোতিন্ধগণ নিয়ম শৃঞ্চলে বন্ধ । লাভইসর, ডেবি, ফ্যারাডে, ড্যালটন প্রভৃতির যত্নে প্রকাশিত হইয়াছে যে পদার্থসকল নির্দ্দিষ্ট নিয়মে সংযুক্ত বিযুক্ত হয়। বিষা (Bichat), গল (Gall) প্রভৃতির পরীক্ষা দ্বারা নির্ণীত হইয়াছে, শারীরিক্ যন্ত্রনিচয়ের কার্য্যসকলও নিয়মের অধীন। অর্থশান্ত্রবিৎ, নীতিশান্ত্রবিৎ এবং ইতিহাসবিৎ পণ্ডিতেরা সামাজিক ঘটনাসমূহের নিয়মপরতন্ত্রতা প্রদর্শন করিয়াছেন। এইরূপে বিজ্ঞানবেত্বদলে এই সংস্কারটা দৃঢ়াভৃত হইয়াছে যে স্ক্রেডম পরমাণু হইতে বৃহত্তম জ্যোতিক্ষণ্ডল পর্যান্ত, নিজ্জীব ধূলীকণা হইতে যুক্তিশালী মন্থ্য মনের চিস্তা পর্যান্ত, সমুদয় বিশ্ব ব্যাপারই নিয়মের অধীন।

আমরা জ্বগৎ-কার্য্য সম্বন্ধে যথাক্রমে তিন প্রকার ব্যাখ্যা অবলম্বন করি এ মতটিও সম্পূর্ণরূপে নৃতন নহে। হিউম্ এবং তুর্গোর প্রন্থে ইহার আভাস পাওয়া যায়। [See Hume's Natural History of Religion and Turgot's Sur les Progres successifs de l'esprit humain] কিন্তু কোম্ত যেরূপ্র নানাপ্রকার ঘটনার ব্যাখ্যা এতদ্বারা করিয়াছেন, সেরূপ আর কেহই করেন নাই; এবং ইহার কীদৃশ বছবিস্তীর্ণ প্রয়োগস্থল আছে, আর কেহই বিশদরূপে বৃঝিয়াছিলেন কিনা সন্দেহ। স্তরাং সম্পূর্ণরূপ নৃতন না হউক কোম্ত যে ইহাকে অনেক নৃতনম্ব দিয়া নিজম্ব করিয়া লইয়াছেন এবং একপ্রকার যে তিনি ইহার প্রকাশক নামের অধিকারী, তিছিময়ে সংশয় নাই। পৃথিবী ও অক্যান্থ গ্রহ স্র্যাকে পরিবেষ্টন করিয়া ঘ্রিতেছে, পিথাগোরস্ এবং আর্য্যভট্ট যদিও পূর্ব্বকালে একথা কহিয়াছিলেন, তথাপি কোপর্ণিকস এতৎ সংক্রোন্ত প্রবল যুক্তি ও প্রমাণ প্রদর্শন করিয়াছেন বলিয়া যেরূপ সৌরকেন্দ্রিক জ্যৌতিষিক মত সংস্থাপক রূপে পরিগণিত, তদ্রপ জ্ঞানোন্নতি বিষয়ক সোপানত্রয়ের আভাস হিউম্ এবং তুর্গোর লিখিত প্রবন্ধে লক্ষিত হইলেও কোম্তকে উহার সংস্থাপক বলিয়া গণ্য করিতে হইবে।

জ্ঞানামূশীলনের প্রারম্ভ সময়ে সমুদায় বিজ্ঞানশাখার সমান অবস্থা ছিল; সর্ব্বেত্র পৌরাণিক ব্যাখ্যা অবলম্বিত হইত। কিন্তু সমকালে সকল শাখা সমান উন্নতিলাভ করিতে পারে নাই। কোনটা বৈজ্ঞানিক সোপানে উঠিয়াছে, কোনটা দার্শনিক সোপানে; কোনটা বা পৌরাণিক সোপানেই পড়িয়া রহিয়াছে। কোম্ত্র বলেন, যাহার বিষয় যত সরল তাহা তত শীঘ্র বৈজ্ঞানিক সোপানে উপস্থিত হইয়াছে। বিষয়ের জটিলতা নিবন্ধন কোনটা বা দার্শনিক, কোনটা বা পৌরাণিক সোপানেই আছে। এইরূপে দৃষ্ট হয় যে একই ব্যক্তির কোন বিষয়ে বৈজ্ঞানিক মত্

কোন বিষয়ে দার্শনিক মত, এবং কোন বিষয়ে পৌরাণিক মত। জাতিভেদেও ভিন্ন ভিন্ন ফল লক্ষিত হয়। যে বিষয়ে জাতিবিশেষের বৈজ্ঞানিক মত, তদ্বিষয়েই জাত্যস্তরের দার্শনিক বা পৌরাণিক মত। এইপ্রকারে সংসারে অনেক মতবৈষম্য ঘটিয়াছে। প্রথমে যেমন সকল বিষয়ে পৌরাণিক ব্যাখ্যা গৃহীত হইত বলিয়া লোকসমাজে ঐকমত্য ছিল, পরিশেষে কোম্তের বিবেচনায় বিজ্ঞান দ্বারা তক্রপ একতা সংস্থাপিত হইবে। যে সকল শাস্ত্র সম্যক্তরূপে বৈজ্ঞানিক পদ পাইয়াছে, পণ্ডিত সমাজে তাহাদিগের সম্বন্ধে মতভেদ অত্যন্ত্রই দেখা যায়; যৎকিঞ্চিৎ যাঁহা দৃষ্ট হয় তাহাও বিষয়ের জটিলতার ফল। ক্রমেই বিজ্ঞানের অধিকার বাড়িতেছে, এবং দর্শন ও পুরাণের অধিকার কমিতেছে স্কুতরাং এরপ আশা করা অস্তায় নহে যে কালক্রমে বিজ্ঞানের রাজ্য সর্ব্বব্যাপ্ত হইয়া সর্ব্বত্র ঐকমত্য বিধান করিবে।

ভূমগুলের বর্ত্তমান অবস্থা এবং ইতিহাসের প্রতি দৃষ্টি করিলে, সাধারণতঃ কোম্তের মতের সত্যতা অনেক দূর দেখা যায়। জ্ঞানবিভূষিত ইউরোপখণ্ডে গণিত, জ্যোতিষ, পদার্থতত্ব ও রসায়ন বৈজ্ঞানিক সোপানে উঠিয়াছে; কিন্তু শারীরতত্ব এবং সমাজতত্বের অনেকাংশ দার্শনিক বা পৌরাণিক সোপানে রহিয়াছে। এতদ্দেশে কেহ চন্দ্র সূর্য্যকে দেবতা জ্ঞান করিয়া তাহাদিগের উপাসনা করিতেছেন, কেহ তাহাদিগকে জড় বিবেচনা করিয়াও তাহাদিগের শুভাশুভ ফলবিধায়িনী শক্তিতে প্রত্যয় স্থাপনা করেন, এবং কেহ বা তাহাদিগের আকার, গতি প্রভৃতি জ্ঞানিয়াই সন্তুষ্ট। ভারতবর্ষে জল প্রথমে বরুণ দেবের আবাস বলিয়া গণ্য হইত; পরে স্বেহশক্তিসম্পন্ন বলিয়া তাহার কার্য্যকলাপের ব্যাখ্যা হইত; এক্ষণে উদজান ও অমুজ্ঞানের সমষ্টি বলিয়া উহা শিক্ষিত সমাজে পরিগৃহীত। অগ্নি পূর্বেই দেবতা ছিলেন, পরে দাহিকাশক্তিশালী বলিয়া দহননিপুণ হইয়াছিলেন; এক্ষণে রাসায়নিক কার্য্যবিশেষের ফল বলিয়া পরিচিত।

কিন্তু ভাল করিয়া কোম্তের মত ব্ঝিতে হইলে তদীয় বিজ্ঞান বিভাগের প্রতি দৃষ্টি করা আবশ্যক। তিনি বলেন যে বিজ্ঞানসকল তুই শ্রেণীতে বিভক্ত, ১ মুখ্য বা সামাশ্য এবং ২ গৌণ বা বিশেষ। সম্ভবস্থল মাত্রে খাটিবে, এরপ নিয়মাবলীর আবিষ্কার করা মুখ্য বিজ্ঞানের উদ্দেশ্য, এবং এই সকল নিয়ম দ্বারা বর্ত্তমান পদার্থপুঞ্জের প্রকৃত ইতিবৃত্ত ব্যাখ্যা করা গৌণ বিজ্ঞানের উদ্দেশ্য।*
স্কৃতরাং জানা যাইতেছে যে শারীরতত্ত্ব মুখ্য বিজ্ঞান, কিন্তু উন্তিক্জবিদ্যা এবং প্রাণি-

[&]quot;We must distinguish between the two classes of natural science:—the abstract or general which have for their object the discovery of the laws which regulate phenomena in all concievable cases; and the concrete, particular, or descriptive, which are some-

বিষ্ঠা গৌণ বিজ্ঞান; রসায়ন মুখ্য বিজ্ঞান এবং খনিব্ধবিষ্ঠা গৌণ বিজ্ঞান ইত্যাদি। প্রত্যেক গৌণ বিজ্ঞানে অনেকগুলি মুখ্য বিজ্ঞানের সাহায্য লাগে। উদ্ভিক্ষবিষ্ঠা এবং প্রাণিবিছ্যা অধ্যয়ন করিতে হইলে কেবল শারীরতত্ত্ব জানিলে চলিবে না। উদ্ভিদ্ এবং জীবদেহে তাপাদির কার্য্য ব্ঝিতে পদার্থতত্ত্ব, পুষ্টিসাধনাদি ব্ঝিতে রসায়ন, এবং বর্ত্তমান জীবোদ্ভিদ্গণের সংস্থান ও গুণসকল ব্ঝিতে মহুয়-প্রভাব-প্রকাশক সমাজতত্ত্ব জানা আবশ্যক। এইরূপ খণিজ্ঞবিদ্থা শিক্ষা করিতে হইলে রসায়ন, পদার্থতত্ত্ব এবং শারীরতত্ত্ব জানা চাই। পাথুরিয়া কয়লাও একটি খনিজ্ঞ পদার্থ, কিন্তু পদার্থতত্ত্ব ও শারীরতত্ব না জানিলে কে উহার প্রকৃতি এবং উপাদান প্রভৃতি নির্ণয় করিতে পারে ?

মুখ্য বিজ্ঞানদিগকে আবার পরস্পরের সাপেক্ষতা অবলম্বন করিয়া কোম্ভ শ্রেণীবদ্ধ করিয়াছেন প্রথম স্থান তিনি গণিতকে দিয়াছেন; কারণ, ইহার বিষয় সংখ্যা, বিস্তৃতি ও গতি, এবং এ সকলের তত্তানুসন্ধান করিতে অক্স কোন বিজ্ঞানের সাহায্য আবশ্যক করে না। তাঁহার মতে, জ্যোতিষ দ্বিতীয় স্থানের যোগ্য, কারণ, ইহাতে গাণিতিক তত্ত্বাতিরিক্ত মাধ্যাকর্ষণের নিয়ম মাত্র লইতে হয়। ততীয় স্থান পদার্থতত্তকে প্রদত্ত হইয়াছে; যেহেতু উহাতে গণিতের সাহায্য আবশ্যক এবং মাধ্যাকর্ষণজনিত গুরুষাতিরিক্ত তাপ, তাড়িত, শব্দ প্রভৃতির তত্ত্ব নির্ণীত হয়। চতুর্থ স্থানে রসায়ন সংস্থাপিত হইয়াছে; কেননা, তাপতাড়িতাদির সহায়তায় পদার্থসংযোগের নিয়মাবলী নিরূপণ করাই রসায়নের উদ্দেশ্য। পঞ্চম স্থানে শারীরতত্ত্ব সন্নিবেশিত হইয়াছে: কারণ ইহাতে রাসায়নিক কার্য্যাতিরিক্ত অনেক দৈহিক ব্যাপারের মীমাংসা করিতে হয়। যর্চ স্থান সমাজতত্ত্বকে দেওয়া হইয়াছে ; কারণ, শারীরিক তত্ত্বনিচয়কে মূল করিয়া সামাজিক নিয়মাবলীর ব্যাখ্যা করাই ইহার অভিপ্রায়। সপ্তম স্থানে নীতিতত্ত্ব রক্ষিত হইয়াছে; কারণ, প্রত্যেক ব্যক্তির সহিত সমাজের সম্বন্ধ নিরূপণ করাই ইহার প্রধান লক্ষা। বিজ্ঞানশাখাঞ্চলির পরস্পর সাপেক্ষতানুসারে শ্রেণীবন্ধনের প্রতি দৃষ্টি করিলেই প্রতীতি হইবে যে. যাহার বিষয় যত জটিল তাহাই তত অন্য সাপেক্ষ, এবং যাহার বিষয় যত সরল তাহাই তত অম্মনিরপেক্ষ। গণিতের বিষয় সর্ব্বাপেক্ষা সরল ; এবং গণিতই সর্ব্ব-নিরপেক্ষ। নীতিতত্ত্বের বিষয় সর্ব্বাপেক্ষা জটিল, এবং নীতিতত্ত্বই সর্ব্বসাপেক্ষ। অক্সান্ত বিজ্ঞানশাখাগুলি জটিলতার তারতম্যান্তরূপ অপরসাপেক।

times called natural science in a restricted sense, whose function it is to apply these laws to the actual history of existing beings."—Positive Philosophy, freely translated and condensed by Harriet Martineau.

কিঞ্চিৎ বিবেচনা করিলেই বুঝা যায় যে, যে বিজ্ঞানশাখা যত দূর অষ্ঠ সাপেক্ষ তাহা তত বিলম্বে বৈজ্ঞানিক সোপানে আরোহণ করিবে। ইতিহাসও এইরূপ সাক্ষ্য প্রদান করিতেছে, গণিতই সর্ববাগ্রে বৈজ্ঞানিক সোপানে উঠিয়াছে; তদনস্তর জ্যোতিষ; তারপর পদার্থতত্ব; তৎপরে রসায়ন। শারীরতত্বের কিয়দংশ মাত্র বৈজ্ঞানিক পদে উন্নত হইয়াছে; সমাজতত্ব এবং নীতিতত্ব প্রায় সর্ববিছই পৌরাণিক বা দার্শনিক সোপানে পড়িয়া রহিয়াছে। কালসহকারে বিজ্ঞানশাখা নিচয়ের যে প্রকার উন্নতি হইয়াছে, তাহাতে প্রতিপন্ন হইতেছে যে বাহার বিষয় যত সরল তাহা তত শীল্প বৈজ্ঞানিক সোপানে উত্তীর্ণ হয়।

কোম্ত মুখ্য বিজ্ঞানগুলিকে যেরূপে শ্রেণীবদ্ধ করিয়াছেন, তাহাতে ছুইটি দোষ দৃষ্ট হয়; প্রথম এই যে তিনি অন্যায় পূর্বক জ্যোতিষকে মুখ্য বিজ্ঞানদলভুক্ত করিয়াছেন, দ্বিতীয় এই যে তিনি মনস্তব্বকে অবিবেচনা পূর্বক উক্ত দলে স্থান দেন নাই। তিনি যখন বলিয়াছেন যে, বর্ত্তমান পদার্থপুঞ্জের প্রকৃত ইতিবৃত্ত ব্যাখ্যা করা গৌণবিজ্ঞানের উদ্দেশ্য, এবং যখন তিনি এই কারণে খণিজ্ববিল্ঞা, উদ্ভিক্তবিল্ঞা, এবং প্রাণিবিল্ঞাকে গৌণবিজ্ঞানশ্রেণীভুক্ত করিয়াছেন, তখন তিনি কি প্রকারে জ্যোতির্বিল্ঞাকে গৌণবিজ্ঞান না বলিবেন ? বর্ত্তমান সূর্য্য, গ্রহ, উপগ্রহ, ধূমকেতু এবং তারকাপুঞ্জের প্রকৃত ইতিবৃত্ত ব্যাখ্যা করাই জ্যোতিষের উদ্দেশ্য। যদি বল সম্ভবস্থল মাত্রে খাটে এরূপ মাধ্যাকর্ষণ নিয়ম নির্ণয়ও জ্যোতিষের কার্য্য, আমাদিগের বিবেচনায় এটি ভ্রম। গণিতের যে ভাগ দ্বারা গতির নিয়মাবলী নির্ণীত হয়, মাধ্যাকর্ষণ তাহারই আলোচ্য একটি বিষয় মাত্র।

আমাদিগের বোধ হয় যে সমাজতত্ত্বর অব্যবহিত পূর্ব্বেই মনস্তত্ত্ব সংস্থাপন করা আবশ্যক। কেবল কতকগুলি শরীরীর সংযোগে সমাজ সংগঠিত হয় না। কাননে অসংখ্য তরুলতা একত্রে আছে; কিন্তু সেখানে আমরা সমাজের অন্তিত্ব স্বীকার করি না। যেখানে আমরা মনের সহিত মনের ঘাত প্রতিঘাত উপলব্ধি করি, যেখানে অনেকের মন একত্রিত হইয়া কার্য্যে প্রবৃত্ত দেখি সেখানেই কেবল আমরা সমাজ আছে বলিয়া থাকি। অতএব যে মন সমাজের মৃল্যুরূপ, তিষিয়ক বৈজ্ঞানিক তত্ত্ব সংগ্রহ না হইলে সমাজতত্ত্বের ভিত্তি নির্মাণই হয় না। স্থতরাং সমাজতত্ত্বের পূর্ব্বে মনস্তত্ত্ব সন্ধিবেশ করা চাই। আবারও ভাবিয়া দেখ, শরীরী মাত্রেই মনবিশিষ্ট নহে। জন্ম, পুষ্টিসাধন, বংশ বৃদ্ধি, মৃত্যু প্রভৃতি শরীরী সকলেরই আছে; কিন্তু অর্ক্ষেকের প্রায়, অর্থাৎ উদ্ভিজ্জদলের কাহারও, মন নাই। স্থতরাং শরীরী মাত্রের সাধারণ তত্ত্বগুলি শারীরতত্ত্ব বিজ্ঞানের বিষয় রাখিয়া মানসিকতত্ত্ব সমৃদায় লইয়া একটি বিজ্ঞানশাখা সংস্থাপন করা উচিত। এতৎসম্বন্ধে >262]

আরও একটি কথা বলা যাইতে পারে। গণিত হইতে শারীরতন্ব পর্যান্ত সকল শান্তের তথ্য নির্ণয়ার্থে আমরা কেবল বহিরিন্দ্রিয়সাপেক্ষ। মনস্তন্ত্রামুসন্ধানার্থে আমরা একটি নৃতন যন্ত্র পাইতেছি; সেটি আমাদিগের অন্তরিন্দ্রেয়। কোম্ত বলেন যে আন্তরিক ঘটনা পর্য্যবেক্ষণ করিবার শক্তি আমাদিগের নাই; কারণ, যখনই আমরা কোন মানসিক ব্যাপারের প্রতি লক্ষ্য করিতে যাই তখনই তাহা বিলীন হইয়া যায়। এ বিষয়ে আমাদিগের উত্তর এই, যখন আমরা প্রতিক্ষণে জানিতে পারিতেছি যে আমাদিগের মনে স্থুখ তৃঃখ কি কোনরূপ চিন্তা উদিত হইতেছে, তখন আমাদিগের আপন আপন মানসিক ব্যাপার পর্য্যবেক্ষণ করিবার ক্ষমতা আমাদিগের কিয়ৎপরিমাণে আছে, তাহার সন্দেহ নাই। আর ইহাও কাহারও অবিদিত নাই যে স্মৃতি দ্বারা বিগত মানসিক অবস্থার জ্ঞান অনেক দূর্র লাভ করা যায়। স্থতরাং অন্তর্দু প্রি দ্বারা মনস্তন্ত্ব সম্বন্ধীয় সত্য নির্ণয় বিষয়ে কোম্তের আপত্তি বিফল হইতেছে।

কোম্ভের মতে, জ্ঞানোপার্জনের উপায় তিনটি; পর্য্যবেক্ষণ, পরীক্ষা এবং উপমা। যখন যে নৈসর্গিক ব্যাপার স্বতঃ আমাদিগের ইন্দ্রিয়গোচর হয়, তাহার পর্য্যালোচনাকে পর্য্যবেক্ষণ বলে। ইচ্ছাপূর্বক অবস্থা পরিবর্ত্তন করিয়া কোন বিষয়ের পর্য্যালোচনাকে পরীক্ষা কহে। অনুসন্ধেয় তত্ত্বটি বিশদ করিয়া বুঝিবার জন্ম দেশকালপাত্রভেদে তদীয় পর্য্যালোচনাকে উপমা বলে। আমাদিগের বোধ হয় যে অন্তরিন্দ্রিয় গোচর বলিয়া আমাদিগের মানসিক ব্যাপারও পর্য্যবেক্ষণের বিষয়; এবং উপমাটি একপ্রকার কৌশল-প্রতিষ্ঠিত পরীক্ষামাত্র। কোম্ভ দেখাইয়াছেন যে, বিষয়ের জটিলতা বৃদ্ধির সঙ্গে সঙ্গে তত্ত্ব নিরূপণের উপায়বৃদ্ধি ঘটে। গণিতে পর্য্যবেক্ষণ করিতে হয় কিনা আমরা বৃঝিতে পারি না। জ্যোতিষে কেবল চক্ষ্মারা পর্য্যবেক্ষণ করিতে হয়। পদার্থতিত্ব এবং রসায়নে সম্দায় ইন্দ্রিয়ের সহযোগে পর্য্যবেক্ষণ এবং পরীক্ষা চলে। শারীয়ভত্ত্ব, সমাজভত্ত্ব এবং নীভিতত্ত্ব পর্য্যবেক্ষণ, পরীক্ষা, এবং উপমা তিনটিরই অনেক স্থল ঘটে। কোম্ভ যদি মনস্তত্ত্ব পরিত্যাগ না করিতেন, তাহা হইলে তিনি যে আর একটি তত্ত্বনির্ণায়ক উপায়ের বিশেষ উল্লেখ করিতেন, ইহা বলা পুনকুক্তি মাত্র।



করিয়াছেন যে, এই জন্ত দেখা দিয়াছে। পশুতব্ববিৎ পণ্ডিতেরা পরীক্ষাদ্বারা স্থির করিয়াছেন যে, এই জন্ত বাহতঃ মনুয়-লক্ষণাক্রান্ত; হস্তে পদে পাঁচ পাঁচ অঙ্গুলি, লাঙ্গুল নাই, এবং অস্থি ও মস্তিষ্ক "বাইমেনা" জাতির সদৃশ বটে। তবে অস্তঃসভাব সম্বন্ধে সেরূপ নিশ্চয়তা এখনও হয় নাই। কেহ কেহ বলেন, ইহারা অস্তঃসম্বন্ধেও মনুয়া বটে, কেহ কেহ বলেন, ইহারা বাহিরে মনুয়া, এবং অস্তরে পশু। এই তত্ত্বের মীমাংসা জন্য শ্রীযুক্ত বাবু রাজনারায়ণ বস্তু ১৭৯৪ শকের চৈত্রমাসে বক্তৃতা করেন। এক্ষণে তাহা মুজিত করিয়াছেন। তিনি এ বক্তৃতায় পশু পক্ষই সমর্থন করিয়াছেন।

আমরা কোন্ মতাবলম্বী ? বঙ্গদর্শনের পাঠকেরা জানেন যে, আমরাও বাঙ্গালির পশুত্ববাদী। এবং অনেক সময়েই বাঙ্গালির পশুত্বই সমর্থন করিয়াছি। বিধাতা ত্রিলোকের স্থল্নরীগণের সৌন্দর্য্য তিল তিল সংগ্রহ করিয়া তিলোত্তমার স্ফলন করিয়াছিলেন; সেইরূপ পশুবৃত্তির তিল তিল করিয়া সংগ্রহ পূর্বক এই অপূর্ব্ব নব্য বাঙ্গালি চরিত্র স্ঞলন করিয়াছেন। শৃগাল হইতে শঠতা, কুরুর হইতে তোষামোদ ও ভিক্ষামূরাগ, মেষ হইতে ভিক্নতা, বানর হইতে অন্থকরণপটুতা, এবং গর্দ্দভ হইতে গর্জন,—এই সকল একত্র করিয়া, দিম্মণ্ডল উজ্জলকারী, ভারতবর্ষের ভরসার বিষয়ীভূত, এবং ভট্ট মক্ষমূলরের আদরের স্থল, নব্য বাঙ্গালিকে সমাজাকাশে উদিত করিয়াছেন। যেমন স্থল্দরীমণ্ডলে তিলোত্তমা, গ্রন্থমধ্যে রিচার্ডসন্স্ সিলেক্সন্স্, যেমন পোষাকের মধ্যে ফকিরের জামা, মজের মধ্যে পঞ্চ, থাত্তের মধ্যে বিচুড়ি, তেমনি মনুস্থের মধ্যে নব্য বাঙ্গালি। যেমন ক্ষীরোদ সমুস্ত মন্থন করিয়া, এই অনিন্দনীয় বাব্-চাঁদ উঠিয়া ভারতবর্ষ আলো করিতেছেন। রাজনারায়ণ বাব্র স্থায় যে সকল অমৃতলুব্ধ লোক রাছ হইয়া এই কলঙ্কশৃষ্ঠ চাঁদকে গ্রাস করিতে যান,

আমরা তাঁহাদের নিন্দা করি। বিশেষতঃ রাজনারায়ণ বাবুকে বলি যে, আপনিই এই গ্রন্থমধ্যে গোমাংস ভোজন করিতে নিষেধ করিয়াছেন, তবে বাঙ্গালির মুণ্ড খাইতে বসিয়াছেন কেন ?—গোরু হইতে বাঙ্গালি কিসে অপকৃষ্ট ? গোরুও যেমন উপকারী, নব্য বাঙ্গালিও সেইরূপ। ইহারা সম্বাদপত্ররূপ, ভাণ্ড ভাণ্ড সুস্বাহ্ হ্ম দিতেছে; চাকরি-লাঙ্গল কাঁধে লইয়া, জীবনক্ষেত্র কর্ষণ পূর্কক ইংরেজ-চাষার ফশলের যোগাড় করিয়া দিতেছে; বিভার ছালা পিঠে করিয়া, কালেজ হইতে ছাপাখানায় আনিয়া ফেলিয়া, চিনির বলদের নাম রাখিতেছে; সমাজসংস্কারের গাড়িতে বিলাতি মাল বোঝাই দিয়া, রসের বাজারে ঢোলাই করিতেছে; এবং দেশহিতের ঘানিগাছে স্বার্থ-শর্ষপ পেষণ করিয়া, যশের তেল বাহির করিতেছে। এত গুণের গোরুকে কি বধ করিতে আছে ?

আমরা নব্য বাঙ্গালির প্রতি এইরূপ প্রশংসাবাক্যই ব্যবহার করিয়া থাকি—এবং রাজনারায়ণ বাবৃও সেই পথের পথিক। আমরা যে বাস্তবিক বাঙ্গালিকে এতই অপদার্থ মনে করি, ইহা বোধ হয় সকলে সত্য বিবেচনা করেন না। আত্মনিন্দায় দোষ নাই—উপকার আহেছ। আমরা বাঙ্গালি হইয়া, বাঙ্গালির নিন্দা করিতে অধিকারী—নিন্দার একটু অস্থায় আতিশয্য হইলেও লাভ আছে। আমাদিগের যে অবস্থা, তাহাতে আপনা আপনি ধন্যবাদ আরম্ভ করার অপেক্ষা অমঙ্গলকর আর কিছুই হইতে পারে না।

সত্য কথা এই যে আমরা বাঙ্গালির যত নিন্দা করি, বাঙ্গালি তত নিন্দনীয় নহে। রাজনারায়ণ বাবৃও বাঙ্গালির যত নিন্দা করিয়াছেন, বাঙ্গালি তত নিন্দনীয় নহে। আমরা যে অভিপ্রায়ে বাঙ্গালির নিন্দা করি, রাজনারায়ণ বাবৃও সেই অভিপ্রায়ে বাঙ্গালির নিন্দা করিয়াছেন—বাঙ্গালির হিতার্থ। সেকালে আর এ কালে নিরপেক্ষ ভাবে তুলনা তাঁহার উদ্দেশ্য নহে—একালের দোষনির্ব্বাচনই তাঁহার উদ্দেশ্য। একালের গুণগুলির প্রতি তিনি বিশেষ দৃষ্টিক্ষেপ করেন নাই করাও নিপ্রয়োজন, কেননা আমরা আপনাদিগের গুণের প্রতি পলকের জন্য সন্দেহযুক্ত নহি।

রাজনারায়ণ বাবুর সঙ্গে অনেক সময় আমাদিগের একমত, ইহা আমর। আত্মশ্লাঘার বিষয় মনে করি। অনেকস্থানে গুরুতর মতভেদও আছে—কিন্তু উদ্দেশ্য এক বলিয়া প্রতিবাদ নিষ্প্রয়োজনীয় বিবেচনা হইল।

ভবে একটি তত্ত্ব সম্বন্ধে আমাদিগের কিছু বলিবার ইচ্ছা আছে—বাঙ্গালির অমুচিকীর্যা। তিনবৎসর ধরিয়া বাঙ্গালিকে গালি দিয়া আসিতেছি—একদিন একটা ভাল কথা বলিলে অপাত্রে পড়িবে না। নব্য বাঙ্গালির অনেক দোষ। কিন্তু সকল দোষের মধ্যে, অমুকরণামুরাগ সর্ববাদিসমত। কি ইংরেজ কি বাঙ্গালি সকলই ইহার জফ্য বাঙ্গালি জাতিকে 'অহরহ তিরস্কৃত করিতেছেন। তদ্বিষয়ে রাজনারায়ণ বাবু যাহা বলিয়াছেন, তাহা উদ্ধৃত করিবার আবশ্যকতা নাই—সেসকল কথা আজকালি সকলেরই মুখে শুনিতে পাওয়া যায়।

আমরা সে সকল কথা স্বীকার করি, এবং ইহাও স্বীকার করি যে, রাজনারায়ণ বাবু যাহা বলিয়াছেন, তাহার অনেকগুলিই সঙ্গত। কিন্তু অমুর্করণ সম্বন্ধে তুই একটি সাধারণ ভ্রম আছে।

অমুকরণ মাত্র কি দৃষ্য ? তাহা কদাচ হইতে পারে না। অমুকরণ ভিন্ন প্রথম শিক্ষার উপায় কিছুই নাই। যেমন শিশু বয়ঃপ্রাপ্তের বাক্যান্ত্রকরণ করিয়া কথা কহিতে শিখে, যেমন সে বয়ঃপ্রাপ্তের কার্য্যসকল দেখিয়া কার্য্য করিতে শিখে. অসভ্য এবং অশিক্ষিত জাতি সেইরূপ সভ্য এবং শিক্ষিত জাতির অমুকরণ করিয়া সকল বিষয়ে শিক্ষাপ্রাপ্ত হয়। অতএব বাঙ্গালি যে ইংরেজের অনুকরণ করিবে, ইহা সঙ্গত ও যুক্তিসিদ্ধ। সত্য বটে, আদিম সভ্যজাতি বিনানুকরণে স্বতঃশিক্ষিত এবং সভ্য হইয়াছিলেন; প্রাচীন ভারতীয় ও মিসরীয় সভ্যতা কাহারও অমুকরণলব্ধ নহে। কিন্তু যে আধুনিক ইউরোপীয় সভ্যতা সর্ব্বজ্বাতীয় সভ্যতার মধ্যে শ্রেষ্ঠ, তাহা কিসের ফল ? তাহাও রোমক ও যুনানী সভ্যতার অনুকরণের ফল। রোমক সভ্যতাও যুনানী সভ্যতার অনুকরণের ফল। যে পরিমাণে বাঙ্গালি, ইংরেজের অমুকরণ করিতেছে, পুরাবৃত্তজ্ঞ জানেন যে ইউরোপীয়েরা প্রথমাবস্থাতে তদপেক্ষা অল্প পরিমাণে যুনানীয়ের, বিশেষতঃ রোমকীয়ের অনুকরণ করেন নাই। প্রথমাবস্থাতে অনুকরণ করিয়াছিলেন বলিয়াই এখন এ উচ্চসোপানে দাঁড়াইয়াছেন। শৈশবে পরের হাতে ধরিয়া যে জলে নামিতে না শিখিয়াছে, সে কখনই সাঁতার मिट मिटथ नांहे; किनना हेरकत्म **जाहात क**रण नामाहे हहेल ना। भिक्रकत লিখিত আদর্শ দেখিয়া যে প্রথমে লিখিতে না শিখিয়াছে, সে কখনই লিখিতে শিখে নাই। বাঙ্গালি যে ইংরেঞ্জের অমুকরণ করিতেছে, ইহাই বাঙ্গালির ভরসা।

তবে লোকের বিশ্বাস এই যে, অমুকরণের ফল কখন প্রথম শ্রেণীর উৎকর্ষ প্রাপ্তি হয় না। কিসে জানিলে ? '

প্রথম, সাহিত্য সম্বন্ধে দেখ। পৃথিবীর কতকগুলি প্রথম শ্রেণীর কাব্য, কেবল অমুকরণ মাত্র। ড্রাইডেন এবং বোয়ালোর অমুকারী পোপ, পোপের অমুকারী জন্সন, এইরূপ কুজ কুজ লেখকদিগের দৃষ্টাস্ত দেখাইয়া আমরা এ কথা সপ্রমাণ করিতে চাহি না। বর্জিজলের মহাকাব্য, হোমরের প্রসিদ্ধ মহাকাব্যের অমুকরণ। সমুদায় রোমক সাহিত্য, যুনানীয় সাহিত্যের অমুকরণ। যে রোমক সাহিত্য বর্ত্তমান ইউরোপীয় সভ্যতার ভিত্তি, তাহা অমুকরণ মাত্র। কিন্তু বিদেশী উদাহরণ দূরে থাকুক। আমাদিগের স্বদেশে ছইখানি মহাকাব্য আছে—তাহাকে মহাকাব্য বলে না, গৌরবার্থ ইতিহাস বলে— তাহা পৃথিবীর সকল কাব্যের শ্রেষ্ঠ। গুণে উভয়ে প্রায় তুল্য; অল্প তারতম্য। একখানি আর একখানির অমুকরণ।

মহাভারত যে রামায়ণের পরকালে প্রণীত, তাহা হুইলর সাহেব ভিন্ন বোধ হয় আর কেহই সহজ অবস্থায় অস্বীকার করিবেনা। অক্সান্ত অমুকৃত এবং অমুকরণের নায়ক সকলে যতটা প্রভেদ দেখা যায়, রামে ও যুধিষ্ঠিরে তাহার অপেক্ষা অধিক প্রভেদ নহে। রামায়ণের অমিতবলধারী বীর, জিতেন্দ্রিয়, ভ্রাতৃবৎসল লক্ষণ মহা-ভারতে অর্জুনে পরিণত হইয়াছেন, এবং ভরত শত্রুত্ব নকুল সহদেব হইয়াছেন। ভীম, নৃতন সৃষ্টি, তবে কুম্ভকর্ণের একটু ছায়ায় দাঁড়াইয়াছেন। রামায়ণে রাবণ, মহা-ভারতে হুর্য্যোধন; রামায়ণে বিভীষণ, মহাভারতে বিদূর; অভিমন্থ্যু, ইন্দ্রঞ্জিতের অস্থি-মঙ্জা লইয়া গঠিত হইয়াছে। এদিকে রাম ভ্রাতা ও পত্নী সহিত বনবাসী; যুধিষ্ঠিরও ভ্রাতা ও পত্নী সহিত বনবাসী। উভয়েই রাজ্যচ্যুত। একজনের পত্নী অপহতা, আর একজনের পত্নী সভামধ্যে অপমানিতা; উভয় মহাকাব্যের সারভূত সমরানলে সেই অগ্নি জ্বলম্ভ ; একে স্পষ্টতঃ, অপীরে অস্পষ্টতঃ। উভয় কাব্যের উপস্থাস ভাগ এই যে, যুবরাজ রাজ্যচ্যুত হইয়া, ভ্রাতা ও পত্নীসহ বনবাসী, পরে সমরে প্রবৃত্ত, পরে সমরবিজয়ী হইয়া পুনর্বার স্বরাজ্যে স্থাপিত। ক্ষুদ্র ক্ষুদ্র ঘটনাতেই সেই সাদৃশ্য আছে ; কুশীলবের পালা মণিপুরে বক্রবাহন কর্তৃক অভিনীত হইয়াছে ; মিথিলায় ধরুর্ভঙ্গ, পাঞ্চালে মৎস্থ বিন্ধনে পরিণত হইয়াছে; দশরথকৃত পাপে এবং পাণ্ডুকৃত পাপে বিলক্ষণ ঐক্য আছে। মহাভারতকে রামায়ণের অমুকরণ বলিতে ইচ্ছা না হয়, না বলুন ; কিন্তু অমুকরণীয়ে এবং অমুকৃতে ইহার অপেক্ষা ঘনিষ্ঠ সম্বন্ধ অতি বিরল। কিন্তু মহাভারত অমুকরণ হইয়াও কাব্যমধ্যে পৃথিবীমধ্যে অম্যত্র অতুল—একা রামায়ণই তাহার তুলনীয়। অতএব অমুকরণ মাত্র হেয় নহে।

পরে, সমাজ সম্বন্ধে দেখ। যখন রোমকেরা যুনানীয় সভ্যতার পরিচয় পাইলেন, তখন তাঁহারা কায়মনোবাক্যে যুনানীয়দিগের অনুকরণে প্রবৃত্ত হইলেন। তাহার ফল, কিকিরোর বাগ্মিতা, তাসিতসের ইতিবৃত্তগ্রন্থ, বর্জিলের মহাকাব্য, প্লতস ও টেবেন্সের নাটক, হরেস ও ওবিদের গীতিকাব্য, পেপিনিয়নের ব্যবস্থা, সেনেকার ধর্মনীতি, আন্তনৈনদিগের রাজধর্ম, লুকালসের ভোগাসক্তি, জনসাধারণের ঐশ্বর্য্য, এবং সম্রাট্গণের স্থাপত্যকীর্তি। আধুনিক ইউরোপীয়দিগের কথা পূর্ব্বেই উল্লিখিত হইয়াছে; ইতালীয়, ফরাসি-সাহিত্য, গ্রীক ও রোমীয় সাহিত্যের অনুকরণ; ইউরোপীয় ব্যবস্থা-শান্ত্র, রোমক ব্যবস্থা-শান্ত্রের অনুকরণ; ইউরোপীয় শাসনপ্রণালী রোমকীয়ের অনুকরণ। কোথাও সেই ইন্পিরেটর, কোথাও সেই

সেনেট, কোথাও সেই প্লেবের শ্রেণী, কোথাও সেই ফোরম, কোথাও সেই মিউনিসিপিয়ম্। আধুনিক ইউরোপীয় স্থাপত্য ও চিত্রবিভাও যুনানী ও রোমক মূলবিশিষ্ট।
এই সকলই প্রথমে অমুকরণ মাত্রই ছিল; এক্ষণে অমুকরণাবস্থা পরিত্যাগ করিয়া
পৃথগ্ভাবাপন্ন ও উন্নত হইয়াছে। প্রতিভা থাকিলেই এইরূপ ঘটে; প্রথম
অমুকরণ মাত্র হয়; পরে অভ্যাসে উৎকর্ষ প্রাপ্ত হওয়া যায়। যে শিশু প্রথম
লিখিতে শিখে, তাহাকে প্রথমে গুরুর হস্তাক্ষরের অমুকরণ করিতে হয়—পরিণামে
তাহার হস্তাক্ষর স্বতন্ত্র হয়, এবং প্রতিভা থাকিলে সে গুরুর অপেক্ষা ভাল লিখিয়াও
থাকে।

তবে প্রতিভাশৃষ্টের অমুকরণ বড় কদর্য্য হয় বটে। যাহার যে বিষয়ে নৈসর্গিক শক্তি নাই, যে চিরকালই অমুকারী থাকে, তাহার স্বাতম্ব্য কখন দেখা যায় না। ইউরোপীয় নাটক ইহার বিশিষ্ট উদাহরণ। ইউরোপীয় জাতিমাত্রেরই নাটক আদৌ যুনানী নাটকের অমুকরণ। কিন্তু প্রতিভার গুণে স্পেনীয় এবং ইংলগুয় নাটক শীদ্রই স্বাতম্ব্য লাভ করিল—এবং ইংলগু এ বিষয়ে গ্রীসের সমকক্ষ হইল। এদিকে, এতিছিয়য়ে স্বাভাবিক শক্তিশৃষ্য রোমীয়, ইতালীয়, ফরাসি এবং জর্মনীয়গণ অমুকারীই রহিলেন। অনেকেই বলেন যে, শেষোক্ত জাতিসকলের নাটকের অপেক্ষাকৃত অমুৎকর্ষ তাঁহাদিগের অমুচিকীর্ষার ফল। এটি ভ্রম। ইহা নৈসর্গিক ক্ষমতার অপ্রতুলেরই ফল। অমুচিকীর্ষাও সেই অপ্রতুলের ফল। অমুচিকীর্ষাও কার্য্য, কারণ নহে।

অমুকরণ যে গালি বলিয়া আজিকালি পরিচিত হইয়াছে, তাহার কারণ প্রেতিভাশৃন্য ব্যক্তির অমুকরণে প্রবৃত্তি। অক্ষম ব্যক্তির কৃত অমুকরণ অপেক্ষা ঘুণাকর আর কিছুই নাই; একে মন্দ তাহাতে অমুকরণ। নচেৎ অমুকরণমাত্র ঘুণ্য নহে; এবং বাঙ্গালির বর্ত্তমান অবস্থায় তাহা দোষের নহে। বরং এরূপ অমুকরণই স্বভাবসিদ্ধ। ইহাতে যে বাঙ্গালির স্বভাবের কিছু বিশেষ দোষ আছে এমন বোধ করিবার কারণ নির্দ্দেশ করা কঠিন। ইহা মামুষের স্বভাবসিদ্ধ দোষ বা গুণ। যখন উৎকৃষ্টে এবং অপকৃষ্টে একত্রিত হয়, তখন অপকৃষ্ট স্বভাবতঃই উৎকৃষ্টের সমান হইতে চাহে। সমান হইবার উপায় কি? উপায়, উৎকৃষ্ট যেরূপ করে, সেইরূপ কর, সেইরূপ হইবে। তাহাকেই অধ্বকরণ বলে। বাঙ্গালি দেখে, ইংরেজ্ব সভ্যতায়, শিক্ষায়, বলে, ঐশ্বর্য্যে, স্থথে, সর্ব্বাংশে বাঙ্গালি হইতে শ্রেষ্ঠ। বাঙ্গালি কেন না ইংরেজ্বের মত হইতে চাহিবে? কিন্তু কি প্রকারে সেরূপ হইবে? বাঙ্গালি মনে করে, ইংরেজ্ব যাহা যাহা করে, সেইরূপ সেইরূপ করিলে, ইংরেজ্বের মত সভ্য, শিক্ষিত, সম্পন্ন, স্থী হইব। অন্য যে কোন জ্বাতি হউক না কেন, ঐ অবস্থাপন্ন হইলে এরূপ করিত। বাঙ্গালির স্বভাবের দোষে এ অমুকরণপ্রবৃত্তি

নহে। অস্ততঃ বাঙ্গালির তিনটি প্রধান জ্ঞাতি—ব্রাহ্মণ, বৈছা, কায়স্থ আর্য্যবংশ-সন্থত; আর্য্যশোণিত তাহাদের শরীরে অছ্যাপি বহিতেছে; বাঙ্গালি কখনই বানরের ছায় কেবল অনুকরণের জ্ঞাই অনুকরণপ্রিয় হইতে পারে না। এ অনুকরণ স্বাভাবিক, এবং পরিণামে মঙ্গলপ্রদ হইতে পারে। যাঁহারা আমাদিগের কৃত ইংরেজের আহার ও পরিচ্ছদের অনুকরণ দেখিয়া রাগ করেন, তাঁহারা ইংরেজকৃত ফরাসীদিগের আহার পরিচ্ছদের অনুকরণ দেখিয়া কি বলিবেন ? এ বিষয়ে-বাঙ্গালির অপেক্ষা ইংরেজেরা অল্লাংশে অনুকারী ? আমরা অনুকরণ করি, জ্ঞাতীয় প্রভুর;—ইংরেজেরা অনুকরণ করেন—কাহার ?

ইহা^ন আমরা অবশ্য সীকার করি যে, বাঙ্গালি যে পরিমাণে অনুকরণে প্রবৃত্ত, ততটা বাঞ্চনীয় না হইতে পারে, এবং আমরাও এই অনুকরণ-প্রবৃত্তিকে সর্বাদা ভর্ৎ সনা ও ব্যঙ্গ করিয়া থাকি। বাঙ্গালির মধ্যে প্রতিভাশৃত্য অনুকারীরই বাছল্য; এবং তাঁহাদিগকে প্রায় গুণভাগের অনুকরণে প্রবৃত্ত না হইয়া দোষভাগের অনুকরণেই প্রবৃত্ত দেখা যায়। এইটি মহা ছংখ। বাঙ্গালি গুণের অনুকরণে তত পটু নহে; দোষের অনুকরণে ভূমগুলে অদ্বিতীয়। এইজ্রন্থই আমরা বাঙ্গালির অনুকরণপ্রবৃত্তিকে গালি পাঁড়ি, এবং এইজ্ন্যই রাজনারায়ণ বাবু যাহা যাহা বলিয়াছেন, তাহার অনেকগুলি যথার্থ বলিয়া স্বীকার করিতেছি।

যেখানে অনুকারী প্রতিভাশালী সেখানেও অনুকরণের তুইটি মহৎ দোষ আছে। একটি বৈচিত্রের বিল্প। এ সংসারে একটি প্রধান সুখ, বৈচিত্র ঘটিত। জগতীতলস্থ সর্বব পদার্থ যদি এক বর্ণের হইত তবে জগৎ কি এত সুখদৃশ্য হইত ? সকল শব্দ যদি এক প্রকার হইত—মনে কর, কোকিলের স্বরের স্থায় রব ভিন্ন পৃথিবীতে অন্য কোন প্রকার শব্দ না থাকিত, তবে কি শব্দ সকলের কর্ণ-জালাকর হইত না ? আমরা সেরূপ স্বভাব পাইলে, না হইতে পারিত। কিন্তু এক্ষণে আমরা যে প্রকৃতি লইয়া পৃথিবীতে জন্মগ্রহণ করিয়াছি, তাহাতে বৈচিত্রেই সুখ। অনুকরণে এই সুখের ধ্বংস হয়। মাকবেথ উৎকৃষ্ট নাটক, কিন্তু পৃথিবীর সকল নাটক মাকবেথের অনুকরণে লিখিত হইলে, নাটকে আর কি সুখ থাকিত ? সকল মহাকাব্য রঘুবংশের আদর্শে লিখিত হইলে, কে আর কাব্য পড়িত ?

দিতীয়, সকল বিষয়েই যত্নপোনঃপুন্তে উংকর্ষের সম্ভাবনা। কিন্তু পরবর্ত্তী কার্য্য পূর্ববর্ত্তী কার্য্যের অনুকরণমাত্র হইলে, চেষ্টা কোনপ্রকার নৃতন পথে যায় না; স্মৃতরাং কাব্যের উন্নতি ঘটে না। তখন ধারাবাহিকতা প্রাপ্ত হইতে হয়। ইহা কি শিল্প সাহিত্য বিজ্ঞান, কি সামাজিক কার্য্য, কি মানসিক অভ্যাস, সকল সম্বন্ধেই সত্য।

এই তত্ত্বের অন্তর্গত একটি গুরুতর তত্ত্ব আছে—স্বায়ুবর্ষিতার বিনাশ। স্বামুবর্তিতা কি, তাহা বিস্তারিত বুঝাইবার প্রয়োজন নাই। যাঁহারা মিলের মূল-গ্রাম্থ পাঠ না করিয়াছেন, তাঁহারা বঙ্গদর্শনের প্রথম খণ্ডের ২৫৫, ২৭২ পৃষ্ঠান্তিত প্রবন্ধদ্বয় পাঠ করিলেই বুঝিতে পারিবেন। মিল প্রণীত এই গ্রন্থ * ভবিশ্বতে মানব সমাজ-শাল্তের মূলস্বরূপ পরিণাম লাভ করিবার সম্ভাবনা; এবং আমাদিগের বিবেচনায় সমাজনীতির সকল তত্ত্বই তৎপ্রণীত নীতিসূত্রের সাহায্যে পর্য্যবেক্ষিত হওয়া উচিত। সেই নীতিসূত্রের সাহায্যে ইহাই প্রতিপন্ন হয় বে, মনুয়ের শারীরিক ও মানসিক বৃত্তি সকলেরই সমকালিক যথোচিত স্ফুর্ত্তি এবং উন্নতি মন্থ্যদেহধারণের প্রধান উদ্দেশ্য। তবে যাহাতে কতকগুলির অধিকতর পরিপুষ্টি, এবং কতকগুলির প্রতি তাচ্ছীল্য জ্বন্ধে, তাহা মনুষ্মের অনিষ্টকর। মনুষ্ম অনেক, এবং একজন মমুয়্যের স্থুখও বহুবিধ। তত্তাবৎ সাধনের জন্ম বহুবিধ ভিন্ন ভিন্ন কার্য্যের আবশ্যকতা। ভিন্ন ভিন্ন প্রকারের কার্য্য ভিন্ন ভিন্ন প্রকৃতির লোকের দ্বারা ভিন্ন সম্পন্ন হইতে পারে না। একশ্রেণীর চরিত্রের লোকের দ্বারা, বহু প্রকারের কার্য্য সাধিত হইতে পারে না। অতএব সংসারে চরিত্র-বৈচিত্র, কার্য্য-বৈচিত্র, এবং প্রবৃত্তির বৈচিত্র প্রয়োজন। তন্ধতীত সমাজের সকল বিষয়ে মঙ্গল নাই। অমুকরণ প্রবৃত্তিতে ইহাই ঘটে যে, অমুকারীর চরিত্র, তাহার প্রবৃত্তি, এবং তাহার কার্য্য, অমুকরণীয়ের স্থায় হয়, পথাস্তরে গমন করিতে পারে না। যখন সমাজস্থ সকলেই বা অধিকাংশ লোক বা কার্য্যক্ষম শ্রেষ্ঠ ব্যক্তিগণ, একই আদর্শের অমুকারী হয়েন, তখন এই বৈচিত্রহানি অতি গুরুতর হইয়া উঠে। মন্তুয়চরিত্রের সর্ব্বাঙ্গীণ স্ফুর্ত্তি ঘটে না; সর্ব্বপ্রকারের মনোর্ত্তি সকলের মধ্যে, যথোচিত সামগুস্ত থাকে না, সর্বপ্রকারের কার্য্য সম্পাদিত হয় না, মনুয়ের কপালে সকল প্রকার স্থ ঘটে না-মন্থয়ত্ব অসম্পূর্ণ থাকে, সমাজ অসম্পূর্ণ থাকে, মনুয়জীবন অসম্পূর্ণ থাকে।

আমরা যে কয়টি কথা বলিয়াছি, তাহাতে নিম্নলিখিত তত্ত্বসকলের উপলব্ধি হইতে পারে—

- ১। সামাজিক সভ্যতার আদি ছই প্রকার; কোন কোন সমাজ স্বতঃ সভ্য হয়, কোন কোন সমাজ অক্সত্র হইতে শিক্ষা লাভ করে। প্রথমোক্ত সভ্যতালাভ বহুকাল সাপেক্ষ; দ্বিতীয়োক্ত আশু সম্পন্ন হয়।
- ২। যখন কোন অপেক্ষাকৃত অসভ্য জাতি, অধিকতর সভ্যজাতির সংস্পর্শ লাভ করে, তখন দ্বিতীয় পথে সভ্যতা অতি ফ্রন্তগতিতে আসিতে থাকে। সেস্থলে

^{*} On Liberty.

সামাজিক গতি এইরূপ হয় যে, অপেক্ষাকৃত অসভ্য সমাজ সভ্যতর সমাজের সর্বাঙ্গীণ অমুকরণে প্রবৃত্ত হয়। ইহাই স্বাভাবিক নিয়ম।

- ৩। অতএব বঙ্গীয় সমাজের দৃশ্যমান অমুকরণপ্রাবৃত্তি অস্বাভাবিক বা বাঙ্গালির চরিত্রদোষজনিত নহে।
- ৪.। অমুকরণমাত্রই অনিষ্টকারী নহে, কখন কখন তাহাতে গুরুতর সুফলও জম্মে; প্রথমাবস্থায় অমুকরণ, পরে স্বাতস্ত্র্য আপনিই আসে। বঙ্গীয় সমাজের অবস্থা বিবেচনা করিলে, এই অমুকরণপ্রবৃত্তি যে ভাল নহে, এমত নিশ্চয় বলা যাইতে পারে না। ইহাতে ভরসার স্থলও আছে।
- ৫। তবে অমুকরণে গুরুতর কুফলও আছে। উপযুক্ত কাল উত্তীর্ণ হইলেও অমুকরণপ্রবৃত্তি বলবতী থাকিলে অথবা অনুকরণের যথার্থ সময়েই অমুকরণপ্রবৃত্তি অব্যবহিতরূপে ক্যুর্ত্তি পাইলে, সর্ব্বনাশ উপস্থিত হইবে।

স্থুল প্রশ্ন এই যে, এক্ষণে বঙ্গসমাজে যেরূপ অমুকরণ প্রচলিত, ইহা যথা-পরিমিত কি আত্যন্তিক ? চিন্তাশীল ব্যক্তিগণ, চিন্তা করিয়া, একথার মীমাংসা করিবেন। রাজনারায়ণ বাবু চিন্তাশীল কিন্তু তিনি ততদূর চিন্তা করিয়া এ প্রশ্নের উত্তর দেওয়ার পরিচয় গ্রন্থমধ্যে পাই নাই। অতএব তাঁহার কৃত মীমাংসা প্রতিবাদের অতীত বলিয়া আমরা এক্ষণে গ্রহণ করিতে পারিলাম না। যদি তিনি বা তাঁহার স্থায় অন্থ কেহ নিরপেক্ষ, কুসংস্কারবর্জিভত, এবং চিন্তাভিনিবিষ্ট হইয়া এ তত্ত্বের আলোচনা করেন, তবে সমাজের বিশেষ উপকার করিবেন সন্দেহ নাই। কথাটি রূপান্তরে এই যে, এ অমুকরণের এক্ষণে বহুবিধ মন্দ ফল দেখিতেছি, চরমে কি তাহার ফল ভাল দাঁড়াইবে না ?

দ্বিতীয় প্রবন্ধ

ি এই প্রবন্ধ যন্ত্রস্থ হইলে পর আমরা কোন কৃতবিছা লেখকের নিকট হইতে রাজনারায়ণ বাব্র পুস্তকের নিম্নলিখিত সমালোচনা প্রাপ্ত হইলাম। লেখকের মতের সঙ্গে আমাদিগের নিজমতের সর্বত্র ঐক্য নাই কিন্তু নব্য সম্প্রদায় আত্মপক্ষ সমর্থনে যাহা বলিতে ইচ্ছা করেন, তাহা তাঁহারা বলিতে অধিকারী; আমরা প্রবন্ধান্তরে অভ্যপ্রকার গ্রন্থ সমালোচনা করিয়াছি বলিয়া, এই লেখকের মতগুলি অপ্রচারিত রাখিতে অধিকারী নহি। ইচ্ছা করিলে সকল সম্প্রদায়ের লোক, আপন আপন মত বঙ্গদর্শনে প্রকাশ করিতে পারেন; ইহা বঙ্গদর্শনের উদ্দেশ্য। অভএব আমরা দ্বিতীয় প্রবন্ধটিকেও এই স্থানে সন্ধ্রিবেশিত করিলাম।

বং সম্পাদক।

অহস্কার ও আত্মগোরব মানবস্বভাবজনিত ধর্ম। আপনাকে অপেক্ষাকৃত হীনাবস্থা হইতে মহৎ জ্ঞান করা সম্যক্ প্রকারে দৃষণীয় নয়। কারণ, এই প্রকার জ্ঞান থাকিলে কুসংসর্গ ও নীচ প্রবৃত্তি হইতে অনেকাংশে জনসমাজকে বিরত রাখে। নচেৎ নিস্তেজ কাপুরুষ লোকের জলপ্রবাহের ক্যায় সর্ববদাই অধাগতি হয়। কিন্তু অবিমিশ্রগুণ পৃথিবীতে অত্যন্ত বিরল। বিশুদ্ধ ধর্ম হইতেও কি না তুর্ঘটনা, মনস্তাপ ও যন্ত্রণাভার লোকসমাজকে বহন করিতে হইয়াছে! সকল বিষয়েই আধিক্য প্রবল হইলে তাহাতে গুণ না দর্শাইয়া বরং অনিষ্ট উৎপাদন হয়। 'সর্ব্বমত্যন্ত গহিতং' এই যে কথাটি সকল সময়ে এবং সকল বিষয় আলোচনায় আমাদিগের হৃদ্দেয়ে স্থানদান করা উচিত। জ্বীবনসাংঘাতিক হলা-ছলও অল্প পরিমাণে আয়ুর্ব্বেদ শান্ত্রে কত প্রকার হিত্যাধন করিতেছে।

"আমি মহৎ এবং তুমি আমা অপেক্ষা অধম" এই প্রকার আত্মগোরব যুবকমগুলীর মধ্যে সচরাচর দৃষ্টিগোচর হয় কিন্তু 'আমরা মহৎ ও তোমরা অধম' এই
প্রকার দৃষ্টান্ত বঙ্গদেশের সামাজিক নিয়মমধ্যে বিলক্ষণ প্রবল আছে। এই
বিশ্বাসটি আমাদের দলাদলীঘটনার মূলীভূত, কারণ। যগুপি ভিন্ন ভিন্ন দলস্থ
লোকেরা নিজের মহন্ব ও উৎকর্ষসাধনে যত্মবান্ হইয়া অপরকে অপদস্থ করিতে
চেষ্টা না করিতেন, তাহা হইলে এই বর্ত্তমান জ্বয়ন্থ ব্যাপার হইতে দেশের কি পর্যান্ত
শ্রীবৃদ্ধি ও মুখোন্নতি হইত। এখন দলাদলী কেবল হিংসা ও কুপ্রবৃত্তির আলয়
হইয়াছে। নিজের উন্নতিসাধন দূরে থাকুক, এখন কি প্রকারে অন্থকে উন্নত
অবস্থা হইতে অবতরণ করাইব এই আন্দোলন লইয়া দলপতি মহাশয়েরা
ব্যতিব্যস্ত। স্থান বিষাক্ত ও কলুষিত হইলে, যত প্রকার নীচ প্রবৃত্তি তাহা হইতে
উৎপত্তির সম্ভাবনা, তখন সকলই উত্তেজিত হইয়া ঐ পাপাচারকে আশ্রয় করে।
এই প্রকার দলাদলী ঘটনাতে অনেক সুশিক্ষিত যুবকও অনুমোদন করেন, ইহাই
বর্ত্তমান বঙ্গদেশের অবস্থাতে শোচনীয়।

ইংরাজী ভাষার পর্য্যালোচনায় আমাদিগের ভাবের অনেক প্রকার পরিবর্ত্তন হইয়াছে। এখন আমরা অনেক বিষয় সভ্যতার নয়নে দৃষ্টি করি। সামাজ্ঞিক দলাদলী ব্যতীত এখন আর এক প্রেকার দলাদলীর উৎপত্তির চিক্ত লক্ষিত্ত হইতেছে। কিন্তু আমাদের এই বাঞ্ছা যে কে উন্নত ইহা স্থির করিবার জন্ম আমরা যেন হীন প্রবৃত্তির আশ্রয় না লই। পূর্ব্বেই কথিত হইয়াছে যে নিজের কিম্বানিজদলের গৌরব করা এবং সেই গৌরব সম্বর্দ্ধন এবং প্রতিপালনার্থ চেষ্টিত হওয়া সামাজিক উন্নতির এক মূলীভূত উপায়।

উল্লিখিত বিষয়ের সমালোচনা বাবু রাজনারায়ণ বস্থু প্রণীত 'একাল আর সেকাল' অভিধেয় পুস্তক পাঠে হুদয়স্থ হইল। তিনি পুর্বকালের সহিত একালের

তুলনা করিয়া অধুনাতন যুবকগণের অধোগতি প্রতিপাদন করিতে চেষ্টা করিয়াছেন। ইহা যদ্মপি সভ্য হয়, তাহা হইলে কি বঙ্গদেশের সামাশ্য ত্বরবস্থা বলিতে হইবেক ? এত যে ইংরাজী বিভালাভের জন্ম প্রয়াস, এত রাজস্বব্যয়, এত জীবন-হ্রাসকর निशीथ अधारान, ज्ञान कि आमार्तित अनिरिष्ठेत कात्र । जारा रहेरल है हो कि कि যত শীঘ্র আমাদের দেশ হইতে অন্তর্ধান হয় ততই দেশের মঙ্গল। তবে কেন সভা সমবেত করিয়া উচ্চ বিত্যাশিক্ষার স্থলভতাজন্ম গবর্ণমেণ্টকে আবেদন করা হইয়াছিল ? বিবেচনা দারা সমালোচনা করিলে উক্ত গ্রন্থকর্তার ভ্রম প্রতীয়মান হইবেক। তিনি মানবস্বভাবস্থলভ আত্মগোরবে পতিত হইয়া সেকালের অবস্থাসকল স্কুচক্ষে দৃষ্টি করিয়াছেন। বোধ হয় আমরাও বয়ঃপ্রাপ্ত **হইলে** আমাদিগের পুত্র পৌজাদির নিকট সেই স্বর্গযুগের গৌরব করিব। কিন্তু বাস্তবিক সময়প্রবাহের সহিত যে দেশের শ্রীবৃদ্ধি সকল অংশেই লক্ষিত হইতেছে তাহা বলা বাহুল্য। পূর্বকালের এবং একালের লোকের সহিত চক্র সূর্য্য প্রভেদ বলিলেও বলা যায়। সেকালের সরলতার দৃষ্টাস্তগুলি যাহা লিখিত হইয়াছে সে সরলতা কেবল মূর্থতার চিহ্ন। (১) পাঠকবর্গ মনে করুন যে যদি একালের কোন বান্দাণ নিজ প্রণয়িনীর সম্মুখে গলবস্ত্র দণ্ডায়মান হইয়া তুমি কে অধিষ্ঠাত্রী দেবী, প্রশ্ন করেন এবং উদ্বেলিত ব্যঞ্জনে তৈল নিক্ষেপ দ্বারা তাহার উচ্ছাসন নিবারণ দেখিয়া আশ্চর্য্যান্থিত হয়েন, তবে তাঁহাকে দ্বিপদবিশিষ্ট পশু ভিন্ন আর কি ব্যাখ্যা করা যাইতে পারে ? একালের লোক স্বার্থপর, তাহার কারণ এই যে বুদ্ধির মার্জ্জনা ধারা সকলেই নিজ নিজ অধিকার হৃদয়ঙ্গম করিতে সমর্থ হইয়াছে। ঘর্মাক্ত কলেবরে দিনাস্ত পরিশ্রম করিয়া স্ব স্ব উপার্জ্জিত ধন দ্বারা আলস্থপরবশ নিৰ্দ্দশা দূরস্থ আত্মীয় কুটুন্থের উদর পোষণ কি প্রশংসনীয় কর্ম ? (২) পূর্ববকালে এক এক ধনী আত্মীয়ের বাড়ী কত নিক্ষা ভাগিনেয় এবং গৃহ-জামাতা নির্বিত্নে দিনাতি-

- (>) ইহা যদি মূর্যতার চিক্ত হয়, তবে ইউরোপীয় অনেক মহামহোপাধ্যার পণ্ডিতও মূর্য ছিলেন। তাঁহাদিগের জীবনচরিত অন্তসদ্ধান করিয়া, এরূপ উদাহরণ সংগ্রহ করা যাইতে পারে। যাঁহারা আপনার অধীত শাস্ত্রবিশেষকে একমাত্র চিস্তার বিষয় করিয়া তুলেন, তাঁহারা সামাগ্র সাংসারিক ব্যাপারে এইরূপ অমনোযোগী হয়েন। আমরা বিশেষ অবগত আছি, এরূপ দৃষ্টান্ত আধুনিক ক্বতবিশ্ব বাঙ্গালি সম্প্রদায়ের মধ্যেও ভূম্পাপ্য নহে।
- (২) যে থাইতে না পায়, তাহাকে থাইতে দেওয়া প্রাশংসনীয় নহে কিসে? ইহাতে অলসের সংখ্যা বৃদ্ধি এবং সামাজিক ধনক্ষতি হয় বটে। যিনি তাহা ভাবিয়া দরিত্র আত্মীয়জনের আত্মকুল্য করেন না, তাঁহার সমাজনীতিজ্ঞতার প্রশংসা করিব; কিন্তু মহত্মত্ত্বর নহে। যিনি আহকুল্য করেন, তিনি অজ্ঞানী হইলে হইতে পারেন, কিন্তু মাহুষ বটে। বং সং।

পাত করিতেন। এখন সেই সকল রক্তশোষক জলোকার সংখ্যা হ্রাস হওয়া কি সমাজের উন্নতির লক্ষণ নয় ? (৩) যে ব্যক্তি পৃথিবীতে জন্মগ্রহণ করিয়া ⁶ নিজের ভরণপোষণে সমর্থ নয়, সে কেবল সমাজের ভারস্বরূপ, যত শীজই ঐ সকল লোকের সংখ্যা হইতে বঙ্গমাতাকে উদ্ধার করা যায়, ততই তাঁহার উন্নতির সাধন। (৪)

পুরাকালের দান দাতব্যের বিষয় এবং একালের তাহার হ্রাসের নিমিপ্ত আক্ষেপ করা হইয়াছে। যদ্যপি রাজনারায়ণ বাবু ব্রাহ্মণবংশোস্তব হইতেন তবে তাঁহার আক্ষেপোক্তি নিতাস্ত দুযণীয় হইত না। (৫) এই যে ছর্ভিক্ষ যাহার করাল প্রাস হইতে আমরা অ্যাপি সম্যক্ প্রকারে নিস্তার পাই নাই ইহা কি একবারে তাঁহার স্মরণপথ হইতে অস্তর্জান হইল ? ব্রাহ্মণ পণ্ডিত গোঁসাই বৈরাগী ইত্যাদি ভিক্ষাবলম্বী মন্ম্যুকে দাতব্য বিতরণে কৃষ্ঠিত হওয়া কি দেশের অমঙ্গলের চিক্ত ? যদ্যপি ইহা সত্য হয় তবে ভরসা করি উক্ত মহাত্মারা যেন পৈতা ছি'ড়িয়া অভিসম্পাত দ্বারা আমাদের উৎসয়ে পাঠাইবেন না।

কেবল ছইটি বিষয়ে তিনি স্বমুখে উন্নতির চিক্ন স্বীকার করিয়াছেন যথা, উৎকোচ লওনে পরাব্যুখ হওয়া এবং স্বদেশপ্রিয়তা। যথাপি পূর্ব্বোক্ত সকল-শুলিকে দোষ বলিয়া স্বীকার করা যায়, তথাপি শেষোক্ত ছইটি গুণ সকল দোষকে আচ্ছাদিত করে। দেশের উপর মমতা দেশের উন্নতির সোপান এবং উৎকোচ-পরাব্যুখ হওয়া সন্তার নিদর্শন। যথাপি এই ছইটি সমাজমধ্যে লক্ষিত হইয়া থাকে তবে ভবিয়তে নৈরাশের কারণ কি ? ছর্ভাগ্যবশতঃ মার্জ্জিত বুদ্ধির সহিত লোকের খলতারও বৃদ্ধি পায়। সভ্যতার সহিত অনেক দোষ সমাজকে আশ্রয় করে। তজ্জ্য কি সভ্যতাকে পদতলে নিক্ষেপ করিয়া ব্রাহ্মণের দৃষ্টাস্ত অনুকরণে ইচ্ছুক হইতে হয় ?

যতই নিগৃ বিছা সমালোচনার বৃদ্ধি হইবে ততই কুসংস্কার ও সামাজিক দোষের লয় হইবে। কিন্তু যতদিন পর্য্যস্ত সেই অবস্থা উপস্থিত না হয়, ততদিন পর্য্যস্ত দোষ সকল লুপ্ত হওয়া আশা করা আকাশ-পুষ্পের আশার স্থায় অমূলক। তত্রাপি এতৎসম্বন্ধেও অনেক উৎকর্ষ্যাধন হইয়াছে বলিতে হইবেক। পুর্বের

⁽৩) বোধ হয় এটি ধনবৃদ্ধির ফল, ইংরেজি শিক্ষার নহে।

⁽৪) প্রাচীন ভারতবর্ষীয় সভ্যতা ব্রাহ্মণদিগের স্পষ্টি। তাঁহারা পরারভোজী ছিলেন। বং সং।

⁽৫) বঙ্গদর্শন সম্পাদক ব্রাহ্মণবংশোন্তব। তবে বোধ হয় তৎকৃত রাজনারায়ণ বাবুর পক্ষসমর্থন দ্বণীয় নহে। রাজনারায়ণ বাবু না পারুন, নিতান্ত পক্ষে আমরা বলিতে পারি, "দেহি দানং বিজাতিভাঃ"

স্থায় বাহ্যজ্ঞানরহিত উন্মন্ত ডাক্টার এখন অতি বিরল! বলিতে কি 'ডাক্টার হইলেই মাডাল হয়' এই ভ্রমটি ক্রমে ক্রমে উচ্ছেদিত হইতেছে এবং বেশ্যাগমন, পক্ককেশ মৃত্যুপথগামী ঠাকুরদাদার মধ্যেই বিশেষ প্রবল। (৬) ধর্ম সম্বন্ধে হ্রাস হওয়া যথার্থ শোচনীয় বটে কিন্তু এখনকার যুবকদলের মধ্যে পরমেশ্বরের উপর বিশ্বাস, ভক্তি ও প্রণয় অনেকেরই দৃষ্ট হয়। বিশেষতঃ ব্রাহ্মর্থম বিস্থালয়ন্ত ছাত্র-দিগের মধ্যে প্রবেশ করিয়া ভবিশ্বতের জন্ম পথ পরিষ্কার করিতেছে। এই সকল লক্ষণ পরীক্ষা করিয়া যম্মপি কেহ সমাজের উন্নতি বিবেচনা না করেন তবে তিনি নিতান্ত অদ্রদর্শী বলিতে হইবেক। অনেকে একালকে হিন্দুরাজ্ব-দিগের স্বাধীনতার কালের সহিত তুলনা করেন। কিন্তু সে সময়ের সহস্র গুণবিস্থৃষিত সামাজিক নিয়ম এখনকার সহস্র দোষবর্জিত নিয়মাবলীর সহিত সমত্রল করিতে গেলে তত্রাপি উন্নতি ভিন্ন অবনতি দৃষ্টিগোচর হয় না। (৭)

বিলাত হইতে প্রত্যাগত স্থশিক্ষিত যুবকদল তুর্ভাগ্যবশতঃ সকল সমাজেরই অপ্রিয়। সকল অপেক্ষা তাঁহারা উক্ত পুস্তকে গ্রন্থকর্তার নিন্দাম্পদ হইয়াছেন। বাঁহাদের নিকট হইতে অধিক আশা ভরসা করা যায়, সেই আশায় নৈরাশ হইলে তাঁহাদের উপর বিশেষ বিদ্বেষ ভাব জ্বনিবার সন্তাবনা। কিন্তু এস্থলে জিল্পাস্থ এই যে, উক্ত কতিপয় ব্যক্তির মধ্যে কাহার চরিত্র অপযশোভান্ধন? কেই বা তাঁহাদের মধ্যে মন্দ উদাহরণ প্রদর্শন করিতেছেন এবং কেই বা ক্ষমতা সন্তেও দেশের অমঙ্গল প্রার্থনা করেন? যত্যপি কেহ একটি দৃষ্টাস্থ বাহির করিতে পারেন তবে অবশ্যই তাহার বাক্য গ্রাহ্য স্বীকার করি। যত্যপি না পারেন, তবে কেন অকারণ তাঁহাদের অপযশ করিয়া লৌকিকে ও পারত্রিকে পতিত হয়েন? তাঁহাদের দোবের মধ্যে এই যে তাঁহারা পরিচ্ছদ পরিবর্ত্তন করিয়াছেন এবং সাহেবদিগের মন্ত বাস ও আহারাদি করেন। তাহাতে অন্তের ক্ষতি কি? আমরা অব্যর্থ এবং আমাদের মত সকল লোক হীনাবস্থায় দরিজে ও অপরিক্ষার অবস্থায় কালাতিপাত করুক এই ইচ্ছা কেবল স্বার্থপর কাপুকৃষ ব্যক্তির হীনতা প্রচার করে। (৮)

⁽৬) আমাদের বিবেচনায়, ইহা সত্য।

त: अ: ।

⁽१) যিনি পূর্ব্বতন হিন্দুরাজনীতি এবং হিন্দুসমাজের অবহা সবিশেষ অবগত আছেন, তিনি কথন একথা বলিবেন না। বং সং।

⁽৮) কোট পেণ্ট, লন এবং পিতলের কাঁটা চামচে অতি অন্ন মূল্য। ইচ্ছা করিলে সকলেই সংগ্রহ করিতে পারে। রাগ সেজস্থ নহে। তবে যিনি বান্ধালি হইয়া বান্ধালির আচার ব্যবহার ত্যাগ করেন, তাঁহাকে বান্ধালি বলিয়া স্বীকার করিতে কেহই ইচ্ছা করেন না।



তৃতীয় পরিচ্ছেদের পরিশিষ্ট

অর্থনীতিমতে জাতিভেদের বিচার

তঃপর জাতিভেদ নিয়মে সমাজের ধনবৃদ্ধি কিরূপ হয় তাহার প্রতি অনুধাবন করা যাইবেক।

লোকে পৃথক পৃথক কার্য্যে নিযুক্ত না থাকিলে ধনবৃদ্ধি হইতে পারে না। এইরূপ কার্য্যপ্রণালীর নাম শ্রমবিভাগ। অর্থনীতিমতে এতদ্বারা নিম্নলিখিত ফললাভ হয়।

- (১) যে ব্যক্তি যে ব্যবসাতে নিযুক্ত থাকে তাহাতে তাহার নিপুণতা বৃদ্ধি হয়।
- (২) এক ব্যক্তি নানাবিধ কার্য্যে নিযুক্ত থাকিলে তাহার এককার্য্য ত্যাগ করিয়া অন্ত কার্য্য আরম্ভ করিতে কালহরণ এবং তেজঃক্ষয় হয়। কিন্তু সেই সকল কার্য্যের প্রত্যেক কার্য্যে পৃথক্ লোক নিযুক্ত থাকিলে, এই ক্ষতিদ্বয় নিবারিত হইতে পারে।

প্রথম ক্ষতি প্রসিদ্ধ, কিন্তু দিতীয়টির বিষয়ে এস্থলে এইমাত্র বক্তব্য যে মনঃসংযোগ প্রান্তির এক প্রধান হেতু। মন অল্পকালমধ্যে বহু চিস্তাতে ব্যাপৃত হইলে আমরা সাতিশয় পরিপ্রান্ত হই। নিরবচ্ছিন্ন একটী কার্য্যে ৪ ঘন্টা পরিপ্রাম করিতে যত আয়াস প্রয়োজন, ২ ঘন্টা করিয়া তুল্য মনঃসংযোগের সহিত ছটি কার্য্যে নিযুক্ত থাকিলে তদপেক্ষা অধিকতর প্রান্তি হয়। এই জন্ম তেজঃক্ষয় নিবারণকে প্রমবিভাগের একটি গুণস্বরূপ গণনা করা গেল।

- (৩) ক্রমশঃ একই কার্য্যে নিযুক্ত থাকিলে শ্রম স্থলভ করিবার উপযোগী যন্ত্র আবিষ্কৃত হইতে পারে।
 - (৪) উল্লিখিত নিপুণতা হইতে ব্যবসার দ্রব্যক্ষয় নিবারিত হয়।

(৫) নানা প্রকারে শ্রম বিভক্ত হইলে নিকৃষ্ট শ্রমজীবিগণ পৃথক্ হইয়া অপেক্ষাকৃত অল্প বেতনে নিযুক্ত হয়, তদ্বারা ব্যবসার উন্নতি ও জনসমাজের লাভ হয়।

অতএব জ্বাতিভেদ প্রথার দ্বারা এই সমস্ত উপকারই হইতেছে এবং শৃদ্র বা মিশ্রবর্ণের সংখ্যা বৃদ্ধি ও ব্যবসা পৃথক্ হইয়া সভ্যতার বিলক্ষণ প্রীবৃদ্ধি হইয়াছে। কিন্তু সকলেই বৃঝিবেন যে ইদানীস্তন যে সকল কার্য্য হইতেছে, তাহার উপযোগী ব্যবসা ভাগ এতদেশে অ্যাপি হয় নাই। এক কর্মকারের কার্য্য এখন বছসংখ্যাতে বিভক্ত হইয়াছে। লোহ উৎপন্ন, লোহ ঢালাই ও লোহ পেটাই এবং এইগুলির কত কত প্রকরণ হইয়াছে। ইউরোপীয় প্রথামতে কুন্তুকার কখন নিজ্পে মৃত্তিকাহরণে কালক্ষেপ করিবে না। এইরূপ সকল বিষয়েই এতদেশীয় জ্বাতিভেদ প্রথামুযায়ী প্রমবিভাগ এবং অ্যদেশের কার্য্যপ্রণালী মধ্যে এই মহাপ্রভেদ দৃষ্ট হইবেক যে এখানে সম্যক্রপে প্রম বিভক্ত হয় নাই।

আমরা স্থানে স্থানে নানা ব্যবসা হইতে বৃদ্ধিসংগ্রহের কথা বলিয়াছি। উল্লিখিত প্রথম ও দ্বিতীয়সংখ্যক বচনে তাহার কোন প্রতিবাদ করা যায় নাই বরং তৃতীয় ফলের সহিত এতদ্দেশের অবস্থা তুলনা করিলে পূর্ব্বোক্ত কথার একটী নূতন প্রমাণ প্রকাশ হইবেক। সকলেই জ্ঞানেন যে ইউরোপীয়েরা কল প্রয়োগে আমাদিগের অপেক্ষা সর্ব্বতোভাবে শ্রেষ্ঠ কিন্তু এতদ্দেশে কলের কোন উন্ধৃতি হয় না কেন । ইহার যত কারণ থাকুক তন্মধ্যে একটী এই যে, কেহ ব্যবসাস্তর হইতে বৃদ্ধি সংগ্রহ করে না। ফলতঃ শ্রমবিভাগার্থ অস্তা ব্যবসার মর্ম্ম এবং কৌশল জ্ঞাত হইয়া স্বা স্ব ব্যবসাতে তাহা প্রয়োগ করা নিষিদ্ধ নহে বরং নিতান্ত কর্ত্বব্য। আর একটী কথা এই যে, ব্যবসা পৃথক্ হইলে যত কলের বৃদ্ধি না হউক কলের উন্নতিতে শ্রমবিভাগের বিলক্ষণ বৃদ্ধি হইয়া থাকে। যদি জাতিভেদ নিয়মে কলবৃদ্ধির ব্যাঘাত হওয়া সত্য হয়, তবে তদ্ধারা শ্রমবিভাগেরও প্রতিবন্ধকতা হইতেছে।

এ সমস্তই সত্য বটে কিন্তু বংশামুক্রমে ব্যবসাপালনে লাভ কি ?

এত দ্বিষয়ে শিক্ষালাভের স্থযোগের কথা পূর্বের উল্লেখ করা গিয়াছে। তদ্তির বক্তব্য এই যে, যখন মনুষ্য প্রথমতঃ সমাজবদ্ধ হইয়াছিলেন, যখন সকলে জীবিকানির্বাহের নিমিত্ত সর্বতোভাবে স্ব স্ব যত্নের প্রতি নির্ভর না করিয়া, কেহ ভক্ষ্য সংগ্রহার্থে কেহ বা তত্বপযোগী অস্ত্রনির্মাণে নিযুক্ত হইয়াছিলেন, সে সময়ে বংশামুক্তমে ব্যবসা গ্রহণ করাই তাবতের পক্ষে মঙ্গলঙ্গনক হইয়াছিল। সন্তান পিতা কর্ত্বক প্রতিপালিত হইয়া স্বভাবতঃ তাঁহারই অনুকরণ করিত। পিতাও আপন অর্জিত পশুচর্ম, শুক্ক ফলমূলাদি অথবা নিতান্ত ত্র্লভ অগ্নি এবং একমাত্র আয়ুখ

88%

ধমুর্ববাণ স্নেহবশতঃ সম্ভানের হস্তেই সমর্পণ করিতেন এবং যিনি এইরূপে যে জব্য পাইতেন, তিনি তত্পযোগী ব্যবসাতেই নিযুক্ত থাকিতেন। অর্থাৎ যখন টাকার সৃষ্টি হয় নাই, তখন দায়াদগণ পূর্বাধিকারীর বৃত্তি গ্রহণ করিলেই কার্য্যের স্থবিধা হইত।

কিন্তু এখন পিতৃত্যক্ত ব্যবসার সামগ্রী অবিক্রেয় বলিয়া পৈতৃক ব্যবসা প্রতিপালন করিতে হয়, একথা কেহই বলিতে পারেন না। স্থুল কথা, আলস্থ এবং ধারাবহন প্রকৃতিই ইহার মূল।

এস্থলে জাতিভেদসংক্রান্ত কয়েকটা কথা বুঝিবার জন্ম ইউরোপীয় বিশেষতঃ ইংলণ্ডের কারখানার কার্য্যপ্রশালীর প্রতি দৃষ্টিপাত করা আবশ্যক। তথায় লোকে পৈতৃক ব্যবসা অবলম্বন করিতে বাধ্য নহে। বাল্যকালে যাহার যেমন সাধ্য কিছদিন পঠদদশাতে থাকিয়া সকলেই এক একটি বৃত্তি গ্রহণ করিবার জ্বস্তু কোন ব্যবসায়ীর নিকট আপ্রেণ্টিস হয়। নিভাস্ত দরিত্র হইলে সামাশ্য মজুরি করে কিন্ত তথায় এত বড় বড় কারখানা আছে যে একস্থানে প্রবেশ করিলে নানাপ্রকার কার্য্য দেখিতে পায়, স্বতরাং বুদ্ধিমান্ হইলে সামাত্ত মজুর থাকিয়াও কোন একটা কার্য্য শিখিতে পারে। এবং কর্ত্তার অনুগ্রহভান্ধন হইলে এরপ অবস্থা হইতেও বিলক্ষণ উন্নতি লাভ করে, কিন্তু এইসকল লোক কেবল পরের অধীনে কার্য্য করিয়া সাপ্তাহিক বেতনের দ্বারা জীবিকানির্ব্বাহ করিয়া থাকে। ইহারা কেহই আপনা-দিগের নির্শ্বিত পদার্থ বাজ্বারে বিক্রয় করে না। তাহাদিগের এমন মূলধন নাই যে তন্ধারা স্বব্যাদি ক্রেয় করিয়া কোন গঠন প্রস্তুত করে। তদ্ভিন্ন বড বড কারখানা হইতে এত অল্প ব্যয়ে নানা সামগ্রী প্রস্তুত হইয়া থাকে যে, একজন মিস্ত্রি নিজের मिक थन नहेंगा এकाकी कान कार्या श्रवख हरेल छाहा हरेए सीविका नास করিতে পারে না। স্থতরাং মিস্ত্রিদিগের উন্নতির একমাত্র উপায় বেতনবৃদ্ধি। কারখানাতে বছসংখ্যক লোকে কার্য্য করে। একজনকে কিঞ্চিৎ বেতন বৃদ্ধি করিয়া দিলে মালিকের নিষ্কৃতি নাই, কেননা, সকলকেই সেইরূপ বৃদ্ধি দিতে হয়, এই হেতু মিস্ত্রিবর্গ ও কারখানার মালিকগণের মধ্যে তুমুল বিবাদ উপস্থিত হুইয়া থাকে।

ইংলগুদেশে কৃষিকার্য্যও সর্ববৈতাভাবে এক একজন সামান্ত প্রজার আয়ন্ত
নহে। এখানে কৃষকেরা স্বহস্তেই কর্ষণ রোপণাদি করে এবং উৎপন্ন শস্ত বিক্রয়
পূর্বক জমিদারের কর দেয়, আর বঙ্গীয় জমিদারগণ গোমস্তাদিগের উপর কর
সংগ্রহের ভার দিয়া বসিয়া থাকেন। তদ্ভিন্ন শস্তক্ষেত্রগুলি অতি কৃষ্টে। ২৫/
৩০/ বিঘা অপেক্ষা বৃহৎ ক্ষেত্র প্রায় দেখা যায় না। আঢ্য প্রজা হইলে এইরূপ
বছ ক্ষেত্র অধিকার করে। কিন্তু ইংলণ্ডের অবস্থা অস্তরূপ। তথায় ১০০০/ ১৫০০/

[נשונ

২০০০/ বিশ্বা পরিমিত এক একটি ক্ষেত্র #। এক এক জন ব্যক্তি নির্দিষ্ট কালের জম্ম ভূম্যধিকারীর নিকট এইরূপ এক একটা ক্ষেত্র জমা লইয়া তাহাতে গোলাবাটী আদি নির্মাণ করেন এবং ভূমি কর্ষণ ও বীজ রোপণ আদি কার্য্যের নিমিত্ত নানাবিধ কল ও বছসংখ্যক মজুর নিযুক্ত করেন। নিজেও নিকর্মা থাকেন না, সেসকল বিষয়ে বাছল্য বর্ণনার প্রয়োজন নাই। এখানকার নীলকর সাহেবগণ ইংলগুীয় কৃষকপ্রোণীর মধ্যে গণ্য। কিন্তু এখানে মজুর না পাইলে ইহাদিগের কার্য্য চলে না।

ইংলণ্ডের মজুরদিগের মধ্যেও বৃত্তিভেদ আছে। কেহই বংশামুক্রমে এক একটি বৃত্তি সেবাতে বাধ্য নহে কিন্তু সকলেরই উপজীবিকা একমাত্র বেতন। শস্তের সহিত কাহারও সম্পর্ক নাই। স্কৃতরাং ইংলণ্ডে কারখানার মিন্ত্রিগণ ও মালিক-সমূহের মধ্যে যেরূপ, কৃষক এবং কৃষিকার্য্যের মজুরগণের মধ্যেও সেইরূপ বেতন বৃদ্ধি বিষয়ে মহাবিবাদ হয়।

মজুর ও মিব্রিগণ আপনাদিগের উদ্দেশ্যসাধনের জন্ম সময়ে এক-মতাবলম্বী হইয়া স্ব স্ব কার্য্য হইতে নিবৃত্ত হয়। এদিকে মহাজনের কারখানা বন্ধ থাকিলে নানা ক্ষতি, মূলধনের স্থদ নোকসান হয়। অর্দ্ধপ্রস্তুত দ্রব্যজ্ঞাত ও অর্দ্ধ-কর্ষিত ক্ষেত্র অকর্মণ্যপ্রায় হইয়া উঠে। এবং অক্যান্য কর্মচারিগণকে বসাইয়া বেতন দিতে হয়। স্থতরাং অনেক সময়ে অগত্যা বেতনবৃদ্ধি স্বীকার অথবা কোন প্রকারে রকা করিতে হয়।

শ্রমজীবিগণ আপনাদিগের উদ্দেশ্য সিদ্ধির জন্ম এই নিয়মে দলবদ্ধ হইয়া থাকে যে সকলেই সম্প্রদায়ের মঙ্গলার্থ কিঞ্চিৎ কিঞ্চিৎ অর্থদান এবং একবাক্যে মহাজ্বনের সহিত বিসম্বাদ করিয়া বেতন বৃদ্ধির চেষ্টা করিবেক। এতদর্থে দল ও যথাযোগ্য কর্মচারী নিযুক্ত আছে, তাহাদিগের অনভিমতে কেহ কার্য্য করিলে

* আমরা এতদেশের একটা কুদ্র সম্পত্তির চিঠা পরীক্ষা করিয়া দেখিয়াছিলান। তাহাতে ৪৫৭টা দাগের মধ্যে কুদ্রতম ক্ষেত্র ৴২॥ কাঠা এবং বৃহত্তম ক্ষেত্র ৩২॥৪॥ বিত্রিল বিঘা সারে চৌদ্দ কাঠা পরিমিত। সমস্তগুলির গড়হিসাবে প্রতি ক্ষেত্রের পরিমাণ ৪॥১ চারি বিঘা এগার কাঠা মাত্র। ইংলগুদেশস্থ ক্ষেত্রের পরিমাণ সম্প্রতি পুস্তকাভাবে লেখক নির্দিষ্ট বলিতে পারিলেন না কিন্তু তথায় যে সকল প্রাচীন ভূস্বত্বাধিকারী প্রমন্ত্রীবিদিগের সম্পত্তি বিলুপ্তপ্রায় হইরাছে তাদৃশ কোন কোন কুদ্র ক্ষেত্রের যৎকিঞ্চিৎ নিদর্শন অভাপি ওয়েইমোর্লাগু ও ক্ষর্লোগু প্রদেশে আছে। এইরূপ এক একটা ক্ষেত্রের পরিমাণ একস্থানে দেখা গেল ৩০০ একর অর্থাৎ প্রায় ৯০০ বিঘা। এই সকল কুদ্র সম্পত্তি লোপ হইতেছে বলিয়া অর্থনীতিবেভুগণ আক্ষেপ করেন বটে। কিন্তু ইহা আমাদিগের দেশের ২০।২৫ টা ক্ষেত্রের তুল্য। অভএব তাঁহারা কুদ্র কুদ্র ক্ষেত্রের যে গুণ বর্ণনা করিয়াছেন তাঁহা বঙ্গদেশের ক্ষেত্রের প্রতি বর্ষ্তে না।

তাহাকে সমাজ্বচ্যুত করে। এতাদৃশ সমাজ্বচ্যুত ব্যক্তি আমাদিগের স্থায় নিমন্ত্রণ বিবাহাদিতে নিগৃহিত হয় না। কিন্তু তাহার সহিত কোন মিন্ত্রি কি মজুর একত্র কার্য্য করে না—স্কুতরাং মহাজনেরা অগত্যা তাহাকে পরিত্যাগ করেন এবং তাহার জীবিকা লাভ করা ছুর্ঘট হইয়া উঠে। এই ভয়ে মজুরগণ বিবাদ করিতে যায় না, সমাজের অনুগত হইয়া থাকে। কিন্তু ইংলগুরীয় মজুরদিগের যেমন তেজ অধ্যবসায় ও কার্য্যক্ষমতার প্রশংসা করিতে হয় তদ্রপ তাহাদিগের দোষও আছে, মজুর সমাজ হইতে বিলক্ষণ ছুর্বলের পীড়নও হইয়া থাকে। উল্লিখিত চাদার বারা শ্রমজীবীদিগের সমাজে যে ধনসঞ্চিত হয়, মহাজনের সহিত বিবাদ উপস্থিত হইলে তাহা হইতে দরিজ মজুরগণ গ্রাসাচ্ছাদনের নিমিন্ত কিছু কিছু পাইয়া থাকে কিন্তু তাহাতে সম্পূর্ণ উদর পোষণ না হইলে সে স্বেচ্ছামত বেতন লইয়া কার্য্য করিতে পারে না স্কুতরাং তাহাকে অনেক কণ্ঠ সহ্য করিতে হয়।

ইংলণ্ডীয় শ্রমজীবিগণ সম্পত্তিবিহীন এবং প্রতি সপ্তাহে কিছু কিছু বেতন পায় বলিয়া বিস্তর অপব্যয় করে ও কাঁচা পয়সা হইতে ধনসঞ্চয় করিতে পারে না। বার্দ্ধক্য কি রোগগ্রস্ত বিধায় নিঃসহায় এবং অক্ষম হইলে তাহাদিগের হুর্দ্দশার সীমা থাকে না। বাস্তবিক ইংলণ্ডে এই সকল কারণে শ্রমজীবীদিগের মধ্যে নিঃস্ব ব্যক্তির সংখ্যা অত্যন্ত বৃদ্ধি পাইয়াছে এবং তাহাদিগের অবস্থা যারপরনাই শোচনীয় হইয়া উঠিয়াছে।

আমাদিগের জাতিভেদ প্রাথাতে এরপে কোন অত্যাচার বা যন্ত্রণা নাই। শ্রুমজীবী ও মহাজনের বিবাদ শ্রুমকারীদিগের মধ্যে বলবান্ কর্তৃক হুর্বলের পীড়ন অথবা নিঃসহায়ের ক্ষতিবৃদ্ধি কিছুই নাই। ইহা সামান্ত সোভাগ্যের বিষয় নহে।

সম্প্রতি উল্লিখিত ত্রবস্থামোচনার্থ ইউরোপে এক নৃতন ব্যবসাপ্রণালী উদ্ভাবিত হইয়াছে। আমরা অন্থুমান করি যে তাহার সহিত জাতিভেদ প্রথার এক নিগৃঢ় সম্বন্ধ আছে। এ প্রণালীর স্থুল কথা এই যে শ্রামজীবিগণ মহাজনের অধীন কার্য্য না করিয়া বহুসংখ্যক লোক স্ব স্ব যৎসামান্য সঞ্চিত ধন একত্রিত করণাস্তর আপনারাই মহাজন মিস্ত্রি ও মজুর হইয়া কার্য্য করে।

ইদানীস্তন অর্থনান্তবেত্তারা "কু-অপরেটিভ" (co-operative) নামক এই কার্য্যপ্রণালীর মহাস্থ্যাতি করিয়া থাকেন। তাঁহাদিগের মতে এতদ্বারা শ্রমজীবীদিগের ছই মহোপকার হয়। তাহাদিগের অর্জ্জিত সমস্ত ধন উহারা নিজেই
লাভ করে এবং তাহা মহাজনের হস্তগত হইতে পায় না। আর তাহাদিগের
ধনবৃদ্ধি এবং দারিদ্র্য মোচনের উপায় হইয়াছে। এতদ্ভিন্ন এই প্রণালীতে
শ্রমজীবিপণ স্ব স্ব কার্য্যে অধিকতর মন:সংযোগ করে এবং তদ্ধেত্ তাহাদিগের
শ্রমোৎপদ্ধ কার্য্য অপেক্ষাকৃত শ্রেষ্ঠতর হয়।

কিন্তু একটা বিষয়ে আমরা অর্থনীতি পুস্তকাদিতে কোন উল্লেখ দেখি নাই।
উল্লিখিত কু-অপরেটিভ কার্য্যপ্রণালীর সার মর্ম্ম এই যে ধন ও শ্রম একই
আধারে একত্রিত হইলে পরস্পরের বিসম্বাদ অপনীত হয়। কিন্তু ধন বংশামুক্রমে
অধিকৃত হইয়া থাকে, অতএব যদি শ্রম অর্থাৎ বৃত্তি ধনের অমুগামী হয় তবে ক্রমশঃ
জ্বাতিভেদ নিয়ম সংস্থাপিত হওয়া অসম্ভাবিত নহে। মনে কর, একদল মজুর
প্রাপ্তক্ত প্রণালীতে একটা তূলার কারখানা স্থাপন করিল। উহারা ঐ কারখানার
কার্য্য করিবেক। এবং উহাদিগের সম্ভতিগণ পৈতৃক সম্পত্তি অর্থাৎ কারখানার
সেয়ার অধিকার করিলে তাহা রক্ষা করিবার জন্ম পৈতৃক ব্যবসা অবলম্বন করিতে
বাধ্য হইবেক। ইংলগুবাসীদিগের প্রকৃতিগুণে অথবা তথায় ক্রয়বিক্রয়ের
প্রাম্বর্ভাবে কু-অপরেটিভ শ্রমজীবীদিগের সেয়ার যদি বিক্রীত হইয়া এত ক্ষতি
নিবারিত হয়, সেকথা এখন বলা যায় না। কিন্তু শ্রম ও ধন একাধারে একত্রিত
হইলে জাতি উৎপন্ন হইতে পারে তাহাতে কোন সন্দেহ নাই।

আমরা জাতিভেদ প্রথার বিরোধী। তথাচ একথা স্বীকার করিতে হইবেক যে ইংলণ্ডে এই নিয়ম প্রচলিত থাকিলে তথাকার শ্রমজীবীদিগের এমত হরবস্থা হইত না। কিন্তু তাহাদিগের এতাদৃশ হুর্দশার এক হেতু এই যে ইংলণ্ডে শ্রম-জীবীদিগের ভূমিসম্পত্তি নাই: এবং কারখানার ব্যাপার অম্যান্যদেশ অপেক্ষা বিস্তৃত। এতদ্দেশীয় ভূসম্পত্তিতে কৃষকদিগের যে কিঞ্চিৎ স্বন্থ আছে, তাহাই উহাদিগের এক প্রধান রক্ষার স্থল। আর এই কারণ হইতেই বোধ হয় একপক্ষে কৃষকগণের জ্বাতীয় ব্যবসা পরিত্যাগ করা কঠিন এবং পক্ষাস্তরে কারখানার উন্নতির প্রতি কিঞ্চিৎ ব্যাঘাতও হইতেছে।

অনেকে এতদ্দেশের জমিদারী বন্দোবস্ত ও জমিদারদিগকে বিস্তর দোষ দিয়া থাকেন, কেননা, এখানে জমিদারেরা ইংলণ্ডের কৃষকদিগের অর্থাৎ নীলকরসাহেবদিগের স্থায় ভূমিসম্পত্তির শ্রীবৃদ্ধির নিমিত্ত সম্যক্ প্রকারে যত্মবান হন না। কিন্তু ভূষদ্ব বিভাগ হইলে বিস্তর অনর্থ উপস্থিত হইয়া থাকে। প্রজ্ঞাগণের কিছু স্বন্থ আছে বলিয়াই জমিদারেরা আপনাদিগের স্বন্ধ ও ক্ষমতামুসারে অর্থব্যয়্ম করিয়া লভ্য বৃদ্ধির চেষ্টা করেন না। ফলতঃ তাঁহারা প্রজ্ঞার সহিত শ্রমবিভাগ করিয়া কেবল করসংগ্রহের ভার গ্রহণ করিয়াছেন। বস্তুতঃ পূর্ব্বে রাজাগণ যেরূপ আচরণ করিতেন, জমিদারেরা ভাহারই অনুকরণ করিতে চেষ্টা করিয়া থাকেন।*
যদি ইহারা তৎপরিবর্ত্তে নীলকরদিগের স্থায় ব্যয় ভূষণ করিয়া ভূমির উন্নতি

^{*}এই বিষয়ে Baillie সাহেবকৃত The Land Tax of India নামক পৃস্তকের xxxvii পৃষ্ঠা অষ্টবা। তাহাতে এতদিবয়ে যে কল্পনা প্রকাশ হইয়াছে তাহা পাঠ করিবার পূর্বে এই প্রবন্ধ রচিত হইয়াছিল।

করিতেন, তাহা হইলে অচিরাৎ কৃষিবর্গ ইংলণ্ডীয় শ্রামজীবীদিগের স্থায় নিংস্ব হইয়া যাইত। কারণ কৃষিকর্ম্মে প্রজাগণ এখন কিয়ৎপরিমাণে ধনের মালিক ও সর্ব্বতোভাবে শ্রমের কর্ত্তা। কিন্তু তাহাদিগের হস্ত হইতে ধনব্যয়ের ভার জ্বমিদার কর্ত্ত্বক গৃহীত হইলে লভ্যের ভাগও অল্প হইয়া যাইত এবং প্রকৃত প্রস্তাবে উহারা ইংলণ্ডীয় শ্রমজীবীদিগের স্থায় হইয়া উঠিত।

আমরা জাতিভেদ প্রথাতে প্রমবিভাগের কথা বলিয়াছি কিন্তু বিভিন্ন প্রকার প্রমের সমাহরণ না করিলে পূর্ণ উন্নতি হইতে পারে না। আমরা পূর্বের চতুর্ববিকে এক ব্রহ্মদেহে সমান্থত বলিয়া ব্যাখ্যা করিয়াছি। ইদানীস্তন নানাবিধ কলের প্রতি লক্ষ্য করিলে প্রকাশ হইবেক যে প্রমসমাহরণ কি অদ্ভূত পদার্থ। উদাহরণ-স্থলে বক্তব্য এই যে একজন লোক এক উদ্দেশ্যে পৃথক্রপে নিযুক্ত থাকিয়া প্রত্যহ ১৫,৫০০ খানা তাস প্রস্তুত করিয়া থাকে কিন্তু এই কার্য্য একক নির্বাহ করিছে হইলে প্রত্যেক ব্যক্তি দিনে উদ্ধসংখ্যা ২খানা প্রস্তুত করিছে পারে। ইহাতে শ্রমবিভাগ ও প্রমসমাহরণ উভয়েরই দৃষ্টান্ত প্রদর্শিত হইল। কেননা, যেমন এই কার্য্য ত্রিশ জনের মধ্যে বিভক্ত হইয়া শ্রম্ম লাঘব হইয়াছে সেইরূপ ঐ ত্রিশ জন একই উদ্দেশ্যে এবং পরম্পরের সাহায্যে নিযুক্ত হওয়াতেই এই উপকার হইতেছে। জাতিভেদক্রমে শ্রমবিভাগের লক্ষণ এখনও দৃষ্ট হয় কিন্তু প্রমসমাহরণের কথা যে শাস্ত্রকারদিগের মনে কখন উদয় হইয়াছিল তাহার বিষয় উল্লিখিত ব্রহ্মদেহবিষয়ক রূপক ব্যতীত অন্য প্রমাণাভাব।

এই দীর্ঘ প্রস্তাবের উপসংহারস্থলে ইহার সারকথার পুনরুক্তি করা যাইতেছে।

- ১। হিন্দুশাস্ত্রে জাতিভেদের আদি বিষয়ে নানা বৃত্তান্ত দৃষ্ট হয়। এবং পাশ্চাত্যগণও বিবিধ কল্পনা করিয়া থাকেন। স্থুল কথা এই যে এতদ্দেশীয় জাতিসমগ্রের আদিবৃত্তান্ত স্থির করা অসাধ্য।
- ২। অনস্তর অস্থাস্থ দেশেও জ্বাতিভেদের কতিপয় লক্ষণ প্রদর্শিত হইয়াছে। তাহার সারকথা এই যে অস্থত্র লোকে আমাদিগের স্থায় সামাজিক প্রথা পরিবর্ত্তন করণের অধিকার ত্যাগ্গ করে নাই।
- ৩। পরে, জাতিভেদ ও কৌলীগুপ্রথার তুলনা করিয়া উভয়েই অমুলোম ও প্রতিলোম বিবাহ বিষয়ক নিয়ম এবং তদ্ধেতৃক কৌলীগুপ্রথাতে বছ বিবাহ ও বিবাহসঙ্কট উৎপত্তি প্রদর্শিত হইয়া তুলনার দ্বারা এই কল্পনা করা গিয়াছে যে ঐ ছুই দোষ নিবারণ করা, অমুলোম বিবাহ রহিত করিবার আংশিক উদ্দেশ্য ছিল।
- ৪। দ্বিতীয় পরিচ্ছেদে জাতিভেদের বর্ত্তমান অবস্থা পর্য্যবেক্ষণে প্রবৃত্ত হইয়া আমরা বংশ যথা আর্য্যবংশ, জাতি যথা ইংরেজ, ফরাসিজাতি এবং বর্ণ যথা

ব্রাহ্মণ, কায়স্থ ইত্যাদি এইরূপে উক্ত তিনটি শব্দের বিভিন্ন অর্থ করিয়াছি। এবং ভাষাকেই জাতীয় ঐক্যের লক্ষণ বলিয়া গ্রহণ করা গিয়াছে।

- ৫। পরে বিভর্লি সাহেবের লোকসংখ্যা রিপোর্টে কতকগুলি বর্ণকে পৃথক্ ছাতি বলিয়া গণ্য করাতে এবং সমগ্র বঙ্গভাষিগণের সংখ্যা না করা কারণে তাঁহার নিন্দা করা গিয়াছে।
- ৬। তদনস্থর কোন কোন পুরাণ ও লোকাচার অমুসারে প্রদর্শিত হইয়াছে যে অমিঞ্জী শৃদ্র বর্ণ এখন দেখা যায় না এবং বর্ত্তমান বর্ণসমূহের তারতম্যভেদ বিষয়ে বৃহদ্ধর্ম পুরাণের বাক্য গ্রহণ করা গিয়াছে।
- ৭। পরিশেষে উক্ত পুরাণানুযায়ী ভিন্ন ভিন্ন বর্ণের ও সমস্ত বঙ্গভাষিগণের আনুমানিক সংখ্যা দেওয়া গিয়াছে।
- ৮। তৃতীয় পরিচ্ছেদে জাতিভেদ প্রথার নিগৃ মর্শ্ম অমুসন্ধানে প্রবৃত্ত হইয়া প্রদর্শন করা গিয়াছে যে এতদ্দেশেও দেশাচার পরিবর্ত্তিত হইয়া থাকে এবং জাতিভিদের নিগৃ মর্শ্মের আলোচনা করিলে লোকে ক্রমশঃ কুপ্রথা পরিত্যাগ করিবেক এমত প্রত্যাশা করা যাইতে পারে।
- ৯। সর্বশেষে প্রাণিতত্ব মতে এবং ব্যবসা শিক্ষা ও সমাজ শাসনের নিমিত্তে জাতিভেদ প্রথা হইতে কোন কোন উপকার হইয়া থাকে এবং ধনবৃদ্ধি বিষয়ে বৃত্তিবিভাগের গুণ ও জাতিভেদ হইতে শ্রমজীবীদিগের কোন কোন ছ্রবস্থা নিবারণ হয়, এই সকল তত্ব প্রদর্শিত হইয়াছে। কিন্তু অধিকাংশ স্থলে এই কথা লক্ষিত হইয়াছে যে সভ্যতার আদিম অবস্থায় জাতিভেদ হইতে যতই মঙ্গল উৎপন্ন হইয়া থাকুক, বর্ত্তমানকালে কেবল ধারাবহনপ্রকৃতি হইতে উক্ত প্রথা এতদ্দেশে রক্ষিত হইতেছে। অহাত্র লোকে ঐ প্রকৃতির এতাদৃশ বশবর্ত্তী নহে এবং বাছল্য পরিমাণে শ্রমশীল। এইজহাই তাহাদিগের মধ্যে এই প্রথার অঙ্কুর থাকাতেও তাহা প্রকৃষ্টরূপে বদ্ধমূল হইতে পারে নাই।

পরিশেষে তুইটা কথার প্রতি লক্ষ্য করা আবশ্যক (১) জাতিভেদ মঙ্গল-জনক নহে। (২) প্রকৃতি সহজে পরিবর্ত্তন হইবার নহে। অতএব জাতিভেদ নির্মূল করিবার জন্ম উৎসাহিত হইবার সময়ে শ্বরণ করা কর্ত্তব্য যে এই উপ্তমে সহসা ফললাভ করিবার সস্তাবনা নাই। বৈষ্ণব, প্রীপ্তান ও ব্রাহ্মগণ এই চেষ্টাতে নিযুক্ত হইয়া কেবল তিনটা নূতন বর্ণ সংস্থাপন করিয়াছেন। জ্ঞাতিভেদবিশিষ্ট সমাজের সহিত বিবাদ করিলে উভয় পক্ষেই ধারাবহন প্রকৃতি বরং বদ্ধমূল হইবেক। অতএব স্বাম্বর্ত্তিতা অভাবে কেবল সংকল্প করিয়া আচার ব্যবহারের পরিবর্ত্তন চেষ্টা করা বৃথা। কিন্তু যদি কোন প্রথা দূরীকৃত করিলে জ্ঞাতিভেদ অপনীত হইবার সম্ভাবনা থাকে, তবে সেই প্রথা বালিকা-বিবাহ।

উন্নতিপ্রিয় ব্রাহ্মগণও কেমন ধারাবহন প্রকৃতিতে আচ্ছন্ন তাহা এই কথাতে ব্যক্ত হইবেক যে তাঁহারা বিস্তর যত্ন করিয়া বিবাহ বিষয়ে ন্যুন বয়সের এক আইন করিয়া লইয়াছেন। তাঁহাদিগের এবং সকল সমাজসংস্কারকের স্থুল উদ্দেশ্য এই যে বিবাহ বিষয়ে লোকের যতদূর সম্ভব স্বাধীনতা বর্দ্ধিত হউক, কিন্তু যেন ব্যভিচার বৃদ্ধি না ঘটে। শান্ত্রকারেরা যে অভিসন্ধিতেই হউক, এই নিয়ম করিয়াছিলেন যে এত বয়সের মধ্যে সকল কন্যার বিবাহ দিতেই হইবেক। ইহাতে স্বাধীনতার ব্যাঘাত হইয়াছিল, কারণ, কেহ বয়ংক্রমের উদ্ধি সীমা অতিক্রম করিতে পারিত্রেন না এবং কন্যাগণ পিতামাতার গলগ্রহ হইয়া উঠিলেন। অতএব এই নিষেধ মুক্ত করিলেই যথেষ্ট। কিন্তু ব্রাহ্মগণ ধারাবহনপ্রকৃতির বশবর্তী হইয়া শান্ত্রকারদিগের উদ্ধি সংখ্যার স্থলে একটা ন্যুন সংখ্যা প্রবর্ত্তন করিতে যত্ন পাইয়াছিলেন, কিন্তু তাহাতেও প্রকারান্তরে স্বাধীনতার বিদ্ধ হয়। মানব মনের প্রকৃতিই এইরূপ যে একটীর স্থলে আর একটা প্রথা স্থাপন না করিলে যেন কাঁক কাঁক বোধ হয়। আমাদিগের সমাজ এখন শান্ত্রীয় নিয়ম উল্লভ্যন করিতে প্রবৃত্ত হইয়াছেন। এখন কন্যার বিবাহ না দিলে নয় এই সংস্কার বিনষ্ট হইলে অনেক উন্নতির সোপান হইবেক।

কন্সার বিবাহ দেওয়া কঠিন বলিয়া আমারা লোকমুখে অনেক আক্ষেপ শুনিয়া থাকি। কিন্তু যাঁহারা আক্ষেপ করেন, বোধ হয়, তাঁহারা বিপরীত অবস্থার প্রতি সম্যক্রপে লক্ষ্য করেন না। পূর্বে পুত্রসন্তানের সংখ্যাধিক্য জন্ম অথবা কোলীম্ব মর্য্যাদা হেতুক কিম্বা অন্থ যে কারণেই হউক কন্সার বিবাহ দেওয়া অপেক্ষাকৃত সহজ্ব ছিল। তাহার ফল এই হইয়াছিল যে, পঞ্চম বৎসর অতীত হইবার পূর্বেই অনেক কন্সার বিবাহ হইত। গৌরীদান আদি সেই সময়ের কীর্ত্তি। এখনও ইতরবর্ণ-দিগের মধ্যে কন্সার সংখ্যা অল্প হইলে এইরূপ হইয়া থাকে। এইরূপ এক একটি কন্সার বিস্তর পণ এবং তাহারা অর্থলোলুপ জনক জননীর সম্বলবিশেষ। এস্থলে শ্রোত্রীয় ও বংশজ ব্রাহ্মণদিগের কথা শ্ররণ হইবেক। অতএব যাঁহারা বর্তমান অবস্থার নিন্দা করেন, তাঁহারা কি এইরূপ প্রথার প্রত্যাবর্ত্তন কামনা করেন ? নতুবা পাত্রের "পাস" সংখ্যা করিয়া পণ দিতে হয় বলিয়া এত কাতরোক্তি কেন ?

ধারাবহন প্রকৃতির মূল কি ? ইহা বিশ্লেষকার্য্যে অক্ষমতা এবং দৈববলে বিশ্বাস হইতে উৎপন্ন হয়। এইরূপ বিশ্বাস ব্যক্তিবিশেষের উপরে স্থাপিত হইলে তাহা হইতে একপ্রকার আজ্ঞামুবর্ত্তিতার উদয় হয়—তাহাতে কোন বিষয়ের নিগৃত্ত অমুসন্ধানের বাসনা থাকে না, স্থুল স্থুল ত্ই একটা বিষয় উপলব্ধ করিয়া পূর্বাক্রিত বিশ্বাস অমুসারেই লোকে বিবেচ্য বিষয়ের মর্ম্ম স্থির করে। কিন্তু যাহারা জ্ঞানসহকারে আত্মসংযমের দ্বারা আজ্ঞামুবর্ত্তী হয় তাহাদিগের প্রকৃতি বিভিন্ন। মমুদ্য যে মনের জড়তা জন্ম নৃতন ভাবের অমুদায়হেতুক ব্যক্তি বা উক্তিবিশেষের অমুসারী

জাভিভেদ

হয় তাহা নিতান্ত মৃঢ়তার ফল। ইহাতেই লোকে নৃপতি, গো, ব্রাহ্মণকে ঐশীশক্তি-সম্পন্ন মনে করে।

আজ্ঞান্থবর্ত্তী ব্যক্তি আজ্ঞাদাতা দেখিলেই তাহার অধীনতা স্বীকার করে। আজ্ঞাদাতৃগণও তুল্যপ্রকৃতিসম্পন্ধ, অপেক্ষাকৃত শ্রেষ্ঠ ব্যক্তিবর্গের আজ্ঞান্থবর্ত্তী। ইহাই বর্ণসমূচ্চয়ের পারম্পর্য্য বিধানের হেতু। অনস্তর শ্রমশীলতার উন্নতি সহকারে বৃত্তিভেদ এবং স্বার্থরক্ষার নিমিত্ত বিবাহসম্বন্ধীয় নিয়ম ইহার উপরে আশ্রয় করিয়াছে।

ছর্বল ব্যক্তি আজ্ঞান্নবর্ত্তী হইলে তাহার প্রকৃতিতে একপ্রকার কোমলতা উৎপন্ন হয়, তাহাতে লোক বলবানের বশবর্ত্তী হইয়া থাকে। কিন্তু স্বাধীনতা পাইলে কেবল ধারাবাহিক মতেই কার্য্য করে। তখন আজ্ঞান্নবর্ত্তিতা, মন্মুয়া দেবতা অভাবে, লোকাচার অথবা শাস্ত্রোক্তির অনুগামী হয়। এবং যদি কোন প্রকারে এই ভক্তি বিচলিত হইয়া যায়, অথচ পাত্রান্তরে স্থাপিত না হয়, তাহা হইলে বৃদ্ধিবিবেচনার নিয়ামক অভাবে এতাদৃশ লোকের চরিত্রে মহা বিকৃতি উপস্থিত হয়। এদেশীয় লোকেরা এখন এই অবস্থা প্রাপ্ত হইয়াছে।

কেহ কেহ বলিতে পারেন যে এতদ্দেশস্থ প্রাচীন নিরীশ্বরবাদিগণ দৈবশক্তি বিশ্বাস করিতেন না এবং নৈয়ায়িকদিগকে বিশ্লেষ কার্য্যে অপটু বলা অসঙ্গত। বস্তুতঃ ইহারা অন্য হেতু বশতঃ ধারাবহনপ্রকৃতির অপনয়নে পরাষ্মৃথ হইয়াছিলেন। ঈশ্বরবাদী হউন বা নিরীশ্বরবাদী হউন, এতদ্দেশের জ্ঞানী ব্যক্তিগণ সকলেই ছটী বিষয়ে ঐক্য ছিলেন। ১। জীবনের উদ্দেশ্য স্থখ। ২। সজ্ঞানে যে স্থখলাভ হয় তাহাকে সর্ব্বতোভাবে ছঃখ হইতে বিচ্ছিন্ন করা অসাধ্য, অতএব নির্বাণযরূপ স্থই সর্ব্বপ্রধান। নির্বাণলাভের জন্ম চিত্তচাঞ্চল্যজনক কার্য্যমাত্রই নিষিদ্ধ; ধারাবহন প্রকৃতি এই নিষেধের মহোপযোগী। স্কুতরাং জ্ঞানী মূর্থ উভয়েই ধারাবাহন বিষয়ে একমতাবলম্বী হইয়াছিলেন।

ইহার মীমাংসা এইরপে হইতে পারে। জীবনের উদ্দেশ্য সুখ একথা স্বীকার করিলেও, একথা প্রসিদ্ধ যে সুখ লাভ করিব মনে করিয়া যে কোন কার্য্য কর তাহাতে সুখ হয় না, কিন্তু অন্য উদ্দেশে যে কার্য্যেই তদগতচিন্তে প্রবৃত্ত হও তাহাতেই সুখলাভ হয়। অতএব হিন্দুশাস্ত্রবেতৃগণের প্রতিষ্ঠিত বৈরাগ্যের উপাসনাতে কোন আতিশয্য নাই। সংসারের উৎকৃষ্ট কার্য্যকে জীবনের উদ্দেশ্য গণ্য করিলেই উভয় দিক্ রক্ষা হয়। যথা কোমৎ বলেন উন্নতিই জীবনের উদ্দেশ্য, শৃখলা কার্য্যের ভিত্তিস্বরূপ এবং মায়া সকল ক্রিয়ার নিয়ম হউক।



ত্যাপত্যাসকে সচরাচর আমরা কাব্যই বলিয়া থাকি। কাব্যের বিষয় মন্থ্যচরিত্র। মন্থ্যচরিত্র ঘোরতর বৈচিত্রবিশিষ্ট। মন্থ্য শভাবতঃ স্বার্থপর, এবং মন্থ্য, শভাবতঃ পরতঃথে তঃখী এবং পরোপকারী। মন্থ্য পশুবৃত্ত এবং মন্থ্য দেবতুল্য। সকল মন্থ্যের চরিত্রই এইরপ বৈচিত্রবিশিষ্ট; এমন কেহ নাই যে, সে একান্ত স্বার্থপির, এবং এমন কেহ নাই যে সে একান্ত স্বার্থবিশ্বত পরহিতান্ত্রক; কেহই নিতান্ত পশু নহে, কেহই নিতান্ত, দেবতা নহে। এই পশুত্ব ও দেবত্ব, একত্রে, একাধারে সকল মন্থ্যেই কিয়ৎপরিমাণে আছে; তবে সর্বত্র উভয়ের মাত্রা সমান নহে। কাহারও সদ্গুণের ভাগই অধিক, অসদ্গুণের ভাগ অল্প; সে ব্যক্তিকে আমরা ভাল লোক বলি; যাহার সদ্গুণের ভাগ অল্প, অসদ্গুণের ভাগ অধিক তাহাকে মন্দ বলি। কিন্তু এইরপ দ্বিপ্রকৃতিত্ব সকল মন্থ্যেরই আছে; মন্থ্যচরিত্রই দ্বিপ্রাকৃতিক; তুইটি বিসদৃশ ভাগে মন্থ্য হৃদয় বিভক্ত।

কাব্যের বিষয় মন্ত্র্যাচরিত্র; যে কাব্য সম্পূর্ণ, তাহাতে এই তুই ভাগই প্রতিবিশ্বিত হইবে। কি গছ, কি পছ, প্রথম শ্রেণীর গ্রন্থ মাত্রেই এইরূপ সম্পূর্ণতাব্রুক্ত। কিন্তু কোন কোন কবি, এক এক ভাগ মাত্র গ্রহণ করেন। তাঁহারা যে মন্ত্র্যের দ্বিপ্রকৃতিত্ব অবগত নহেন, এমত নহে; তবে তাঁহারা বিবেচনা করেন যে, যেমন একত্রে সমাবিষ্ট মন্ত্র্যাচরিত্রের ভাল মন্দ অধীত এবং পর্য্যবেক্ষিত করা আবশ্যক, তেমনি উহা পৃথক্ পৃথক্ করিয়া অধীত এবং পর্য্যবেক্ষিত করাও আবশ্যক। যেমন একটি যুক্ত বর্ণের উচ্চারণ শিথিবার পূর্ব্বে যে বর্ণদ্বয়ের যোগে ভাহা নিম্পার্ম হইয়াছে, তত্তৎ উচ্চারণ অগ্রে পৃথক্ পৃথক্ করিয়া শিখা কর্ত্তব্য, তেমনি মন্ত্র্যান্তর্যাক্রের অংশদ্বয়কে বিযুক্ত করিয়া পৃথক্ পৃথক্ অধ্যয়ন করা বিধেয়। এইরূপ বিশ্বাসের বশবর্তী হইয়া কতকগুলি কবি মন্ত্র্যাচরিত্রের অংশমাত্র গ্রহণ করেন। বাঁহারা মহদংশ গ্রহণ করিয়াছেন, তাঁহাদিগের গ্রন্থের এক বিশিষ্ট উদাহরণ বিষ্ট্রর

কল্পতর । প্রীইন্দ্রনাথ বন্দ্যোপাধ্যায় প্রণীত । কলিকাতা । ক্যানিঙ লাইব্রেরী । ১২৮১ ।

হ্যাগোর গভ কাব্যাবলী। যাঁহারা অসম্ভাগ গ্রহণ করেন, তাঁহারা প্রায় রহস্ত-লেখক। ইহাদিগের চূড়ামণি সরবন্টিস্। ইহাদিগের গ্রন্থসকল অভি উৎকৃষ্ট হইলেও, অসম্পূর্ণ কাব্য।

এই সম্প্রদায়ের কেবল ছইজন লেখক বাঙ্গালা ভাষায় স্থপরিচিত; প্রথম, টেকচাঁদ ঠাকুর; দ্বিতীয়, হুতোম পেঁচা লেখক। অন্ত সেই সম্প্রদায়ের তৃতীয় লেখকের প্রিচয় দিতেছি।

বাব্ ইন্দ্রনাথ বন্দ্যোপাধ্যায় একখানি মাত্র গ্রন্থ প্রচার করিয়া, বাঙ্গালায় প্রধান লেখকদিগের মধ্যে স্থান পাইবার যোগ্য বলিয়া পরিচিত হইয়াছেন। রহস্ত পটুতায়, মনুষ্যচরিত্রের বহুদর্শিতায়, লিপিচাতুর্য্যে, ইনি টেকচাঁদ ঠাকুর এবং হতোমের সমকক্ষ, এবং হুতোমের সমকক্ষ, এবং হুতোমের সমকক্ষ, এবং বিশুদ্ধ রুচির সঙ্গে মহাসমরে প্রবৃত্ত। ইন্দ্রনাথ বাব্ পরছাথে কাতর, স্থনীতির প্রতিপোষক, এবং তাঁহার গ্রন্থ স্থক্রচির বিরোধী নহে। তাঁহার যে লিপিকৌশল, যে রচনাচাতুর্য্য, তাহা আলালের ঘরের ছুলালে নাই—দে বাক্শক্তি নাই। তাঁহার গ্রন্থে রক্ষদর্শনপ্রিয়তার ঈষৎ মধুর হাসি হুত্রে প্রভাসিত আছে, অপাঙ্গে যে চতুরের বক্র দৃষ্টিটুকু পদে পদে লক্ষিত হয়, তাহা না হুতোমে, না টেকচাঁদে, ছুইয়ের একেও নাই। তাঁহার গ্রন্থ রত্নময়, সর্বস্থানেই মুক্তা প্রবালাদি জ্বলিতেছে। দীনবন্ধু বাবুর মত, তিনি উচ্চ হাসি হাসেন না, হুতোমের মত "বেলেল্লা গিরিতে" প্রবৃত্ত হয়েন না, কিন্তু তিলার্দ্ধ রসের বিশ্রাম নাই। সে রসও উগ্র নহে, মধুর, সর্বাদা সহনীয়। "কল্পতরু" বঙ্গভাষায় একখানি উৎকৃষ্ট গ্রন্থ।

যাহাকে সম্পূর্ণ কাব্য বলিয়াছি, এগ্রন্থ তাহার মধ্যে গণ্য নহে। যিনি মনুয়ের শক্তি, মনুয়ের মহন্ব,—সুথের উচ্ছাস, ছংখের অন্ধকার দেখিতে চাহেন, তিনি এগ্রন্থে পাইবেন না। যিনি মনুয়ের কুজতা, নীচাশয়তা, স্বার্থপরতা, এবং বৃদ্ধির বৈপরীত্য দেখিতে চাহেন, তিনি ইহাতে যথেষ্ট পাইবেন। যিনি তমোভিভূত অথচ ভীক্র, নির্কোধ, ভগু, ইন্দ্রিয়পরবশ আধুনিক যুবা দেখিতে চাহেন, তিনি নরেন্দ্রনাথকে দেখিবেন। যিনি শঠ, বঞ্চক, লুন্ধ, অপরিণামদর্শী, বাচাল, "চালাকদাস" দেখিতে চাহেন, তিনি রামদাসকে দেখিবেন। যে সকল বহ্য জন্তুগণ অনতিপূর্বকালে সাহেবের কাছে নথি পড়িয়া অর্থ ও মেদ সঞ্চয় করিত, কালীনাথ ধরে, তাহারা জাজ্বা্যমান; এবং ধরপত্নী গৃহিণীর চূড়া। গবেশচন্দ্র নায়কের চূড়া। তাঁহার মত স্থাক্ষ, অস্বার্থপর মনুয়ারত্নের পরিচয়—পাঠক স্বয়ং লইবেন!

এই সকল চিত্র প্রকৃতিমূলক—কিন্তু তাহাদিগের কার্য্য আত্যন্তিকতাবিশিষ্ট। যে যাহাতে উপহাসের বিষয়, রহস্তলেখক তাহার সেই প্রবৃত্তিছটিত কার্য্যক আত্যন্তিক বৃদ্ধি দিয়া চিত্রিত করেন। এ আত্যন্তিকতা দোষ নহে—এটি লেখকের কৌশল। এই প্রস্তে বিবৃত সকল কার্য্যই আত্যন্তিকতাবিশিষ্ট। প্রস্তে এমন কিছুই ¹নাই, যে আত্যন্তিকতাবিশিষ্ট নহে।

মনুযান্তাদায়ের যে সকল সংপ্রাবৃত্তি, গ্রন্থকার তাহা প্রস্থমধ্যে একবারে প্রবেশ করিতে দেন নাই। মধুস্দন ভাতৃবৎসল, এবং নিতান্ত নিরীহ—তদ্ভিন্ন গ্রাম্থান্ত নায়ক নায়িকার কাহারও কোন সদ্গুণ নাই। মনুযান্তাদায়ের সদ্গুণের পরিচয়ও লেখকের অভিপ্রেত নহে। যাহা তাঁহার অভিপ্রেত তাহাতে তিনি সিদ্ধকাম হইয়াছেন বলিতে হইবে।

গল্পটি অতি সামাস্ত; সহক্ষে বলিতে ছত্র ছই লাগে। আলালের ঘরের ছলাল ইহা অপেক্ষা বৈচিত্রবিশিষ্ট। আর আলালের ঘরের ছলাল উচ্চনীতির আধার—ইহা সেরপ নহে। আলালের ঘরের ছলালের উদ্দেশ্য নীতি; কল্পতরুর উদ্দেশ্য ব্যক্ষ। আলালের ঘরের ছলালের লেখক মন্থয়ের ছম্প্রবৃত্তি দেখিয়া কাতর, ইনি মন্থ্যচরিত্র দেখিয়া স্থাযুক্ত। কল্পতরুর অপেক্ষা আলালের ঘরের ছলালের সম্পূর্ণতা এবং উচ্চাশয়তা আছে।

যে গ্রন্থের আমরা এত প্রশংসা করিলাম, তাহা হইতে কিঞ্চিৎ উদ্ধৃত করিয়া লেখকের লিপিপ্রণালীর পরিচয় দিব। যে অংশ উদ্ধৃত করিলাম, গ্রন্থকার তাহাতে একটু বীভৎস রসের অস্থায় অবতারণা করিয়াছেন, এটি রুচির দোষ বটে। ভরসা করি অস্থাস্থ গুণে প্রীত হইয়া পাঠক তাহা মার্জনা করিবেন।

"মধুস্দন খর্কাকৃতি, কৃষ্ণবর্গ, কৃশ, এবং তাহার চুল কাফ্রির মত, এই অপরাধে নরেন্দ্রনাথ তাহাকে বিশেষ ভালবাসিতে পারিতেন না। এরূপ সহোদরকে বারংবার 'পরম পূজনীয় শ্রীযুক্ত অগ্রজ মহাশয়' বলিয়া পত্র লিখিতে ঘুণা হইত, এই হেতু প্রতিবার বন্ধের পর বাটী হইতে কলিকাতা যাইবার সময়, যতদিন থাকিতে হইবে অনুমান করিয়া, খরচের টাকা একবারে সঙ্গে লাইয়া যাইতেন। পাছে নরেন্দ্রের কোন কট্ট হইবে, এই ভাবিয়া মধুস্দনও যেমন করিয়া হউক সমস্ত টাকা সংগ্রহ করিয়া দিতেন।

হুমাস আড়াই মাস অন্তরে নর্বেন্দ্রনাথ বাটীতে নিজদেহের কুশল লিখিতেন। একবার, বহুকাল পত্র না পাইয়া মধুস্দন চিন্তাকুল হন, এবং পিসীর পরামর্শে নরেন্দ্রকে কলিকাতায় দেখিতে যান। নরেন্দ্রনাথ ইহাকে ছই দিবসের অধিক বাসায় থাকিতে দেন নাই, এবং বন্ধুবর্গের নিকট জ্যেষ্ঠকে বাটীর সরকার বলিয়া পরিচিত করেন, ইহা আমরা উত্তমরূপ জানি। নরেন্দ্রনাথ সেই অবধি জ্যেষ্ঠের প্রতি অনিবার্য্য স্থাকে হৃদয়ে লালন পালন করিতে লাগিলেন।

পূর্ব্ব পূর্ব্ব পরিচ্ছেদে বর্ণিত হইয়াছে, নরেন্দ্রনাথ কলিকাতায় কি কি করিয়া অবশেষে কিরপে সেই ভয়য়র রজনীতে তদীয় প্রীচরণ-য়য়কে কষ্ট দিয়াছেন। ঐ সমস্ত ঘটনার বছকাল, এমন কি ৪।৫ মাস পূর্ব্ব হইতে নরেন্দ্রনাথ বাটীর কথা একবারে ভুলিয়া গিয়াছিলেন। ক্রেমে অগ্রহায়ণ মাস শেষ হইল, পরীক্ষার কাল উত্তীর্ণ হইয়া গেল, তথাপি নরেন্দ্র বাড়ী আসিলেন না। ক্রেমে পৌষ মাঘ মাসও গেল। তথন মধুস্দনের মনে বড়ই ভাবনা হইল। পিসী গৃহকার্য্য সমাপন করিয়া প্রতিদিন বিকালে কারা ধরিলেন।

'একে পিসী, তায় বয়সে বড়', স্বতরাং শঙ্করী ঠাকুরাণীকে আমরা কখন নাম ধরিয়া ডাকিব না। পিসী অথবা পিসীমা বলিতে থাকিব। হে স্থাদয়গ্রাহিপাঠক মহাশয়! যদি আপনার পিসী—আপনাদের 'পরমারাধ্য পরমপ্জনীয়' পিতামহের চিরবিধবা কন্থা থাকেন, তবেই আমাদের ভক্তির স্বরূপ বুঝিতে সমর্থ হইবেন।

দিন যায়, রাত্রি আইসে; কিন্তু মধুস্দনের 'ভাই নরেন্দ্র' বাটী আইসে না। রাত্রি যায় দিন আইসে, কিন্তু পিসীমার 'নরেন' ঘরে আইসে না। দিন রাত্রির কেহ নাই, কাজেই তাহারা না চাইতে আইসে, না চাইতে যায়। আমাদের 'নরেনের' পিসী আছেন, স্মৃতরাং তিনি কাঁদিয়াও নরেন্দ্রনাথকে পান না। পাইবেন কেমনে ? ছেলের যখন ব্রহ্মজ্ঞান জন্মে, তখন বাপ মায় পান না, তায়, পিসী কোন্ ছার ?

মধুস্দন পিসীমার অন্ধরোধে তাঁহাদের গ্রামের গদিয়ান বাব্কে নরেন্দ্রনাথের সংবাদ জানিবার জন্ম একথানি সজলনয়ন পত্র কলিকাভায় লিখিলেন। উত্তর আসিল যে অগ্রহায়ণ মাস অবধি গদিয়ান বাবু নরেন্দ্রনাথের কোন সমাচার পান নাই।

তখন বাড়ীতে হুলস্থুল পাঁড়িয়া গেল। পিসীমার নাকঝাড়াতে উঠান্ সর্বাদা সপ্ সপ্ করিতে লাগিল; ঘরের মিষ্টান্ন পর্যান্ত পিসীমার চক্ষের জলে লোণা হইতে লাগিল। শোক-সম্ভপ্তা পিসী সর্বাদাই নাক ঝাড়িতে আরম্ভ করিলে, প্রতিবেশিনীরাও তাঁহার বাড়ী যাওয়া পরিত্যাগ করিল।

পিসী মধুস্দনকে কলিকাতায় নরেন্দ্রের সন্ধান করিতে যাইবার জন্থ বলিলেন। মধু একবার মাত্র কলিকাতায় গিয়াছিলেন; তখন গবেশ রায় সঙ্গেছিল। এখন গবেশ বিদেশ গিয়াছেন; স্থতরাং কলিকাতার গলির ভয়ে, বিনা গবেশ রায়ে, মধুস্দনের যাওয়া ঘটিল না।

একদিন রাত্রি-প্রভাতে পিসীমা ভারি মুখভার করিয়া শয্যা হইতে উঠিলেন, এবং গুণ্ গুণ্ শ্বরে গৃহকার্য্য আরম্ভ করিলেন। কাজ সারা হইল, স্নানে যাইবার জম্ম তেলের বাটি গামছা লইয়া ঘর হইতে বাহির হইলেন; কিন্তু যাইতে পারিজেন না। পরচালার, বামহস্ত ভূমিতে পাতিয়া, তৃই পা ছড়াইয়া চীৎকার করিয়া কাঁদিতে আরম্ভ করিলেন।

গ্রামের উত্তর পাড়ার একটা স্ত্রীলোক পরম্পরায় শুনিতে পাইল বে, মধুর পিসী কাঁদিতেছেন। ইহার একটু কবিকরনা ছিল; পাড়াগেঁরে অনেক স্ত্রীলোকেরই থাকে। 'ঘটকদের নরেন্দ্র কাল্ রেতে বাড়ী এসেছিল, সকাল বেলা তারে সাপে খেয়েছে, তাই তার পিসী কেঁদে গাঁ মাথায় করেছে' যাহাকে দেখে এই কথা বলিতে বলিতে সে ঘটক-বাড়ী অভিমুখে চলিল। যখন পঁছছিল, তখন বাড়ী লোকারণ্য; বোধ হয় যেন ব্রহ্মাণ্ডে আর স্ত্রীলোক নাই। সকলেই বলিতেছে 'অমন ছেলে হয় না, হবেনা।' ইহারই মধ্যে কেহ আর একজনের নিকট 'মুদের পয়সা কটা' চাহিতেছে। পিসীর দিকে যেই মুখ ফিরায়, অমনি তাহার চক্ষু ছলছল, কে যেন লক্ষা বাটিয়া দেয়; যেই বিমুখ হয়, অমনি ভাবান্তর, যেন 'পিসীর' ছংখের কথা তাহারা শুনেও নাই। কিন্তু পিসীমা এক-চিত্তে এক-ভাবে, বসিয়া কেবল চীৎকার করিতেছেন। রোদনের বিরাম নাই, বৈজাত্য নাই। অল্পবয়স্কা একটা স্ত্রীলোক—সেও কাঁদিতে গিয়াছিল—ফিরিয়া যাইবার সময় বলিয়া গেল 'বেটা বসে কাঁদছে, যেন আলকাৎরা মাখান বড় চরকা ঘুরছে।'

একটু একটু কাঁদিয়া যখন সকলেই একে একে চলিয়া যাইতে লাগিল, তখন পিসীমা রোদনের বেগ কিঞ্চিৎ সম্বরণ করিলেন, ছটা একটা কথা কহিতে লাগিলেন।

'আহা বাছা আমার এত গুণের ছেলে! এমন ছেলে কি কারও হয়। ভাই মরেছে, সয়েছে। বলি, নরেন্দ্র বড় হবে, আমার সকল ছংখ যাবে,—' পিসীমা নাক ঝাড়িলেন, একটা স্ত্রীলোকের গায় লাগিল, সে নাক তুলিয়া চলিয়া গেল। পিসীর কি ছংখ, নরেন্দ্র হইতে কেমন করিয়াই বা সে ছংখ মোচন হইবে, তাহা আমরা জানি না। পিসী-লোকের জ্ঞান পিসীদেরই আছে, নরলোকের সস্তবে না।

পিসী পুনশ্চ চীৎকার ধরিলেন; আবার কান্নার বেগ থামাইলেন, আবার কথা আরম্ভ হইল। 'নরেন্ আমার পিসীমা বৈ পিসী বলে না, এমন ছেলে কোথায় পাব? আর কি এমন হবে? নুনরেন্ তুই একবার দেখা দে, আবার যাস্। প্রাণ না বেফলে যে মরণ হয় না। এখন আমি কোথায় যাই?"

নানা ছাঁদে বিনাইয়া পিসী কাঁদিতেছেন, কথা কহিতেছেন, আবার কাঁদিতেছেন। কিন্তু ইহার মূল কারণ কেহই কিছু জানিতে পারে না। অবশেষে একজন বৃদ্ধা বলিল 'যা হয়েছে, তা ফের্বার নয়, এখন ভোমার মধু বেঁচে থাকুক, আশীর্ষাদ কর। কপালে যা ছিল, হ'ল; কাঁদ্লে কি হবে? শুন্লে কবে? এ দারণ কথা ব'ল্লে কে, কেমন ক'রেই বা ব'ল্লে?' পিসীমা চমকিয়া উঠিলেন—বলিলেন। 'বাট্! বাট্! বুড়ীর দাস আমার! তা কেন হবে ? ছেলের খপর পাই নাই, তায় রেতে স্থপন দেখেছি, ভাই বড় ভাবনা হয়েছে।'

নরেন্দ্রনাথের মৃত্যু হয় নাই, একথা তখন জানিতে পারিয়া ছুইজ্বন অত্যন্ত বিরক্ত হইয়া চলিয়া গেল। পিসী তখন স্বপ্নবুত্তান্ত বলিতে লাগিলেন।

'নিজের ভাল দেখিলে মন্দ হয়' তাহাতেই পিসীর এত শোক ছঃখ উপস্থিত হইয়াছিল। রাত্রি-শেষে পিসী স্বপ্ন দেখেন যে মূলুকের ছোট লাট সাহেব মরেছে, তাতে লাটহন্তী ক্ষেপে বেড়ায়। পথে নরেন্দ্রনাথকে দেখিতে পাইয়া, তাহাকে ভূঁড়ের দ্বারা মন্তকে তুলিয়া লইয়া গিয়া লাটসিংহাসনে বসাইয়া দেয়, তাহার পর নরেন্দ্রনাথ মেম বিবাহ করিয়াছে। তাহাতে পিসীমা বলিলেন 'জাত যা'ক তব্ও বউ নিয়ে ঘরে এস'—নরেন্দ্রনাথ এল না। তখন পিসী নরেন্দ্রনাথের হাতে ধরিয়া আনিতে চাহিলেন। নরেন্দ্র হাত ছাড়াইয়া লইল। অমনি পিসীর নিজাভঙ্গ।

ইহাতেই পিসীর শঙ্কা, শঙ্কা হইতে ত্বংখ, ত্বংখ হইতে শোক, শোক হইতে গুণ্ খণ্ স্বরে গৃহকার্য্য সারা, গুণ্ গুণ্ স্বর হইতে পরিশেষে পা ছড়াইয়া চীৎকার-ধ্বনিতে কাল্লা ও পাড়ার লোক জোটা।

অনেক প্রবোধে পিসীমার কান্নার 'ইতি' হইল। আমরাও পাঠকবর্গকে বিরাম দিবার জন্ম পরিচ্ছেদের উপসংহার করিলাম।"



তৃতীয় পরিচ্ছেদ

মাদের বাড়ীতে এক সন্ন্যাসী আসিয়া উপস্থিত হইল। কেহ সন্ন্যাসী বলিত, কেহ ব্রহ্মচারী, কেহ দণ্ডী, কেহ অবধৃত। পরিধানে গৈরিক বাস, কঠে রুদ্রাক্ষ মালা, মস্তকে রুক্ষ কেশ, জটা নহে, রক্তচন্দনের ছোট রকমের ফোঁটা। বড় একটা ধূলা কাদার ঘটা নাই—সন্ন্যাসী জাতির মধ্যে ইনি একটু বাবু। খড়ম চন্দন কাঠের, তাহাতে হাতীর দাঁতের বৌল। তিনি যাই হউন, বালকেরা তাঁহাকে সন্ম্যাসী মহাশয় বলিত বলিয়া আমিও তাঁহাকে তাহাই বলিব।

পিতা কোথা হইতে তাঁহাকে লইয়া আসিয়াছিলেন। অনুভবে বুঝিলাম, পিতার মনে মনে বিশ্বাস ছিল, সন্ন্যাসী নানাবিধ ঔষধ জানে। বিমাতা বন্ধ্যা।

দেখিলাম, পিতার অমুকম্পায় সন্মাসী উপরের একটি বৈঠকখানা আসিয়া দখল করিল। আমার একটু বিরক্তিকর হইয়া উঠিল। আবার সন্ধ্যাকালে সূর্য্যের দিকে মুখ করিয়া সারঙ্গ রাগিণীতে আর্য্যাচ্ছন্দে বেদমন্ত্র পাঠ করিত। ভগুমি আর আমার সহু হইল না। আমি তাহার অদ্ধচন্দ্রের ব্যবস্থা করিবার জন্ম তাহার নিকটে গেলাম।

বলিলাম, "সন্ধ্যাসী ঠাকুর, ছাদের উপর মাতা মুগু কি বকিতেছিলে ?"

সন্মাসী হিন্দুস্থানী, কিন্তু আমাদিগের সঙ্গে যে ভাষায় কথা কহিত, তাহার চৌদ্দ আনা নিভান্ধ সংস্কৃত, এক আনা হিন্দি, এক আনা বাঙ্গালা। আমি বাঙ্গালাই রাখিলাম। সন্মাসী উত্তর করিলৈন, "কেন কি বকি, আপনি কি জানেন না ?"

আমি বলিলাম, "বেদ মন্ত্ৰ?"
স। হইলে হইতে পারে।
আমি। পড়িয়া কি হয়?
দ। কিছুনা।

উত্তরটুকু সন্ন্যাসীর জিত—আমি এটুকু প্রত্যাশা করি নাই। তখন জিজ্ঞাসা করিলাম, "তবে পড়েন কেন ?"

স। কেন, শুনিতে কি কষ্টকর ?

আমি। না, শুনিতে মন্দ নয়, বিশেষ আপনি স্কুষ্ঠ। তবে যদি কিছু ফল নাই, তবে পড়েন কেন ?

স। যেখানে ইহাতে কাহারও কোন অনিষ্ট নাই, সেখানে পড়ায় ক্ষতি কি ?
আমি জ্বারি করিতে আসিয়াছিলাম,—কিন্তু দেখিলাম যে একটু হটিয়াছি—
স্থতরাং আমাকে চাপিয়া ধরিতে হইল। বলিলাম, "ক্ষতি নাই, কিন্তু নিক্ষলে কেহ
কোন কান্তু করে না—যদি বেদগান নিক্ষল, তবে আপনি বেদগান করেন কেন ?"

স। আপনিও ত পণ্ডিত, আপনিই বলুন দেখি, বৃক্ষের উপর কোকিল গান করে কেন ?

ফাঁপরে পড়িলাম। ইহার ছইটি উত্তর আছে, এক—"ইহাতেই কোকিলের সুখ"—দ্বিতীয়, "স্ত্রী-কোকিলকে মোহিত করিবার জন্ম।" কোন্টি বলি ? প্রথমটি আগে বলিলাম, "গাইয়াই কোকিলের সুখ।"

স। গাইয়াই আমার সুখ।

আমি। তবে টপ্পা, খেয়াল প্রভৃতি থাকিতে বেদগান করেন কেন ?

স। কোন্ কথাগুলি স্থাকর—সামাক্যা গণিকাগণের কর্দর্য্য চরিত্রের গুণ-গান স্থাকর, না দেবতাদিগের অসীম মহিমাগান স্থাকর ?

হারিয়া, দ্বিতীয় উত্তরে গেলাম। বলিলাম, "কোকিল গায়, কোকিলপত্নীকে মোহিত করিবার জন্ম। মোহনার্থ যে শারীরিক স্ফুর্ত্তি, তাহাতে জীবের স্থুখ। কণ্ঠস্বরের স্ফুর্ত্তি সেই শারীরিক স্ফুর্ত্তির অন্তর্গত। আপনি কাহাকে মৃগ্ধ করিতে চাহেন ?"

' সন্ন্যাসী হাসিয়া বলিলেন, "আমার আপনার মনকে। মন, আত্মার অনুরাগী নহে, আত্মার হিতকারী নহে। তাহাকে বশীভূত করিবার জন্ম গাই।"

আমি। আপনারা দার্শনিক, মন এবং আত্মা পৃথক্ বলিয়া মানেন। কিন্তু মন একটি পৃথক্, আত্মা একটি পৃথক্ প্লার্থ ইহা মানিতে পারি না। মনেরই ক্রিয়া দেখিতে পাই—ইচ্ছা, প্রবৃত্ত্যাদি আমার মনে। স্থুখ আমার মনে, ছংখ আমার মনে। তবে আবার মনের অতিরিক্ত আত্মা, কেন মানিব ? যাহার ক্রিয়া দেখি, তাহাকেই মানিব। যাহার কোন চিহ্ন দেখি না, তাহাকে মানিব কেন ?

স। তবে বল না কেন, মন ও শরীর এক। শরীর ও মনের প্রভেদ কেন মানিব ? যে কিছু কার্য্য করিছেছ সকলই শরীরের কার্য্য—কোন্টি মনের কার্য্য ? আমি। চিস্তা প্রবৃত্তি ভোগাদি। স। কিসে জানিলে সে সকল শারীরিক ক্রিয়া নহে ? আমি। তাহাও সভ্যাকটে। মন, শরীরের ক্রিয়া# মাত্র।

স। ভাল, ভাল। তবে আর একটু এসো। বলনা কেন যে, শরীরও পঞ্চভূতের ক্রিয়া মাত্র ? শুনিয়াছি ভোমরা পঞ্চভূত মাননা—ভোমরা বহুভূতবাদী, তাই হউক; বলনা কেন যে ক্ষিত্যাদি বা অন্য ভূতগণ, শরীর রূপ ধারণ করিয়া সকলই করিতেছে ? এই যে তুমি আমার সঙ্গে কথা কহিতেছ—আমি বলি যে কেবল ক্ষিত্যাদি আমার সন্মুখে দাঁড়াইয়া শব্দ করিতেছে, শচীন্দ্রনাথ নহে। মন ও শরীরাদির কল্পনার প্রয়োজন কি ? ক্ষিত্যাদি ভিন্ন শচীন্দ্রনাথের অস্তিম্ব মানি না।

হারিয়া, ভক্তিভাবে সন্ন্যাসীকে প্রণাম করিয়া উঠিয়া গেলাম। কিন্তু সেই অবধি সন্ন্যাসীর সঙ্গে একটু সম্প্রীতি হইল। সর্ব্বদা তাঁহার কাছে আসিয়া বসিতাম; এবং শাস্ত্রীয় আলাপ করিতাম। দেখিলাম, সন্ন্যাসীর অনেক প্রকার ভণ্ডামি আছে। সন্ন্যাসী ঔষধ বিলায়, সন্ন্যাসী হাত দেখিয়া গণিয়া ভবিন্তুৎ বলে, সন্ন্যাসী যাগ হোমাদিও মধ্যে মধ্যে করিয়া থাকে—নল চালে, চোর বলিয়া দেয়, আরও কত ভণ্ডামি করে। একদিন আমার অসহ্য হইয়া উঠিল। একদিন আমি তাহাকে বলিলাম, "আপনি মহামহোপাধ্যায় পণ্ডিত; আপনার এ সকল ভণ্ডামি কেন ?"

স। কোন্টা ভণ্ডামি ?

আমি। এই নল চালা, হাত গণা প্রভৃতি।

স। কতকগুলা অনিশ্চিত বটে, কিন্তু তথাপি কর্ত্তব্য।

আমি। যাহা অনিশ্চিত জ্ঞানিতেছেন, তদ্ধারা লোককে প্রতারণা কেন করেন ?

স। তোমরা মড়া কাট কেন ?

আমি। শিক্ষার্থ।

স। যাহারা শিক্ষিত, তাহারা কাটে কেন ?

আমি। তত্তামুসন্ধান জন্ম।

স। আমরাও তত্তামুসন্ধান জক্ষ এ সকল করিয়া থাকি। শুনিয়াছি, বিলাতি পণ্ডিতের মধ্যে অনেকে বলেন, লোকের মাথার গঠন দেখিয়া তাহার চরিত্রের কথা বলা যায়। যদি মাথার গঠনে চরিত্র বলা যায়, তবে হাতের রেখা দেখিয়াই বা কেন না বলা যাইবে। ইহা মানি যে, হাতের রেখা দেখিয়া, কেহ এ পর্যাস্ত ঠিক বলিতে পারে নাই। ইহার কারণ এই হইতে পারে যে, ইহার প্রকৃত

^{*} Function of the Brain.

সঙ্কেত অম্বাপি পাওয়া যায় নাই, কিন্তু ক্রমে ক্রমে হাত দেখিতে দেখিতে প্রকৃত সঙ্কেত পাওয়া যাইতে পারে। এক্সম্ম হাত পাইলেই দেখি।

আমি। আর নল চালা ?

স। তোমরা লোহের তারে পৃথিবীময় লিপি চালাইতে পার, আমরা কি নলটি চালাইতে পারি না । তোমাদের একটি ভ্রম আছে, তোমরা মনে কর যে, যাহা ইংরেজেরা জানে তাহাই সত্য, যাহা ইংরেজে জানে না, তাহা অসত্য, তাহা মমুশ্বজ্ঞানের অতীত, তাহা অসাধ্য। বস্তুতঃ তাহা নহে। জ্ঞান অনস্ত। কিছু ত্মি জান, কিছু আমি জানি, কিছু অত্যে জানে, কিস্তু কেহই বলিতে পারে না যে আমি সব জানি, আর কেহ আমার জ্ঞানের অতিরিক্ত কিছু জানে না। কিছু ইংরেজে জানে, কিছু আমাদের পূর্বপুরুষেরা জানিতেন। ইংরেজেরা যাহা জানে, ঋষিরা তাহা জানিতেন না; ঋষিরা যাহা জানিতেন, ইংরেজেরা এ পর্যান্ত তাহা জানিতে পারেন নাই। সেই সকল আর্যবিভা প্রায় লুপ্ত হইয়াছে, আমরা কেহ কেহ তুই একটি বিভা জানি। যত্নে গোপন রাথি—কাহাকেও শিখাই না।

আমি হাসিলাম। সন্ন্যাসী বলিলেন, "তুমি বিশ্বাস করিতেছ না ? কিছু প্রত্যক্ষ দেখিতে চাও ?"

আমি বলিলাম, "দেখিলে বুঝিতে পারি।"

সন্ন্যাসী বলিল, "পশ্চাৎ দেখাইব। এক্ষণে তোমার সঙ্গে আমার একটি বিশেষ কথা জাছে। আমার সঙ্গে তোমার ঘনিষ্ঠতা দেখিয়া, তোমার পিতা আমাকে অমুরোধ করিয়াছেন যে, তোমাকে বিবাহে প্রবৃত্তি দিই।"

আমি হাসিয়া বলিলাম, "প্রবৃত্তি দিতে হইবে না, আমি বিবাহে প্রস্তুত—কিন্তু—"

. স। কিন্তু কি ?

আমি। কন্সা কই ?

স। এ বাঙ্গালাদেশে কি তোমার যোগ্যা কন্সা নাই ?

আমি। হাজার হাজার আছে, কিন্তু বাছিয়া লইব কি প্রকারে ? এই শত সহস্র কন্থার মধ্যে কে আমাকে চিরকাল ভালবাসিবে, তাহা কি প্রকারে বৃষিব ?

স। আমার একটি বিগ্যা আছে। যদি পৃথিবীতে এমত কেছ থাকে যে, ভোমাকে মন্মান্তিক ভালবাসে, তবে তাহাকে স্বপ্নে দেখাইতে পারি, কিন্তু যে ভোমাকে এখন ভালবাসে না, ভবিশ্যতে বাসিতে পারে, তাহা আমার বিগ্যার অতীত। আমি। এ বিদ্যা বড় আবশ্যক বিদ্যা নহে। যে যাহাকে ভালবাদে, সে তাহাকে প্রায় প্রণয়শালী বলিয়া জানে।

স। কে বলিল ? অজ্ঞাত প্রণয়ই পৃথিবীতে অধিক। তোমাকে কেহ ভালবাসে ? তুমি কি তাহাকে জান ?

আমি। আত্মীয়স্বজন ভিন্ন কেহ যে আমাকে বিশেষ ভালবাসে, এমভ আমি জানি না।

স। তুমি আমাদের বিভা কিছু প্রত্যক্ষ করিতে চাহিতেছিলে, আন্ধ এইটি প্রত্যক্ষ কর।

আমি। ক্ষতি কি!

স। তবে শয়নকালে আমাকে শয্যাগ্যহে ডাকিও।

আমার শয্যাগৃহ বহির্বাটীতে। আমি শয়নকালে সন্ন্যাসীকে ডাকাইলাম। সন্ন্যাসী আসিয়া আমাকে শয়ন করিতে বলিলেন। আমি শয়ন করিলে, তিনি বলিলেন, "যতক্ষণ আমি এখানে থাকিব, চক্ষু চাহিও না। আমি গেলে যদি জাগ্রত থাক, চাহিও।" স্থতরাং আমি চক্ষু মুদিয়া রহিলাম—সন্ন্যাসী কি কোশল করিল, কিছুই জানিতে পারিলাম না। সন্ন্যাসী যাইবার পূর্বেই আমি নিজ্রাভিত্তত হইলাম।

সন্মাসী বলিয়াছিল, পৃথিবীমধ্যে যে নায়িকা আমাকে মর্ম্মান্তিক ভালবাসে, অন্ত তাহাকেই আমি স্বপ্নে দেখিব। স্বপ্ন দেখিলাম বটে। কল কল গঙ্গাপ্রবাহ-মধ্যে সৈকত ভূমি; তাহার প্রান্তভাগে অর্দ্ধ জলমগ্না—কে ?

त्रजनी !

পরদিন প্রভাতে, সন্ন্যাসী জিজ্ঞাসা করিলেন, "কাহাকে স্বপ্নে দেখিয়াছিলে ?" আমি। কাণা ফুলওয়ালী।

म। কাণা?

আমি। জন্মার।

স। আশ্চর্যা! কিন্তু যেই হউক, তাহার অধিক পৃথিবীতে আর কেহ তোমাকে ভালবাসে না।

আমি নীরব হইয়া রহিলাম।

চতুর্থ পরিচ্ছেদ

সেই দিবসেই আমার নিকট রজনীর পিতা রাজচন্দ্র, একটি ভদ্রলোককে সঙ্গে লইয়া আসিল। আমি রাজচন্দ্রকে জিজ্ঞাসা করিলাম, "কি, রাজচন্দ্র সন্থাদ কি? তোমার কন্মার কোন সন্থাদ পাইয়াছ কি?"

রাজ্যক্স বলিল, "মহাশয়, আমি কিছু ব্ঝিতে পারিতেছি না। আপনি ইহার সঙ্গে কিছু কথাবার্তা কহুন; আমি সেইজ্বস্টই ইহাকে লইয়া আসিয়াছি। আপনি আমাদিগের মুর্রাঝি; আপনার পরামর্শ না লইয়া কোন কাজ করিব না। বিশেষ আমি মূর্থ লোক।"

এই বলিয়া রাজচন্দ্র সঙ্গীকে দেখাইয়া দিল। তাঁহাকে ভন্তলোক দেখিয়া বসিতে ব্বলিলাম। তিনি আসন গ্রহণ করিলেন। রাজচন্দ্র বাহিরে গিয়া বসিল। কথোপকথন আরম্ভার্থ, জিজ্ঞাসা করিলাম, "রাজচন্দ্রের সঙ্গে পূর্ব্বে কি আপনার আলাপ ছিল ?"

তিনি বলিলেন, "না। আমার নিবাস কলিকাতায় নহে। আমার নাম অমরনাথ ঘোষ, আমার নিবাস শান্তিপুর। আমি যে জ্বন্থ রাজচন্দ্রের কাছে আসিয়াছি, তাহা আপনার নিকট জানাইবার জ্বন্থ রাজচন্দ্র আমাকে লইয়া আসিয়াছে।"

এই বলিয়া অমরনাথ, আমার টেবিলের উপরে স্থিত "সেক্ষপিয়র গেলেরির" পাতা উল্টাইতে লাগিলেন। তৃতক্ষণ আমি অমরনাথকে দেখিয়া লইতে লাগিলাম। অমরনাথ দেখিতে সুপুরুষ; গোরবর্ণ, কিঞ্চিৎ খর্বন, স্থুলও নহে, শীর্ণও নহে; বড় বড় চক্ষু;, কেশগুলি স্ক্র, কুঞ্চিত, যত্নরঞ্জিত। বেশভ্ষার পারিপাট্যের একটু বাড়াবাড়ি; কিন্তু পরিষ্কার পরিচ্ছন্ন বটে। তাঁহার কথা কহিবার ভঙ্গী অতি মনোহর; কণ্ঠ অতি সুমধুর। দেখিয়া বুঝিলাম, লোক অতি স্থুচতুর।

সেক্ষপিয়র গেলেরির পাতা উল্টান শেষ হইলে, অমরনাথ নিব্ধ প্রয়োজনের কথা কিছু না বলিয়া, ঐ পুস্তকস্থিত চিত্রসকলের সমালোচনা আরম্ভ করিলেন। আমাকে বুঝাইয়া দিলেন যে, যাহা বাক্য এবং কার্য্যদ্বারা চিত্রিত হইয়াছে, তাহা চিত্রফলকে চিত্রিত করিতে চেষ্টা পাওয়া ধৃষ্টতার কাজ। সে চিত্র, কখনই সম্পূর্ণ হইতে পারে না; এবং এসকল চিত্রও সম্পূর্ণ নহে। ডেসডিমনার চিত্র দেখাইয়া কহিলেন, আপনি এই চিত্রে ধৈর্য্য, মাধ্র্য্য, নম্রতা পাইতেছেন, কিন্তু থৈর্য্যের সহিত সে সাহস কই ? নম্রতার সঙ্গে সে সতীত্বের অহন্ধার কই ? জুলিয়েটের মূর্ণ্ডি দেখাইয়া কহিলেন, এ নবযুবতীর মূর্ণ্ডি বটে, কিন্তু ইহাতে জুলিয়েটের নবযৌবনের অদমনীয় চাঞ্চল্য কই ?

অমরনাথ এইরূপে কত বলিতে লাগিলেন। সেক্ষপিয়রের নায়িকাগণ হইতে শকুন্তলা, সীতা, কাদম্বরী, বাসবদত্তা, রুক্মিনী, সত্যভামা প্রভৃতি আসিয়া পড়িল। অমরনাথ একে একে তাহাদিগের চরিত্রের বিশ্লেষ করিলেন। প্রাচীন সাহিত্যের কথায় ক্রেমে প্রাচীন ইতিহাসের কথা আসিয়া পড়িল, তংপ্রসঙ্গে তাসিতস, প্লুটার্ক, থুকিদিদিস প্রভৃতির অপূর্ব্ব সমালোচনার অবতারণা হইল। প্রাচীন ইতিবৃত্ত-লেখকদিগের মত লইয়া অমরনাথ, কোম্তের ত্রৈকালিক উন্নতি সম্বনীয় মতের সমর্থন করিলেন। কোম্ৎ হইতে তাঁহার সমালোচক মিল ও হক্স্লীর কথা আসিল। হক্স্লী হইতে ওয়েন ও ডারুইন, ডারুইন হইতে বৃক্নেয়র সোপেনহয়র প্রভৃতির সমালোচনা আসিল। অমরনাথ অপূর্ব্ব পাণ্ডিত্যস্রোভঃ আমার কর্ণরক্ষে প্রেরণ করিতে লাগিলেন। আমি মৃশ্ব হইয়া আসল কথা ভূলিয়া গেলাম।

বেলা গেল দেখিয়া, অমরনাথ বলিলেন, "মহাশয়কে আর বিরক্ত করিব না। যে জন্ম আসিয়াছিলাম, তাহা এখনও বলা হয় নাই। রাজচন্দ্রের একটি কন্যা আছে ?"

আমি বলিলাম, "আছে বোধ হয়।"

অমরনাথ ঈষৎ হাসিয়া বলিলেন, "বোধ হয়, কেননা সে নিরুদ্দেশ, আছে কিনা সংশয়? যাই হৌক, তাহাকে পাওয়া গেলে যাইতেও পারে। আপনি তাহার সঙ্গে গোপালের সম্বন্ধ করিয়াছেন। যদি তাহাকে পাওয়া যায়, তবে গোপালকেই দেওয়া কি এখনও আপনার মত?"

ইহার অভিসন্ধি ত কিছুই ব্ঝিতে পারিলাম না। বলিলাম, "কি জানি। তাহাকে কি অবস্থায় কোথায় পাওয়া যাইবে, তাহাতে গোপাল আর তাহাকে গ্রহণ করিবে কি না তাহা ত বলিতে পারি না।"

অমর। যদি গোপাল সম্মতই থাকে ?

আমি বলিলাম, "যদি তাহাকে পাওয়া যায়, বিবাহের কোন বিদ্ধ না থাকে, গোপালও অসম্মত না হয়—তবে গোপালকেই—"

আমার সেই স্বপ্নটি মনে পড়িল। আমি কি বলিয়া কথা শেষ করিতাম তাহা বলিতে পারি না। আমাকে ইতস্ততঃ করিতে দেখিয়া অমরনাথ বলিল, "যদি আপনাদিগের মত হয়, তবে আমি রজনীর পাণিগ্রহণে ইচ্ছুক। আমার এই কথা বলিতে আসা।"

আমি অবাক্ হইলাম। অমরনাথ বলিতে লাগিলেন, "আমি রাজচন্দ্রের নিকটে এই কথা বলিতেই গিয়াছিলাম। রাজচন্দ্র আপনার অনভিমতে কিছু করিবেন না বলিয়া আপনার নিকট আনিয়াছে।"

অন্ধ ফুলওয়ালীর এরপ বর, আমরা কেহ কখন স্বপ্নেও ভরসা করি নাই। যদি ঘটে, তবে রজনীর বড় সোভাগ্য বটে। তাহার প্রতিবন্ধকতা করা আমার অকর্ত্তব্য। কিন্তু গুটি হুই তিন কথা মনে পড়িল। প্রথমতঃ, গোপালকে কথা দেওয়া হইয়াছে। ধনাদির লোভে কি বাক্যলঙ্গনে পরামর্শ দিব ? দ্বিতীয়তঃ, এব্যক্তি অপরিচিত; ভৃতীয়তঃ,—দূর হৌক, ভৃতীয়টি ছাড়িয়া দাও। আমার বোধ

হইল, যখন রাজচন্দ্র আমার উপর ভার দিয়াছে, তখন কিছু বিবেচনা করিয়া কার্য্য করা উচিত। আমি বলিলাম, "এখন রক্ষনীর কোন সন্ধানই নাই। যতদিন না তাহাকে পাওয়া যায় ততদিন এসকল কথার আন্দোলন বুথা। এখন এসকল কথা থাক। তাহাকে পাওয়া গেলে, এ বিষয়ে মহাশয়ের সঙ্গে কথাবার্তা হইবে।"

অমরনাথ বলিলেন, "আমার সঙ্গে কথাবার্তা হইলেই ভাহাকে পাওয়া যাইবার সুস্তাবনা।"

আমার খোরতর সন্দেহ উপস্থিত হইল—বলিলাম, "তবে কি আপনি তাহার কোন সন্ধান জানেন ?"

অমর। না। কিন্তু সন্ধান করিতে পারি।

আমি। তাহা আমরাও করিতেছি। কই আমরা ত কোন উদ্দেশ পাইতেছি না ?

অমর। আপনারা পাইবেন না—কিন্তু আমি পল্লীগ্রামে নানাস্থানে যাই। আমি অবশ্য সন্ধান পাইব।

কথা শুনিয়া আমার বোধ হইল যে, এ ব্যক্তি নিশ্চিত রক্তনীর সন্ধান জানে, কিন্তু বলিতেছে না। আমি তখন স্থির করিলাম যে ইহার দারা রজনীর পুনরুদ্দেশ করিব। তাহাকে বলিলাম, "ভালই। আপনার ক্যায় স্থপাত্র কোথায় পাওয়া যাইবে ? আপনি অনুগ্রহ করিয়া তাহার সন্ধান করুন্। যদি সন্ধান পান, তবে আমাদিগকে সন্থাদ দিবেন। তাহাকে পাওয়া গেলে, আপনার সঙ্গে পুনর্কার এবিষয়ে কথাবার্তা হইবে।"

অমরনাথ অতি চতুর। বলিলেন, "তবে বুঝিতেছি যে, তাহাকে পাওয়া গেলে পরে, আমার সঙ্গে তাহার বিবাহ হওয়ার প্রতি আপনার আপত্তি নাই ?"

আমি বলিলাম, "রজনী বয়ংস্থা—বোধ হয়, তাহাকেও আমাদিগের একবার জিজ্ঞাসা করা আবশ্যক হইবে। তাহাকে না জিজ্ঞাসা করিয়া কি প্রকারে আপনাকে কথা দিব ?"

অমরনাথ হাসিয়া বলিল, "যখন গোপালের সঙ্গে সম্বন্ধ করিয়াছিলেন, তখন কি রজনীর মত লইয়াছিলেন ?"

এই প্রশ্নে আমার অপ্রতিভ হইবার কথা, কিন্তু সে ভাব আমার মনে আসিল না—আমার মাথায় যেন আকাশ ভাঙ্গিয়া পড়িল।—তবে কি রজনীর সঙ্গে ইহার সাক্ষাৎ ও আলাপ হইয়াছে ? নহিলে রজনীর অনভিমতে যে গোপালের সঙ্গে সম্বন্ধ করিয়াছিলাম, এ কথা জানিল কি প্রকারে ? এই কি রজনীর জার ? আবার মনে হইল, পাপিষ্ঠ হীরালালের কাছে এ একথা জানিয়া থাকিবে, অথবা ইহার পিতার কাছে কথা বাহির করিয়া লইয়া থাকিবে, অথবা অন্তবে বৃঝিয়া থাকিবে।

যাহা হউক, সবিশেষ জানিতে হইল। বলিলাম, "মহাশয়, একটা কথা জিজাসা করিব, মার্জনা করিবেন ত ?"

অমর। কি ? আজ্ঞাকরুন।

আমি। আপনি কি এই প্রথম সংসার করিবেন, না আর বিবাহ আছে ?

অমর। এই প্রথম বিৰাহ করিব।

আমি। আপনি দেখিতেছি ভদ্রসম্ভান, বিছান্, স্থপুরুষ, সর্বপ্রকারে স্থন্ধন, আপনার স্থায় জামাতা সকলেই আদর করিয়া গ্রহণ করে। আপনি মনে করিলে এই বঙ্গদেশের অতিপ্রধান ঘরে অতি স্থন্দরী কন্থা বিবাহ করিতে পারেন। আপনি দরিদ্র-কন্থা অন্ধ রঞ্জনীকে বিবাহ করিবার জন্ম এত ব্যস্ত কেন, ইহা জিজ্ঞাসা করিতে পারি কি ?

অমর। দেখুন, আমি বালক নহি। যেখানে বিবাহ করিব, বালিকা বিবাহ করিতে হইবে। রজনীর স্থায় বয়ঃস্থা কন্থা কোথায় পাইব ?

আমি। আপনি কি রজনীকে দেখিয়াছেন ?

অমর। দেখিয়াছি।

আমি। কিছু মনে করিবেন না—দায়ে পড়িয়া অনেক কথা জিজ্ঞাসা করিতে হইতেছে। কোথায় দেখিলেন ?

অমর। কলিকাতাতেই দেখিয়াছি, সে ফুল বেচে, অনেকদিন হইতে দেখি।
এইবার অমরনাথ ঠিকিল। রজনী কোথাও ফুল বেচিত না, কেবল আমাদের
বাড়ী ফুল লইয়া আসিত। অতএব অমরনাথ একটি মিথ্যা কথা বলিল। আমি
নিশ্চিত ব্রিলাম যে, সে রজনীর পলায়নের পর তাহাকে দেখিয়াছে। সে কথা
কিছু বলিলাম না। কেবল বলিলাম, "রজনী বয়য়া বটে, কিন্তু তাহার
ত্ইটি গুরুতর দোষ আছে। আপনি ভদ্রলোক, হঠাৎ তাহাকে বিবাহ করিবেন,
অতএব আমার সেগুলি দেখাইয়া দেওয়া উচিত। এক সে অতি সামাস্ত ইতর
লোকের কন্তা—অতি দরিদ্র।"

অমর। ইতর ব্যবসায়ী বটে, কিন্তু আমাদের স্বজাতীয়—তাহাতে দোষ নাই। আর দারিদ্যের জন্ম আসিয়া যায় না। রজনীর ধন না থাকে, আমার আছে, তাহাতে আমাদের সংসারযাত্রা নির্বিংশ্ন নির্বাহ হইতে পারিবে।

আমি। সে জন্মান্ধ। অন্ধপত্নী লইয়া কি প্রকারে সংসার্যাত্রা নির্ব্বাহ করিবেন ?

অমর। যে খেলে সে কাণা কড়িতেও খেলে। যে সংসার্যাত্রা নির্বাহ করিতে জানে, সে কাণা স্ত্রী লইয়াও সংসার্যাত্রা নির্বাহ করিতে পারে।

আমি। আপনার সন্তানাদি অন্ধ হইবার সন্তাবনা।

অমর। কে বলিয়াছে? আমার দৌহিত্র পৌশ্রাদির মধ্যে কেহ কেহ আদ্ধ হইতে পারে বটে; না হইতেও পারে। আমি অত ভাবিয়া কাঞ্চ করিতে চাহি না। যাহা অনিশ্চিত, ঘটিলেও বহুকালে ঘটিবে, তাহার জ্বন্স উপস্থিত কালে বিজ্ঞ্বনা ভোগ করা, বৃদ্ধিমানের কাজ নহে।

আমি। আপনার যেমন ইচ্ছা তেমনি করিতে পারেন। তবে আমি যদি সাহায্যক্ররিয়া আপনার কোন উপকার করিতে পারি, তাহাতেও আমি প্রস্তুত আছি। এক্ষণে ব্রাক্ষধর্শের প্রসাদে কলিকাতায় অনেক বয়ঃস্থা কল্মা পাওয়া যায়। বলেন ত আপনাকে তাঁহাদিগের রক্ষকদিগের নিকট পরিচিত করিয়া দিতে পারি।

অমরনাথ তথন গন্তীরভাবে বলিলেন, "যদি অত পীড়াপীড়ি করিলেন, ভবে আমাকে অগত্যা সকল কথা বলিতে হইল। বাস্তবিক, সে কথা আমার আগেই বলা উচিত ছিল, কিন্তু যে কথা ভদ্রলোকে মুখে আনিতে লক্ষ্মা করে, তাহা যে এডক্ষণ বলিতে পারি নাই, সেজস্ম আমাকে অপরাধী করিবেন না। যাহা বলিডেছি, ইহা কেবল আপনিই জানিলেন, আর কন্মাকর্তাকে জানাইবেন, আর কাহাকেও বলিবার আবশ্যকতা হইবে না। কোন ভদ্র ঘরে, আমাকে কন্মা দিবে না। আমাদিগের বংশে একটি গুরুতর কলম্ব আছে। আমার খুল্লতাতের একটি কন্মা গৃহত্যাগ করিয়া বেশ্মারতি অবলম্বন করিয়াছে। এজন্ম ভদ্রপরিবারে, আমাকে কন্মা দিবেও না, আমিও সেরপ সম্বন্ধ লঙ্কাবশতঃ খুঁজি নাই। এ বয়স পর্য্যস্ত আমার বিবাহ না হইবার কারণ এই। এ কণা আমার প্রথমেই বলা উচিত ছিল—কিন্তু আপনার কুলকলম্ব কে আপন মুখে সহসা ব্যক্ত করিতে পারে ? বিশেষ আপনাদিগের সঙ্গে এই প্রথম আলাপ। ইহার পরে বলিব, ইচ্ছা ছিল। সে অপরাধ লইবেন না। বোধ করেন কি যে ইহাতে রক্ষনীর পিতা কি কোন আপত্তি করিবেন ?"

আমি স্থতরাং নিরস্ত হইলাম। অমরনাথ সকল কথাই ভাঙ্গিয়া বলিলেন। কেবল একটি কথা এখনও গোপন রহিল। রজনী কোথায়, অমরনাথ তাহা জানেন, কিন্তু কিছুতেই প্রকাশ করিলেন না। তিনি যেরপে স্থচতুর, কথা তাঁহার কাছে বাহির করিয়াও লওয়া যায় না। এদিকে গোপালকে বাক্যদত্ত আছি—অমরনাথকে কথা দিতে পারিতেছি না—না দিলে রজনীকে পাওয়া যায় না। বিষম শহুটে পড়িয়া গোপালকে ডাকাইলাম।

গোপাল আসিল। অমরনাথের সাক্ষাতে, গোপালকে বলিলাম, "রজনীকে ত পাওয়া গেল না—এখন কি কর্ত্তব্য ?"

গোপাল বিরক্তভাবে বলিল, "কর্ত্তব্য আর কি ?"

আমি বলিলাম, "যদি কেহ রীতিমত তাহার অমুসন্ধানে নিযুক্ত হয়, তবে তাহাকে পাওয়া যাইতে পারে।"

গোপাল। কে যাইবে ?

আমি। তোমার সঙ্গে তাহার বিবাহ হইবে, তোমারই যাওয়া কর্তব্য। গোপাল পূর্ববৎ বিরক্তির সহিত বলিল, "আমি যাইতে পারিব না।"

আমি। আমরা স্থির করিয়াছি যে, যে রজনীকে সন্ধান করিয়া লইয়া আসিবে, সে অপাত্ত না হইলে, তাহার সঙ্গেই রজনীর বিবাহ দিব।

গোপাল। সেই ভাল। আর কাহাকে বলুন। আমি রন্ধনীকে খুঁজিয়া আনিতে পারিব না—তাহাকে বিবাহ করিতেও চাহি না। আমার পরিবার আছে।

এই বলিয়া গোপাল উঠিয়া গেল। অমরনাথ বলিলেন, "এখন আপনি সভ্যচ্যুতির দায় হইতে নিঙ্কৃতি পাইলেন ?"

আমি। অতএব আপনি রঙ্গনীর সন্ধান করিয়া তাহাকে আমুন।

অমর। তাহার পর আপনারা এ বিবাহে আর কোন আপত্তি করিবেন না? সাত পাঁচ ভাবিয়া, কিছু ইতস্ততঃ করিয়া, পূর্ববরাত্রের স্বপ্লটি ছই চারিবার স্মরণ করিয়া, বলিলাম, "আপনি সে বিষয়ে নিশ্চিন্ত থাকুন।"

অমরনাথ, সন্দিহান হইয়া জ্রকুঞ্চিত করিল। মনে করিল বুঝি, যে আমার অঙ্গীকার দ্বার্থ। যাহা হউক, আর কিছু বলিতে পারিল না। "রজনীকে সন্ধান করিয়া লইয়া আসিব, নচেৎ আর আসিব না।" এই কথা বলিয়া চলিয়া গেল।

অমরনাথ বাহির হইবামাত্র, আমি "বাদল"কে ডাকিলাম। বাদল একটি ভদ্রসন্তান—বাদলের দিনে জন্ম বলিয়া, সকলে তাহাকে বাদল বলে—কোন কর্ম কাজ করে না—আমাদিগের বাড়ীতে থাকে—বৃদ্ধিমান্, সচ্চরিত্র এবং আমার নিতাস্ত প্রিয়। বাদল আসিল। আমি বাদলকে বলিলাম, "যে বাবৃটি এই বাহির হইয়া যাইতেছেন উহাকে দেখিয়াছ ?"

বাদল। দেখিয়াছি।

আমি। উহার পিছু পিছু যাও। ও যদি গাড়িতে আসিয়া থাকে, তবে আমার বিগ এতক্ষণ তৈয়ার আছে, তাহা লইয়া তুমি উহার পশ্চাদ্বর্তী হও। আর যদি দেখ যে হাঁটিয়াই যাইতেছে, তুমিও সেইরূপে উহার পিছু পিছু যাইবে। কিন্তু দেখিও, ও যেন কিছুতেই না জানিতে পারে যে, তুমি উহার পিছু লইয়াছ।

বা। তারপর ?

আমি। লোকটা কে, কোথায় থাকে, জানিয়া আসিবে।

বাদল তথনই ছুটিল।

ইহার পর রাজচন্দ্রকে বিদায় দিলাম, বলিয়া দিলাম, "এক্ষণে এ বিবাহে সম্মত হইও না। রজনীকে পাওয়া গেলে যাহা হয় হইবে।" রাজচন্দ্র কাঁদিতে কাঁদিতে গেল।

তাহার পর আমাদিগের একজন সরকার, নাম মার্কগুদেব গাঙ্গুলি, তাহাকে সেই দিনের ট্রেনেই শান্তিপুর পাঠাইলাম। বলিয়া দিলাম যে "শান্তিপুরে অমরনাথ ঘোষ কেহ আছে কি না, যদি থাকে, তবে সে কে, কিরূপ বিষয়াপন্ন, কি চরিত্রের লোক, এবং এপর্য্যস্ত কেন তাহার বিবাহ হয় নাই, তাহা সবিশেষ জ্বানিয়া আসিবে। অতি সম্বরেই আসিবে।"

রাত্র নয়টার সময়ে বাদল ফিরিয়া আসিলে জ্বিজ্ঞাসা করিলাম, "সম্বাদ কি ?"

বাদল বলিল, "বাবু গাড়ি করিয়া গেলেন। আমি তাঁহার গাড়ির উপর দৃষ্টি রাখিয়া ত্ইশত হাত তফাৎ পিছু পিছু গেলাম। চোর বাগানের মোড়ে তিনি ভাড়াটিয়া গাড়ি বিদায় দিলেন। আমিও সেইখানে বিগ ইইতে নামিলাম। তিনি চোর বাগানের ভিতরে অতি ক্ষুদ্র গলির মধ্যে, একটি উত্তম বাড়ীর ভিতর প্রবেশ করিলেন। প্রবেশ করিয়া ঘার রুদ্ধ করিলেন। আমি সেই দ্বারের নিকট বসিলাম। দ্বার আর কেহ খুলিল না। এতরাত্র অবধি সেইজ্বন্থ বসিয়া-ছিলাম। কেহ দ্বারও খুলিল না—বাড়ীতে কাহারও সাড়া শব্দ পাইলাম না। প্রতিবাসীদিগকে ছলক্রমে জিজ্ঞাসাবাদ করিলাম। কেহ কিছু বলিতে পারিল না। সকলেই বলে, 'কে এক বাবু বাড়ীতে থাকে বটে, আমরা বিশেষ জানি না। আসে যায় দেখিতে পাই।' অগত্যা ফিরিয়া আসিয়াছি।"

. আমি বলিলাম, "কালি অভিভোরে আবার যাইও।"

বাদল পরদিন অতিপ্রত্যুবে আবার গেল। তখনই আবার ফিরিয়া আসিল, বলিল, "মহাশয়, পাখী পলাইয়াছে।"

"সে কি হে <u>?</u>"

"খাঁচা খালি।"

"দে কি ?"

"আজ গিয়া দেখিলাম, বাড়ীর দ্বার খোলা—বাড়ীতে কোথায় কেহ নাই। প্রতিবাসীরা কেহ কিছু বলিতে পারিল না।"

তুই তিন দিনে মার্কণ্ড শাস্তিপুর হইতে ফিরিল। সে বলিল, "অমরনাথ দোষের বাড়ীতে গিয়াছিলাম। তিনি বাড়ী নাই। তিনি অতি ধনাঢ্য, বড় ভক্ত-

লোক। তাঁহার একটি খুড়াত ভগিনী বাহির হইয়া যাওয়ায়, যোগ্য ঘরে তাঁহার বিবাহের সম্ভাবনা নাই বলিয়া, তিনি আর বিবাহ করেন নাই। তাঁহাদিগের কুলে সেই কলঙ্ক হওয়া অবধি তিনি বড় আর দেশে থাকেন না—প্রায় বিদেশে বিদেশেই ফিরেন।"

তাহারই ছই একদিন পরে ডাকে এক পত্র পাইলাম। পত্র এই—।
"সবিনয় নিবেদন।

আমার পশ্চাতে লোক লাগাইয়াছেন কেন ? আপনি ভদ্রলোক—আমিও তাই। ভদ্রোচিত ব্যবহারেরই প্রভ্যাশা করি।

গ্রীঅমরনাথ ঘোষ।"

ডাকের মোহর—কলিকাতার। আমি মনে মনে নিতান্ত লক্ষ্কিত হইলাম।

প্রাপ্ত গ্রন্থের প্রাপ্তির

রতে যবন। শ্রীকিরণচন্দ্র বন্দ্যোপাধ্যায় প্রশীত। কলিকাতা।
"ভারত মাতার" গ্রায়, এখানি রূপক। ইহাতে ভাল বলিতে পারি, এমত
কিছুই দেখিলাম না।

বালা-বোধিনী। প্রথম ভাগ। শ্রীমধ্স্দন সেন প্রণীত। ঢাকা।
আমরা এ প্রস্থের এইরূপ সমালোচনা করিব। ইহা দীর্ঘে তিন ইঞ্চি,
প্রস্থে ছই ইঞ্চি। এবং উদ্ধে ১৫ পৃষ্ঠা। বোধ হয় লিলিপটের আমদানি—
গলিবরের পকেটে আসিয়াছিল। প্রস্থের ভিতরে, মাথা, মুণ্ড, ছাই, ভস্ম।

ভূগোলসার। অল্পবয়স্ক বালকবালিকাদিগের ব্যবহারার্থ **ঞ্জীনরেন্দ্রনাথ** কোডর সন্ধলিত। কলিকাতা।

नगालाहना निर्श्वाखनीय।

পতা পাঠাবলী। প্রথম ও দ্বিতীয় ভাগ। শ্রীলোকনাথ গুছ প্রণীত। কলিকাতা নূতন সংস্কৃত যন্ত্র।

এই গ্রন্থদ্বয়, সমালোচনার অভিপ্রায়ে আমাদিগের নিকট প্রেরিত হইয়াছে কি না, আমরা ঠিক্ জানিতে পারি নাই। যাহা হউক, শিশুশিক্ষার্থ প্রণীত গ্রন্থ সম্বন্ধে সচরাচর আমাদিগের বিশেষ কিছু বক্তব্য থাকে না।

তৃতীয় বৰ্ষ ঃ দশন সংখ্যা



১ সংখ্যা।

কলে রাত্রিদিন খাইবার জন্ম ব্যস্ত। মনুয়োর প্রধান কার্য্য আহারাছেবন। কিন্তু কি থাই ? কেন খাই ? কি খাওয়া উচিত ? তাহা সকলেরই কিছু ক্রানাকর্ত্তব্য।

সকলেই পরামর্শ দেন, যাহা পুষ্টিকর, তাহাই খাইতে হয়। কিন্তু কোন্ সামগ্রী পুষ্টিকর ? ইহার সচরাচর উত্তর এই, যাহাতে শরীর গড়ে, তাহাই পুষ্টিকর। কিন্তু শরীর কিসে গঠিত ? তাহা কোনু জব্যেই বা পাওয়া যাইবে ?

শারীরতম্ববিদেরা নিরূপণ করিয়াছেন যে, সুস্থ সর্বাঙ্গসম্পূর্ণ মনুয়ের শারীরে প্রায় চারি ভাগের তিন ভাগ * জল। অতএব শারীর প্রধানতঃ জলে গঠিত, এবং খাদ্যপেয়র মধ্যে সর্বাপেক্ষা জলেরই অধিক প্রয়োজন। যাহাতে শারীর গড়ে তাহাই যদি পুষ্টিকর হয়, তবে জলই সর্বাপেক্ষা পুষ্টিকর। বাস্তবিক, একথা সম্পূর্ণরূপে মিথ্যাও নহে, তবে জলের অভাব কাহারও ঘটে না বলিয়া, কেহ কাহাকেও কখন জল খাইতে পরামর্শ দেয় না।

আর জল শরীরনির্মাণকারী বলিয়া, ক্রমাগত গেলাস গেলাস জলপান করিতে ছইবে, এমত নহে। যত জল খাইবে, তত শরীরের উপকার হইবে এমত নহে। শরীরের যে পরিমাণে জলের আবশ্যক, তাহার উপর বিন্দুমাত্র খাইলে, তাহা তখনই প্রস্রাবাদির দ্বারা পরিত্যক্ত হইবে। না হইলে উপকার হওয়া দূরে থাকুক অনিষ্ট ঘটিবে।

জল ভিন্ন অস্থাস্থ সামগ্রী সম্বন্ধেও এইরূপ। অস্থাস্থ সামগ্রী যাহা শরীরে আছে, তাহা জলের তুলনায় অতি অল্প পরিমাণে আছে; কিন্তু অল্প পরিমাণে থাকুক, আর অধিক পরিমাণে থাকুক, সকলই তুল্যরূপে প্রয়োজনীয়। কোনটির

১৫৪ ভাগের মধ্যে ১১৬ ভাগ। Quetelet.

অল্পতা ঘটিলে, শরীরের অনিষ্ট ঘটিবে; আধিক্য ঘটিলে যভটুকু বেশী হইয়াছে, তভটুকু পরিত্যক্ত হইবে; না পরিত্যক্ত হইলে, অনিষ্ট ঘটিবে।

অতএব শারীরিক সামগ্রী সকলই তুল্যরূপে পুষ্টিকর। এমন খাছ খাইছেত হইবে যে তাহাতে সকলই পাওয়া যায়।

দেখা যাউক, শরীরের গঠন-সামগ্রী কি কি। অন্থি, রক্ত, মাংস, মেদ, স্নার্, বুক্ প্রভৃতির সমষ্টির নাম শরীর। সকলগুলিতে জল আছে; অনেক-গুলিতে জলের ভাগই অধিক।

জ্বলভিন্ন শুক পদার্থ যাহা আছে, তাহা দ্বিবিধ; কতকগুলি জৈব, চেতন জীব বা উদ্ভিদেই প্রাপ্য, আর কতকগুলি অচেতন বা ধাতব পদার্থ। ধাতব পদার্থ পরিমাণে অতি অল্প।

জৈব পদার্থের মধ্যে একটি প্রধানের নাম গ্লুটেন। ময়দা মাখিয়া, ভাহা ক্রমে ক্রমে কচলাইয়া কচলাইয়া জলে ধৌত করিলে যে আটার মত অবশিষ্ট ভাগ থাকে, তাহা গ্লুটেনের উদাহরণ। ছিল্ল মাংসের রক্ত উত্তম করিয়া ধৌত করিয়া ফেলিয়া, তাহা স্পিরিটে রাখিলে যাহা অবশিষ্ট থাকে, পূর্বের তাহার ফিব্রিন নাম ব্যবহার হইত, এক্ষণে উহাকে মাস্কুলাইন বা মাংসিক বলা যায়। উহা ও গ্লুটেন একই পদার্থ বলা যাইতে পারে। শত ভাগ মাংসে, ৭৮ ভাগ জল বা রক্ত, ১৯ ভাগ মাংসিক এবং তিন ভাগ মেদ।

ডিম্বের যে অংশ শ্বেড, তাহাতে হুই ভাগ জ্বল, অবশিষ্ট এক ভাগ কিঞ্চিৎ মেদ ভিন্ন যাহা থাকে তাহার আলবুমেন নাম দেওয়া যায়। গ্লুটেন মাংসিক, এবং এই আলবুমেন বা আগুক, প্রায় একই পদার্থ। মাংস পিষিয়া রস বাহির করিয়া তাহা জ্বাল দিয়া ফুটাইলে, এই আগুক উপরে ভাসিতে থাকে।

মেদ বা চর্বি, প্রায় সর্ববি পাওয়া যায়। মাংসে যে ইছা আছে, তাহা কথিত হইয়াছে। শুক্ষ রক্তে ইহা শত ভাগে তিন ভাগ আছে।—মস্তিক্ষের শ্বেতভাগে ২১ ভাগ মেদ, এবং কপিশে ৬ ভাগ মেদ। মমুয়াশরীরে সর্ববসমেত কতটুকু মেদ থাকে তাহা স্থির হয় নাই, কিন্তু বোধ হয়, শুক্ষপদার্থের পঁচিশ ভাগের এক ভাগ হইতে পারে।

খাতব পদার্থ অধিকাংশ, অস্থিতে আছে। ধাতব পদার্থ নাম সকল বিজ্ঞানের অনভিজ্ঞ ব্যক্তির বোধগম্য নহে। ভবে ইহা বলা যাইতে পারে যে, রজ্ঞে লোহ, চুলে গন্ধক, এবং অক্যান্স স্থানে অক্যান্স সামগ্রী আছে।*

^{* &}quot;The bones specially select and appropriate phosphate of lime, while the muscles take phosphate of magnesia and phosphate of potash. The cartilages build in soda, in preference to potash. The

মসুর কোথেটেলেটের পরীক্ষানুসারে যে মন্থ্য ৭৭ সের ওজনে, তাহার শরীরে ৫৮ সের জল। তাহা বাদে যে শুঙ্কভাগ ১৯ সের থাকে, তাহার মধ্যে—

মেদ	•••	•••	/ 9
war S	জৈবপদার্থ অজৈব বা ধাতব	•••	/২ ફ
(۱۳۶	অজৈব বা ধাতব		∕8ફે
অবশিষ্ট	,		-
রক্ত মাংস থ ক্			/৯
		মোট	/12
শুক মাংসে	র শত ভাগে —		
মাংসিক বা গ্লুটেন			৮৪ ভাগ
মেদ			۹ "
রক্ত এব	ং ধাতব লবণ	•	ə "
			200
শুষ রক্তের	শত ভাগের মধ্যে		
ফিবিন, আলব্মেন ইত্যাদি			৯২ ভাগ
মেদ ও অল্প শর্করা			9 "
ধাতব ল	াবণাদি		¢ "
			> • •

অতএব শরীর-গঠনের যে সকল সামগ্রী তন্মধ্যে প্রধান জল, তৎপরে গ্লুটেন, তৎপরে মেদ, এবং ধাতব পদার্থ।

শরীরের এই মূলধন। কথিত হইয়াছে যে ইহার কোনটির আধিক্য ঘটিলে, শরীরে তাহা গৃহীত হয় না, পরিত্যক্ত হয় । তবে নিত্য সঞ্চয়ের অর্থাৎ আহারে প্রয়োজন কি ?

bones and teeth specially extract flourine. Silica is almost monopolised by the hair, skin, and nails of man...Iron abound chiefly in the colouring matter of the blood (hematin) in the black pigment of the eye, and in the hair. Sulphur exists largely in hair, and phosphorus or phosphoric acid in the brain." Johnstone's Chemistry of Common Life, vol. ii, p. 372.

প্রয়োজন এই যে, অহরহ, পলকে পলকে, মৃছ্মুছ:, এই মৃলধন ব্যয়িত হইতেছে। যাহা ব্যয়িত হইতেছে, তংস্থলে নৃতন সঞ্চয় না হইতে থাকিলে, অল্পকালে, মূলধন ফুরাইয়া যাইবে। মহাজন ফেইল হইবে।

দেখা যাউক, কি প্রকারে এই মূলধন মূহুমু ছঃ ব্যয়িত হইতেছে।

- ১ম। নিশাস প্রশাস। আমরা নিশাসে বায়ু গ্রহণ করিয়া পুনস্ত্যাগ করি। যাহা গ্রহ্রণ করি, ঠিক তাহাই আর ফিরিয়া বাহির হয় না। উপযুক্তমত পরীক্ষার দ্বারা সহজেই নির্ণয় করা যায় যে, ঐ বায়ুর গুরুতর পরিবর্ত্তন ঘটিয়াছে।
 - ১। সহজ বায়ু, যাহা আমরা নাসিকায় গ্রহণ করি, তাহা অমুক্তান এবং যবক্ষারজানে মিঞ্জিত। শতভাগ সহজ বায়ুতে ২১ ভাগ অমুক্তান থাকে। যাহা পরিত্যাগ করি, তাহা পরীক্ষার দ্বারা দেখিলে জ্ঞানা যাইবে যে, অমুক্তানের ভাগ কমিয়া গিয়াছে। ২১ ভাগের স্থানে ১৬, ১৭ বা ১৮ ভাগ মাত্র আছে। অনৱ ভাগ অমুক্তান শরীরে গৃহীত হইয়াছে।
 - ২। অমুজানে, অঙ্গারজানে কার্ব্যনিক আসিড বা আঙ্গারিক অম্পের উৎপত্তি হয়। সহজ্ব বায়ুতে ইহা পাঁচ হাজার ভাগে তৃই ভাগ মাত্র থাকে। কিন্তু নিশ্বাসে যে বায়ু নির্গত হয়, তাঁহাতে ১০০ ভাগে আ ভাগ থাকে অর্থাৎ ৫০০০ ভাগে ১৭৫ থাকে। অতএব নিশ্বাস-ক্রিয়ার দ্বারা শরীরমধ্য হইতে আঙ্গারিক অমু নির্গত হইতেছে।
- ৩। ঐরপ নিশ্বাসের সহিত জলীয় বাষ্প নির্গত হইয়া থাকে। আয়না বা পালিশ করা ধাতুপাত্রে নিশ্বাস ত্যাগ করিলেই ইহা দেখা যায়।

এখন, যে বায়ু আমরা নিশ্বাসে গ্রহণ করিয়াছিলাম তাহার কয় ভাগ অমুজান কোথায় গেল ? আর এই আঙ্গারিক অমু ও জল কোথা হইতে আসিল ?

জল, অমুজান ও জলজানের রাসায়নিক সংযোগে জন্মে। অতএব দেখা যাইতেছে, নিশ্বাসে যে জলীয় বাষ্প নির্গত হইয়াছে, তাহার স্কুনার্থ, গৃহীত অমুজানের কিয়দংশ লাগিয়াছে। কিন্তু জলজান ত নিশ্বাসে গৃহীত হয় নাই। তাহা নহিলে জলও হয় নাই। অতএব ইহা শরীর হইতে আসিয়াছে।

আঙ্গারিক অম, অঙ্গারজ্ঞান ও অয়জ্ঞানের রাসায়নিক সংযোগে জন্ম। অতএব দেখা যাইতেছে যে, গৃহীত বায়ুর অমুজ্ঞান কিয়ৎপরিমাণে এই আঙ্গারিক অম্মের স্ক্রনে লাগিয়াছে। কিন্তু অঙ্গারজ্ঞান ত গৃহীত বায়ুতে ছিল না। অতএব এই অঙ্গারজ্ঞান শরীর মধ্য হইতে আসিয়াছে।

অতএব বায়ু নিশ্বাসদ্বারা শরীরমধ্যে প্রবেশ করিয়া শরীর ভাঙ্গিয়া তাহা হইতে জলজান ও অঙ্গারজান কাড়িয়া আনিয়াছে। দেখা যাউক, কিরূপে কোথা । হইতে কাড়িয়া আনিয়াছে।

भारत अनुकान, अप्रकान, अवः अनातकात्नत मःयुक्त कल, यथा-

অঙ্গারজান	•••	৩৭ ভাগ
জলজান	•••	७ ৬ "
অয়ুঞ্জান	•••	¢ "

নিশ্বাসের অয়জান, শ্বাসকোষে রক্তের সঙ্গে মিশিয়া, সমস্ত শরীর পরিভ্রমণ করে। তথায় মেদের জলজান ও অঙ্গারজানের সঙ্গে মিশিয়া মেদকে জলে এবং আঙ্গারিক অন্নে পরিণত করে। এক পরমাণু মেদে ১০৫ পরমাণু অয়জানের সংঘটনে মেদ বিনষ্ট হটবে—যথা—

त्यम ১ १	ারমাণুতে				
অঙ্গারজান			•••	৩৭	
জ লজান		•••	৩৬		
অয়জান				¢	
ভাহাতে	মিলিল				
অয়ুজান			•	300	
মোটে হ	े ल				
অঙ্গারজান		•••	৩৭		
জ্লজান		•••	৩৬		
অয়ুজান			•••	200	
পরিবর্ত্তন	হইয়া হ	ইবে			
অয়ুজান জলজান			অ	জান	
98	0		৩৭	=৩৭ আ: অমু	
৩৬	৩৬		•	• = ৩৬ জ্বল	
27°	৩৬	৩৭			

অত এব শারীরিক ১ ভাগ মেদ ও নিশাসগৃহীত শোণিতসঞ্চারী ১০৫ ভাগ অমুক্রান, উভয়ে অন্তর্হিত চইয়া যায়, তৎস্থানে ৩৬ ভাগ জল ও ৩৭ ভাগ আঙ্গারিক অমু নির্গত হয়। নিশাসে গৃহীত বায়ুস্থ অমুক্রান যদি শোণিতসংখ্য মেদ না পায়, তবে শরীরের অন্যান্ত অংশ আক্রমণ করিয়া শরীরকে মেদশৃত্য করিবে।

২য়। ঘর্মাদি। যেমন নিশাসে আমরা বায়ু গ্রহণ করিয়া থাকি, এমনি দগের ঘারাও গ্রহণ করি। চর্মের সর্বত্র অসংখ্য ক্ষুদ্র সহজ্ব দর্শনের অভীত ছিদ্র আছে। সেই সকল ছিদ্র, এক একটি প্রণালীর মুখ। এবং সেই সকল ছিত্র দিয়া আমরা বায়ুশোষণ করিতেছি। শারীরভন্ধবিদেরা বলেন, কোন সম্পূর্ণাকৃত পুরুষের গাত্রে সর্বহণ্ডন্ধ এরপ সত্তর লক্ষ ছিত্র আছে, এবং এই ছিত্রগুলিন যে সকল প্রণালীর মুখ, তাহা সকল যোড়া দিলে, চৌদ্দ ক্রোশ দীর্ঘ হয়! শুনিয়া অনেক পাঠক মনে করিতে পারেন যে আমরা আব্কারি মহল লুঠ করিয়া এ প্রবন্ধ লিখিতে বসিয়াছি।

ত্রই সন্তর লক্ষ ছিজ দিয়া অমুদিন অবিশ্রাস্ত বায়্শোষণ হইতেছে। এবং নিশাসগৃহীত বায়ুস্থ অমুজান যেমন শরীরের মেদকে জল এবং আঙ্গারিক অমু করিয়া বাহির করিয়া দেয়, তৃক্শোষিত বায়ুও সেইরূপ করে। ত্বকের অসংখ্য ছিজ দিয়া অমুদিন অবিশ্রাস্ত জলীয় বাষ্প্র, আঙ্গারিক অমু, এবং অস্তাস্ত শারীরিক সামগ্রী নির্গত হইতেছে। ইহা শরীরের দিতীয় ব্যয়। ইহাকে অজ্ঞাত ত্বর্ম বঙ্গায়।

তয়। প্রস্রাবাদি। অহরহ শরীর ক্ষয়প্রাপ্ত হইতেছে। সর্বাক্ষের সর্বাংশই এই ক্ষয়ের অনান। শারীরিক গতিমাত্র শারীরিক ক্ষয়ের কারণ। তুমি যদি অঙ্গুলিমাত্র সঞ্চালন করিলে, সেই সঞ্চালনে যে সকল মাংসপেশী, স্নায়ু, শিরা, অস্থি যাহা যাহা সঞ্চালিত হইল তাহাই অবস্থান্তরিত হয়; তাহারই কিয়দংশ ক্ষয় হইয়া যায়। যেমন শিল্পকারের যন্ত্রসকল কার্য্য মাত্রে কিঞ্জিৎ ক্ষয়প্রাপ্ত হয়; যেমন ছুতারের বাঁটালি যতবার কার্চে আহন্ত হইবে, ততবার একটু ক্ষয়প্রাপ্ত হইবে, এও সেইরূপ। সে ক্ষয়, এইরূপ অনুমিত হইয়াছে যে, নিশ্বাসাগত বায়ুস্থ অমুজ্ঞান যাহা শোণিতে আরোহণ করিয়া শরীরের সর্বত্র বিচরণ করিত্রেছে, যাহার কিয়দংশে পরিত্যজ্য জল ও আক্ষারিক অয় জয়ে, তাহার আর একভাগ শারীরিক সামগ্রীর সহিত্র সংযুক্ত হয়। তৎকর্ম্মে প্রাস্ত্রাবিক এবং প্রাস্ত্রাবিক অয় নামক সামগ্রী জমে; তাহা শরীরের গঠনোপযোগী নহে; শরীরমধ্যে থাকিতে পায় না; তাহা প্রাস্ত্রেরতির হয়। অয়্রজ্ঞান সংযোগে অত্যান্ত পদার্থ, এরূপে সৃষ্ট হইয়া এরূপে পরিত্যক্ত হয়।

একণে বিবেচনা করিয়া দেখ যে মনুষ্য এক মুহুর্তের জন্য স্থির নহে। সর্বাদা হয় চলিতেছে, নয় নড়িভেছে, নয় কথা কহিতেছে, নহে আর কিছু করিতেছে। যাহা করিতেছে, ভাহাতেই চাঞ্চল্যের পরিমাণে শরীর ক্ষয় হইতেছে। যদি কেহ কিছু না করিয়া কেবল বসিয়া চিম্বা করে, ভাহাতেও মস্তিছের চাঞ্চল্য; ভাহাতেও ক্ষয় আছে। যদি চিম্বাও না করিয়া নিজা যায়, ভাহাতেও নিকৃতি নাই, কেননা, তখনও নিশ্বাস-প্রশাস, হাল্যাত রক্তবহন, জীরণ প্রভৃতি কার্য্য চলিতে থাকে, ভাহাতে কত জ্বাংখ্য মাংসপেশী, শিরা, স্বায়ু প্রভৃতি খাটিতে থাকে। অভএব মনুষ্য-শরীর,

অহরহ অনম্ভ চাঞ্চল্যবিশিষ্ট; অহরহ মেদ, অস্থি, মাংস, মস্তিক, স্নায়্ প্রভৃতি, সর্বাঙ্গের সর্বাংশ অবাধে ক্ষয় প্রাপ্ত হইতেছে। ইহার ক্ষান্তি নাই, নিবারণ করিবার উপায় নাই। শরীরের এইরূপ ব্যয়। জ্বগতে এমত কেহ ব্যয়শোগু নাই যে, এরূপ নিরস্তর অবাধে, অনিবার্য্য হইয়া, আপন স্বত্ব ব্যয় করে।

যদি পুন:সঞ্চয়ের উপায় না থাকিত, তবে শরীরের এই ভয়ন্কর ব্যয়ে অল্ল কালেই মূলধন ক্ষয় হইয়া শরীরের ধ্বংস হইত। এই পুন:সঞ্চয়ের উপায়-আহার। আমরা দেখাইলাম শরীরের মূলধন কি, এবং তাহা কি প্রকারে ব্যয়িত হয়। সে ব্যয়িত ধনের স্থলে নূতন ধন সঞ্চয় করা, অথবা ব্যয় জন্ম পৃথক্ ধন সঞ্চয় করা, আহারের উদ্দেশ্য। অতএব যাহা ব্যয় হয়, তাহাই আহার্যা। যাহাতে ব্যয়িত সামগ্রী থাকে, তাহাই খাছা। একংণ আমরা প্রসংখ্যায় দেখাইব, কোন্ সামগ্রীতে কি প্রকার আহার্যা পাওয়া যায়।



া !—
গাইব না—কেন ? — অবশ্য গাইব।
গায় না কি কভু স্থার বিকীনে ?
হরিষে, বিষাদে,—প্রণয়ে, বিরহে,—
শোকে, স্বথে,—হায়! হলে উচ্ছ সিত
হলয় তাহার ? ছুটিলে হায় রে!
মানব-হৃদয়ে ভাবের প্রবাহ ?

"গাও তুমি; কিন্তু শুনিবে না কেহ, খবত কঠের নির্বোধ তোমার;—" বলিতেছ তুমি? শুনিও না তুমি সঙ্গীত আমার। ডমক্ল নিনাদে, নাচিবে তুজক্ল ফণা আফালিয়া; পশিবে মণ্ডুক্ল সভয়ে বিবরে।

আসিলে বরবা, সলিল প্রবাহে
হয় না কি শুক পর্ব্বত-বাহিনী,
কল কল্লোলিনী, —কুল বিপ্লাবিনী ?
আসিলে বসন্ত, গোলাপের সনে
কুঠে না কুকুল, কুসুন কাননে ?
গায় না কি কাক কোকিলের সনে ?

মজিলে জীমৃত; লোর গরজনে গায় গিরি, নাচে গার পারাবার; হাসে "বিন্দু দাম ফুরণ চকিত;" সে রণ সঙ্গীতে,—মরি হাসি পার,— ফুলি অভিমানে উড়ারে শেখন, নাচে সগরবে নির্মাক্ষ—শিথিনী!

হায় এই জড়, অজড় জগতে, কে বল নীরব ? গাইছে সকল। গজিছে জলিং, মক্রিছে লীমৃত, ডাকে পশু, গায় বিহল নিকর। আমি নর কেন নীরবে থাকিব ? গাইব না কেন ?—অবশ্র গাইব। আজি বন্ধ দেশ নির্ম্ন জিশিথিনী,
তুমি এক ক্ষুত্র চক্রক তাহার;
মুহুর্ত্ত ঝলসি দর্শক নরন,
বাটি কোটি পুচ্ছে—পশিবে আবার।
তব তরে নহে মম এ সকীত,
তব নাট্যশালা—ওই ক্লমজ্বিত!

গাইছে রমণী, শুনিছে রমণী, নাচিছে রমণী, দেখিছে রমণী, রমণীর নৃত্য; রমণীর গীত; রমণীর রাজ্য; রমণী-শাসিত; বক্রবাহ পুরি, আজি বঙ্গদেশ! মম এ সঙ্গীত বিজ্যনা শেষ।

যথার আদর কোকিলা কঠের;
অবশ পুরুষ দের করতালি
রমণী ব্যায়ামে,—জ্বজ্ঞ থেমটার।
যথায় দাসত্ত-শৃঙ্খল শিক্সিত;
লক্ষ্ণৌ চেয়ে, লক্ষ্ণৌ টপ্পার আদর;
তথা এ সঙ্গীত, মানি—হাক্তকর।

গর্ম্জে ছিল এই সঙ্গীত আমার, পাঞ্চজতো মহা কুরুক্ষেত্ররণে; শিঞ্জিনী শিঞ্জনে, অস্ত্রের ঝঞ্জনে, রপের ঘর্ষরে, ঘোর সিংহনাদে। সেই সঙ্গীতের হইয়াছে হায়! শেষ তান লয় 'চিনন ওয়ালায়'।

আজি সেই বীর সমাধি ভবনে,
জানিবে কি সেই সঙ্গীত আবার ?
এই রাশীক্ত শীতন অঙ্গারে,
এক কণা অগ্নি হইবে সঞ্চার ?
লোহে লোহে হয় অগ্নি উদসীরণ;
লোহায় অঙ্গারে, ?—ভশ্মের নির্গম!

ভন্মরাশিমর আজি এ ভারত, কে শুনিবে বীর—সঙ্গীত আমার ? কি আছে ভারতে গাইবে বে কবি, ঢালিয়া অমৃত ভন্মের ভিতর ? বরঞ্চ পশিয়া হিমাদ্রি কলবে শুনিবে সঙ্গীত ওই কেশরীরে।

22

১২
গাইব তাহার তীব্র পরাক্রম,
গাইব তাহার বীর অব্যব,
গাইব তাহার ত্র্জন্ন নথর,
গাইব তাহার গর্জন ভীষণ।
অহপ্র উদর,—অসংখ্য দশন,—
গাইব তাহার, রক্তিম লোচন।

্শুনিয়া সঙ্গীত, নাচিবে নিৰ্জ্ঞীব
মহীরুহ্চয ভুজ আকালিয়া;
থামিরে পানাণ; গর্ভিতবে জীমৃত;
বনে দাবানল উঠিবে জলিয়া।
গাবে প্রতিধ্বনি ভীষণ নির্পোধে,
দুরে মহাসিদ্ধ—উত্তরিবে শেষে।

১৪
কিন্তা বসি সেই নগাসিদ্ধ তীরে,
নহা অন্থ-সহ কণ্ঠ নিশাইয়া—
গাইব নির্বোধে সঙ্গীত আমার,
নহানন্দে, নহা সিদ্ধ উচ্ছ্ সিয়া।
তানিয়া সঙ্গীত খন গরজিয়া,
ঘন ঘনরাশি, আসিবে উড়িয়া।

ফাঠিবে জলদ ; ছুঠিবে বিহাৎ—
তীর অগ্নি-বান,— বিদারি গগন !
মাতিবে জলধি ; ছুঠিবে তরক্ত—
বরুণাস্ত্র শত, সহস্র —ভীষণ !
তথন আনন্দে করিয়া ফকার,
রগরক্তে কবি পাবে পুরস্কার !

खीनः।



বিবাছবিধি ও বিবাদবিষয় (পূর্ব্ব প্রকাশিতের শেষ)

দ্র জ্বাতি কেবল শৃদ্রা বিবাহ করিতে পারে। বৈশ্ব বৈশ্বাও শৃদ্রা কন্সা, ক্রিয় ক্ষত্রিয়া, বৈশ্বাও শৃদ্রা কন্সা। ব্রাহ্মণ জ্বাতি চারি বর্ণের কন্সা গ্রহণ করিতে পারেন। ছিল্লাভিগণ অগ্রে স্বর্ণা কন্সার পাণিগ্রহণ করিবেন। কামবশতঃ বিবাহ করিতে ইচ্ছা হইলে ক্রমে অসবর্ণা কন্সাও বিবাহ করিতে সমর্থ হইবেন অর্থাৎ ব্রাহ্মণ প্রথমে ব্রাহ্মণ কন্সা তৎপরে কৈত্রিয়া তৎপরে বৈশ্বাও অবশেষে শৃদ্রা কন্সাকেও গ্রহণ করিতে পারিবেন। ক্ষত্রিয় ব্রাহ্মণ ভিন্ন অপর তিন বর্ণের মধ্যে শ্রেষ্ঠ ক্রমে বিবাহ করিতে নিষিদ্ধ নহেন। বৈশ্ব জ্বাতি বৈশ্বাও শৃদ্রা বিবাহ করিবেন, অগ্রে বৈশ্বাপরে শৃদ্রা ভার্য্যা স্বীকারে নিন্দানীয় হইবেন না। (১)

ত্রাহ্মণের শৃত্রা ভার্য্যায় নিষেধ না থাকিলেও শৃত্রার গর্ভে সন্থান উৎপাদনে ও শৃত্রার সহবাসে ত্রাহ্মণ্য নষ্ট হয় বলিয়া ইহারা আপত কালেও কদাচ শৃত্রা ভার্য্যা স্বীকার করেন নাই। মোহবশতঃ যদি দ্বিক্ষাতিগণ অপকৃষ্ট বর্ণের কন্সা ভার্য্যারূপে গ্রহণ করেন, ভাহা হইলে সেই দ্বিদ্ধাণ ও তৎসম্ভতি শৃত্রন্থ প্রাপ্ত হইবেন। (২)

(১) অ ৩ | ১৩ | মহ অ ৩ | ১২ | (২) অ ৩ | ১৪ | মহ শ্রৈর ভার্যা শ্রন্ত সাচ স্বাচ বিশং শ্বতে।
তেচ স্বা চৈব রাজ্বণ তাশ্চ স্বা চাগ্রজন্মনঃ ॥
সবর্ণাগ্রে বিজাতীনাম্ প্রশক্তা বারকর্মণি।
কামতর প্রবৃত্তানাং ইমাং স্থ্য ক্রমশোহবরাং ॥
শ্বাং শ্রনমারোণ্য বান্ধণো বাত্যধোগতিং।
ক্রনিয়া স্থতং তক্ত বান্ধণাদেব হীয়তে॥ ১৭
ন বান্ধণ ক্রিয়োরাপ্ছপি তিঠতোং।
ক্রিংশ্চিদপি বৃত্তান্তে শ্রা ভার্যোপদিশ্বতে॥
হীনজাতিন্তিয়ং মোহাত্তহত্তো বিজাতয়ঃ।
কুলান্যের নমন্ত্রাণ্ড সসন্তানানি শ্রুতাম্॥ ১৫

বিবাহ অষ্টবিধ। যথা—ব্রাহ্ম, দৈব, আর্য, প্রাহ্মাপত্য, আসুর, গান্ধর্বে, রাক্ষস ও পৈশাচ। (৩)

আট প্রকার বিবাহের লক্ষণ। যথা—বে বিবাহে দানকর্তা স্বয়ং বরকে আহ্বান করিয়া বত্রালঙ্কার দ্বারা তাঁহার বরণ পুরঃসর সবস্থা ও সালঙ্কৃতা ক্ষ্যাদান করেন, সেই বিবাহকে ব্রাহ্ম বিবাহ কহা যায়। (৪)

দৈব বিবাহ।— অতি বিস্তৃত জ্যোতিষ্টোমাদি যজের যাজক পুরোইতিকৈ যদি যজ্ঞ আরত্তের পূর্বে গার্হস্ত ধর্ম সম্পাদন নিমিত্ত তদীয় করে সালস্কৃতা কন্সাদান করা যায়, তাতা তইলে সেই বিবাহের নাম দৈব বিবাহ।

আর্থ বিবাহ।—ধর্মকার্য্য সম্পন্ন নিমিত্ত একধেন্ত, একর্ম অথবা গোমিথুনদ্বয় বরপক হইতে লইয়া যথাবিধানে সবস্ত্রা ও সালফ্তা কল্যা দান কক'র নাম
আর্থ।

প্রাজ্ঞাপত্য বিবাহ। —এই বিবাহে কন্যাদাতা বরকে ও কন্যাকে যথাবিধি অর্চনা করিয়া বলেন, তোমরা উভয়ে ধর্মাচরণ কর, অস্তাবধি তোমাদিগের দাম্পত্য চির স্থাদায়ক ইউক।

আসুর বিবাহ।—ক্সার পিশদি এবং ক্নাকে যথাশক্তি পণ দিয়া বর আপনি যে স্থালে ক্না গ্রহণ পূর্বক বিবাহ করে, তথায় আসুর বিবাহ কুহা যায়।

গান্ধর্যন বিবাহ ৮-বর ও কন্যা উভয়ে ইচ্ছারুসারে পরস্পর আত্মসমর্পণ পূর্ব্বক যে বিবাহ করে, ভাহাকে গান্ধর্যবলা যায়।

(৩) বাংলা দৈবন্ত পৈবাৰ্য প্রাক্তাপতান্তথা হ্বঃ । গান্ধর্কো বাংলাশৈকের শৈলাচন্চাইনোহণনং ॥ ২১ (৪) আচ্চান্ত চার্চ্চবিদ্ধা চ প্রাক্তনীলবতে স্ববং । আছুব দানং কলাবা বাংলাধর্ম প্রকীর্দ্ধিতে ॥ ২৭ বজেতু বিতংগু সমাগৃত্তিকে কর্মকুর্বতে । অলক্কতা স্থানানং দৈবং ধর্মেং প্রচক্ষতে ॥ ২৮ একং গোলিপুনং দ্বেবা বরাদানার ধর্মতঃ । কলাপ্রদান ম্ বিধিবদার্বো ধর্মাং স উচাতে ॥ ২৯ সংহাতে চরতাং ধর্মমিতি বাচোহস্থভান্ত । কলাপ্রদানমভার্চ্চা প্রাক্তাপতোা বিধিন্থতঃ ॥ ৩০ আতিভোা দ্বিণং দল্ধা কলাব্রৈ চৈব শক্তিতঃ । ৩০ আতিভোা দ্বিণং দল্ধা কলাব্রি চৈব শক্তিতঃ । ৩০

রাক্ষস।—ইহাতে কন্যা হরণ করিয়া বিবাহ সম্পন্ন হয়। কন্যা হরণ-কালে কন্থার পিতৃপক্ষের সঙ্গে যুদ্ধাদিও ঘটে তাহাতে কন্থাপক্ষেরা হত ও আহত হয়। কন্থাও হা তাতঃ, হা মাতঃ বলিয়া রোদন করিয়া থাকে।

পৈশাচ।—এ অতি অপকৃষ্ট বিবাহ। সুষ্প্তা, প্রমন্তা অথবা অনবধানশীলা ক্যাকে নির্জনে পত্নীরূপে ব্যবহার করাকে পৈশাচ বলা যায়। (৫)

` আর্য্যেরা অনিন্দিত বিবাহোৎপন্ন সন্থানকেই বংশধর জ্ঞান করিতেন। নিন্দিত বিবাহসম্ভব সন্থানকে বংশের অঝীর্ত্তিকর জ্ঞান করিতেন। তাঁহাদের মতে পশ্চাদ্বণিত পরিণয়গুলি নিন্দনীয়। তাঁহারা উদ্বাহবিষয়ে বিশেষ সাবধান ছিলেন। (৬)

অষ্টবিধ বিবাহের মধ্যে প্রথম ছয় প্রকার বিপ্রজ্ঞাতির পক্ষে ধর্ম্ম। ক্ষত্রিয় জ্ঞাতির পূর্ব্বোক্ত যড়িধ বিবাহের মধ্যে রাহ্ম ও দৈব ব্যতীত অবশিষ্ট চারিটী ধর্ম্ম। বৈশ্য ও শৃত্রের সম্বন্ধে আহ্বর, গান্ধর্বব ও পৈশাচ এই তিনটী ধর্মজনক বলিয়া ব্যবস্থাপিত আছে।

পূর্বকথিত বিবাহের মধ্যে আর্ধ বিবাহে বরপক্ষ হইতে গোমিথুন লইবার ব্যবস্থা থাকায় ও রাক্ষস বিবাহে বিবাদ বিসম্বাদ সহকারে কলাহরণরূপ অপকার্যানিবন্ধন এবং পৈশাচ বিবাহে অতান্ত খুণিত ও নীচাশয়তার কার্য্য বিভ্যান বশতঃ এই তিন প্রকার বিবাহ সকল জাতির পক্ষেই অকর্ত্ত্ব্য।

ক্ষত্রিয়ন্তাতি রাজ্যশাসন করিতেন, তাঁহাদিগের বাহুবল ছিল স্কুতরাং তাঁহাদিগের পক্ষে কন্মাহরণ পূর্বক বিবাহ করা অসম্ভব হইত না, এই নিমিত্ত রাক্ষস বিবাহ তাঁহাদিগের পক্ষে সুসঙ্গত।

বৈশ্বজাতি বণিক্রত্তি করিত, শুদ্রজাতি সেবাতৎপর ছিল, বরপক্ষে অথবা ক্যাপক্ষে শুষ্ক দিয়া বিবাহ করা ইহাদিগের পক্ষে অকীর্ত্তিকর ছিল না। স্থুসাধ্য বলিয়া তাহাদিগের পক্ষে উহাই প্রশস্ত। (৭)

(e)·	ইচ্ছবাজোক্তর থাগ কন্সারাল্ড বরক্ত চ।
व्य ७। ७३	গান্ধর্ক: স ভূ বিজেনো নৈপুরু: কামসম্ভব:।
W 9 99	হন্বা হিন্বা চ ভীভা চ ক্লোশস্থীং ৰুদতীং গৃহাৎ।
	প্রসম্ কন্তাহরণং রাক্ষসো বিধিক্ষচাতে II
æा ः । ं8	স্থাং মন্তাং প্রমন্তাং বা রহো যত্রোপগচ্ছতি।
	স পাপিছো বিবাহানাং পৈশাচন্চাইমোহধম: ॥
(*)	বড়াম পূর্বা বিপ্রাক্ত ক্ষত্রাক্ত চড়ারাধবরান্।
জ্ব ৩। ২৩ মসূ 🧜	বিট্ শুদ্ৰয়োৰ তানেৰ বিভান্নগানরাক্ষমান্॥
(4) # 0 128	চতুরো ত্রান্ধণভাদান্ প্রশন্তান ক্ষয়ো বিছঃ।
मस् 🖁	রাক্সং ক্রিরকৈব্যান্তরং বৈক শ্রুরো: ॥
चा शर ।	পঞ্চালান্ক অন্তোধর্ম্ম্যান্বার ধন্মে স্বভাবিহ ।

আর্য্যন্তাভিরা কিরূপ পাত্রের, কিরূপ কন্মার পাণিগ্রহণ **স্থলক্ষণ জ্ঞান** করিতেন তাহা নির্ণয় করা যাউক।

ক্স

যে কন্সা রোগবিহীনা, যাহার অঙ্গবৈকল্য অথবা কোন অবয়বের ন্যুনাধিক্য নাই। যাহার অঙ্গ অধিক লোমে আচ্ছাদিত অথবা একেবারেই লোমশৃত্য নহে, যাহার বাক্চাপল্য নাই, যাহার নয়নদ্বয় বিড়ালের নয়নত্ল্য নহে এবং বর্ণ ও কিন্দি কটা বলিয়া প্রভীতি না হয়, সেই কন্সাই সুলক্ষণা বলিয়া পরিগণিত হয়।

বিবাহ বিষয়ে আর্য্যজাতিদিগের বড় কড়াকড়ি। ইহারা কন্মা গ্রহণ সময়ে অত্যস্ত সাবধানতা দেখান। ইহাদিগের মতে অত্যস্ত সমৃদ্ধিশালী ব্যক্তিও সদাচার-সম্পন্ন না হইলে তদীয় কন্মা পাণিগ্রহণ কার্য্যে প্রশস্ত নহে। যাহাদিগের কন্মা বিবাহ কার্য্যে নিন্দিত, তন্মধ্যে পশ্চাদ্বর্ত্তী দশটী কুল অবশ্য পরিত্যজ্য বলিয়া পরিগণিত আছে।

১ম। যে বংশে ক্ষয়রোগ (অর্শ, রাজ্যক্ষা, বহুমূত্র প্রভৃতি ক্ষয়কারী রোগ) অপস্মার (মৃগীনাড়া) শ্বিত্র (ধবল) কুষ্ঠকুনখ, অথবা কোন প্রকার পৈতৃক পীড়া সংক্রান্ত হইয়া থাকে কিম্বা উদরাময়াদি অলক্ষিত পীড়া আছে, সে বংশের ক্ষ্যা কাচাচ বিবাহ করা যুক্তিসিদ্ধ নহে।

২য়। যে বংশের লোকের। সংক্রিয়াপরিশৃত্য এবং প্রায়ই কোন ব্যক্তির ভাগ্যে বিছা ব্রাহ্মণ্যের সংশ্রব হয় নাই, সে কুলও প্রার্থনীয় নয়।

তয়। নিশ্পুরুষ কুলও পরিভাজ্য। ভাহার কারণ এই, যে বংশে কেবল মাত্র কলা জ্বাম, সে কুলের কলা ওছণ করিলে পুত্রসন্থান জন্মিবার ভাদৃশ সম্ভাবনা থাকে না। যদি বা পুত্র জ্বাম অনেক সময়ে মাতামহগণ দৌহিত্রকে পুত্রিকা পুত্র করিতেন বলিয়া সহসা সকলে সে বিবাহকে প্রশস্ত মনে করিতেন না। (৮)

বিবাদ বিষয়

আর্য্যজাতির শাসনপ্রণালী অমুসারে বিবাদ অপ্তাদশ প্রকার।

পৈশাচন্দাস্থানৈ নকন্তিব্যা কদাচন ॥

(৮) মহান্তাপি সমৃদ্ধানি গোহজা বিধন ধাস্ততঃ ।

স্ত্রীসম্বন্ধে দলৈতানি কুলানি পরিবর্জ্জয়েং ॥ ৬ । ৩ অ

হীনাজিয়ং নিন্দু ক্বং নিন্দুন্দোরোম শার্শসং ।

ক্রমাময়া ব্যপত্মারি মিত্রিকৃতি কুলানিচ ॥ ৭ । ৩ অ

নোহহেং কোপিনিম্ কন্তাম্ নাধিকান্সীম্ ন রোগিনীং ।

নালোমিকাং নাতিলোমাং ন বাচাটাং ন পিছলাং ॥ ৮ । ৩ অ

শ্বিগণ ঐ অষ্টাদশবিধ বিবাদের নিষ্পত্তি বিষয়ে পৃথক্ পৃথক্ নিবন্ধ গ্রন্থ লিখিয়া গিয়াছেন।

যে বিবাদের নিষ্পত্তি বিষয়ে যে নিবন্ধকে প্রমাণ জ্ঞান করেন, সে বিবাদ সেই নিবন্ধের যুক্তি অমুসারে বিবেচিত হয়। অস্তাদশ বিবাদের নাম, যথা—ঋণ গ্রহণ। নিঃক্ষেপ। অস্থামিবিক্রেয়। সম্ভূয় সমুখান। দান প্রাদানিক। ভূত্যবেতন-দানস্মাল শৈথিল্য। সম্বিদ্ধাতিক্রম। ক্রেয়বিক্রায়ামূশয়। স্বামিপাল বিবাদ। সীমা বিবাদ। বাক্পারুল্য। দণ্ড পারুল্য। স্তেয় বা চৌর্য্য। সাহস। (ডাকাতী) দ্রীসংগ্রহ। বিভাগ। দ্যত। আহ্বয়। (৯)

১ম, ঋণ গ্রহণ—ইহা আবার সাত প্রকারে বিভক্ত। কোন ঋণ অবশ্য পরিশোধের যোগ্য।

২য়, স্থরাপায়ী বা উন্মন্ত কিম্বা বেশ্যাসক্ত পিতার কৃত ঋণ, পুজের পরিশোধা নহে।

৩য়, অপ্রাপ্তব্যবহার কালে পুত্র পিতৃকৃত ঋণ পরিশোধের অযোগ্য।

৪র্থ, প্রাপ্তব্যবহার পুত্রের অগোচরে পিতৃক্ত ঋণ পুত্রের দেয় বলিয়া গ্রাহা হয় না।

৫ম, প্রোষিত বা অমুদ্দিট পিতৃকৃত ঋণ বিংশতিবর্ষ পরে পুত্রের অবশ্য দেয় বলিয়া পরিগণিত।

৬ষ্ঠ, বৃদ্ধি (কুসীদ) দিবার প্রতিজ্ঞা থাকিলে স্থদ সহিত মূল ঋণ পরিশোধ করা কর্ত্তবা।

(৯) অষ্টাদশ বিবাদ পদ।
প্রভাহং দেশদৃষ্টেশ্চ শাস্ত্রদৃষ্টিশ্চ হেতুভি:।
অষ্টাদশস্থ মার্গেষ্ নিবন্ধানি পৃথক্ পৃথক্॥ ৩
তেরামাজমূণাদানং নিংক্রেপোচসামি বিক্রাং।
সন্ত্র চ সম্থানং দত্তভানপ কর্মাচ॥ ৪
বেতনশ্রৈর চাদানং সংবিদশ্চ ব্যতিক্রমং।
কর বিক্রাছশরো বিবাদং স্বামি পালরোং॥ ৫
সীমাবিবাদ ধর্মশ্চ পাক্রেড দণ্ড বাচিকে।
তেরঞ্জ সাচস্টেশ্বর স্ত্রীসংগ্রহণমেবচ॥ ৬
স্ত্রী পৃংধর্মোবিভাগশ্চ দৃত্রমাহবর এবচ।
পদাস্ত্রাদ্দৈতানি ব্যবহার স্থিতানিহ্॥ ৭

নারদ বচন—

बानः (मत्र महामत्रक राम यक गर्था पर ।

निः स्मिन-- २

উত্তমর্ণ ও অধমর্ণে যে আদান প্রদান হয় তাহার নাম নিঃক্ষেপ। ইহাও সাত প্রকার। উহা যথস্থানে দেখান যাইবে।

অস্বামি বিক্রয়—৩

নে বস্তুতে যাহার স্বন্ধ নাই সেই ব্যক্তি কৃত তদ্বস্তু বিক্রয়কে **অস্বামিবিক্রয়** কহা যায়।

সভ্য় সমুখান--- ৪

ইহা পূর্বের উল্লিখিত হইয়াছে।

पडा श्रामानिक—€

প্রচলিত কথায় যাহাকে দত্তাপহার কহা যায়।

ভূত্য বেতনাদান-৬

যথাকালে ভৃত্যদিগকে বেতন না দেওয়াকে ভৃত্য বেতনাদান কহা যায়। সম্বিয়তিক্রম—৭

কোন ব্যক্তি বা সম্প্রদায় যদি অমৃক দিন অথবা অমৃক পণে এই কার্য্য সিদ্ধ করিয়া দিব বলিয়া প্রতিশ্রুত বা প্রতিজ্ঞান্ধঢ় হয় অথবা পণ করে কিয়া লেখ্য দেয় এবং যথাকালে উহা সম্পন্ন না করে, তাহা হইলে তাহাকে সম্বিদ্ধতিক্রম বা চুক্তিভঙ্গ কহা যায়।

ক্রমবিক্রয়ামূশয়---৮

কোন বস্তু ক্রের করিয়া তৎকালে বিক্রয় করিয়া যদি কোন ব্যক্তি পরিতাপ করে এবং বস্তুটী মূল্যবান্ বা প্রিয় বলিয়া ক্রেতার নিকট হইতে পূর্বমূল্যে প্রতিগ্রহ করিতে ইচ্ছা করে ও অকৃতার্থ হইলে অমৃতাপ করে তবে এই অমৃতাপকে ক্রেয় বিক্রয়ামুশয় কহা যায়।

স্বামিপাল বিবাদ->

পশুপালক (রাখাল) ও পশুর অধিকারীর (গৃহস্থের) সঙ্গে যে বিবাদ ভাহার নাম স্বামিপাল বিবাদ বলা যায়।

मीभा विवाम-->•

हेश नकन लाक्डे बातन।

বাক্পাক্ত ও দওপাক্ত—১১

কলহ (গালাগালি) কিম্বা মুখ বিক্বতাদির নাম বাক্পারুষ্য । কেলাকেশি, চুলোচুলি, মুটামুষ্টি (কিলোকিলি) দণ্ডাদণ্ডি, লাঠালাঠি প্রভৃতির নাম দণ্ডপারুষ্য ।

एखर (कोंक)—>२

চুরির নাম স্তেয়।

সাহস-->৩

বলপূর্ব্বক অন্তের ধন গ্রহণ অর্থাৎ ডাকাতি প্রভৃতি সাহসিক দন্ত্য কার্য্যকে সাহস কহা যায়।

জীসংগ্রহ-->৪

পরস্ত্রীতে রতি কামনায় যে সম্ভাষণ ও আকার ইঙ্গিতাদি দারা অভিলাষাদি জ্ঞাপন ও দৃতী প্রেরণাদিকে স্ত্রীসংগ্রহ কহা যায়।

बी शूः धर्म->e

দম্পতীর মধ্যে পরম্পরের কর্ত্তব্যবোধে যে সকল নিয়ম প্রতিপাল্য হয় তাহাকে স্ত্রী পুং ধর্ম কহা যায়।

বিভাগ---১৬

সহোদরাদি অথবা অস্থ্য দায়াদের সহিত পৈতৃক বিত্ত অংশ করাকে বিভাগ বলা যায়।

শুত-১৭

অক্ষক্রীড়াদিকে দ্যুত কহা যায়।

বাহবর---১৮

যেন্থলে ব্যক্তিবিশেষের শিক্ষিত পশু বা পক্ষীর সহিত অপর ব্যক্তির শিক্ষিত পশু বা পক্ষীর যুদ্ধ হয় এবং ঐ সকল পশুপালকেরা ঐ উপলক্ষে কোন প্রকাশ্য প্রদর্শনস্থলে পশুপক্ষ্যাদির যুদ্ধ নৈপুণ্যের পরীক্ষা প্রদান পূর্বক উহাদিগের জয় পরাজয়কে আত্মকৃত জ্ঞান করে তথায় আহ্বয় কহা যায়।

হলসামগ্রী কথন

বঙ্গদর্শনের পাঠকমাত্রেরই হল দেখা আছে। যদি না থাকে সেটি লেখকের দোষ নহে। যাঁহারা ধান্তবৃক্ষের গাছ চেনেন না, তাঁহাদিগের নিমিত্ত বঙ্গদর্শনে হল (লাঙ্গলের ছবি) চিত্র দেওয়া যাইতে পারে না। যাঁহারা হল দেখিবার নিজান্ত অভিলাষী ও চিত্র না দেখিলে বৃঝিতে পারিবেন না, তাঁহারা শ্রমস্বীকার পূর্বক মাঠে অথবা স্থবিধা হইলে কলিকাভার যাত্ত্বরে যাইয়া দেখিতে পারেন। যিনি নিভান্ত অলস ভিনি যেন সেকেলে শিশু-বোধের ক = করাৎ, খ = খরা, গ = গোরুর, ঘ = ঘোড়া, ঙ = লাঙ্গল চিত্র দেখেন, ভাহা হইলেই তাঁহার বৃত্ৎসা চরিভার্থ হইতে পারিবে।

আর্য্যন্তাতিরা যে বিষয়ে হস্তক্ষেপ না করিয়াছেন এমন বিষয়ই অপ্রসিদ্ধ। আমরা যাহাকে এক্ষণে অতি সামাশ্র মনে করি, তাহার জন্ম কোন চিম্বা করিয়া । পূর্বতন ঋষিগণ সেই সকল বিষয়ের সুশৃখলার জন্ম আপনাদিগের জাতিকক্ষয়

করিয়াছেন। তাঁহাদিগের সেরূপ সহায়তা না পাইলে আমরা কিছুই করিতে পারিতাম না।

কি ছ:খ ও কি পরিতাপের বিষয় দেখ দেখি, পরাশর ঋষির সময়ে আমাদিগের কৃষিকার্য্যের উন্নতিজ্ঞস্য যতদূর প্রীবৃদ্ধি হইয়াছিল অন্ত পর্য্যন্ত তদপেক্ষা কোন আংশে তাহার উৎকর্ষ সাধিত হয় নাই বরং অনেকাংশে অপকর্ষ দেখা যায়।

পূर्व्यकारण अधिशंग कृषकर्गगरक ও ক্ষেত্রসামীদিগকে সর্ব্ব বিষয়ে শিক্ষা দিতেন। এক্ষণে শিক্ষা দেওয়া দুরে থাকুক, পিতা যতদুর কৃষিকার্য্য জ্বানে ও যত দুর পারগতা দেখায়, পুত্র তদপেক্ষা ন্যুনতাব্যতীত আধিক্য দেখাইতে পারে না। কোন মেঘে কেমন জ্বল, কোন বায়ুতে কিরূপ মেঘ উৎপন্ন হয়, ঋষিগণ তাহা নির্ণয় করিতে সমর্থ ছিলেন। বাহন লক্ষণ বুঝিতেন, গোশালার দোষ বুঝিতে পারিতেন, বীব্দের গুণাগুণ নির্দ্ধারণে সমর্থ ছিলেন, বপন ও রোপণ প্রকরণ উত্তম জানিতেন, মৃত্তিকাখনন ও সার দেওয়ার সময়ের রীতি বিশেষ অবগত ছিলেন, কোন সময়ে জলসেক ও কোনু সময়ে জলাগম করা আবেশ্যক তৎসমস্থই পুঝামুপুঝরূপে বিচার করিতে পারিতেন, ক্ষেত্রে জলরক্ষণ ও তাহা হইতে জলমোচন প্রকরণ বিষয়ে বিশেষ নৈপুণ্য দেখাইতে পারিতেন। আমরা সভ্য, ভদ্রলোক বলিয়া লোকের নিকট পরিচয় দিয়া থাকি; আমরা যদি কৃষিবিষয়ে অভিজ্ঞতা লাভ করিবার জন্ম কুষকদিগকে জিজ্ঞাসা করি, তাহা হইলে অন্তে আমাদিগকে বিদ্রূপ করিতে পারে শেই ভয়ে ভন্দ আখ্যাধারী কেহই কৃষিবিষয়ে কোন সন্ধান লয়েন না। এমন কি ক্ষেত্রকর্ষণ করিতে হইলে কি সামগ্রীর আবশ্যক হয় ভাহাও অনেকে জানেন না। যে ভত্রসম্ভান এসকল বস্তুর নাম জ্বানেন বলিয়া পরিচয় দিতে চাহেন, হয়ত আমাদিগের পাঠকবর্গের কেহ কেহ তাহাকে পাডার্গেয়ে বলিয়া উপহাস করিবেন। বঙ্গদর্শনের এ প্রস্তাব উপহাসরসিক পাঠকের জন্ম নহে। তাঁহাদিগের জন্ম রসাল রসাল প্রবন্ধ আছে। তাঁহারা ইহা পরিত্যাগ পূর্ব্বক অক্স বিষয় পাঠ করিতে পারেন।

সন্থাদয় পাঠক, তুমি দেখ, সত্য, ত্রেতা, দ্বাপর ও কলি চারিষ্ণ অতিক্রাম্ত হইতে চলিল, তখনও কৃষিকার্য্যের যাদৃশ অবস্থা ছিল, অধুনাও তাহার বিন্দুবিসর্গও বৃদ্ধি হয় নাই।

পাঠক, তুমি রাখালের নিকট কৃষাণের মুখে গাড়োয়ানের ঋষভন্মরে পাঁচনীর নাম শুনিয়াছ ও এক হস্ত পরিমিত একখানি পশুশাসন দশু দেবিয়াছ। সংস্কৃতে উহার নাম পাচনী। সুসভ্য ইংরাজ জাতি ইহাকে সংস্কৃত করিয়া কল নাম দিয়াছেন এবং পুলিসের কনিষ্টবলের করে সমর্পণ করিয়াছেন। উহা তাঁহাদিগের শাসনদণ্ড।

পাঁচ ছয় হস্ত পরিমিত যে একখানি সাপলেজা তালকার্চ দলের সঙ্গে যোজিত থাকে তাহার নাম ঈশ (বাঙ্গালাভাষায় লাঙ্গলের ঈশ।)

লাঙ্গলে যোজিত ব্যভদ্ধয়ের স্কন্ধে যে কাষ্ঠফলক সংস্থাপিত হয় তাহার নাম যুগ। সংস্কৃত কাব্যকারের। যাহার সহিত প্রশস্ত বাহুর উপমা দিয়া থাকেন, ইহার নাম যোয়াল।

লাঙ্গলের মূড়া যাহাকে বলে সংস্কৃতে তাহারই নাম স্থামু।
যাহাকে মূট কহা যায় সেই বস্তুই নির্যোল বলিয়া প্রসিদ্ধ। ইহার উচ্চতা
যুগের ফলের সঙ্গে সমান হইবে।

যুগের পার্শে যে যষ্টিদারা বৃষদ্ধয় পরিবদ্ধ থাকে তাহা আড়া বা থিল কহা যায়—সংস্কৃতে তাহার নাম অড্ড। শোয়াল বা সোয়ালী।

যাহাকে বিদা ৰলা যায় তাহার নাম বিদাকাঠি। ইহারই নাম শল্য। আমরা যাহাকে বাঁশুই বা মৈ কহি তাহার খিলগুলিকে পাশিকা বলা যায়। (১০)

> (>) केला यूला इन इन् निर्मान उन्नभानिका। অড্ডচলত শ্লাত পাচ্চনীয় হলাইকং॥ পঞ্চন্তো ভবেদিশ: স্থাণু: পঞ্চ বিভক্তিক:। সাৰ্দ্ধহন্তম্ভ নিৰ্যোলো যুগঃ কৰ্ণ সমানক:॥ নির্যোল পাশিকা চৈব অড্ডচন্নত্তথৈ । ঘাদশাসূল মানোহি শৌলোরথি প্রনাণক: ॥ সার্ত্তবাদশ মৃষ্টির্বা কার্য্যা বা নবমৃষ্টিকা। দৃঢ়া পাচ্চনিকা জ্ঞেয়া লৌহাগ্রা বংশসম্ভবা ॥ আরুরো মগুলাকার: স্বতঃ পঞ্চদশাসূল:। যোতাং হতক্তত্তব্বক রজ্জু: পঞ্চ করাগ্মিকা ॥ शकांत्रुनाधित्का रुखा राखा वा कानक: चुड: । অর্কস্ত পত্র সদৃশী পশ্বিকার নবাঙ্গলা॥ একবিংশতি শৈল্যস্ত বিদ্ধক: পরিকীর্দ্ধিত:। নবহন্তাতু মদিকা প্রশুতা কৃষি কর্মষ্ ॥ ইয়ংহি হল সামগ্রী পরাশর মুনের্মভা। सुनून करीकः कार्या चल्ना मुस्कक्षि ॥ অদৃঢ়া বুজামানা সা সামগ্রী বাহনস্যত। विषः পদে পদে कूर्या। नर्ककाल ननःभन्नः ॥

वहें अष्टेरिश खरा नहेंगा भूताकाल कृषिकार्या हरेंज, वश्वन हरेगा शास्त्र। তৎকালে পরস্পর শিক্ষা করিত, এক্ষণে প্রায় সকলেই স্বয়ং সিদ্ধ। প্রমাণ প্রয়োজন আবশ্যক করে না, পূর্ব্বকালে পুতি পত্র ছিল, এক্ষণে সেই পুরাণ তুলটের পুতি হইতে যাহা পাওয়া গেল তাই লিখিত হইল। ফালক পরিমাণ এক হাত

[माच

নিজান (মুট) কলে পরিমাণ দ্বাদশ বা নবমৃষ্টি। পশিকা বা বাশু রের খিল নয় অঙ্গুলের অধিক করা আবশ্যক ছিল না।

পাঁচ অন্ধূলি। উহার আকার আকন্দপত্রের সদৃশ করা উচিত। চারি হস্ত

পরিমিত যুগ করিবার নিয়ম। লাঙ্গলের মুড়া দেড় হাত।

শল্য বিদা এক প্রদেশ উন এক হাত (মৃটুম হাত) করা হইত।

রাস রজ্জু বৃষভের নাসিকা হইতে হলচালকের হস্ত পর্য্যন্ত শিথিলভাবে থাকিবে। ইহাতে প্রত্যেক দিগে চারি হস্তের অধিক হইবে না। অভ এই পর্যান্ত ।

গ্রীলালমোহন শর্মা।



হেবেরা যদি পাঝী মারিতে যান, তাহারও ইতিহাস লিখিত হয়, কিয় বাঙ্গালার ইতিহাস নাই। গ্রীন্লণ্ডের ইতিহাস লিখিত হইয়াছে; মাওরিঙ্গাতির ইতিহাসও আছে, কিন্তু যে দেশে গৌড়, তাম্রলিপ্তি, সপ্তগ্রামাদি নগরছিল, যেখানে নৈষ্ণচরিত ও গীতগোবিন্দ লিখিত হইয়াছে, যে দেশ উদয়নাচার্য্য, রঘুনাথ শিরোমণি ও চৈতন্যদেবের জন্মভূমি, সে দেশের ইতিহাস নাই। মার্শমান, ষুয়ার্ট প্রভৃতি প্রণীত পুস্তকগুলিকে আমরা সাধ করিয়া ইতিহাস বলি; সেকেবল সাধ প্রাণ মাত্র।

ভারতবর্ষীয় দিগের যে ইতিহাস নাই তাহার বিশেষ কারণ আছে। কওকটা ভারতবর্ষীয় জড়প্রাকৃতির বলে প্রশীড়িত হইয়া, কতকটা আদৌ দম্মজাতীয়দিগের ভয়ে ভীত হইয়া, ভারতবর্ষীয়েরা ঘোরতর দেবভক্ত। বিপদে পড়িলেই দেবভার প্রতি ভয় বা ভক্তি জন্মে। যে কারণেই হউক জগতের যাবতীয় কর্ম দৈবামুকম্পায় সাধিত হয়, ইহা তাঁহাদিগের বিশ্বাস। ইহলোকের যাবতীয় অমঙ্গল দেবভার অপ্রসন্ধতায় ঘটে ইহাও তাঁহাদিগের বিশ্বাস। এজস্ম শুভের নাম "দেব," অশুভের নাম, "হুর্দেব।" এরূপ মানসিক গতির ফল এই যে, ভারতবর্ষীয়েরা অত্যন্ত বিনীত; সাংসারিক ঘটনাবলীর কর্ত্তা আপনাদিগকে মনে করেন না; দেবভারাই সর্বত্র সাক্ষাৎ কর্ত্তা বিবেচনা করেন। এজস্ম তাঁহারা দেবভাদিগেরই ইভিহাসকীর্তনে প্রবৃত্ত; পুরাণেতিহাসে কেবল দেবকীর্ত্তিই বিবৃত করিয়াছেন; যেখানে মমুন্মকীর্ত্তি বর্ণিত হইয়াছে, সেখানে সে মমুন্মগণ, হয়, দেবভার আংশিক অবভার, নয়, দেবভারুগৃহীত; সেখানে দৈবের সংকীর্তনই উদ্দেশ্য। মমুন্ম কেহ নহে; মমুন্ম কোন কার্য্যেরই কর্ত্তা নহে; অতএব মন্মুন্মের প্রকৃত কীর্ত্তিবর্ণনে প্রয়োজন নাই। এ বিনীত মানসিক ভাব ও দেবভক্তি, অন্মক্তাতির ইভিহাস না থাকার কারণ। ইউরোপীয়েরা অভ্যন্ত গর্বিবত; তাঁহারা মনে করেন, আমরা যাহা

প্রথম শিক্ষা বাঙ্গালার ইতিহাস। শ্রীরাজরুফ মুপোপাধ্যার, এম-এ, বি-এল, বিরচিত। মেহুরার্স জে জি চাটুর্যা এও কোং কলিকাতা।

করিতেছি, ইহা আমাদিগেরই কীর্ত্তি; আমরা যদি হাই তুলি, তাহাও বিশ্বসংসারে অক্ষয়কীর্ত্তিস্বরূপ চিরকাল আখ্যাত হওয়া কর্ত্তব্য; অতএব তাহাও লিখিয়া রাখা যাউক। এইজ্বন্ত গর্কিত জ্বাতির ইতিহাসের বাহুল্য; এইজ্বন্ত আমাদের ইতিহাস নাই।

অহয়ার, অনেকস্থলে ময়ৄয়্যের উপকারী; এখানেও তাই। জাতীয় গর্বের কারণ লৌকিক ইতিহাসের স্থাই বা উয়তি; ইতিহাস সামাজিক বিজ্ঞানের এবং সামাজিক উচ্চাশয়ের একটি মূল। ইতিহাসবিহীন জাতির হুঃখ অসীম। এমন হুই একজন হতভাগ্য আছে যে পিতৃপিতামহের নাম জানে না; এবং এমন হুই এক হতভাগ্য জাতি আছে যে কীর্ত্তিমন্ত পূর্ব্বপুরুষগণের কীর্ত্তি অবগত নহে। সেই হতভাগ্য জাতিদিগের মধ্যে অগ্রগণ্য বাঙ্গালি। উড়িয়াদিগেরও ইতিহাস আছে।

এক্ষণে বাঙ্গালার ইতিহাসের উদ্ধার কি অসম্ভব ? নিতান্ত অসম্ভব নহে।
কিন্তু সে কার্য্যে ক্ষমবান্ বাঙ্গালি অতি অল্প। কি বাঙ্গালি, কি ইংরেজ, সকলের
অপেক্ষা যিনি এই ত্রুরুহ কার্য্যের যোগ্যা, তিনি ইহাতে প্রবৃত্ত হইলেন না। বাব্
রাজেন্দ্রলাল মিত্র মনে করিলে স্থদেশের পুরাবৃত্তের উদ্ধার করিতে পারিতেন।
কিন্তু এক্ষণে তিনি যে এ পরিশ্রম স্থীকার করিবেন, আমরা এত ভরসা করিতে
পারি না। বাব্ রাজকৃষ্ণ মুখোপাধ্যায়ের নিক্ট আমরা অস্ততঃ এমন একখানি
ইতিহাসের প্রত্যাশা করিতে পারি যে, তদ্ধারায় আমাদের মনোতৃঃখ অনেক নিবৃত্তি
পাইবে। রাজকৃষ্ণ বাব্ও একখানি বাঙ্গালার ইতিহাস লিখিয়াছেন বটে, কিন্তু
তাহাতে আমাদের তৃঃখ মিটিল না। রাজকৃষ্ণ বাব্ মনে করিলে বাঙ্গালার সম্পূর্ণ
ইতিহাস লিখিতে পারিতেন; তাহা না লিখিয়া তিনি বালকশিক্ষার্থ একখানি
কৃত্রে পুত্তক লিখিয়াছেন। যে দাতা মনে করিলে অর্প্রেক রাজ্য এক রাজক্ন্যা
দান করিতে পারে, সে মৃষ্টিভিক্ষা দিয়া ভিক্ষ্ককে বিদায় করিয়াছে।

মৃষ্টিভিক্ষা হউক কিন্তু স্থবর্ণের মৃষ্টি। গ্রন্থখানি মোটে ৯০ পৃষ্ঠা, কিন্তু সিল্ল সর্ব্বাঙ্গসম্পূর্ণ বাঙ্গালার ইতিহাস নোধ হয় আর নাই। অল্পের মধ্যে ইহাতে যত বৃত্তান্ত পাওয়া যায় তত বাঙ্গালা ভাষায় তুর্গভ। সেই সকল কথার মধ্যে অনেকগুলি নৃতন এবং অবশাজ্ঞাতব্য। ইহা কেবল রাজগণের নাম ও যুদ্ধের তালিকা মাত্র নহে; ইহা প্রকৃত সামাজিক ইতিহাস। বালকশিক্ষার্থ যে সকল পুস্তক বাঙ্গালাভাষায় নিত্য নিত্য প্রশীত হইতেছে, তন্মধ্যে ইহায় ন্যায় উত্তম গ্রন্থ অল্প। ইংরেজিতেও যে সকল ক্ষুদ্র ইতিহাস বালকশিক্ষার্থ প্রশীত হয়, তন্মধ্যে এরূপ ইতিহাস দেখা যায় না। কেবল বালক নহে, অনেক বৃদ্ধ ইহাতে শিক্ষাপ্রাপ্ত

ছইতে পারেন। বাঁহারা বালপাঠ্য পুস্তক বলিয়া দ্বণা করিয়া ইহা পড়িবেন না, তাঁহাদিগের জ্বন্য, এই ক্ষুত্র গ্রন্থখানিকে উপলক্ষ করিয়া, আমরা বাঙ্গালার ইতিহাস সম্বন্ধে গুটিকত কথা বলিব। সকলই অধ্যয়নীয় তম্ব ইহাতে পাওয়া যায় বলিয়া আমরা এ ক্ষুত্র গ্রন্থের বিস্তারিত সমালোচনায় প্রায়ত্ত, নচেৎ বালপাঠ্য পুস্তক আমরা সমালোচনা করি না।

প্রথম। কাম্বেল সাহেব যখন বাঙ্গালির প্রতি সদয় হইয়াছিলেন, তখন বিলয়াছিলেন, বাঙ্গালিরা আসিয়া-খণ্ডের মধ্যে এথিনীয় জাতিসদৃশ। বাস্তবিক একদিন, বাঙ্গালিরা আর কিছুতে হউক্ না হউক, উপনিবেশিকতায় এথিনীয়দিগের তুল্য ছিল। সিংহল বাঙ্গালি কর্তৃক পরাক্সিত এবং পুরুষায়ুক্রমে অধিকৃত ছিল। যবদ্বীপ ও বালিদ্বীপ বাঙ্গালির উপনিবেশ, ইহাও অনেকে অমুমিত করেন। তাম্রলিপ্তি, ভারতবর্ষীয়ের সমৃদ্রযাত্রায় স্থান ছিল। ভারতবর্ষীয় আর কোন জাতি এরপ উপনিবেশিকতা দেখান নাই।

ছিতীয়। বাঙ্গালি রাজ্বগণ অনেক সময়ে উত্তর ভারতে বৃহৎ সাম্রাজ্যের অধীশ্বর ছিলেন। পালবংশীয় দেবপাল দেব ভারতবর্ধের সমাট্ বলিয়া কীর্দ্তিত। লক্ষ্ণ সেনের জয়স্তম্ভ বারানসী, প্রয়াগ ও শ্রীক্ষেত্রে সংস্থাপিত হইয়াছিল। অতএব তিনি অন্ততঃ ভারবর্ধের তৃতীয়াংশের অধীশ্বর ছিলেন। বাঙ্গালিরা গঙ্গাবংশ পরিচয়ে বছকাল পর্যান্ত উড়িয়ার অধীশ্বর ছিলেন। যে জাতি মিথিলা, মগধ, কাশী, প্রয়াগ, উৎকলাদি জয় করিয়াছিল, যাহার জয়পতাকা হিমালয়মূলে, যম্নাভটে, উৎকলের সাগরোপকৃলে, সিংহলে, যবদ্বীপে এবং বালিদ্বীপে উড়িত, সে জাতি কথন ক্ষুম্ত জাতি ছিল না।

তৃতীয়। সপ্তদশ পাঠান কর্তৃক বঙ্গজয় হইয়াছিল, এ কলঙ্ক মিথ্যা। সপ্তদশ পাঠানকর্তৃক কেবল নবদীপের রাজপুরী বিজিত হইয়াছিল। তৎসঙ্গী সেনাকর্তৃক কেবল নধ্যবঙ্গ বিজিত হইয়াছিল। ইহার পরেও বছদিন পর্যান্ত সেনবংশীয়েরা পূর্বে ও দক্ষিণ বাঙ্গালার অধিপতি থাকিয়া স্বাধীনভাবে সপ্তগ্রামে ও স্বর্ণগ্রামে রাজন্ব করিয়াছিলেন। "পাঠানেরা ৩৭২ বংসর রাজন্ব করিয়াছিলেন, তথাপি কোন কালে সমৃদায় বাঙ্গালার অধিপতি হয়েন নাই। পশ্চিমে বিষ্ণুপুর ও পঞ্চকোটে তাঁহাদিগের ক্ষমতা প্রবিষ্ট হয় নাই; দক্ষিণে সুন্দরবন-সন্নিহিত প্রদেশে স্বাধীন হিন্দু রাজা ছিল; পূর্বের চট্টগ্রাম, নোয়াখালী এবং ত্রিপুরা, আরাকানরাজ্ব ও ত্রিপুরাধিপতির হত্তে ছিল; এবং উত্তরে কৃচবেহার স্বতন্ত্রতা রক্ষা করিতেছিল। স্বতরাং পাঠানেরা যে সময়ে উড়িক্সা জয় করিতে সক্ষম হইয়াছিলেন, যে সময়ে ভাঁহারা ১,৪০,০০০ পদাতিক, ৪০,০০০ অশ্বারোহী এবং ২০০০০ কামান দেশাইতে

820

পারিতেন, সে সময়েও বাঙ্গালির অনেকাংশ তাঁহাদিগের হস্তগত হয় নাই।"# বাঙ্গালার অধঃপতন একদিনে ঘটে নাই।

छ्रथ् । भत्राधीन त्रांख्युत य क्र्यमा घटि, श्राधीन भार्गनिमिश्रत त्रांख्यु বাঙ্গালার সে ছর্দ্দশা ঘটে নাই। রাজা ভিন্নজাতীয় ছইলেই রাজ্যকে পরাধীন বলিতে পারা যায় না। সে সময়ের জমীদারদিগের যেরূপ বর্ণনা দেখিতে পাওয়া যায়, তাহাতে তাঁহাদিগকেই রাজা বলিয়া বোধ হয়; তাঁহারা করদ ছিলেন মাত্র। পরাধীনতার একটি প্রধান ফল ইতিহাসে এই শুনা যায় যে, পরাধীন জাতির মানসিক ক্ষুর্ত্তি নিবিয়া যায়। পাঠানশাসনকালে বাঙ্গালির মানসিক দীপ্তি অধিকতর উজ্জ্বল হইয়াছিল। বিদ্যাপতি, চণ্ডীদাস বাঙ্গালার শ্রেষ্ঠ কবিষয়, এই সময়েই আবিভূতি; এই সময়েই অদিতীয় নৈয়ায়িক, স্থায়শান্ত্রের নূতন স্ষ্টেকর্তা, রঘুনাথ শিরোমণি; এই সময়ে স্মার্ন্তিলক রঘুনন্দন; এই সময়েই চৈতক্ষদেব; এই সময়েই রূপসনাতনের অপুর্ব্ব গ্রন্থাবলী; এই সময়েই চৈতক্তদেবের পরগামী অপূর্ব্ব বৈষ্ণব সাহিত্য। পঞ্চদশ ও যোড়শ খ্রীষ্ট শতাব্দীর মধ্যেই ইহাদিগের সকলেরই আবির্ভাব। এই ছুই শতান্দীতে বাঙ্গালির মানসিক জ্যোতিতে বাঙ্গালার যেরপ মুখোজ্জল হইয়াছিল, সেরপ তৎপূর্বের বা তৎপরে আর কখন হয় নাই।

সেই সময়ের বাহা সোষ্ঠব সম্বন্ধে রাজকৃষ্ণ বাবু কি বলিতেছেন, তাহাও एक्न ।

"লিখিত আছে যে হোসেন শাহার রাজ্যারম্ভ সময়ে এতদ্দেশীয় ধনিগণ স্বর্ণ পাত্র ব্যবহার করিতেন, এবং যিনি নিমন্ত্রিত সভায় যত স্বর্ণপাত্র দেখাইতে পারিতেন তিনি তত মৰ্য্যাদা পাইতেন। গৌড় ও পাণ্ডুয়া প্রভৃতি স্থানে যে সকল সম্পূর্ণ বা ভগ্ন অট্রালিকা লক্ষিত হয়, ভদ্দারাও তাৎকালিক বাঙ্গালার ঐশ্বর্য্য শিল্প-নৈপুণ্যের বিলক্ষণ পরিচয় পাওয়া যায়। বাস্তবিক তখন এদেশে স্থাপত্য বিদ্যার আশ্চর্য্য-রূপ উন্নতি হইয়াছিল, এবং গোড়ে যেখানে সেখানে মৃত্তিকা খনন করিলে যেরূপ ইউক দৃষ্ট হয়, তাহাতে অমুমান হয় যে, নগরবাসী বছসংখ্যক ব্যক্তি ইষ্টকনির্মিত গ্রহে বাস করিত। প দেশে অনেক ভুমাধিকারী ছিলেন এবং তাঁহাদিগের বিস্তর ক্ষমতা ছিল। পাঠান রাজ্য ধ্বংসের কিয়ৎকাল পরে সন্থলিত আইন আকবরিতে

বাদানার ইতিহাস ২> পঠা।

[া] গৌড়ের ইষ্টক লইয়া, মালদহ, ইংরেজবাজার, ভোলাহাট, রাইপুর, গিলাবাড়ী, কাসিম-পুর প্রভৃতি অনেকণ্ডলি নগর নির্শ্বিত হইয়াছে। এই সকল নগর অট্টালিকাপূর্ণ, কিন্তু তথার অন্ত কোন ইষ্টক ব্যবহৃত হয় নাই। গৌড়ের ইষ্টক মুরশিদাবাদের ও রাজমহলের নির্দ্ধাণেও [°] লাগিয়াছে। এৎনও বাহা **আছে, তাহাও অপরিমিত।** গৌড়ের ভয়াব**লে**বের বিতার *দে*বিরা বোধ হয় যে, কলিকাতা অপেকা গৌড অনেক বড ছিল।

লিখিত আছে যে, বাঙ্গালার স্ক্রমীদারেরা ২৩,৩৩০ অশ্বারোহী, ৮,০১,১৫৮ পদাতিক, ১৮০ গঙ্গ, ৪,২৬০ কামান এবং ৪৪০০ নৌকা দিয়া থাকেন। এরূপ যুক্তের উপকরণ যাহাদিগের ছিল, তাহাদিগের পরাক্রম নিডাস্ত কম ছিল না।"

পঞ্ম। অভএব দেখা যাইভেছে যে, যে আকবর বাদশাহের আমরা শভ মূবে প্রশংসা করিয়া থাকি, তিনিই বাঙ্গালার কাল। তিনিই প্রথম প্রকৃতপক্ষে বাঙ্গালাকে পরাধীন করেন। সেইদিন হইতে বাঙ্গালার শ্রীহানির আরম্ভ। মোগল-পাঠানের মধ্যে, আমরা মোগলের অধিক সম্পদ্ দেখিয়া মৃগ্ধ হইয়া মোগলের জয় গাইয়া থাকি, কিন্তু মোগলই আমাদের শত্রু, পাঠান আমাদের মিত্র। মোগলের অধিকারের পর হইতে, ইংরেঞ্চের শাসন পর্য্যন্ত একখানি ভাল গ্রন্থ বঙ্গদেশে জ্বন্ধে নাই। যেদিন হইতে দিল্লীর মোগলের সামাজ্যে ভুক্ত হইয়া বাঙ্গালা দূরবন্থ। প্রাপ্ত হইল, সেইদিন হইতে বাঙ্গালার ধন আর বাঙ্গালায় রহিল না, দিল্লীর বা আগ্রার ব্যয় নির্ব্বাহার্থ প্রেরিত হইতে লাগিল। যখন আমরা ভাঙ্গমহলের আশ্চর্য্য রমণীয়তা দেখিয়া আহলাদসাগরে ভাসি, তখন কি কোন বাঙ্গালির মনে হয় যে, যে সকল রাজ্যের রক্তশোষণ করিয়া এই রত্নমন্দির নির্দ্মিত হইয়াছে, বাঙ্গালা ভাহার অগ্রগণ্য ? তক্ত তাউদের কথা পড়িয়া যখন মোগলের প্রশংসা করি, তখন কি মনে হয়, বাঙ্গালার কত ধন তাহাতে লাগিয়াছে ? যখন জমা মসঞ্জিদ্, সেকন্দরা, ফতেপুরসিকরি বা বৈজয়স্ততুল্য শাহাজাহানাবাদের ভগ্নাবশেষ দেখিয়া মোগলের জ্বস্তু হুঃখ হয়, তখন কি মনে হয় যে বাঙ্গালার কত ধন সে সবে ক্ষয় হইয়াছে ৷ যখন শুনি যে নাদের শাহা বা মহারাষ্ট্রীয় দিল্লী লুঠ করিল, তখন কি মনে হয়, বাঙ্গালার ধনও ভাহারা লুঠ করিয়াছে ? বাঙ্গালার ঐশ্বর্য্য দিল্লীর পথে গিয়াছে; সে পথে বাঙ্গালার ধন ইরান তুরান পর্যান্ত গিয়াছে। বাঙ্গালার সৌভাগ্য মোগলকর্ত্তক বিলুপ্ত হইয়াছে। বাঙ্গালায় হিন্দুর অনেক কীর্ত্তির চিহ্ন আছে, পাঠানের অনেক কীর্ত্তির চিহ্ন পাওয়া যায়, শতবংসর মাত্রে ইংরেজ অনেক কীর্ত্তি সংস্থাপন করিয়াছেন, কিন্ত বাঙ্গালায় মোগলের কোন কীর্ত্তি কেহ দেখিয়াছে ? কীর্ত্তির মধ্যে "আসল তুমার জমা।" কীর্ত্তি কি অকীর্ত্তি বলিতে পারি না, কিন্তু তাহাও একজন হিন্দুকৃত।



(এই কৰিতাটি কালেজ বি-ইউনিয়নে পঠিত হইয়াছিল) ১ **খেদ ২ নিন্দা ও আশা**

প্রভাত ফুটিন, পুরব গগনে উপলি উঠিগ মনোরমশোভা কনকবরণ॥ তপন উঠিলে. क्न इथ मिल ? জান ত, তরুণ বয়সে গিয়াছে ঘুচিয়ে বংকর শোভন; गाइ अकाशिन, অসনি নিবিল প্রস্থার প্রভাতে জলদে যেমন সোনার লিখন। দেখাবার হীরা লয়েছে কাড়িয়ে, তপন-কেন তুমি এলে আলোক আলিয়ে? দেখাবার "ধারি" * লয়েছে কাড়িয়ে, আন্ত-কেন তুমি এলে আলোক আলিয়ে? আলোক জালিলে দেখানে কাহারে এত আড়ম্বর দেখাতে আঁধারে !

হাসিয়ে হাসিয়ে জ্যোতির কথায়. যতনে আদরে জ্যোতির লেথায় ? • তপন - তোনার আদেশে তোমার শাসনে, ধরিয়ে মাথায় কায়ের বোঝায় পালে পালে প্রাণী ইতি উতি ধায়; তুমি প্রতিনিধি জগতগুরুর, ভূমি হে তপন কাথের ঠাকুর; গৌরবে বসিয়ে প্রভাপে শাসিয়ে অল্ম জগত নিয়ত চালাও, প্রাণিকুল ভূমি বসিয়ে খাটাও; তোমার শাসনে চকিত নয়নে অন্স শয়ন ত্যকে জীবগণ; তোমার কুপায় জগত হাসায় আঁধার মন্ত্র কোথায় পলায়; হইয়ে দয়াল, তবু জাগাইলে, আগুন জালিলে, হাদয়ে দহিলে, निर्देत बहेता; নিশার শিশিরে ছিল ত নিবিয়ে !

দারিকানাথ মিত্র

গৌরব তোমার

জগতে কে আর.

সমান হীরার করে প্রচার,

মধুমর "মধু" । গিরাছে উপিয়ে, বন্দীর মধুপ কি লবে খুঁ জিয়ে ? কেন তুমি এলে অ'লোক লইবে ? আলোক জালিলে দেখাবে কাহারে এত আড়ম্বর দেখাতে আঁধারে !

₹

জ্ঞানের জোনাকি এম বিএ গণ বঙ্গের আধার করে প্রকাশন। বঙ্গে অন্ধকার তাই এত মান থকমক করে রাজার উহ্যান ॥ তুমি হে—মোহনে ভূলিয়ে তুর্জ্জনে 'গরবে' ভাব সাধুসখা, চিরদিন রবে; সেযে—হু:খর কোকিল, হুখের বসন্তে, মনোমত গায় কুমন যোগায়, হিমে শীতে হথে ছাড়িযে পনায়॥ মোহে –বল আপনার কি আছে ভোমার মিছে ধনী ভাগ, खरन कनगान, ঘড়ি বুট ছড়ি, মোহন ফিটান, কলের বাদন, ধনীর সকলি অপরের ধন; পরের গৌরব করতে ধারণ, তপন কিরণে জলদে রঞ্জন, ছুবিলে তপন লুকাবে শোভন ॥ जूमिरह-जाजभवध्ांन, যেদিকে পথন সেদিকে গমন, প্রনের স্থে পরশ গগন, ছাড়িলে, ভোমার ভূতলে পতন। বিলাতী পরবে, ভবনে পরাও আলোক চুদণ নাচিয়ে বেড়াও যোগাইতে মন; পালিত বানর করে নরতন আপন হরবে নাচে কি কখন ?

কুহরে মুরনী নানরূপ তান
করু বা ক্রন্সন কভু হর্ষগান,
তানহে যেমন
বাশীর হরষ বাশীর ক্রন্সন;
তোষামোদ করি
পরের মুখের হইয়ে বাশরী
হেসে কেঁদে ভূমি কাটাও জীবন ॥
সত্য বটে হায়!
দাসত্ম কলঙ্কে সব শোভা পায়;
তথাপি করু কি
অশীতল জলে অভিক্রটি যায়
শীতের ত্যায় বল কে কোপায় উক্ষ জল চায়?

কত—উলঙ্গ অসভ্য উঠিল মাথায় জ্ঞানে মানে বলে ধনে একতায়; আর্থ তনয় চরণে পুটায়, গরণ জিংসায় ভারত ডুবায় ; হ্বরভিবিগীন নির্মধু 'মোচায়' যেন স্বর্ণময় স্থমপুর ফল ! যোজনস্থরভি কাঁটালি চাঁপায় ফল পরিণামে কুরস গরল ! পড়ে—উথলি সীমায় হুগণ যেমতি অতিমান পাপে ভসমে চুলায়, উঠিয়ে চূড়ায় গৌরবী তেমতি অতিমানমদে পড়েছে ধুলার॥ গরব তেজিয়ে শৈশব শ্বরিয়ে একতো মিলন, একি অগটন ! বুঝি-নব অন্তরাগে মিলেছ এবার দিবসের শেষে থাকিবে না আর লঘু কাঠে আগুন কতক্ষণ রহে

মুৎকারে আগিরে লোছিত হইরে ? রক্তিম বরণ প্রবাল বদন যেমনি দেখায়, ভসম পড়িরে অমনি লুকায়॥

9

কোথায় সে দিন! তগন ভারত
প্রেমের নিলনে হবে একাকার,
যেন জলকণা পুঞ্জে পুঞ্জ মিলি
সাজিবে বিক্রমে জলধি অপার।
দীন কীন কণা! শত শত যার,
কীণ লুভাজালে থাকেত বন্ধনে!
কেন দীনযোগে ভীষণ সাগর;
তাহার প্রতাপ বিদিত ত্বনে
যবে প্রভল্পন থেপার গরবে,
যথন সাগর সমরে পাগল;
সেই ত সলিল বিনীত ত্র্বল,
পরশে রমণী কমল কোমল!
ঐ দেখ এথন ভৈরব নটন!
বিশাল ধরিত্রী কাঁপে থর থর,
মহীবক্ষ হতে আনিছে ছিনিয়ে

প্রাসাদ কানন শিপরী নগর;

আকাশের পাথী আনিছে কাড়িয়ে,
কাহার শকতি সমূপে দাড়ায়,
পবনের মেঘ আনিতে ছিঁ ড়িয়ে,
ভুদ্ধ আরোহণে জলদে শাসায় ॥
সমর উন্নাসে নাচে ঘোর নাটে
ভিতাল তবন্দে যবে রক্লাকর,
বিয়োগী বিদেশী সাগর সলিল
নাচে কি কথন ঘটের ভিতর ?

হবে কি সেদিন ?—মিলিবে ভারত ভুলিবে নিনাদ
'গ্র্য জগদীশ প্রেমের আধার'
সরব শরীরে কাঁপিবে পবন,
ছুটিবে নিনাদ বায়ু সিদ্ধু পার ॥



পঞ্চম পরিচ্ছেদ

মিত্র, আমার পিতার নাম প্রীযুক্ত রামসদয় মিত্র; পিতামহের নাম তাঞ্চারাম মিত্র; পিতামহের নাম তাঞ্চারাম মিত্র; প্রপিতামহের নাম ত কেবলরাম মিত্র। আমাদিগের পূর্ববপুরুষের বাস কলিকাতায় নহে—আমার পিতা প্রথমে কলিকাতায় বাস করেন। আমাদিগের পূর্বপুরুষের বাস ভবানীনগর নামক গ্রামে। আমার প্রপিতামহ দরিজ নিঃম্ব ব্যক্তিছিলেন। পিতামহ বৃদ্ধিবলে ধনসঞ্চয় করিয়া আমাদিগের ভোগ্য ভূসম্পত্তি সকল ক্রয় করিয়াছিলেন।

পিতামহের এক পরম বন্ধু ছিলেন, নাম মনোহর দাস। পিতামহ মনোহর দাসের সাহায্যেই এই বিভবের অধিপতি হইয়াছিলেন। মনোহর প্রাণপাত্ত করিয়া পিতামহের কার্য্য করিতেন, নিজে কখন ধনসঞ্চয় করিতেন না। পিতামহ তাঁহার এই সকল গুণে অত্যন্ত বাধ্য ছিলেন। মনোহরকে সহোদরের আয় ভাল বাসিতেন এবং মনোহর বয়োজ্যেষ্ঠ বলিয়া জ্যেষ্ঠ প্রাতার আয় তাঁহাকে মাজ্য করিতেন। আমার পিতার সঙ্গে পিতামহের তাদৃশ সম্প্রীতি ছিল না। বোধ হয় উভয় পক্ষেরই কিছু কিছু দোষ ছিল; কিন্তু আমি একজনের পুত্র অপরের পৌত্র; কি প্রকারে পিতৃ পিতামহের দোষ নির্ব্বাচনে প্রবৃত্ত হইব ? অতএব সে সকল কথা অব্যক্ত রহিল।

একদা আমার পিতার সঙ্গে মনোহর দাসের ঘোরতর বিবাদ উপস্থিত হইল।
মনোহর দাস পিতামহকে বলিলেন যে, পিতা তাঁহাকে কোন বিষয়ে সহনাতীত
অপমান করিয়াছেন। মনোহর আমার পিতামহের কাছে যাতা বলিলেন, তাহাও
আমি লিখিতে পারিব না। অপমানের কথা পিতামহকে বলিয়া, মনোহর
পিতামহের কার্য্য পরিত্যাগ করিয়া সপরিবারে ভবানীনগর তইতে উঠিয়া গেলেন।
পিতামহ, মনোহরকে অনেক অনুনয় বিনয় করিলেন; মনোহর কিছুই শুনিলেন
না। উঠিয়া কোনু দেশে গিয়া বাস করিলেন, তাহাও কাহাকে জানাইলেন না।

পিতামহ আমার পিতার প্রতি যত স্নেহ করন বা না করুন, মনোহরকে ততোধিক স্নেহ করিতেন। স্বতরাং আমার পিতার উপর তাঁহার ক্রোধ অপরিসীম হইল। পিতামহ অভ্যন্ত কটুক্তি করিয়া গালি দিলেন, পিতাও সকল কথা নিঃশব্দে সহা করিলেন না।

কষ্টকর কথা সবিস্তারে লিখিতে পারি না। পিতা-পুত্রের বিবাদের ফল এই দাঁ ঢ়াইল যে, পিতামহ পুত্রকে গৃহবহিস্কৃত করিয়া দিলেন। পিতাও গৃহত্যাগ করিয়া শপথ করিলেন, আর কথনও পিতৃতবনে মুখ দেখাইবেন না। পিতামহ রাগ করিয়া এক উইল করিলেন। উইলে লিখিত হইল যে, বাঞ্ছারাম মিত্রের সম্পত্তিতে তস্তু পুত্র রামসদয় মিত্র কখন অধিকারী হইবেন না। বাঞ্ছারাম মিত্রের অবর্ত্তমানে মনোহর দাস, মনোহর দাসের অভাবে ননোহরের উত্তরাধিকারিগণ অধিকারী হইবেন; তদভাবে রামসদয়ের পুত্র পৌত্রাদি যথাক্রমে, কিন্তু রামসদয় নতে।

পিতা গৃহত্যাগ করিয়া মাতাকে লইয়া কলিকাতায় আসিলেন। মাতার কিছু পিতৃদত্ত অর্থ ছিল। তদবলম্বনে, এবং একজন সক্তন বণিক্ সাহেবের আমুক্ল্যে পিতা বাণিজ্যে প্রবৃত্ত হইলেন। লক্ষ্মী মুপ্রসন্না হইলেন; সংসার প্রতিপালনের জন্ম পিতাকে কোন কন্ত পাইতে হইল না।

যদি কট পাইতে হইত, তাহা হইলে বোধ হয়, পিভামহ সদয় হইতেন।
পুত্রের স্বথের অবস্থা শুনিয়া, বৃদ্ধের যে স্বেহাবশেষ ছিল, তাহাও নিবিয়া গেল।
পুত্র অভিমান প্রযুক্ত, পিতা না ডাকিলে আর যাইব না, ইহা স্থির করিয়া, আর
পিতার কোন সম্বাদ লইলেন না। অভক্তি এবং তাচ্ছীল্য বশতঃ পুত্র এরপ
করিতেছে বিবেচনা করিয়া পিভামহও তাঁহাকে আর ডাকিলেন না।

স্থৃতরাং কাহারও রাগ পড়িল না; উইলও অপরিবর্ত্তিত রহিল। এমত কালে হঠাৎ পিতামহের স্বর্গপ্রাপ্তি হইল।

পিতা মহা শোকাকুল হইলেন; তাঁহার পিতার মৃহ্যুর পূর্ব্বে তাঁহার সঙ্গে সাক্ষাৎ লাভ করিয়া যথাকর্ত্তব্য করেন নাই, এই হুংখে অনেকদিন ধরিয়া রোদন করিলেন। তিনি আর ভবানীনগর গৈলেন না, কলিকাতাতেই পিতৃকৃত্য সম্পন্ন করিলেন। কেননা, এক্ষণে এ বাটা মনোহর দাসের হইল।

এদিকে মনোহর দাসের কোন সম্বাদ নাই। পশ্চাৎ জ্বানিতে পারা গেল যে, পিতামহের জীবিতাবস্থাতেও মনোহরের কেহ কোন সম্বাদ পায় নাই। মনোহর দাস ভবানীনগর হইতে যে গিয়াহিল, সেই গিয়াছিল; কোথায় গেল, পিতামহ তাহার অনেক সন্ধান করিলেন। কিছুতেই কোন সন্ধান পাইলেন না। তখন তিনি উইলেব এক ক্রোভূপত্র স্ঞ্বন করিলেন। তাহাতে বিষ্ণুরাম সরকার নামক একজন কলিকাতানিবাসী আত্মীয় কুটুম্বকে উইলের এক্জিকিউটর নিযুক্ত করিলেন। তাহাতে কথা রহিল যে তিনি সযত্নে মনোহর দাসের অনুসন্ধান করিবেন। পশ্চাৎ ফলামুসারে সম্পত্তি যাহার প্রাপ্য তাহাকে দিবেন।

বিষ্ণুরাম বাব্ অতি বিচক্ষণ, নিরপেক্ষ এবং কর্মাঠ ব্যক্তি। তিনি পিতামছের মৃত্যুর পরেই মনোহর দাসের অমুসন্ধান করিতে লাগিলেন; অনেক পরিশ্রম ও অর্থব্যয় করিয়া, যাহা পিতামহ কর্তৃক অমুসন্ধান হয় নাই, তাহার নিগৃঢ় কথা পরিজ্ঞাত হইলেন। স্থুল বৃত্তান্ত অমুসন্ধানে এই স্লানা গেল যে, মনোহর ভবানীনগর হইতে পলাইয়া কিছু কাল সপরিবারে ঢাকা অঞ্চলে গিয়া বাস করেন। পরে সেখানে জীবিকানির্বাহের জন্ম কিছু কন্ট হওয়াতে, কলিকাতায় নৌকাযোগে আসিতেছিলেন। পথিমধ্যে বাত্যায় পতিত হইয়া সপরিবারে জলময় হইয়াছিলেন। তাহার আর উত্তরাধিকারী নাই।

বিষ্ণুরাম বাবু এ সকল কথার অকাট্য প্রমাণ সংগ্রহ করিয়। আমাদিগকে দেখাইলেন। তখন পিতামহের ভূসম্পত্তি আমাদিগের ছই আতার হইল; এবং বিষ্ণুরাম বাবুও তাহা আমাদের হস্তে সমর্পণ করিলেন।

আমাদিগের এখন আর কিছু নাই; পিতা যাহা বাণিজ্যে উপার্জন করিয়াছিলেন, তাহা বাণিজ্যেই ক্ষয় হইয়াছে। এই ভূসম্পত্তি আমাদিগের জীবনাবলম্বন।

এ সকল পরিচয় এখানে দিলাম কেন ? আমরা দোরতর বিপদাপন্ন হইতেছি বলিয়া। এক্ষণে বিষ্ণুরাম বাবু সম্বাদ দিয়াছেন যে মনোহর দাসের উত্তরাধিকারী উপস্থিত হইয়াছে—বিষয় ছাডিয়া দিতে হইবে।

কে উত্তরাধিকারী তাহা বিষ্ণুরাম বাবু প্রাথমে কিছু বলিলেন না। যে ব্যক্তি দাবিদার, সে যে মনোহর দাসের যথার্থ উত্তরাধিকারী তদ্বিষয়ে নিশ্চয়তা আছে কি না, ইহা জানিবার জ্বন্থা বিষ্ণুরাম বাবুর কাছে গেলাম। আমি বলিলাম, "মহাশয় পূর্ব্বে বলিয়াছিলেন যে, মনোহরদাস সপরিবারে জ্বলে ভূবিয়া মরিয়াছে। তাহার প্রায়াণও আছে। তবে তাহার আবার ওয়ারিস আসিল কোথা হইতে ?"

বিষ্ণুরাম বাবু বলিলেন, "হরেকুফ দাস নামে ভাহার এক ভাই ছিল, জানেন বোধ হয় ?"

আমি। তাত জানি। কিন্তু সেও ত মরিয়াছে।

বিষ্ণু। বটে, কিন্তু মনোহরের পর মরিয়াছে। স্ত্রাং সে বিষয়ে অধিকারী হইয়া মরিয়াছে।

আমি। তা হৌক, কিন্তু হরেকুকেরও ত একণে কেহ নাই ?

বিষ্ণু। পূর্বে তাহাই মনে করিয়া আপনাদিগকে বিষয় ছাড়িয়া দিয়া-ছিলাম। কিন্তু এক্ষণে জানিতেছি যে তাহার এক কন্সা আছে।

আমি। তবে এতদিন সে ক্সার কোন প্রসঙ্গ উত্থাপিত হয় নাই কেন !

বিষ্ণু। হরেকৃঞ্চের স্ত্রী তাহার পূর্বেব মরে; স্ত্রীর মৃত্যুর পরে শিশুক্সাকে পালন করিতে অক্ষম হইয়া হরেকৃঞ্চ ক্যাটিকে তাহার শ্যালীকে দান করে। তাহার শ্যালী ঐ ক্যাটিকে আত্মক্সাবং প্রতিপালন করে, এবং আপনার বলিয়া পরিচয় দেয়। হরেকৃঞ্চের মৃত্যুর পর তাহার সম্পত্তি লাওয়ারেশ বলিয়া মাজিট্রেট্ সাহেব কর্তৃক গৃহীত হওয়ার প্রমাণ পাইয়া, আমি হরেকৃঞ্চকে লাওয়ারেশ মনে করিয়াছিলাম। কিন্তু এক্ষণে হরেকৃঞ্চের এক্সন প্রতিবাসী আমার নিকট উপস্থিত হইয়া, তাহার ক্যার কথা প্রকাশ করিয়াছে। আমি তাহার প্রদত্ত সন্ধানের অনুস্রণ করিয়া স্থানিয়াছি যে, তাহার কন্যা আছে বটে।

আমি বলিলাম, "যে হয় একটা মেয়ে ধরিয়া হরেকৃষ্ণ দাদের কন্সা বলিয়া ধূর্ব লোকে উপস্থিত করিতে পারে। কিন্তু সে যে যথার্থ হরেকৃষ্ণ দাসের কন্স। ভাহার কিছু প্রমাণ আছে কি ?"

"আছে।" বলিয়া বিষ্ণুরাম বাবু আমাকে একটা কাগজ দেখিতে দিলেন, বলিলেন, "এবিষয়ে যে যে প্রমাণ সংগৃহীত হইয়াছে, তাহা উহাতে ইয়াদ দাস্ত করিয়া রাখিয়াছি।"

আমি ঐ কাগজ লইয়া পড়িতে লাগিলাম। তাহাতে পাইলাম যে হরেকৃষ্ণ দাসের শ্বালীপতি রাজচন্দ্র দাস; এবং হরেকুষ্ণের ক্যার নাম রজনী।

ষষ্ঠ পরিচ্ছেদ

প্রমাণ যাহা দেখিলাম তাহা ভয়ানক বটে। আমরা এতদিন অন্ধ রক্ষনীর ধনে ধনী হইয়া তাহাকে দরিজঃবলিয়া মুণা করিতেছিলাম।

আমি বিষ্ণুরামকে রজনীর সন্ধান জিজ্ঞাসা করিলাম, তিনি বলিলেন যে, বলিতে তাঁহার প্রতি নিষেধ আছে। প্রথমে মনে করিলাম যে বিষ্ণুরাম বাবু আমাদিগের বিপক্ষতাচরণ করিতেছেন। কিন্তু কিঞ্ছিৎ বিবেচনা করিয়া দেখিলাম যে, তিনি আপন কর্ত্তব্যই সাধন করিতেছেন। আমি তাঁহাকে বলিয়া পাঠাইলাম যে, যে অধিকারিণী সে নিরুদ্দেশ; সে জীবিতা আছে কিনা, নিশ্চিত না বুঝিলে কাহাকেও বিষয় ছাড়িয়া দিব না।

ইহার উত্তর বিষ্ণুরাম বাবুর নিকট পাইলাম না। উত্তরে উকীল গ্রাণ্ডলি এণ্ড ব্লডসক সাহেবদিগের নিকট পাইলাম। তাঁহারা লিখিলেন যে, রজনী আদালতে হাজির হইতে প্রস্তুত; আমাকে কেন দেখা দিবে ?

আমি বৃঝিলাম যে, রজনীর প্রদন্ত এ উত্তর নহে। আমি তখন রজনীর পিতা রাজচন্দ্র দাসকে ডাকিতে পাঠাইলাম। পিডাকে রজনী কি বলিয়া দেখা না দিবে ?

যে লোক রাজচম্রকে ডাকিতে গিয়া**ছিল,** সে ফিরিয়া আসিল। ব**লিল,** রাজচম্র তাহার পূর্ব্বগৃহে নাই। বাড়ী বেচিয়া সপরিবারে কোথায় উঠিয়া গিয়াছে।

মহা গোলযোগ বোধ হইতে লাগিল। আমার সকল সন্দেহ সেই মধুরভাষী বিছাবিশারদ অমরনাথ ঘোষের উপর গিয়া বর্ত্তিল। রঞ্জনীকে বিবাহ করিবার জন্ম তাহার ব্যগ্রতার এই কি কারণ ? সেই কি রাজচন্দ্র দাসকে অর্থের দ্বারা বশীভূত করিয়া উঠাইয়া লইয়া গিয়াছে ? এতদিনে তাহাকে সম্মত করিয়া রঞ্জনীকে বিবাহ করে নাই ত ?

রন্ধনীকে অমরনাথ বিবাহ করিয়াছে কি না, এই সন্দেহ ভঞ্জনার্থ বিবিধ প্রকার চেষ্টা করিতে লাগিলাম, কিন্তু কোন সন্ধান পাইলাম না। তখন নিরুপায় হইয়া, রজনীর উকীলদিগের সঙ্গে সাক্ষাৎ করাই পরামর্শ স্থির করিলাম।

একজন বন্ধু পরামর্শ দিলেন যে, তুমি এসকল বিষয়ে উকীলের সাহায্য না লইয়া কোন প্রসঙ্গ করিও না। যাইতে হয় ত একজন উকীল সঙ্গে করিয়া লইয়া যাও। আমার একজন আত্মীয়, রাজকৃষ্ণ গুপু এটর্দি ছিলেন। রাজকৃষ্ণ সোজা লোক নহে, কিন্তু আমার নিকট বড় বিশ্বাসী। আমি তাঁহাকে নিযুক্ত করিয়া তাঁহাকে সঙ্গে লইয়া গেলাম।

গ্রাণ্ডলি ব্লডসকদিগের কর্মকর্তা ব্লডসক সাহেব। তাঁহার সঙ্গে আমাদিগের সাক্ষাৎ হইল। রাজকৃষ্ণ তাঁহাকে আমার পরিচয় দিয়া বলিলেন যে, তিনি আমার পক্ষে নিযুক্ত হুইয়াছেন। পরে বলিলেন যে, এ মোকদ্দমা আদালতে উপস্থিত হুইবে কি না এক্ষণে বলা যায় না। রজনী দাসীর সঙ্গে আমাদের একবার সাক্ষাৎ হুইলে, বোধ হয় অনেক কথা পরিষ্কার হুইতে পারে।

ব্লডসক বলিলেন, "কেন, আপনারা কি রফা করিতে ইচ্ছুক ?"

রাশ্বকৃষ্ণ বলিলেন, "আমর। রন্ধনীকে মনোহর দাসের উত্তরাধিকারিণী বলিয়া স্বীকার করি না। এবং রন্ধনী জীবিতা কি না ভাহাও জানি না। তবে রন্ধনী ধিদি জীবিত থাকে, তবে গোল মিটিতে পারে।"

ব্লভে পারেন।

রাজকৃষ্ণ। আপনি উকীল, ঘটক নহেন; আপনাকে বলিয়া কি হইবে? আপনার মোয়াকেল কুমারী, আমার মোয়াকেল গৃহশূতা; আমার মোয়াকেল আপনার মোয়াকেলকে বিবাহ করিয়া গোল মিটাইতে চাহেন।

ব্লডসক হাসিয়া উঠিল; আমি অপ্রতিভ হইলাম। আমার সেই স্বপ্নও মনে পড়িল।

ব্লডসক বলিলেন, "আপনাদের হিন্দুর মেয়ের কয়টা স্বামী হইতে পারে ?" রাজ। কেন ?

ব্লডসক। আমার মোয়াক্কেলের বিবাহ হইয়া গিয়াছে।

রাজ। কার সঙ্গে, অমরনাথ ঘোষের সঙ্গে ? সে কথা মিথ্যা।

ব্লডসক হাসিল, বলিল "এ মোকদ্দমায় সে তর্ক উঠিবে না; সুতরাং সে বিবাহ মিথ্যা সত্যের বিচারে আমাদিগের প্রয়োজন নাই। তবে এই পর্যান্ত বলিতে পারি যে, অমরনাথ জীবিত থাকিতে, আপনার মোয়াকেল বিবাহের দ্বারা মোকদ্দমা মিটাইবার সম্ভাবনা নাই। অমরনাথ মরিলে বাবু বিধবা বিবাহ করিতে পারেন।"

আমার সহা হইল না। আমি উঠিয়া চলিয়া আসিলাম। কার্য্য সিদ্ধ হইল বটে, কিন্তু রাজকুঞের প্রতি বছ রাগ করিলাম।

গৃহে আসিয়া পুনর্বার বাদলচন্দ্রকে শ্বরণ করিলাম। অনুমানে বৃঝিয়াছিলাম, রজনীর মোকদ্দমার কাণ্ডটা, অমরনাথ সকলই করিতেছে। বিষ্ণুরাম বাবু যে প্রমাণাদির কথা বলিয়াছিলেন, সে প্রমাণ উত্তম বটে কিন্তু অমরনাথের জন্ম আমার সর্বত্র সংশয় হইতেছিল। অমরনাথের নিগৃঢ় সন্ধান লওয়া আমার কর্ত্তব্য বোধ হইতে লাগিল। অমরনাথও সেই একবার দেখা দিয়া কেবল স্কাইয়া বেজাইতেছে।

আমি তখন বাদলকে বলিলাম যে, যে অমরনাথ ঘোষের সন্ধানে তুমি চোর বাগানে গিয়াছিলে, সেই অমরনাথের সন্ধানে তোমাকে আবার ঘাইতে হইবে। সে বোধ হয় গ্রাণ্ডলি ব্লডসকের আপিসে মধ্যে মধ্যে আসিয়া থাকে। সেইখানে সন্ধান করিতে হইবে।

বাদল, ছাতি ঘাড়ে করিয়া, গ্রাণ্ডলি রডসকের বাড়ীতে কেরাণিসিরির উমেদারিতে যাভায়াত আরম্ভ করিল। চাকরি সহজে হয় না; স্থুতরাং বাদলও আর তাঁহাদের আপিস ছাড়া নহে। প্রথম প্রথম অমরনাথের দেখা পাইল না; শেষ একদিন দেখিল, সেই বাবু উহাদিগের আপিসে প্রবেশ করিলেন। বাদল তাঁহাকে কিছু বলিল না। তাঁহার গাড়িয়ানের সঙ্গে ছলে কথোপ-কথন আরম্ভ করিয়া বাসার ঠিকানা জানিয়া লইল। গাড়িয়ান বাসা জানে না। ডবে সে ইহাই বলিল যে আহিরীটোলার মোড়ে তাহাকে নামাইয়া দিতে হইবে, ইহাই চুক্তি আছে।

বাদল অগ্রসর পদরজে গিয়া ঐ মোড়ের কাছে দাড়াইয়া রহিল। ছই ঘণ্টা পরে বাবু আসিয়া সেখানে নামিলেন। বাদল, অলক্ষ্য থাকিয়া তাঁহার পশ্চাতে গিয়া, তাঁহার বাসা দেখিয়া আসিল।

পরদিন প্রাতে আমি বাদলকে সঙ্গে করিয়া সেই ভবনে গেলাম। প্রথমে রাজচন্দ্র দাসের সঙ্গে দেখা হইল। সে নমস্কার করিল। আমি ভাহাকে কুশল জিজ্ঞাসা করিয়া বলিলাম, "এখানে কোথা হইতে ?"

রাজ। আজ্ঞা এ আমার জামাতার বাড়ী।

আমি। তোমার জামাই কে ? রজনীর স্বামী না কি ?

রাজ । আজ্ঞা।

আমি। তবে রঙ্গনীকে পাওয়া গিয়াছে ?

রাজন। আজ্ঞা।

আমি। কোথায় পাওয়া গেল ?

রাজ। আমি এইখানে আসিয়াই দেখিলাম।

আমি। রম্বনী পলাইয়াছিল কেন, কিছু শুনিয়াছ ?

রাজ। আজ্ঞা, মেয়েমানুষ, সভীনের ঘর করিতে চাহে না।

আমি। এখন বিবাহ দিয়াছ কাহার সঙ্গে ?

রাজা। আজ্ঞা, সেই অমরনাথ বাবুর সঙ্গে।

আমি। যদি সেই পাত্রে ভোমার কন্সা দেওয়া অভিপ্রায় ছিল, তবে আমাকে জিল্পান্না করিতে গিয়াছিলে কেন ?

"ভদ্রতার জন্ম।"

এ উত্তর রাজচন্দ্র দিল না; পশ্চাৎ ফিরিয়া দেখি, অমরনাথ।

অমরনাথ আমার হস্তধারণপূর্বক সাদরে লইয়া গিয়া বসাইলেন। কিন্ত বোধ হয় উভয়েই জ্ঞানিতে পারিলাম যে, তুইজনে পরস্পরের পরম শক্রর সন্মুখীন হইয়াছি।



রতবর্ষের মহিমা নিবিত্ব তমসাচ্ছন্ন। ভারতভূমি মানব সমাজের কি কি উপকার সাধন করিয়াছেন, ভারত-সন্থানেরাও ভাবিয়া দেখেন কি না সন্দেহ। আমরা জানি যে বর্তমান স্থসভা ইউরোপীয় জাতিগণ যীছদী দেশ হইতে ধর্মা, রোমের নিকট হইতে ব্যবস্থা ও রাজনীতি, এবং গ্রীসের নিকট হইতে বিজ্ঞান, সাহিত্য, ইতিহাস, দর্শন ও শিল্প প্রাপ্ত হইয়াছেন। কিন্তু ভূমগুলের উন্নতি সম্বন্ধে ভারতবর্ষ কিরূপ সহায়তা করিয়াছেন, আমাদিগের মধ্যে কয়জন লোকে অবগত আছেন ? এই প্রবন্ধে সংক্ষেপে আমরা এতিছিয়াকে সমালোচনা করিব।

বিজ্ঞান লইয়াই বর্ত্তমান সভ্যজাতিদিগের গৌরব; এই নিমিত্ত আমরা প্রথমে বিজ্ঞানের কথাই বলিব। গণিতই বিজ্ঞানের মূল; বিজ্ঞানশাস্ত্রের যে শাখা যে পরিমাণে গণিতের অধীন হয়, তাহা সেই পরিমাণে উন্নতি লাভ করে। মাধ্যাকর্ষণের নিয়ম প্রকাশিত হইয়াই জ্যোতিষের এত উন্নতি। তাপ, তড়িৎ, আলোক, শব্দ প্রভৃতির কার্য্য সংখ্যাদ্বারা ব্যক্ত করিতে পারিয়াই তাহাদিগের সম্বন্ধে বিজ্ঞানবেত্ত্বগণ কত অভিনব তত্ত্ব আবিদ্ধার করিয়াছেন। নির্দিষ্ট পরিমাণে পদার্থসকলের পরস্পর সংযোগ ঘটে, এই নিয়মের আবিজ্ঞিয়া হইতেই রসায়ন, উন্নতি সোপানে আরোহণ করিয়াছে। এক্ষণে দেখা যাউক, গণিত সম্বন্ধে ভারত-বাসিগণ কি করিয়াছেন।

এক্ষণে অধিকাংশ সভ্য জনপদে যে সংখ্যালিখন-প্রণালী চলিতেছে, ভারত-বর্ষেই তাহার উৎপত্তি। নয়টা আছে এবং শৃষ্ণের সাহায্যে সমৃদায় সংখ্যা লিখিবার রীতি ভারতবাসীরাই প্রকাশ করেন। এল্ফিন্প্রোন সাহেব তংকৃত "ভারত-বর্ষের ইতিহাসে" স্বীকার করিয়াছেন যে, পাটাগণিতের দশগুণোত্তর সংখ্যালিখন-প্রণালী হিন্দুদিগের সৃষ্টি। (১) ইউরোপবাসিগণ আরবদিগের নিকটে পাটাগণিত

⁽³⁾ The Hindus are distinguished in Arithmetic by the acknowledged invention of the decimal notation." p. 142. Elphinstone's History of India, Cowell's Edition.

শিক্ষা করিয়াছিলেন। কিন্তু আরবেরা এত বিষয়ে হিন্দুদিগকে গুরু বলিয়া মানেন। এসিয়াটিক রিসার্চের ঘাদশ খণ্ডে একজন আরব গ্রন্থকারকে উল্লেখ করিয়া লিখিত আছে, "বাহাউল্দিন দশগুণোত্তর প্রণালীর অন্ধগুলির সৃষ্টিকর্তা ভারতবাসীদিগকে বলেন। ভারতবাসীরা যে এই অন্ধগুলির প্রষ্টা ইহার প্রমাণ একখণ্ড আরবী কবিতাবলীর প্রস্তাবনা হইতে সচরাচর প্রদত্ত হইয়া থাকে, এজন্য বলা ভাল যে, সমৃদায় আরবী এবং পারসী পাটীগণিত পুস্তকেই ভারতবাসীদিগকে, প্রষ্টা বলিয়া উল্লেখ আছে।" (২)

কেবল পাটীগণিত নহে, বীজগণিতও ভারতবাসীদিগের সৃষ্টি। বর্ত্তমান ইউরোপবাসীরা বীজগণিতও মুসলমানদিগের নিকটে পাইয়াছেন; বীজগণিতের Algebra নামটা আরবা "আল্ঞিবর" শব্দ হইতে সমূৎপন্ন। খুঠীয় ত্রয়োদশ শতাব্দীর প্রারম্ভে লিওনার্ডো নামক ইতালীদেশীয় একব্যক্তি মুসলমানদিগের নিকটে বীঙ্গগণিত শিক্ষা করিয়া উহা প্রথমে ইউরোপখণ্ডে প্রচার করেন। (৩) আরবেরা যে বীঙ্গগণিতের স্রষ্টা নহেন, তাহার বিলক্ষণ প্রমাণ আছে। বিষ্ণান সম্বন্ধে তাঁহারা হিন্দু এবং গ্রীকজাতির ছাত্র। তাঁহাদিগের নৃতন আবিজ্ঞিয়া কিছুই দৃষ্ট হয় না। তাঁহাদিগের পূর্বের ভারতবর্ষে আর্য্যভট্ট, বরাহমিহির, ব্রহ্মগুপ্ত প্রভৃতি এবং গ্রীসদেশে দিওফান্তুস নামক বীজগণিতকার প্রান্থভূতি হইয়াছিলেন। যিনি আরব দেশে প্রথমে বীজগণিত প্রচার করেন, তিনি যে ভারতবাসীদিগের শিশু ভিষিয়ে সন্দেহ নাই। স্থবিখ্যাত কোলক্রক সাহেব লিথিয়াছেন, "মহম্মদ বেন মুসা আরবদিগের মধ্যে প্রথম বীজ্বগণিত প্রকাশ করেন বলিয়া পরিচিত। তিনিই আলুমান সুরের রাজহকালে আলুমামুনের সম্ভোষার্থে একখানি ভারতবর্ষীয় জ্যোতিষগ্রন্থের সংক্ষিপ্তসার রচনা করেন। তিনি হিন্দুদিগের গণনা-তালিকা সংশোধন করিবার অভিপ্রায় প্রকাশ করিয়া তদবলম্বন পূর্বক গণনা-তালিকা প্রস্তুক করেন: এবং তিনি ভারতবর্ষীয় সংক্ষিপ্ত গণনা-প্রণালী শিক্ষা করিয়া

^{(2) &}quot;Bahauldin ascribes the invention of the numeral figures in the decimal scale to the *Indians*. As the proof commonly given of the *Indians* being the inventors of these figures is only an extract from the preface of a book of Arabic poems, it may be as well to mention that all the *Arabic* and Persian books of arithmetic ascribe the invention to the *Indians*."—p. 184. Vol. XII. Asiatic Researches.

^{(2) &}quot;Leonardo of Pisa first introduced Algebra into Europe; he learned it at Bugia, in Barbary, where his father was a scribe in the custom house by appointment from Pisa; his book is dated A. D. 1202."—Cowell's Note to Elphinstone's History of India. p. 145.

স্থাদেশে প্রচার করেন।" (৪) যে ব্যক্তি পাটীগণিত, জ্যোতিষ প্রভৃতি বিষয়ে হিন্দুদিগের নিকটে পদে পদে ঋণী, সে ব্যক্তি যে হিন্দুদিগের বীজগণিত শিক্ষা করে নাই, ইহা সম্ভব বোধ হয় না। কোলক্রক সাহেবও এইরপ বিবেচনা করেন। তিনি বলেন, "গ্রীক ও হিন্দুজাতি আরবদিগের পূর্বেষে যৌজগণিত স্ষ্টি করিয়াছিলেন, তদ্বিষয়ে সংশয় নাই; আরবেরা বীজগণিতের স্রষ্টা বলিয়া দাবিও করে না। বিজ্ঞান সম্বন্ধে তাহারা যে অন্সের নিকটে ঋণী, ইহা তাহারা স্বীকার করিয়া থাকে এবং তাহাদিগের সর্ব্ববাদিসম্মত কথা এই যে, তাহারা হিন্দুদিগের নিকট সংখ্যাশাস্ত্র শিক্ষা করিয়াছিল। তাহারা যে হিন্দুদিগের বীজ-গণিতও পাইয়াছিল, ইহা যেরূপ সম্ভব, যে গণিতবেত্তা ভারতবর্ষীয় পাটীগণিত শিখিয়া আরবদিগকে শিখাইয়াছিলেন, তিনি ভারতবর্ষীয় গণিতের কিছুমাত্র সাহায্য না পাইয়া বীজগণিত আবিকার করিয়াছেন, একথা সেরূপ সম্ভব নহে।" (৫)

৭৭৩ খৃষ্টাব্দে খলিফা আল্মানস্থরের রাজ্যকালে প্রথম আরবগণিতবেত্তা কর্ত্ত্ব ভারতবর্ষীয় গণিতগ্রন্থ আরবী ভাষায় অনুবাদিত হয়। (৬) ৪৭৬ খৃষ্টাব্দে আর্যাডট্টের জন্ম; ৫৮৭ খৃষ্টাব্দে বরাহমিহিরের মৃত্যু; এবং ৫৯৮ খৃষ্টাব্দে ব্রন্ধগুপ্তের

^{(8) &}quot;Muhammed Ben Musa Ali Khuwarezmi is recognized among the Arabians as the first who made Algebra known to them. He is the same, who abridged, for the gratification of Almamun, an astronomical work taken from the Indian system in the preceding age, under Almansur. He framed tables likewise, grounded on those of the Hindus; which he professed to correct. And he studied and communicated to his countrymen the Indian compendious method of computation." Colebrooke's Dissertation prefixed to his translations from Sanscrit Algebra.

⁽a) "Priority seems then decisive in favour of both Greeks" and Hindus against any pretensions on the part of the Arabians who in fact, however, prefer none as inventors of Algebra. They were avowed borrowers in science; and by their own unvaried acknowledgment, from the Hindus they learnt the science of numbers. That they also received the Hindu Algebra, is much more probable than that the same mathematician who studied the Indian arithmetic and taught it to his Arabian brethren, should have hit upon Algebra unaided by any hint or suggestion of the Indian Analysis."—Colebrooke's Dissertation.

^{(*) &#}x27;The first Arabian mathematician translated a Hindu book in the reign of the Khalif Almansur, A. D. 773." Cowell's Note to Elphinstone's India. p. 145.

ব্দর। (৭) মুভরাং যে সময়ে আরবেরা ভারতবর্ষীয় গণিত প্রাপ্ত হইলেন. সে সময়ে এদেশে বীন্ধগণিতের বিলক্ষণ উন্নতি হইয়াছিল। এভদ্দেশীয় গণিভপ্রাপ্তির পরে শতবর্ষাধিক কাল পর্যান্তও তাঁহার৷ গ্রীকগণিতের বিন্দুবিদর্গও জানিতেন না এবং প্রায় ছই শতাব্দী গড হইলে পর দিওকাস্তদের প্রান্থ অধ্যয়ন করিতে পাইয়াছিলেন। (৮) অতএব আরবদিগের অনেক পূর্বে এদেশে বীজগণিতের চর্চ্চা হইয়াছিল, এবং তাঁহারা প্রধানতঃ এদেশেরই শিষ্য, তিষষয়ে সন্দেহ নাই। কিন্তু হিন্দুরা এীকদিগের নিকটে বীঞ্চগণিত শিক্ষা করিয়াছিলেন কি না, বিচার করিয়া দেখা আবশ্যক। গ্রেগরী আবুল করাজ নামক একজন আর্মাণী খুষ্টান লেখক বলেন যে, রোমক সমাট জুলিয়ানের সময়ে দিওকান্তস্ প্রাত্রভূত হইয়াছিলেন। (৯) একথা যদি সত্য হয়, তাহা **হইলে ৩৬**• খুষ্টাব্দ দিওফান্তুসের প্রাত্মভাব কাল; মুতরাং তিনি আর্য্যভট্টেরও শত বর্ষের পুর্ব্বের লোক হইভেছেন। কিন্তু আর্য্যভট্টও ভারতবর্ষের প্রথম গণিতবেতা নহেন। তাঁহার পূর্বে পরাশর, গর্গ, বশিষ্ঠ প্রভৃতি গণিতবিৎ পণ্ডিতগণ জ্বদ্মগ্রহণ করিয়াছিলেন। অতএব আর্যাভট্টকে দিওফান্তসের ছাত্র বলা যুক্তিযুক্ত হুইতেছে না। আর্য্যভট্ট যে প্রকার বীষ্ণগণিতের জ্ঞান দেখাইয়াছেন, ভাহা যে কেবল দিওফান্তসের অপেক্ষা অনেক অধিক এরূপ নহে: তুইশত বৎসর পূর্বের ইউরোপ খণ্ডে ভদপেক্ষা অধিক দৃষ্ট হইত না। (১০) এস্থলে আর একটা বিষয়ও বিবেচনা-যোগ্য। দিওফান্তদ ব্যতিরিক্ত আর কোন গ্রীক বীঙ্গগণিতকারের <mark>নাম বা গ্রন্থ</mark> কোথাও পাওয়া যায় না এবং প্রাচীন গ্রীক ভাষায় বীষ্ণগণিতবোধক একটা শক্ষ নাই। (১১) গ্রীস দেশে বীজ্ঞগণিতের চর্চ্চা থাকিলে এরপ ইইত না। ইহাতে

⁽¹⁾ See a paper by the late Dr. Bhau Daji in the Journal of the Royal Asiatic Society. New Series. Vol. I.

⁻⁽b) "The Arabs became acquainted with the Indian astronomy and numerical science before they had any knowledge of the writings of the Grecian astronomers and mathematicians; and it was not until after more than one century, and nearly two, that they had the benefit of an interpretation of Diophantus, whether version or paraphrase, executed by Muhammad Abulwafa Al Buzjane." p. XXI Colebrooke's Dissertation.

⁽³⁾ See page VI & XX Colebrooke's Dissertation.

^{(&}gt;•) See Cowell's Elphinstone p. 143.

^{(&}gt;>) "We know of no Greek writer on Algebra, but Diophantus; neither he, nor any known author, of any age or of any country, has 'spoken directly or indirectly, of any other Greek writer on Algebra in

623

সন্দেহ হয় যে দিওফান্তদ বিদেশীয় লোকের নিকটে বীজগণিত শিক্ষা করিয়াছিলেন। এই সন্দেহটা যে অমূলক নতে, এসিয়াটিক রিসার্চের দ্বাদশ খণ্ড পাঠ করিয়া অবগত হওয়া যায়। উহাতে লিখিত আছে. "১৫৭৯ খুষ্টাব্দে বম্বেলি নামক এক ব্যক্তি একখানি বীজগণিত গ্রন্থ প্রকাশ করেন এবং উক্ত গ্রন্থে তিনি বলেন যে, তিনি এবং রোমের একজন উপদেশক দিওফান্তদের কিয়দংশ অমুবাদ করিয়াছিলেন এবং তাহাতে ভারতবর্ষীয় প্রায়কারদিগের বারম্বার উল্লেখ দেখিয়া জ্বানিয়াছিলেন যে আরবদিগের পূর্বে ভারতবর্ষীয়েরা বীব্রগণিত ব্লানিতেন।" (১২) অতএব ভারতবর্ষই যে বীজগণিতের উৎপত্তিস্থান, তদ্বিষয়ে সংশয় থাকিতে পারে না।

গণিতের পরে রসায়ন দ্বারাই বর্ত্তমান কালে বিজ্ঞানশাস্ত্রের বিশেষ উন্নতি হুইয়াছে। কিন্তু রসায়নের মূলও ভারতবর্ষ। ইউরোপীয় Chemistry বা রসায়ন Alchemy হইতে সমৃদ্ভত। কিন্তু Alchemy (আলকিমী) নামটা আরবী। ইহাতেই জ্ঞানা যাইতেছে যে আরবদিগের নিকট হইতেই ইউরোপবাসিগণ রসায়নের প্রথম শিক্ষা পাইয়াছিলেন। কিন্তু আরবেরা এতদ্দেশ হইতে এ বিষয়ের জ্ঞানলাভ করিয়াছিল, কিঞ্চিং অমুসন্ধান করিলেই বুঝিতে পারা যায়। চরক ও মুক্রত এদেশের প্রধান চিকিৎসাগ্রন্থ। আর্ববেরা বিত্যাশিক্ষার প্রতি মনোযোগ দিতে আরম্ভ করিয়া অল্পকাল মধ্যে চরক এবং স্কুশ্রুত অমুবাদ করিয়া লয়; এবং প্রকাশ্যরূপে ভারতবাসীদিগের নিকটে আপনাদিগের ঋণ স্বীকার করে। খুঠীয় অষ্টম শতান্দীতে বোগদাদের বিখ্যাত বাদসাহ হারনাল রসিদের সভায় ছুইজন হিন্দু চিকিৎসক ছিল। (১৩) হিন্দুরা যে কেবল ভাল চিকিৎসক ছিলেন, এরূপ নছে; তাঁহারা রাসায়নিক বিভায়ও বিলক্ষণ পারদর্শী ছিলেন। এলফিনষ্টোন any branch whatever; the Greek has not even a term to designate the

science."-p. 163. Vol. XII Asiatic Researches.

^{(&}gt;2) "In 1579 Bombelli published a treatise of Algebra, in which he says, that he and a lecturer at Rome, whom he names, had translated part of Diophantus, adding. "that they had found that in the said work the Indian authors are often cited; by which they learnt that the science was known among the Indians before the Arabians had it." p. 161 Vol. XII. Asiatic Researches.

^{(50) &}quot;The earliest medical writers extant are Charaka and Susruta. These authors were translated into Arabic, and probably soon after that nation turned its attention to literature. The Arab writers openly acknowledge their obligations to the medical writers of India...It helps to fix the date of their becoming known to the Arabs, to find that two Hindus, named Manka and Saleh, were physicians to Harun al Rashid in the eighth century."—Cowell's Elphinstone p. 159.

সাহেবের "ভারতবর্ষের ইতিহাসে" লিখিত আছে যে তাঁহারা গান্ধকিক আয়. বাবকারিক অমু, ও লাবণিক অমু; ডামু, লোহ, সীসক, রাং এবং দস্তার অমুকানক ইজ্যাদি অনেক রাসায়নিক প্রক্রিয়া সমুৎপন্ন যৌগিক পদার্থ প্রস্তুত করিছে পারিতেন। (১৪) এই পদার্থগুলির মধ্যে গান্ধকিক অমকে হিন্দুরা মহাজাবক নাম দিয়াছেন এবং এ নামটি কেমন যুক্তিসঙ্গত, ডাক্তার ওশানসী-লিখিত কয়েক পংক্তির নিমুস্থ অমুবাদ দৃষ্টে প্রতীয়মান হইবে ;—"এই জাবকের সাহায্যে আমরা যাবকারিক, লাবণিক প্রভৃতি অন্যান্ত জাবক প্রস্তুত করিয়া থাকি। ইহা হইতেই আমরা সন্তায় সোডা হরিতকাদি উৎপাদন করিতে পারি। ইহা রঙ্গকরের প্রক্রিয়ায় আবশুক এবং ইহা হইতেই আমরা কালোমেল, কুইনাইন প্রভৃতি মহৌৰ্ধি পাইতেছি। বস্তুত: যে সময়ে ইউরোপে অল্পবায়ে গান্ধকিক অম প্রস্তুত হইতে আরম্ভ হইয়াছে. সেই সময় হইতে রাসায়নিক শিল্পজাত সম্বন্ধে ইউরোপের মহবের প্রারম্ভ হইয়াছে।" (১৫)

একণে দেবতর সম্বন্ধে ইউরোপখণ্ডে যেপ্রকার ব্যাখ্যা অবলম্বিত হইতেছে. তাহারও উৎপত্তি ভারতবর্ষে। কুমারিল্ল ভট্ট লিথিয়াছেন,—

"প্রক্রাপতিস্থাবং প্রক্রাপালনাধিকারাদাদিতা এবোচাতে। সচা**রুণোদয়** বেলায়ামৃষস্থ্যাত্মভোতি সা তদাগমনা দেবোপজায়ত ইতি তদ্পুহিত্তেন ব্যপদি-খ্যতে। তম্মাং চারুণকিরণাখ্যবীঙ্গনিক্ষেপাৎ দ্রীপুরুষ সংযোগবত্বপচার:। সমস্ততেজাঃ পরমেশ্বরত্ব নিমিত্রেন্দ্র শব্দবাচাঃ স্বিতিবাহনি লীয়মান্ত্যা রাত্রেরহল্যা শব্দ বাচ্যায়াঃ ক্ষয়াত্মক জরণ হেতুখাস্ডীর্য্যত্যস্মাদনেন বোদিতেন বেডাহ্ল্যাঞ্চার ইত্যাচাতে ন পরস্ত্রী ব্যভিচারাৎ।"

^{(38) &}quot;They knew how to prepare sulphuric acid, nitric acid and muriatic acid; the oxides of copper, iron, lead....,tin and zinc; the sulphoret of iron, copper, mercury, antimony and arsenic; the sulphate of copper, zinc and iron and carbonates of lead and iron." Ibid p. 159.

^{(&}gt;e) "By the assistance of this acid we prepare almost all the others; for instance, the nitric, muriatic, tartaric, citric &c. We owe to it the cheapest mode of obtaining artificial soda, chlorine and its bleaching compounds. It is essential to the purposes of the dyer and to it we are indebted for many of the best remedies we can command -of which calomel, corrosive sublimate, sulphate of quinine, the ethers &c. may be cited as examples. In fact, from the time that sulphuric acid was first prepared at a cheap price in Europe, may be dated the. commencement of her greatness in all chemical manufactures." O, Shaughnessy's Manual of Chemistry p. 102.

অর্থাৎ "প্রক্ষাপালন করেন বলিয়া স্থ্যকে প্রক্ষাপতি বলে। অরুণােদয়
সময়ে তাঁহার আগমনে উষার উৎপত্তি, এজগ্য উষাকে তাঁহার ছহিতা বলে। উষার
সহিত তাঁহার তেজ্ঞাসংযোগ ঘটে, এজগ্য উভয়কে স্ত্রীপুরুষভাবে বর্ণনা করা
হইয়াছে। তেজােময় সবিতা ঐশ্বর্য হেতুক ইল্রপদবাচ্য। অহন্ অর্থাৎ দিনকে
লয় করে বলিয়া রাত্রির নাম অহলাা। সেই রাত্রিকে ক্ষয় বা জীর্ণ করেন বলিয়া
ইল্র অর্থাৎ সবিতাকে অহলাাজার বলে, ব্যভিচার জন্য নহে।"

যে ভট্টমোক্ষমূলর ইউরোপে দেবতত্ত্ব ব্যাখ্যার পথ খুলিয়াছেন, তিনিই প্রাচীন সংস্কৃত সাহিত্যবিষয়ক গ্রন্থে উপরিধৃত সংস্কৃত পংক্তি কতিপয় প্রথমে উদ্ধৃত করিয়াছেন; (১৬) এবং উহা হইতেই যে তিনি দেবতত্ত্বের সৌরব্যাখ্যা অবলম্বন করিতে শিথিয়াছেন, তাহা স্পষ্টই প্রতীয়মান হইতেচে।

ভারতবর্ষ হইতে ভূমণ্ডলের আরও অনেক উপকার হইয়াছে। যে প্রথব প্রতিভা হইতে পাটাগণিত, বীজগণিত ও রসায়ন সমূদূত, তাহারই গুণে একটা নৃতন বর্ণমালারও স্পষ্টি হইয়াছে। পৃথিবীতে তিনটা বর্ণমালা আছে। চীনদেশীয়, ফিনিসীয় এবং ভারতবর্গীয়। চীনদেশীয় বর্ণমালা চীন এবং জাপানে প্রচলিত। ফিনিসীয় বর্ণমালা য়িছদী, মুসলমান এবং ইউরোপীয় জাতিদিগের মধ্যে চলিতেছে। ভারতবর্ষীয় বর্ণমালা ভারতবর্ষ, পূর্বব উপদ্বীপ, তিব্বত, সিংহল ও বালিন্বীপে দৃষ্ট হয়। কণ্ঠ, তালু, মূর্দ্ধা, দস্ত, ওষ্ঠ এইরূপ উচ্চারণস্থানভেদে বর্ণোৎপত্তি কল্পিত বলিয়া ভারতবর্ষীয় বর্ণমালাটী যেরূপ বৈজ্ঞানিক প্রণালীতে গঠিত, অন্থ তুইটা তদ্ধপ নহে।

কিন্তু ধর্ম ও নীতি বিষয়েই ভারতবর্ষ মনুয়-সমাজের মহত্পকার করিয়াছেন।
খুষ্ট জন্মবার প্রায় ছয় শত বংসর পূর্বে এতদেশে বৃদ্ধদেব জন্মগ্রহণ করিয়া
জগন্মওলে প্রেমপূর্ণ সার্বভৌম ধর্ম প্রথম প্রচার করেন। তিনি রাজার পূ্ত্র ও
রাজসিংহাসনের উত্তরাধিকারী হইয়া রাজভোগে ছিলেন। ক্ষমতাশালী পিতা,
মেহময়ী মাতা, পতিপ্রাণা পত্নী, মুন্দর মৃত, আজ্ঞাবহ দাসদাসী, অপরিমেয় অর্থ
এ সকল তাঁহার ছিল; কিন্তু এ সকলে তাঁহার মনস্তাই হইল না। তিনি মানবজাতির হুংখে কাতর হইয়া রাজভোগ পরিত্যাগ পূর্ব্বক মোক্ষপথের অনুসন্ধানে
বহির্গত হইলেন। ক্রমে তাঁহার জ্ঞানচক্ষ্ খুলিল। জাতিভেদ ও অবস্থাভেদ তাঁহার
আর দৃষ্টিরোধ করিল না। তিনি দেখিতে পাইলেন যে মুক্তিপথে প্রবেশ করিতে
সকলেরই সমান অধিকার। যিনি লোকের যন্ত্রণা অবলোকন করিয়া ব্যাকৃল,
তিনি পরশীড়ন দেখিতে পারিবেন কেন? তাঁহার হৃদয় হইতে এই মহাবাক্য

^{(&}gt;6) Ancient Sanscrit Literature by Professor Max Muller.

নি:মৃত হইল, "অহিংসাই পরম ধর্ম;" মমুদ্য হউক বা অপর জীব হউক কাহাকেও কষ্ট দিবে না, সকলকে স্থথে রাখিবার চেষ্টা করিবে। ত্রাহ্মণ, ক্ষত্রিয়, বৈশ্য, শৃত্ত এবং বছসংখ্যক সন্ধর জাতির বিবাদভূমিতে একতার বীজ্ব রোপিত হইল। আর্য্য ও মেচ্ছ একই বন্ধনে বন্ধ হইবার উপায় হইল। ক্রমে সুগভীর, সুবিস্তীর্ণ সিন্ধুসলিল অতিক্রম করিয়া, তৃষারমগুড, মেঘভেদী, তৃঙ্গশৃঙ্গ শৈলমালা উল্লন্জ্যন করিয়া, মঙ্গলবার্ত্ত। দূরদেশে ছুটিল। সমুজ পার হইয়া সিংহল দ্বীপে, হিমালয় অতিক্রম করিয়া চীন সামাজো, বৌদ্ধধর্মের উজ্জ্বল তরঙ্গ লাগিল। পূর্বে লোকে আপন আপন ধর্ম লইয়াই সম্ভুষ্ট থাকিত। সত্য ধর্ম সর্ব্বত্র প্রচার করিয়া সমৃদায় মহুয়ঞ্জাতিকে একধর্মাক্রান্ত করিতে হইবে, এ দূতন ভাব বৌদ্ধধর্মের সঙ্গে সঙ্গে ভূমগুলে প্রথম উদিত হইল। ধর্মপ্রচারকগণ দেশে দেশে ভ্রমণ করিতে লাগিলেন। নুতন উৎসাহে প্রীতিবিক্ষারিত হৃদয়ে তাঁহারা জগতের হিতসাধন ত্রতে ব্রতী হইলেন। সিন্ধু বা ব্রহ্মপুজ্র, সাগর বা হিমাচল, কিছুতেই ওাঁহাদিগের গভিরোধ করিতে পারিল না। এইরূপে খুষ্ট জ্ঞিনার পুর্বেই সিংহল দ্বীপ হইতে চীন পর্য্যন্ত বৌদ্ধর্শ্মের শান্তিময়ী পতাকা উড্ডীন হইল। অন্তাপি ভূমণ্ডলে বৃদ্ধ-দেবের যত শিশু আছে, তত আর কোন ধর্মপ্রবর্তকের নাই। সকল দেশ, সকল জাতি, সকল বর্ণের জন্ম ধর্মের দ্বার বৃদ্ধদেব প্রথম উদ্ঘাটন করেন। পরে शौक्रिक्तिमा केना এवः जातववामी भश्यम स्मर्टे भर्षत अधिक द्रम । किन्न क्रेमात প্রীতি নরজাতি পর্যান্তই বিস্তীর্ণ হইয়াছিল, উচা বৃদ্ধদেবের দয়ার ছায় সমুদায় জীবগণকে ক্রোডে ধারণ করে নাই। মহম্মদ ঈশ্বরের মহিম। প্রচার করিতে গিয়া ধরণীমণ্ডল নরশোণিতে প্লাবিত করিয়াছেন। বলদ্বারা বৌদ্ধধর্মের বিস্তার হয় নাই। বুদ্ধশিয়াগণ অনেক অভ্যাচার সহ্ করিয়াছেন, কখন কখন শক্রপ্রাদত্ত তুষানলে প্রাণত্যাগ করিয়াছেন; কিন্তু অম্বদারা, শারীরিক বিক্রনদার। ঠাহারা ধর্মপ্রচার করিতে চেষ্টা করেন নাই। খৃষ্ট জন্মিবার প্রায় তিন শত বৎসর পূর্বেব বৌদ্ধ-ধর্মাবলম্বী মগধপতি অশোক বা প্রিয়দর্শী প্রায় সনুদায় ভারতবর্ষের সম্রাচ ছিলেন: পাষাণময় গিরিগাত্রে স্থানে স্থানে তাঁহার যে সকল অমুজ্ঞাপত্র ক্ষোদিত আছে, ভাহাতে লোকের মঙ্গলসাধনার্থে যে প্রকার যত্ন এবং অস্ত ধর্মাবলম্বী লোকের প্রতি যেরপ উদার ভাব লক্ষিত হয়, তদ্দর্শনে বর্তমান সভ্যতাভিমানী ইউরোপবাসী নরপতিদিগকেও লঙ্জা পাইতে হয়, সন্দেহ নাই। ছুর্ভাগ্যক্রমে এক্ষণে বৌদ্ধ-मजारनशे कां जिंग १ १ थियोत मर्का खाँहे नरहन ; कि हु य कह मत्नारयां अपूर्वक ইতিহাস পাঠ করিয়াছেন, ডিনিই স্বীকার করিবেন যে পাশ্চাত্য ভূভাগে ঈশা যে প্রেমজ্যোতি বিকীর্ণ করিয়াছেন, পূর্ববভূভাগে বৃদ্ধদেবপ্রদীপ্ত প্রেমালোক কোন-ক্রমেই তদপেক্ষা হীনপ্রভ নহে। যখন মনে হয় যে অল্পদিন হইল বৌদ্ধধর্মাবলম্বী

জাপান রাজ্যের নরপালগণ স্বদেশের উপকারার্থে সম্রাটের হস্তে আপন আপন সৈক্স, গড় ও রাজ্যকোষ সমর্পণ করিয়াছেন এবং জাপানবাসিগণ মহোৎসাহ সহকারে উন্নতিপথে অগ্রসর হইতে যৎপরোনাস্তি চেষ্টা করিতেছেন, তখন আশা হয় বৃধি এসিয়াখণ্ডের পুনর্জ্জীবিত হইবার দিন উপস্থিত হইতেছে।

ভারতবর্ষ ভূমণ্ডলের জ্ঞান ও ধর্ম বৃদ্ধি করিয়াছেন বলিয়া আর কোনরূপ উপকার করেন নাই এরূপ নহে। এতদ্বেশবাসিগণ সিংহল, যব ও বালিদ্বীপে উপনিবেশ সংস্থাপন করিয়া তথায় সভাতার স্ত্**রপাত করেন।** সিংহলের ধর্মগ্রন্থ সকল যে পালিভাষায় লিখিত তাহা ভারতবর্ষ হইতে গুহীত। সিংহলের রাজ্বংশ বাঙ্গালি। বালিমীপে অম্যাপি হিন্দু দেবদেবীর প্রতিমূর্ট্টি আছে ও তাহাদিগের পূজা হইয়া থাকে এবং তথায় যে কবিভাষা প্রচলিত তাহাও সংস্কৃত হইতে উৎপন্ন। পূর্ব্বকালে সিংহল ও ভারতসাগরীয় দ্বীপশ্রেণী হইতে অর্ণবপোতে মুক্তা ও দারুচিনি, এলাচ প্রভৃতি লইয়া আসিয়া ভারতবর্ষীয়গণ পাশ্চাত্য প্রদেশে প্রেরণ করিতেন। এইরূপে তাঁহাদিণের সামৃদ্রিক বাণিজ্যের গুণে য়ীছদী. ফিনিসীয়, গ্রীক, রোমক প্রভৃতি অনেক জাতি উপকৃত হইতেন। এক্ষণে সভ্য সমাজে যে কার্পাসবস্ত্রের বহুল ব্যবহার, তাহার উৎপত্তি ভারতবর্ষে। সকলেই স্বীকার করেন যে কার্পাস শিল্পজাতের জন্মভূমি ভারতবর্ষ। যে ঋগ্বেদ প্রায় খুষ্টজন্মের পঞ্চদশ শত বৎসর পূর্বেব লিখিত, তাহাতেও তন্ত্রস্থিত কার্পাস বস্ত্রের উল্লেখ দৃষ্ট হয়; সুতরাং তাদৃশ প্রাচীন কালেও এতদ্দেশে কার্পাস বস্ত্র ব্যবসায় প্রচলিত হইয়াছিল। (১৭) এতদ্বাতিরিক্ত গ্রীক, রোমক প্রভৃতি জ্বাতিগণ যে ভারতবাসী-দিগের নিকট হইতে রেশমের কাপড পাইতেন, তাহারও প্রমাণ আছে। রেশমের উৎপত্তি চীনেই হউক বা ভারতবর্ষেই হউক, ইউরোপের প্রাচীন সভ্য জাতিগণ যে এতদ্দেশ হইতে পট্রস্ত্র প্রাপ্ত হইতেন, তাহার সন্দেহ নাই। ভারতর্বর বছকাল পর্যাম্ভ অধিকাংশ সভ্যক্ষনপদের কার্পাস ও রেশমী কাপড যোগাইতেন ৷ ইংরেক্স-দিগের লিখিত গ্রন্থেই দৃষ্ট হয় যে, একশত বৎসর পূর্বের এদেশে ঘরে ঘরে চরকা পুরিত এবং গ্রামে গ্রামে বস্ত্রব্যবসায়ী লোক ছিল। কিন্তু এখন আর সে দিন নাই। আমরা পরিধেয় বজ্রের জন্মও ইংরেজদিগের মুখ চাহিয়া থাকি। ম্যানচেষ্টরের

^{(&}gt;) "India is according to our knowledge, the accredited birth place of cotton manufacture. In one of the hymns of the Rigveda said to have been written fifteen centuries before our era, reference is made to cotton in the loom there, at which early date therefore it must have acquired some considerable footing."—Vol. XVII Journal of the Royal Asiatic Society.

কলের কাপড়ই এখন আমাদিগের প্রধান অবলম্বন হইয়াছে। সকল বিষয়েই এইরূপ। যে দেশে পাটাগণিত, বীজ্ঞগণিত ও রসায়নের সৃষ্টি, সেই দেশের লোকেরাই এখন বিদেশী বিজ্ঞানের ছিটাকোঁটা পাইয়াই আপনাদিগের জ্ঞানার্থক জ্ঞান করেন। যেদেশে বৌদ্ধার্শের উৎপত্তি, সেইদেশের কৃতবিছ্য ব্যক্তিগণ সামাষ্ট্য বিলাতী লেখকদিগকে ধর্মবিষয়ে গুরু বলিতে লজ্জিত হন না। আর কতকাল এইরূপ চলিবে? হে ভারতসম্ভানগণ, ভারতের পূর্ব্বমহিমা শ্মরণপূর্ব্বক সকলে একবার আপনাদিগের ছ্রবস্থা মোচনের চেষ্টা কর। ভোমরা কি ছিলে এবং কি হইয়াছ, ভাবিয়া কি দেখিয়াছ?



১ম সংখ্যা

বাবু এই কাব্যখানি অসম্পূর্ণাবস্থাতেই প্রকাশ করিয়াছেন। স্থতরাং আমরা ইহার রীতিমত সমালোচনায় প্রবৃত্ত হইতে পারিতেছি না। মহাকাব্যের সম্পূর্ণাবস্থা না হইলে, তাহার দোযগুণ নির্বাচন সাধা নহে; অর্দ্ধনির্মিত অটালিকা দেখিয়া কেহ অট্টালিকার ভাবী উৎকর্ষ সম্বন্ধে স্থির কথা বলিতে পারেন না; শাখা বা কাণ্ড মাত্র দেখিয়া কেহই রক্ষের শোভা বুঝিতে পারেন না; অক্ষমাত্র দেখিয়া ব্যক্তিবিশেষকে স্থন্দর বা কৃৎসিত বলা যায় না। তবে অসমাপ্ত কাব্য পড়িয়া আমাদিগের যে স্থখোদয় হইয়াছে, পাঠকগণকে সেই স্থথের ভাগী করিবার জন্ম গ্রান্থের কিছু পরিচয় দিব। অনেকেই এই গ্রন্থ পাঠান্থরে স্বীকার করিবেন যে, বাঙ্গালা গ্রন্থ পড়িয়া এরূপ স্থ অনেক দিন ঘটে নাই। এবং শীঘ্র ঘটিবে না। এরূপ কাব্য সর্বনা জন্মে না।

এই মহাকাব্যের বিষয়, ইন্দ্রকৃত বৃত্রের বধ। হেমবাবৃ পৌরাণিক বৃত্তান্তের অবিকল অনুসরণ করেন নাই—অনেক স্থানেই নিজ কল্পনাকে ফারুরিত করিয়াছেন। পাতালে, বৃত্রজিত, নির্বাসিত দেবগণ মন্ত্রণায় নিযুক্ত। এই স্থানে প্রস্থারস্তঃ। প্রথম সর্গ পড়িয়া অনেকেরই পাণ্ডিমোনিয়মে মন্ত্রণানিযুক্ত দেবদূতগণের কথা মনে পড়িবে। হেমবাবৃ স্বয়ং স্বীকার করিয়াছেন যে, "বাল্যাবধি আমি ইংরাজিভাষা অভ্যাস করিয়া আসিতেছি এবং সংশ্বতভাষা অবগত নহি, স্কুতরাং এই পুস্তকের অনেক স্থানে যে ইংরাজি গ্রন্থকারদিগের ভাবসঙ্কলন এবং সংস্কৃতভাষার অনভিজ্ঞতাদাম-লক্ষিত হইবে তাহা বিচিত্র নহে।" হেমবাবৃ মিল্টনের অনুসরণ করিয়া থাকুন বা না থাকুন, তিনি এ অংশেও যে স্বকীয় কবিত্বশক্তির বিশেষ পরিচয় দিয়াছেন, তাহা পাঠমাত্রেই সন্থান ব্যক্তি বৃক্তিতে পারিবেন। "নিবিভৃধুমল ঘার"

কৃত্রসংহার কাব্য। প্রথম খণ্ড। শ্রীহেন্চক্র বন্দ্যোপাধ্যায় বিরচিত। শ্রীক্রেনাথ ভট্টাচাথ্য কর্তৃক প্রকাশিত। কৃষ্টিকাতা।

সেই পাতাল পুরীর মধ্যে, সেই দীপ্তিশৃত্য অমরগণের দীপ্তিশৃত্য সভা--অল্পাক্তির সহিত বর্ণিত হয় নাই। একটি শ্লোক বিশেষ ভয়ঙ্কর---

> চারিদিকে সম্থিত অক্ট আরাব ক্রমে দেব-বৃন্দম্থে ফুটে ঘন ঘন; ঝটিকার পূর্ব্বে যেন ঘন ঘনছাস বহে যুড়ি চারিদিক আলোড়ি সাগর।

স্বৰ্গভ্ৰষ্ট দেবগণ সেই তমসাচ্ছন্ন, ভীমশব্দপূৰ্ণ সভাতলে বসিয়া, পুনৰ্ব্বার স্বৰ্গ আক্রমণের পরামর্শ করিতে লাগিলেন। দেবমুখে সন্নিবেশিত বাক্যগুলিতে একটি অর্থ আছে; বোধ করি, সকলেই বিনা টিপ্লনীতে ভাহা ব্ঝিতে পারিবেন। অধিক উদ্ধৃত করিবার আমাদিগের স্থান নাই; উদাহরণস্বরূপ তিনটি শ্লোক উদ্ধৃত করিতেছি—

"ধিক্ দেব ! ঘণাশূল, অক্ক-সদয়, এতদিন আছ এই অক্কেস পুরে ; দেবজ, বিভব, বীর্ণা, সর্ব্ব তেয়াগিয়া দাসত্বের কলকেতে ললাট উজ্জ্বলি।" "ধিক্ সে অমরনামে, দৈতাভয়ে যদি

অমরা পশিতে ভর কর দেবগণ, অমরতা পরিণাম পরিশেষে যদি দৈত্য-পদরক্ষ পৃঠে করহ ভ্রমণ।"

"বল হে অমরগণ —বল প্রকাশিয়া দৈত্যভয়ে এইরূপে থাকিবে কি হেথা ? চির অন্ধকার এই পাতাল প্রদেশে, দৈত্য-পদ-রজ:-চিহ্ন বক্ষে সংস্থাপিয়া ?"

এই সর্গে অনেকস্থানে আশ্চর্য্য কবিস্ব প্রকাশ আছে, ভাহা দেখাইবার আমাদিগের অবকাশ নাই। অন্যান্য সর্গ সম্বন্ধে অধিকভর বক্তব্য আছে।

এই দেবসমাঞ্চে ইন্দ্র ছিলেন না। তিনি কুমেরু-শিখরে নিয়তির আরাধনা করিতেছিলেন। অমরগণ বিনা ইন্দ্রেই পুন্যু দ্ব অভিপ্রেত করিলেন।

ছিতীয় সর্গ ইন্দ্রালয়ে। প্রথম সর্গে রৌজ ও বীর রসের তরঙ্গ তুলিয়া কুশলময় কবি সহসা সে ক্র সাগর শান্ত করিলেন। সহসা এক অপূর্ব্ব মাধ্র্য্যময়ী সৃষ্টি সম্প্রসারিত করিলেন। নন্দন বনে বৃত্ত-মহিষী ঐপ্রিলা, নবপ্রাপ্ত স্বর্গমুখেন সুখময়ী— রতি কুলমালা হাতে দের তুলি, পরিছে হরিষে স্থবমাতে তুলি, বদন মণ্ডলে ভাসিছে ব্রীড়া।

এই চিত্রমধ্যে বসন্ত পবনের মাধুর্য্যের স্থায় একটি মাধুর্য্য আছে—কিসের সে মাধুর্য্য, পবন মাধুর্য্যের স্থায় তাহা অনির্ব্বচনীয়—স্বপ্পবং—

> করিছে শয়ন কভূ পারিজাতে মৃত্ল মৃত্ল স্থশীতল বাতে মৃদিয়া নয়ন কুস্কমে হেলি।

এই সুখশয্যায় শয়ন করিয়া, ঐদ্রিলা স্বামীর কাছে সোহাগ বাড়াইভে লাগিলেন। তিনি স্বর্গের অধিশ্বরী হইয়াছেন, তথাপি তাঁহার সাধ পূরে না—শাচাকে আনিয়া দাসী করিয়া দিতে হইবে। রুত্রাস্থর তাহাতে স্বীকৃত হইলেন। এই কথোপকথন আমাদিগের তত ভাল লাগে নাই। ইক্রজয়ী মহাস্থরের সঙ্গে মহাস্থরের মহিষী নন্দনে বসিয়া এই কথোপকথন করিতেছেন, গ্রন্থ পড়িতে পড়িতে ইহা মনে থাকে না, মর্ত্তুমে সামান্তা বঙ্গগৃহিণীর স্বামিসম্ভাষণ বলিয়া কখন কথন ভ্রম হয়।

তৃতীয় সর্গে, বৃত্রাস্থর সভাতলে প্রবেশ করিলেন। নিবিড় দেহের বর্ণ মেঘের আভাস, পর্বাতের চূড়া যেন, সংসা প্রকাশ—

"পর্বতের চূড়া যেন সহস। প্রকাশ" ইহ। প্রথম শ্রেণীর কবির উক্তি— মিল্টনের যোগ্য। ব্রসংহার কাব্য মধ্যে এরূপ উক্তি অনেক আছে।

অন্তান্ত দেবতা পাতালবাসী, কিন্তু কাম ও রতি, স্বর্গ ছাড়িতে পারে নাই—তাহারা বৃত্র এবং মহিষীর পরিচর্য্যায় নিযুক্ত। নহিলে অসুরলন্ধ স্বর্গের প্রকৃতি জংশ হয়। দূরদর্শী কবি এটুকু ভুলেন নাই। বৃত্তের আজ্ঞায়সারে, কাম শচীর সন্ধান বলিয়া দিয়াছিলেন। শচী, এক দেবী মাত্র সঙ্গে লইয়া পৃথিবীতলে নৈমিষারণ্যে বিচরণ করিতেছেন। বৃত্ত সভারত ইইয়া আদেশ করিলেন যে, ভীষণ নামে পরাক্রান্ত অসুর তাঁহাকে আন্যান জন্ম প্রেরিত হউক। প্রথমে কৌশল, কৌশলে না পারে বলে আনিবে। এদিকে স্ব্যাদি দেবগণ মন্ত্রণান্ত্রসারে স্বর্গ নিরোধ করিতে আসিতেছিলেন। বৃত্ত সেই সন্থাদ পাইলেন। বৃত্তান্ত্রর সে কথায় বিশ্বাস করিলেন না,—তখন প্রধান রক্ষক, যেরূপ লক্ষণ দেখিয়া দেবাগমন অনুমান করিয়াছিল, তাহা নিবেদন করিল। সে কয় পংক্তি অমূল্য রত্ত্ব—

কহিলা ঋকভ দৈত্য "শুন, দৈত্যনাথ, ত্রিষাম রন্ধনী যথে, হেরি অকমাৎ দিকে দিকে চারিধারে ক্টমৎ প্রকাশ, জ্যোতির্মন্ন দেহ যেন উন্নলে আকাশ;
নক্ষত্র উদ্ধান্ন জ্যোতি নহে সে আকার;
জানি ভাল দেব-অঙ্গে জ্যোতি যে প্রকার;
ত্রম না হইল কভু কণকাল তান্ন,
চিনিলাম দেব-অঙ্গ-জ্যোতি সে শোভান্ন;
ফুটিতে লাগিল ক্রমে ক্রমে দশদিশে,
যতক্ষণ অন্ধকার অং শুতে না মিশে;
দেখিলাম কত হেন সংখ্যা নাহি তার,
উঠিছে আকাশপ্রান্তে ঘেরি চারি ধার;
বছ দ্বে এখন (ও) সে জ্যোতির উদয়—
দেখতা তাহারা কিন্তু কহিছ নিশ্চন্ন।"

ব্ত্রাস্থ্রের সন্দেহভঞ্জন হইল, তখন যুদ্ধের উত্যোগ হইতে লাগিল।

পরে চতুর্থ সর্গে, নৈমিযারণ্যে স্কুরেশ্বরী শচী, সখীর সঙ্গে কথোপকথন করিতেছেন। স্বর্গচ্যতিত্বংখ সখীর কাছে বলিতেছেন। সে সখী, অন্য কেহ নহে —বিত্যুৎ। বুত্রনাশের জন্য বজ্র সৃষ্টি হয়—বজ্রের অগ্রে বিত্যুতের অস্তিত্ব কল্পনা করিয়াছেন বলিয়া কবি, পাঠকদিগের নিকট কৈফিয়ত দিয়াছেন। দেখা যাইতেছে যে, কবি এই মহাকাব্য প্রণয়ন করিয়া আপনাকে বিপদ্গ্রস্ত মনে করিয়াছেন। তাঁহার মনে ছিল, কথাও অপ্রকৃত নহে—যে যাহারা তাঁহার কাব্য পড়িবে, তাহারা অধিকাংশই আধুনিক অর্দ্ধশিক্ষত বাঙ্গালি—এবং তদপেক্ষা ঘোরতর মূর্থ সমালোচকেরা ইহা সমালোচনা করিবে। স্বতরাং মূর্থ সম্প্রদায়ের ভয়ে ভীত হইয়া কথাটি বিনীতভাবে বুঝাইয়া দিয়াছেন। আমরা তাঁহার এ বিনয়ের প্রশংস্ক করিতে পারিলাম না। এ সময়ে ভবভূতির গর্কোক্তি মনে পড়িল। যে এই মনোমোহিনী বিহ্যুৎ স্কির প্রশংসা না করিবে, সে তাঁহার এই মহাকাব্য পড়িবার যোগ্য নহে, তাহাকে বুঝাইবার প্রয়োজন নাই।

হেমবাবুর বিহ্যুৎ অভ্যন্ত মনোমোহিনী, স্থুসঙ্গতা, এবং যথাস্থানে সন্ধিবে-শিতা। আমরা বলিতে পারি না, কবির কি অভিপ্রায়, কিন্তু আমাদিগের এমন একটু ভরসা আছে যে বক্স স্পষ্ট হইলে, কাব্যমধ্যে স্থুন্দরী চঞ্চলা এবং মহাবীর বজ্জের পরিণয় দেখিতে পাইব—চির-প্রথিত রূপ ও বলের সংযোগ—বাহ্য প্রকৃতির চরমোৎকর্ষ, বাঙ্গালার কবির গানে গীত হইবে। আমাদিগের এ সাধ কি পুরিবে ?

চঞ্চলার নিকটে শচীর বিলাপ, অতি মধুর অতি সকরণ। ঐদ্রিলার বাক্যে যে মানুষিক্তা দোষ লক্ষিত হইয়াছে, ইহাতে সে দোষ নাই; ইহা সম্পূর্ণরূপে । দেবীর যোগ্য। বোধ হয় এই প্রভেদ, কবির অভিপ্রেত। দেবদৈত্যে প্রভেদ অবশ্য রক্ষণীয়। তথাপি দৈত্যের দৈত্যত্ব থাকা আবশ্যক। অম্মত্র তাহা আছে। এই শচীবিলাপ হইতে, উদাহরণস্বরূপ আমরা কিয়দংশ উদ্ধৃত করিতেছি—

স্থপনে যন্তপি ছাই,

সে কথা ভূলিতে চাই,

দেবেরে স্থপন নাহি আসে !

জাগ্ৰতে সে দেখি যাহা,

চিত্ত দশ্ব করে তাহা,

প্রাণে যেন মরীচিকা ভাসে !

নয়নের কাছে কাছে,

সতত বেড়ায় স্থাঁচে,

স্বরগের মনোহর কায়া।

সকলি তেমতি ভাব,

দৃষ্টিপথে আবিৰ্ভাব,

কিন্তু জানি সকলি সে ছায়া!

ভ্ৰান্তি যদি হৈত কৰু,

কিছুক্ষণ স্থান্থ তবু,

পাকিতাম যাতনা ভূলিয়া।

হায় এ মাটীর ক্ষিতি,

পায়ে বাব্দে নিতিনিতি

শিলা বেন কঠোর কর্কণ!

শুনিতে না পাই ভাল,

শব্দ যেন সর্ব্যকাল,

কর্ণসূলে ঝটিকা পরশ !

এ কুদ্র ক্ষিতিতে থাকি, কেমনে শবীর রাখি,

স্থিরে স্কলি হেথা সুল !

নিত্য এ পর্বাতাজ্ঞান.

আকুল করে পরাণ,

কেমনে সে বাঁচে নর-কুল !

অমর-মরণ নাই.

কত কান ভাবি তাই,

এত কষ্টে এখানে থাকিব।

যথনি ভাবি লো সই,

তখনি তাপিত হই,

চিরদিন কেমনে সহিব॥

ष्यनस्र योवन देनदाः

ইন্দ্রের বনিতা হৈয়ে,

ভোগ করি স্বর্গবাস স্থথ।

কিন্ধপে থাকিব হেথা,

হইয়া অনস্তচেতা,

नत्रलां महिया এ दूथ।

এই কাব্যে হেমবাবু একটি অসাধারণ ক্ষমতা দেখাইয়াছেন—অতি অল কথায়, অভিশয় সম্পূর্ণ এবং উজ্জল চিত্র সমাপন করিতে পারেন; শ্রেষ্ঠ কবিমাত্রেই এই ক্ষমতার অধিকারী। শচীবিলাপ হইতে আমরা একটি উদাহরণ প্রযুক্ত করিতেছি---

কেমনে ভূলিব বল,

মেঘে যবে আপওল,

বসিত কামু ক ধরি করে:

তুই সে মেঘের অঙ্গে,

থেলাতিস্ কত রঙ্গে,

षठे। कति नश्दत नश्दत !

কি শোভা হইত তবে,

বসিতাম কি গৌরবে,

পার্ষে তাঁর নীরদ আসনে !

হইত কি ঘন ঘন,

মৃত্ মন্দ গ্রজন,

মেঘে যবে তুলাত পবনে !

কামদেব, প্রভুর আজ্ঞায় শচীর সন্ধান বলিয়া দিয়াছিলেন বটে, কিন্তু কামদেব শচীর নিকট নিতান্ত বিশ্বাসঘাতক নহেন। শচী ধরিবার ব্যবস্থা শুনিয়া ভীত হইয়া, নৈমিযারণ্যে সম্বাদ দিতে আসিলেন। তখন কবি, অকস্মাৎ প্রথম শ্রেণীর নাটককারের ক্ষমতা প্রকাশ করিতেছেন। স্বদলত্যাগী অস্থ্রদাস কামদেবকে দেখিয়া দেবীদ্বয় ব্যঙ্গ করিতে লাগিলেন। চপলার ব্যঙ্গ তৎস্বভাবান্ত্ন্যায়ী, স্পাষ্ট স্পাষ্ট, উগ্রা, তপ্ত এবং চাপল্যব্যঞ্জক, যথা—

শুনি নাকি মাল্যকার,

হৈয়ে এবে আছ, মার!

ঐদ্রিলার উচ্চান সাজাও?

নিজ করে গাঁথ মালা,

সাজাতে দানববালা,

মালা গাথি অস্তুরে পরাও ?

এত গুণপনা তব,

জানিলে হে মনোভব,

নিত্য গাঁথাতাম পুষ্পহার।

থাকিতে সে অন্তমনে,

ত্যজি পুষ্পশরাসনে,

ত্রিছুবন পাইত নিস্তার ॥

বড় মাগে চেলি চেলি,

পুষ্পধন্ম পুঠে ফেলি

বেড়াইতে মনোহর বেশে।

ত্যক্ত করি বারে বারে,

সর্কলোকে সবাকারে

শুন কাম এই তার শেষে॥

শচীর ব্যঙ্গও শচীর যোগ্য, গম্ভীর এবং গৃঢ়ার্থ। যথা— শচী কহে চপলারে, "গঞ্জনা দিওনা মারে,

হুখে আছে হুগে থাক কাম,

এ পীড়া হৃদয়ে ধরি,

অর্গপুরী পরিহরি,

পুরাইত কিবা মনস্বাম ?

ভাবনা বাতনা নাই,

मना स्थी मर्काठीहै,

চিরজীনী হ(উ)ক সেইজন।।

রতির কপাল ভাল,

স্থাপে আছে চিরকাল,

সহে না সে এ পোড়া যাতন।

প্রহায়, কৌশল কিবা,

আমারে শিখারে দিবা

मना स्थ চिख किरम हम ;

কিন্ধপে ভূলিব সব,

তুমি যথা মনোভব,

নিত্য স্থা নিত্য হাস্তময় ?"

কন্দর্পের উত্তর সর্ব্বাপেক্ষা উৎকৃষ্ট—

কন্দৰ্প অপান্দ ঠারে,

শাসাইয়া চপলারে,

সমন্ত্রমে শচী প্রতি কয়।—

"মুখতুখ ইন্দ্রবিয়া,

সকলি বাসনা নিয়া,

যুক্তির আয়ন্ত সে নয়।

ছাড়িয়া নন্দন-বনে,

কোথায় সে ত্রিপুবনে

যুড়াইবে কন্দর্পের প্রাণ।

কামের বাঞ্চিত যাহা,

নন্দন ভিতরে তাহা

না পাইব গিয়া অক্সন্থান।।

সেবি সে অস্থ্র নর,

কিবা দেবী কি অমর,

তাই স্বৰ্গ না পারি ছাড়িতে।

যার যেথা ভালবাসা,

তার সেথা চির্মাণা

স্থ হুথ মনের খনিতে॥"

কন্দর্প বৃত্রকৃত শচীহরণের পরামর্শ বলিয়া দিলেন। শুনিয়া শচী প্রথমে স্তম্ভিত হইয়া, পরে রোদন করিতে লাগিলেন। শেষে নিরুপায় হইয়া তপঃস্থিত ইল্রের অভাবে পুজ্ঞ জয়ন্তকে স্মরণ করিলেন।

পরে পঞ্চমদর্গে জয়স্তের আগমনে বিলম্ব দেখিয়া চপলা ইন্দ্রাণীকে বৈকুঠে বা কৈলাদে বা ব্রহ্মালয়ে আশ্রয় লইতে পরামর্শ দিলেন। কিন্তু যিনি ইন্দ্রপত্নী মুরেশ্বরী তিনি বৈকুঠেও পরাশ্রয় গ্রহণ করিতে স্বীকার করিলেন না। তখন চপলা ছদ্মবেশ গ্রহণের পরামর্শ দিলেন। শচীর উত্তর পাঠে সকলেরই আনন্দ জ্বাবি।—

"শুনলো চপলা।

শচী কভু নাহি জানে কুহকীর ছলা।।

চিরদিন থেইরূপ জানে সর্বজন,
সহ চরি, সেইরূপ শচীর (ও) এখন।

আসিছে দংশিতে ফণী, করুক দংশন—
নিজরূপ, সথি, নাহি ত্যজিব কখন।"
বলিতে বলিতে আত্যে হইল প্রকাশ

অপূর্ব্ব গরিমা-ছটা কিরণ আভাস।

নয়ন, ললাট, গণ্ড হৈল জ্যোতির্ময়— স্বাষ্ট্রর স্বজনে যেন নব স্র্যোদয় ! দেখিয়া চপলার বড় আনন্দ হইল। বোর কিণ্ড প্রচণ্ড উন্মাদ যেই জন, হেরে ন্তন্ধ হয় সেই, সে নেত্র বদন। চপলা তখন সেই মূর্ন্তির শোভনোপ-

যোগী মায়াবন সৃষ্টি করিলেন—

মোহিনী-মোহকর মহীরুহ-রাজি
প্রকাশিল স্থানর কিসলয়ে সাজি।
ধাবিল সমীরণ মলর স্থানির;
চুম্বনে ঘন ঘন কুসুম আননির।
কাঁপিল ঝরঝর তরুশিরে সাধে,
শিহরিত পল্লব মর মর নারে।
হাসিল ফুলকুল মঞ্লমঞ্ল,
মোদিত মুহবাসে উপবন ফুল।

কোকিল হর্মিল কুছরবে কুঞ্জ;
শোভিল সরোবরে সরোজিনীপুঞ্জ।
নাচিল চিতস্থধে ময়ুর কুরজ;
গুপ্পরে ঘন ঘন মধুপানে ভূজ।
স্থলর শতদল প্রিয়তর আভা—
স্থর্ম অরধ, অরধ শশিশোভা,—
শোভিল স্থতরুল স্থল জল অজে;বিরচিলা হুাদিনী মারাবন রঙ্গে।

পরে জয়ন্ত আসিয়া উপস্থিত হইলেন; মাতা পুত্রে অনেক সম্নেহ এবং সকরুণ কথোপকথন হইল এবং জয়ন্ত সবিশেষ বৃত্তান্ত শুনিলেন। এদিকে চপলা নন্দনতুল্য বনবিকাশ করিয়া আনন্দে ভ্রমণ করিতেছিলেন, এমত সময়ে দূতসহ ভীষণ সেই স্থলে উপস্থিত।—তাহারা মত্যে নন্দন-শোভা দেখিয়া বিশ্বিত হইল। চপলাকে দেখিতে পাইয়া তাঁহাকে জিজ্ঞাসা করিল। পরে যাহা ঘটিল তাহা গ্রন্থকারের মুখে শুনিতে হইবে—

চপলা কহিলা "কেন, কিসের কারণ নৈমিধ অরণ্য দোহে কর অঘেষণ ? এই সে নৈমিয়, আমি নিবসি এপানে; প্রকাশিয়া বল শুনি কি বাসনা প্রাণে ? দিব-ইচ্ছা যাহা তব. এ বন আমার— দেখ অরণ্যের কৈছু নন্দন আকার। বল আগে, কার দৃত পুরুষ কি নারী? পার কি চিনিতে, বুঝি আমি যেন পারি। হাতে দেখি পারিজাত, না হবে মানব— হায় রে দে বর্গ, যথা অনর বৈভব।" ভাবিল ভীষণ, তবে হবে এই শচী নিবারিতে ক্লেশ মর্ত্তে আছে স্বর্গ রচি। প্রকৃষ্ণ পরাণে করে "ধর এই ফুল-পাছে নাহি মান, চিহ্ন আনিয়াছি সুল; দেব-দৃত আমি, দেবি, ইন্দ্রের প্রেরিত, তুমি হ্মরেশরী শচী তুবনে বিদিত।

যুদ্ধে জয়, অনরের স্বর্গ অধিকার: তিরত্বত দৈত্যকুল তাড়িত আবার; স্বৰ্গ এবে শান্ত পুনঃ, তাই স্তরপতি পাঠাইলা, লৈতে তোমা আপন বসতি।" ঈষং হাসিয়া তাহে চপলা কহিলা. "আমায়, সন্দেশ্বহ চিনিতে নারিলা। পেয়েছ দূতের পদ, শিগ নাহি ভাল-ইন্দ্রের দূতত্বপদ বড়ই জঞ্চাল ! শিখাব উত্তম রূপে পাই সে সময়, ভূমি দূত, আমি দূতী জানিহ নিক্য়। পুরাতনে প্রয়োজন নহিলে কি এত ? নৃতনে নৃতন জালা, বুঝে না সঙ্কেত।" শিব ! বলি, দূতবেশী কছে দৈত্যচর "চিনেছি, চিনেছি - ম্রান্তি নাহি অতঃপর— শচী-সহচরী তুমি বিষ্ণুর মহিলা"---"व्यावात जुनिना पृठ" हलना कहिना;

"থাক্ নেনে, আর কেন দেও পরিচয়—
মূর্থের অশেষ দোব, কহিম্থ নিশ্চয়;
আন্তে দৃত, বুঝা গেছে তব গুণপনা—
নারী চেনা, মণি চেনা ছর্ঘট ঘটনা।

নহি হরিপ্রিয়া আমি বৈষ্ণবী কমলা; শুন দৃত, শচীদৃতী আমি সে চপলা। আশা করি আসিয়াছ ইক্সের আদেশে, না হবে নৈরাশ, ভাগ্যে ঘটে যাহা শেষে।"

চপলা অকুতোভয়ে দৈত্যম্বয়কে শচী সমীপে লইয়া গেলেন। দৈত্যম্বয় সেই প্রশাস্ত গম্ভীর তেন্তোময় আকার দেখিয়া মুগ্ধ হইয়া রহিল। এমন সময়ে জয়স্ত তাহাদিগকে দেখিতে পাইয়া ক্রত আসিয়া ভীষণের মুগুচ্ছেদ করিলেন।

যন্ত সর্গে দেবগণ স্বর্গ নিরোধ করিয়াছে। দেবদৈত্যের সেই যুদ্ধ বর্ণনা বাঙ্গালাভাষায় অতুল্য; মেঘনাদ-বধে ইহার তুল্য যুদ্ধ বর্ণনা কোথাও আছে আনাদিগের স্মরণ হয় না। এ বর্ণনা পৃথিবীর শ্রেষ্ঠ কবিদিগের যোগা। উদ্ধৃত করিতেছি।—

বেষ্টিগাছে ইম্বপুরী দেব-মনীকিনী; চৌদিকে বিশ্বত যেন সাগর-সিক্তা. যোজন যোজন বাপ্তি, প্রদীপ্ত ভাকতে-দেবকুল সেইরূপ দিক আচ্ছাদিয়া। দুরস্থিত, সন্নিহিত, যত শৈলরাঞ্জি, অস্টোদ্য-গিরিশুক্ষ, প্রভায় উচ্ছন, অন্তের সমুদায নক্ষত্র বা যথা বিত্তীর্ণ হইয়া দীপ্তি ধরে চতুর্দিকে। প্রাচীরে প্রাচীরে দৈত্য ভীষণদর্শন---পাষাণ-সদৃশ-বপু: দীর্ঘ, উরম্বান-নানা অন্ত্র ধরি নিত্য করে পরিক্রম, ভীম দর্পে, ভীম তেজে, গর্ছিল্যা গর্ছিল্যা। জাগ্রত, স্থাসজ সদা যুদ্ধের সজ্জায়, ভ্ৰমে দৈতা বুৰো বুৰো, স্বৰ্গ আন্দোলিয়া, আচ্ছাদি স্থমের-অঙ্গ, বৈজয়ন্ত ঢাকি, ঘোর শব্দ, সিংহনাদে, অম্বর বিদারি । অন্তর্মন্ত শৈলবৃষ্টি, প্রতি অহরহঃ, অনম্ভ আকুল করি উভয় সৈক্তেতে;

রাত্রিদিবা যেন শূন্তে নিয়ত বর্ষণ বিছাত-মিখিত শিলা দিগে দিগে ব্যাপি। ত্রিদশ আলয়ে হেন অমর দানবে • জলিছে সমরবহি নিতা অহরহ: : বেষ্টিত অমরাবতী দেব-সৈহদলে, স্থুদুদ্দর উভ দেবতা দম্বকে। অর্ণবের উর্শিরাশি যথা প্রবাহিত অহর্নিশি অফুক্ষণ, বিরত-বিশ্রাম: ম্রোতস্বতী বিধাবিত নিয়ত যদ্রপ ধারা প্রসারিয়া সদা সিন্ধ-অভিমুখে: অথবা সে শৃক্তে যথা আহ্নিক গতিতে ভ্রমে নিত্য ভূমণ্ডল পল অতুপল ; কিমা নিরস্তর যথা অবিচ্ছেদ-গতি অশব্দ তরঙ্গ চলে কালের প্রবাহে: সেইরূপ অবিশ্রাম দানব-অমরে হয় যুদ্ধ অহরহ: স্বর্গ-বহির্দেশে; জয়, পরাজয়, নিত্য নিত্য অনিশ্চয়— দৈত্যের বিজয় কতু, কথন ত্রিদশে।

বিরক্ত হইয়া দৈতাপতি যোদ্ধবর্গকে তিরস্কৃত করিতে লাগিলেন এবং স্বয়ং মুদ্ধে যাইবেন বলিয়া শিবদত্ত ত্রিশূল আনিতে আজ্ঞা দিলেন। দেখিয়া ব্রপুত্র মুবা বীর রুদ্রপীড় তাঁহাকে ক্ষান্ত করিয়া স্বয়ং যুদ্ধে যাইতে অমুমতি প্রার্থনা করিলেন।—

বীরের দ্বর্গই যশ: যশ (ই) সে জীবন। সে যশে কিনীট আজি বান্ধিব শিরুসে॥

বৃত্রের উত্তরে যে বীরবাক্য আছে ভাহাও উদ্ধৃত না করিয়া থাকিতে পারিলাম না।

"তবে যে বৃত্তের চিত্তে সমরের সাধ
অন্থাপি প্রজ্ঞল এত, হেড়ু সে তাহার
যশোলিকা নহে, পুত্র, অক্ত সে লালসা,
নারি ব্যক্ত করিবারে বাক্যে বিক্তাসিয়া!
"অনন্ততরক্ষমর সাগর-গর্জ্জন,
বেলাগর্ভে দাঁডাইলে, যথা স্থপমর;
গভীর শর্বরীযোগে গাঢ় ঘনঘটা
বিহাতে বিদীর্ণ হয়, দেখিলে যে স্থথ;—
"কিম্বা সে গকোত্রী পার্ষে একাকী দাঁড়ায়ে
নির্ধি যথন অম্বানি ঘোর নাদে
পড়িছে পর্বতেশৃক্ষ স্রোভে বিল্পিরা,
ধরাধর ধরাতল করিয়া কম্পিত।

"তথন অন্তরে যথা, শরীর পুলকি,

ছর্জ্জয় উৎসাহে হয় স্থা বিমিড়িত;

সমর-তরঙ্গে পশি, থেলি যদি সদা,

সেই স্থাও চিত্তে মম হয় রে উথিত।

"সেই স্থা, সে উৎসাহ, হয় কত কাল!

না ধরি হৃদরে, জয় খার্গ যে অবধি,

চিত্তে অবসাদ সদা—কোথাও না পাই

দিতীয় জগৎ গুদ্দে পুরাইতে সাধ।

"নাহি স্থান ত্রিত্বনে জিনিতে সংগ্রামে,
ভাবিয়া বুত্রের চিত্তে পড়িয়াছে মলা;

দেখ এ ত্রিশূল অগ্রে পড়িয়াছে যথা

সমর-বিরতি চিত্ন, কলক গভীর!

এমত সময়ে দৃত আসিয়া ভীষণের বধবার্তা জ্ঞাপন করিল। তথন রুষ্ট দৈত্যপতি পুদ্রকে শচী আনয়নে যাত্রা করিতে আদেশ করিলেন। মন্ত্রী নিষেধ করিল। স্বর্গদারে দেবগণ যুদ্ধ করিতেছে; কুমার কি প্রকারে সে ব্যুহভেদ করিয়া গমন করিবেন? নির্গমন করিলেই বা কি প্রকারে আবার পুরী প্রবেশ করিবেন? বৃত্র পুত্রের সঙ্গে শত যোদ্ধা ও তাঁহার হত্তে শিবত্রিশূল দিতে চাহিলেন। মন্ত্রী বিলিল, শুল না থাকিলে পুরী রক্ষা শহুট হইবে; তথন—

ক্রকৃটি করিয়া তবে নলাট প্রদেশে
স্থাপিয়া অঙ্গুলিছয়, গর্ব্ব প্রকাশিয়া,
কহিলা দানবপতি—"স্থমিত্র, হে এই—
এই ভাগ্য যত দিন পাকিবে বৃত্তের,
"জগতে কাহার সাধ্য নাহি সে আমায়
সমরে পরান্ত করে—কিয়া অকুশল;
অন্তুক্ল ভাগ্য যার অসাধ্য কি তায়—
ধর রে ত্রিশূল, পুত্র, বীর রুদ্রপীড়।"

কুন্দ্রশীড় ত্রিশূল লইল না। শত যোদ্ধা লইয়া শচীহরণে চলিল। এবং প্রভারণা দ্বারা দেবসৈক্ত হস্ত হইতে মুক্ত হইয়া মতে গ্র গমন করিল।

আমরা ছয় সর্গের বৃত্তাস্ত লিখিলাম। আর চারি সর্গ বাকি আছে। আগামী সংখ্যায় তৎসমালোচনে প্রবৃত্ত হইব।

প্রাপ্ত গ্রন্থের দাক্ষিপ্ত

(সম্পাদকীয় উক্তি)

হুসংখ্যক গ্রন্থ আমাদিগের নিকট অসমালোচিত রহিয়াছে। গ্রন্থকারগণও ব্যস্ত হইয়াছেন। কেন সে-সকল গ্রন্থ এপর্য্যন্ত সমালোচিত হয় নাই, তাহা যে বুঝে না, তাহাকে বুঝান দায়। বুঝাইতেও আমরা বাধ্য কি না তদ্বিষয়ে সন্দেহ। কিছ বুঝাইলেও ক্ষতি নাই। প্রথম, স্থানাভাব। বঙ্গদর্শনের আকার ক্ষুদ্র; অক্যান্য বিষয়ের সন্ধিবেশের পরে প্রায় স্থান থাকে না। দ্বিতীয় অনবকাশ। আজি কালি বাঙ্গালা ছাপাথানা ছারপোকার সঙ্গে তুলনীয় হইয়াছে; উভয়ের অপত্য বুদ্দির সীমা নাই, এবং উভয়েরই সন্তানসন্ততি কর্দব্য এবং ঘুণাজনক। যেখানে ছারপোকার দৌরাত্ম্য দেখানে কেহ ছারপোকা মারিয়া নিংশেয করিতে পারে না: আর যেখানে বাঙ্গালা গ্রন্থ সমালোচনার জন্ম প্রেরিত হয়, সেখানে তাহা পড়িয়া কেছ শেষ করিতে পারে না। আমরা যত গ্রন্থ সমালোচনার জন্ম প্রাপ্ত হইয়া থাকি, তাহা সকল পাঠান্তর সমালোচনা করা যায়, এত অবকাশ নিম্বর্দ্মা লোকের থাকিতে পারে, কিন্তু বঙ্গদর্শনলেখকদিগের কাহারও নাই। থাকিবার সম্ভাবনাও নাই। থাকিলেও, বাঙ্গালা গ্রন্থমাত্র পাঠ করা যে যন্ত্রণা, তাহা সহ্য করিতে কেহই পারে না। "রুত্রসংহার" বা "কল্পতরু" বা তত্ত্বং অক্সান্ত বাঙ্গালা গ্রন্থ পাঠ করা সুথের বটে, কিন্তু অধিকাংশ বাঙ্গালা গ্রন্থ পাঠ করা এরূপ গুরুতর যন্ত্রণা যে. ভাহার অপেক্ষা অধিকতর দণ্ড কিছুই আমাদের আর স্মরণ হয় না।

অনেকে বলিতে পারেন, যদি তোমাদিগের এ অবকাশ বা ধৈর্য্য নাই, তবে এ কাজে ব্রতী হইয়াছিলে কেন ? 'ইহাতে আমাদিগের এই উত্তর যে, আমরা বিশেষ না জানিয়া এ ছন্ধর্ম করিয়াছি। আর করিব না। বঙ্গদর্শনে যাহাতে সংক্ষিপ্ত সমালোচনা আর না প্রকাশ হয় এমত চেষ্টা করিব।

আমাদের স্থুল বক্তব্য এই যে, আমাদের নিকট যে সকল গ্রন্থ একণে অসমালোচিত আছে বা যাহা ভবিন্ততে প্রাপ্ত হইব, তৎসম্বন্ধে সংক্ষিপ্ত সমালোচনা আর বঙ্গদর্শনে প্রকাশিত হইবে না। কোন কোন গ্রন্থের সম্বন্ধে আমরা পূর্ববিপ্তারে সমালোচনা করিব।



একটা গীত

ন্ প্রসন্ন, তোকে একটা গীত শুনাইব।" প্রসন্ন গোয়ালিনী বলিল, "আমার এখন গান শুনিবার সময় নয়— ছধ যোগাবার বেলা হলো।"

কমলাকান্ত। "এসো এসো বঁধু এসো"—

প্রসন্ন। "ছি ছি ছি! আমি কি তোমার বঁধু?"

কমলাকান্ত—"বালাই ! যাট, তুমি কেন বঁধু হইতে যাইবে γ আমার গীতে আছে —

এসো এসো বঁরু এসো—আধ আঁচরে বসো—

স্থুর করিয়া আমি কীর্ত্তন ধরাতে প্রসন্ম ছধের কেঁড়ে রাখিয়া বসিল, আমি গীতটি আফোপান্ত গায়িলাম।—

"এসো এসো বঁধু এসো, আধ অঁ।চন্নে বসো নয়ন ভরিয়ে ভোমায় দেখি।

ष्यत्नक भिवतम्,

মনের মানসে

তোমাধনে মিলাইল বিধি।

মণি নও মাণিক নও

যে হার করে গলে পরি,

ফুল নও যে কেশের করি বেশ।

নারী না করিত বিশি,

তোমা হেন গুণনিধি,

লইয়া কিরিতাম দেশে দেশ॥

বঁধু তোমায় যখন পড়ে মনে, ়

আমি চাই বৃন্দাবন পানে

আলুইলে কেশ নাহি বাধি।

রন্ধনশালাতে যাই, ভুরা বঁধু গুণ গাই, ধূঁ রার ছলনা কোরে কাঁদি ॥"

মিল ত চমৎকার, "দেখি" আর "বিধি" মিলিল ! কিন্তু বাঙ্গালা ভাষায়, এইরপ মোহমন্ত্র আর একটি শুনিব, মনে বড় সাধ রহিয়াছে। যথন এই গান প্রথম কর্ণ ভরিয়া শুনিয়াছিলাম, মনে হইয়াছিল, নীলাকাশতলে ক্ষুদ্র পক্ষী হইয়া এই গীত গাই—মনে হইয়াছিল, সেই বিচিত্র স্প্তিকুশলী কবি শ্রীমন্তাগবতকারের স্প্তি দৈববংশী লইয়া, মেঘের উপর যে বায়ুস্তর—শন্দশৃত্য, দৃগ্যশৃত্য, পৃথিবী যেখান হইতে দেখা যায় না, সেইখানে বসিয়া, সেই মুরলীতে, একা এই গীত গাই—এই গীত কথন ভুলিতে পারিলাম না; কথন ভুলিতে পারিব না।

এলো এলো বঁধু এলো —

লোকের মনে কি আছে বলিতে পারি না, কিন্তু আমি কমলাকান্ত চক্রবর্তী, বৃঝিতে পারি না যে, ইন্দ্রিয় পরিতৃপ্তিতে কিছু স্থুখ আছে। যে পশু ইন্দ্রিয়-পরিতৃপ্তিজ্ঞস্থ পরসন্দর্শনের আকাজ্জী, সে যেন কখন কমলাকান্ত শর্মার দপ্তর মুক্তাবলী পড়িতে বসে না। আমি বিলাসপ্রিয়ের মুখে "এসো এসো বঁধু এসো" বুঝিতে পারি না। কিন্তু ইহা বুঝিতে পারি যে, মনুয়া মনুয়ের জন্ম হইয়াছিল— এক স্থান্ম অন্ত জ্বাদয়ের জন্ত হইয়াছিল – সেই স্থান্য ক্রাদয়ে সংঘাত, স্থান্য স্থান্য মিলন, ইহা মারুষ্য-জীবনের স্থ । ইহজন্মে মারুষ্য-হাদয়ে একমাত্র তৃষা, অস্ত হাদয়ে কামনা। মহুশ্য-হাদয় অনবরত হাদয়ান্তরকে ডাকিতেছে, "এসো এসো বঁধু এসো।" কুত্র কুত্র প্রবৃত্তি সকল শরীর রক্ষার্থ—মহতী প্রবৃত্তি সকলের উদ্দেশ্য, "এসো এসো বঁধু এসো।" তুমি চাকরি কর, খাইবার জগু—কিন্তু যশের আকাজ্জা কর, পরের অমুরাগ লাভ করিবার জ্ব্যা—জনসমাজের হাদয়কে ভোমার হাদয়ের সঙ্গে মিলিড করিবার জন্য। তুমি যে পরোপকার কর, সে পরের হাদয়ের ক্রেশ আপন হাদয়ে অমুভূত কর বলিয়া। তুমি যে রাগ কর, সে তোমার মনোমত কার্য্য হইল না বলিয়া, হৃদয় হৃদয়ে আসিল না বলিয়া। সর্বত্র এই রব—"এসো এসো বঁধু এসো।" সর্ব্ব কর্শ্মের এই মন্ত্র, "এসো এসো বঁধু এসো।" জড় জগতের নিয়ম, আকর্ষণ। বৃহৎ গ্রহ, উপগ্রহকে ডাকিতেছে "এসো এসো বঁধু এসো।" সৌরপিণ্ড বৃহৎ গ্রহকে ডাকিতেছে, "এসো এসো বঁধু এসো।" জগৎ জ্বগদন্তরকে ডাকিতেছে "এসো এসো বঁধু এসো।" পরমাণু পরমাণুকে অবিরত ডাকিতেছে—"এসো এসো বঁধু এসো।" অভূপিও সকল, গ্রহ, উপগ্রহ, ধৃমকেতু—সকলেই এই মোহমন্ত্রে বাঁধা পড়িয়া ঘুরিতেছে। প্রকৃতি পুরুষকে ডাকিতেছে "এসো এসো বঁধু এসো।" ৰগতের এই গম্ভীর অবিশ্রাম্ভ ধ্বনি—"এসো এসো বঁধু এসো।" কমলাকান্তের বঁধু কি আসিবে ৷

আধ আঁচরে বসো

এই তৃণশশ্পসমান্তর, কন্টকাদিতে কর্কশ সংসারারণ্যে, হে বাছিত। তোমাকে আর কি আসন দিব, আমার এই স্থাদ্যাবরণের অর্জেকে উপবেশন কর। তোমার হুংখ, তোমার কুশ-কন্টকাদি আচ্ছাদন জন্য আমি এই আপন অঙ্গ অনাবৃত্ত করিতেছি—আমার আঁচরে বসো। যাহাতে আমার লক্ষারক্ষা, মানরক্ষা, যাহাতে আমার লোভা, হে মিলিত। তুমিও তাহার অর্জেক গ্রহণ কর—আধ আঁচরে বসো। হে পরের হুদয়, হে স্থলর, হে মনোরঞ্জন, হে স্থখদ। কাছে এসো, আমাকে স্পর্শ কর, আমি তোমাতে সংলগ্ন হইব,—দূরে আসনগ্রহণ করিও না—এই আমার শরীরলগ্ন অঞ্চলার্জে বসো। হে কমলাকান্ত। হে ত্র্বিনীত। হে আজন্মবিবাহশূন্য, তুমি এতদর্থে শান্তিপুরে কলকাদার আঁচলের আধ্যানা বৃঝিও না। তুমি যে অঞ্চলার্জে বসিবে, তাহার তাঁতি আজিও জ্বেন্ম নাই। মনের নগ্নজ্ব জ্ঞানবন্তে আনৃত; অর্জেকে তোমার হৃদয় আনৃত রাখ, অর্জেকে বাঞ্ছিতকে বসাও। তুমি মূর্থ—তথাপি তোমার অপেক্ষা মূর্থ যদি কেহ থাকে তাহাকে ডাক—"এসোঃ এসো বঁধু এসো—আধ গাঁচরে বসো।"

নয়ন ভরিয়া তোমায় দেখি

ভরিয়া আত্মধন দেখিতে পাইয়াছ ? তুমি যশসী হইবার জম্ম প্রাণপাত করিয়াছ— কিন্তু আত্মযশোরাশি দেখিয়া কবে ভোমার নয়ন ভরিয়াছে ? রূপভৃষ্ণায় ভূমি ইহজীবন অতিবাহিত করিলে—যেখানে ফুলটি ফুটে, ফলটি দোলে, যেখানে পাখীটি উড়ে, যেখানে মেঘ ছুটে, গিরিশুঙ্গ উঠে, নদী বছে, জল ঝরে, তুমি সেইখানে রূপের অমুসন্ধানে ফিরিয়াছ—যেখানে বালক, প্রফুল্ল মুখমণ্ডল আন্দোলিভ করিয়া হাসে, যেখানে যুবতী ব্রীড়াভরে ভাঙ্গা ভাঙ্গা হইয়া শন্ধিতগমনে যায়, যেখানে প্রোঢ়া নিতান্ত ক্ষূটিত মধ্যাহ্ন পদ্মিনীবৎ অকাতরে রূপের বিকাশ করে, ভূমি সেইখানেই রূপের সন্ধানে ফিরিয়াছ; কখন নয়ন ভরিয়া রূপ দেখিয়াছ 🟲 দেখ নাই কি যে, কুন্থম দেখিতে দেখিতে শুকায়, ফল দেখিতে দেখিতে পাকে, भर्फ, भरह, भरत ; भाशी छेड़िया यात्र, स्म हिनद्रा यात्र, भित्रि ध्रम नुकात्र, नमी ওকায়, চাঁদ ভূবে, নক্ষত্র নিবিয়া যায় ? শিশুর হাসি রোগে হরণ করে, যুবতীর বীড়া—কিসে না যায় ? প্রোঢ়া বয়সে শুকাইয়া যায় ৷ ইহা সংসারের ছ্রদৃষ্ট— কেহ কিছু নয়ন ভরিয়া দেখিতে পায় না। অথবা এই সংসারের শুভাদৃষ্ট— কেহ কিছু নয়ন ভরিয়া দেখিতে পায় না। গতিই সংসারের সুখ-চাঞ্চল্যই मः मार्रादाद स्मोन्पर्य। नग्नन ७ दत्र ना। स्म नग्नन व्यामता भारे नारे। भारेस সংসার হংখনয় হইত ; পরিতৃত্তি রাক্ষ্স আমাদের সকল সুখকে গ্রাস করিত i

কোন কারিগর অভিসন্ধি করিয়া এই পরিবর্ত্তনশীল সংসার, আর এই অতৃপ্য নয়ন স্ঞ্জন করিয়াছিলেন কি না বলিতে পারি না: কিন্তু যদি কারিগরের কারি-গরি থাকে, তবে কারিগরির উপর কারিগরি, এই বাসনা, নয়ন ভরিয়া ভোমায় দেখি। জগৎ পরিবর্ত্তনশীল, নয়নও অতৃপ্য, অথচ বাসনা--নয়ন ভরিয়া তোমায় सिथि।

হে রূপ ! হে বাহা সৌন্দর্য্য ! হে অম্বঃপ্রকৃতির সহিত সম্বন্ধবিশিষ্ট ! কাছে স্মাইস, নয়ন ভরিয়া ভোমায় দেখি। দূরে বসিলে দেখা হইবে না, কেননা দেখা কেবল নয়নে নহে। সংস্পূর্ণ বা নৈকট্য ব্যতীত মনের বৈত্যতী বহে না—আমরা नर्स भंतीत्र (पथिया थाकि। মনে इटेंएक মনে বৈছ্যুতী চলিলে তবে নয়ন ভরিবে। ছায় ! কিসেই বা নয়ন ভরিবে ! নয়নে যে পলক আছে ।

অনেক দিবসে.

মনের মানসে

[FIER

তোমা ধনে মিলাইল বিধি ছে।

আমি কখন কখন মনে করিয়া থাকি, কেবল হুঃখের পরিমাণ জভাই দয়া করিয়া বিধাতা দিবসের সৃষ্টি করিয়াছিলেন। নহিলে কাল অপরিমেয়, মন্থব্য-ছঃখ অপরিমিত হইত। আমরা এখন বলিতে পারি যে আমি ছই দিন, ছই মাস, বা ছুই বৎসর ছঃখ ভোগ করিতেছি; কিন্তু দিন রাত্রির পরিবর্তন না থাকিলে, কালের পথচিহ্ন শৃষ্য হইলে, কে না বৃঝিত যে আমি অনম্ভ কাল তুঃখ ভোগ করিতেছি ? আশা তাহা হইলে দাঁড়াইবার স্থল পাইত না—এতদিন পরে আবার ত্বংখান্ত হইবে, একথা কেহ ভাবিতে পারিত না—বৃক্ষাদিশৃত্য অনস্ত প্রান্তরবৎ জীবনের পথ च्यू बीर्या इहेच-स्नीवनयाजा कृर्विवह यञ्जाप्रेक्षण इहेच। चण्यत वहे दृहर জ্বগৎকেন্দ্র সূর্য্যের পথ আমাদের সুখ হুংখের মানদণ্ড। দিবস গণনায় সুখ আছে। সুখ আছে বলিয়াই ছ:খিজন দিবস গণিয়া থাকে। দিবসগণনা ছ:খ বিনোদন। কিন্তু এমন ছংখীও আছে যে সে দিবস গণে না; দিবসগণনা ভাছার পক্ষে চিত্তবিনোদন নহে। আমি কমলাকান্ত চক্রবর্তী—পৃথিবীতে ভূলিয়া মহুয়া-জন্ম গ্রহণ করিয়াছি-- স্থখহীন, আশাহীন, উদ্দেশ্যশৃত্ত, আকাজ্ফাশৃত্ত আমি কি জন্ম দিবস গণিব ? এই সংসার-সমৃক্তে আমি ভাসমান তৃণ, সংসার-বাভ্যায় আমি ঘূর্ণ্যমান ধূলিকণা, সংসারারণ্যে আমি অফলস্ত বৃক্ষ---সংসারাকাশে আমি বারিশৃত্য মেঘ, আমি কেন দিবস গণিব ?

গণিব। আমার এক ছ:খ, এক সম্ভাপ, এক ভরসা আছে। ১২০৩ শাল হইতে দিবস গণি। যে দিন বঙ্গে হিন্দুনাম লোপ পাইয়াছে, সেই দিন হইতে দিন গণি। যে দিন সপ্তদশ অখারোহী বঙ্গজ্ঞয় করিয়াছিল, সেই দিন হইতে দিন পণি। হায়। কত গণিব। দিন গণিতে গণিতে মাস হয়, মাস গণিতে গণিতে

বংসর হয়, বংসর গণিতে গণিতে শতাব্দী হয়, শতাব্দীও ফিরিয়া ফিরিয়া সাতবার গণি। কই, অনেক দিবসে মনের মানসে বিধি মিলাইল, কই ? যাহা চাই, ভাহা মিলাইল কই ? মন্থ্যুত্ব মিলিল কই ? একজাতীয়ত্ব মিলিল কই ? এক্য কই ? বিভা কই ? গোরব কই ? প্রীহর্ষ কই ? ভট্টনারায়ণ কই ? হলায়ুধ কই ? লক্ষ্মণ সেন কই ? আর কি মিলিবে না ? হায় ! সবারই ইন্সিড মিলে, ক্মলাকাস্তের কি মিলিবে না ?

মণি নও মাণিকও নও, বে হার করেয় গলে পরি-

বিধাতা জ্বগৎ জড়ময় করিয়াছেন কেন ? রূপ জড়পদার্থ কেন ? সকলই অশরীরী হইল না কেন ? হইলে হাদয়ে হাদয়ে কেমন মিলিত ! যদি রূপের শরীরের প্রয়োজন ছিল, তবে তোমার আমার বিধাতা এক শরীর করেন নাই কেন ? তাহা হইলে আর ত বিচ্ছেদ হইত না। এখন কি এক শরীর হয় না ? আমার শরীরে এত স্থান আছে—তোমাকে তাহাতে কোথাও কি রাখিতে পারি না ? তোমাকে কণ্ঠলগ্ন করিয়া হাদয়ে বিলম্বিত করিয়া রাখিতে পারি না ? হায়। তুমি মণি নও, মাণিক নও, যে হার করিয়া গলে পরি।

আর বঙ্গভূমি ! তুমিই বা কেন মণি-মাণিক্য হইলে না, ভোমায় কেন আমি হার করিয়া, কঠে পরিতে পাইলাম না ! তোমায় যদি কঠে পরিতাম, মুসলমান আমার হাদয়ে পদাঘাত না করিলে তাহার পদরেণু তোমাকে স্পর্শ করিতে পারিত না ৷ তোমায় সুবর্ণের আসনে বসাইয়া, হাদয়ে দোলাইয়া দেশে দেশে দেখাইতাম ৷ ইউরোপে, আমেরিকে, মিসরে, চীনে, দেখিত তুমি আমার কি উজ্জ্বল মণি !

আমায় নারী না করিত বিধি তোমা হেন গুণনিধি লইয়া ফিরিতাম দেশে দেশ

প্রথমে আহ্বান "এসো এসো বঁধু এসো" পরে আদর "আধ আঁচরে বসো" পরে ভোগ "নয়ন ভরিয়া ভোমায় দেখি।" তখন স্থভাগে কালীন পূর্ব্ব ছংখ শ্বতি—"অনেক দিবসে মনের মানসে ভোমাধনে মিলাইল বিধি।" স্থখ ছিবিধ, সম্পূর্ণ এবং অসম্পূর্ণ। অসম্পূর্ণ সুখ যধা,—

মণি নও মাণিক নও, যে হার করে গলে পরি।

পরে সম্পূর্ণ সুখ,---

নারী না করিত বিধি, তোমা হেন গুণনিধি, লইয়া ফিরিতাম দেশে দেশ। সম্পূর্ণ, অসহা স্থাধের লক্ষণ, শারীরিক চাঞ্চল্য, মানসিক অকৈর্যা। এসুগ্ন কোথায় রাখিব, লইয়া কি করিব, আমি কোথায় যাইব, এ স্থাধের ভার লইয়া কোথায় ফেলিব ? এ স্থাধের ভার লইয়া আমি দেশে দেশে ফিরিব ; এ স্থাধ এক-স্থানে ধরে না ; যেখানে যেখানে পৃথিবীতে স্থান আছে, সেইখানে সেইখানে এ স্থা লইয়া যাইব, এ জগৎ সংসার এই স্থাধে পুরাইব। সংসার এ স্থাধের সাগরে ভাসাইব ; মেরু হইতে মেরু পর্যান্ত স্থাধের তরঙ্গা নাচাইব, আপনি ভূবিয়া, উঠিয়া, ভাসিয়া, হেলিয়া, ছুটিয়া বেড়াইব। এ স্থাধ্য কমলাকান্তের অধিকার নাই—এম্থে বাঙ্গালির অধিকার নাই। স্থাধের কথাতেই বাঙ্গালির অধিকার নাই। গোপীর ছংখ, বিধাতা গোপীকে নারী করিয়াছেন কেন—আমাদের ছংখ, বিধাতা আমাদের নারী করেন নাই কেন—ভাহা হইলে এ মুখ দেখাইতে হইত না।

সুখের কথায় বাঙ্গালির অধিকার নাই—কিন্তু ছ্ংখের কথায় আছে। কাতরোক্তি যত গভীর, যতই স্থাদয়বিদারক হউক না কেন, তাহা বাঙ্গালির মর্মোক্তি। আর কাতরোক্তি কোথায় বা নাই ? নবপ্রাস্থত পক্ষিণাবক হইতে মহাদেবের শৃঙ্গধনি পর্যান্ত সকলই কাতরোক্তি। সম্পূর্ণস্থাই সুখকালে পূর্ব্ব ছংখ স্থান করিয়া কাতরোক্তি করে। নহিলে সুখের সম্পূর্ণতা কি ? ছংখ-স্মৃতিব্যতীত সুখের সম্পূর্ণতা কোথায় ? সুখও ছংখময়—

তোমায় যথন পড়ে মনে, আমি চাই কুন্দাবন পানে, আনুইলে কেশ নাহি বাধি।

এই কথা সুখ ছু:খের সীমা রেখা! যাহার নষ্ট সুখের শ্বৃতি জ্বাগরিত হইলে সুখের নিদর্শন এখনও দেখিতে পায়, সে এখনও সুখী—ভাহার সুখ একেবারে লুপ্ত হয় নাই। তাহার বন্ধু, তাহার প্রিয়, বাঞ্ছিত গিয়াছে, কিন্তু তাহার বৃন্দাবন আছে—মনে করিলে সে সেই সুখভূমি পানে চাহিতে পারে। যাহার সুখ গিয়াছে, সুখের নিদর্শন গিয়াছে, বঁধু গিয়াছে বৃন্দাবনও গিয়াছে, এখন আর চাহিবার স্থান নাই—সেই ছংখী, অনস্ত ছংখে ছংখী। বিধবা যুবতী, মৃত পতির যত্ববৃক্ষিত পাছকা হারাইলে, যেমন ছংখে ছংখী হয়, তেমনই ছংগে ছংখী।

আমার এই বঙ্গদেশের সুখের স্মৃতি আছে—নিদর্শন কই ? দেবপালদেব, লক্ষ্ণসেন, জয়দেব, ঞ্জীহর্ষ—প্রয়াগ পর্যান্ত রাজ্য, ভারতের অধীশ্বর নাম, গৌড়ীরীতি, এ সকলের স্মৃতি আছে, কিন্তু নিদর্শন কই ? স্থখ মনে পড়িল কিন্তু চাহিব কোন্ দিকে ? সে গৌড় কই ? সে যে কেবল যবনলাঞ্চিত ভগ্নাবশেষ ! আর্য্য রাজধানীর চিহ্ন কই ? আর্য্যের ইতিহাস কই ? জীবনচরিত কই ? কীর্ত্তি কই ? কীর্ত্তি কই ? সমরক্ষেত্র কই ? স্থখ গিয়াছে—স্থখ চিহ্নও গিয়াছে, বৃদ্ধাবনও গিয়াছে—চাহিব কোন্ দিকে ?

চাহিবার এক শ্বশান-ভূমি আছে, -- নবদীপ। সেইখানে সপ্তদশ যবনে বঙ্গাধিকার করিয়াছিল। বঙ্গমাভাকে মনে পড়িলে, আমি সেই শ্মশান-ভূমি প্রতি চাই। যখন দেখি, সেই কুন্ত পল্লীগ্রাম বেড়িয়া অদ্যাপি সেই কলধোঁত-বাহিনী গঙ্গা তর তর রব করিতেছেন, তখন গঙ্গাকে ডাকিয়া জিজ্ঞাসা করি— তুমি আছ, সে বঙ্গলন্ধী কোথায় ? তুমি যাঁহার পা ধুয়াইতে, সেই মাতা কোথায় ? তুমি যাহাকে বেড়িয়া বেড়িয়া নাচিতে, সেই আনন্দরূপিণী কোথায় ় তুমি বাঁহার জন্ম সিংহল, বালী, আরব, স্থমিত্রা হইতে বুকে করিয়া ধন বহন করিয়া আনিতে, সে ধনেশ্বরী কোণায় ? তুমি যাহার রূপের ছায়া ধরিয়া রূপসী সাজিতে, সে অনম্ভসোন্দর্য্যশালিনী কোথায় ? তুমি যাহার প্রসাদী ফুল লইয়া ঐ স্বচ্ছ দ্রদয়ে মালা পরিতে, সে পুষ্পাভরণা কোথায় ? সে রূপ, সে ঐশর্য্য কোথায় ধুইয়া লইয়া গিয়াছ ? বিশ্বাসঘাতিনি, তুমি কেন আবার শ্রবণমধুর কল কল তর তর রবে মন ভুলাইতেছ ? বুঝি ভোমারই অতল গর্ভমধ্যে, যবন-ভয়ে ভীতা সেই বঙ্গলন্দ্রী ডুবিয়াছেন, বুঝি কুপুত্রগণের আর মুখ দেখিবেন না বলিয়া ভূবিয়া আছেন। মনে মনে আমি সেইদিন কল্পনা করিয়া কাঁদি। মনে মনে দেখিতে পাই, মাৰ্জিত বর্ষাফলক উন্নত করিয়া, অশ্বপদ শব্দ মাত্রেই নৈশ নীরব বিশ্বিত করিয়া, যবনদেনা নবদ্বীপে আসিতেছে। কালপূর্ণ দেখিয়া নবদ্বীপ হইতে বঙ্গলন্দ্রী অন্তর্হিত। হইতেছেন। সহসা আকাশ অন্ধকারে ব্যাপিল; রাজ-প্রাসাদের চূড়া ভাঙ্গিয়া পড়িতে লাগিল। পথিক ভীত হইয়া পথ ছাড়িল; নাগরীর অলঙ্কার খসিয়া পড়িল; কুঞ্জবনে পক্ষিগণ নীরব হইল; গৃহমযুরকঠে অর্দ্ধব্যক্ত কেকার অপরার্দ্ধ আর ফুটিল না। দিবসে নিশীথ উপস্থিত হইল. পণ্যবীথিকার দীপমালা নিবিয়া গেল, পূজাগৃহে বাজাইবার সময়ে শংখ বাজিল না; পণ্ডিতে অশুদ্ধ মন্ত্র পড়িল; সিংহাসন হইতে শালগ্রাম শিলা গড়াইয়া পড়িল। যুবার সূহসা বলক্ষয় হইল ; যুবতী সহসা বৈধব্য আশস্কা করিয়া কাঁদিল ; শিশু বিনারোগে মাতার ক্রোড়ে শুইয়া মরিল। গাঢ়তর, গাঢ়তর, গাঢ়তর অন্ধকারে. **िक व्याशिल**; **आकाम, अद्वालिका, त्राक्रधानी, ताक्रवर्य**, त्राव्यमित, श्रेणारीथिका, সেই অন্ধকারে ঢাকিল—কুঞ্বতীরভূমি, নদী, নদীসৈকত, নদীতরঙ্গ সেই অন্ধকারে— আধার, আধার, আধার হইয়া লুকাইল। আমি চক্ষে সব দেখিতেছি—আকাশে মেঘ ঢাকিতেছে—ঐ সোপানাবলী অবতরণ করিয়া রাজলক্ষ্মী জলে নামিতেছেন। অন্ধকারে নির্ব্বাণোদ্ম্থ আলোকবিন্দুবৎ, জলে, ক্রমে ক্রমে সেই তেজোরাশি বিলীন হইতেছে। যদি গঙ্গার অতলঞ্জলে না ডুবিলেন, তবে আমার দেই বঙ্গলন্দ্রী কোথায় গেলেন---

> বখন বন্ধনশালাতে বাই, তুরা মাতা গুণ গাই, কাব্যের ছলনা করি কাঁদি।

জান সমূপ্তি ভাল সমূপ্তি ভাল সমূপ্ত

🖊 য়দর্শনের সঙ্গে বাঙ্গালিমাত্রেরই একটি বিশেষ সম্বন্ধ আছে। যদি কেহ আমাদিগকে বলে যে, তোমরা এত বড়াই কর, কিন্তু কোন বিষয়ে ভোমাদের পূর্ব্বপুরুষেরা পৃথিবীবাসী অস্থাস্থ জাতির অপেক্ষা গৌরব লাভ করিয়া-ছিলেন, তাহা হইলে, আমরা আর কিছু বলিতে পারি বা না পারি, স্থায়শাস্ত্রের উল্লেখ করিতে পারি। ইহাই বাঙ্গালিদিগের জাতীয় গৌরব। ভারতবর্যীয় প্রস্কুতত্ত্বের যতই গাঢ়তর অমুসদ্ধান হইতেছে--ততই দেখা যাইতেছে যে, সাহিত্যে, দর্শনে, গণিতশাস্ত্রে—স্থাপত্যে, সঙ্গীতে, ব্যবস্থাশাস্ত্রে,—ঐশ্বর্য্যে, বাছবলে— একদিন ভারতভূমি ভূমগুলে রাজীম্বরূপা ছিলেন। কিন্তু সে গৌরবে বঙ্গদেশের অংশ মগধ কান্যকুজাদির ন্যায় নহে। প্রাচীন বাঙ্গালা সাহিত্য মধ্যমপ্রকার— জয়দেব গোস্বামী ইহার চূড়া। মানবাদি ধর্মশাস্ত্র বঙ্গীয় নহে। যে স্থাপত্য জন্ম ফগুসন সাহেব ভারতবর্ষীয়গণকে ভূমগুলে অতুল্য বলিয়াছেন, বঙ্গদেশ অপেকা ভারতবর্ষের অ্যান্থাংশে তাহা প্রচুরতর। যে সংগীতের জ্বন্য সেদিন আলদিস সাহেব ভারতবর্ষকে পৃথিবীশ্বরী বলিয়াছেন, তাহার চালনা বঙ্গদেশে চিরকালই সামান্য প্রকার। আর্যাভট্ট, ভাস্করাচার্য্য প্রভৃতি কেহই বাঙ্গালি নহে। কিন্তু স্থায়শান্তে বাঙ্গালিরা অদিতীয়। উদয়ানাচার্য্য বোধ হয়, বাঙ্গালি। 'রঘুনাথ শিরোমণি, মথুরানাথ ভর্কবাগীশ, ভবানন্দ সিদ্ধান্তবাগীশ, কৃষ্ণদাস সার্বভৌম, গদাধর তর্কালম্বার, জগদীশ ভট্টাচার্য্য প্রভৃতি বাঙ্গালি। গৌতম, কণাদ, কোন দেশবাসী ভাহা নিশ্চিভ করিবার কোন উপায় নাই—কিন্তু পরবর্ত্তী প্রধান নৈয়ায়িক-দিগের মধ্যে অনেকেই বাঙ্গালি। নবদ্বীপে ন্যায়শাস্ত্র যেরূপ মার্জ্জিত এবং পরিপুষ্ট হইয়াছিল, এরূপ ভারতবর্ষের আর কোথাও হয় নাই। নবদ্বীপে. বাঙ্গালির প্রধান কীর্ত্তি ও অকীর্ত্তির জন্মভূমি। নবছীপে ন্যায়শান্ত্রের অভ্যুদয়,

ক্ষায়পদার্থতন্ব। বাজালা দর্শন। শ্রীহরিকিশোর তর্কবাগীল প্রণীত। কলিকাতা। গিরিশ বিভারত্ব যন্ত্র। নবদ্বীপে চৈতন্যদেবের অভ্যুদয়—নবদ্বীপে বৈশ্বব সাহিত্যের আকর—কৃষ্ণচন্দ্রীয় সাহিত্যও নবদ্বীপের নামে খ্যাত—আর, নবদ্বীপেই সপ্তদশ পাঠান কৃত বঙ্গবিজ্ঞয়!

অন্তাপিও ভারতবর্ষে বঙ্গীয় নৈয়ায়িকদিগের বিশেষ খ্যাতি। যাহা আমাদিগের জাতীয় গৌরব, ভাহার কিঞ্চিৎ পরিচয় গ্রহণ করা, বাঙ্গালি মাত্রেরই কর্ম্বর্য। শ্রীযুক্ত হরিকিশোর তর্কবাগীশ প্রণীত ন্যায়পদার্থতম্ব নামক উৎকৃষ্ট প্রান্থের মারা সে পথ অত্যম্ভ সুগম হইয়াছে।

ন্যায়দর্শন কিসের নাম ? এ কথার উত্তর দিতে হইলে, প্রথম বৃঝিতে হয়, ভারতবর্ষে দর্শন কাহাকে বলে। প্রথমে বৃঝিতে হইবে যে, ইউরোপে যে অর্থে "ফিলোসফি" শব্দ ব্যবহৃত হয়, দর্শন সে অর্থে ব্যবহৃত হয় না। বাস্তবিক ফিলসফি শব্দের অর্থের স্থিরতা নাই,—কখন ইহার অর্থ অগ্যাত্মত্ম, কখন ইহার অর্থ প্রাকৃতিক বিজ্ঞান, কখন ইহার অর্থ ধর্মনীতি, কখন ইহার অর্থ বিচারবিদ্যা। ইহার একটিও দর্শনের ব্যাখ্যার অন্থরূপ নহে। ফিলসফির উদ্দেশ্য, জ্ঞানবিশেষ; তদতিরিক্ত অন্য উদ্দেশ্য নাই। দর্শনেরও উদ্দেশ্য জ্ঞান বটে কিন্তু সে জ্ঞানেরও উদ্দেশ্য আছে। সেই উদ্দেশ্য, নিঃশ্রেয়স, মৃক্তি, নির্বাণ বা তম্বং নামান্তর বিশিষ্ট পারলোকিক অবস্থা। ইউরোপীয় ফিলসফিতে জ্ঞানই সাধনীয়; দর্শনে জ্ঞান সাধন মাত্র। ইহা ভিন্ন আর একটি গুরুতর প্রভেদ আছে। ফিলসফির উদ্দেশ্য, জ্ঞানবিশেষে,—কখন আধ্যাত্মিক, কখন ভৌতিক, কখন নৈতিক বা সামান্তিক জ্ঞান। কিন্তু সর্ব্বত্র পদার্থ মাত্রেরই জ্ঞান, দর্শনের উদ্দেশ্য—ফলতঃ সকল প্রকার জ্ঞানই দর্শনের অন্তর্গত।

জ্ঞানে নিঃশ্রেয়স লাভ, ইহা ইউরোপীয়দিগের পক্ষে নৃতন কথা বটে এবং এদেশে প্রচলিত "ভক্তিতে মিলয়ে কৃষ্ণ, তর্কে বহুদূর" ইত্যাদি প্রবাদের বিপরীত। জ্ঞানবাদীদিগের বিরোধী ভক্তিবাদীও যে এদেশে ছিলেন না, এমত নহে। প্রধান ভক্তি স্তুকার শাণ্ডিল্য এবং বৈষ্ণব ধর্ম-প্রতিষ্ঠাতা চৈত্তগ্রদেব।

সংসার তৃ:খময়। প্রাকৃতিক বল, সর্বাদা মন্ত্র্যা-মুখের প্রতিদ্বন্দী। তৃমি যাহা কিছু মুখভোগ কর, সে বাহ্য প্রকৃতির সঙ্গে যুদ্ধ করিয়া লাভ কর। মন্ত্র্যা-জীবন, প্রকৃতির সঙ্গে দীর্ঘ সমর মাত্র—যখন তৃমি সমরজ্বয়ী হইলে তখনই কিঞ্চিৎ সুখলাভ করিলে। কিন্তু মন্ত্র্যা বল হইতে প্রাকৃতিক বল অনেক গুণে গুরুতর। অভএব মন্ত্র্যার জয় কদাচিৎ—প্রকৃতির জয়ই প্রতিনিয়ত ঘটিয়া থাকে। তবে জীবন যন্ত্রণাময়। আর্য্যামতে ইহার আবার পৌনঃপুন্য আছে। ইহজন্মে, অনস্তর্য্য কোনরূপে কাটাইয়া প্রাকৃতিক রণে শেষে পরাস্ত হইয়া, যদি জীব দেহত্যাগ করিল—তথাপিও ক্ষমা নাই—আবার জন্মগ্রহণ করিতে হইবে, আবার

[কাছন

সেই অনস্ত হ:খভোগ করিতে হইবে—আবার মরিতে হইবে, আবার জ্বন্মিতে হ**ইবে** ' —আবার হুঃখ। এই অনস্ত হুঃখের কি নিবৃত্তি নাই ? মহুয়ের নিস্তার নাই ?

ইহার ছুই উত্তর আছে। এক উত্তর ইউরোপীয়, আর এক উত্তর ভারতবর্ষীয়। ইউরোপীয়েরা বলেন, প্রকৃতি জেয়: যাহাতে প্রকৃতিকে জয় করিতে পার সেই চেষ্টা দেখ। এই জীবন-রণে প্রকৃতিকে পরাস্ত করিবার জন্ম আয়ুধ সংগ্রহ কর। সেই আয়ুধ, প্রকৃতিকে জিজ্ঞাসা করিলে তিনি নিজেই বলিয়া দিবেন। প্রাকৃতিক তত্ত্ব অধায়ন কর-প্রকৃতির গুপ্ত তম্বসকল অবগত হইয়া, তাহারই বলে তাহাকে বিঞ্চিত করিয়া, মন্মুয়ঞ্জীবন স্থুখময় কর। এই উত্তরের ফল—ইউরোপীয় বিজ্ঞান नाव ।

ভারতবর্ষীয় উত্তর এই যে, প্রকৃতি অব্দেয়—যডদিন প্রকৃতির সঙ্গে সম্বন্ধ থাকিবে ততদিন হু:খ থাকিবে। অতএব প্রকৃতির সঙ্গে সম্বন্ধ বিচ্ছেদই হু:খ নিবারণের একমাত্র উপায়। সেই সম্বন্ধ বিচ্ছেদ কেবল জ্ঞানের দ্বারাই হইতে পারে। এই উত্তরের ফল ভারতবর্ষীয় দর্শন।

সেই জ্ঞান কি ? আকাশ-কুসুম বলিলেও একটি জ্ঞান হয়—কেননা আকাশ কি তাহা আমরা জ্ঞানি এবং কুসুম কি তাহাও জ্ঞানি, মনের শক্তির দ্বারা উভয়ে সংযোগ করিতে পারি। কিন্তু সে জ্ঞান, দর্শনের উদ্দেশ্য নহে। তাহা खमख्डान। यथार्थ ख्डानरे मर्नरनत छल्प्या। এरे यथार्थ छ्डानरक व्यमाख्डान वा প্রমা প্রতীতি বলে।

প্রমাজ্ঞানের বিষয় কি, তদ্বিষয়ে জীযুক্ত হরিকিশোর তর্কবাগীশ মহাশয়ের গ্রাম্বে যাহা লিখিত হইয়াছে, তাহা অতি পরিষার। কিন্তু জ্ঞানের মূল কি, তাহা সমালোচিত হয় নাই। ইউরোপীয় দার্শনিকদিগের মধ্যে, সেই তবটি লইয়া ইদানীং অনেক তর্ক বিতর্ক হইয়াছে। অতএব আমরা তর্কবাগীশ মহাশয়ের পুস্তক পরিত্যাগ করিয়া তদ্বিষয়ে কিঞ্চিৎ বলিব।

याश खानि, जाशरे छान। याश खानि जाश कि প्रकारत खानिसां हि?

কভকগুলি বিষয় ইন্দ্রিয়ের সাক্ষাৎ সংযোগে জানিতে পারি। ঐ গৃহ, এই বৃক্ষ, ঐ নদী, এই পর্বত, আমার সম্মুখে রহিয়াছে; তাহা আমি চক্ষে দেখিতে পাইতেছি, এঞ্চন্স জানি যে এ গ্রহ, এই বৃক্ষ, এ নদী, এই পর্বত আছে। অতএব জ্ঞাতব্য পদার্থের সঙ্গে চকুরিন্দ্রিয়ের সংযোগে আমাদিগের এই জ্ঞান লব্ধ হইল। (১) ইহাকে চাকুষ প্রভাক্ষ বলে। এইরূপ, গৃহমধ্যে থাকিয়া শুনিতে পাইলাম,

⁽১) शृह, शर्वाजामि मृत्त त्रश्तिाह—आमामिलात हत्क मःमध नत्ह, छत्व देखित्तत সংযোগ হইল কি প্রকারে ? দৃষ্ট পদার্থবিক্ষিপ্ত রশ্মির ছারা। ঐ রশ্মি জামাদিগের নরনাজ্যন্তরে व्यवित कत्रिल गृष्टि रत्र।

মেঘ গর্জিতেছে, পক্ষী ডাকিতেছে; এখানে মেঘের ডাক, পক্ষীর রব আমরা কর্ণের ঘারা প্রত্যক্ষ করিলাম। ইহা শ্রাবণ প্রত্যক্ষ। এইরপ চাক্ষ্ব, শ্রাবণ, আনজ, ঘাচ, এবং রাসন, পঞ্চেন্দ্রিয়ের সাধ্য পাঁচ প্রত্যক্ষ। মনও একটি ইন্দ্রিয় বিলিয়া আর্য্য দার্শনিকেরা গণিয়া থাকেন, অভএব, তাঁহারা মানস প্রত্যক্ষের কথা বলেন। মন বহিরিন্দ্রিয় নহে। অন্তরিন্দ্রিয়ের সঙ্গে বহির্বিষয়ের সাক্ষাৎ সংযোগ অসম্ভব। অভএব মানস প্রত্যক্ষের ঘারাই হইবে।

যে পদার্থ প্রত্যক্ষ হয়, তিষ্বিয়ে আমাদিগের জ্ঞান জন্মে, এবং তত্মতিরিক্ত বিষয়ের জ্ঞানও স্চিত হয়। আমি ক্ষমবার গৃহমধ্যে শয়ন করিয়া আছি, এমত সময়ে মেঘের ধ্বনি শুনিলাম, ইহাতে শ্রাবণ প্রত্যক্ষ হইল। কিন্তু সে প্রত্যক্ষ ধ্বনির, মেঘের নহে। মেঘ এখানে আমাদের প্রত্যক্ষের বিষয় নহে। অথচ আমরা জ্ঞানিতে পারিলাম যে আকাশে মেঘ আছে। ধ্বনির প্রত্যক্ষে মেঘের অস্তিত্ব জ্ঞান হইল কোথা হইতে ? আমরা পূর্ব্বে পূর্বেব দেখিয়াছি, আকাশে মেঘ ব্যতীত কখন এরূপ ধ্বনি হয় নাই। এমন কখনও ঘটে নাই যে মেঘ নাই, অথচ এরূপ ধ্বনি শুনা গিয়াছে। অতএব ক্ষমবার গৃহমধ্যে থাকিয়াও আমরা বিনা প্রত্যক্ষে জ্ঞানিলাম যে আকাশে মেঘ হইয়াছে। ইহাকে অমুমিতি বলে। মেঘধনি, আমরা প্রত্যক্ষে জ্ঞানিয়াছি, কিন্তু মেঘ অমুমিতির দ্বারা।

মনে কর, ঐ রুদ্ধদার গৃহ অন্ধকার, এবং তুমি সেখানে একাকী আছ। এমত কালে তোমার দেহের সহিত মন্থ্য-শরীরের স্পর্শ অনুভূত করিলে। তুমি তখন কিছু না দেখিয়া, কোন শব্দও না শুনিয়া জানিতে পারিলে যে গৃহমধ্যে মন্থ্য আসিয়াছে। সেই স্পর্শজ্ঞান, ছাচ প্রত্যক্ষ; কিন্তু গৃহমধ্যে মন্থ্যজ্ঞান অনুমিতি.। ঐ অন্ধকার গৃহে তুমি যদি যুথিকা পুস্পের গদ্ধ পাও, তবে তুমি বৃথিবে যে, গৃহে যুথিকা পুস্প আছে; এখানে গন্ধই প্রত্যক্ষের বিষয়; পুস্প অনুমিতির বিষয়।

মন্থ্য অল্প বিষয়ই স্বয়ং প্রভাক্ষ করিতে পারে। অধিকাংশই অনুমিতির উপর নির্ভর করে। অনুমিতি সংসার চালাইতেছে। আমাদিগের অনুমানশক্তিনা থাকিলে, আমরা প্রায় কোন কার্য্যই করিতে পারিতাম না। বিজ্ঞান, দর্শনাদি, অনুমানের উপরেই নির্শ্বিত।

কিন্তু, যেমন কোন মন্থয়ই সকল বিষয় স্বয়ং প্রাত্যক্ষ করিতে পারেন না, তেমনি কোন ব্যক্তি সকল তত্ত্ব স্বয়ং অনুমান করিয়া সিদ্ধ করিতে পারেন না। এমন অনেক বিষয় আছে যে, তাহা অনুমান করিয়া জানিতে গেলে যে পরিশ্রম . আবশ্রক, তাহা একজন মনুয়ের জীবনকালের মধ্যে সাধ্য নহে। এমন অনেক বিষয় আছে যে, তাহা অন্থমানের দ্বারা সিদ্ধ করার জক্তা যে বিক্তা, বা বে জ্ঞান, বা যে বৃদ্ধি, বা যে অধ্যবসায় প্রয়োজনীয়, তাহা অধিকাংশ লোকের নাই। অন্তএব এমন অনেক নিতান্ত প্রয়োজনীয় বিষয় আছে যে, তাহা অনেকে স্বয়ং প্রত্যক্ষ বা অন্থমানের দ্বারা জ্ঞাত হইতে পারেন না। এমন স্থলে আমরা কি করিয়া থাকি? যে স্বয়ং প্রত্যক্ষ করিয়াছে, বা যে স্বয়ং অন্থমান করিয়াছে, তাহার কথা শুনিয়া বিশ্বাস করি। ইতালীর উত্তরে যে আল্প নামে পর্বতে শ্রেণী আছে তাহা তৃমি স্বয়ং প্রত্যক্ষ কর নাই। কিন্তু যাঁহারা দেখিয়াছেন তাঁহাদের প্রণীত পুস্তক পাঠ করিয়া তৃমি সে জ্ঞান লাভ করিলে। পরমাণু মাত্র যে অন্থ পরমাণু মাত্রের দ্বারা আকৃষ্ট হয়, ইহা প্রত্যক্ষের বিষয় হইতে পারে না, এবং তৃমিও ইহা গণনার দ্বারা সিদ্ধ করিতে পার না, এজক্য তৃমি নিউটনের কথায় বিশ্বাস করিয়া সে জ্ঞান লাভ করিলে।

স্থায়, সাংখ্যাদি আর্য্য দর্শনশাস্ত্রে ইহা একটি তৃতীয় প্রমাণ বলিয়া গণ্য হইয়াছে। ইহার নাম শন্দ। তাঁহাদিগের বিবেচনায় বেদাদি এই প্রমাণের উপর নির্ভির করে। আপ্রবাক্য বা গুরূপদেশ, স্থূলতঃ যে বিশ্বাসযোগ্য তাহার উপদেশ — আর্য্যমতে ইহা একটি স্বতম্ব প্রমাণ। তাহারই নাম শন্দ।

কিন্তু চার্ব্বাগাদি কোন কোন আর্য্য দার্শনিক, ইহাকে প্রমাণ বলিয়াই স্বীকার করেন না। ইউরোপীয়েরাও, ইহাকে স্বতম্ব প্রমাণ বলিয়া স্বীকার করেন না।

দেখা যাইতেছে, সকলের কথাতে বিশ্বাস অকর্ত্তব্য। যদি একজ্বন বিখ্যাত মিথাবাদী আসিয়া বলে যে, সে জলে অগ্নি জলিতে দেখিয়া আসিয়াছে, তবে একথা কেইই বিশ্বাস করিবে না। তাহার উপদেশে প্রমাজ্ঞানের উৎপত্তি নাই। ব্যক্তিবিশেষের উপদেশই প্রমাণ বলিয়া গ্রাহ্য। তবে, সেই জ্ঞানলাভের পূর্বের, আদৌ মীমাংসা আবশুক যে কে বিশ্বাসযোগ্য কে নহে। কোন্ প্রমাণের উপর নির্ভর করিয়া এ মীমাংসা করিব ? কোন্ প্রমাণের উপর নির্ভর করিয়া, মন্বাদির কথা আগুবাক্য বলিয়া গ্রহণ করিব, এবং রামু শ্রাম্র কথা অগ্রাহ্য করিব ? দেখা যাইতেছে যে, অন্থুমানের বারা ইহা সিদ্ধ করিতে হইবে। মন্থুর সঙ্গে পল্লীর পাদরি সাহেবের মতভেদ। তুমি চিরকাল শুনিয়া আসিয়াছ যে, মন্থু অভ্রান্ত শ্ববি এবং পাদরি সাহেব স্বার্থপর সামান্ত মন্থুয়; এজন্ত তুমি অন্থুমান করিলে যে মন্থুর কথা গ্রাহ্য, পাদরির কথা অগ্রাহ্য। মন্থুর ক্রায় অভ্রান্ত শ্বি গোমাংসভোজন নিষেধ করিয়াছেন বলিয়া তুমি অন্থুমান করিলে গোমাংস অভন্ক্য। অতএব শব্দকে একটি স্বভন্ন প্রমাণ না বলিয়া, অনুমানের অন্তর্গত্ত বল না কেন ?

শুধু তাহাই নহে। যে ব্যক্তির কতকগুলি উপদেশ গ্রাহ্ম কর, তাহারই আর কতকগুলি অগ্রাহ্ম করিয়া থাক। মাধ্যাকর্ষণ সম্বন্ধে নিউটনের যে মত, তাহা তুমি শিরোধার্য্য কর, কিন্তু অলোক সম্বন্ধে তাঁহার যে মত, তাহা পরিত্যাগ করিয়া তুমি ক্ষুত্রতর বৃদ্ধিজীবী ইয়ঙ ও ফ্রেম্নেলের মত গ্রহণ কর, ইহার কারণ কি ? ইহার কারণ সন্ধান করিলে, তলে অন্ধুমিতিকেই পাওয়া যাইবে। অন্ধুমানের দ্বারা তুমি জানিয়াছ যে মাধ্যাকর্ষণ সম্বন্ধে নিউটনের যে মত, তাহা সত্য, আলোক সম্বন্ধে তাঁহার যে মত তাহা অসত্য। যদি শব্দ একটি পৃথক্ প্রমাণ হইত, তবে তাঁহার সকল মতই তুমি গ্রাহ্ম করিতে।

ভারতবর্ষে তাহাই ঘটিয়া থাকে। ভারতবর্ষে যাহার মন্ত গ্রাহ্ম বলিয়া স্থির হয়, ভাহার সকল মন্তই গ্রাহ্ম হয়। ইহার কারণ শব্দ একটি স্বভন্ত প্রমাণ বলিয়া গণ্য—আপ্ত বাক্যমাত্র গ্রাহ্ম, ইহা আর্য্য দর্শনশাস্ত্রের আজ্ঞা। এইক্লপ বিশেষ বিচার ব্যতীত ঋষি ও পণ্ডিভদিগের মন্ত মাত্রই গ্রাহণ করা, ভারতভবর্ষের অবনতির একটি যে কারণ, ইহা বলা বাস্থল্য। অভএব দার্শনিকদিগের এই একটি ক্ষুম্ব ভ্রান্তিতে সামাস্থ্য কুফল ফলে নাই।

প্রত্যক্ষ, অমুমান এবং শব্দ ভিন্ন নৈয়ায়িকেরা উপমিতিকেও একটি স্বতন্ত্র প্রমাণ বিবেচনা করেন। বিচার করিয়া দেখিলে সিদ্ধ হইবে যে উপমিতি, অমুমিতির প্রকারভেদ মাত্র এবং সেইজক্ম সাংখ্যাদি দর্শনে উপমিতি স্বতন্ত্র প্রমাণ বলিয়া গণ্য হয় নাই। অতএব উপমিতির বিস্তারিত উল্লেখ প্রয়োজনীয় বোধ হইল না। বস্তুতঃ প্রত্যক্ষ এবং অমুমাই জ্ঞানের মূল।

তাহার পর দেখিতে হইবে যে, অমুমানও প্রত্যক্ষমূলক। যে জ্বাতীয় প্রত্যক্ষ কখন হয় নাই, সে বিষয়ে অমুমান হয় না। তুমি যদি কখন পূর্বের মেঘ না দেখিতে, বা আর কেহ কখন না দেখিত, তবে তুমি রুদ্ধার গৃহমধ্যে মেঘগর্জন শুনিয়া কখন মেঘামুমান করিতে পারিতে না। তুমি যদি কখন যুথিকা গদ্ধ প্রত্যক্ষ না করিতে, তবে অদ্ধকার গৃহে থাকিয়া যুথিকা আণে পাইয়া তুমি কখন অমুমান করিতে পারিতে না যে গৃহমধ্যে যুথিকা আছে। এইরূপ অম্বাস্থা পদার্থ সম্বদ্ধে বলা যাইতে পারে। তবে অনেক সময়ে দেখা যাইবে যে, একটি অমুমানের মূল, বহুতর বহুজ্বাতীয় পূর্ববপ্রত্যক্ষ। এক একটি বৈজ্ঞানিক নিয়ম সহস্র স্থাতীয় প্রত্যক্ষের ফল।

অভএব প্রত্যক্ষই জ্ঞানের একমাত্র মূল—সকল প্রমাণের মূল। অনেকে দেখিয়া বিস্মিত হইবেন যে, দর্শনশাস্ত্র, ছই তিন সহস্র বৎসরের পর, ঘুরিয়া ঘুরিয়া আবার সেই চার্কাকের মতে আসিয়া পড়িতেছে। ধশু আর্য্য বৃদ্ধি । যাহা এতকালে হুম, মিল, বেন প্রভৃতির ছারা সংস্থাপিত হইয়াছে—ছই সহস্রাধিক বংসর পূর্ব্বে বৃহস্পতি তাহা প্রতিপন্ন করিয়া গিয়াছেন। কেহ না ভাবেন যে আমরা এমন বলিতেছি যে প্রত্যক্ষ ভিন্ন প্রমাণ নাই—আমরা বলিতেছি যে, সকল প্রমাণের মূল প্রত্যক্ষ। বৃহস্পতি ঠিক তাহাই বলিয়াছিলেন কি না, ভাঁহার গ্রন্থ-সকল লুপ্ত হওয়ায়, নিশ্চয় করা কঠিন।

প্রত্যক্ষই জ্ঞানের একমাত্র মূল, কিন্তু এই তত্ত্বের মধ্যে ইউরোপীয় দার্শনিকদিগের মধ্যে একটি ঘোরতর বিবাদ আছে। কেহ কেহ বলেন যে, আমাদিগের
এমন অনেক জ্ঞান আছে যে, তাহার মূল প্রত্যক্ষে পাওয়া যায় না। যথা, কাল,
আকাশ, ইত্যাদি।

কথাটি বৃঝা কঠিন। আকাশ সম্বন্ধে একটি সহক্ষ কথা গ্রহণ করা যাউক,—
যথা তুইটি সমানান্তরাল রেখা যতদূর টানা যাউক, কখন মিলিত হইবে না, ইহা
আমরা নিশ্চিত জানি। কিন্তু এ জ্ঞান আমরা কোথা পাইলাম ? প্রত্যক্ষবাদী
বলিবেন "প্রত্যক্ষের ছারা। আমরা যত সমানান্তরাল রেখা দেখিয়াছি, তাহা
কখন মিলিত হয় নাই।" তাহাতে বিপক্ষেরা প্রত্যুত্তর করেন যে, "জগতে যত
সমানান্তরাল রেখা হইয়াছে, সকল তুমি দেখ নাই—তুমি যাহা দেখিয়াছ, তাহা
মিলে নাই বটে, কিন্তু তুমি কি প্রকারে জানিলে যে কোন কালে কোধাও এমন
তুইটি সমানান্তরাল রেখা হয় নাই, বা হইবে না, যে তাহা টানিতে টানিতে
একস্থানে মিলিবে না ? যাহা মন্তুল্যের প্রত্যক্ষ হইয়াছে, তাহা হইতে তুমি কি
প্রকারে অপ্রত্যক্ষীভূতের নিশ্চয় করিলে ? অথচ আমরা জানিতেছি যে, তুমি
যাহা বলিতেছ তাহা সত্য ;—কন্মিন কালে কোথাও এমত তুইটি সমানান্তরাল
রেখা হইতে পারে না যে তাহা মিলিবে। তবে প্রত্যক্ষ ব্যতীত তোমার আর
কোন জ্ঞানমূল আছে—নহিলে তুমি এই প্রত্যক্ষের অতিরিক্ত জ্ঞানটুকু কোথায়
পাইলে ?"

এই কথা বলিয়া, বিখ্যাত জ্বর্মান দার্শনিক কাস্ত, লক ও হুমের প্রত্যক্ষবাদের প্রতিবাদ করেন। এই অতিরিক্ত জ্ঞানের মূল তিনি এই নির্দেশ করেন
যে, যেখানে বহির্বিবয়ের জ্ঞান আমাদিগের ইপ্রিয়ের দ্বারা হইয়া থাকে, সেখানে
বহির্বিবয়ের প্রকৃতি সম্বন্ধে কোন তত্ত্বের নিত্যন্থ আমাদের জ্ঞানের অতীত হইলেও,
আমাদিগের ইপ্রিয়সকলের প্রকৃতির নিত্যন্থ আমাদিগের জ্ঞানের আয়ন্ত বটে।
আমাদিগের ইপ্রিয়সকলের প্রকৃতি অমুসারে আমরা বহির্বিবয়য় কতকত্তলি নির্দিষ্ট
অবস্থাপন্ন বলিয়া পরিজ্ঞাত হই। ইপ্রিয়ের প্রকৃতি সর্ব্বত্র একরূপ, এজক্ত
বহির্বিবয়য়র তত্তৎ অবস্থাও আমাদিগের নিকট সর্ব্বত্র একরূপ। এইজক্ত
আমাদিগের কাল, আকাশাদির সমবায়ের নিত্যন্ধ জ্ঞানিতে পারি। এই জ্ঞান

আমাদিগেতেই আছে—এক্সন্ত কান্ত ইহাকে স্বতোলন্ধ বা আভ্যন্তরিক জ্ঞান বলেন। আমাদিগের ব্রাহ্মেরা ইহাকে সহক্ষ জ্ঞান বলেন।

পাঠক আবার দেখিবেন যে আধুনিক ইউরোপীয় দর্শন, ফিরিয়া ফিরিয়া সেই প্রাচীন ভারতীয় দর্শনে মিলিভেছে। যেমন চার্ব্বাকের প্রত্যক্ষবাদে, মিল ও বেনের প্রত্যক্ষবাদের সাদৃশ্য দেখা গিয়াছে, তেমনি বেদাস্তের মায়াবাদের সঙ্গে কাস্তের এই প্রত্যক্ষ প্রতিবাদের সাদৃশ্য দেখা যায়। আধ্যাত্মিক ভত্তে, প্রাচীন আর্য্যগণ কর্ত্বক স্টিত হয় নাই, এমত তত্ত্ব অল্পই ইউরোপে আবিষ্কৃত হইয়াছে।

কাস্ত্রীয় আভ্যস্তরিক মতের প্রধানতম প্রতিদ্বন্দী জন ই ্রার্ট মিল। তিনি কার্য্য-কারণ সম্বন্ধের নিত্যন্থের উপর নির্ভর করেন। তিনি বলেন যে, আমরা প্রত্যক্ষের দ্বারা একটি অকাট্য সংস্থার এই লাভ করিয়াছি যে, যেখানে কারণ বর্ত্তমান আছে, সেইখানে তাহার কার্য্য বর্ত্তমান থাকিবে। যেখানে পূর্ব্বে দেখিয়াছি যে ক বর্ত্তমান আছে, সেইখানে দেখিয়াছি যে খ আছে। পুনর্ব্বার যদি কোথাও ক দেখি, তবে আমরা জ্ঞানিতে পাঁরি যে খও এখানে আছে কেননা, আমরা প্রত্যক্ষের দ্বারা জানিয়াছি, যেখানে কারণ থাকে সেইখানেই তাহার কার্য্য থাকে। সমানান্তরালতা কারণ, এবং সংমিলনবিরহ তাহার কার্য্য, কেননা, আমরা যেখানে যেখানে সমানান্তরালতা প্রত্যক্ষ করিয়াছি, সেইখানে সেইখানে দেখিয়াছি মিল হয় নাই, অতএব সমানান্তরালতা, সংমিলনবিরহের নিয়ত পূর্ব্ববর্ত্তা। কান্তেই আমরা জ্ঞানিতেছি যে যখন যেখানে ত্ইটি সমানান্তরাল রেখা থাকিবে, সেইখানেই আর তাহাদিগের মিলন হইবে না। অতএব এ জ্ঞানও প্রত্যক্ষমূলক।

শেষ মত, হবর্ট স্পেন্সরের। তিনিও প্রত্যক্ষবাদী, কিন্তু তিনি বলেন যে, এই প্রত্যক্ষমূলক জ্ঞান সকলটুকু আমাদিগের নিজ প্রত্যক্ষজাত নহে। প্রত্যক্ষজাত সংস্কার পুরুষাস্থক্রমে প্রাপ্ত হওয়া যায়। আমার পূর্বপুরুষদিগের যে প্রত্যক্ষজাত সংস্কার, আমি তাহা কিয়দংশে প্রাপ্ত হইয়াছি। আমি যে সেই সকল সংস্কার লইয়া জন্মিয়াছি এমত নহে—তাহা হইলে সভ্যপ্রত্যত শিশুও সংস্কার বিশিষ্ট হইড, কিন্তু তাহার বীজ আমার শরীরে (মন, শরীরের অন্তর্গত) আছে; প্রয়োজনমত সময়ে জ্ঞানে পরিণত হইবে। এইরূপে, যাহা কান্তীয় মতে আভ্যন্তরিক বা সহজ্ব জ্ঞান, স্পেন্সরের মতে তাহা পূর্বপুরুষ পরস্পরাগত প্রত্যক্ষজাত ক্ষান।

िकादन

এই কথা আপাতত: অপ্রামাণিক বোধ হইতে পারে, কিন্তু স্পেন্সর এরূপ দক্ষতার সহিত ইহার সমর্থন করিয়াছেন যে, ইউরোপে এই মতই এক্ষণে প্রচলিত হইয়া উঠিতেছে। (২)

(২) অনেকে কোমতের "Positive Philosophy" নামক দর্শনশান্ত্রের নামান্ত্রাদে প্রত্যক্ষবাদ লিখিয়া থাকেন। আমাদের বিবেচনায় সেটি ভ্রম। যাহাকে "Empirical Philosophy" বলে অর্থাৎ লক, ছম, মিল ও বেনের মতকেই প্রত্যক্ষবাদ বলা যায়। আমরা সেই অর্থেই প্রত্যক্ষবাদ শব্দ এই প্রবন্ধে ব্যবহার করিয়াছি।

আমরা শ্রীযুক্ত হরিকিশোর তর্কবাগীশ মহাশয়ের পুত্তকের নামোল্লেখ করিয়া এই প্রবন্ধের স্চনা করিয়াছি, এন্থলে তাঁহার এছের যথাযোগ্য প্রশংসা না করিয়া প্রবন্ধ সমাপ্ত করিতে পারি না। যিনি অন্যদেশীয় স্থায় দর্শন অল্লায়াসে অধ্যয়ন করিতে চাতেন, তিনি তর্কবাগীশ মহাশয়ের প্রণীত এই গ্রন্থ যদ্ধে অধ্যয়ন করিবেন। আমরা ক্রায়শান্ত্রের এরূপ সরল ব্যাখ্যা বাঙ্গালা বা ইংরেজিভাষায় আর দেখি নাই। যে, যে তত্ত্বে পারদর্শী না হয়, সে কখন তাহা পরিস্কার করিয়া লিখিতে পারে না। তর্কবাগীশ মহাশয়, এই দর্শনশান্তের যে সম্যক পারদর্শী, এই গ্রন্থ তাহার পরিচন। তাঁহার প্রশংসার্থ ইহাও বক্তব্য যে, তিনি কেবল, বিতপ্তাকারী, চতুপাঠীগতবৃদ্ধি প্রাচীন সম্প্রদায়ের পণ্ডিত নহেন। উত্তমকপে না হউক, কিয়ং পরিমাণে পাশ্চাতা বৈজ্ঞানিক অবগত আছেন এবং প্রাচীন সম্প্রদায়ের নৈয়ায়িকদিগের ক্রায় তাহাতে আস্থাশুক্ত নতেন। অনেক স্থানে পাশ্চাত্য বিজ্ঞানে এবং প্রাচ্য দর্শনে সামঞ্জস্ত করিতে যত্ন করিয়াছেন। স্থায়-শাল্লে তাঁহার যেরূপ অধিকার বিজ্ঞানে দেরূপ না থাকায় তাহা ঘটিয়া উঠে নাই। না হউক, তথাপি তাঁহার গ্রন্থ, অনেক বিষয়ে বাঙ্গালা ভাষায় তুলনাশূর । তিনি জ্ঞানী, কুসংস্কারবর্জ্জিত, এবং লিপিকুশল। এবং সাহস করিয়া আধুনিক অসারগ্রাহী পাঠকদিগের সন্মুখে ফ্রায়শাস্ত্রের পরিচয় দিতে উন্মত হইয়াছেন। ইহাতে তাঁহারও প্রশংসা এবং বাঙ্গালার এবিছির লক্ষণ।



হ যদি জিজ্ঞাসা করেন বর্ত্তমান কালের প্রধান লক্ষণ কি, আমরা বলিব বিজ্ঞানের অধিকার বিস্তার। ব্রহ্মাণ্ডের সকল কাণ্ডেই এক্ষণে বিজ্ঞান হাত দিতে আরম্ভ করিয়াছে। যে সমস্ত বস্তু অতি কুল বলিয়া চকুর অগোচর, বিজ্ঞান অণুবীক্ষণযোগে আপনার আয়ত্ত করিতেছে। যেসকল পদার্থ অতি দুরবর্ত্তী বলিয়া অলক্ষ্য বা তুর্লক্ষ্য, বিজ্ঞান দূরবীক্ষণযন্ত্র দ্বারা আপনার শাসনাধীনে আনিতেছে। এইরূপে ভূমওল ও আকাশ হইতে দেবতা তাড়াইয়া সর্ব্বত্রই বিজ্ঞান আপনার রাজ্য বাড়াইভেছে। পুর্বেব যে ঝড় বৃষ্টি বজ্রাঘাতের বি**শৃখল ব্যাপারে** ইন্দ্র ও বায়ুর প্রভাব অথবা ঈশ্বরের অনুগ্রহ বা নিগ্রহ লক্ষিত হইত, তাপতাড়িতের ছুটা কথা বলিয়া বিজ্ঞান তাহা নিজম্ব করিয়া লইয়াছে। পূর্বেব যে ধুমকেছু দেবক্রোধ চিহ্নস্বরূপ গগনমণ্ডলে উদিত হইয়া ভূপুঠে অমঙ্গল বর্ষণ করিত, বিজ্ঞান মাধ্যাকর্ষণ রক্ষু দিয়া তাহাকে সূর্য্যের সঙ্গে বাঁধিয়া দিয়াছে। পুর্বেষ যেখানে ক্লজমূর্ত্তি সর্ব্বভূক্ হুতাশন দৃষ্ট হইতেন, সেখানে বিজ্ঞান রাসায়নিক প্রাক্রিয়াবিশেষ প্রদর্শন করিতেছে। পূর্বেব যে প্রাণরূপ স্বতম্ব পদার্থ জীবোদ্ভিদ্ সমূহের শরীরে পাকিয়া তথাকার কার্য্যসমূদায় সম্পাদন করিত, বিজ্ঞান তাহাকে উড়াইয়া দিয়া ভাহার অধিষ্ঠান ভূমিতে নৈসর্গিক নিয়মের আধিপত্য সংস্থাপন করিয়াছে। এমন কি, কিরূপে বর্ত্তমান জগতের ও জীবপুঞ্জের উৎপত্তি হইয়াছে, বিজ্ঞান তাহাও দেখাইয়া দিতে অগ্রসর। কি প্রকারে চন্দ্র সূর্য্য গ্রহ ধুমকেতুগণ সমূৎপন্ন হইয়াছে, কি প্রকারে জলস্থল পর্বত নদী প্রভৃতি তাহাদিগের বর্তমান অবস্থা প্রাপ্ত হইয়াছে. কি প্রকারে ভূমণ্ডলে নানাবিধ জীবের উদয়, বিলয় বা বিস্তার ঘটিয়াছে, বিজ্ঞান ৰুক্তিসহকারে বুঝাইয়। দিতে প্রস্তুত। এই বৃহৎ ব্রতের অনুষ্ঠান করিতে গিয়া বিজ্ঞান ঐশীশক্তির সাহায্য চাহে না, স্মষ্টির কল্পনা করে না, কেবল প্রাকৃতিক কার্য্যপ্রণালীর কথা বলে। এই কার্য্যপ্রণালীর দিকে দৃষ্টি রাখিয়াই বিজ্ঞান বিছ্যুৎকে দুভ করিয়াছে, অগ্নিকে রথের অখ করিয়াছে, সমূজকে গমনাগমনের পথ ব্রিয়াছে, এবং বায়ুকে প্রয়োজনামুসারে বাহন করিয়া থাকে।

480

কার্য্যকারণস্থ্র ধরিয়া বিজ্ঞান জগদ্বাণ্ডলে সর্ব্বের্ছ নিয়মের আধিপত্য সংস্থাপন করিতেছে; এক্ষণে মমুয়াসমাজকেও ছাড়িতেছে না। সুন্মদর্শী পণ্ডিতগণ বলিতেছেন যে, মানবজাতিও কার্য্যকারণশৃত্বলে গ্রাথিত, মানবজাতিও নিয়মের অধীন। যেমন চরণতলম্ভ ধূলিকণা হইতে দূরবর্ত্তী নক্ষত্রপুঞ্জ পর্যাম্ভ জড়পদার্থ সকল নিয়মের অধীন, তেমনই বিজ্ঞানবৈত্বগণের মতে তরুলতার অঙ্কুর হইতে মনুষ্ মনের মহোচ্চতম চিন্তা পর্যান্ত প্রাণিমগুলক্ত সমস্ত ব্যাপারই নিয়মের অধীন। কিন্তু ইহার প্রতি এই আপত্তি হইতে পারে যে, আমরা ত আপনাদিগকে এ প্রকার আবদ্ধ বিবেচনা করি না: আমাদিগের অমুভব ও বিশ্বাস এই যে, আমরা সম্পূর্ণরূপে স্বাধীন। আমাদিগের কার্য্যে এইরূপ বিশ্বাসই সর্ববদা প্রকাশ পায়। যখন আমরা কোন মন্দ কর্ম করি, তঙ্ক্র আমাদের চিত্তে অমুতাপ উপস্থিত হয়। আমরা অবশ্রুই ভাবি যে উক্ত কর্ম্ম করা না করা উভয়ই আমাদিগের সাধ্যায়ত্ত ছিল: ইচ্ছাপূর্ব্বক অবৈধ আচরণ করিয়াছি বলিয়াই মনস্তাপ জন্মে। যদি আমরা ব্ঝিতাম যে, যে কার্য্য করিয়াছি, তদ্বিরুদ্ধে ধাবিত হইবার শক্তি আমাদিগের ছিল না, তাহা হইলে আমাদিগের ঈদুশ আত্মগ্রানি উপস্থিত হইত না। বাস্তবিক যখন আমাদিগের স্বাধীনতা থাকে না. যদি আমাদিগের দারা কেহ একটা অস্থায় কার্য্যও করাইয়া লয়, আমরা তড্জন্ম বিশেষ কোন মানসিক যন্ত্রণাও ভোগ করি না। यদি ডাকাইতে কাহাকে বাঁধিয়া অস্ত একজনের উপরে নিক্ষেপ করে, তাহা হইলে নিক্ষিপ্ত ব্যক্তি অপরকে কষ্ট দিয়াছি বলিয়া সম্ভপ্তচিত্ত হয়, এরূপ বোধ হয় না। আর সংকর্ম করিলে আমরা যে আত্মপ্রসাদ পাই, অসংপথে যাইবার ক্ষমতা আমাদিগের ছিল, এ প্রকার প্রত্যয় না থাকিলে তাহা কখনই জন্মিত না। লোককে যখন আমরা তাহাদিগের কার্য্যজ্ঞ নিন্দা বা প্রশংসা, পুরস্কার বা তিরস্কার করি, তখনও আমরা তাহাকে স্বাধীন জ্ঞান করি; কারণ, বিপরীত ব্যবহার তৎপক্ষে সম্ভব না হইলে তাহার প্রতি দোষ বা গুণের আরোপ নিতান্ত নিরর্থক হইয়া পড়ে। যখন আমরা কোন অপরাধীকে দণ্ড দিয়া থাকি, তখনও আমরা বিবেচনা করি যে, সে অফ্সরূপ কার্য্য করিতে পারিত, কোন অনিবার্য্য শক্তির বশবর্তী হইয়া সে ব্যক্তি ছড়র্মে প্রবৃত্ত হয় নাই, তাহার এ প্রকার আন্তরিক বল ছিল যে, সে অসংবন্ধ পরিত্যাগ করিয়া সন্মার্গান্ধগামী হইতে পারিত।

এই আপত্তিগুলির সম্বন্ধে আমরা সংক্ষেপে গুটিকতক কথা বলিব। অনুভব দারা আমরা আপন আপন বর্ত্তমান মানসিক অবস্থা জানিতে পারি। আমাদিগের মনে কি প্রকার মুখ, ছংখ, বাসনা, ইচ্ছা বা জ্ঞান এক্ষণে উপস্থিত হইয়াছে, আমরা অনুভব করিয়া থাকি। কিন্তু কোন প্রকার মানসিক শক্তি অনুভবের বিষয় নহে, অনুমানের বিষয়। আমাদিগের মনে যে সকল ভাব উদিত হয়, তন্মধ্যে এক এক

জাতীয় ভাবদিগকে এক একটি শক্তির কার্য্য বলিয়া আমরা অমুমান করিয়া থাকি। স্থুতরাং যদি আমাদিগের কার্য্যনিয়ন্ত্রী স্বাধীনতাশক্তি থাকে, তাহা অমুভবসিদ্ধ ना इरेग्रा असूमानिषक इरेटर । असूमान अरमयन कतिग्रारे, आमामिश्यत कान প্রকার ক্ষমতা আছে না আছে, তদ্বিষয়ের বিশ্বাস হৃত্যে। এক্ষণে দেখা যাউক যে আমাদিগের যে স্বাধীনতায় বিশ্বাস আছে. সে কিন্নপ স্বাধীনতা। সাধ্যবিষয়ান্তর্গত यथन आमानिरागत याहा कतिराउ हेम्हा हम, जाहा कतिराउ পाইলেই आमता আপনাদিগকে স্বাধীন জ্ঞান করি। যদি কেছ আমাদিগকে ধরিয়া বাঁধিয়া বা আবদ্ধ করিয়া রাখে, যদি ইচ্ছামত আমরা বিচরণ করিতে না পারি, যদি ইচ্ছামুসারে লিখিতে, পড়িতে, বলিতে বা অম্ম কোনরূপ কার্য্য করিতে না পাই, তাহা হইলে আর আমরা আপনাদিগকে স্বাধীন জ্ঞান করি না। ইহাতেই স্পষ্টই বুঝাইতেছে যে যখন কোন বাহ্যশক্তিতে আমাদিগকে ইচ্ছামুসারে চলিতে দেয় না. তখনই আমরা আপনাদিগকে পরাধীন ভাবি: আর যখন আমরা আপন আপন ইচ্ছামুদারে কার্য্য করিতে পাই, তখনই আমরা আপনাদিগকে স্বাধীন বিবেচনা করি। আমরা স্বাধীন একথা বলিবার সময়ে, আমাদিগের ইচ্ছার কোন কারণ नारे. देश वना यामापिराव উদ্দেশ नरह । তবে दश्छ देशव असूद এই ভাবটি আছে, আমরা কোন অনিবার্য্য বাহ্যশক্তির বশীভূত হইয়া ইচ্ছাটিও করি না, স্বীয় প্রকৃতি অমুসারেই করিয়া থাকি। স্বাধীনতা শব্দের অর্থ ই স্বপ্রকৃতি সাপেক্ষতা, স্বন্ধভাবামুবর্ত্তিতা।

অসংকর্ম করিলে আত্মানি কেন হয় তাহার কারণ নিম্নে লিখিত হইতেছে।
কি করা ভাল, কি করা মন্দা, প্রত্যেক ব্যক্তিই একপ্রকার স্থির করিয়া রাখে।
কিন্তু সময়ে সময়ে কোন কোন বাসনা প্রবল হইয়া কর্ত্তব্যজ্ঞান ঢাকিয়া কেলে।
তখন অস্থায় কার্য্য সহজেই অন্তিত হয়। কিন্তু যখন আন্তরিক ঝটিকা থামিয়া
যায়, তখন স্থির বৃদ্ধির আলোকে উক্ত কার্য্যের মলিনত্ব স্পষ্টরূপে প্রকাশ পায়।
তখন উচ্চলক্ষ্যচ্যুত ও নীচপথগামী বলিয়া আপনার প্রতি অত্যন্ত স্থুণা জন্ম।
নিজের প্রতি অতিশয় অপ্রকা হইলে মনে অত্যন্ত কই হইবারই কথা।

আমরা যে সকল লোকের কার্য্য দেখিয়া তাহাদিগের নিন্দা বা প্রশংসা, দণ্ড বা পুরস্কার করি, ইহা হইতে তাহাদিগের ইচ্ছা কার্য্যকারণনিয়মের অধীন নছে এক্সপ বিবেচনা করা অস্থায়। মনে কর যদি পৃথিবীতে এমন একজাতীয় জীব শাকিড, যাহারা অনিবার্য্য বাসনার বশবর্তী হইয়া ক্রমাগতই আমাদিগের উপকার করিত ও অপকার করা কাহাকে বলে বৃথিত না; তাহা হইলে কি আমরা তাহাদিগকে দেবভাত্ন্য ভক্তি করিতাম না? আর যদি কোন একজাতীয় জীব স্বকার্য্যের ফলাফল বোধশুন্য হইয়া নিয়তই আমাদিগের অপকার

िक्सि

করিত, তাহা হইলে কি আমরা তাহাদিগকে সর্প ও ব্যাজের ন্যার্ম বধ করিতে প্রস্তুত হইতাম না ? বাস্তবিক বোধ হয়, নিন্দা, প্রশংসা, দণ্ড, পুরস্কার, এসকলের প্রধান উদ্দেশ্য ছইটি; ১ আত্মরক্ষা ২ সৎপ্রবৃত্তি বর্দ্ধন। যে ব্যক্তি আমাদিগের অনিষ্টসম্পাদনে নিযুক্ত, সে ব্যক্তি কলের স্থায় বোধশৃত্য হইলেও আমরা তাহাকে দণ্ড দিতে পারি। এই কারণেই আমরা উন্মত্তদিগকে
আবদ্ধ করিয়া রাখা উচিত জ্ঞান করি। সাধারণতঃ লোকের বিশ্বাস এই যে
নিন্দা, প্রশংসা, দণ্ড, পুরস্কার দ্বারা সমাজক্ত ব্যক্তিবর্গের সৎপ্রবৃত্তি বর্দ্ধিত ও
অসৎপ্রবৃত্তি নিবারিত হয়। এ বিশ্বাস সমূলক হইলে, নিন্দা প্রভৃতি দ্বারা
মানবচিত্তের অনেক পরিবর্ত্তন ঘটে স্বীকার করিতে হইতেছে। স্কুতরাং মনুষ্যকে
কার্য্যকারণ শৃত্বালে আবদ্ধ বলিতে হইতেছে।

মন্থ্য কার্য্যকারণ নিয়মের অধীন, ইহা পদে পদে আমরা অনুমান করি।
যথন আমরা বলি অমুক ব্যক্তি অমুক কার্য্যে প্রবৃত্ত হইতে পারে, অমুক ব্যক্তি
পারে না; তখন আমাদিগের মনোগত ভাব কি ? তখন কি আমরা ইহাই ধরিয়া
লই না যে প্রত্যেক ব্যক্তির কার্য্যই তাহার চরিত্র ও অবস্থার সমবেত ফল ?
হাজার টাকা উৎকোচ পাইলে অর্থলোভী ও গ্রায়পর এ উভয়ের মধ্যে কে কিরুপ
কার্য্য করিবে, আমরা কি ভবিশ্বদ্বক্তার স্থায় বলিয়া দিতে পারি না ? যদি গণনা
ঠিক না হয়, তাহা হইলে কি আমরা বৃথি না যে, চরিত্র ভাল করিয়া না জানাই
আমাদিগের বিফল হইবার কারণ ? আমরা কার্য্য সিদ্ধ করিতে হইলে লোকের
প্রেকৃতি বৃথিয়া চলি। কাহারও নিকটে অনুনয়বিনয় করি। কাহারও কাছে
তর্জ্জনকর্জন করি। কাহাকে তাহার স্বার্থের কথা বলি। কাহারে বা ধর্মজ্যর
দেখাই। কাহারও যশোলিক্ষা প্রজ্জলিত করি, কাহারও আত্মগরিমার বিনোদন
করি। এইরূপে আমরা ব্যবহারে দেখাইতেছি যে, লোকের কার্য্য অবস্থা সংযোগে
স্বভাবোৎপন্ন ফল, ইহাই আমাদিগের দৃঢ় বিশাস।

জ্বনিদিগকে অনেকে চিন্তামগ্ন বলিয়া বৈষয়িক ব্যাপারে অপারগ জ্ঞান করিত। অনেকে ভাবিত তাহালা দর্শন ও কাব্যরসে চিরদিন ডুবিয়া খাকিবে; কিন্তু পৃথিবীতে কখনও সমরকুশল ও মন্ত্রণাতৎপর পরাক্রান্ত জ্ঞাতি বলিয়া গণ্য হইতে পারিবে না; এক্ষণে তাহাদিগের কার্য্য দেখিয়া লোকের এ প্রকার ভ্রান্তি দৃর হইয়াছে। কিন্তু ইহাতে কার্য্য কারণ নিয়মের ব্যভিচার হইতেছে না। ইহাতে দেখাইতেছে যে পূর্বেব অনেক লোকে জ্বর্মনদিগের প্রকৃতি ভাল করিয়া অবগত হইতে পারে নাই।

মুস্থ্যসমাজ যে নিয়মের অধীন তাহার একটি সুন্দর প্রমাণ বর্ত্তমান সময়ে পাওয়া গিয়াছে। ইউরোপ ও আমেরিকাখণ্ডে এক্ষণে অনেক প্রকার ঘটনার

বিশেষ বিশেষ তালিকা প্রস্তুত হইয়া থাকে। তদ্ধু জানা যায় যে, যে সকল কার্য্যে লোকের বিশেষ স্বাধীনতা অমুমিত হইয়া থাকে, তাহাতেও নিয়ম আছে। কোন্ দেশে বংসরে কত বিবাহ, কত নরহত্যা, কত চিঠিলেখা হইবে, এসকল এক প্রকার স্থির আছে। এমন কি, কত লোকে চিঠির শিরোনামায় মোকাম লিখিতে ভুলিবে, তাহাও অবধারিত করিয়া বলা যায়। বাস্তবিক সামাজিক অবস্থা যতদিন একরূপ থাকে ততদিন গড়পড়তায় কল একরূপ হইবে, ইহা একপ্রকার স্বভঃসিদ্ধ।

মন্থার ইচ্ছা কারণসূত্রে বন্ধ, ইহা বলিলে যদি কেহ ছ:খিত হন, কি করিব ? জনমনোমোহন চিত্র অপেকা সত্য আমাদিগের প্রিয়বস্তা। কল্পনার বশবর্তী হইয়া মন্থার মহন্ত্র বাড়াইতে গিয়া, আমরা সত্যকে পরিত্যাগ করিছে পারি না। কিন্তু গাঁহারা ভাবেন যে অকারণে মন্থ্যু যাহা তাহা ইচ্ছা করিছে পারে, তাঁহাদিগকে আমরা ছই একটা কথা জিজ্ঞাসা কবিব। লোকের সং বা অসং অভিপ্রায় দেখিয়াই আমরা তাহাদিগকে প্রশংসা বা নিন্দা করি। অভিপ্রায়ান্ত্রতী ইচ্ছার কারণ স্পষ্টই উক্ত অভিপ্রায়। স্তুত্রাং সে ইচ্ছা কার্য্যকারণ-শৃত্যলাবন্ধ। যে ইচ্ছার কারণ নাই, গোহাকে কিরূপে অসং বা সং বলিয়া ভাছার নিন্দা বা প্রশংসা করিবে ?

মনুষ্যসমাজ যদিও নিয়মের সধীন, তথাপি তাহা কতদূর বিজ্ঞানের দৃষ্টি-পথবর্ত্তী, ইহা অনেকে বৃঝেন না। অনেকে মনে করেন, আমি, তৃমি, বা সপর কোন ব্যক্তি সারাজীবন কখন কি কাজ করিব, বিজ্ঞান কালে বলিতে পারিবে। এটা সম্পূর্ণ প্রান্তি। যদি একখানি কাচপাত্র প্রস্তরের উপরে সবলে নিক্ষেপ করা যায়, তবে কাচপাত্রটি খণ্ড খণ্ড হইয়া ভাঙ্গিয়া যাইবে, পদার্থতত্ব বলিতে পারে; কিন্তু কোন্ খণ্ড কোথায় কিরূপ বেগে যাইয়া পড়িবে, ইহা বলা বিজ্ঞানের সাধ্য নহে। সেইরূপ মনুষ্যসমাজের সম্বন্ধে সাধারণতঃ ছুই চারিটা কথা বলা যাইতে পারে; কিন্তু তদন্তর্গত ব্যক্তিবিশেষের জীবনগতি নির্ণয় করা বিজ্ঞানের ক্ষমভাতীত।

যে জ্যোতিষে বিজ্ঞানের মাহাত্ম্য সর্ব্বাপেক্ষা অধিক পরিমাণে প্রদর্শিত হইয়াছে; যাহাতে বিজ্ঞান ভবিশ্বদক্তার স্থায় বহুকাল পূর্ব্ব হইতে সূর্য্যচন্দ্রের গ্রহণ বা গ্রহবিশেষের অবস্থান গণনা করিতে সক্ষম, এমন কি যাহাতে বিজ্ঞান না দেখিয়া অনুমানবলে বলিতে পারিয়াছে গগনের অমৃক স্থানে অনুসন্ধান কর একটা নৃতন গ্রহ পাইবে, সেই জ্যোতিষেও বিজ্ঞান ঠিক ঠিক ফল নির্ণয় করিতে পারে না। গ্রহদিগের কক্ষগুলি ঠিক কেপ্লার (Kepler) নির্দিষ্ট বৃত্তাভাস প্রথ নহে; অপর গ্রহসমৃদায়ের আকর্ষণে প্রত্যেক গ্রহের কক্ষ শুদ্ধ বৃত্তাভাস

আকার প্রাপ্ত হইতে পারে না। বাস্তবিক জ্যোতিষিক গণনা দ্বারা পরস্পর আকর্ষণকারী তিনটা পদার্থের প্রকৃত অবস্থানও সম্পূর্ণ বিশুদ্ধরূপে আমরা নিরূপণ করিতে অশক্ত। ইহা হইতেই সহজে অমুমেয় যে, বিষয়ের জটিলতাবৃদ্ধির সঙ্গে সঙ্গে তত্ত্বনির্ণয়ের কত ব্যাঘাত উপস্থিত হয়। **মমুগ্রসমাজ** একে ত অসংখ্য ব্যক্তিবর্গের সমষ্টি, তাহাতে প্রত্যেক ব্যক্তি আবার বিবিধ বাসনার বশবর্ত্তী। একমাত্র মাধ্যাকর্ষণের নিয়মাধীন ভিনটী পদার্থের কক্ষ কয়টা ঠিক ঠিক নিরূপণ করা যখন অসাধ্য ব্যাপার, তখন বহুবিধ বাসনাজ্ঞতিত বহুসংখ্যক ব্যক্তি-বর্গের গতি স্থির করা সহজ্ঞ কাণ্ড নহে। বিশেষতঃ দেশ, কাল ও অবস্থাভেদে নমুয়্যের কতরূপ প্রকৃতিভেদ দৃষ্ট হয়। ইহার উপর আবার ভাবিতে হয় যে, নানবজাতি প্রায় লক্ষ বৎসর ভূমগুলের অধিবাসী; অধ্য আমরা কেবল ছুই তিন হাজার বৎসরের কোন কোন দেশের ইতিহাস মাত্র জ্বানি। সাগরকূলের ছই একটা ঢেউ দেখিয়া কেহ অকুল জলধির বৃত্তাম্ভ লিখিতে গেলে তাহার যে দশা হয়, সমুদয় মানবজাতিসম্বন্ধে কোন কথ। বলিতে গেলে আমাদিগের প্রায় সেইরূপ দশা উপস্থিত হইবার সম্ভাবনা। যদি আমরা পুরাণবর্ণিত ঋষিগণের স্থায় ত্রিকালজ্ঞ হইতাম, তাহা হইলেও একপ্রকার নিস্তার ছিল। কিন্তু ছর্ভাগ্যক্রমে আমরা কলিকালের লোক। সামাম্ম বৃদ্ধিরূপ ভেলা অবলম্বন করিয়া আমাদিগকে অনম্ভ অম্বুনিধি অতিক্রম নিমিত্ত অগ্রসর হইতে হয়।

পদার্থভেদে তন্নির্শ্বিত স্তুপের আকারভেদ ঘটে। গোলক, ইপ্টক, বা বালুকা, রাশীকৃত করিয়া সাজাও, স্তুপগুলি ভিন্ন ভিন্ন আকার ধারণ করিবে, তাহাদিগের গঠনবন্ধনও বিভিন্নরূপ দৃঢ়তা প্রাপ্ত হইবে। এই সামাক্ত উদাহরণ হইতেই বুঝা যাইভেছে যে, সমষ্টির প্রকৃতি উপাদানসাপেক্ষ। মানবসমাজও এই নিয়মের অধীন। মনুষ্যের স্বভাব দেখিয়াই মানবসমাজের ভাবগতি নির্ণেয়।

যখন কোন পদার্থে ভিন্ন বল প্রয়োগ করা যায়, তখন হয় তাহা স্থির হইয়া থাকিবে, নয় তাহার গতি হইবে। পণ্ডিভেরা এনিমিন্ত বলবিজ্ঞানকে ছুই ভাগে বিভক্ত করেন; ১ ক্লিভিবিজ্ঞান, ২ গভিবিজ্ঞান। স্থিভিবিজ্ঞানে স্থিভির, এবং গভিবিজ্ঞানে গভির নিয়ম সকল নির্ণীত হয়। সমাজভব্ববিদ্গণ এই দৃষ্টাস্তের অনুসরণ করিয়া সামাজিক স্থিভিবিজ্ঞান ও সামাজিক গভিবিজ্ঞান নামক সমাজবিজ্ঞানের ছুইটী শাখা কল্পনা করিয়াছেন। সামাজিক স্থিভিবিজ্ঞানে সমাজ-স্থিভির, এবং সামাজিক গভিবিজ্ঞানে সামাজিক উন্নভির নিয়াবলী নিরূপিত হয়।

সমাঞ্জন্থিতির নিয়মাবলী নির্ণয় করিতে গিয়া পণ্ডিতেরা মানবসমাজকে শরীরের সহিত তুলনা করেন। শরীরের সমৃদায় অংশগুলি পরস্পর সম্বন্ধ রাখিতে যেমন স্নায়্মগুল আছে, তেমনই সমাজে শাসনকর্তা চাই। ভিন্ন ভিন্ন শারীরিক-

যম্ভারা যেমন শরীর রক্ষণোপযোগী ভিন্ন ভিন্ন কার্য্য সম্পাদিত হয়, তেমনই সমাজরক্ষার উপযোগী ভিন্ন ভিন্ন প্রকার বাবসায়ী লোক সমাজে থাকা আবশ্রক। যেমন শরীরের এক অঙ্গে বেদনা লাগিলে সমুদায় শরীরের ক্লেশবোধ হয়, তেমনই সমাজের কাহারও ছঃখ হইলে অন্সের সহামুভূতি চাই। যেমন শরীরস্থ এক অঙ্গ দারা অস্ত অঙ্কের সহায়তা হয়, তেমনই সমাজের এক ব্যক্তি বা এক বিভাগ দারা অপর ব্যক্তি বা অপর বিভাগের সাহায্য হওয়া আবশ্যক। বাস্তবিক যে যে স্থলে সমাজ ক্ষমতাশালী ও সুখী দেখা যায়, সে সে হুলে সমাজস্থ ব্যক্তিবর্গের প্রক্ষেয় শাসনপ্রণালী আছে, সেখানে প্রয়োজনামুরপ বিভিন্ন প্রকার ব্যবসায়ী লোক আছে, এবং সেখানে পরস্পরের সাহায্য করা ও পরস্পরের ব্যথায় ব্যথিত হওয়া বহুল পরিমাণে লক্ষিত হয়। যদিও শরীরের সহিত সমাজের এত সাদৃশ্র, তথাপি উভয়ের মধ্যে একটা গুরুতর বিভেদ আছে। সমাজের প্রত্যেক ব্যক্তিই চৈত্যা-বিশিষ্ট জীব, কিন্তু শরীরের প্রত্যেক অঙ্গ তত্রপ নহে। স্থতরাং সমাজস্তু সমস্ব ব্যক্তিবর্গের সচ্ছন্দতাসম্পাদনই সমাজরকার প্রধান উদ্দেশ্য ; কিন্তু অফ্রান্য অঙ্গ-প্রত্যক্ষাপেক্ষা স্নায়ুমণ্ডলের সচ্ছনদভাসম্পাদনই শরীররক্ষার প্রধান লক্ষ্য। এই কারণে শাসনকর্ত্তগণ সমাজ্ঞশরীরের স্মায়ুমণ্ডলস্বরূপ হইলেও রাজার সুখাপেক্ষা প্রজাদিগের স্থাপের দিকে দৃষ্টি রাথাই রাজ্যশাসনের মুখ্য উদ্দেশ্য। সমাজের উপাদানভূত ব্যক্তিগণ সচেতন হওয়াতে আর একটা বিশেষ ফল এই হইয়াছে যে শারীরিক কার্য্যাপেক্ষা সামাজ্রিক কার্য্য অধিক পরিমাণে জ্ঞান ও ইচ্ছার অন্তবর্ত্তী।

মন্থার উন্নতির দিকে দৃষ্টিপাত করিলে, উহা ত্রিবিধ বলিয়া প্রতীয়দান হইবে; প্রথম জ্ঞানের উন্নতি, দ্বিতীয় নীতির উন্নতি, তৃতীয় বাহ্য জগতের উপর কর্ত্ত্ব বৃদ্ধি। যথন আমরা কোন জ্ঞাতিকে পূর্ব্বাপেক্ষা উন্নত বলি, তথন হয় তাহারা পূর্ব্বাপেক্ষা বিশ্বব্যাপার সম্বন্ধে নৃত্তন কথা অনেক জ্ঞানিয়াছে, নয় তাহারা পূর্ব্বাপেক্ষা সংকার্য্যলালী হইয়াছে, অথবা তাহারা পূর্ব্বাপেক্ষা জড়পদার্থসকল আপনাদিগের কর্ত্ত্বাধীনে আনিয়া তদ্ধারা সামাজিক স্থপসচ্চন্দতার বৃদ্ধি করিয়াছে, এইরূপ কোন একটি বা ছই তিনটির প্রতি লক্ষ্য করি। কিন্তু কিঞ্চিং বিবেচনা করিয়া দেখিলেই প্রতীতি হইবে যে অপর ছই প্রকার উন্নতি জ্ঞানোন্নতি সাপেক্ষ। জ্ঞানবৃদ্ধিসহকারে বাহ্য বস্তুর প্রকৃতি জ্ঞানিতে পারিলেই আমরা তাহার উপর কর্ত্ত্ব সংস্থাপন করিতে পারি। যতদিন না লোকে জ্ঞানিত বিহ্যাৎ কি পদার্থ, তত্তদিন তাহাকে ইচ্ছামুসারে আপন আপন কার্য্যে নিয়োজিত করিতে পারে নাই; কিন্তু একণে তাহার আবির্ভাবের নিয়ম অবগত হইয়া আমরা তার সংযোগে তদ্ধারা দূরে সংবাদ প্রেরণ করিতেছি। অগ্নিকে প্রথমে লোকে দেবতা বলিয়া ভয় করিত, পরে অগ্নি উৎপাদন করিতে শিবিয়া তদ্ধার।

মানবজাতি কত কার্য্য সাধন করিতে সক্ষম হইয়াছে। অগ্নি অন্ধ-ব্যঞ্জন পার্ক করে। অগ্নি শীতকালে তাপ দিয়া থাকে। অগ্নি অন্ধকার হরণ করিয়া নিশাকালে আমাদিগের কত সাহায্য করে। অগ্নি মৃগ্ময় পাত্র ও ইন্তক পুড়াইয়া আমাদিগের কত উপকার করে। অগ্নি জলকে বাষ্প করিয়া কলের নৌকা ও কলের গাড়ী চালায়। আবার দেখ, বায়ুর গতি অবগত হইয়া তৎসাহায্যে ময়য়য় সমুজ-পথে জাহাজ চালাইতেছে। এইরূপ পদে পদে দৃষ্ট হইবে যে জ্মানই নরজাতির কর্তৃষ্বের মূল এবং বাহ্য জগৎ সম্বন্ধে জ্ঞান বৃদ্ধি না হইলে তাহার উপর কর্তৃষ্ব বৃদ্ধির সম্ভাবনা নাই। নৈতিক উন্ধতি বিশ্বাস-পরিবর্ত্তন সাপেক্ষ। কিন্তু ক্যুনোন্নতি সাপেক্ষ।

যদি জ্ঞানোয়তিই সকল উয়তির মূল হয়, তাহা হইলে জ্ঞানোয়তির নিয়মই সামাঞ্জিক উয়তির প্রধান নিয়ম হইবে; এবং যে সকল কারণে জ্ঞানোয়তির সাহায্য করে, সেইগুলি সামাঞ্জিক উয়তিরও সহায় হইবে। স্থপ্রসিদ্ধ ফরাসি পণ্ডিত অগোস্ত কোন্ত বলেন যে জ্ঞানোয়তির তিনটি সোপান আছে, ১ পৌরাণিক, ২ দার্শনিক, ৩ বৈজ্ঞানিক; আর যে বিজ্ঞানের বিষয় যত সরল, তাহা তত শীঘ্র বৈজ্ঞানিক সোপানে উত্তীর্ণ হয়। অভ্যাপি ইহার অতিরিক্ত উচ্চ কথা আর কেহই বলিতে পারেন নাই, এবং ইহার সাহায্যে কোন্ত ঐতিহাসিক তত্ত্বের অনেক ব্যাখ্যা করিয়াছেন। "কোন্ত দর্শন" নামক প্রবদ্ধে একবার কোন্তের জ্ঞানোয়তি বিষয়ক মতের আলোচনা করা গিয়াছে; তত্ত্বক্ত এতৎ সম্বদ্ধে এস্থলে আর অধিক লিখিত হইল না।

প্রাচীন কালে প্রাকৃতিক কারণে বোধ হয় জ্ঞানোন্নতির অনেক সহায়তা করিয়াছিল। যে যে স্থলে ভূমির উর্ব্রেরতা গুণে লোকে অল্প পরিশ্রমে আহারসামগ্রী সংগ্রহ করিতে সক্ষম হইয়া জ্ঞানচর্চ্চা জ্ব্য অবসর পাইত, সেই সেই স্থলে
পূর্ব্বকালে বছল পরিমাণে সামাজিক উন্নতি হইয়াছিল, দৃষ্ট হয়। মিসরের নীলনদতীরে, তুরক্ষের ইউফ্রেটিস্ ও ট্রাইগ্রিস্ নদীর কুলে, ভারতবর্ষে সপ্তসিন্ধু প্রদেশে,
হোয়াংহো ও ইয়াং সিকিয়াং নদী বিভূষিত চীনদেশে, প্রাচীন সময়েই সভ্যতার
জ্যোতি বিকীর্ণ হইয়াছিল।

সময়ে সময়ে কোন কোন মহাপুরুষ জন্মগ্রহণ করিয়াও জ্ঞানোন্নতির বিশেষ সাহায্য করিয়াছেন। বৃদ্ধ বা খৃষ্ট না জন্মিলে লোকের নৈতিক জ্ঞানের বিকাশ হইতে আরও কতকাল লাগিত, কে বলিতে পারে? যদি গালিলিও বা নিউটন না জন্মিতেন, তাহা হইলে বিজ্ঞানের উন্নতি অল্পকালমধ্যে এত হইত কি না সন্দেহ। কৈহ কেহ বলেন যে মহাপুরুষেরা উচ্চ পর্বত-চূড়াস্বরূপ, উদয়োমুখ জ্ঞানসূর্যের. আলোক তাঁহাদিগের মন্তকে আগে লাগিয়া উপত্যকা প্রদেশে প্রতিফলিত হয়, এই বাত্র। একথা যদি সত্য হয়, ভাহা হইলে ভাঁহারা না আবিভূ ত হইলেও উপত্যকা প্রদেশ জ্ঞানরশ্মিষারা আপনাআপনি অনতিবিলম্বেই আলোকিত হইত। ইহাতে আমরা সায় দিতে পারি না। সত্য বটে, কোন একটি নৃতন তত্ব আবিষ্ণুত হইবার পূর্বে তাহার পথ প্রস্তুত হইয়া থাকে। কিন্তু একটি বড় লোকে যত-গুলি তব্ব আবিষ্ণার করিতে সক্ষম, বহুসংখ্যক সামান্ত লোকে বহুকাল না খাটিলে তত্ত গুলি আবিষ্ণার করিতে পারে না; এবং কোন একটি মহন্তব্ব আবিষ্ণার করিতে মনের যেরূপ মহন্ত আবশ্যক, তাহা কখনও সামান্ত লোকের হইতে পারে না। এই নিমিন্ত আমরা বলি যে, যে প্রণালীতে জ্ঞানের উন্নতি হইবে যদিও তাহার অক্যথা হইতে পারে না, তথাপি মহাপুক্র্যদিগের আবির্ভাব দ্বারা উন্নতির বেগের তারতম্য সংঘটিত হয়।

শাসনকর্তৃগণ পুরন্ধার বা দণ্ডদারা জ্ঞানবৃদ্ধির অমুকৃল বা প্রভিকৃল হইতে পারেন। স্থতরাং সামাজিক উন্নতি সম্বদ্ধে আমরা তাঁহাদিগকে এক হাত গণিয়া চলি। যাঁহারা রাজনিয়ম দারা জ্বর্মনির উন্নতি ও স্পেনের অবনতি সম্বর্দনি করিয়াছেন, আমরা আশা করি যে তাঁহারা আমাদিগের সহিত একমত হইবেন।



২য় সংখ্যা

ব্যনায়ক ইন্দ্র, এই প্রথম, সপ্তম সর্গে দৃশ্যমান হইতেছেন। কোন কোন মহাকাব্যে আছোপান্ত নায়ক প্রায় আমাদিগের দৃষ্টির অভীত হয়েন না,— সে শ্রেণীর মহাকাব্যের প্রধান উদাহরণ রামায়ণ। আবার কোন কোন মহাকাব্যে নায়ক, তাদৃশ সর্বাদা দর্শনীয় নহেন; কার্য্যকালেই দেখা দেন। সংসারের এক একটি কার্য্য বছজনের বছতর উদ্যোগের ফুল; ফুদ্র ফুদ্র লোকে বছতর উদ্যোগ করে, শক্তিধর মন্ত্র্য তাহা একত্রিত করিয়া তাহাতে ইচ্ছামত ফল ফলান। কাব্যকার সেই ক্ষুদ্র ক্লাকের ক্ষুদ্র ক্লুদ্র আয়োজন প্রথমে দেখাইয়া, শক্তিধরের শক্তিতে তৎসমুদায়ের পরিণাম দেখান। এইজ্ব্যু শ্রেণীবিশেষের মহাকাব্যে নায়ক কেবল ফলোৎপত্তি কালেই পরিদৃশ্যমান হয়েন। ইলিয়দের প্রথম সর্গের পর, আট সর্গে আর আকিলিসের দেখা নাই; এবং ব্রুসংহারে সপ্তম সর্গ পর্যান্ত ইন্দ্রের দেখা নাই। ফলে যে একাদশ সর্গ এক্ষণে প্রকাশ হইয়াছে, ইহাতে ইন্দ্রকে আমরা অধিকক্ষণ দেখি না।

কুমেরুশিখরে ইন্দ্র তপস্থায় নিযুক্ত। কিন্তু সে তপস্থা ব্রহ্মাদি পৌরাণিক দেবতার আরাখনা নহে। তিনি নিয়তির আরাখনা করিতেছিলেন। নিয়তি হেম-বাবুর সৃষ্টি। সত্য বটে, গ্রীসীয় দেবতাদিগের মধ্যে ঈদৃশ দেবী আছেন, কিন্তু হেমবাবুর নিয়তি গ্রীক দেবীগণ হইতে ভিন্নপ্রকৃতি। হেমবাবুর এই সৃষ্টি অত্যস্ত স্পঙ্গত বলিয়া বোধ হয়। নিয়তি অম্মদেশীয় পুরাণেতিহাসে নাম প্রাপ্ত নহেন বটে, কিন্তু পৌরাণিক দেবতাগণ সকলকেই ঐশী শক্তির অতীত আর একটি শক্তির অধীন দেখা যায়। যাঁহারা পুরাণাদিতে জগদীশ্বরত্বে প্রতিষ্ঠিত, ব্রহ্মা বিষ্ণু শিব, তাঁহারাও সর্বাশক্তিমান্ বা ইচ্ছাময় নহেন। তাঁহাদিগকেও উত্যোগ করিয়া কার্য্য-সিদ্ধ করিতে হয় এবং সময়ে সময়ে বিফল্যত্ব হইতে হয়। দশবার মন্ত্র্যাছল এহণ করিয়া বিষ্ণুকে পৃথিবীর ভার মোচন বা ভক্তের উদ্ধার করিতে হইয়াছিল।

মহাদেব সমুজমন্থন করাইয়াও বিষ ভিন্ন কিছু পাইলেন না। অস্ত্র দেবতাদিগের ত কথাই নাই। যত্ন এবং ভাহার বিফলতা থাকিলেই মুখ ছংখ আছে। অভএব ব্রহ্মা বিষ্ণাদির এই মুখ ছংখ কোন্ শক্তিতে ? পুরাণাদিতে সে শক্তির নাম নাই। হেমবাবু ভাহার নিয়তি নাম দিয়া ভাহাকে দেহবিশিষ্ট করিয়াছেন। সে দেহও অভি ভয়ন্বর—

পাবাণের মূর্ব্ধি বেন, দৃষ্টি নিরদর।
মাধুর্যা কি মেহ কিখা অত্যকল্পা-লেশ
বদন, শরীর, নেত্র, গাত্র, কি ললাটে,
বাজ্ত নহে বিন্দুমাত্র; নিয়ন্ত দর্শন
করতলন্থিত বাপ্ত ভবিতব্য-পটে।
অনক্তমানস, দৃষ্টি আলেখোর প্রতি,
কিলা নীরস বাক্য চাহিয়া বাসবে—
"কেন ইক্র, নিয়তির পূজার বাাপুত?
নিয়তি নহেক তুষ্ট কিখা রস্ট কতু।

যুগ যুগান্তে ইন্দ্রের ধ্যানভঙ্গ হইলে নিয়তির এই মূর্ত্তি তাঁহার সম্মুখীন হইল। কিন্তু নিয়তির পরিচয় রাখিয়া আমরা পাঠককে আর একটি কৌতৃহল ব্যাপার দেখাইব—বিজ্ঞানে কাব্যে বিবাহ। ইন্দ্রের ধ্যান ভঙ্গ হইল। তিনি পাশ্চাত্য বিজ্ঞানে স্থশিক্ষিত কবির সাহায্যে নিম্নলিখিত মত যুগাস্তরীয় পরিবর্ত্তন দেখিতেছেন,—

"পূর্ব্বে সে নিরখি যেখা কৌনী সমতল, পর্বাত এখন সেখা শৃলবিভূষিত, লতা শুল সমাকীর্ণ শ্রামল স্থলর, বিরাজে গগনমার্গে অল প্রসারিয়া! "গভীর সাগর পূর্বে ছিল বেই স্থানে, বিস্তীর্ণ মন্ত্রমগুল সেখার এখন, সমাছের নিরস্তর বালুকারাশিতে, তক্রবারি-বিরহিত তাপদধ্দদেহ! "নক্ষত্র নৃতন কত, গ্রহ নবোদিত, নিরখি অনস্ত মাঝে হয়েছে প্রকাশ; সুর্গ্যের মণ্ডল যেন স্থলান বিচ্যুত, অপুস্তে বহুদ্র অন্তরীক্ষ পথে!"

আমাদিগেরও এইরপ ধারণা আছে যে, অভ্যুচ্চ বিজ্ঞান এবং অভ্যুচ্চ কাব্য, পরস্পরকে আশ্রয় করে। কেপ্লরের ভিনটি নিয়ম আমাদিগের নিক্ট ভিনখানি অত্যস্ত উৎকট সৌন্দর্য্যবিশিষ্ট কাব্য বলিয়া কখন কখন প্রতীয়মান হয় এবং লিয়রে বা হামলেতে কখন কখন আমরা উৎকৃষ্ট মানসিক বিজ্ঞানের সাক্ষাৎ পাই। প্রাকৃতবিজ্ঞান যে কাব্যের উৎকৃষ্ট সহায়, হেমবাব্ তাহা উপরিশ্বত কয় চরণে দেখাইয়াছেন। ইহার আর একটি উদাহরণ আমরা পশ্চাৎ উদ্ধৃত করিব।

নিয়তির দর্শন পাইলে, ইন্দ্র তাঁহাকে জ্ঞিজ্ঞাসা করিলেন, কতদিনে, কি উপায়ে বৃত্র নিধন হইবে। নিয়তি তাঁহাকে শিবপুরে যাইতে পরামর্শ দিলেন। ইন্দ্র, দেবদূত স্বপ্নের ঘারা এ সম্বাদ, স্বর্গঘারে সমবেত দেবগণ-নিকেতনে প্রেরণ করিয়া স্বয়ং কৈলাসধামে যাত্রা করিলেন।

অন্তম সর্গ, আতোপান্ত একটি সুদীর্ঘ মোহমন্ত্র। এই মোহমন্ত্রের মোহিনী রুদ্রপী দুপল্লী ইন্দুবালা। বৃত্রসংহারের অন্তম সর্গের হায় কবিতা, বাঙ্গংলা ভাষায় অতি বিরল। আমরা সর্গটি সমৃদায় উদ্ধৃত করিতে পারি না, কিন্তু সমৃদায় উদ্ধৃত না করিলেও, ইহার রাশি রাশি সৌন্দর্য্য, ইহার চমৎকার কবিছের পরিচয় দেওয়া যায় না—নিদাঘকালীন পুপারক্ষের হায় ইহা আছোপান্ত সুপ্রফ্লু কবিতাপুপ্রেম মণ্ডিত।

ইন্দুবালার প্রকৃতি ছতি মনোমোহিনী।

সভত অন্তরে দহি।

মাধুরী লহরী অক্ষেতে যেমন, উছলি উছলি চলে।

রতি নিকটে বসিয়া ফুল গাঁথিতেছিলেন। ইন্দুবালাকে সম্বোধন করিয়া রতি বলিলেন — তৃমি বীরপত্নী, তোমার এত ভয় কেন ? তখন— কহে ইন্দুবালা ফেলি গাঢ় খাস সে ভয় কি তাঁর नाश्य क्रम्रायः নেত্ৰ আৰ্থ্ৰ অঞ্চলে, সমরের দাহ সহি!" সবার পুঞ্জিতা উঠি षश्चमतः "বীরপত্নী হায় কহিয়া এতেক, অস্থির-চরণে গতি, সকলে আমায় বলে! পতি যোদা যার তাহার অন্তরে ভ্রমে গৃহ মাঝে, গৃহ সজ্জা যত কত যে সতত ভয়, নেহালে যতনে অতি॥ ভাবে সে কজন জানে সে কজন, "এই স্বাতি ফুন তাঁর প্রিয় মতি" বীরপত্নী কিসে হয়! বলি কোন পুষ্প তুলে; করেছি নিষেধ বসিবারে সাধ," কতবার কত "এই পালক্ষেত্ৰে না জানি কি যুদ্ধপণ! বলি তাহে বৈসে ভূলে ; মিটে নাকি তাঁর "এই অন্তগুলি যশ:-তৃষা হায় খুলি কতবার, যশ: কি স্বাহু এমন! তুলি এই সারসন: মম চিত্তে ভয় কহিলা 'সাঞ্জাব পল অনুপল রণবেশে ভোমা

শিথাৰ করিতে রণ ॥²

এ কবচ অঙ্গে দিলা কতদিন, না পরশে ইহা, সমর রন্ধেতে শিরে এই শিরন্তাণ ! রত তিনি অসুদিন॥ কটিবন্ধে কসি দিলা এই অসি প্রিয়ের আমার, সকলি কোমল হাতে দিলা এই বাণ ! नगरत चुनु निष्यः; অতিপ্রিয় তাঁর অন্ন এই সব হেন স্থকোমল হাদয় তাঁহার আমার সাধের অভি! কেমনে কঠোর হর! তার সাধে অঙ্গে ধরি কত দিন, আমিও রমণী, রমণীও শচী, হেরে প্রিয় ফুল্লমতি। তবে তিনি কেন ভায়, আহা এই ধহ চাক্র পুস্পময় ना कतियां मया, হইয়া নিষ্ঠুর मनमथ मिला छै। । ধরিতে গেলা ধরায় ? যুক্ত ছল করি কত পুশান কি হবে শটীর, পতি কাছে নাই, ফেলিল আমার গায়! মহাবীর পতি মন! এবে শুকারেছে, হয়েছে নিগন্ধ, আমিও নছাপি পড়ি সে কখন প্রিয়কর কতদিন বিপদে শচীর সম।"

় এই সকল কবিতার সমৃচিত প্রশংসা করিয়া উঠা যায় না। "আমিও রমণী, রমণীও শচী" ইত্যাদি এক ছত্রে যাহা আছে, ক্ষুদ্র কবিগণ শতপৃষ্ঠা লিখিয়া তাহা ব্যক্ত করিতে পারেন না।

শচীকে ধরিতে পাঠাইয়াছে বলিয়া, খাশুড়ীর উপর ইন্দুবালার রাগও বড় মধুর।—

ঐজিল-ত্থিতা সেনিতে কিছনী
স্বর্গে কি ছিল না কেন্ত ?
বন্ধাও-ঈশ্বরী দানন্মহিনী,
দাসী চালি লমে সেন্ত!
আমারে না কেন কলিলা মহিনী,
আমি সেবিভাম তাঁয়।
পুরে না কি ভার সাধের ভাঙার
শ্বনী না সেবিলে পায় ?

রতির মুথে ইন্দ্রাণীর প্রাশংসা শুনিয়া ইন্দুবালা বলিভেছে,—
আমারে লইরা, কন্দর্প কামিনি,
চল সে পৃথিবী পর,
হইতে দিব না নিদয় এমন,
ধরিব ্পতির কর;
এত সাধ তাঁর করিবারে রণ,
সে সাধ মিটাব আমি;

শচী বিনিময়ে থাকি বনবাসে ফিরায়ে আনিব স্বামী॥

ইন্দ্বালা মত্রিলোকে যাইতে চাহিলে, রতি বলিলেন, দেব্যবৃহভেদ করিয়া
মত্রের যাইতে হইবে। তখন ইন্দ্বালার শ্বরণ পড়িল যে, তাঁহার স্বামীকেও যুদ্ধ
করিয়া মত্যের যাইতে হইবে। ইন্দ্বালা যুদ্ধের বিভীষিকা দেখিতে লাগিলেন।
আমরা সে ভাগ উদ্ধৃত করিতে পারিলাম না, কিন্তু ইন্দ্বালার সরলতা তাহাতে
অতি স্থন্দর স্পষ্টতা প্রাপ্ত হইয়াছে। এই সরলতাই, ইন্দ্বালার চরিত্রের মোহিনী
শক্তির মূল। কবির চিত্রনৈপুণ্য সম্বন্ধে ইহাও বক্তব্য যে, যে সরলতা তিনি
ইন্দ্বালার চরিত্রের মূলম্বরূপ করিয়াছেন, সে সরলতা আর কোন নায়িকার
চরিত্রকে স্পর্শ করিতে দেন নাই। শচীতে, চঞ্চলায় বা ঐক্রিলায় সে সরলতা
নাই। এইরূপে তিনি চরিত্র সকলের স্বাতম্ব্য রক্ষা করিয়াছেন।

ইন্দুবালাকে রতি শাস্ত করিলে ইন্দুবালা যে কয়টি কথা বলিলেন, তাহাতে অপূর্ব্ব কবিস্থ। সেই সরলতার সঙ্গে কবি অতি গুরুতর গাস্তীর্য্যের স্থ্র জড়াইয়া দিতেছেন;—ইন্দুবালার চরিত্রে সৌন্দর্য্য-তরক্ষউছলিয়া উঠিতেছে,—

"পারিনা সহিতে প্রহায়-কামিনি, নিতি নিতি এই জালা। দৈত্যদেনা কত মরে অর্গনিশি, পড়ে কত মহাবীর; দেখি দৈত্যকুল এইরূপে ক্ষয় হৈবে বুঝি শেষ স্থির! रव्र व्यनाथिनी ! কত দৈত্যস্থতা কত পিতা পুত্ৰহীন! পড়িয়া মূর্চ্ছাতে কত দেব-তমু অফুকণ হয় কীণ! যুদ্ধেতে কি লাভা যুদ্ধ করে যারা विठातिया यमि स्मर्थः, তবে কি সে কেহ যশের আকর বলিয়া উল্লেখে একে ? দানবের কুলে क्य रुप्र सम, বুঝি অনুষ্টের ছলে! কাম-সহচরি, সভ্য ভোমা বলি,

স্তত অম্বর অলে !"

কুলশক্র দেবতার ব্লক্ত এই কাতরতা—"কত দেবতকু পড়িয়া মূর্চ্ছাতে।"

এই চারিটি শব্দে হেমবাবু রমণী-চরিত্রের সরলতা, মাধুর্য্য ও মহবের সীমা
দেখাইয়াছেন।

তখন রতি বলিতেছে,—

শ্বায় ইন্দ্রালা তুমি ফুকোমল পারিছাত পুশ বেন! পতি যে তোমার তাঁহার হৃদর নির্দয় এতই কেন দুল

তখন পতি-নিন্দায় ইন্দুবালা গর্জিয়া উঠিয়া রতিকে ভর্মনা করিতে লাগিল,—

> "শচীর লাগিয়া না নিন্দিং তারে, বীর ভিনি রণ-প্রিয়। ঘুচাৰ আপনি. শচীর বেদনা ফিরিয়া ভাসিলে প্রিয়॥ যাব শচীপাশে করিব শুশাসা, याद्व जाभ मिव जानि। महिरी-किन्नती इहेट मिर ना কহিত নিশ্চিত বাণী। নাহি কর পেদ. মশ্বপ-রুমণি, गांइ फिरंद्र निक वांग : পতির এ দোষ যাহে ভূলে শচী পাইব সদা প্ররাস॥ ভেবেছিত্ব আর গাঁথিবনা ফুল, থাকিবে অমনি ঢালা, এবে শুটাইয়া. আরও স্থাচনে गीषिया त्रांथिव माना ; ববে শচী ল'য়ে ফিরিবেন পতি পরাব তাঁহার গলে, পরাব শচীরে गःनत्र व्याञ्लारम न्हारा हकूत जला।

পতির মাণিক্ত নারী না ঢাকিলে, কে ঢাকিবে তবে আর,"

```
ভখন রতি যে কয়টি কথা বলিতেছে, তাহা মর্ম্ম বিদারক,—
            "এ হঃখ তাহার
                          করিবে শোচন,
```

দিয়া তারে পুষ্প-হার?

ফুলের রক্জুতে

করিলে বন্ধন

বেদনা নাহি কি তার?

আর কেন চাও

ফুটাতে অঙ্কুর

চরণে দলিয়া আরে।

मान**य-निम**नि,

জান না সে ভূমি,

হ:খীরে পুঞ্জিলে লাগে!

মুগেন্দ্রী আসিছে আপন আলয়ে

শৃখল বানিয়া পায় !

রতির কপালে

এও সে ঘটিন,

দেখিতে হইল হায়।"

এই বলিয়া রতি কাঁদিতে কাঁদিতে গেল। ইন্দুবালাও কাঁদিতে লাগিল,—

পড়ে বিন্দু বিন্দু কুস্থারে প্রজে,

हेन्द्वाना गीरण मृत ;

ভাবিয়া পতিরে,

ভাবি যুদ্ধভয়,

চিম্ভাতে হৈয়ে আকুল।

कूत्रकी यमन

😁 নিয়া গছনে

নৃগয়ীর দ্ররব,

প্ৰতি পলে পলে চকিত চঞ্চল,

মৃত্যু করে অহভব;

সেইরূপ ভয়ে

চমকি চমকি

গাৰিতে গাৰিতে চায়,

ফুল-মালা হাতে, ইন্দুবালা বামা

ক্ষদ্রপীড় ভাবনায়॥

নবম সর্গ বীররসপ্রধান। বাত্যামথিত সাগরবং এই সর্গ, অবিশ্রান্ত ভীম গর্জন করিতেছে। নৈমিষে জয়ন্ত সঙ্গে শচী কথোপকথন করিতেছেন, এমত সময়ে রুজপীড় আসিল,—

হেনকালে রণশম,

মুগেন্ত্ৰ-শ্ৰুতি-আতত্ব ;

অস্থরের সিংহনাদে পুরিল গগন;

বন আলোড়িত হয়,

কাঁপিয়া অচলচয়

निथरत्र निथरत्र श्रुत्त श्रुति ज्ञानन ।

কিঞ্চিৎকাল প্রাচীন প্রথামুসারে বাক্যুজের পর, রুজ্পীড় জয়ন্তকে জিজ্ঞাসা করিলেন যে, কোন্ যোজার সঙ্গে জয়ন্ত যুজে ইচ্ছুক। তথন জয়ন্ত শত অসুরকে এককালীন যুজে আহ্বান করিলেন। হেমবাব্, কবিবর মধ্সুদন দত্তের অপেক্ষায়, কয়েকটি বিষয়ে সুপটু। তন্মধ্যে যুজবর্ণনা একটি। জয়ন্তের সঙ্গে শত যোজার যুজবর্ণনা আমরা উদ্ধৃত করিতেছি—

অকু শব্দ সব শুৰু, म्बदेनट्डा युकात्रक, কেবল ছঙ্কারধ্বনি, বাণের গর্জন। আন্দোলিত হয় সৃষ্টি, জুরাজুরে শরবৃত্তি, লৈলেতে লৈলেতে যেন সদা সংঘৰ্ষণ ॥ क्षवन, भूगन, भना, প্রাক্তন, চক্র, ভল্ল, দৈত্যের নিকিপ্ত অম্ব বরিংষ করক।। ভয়ত্বের শরর:শি, চনকে তম্দা নাশি, অস্থ্রীকে ধার যেন নিক্ষিপ্র তারকা ॥ কেশরী-শার্চ্ছ-দল, শুনিয়া সে কোলাগল, ভ্রমে ভয়ে ছাড়ি বন, পর্মাত-গছরর। বিহন্ন জড়ায়ে পাথা, ত্রাসেতে ছাড়িয়া শাগা, থসিয়া থসিয়া পড়ে ধরণী উপর॥ ধূলিতে ধূলিতে ছন্ন, बर्डम निर्मि मगाइ, উদ্গীরিল বিশ্বস্থরা গর্ভস্থ অনল ! অমুর-ভয়ন্ত-ক্ষিপ্ত শেল, শূল, শর দীপু, ঘাত প্ৰতিঘাতে ছিন্ন কৈল নভঃস্থল ॥ धवाङन छेन छेन, নদীকুল কল কল ডাকিয়া, ভাঙ্গিয়া রোধ করিল প্লাবন। ঘুরিতে লাগিল শুক্ত, रेननकून रेशन कृत्र,

চুৰ্ণ হ'য়ে দিগুদিগম্ভে পতন ॥ হেন যুদ্ধ দেবাস্থরে, ध्य व्यक्ष मिन शृत्त, তখন জয়ন্ত, করতলে দীপ্ত-অসি, ছুটে যেন নভম্বং কিমা কিপ্ত গ্ৰহ্বৎ, পড়িল বেগেতে দৈত্য-মণ্ডলী ঝলসি॥ যথা সে অতলবাসী, তিমি তুলি জলরাশি, সাগর আলোড়ি করে পুচ্ছের প্রহার, यत्व यामः পতি अल. ত্রনে ভীম ক্রীড়াচ্চলে, উত্তৰ পৰ্বভঞ্জায় দেহের প্রদার ; ক্রোশ মৃড়ি শুধি বারি, আবার ফেলে উগারি দ্র অন্তরীকে, বেগে ছাড়িয়া নিখাস; নাসিকায় উংক্ষেপণ, অধুরাশি অনুকণ, অস্থির অন্থপিতি ভাবিয়া সন্ত্রাস ॥ কিয়া গিরিশৃন্ধ-রাঞ্জি মধ্যে যপা তেকে সাঞ্জি, ক্ষণপ্রভা খেলে রঙ্গে করি বোর ঘটা,

থেলে রঙ্গে ভীমভঙ্গি,

শিপর শিপর শক্তি, শৈলে শৈলে আঘাতিয়া পুল তীক্ষ ছটা ;

नित्मत्य नित्मय उत्र,

मध शित्रि-हूड़ा अन,

অদ্রিকুল ভয়াকুল ছাড়ে লোর রাব;

বেগে দীপ্ত গিরিকার,
বিছ্যাৎ আবার ধার,
ছড়ায়ে জলস্ত শিখা উল্লাসিত ভাব॥
জয়স্ত তেমতি বলে
দানব যোদ্ধায় দলে,
রুদ্রপীড সহ দৈত্যবর্গে ভীম দাপে।

তখন স্থ্যাস্ত দেখিয়া এবং নবতি যোদ্ধা হত দেখিয়া রুদ্রপীড়, বিশ্রামের আকাজ্ঞা প্রকাশ করিলেন। উভয়পক্ষ রাত্রে বিশ্রাম করিতে লাগিলেন। রাত্রে শচী ও চপলা বিশ্রামশীল জয়ন্তকে দেখিয়া যে কথোপকথন করিলেন, তাহা অতি স্মধ্র। প্রভাতে জয়ন্ত মাতৃচরণে প্রণাম করিয়া আশীর্বাদ কামনা করিলেন। শচী অন্তরে অমঙ্গল স্চনা দেখিয়া, জয়ন্তকে অন্ত দেবের স্মরণ করিতে বলিলেন। কিন্তু বীরধর্মাশ্রিত জয়ন্ত তাহাতে স্বীকৃত হইলেন না, একাই যুদ্ধে গেলেন। এইসকল বৃত্তান্ত আশ্চর্য্য কৌশলের সহিত কথিত হইয়াছে।

অর্দ্ধ দিবা যুদ্ধ করিয়া জয়স্ত আরও পাঁচ জন দানব বধ করিলেন। কিন্তু সেই সময়ে রুম্বপীড় তাঁহাকে ঘোরতর আঘাত করিল।—

না সহি ত্র্বহ ভার,

অচল বিজুলি হার

বিচ্ছিন্ন হইলে যেন, পড়িল তেমন !

কিম্বা যেন রাশীক্ত

চন্দ্র-রশ্মি আভা-হৃত,

থসিয়া পৃথিবী-অঙ্গে হইল পতন!

শিরীয-কুস্থমন্তর,

যেন বা অবনী'পর,

পড়িয়া রহিল মহী করিয়া শোভন।

দেখিতে দেখিতে হ্যাতি,

নিমেৰে মিশে তেমতি,

ভব্বেতে স্বৃদার দীপ্ত মিশায় যেমন!

শচী আসিয়া পুত্রদেহ ক্রোড়ে করিয়া বসিলেন—

না পড়ে চক্ষের পাতা,

যেন ধরাতলে গাঁথা,

মলিন প্রস্তরমূর্ত্তি অর্দ্ধ অচেতন।

দেখিয়া, রুত্রপীড়, শচীকে স্পর্ণ করিতে পারিলেন না। কিন্তু নিকন্ধর নামে এক পামর অমুচর সঙ্গে ছিল; শচীহরণজন্ম তাহাকে অমুমতি করিলেন। নিকন্ধর শচীর কেশ ধরিয়া তুলিল— হায় মতক্ত যথা,

ছি ড়িয়া মৃণাল-লতা,
ভণ্ডেতে ঝুলায়ে তুলে শতদল থয় ;
দানব-করেতে তথা,
নিবদ্ধ কুম্বললতা,
ভূলিতে লাগিল শুক্তে শচীকলেবর !

দৈত্যগণ, স্বস্তিত। শচীকে কেশে ধরিয়া শৃত্যপথে লইয়া চলিল। স্বর্গদারে শংখধনি শুনিয়া, শচীর মৃচ্ছা ভঙ্গ হইল। তখন শচী উচ্চৈঃম্বরে কাঁদিতে লাগিলেন; সেই রোদন মর্মভেদী তুর্যাধ্বনিবং। শুনিয়া ত্রিলোকের জীব কাঁদিল। ত্রদিকে রুদ্রপীড় স্বর্গে আসিয়া দেখিলেন, দেবগণ সমরে পরাস্তৃত হইয়াছেন,—

ক্ষদ্রপীড় দেখে চেয়ে,
আছে শৈলরাজি ছেয়ে,
চারিদিকে দেব-তত্ম কিরণ প্রকাশি;
দিনাক্তে নদীর জল,
জ্বাথ-বায়ু-চঞ্চল,
তাহে যেন ভাসিতেছে ভাত্ম-রশ্মিরাশি।

সর্গশেষে একটি চমৎকার ছত্র আছে। শচী-দেহ, অসুর, বৃত্তরসভাতকে আনিল। দেখিয়া দৈত্যপতি,—

চমকি সম্বমে উঠি যেন দাড়াইল।

•দশম সর্গারম্ভে ইন্দ্র কৈলাসপুরে যাইতেছেন। আমরা কৈলাস্থাত্রা সম্বন্ধে দীর্ঘ বর্ণনাটি উদ্ধৃত করিব—পাঠকেরা, তভ্জ্ন্ম আমাদিগের প্রতি বিরক্ত না হইয়া কুভজ্ঞ হইবেন, এমন বিশ্বাস আছে।

ক্রমে ব্যোদগর্যে যত প্রবেশে বাসব, স্তরে স্তরে পরস্পরে করি প্রদক্ষিণ নির্বিলা স্থসজ্জিত অন্থরীক মাথে জ্যোতি-বিমপ্তিত কোটি গ্রহের উদয়। দেখিলা ভ্রমিছে শুক্তে শশাক্ষমগুল ধ্রাসক্রে, ধরা-অন্ধ করি প্রদক্ষিণ, প্রকাশিয়া চারুদীপ্তি স্থাচারিধারে, দীতল কিরণে পূর্ণ করিয়া গগন। ভ্রনিছে সে স্থাকর পৃথিবী ছাড়িয়া আরো উর্দ্ধ শৃক্তদেশে, অতি ক্ষতবেগে, চক্রনা-বেষ্টিত চারি, চারু-শোভাময়, দীপ্ত বৃংস্পতিতত্ব বেষ্টিয়া ভাররে। সে সকলে রাখি দ্রে কান্তি মনোহর, ভাতি-উপবীত অঙ্গে, চলেছে ছুটিয়া ভয়ঙ্কর বেগে শৃক্তে ঘেরিয়া অরুণে, সপ্ত ক্যানিধি সঙ্গে গ্রহ শনৈন্টর! দেখিলা সে কত শশী, কত গ্রহ হেন,
ব্যোমমার্গে ভ্রমে সদা ফুটিরা ফুটিরা,
উজ্জল কিরণমালা জড়ারে অবেতে,
অপূর্ব ধ্বনিতে শৃক্ত করি আনন্দিত।
দেখিতে দেখিতে বেগে চলিলা বাসব
উর্ক উর্ক বায়্ন্তর করি অতিক্রম—
ধরাতল ক্রমে স্ক্র, স্ক্রতর অতি
স্থদ্র নক্ষত্রভূল্য লাগিল ভাতিতে।
ক্রমে ক্রীণ—লীনপ্রায়—মদীবিন্দ্বৎ
হইল ধরণী-অন্ধ্র, বাসব ক্রমশঃ
উঠিতে লাগিলা যত অনন্ত অরনে,
নিম্নদেশে ছাড়ি চক্র শুক্র শনৈন্দর।
অদৃশ্র হইল শেষে—বাসব যথন
ছাড়িয়া স্ক্রণর নিম্নে এ সৌর জগং,

বায়্বিরহিত ঘোর অনস্তের মাঝে
উত্তরিলা আদি ভীম কৈলাসপুরীতে।
শব্দশূল, বর্ণ-শৃন্ত প্রশন্ত, গভীর,
ব্যাপৃত সে অন্তরীক্ষ, ব্যাদ অন্তহীন,
বিকীর্ণ তাহার মাঝে, পুরি চতুর্দিক,
অনস্ত ব্রহ্মাণ্ড-মূর্তি ছায়ার আকারে।
বিশ্বপ্রতিবিম্ব হেন দশ দিক্ যুড়ি
বিল্পমান সে গগনে দেখিলা বাসব—
ফুটিতেছে, মিশিতেছে অনস্ত-শরীরে,
দুরুর্তে মুহুর্তে, কোটি জলবিম্ববং।
বিদিয়া তাহার মাঝে শল্পু ব্যোমকেশ
ক্রেশ্য-ভূবিত অন্ত, প্রশান্ত মুরতি,
প্রকাশিত বক্তু, ভালে প্রগাঢ় ভাবনা;
তন্থ মনোহর যেন রঙ্গতের গিরি!

তথা শঙ্কর এবং উমা, অতি গৃঢ় দার্শনিক ও বৈজ্ঞানিক প্রসঙ্গের জল্পনায় আনন্দে কালাতিপাত করিতেছিলেন। এমত সময়ে ইন্দ্রকে সমাগত দেখিয়া, পার্বতী তাঁহাকে সবিশেষ জিজ্ঞাসাবাদ করিলেন। ইন্দ্রও সকল কথা বলিলেন। এমত সময়ে সহসা শিবের জ্বটা কম্পিত হইল; ইন্দ্রের হস্ত হইতে কার্ম্মক স্থালিত হইল; গৌরীর চক্ষু হইতে অঞ্চবিন্দু পড়িল। শচীর ক্রন্দন কৈলাসে ধ্বনিত হইল। শুনিয়া ইন্দ্র ক্রেতবেগে স্বর্গাভিমুখে ছুটিতেছিলেন। শিব তাঁহাকে নিবারণ করিলেন। তথন ইন্দ্র গর্ভিয়য়া উঠিয়া, শঙ্করকে ভর্ণ সনা করিতে লাগিলেন। সেই মহাতেজাময় দৃগু বাক্য উদ্ধৃত করিবার স্থান নাই। মহাদেবও তথন বৃত্রের অত্যাচারে রুষ্ট হইয়া, সহসা সংহার-মূর্ত্তি ধারণ করিলেন। পার্ববিত্ত ঈশানকে শাস্ত করিলেন। তিনি তথন ইন্দ্রকে দ্বীচির আলয়ে যাইতে উপদেশ দিলেন। দ্বীচির অস্থিতে বক্সপৃষ্টি হইবে।

একাদশ সর্গের আরস্তে স্বর্গপুরে দৈত্যজ্ঞয়োৎসব। শচীকে দেখিতে দৈত্য-পুরবধ্ ছুটিতেছে—তত্বর্ণনা পাঠ করিয়া অনেকের কালিদাস কৃত, বর দেখিতে নাগরীদিগের গমন বর্ণনা স্মরণ হইবে।

এদিগে বৃত্র, বৃত্রপুত্র একত্র মিলিত হইলে উভয়ে আপনাপন যুদ্ধ সম্বাদ কহিতে লাগিলেন—বৃত্র সগর্কে, রুদ্রপীড় বিনীতভাবে। তৎপরে ঐব্রিলা শচীর আনয়ন সম্বাদে প্রীত হইয়া পুত্রকে তাহার রূপের কথা জিজ্ঞাসা করিলেন। রুদ্রপীড় শচীর রূপের অনেক প্রশংসা করিলেন। পুত্রমূথে শচীর রূপের কীর্ত্তন শুনিয়া ঐন্দ্রিলার আর সহা হইল না। তিনি স্বামীকে আদেশ করিলেন যে তথনই শচীকে আনাইয়া তাঁহার পরিচর্য্যায় নিযুক্ত করা হউক—

°অলক্ষে রঞ্জিবে শচী আজি এ চরণ।"

কৈলাসে পার্ব্বতী এই কথা শুনিয়া মহাদেবকে জানাইলেন। তখন মহাকালের ক্রোধাগ্নি জ্বলিয়া উঠিল। তৎফলে—

সংহার-ত্রিশ্লাকৃতি জ্যোতিঃ বাযুন্তরে ত্রমিতে লাগিল দীপ্ত বৈজয়ন্ত পরে।
চমকিল ব্যোমমার্গে ভাঙ্গরের রথ;
অতল ছাড়িয়া কৃর্ম উঠে অদিবং;
বাহ্বকি গুটার ফণা, মেদিনী কম্পিত;
উরাল উল্লোলমর সিন্ধ বিধ্নিত;
ভয়েতে ভূজসকুল পাতালে গর্জ্জর;
সংগোজাত শিশু মাকৃত্তন ছাড়ি রয়,
বিদীর্গ বিমানমার্গ, গিরিশুস্প পড়ে;

চেতনে জড়ের গতি, গতিপ্রাপ্ত জড়ে;
টল্মল টল্মল ত্রিদশ আলয়;
মূর্চ্ছিত দেবতা-দেহে চেতনা উদয়,
দোত্ল্য সঘনে শৃষ্টে স্থমেকশিথর
ঘোর বেগে বৈজয়ন্ত কাঁপে থর থর!
ক্রিলার হস্ত হৈতে থসিল ককণ:
ক্রম্পীড় অঙ্গে হৈল লোম-হরষণ;
নিঃশক ব্যেরর নেত্রে পলক পড়িল,
"রুড়ের ক্রেখাগ্রি-চিহ্ন" বলিযা উঠিল ॥

এইখানে অদৃষ্টের বিষময় বীজ রোপিত করিয়া কবি প্রথম খণ্ড সমাপ্ত করিয়াছেন। অপর খণ্ড কবে প্রকাশিত হইবে জানি না, কিন্তু বঙ্গীয় পাঠক ভক্তন্ত যে ব্যগ্র হইয়া রহিলেন, ইহা আমরা হেমবাবুকে নিশ্চিত বলিতে পারি।

খণ্ডমাত্র প্রকাশিত হইয়াছে বলিয়া কাব্যের উপাখ্যান ভাগ, নায়কনায়িকাদিগের চরিত্র এবং কাব্যের নিগৃঢ় মর্ম্ম সম্বন্ধে কিছুই বলিতে পারিলাম না।
কাব্যের বিশেষ বিশেষ অংশ মাত্র উদ্ধৃত করা ব্যতীত আমরা আর কিছুই করি নাই।
আমরা যে পরিমাণে উদ্ধৃত করিয়াছি, তাহাও গ্রন্থকারের অনুমতি ব্যতীত তুলিতে
সক্ষম হইতাম না; গ্রন্থকার যে অনুগ্রহ করিয়া অনুমতি দিয়াছেন, তঙ্জ্বস্থ তাঁহার
নিকট কুতজ্ঞতা স্বীকার করি।

প্রত্বারের ছন্দ:সম্বন্ধে আমাদিগের কিছু বলা হয় নাই। ইউরোপে এ বিষয়ে একটি কুপ্রথা আছে; একটি ছন্দে এক একখানি বৃহৎ মহাকাব্য লিখিত হইয়। থাকে। ইহা পাঠকমাত্রেরই প্রান্তিকর বোধ হয়। কতক কতক এই কারণে ইউরোপীয় মহাকাব্য সকল সামাশ্য পাঠকেরা আছোপান্ত পড়িয়া উঠিতে পারে না। এদেশীয় প্রাচীন প্রথাটি ভাল—সর্গে সর্গে ছন্দ: পরিবর্ত্তন হয়। মাইকেল মধুস্থান দত্ত দেশীপ্রথা পরিত্যাগ করিয়া ইউরোপীয় প্রথা অবলম্বন করিয়া স্বপ্রণীত কাব্যসকলের কিঞ্চিৎ হানি করিয়াছিলেন। হেমবাবু দেশী প্রথাটিই বন্ধায় রাখিয়াছেন। ইহাতে তাহার কাব্যের বৈচিত্র এবং লালিত্য বৃদ্ধি হইয়াছে।

অমিত্রাক্ষর ছন্দঃসম্বন্ধেও মাইকেল মধুস্দন দত্ত ইংরেঞ্জি রীতি বিনা সংশোধনে . অবলম্বন করিয়াছিলেন। এন্থলেও হেমবাবু ইউরোপীয় প্রথা পরিত্যাগ পূর্ববিক,

দেশী প্রথা বজায় রাখিতে চেষ্টা করিয়াছেন। তবে বাঙ্গালার মাত্রাবৃত্তি পরিত্যাগ করিয়া, "কেবল সচরাচর সংস্কৃত শ্লোকের চারি চরণে যেরপ পদ সম্পূর্ণ হয়, তদ্রপ চ চ কুর্দশাক্ষর বিশিষ্ট পংক্তির চারি পংক্তিতে পদ সম্পূর্ণ করিতে যত্নশীল হইয়াছেন।" কিন্তু মাত্রাবৃত্তি পরিত্যাগ করাতে, পভের তাদৃশ ঔংকর্ষ হয় নাই। বাবু বলদেব পালিত প্রভৃতি বাঙ্গালি কবিগণ দেখাইয়াছেন যে বাঙ্গালা ভাষায় সংস্কৃত ছন্দের উংকৃষ্ট অমুকরণ হইতে পারে; এবং বীরাদি রসের অবতারণায় সংস্কৃত মাত্রাবৃত্ত ভন্দঃ সকলেই বিশেষ কৃতকার্য্য হওয়া যায়। আধুনিক কবিদিগের কথা দূরে থাকুক, স্বয়ং ভারতচন্দ্রে ইহার উদাহরণ আছে। অতএব হেমবাবৃ অক্ষরবৃত্ত অমিত্রাক্ষর ছন্দঃ পরিত্যাগ করিয়া উপজাতি মালিনী প্রভৃতি সংস্কৃত ছন্দ অবলম্বন করিলে বোধ হয় ভাল করিতেন। তাঁহার কবিহ ও তাঁহার কাব্য যেরূপ, তাঁহার অমিত্রাক্ষর পশ্ব তাহার যোগ্য নহে। কিন্তু "একোহি দোষোগুণ সমিপাতেনিমজ্জতীত্যাদি।" আমরা বৃত্রসংহার পাঠ করিয়া অশেষ আনন্দলাভ করিয়াছি এবং কায়মনোবাক্যে প্রার্থনা করি যে, হেমবাবু দীর্ঘজীবী হইয়া, বাঙ্গালার সাহিত্যের মুখোজ্জল করিতে থাকুন।



দ্বিতীয় সংখ্যা

মরা দেখাইয়াছি যে নিশ্বাসগত শোণিতসঞ্চারী অমুক্ষান, শোণিতমধ্যে মেদ না পাইলে শরীর ভাঙ্গিয়া শারীরিক সামগ্রী নষ্ট করে। কিন্তু মেদ ব্যতীত অস্থা এক সামগ্রী আছে যে, শোণিত মধ্যে তাহা পাইলে, অমুক্ষান তাহার সঙ্গে মিলিত হইয়া যায়; তত মেদের প্রয়োজন করে না।

ময়দা ধৌত করিলে যে অংশে গ্লুটেন প্রাপ্ত হওয়া যায়,তাহা পূর্ব্বে বলিয়াতি।
ময়দা ধূইলে যে জল ছথের স্থায় গড়াইয়া যায়, তাহাতে ময়দার যে অংশ আছে,
তাহাকে ইংরেজিতে স্থার্চ বলে। ঐ স্থার্চের নির্মাণ জলজান, অমুজান ও অঙ্গারজানে হইয়া থাকে; জলজানে ও অমুজানে জল হয়, অতএব জলে ও অঙ্গারজানে
স্থার্চের নির্মাণ বলা যাইতে পারে। তাহার সঙ্গে শোণিতস্থ অমুজানের সংযোগে
এই হয় যে, অমুজানে ও অঙ্গারজানে আঙ্গারিক অমুর উৎপত্তি হয়; এবং জল
পৃথক হইয়া যায়। ঐ জল ও আঙ্গারিক অমু নিশ্বাগাদির দ্বারা বিনির্গত হয়।

স্তার্চের যেরূপ নির্মাণ, শর্করারও সেইরূপ; বস্তুতঃ স্তার্চ মুখমধ্যে লালা সংযোগে শর্করায় পরিণত হয় এবং শর্করারূপেই শরীরমধ্যে গৃহীত হইয়া কার্য্য সম্পাদন করে। এবং শোণিতমধ্যে শর্করা থাকিলে, অমুক্তানের সংযোগে সেইরূপ জল ও আঙ্গারিক অম্লের উৎপত্তি হয়।

অতএব খাছের মধ্যে স্তার্চ, শর্করা বা মেদ থাকা প্রয়োজন; কেননা তদ্বারা নিশ্বাসাগত অমুজ্ঞানকর্তৃক শরীরধ্বংস নিবারণ হয়। কিন্তু স্তার্চ বা শর্করা শরীর গঠনে লাগে না, অতএব উহার আতিশয্য নিম্প্রয়োজনীয়। উহা গৃহীত হইয়া কর্ম্ম সমাধান্তে পরিত্যক্ত হয়। শরীরগঠনে মেদের প্রয়োজন, উহা যে সর্ববত্র শারীরিক সামগ্রী, তাহা পূর্বেক কণিত হইয়াছে। তদ্তির, মাংসাদির রক্ষাজন্ত প্র্টেনযুক্ত খান্ত এবং শরীরের অন্তান্ত অংশের প্রয়োজনামুসারে ধাতব লবণাদি অক্সান্ত সামগ্রী চাই।

এক্ষণে দেখা যাউক, কোন্ খাতে কি আছে। আমাদিগের প্রধান খাত চাউল। চাউলে স্থার্চ অত্যস্ত অধিক আছে, কিন্তু গ্লুটেন অতি অল্প। যদি খাতের সামগ্রীবিশেষকে পুষ্টিকর বলিতে হয়, তবে যাহাতে অধিক পরিমাণে গ্লুটেন আছে, তাহাকেই পুষ্টিকর বলিতে হয়, কেননা, গ্লুটেনেই মাংস গঠিত হয় এবং মাংসেই বল। এবং দেখান গিয়াছে যে জল ব্যতীত অন্যান্ত সামগ্রীর অপেক্ষা শরীরগঠন পক্ষে অধিক গ্লুটেনের প্রয়োজন। অতএব গ্লুটেনের অল্পতাহেত্ চাউলকে পুষ্টিকর খাত বলা যায় না।

যেমন চাউল আমাদের প্রধান খান্ত, আয়র্লণ্ডে আলু তক্তপ। আলুও চাউলের আয় অল্প গ্লুটেন সংযুক্ত। চাউলে গ্লুটেন সাতভাগ মাত্র, গোল আলুতে ৮ কি ৯ ভাগ মাত্র।

অনেক কাফ্রি জ্ঞাতির কদলীই প্রধান খাছা। কদলী, চাউল ও গোল আলুর অপেক্ষাও অসার। উহাতে গ্লুটেন শতকরা পাঁচ ভাগের অধিক নহে। (এই-জন্ম কি কলা খাওয়া একটা গালাগালি ?)

এই তিন সামগ্রীতে স্তার্চ বা শর্করা প্রচুর পরিমাণে আছে, অভএব তাহাতে নিশ্বাসের দ্বারা শরীরের যে ধ্বংস তাহা উত্তমন্ধপে নিবারিত হয়। কিন্তু মাংসাদির যে ভাগ প্রমন্তব্য ধ্বংসপ্রাপ্ত হয়,তাহার পুনর্গঠন জন্ম যে পরিমাণে গ্লুটেন প্রয়োজন, তাহা অনেক চাউল বা অনেক আলু বা অনেক কদলী না খাইলে পাওয়া যায় না। কোন কোন লেখক বলেন যে, চাউলের অসারতা হেতু হিন্দু প্রভৃতি তণ্ডুলভোজী জাতি অধিক পরিমাণে ভাত খায়, এজন্ম তাহাদিগের উদরে অধিক আহারের স্থান আবশ্যক বলিয়া ক্রমে তাহারা স্থুলোদর হইয়া পড়ে। একথা কতদূর সত্য তাহা বলিতে পারি না।

অনেক জাতির প্রধান খান্ত গম। ভারতবর্ষের যে সকল জাতি বলিষ্ঠ, তাহারা গম খাইয়া থাকে। ময়দায় চাউলের অপেক্ষা অধিক পরিমাণে গ্লুটেন আছে। উত্তম ময়দায় শতভাগে—

छ ल ^१	১৬	ভাগ
श्रूर्णेन .	>•	"
মেদ	ર	,,
স্তার্চ প্রভৃতি	१२	,,

অতএব চাউল অপেক্ষা গোধ্ম যে সারবান্ খাছ তদ্বিষয়ে সংশয় নাই।
মাংস আরও পুষ্টিকারক। কোন মাংসে—হিন্দুয়ানি রক্ষার্থ আমরা তাহার
নাম করিব না—শতভাগে—

জল ও রক্ত	96
মাংসিক বা গ্রুটেন	79
মেদ	•
স্তাৰ্চ প্ৰভৃতি	o

> . .

কিন্তু যে সকল পশু গৃহপালিত, এবং যাহা সচরাচর ভুক্ত হয়, তাহাতে মেদের পরিমাণ আরও অধিক।

যদি জ্বল বাদ দেওয়া যায় তবে অবশিষ্ট ভাগকে শত ভাগ করিলে, গৃহপালিত মেযাদির মাংসে পাওয়া যায়—

মাংসিক ্	৬৩	ভাগ
মেদ	90	"
রক্ত এবং ধাতব লবণ	٩	99

500

মাংসে যেমন অধিক পরিমাণে গ্লুটেন আছে, তেমন একেবারে স্তার্চ নাই। অতএব কেবল মাংসাহারে শরীর রক্ষা হইতে পারে না। তবে অধিক পরিমাণে মেদ থাকাতে, স্তার্চের কার্য্য তদ্ধারা কতক সিদ্ধ হয়। পালিত মেষাদির স্থায় কুরুটে সচরাচর অধিক মেদ থাকে না। হরিণ-মাংসে অল্প মেদ, শৃকরে অধিক। মংস্থও মাংসবিশেষ। পশু-মাংসাপেক্ষা তাহাতে মেদ অল্প; স্থতরাং মাংসিক অধিক। আমাদের দেশের লোকের বিশ্বাস যে পশু-মাংসই পুষ্টিকর, মংস্থের কোন গুণ নাই, কিন্তু এ কথার কোন বিশেষ প্রমাণ আমরা দেখি নাই।*

আমরা যতগুলি দ্রব্যের কথা বলিয়াছি, তাহার একটি সামগ্রী এমত নহে যে কেবল সেই সামগ্রী মাত্র আহার করিয়া মন্ত্রগ্র অধিক কাল স্বাস্থ্য রক্ষা করিতে পারে। সকলগুলিতে কোন না কোন দ্রব্যের অল্পতা আছে। গোধুমাদিতে গ্রুটেনের অল্পতা, এবং মাংসে স্তার্চের বা মেদের অল্পতা। কেবল হ্থাই মন্ত্রগ্র মধ্যে একা জীবনরক্ষায় সমর্থ। ইহাতে গ্রুটেন এবং শর্করা এবং মেদ তিনই আবশ্যকীয় পরিমাণে আছে। হুথা "কেসিন" নামে একটি সামগ্রী আছে, তাহাই গ্রুটেনের স্থানীয়। কাঁচা গোক্রর হুধ্বে শত ভাগে—

কেছ কেছ বলেন যে মংস্থা অপত্যবর্দ্ধক। এই জয়্ঞা কি বঙ্গদেশে এত লোক?

ज न	৮ 9
কেসীন	8110
মেদ বা নবনীত	•
শর্করা	8N°
ধাতব	No
	-
	ر ۵ ، ۰ ،

কাঁচা ছধ কেহ খায় না। জাল দিলে জল কমিয়া যায়, স্থৃতরাং কেসীনাদির অপেক্ষাকৃত আধিক্য হয়। শুষ্ক ক্ষীরের শত ভাগে—

কেদীন	984°
নবনীত (মেদ)	২৩৸৽
শর্করা	৩৭
ধাত্তব	8110

মহুষ্যত্ব্ব, প্রায় গোত্ত্বের স্থায়—

জল	৮৯	
কেসীন	8	
নবনীত	२॥०/०	
শর্করা	810/0	
ধাতব লবণ	d.	

কেসীন বা পুষ্টিকর সামগ্রী মমুয়ত্থাপেক্ষা গোত্থে অধিক; গোত্থাপেক্ষা ভাগত্থে অধিক। এইজফ্য মমুয়া-শিশু সৃতিকাগারে জল মিশাইয়া না খাইলে গোত্থ জীপ করিতে পারে না। এবং এই জফ্য ছাগত্থ দৌর্বল্যের ঔবধন্বরূপ ব্যবহাত হইয়া থাকে।

বহুকাল ধরিয়া ছইটি সম্প্রদায়ে মনুষ্যখাত লইয়া বিবাদ করিতেছেন। এক সম্প্রদায় বলেন যে মাংসই পুষ্টিকর, অতএব মনুষ্যের মাংস খাওয়া কর্ত্তব্য। আর এক সম্প্রদায় বলেন যে, উদ্ভিদ্ পদার্থ, ফল মূল শস্ত্র, মাংসাপেক্ষা অধিক পুষ্টিকর, অতএব মাংস খাইবার প্রয়োজন নাই, উদ্ভিদ্ই মনুষ্যের খাত্য। কতকগুলি আম্ভি নিবন্ধনই এরূপ বিবাদ উত্থাপিত হওয়া সম্ভবে। আসল কথা এই যে, অনেক উদ্ভিক্তাতীয় খাত্য মাংসাপেক্ষা নিকৃষ্ট; কিন্তু তাই বলিয়া যে উদ্ভিদ্ মাত্রই মাংসাপেক্ষা নিকৃষ্ট এমত নহে। অনেকগুলি যে মাংসের তুল্য, এবং কেহ

কেহ মাংসাপেক্ষাও উৎকৃষ্ট ভিষিয়ে সন্দেহ নাই। অভএব মাংস ব্যতীত শরীর প্রতিপোষণ অসম্ভব নহে; কিন্তু অসম্ভব নহে বলিয়াই মাংস অখাছা নহে।

মটর, সীম, মস্রী, ছোলা, মাসকলাই, অড়হর প্রভৃতি দাল, মাংসের স্থায় বা মাংসাপেক্ষা পুষ্টিকর। এই সকলে শত করা ২০ হইতে ২৪ ভাগ প্লুটেন পাওয়া যায়। মেদ তুই ভাগ মাত্র। কথিত আছে যে এক সের শুক্ক ছোলায় যত প্রাণরক্ষক ও পুষ্টিকর সামগ্রী আছে, অক্স কোন প্রকার মনুয়খাতোর এক সেরে তত পাওয়া যায় না। বাঁধা কপির স্থায় অধিক পরিমাণে গুটেন কোন খাতেই নাই। ইহার শত ভাগে ৩৫ ভাগ গুটেন। পিঁয়াজ্বও অতি উৎকৃষ্ট খাত্য। পুষ্টিকারিতায় ইহা ছোলার তুল্য—ইহার শত ভাগের মধ্যে ২৫, ৩০ ভাগ গুটেন।

যাহাতে অধিক প্রুটেন আছে তাহাই আমরা পুষ্টিকারক বলিয়াছি, কিন্তু ইহা স্মরণ রাখা কর্ত্তর যে, কেবল প্রুটেন সংগ্রহ মাত্র, আহারের উদ্দেশ্য নহে। স্তার্চ, মেদ, ধাতবাদি সকলই আহার্য্য মধ্যে যথাপরিমাণে থাকা আবশ্যক। যাহাতে অক্যান্য দ্রব্য উপযুক্ত পরিমাণে থাকে, অথচ প্রুটেন অধিক থাকে, তাহাই ভাল এবং তাহাকেই আমরা পুষ্টিকর বলিয়াছি। প্রুটেনের আধিক্যও অনিষ্ট-কারক। যে সকল সামগ্রীতে প্রুটেন অধিক, তাহা প্রায় মলবদ্ধ করে; এবং মেদসাহায্য ব্যতীত স্কুজীর্ণ হয় না। এক্ষন্ত তাহা মৃত্যাদি মেদযুক্ত সামগ্রীর সহিত পাক করিয়া খাইতে হয়। বস্তুতঃ পাকের রীতি, এবং নানাবিধ সামগ্রী একত্রিত করিয়া আহার করার রীতি, মন্থয়ের পরমোপকারী। এক খাল্যে সকল প্রয়োজনীয় সামগ্রী পাওয়া যায় না বটে, কিন্তু নানাগুণবিশিষ্ট নানাজাতীয় আহার্য্য একত্রে আহার করায় সে অভাবের মোচন হয়। গোধুমে মেদ অল্প, এক্ষন্ত আমরা ময়দা ম্বতে ভাজিয়া লুচি করিয়া, অথবা রোটি করিয়া, তাহাতে ম্বতু মাথিয়া খাই। ইউরোপীয়েরাও রোটিতে মাথন দিয়া খায়। এইক্ষন্য ছোলা, অড্হরাদির দাল, এবং মৎস্থাদি, যাহাতে অল্প মেদ, তাহাতৈ তৈল বা ম্বত দিয়া না রাধিলে জীর্ণ হয় না।

অনেকেই এই কথা বলিয়া থাকেন, এবং আমরাও কখন কখন বলিয়াছি যে, তণ্ট্লভোজী বাঙ্গালির আহার অত্যম্ভ অসার। বাঙ্গালি গোধ্ম এবং মাংস খায় না বলিয়াই বাঙ্গালির বলহীনতা এবং অস্বাস্থ্য, ইহা অনেকের বিশ্বাস। তণ্ট্ল অসার বটে, কিন্তু বাঙ্গালি কেবল ভাত খায় না। ভাত্তের সঙ্গে মংস্থা, দাল, সীম, কপি প্রভৃতি শাক এবং দ্বত ও হ্ম খাইয়া থাকে। মংস্থা, দাল এবং অনেক তরকারিতে বরং মাংসপেক্ষাও অধিক পরিমাণে মুটেন আছে। স্থতরাং মাংসভোজনের যে ফল ভাহা তন্তোজনে অবশ্রুই ঘটে। হ্মও পুষ্টিকর খাদ্য। দ্বত ও হ্ম হইতে সমূচিত পরিমাণে মেদ পাই

—বরং তাহার কিছু আতিশয্যই ঘটিয়া থাকে। অতএব বাঙ্গালির আহার যে অসার, এবং মাংসাহার না করাতেই যে আমাদের এ দশা, একথা সত্য নহে। তবে ইহা সত্য বটে যে, এইরূপ মিঞ্জিত আহার, সম্পন্ন ব্যক্তিরাই করিয়া থাকেন। কৃষকাদি দরিত্র শ্রমজীবীরা কেবল দাল ভাত খায়। কিন্তু দাল যদি যথেষ্ট পরিমাণে খায়, তাহা হইলেই গ্লুটেনের অভাব মোচন হইল। যাহাদের কপালে ভাহাও ঘটে না—যাহারা কেবল লুণ ভাত খায়, তাহাদিগের আহার অস্বাস্থ্যকর বটে। এমন লোকও বঙ্গদেশে অনেক আছে—ইহা আমাদের মৃত্রাগ্য সন্দেহ নাই।

এইরূপে সকল জ্বাতিই নানাবিধ আহার্য্য মিশাইয়া, একের দ্বারা আন্যের দোষ খণ্ডন করিয়া খায়। আয়র্লণ্ডীয়েরা গোল আলুর উপর নির্ভর করে, কিন্তু চাউলের ন্যায় গোল আলুভেও প্লুটেন অল্প। তাহারা সেজন্য গোল আলুর সঙ্গে কপি মিশায়। কপিতে অনেক প্লুটেন আছে, তাহা বলা হইয়াছে।

আমরা বলিয়াছি যে, শরীরের অধিকাংশ জল। নিশ্বাসাদিতে নির্গত হয়,—জল। এজন্য শরীর মধ্যে জলের বিশেষ প্রয়োজন। আমরাও সর্বদা জলপান করিয়া থাকি এবং অন্যান্য আহার্য্যের সঙ্গেও জল পাই। কিন্তু জলের আরও প্রয়োজন আছে। শুক্ষ পদার্থ আমরা জীর্ণ করিতে পারিনা; উদর মধ্যে যাহা কঠিন থাকে তাহা শরীরে গৃহীত হয় না। আমরা যাহা খাই, তাহাই জলযুক্ত; তৃগ্ধাদি এবং অধিকাংশ ফলমূলের স্বাভাবিকাবস্থাতেই অনেক জল থাকে; যাহাতে না থাকে, তাহা আমরা জল দিয়া সিদ্ধ করিয়া লই বা জল মাথিয়া তরল করিয়া লই।

যেমন জ্বল, গ্লুটেন, মেদ ও স্তার্চের প্রয়োজন, খাছ্মধ্যে তদ্রপ আরও কতকগুলি সামগ্রীর অল্পপরিমাণে প্রয়োজন আছে। উদাহরণস্বরূপ লবণের কথা উল্লেখ করিব।

যে কেহ রক্তের স্বাদ জানে, সেই জানে যে রক্ত লবণাক্ত। বস্তুতঃ শোণিতে লবণ আছে। রক্তের পৈক্ষে ঐ লবণ নিতান্ত প্রয়োজনীয়। তদ্কির্ম লবণে সোডা আছে। সোডা পিত্তে আছে। পিত্ত জীরণ কার্য্যে নিতান্ত আবশ্যক। লবণ প্রত্যহ অজ্ঞাত ঘর্মে এবং প্রস্রাবে মৃত্য্ম্ত্ নির্গত হইয়া যাইতেছে। তাহার পুনঃসঞ্চার সেইজন্য নিতান্ত প্রয়োজনীয়। এজন্য সলবণ খাছ্য খাইতে হয়। উপক্থায় পড়া যায় যে বক্সজাতীয়েরা লবণ খাইতে জানে না, বাস্তবিক সে কথা প্রকৃত নহে। লবণ ব্যতীত মন্ত্রাের জীবন রক্ষার সম্ভাবনা নাই। এবং মন্ত্রাকে কিছুকাল লবণ খাইতে না দিলে পীড়িত

হইয়া মরিয়া যায়। এমনও কণিত আছে যে, ইউরোপে পৃর্ব্বকালে লবণশ্ন্য থান্ত খাওয়াইয়া বধরপ একটি ভয়ন্বর দণ্ড প্রচলিত ছিল। যে ব্যক্তির প্রতি এই দণ্ড ব্যবহৃত হইত, তাহার শরীর গলিত হইয়া কীটে সমাচহন্ন হইত—এইরূপে সে প্রাণত্যাগ করিত। পশুদিগকে লবণপ্রিয় দেখা যায়। পশুগণ লবণাস্থু পান করিতে গিয়া থাকে—অথবা লবণোৎপাদক ভূমি লেহন করে। পালিত পশুদিগকে লবণ দিলে সহর্ষে আহার করে। ঘোড়ার দানাতেও লবণ মিশাইয়া দিতে হয়।

আমাদিগের বিশ্বাস আছে যে জল যত নির্মাল ইইবে, ততই শরীরের পক্ষে উপকারী, কথাটি সকল সময় সত্য নহে। ধাতব নিঝ রিণীর জল গৈরিক মিশ্রিত; এজন্য সে সকল জল ঔষধস্বরূপ ব্যবহৃত হইয়া থাকে। যাহার শোণিতে লোহের অভাব আছে, লোহমিশ্রিত নিঝ রিণীর জলে তাহার শীড়ার শান্তি হইবে। চা খড়ি প্রভৃতি চ্ণসংযুক্ত স্তর হইতে যে সকল জল আইসে, তাহা পান করিলে উদরে যে চ্ণ যায়, তাহাতে অম্বের দমন হয়। যাহার সে জল পান করা অভ্যাস, সে যদি সহসা স্বাস্থ্যবাতিকগ্রস্থ হইয়া সে জল ছাঁকিয়া খাইতে আরম্বন্ত করে, তবে তাহার অজীণ এবং অমুরোগের সম্ভাবনা। আয়ল ত্তৈর ভূমিতলে চূণক প্রস্তরের স্তর আছে বলিয়া তথাকার জলে এইরূপ চূণ থাকে। গোল আলুতে চ্ণ নাই; এজন্য থাত পেয়মধ্যে স্বসম্বন্ধ ঘটিয়াছে। গোধ্যে চ্ণ আছে; গোধ্য যদি আয়র্লণ্ডের সাধারণের থাত হইত তাহা হইলে চূণের আধিক্য পীড়াকর হইত। এইরূপ অনেক সময়ে জনসমাজ্বের খাত অস্তান্ত বিষয়ে নিকৃষ্ট হইলেও দেশোপ্যোগী হইয়া থাকে।

উপসংহার কালে বক্তব্য যে সম্প্রতি ওয়েইমিনিষ্টর রিবিউতে "মনুষ্যের সর্ব্বোৎকৃই খান্ত" ইতি শীর্ষক একটি প্রবন্ধ প্রকাশিত হইয়াছে। তৎপ্রবন্ধ লেখকের মতে, উদ্ভিদ্ই উৎকৃষ্ট খান্ত এবং তাহা মাংসাপেকা পুষ্টিকর। প্রবন্ধটি প্রান্তিপরিপূর্ণ, এবং এ প্রদেশে কেহ কেহ সেই মতের পক্ষপাতী হইয়াছেন বলিয়া আমাদের ইচ্ছা ছিল যে, তাহার প্রতিবাদ করি। কিন্তু স্থানাভাবে এবার কিছু বলা হইল না। অবকাশ হয় ত বারাস্তরে বলিবল



বুরে হেরিব বলে যমুনা পুলিনে লো
নিতি নিতি কত আসি যাই।
মত্ত বারণ সম, হিয়ে মুঝ মাতল,
অবিরল হেরিতে কানাই॥
নটবর নাগর, রূপ গুণ সাগর,
জারল বিরহ হুতাসে।
করপহি পাগর, রজনী উদ্ধাগর,
ভাগর প্রেম-পিয়াসে॥

সজনি লো আজু এ ঘোর পরমান।
অম্ল সে নিধি হম,
 ঘতনে ন পায়লু
দারুণ বিধিসে বিবাদ॥
দরণ পাই নিতি,
 সরস পরশ-স্থধ,

ভরসে হাদর ভেল ভোর। স্বাম মরম কথা, কছই না পারই, রমণী প্রাণ কঠোর॥

2

লো সই লো পীরিতি সে বিদ্ম বেয়াধি।

যে জন আছিল পর, সেই সে আপন ভেল,

মাতল, আপন অব ভেল বাদী॥

সহচরীগণ মেলি, করত রভস কেলি,

দাগর, বাওত গাওত তানে।

নাহি শুনি নাহি হেরি, আপন পাশরি,

জাগর, শুমর বাশরী গানে॥

8

সই লো কত সহে পাপ পরাণ।
পিককুল কলরব, প্রেম মহা মহোৎসব,
মধুপ করত মধু পান।
মূছল পবন বহে, বিরহিহনদয় দহে,
চকোর চুম্বিত শশী হাসে।
নিকুঞ্জে কুস্থম ভাতি, পারিজাত মুতি জাতি,
কুম্দিনী সরসে উল্লাসে।
স্থিরে যমুনা তীরে শ্রাম বিলাসে।

त्रष्ट्र ।



সপ্তম পরিচ্ছেদ

মরনাথ মিটালাপে প্রবৃত্ত হইলেন—যেন আমি তাঁহার পরম মুন্থদ্—যেন কাহারও মনে কোন মালিক্স নাই—কোন দিকে কোন গোলযোগের কথা উপস্থিত হয় নাই। আমিও সেইরূপ করিতে লাগিলাম। আপনারা কেহ যদি মনে করিয়া থাকেন যে, আমি অমরনাথের সঙ্গে বিবাদ-বচসা করিতে বা তাহাকে কোন প্রকার অমুরোধ করিতে আসিয়াছি, তবে আপনারা মহা ভ্রমে পতিত হুইয়াছেন। বিবাদ বচসা করিলে কোন্ উপকার হুইবে ? আর সমুরোধেই বা কে ঐশ্ব্য পরিত্যাগ করিয়া থাকে ? আমার সে সকল অভিপ্রায় ছিল না। যে অভিপ্রায়ে এত সন্ধান করিয়া আসিয়াছিলাম, তাহা গোপন করিয়া, আণিও মিটালাপে প্রবৃত্ত হুইলাম। অতি ধ্রের সঙ্গে কার্যা, ইহা স্মরণ রাখিলাম। কিন্তু সে অভিপ্রায় আমার সিদ্ধ হুইল না।

কথোপকথন মধ্যে কিঞ্চিৎ অবসর পাইয়া আমি বলিলাম, "আপনার সঙ্গে কথোপকথনে বড়ই প্রীতি পাই। এক্ষণে আমাদিগের মধ্যে মামলা মোকদ্দম। উপস্থিত হইতে চলিল—ভরসা করি, তাহাতে সম্প্রীতির স্থানে বৈরিতা উপস্থিত হইবে না।"

আমার বোধ ছিল, অমরনাথ মিষ্টভাষী শঠের মত মধ্যাথা মিথ্যা কথায় উত্তর দিবেন। কিন্তু অমরনাথ তাহা না করিয়া স্পষ্ট কথাই বলিলেন—যাহ। বলিলেন, তাহা সত্যবাদী, বৃদ্ধিমান, উদারচরিতের কথা। বলিলেন, "কি প্রকারে সম্প্রীতি থাকিবার সম্ভাবনা? আপনাদিগের অবশ্য এরপ ধারণা আছে যে আনি একটা মিথ্যা কাণ্ড উপস্থিত করিয়া আপনাদিগের সম্পত্তি অপহরণ করিতেছি; এ ধারণা না থাকিলে মোকদ্দমার প্রয়োজন হইবে কেন? যদি আপনার এরপ বিশ্বাস থাকে, তবে আপনি আমাকে ভালবাসিবেন কি প্রকারে? আর আমি যদি বিবেচনা করি যে, আপনারা আমার যথার্থ প্রাপ্য হইতে আমাকে বঞ্চিত

করিয়া অনর্থক আদালতে ছঃখ দিতে ইচ্ছা করিতেছেন, তবে আমিই বা আপনা-দিগের প্রতি ভক্তিমান হইব কি প্রকারে ?"

আমি বলিলাম, "যে দিন আমার মনে বিশ্বাস হইবে যে র**জনীর সম্পত্তি** আমরা ভোগ করিতেছি সেই দিন আমি সে সম্পত্তি পরিত্যাগ করিব।"

অমর। তবে আপনার সে বিশ্বাস এখনও হয় নাই ?

আমি। কিসে হইবে ?

অমর। আমাদিগের যে প্রমাণাদি আছে, তাহা বিষ্ণুরাম বাব্র কাছে দেখিয়া থাকিবেন।

আমি। প্রমাণের একটি ইয়াদদাস্ত দেখিয়াছি; দলিলগুলি দেখি নাই।

অমর। দলিলগুলি আমার কাছে আছে। যদি আপনার বিশ্বাস জন্মাইতে পারিলেই মোকদামার দায় হইতে উদ্ধার পাই, তবে যত্ন করিয়া আপনাকে দলিলগুলি দেখাইতে হইতেছে। এখন দেখিবেন কি ?

এরপে সরল ব্যবহার আমি অমরনাথের নিকট প্রত্যাশা করি নাই। বলিলাম, "অবশ্য দেখিব।"

অমরনাথ একটি বাক্স আনিয়া, তাহা হুইতে দলিলের তাড়া বাহির করিলেন। তাড়া খুলিতে খুলিতে বলিলেন, "বোধ হয় যে, হরেকৃষ্ণ দাসের যদি ক্সা বর্ত্তমান থাকে, তবে সে যে মনোহর দাসের উত্তরাধিকারিণী, তিষ্বিয়ে আপনার সংশয় নাই ?"

আমি বলিলাম, "আইন অমুসারে সে উত্তরাধিকারিণী কি না, তাহা আমি বলিতে পারি না, কেননা আমি আইনজ্ঞ নহি। কিন্তু আইন অমুসারে হউক বা না হউক, আমার নিকট ধর্মতঃ সে আমার পিতামহের বিষয় পাইতে পারে বটে।"

অমরনাথ সম্ভষ্ট হইয়া বলিলেন যে, "এরূপ ভদ্রলোকের সহিত আমাকে এ কার্য্য নির্বাহ করিতে হইতেছে, তাহাতে আমাকে অধিক কষ্ট পাইতে হইবে না। এক্ষণে দেখুন, এই জোবানবন্দী কাহার।"

এই বলিয়া অমরনাথ একটি "জাবেতা নকল" আমার হাতে দিলেন। সেই নকল একটি সাক্ষের জোবানবন্দীর।

আমি পড়িয়া দেখিলাম যে, জোবানবন্দীর বক্তা হরেকৃষ্ণ দাস। মাজিষ্ট্রেটের সম্মুখে তিনি এক বালাচুরির মোকদ্দামায় এই জোবানবন্দী দিতেছেন। জোবান-বন্দীতে, পিতার নাম ও বাসস্থান লেখা থাকে; তাহাও পড়িয়া দেখিলাম। তাহা মনোহরদাসের পিতার নাম ও বাসস্থানের সঙ্গে মিলিল। অমরনাথ জিজ্ঞাসা করিলেন, "মনোহর দাসের ভাই হরেকৃষ্ণের এই জোবানবন্দী বলিয়া আপনার বোধ হইতেছে কি না?"

আমি। বোধ হইতেছে।

অমর। যদি সংশয় থাকে তবে এখনই তাহা ভঞ্জন হইবে। পড়িয়া যাউন।

পড়িতে লাগিলাম যে সে বলিতেছে, "আমার ছয় মাসের একটি কম্মা আছে। এক সপ্তাহ হইল তাহার অন্ধ্রপ্রাশন দিয়াছি। অন্ধ্রপ্রাশনের দিন বৈকালে তাহার বালা চুরি গিয়াছে।"

এই পর্যান্ত পড়িয়া দেখিলে, অমরনাথ বলিলেন, "দেখুন কভদিনের জোবানবন্দী ?"

জোবানবন্দীর তারিখ দেখিলাম, জোবানবন্দী উনিশ বৎসরের।

অমরনাথ বলিলেন, "ঐ কন্মার বয়স এক্ষণে হিসাবে কত হয় ?"

আমি। উনিশ বংসর কয় মাস-প্রায় কুড়ি।

অমর। রজনীর বয়স কত অমুমান করেন ?

আমি। প্রায় কুড়ি।

অমর। পড়িয়া যাউন; হ্রেকৃঞ কিছু পরে বালিকার নামোল্লেখ করিয়াছেন।

আমি পড়িতে লাগিলাম। দেখিলাম যে, একস্থানে হরেকুঞ্চ পুন:প্রাপ্ত বালা দেখিয়া বলিতেছেন, "এই বালা আমার কন্সা রক্তনীর বালা বটে।"

আর বড় সংশয়ের কথা রহিল না—তথাপি পড়িতে লাগিলাম। প্রতিবাদীর মোক্তার হরেকৃষ্ণকে জিজ্ঞাসা করিতেছেন, "তুমি দরিজ্র লোক। তোমার কল্ঠাকে সোনার বালা দিলে কি প্রকারে ?" হরেকৃষ্ণ উত্তর দিতেছে, "আমি গরিব, কিন্তু আমার ভাই মনোহর দাস দশটাকা উপার্জ্জন করেন। তিনি আমার মেয়েকে সোনার গহনাগুলি দিয়াছেন।"

ওবে যে এই হরেকৃষ্ণ দাস আমাদিগের মনোহর দাসের ভাই, তদ্বিষয়ে আর সংশয়ের স্থান রহিল না।

পরে মোক্তার আবার জিজ্ঞাসা করিতেছেন, "তোমার ভাই তোমার পরিবার বা তোমার আর কাহাকে কখন অলম্কারাদি দিয়াছে ?"

উত্তর। না।

পুনশ্চ প্রশ্ন। সংসার খরচ দেয় ?

উত্তর। না।

প্রস্থা। ভবে ভোমার ক্স্থাকে অন্নপ্রাশনে সোনার গছনা দিবার . কারণ কি ? উত্তর। আমার এই মেয়েটি জন্মান্ধ। সেজন্য আমার স্ত্রী সর্ব্বদা কাঁদিয়া থাকে। আমার ভাই ও ভাইজ তাহাতে তৃঃথিত হইয়া, আমাদিগের মনোতৃঃখ যদি কিছু নিবারণ হয় এই ভাবিয়া অয়প্রাশনের সময় মেয়েটিকে এই গহনা-দিয়াছিলেন।

জন্মান্ধ! তবে যে সে এই রক্তনী তদ্বিষয়ে আর সংশয় কি ?

আমি হতাশ হইয়া জোবানবন্দী রাখিয়া দিলাম। বলিলাম "আমার আর বড় সন্দেহ নাই।"

অমরনাথ বলিলেন, "অত অল্প প্রমাণে আপনাকে সম্ভষ্ট হইতে বলি না। আর একটা জোবানবন্দীর নকল দেখুন।"

দ্বিতীয় জোবানবন্দীও দেখিলাম যে, উহাও ঐ কথিত বালাচুরির মোকদ্দামায় গৃহীত হইয়াছিল। এই জোবানবন্দীতে বক্তা রাজচন্দ্র দাস। তিনি একমাত্র কুটুম্ব বলিয়া ঐ অন্ধ্রপ্রাশনে উপস্থিত ছিলেন। তিনি হরেকৃষ্ণের শ্রালী-পতি বলিয়া আত্মপরিচয় দিতেছেন। এবং চুরির বিষয় সকল সপ্রমাণ করিতেছেন।

অমরনাথ বলিলেন, "উপস্থিত রাজচন্দ্র দাস সেই রাজচন্দ্র দাস। সংশয় থাকে, ডাকিয়া তাঁহাকে জিজ্ঞাসা করুন।"

আমি বলিলাম, "নিপ্সয়োজন।"

495

অমরনাথ আরও কতকগুলি দলিল দেখাইলেন, সে সকলের বৃত্তান্ত সবিস্তারে বলিতে গেলে, সকলের ভাল লাগিবে না। ইহা বলিলেই যথেষ্ট হইবে যে, এই রজনী দাসী যে হরেকৃষ্ণ দাসের কল্পা ভদ্বিয়ে আমার সংশয় রহিল না। তখন দেখিলাম বৃদ্ধ পিতা মাতা লইয়া, আরের জ্বন্স কাতর হইয়া বেড়াইব।

অমরনাথকে বলিলাম, "মোকদমা করা বুথা। আপনি নালিশ করিবেন না। বিষয় রজনী দাসীর, তাঁহার বিষয় তাঁহাকে ছাড়িয়া দিব। তবে আমার জ্যেষ্ঠ সহোদর এ বিষয়ে আমার সঙ্গে তুল্যাধিকারী। তাঁহাকে জিজ্ঞাসা করিবার অপেক্ষা রহিল মাত্র। আর একটি ভিক্ষা আছে।"

অমরনাথ বলিলেন, "আজ্ঞা করুন।" আমি বলিলাম, "আমাদিগের হিন্দু সমাজের এমত রীতি নহে যে ভজলোকে ভজলোকের পরিবারের সঙ্গে সাক্ষাৎ করে। তবে রক্তনীর সঙ্গে আমার সম্বন্ধ সেরপ নহে। রক্তনীকে আমাদিগের পরিবারস্থা বলিলেও হয়। অতএব আমি যদি তাহার সঙ্গে একবার সাক্ষাৎ করিতে চাহি, তবে আপনি বিশ্বিত হইবেন না।" "কিছুমাত্র না—বরং এখনই সাক্ষাৎ করুন্," এই বলিয়া অমরনাথ আমাকে অন্তঃপুরে ডাকিয়া লইয়া গেলেন। এবং রঞ্জনীকে আমার কাছে ডাকিয়া দিয়া বিশ্বাস বা ভক্তভা দেখাইবার জন্ম কয়ান্তরে গেলেন।

আমি রক্ষনীর কাছে বিষয় ভিক্ষা লইতে আসি নাই—তাহার অপেক্ষা দারিদ্রা বা অনশনে মৃত্যুও ভাল। কিন্তু রক্ষনী কি বলে, তাহা ক্ষানিবার ক্ষম্ম আমার কৌত্হল ছিল। রক্ষনী আমার বিমাতার কাছে অনেক বিষয়ে উপকৃতা। ইতর লোকে অসময়ের উপকার সময়ে মনে রাখে না। কিন্তু আমার স্থির বিবেচনা ছিল, রক্ষনীর স্থভাব সেরূপ ইতর নহে। তড্ছম্ম রক্ষনী যদি বিষয় লইতে কুষ্ঠিত হয়, তবে তাহাকে বুঝাইয়া দিব যে, কুষ্ঠিত হওয়া নিম্প্রয়েক্ষন। আরও ইচ্ছাছিল, কেনই বা সে পলাইয়াছিল, অমরনাথের সঙ্গে কি প্রকারেই বা বিবাহ ঘটিল, যদি জানিতে পারি, তাহাও জানিব। কিন্তু ইহাও বিশ্বৃত হই নাই যে, এসকল কথা এসময়ে এস্থানে জিজ্ঞাসা করা অকর্তব্য। শেষ কথা, আর একটি পরীক্ষা—কিন্তু সেটি মনে স্থান দিতে পারিলাম না—কেননা এখন রজনীর বিবাহ হইয়াছে। যাহা হউক, নিভান্থ কৌত্হলপরায়ণ হইয়াই আমি রক্ষনীর সঙ্গে সাক্ষাৎ করিতে চাহিয়াছিলাম।

রজনী আসিয়া কিছু বলিল না,—নীরবে দাঁড়াইয়া রহিল। আমি বলিলাম, "আমি শটীস্র। একটা কথার জন্য আসিয়াছি।"

तकनी मृश्यत्त रिनन, "আडा कक्रन।"

আমি বলিলাম, "তুমি নাকি আমাদিগকে নি:স্ব করিয়া বিষয় কাড়িয়া লইতেছ ?"

तक्रनी विनन, "विषय जामात्र।"

হরি বোল!

বিষয় রঞ্জনীর হউক, কিন্তু রঞ্জনী যে আমার মুখের উপর একথা বলিবে, এমত কখন আমি মনে করি নাই। পুনরপি বলিলাম, "বিষয় আমার পিতামহের— তুমি আমার পিতামহের কে ?"

রজনী বলিল, "কেহ নই। তবে আইনমতে আমি পাই।"

রজনীকে বিষয় ছাড়িয়া দিব, ইহা পূর্কেই স্থির করিয়াছিলাম, তবে, এখন রজনীর কথায় বিরক্ত হইয়া বলিলাম. "আইনমতে পাইলেই কি লইবে ?"

त्रक्रनी विनन, "আমি विषय महेव।"

আমি রাগ করিয়া বলিলাম, "তুমি এমন রাক্ষ্সী তাহা জানিতাম না।"


(100

এই বলিয়া আমি বাহিরে যাইব বলিয়া পশ্চাৎ ফিরিলাম। তথন রন্ধনী ছিন্ন কদলীতরুবৎ ভূমিতে পড়িয়া গেল—তাহার কণ্ঠনির্গত চীৎকার আমার কর্ণরক্ষে প্রবেশ করিল—এক্লপ কাতর, এক্লপ সকরুণ চীৎকার আমি কখন শুনি নাই। ফিরিয়া চাহিয়া দেখিলাম রন্ধনী মূর্চ্ছিতা।

নিকটস্থ পাত্রে জল ছিল, তাহা রজনীর মূখে সিঞ্চন করিতে লাগিলাম, এবং বস্ত্রের দ্বারা ব্যক্তন করিতে লাগিলাম। কাহাকেও ডাকিলাম না। দেখিতে লাগিলাম, বাত্যাপতিত বৃষ্টিক্বলসিক্ত প্রস্তর-পুত্তলীর ন্থায় রজনী পড়িয়া রহিয়াছে।

কিয়ৎক্ষণ পরে তাহার চৈতস্ত হইল। জ্ঞানপ্রাপ্তির পর আমার কণ্ঠস্বর শুনিয়া রঙ্গনী অভিকষ্টে, রুদ্ধস্বরে বলিল, "আপনি এখান হইতে যান। কোন কালে যদি আপনাকে ডাকিয়া পাঠাই, তবে আসিবেন, ছই একটা কথা বলিবার আছে। এখন কেন আসিয়াছেন ?"

আমি ভাবিতে ভাবিতে ধীরে ধীরে চলিয়া গেলাম।



[বঙ্গদর্শনে সংক্ষিপ্ত সমালোচনা উঠিয়া গিয়াছে; কিন্তু থাঁহারা দীর্ঘ প্রবন্ধ নিয়ত পাঠ ক্রিতে ইচ্ছা করেন না, তাঁহাদিগের প্রীত্যর্থ আমরা "নানা কথার" সমিবেশ আরম্ভ করিলান !

তাহার শিরোনাম, "সূর্য্য বৃদ্ধুদ মাত্র।" অর্থ এই যে, যেমন জলবৃদ্ধুদের বাহিরের আবরণ, অতি সৃদ্ধ জলীয় স্বক্ এবং ভিতরে বায়্, সূর্য্যের তদ্ধেপ বাহিরে আবরণ, অতি সৃদ্ধ আবরণ এবং ভিতরে বায়্বীয় পদার্থ। তবে, সূর্যাের আবরণ জলের নহে, অবীভূত লৌহাদি ধাতব পদার্থের। যিনি এই আশ্চর্যা তবের মর্ম্মগ্রহ করিতে চাহেন, তিনি গত অক্টোবর মাসের কর্ণহিল পাঠ করিবেন। এ মতটি বিখ্যাত আমেরিক জ্যোতির্হিন্দু ইয়ঙ্ সাহেবের।

আমেরিকার বিখ্যাত চিকিৎসক ক্লার্ক সাহেব বলিয়াছেন যে, জ্রীলোকদিগের বাস্থ্যরক্লার্থ ইহা নিভান্ত প্রয়োজনীয় যে, হাঁহারা মাসে তিন সপ্তাহ মাত্র কার্য্য করিয়া, সময়বিশেষে এক সপ্তাহ বিশ্রাম করেন। আমাদিগের প্রাচীন শাস্ত্রকারেরা বােধ হয় এই বৈজ্ঞানিক তবাট জানিয়াই দিবসত্রয় কার্য্য বিরতির বিধান করিয়া-ছিলেন। ইহুদীদিগের মধ্যেও ঐরূপ নিয়ম ঘাছে। আমাদিগের প্রাচীন শাস্ত্রকারেরা যে ইউরোপীয়দিগের অজ্ঞাত অতি গৃঢ় বৈজ্ঞানিক তত্ব সকল অবগত ছিলেন, তাহার আরও অনেক প্রমাণ আছে। আজি কালি ছই একজন শারীরতত্ববিং বলিতেছেন যে মৎস্ত ভোজনে রিপুবিশেষ অভ্যন্ত বলবান্ হয়, কিন্তু ছই সহত্র বংসর পূর্কেবি হিন্দু শাস্ত্রকারেরা আজ্ঞা প্রচার করিয়াছিলেন যে, যেখানে হিন্দু বিধবারা আর বিবাহ করিতে পারিবে না—সেখানে মৎস্ত তাহাদের পক্ষে নিষ্ক্র।

ফর্ম্মোসা উপদ্বীপের কিয়দংশে চীনেরা বাস করে, অপরাংশে অসভা অধিবাসীরা থাকে। অসভাদিগের মধ্যে কভকগুলি কৌতৃকাবহ রীতি প্রচলিত আছে। ভাহাদিগের মধ্যে জ্রীলোকেরাই পুরোহিত। চম্বারিংশং বংসর বয়সের পূর্বের, স্বামী যদি স্ত্রীর সাক্ষাৎ লাভে ইচ্ছুক হয়েন, তবে চুরি করিয়া সাক্ষাৎ করিতে হইবে। যদি কেহ জানিতে পারে যে, উনচম্বারিংশং বর্ষ বয়স্ক শিশু স্ত্রীর সঙ্গে সাক্ষাং করিয়াছে তবে বড় প্রমাদ। স্ত্রীলোক যদি সপ্তত্তিংশং বর্ষ বয়সের পূর্ব্বে সন্তান প্রসব করে, তবে আইন অনুসারে শিশুটিকে বধ করিতে হয়। অনেকে বলিতে পারেন যে, এই ছুইটি আইনই বঙ্গদেশে চলিলে নিতান্ত অমঙ্গল ঘটে না।

এই অসভ্যক্ষাতিদিগের মধ্যে বৈগু নাই। চিকিৎসা একটি মাত্র আছে। কাহারও রোগ হইলে তাহার গলায় ফাঁসি দিয়া আড়ায় লটকাইয়া দিতে হয়— তার পরে ফাঁসি কাটিয়া দিয়া আছড়াইয়া ফেলিয়া দিতে হয়। মরিল ত রোগ চিকিৎসার অতীত বলিয়া সপ্রমাণ হইল। বাঁচিল ত চিকিৎসার মহিমা! আমাদিগের ডাক্তারগণ, পড়িয়া যেন হাস্ত করেন না। ভাবিয়া দেখিলে, সকল চিকিৎসাই এইরূপ।

অনেকে জানেন যে সেঁকোবিয—ডাক্তারদিগের "আর্সেনিক", নানা রোগের উমদস্বরূপ ব্যবহৃত হইয়া থাকে। কিন্তু উহাতে আর একটি উপকার আছে, এতদ্দেশে তাহা সকলে জানেন না। উহা শারীরিক সৌন্দর্য্য বৃদ্ধি করিয়া থাকে। উহাতে শুক্ষ শরীর পূর্ণ হয়, দক্ কোমল এবং চাকচিক্যবিশিষ্ট, এবং বর্ণ উজ্জ্বল ও মাধুর্য্যবিশিষ্ট হয়। অধ্বীয়ার কোন কোন স্থানে এই কারণে অনেক লোক নিত্য বিষ ভক্ষণ করিয়া থাকে। এবং অনেক যুবতী, নায়কের মনোহরণার্থ, বিযভোজন আরম্ভ করেন। পূর্ব্বে প্রথা ছিল যে, যে হতভাগিনী প্রণয়ে নিরাশ হঠত, সেই বিষভোজন করিত; অধ্বীয়ার এই প্রদেশে যে যুবতী প্রণয়ের আশা রাখে, সেই বিষ ভোজন করে। অন্ত দেশের কবিগণ বলেন, যোযিদ্বর্গের অধরে স্থা এবং নয়নে বিষ, অধ্বীয়ার জাহাদের নয়নেও বিষ এবং অধরেও বিষ। তাহার উপর তাঁহাদের দাতে বিষ নাই ত ?

অক্টোবর মাসের ফ্রেব্রুরে, "Dangerous glory of India" নামে. একটি প্রবন্ধ আছে, তাহা ভারতবর্ধে পুনমু প্রিত হইয়া প্রচলিত হওয়া কর্ত্তব্য প্রবিচার হয় না ও হইতে পারে না; সর্বত্য দেশী বিচারকের প্রয়োজন। দ্বিতীয়, ভারতবর্ধে বাজে ইংরেজ্বগণ ভয়ানক অভ্যাচারী; তাহারা অভ্যাচার করিলে দণ্ড পায় না, কেবল খালাষ পাইয়া থাকে। তৃতীয়, দেশী লোকগণকে উচ্চপদস্থ না করিলে ভারতবর্ষে ইংরেজ্ব রাজ্য দৃঢ়মূল হইতে গারে না। দেশীয়েরা যে ইংরেজ্বদিগের সঙ্গে উচ্চপদে তৃল্যরূপে অধিকারী তাহা পুনঃ পুনঃ আইনে বিধিবদ্ধ হইয়াছে, কিন্তু তাহা কখন কার্য্যে পরিণত হইল না। লেখক বলেন যে, রোম রাজ্যে মিরিয়নগণ রাজকীয় পদ সকলে আপনাদিগের অধিকার পেত্রিসিয়নদিগের তৃল্য

বলিয়া আইনে বিধিবদ্ধ করাইয়াও, তাহা কার্য্যে পরিণত করাইতে পারে নাই; ইহাতে তাহারা অগত্যা নিয়ম করাইল যে, রাজ্বকীয় কর্মচারীদিগের মধ্যে এতগুলি প্রিবিয়ন হইতেই হইবে। সেইরূপ ভারতবর্ষেও নিয়ম করা কর্ত্তব্য যে, উচ্চ রাজকীয় কর্মচারীদিগের মধ্যেও বার আনা দেশী লোক হইতেই হইবে। এরূপ নিয়ম না করিলে, ইংরেজেরা লোভ সম্বরণ করিয়া দেশী লোককে কিছু দিবেন না।

কোন কোন দেশে লোকে মৃত্তিকা ভোজন করে। ঔষধ স্বরূপ, বা কখন সক করিয়া একটু খায়, এমত নহে; রীতিমত আহার করে। আমেরিকায় আটোমাক্ জাতীয়েরা বর্ষাকালে মৃত্তিকা খাইয়াই জীবন ধারণ করে। শারীরত্ত্ব-বিদেরা সেই মৃত্তিকার মধ্যে শরীরপোযক কোন জব্য পায়েন নাই। অতএব কেন যে তাহাতে জীবন রক্ষা হয় বলিতে পারেন না। অনাহারেও অনেকে জীবন রক্ষা করে, এমন গল্প আছে। বিজ্ঞানের কপালে কি আছে, বলিতে পারি না।

তৃতীয় বৰ্ষ : দাদশ সংখ্যা



পরিবারগত অবস্থা, বিবাহবিষয়ক আচার, শাসনপ্রণালী, চিত্র-নৈপুণ্য ও অগ্নশব্দের ব্যাখ্যাগত বিভেদ] পরিবারবর্গের সভিত বিবাদ করা যুক্তিসিদ্ধ নহে। ১৭৯—১৮৫। ৪ অধ্যায় মহা।

ঠক, আজি আমরা সভ্য হইয়াছি। সংগদরের সঙ্গে একত্র বাস করিতে সন্মত নহি। নিজ নিজ পুলকলত্রদিগকে বসনভ্যণে পরিশোভিত করিয়া যাদৃশ সুখামুভব করি, সচরাচর আভভার্য্যাকে তাদৃশ বস্ত্রালম্বারে ভ্ষিত করিছে আন্তর্নিক অভিলায রাখি না—নিরুপায় ভগিনী ও তদীয় পরিজনদিগকে গলগ্রহ জ্ঞান করিয়া তাহাদিগের প্রতি কত কটুবাক্য ও কত ভংসনা করিতে থাকি এবং স্থলবিশেষে কোন কোন ব্যক্তিও সাক্ষাৎ দেবতাম্বরূপা স্নেহময়ী জননীকেও পিতার পরিবার বলিয়া প্রত্যাখ্যান করিতে উত্তত হন।

এখন একবার ভাবিয়া দেখ দেখি, আমাদিগের পূর্বতন আর্য্যসন্তানগণ কেমন ভাবে সংসার্থাত্রা নির্বাহ করিয়া আসিয়াছেন। উপরি কথিত ব্যক্তিবর্গের প্রতি শ্রন্ধা, ভক্তি প্রদর্শন ও তাহাদিগকে প্রতিপালন করা যে পরম ধর্ম তছিষয়ে তাঁহা-দিগের মতকৈ ছিল না। তাঁহারা ইহাদিগকে এতাদৃশ আন্তরিক ভালবাসিতেন যে ইহাদিগের সঙ্গে বিবাদেও আপনাদিগের অনিষ্ট জ্ঞান করিতেন এবং তরিমিন্ত পরকালে নরকদর্শনের ভয়ে ভীত থাকিতেন। সেই ভয়টি ছিল বলিয়াই আমাদিগের পরিবারগত এত স্নেহ। পরিবারদিগের সঙ্গে বিবাদে সম্মত নহি, ইহাদিগকে বন্ত্রালম্বারে পরিশোভিত করিতে পারিলে পরম মুখ জ্ঞান করি। যেস্থলে পরিবারগণ ক্রেশনিবন্ধন অঞ্জ্ঞল বিসর্জন করিয়াছেন, তথায় অচিরে সে কুল নির্মান্ত হইয়াছে। গুরু, পুরোহিত, আচার্য্য, মাতুল, অতিথি, অফুজীবী, বালক, বৃদ্ধ, পীড়িত, বৈগ, জ্ঞাতি, কুটুম, মাতাপিতা, ভগিনী, পুত্রবধ্, ল্রাত্য, ভাগিনেয় প্রভৃতি স্নেহের পাত্রগণ ও ভৃত্যবর্গের সহিত প্রকৃত জ্ঞানী আর্য্য সম্বানগণ

কদাচ নিষ্কারণে বিবাদ করিতেন না। ইহারা জ্বানিতেন যে, ইহাদিগের সহিত বিবাদ না করিয়া যুক্তিপ্রানর্শন ছারা ইহাদিগের মত খণ্ডনপূর্ব্বক নিরস্ত করিতে পারিলে জ্বগজ্জ্বরী হওয়া যায়; এইটা ইহাদিগের স্থিরতর সংস্কার। (১)

ইহারা মনে করেন, আচার্য্যকে স্বকীয় মতের বশবর্তী করিতে পারিলে প্রহ্মালাক জয় করা যায়। সেবা-শুজ্ঞায় দ্বারা পিতাকে অমুরক্ত করিতে পারিলে প্রাঞ্জাপত্য লোক জয় করা হয়়। ইল্রলোক জয়াভিলায়ী হইলে অভিথির প্রাঞ্জি সদয় হওয়া উচিত। দেবলোক দর্শন বাসনা থাকিলে শুরু পুরোহিতাদির সম্মান ব্যতিক্রম না করাই কর্ত্তব্য। প্রাতা, জায়া ও ভগিনী প্রভৃতি পরিবারবর্গকে অমুরক্ত রাখিতে পারিলে অপ্যর লোকাধিকারের ফলভাগী হওয়া যায়। সখার সঙ্গে সখ্য চিরস্থায়ী রাখিতে পারিলে বৈশ্য দেবের সহিত সালোক্যপ্রাপ্তি বিষয়ে আর সংশয় থাকে না। রসাতলের প্রভুত্ব লাভ করিতে বাসনা করিলে আত্মীয়ক্জন ও জ্ঞাতিগণের সঙ্গে বিবাদ না করাই শ্রেয়ঃকল্প। এই মর্ত্তা ভূমিতে চিরস্থা হইতে ইচ্ছা করিলে মাতৃ এবং মাতুলের সম্মান রক্ষা পুর্বক নির্ব্বিবাদে তাঁহাদিগের সেবা-শুজ্রমা দ্বারা তাঁহাদিগের প্রীতি জন্মাইতে পারিলেই ইন্তলোকে মুখভাগী ও জয়ী বলিয়া পরিগণিত হওয়া যায়। (২)

নির্ধন, বালক, বৃদ্ধ ও আত্র ব্যক্তিদিগকে সদয়ভাবে তাহাদিগের বাঞ্চা পরিপ্রণপ্র্বক নির্বিবাদে তাহাদিগের সহিত কাল হরণ করিতে পারিলেই হালোক জয়ের ফলপ্রাপ্তি হয়। জ্যেষ্ঠ ভ্রাতা পিতার সদৃশ মাক্ত ওপুজ্য। ভার্য্যা ও পুত্র স্বকীয় শরীর হইতে ভিন্ন নতে। পত্নী পতির দেহের অর্দ্ধান্ত, পুত্র আ্থা-স্বরূপ। কন্যা প্রভৃতি সম্ভবির্গ খীয় দেহের অ্যান্থ অবয়ব। অনুজীবী, সেবক

(১) মঞ্চ (১)	্শবিক্ পুরোহিতাচার্টার্যার্নাতিথি সংশ্রিতে: । বালর্জাভূরৈর্বৈভৈক্ষণিতিসম্বন্ধিবান্ধ্রটাঃ ॥	}	6 P¢
8र्श्यः∙	মাতাপিত্ভাাং যামিভিভ্ৰাত্ৰা পুজেণ ভাৰ্য্যয়া । ছহিত্ৰা দাসবৰ্গেণ বিবাদং ন সমাচরেৎ ॥	}	24.0
) p y	ু এতৈর্বিবাদং সম্ভাজ্য সর্ব্ব পাপৈ: প্রমূচ্যতে। এতির্জিতৈক জয়তি সর্ব্বান্ লোকানিমান্ গৃহী॥		
245	্ আচার্যো বন্ধলোকেশ: প্রাজাপত্যে পিতা প্রভূ: অতিথিয়িক্রলোকেশো দেব লোকস্তচর্ত্তিভ্য: ॥		
220	্যানয়োহক্ষরনাং লোকে বৈশ্ব দেবত বাধবা:। সম্বন্ধিনোত্ত্পাং লোকে পৃথিব্যাং মাতৃ মাতৃলৌ॥		
228	আকাশেশান্ত বিজ্ঞো বালবৃদ্ধকৃষাভূগা:। আভা জোঠ: সম: পিত্রা ভার্য্য পুর: বকাতথ:॥		
	98		

ও দাসবর্গ ছায়াস্বরূপ। ইহাদিগের সহিত বিবদমান হইয়া তিরস্কার করিলে ইহারা মনঃকুপ্পভাবে অবমাননা সহা করে বটে কিন্তু তদ্বারা কুলনষ্ট হয়। এজন্ত মুনিগণ ইহাদিগকে সর্বাদা বস্ত্রাল্কারে সুখে রাখিতে আদেশ করিয়াছেন। (৩)

আর্য্যসন্তানগণ কেবল যে স্বীয় ভার্য্যাকে ভরণপোষণ করিয়া ভর্ত্তা শব্দের বৃহপত্তি লভ্য অর্থের সার্থকতা সম্পাদন করিলেই যে ইহ সংসারে কৃতার্থস্মশ্য হইতেন তাহা কদাচ জ্ঞান করা যায় না। কি পতি কি পিতা কি ভ্রাতা কি দেবর ইহাদিগের মধ্যে যিনিই সংসারের শাস্তি কামনা করেন, তিনিই অবশ্য নিজের বিভব অনুসারে দেশ কাল পাত্র বিবেচনায় স্ত্রী ও পরিজনদিগকে উত্তমরূপ অন্নাচ্ছাদন ও ভূষণাদি দ্বারা তাহাদিগের মনংকোত নিবারণ করিবেন। (৪)

ইহাদিগের মধ্যে যে পরিবারের স্ত্রী পরিজন সর্বদ। সম্প্রীতির সহিত কাল হরণ করে, সে কুলে দেবতাগণ পরিত্ত থাকেন। স্ত্রীজাতি বসনভ্যণাদি দ্বারা বিভূষিত হইলেই সম্ভোষ লাভ করে, যে পরিবার মধ্যে স্ত্রীজাতিরা বন্ত্রালঙ্কারাদি দ্বারা সম্মানিত না হয় সে কুলের স্ত্রীজনের। সর্বদা মনঃকুল্ল হইয়া অশ্রুবিসর্জন পূর্বক শোক করে। তাহাদিগের ক্ষোভ নিবদ্ধন পরিবার মধ্যে অনিপ্রবীজ রোপিত হয়। সেই অপ্রীতিজনক বিচ্ছেদ বীজ বদ্ধসূল হইলেই স্থখনয় সংসার-তরু নিম্ফল ও সংসারী ব্যক্তির ক্রিয়া পণ্ড হয় এবং অতি শীঘ্র বংশলোপ হইয়া আইসে, পরিজনদিগের সম্প্রীতি দ্বারা বংশের শ্রীবৃদ্ধি হয়।

ভগিনী, পুত্রবধ্, পত্নী, কম্মা প্রভৃতির অভিশাপ দ্বারা কুলের ধ্বংস হয়। যে কুলে ভার্য্যা ও ভর্তার প্রণয় না থাকে, সে কুলের ঞীবৃদ্ধি হয় না। যে স্থলে স্বামী ও জ্রীতে পরস্পর আম্ভরিক প্রেম পরিবর্দ্ধিত হয়, তথায় কুলদেবতা পরিতৃষ্ট থাকেন; ভদ্মিবন্ধন সে কুলের ঞীবৃদ্ধি অবশ্যম্ভাবী বলিয়া স্থিরীকৃত হয়। (৫)

৫৫--৬০--৩য় মন্ত ।

(৩)	ি পিতৃভিত্র । তৃভিদ্দৈতাঃ পতিভিদ্দেবরৈতথা।
**	পিতৃত্তির্ত্রাতৃতিকৈতাঃ পতিতির্দেবরৈতথা। পূজা তৃষয়িতব্যাশ্চ বহুকল্যাণমিন্সুভিঃ॥
60	{ যত্র নার্যান্ত পূজান্তে রমন্তে তত্র দেবতাঃ । যৈত্রৈতান্ত ন পূজান্তে সন্ধীন্তত্রাদলক্রিরাঃ ॥
• 1	 শোচন্তি জাময়ো যত্র বিনশ্রস্ত্যাশু তৎকুলং। নশোচন্তিত্ব যত্রৈতা বর্দ্ধতে তদ্ধি সর্ব্বদা॥
(8)	·
46	{ জামযো যানি গেহানি শপস্ত্যপ্রতিপ্সিতা: । তানি কুতার্ম হতানীব বিনশ্যন্তি সমন্তত: ॥
49	্ ত'ৰাদেতাঃ সদা পূজা ভূষণাচ্ছাদনাশনৈঃ । ভূতিকাদৈনিরনিত্যং সংকারেষ ৎসবেষ্চ ॥
·(¢) মন্থ	সন্ধন্তো ভার্যায়া ভর্তা ভর্ত্তাভার্যায় তথৈক । বিশ্বরেব কুলে নিত্যং কল্যাপং তত্রৈব ধ্ববং ॥
व्यः ७। ७०	ে যশ্বিমেৰ কুলে নিত্যং কল্যাণং ভৱৈৰ ধ্ৰবং ॥

বঙ্গদর্শনের পাঠকগণের প্রায় অনেকেই আর্য্যঞ্জাতির বিবাহ দর্শন করিয়াছেন। বৈবাহিক কার্য্যের অনুষ্ঠানকালে অক্সান্ত ইতিকর্ত্তব্যতা যাহা আছে তাহার সকলগুলি সর্ব্বজাতির পক্ষে সমানরূপে ব্যবহৃত হয় না। যেগুলি সচরাচর সর্ব্বত্র ব্যবহৃত হইয়া থাকে, তাহারই কতকগুলি অন্ত লিখিত হইল। বিচারকগণ বিবেচনা করিয়া দেখিবেন, ঐগুলি কিন্তুন্ত কৌলিক আচারের অনুশাসনে সর্ব্বত্র সমানরূপে দেদীপ্যমান আছে। বোধ হয় ইহাতে অবশ্য কোন নিগৃঢ় তম্ব নির্দিষ্ট আছে, সেইজ্রুই এতকাল ঐগুলিই আর্য্যসমাজে সমান আদরে আচরিত হইয়া আসিতেছে।

আর্য্যক্ষাতির সমস্ত মাঙ্গলিক কার্য্যেই হরিজামার্জন করা চিরপ্রথা, ইহা সকলেই জানেন। বিবাহেই বা ভাহার ব্যতিক্রম কেন লক্ষিত হইবে ? বিবাহের প্রাক্কালে বর ও কন্থার হস্তে যে সূত্র বন্ধন করা হয়, তাহার নাম কৌতুক-সূত্র। ঐ সূত্রদার। বর ও কন্থাকে অন্থা ব্যক্তি হইতে পৃথক্ করা যায়, কৌলিক আচার ব্যবহার পরে দেখান যাইবে। এক্ষণে ইহাই যুক্তিদারা ও শান্তের বচনদারা প্রমাণ করা যাউক যে, কি জন্ম পরস্পার হস্তধারণ করে ও কি জন্ম উভয়ের উত্তরীয় বন্ধ বন্ধনদারা পরস্পার আবন্ধ হয়।

একণে আমরা যত বিবাহ দেখিতে পাই তৎসমস্তই সবর্ণাবিবাহ, স্কুতরাং বিবাহের আদি হইতে অন্ত পর্য্যন্ত পাণিগ্রহণই দেখিতে পাই। বস্তের দশা (ছিলা) গ্রহণও তৎসঙ্গে সঙ্গেই থাকে এবং মাল্যবদলরূপ পরস্পরের অনুরাগ ও শুভদৃষ্টিও দেখিতে পাই। অপর কয়েকটা বিষয় অসবর্ণাবিবাহ নিষেধের সঙ্গে সঙ্গেই লোপ পাইয়াছে।

যৎকালে ব্রাহ্মণগণ ক্ষত্রিয় কন্সাকে ভার্য্যারূপে গ্রাহণ করিতে উপ্যক্ত হইতেন তৎকালে ঐ কন্সা বরের ধৃত শরের (বাণের) প্রান্ত গ্রাহণ করিতে অধিকারিশী, উক্ত ব্রাহ্মণরূপ বরের কর গ্রহণযোগ্যা নহে। অর্থাৎ তদীয় পিতৃকুল বরের সমকক্ষ নহে তাহাই দেখান হয়।

বৈশ্যকস্থা প্রাহ্মণ বা ক্ষত্রিয় বরে অভিলাষী হইলে সেই কন্থা ব্রাহ্মণ বা ক্ষত্রিয় বরের করস্পর্শাধিকারিণী হয় না। বিবাহকালে উক্ত জ্ঞাতিদ্বয়ের বরের হস্তস্থিত পাচনী গোভাড়ন দণ্ডের একদেশ স্পর্শ করিত। (৬)

বিচার-মার্গে দৃষ্টি নিক্ষেপ করিলে ইহাই স্পষ্ট লক্ষিত হয় যে, যে স্থলে

⁽৬) পাণি গ্রহণসংস্কার: স্বর্ণাস্থপদিস্ততে।
অসবর্ণাস্থায় ফেরো বিধিক্ষাই কর্মণি॥ ৪°
শর: ক্তিরেয়া গ্রাছ: প্রতাদো বৈশ্রক্ষরা।
বসনস্ত দুশা গ্রাছা শুদ্রেরাংক্ষ্ট বেদনে॥ ৪১ মন্থ আ: ৩।

সবর্ণ। বিবাহ হয় তথায় পরস্পর পাণিগ্রহণ করা শান্ত্রসিদ্ধ, তদমুসারে বরের বাম হত্তের কনিষ্ঠান্ত্রলি দ্বারা কন্সার দক্ষিণ করের কনিষ্ঠান্ত্রলি পরিগৃহীত হয়। যাবৎ বিবাহ-কার্য্য সমাধা না হয়, তাবৎকাল উভয়ের করে উভয়ের কর সংলগ্ন থাকে, এবং উভয়ের উত্তরীয় বন্ত্র-প্রান্তের গ্রন্থি দ্বারা পরস্পর আবদ্ধ থাকে। স্বজ্ঞাতীয়া ও সমান বর্ণা কন্সাগ্রহণ স্থলে ঋষিগণ বন্ত্রের দশা (ছিলা) গ্রহণ বিধান করেন নাই। যে স্থলে শুক্তকন্সা উৎকৃষ্ট জাতীয় পুরুষের গলে মাল্যদান অভিলাষ করেন, তথায় বরের করগ্রহণের ব্যবস্থা (পাণি) পীড়ন লিখেন নাই। অর্থাৎ ঐ কন্সার পিতৃকুল বরের নিকট কবস্পর্শযোগ্য নহেন। ঐ কন্সা পাণিগ্রহণ মন্ত্রদারা বরের কলে পরিগৃহীত হইলে, সেই কন্সা পাণিপীড়নযোগ্য হয়। গান্ধর্ব বিধানে বিবাহসিদ্ধি স্থলেই মাল্যবদলের ব্যবস্থা। কিন্তু শোমাদিগের সমাজে অগ্রে মাল্যবদল তৎপরে শুভদৃষ্টি তৎপরে বন্ত্রের প্রান্থে প্রান্থে বন্ধন তৎপরে পাণিপীড়ন দেখা যায়।

ব্যবহার বিষয়

পাঠক, তুমি মনে করিয়াছ অর্য্যজাতির বিচারকের। কিরূপ অভিযোগে কিরূপ ব্যবহার অমুসারে সময় ক্ষেপণ করিতেন, তাহার ব্যবস্থাগুলি সুশৃষ্থলাবদ্ধ ছিল না। বাস্তবিক তাহা নহে, সর্ব্ব বিষয়েরই স্থুনিয়ম ও সুরীতি ছিল।

চুরি ডাকাডি, পারদারিক কার্য্য, নরহত্যা ও মৃত্যু বিষয়ে অভিচারাদি অসদ্ধানহার, গোধনের অনিষ্ট সম্বন্ধে, কুলন্ত্রীর অপবাদ বিষয়ে এবং পরপরিবাদ স্থলে সময়ক্ষেপ করিবার বিধি নাই; এবংবিধ কার্য্য জন্ম সাহসিক কার্য্যের বিবাদ স্থলে সময় দেওয়ার রীতি আছে, তবে প্রেবাক্ত কার্য্যুটিত সমস্ত বিবাদ স্থলেই যে অভিযোগ উপস্থিত হইবামাত্র ভাহার নিষ্পত্তি হয় ভাহা নহে। কার্য্যের লাঘব গৌরব ব্যক্তিবিশেষের পীড়া, ক্ষতি ও বৃদ্ধির ভারতম্য বিবেচনায় নিদ্ধারিত সময়ের ব্যতিক্রমও ঘটে, অভিযোগগুলি ধারাবাহিক সংখ্যা গণনায় ভাহাদিগের নামলিখন স্থলে সংখ্যাপাত হয়। তুল্য বিষয় ও বিবাদ স্থলে ধারাবাহিক কালামুসারে বিচারকার্যা নিষ্পত্তি হয়। (৭)

বুহস্পতি সং

(१) সাহসন্তের পারুত্তে গোভিশাপাতারে প্রিয়াং।বিবাদযেৎ সন্ত এব কালোহক্তক্রেছরা স্বতঃ ॥

বৃহস্পতি সং

সন্থ: ক্তেষ্ কাৰ্যোষ্ সন্থ এব বিবাদয়েং।
কালাতীতেষ্ বা কালং দন্ধাৎ প্ৰত্যৰ্থিনে প্ৰভূ: ॥
ব্যাবহারতন্ত্যগুত নারদ সংহিতার বচন।

পূর্বে অভিযোগের পূর্ব্বপক্ষ সাক্ষী মধ্যে লেখ্য প্রভৃতির কতক অংশ লিখিত হইয়া এক্ষণে অভিযোগের উত্তর পক্ষ অবভারণা করা গেল। বঙ্গদর্শনের পূর্ব্ব খণ্ডে "পক্ষ" বিষয় দেখান গিয়াছে ভাহার সহিত মিলন কর।

অভিযোগের উত্তর শব্দে কি বৃঝায়—যে বাক্য পূর্ব্বপক্ষকে নিরাশ করিতে সমর্থ প্রকৃত বিষয়োপযোগী ও বিষয়ান্তরে সংক্রান্ত না হয়, যে বাক্য অসন্দিপ্ধ বলিয়া লোকের প্রতীতি জ্বা পূর্ব্বাপর বাক্যের কোন প্রকারে বাধক না হয়, নিরাকুল এবং সকলের বোধগম্য হয়, তাহাকেই পণ্ডিভেরা উত্তর শব্দে নির্দেশ করেন। কোন কোন ঋষির মতে যদ্ধারা বাদ বাক্য খণ্ডন করা যায়, তাহারই নাম উত্তর। কোন কোন ঋষির মতে প্রতিপক্ষের বাক্যমান্তকে উত্তর স্থলে গৃহীত হয়।

উত্তর চতুর্বিবধ—মিথাা, সম্প্রতিপত্তি, প্রভাবস্কলন এবং প্রত্যান্ত্র যায়।

বাদীর অভিযোগে যে সাধ্য লিখিত থাকে, প্রতিবাদী যদি ভাহার অপত্রব করে তাহা হইলে ঐ উত্তরকে মিথ্যাজ্ঞান করা যায়, যাহা সভ্য বলিয়া স্বীকার করে তাহার নাম সভ্যোত্তর। স্বীকার বাক্যে কোন কোন স্থলে উত্তরগুলিতে আংশিক সভ্য ও আংশিক মিথ্যা থাকে। বিচারকগণের নিকট মিথ্যাবাক্য প্রধানতঃ সাধ্য নির্দেশাদি দারা ধুত হয়।

লৌকিক ব্যবহার

আর্য্যন্ধাতির। খাছাবস্তু মাত্রকেই অন্ন শব্দে নির্দেশ করিয়াছেন, তন্মধ্যে ভঙুলে অন্নশব্দের মুখ্যার্থ ধরিয়া থাকেন। আমান্ন শব্দে অপক তঙুলকে নির্দেশ

পক্ষ ব্যাপকং সার্মসন্থি মনাকুলং।
অব্যাব্যাগমামিত্যেত্ত্বরং তবিদো বিছঃ॥
মিধ্যা সংস্রতিপত্তিক প্রতাবম্বন্দনং তথা।
প্রাভু লাসকোত্তরা প্রোক্তাক হারো লাম্ব বেদিভিঃ॥
মিধ্যাতত্ত্ব বিজ্ঞানীয়াত্ত্বরং ব্যবহারতঃ॥
ক্ষাভিযোগং প্রতার্থী যদি তং প্রতিপদ্মতে।
সাতু তং প্রতিপত্তিঃ স্তাৎ শাস্ত্রবিদ্ধিকদান্তাঃ॥
মর্পনাভিহিতো নোহর্গং প্রতার্থী যদি তং তথা।
প্রপদ্ম কারণং ক্রয়াং প্রত্যবম্বন্দনং হি তৎ॥
বৃহস্পতি বচন। ব্যবহার তম্ব।
আচারে নাবস্লোগপি পুনর্শেগরতে যদি।

সোহভিগেয়ে জিত: পূর্বং প্রাঙ্কায়ন্ত স উচ্যতে।

[देठव

করেন, পক তত্ত্বে সিদ্ধারের ব্যবহার দেখা যায়, অন্ধ শব্দে সামান্তাকারে এইমাত্র আর্থ প্রাপ্তি হইতেছে—কিন্তু ত্রাহ্মণ জাতির যাজ্ঞানিবৃত্তি মানসে জাতিবিশেষের প্রদত্ত অন্ধের অর্থ কোথাও এমন সঙ্কোচ এবং কোন স্থলে তাহার এরপ প্রশংসাপর-ব্যাখ্যা করিয়াছেন যে, তদ্ধে ত্রাহ্মণ জাতির ভিক্ষা বিষয়ে ইচ্ছার নিবৃত্তিব্যতীত প্রবৃত্তি জাম্মিবার সন্তাবনা নাই।

ক্ষেত্রস্থামিগণ নিংশেষরপে ধান্সাদি সংগ্রহ পুরংসর ক্ষেত্রত্যাগ করিলে তথায় স্থানে স্থানে যে ছই একটি ধান্সাদি পতিত থাকে, তাহার সংগ্রহের নাম উপ্পর্বিত্ত । পরিত্যক্ত ক্ষেত্রে যে সকল শস্ত পতিত থাকে কেবল তাহার অগ্রভাগ মাত্র গ্রহণের নাম শিলবৃত্তি। প্রার্থনা ব্যতিরেকে যাহা উপস্থিত হয় তাহার নাম অমৃত। যাজ্রালব্ধ বস্তুর নাম মৃত। ব্যাহ্মাণের পক্ষে নিজহুত্তে ক্ষণলব্ধ বস্তুর নাম প্রমৃত।

ব্রাহ্মণগণের পক্ষে প্রথমে শিলাঞ্চ্যুত্তিরূপে জীবনোপায়ের ব্যবস্থা করিয়াছেন। দ্বিতীয় স্থলে অ্যাচিতলব্ধ বস্তু দারা জীবন্যাত্রা নির্বাহ করা দৃয়্য নহে, ইহা নির্দ্ধারিত করিয়া যাজ্রালব্ধ বস্তুর নিন্দা করিতেছেন এবং ব্রাহ্মণের পক্ষে ক্ষেত্রকর্ষণ নিন্দিত হয়। ঐ ছুইটি বৃত্তি এককালে প্রতিসিদ্ধ করা হইল।

যদিও যতি রক্ষচারী ও বান প্রস্থ ধর্মাবলম্বীর পক্ষে ভিক্ষা নিন্দনীয় নহে তথাপি বয়ং যাজ্রন অপকর্ষ বৃত্তির মধ্যে গণ্য। ইহাদিগের মতে প্রাক্রণ জ্বাতি রাক্ষণদিগকে যাজ্রন না করিতে যে আমান্ন দেয় তাহার নাম অমৃত। ক্ষত্রিয়গণ সভঃপ্রাব্ত হইয়া রাক্ষণমাত্রকে যে সমস্ত অযাচিত আম ভঙ্লাদি দেন তাহার নাম পায়স অর্থাৎ ঐ ভঙ্লাদি ক্ষীর সদৃশ। ঐ বস্ত ভক্ষণে শারীরিক ও মানসিক বীধ্যাধান হইতে পারে। বৈশ্যদত্ত অযাচিত আম ভঙ্লোর তাদৃশ প্রশংসা বা অপ্রশংসা নাই। উহা প্রকৃত খাত্য বস্তুরূপেই গণ্য হয়। ইহার গ্রহণ ও ভক্ষণে মনংসক্ষ্ চিত বা পাপস্পর্শ হয় না। শৃত্যদত্ত আমান্ন শোণিত সদৃশ অপবিত্র অর্থাৎ ঐ তঞ্লাদি ভক্ষণে শারীর ও মনে পাপ স্পর্শ করে ও আত্মা সঙ্কু চিত হয়।

সামান্তত: এইমাত্র ব্যবস্থা দেখা যায় যে, শৃত্তের প্রদত্ত অপক বস্তু মাত্র অর শব্দে নির্দিষ্ট আছে। শৃত্রকর্তৃক পক জব্যগুলি উচ্ছিষ্ট বলিয়া পরিগণিত, এই হেতু বশত: শৃত্তের দত্ত বস্তু প্রাক্ষণগণের পক্ষে সামান্তাকারে নিষেধ দেখা যায়, তবে স্থলবিশেষে কালবিশেষে কোন কোন ব্যক্তিবিশেষ কর্তৃক স্বেচ্ছাপ্রবৃত্ত প্রদান স্বীকারে পূর্ব্বকালে দোষ ছিল না। অধুনা কলিকালের প্রারম্ভে ক্তিপয় স্থল ব্যতীত নিষেধ দেখা যায়।

গৃহী ব্যক্তিবর্গ অতিথিসংকারাদি পিতৃযজ্ঞের বিধান বাসনায় সচ্ছুদ্রের প্রদত্ত ভিক্ষা অ্যাচিত বস্ত্র গ্রহণ করিতে পারেন। বে শৃত্ত বিশুদ্ধ বংশসম্ভূত দ্বিজ্বভক্ত হবিদ্যাশী এবং বৈশ্যবৃত্তি দার। জীবনোপায় নির্ব্বাহ করে, ভাহাকেই পরাশর মুনি সচ্ছুত্ত শব্দে পরিগণিত করিয়াছেন। (৮)

था । । जन अहरात विस्मय वावना क्रमाः प्रथान याहेता।

চিত্রনৈপুণ্য

পাঠক, তুমি বিলাতীয় চিত্র দর্শন করিয়া অত্যন্ত আশ্চর্যাধিত হইয়াছ। তুমি মনে কর আর্য্যন্তাতি এ বিষয়ে মনসংযোগ করেন নাই। বস্তুত: তাহা নহে, যিনি সে প্রকার জ্ঞান করেন তাহার সেটা শ্রম। অবনীমগুলে যত জ্ঞাতি আছেন, তন্মধা ভারতীয় আর্য্য সন্থানগণ মনস্তব্ব নির্ণয় সন্থার বিচার আছে। আত্মার উপমান ত্বলে চিত্রের চারিপ্রকার অবস্থা অবতারণা করা হইয়াছে। যে বিষয়টা আপামর সাধারণের বোধগম্য হয়, তাহারই সহিত জ্ঞানকাণ্ডের উপমা প্রদর্শন পূর্বক উপদেশ পথ পরিষ্কৃত করা গিয়া থাকে। উপমান ও উপনেয় পরস্পর সমান অবস্থায় না থাকিলে তুলনা স্থাসদ্ধ হয় না। ভারতীয় চিত্রনৈপুণ্যের এভাদৃশী শ্রীবৃদ্ধি ইইয়াছিল যে, আত্মাব অবস্থাভেদ বৃঝাইবার জন্ম চিত্রের অবস্থাগত ভেদের সহিত আত্মার অবস্থাগত ভেদের সহিত আত্মার অবস্থাগত লেদের সহিত আত্মার অবস্থাগত লেদের সহিত আত্মার অবস্থাগত লেদের সহিত আত্মার অবস্থাগত লেদের সহিত আত্মার অবস্থাগ্রের বাজ্ল্য বা প্রশংসা ছিল না। ওাহার প্রামাণ্য সংস্থাপন জন্ম আমাকে অধিক প্রয়াস পাইতে হইবে না। মহর্মি শঙ্করাচার্য্যকৃত পঞ্চদশী দেখ, চিত্রবিষয়ক অবস্থাগ্র দেখিতে পাইবে। (৯)

পরাশর সংহিতা ৪র্থ অধ্যায়

(৮) শতমুখনিলং জ্যেমমূতং ভাগবাচিতং।

মৃত্যু বাচিতং ভৈক্ষাং প্রানৃতং কর্ষণং স্বৃতং। ৫। মৃত্যু ম: ৪।

অনৃতং বাক্ষণভারং করিবারং প্রানৃতং।

বৈশ্বভাররমেবারং শ্রুভ ক্ষরিং স্বৃতং॥ ৩।

ভামং শ্রুভ পকারং পক্ষ্ডিই নৃচাতে।

ভাষাদামক পক্ষ শ্রুভ পরিবর্জয়েং॥ ৪।

কণভিক্ষাং নিরাক্র্যাভদিক্র্যাদর্ভকঃ।

সচ্চু দ্রাণাং প্তে ক্র্রের ভন্দোবেন লিপ্তে॥ ৫।

বিভারর সন্থাে নির্ভা মভ্যাংসভঃ।

বিভারতাে বণির দ্রিং সচ্চু দ্রং পরিকীর্ষিতং॥ ৬।

(৯) বথা চিত্রপটে দ্রমবন্ধাাং চড়ুইরং।

ভৎপরমান্মনি বিজ্যেরভাবাংর চড়ুইরং॥

আমাদের পাঠকবর্গের কেহ কেহ কহিতে পারেন যে, অবস্থাগত সচরাচর দাধারণ চিত্রকরদিগের জ্ঞান ছিল না। চিত্রকরদিগের জ্ঞান ছিল কিনা সেটা পারে বিচার্য্য। অত্যে ইহাই প্রদর্শন করা উচিত যে, চিত্রকার্য্যে সকলেরই উৎসাহ ছিল, নৈপুণ্য ছিল, অনেকেই ইচ্ছাপূর্ব্বক অভ্যাস করিত। যদি আমার কথায় বিশাস না হয়, তবে মহাকবি কালিদাস, ভবভূতি, শ্রীহর্ষ প্রভৃতির গ্রন্থ দেখ; তাঁহাদিগের সময়েও কারুকার্য্যের ও চিত্রনৈপুণ্যের অসাধরণ শ্রীবৃদ্ধি লক্ষিত হইবে।

শ্রীহর্ষ অতি প্রাচীন, খৃষ্টের জ্বন্মের বহু শতান্দী পূর্বেব তাঁহার জন্ম, ইহা স্থির সিদ্ধান্ত হইয়াছে। তাঁহার রত্নাবলীতে সাগরিকা কর্তৃক বংসরাজের চিত্র দেখ। যদি বল রাজক্ষার পক্ষে চিত্রশিক্ষা আশ্চর্য্যের বিষয় নহে, সে কথা স্বীকার করি। কিন্তু যদি সামান্ত স্ত্রীলোকে ও সামান্ত মন্ত্র্যু মাত্রের নৈপুণ্য দেখা যায়, তবে ঐ বিযয়ের বাহুল্য প্রচার ও সকলেরই ঐ বিষয়ের রসাম্বাদ গ্রহণের সামর্থ ছিল ইহা এক প্রকার স্বীকার করিতে হয়।

সাগরিকাকৃত রাজার প্রতিমূর্ত্তি দেখিয়া সাগরিকার সধী স্থসঙ্গতা নামী দাসী এ ছবির বাম ভাগে সাগরিকার প্রতিমূর্ষ্টি অঙ্কিত করে। উহা দেখিয়া রাজা মোহিত হইয়া গিয়াছিলেন। (১০)

যথাধীতো বট্ট তল্চ লাছিতো রঞ্জিতঃ পটঃ।

চিদন্তর্যামি ক্রাণি বিরাট্ চাঝাতথের্বতে ।

ক্বতঃ শুলোগর ধৌতংকাং বটিতোগরনিলেপনাং।

মন্ত্রাকারৈলাছিতঃ কাং রঞ্জিতো বর্গ প্রণাং ।

ক্বতশ্চিদন্তর্যামীতু মায়াবী কল্প কৃষ্টিতঃ।

ক্রোঝা স্থুন কঠোবে বিরাজিভাচ্যতে পরঃ ।

(रामाञ्च मर्गन शक्षमणी उस्।

* কি প্রকারে ? — সং
(১০) স্থান্ত তা + উপবিশ্ব ফনকং গৃহীতা দৃষ্টাচ।
সহি কো এসো তুএ আলিছিলো।
সাগরিকা—পউত্তমহস্যো ভন্নবং অণ্ডো।

স্থাসকতা। স্থাতিং। আহোদে ণিউণ্ডনং কিং ! উন স্থাউণং বিষ চিত্তং পড়িভানি, ত : অহংপি আলিছিম রই স্নাহংক্রিমং।

বর্ত্তিকাং গৃহীতা নাট্যেন রতিবাপদেশেন সাগরিকামালিথতি।
সাগরিকা—বিলোক্য সক্রোধং। সহি স্থান্তদে, কীস, তুএ অহংএথ আলিহিল।
স্থাং—বিহন্ত। সহি, কি অআরণে কুপ্পসি জাদিসো তুএ কামদেবো আলিহিলে তাদিসী মএ
রই আলিহিদেন্তি, তা অক্তহা সংভাবিণি কিন্তুএ এদিনা আলোবিদেশ, কহেছি সর্কং বৃত্তম্বং।

মহাকবি কালিদাসও খৃষ্টের জন্মের অর্ক্ধশতাব্দী পূর্ব্বে বিক্রমাদিত্যের নবরত্ব সভা ভূষিত করিয়াছিলেন। তাঁহারই অভিজ্ঞান শকুস্থলার ষষ্ঠাক্ষে রাজা ছ্মস্তের কৃত চিত্রনৈপূণ্যের বিষয় পাঠ কর, দেখিবে তৎকাল পর্যান্তও চিত্র কর্ম্মের সার-গ্রাহিতা ছিল। কবিরাও চিত্রের ভাল মন্দ অবস্থা বর্ণন করিতে সক্ষম ছিলেন।(১১)

মহাকবি ভবভূতিও কালিদাসের সমকক্ষ কবি, তিনি তাঁহার সীতাকে যে চিত্রপট প্রদর্শন করিয়াছেন তাহাতে চিত্রের অসাধারণ নৈপুণ্য আছে।

প্রত্যেক ব্যক্তির কোমার কৈশোর ও যৌবনাদিভেদে নানা অবস্থা ও নানাবিধ রূপ ঘটিয়াছে। একখানি চিত্রপটে প্রত্যেক ব্যক্তির বিবিধ অবস্থাগত

त्र'ङ्गा फनकः निदर्श।

কছাদুক বৃগং বাতীত। স্কচিবং আদা নিতম্বলে
মধ্যে কা দ্বিবনী তবেদবিষমে নিতাল তামাগতা।
মংদৃষ্টিস্বিতেব সম্প্রতি শনৈবাক্ত তুলো অনৌ
সাকাক্ষং মৃত্রীকতে জললবপ্রকালিনী লোচনে॥

— রহাবলী বিতীয়োছ।

(১১) নিপ্রকেশী—অন্ধো এমা রাএমিনো বন্তিমালেগ ণিউপদা জাপে পিয়সহী সে অগ্রাদো বট্টদিন্তি।

রাজা তথাহি —

জন্তান্তক্ষিবন্তনদ্ব্যমিদং নিষ্ণেব নাভি স্থিত। দৃশুন্তে বিষমোত্বতান্ত বল্যো ভিত্তৌ সময়ামণি জন্তে চ প্ৰতিভাতিমাৰ্দ্ধব্যদং নিশ্ব প্ৰভাৰাচ্চিরং প্ৰেমামন্ত্ৰব্যধীক্ষতইব শ্বেরা চ বক্তীব মান্॥

বিহু—ভো তিলিমা মাইদিও দীসন্তি, সকলেও জ্জেব্ব দংস্ণীম¦ও, তা কদমা এখ তথ্যভাৰী সউল্লা।

রাজা—ত্বংভাবং কতমাং তর্করসি।

> রাজা—নিপুণো ভবান্ অন্তাত্ত মমাপি ভাবচিহুং বিমাসুলিবিনিবেশাদ্রেখা প্রান্তেম্ দৃষ্ঠতে মদিনা। অক্ত কপোলপতিতং লক্ষ্যমিদং বর্ণকোজাসাৎ॥

অভিজান শকুমলা। ফ্ছাৰ।

চিত্র কেমন বর্ণনা করিয়াছেন। চিত্রের বর্ণন দ্বারা অবস্থাস্তর পর্য্যস্ত কেমন স্মরণ করাইয়া দিতেছে, অধিক প্রমাণ দেখাইবার আবশ্যকতা নাই, একটি দেখাইলেই যথেষ্ট হইবে। (১২)

লক্ষণ কছিলেন, এই অযোধ্যার প্রতিকৃতি। রাম অঞা বিসর্জ্জনপূর্বক সংখদে কহিলেন, ভাই সমৃদায় স্থারণ হইতেছে। পিতা যে সময়ে জীবিত ছিলেন আমরা প্রথম বয়সে নৃতন দারপরিগ্রহ করিয়াছি, জননীবর্গ আমাদিগকে সম্বেহ নয়নে দৃষ্টিপূর্বক আমাদিগের চিত্তবিনোদনে পরম প্রীতি লাভ করিতেছেন। আমাদিগের সে সকল অমৃতায়মান ও পরমানন্দের দিন একেবারে গত হইয়াছে। তেমন সুখকর দিন আর আসিবে না।

সন্থাদয় পাঠকগণ অপর চিত্রগুলি নিজে পাঠ করিয়া দেখ 'ব্ঝিতে পারিবে।

শ্রীলালমোহন শর্মা।

(১২) রাম: সাক্ষেপং, বংস বহুতরং দ্রপ্তব্য মন্যতোদর্শর।

সীতা। সম্বেহ বহুমানং নির্দ্ধর্য। স্বষ্ট্র সোহসি অজউত্ত, এদিনা বিনয় মাহপ্লেন।
লক্ষণ:—এতে বয়নযোধ্যাং প্রাপ্তা:।
রাম:—সাঞ্চং। স্থানমি হস্ত স্বরামি।

জীবংস্থ তাতপাদেষু নবে দারপরি গ্রহে।
মাতৃতিন্দিস্তামানানাং তেতি নো দিবসাগতাঃ ॥
ইয়মপি তদা জানকী।
প্রতন্ত্র বিরনৈঃ প্রান্তোশীলয়নোহর কুস্থালদশন মুকুলৈম্গ্রালোকং শিশুর্দধতী মুঝং।
দলিত দলিতৈর্জ্যোৎলাপ্রায়েব কৃত্রিম বিত্রমৈরক্ত মধুরৈরস্থানাং মে কুত্রন্স্পক্তঃ।
উত্তর রামচরিত। প্রথমোক।



তৃতীয় খণ্ড প্রথম পরিচ্ছেদ

(अभवनाथ वङ्गा)

তিদিনের যত্ন সফল হইল—মিএদিগের অতুল সম্পত্তির আমি অধীশ্বর হইলাম। শচীন্দ্র এবং ভাহার অগ্রজ অনর্থক মোকদ্দম। করিল না—বিষয় ছাড়িয়া দিয়াছে। শুনিয়াছি, শচীন্দ্র ভাকারী করিয়া ছই এক টাকা উপার্জ্জন করিতে চেষ্টা করিতেছে—ভাহার ভাই কেরানিগিরির উমেদারিতে ফিরিভেছে। ছঃখের বিষয়, সন্দেহ নাই—কিন্তু আমি কি করিব ? ন্যায্য সম্পত্তি কি সেই অমুরোধে ছাড়িয়া দিব ? টাকায় যদি পৃথিবীতে প্রয়োজন না থাকিত, ক্ষতিছিল কি ? কিন্তু তথাপি আমি শঠান্দ্রকে কিছু দিতে চাহিয়াছিলাম—সে লইল না। কোন্ভদ্রলোকে লইত ?

সম্পত্তি হস্তগত হইলে, রন্ধনী জিজাসা করিল, "এ সম্পত্তি আমার স্থিরতর হইয়াছে বটে ?"

আমি বলিলাম, "ভাহাতে সন্দেহ নাই।" রঞ্জনী জিজ্ঞাসা করিল, "আমি এখন ইচা দান বিক্রয় করিতে পারি ?" আমার মুখ শুকাইল—ৰলিলাম, "কেন, কাহাকে দান বিক্রয় করিবে ?"

আমার কণ্ঠস্বরে ভয় বৃঝিতে পারিয়া রক্তনী হাসিল, বলিল, "ভয় নাই, আর কাহাকেও নহে। আপনাকেই দান করিব। ইহা আপনার পরিশ্রমে পাইয়াছি, আমার নামে না থাকিয়া, আপনার নামে থাকে, ইহা আমার সাধ।"

মনে মনে আমারও সেই ইচ্ছা ছিল। রক্ষনীর সন্মতি পাইয়া আমি উকীলের বাড়ী গেলাম—লেখাপড়া করাইলাম। রক্ষনী তাহা রেজিষ্টরী করিয়া দিল। একথা একণে গোপন রাখিলাম।

সম্পত্তির উপর বজ্জের মত আঁটিয়া বসিয়া বড়মান্থ্যি করিব একবার ইচ্ছা হইল। বড়মান্থ্যির স্থুখ যাহা তাহা বিলক্ষণ জ্ঞানিতাম, তবে এ উড়ি সোনার বেনের সাধ আমার মনে উদয় হইল কেন ? ইহার কারণ কলিকাতা উড়ি সোনার বেনের সমাজ; এখানে ব্রাহ্মণ কায়স্থের চরিত্রেও একটু একটু বেনেগিরি আছে—এখানে একটু বড়মান্থ্যি না করিলে কেহ গ্রাহ্ম করে না। এখানে গণ্য হইতে গেলে, হয় হুজুগ তুলিতে হইবে, নহে রাজপ্রসাদ পাইতে হইবে, নহে গলাবাজি করিতে হইবে, নয় বড়মান্থ্যি করিতে হইবে। হুজুগ আমার এসে না—রাজপ্রসাদের সঙ্গে আমার সম্বন্ধ নাই; গলাবাজি ভাল লাগে না; স্থুতরাং বড়মান্থ্যিই অবলম্বন করিলাম, আর বোধ হইল রজনী চির-দরিজ্ঞা—বড়মান্থ্যি তাহার ভাল লাগিতে পারে—অতএব রজনীর জন্ম সে ইচ্ছা হইল। বড় দেখিয়া বাড়ী কিনিলাম। গৃহসক্ষায় দাসদাসীতে তাহা পরিপূর্ণ করিলাম—বর্ণ রোপ্য যেখানে যাহা প্রয়োজন, মৃক্তহত্তে ছড়াইলাম। বাছিয়া বাড়িয়া গাড়ি আনিলাম—বাছিয়া বাড়িয়া ঘোড়া তাহাতে যুড়িলাম—শেষ সাধ,—রজনীকে রত্নালক্ষারে সাজ্ঞাইব।

হায়—কাহাকে সাজাইব ? সে ত কিছু দেখিতে পাইবে না। কাহার জন্ম এ গৃহ সাজাইলাম—সে ত কিছু দেখিতে পাইল না!

রজনীকে অলঙ্কারের কথা বলিলাম। রজনী হাসিল। বলিল, "কালি বলিব গ"

"কেন, আজ গু"

রজনী বলিল, "আজ একবার লবঙ্গলতা ঠাকুরাণীর সঙ্গে সাক্ষাৎ করিতে যাইব।"

আমি বিশ্বিত হইলাম—কৃষ্টও হইলাম। আগে রাগের কথা বলিলাম, "আন্ধিও সে ভোমার কাছে ঠাকুরাণী কিসে গু"

রজনী। আমি তাঁহার সর্বস্ব কাড়িয়া লইয়াছি, সম্ভ্রমটুকু না কাড়িলেও চলে।

আমি। তাহার সঙ্গে দেখা করিতে যাইবে কেন ?

রজনী। প্রয়োজন আছে। পশ্চাৎ বলিব।

আমি। আমি আগে গুনিব।

तक्रमी। क्षप कतिरवन ना।

সুতরাং জেদ করিলাম না। বলিলাম, "তুমি তাহার কাছে না গিয়া, সে তোমার কাছে আসিলে হয় না গ"

রজ। সে আসিবে কেন ?

আমি জানিতাম লবক্লতা আসিলেও আসিতে পারে। ভিতরে কিছু গুপ্ত কথা ছিল। রজনী তাহা জানিত না। বলিলাম, "ডাকিলে আসিতে পারে।"

রক্স। আমি তাঁহার বিষয় কাড়িয়া শইয়া এমন কি বড় লোক হইয়াছি যে তাঁহাকে ডাকিয়া পাঠাইব ?

আমি বলিলাম, "দে কথা নছে। আছো, তুমি দেখ, আমি নিজে তাহাকে ডাকিতে যাই। না আদে তখন তুমি যাইও।"

আমি ক্ষয়ং রামসদয় মিত্রের বাড়ী গেলাম। রামসদয় আমাকে দেখিয়া অন্তঃপুরে চলিয়া গেলেন, আমার সঙ্গে বাক্যালাপ করিলেন না। শচীক্র চক্ষ্লজ্ঞা বশতঃ আমার নিকটে আসিয়া বসিল। ভাহাকে বলিলাম, "আমার পরিবার কোন বিশেষ কথা আপনার বিমাভার নিকট বলিতে চাহেন। আপনার বিমাভাকে জিজাসা করুন, তাঁহার সঙ্গে সাক্ষাৎ জন্ম আমার পরিবার এখানে আসিবেন, না আপনার বিমাভা আমাদিগের বাড়ীতে পায়ের ধূলা দিবেন।"

শচীস্দ্র বলিলেন, "জিজ্ঞাসা করা রুখা। রঙ্গনীর এ পরিচিত স্থান— তিনি অনায়াসেই এখানে আসিতে পারেন।"

আমি বলিলাম, "সভ্য। তথাপি আপনার একবার জিজ্ঞাসা করায় ক্ষতি হইবে না।"

"অনর্থক কট দিলেন।" বলিয়া শচীক্র অনুরোধ রক্ষার্থ একবার অন্তঃপুরে গেলেন। ফিরিয়া আসিয়া বলিলেন, "আমার পিতা সম্মত হইলে, বিমাতাই যাইবেন।"

রামসদয় যে আপত্তি করিবেন, তাহা আমি একবার ভ্রমেও মনে স্থান দিলাম না। বৃদ্ধ স্বামী কোন্ কালে যুবতী ভার্য্যার ইচ্ছায় অসমত চইয়াছে ? আমি নি:শঙ্চত্তি গিয়া রন্ধনীকে বলিলাম যে "লবঙ্গলতা আসিবে।" রন্ধনী একটু বিস্মিতা হইল।

পরদিন প্রাতে লবঙ্গলতা আসিল। রঞ্জনী নীচে হইতে তাহাকে সঙ্গে করিয়া উপরে আনিল। আমি তখন অন্তঃপুরে। রঞ্জনী ইচ্ছাপুর্বকে জীর্ণ বস্ত্র পরিয়া ছিল,—লড্জায় সে লবঙ্গলতার সঙ্গে ভাল করিয়া কথা কহিতেছিল না। লবঙ্গলতা হাসিতে উছলিয়া পড়িতেছিল—রাগ বা বিদ্বেষের কিছুমাত্র লক্ষণ দেখা গেল না।

সে হাসি অনেকদিন শুনি নাই। সে হাসি তেমনই ছিল—পূর্ণিমার সম্ত্রে কুজ তরক্ষের তুল্য, সপুস্প বসন্তলতার আন্দোলন তুল্য—ভাগ হইতে স্থ, ভাঙ্গিয়া ভাঙ্গিয়া ঝরিয়া পড়িডেছিল!

আমি অবাক্ হইয়া, নিপ্সন্দ শরীরে, সশস্কচিত্তে, এই বিচিত্রচরিত্রা রমণীর নানসিক শক্তির আলোচনা করিতেছিলাম! ললিত লবঙ্গলতা কিছুতেই টলে না। লবঙ্গলতা মহান্ ঐশ্বর্য্য হইতে দারিজে পড়িয়াছে—তব্ সেই স্থখময় হাসি; যে রজনী হইতে এই যোর বিপদ্ ঘটিয়াছে, তাহারই গৃহে উঠিতেছে, তাহার সঙ্গে আলাপ করিতেছে, চারিদিকে তাহারই ঐশ্বর্য্য—লবঙ্গের কাছে হইতে অপহাত ঐশ্বর্য্য দেখিতেছে, তবু সেই স্থখময় হাসি। আমি সম্মুখে—তব্ সেই স্থখময় হাসি! হাথচ আমি জ্ঞানি লবঙ্গ কোন কথাই ভুলে নাই।

আমি সরিয়া পার্শ্বের ঘরে গেলাম—লবঙ্গলতা প্রথমে সেই স্বরেই প্রবেশ করিল—নি:শঙ্কচিত্তে, আজ্ঞাকারিণী রাজ-রাজেশ্বরীর স্থায় রজনীকে বলিল—"রজনি—তুই এখন আর কোথাও যা! তোর স্বামীর সঙ্গে আমার গোপনে কিছু কথা আছে। ভয় নাই! তোর স্বামী স্থন্দর হইলেও আমার বৃদ্ধ স্বামীর অপেক্ষা স্থন্দর নহে!" রজনী অপ্রতিভ হইয়া, কি ভাবিতে ভাবিতে সরিয়া গেল।

ললিত লবঙ্গলতা, জক্তি কৃতিল করিয়া সেই মধুময় হাসি হাসিয়া, ইন্দ্রাণীর মত আমার সম্মুখে দাঁড়াইল। একবার বৈ কেছ অমরনাথকে আত্মবিশ্বত দেখে নাই। আবার আত্মবিশ্বত হইলাম। সেবারও ললিত লবঙ্গলতা—এবারও ললিত লবঙ্গলতা।

লবঙ্গ হাসিয়া বলিল, "আমার মুখপানে চাহিয়া কি দেখিতেছ? তোমার নুতন ঐশ্বয়্য কাড়িয়া লইতে আসিয়াছি কি না? মনে করিলে তাহা পারি।"

আমি বলিলাম, "তুমি সব পার, কিন্তু ঐটি পার না। পারিলে কখন আমাকে বিষয় দিয়া, এখন স্বহস্তে রাঁধিয়া সতীনকে খাওয়াইতে না।"

লবঙ্গ উচ্চহাসি হাসিয়া বলিল, "হায়! হায়! ওটা ব্ঝি বড় গায়ে লাগিবে মনে করেছ? সতীনকে রাঁধিয়া দিতে হয়, বড় ছঃখের কথা বটে, কিন্তু একটা পাহারাওয়ালাকে ডাকিয়া ডোমাকে ধরাইয়া দিলে, এখনই আবার পাঁচটা রাঁধুনী রাখিতে পারি।"

ঠিক এই কথাটি শুনিবার জ্ম্মন্থ আমি ললিত লবঙ্গলতার আসার জ্ম্ম এত যত্ন করিয়াছিলাম। বলিলাম, "বিষয় রজনীর; আমাকে ধরাইয়া দিলে কি হইবে? যাহার বিষয় সে ভোগ করিতে থাকিবে।"

লবঙ্গ। তুমি কম্মিন্কালে ত্রীলোক চিনিলে না। স্বামীকে রক্ষার জন্ম রজনী এখনই বিষয় ছাড়িয়া দিবে।

আমি। অর্থাৎ আমার রক্ষার জন্ম বিষয়টা ভোমায় ঘূষ দিবে ?

লবঙ্গ। ভাই।

আমি। তবে এডদিন সে ঘুষ চাও নাই কেন ?

লবঙ্গ। ভোমার মত ছোটলোকে তাহা বৃথিবে কি প্রকারে ? চোরের। বৃথিতে পারে না যে পরের জব্য অম্পৃষ্য। রজনীর সম্পত্তি রাখিতে পারিলেও আমি রাখিব কেন ?

আমার যেটি প্রধান ভয় ছিল, এই কথায় তাহা দূর হইল। লবক্স সম্পত্তি উদ্ধারের লোভে আমার অনিষ্ট করিবে না। আমি লবক্সের ভয়েই প্রথম প্রথম প্রকাইয়া বেড়াইয়াছি; পরে তাহাকে নিশ্চেই দেখিয়া আর একখানা ভাবিয়াছিলাম—এখন বৃঝিলাম সেটা ল্রান্তি। তথাপি যাহা জানিবার ইচ্ছা ছিল, তাহা জানিলাম। কিন্তু সকল জানিতে পারি নাই। বলিলাম, "তুমি যদি এমন না হবে, তবে আমার সে মরণ কুবৃদ্ধি ঘটিবে কেন? যদি আমার এত অপরাধ মার্জনা করিয়াছ, এত অনুগ্রহ করিয়াছ, তবে আর একটি ভিক্ষা আছে। যাহা জান, তাহা যদি অন্তের কাছে না বলিয়াছ, তবে রক্ষনীর কাছেও বলিও না।"

দর্শিত। লবঙ্গলতা ভ্রাভঙ্গী করিল—কি সুন্দর ভ্রাভঙ্গী! বলিল, "আমি কি ঠক! স্থানীর নামে গ্রীর কাছে ঠকান কবিবার জ্বন্ত কি আমি তোমার বাড়ীতে আসিয়াছি? তবে ইহা বলিতে পারি, যদি তুমি রঙ্গনীকে বিবাহ করিবার অগ্রে আমি ঘুণাক্ষরে জানিতে পারিভাম খে হুমি রঙ্গনীকে বিবাহ করিবে, ভাহা হইলে আমি কখন এ বিবাহ হইতে দিতাম না। এখন বিবাহ হইয়াছে, তুমি নিশ্চিম্ন থাক, আমি ঘর ভাঙ্গিয়া রঙ্গনীকে কাতর করিব না।"

হঠাৎ এক সন্দেহ—এক আহলাদ মনে উদয় হইল—যাহা আগে ভাবিয়া-ছিলাম, তাই বা ? নহিলে লবঙ্গলতা আসিল কেন ? বলিলাম, "যদি আমার সে সন্দেহ থাকিবে, তবে যত্ন করিয়া ভোমাকে লইয়া আসিব কেন ?"

লবক আমার অপেকাও ধ্র্ত, বলিল, "তুমি সে জন্ম আমাকে আন নাই। তুমি কেবল ইহাই জানিতে চাও, আমি ভোমার সর্বনাশ করিব কি না।"

.আমি বলিলাম, "যদি তাই মনে করিয়া আনিয়া থাকি, ভাতেই বা ক্ষতি কি ?"

ननि। कि वृक्तितः ?

আমি বলিলাম, "তুমি ভাঙ্গিয়া না বলিলে আমি বুঝি আমার সাধ্য কি 🖓

লি। কেননা শটান্দ্রের মত কাঁচা ছেলে পাও নাই। (আমি মনে মনে একটু হাসিলাম, কেন না, শটান্দ্র বিমাতার অপেকা বয়সে বড়) লবক বলিতে লাগিল, "আমি তালিয়াই বলিব। তুমি আমাদের কোন অস্তায় অনিষ্ট কর নাই—স্তায় মতেই আমরা বিষয় হারাইয়াছি—এজন্ত তোমাকে কিছু বলি নাই। রজনীকে বিবাহ কবিয়াছ, তাহাতেও কিছু বলিব না।—কেননা বিবাহ কিছুতেই ফিরিবে না। কিছু দেখিও—আর কাহারও কোন অনিষ্ট করিতে যদি তোমাকে প্রবৃত্ত দেখিব—

তবে আমার যাহা কর্ত্তব্য তাহা করিব। এ কথাই বলিতে আমি আসিয়াছি। এখন রজনীর কাছে চলিলাম। ইচ্ছা হয়, সঙ্গে এসো।"

এই বলিয়া, লবঙ্গলতা হাসিল। তাহার হাসির মর্ম আমি কিছু কখন বৃঝিতে পারি না। লবঙ্গ বিলক্ষণ রাগিয়া উঠিয়াছিল—কিন্তু হাসিতে সব রাগ ভাসিয়া গেল। যেন জলের উপর হইতে মেখের ছায়া সরিয়া গেল, তাহার উপর মেখমুক্ত চক্রের স্থায় জ্বলিতে লাগিল।

হাসিয়া বলিল, "তবে আমি রজনীর কাছে যাই ?" "যাও।"

ললিত লবঙ্গলতা, ললিত লবঙ্গতার মত ছলিতে ছলিতে চলিল। ক্ষণেক পরে, আমাকে ডাকিয়া পাঠাইল। গিয়া দেখিলাম, লবঙ্গলতা দাঁড়াইয়া আছে। রজ্জনী তাহার পায়ে হাত দিয়া কাঁদিতেছে। আমি গেলে লবঙ্গলতা বলিল, "শুন, তোমার ভার্য্যা কি বলিতেছে! তোমার সম্মুখে নহিলে এমন কথা আমি কানে শুনিব না, বা তাহার উত্তর দিব না।"

আমি বিশ্বিত হইয়া জিজাসা করিলাম "কি ?"

লবঙ্গলতা রজনীকে বলিল, "বল। তোমার স্বামী আসিয়াছেন—এখন উত্তর দিব।"

রজনী সকাতরে বলিল, "আমি যদি কখন আপনার দ্বারে গিয়া আশ্রয় ভিকা করি, তবে আমাকে আশ্রয় দিবেন কি না ? না অপরাধিনী বলিয়া তাড়াইয়া দিবেন ?"

লবঙ্গলতা বলিল, "তোমার যেদিন ইচ্ছা সেইদিন আসিও। আমার গৃহ, তোমার গৃহ। আমার যতদিন অন্ন যুটিবে, তোমারও ততদিন যুটিবে।"

এই বলিয়া, আমার মুখপানে চাহিয়া, মৃত্ হাসিয়া, ললিত লবঙ্গলতা সোপান অবতরণ পূর্বক শিবিকারোহণ করিল।

ূ দিতীয় পরিচ্ছেদ

ললিত লবঙ্গলতা চলিয়া গেলে পর, আমি রঙ্গনীকে জিজ্ঞাসা করিলাম, "লবঙ্গ ডোমাকে কি বলিয়াছে ?"

রজনী। যাহা আপনি শুনিলেন, তাহাই।
আমি বলিলাম, "আমার কথা কিছু ?"
রজ। কিছু না।
আমি। তুমি তাহাকে কি বলিয়াছ ?

রঙ্গ। আপনি যাহা ওনিলেন, ভাই।

আমি। আমার কথা কিছু।

রজা। কিছুনা।

আমি। আমি যাহা শুনিলাম, তাহাই কেন বলিতেছিলে ? কিজ্বস তুমি ভাহার নিকট আশ্রয় ভিক্ষা চাহিতেছিলে ? এইজস্ম কি তুমি লবঙ্গের সঙ্গে দেখা করিতে চাহিয়াছিলে ?

রক্ষ। এইজন্মই। যে বিষয়-বিভব আপনার উদ্দেশ্য তাহা আমি আপনাকে লিখিয়া দিয়াছি। এক্ষণে আমাতে আপনার আর প্রয়োজন নাই। আমাকে ভাগে করুন!

আনি আকাশ হইতে পড়িলাম। "সে কি রম্ভনি ? এ কথা কেন বলিভেছ ? তুমি আমাকে ছাড়িয়া কোথায় যাইবে ?"

রজ। যেখানে আশ্রয় পাইব।

আনি বলিলান, "আমি কি অপরাধ করিয়াছি ? কিসে আমার উপর রাগ করিলে ?"

রজ। আপনার উপর রাগ কিছুই নহে—এবং এ শরীর ধারণে কখন আপনার উপর রাগ করিতে পারিব না। তবে আপনার অসুরোধে, অত্যন্ত গার্হিত কার্য্য করিয়াতি। যাহারা বালাবিধি আমাকে প্রতিপালন করিয়াতে, ভাহাদিগের সর্বেদ কাড়িয়া লইয়াতি। যাহারা রাজা জিল, আমার চক্রে তাহারা পথের কাঙ্গাল হইয়াতে। আপনার ঋণ পরিশোধের জন্ম এ সকলও আমার কর্ত্রন্য হইয়াছিল—আপনার কথায় তাহা করিয়াতি। আপনি সে ধনের অধিকারী হইবেন বলিয়া এ ছুদ্রুর্ম করিয়াতি, কিন্তু হয়ং সে এশ্র্য্য ভোগ করিতে পারিব না। যাহাদিগের বিষয় কাড়িয়া লইয়াতি, ভাহাদিগের দাসীহ করিয়া কাল্যাপন করিব।

ব্ঝিলাম। বলিলাম, "এ সম্পত্তি কাহার ? তোমার নহে ?" রঙ্কনী। আমার হইলেও আমার ইহাতে প্রয়োজন নাই।

আমি নিতান্ত কুন হইলাম—নিতান্ত ভীত হইলাম। যদি রক্ষনী এখন আমার গৃহত্যাগ করিয়া মিত্র গোষ্ঠীর আশ্রায় গ্রহণ করে, তবে লোকে মনে করিবে রক্ষনীর ইচ্ছা ছিল না, আমিই অর্থের লোভে রক্ষনীকে হস্তগত করিয়া কুচক্রে মিত্রদিগকে এই বিপদগ্রস্ত করিয়াছি। লোকে অস্থায় মনে করিবে না, কিন্তু লোকের এরপ মনে করা আমার পক্ষে ভাল নহে। আমার বিষয় কেই কাড়িয়া লইতে পারিবে না বটে, কিন্তু কুলোক বলিয়া সমাজে পরিচিত হওয়া মঙ্গলের কথা নহে। কুলোক বলিয়া যে পরিচিত ভাহার কোন ইষ্ট সিদ্ধ হয় না—সমাজে ভাহার সকলেই শক্রতা করে। রক্ষনী বিষয় আমাকে

দিয়া স্বয়ং ভিখারিণী হইয়া পরাশ্রায়ে গেলে আমি সমাজে অর্থলুক কুচক্রী হইয়া দাড়াইব। আমার সম্ভ্রম যাইবে। আমার সম্ভ্রম সর্বস্থি। অতএব রজ্বনীকে যাইতে দেওয়া হইবে না।

আমি বলিলাম, "তুমি যদি আমাকে প্রবঞ্চনা করিবে জ্বানিতাম, তাহা হইলে তোমার বিষয় উদ্ধারের জন্ম এত করিতাম না। এখন কি তাহার এই প্রতিফল ?"

রক্ষ। ঐ কথাটি বলিবেন না। আপনি আমার জ্বন্স বিষয়ের উদ্ধার করেন নাই। নিজের জ্বন্স করিয়াছেন। আমি আপনাকে অনেকবার নিষেধ করিয়াছি। আপনি শুনেন নাই। আপনার ইহাতে নিভান্ত স্থুখ বুঝিয়া আমি স্থৃতরাং আপনার প্রতিকৃলভাচরণ করি নাই—কেন না আপনার কাছে আমি বড় ঋণে বাঁধা আছি। এখন আপনার অভিলাষ পূর্ণ করিয়াছি, এখন আমাকে ছাডিয়া দিউন।

আমি। কেমন করিয়া আমাকে ত্যাগ করিয়া যাইবে ? লোকে কি বলিবে ? আমি যে তোমার স্বামী!

রজনী। কার্য্যোদ্ধার হইয়াছে—বিষয় আপনার হইয়াছে—এখন আর লোককে প্রবঞ্চনা করিব কেন? আপনি আমার স্বামী নহেন, পৃথক্ হইবার বিচিত্রতা কি?

মাথায় বজ্রাঘাত হইল। এ কথাও রঙ্গনী প্রকাশ করিবে ! রঙ্গনীকে বুঝাইয়া বলিলাম—

"দেখ রজনি, কয় মাস স্ত্রীপুরুষ পরিচয়ে একত্রে বাস করিতেছি। এখন তুমি যদি বল তুমি আমার স্ত্রী নহ, কে তোমার কথায় বিশ্বাস করিবে ?"

রঞ্জনী বলিল, "যখন আমি বলিব যে, মিত্রদিগের বিষয় নিজ্ হস্তগত করিবার জন্ম অমরনাথ বাবু আমার স্বামী সাজিয়াছিলেন, তখন সকলেই আমার কথায় বিশ্বাস করিবে। কেন না মন্দ কথাটা লোকে সহজেই বিশ্বাস করে— বুঝাইতে হয় না।"

আমি বলিলাম, "যদি তাহা বুঝ, তবে আর একটা কথা ভাবিয়া দেখ। তুমি আমার অন্তঃপুরে আমার স্ত্রী পরিচয়ে এতদিন বাস করিয়াছ, তবে এখন যদি বল যে, তোমার বিবাহ হয় নাই, তবে লোকে মনে করিবে, তুমি কুলটার মতই আমার বরে ছিলে।"

লক্ষায়, ফুংখে, ক্রোধে রঞ্জনীর মুখ নীলবর্ণ হইল। রঞ্জনী কাঁদিতে লাগিল, পরিশেষে কাতর স্বরে বলিতে লাগিল, "যাহার অস্ত উপায় নাই, তাহার এক উপায় আছে। সে মরিতে পারে। যে অন্ধ, সে যদি মরিবার অস্ত কোন উপায় না পায়, তবে অনাহারেও মরিতে পারে। আমি স্ত্রীক্ষাতি, সহক্ষে আত্মহত্যা করিতে পারি।"

তখন আমিও সকাতরে বলিলাম, "রজ্বনি, ভোমার চক্ষু নাই, আমার আঘাত চিহ্নগুলি ভোমাকে দেখাইতে পারিলাম না। নহিলে সেগুলি দেখাইয়া ভোমায় জিজ্ঞাসা করিভাম, যাহার জন্ম এই সকল আঘাত শরীরে ধরিয়াছি ভাহার কাছে আমার কি এই পুরস্কার হইল।"

রন্ধনী আরও কঠিন হইল। বলিল, "তাহার পুরস্কার, মিত্রদিগের জমীদারী। আপনি আমার জ্বন্ত শরীরদানে প্রবৃত্ত হইয়াছিলেন—দে উপকারের প্রতিশোধ কিছুতেই হইতে পারে না বটে, কিন্তু আমার যাহা সাধ্য তাহা করিয়াছি। আপনাকে আমার বিষয় দিয়াছি। আপনি পুরুষ, আপনি মহৎ কার্য্য করিতে পারেন; আমি জীজাতি, সামাল্য কার্য্যই পারি; তাই, আপনার মহৎ কাজে আমার সামাল্য কাজে শোধ হইল মনে করুন। এইরূপে আপনার ঝণ পরিশোধ করিব বলিয়াই এতদিন আপনার বশবর্তিনী হইয়া যাহা বলিয়াছেন, তাহাই করিয়াছি। শানীক্র বাবুকেও রুঢ় কথা বলিয়া তাড়াইয়া দিয়াছি।"

"শটীশ্র বাবুকেও কঢ় কথা ৰলিয়া তাড়াইয়া দিয়াছি।" কথাটি বলিবার সময় রজনীর কথা একটু বিকৃত হইল—কথাটিতে অপ্রতিভের চিহ্ন ছিল—তাহা অনি ঠিক বুঝিতে পারিলাম না সামার ভাল লাগিল না সর্মা বুঝিবার জন্ম বলিলাম,

"কেন, যে এতদিন বঞ্না করিয়া তোমার ধনে বড়মামুধি করিয়াছে, তাহাকে রূঢ় কথা বলিতে ক্ষতি কি ?"

রঙ্গ। জানিয়া কেহ আমায় বঞ্চনা করে নাই-বরং ওাঁহার। আমার উপকার, করিতেন। কিন্তু সে কথায় এখন কাজ কি ? আপনি আমাকে বিদায় দিন।

আমি ব্ঝিলাম যে, রক্ষনী দৃঢ়প্রতিজ্ঞ, স্থিরসংক্ষা। যে একবার গৃহত্যাগ করিয়া গিয়াছিল, সে আর একবার পারে। মিথ্যা বাগ্জাল ত্যাগ করিয়া বলিলাম, "যদি আমার সংসর্গ ত্যাগ করাই ভোমার স্থির হইয়াছে, তবে মিত্রদিগের আশ্রয়েই যাইতে হইবে কেন ? আর কি স্থান নাই ?"

সকাভরে রক্ষনী বলিল, " কোথায় স্থান ?"

আমি। কেন ভোমার পিতার সঙ্গে যাও না ?

রঞ্জনী। তিনিও আপনার ঐশর্য্যে মুগ্ধ—আপনার• বধরাদার। তিনি স্থুখ সম্পন্ ছাড়িয়া যাইবেন না।

আমি। আমি তোমাকে বতন্ত্ৰ বাড়ী কিনিয়া দিতেছি।

রজনী। আপনার টাকার ভাগ লইয়া আমি সুখ কিনিব না।

আমি। আমার সকল টাকা মিত্রদিগের বিষয়ের উপস্বন্ধ নহে। আমার নিব্দের বিষয় আছে। তাহার উপস্বন্ধও যথেষ্ট। তাহা হইতে তোমার উপায় করিব।

রজনী। তাহা হইতেও আমি কিছু লইব না। সে কেবল ডানহাত বাঁহাত মাত্র।

আমি। আমি তোমাকে বিষয়ের ভাগ দিতে চাহিতেছি না। শান্তিপুরে আমার পৈতৃক বাড়ীতে তোমাকে পাঠাইতেছি। সেখানে আমার পৈতৃক সম্পত্তির উপস্বহ হইতে অনেক অনাথা গ্রাসাচ্ছাদন পাইতেছে। তুমি সেইখানে তাহাদিগের মত থাকিবে। তুমি কে, কি বৃত্তান্ত কেহ জানিবে না।

রজনী সমতা হইল।

কিন্তু সেই সময়ে লবঙ্গলতার শাসনবাক্য মনে পড়িল। মনে মনে আপনাকে জিজ্ঞাসা করিলাম—আমি কি রজনীর কোন ক্ষতি করিতেছি ? না, সে যাহা চায় তাহাই করিতেছি ?



কদর্শনের দ্বিতীয় খণ্ডে মানস বিকাশের সমালোচনায় কণিত হইয়াছে যে, যেমন অস্থান্থ ভৌতিক, আধ্যাগ্নিক বা সামাজিক ব্যাপার নৈসর্গিক নিয়মের ফল, কাব্যও তদ্রপ। দেশভেদে ও কালভেদে কাব্যের প্রকৃতিগত প্রভেদ জ্বায়ে। ভারতীয় সমাজের যে অবস্থার উক্তি রামায়ণ, মহাভারত সে অবস্থার নহে; মহাভারত যে অবস্থার উক্তি, কালিদাসাদির কাব্য সে অবস্থার নহে। তথায় দেখান গিয়াছে যে বঙ্গীয় গীতিকাব্য, বঙ্গীয় সমাজের কোমল প্রকৃতি, নিশ্চেষ্টতা এবং গৃহসুখনিরতির ফল। অন্ত সেই কথা স্পতীকরণে প্রবৃত্ত হইব।

বিভাপতি এবং ওদমুবর্ত্তী বৈষ্ণব কবিদিগের গীতের বিষয়, একমাত্র কৃষ্ণ ও রাধিকা। বিষয়ান্তর নাই। তত্ততা এইসকল কবিতা অনেক আধুনিক বাঙ্গালির অরুচিকর। তাহার কারণ এই থে, নায়িকা, কুমানী বা নায়কের শান্ত্রাম্পারে পরিণীতা পত্নী নহে, অত্যের পত্নী; অতএব সামাত্ত নায়কের সঙ্গে কুলটার প্রণয় হইলে যেমন অপবিত্র, অরুচিকর এবং পাপে পদ্ধিল হয়, কৃষ্ণলীলাও তাঁহাদের বিবেচনায় তক্রপ—অতি কদর্য্য পাপের আধার। বিশেষ এসকল কবিতা অনেক সময় অল্লীল, এবং ইন্দ্রিয়ের পৃষ্টিকর—অতএব ইহা সর্ব্বেথা পরিহার্য্য। গাঁহারা এইরূপ বিবেচনা করেন, তাঁহারা নিতান্ত অসারগ্রাহী। যদি কৃষ্ণলীলার এই ব্যাখ্যা হইত, তবে ভারতবর্ষে কৃষ্ণভক্তি এবং কৃষ্ণগীতি কখন এতকাল স্থায়ী হইত না। কেননা অপবিত্র কাব্য কখন স্থায়ী হয় না। এ বিষয়ের যথার্থ নিরূপণ জন্ম আমরা এই নিগৃত তত্ত্বর সমালোচনায় প্রস্তুত হইব।

কৃষ্ণ যেমন আধুনিক বৈষ্ণব কবিদিগের নায়ক, সেইরূপ জয়দেবে, ও সেইরূপ শ্রীমদ্যাগবতে। কিন্তু কৃষ্ণচরিত্রের আদি শ্রীমদ্যাগবতেও নহে। ইহার আদি মহাভারতে। জিজাস্থা এই যে মহাভারতে যে কৃষ্ণচরিত্র দেখিতে পাই, শ্রীমদ্যাগবতেও কি সেই কৃষ্ণের চরিত্র ? জয়দেবেও কি ভাই ঃ এবং বিদ্যাপভিত্তেও

প্রাচীন কাব্য সংগ্রহ। শ্রীলুক্ত বাবু অক্ষয়চন্দ্র সরকার কর্ভৃক সম্পাদিত। চু^{*}চুড়া— সাধারণী যয় ৮

কি তাই ? চারিজন গ্রন্থকারই কৃষ্ণকে ঐশিক অবতার বলিয়া স্বীকার করেন, কিন্তু চারিজনেই কি একপ্রকার সে ঐশিক চরিত্র চিত্রিত করিয়াছেন ? যদি না করিয়া থাকেন, তবে প্রভেদ কি ? যাহা প্রভেদ বলিয়া দেখা যায়, তাহার কি কিছু কারণ নির্দেশ করা যাইতে পারে ? সে প্রভেদের সঙ্গে, সামাজ্ঞিক অবস্থার কি কিছু সম্বন্ধ আছে ?

প্রথমে বক্তব্য, প্রভেদ থাকিলেই তাহা যে সামাজিক অবস্থাভেদের ফল, আর কিছু নহে, ইহা বিবেচনা করা অকর্ত্তব্য। কাব্যে কাব্যে প্রভেদ নানা প্রকারে ঘটে। যিনি কবিতা লিখেন, তিনি জাতীয় চরিত্রের অধীন; সামাজিক বলের অধীন; এবং আত্মস্বভাবের অধীন। তিনটিই তাঁহার কাব্যে ব্যক্ত হইবে। ভারতবর্ষীয় কবিমাত্রেরই কতকগুলিন বিশেষ দোষ গুণ আছে, যাহা ইউরোপীয় বা পারসিক ইত্যাদি জাতীয় কবির কাব্যে অপ্রাপ্য। সেগুলি তাঁহাদিগের জাতীয় দোষ গুণ। প্রাচীন কবিমাত্রেরই কতকগুলি দোষ গুণ আছে, যাহা আধুনিক কবিতে অপ্রাপ্য। সেইগুলি তাঁহাদিগের সাময়িক লক্ষণ। আর কবিমাত্রের শক্তির তারতম্য এবং বৈচিত্র আছে। সেগুলি তাঁহাদিগের নিজপ্রণ।

অতএব, কাব্যবৈচিত্রের তিনটি কারণ—জাতীয়তা, সাময়িকতা এবং স্বাতস্ত্র্য। যদি চারিজন কবিকর্তৃক গীত কৃষ্ণচরিত্রে প্রভেদ পাওয়া যায়, তবে সে প্রভেদের কারণ তিন প্রকারই থাকিবার সম্ভাবনা। বঙ্গবাসী জয়দেবের সঙ্গে, মহাভারতকার বা প্রীমন্তাগবতকারের জাতীয়ভাঙ্গনিত পার্থক্য থাকিবারই সম্ভাবনা; তুলসীদাসে এবং কৃত্তিবাসে আছে। আমরা জাতীয়তা এবং স্বাতস্ত্র্য পরিত্যাগ করিয়া সাময়িকতার সঙ্গে এই চারিটি কৃষ্ণচরিত্রের কোন সম্বন্ধ আছে কি না ইহারই অমুসন্ধান করিব।

মহাভারত কোন্ সময়ে প্রণীত হইয়াছিল, তাহা এপর্য্যস্ত নিরূপিত হয় নাই। নিরূপিত হওয়াও অতি কঠিন। মূলগ্রস্থ একজন প্রণীত বলিয়াই বোধ হয়, কিন্তু একণে যাহা মহাভারত বলিয়া প্রচলিত, তাহার সকল অংশ কখন একজনের লিখিত নহে। যেমন একজন একটি অট্টালিকা নির্মাণ করিয়া গেলে, তাঁহার পরপুরুষেরা তাহাতে কেহ একটি নূতন কুঠারি, কেহ বা একটি নূতন বারেণ্ডা, কেহ বা একটি নূতন প্রাচীর নির্মাণ করিয়া তাহার বৃদ্ধি করিয়া থাকেন, মহাভারতেরও তাহাই ঘটিয়াছে। মূলগ্রন্থের ভিতর পরবর্তী লেখকেরা কোথাও কতকগুলি কবিতা, কোথাও একটি উপস্থাস, কোথাও একটি পর্ব্বাধ্যায় সন্ধিবেশিত করিয়া বহু সরিতের জলে পুই সমুদ্রবং বিপুল কলেবর করিয়া তুলিয়াছেন। কোন্ভাগ আদি গ্রন্থের অংশ, কোন্ভাগ আধ্নিক সংযোগ, তাহা সর্ব্বত্র নিরূপণ করা

অসাধ্য। অতএব আদি প্রস্থের বয়:ক্রম নিরূপণ অসাধ্য। তবে উহা যে গ্রীমন্তাগ-বতের পূর্ববিগামী ইহা বোধ হয় স্থশিক্ষিত কেহই অস্বীকার করিবেন না। যদি অক্স প্রমাণ নাও থাকে,তবে কেবল রচনাপ্রণালী দেখিলে বৃঝিতে পারা যায়। ভাগবতের সংস্কৃত অপেক্ষাকৃত আধুনিক; ভাগবতে কাব্যের গতি অপেক্ষাকৃত আধুনিক পথে।

অতএব প্রথম মহাভারত। মহাভারত খ্রীষ্টাব্দের অনেক পূর্বের প্রণীত হইয়াছিল, ইহাও অমুভবে বুঝা যায়। মহাভারত পড়িয়া বোধ হয়, ভারতবর্ষীয়-দিগের দিতীয়াবস্থা, অথবা তৃতীয়াবস্থা ইহাতে পরিচিত হইয়াছে। তথন দাপর, সত্য যুগ আর নাই। যখন সরস্বতী ও দৃষদ্বতী-তীরে, নবাগত আর্য্যবংশ, সরল গ্রাম্য ধর্ম রক্ষা করিয়া দফ্যভয়ে আকাশ, ভাস্কর, মরুতাদি ভৌতিক শক্তিকে আত্মরক্ষার্থ আহ্বান করিয়া, অপেয় সোমরস পানকে জীবনের সার স্থুখজ্ঞান করিয়া আর্য্য-জীবন নির্বাহ করিতেন, সে সভ্য যুগ আর নাই। দ্বিভীয়াবস্থাও নাই। যথন আর্য্যগণ সংখ্যায় পরিবর্দ্ধিত হইয়া, বহু যুদ্ধে যুদ্ধবিদ্যা শিক্ষা করিয়া, দস্ম্য-জয়ে প্রবৃত্ত, সে ত্রেতা আর নাই। যথন আর্য্যগণ, বাছবলে বহুদেশ অধিকৃত করিয়া, শিল্পাদির উন্পতি করিয়া, প্রথম সভ্যতার সোপানে উঠিয়া কাশী, অযোধ্যা, মিথিলাদি নগর সংস্থাপিত করিতেছেন; সে ত্রেতা আর নাই। যখন আর্য্যস্তাদয়-ক্ষেত্রে নৃতন জ্ঞানের অঙ্কুর দেখা দিতেছে, সে ত্রেতা আর নাই। এক্ষণে দস্ম্য জাতি বিজিত, পদানত, দেশপ্রান্তবাসী শুন্ত, ভারতবর্ষ আর্য্যগণের করস্থ, আয়ত্ত, ভোগ্য এবং মহাসমৃদ্ধিশালী। তখন আর্য্যগণ বাহ্য শত্রুর ভয় হইতে নিশ্চিম্ন, আভ্যম্বরিক সমৃদ্ধি সম্পাদনে সচেষ্ট, হস্তগতা অনস্তরত্নপ্রসবিনী ভারতভূমি অংশী-করণে ব্যস্ত। যাহা সকলে জয় করিয়াছে তাহা কে ভোগ করিবে ? এই প্রশ্নের ফল আভ্যম্তরিক বিবাদ। তথন আর্য্য পৌরুষ চরমে দাঁড়াইয়াছে। যে হলাহল বুক্ষের ফলে, ছুই সহস্র বংসর পরে জয়চন্দ্র এবং পৃথীরাজ্ব পরস্পর বিবাদ করিয়। উভয়ে সাহাবৃদ্দিনের করতলস্থ হইলেন, এই দ্বাপরে তাহার বীঞ্চ বপন হইয়াছে। এই দ্বাপরের কার্য্য মহাভারত। (১)

এরপ সমাজে ছই প্রকার মন্থ্য সংসার-চিত্রের অগ্রগামী হইয়া দাঁড়ান; এক সমরবিজয়ী বীর, দিতীয় রাজনীতিবিশারদ মন্ত্রী। এক মণ্টকে, দ্বিতীয় বিস্মার্ক; এক গারিবলদি, দ্বিতীয় কাব্র; মহাভারতেও এই ছই চিত্র প্রাধায় লাভ করিয়াছে, এক অর্জুন, দ্বিতীয় শ্রীকৃষ্ণ।

এই মহাভারতীয় কৃষ্ণচরিত্রকাব্য সংসারে তুলনারহিত। যে ব্রঞ্জলীলা জ্বয়দেব ও বিভাপতির কাব্যের একমাত্র অবলম্বন, যাহা গ্রীমন্তাগবতেও অত্যন্ত পরিস্ফুট, ইহাতে ভাহার স্টনাও নাই। ইহাতে শ্রীকৃষ্ণ অদ্বিতীয় রাজনীতিবিদ্—

(১) পাঠক বুঝিতে পারিবেন যে কতিপয় শতাব্দীকে এখানে "যুগ" বলা যাইতেছে।

সামাজ্যের গঠন বিশ্লেষণে বিধাতৃতুল্য কৃতকার্য্য—সেইজ্র ঈশ্বরাবতার বলিয়া কল্পিত। প্রীকৃষ্ণ ঐশিক শক্তিধর বলিয়া কল্পিত, কিন্তু মহাভারতে ইনি অস্ত্রধারী নহেন, সামাগ্র জ্বড শক্তি বাহুবল ইহার বল নহে: উচ্চতর মানসিক বলই ইহার বল। যে অবধি ইনি মহাভারতে দেখা দিলেন, সেই অবধি এই মহেতিহাসের মূল গ্রন্থি রজু ইহার হাতে—প্রকাশ্যে কেবল পরামর্শদাতা—কৌশলে সর্ববর্কতা। ইহার কেহ মর্ম্ম বৃঝিতে পারে না, কেহ অন্ত পায় না, সে অনম্ভ চক্রে কেহ প্রবেশ করিতে পারে না। ইহার যেমন দক্ষতা, তেমনই ধৈর্যা। উভয়েই দেবতুল্য। পৃথিবীর বীরমণ্ডলী একত্রিত হইয়া যুদ্ধে প্রবৃত্ত: যে ধন্নু ধরিতে জানে, সেই কুরুক্ষেত্রে যুদ্ধ করিতে আসিয়াছিল; কিন্তু শ্রীকৃষ্ণ পাগুবদিগের পরমাত্মীয় হইয়াও কুরুক্তের অন্ত্র ধরেন নাই। তিনি মানসিক শক্তি মূর্ত্তিমান্, বাছবলের আশ্রয় লইবেন না। তাঁহার অভীষ্ট, পৃথিবীর রাজকুল ক্ষয়প্রাপ্ত হইয়া, একা পাণ্ডব পৃথিবীশ্বর থাকেন; স্বপক্ষ বিপক্ষ উভয়ের নিধন না হইলে তাহা ঘটে না; যিনি ঈশ্বরাবতার বলিয়া কল্পিত, তিনি স্বয়ং রণে প্রবৃত্ত হইলে, যে পক্ষাবলম্বন করিবেন, সেই পক্ষের সম্পূর্ণ রক্ষা সম্ভাবনা। কিন্তু তাহা তাঁহার উদ্দেশ্য নহে। কেবল পাগুবদিগকে একেশ্বর করাও তাঁহার অভীপ্ত নহে। ভারতবর্শবর ঐক্য তাঁহার উদ্দেশ্য। ভারতবর্ধ তখন ক্ষুদ্র ক্ষুদ্র খণ্ডে বিভক্ত ; খণ্ডে খণ্ডে এক একটি ক্ষুদ্র রাজা। ক্ষুদ্র ক্ষুদ্র রাজগণ পরস্পরকে আক্রমণ করিয়া পরস্পরকে ক্ষীণ করিত,ভারতবর্ষ অবিরত সমরানলে দগ্ধ হইতে থাকিত। একিঞ্চ বুঝিলেন যে, এই সসাগরা ভারত একচ্ছত্রাধীন না হইলে ভারতের শাস্তি নাই; শাস্তি ভিন্ন লোকের রক্ষা নাই; উন্নতি নাই। অতএব এই ক্ষুদ্র ক্ষুদ্র পরস্পার-বিদ্বেয়ী রাজগণকে প্রথমে ধ্বংস করা কর্ত্তব্য, তাহা হইলেই ভারতবর্ষ একায়ন্ত, শাস্ত এবং উন্নত হইবে। কুরুক্ষেত্রের যুদ্ধে তাহারা পরস্পরের অন্ত্রে পরস্পরে নিহত হয়, ইহাই তাঁহার উদ্দেশ্য হইল। ইহারই পৌরাণিক নাম পৃথিবীর ভারমোচন। এক করিয়া, এক পক্ষের রক্ষা চেষ্টা করিয়া, কেন সে উদ্দেশ্যের বিম্ন করিবেন ? তিনি বিনা অস্ত্রধারণে, অর্জ্জনের রথে বসিয়া, ভারত রাজকুলের ধ্বংস সিদ্ধ করিলেন।

এইরপ, মহাভারতীয় কৃষ্ণচরিত্র যতই আলোচনা করা যাইবে, ততই তাহাতে এই ক্রেব্রকর্মা দূরদর্শী রাজনীতিবিশারদের লক্ষণ সকল দেখা যাইবে। তাহাতে বিলাসপ্রিয়তার লেশমাত্র নাই—গোপবালকের চিহ্নমাত্র নাই।

এদিকে দর্শনশাস্ত্রের প্রাছর্ভাব হইতেছিল। বৈদিক ও পৌরাণিক দেবগণের আরাধনা করিয়া আরু মার্ভিজতবৃদ্ধি আর্য্যগণ সম্ভষ্ট নহেন। তাঁহারা দেখিলেন যে, যে সকল ভিন্ন ভিন্ন নৈসর্গিক শক্তিকে তাঁহারা পৃথক্ পৃথক্ দেব কল্পনা করিয়া পূজা করিতেন, সকলেই এক মূল শক্তির ভিন্ন ভিন্ন বিকাশ মাত্র। জগৎকর্ত্তা এক এবং অন্বিতীয়। তখন ঈশ্বরতক্ব নিরূপণ লইয়া মহাগোলযোগ উপস্থিত হইল। কেহ বলিলেন, ঈশ্বর আছেন, কেহ বলিলেন নাই। কেহ বলিলেন ঈশ্বর এই জড় জগং হইতে পৃথক্, কেহ বলিলেন এই জড় জগংই ঈশ্বর। তখন, নানা জনের নানা মতে, লোকের মন অস্থির হইয়া উঠিল; কোন্ মতে বিশ্বাস করিবে? কাহার পূজা করিবে? কোন্ পদার্থে ভক্তি করিবে? দেব ভক্তির জীবন নিশ্চয়তা অনিশ্চয়তা জন্মিলে ভক্তি নষ্ট হয়। পুনং পুনং আন্দোলনে ভক্তিমূল ছির হইয়া গেল। অর্দ্ধাধিক ভারতবর্ধ নিরীশ্বর বৌদ্ধমত অবলম্বন করিল। সনাতন ধর্ম মহাশক্তে পতিত হইল। শতাব্দীর পর শতাব্দী এইরূপে কাটিয়া গেলে শ্রীমন্তাগবতকার সেই ধর্মের পুনক্রনারে প্রবৃত্ত হইলেন। ইহাতে দ্বিতীয় কৃষ্ণ-চরিত্র প্রণীত হইল।

আচার্য্য টিগুল একস্থানে ঈশ্বর নিরূপণের কাঠিন্ত সম্বন্ধে বলিয়াছেন যে, যে ব্যক্তি একাধারে উৎকৃষ্ট কবি এবং উৎকৃষ্ট বৈজ্ঞানিক হইবে, সেই ঈশ্বর নিরূপণে সক্ষম হইবে। প্রথম শ্রেণীর বৈজ্ঞানিকতা এবং প্রথম শ্রেণীর কবিছ, একাধারে এ পর্য্যস্ত সন্ধিবেশিত হয় নাই। একব্যক্তি নিউটন ও সেক্ষপীয়রের প্রকৃতি লইয়া এ পর্য্যস্ত জন্মগ্রহণ করেন নাই। কিন্তু বৈজ্ঞানিক কবি কেহ না হইয়া পাকুন, দার্শনিক কবি অনেক জন্মগ্রহণ করিয়াছেন—ঋষেদের ঋষিগণ হইতে রাজকৃষ্ণবাব্ পর্য্যস্ত ইহার দৃষ্টাস্তের অভাব নাই। দার্শনিক কবিগণ আপনাদিগকে ঈশ্বর নিরূপণে সমর্থ বিবেচনা করেন। শ্রীমন্তাগবতকার দার্শনিক এবং শ্রীমন্তাগবতকার কবি। তিনি দর্শনে ও কাব্যে মিলাইয়া, ধর্মের পুনরুদ্ধারে প্রবৃত্ত হইলেন। এবং এই ভূমগুলে এরূপ হুরহ ব্যাপারে যদি কেহ কৃতকার্য্য হইয়া থাকেন, তবে শাক্যসিংহ ও শ্রীমন্তাগবতকার হইয়াছেন।

দার্শনিকদিগের মতের মধ্যে একটি মত, পণ্ডিতের নিকট অতিশয় মনোহর। সাংখ্যকার, মানস রসায়নে জগৎকে বিশ্লিষ্ট করিয়া, আত্মা এবং জড়জগতে ভাগ করিয়া ফেলিলেন। জগৎ দ্বৈপ্রকৃতিক—ভাহাতে পুরুষ এবং প্রকৃতি বিগ্রমান। কথাটি অতি নিগৃত,—বিশেষ গভীরার্থপূর্ব। ইহা প্রাচীন দর্শনশাস্ত্রের শেষ সীমা। গ্রীক্ পণ্ডিতেরা বহুকষ্টে এই তত্ত্বের আভাসমাত্র পাইয়াছিলেন। অভাপি ইউরোপীয় দার্শনিকেরা এই তত্ত্বের চতুংপার্শ্বে অন্ধ মধুমক্ষিকার স্থায় ঘুরিয়া বেড়াইতেছেন। কথাটার স্থুল মর্ম্ম যাহা, তাহা সাংখ্যদর্শন বিষয়ক প্রবন্ধে ব্যাইয়াছি। এই প্রকৃতি ও পুরুষ সাংখ্য মতামুসারে পরস্পরে আসক্ত, ফাটিকপাত্রে জবা পুষ্পের প্রতিবিশ্বের স্থায়, প্রকৃতিতে পুরুষ সংযুক্ত, ইহাদিগের মধ্যে সম্বন্ধ বিচ্ছেদেই জীবের মৃক্তি।


এই সকল ছ্রহ তব দার্শনিকের মনোহর, কিন্তু সাধারণের বোধগম্য নহে। শ্রীমন্তাগবতকার ইহাকেই জনসাধারণের বোধগম্য এবং জনসাধারণের মনোহর করিয়া সাজাইয়া, মৃত ধর্মে জীবন সঞ্চারের অভিপ্রায় করিলেন। মহাভারতে যে বীর ঈশ্বরাবতার বলিয়া লোকমগুলে গৃহীত হইয়াছিল, তিনি তাঁহাকেই পুরুষ স্বরূপে স্বীয় কাব্যমধ্যে অবতীর্ণ করিলেন, এবং স্বক্ষপোল হইতে গোপকস্থা রাধিকাকে স্বষ্ট করিয়া, প্রকৃতিস্থানীয় করিলেন। প্রকৃতি পুরুষের যে পরস্পরাসক্তি, বাল্যলীলায় তাহা দেখাইলেন; এবং তহুভয়ে যে সম্বন্ধ বিচ্ছেদ, জীবের মুক্তির জ্বস্থ কামনীয়, তাহাও দেখাইলেন। সাংখ্যের মতে ইহাদিগের মিলনই জীবের হঃখের মূল—তাই কবি এই মিলনকে অস্বাভাবিক এবং অপবিত্র করিয়া সাজাইলেন। শ্রীমন্তাগবতের গৃঢ় তাৎপর্য্য, আত্মার ইতিহাস—প্রর্থমে প্রকৃতির সহিত সংযোগ, পরে বিয়োগ, পরে মুক্তি।

জয়দেব প্রণীত তৃতীয় কৃষ্ণচরিত্রে এই রূপক একেবারে অদৃশ্য। তখন আর্য্যজাতির জাতীয় জীবন হুর্বল হইয়া আসিয়াছে। রাজকীয় জীবন নিবিয়াছে —ধর্মের বার্দ্ধক্য আসিয়া উপস্থিত হইয়াছে। উগ্রতেজম্বী, রাজনীতিবিশারদ আর্য্য বীরেরা বিলাসপ্রিয় এবং ইন্দ্রিয়পরায়ণ হইয়াছেন। তীক্ষবুদ্ধি মার্গ্জিত-চিত্ত দার্শনিকের স্থানে অপরিণামদর্শী স্মার্ত্ত এবং গৃহ-স্থখবিমুগ্ধ কবি অবভীর্ণ হইয়াছেন। ভারত তুর্বল, নিশ্চেষ্ট, নিজায় উন্মুখ, ভোগপরায়ণ। অস্ত্রের ঝঞ্চনার স্থানে রাজপুরী সকলে মুপুর নিরুণ বাজিতেছে—বাহ্য এবং আভ্যন্তরিক জগতের নিগৃঢ়তত্ত্বের আলোচনার পরিবর্ত্তে কামিনীগণের ভাবভঙ্গীর নিগৃঢ়তত্ত্বের আলোচনার ধুম পড়িয়া গিয়াছে। জয়দেব গোস্বামী এই সময়ের সামাজিক অবতার; গীত-গোবিন্দ এই সমাজের উক্তি। অতএব গীতগোবিন্দের শ্রীকৃষ্ণ কেবল বিলাসরসে রসিক কিশোর নায়ক। সেই কিশোর নায়কের মূর্ত্তি, অপূর্ব্ব মোহন মূর্ত্তি; শন্দ-ভাণ্ডারে যত সুকুমার কুসুম আছে, সকলগুলি বাছিয়া বাছিয়া, চতুর গোস্বামী এই কিশোর কিশোরী রচিয়াছেন, আদিরসের ভাণ্ডারে যতগুলি স্লিগ্নোজ্জল রত্ন আছে, সকলগুলিতে ইহা সাজাইয়াছেন; কিন্তু যে মহা গৌরবের জ্যোতি মহাভারতে ও ভাগবতে কৃষ্ণচরিত্রের উপর নি:স্ত হইয়াছিল, এখানে তাহা অন্তর্হিত হইয়াছে। ইন্দ্রিয়পরতার # অন্ধকার ছায়া আসিয়া, প্রথর সুখতৃষাতপ্ত আর্য্য পাঠককে শীতল করিতেছে।

তারপর, বঙ্গদেশ যবন হস্তে পতিত হইল। পথিক যেমন বনে রত্ন কুড়াইয়া পায়, যবন সেইরূপ বঙ্গরাজ্য অনায়াসে কুড়াইয়া লইল। প্রথমে নামমাত্র বঙ্গ দিল্লীর অধীনে ছিল, পরে যবন-শাসিত বঙ্গরাজ্য সম্পূর্ণরূপে স্বাধীন হইল। আবার বঙ্গদেশের কপালে ছিল যে, জাতীয় জীবন কিঞ্চিৎ পুনরুদ্দীপ্ত হইবে। সেই পুনরুদ্দীপ্ত জীবন বলে, বঙ্গভূমে রঘুনাথ ও চৈডক্সদেব অবতীর্ণ হইলেন। বিভাপতি তাঁহাদিগের পুর্ববিগামী,—পুনরুদ্দীপ্ত জাতীয় জীবনের প্রথম শিখা।

তিনি জয়দেব প্রণীত চিত্রখানি তুলিয়া লইলেন—তাহাতে নৃতন রঙ্ ঢালিলেন। জয়দেব অপেক্ষা বিভাগতির দৃষ্টি তেজবিনী—তিনি প্রীকৃষ্ণকৈ কিশোরবয়য়্ব বিলাসরত নায়কই দেখিলেন বটে, কিন্তু জয়দেব কেবল বাহ্য-প্রকৃতি দেখিয়া-ছিলেন—বিভাগতি অন্তঃপ্রকৃতি পর্যান্ত দেখিলেন। যাহা জয়দেবের চক্ষে কেবল ভোগ-তৃযা বলিয়া প্রকটিত হইয়াছিল—বিভাগতি তাহাতে অন্তঃপ্রকৃতির সম্বন্ধ দেখিলেন। জয়দেবের সময় স্থভাগের কাল, সমাজের হৃঃখ ছিল না। বিভাগতির সময় হৃঃখের সময় মৢয়ভাগের কাল, সমাজের হৃঃখ ছিল না। বিভাগতির সময় হৃঃখের সময় ৷ ধর্ম লৃপ্ত, বিধর্মিগণ প্রভু, জাতীয় জীবন দিখিল, সবেমাত্র পুনকৃদ্দীপ্ত হইতেছে—কবির চক্ষু ফুটিল। কবি, সেই হৃঃখে ছঃখ দেখাইয়া, হৃঃখের গান গাইলেন। আমরা বঙ্গদর্শনের দিতীয় খণ্ডে মানস-বিকাশের সমালোচনা উপলক্ষে বিভাপতিও জয়দেবে প্রভেদ সবিস্তারেদেখাইয়াছি; সেই সকল কথার পুনকৃক্তির প্রয়োজন নাই। এস্থলে কেবল ইহাই বক্তব্য যে, সাময়িক প্রভেদ, এই প্রভেদের একটি কারণ। বিভাপতির সময়ে, বঙ্গদেশে চৈতস্তদেবকৃত ধর্মের নবাভ্যুদয়ের এবং রঘুনাথকৃত দর্শনের নবাভ্যুদয়ের পূর্বস্ক্তনা হইতেছিল; বিভাপতির কাব্যে সেই নবাভ্যুদয়ের স্চনা লক্ষিত হয়। তখন বাহ্য ছাড়িয়া, আভ্যন্ত-রিকে দৃষ্টি পড়িয়াছে। সেই আভ্যন্তরিক দৃষ্টির ফল, ধর্ম ও দর্শনশাস্তের উন্নতি।

আমরা যে গ্রন্থকে উপলক্ষ করিয়া, এই কয়টি কথা বলিলাম, তৎসম্বন্ধে একণে কিছু বলা কর্ত্তব্য । এীযুক্ত বাবু অক্ষয়চন্দ্র সরকার ও প্রীযুক্ত বাবু সারদা। চরণ মিত্র "প্রাচীন কাব্য সংগ্রহ" প্রকাশ করিতেছেন। যে ছুই খণ্ড আমর। দেখিয়াছি, তাহাতে কেবল বিভাপতিরই কয়েকটা গীত প্রকাশিত হইয়াছে। বিগ্রাপতি প্রভৃতি উৎকৃষ্ট প্রাচীন কবিদিগের রচনা এক্ষণে অতি ছম্প্রাপ্য। যাহাতে উহা পাওয়া যায়, তাহাতে এত ভেল মিশান যে, খাঁটি মাল বাছিয়া লইতে কাহারও প্রবৃত্তি হয় না। অক্ষয় বাবু ও সারদা বাবু উৎকৃষ্ট গীতসকল বাছিয়া শ্রেণীবদ্ধ করিয়া প্রকাশ করিভেছেন। বিদ্যাপতির রচনাপাঠ পক্ষে সাধারণ পাঠকের একটি প্রতিবন্ধক এই যে, তাঁহার ভাষা আধুনিক প্রচলিত বাঙ্গালা নহে-সাধারণ পাঠকের ভাহা বুঝিতে বড় কষ্ট হয়। প্রকাশকেরা টীকায় ছুরুহ শব্দ সকলের সদর্থ লিখিয়া সে প্রতিবন্ধকের অপনয়ন করিতেছেন। যে কার্য্যে ইহারা প্রবৃত্ত হইয়াছেন, তাহা গুরুতর, স্বুকঠিন এবং নিতান্ত প্রয়োজনীয়। ইহারা সে কার্য্যের উপযুক্ত ব্যক্তি। উভয়েই কৃতবিদ্য এবং অক্ষয় বাবু সাহিত্য-সমাজে স্থপরিচিত। তিনি কাব্যের স্থপরীক্ষক, তাঁহার রুচি সুমার্জিক্ত এবং তিনি বিছাপতির কাব্যের মর্শ্বজ্ঞ। ছ্রেছ শব্দ সকলের ইহারা যে প্রকার সদর্থ করিয়াছেন, তাহাতে আমরা বিশেষ সাধুবাদ করিতে পারি। ভরসা করি, পাঠক-সমাজ ইহাদিগের উপযুক্ত সহায়তা করিবেন।



নেকেই জানেন যে বিখ্যাত ডাক্তার ফেরার, ভারতবর্ষীয় বিষধর সর্প সম্বন্ধে অনেক অনুসন্ধান করিয়াছেন। তাঁহার ও তাঁহার সহকারীদিগের অনুসন্ধানে যে সকল তম্ব নিরূপিত হইয়াছে, তাহার স্থুল মর্ম্ম অনেকেই অবগত আছেন, কিন্তু অনেকেই সবিশেষ অবগত নহেন। আমাদিগের ঘরে, ছারে, পথে, মাঠে সর্ব্বত্রই সকলেরই সর্পের সঙ্গে দেখা সাক্ষাৎ হইয়া থাকে, অতএব সকলেরই কর্ত্বব্য তাহাদিগের পরিচয় কিছু কিছু জানিয়া রাখেন। এজন্ম সর্ব্বশ্রেণীর পাঠ্য বঙ্গদর্শনে, আমরা সে সকল কথা কিঞ্জিৎ আলোচনা উগযুক্ত বিবেচনা করিলাম।

সর্পাঘাতে কেহ মরিলে সচরাচর পুলিসে সম্বাদ হয়। ডাক্তার ফেরার বঙ্গীয় প্রভৃতি গবর্গমেণ্ট হইতে সংবাদ লইয়া একটা তালিকা প্রস্তুত করিয়াছিলেন যে, এক বৎসরে কত লোক সর্পাঘাতে মরে। বোম্বাই মাল্রাজ প্রভৃতি স্থানীয় গবর্গমেণ্ট হইতে তিনি সম্বাদ প্রাপ্ত হয়েন নাই, কেবল-বাঙ্গালা, উত্তর-পশ্চিম পাঞ্জাব, অযোধ্যা, মধ্যভারত, রাজ্পপুতানা এবং ব্রিটিশ ব্রহ্ম হইতে সম্বাদ পাইয়াছিলেন। এই কয় প্রদেশে ১৮৬৯ সালে ১১,৪১৬ জন লোকের সর্পাঘাতে মৃত্যু হওয়ার সম্বাদ পুলিসে প্রদন্ত হইয়াছিল। ইহা স্বীকার করিতে হইবে যে, এইগুলির মধ্যে সকলেই যে সর্পাঘাতে মরিয়াছিল, এমত না হইতে পারে। অনেক খুন সর্পাঘাত বলিয়া প্রচার হয়। কিন্তু ইহাও স্বীকার করিতে হইবে যে, অধিকাংশ সর্পাঘাতে মৃত্যুর সম্বাদই হয় না। যদি ইহা বলা যায় যে, কথিত কয় প্রদেশে ঐ বৎসরে বিংশতি সহত্র লোকের মৃত্যু হইয়াছিল, তাহা হইলে বোধ হয় অত্যুক্তি হইবে না। যে বিপদে পাঁচ বৎসরে এক লক্ষ লোক মরিয়া যায়, ভারতবর্ষের পক্ষে তাহা সামান্ত বিপদ নহে। জ্ঞানবৃদ্ধি সহকারে সকল বিপদেরও শান্তির হইয়া থাকে; অতএব সর্পতন্ত্ব সরিশেষ পরিজ্ঞাত হইলে এ বিপদেরও শান্তির সন্তাবনা। এজন্ত ভারতবর্ষে পর্পতন্ত্ব স্বর্তন্ত্ব স্বর্তন্ত্র সম্বালাচিত হয়, ততই মঙ্গল।

প্রথমে জ্বানা কর্ত্তব্য, বিষধর সর্প কোন্গুলি। যাহারা বিষধর নহে, তাহাদের দংশনে স্বভাবতঃ কোন অনিষ্ট হইবার সম্ভাবনা নাই। কিন্তু সাপে কামড়াইয়াছে জ্বানিতে পারিলে, দংশক বিষধর হউক বা না হউক, ভয়েই অনেকের প্রাণ বাহির হয়। ভয়, শারীরিক ব্যাধির অত্যস্ত বৃদ্ধিকারক। যেখানে বিষে মরিবার সম্ভাবনা নাই, সেখানে ভয়েই অনেকেই মরিতে পারে। ইহার একটা উদাহরণ ফেরার সাহেবের গ্রন্থ হইতে উদ্ধৃত করিতেছি।

একদিবস প্রাতে হাঁসপাতালে গিয়া, ডাক্টার ফেরার শুনিলেন যে একটি লোক রাত্রে সর্পদন্ত হইয়া হাঁসপাতালে আনীত হইয়াছে; এবং সে অত্যস্ত নিজ্জীব হইয়া পড়িয়াছে। ডাক্টার গিয়া দেখিলেন যে লোকটি বস্ততঃ অত্যস্ত কিজ্জীব হইয়া পড়িয়াছে; তাহার কথা কহিবার শক্তি নাই; এবং সে অত্যস্ত হর্বল। তাহার আত্মীয়স্বজ্বন বলিল যে, রাত্রে কুটারমধ্যে প্রবেশ কালে তাহাকে সর্পে দংশন করিয়াছিল; তাহাতে সে বিশেষ ভীত হইয়াছিল এবং অল্পকালেই অচেতন হইয়াছিল। সেই অবস্থাতেই হাঁসপাতালে আনীত হইয়াছিল। সকলেই বিবেচনা করিতেছিল যে, সে ব্যক্তি এখনই মরিবে—উহার আর জীবনের আশা নাই। রোগীরও সেই বিশ্বাস । ডাক্টার ফেরার জিজ্ঞাসা করিলেন সাপটি কি প্রকার ? রোগীর সঙ্গিবর্গ বলিল যে ধরিয়া বোতলে পুরিয়া আনিয়াছি, দেখুন। ডাক্টার দেখিয়া চিনিলেন যে উহা নির্বিষজাতীয় সর্প। রোগী এবং তাহার আত্মীয়গণ প্রথমে এ কথা বিশ্বাস করিল না—ক্রমে বিশ্বাস করিল। তখন রোগীর শরীর হইতে শীঘ্র আপনি বিষ নামিতে লাগিল, আসন্ত মৃত্যু-লক্ষণ সকল ক্রমে দূর হইতে লাগিল—এবং অল্পকাল মধ্যে বিনাচিকিৎসায় আরোগ্য লাভ করিয়া রোগী হাঁসপাতাল হইতে চলিয়া গেল।

্অতএব দংশক বিষধর কি না, তাহা না জানিয়া অনর্থক ভীত হওয়া অকর্ত্বাঁ। ডাক্তার ফেরার বলেন,এতদ্দেশীয় সর্পের মধ্যে গোক্স্রা, কেউটিয়া, শংখচ্ড় (অহিরাজ্ঞ), শাঁথিনী, বোড়া, কোন কোন জাতীয় চিতি (Bungarus cæruleus) ইহারাই বিষধর এবং সাংঘাতিক। আরও কতকগুলি বিষধর সর্পের তিনি বর্ণনা করিয়াছেন, তৎসমুদায়ের দেশী নামের আমরা ঠিকানা করিতে পারি নাই। ফলে, আমাদিগের এমন বোধ হইয়াছে যে, ছই একটি স্পরিচিত বিষধরের নাম মাত্রও তিনি উল্লেখ করেন নাই। এবং ইহাও বিবেচ্য যে, অনেকগুলি সর্প যাহা বিষধর বলিয়া পরিচিত, তাহা বস্তুতঃ বিষধর নহে। যেখানে মহাভারতেই তক্ষক, বিষধর সর্পের শ্রেষ্ঠ বলিয়া পরীক্ষিতের নিধনে কবিকর্তৃক প্রেরিত হইয়াছিল, সেখানে তৎপাঠক এবং শ্রোত্বর্গের যে তক্ষপ অনেক শুম থাকিবে তাহার বৈচিত্র কি 🎙

তক্ষক বিষধরও নহে, সর্পত নহে। আমরা এমনও ছই একটি অধ্যাপক দেখিয়াছি যে, তাঁহাদের বিলক্ষণ বিশাস আছে যে উচ্চিঙড়ার কামড়ে মানুষ মরে।

ডাক্তার ফেরার স্বয়ং অন্যান্য মাস্ত চিকিৎসকগণের সাক্ষাতে সর্পবিষ সম্বন্ধে বহু শত পরীক্ষা করিয়া দেখিয়াছেন। এবং তাঁহার স্চনামুসারে, তিনি এতদ্দেশ পরিত্যাগ করিলে পর, একটি কমিশুন নিযুক্ত হইয়াছিল। তাঁহারাও বহুসংখ্যক পরীক্ষা অতি সাবধানে করিয়াছেন। এই সকল পরীক্ষায় একটি কথা নিশ্চিতরূপে স্থির হইয়াছে যে,ভারতবর্ষীয় বিষধরের দংশনে জীবন রক্ষা করে, এমত ঔষধি এপর্যায় আবিষ্কৃত হয় নাই।

এতদেশে অনেকে অনেক পাতা, লতা, মূল, বীজ, কল ইত্যাদিকে সর্পবিষের উৎকৃষ্ট ঔষধি বলিয়া বিশ্বাস করেন এবং প্রয়োগ করিয়াও থাকেন। তন্মধ্যে অনেকগুলি পরীক্ষকগণ কর্ত্ত্বক পরীক্ষিত হইয়াছিল। সকলই তুল্যরূপে নিফল হইয়াছে—বিষধরে প্রকৃতরূপে দংশন করিলে কেহ রক্ষা করিতে পারে না।

অস্ত্রেলীয়ার বিষধরের বিষের উপর পরীক্ষা করিয়া ডাক্তার হালফোর্ড এই মত প্রচার করেন যে, স্বকে ছিন্ত করিয়া রক্তমধ্যে আমোনিয়ার পিচকারী দিলে বিষধর-দংশনে প্রাণরক্ষা হয়। এদ্বেশেও অনেকের বিশ্বাস যে আমোনিয়া সর্পদংশনে মহৌষধ। স্বয়ং ফেরার সাহেবও সর্পদংশনে আমোনিয়া ব্যবহার করিতে পরামর্শ দেন। কিন্তু কমিশ্রানরেরা পুনঃ পুনঃ পরীক্ষা করিয়া স্থির করিয়াছেন যে, আমোনিয়া উপকার করা দূরে থাকুক, বরং বিষের সহায়তা করে। এবং আমোনিয়া প্রয়োগ না করিলে যত কালে রোগীর মৃত্যু হইত, আমোনিয়া প্রয়োগ করিলে তদপেক্ষা অল্প কালেই মৃত্যু হয়।

সর্পবিষ রক্তে মিশিয়া শরীরমধ্যে প্রবেশ করিলে পর তাহা অজ্ঞাত ঘর্ম্ম প্রস্রাবাদি ক্রিয়ায় শরীর হইতে নির্গত হইতে থাকে। ডাক্তার ফেরার এমত বিবেচনা করিয়াছিলেন যে, যতক্ষণে সমুদায় বিষ এইর্মপে স্বাভাবিক ক্রিয়ার দারা শরীর হইতে নিঃশেষ হইয়া নির্গত হইতে পারে, ততক্ষণ পর্যাপ্ত কোন উপায়ে জীবনরক্ষা করিতে পারিল্লেই রোগী বাঁচিতে পারে। ততক্ষণ পর্যাপ্ত জীবনরক্ষা হয় কি প্রকারে? তৎপুর্বেই যে শ্বাসক্রদ্ধ হইয়া রোগীর প্রাণবিয়োগ হয়। ইহার এক উপায় আছে—মাভাবিক শ্বাসক্রদ্ধ হইলেও যয়ের দারা শ্বাসকোষে বায়ু প্রেরিত হইতে পারে। যদি তত্বপায়ে এতাবৎ কাল জীবন রক্ষিত হয় যে, ততক্ষণে বিষ স্বাভাবিক ক্রিয়ার দারা পরিত্যক্ত হইয়া যায়, তাহা হইলে আর কোন চিন্তা নাই। এ বিষয়ের পরীক্ষাজন্মই উক্ত কমিশ্রন নিযুক্ত হয়। কমিশ্রনরের্গ বছতর পরীক্ষার দারা স্থির করিয়াছেন যে, ইহাও নিম্বল। রোগী ইহাতে কিছুক্ষণ বাঁচে বটে কিন্তু শেষে মরে। কিছুতেই জীবন রক্ষা হয় না।

অনেকে জিজ্ঞাসা করিতে পারেন যে, যদি বিষধরের দংশনে কোন মতেই প্রাণ রক্ষা হইতে পারে না, ইহাই স্থির, তরে কখনও কখনও বাঁচিতে দেখা যায় কি প্রকারে? এই কথাটি বুঝা বড় প্রয়োজনীয় বটে।

প্রথমতঃ, অনেক সময়েই দেখা যায় যে দষ্ট ব্যক্তি সাপে কামড়াইয়াছে বলিয়া চীৎকার করিয়া বসিয়া পড়িল এবং অল্পকাল মধ্যে ভয়ে অভিভূত হইয়া উঠিল। সকলে দেখিল হাঁ ঠিক বটে, এই ত দাঁতের দাগ—রক্তও পড়িয়াছে—পাড়ার লোকে চারিপাশে ঘেরিয়া বসিয়া অনবরত চিমটি কাটিতে আরম্ভ করিল—"বলি লাগে?" রোগীর তখন ভয়ে লাগা না লাগা সমান—কখন বলে "লাগে" কখন বলে "লাগে না।" যদি একবার বলিল লাগে না তবে অমনি বিজ্ঞ প্রতিবাসিগণ সিদ্ধান্ত করিলেন যে "জাতি-সাপে কামড়াইয়াছে।" যেমন এই সিদ্ধান্ত হইল—অমনি রোগী ঢুলিয়া পড়িল। তখন ওঝাগণ দলে দলে আসিয়া ঝাড় ফুক আরম্ভ করিল—চড় চাপড়ের প্রতিধ্বনিতে বাড়ী ফাটিতে লাগিল—নয় ত কেহ কোন বিখ্যাত ঔষধি বাটিয়া কিছু রোগীকে খাওয়াইলেন, কিছু ক্ষতমুখে লেপিয়া দিলেন। রোগী আরোগ্য পাইল—চিকিৎসকের নামে ধন্ত ধন্ত পভিয়া গেল।

এস্থলে প্রথমে জিজ্ঞাস্থ কামড়াইয়াছিল কিসে? সকলেরই অমুভব বিষধর সর্প, কিন্তু কেহ কি দেখিয়াছে? হয় ত, আদে সাপে কামড়ায় নাই—বিছা বা কোন নির্কিষ জন্তু—রোগী কেবল শীতল স্পর্শে অমুভব করিয়াছিল যে সাপ, এবং সকলেই সেই কথা বিনামুসন্ধানে স্থির বলিয়া গ্রহণ করিয়াছিল। হয় ত রোগী বা অস্থা কেহ প্রত্যক্ষ দেখিয়াছে, সর্প বটে, দংশন করিয়া বিবরে প্রবেশ করিল। কিন্তু কি সর্প? সেটা অন্ধকারে বড় ঠিক হয় নাই। অমুভব যে, যেখানে কামড়াইয়াছে সেখানে বিষধর হইবে, নহিলে জাঁক বাঁধে কই ? কিন্তু হয় ত দংশনকারী বস্তুতঃ কোন নিরীহ নির্কিষ জ্বাতীয় ভুজঙ্গ। ভয়েই রোগী ঢুলিয়া পড়িয়াছিল, চিকিৎসা না করিলেও ভাল হইত। ওঝার কপালে ছিল, তাহার জয় জয়কার রটিল।

ষিতীয়, ইহাও স্বীকার করিতে হইবে যে, অনেক সময়ে বিষধরে দংশন করিলেও দংশিত ব্যক্তি রক্ষা পায়। ইহা পুনঃ পুনঃ ঘটিয়াছে; অনেকে দেখিয়াছেন যে, যে সূর্প দংশন করিল, সে স্পষ্টই বিষধর জাতীয়। বরং দংশনকারী ধৃত বা হত হইয়া দক্ষ হইয়াছে। সেন্থলে কোন সন্দেহ থাকে না যে, দংশনকারী বিষধর সর্প, অথচ দষ্ট ব্যক্তি কখন কখন এমত অবস্থায় রক্ষা পায়। তাহার কারণ আছে।

বিষধর যখন দংশন করে, তখন তাহাদের বিষদস্ত শরীরমধ্যে রোপণ করিয়া বিষ ঢালিয়া দেয়। যদি কোন কারণে দংশন করিয়াও, বিষদস্ত দংশিতের মাংসে রোপণ করিতে না পারে ও বিষক্ষেপ করিতে না পারে, তবে জীবননাশের কোন সম্ভাবনা নাই। ইহা পরীক্ষার দ্বারা নিশ্চিত হইয়াছে যে, বিষধরে দংশন করিলেই বিষদন্ত নাংসে রোপিত হয় না, বা বিষ বিক্ষিপ্ত হয় না। বিষধরগণের বিষদন্ত কখনও আপনা হইতে পড়িয়া যায় বা কোন কারণে ভাঙ্গিয়া যায়। আবার দন্ত উদগত হইবার পূর্ব্বে যদি কাহাকে ভাঙ্গুশ অবস্থাপয় বিষধর দংশন করে, ভবে তাহার কোন অনিষ্ট ঘটিবে না। "তুবড়ী ওয়ালা"-দিগের অমুগ্রহে বিষদন্তহীন বিষধরের অভাব নাই; তাহাদিগের দ্বারা প্রভারিত হইয়া অনেকে অনেক সময়ে মনে করেন যে, বিষজ্বয়ী হইয়াছি। ইহার একটি উদাহরণ ফেরার সাহেবের গ্রন্থের ১১১ পৃষ্ঠায় পাওয়া যাইবে। উদ্ধৃত করি আমাদিগের এত স্থান নাই। কিছ বিষদন্ত থাকিলেও সকল সময়ে তাহা দংশিতের শরীরমধ্যে রোপিত হয় না; এমনও অনেক সময়ে ঘটিয়াছে যে, বিষধর সর্প দংশন করিয়া রক্তপাত করিয়াছে, তথাপি বিষ ঢালিতে পারে নাই বা ঢালে নাই। সে সকল স্থানে মৃত্যুর কোন সম্ভাবনা নাই, এবং সে সকল স্থানে ঔষধ প্রয়োগ করিলেও রোগী বাঁচিবে, না করিলেও বাঁচিবে।

পরীক্ষার দ্বারা নিরূপিত হইয়াছে যে সর্পবিষ রক্তমধ্যে প্রবেশ করিলেই জীবন ধ্বংস হইবে, এমত নহে। অতি অল্পরিমাণে বিষ প্রবেশ করিলে মৃত্যু ঘটে না; কখন কখন "বিষ ধরার" লক্ষণসকলই, অল্প বিষেও জ্বন্মে বটে, কিন্তু কখন কখন কোন বিকারই দেখা যায় না। সর্প-কমিশ্যনরেরা পরীক্ষা করিয়া দেখিয়াছেন যে, আধ গ্রেণ পরিমিত গোক্ষ্মার বিষেও ছোট ছোট কুরুরগণ মরিয়াছে, কিন্তু हু গ্রেণ বিষে একটি বড় কুরুর বাঁচিয়াছিল—আর ত্ইটি, ছোট বড় মরিল। ই গ্রেন বিষে একটি ছোট কুরুর মরিল। ই গ্রেন বিষে একটি ছোট কুরুর মরিল—ত্ইটি বড় কুরুর বাঁচিল। ই গ্রেনে তিনটি কুরুরই বাঁচিল। ইত্যাদি।*

বিষধরগণ দংশনকালে কাহাকেও দয়া করিয়া অল্প বিষ ঢালে না। কিন্তু অনেক সময়ে তাহাদিগের ভাগুার খালি থাকে। যে সর্প পুনঃ পুনঃ দংশন করিয়া বিষ বয়য় করিয়াছে, বয়য়শোগুর য়য়য় তাহারও ভাগুার খালি। যে অনেক দিন অনাহারে আছে বা যে রুয় বা নিস্তেজ, তাহারও বিষভাগুার অপূর্ণ। এরূপ অবস্থাপয় বিষধরে দংশন করিলে প্রায়ই অল্পমাত্র বিষ দস্টের শরীরমধ্যে নিক্ষিপ্ত হয়। এ সকল স্থলে মৃত্যুর অল্প সম্ভাবনা, এবং যে ভাল হইবার, সে চিকিৎসা না করিলেও ভাল হইবে। তবে অনেকের উপর ঝাড়ফুক এবং ঔষধ প্রযুক্ত হয়, এবং স্বাভাবিক প্রতিকারের গৌরব মন্ত্র বা ঔষধের উপর বর্ষ্তে।

^{*} ডাক্তারগণ ওজন করা বিষ ছকে ছিন্ত করিয়া পিচকারি দিয়াছিলেন। এমত নহে যে বিষধরগণ ওজন করিয়া বিষ ঢালিয়া দংশন-কার্য্য সম্পন্ন করিয়াছিল।

তৃতীয়তঃ, এমত আশ্চর্য্য কখন কখন ঘটিয়াছে যে, তেজস্বী বিষধর সম্পূর্ণরূপে বিষ-দাঁত ফুটাইয়া, রক্তপাত করিয়াছে—স্মৃতরাং বিবেচনা করিতে হয় যে মনের সাথে বিষ ঢালিয়া দিয়াছে। তথাপি প্রাণ নাশ হয় নাই। ডাক্তার ফেরারের গ্রন্থের ১০৪ পৃষ্ঠায় এরূপ একটি উদাহরণ আছে (৫ সংখ্যক পরীক্ষা দেখ)।

অত এব বিষধরে দংশন করিলেই যে রোগী মরিবে, ইহা নিশ্চিত নহে। অবস্থামুসারে বাঁচিতে পারে। কিন্তু যে বাঁচিবার, সে বিনা চিকিৎসাতেও বাঁচিবে— ঔষধাদিতে কোন উপকার নাই। ডাক্তার ফেরারও একপ্রকার চিকিৎসার উপদেশ দিয়াছেন এবং তাহা ধারাবদ্ধ ও অমুবাদিত হইয়া, খানায় খানায় জারি হইয়াছে। কিন্তু তাঁহার স্বকৃত এবং কমিশ্যনকৃত পরীক্ষাসকলের ফল অবগত হইয়া সে চিকিৎসার উপকারিতার বিষয় আমরা নিশ্চয় করিতে পারি না। তিনি ক্ষতের উপর দৃঢ় বন্ধন করিয়া, ক্ষতমুখ পোড়াইয়া দিবার উপদেশ দেন, কিন্তু তাঁহারই কৃত পরীক্ষাসকলের দ্বারা জানা যায় যে, যেরূপ দৃঢ় বন্ধনে শরীরে বিষের প্রবেশ একেবারে নিবারিত হইতে পারে, তাহা অতি কঠিন, প্রায় অসাধ্য। তবে একটি চিকিৎসা আছে—তাহা ফলদায়ক বটে, কিন্তু ইহাদিগের আবিজ্ঞিয়া বলিয়া স্বীকারের প্রয়োজন নাই—সার্দ্ধেক সহস্র বৎসর হইল "অস্কূলীবোরগ ক্ষতা" ইতিবাক্যে কালিদাস তাহার নির্দ্ধেশ করিয়াছেন। দংশনমাত্র যদি দৃষ্ট অঙ্গ ছেদন করিয়া ফেলা যায়, তাহা হইলে আর বড় শঙ্কা নাই। কিন্তু কয়জনে তাহা পারে?

চিকিৎসা-প্রণালী যেমন হউক, কেরার সাহেবের একটি উপদেশ নিতান্ত প্রাহা। যতক্ষণ ভরসা থাকে, ততক্ষণ রোগীকে ভরসা দিবে। বিষধর সর্পে দংশন করিয়াছে কি না, ইহা অনেক সময়েই অনিশ্চিত থাকে; বিষধরে দংশন করিলেও দংশন সাংঘাতিক তাহা অনিশ্চিত থাকে; যতক্ষণ এ সকল অনিশ্চিত, ততক্ষণ বাঁচিবার ভরসা আছে। কিন্তু অনেক সময়ে ভরসা হারাইয়াই রোগী ঢুলিয়া পড়ে। সেইটি হইতে দেওয়া অকর্তব্য।

প্রতদ্দেশে প্রথা আছে যে, রোগী "চুলিয়া পড়িতেছে" দেখিয়া, তাহাকে চড় চাপড় মারিয়া বা চিমটি কাটিয়া বা হাঁটাইয়া সচেতন রাখিবার চেষ্টা করা হয়। ফেরার সাহেব বলেন যে,যখন কেবল ভয়েই রোগী নির্জীব অচেতন হইয়া পড়িতেছে, তখন এ প্রথা মন্দ নহে, কিন্তু যেখানে বিষধরে কঠিন দংশন করিয়াছে, সেখানে এ প্রথার চিকিৎসায় কেবল অনিষ্টেরই সম্ভাবনা। সর্পবিষে যে মৃত্যু হয়, তাহার কারণ বিষ ক্লায়বীয় বল অপক্রত করিতে থাকে। যেখানে বিষে ক্লায়বীয় বল অপক্রত করিতে থাকে। যেখানে বিষে ক্লায়বীয় বল অপক্রত করিতেছে, সেখানে প্রাগুক্ত শারীরিক কার্য্যসকলের দ্বারা সেই বল অপব্যয় করা অবিধেয়। ভিনি বলেন, এমন অবস্থায়, রোগী 'চুপ করিয়া বসিয়া থাকে বা শয়ন করে বা নিদ্রা যায়, ইহা ভাল।

বিষধর দর্প সম্বন্ধে পরীক্ষার দ্বারা নিশ্চিত আর ছই একটি তত্ত্বের উল্লেখ করিয়া আমরা ক্ষান্ত ছইব।

বিষধর দংশনে সকল জীবই মরে—কাহারও রক্ষা নাই। পক্ষিগণ বড় শীঘ্র মরে। যে জীব যত ক্ষুদ্র, তাহার উপর বিষের অধিকার তত অধিক। কিন্তু সর্বব্য এ কথা খাটে না—বিড়াল অপেকা কুরুর শীঘ্র মরে। বিড়ালের পক্ষে সর্পবিষ তত তীব্রঘাতী নহে; তথাপি বিড়ালেরও রক্ষা নাই; শীঘ্র হৌক, বিলম্বে হৌক বিড়ালও মরে।

অনেকেরই বিশ্বাস আছে যে, সর্পবিষে বেঁজির কিছু হয় না। ইহা সকলেই দেখিয়াছে যে, বিষধরে ও বেঁজিতে যুদ্ধ হইতেছে; সর্প বেঁজিকে পুনঃ পুনঃ দংশন করিয়া রক্তপাত করিতেছে, তথাপি বেঁজির কিছু হইতেছে না। কিন্তু ইহার কারণ এই যে, বেঁজির কোশলে হোক, আর যে কারণেই হোক, সেই সকল দংশনে প্রকৃতরূপে বিষ, ক্ষতমধ্যে প্রবেশ করে না। পরীক্ষকেরা ভূয়োভূয়ঃ পরীক্ষা করিয়া দেখিয়াছেন যে, বিষধরে বেঁজিকে প্রকৃতপ্রস্তাবে দংশন করিলে, বেঁজিরও রক্ষা নাই।

সর্পবিষে সকল সর্পেরও রক্ষা নাই। বিষধরের দংশনে নির্বিষ সর্পগণ মরিয়া যায়। তীত্র বিষযুক্ত সর্পের দংশনে অস্ত বিষধরগণ মরিয়া যায়। গোক্ষুরা, কেউটিয়ার দংশনে শাঁথিনী প্রভৃতি বাঁচে না।

কেবল যে স্বয়ং তীব্র বিষধর, সেই তীব্র বিষধরের দংশনে বাঁচিবে। গোক্ষুরা কেউটিয়া বোড়ার দংশনে গোক্ষুরা কেউটিয়া বোড়া প্রায় বাঁচে, কখন কখন মরে। আপনার দংশনে কোন বিষধর মরে না। কাঁকড়াবিছা আপনাআপনি দংশন করিয়া আত্মহত্যা করিয়া থাকে।

তীব্রঘাতী বিষধরের সর্পবিষে কিছু না হউক, তাহারা অস্তান্ত বিষে মরে। কার্ব্বোলিক আসিডে ইহাদিগের শীম্র মৃত্যু হয়।

ডাক্তার ফেরার বলেন যে, পরীক্ষা কালে তিনি দেখিয়াছেন যে, গোক্ষুরা কেউটিয়া প্রাভৃতি সর্প সহজে দংশন ক্বরিতে চাহে না। বোধ হয় বঙ্গদেশীয় সর্প সাহেব দেখিয়া ভয় পাইয়াছিল। নহিলে কেউটিয়া যে "অহিংসা পরমোধর্মঃ" সার করিয়া বসিয়া আছে, ইহা আমরা বিশ্বাস করি না।



[সমবেত বান্ধালিদিগের সভা দেখিয়া]

ক বঙ্গ হুমে জনম সবার,

এক বিভালয়ে জ্ঞানের সঞ্চার,

এক হুংথে সবে করি হাহাকার,
ভাই ভাই সবে, কাঁদরে ভাই।

এক শোকে শীর্ণ সবার শরীর,

এক শোকে বন, নয়নের নীর,

এক অপমানে সবে নত-শির,

এক শিকলেতে বাধা সবাই॥

নাহি ইতিবৃত্ত নাহিক গৌরব,
নাহি আশা কিছু নাহিক বৈত্তব,
বাঙ্গালির নামে করে ছি ছি রব,
কোমল স্বভাব, কোমল দেহ।
কোমল করেতে ধর কমলিনী,
কোমল শ্যাতে, কোমল শিক্ষিনী,
কোমল সমীর, কোমল ধামিনী
কোমল পিরীতি, কোমল শ্লেহ।

শিথিয়াছ শুধু উচ্চ চীৎকার!
"ভিকা দাও! ভিকা দাও! ভিকা দাও" দার,
দেহি দেহি দেহি কা বার বার
না পেলে গালি দাও মিছামিছি!
দানের অযোগ্য চাও তব্ দান,
মানের অযোগ্য চাও তব্ মান,
বাঁচিতে অবোগ্য, রাধ তবু প্রাণ,
ছি ছি ছি ছি ছি ছি । ছি । ছি । ছি ।

কার উপকার করেছ সংসারে ?
কোন্ ইতিহাসে তব নাম করে ?
কোন্ বৈজ্ঞানিক বাঙ্গালির ঘরে ?
কোন্ রাজ্য তুমি করেছ জয় ?
কোন্ রাজ্য তুমি শাসিয়াছ ভাল ?
কোন্ মারাখনে ধরিয়াছ ঢাল ?
এই বঙ্গভূমি এ কাল সে কাল
জরণ্য, জরণ্য,ময় ॥

কে মিলাল আজি এ চাঁদের হাট ?
কে থুলিল আজি মনের কপাট ?
পড়াইব আজি এ ছ:থের পাঠ,
শুন ছি ছি রব, বাঙ্গালি নামে,
যুরোপে মার্কিনে ছিছি ছিছি বলে,
শুন ছিছি রর, হিমালয় তলে,
শুন ছিছি রব, সমুদ্রের জলে,

चरमर्ग, विस्मर्ग, नगरत आस्म ॥

কি কাজ বহিয়া এ ছার জীবনে,
কি কাজ রাখিয়া এ নাম ভূবনে,
কলঙ্ক থাকিতে কি ভর মরণে ?
চল সবে মরি পশিয়া জলে।
গলে গলে ধরি, চল সবে মরি,
সারি সারি সারি, চল সবে মরি,
শীতল সলিলে এ জালা পাশরি,
লুকাই এ নাম, সাগর তলে॥

নহে উঠ সবে মহা ঘোর রবে
ভাই ভাই ববে, ভাই ভাই সবে
মৃছ এ কলক, পুরাও এ ভবে
বাঙ্গালির যশে, বাঙ্গালি নামে
য়ুরোপে মার্কিনে যেন ধক্ত বলে,
যেন ধক্ত বলে, হিমালয় তলে,
সমুদ্রের জলে, মগুলে মগুলে,
স্বদেশে, বিদেশে, নগরে গ্রামে॥

ত্বদেশে, বিদেশে নগরে বা গ্রামে জয় জয় বল বাঙ্গালির নামে গাও জয় গীত বঙ্গ মহাধামে জয় জয় জয় বঙ্গের জয় । যেথানেতে ধর্ম্ম জয় সেইথানে, যেথানেতে ঐক্য জয় সেইথানে, মিল ত্রাত্ভাবে বঙ্গের সম্ভানে, বল জয় জয়, বঙ্গের জয় ॥



क्रिक्न किंद्र प्रश्रेत

বিড়াল

মি শয়ন গৃহে, চারপায়ীর উপর বিসয়া, ছঁকা হাতে ঝিমাইতেছিলাম।
একটু মিট্ মিট্ করিয়া কুল আলো জ্বলিতেছিল—দেয়ালের উপর চঞ্চল
ছায়া প্রেতবং নাচিতেছিল। আহার প্রস্তুত হয় নাই—এজয়্য ছঁকা হাতে,
নিমীলিত লোচনে আমি ভাবিতেছিলাম যে, আমি যদি নেপোলিয়ন হইতাম,
তবে ওয়াটালু জিতিতে পারিতাম কি না। এমত সময়ে একটি কুল্র শব্দ
হইল, "মেও!"

চাহিয়া দেখিলাম—হঠাৎ কিছু ব্ঝিতে পারিলাম না। প্রথমে মনে হইল, ওয়েলিংটন হঠাৎ বিড়ালত্ব প্রাপ্ত হইয়া, আমার নিকট আফিঙ্গ ভিক্ষা করিতে আসিয়াছে। প্রথম উন্তমে, পাষণবৎ কঠিন হইয়া বলিব মনে করিলাম যে, ডিউক মহাশয়কে ইতিপূর্কে যথোচিত পুরন্ধার দেওয়া গিয়াছে, এক্ষণে আর অতিরিক্ত পুরন্ধার দেওয়া যাইতে পারে না। বিশেষ, অপরিমিত লোভ ভাল নহে। ডিউক বলিল, "মেও!"

্তখন চক্ষ্ চাহিয়া, ভাল করিয়া দেখিলাম যে, ওয়েলিংটন নহে। একটী ক্ষুত্র মার্জার; প্রসন্ধ আমার জন্ম যে ত্বন্ধ রাখিয়া গিয়াছিল, তাহা নিঃশেষ করিয়া উদরসাৎ করিয়াছে; আমি তখন ওয়াটালুর মাঠে বৃৃহ রচনায় ব্যুত্ত, ভাত দেখি নাই। এক্ষণে মার্জার স্থলরী, নির্জ্জল ত্বন্ধপানে পরিভৃপ্ত হইয়া আপন মনের স্থখ এ জগতে প্রকটিত করিবার অভিপ্রায়ে অতি মধুর স্বরে বলিভেছিলেন, "মেও!" বলিতে পারি না, বৃঝি, তাহার ভিতর একটু ব্যঙ্গ ছিল; বৃঝি মার্জার মনে মনে হাসিয়া, আমার পানে চাহিয়া ভাবিতেছিল, "কেহ মরে বিল ছেঁচে, কেহ খায় কই।" বৃঝি সে "মেও!" শব্দে একটু মন বৃঝিবার অভিপ্রায়ও ছিল। বৃঝি বিড়ালের মনের ভাব, "তোমার হুধ ত খাইয়া বসিয়া আছি—এখন বল কি?"

বলি কি ? আমি ত ঠিক করিতে পারিলাম না। ছ্ধ আমার বাপেরও নয়। ছ্ব মঙ্গলার, ছহিয়াছে প্রসন্থ। অতএব সে ছ্মে আমারও যে অধিকার, বিড়ালেরও তাই; স্ত্তরাং রাগ করিতে পারি না। তবে চিরাগত একটি প্রথা আছে যে, বিড়ালে ছ্ব খাইয়া গেলে, তাহাকে তাড়াইয়া মারিতে যাইতে হয়। আমি যে সেই চিরাগত প্রথার অবমাননা করিয়া মন্ম্যুকুলে কুলাঙ্গারস্বরূপ পরিচিত হইব, ইহাও বাঞ্চনীয় নহে। কি জানি এই মার্জ্জারী যদি স্বজাতি মণ্ডলে কমলাকান্তকে কাপুরুষ বলিয়া উপহাস করে ? অতএব পুরুষের স্থায় আচরণ করাই বিধেয়। ইহা স্থির করিয়া, সকাতর চিত্তে, হস্ত হইতে ছাঁকা নামাইয়া, অনেক অনুসন্ধানে এক ভগ্ন যপ্তি আবিষ্কৃত করিয়া সগর্কে মার্জারী প্রতি ধাবমান হইলাম।

মার্জারী কমলাকান্তকে চিনিত; সে য**ষ্টি** দেখিয়া বিশেষ ভীত হওয়র কোন লক্ষণ প্রকাশ করিল না। কেবল আমার মুখপানে চাহিয়া হাই তুলিয়া, একটু সরিয়া বসিল। বলিল "মেও!" প্রশ্ন বৃঝিতে পারিয়া, যটি ত্যাগ করিয়া পুনরপি শয্যায় আসিয়া, হঁকা লইলাম। তথন দিব্যকর্ণ প্রাপ্ত হইয়া, মার্জারের বক্তব্য সকল বৃঝিতে পারিলাম।

বুঝিলাম যে, বিড়াল বলিতেছে "মার পিট কেন? স্থির হইয়া, হুঁকা হাতে করিয়া, একটু বিচার করিয়া দেখ দেখি ? এ সংসারের ক্ষীর, সর, হৃয়া, দধি, মৎস্থা, মাংস সকলই তোমরা খাইবে, আমরা কিছুপাইব না কেন ? তোমরা মন্ম্যা আমরা বিড়াল, প্রভেদ কি ? তোমাদের ক্ষুৎপিপাসা আছে— আমাদের কি নাই ? তোমরা খাও আমাদের আপত্তি নাই ; কিন্তু আমরা খাইলেই তোমরা কোন্ শাস্তাম্থসারে ঠেকা লাঠি লইয়া মারিতে আইস, তাহা আমি বহু অমুসন্ধানে পাইলাম না। তোমরা আমার কাছে কিছু উপদেশ গ্রহণ কর। বিজ্ঞ চতুম্পদের কাছে শিক্ষালাভ ব্যতীত তোমাদের জ্ঞানোয়তির উপায়ান্তর দেখি না। ড়োমাদের বিভালয় সকল দেখিয়া আমার বোধ হয় এত দিনে একথাটি বুঝিতে পারিয়াছ।

"দেখ, শয্যাশায়ী মনুষ্য ! ধর্ম কি ? পরোপকারই পরম ধর্ম। এই ত্থয়টুকু পান করিয়া আমার পরম উপকার হইয়াছে। ওোমার আহরিত ত্থে এই পরোপকার সিদ্ধ হইল—অতএব তুমি সেই পরমধর্মের ফলভাগী। আমি চুরিই করি, আর যাই করি, আমি তোমার ধর্মসঞ্চয়ের মূলীভূত কারণ। অতএব আমাকে প্রহার না করিয়া, আমার প্রশংসা কর। আমি তোমার ধ্র্মের সহায়। "দেখ, আমি চোর বটে, কিন্তু আমি কি সাধ করিয়া চোর হইয়াছি! খাইতে পাইলে কে চোর হয়? দেখ, যাঁহারা বড় বড় সাধু, চোরের নামে শিহরিয়া উঠেন, তাঁহারা অনেকে চোরের অপেক্ষাও অধার্মিক। তাঁহাদের চুরি করিবার প্রয়োজন নাই বলিয়া চুরি করেন না। কিন্তু তাঁহাদের প্রয়োজনাতীত ধন থাকিতেও চোরের প্রতি যে মুখ তুলিয়া চাহেন না, ইহাতেই চোরে চুরি করে। অধর্ম চোরের নহে—চোরে যে চুরি করে, সে অধর্ম কুপণ ধনীর। চোর দোষী বটে, কিন্তু কুপণ ধনী তদপেক্ষা শতগুণে দোষী। চোরের দণ্ড হয়; চুরীর মূল যে কুপণ, তাহার দণ্ড হয় না কেন ?

"দেখ, আমি প্রাচীরে প্রাচীরে, মেও মেও করিয়া বেড়াই, কেহ আমাকে মাছের কাঁটাখানাও ফেলিয়া দেয় না। মাছের কাঁটা, পাতের ভাত, নরদামায় ফেলিয়া দেয়, জলে ফেলিয়া দেয়, তথাপি আমাকে ডাকিয়া দেয় না। তোমাদের পেট ভরা, আমার পেটের ক্ষুধা কি প্রকারে জ্ঞানিবে! হায়! দরিজের জ্ঞা ব্যথিত হইলে তোমাদের কি কিছু অগৌরব আছে? আমার মত দরিজের ব্যথায় ব্যথিত হওয়া, লভ্চার কথা সন্দেহ নাই। যে কখন অন্ধকে মৃষ্টিভিক্ষা দেয় না, সেও একটা বড় রাজা ফাঁপরে পড়িলে রাত্রে দ্বুমায় না—সকলেই পরের ব্যথায় ব্যথিত হইতে রাজি। তবে ছোটলোকের ছংখে কাতর! ছি! কে হইবে?

"দেখ, যদি অমৃক শিরোমণি, কি অমৃক স্থায়ালন্ধার আসিয়া তোমার ত্বংটুকু থাইয়া যাইতেন, তবে তুমি কি তাহাকে ঠেঙ্গা লইয়া মারিতে আসিতে ? বরং যোড়হাত করিয়া বলিতে, আর একটু কি আনিয়া দিব ? তবে আমার বেলা লাঠি কেন ? তুমি বলিবে, তাঁহারা অতি পণ্ডিত, বড় মাস্থ লোক। পণ্ডিত বা মাস্থ বলিয়া কি আমার অপেকা তাঁহাদের ক্ষ্ধা বেশী ? তা ত নয়—তেলা মাথায় তেল দেওয়া মন্ত্যুজাতির রোগ—দরিজের ক্ষ্ধা কেহ বুঝে না। যে খাইতে বলিলে বিরক্ত ইয়, তাহার জন্ম ভোজের আয়োজন কর—আর যে ক্ষ্ধার জ্বালায় বিনা আহ্বানেই তোমার অর খাইয়া ফেলে, চোর বলিয়া তাঁহার দণ্ড কর,—ছি! ছি!

"দেখ, আমাদিগের দশা দেখ, দেখ প্রাচীরে প্রাচীরে, প্রাঙ্গণে প্রাঙ্গাদে প্রাসাদে, মেও মেও করিয়া আমরা চারিদিক্ দৃষ্টি করিতেছি—কেহ আমাদিগকে মাছের কাঁটাখানা ফেলিয়া দেয় না। যদি কেহ তোমাদের সোহাগের বিভাল হইতে পারিল—গৃহমার্জার হইয়া, রুদ্ধের নিকট যুবতীভার্য্যার সহোদর, বংশজ্বের নিকট কুলীন জামাতা বা মূর্য ধনীর কাছে সতরক খেলওয়ারের স্থানীয় হইয়া থাকিতে পারিল—তবেই ভাহার পৃষ্টি। ভাহার লেজ ফুলে, গায়ে লোম হয়; এবং ভাহাদের রূপের ছটা দেখিয়া অনেক মার্জার কবি হইয়া পড়ে।

"আর আমাদিগের দশা দেখ—আহারাভাবে উদর কুশ, অন্থি পরিদৃশ্যমান, লাঙ্গল বিনত, দাঁত বাহির হইয়াছে—জিহ্বা ঝুলিয়া পড়িয়াছে—অবিরত আহারা-ভাবে ডাকিতেছি 'মেও! মেও! খাইতে পাই না!—আমাদের কাল চামড়া দেখিয়া খ্লা করিও না! এ পৃথিবীর মৎস্থ মাংসে আমাদের কিছু অধিকার আছে। খাইতে দাও—নহিলে চুরি করিব।' আমাদের কৃষ্ণ চর্মা, শুক্ষ মুখ, ক্ষীণ সকরণ মেও মেও শুনিয়া তোমাদের কি তৃঃখ হয় না ? চোরের দণ্ড আছে, নির্দ্দয়তার কি দণ্ড নাই ? দরিদ্রের আহার সংগ্রহের দণ্ড আছে, ধনীর কার্পণ্যের দণ্ড নাই কেন ? তৃমি কমলাকান্ত, দূরদর্শী, কেননা আফিঙ্গখোর, তৃমিও কি দেখিতে পাও না যে, ধনীর দোষেই দরিদ্রে চোর হয় ? পাঁচশত দরিদ্রকে বঞ্চিত করিয়া, একজনে পাঁচশত লোকের আহার্য সংগ্রহ করিবে কেন ? যদি করিল, তবে সে তাহার খাইয়া যাহা বাহিয়া পড়ে, তাহা দরিদ্রকে দিবে না কেন ? যদি না দেয়, তবে দরিদ্র অবশ্য তাহার নিকট হইতে চুরি করিবে; কেননা অনাহারে মরিয়া যাইবার জন্ম এ পৃথিবীতে কেহ আইসে নাই।"

আমি আর সহ্য করিতে না পারিয়া বলিলাম, "থাম ! থাম মার্জারপণ্ডিতে ! তোমার কথাগুলি ভারি সোশিয়ালিষ্টিক ! সমাজবিশৃষ্খলার মূল ! যদি যাহার যত ক্ষমতা সে তত ধনসঞ্চয় করিতে না পায়, অথবা সঞ্চয় করিয়ো চোরের জ্বালায় নির্বিদ্যে ভোগ করিতে না পায়, তবে কেহ আর ধনসঞ্চয়ে যত্ন করিবে না । তাহাতে সমাজের ধনবৃদ্ধি হইবে না ।"

মার্জার বলিল, "না হইল ত আমার কি ? সমাজের ধনবৃদ্ধির অর্থ ধনীর ধনবৃদ্ধি। ধনীর ধনবৃদ্ধি না হইলে দরিত্তের কি ক্ষতি ?"

আমি বুঝাইয়া বলিলাম যে, "সামাজিক ধনবৃদ্ধি ব্যতীত সমাজের উন্নতি নাই।" বিড়াল রাগ করিয়া বলিল যে, "আমি যদি খাইতে না পাইলাম, তবে সমাজের উন্নতি লইয়া কি করিব ?"

বিড়ালকে বুঝান দায় হইল। যে বিচারক বা নৈয়ায়িক, কমিন কালে কেহ তাহাকে কিছু বুঝাইতে পারে না। এ মার্জার স্থবিচারক এবং স্থতার্কিকও বটে, স্থতরাং না বুঝিবার পক্ষে ইহার অধিকার আছে। অতএব ইহার উপর রাগ না করিয়া বলিলাম, "সমাজের উন্নতিতে দরিজের প্রয়োজন না থাকিলে না থাকিতে পারে, কিন্তু ধনী দিগের বিশেষ প্রয়োজন, অতএব চোরের দণ্ড বিধান কর্ত্রবা।"

মার্জ্জারী মহাশয়া বলিলেন, "চোরকে ফাঁসি দেও, তাহাতেও আমার আপত্তি নাই, কিন্তু তাহার শক্তে আর একটি নিয়ম কর। যে বিচারক চোরকে সাজা দিবেন, তিনি আগে তিন দিবস উপবাস করিবেন। তাহাতে বদি তাঁহার চুরি করিয়া খাইতে ইচ্ছা না করে, তবে তিনি সচ্ছন্দে চোরকে ফাঁসি দিবেন। তুমি আমাকে মারিতে লাঠি তুলয়াছিলে, তুমি অন্ত হইতে তিনদিন উপবাস করিয়া দেখ। তুমি যদি ইতিমধ্যে নশীবাবুর ভাগুার-ঘরে ধরা না পড়, তবে আমাকে ঠেক্সাইয়া মারিও, আমি আপত্তি করিব না।"

বিজ্ঞলোকের মত এই যে, যখন বিচারে পরাস্ত হইবে, তখন গম্ভীরভাবে উপদেশ প্রদানারম্ভ করিবে। আমি সেই প্রথামুসারে মার্জ্জারকে বলিলাম যে, "এ সকল অতি নীতিবিক্লম কথা, ইহার আন্দোলনেও পাপ আছে। তুমি এসকল ছিন্টিন্তা পরিত্যাগ করিয়া ধর্মাচরণে মন দাও। তুমি যদি চাহ, তবে পাঠার্থে তোমাকে আমি নিউমান ও পার্করের গ্রন্থ দিতে পারি। আর কমলাকান্তের দপ্তর পড়িলেও কিছু উপকার হইতে পারে—আর কিছু হউক বা না হউক, আফিঙ্গের অসীম মহিমা বৃঝিতে পারিবে। এক্ষণে স্বন্থানে গমন কর; প্রসন্ধ কাল কিছু ছানা দিবে বলিয়াছে, জলযোগের সময় আসিও, উভয়ে ভাগ করিয়া খাইব। অফ আর কাহারও হাঁড়ি খাইও না; বরং ক্ষুধায় যদি নিতান্ত অধীরা হও, তবে পুনর্কার আসিও, এক সরিয়া ভোর আফিঙ্গ দিব।"

মার্জার বলিল, "আফিঙ্গে বিশেষ প্রয়োজন নাই, তবে হাঁড়ি খাওয়ার কথা, কুধানুসারে বিবেচনা করা যাইবে।"

মার্জার বিদায় হইল। একটি পতিত আত্মাকে অন্ধকার হইতে আলোকে আনিয়াছি, ভাবিয়া কমলাকান্ত পাদ্রির বড় আনন্দ হইল!

গ্রীকমলাকান্ত চক্রবর্তী।



হল মৃহল মধুর নিকণে
বাজিছে বাজনা শৈলেশভবনে;
নাচিছে নর্জকী, ঢালিয়া সঘনে
তান মান লয়ে গীতের ধারা;
বিকচ-কমল-মালিকা-রঞ্জিত
হাসে গিরিপুর গন্ধে আমোদিত;
সকলেরি চিত পুলকে প্রিত,
উদিত নগেব্রু নন্ধনতারা।

সিংহপৃঠে কন্সা মহিষমর্দ্দিনী,
দশভূজা গৌরী বিশ্ববিনোদিনী,
শরতে উষার উজলি মেদিনী,
উদিতা পার্বতী পর্বত ধামে;
বেড়ি চারিদিকে করে স্তৃতিধ্বনি,
গস্তীর সঙ্গীতে প্রিয়া ধরণী,
উল্লাসে বসিয়া, উৎসাহে ভাসিয়া,
হৃদয় ভরিয়া, ভকত দামে।

"কে জানে তোমার অপার মহিমা? কে কবে তোমার শক্তির সীমা? সর্ব্বভৃতে তুমি শক্তি বর্মপিনী, তব লীলা খেলা ব্রহ্মাণ্ড ব্যাপিনী, তোমাতে জ্গৎ জীবিত রয়। প্রচণ্ড মার্ভণ্ড খরতর কর, প্রবল প্রতাপ বায়ু ভয়ত্বর, তরঙ্গসঙ্গুল সাগর ভীষণ, দিগদশ্বকারী কুদ্ধ হুতাশন, তব বল বিনা কিছুই নয়।

"রবি শশী তারা অনল উধার
আলোকে নিয়ত প্রকাশ তোমার;
কস্তরী কুস্থম সোরভ সকল
বিস্তারে জগতে তব পরিমাণ,
মৃত্ল মলয়ানিল হিলোলে;
বিহন্দ কৃজনে, বীণা যন্ত্রতারে
দেবনর কঠে, থেলে অনিবারে
তোমার মধ্র স্তবের লহরী;
কাননবল্লরী, নর্ত্রকী, স্থন্দরী,
তোমার লাবণ্যে আনন্দে দোলে।

"দশদিকে দশ কর প্রসারিয়া সকল ব্রহ্মাণ্ড রেখেছ ধরিয়া, সকলে রক্ষিছ, সকলে গালিছ, সকল প্রদেশে করুণা ঢালিছ, সঙ্কটহারিণী, ত্রিলোকতারিণী, বরাভয়দাত্রী, তুর্গতিনাশিনী, জগদ্ধাত্রী তুমি, জগতজননী, তোমার প্রসাদে বিপদে জয়।

"ভূমি যার প্রতি কুপাদৃষ্টি কর, লক্ষী সরস্বতী আসিয়া সম্বর দেবসিদ্ধি দাতা প্রাক্তর হৃদয়ে হৃদয়ে করেন সফল মানস তার;
হ্বরসেনাপতি সাজান তাহারে বিপত্তি বিজয় সাহসের হারে;
দূরে যায় তার হৃংথের ভার।

"বিপুলবিক্রম হর্যাক্ষ বাহনে
যবে মা যেপানে উর হুন্তমনে,
আরণ্য মহিব সম ভয়য়য়র
হথ সংহারক সয়ট নিকর
তোমার প্রতাপে বিনয় পায়;
যথা উথাদেবী হরি আরোহণে
উঠিলে সতেজে পুরব গগনে,
সৌল্বর্য বিলোপী চেতনা বিনাশী
ভয়প্রদ নৈশ অয়কার রাশি
ভীষণ শমন সদনে হায়।

বিরাজেন স্থাপ তাহার আলয়ে:

"হর্জয়দানবে যবে দেবদলে
মহেশের বরে মহোলাসে দলে,
সর্বদেবতার তেজ সন্মিলনে
মূর্জিমতী ভোমা দেখিলা নলনে
বিষয়ে সহসা দৈত্যারিগণ;
রূপের আলোকে জগত ভাতিল,
মন্থক উঠিয়া আকাশে ঠেকিল,

রবি শশী বহিং সমান উজ্জ্বন তিনটী নরন করে ঝলমল, স্কুটে পদতলে কমল বন।

শনিজ অন্ত্র দিয়া দেবতা সকলে
পূজিল তোমার চরণ কমলে;
ছন্ধারি মা ভূমি সংগ্রামে পশিলে
দেবের বিপক্ষ দানবে নাশিলে,
অটু অটু হাসে পূরি আকাশ;
বৃন্দারক বৃন্দ আনন্দে মাতিল,
অমরের জয় বাজনা বাজিল,
বিভাধরী গীতে গগন ছাইল,
তব পদে নতি করিতে ধাইল
দেব-দেবী যত করি উল্লাস।

"প্রকৃতিরূপিণী তুনি হৈমবতী,
সকলের অঙ্গে তোমার শক্তি,
কিবা জীবোদ্ভিদ, কি দেব মানব,
জগতে তোমার অবতার সব,
সকলের তুমি চরম গতি।
ভক্তি বাহার আছে তন পদে
নিয়ত তাহারে তার মা বিপদে;
সারদে, বরদে, স্থুখদে, শুভদে,
থাকে যেন রাঙ্গা চরণে মতি।

ভূমি আছাশক্তি জ্যোতিঃস্বরূপিনী, কৌশলপ্লাবিত বিশ্বপ্রকাশিনী, অব্যক্ত অসীম তিমির ভাঙ্গিয়া, বিচিত্র প্রকাণ্ড ব্যক্ত করি দিয়া, প্রকাশ করেছ লীলা তোমার। কি জন্ত করেছ কে বলিতে পারে? আমরা সকলে ঘুরি অন্ধকারে; যথন যা কিছু ব্রিবারে চাই, কুলন্থল তার দেখিতে না পাই; খুলি দাও দেবি জ্ঞানের দ্বার।"



(পূর্ব্ব প্রকাশিতের পর)

বার, সেই বিভাগ কি প্রকার, তাহা "সংগীত সার" গ্রন্থের ৬ পৃষ্ঠার ও শোষে অতিরিক্ত পত্রে যেরূপ দেখান হইয়াছে, তাহা অসঙ্গত হইয়াছে, এবং প্রাচীন মতের সহিতও ঐক্য হয় নাই। গ্রামের ষড়্জাদি সপ্তস্বরও যে ঐ ২২ টার সাতটি শ্রুতি, গ্রন্থলেখকের তাহা অমুধাবন হয় নাই। এতদ্দেশীয় সংগীত বিছ্যাভিমানী ব্যক্তিগণের প্রায়ই এরূপ স্বভাব দেখা য়য় যে, তাঁহারা সংগীত বিষয়ে একবার যাহা বলিয়া ফেলেন, তাহা স্পষ্ট ভ্রমপূর্ণ হইলেও, তাহা স্বীকার করেন না। প্রত্যুতঃ তাহাই বজায় রাখিবার নিমিত্ত প্রাণপণে চেষ্টা করেন। শ্রুতি সম্বন্ধে উক্ত মত যিনি একবার লিখিয়া প্রকাশ করিয়াছেন, তিনি আমার ছায় একজন সামান্ত লোকের কথাতেই তাঁহার ঐ মত সহসা পরিবর্ত্তন নাও করিতে পারেন, এবং ঐ মতই যে অভ্রাস্ত, ইহা বজায় করিবার নিমিত্ত অনেক তর্কও উপস্থিত করিতে পারেন। অতএব উহা খণ্ডনার্থ আমি যুক্তি ও শাস্তপ্রমাণ উভয়ই দিতেছি। তিনি ঐ শ্রুতিবিষয়ক প্রাচীন শাস্ত্রীয় শ্লোক সমূহের স্বরূপার্থ পরিত্যাগ পূর্বক ভিরার্থ করিয়াই ঐ গোল বাধাইয়াছেন।

"চতত্র: পঞ্চমে ষড়ুঙ্গে মধ্যমে শ্রুতয়ো মতা: । ঋষভে ধৈবতে তিন্সো রে গান্ধারেনিযাদকে ॥"

প্রস্থকার বলেন, সংগীত রত্নাকর নামক গ্রন্থে এরূপ লিখা আছে। কিন্তু ঐ বচনের এইরূপ অর্থ হয় যে, ষড়জ ও ঋষভের মধ্যে চারি শ্রুভি, ঋষভ গান্ধারের মধ্যে তিন, গান্ধার ও মধ্যমের মধ্যে ছই শ্রুভি ইত্যাদি। কখনই নহে, উহার প্রকৃত অর্থ এই ষড়জ স্থানে চারি শ্রুভি, ঋষভ স্থানে তিন, গান্ধার স্থানে ছই ইত্যাদি। অর্থাৎ গ্রামকে যে প্রধান সাত ভাগে বিভাগ করা যায়, ভাহাদের কোন্ কোন্টিতে শ্রুভি নামক ২২ স্ক্রেভম বিভাগের কভটি পড়ে, অথবা ঐ সাত ভাগের এক একটি আরও কিরূপ স্ক্রাংশে বিভক্ত হয়, ভাহাই ঐ শ্লোকে বর্ণিত আছে। গ্রামের

প্রথম শ্রুভিতে যে ধ্বনি, সেই ষড়্জ; তাহার পর ২য়, ৩য় ও ৪র্থ শ্রুভি ক্রেমে অল্প অল্প উচ্চ, তাহার পর একটু উচ্চ যে ৫ম শ্রুভি সেইটা ঋষভ; তৎপরে ৬ঠ ও ৭ম শ্রুভি পর পর উচ্চ, তাহার পর একটু উচ্চ যে অন্তম শ্রুভি, সেই গান্ধার; তৎপরে ৯ম শ্রুভি একটু উচ্চ, তাহার পর একটু উচ্চ যে দশম শ্রুভি সেইটি মধাম ইত্যাদি। পাঠক! এইরূপে বিভাগ করিয়া দেখুন, ২২ শ্রুভি মিলে কি না। সংগীতসার গ্রন্থে যেরূপ শ্রুভি বিভাগ দেখান হইয়াছে, তাহাতে ২২ + ৭এ ২৯টা সুন্দ বিভাগ পাইবেন।

"চতু:খতিব্লিখতিক, বিখতিক চতু:খতি:। চতু:খতিব্লিখতিক, বিখতিকেতি তা: ক্রমাৎ॥

গ্রন্থকার "সংগীত রত্নাবলী" হইতে ঐ শ্লোকের যে প্রমাণ দিয়াছেন, তন্দারা আমি যেরপ শ্রুতির বিভাগ দেখাইলাম, তাহাতেই আরও স্পষ্টীকৃত হইতেছে যে, গ্রামের সাতটি প্রধান বিভাগ ঐ প্রকারে আরও বিভক্ত হইয়া, সাকল্যে গ্রামের ২২টি স্ক্র বিভাগ হয়। ঐ ২২টী বিভাগ পরস্পর সমান না হউক, সমানের অনেক নিকট। কিন্তু সমালোচিত গ্রন্থে যেরূপ বিভাগ দেখান হইয়াছে, তাহা অতিশয় অসমান। তদমুসারে ১ম শ্রুতি হইতে ২য় শ্রুতি, ২য় হইতে ৩য়, কিম্বা ৩য় হইতে ৪র্থ শ্রুতি যতদূর, চহুর্থ হইতে পঞ্চম শ্রুতির দূরতা তাহার দ্বিগুণেরও অধিক। প্রত্যেক স্থরের নিকট শ্রুতির অন্তর ঐরূপ বিভিন্ন হইয়া পড়িয়াছে। শ্রুতিগুলি মধ্যে মধ্যে ঐরূপ লাফাইয়া যে প্রায় সমভাবে একটির পর একটি চড়িয়া যায়, নিয়েরাক্ত শ্লোক তাহার প্রমাণ; যথা—

এতেতু ধ্বনিভেদা: স্থাঃপ্রবনাৎ শ্রুতি সংক্রিতা:। উচ্চোচ্চ ভাবমাপন্না দিগুণাত্তরোত্তর:॥ সংগীত রম্বাকী।

সাতি প্রধান স্থরও অর্থাৎ সা, রি, গ, ম, প, ধ, নি ইহারাও যে ২২ আতির 'মধ্যে সাতটা আতি, ইহাই যে প্রাচীন গ্রন্থকারের অভিপ্রেড, উক্ত বচনের প্রথম পংক্তিতে তাহা অতিশয় স্পষ্ট রহিয়াছে। আরও এক দৃষ্টান্ত দিতেছি। "ততঃ সপ্তম্বয়া শুদ্ধা বিকৃতা দ্বাদশাপ্যমী" সংগীত দর্পণের ঐ বচনটার অর্থ যদি এই হয় যে, গ্রামের মধ্যে সাতটা শুদ্ধ (স্বাভাবিক) স্বর আছে, এবং বারটা বিকৃত অর্থাৎ অচলম্বারিক (Chromatic) স্বর আছে তাহা হইলে ঐ বারটা বিকৃত স্বরের মধ্যে প্রথমোক্ত সাতটা শুদ্ধ স্বরও আছে কি না! অবশ্যই আছে। আরও এক প্রমাণ দিই। প্রস্তাবিত গ্রন্থেরই ২ পৃষ্ঠায় লিখা আছে, যেমন আকাশে পক্ষী উড়িয়া যাইলে এবং জলে মৎস্ত গমন করিলে, সেই লঞ্চরণ মার্গের কোন দাগ পড়ে না, তদ্ধেপ আতিগুলি ধ্বনিত হইলে শুনা যায় মাত্র, তাহার কোন দাগ

् [टेंडब

পড়ে না। এক্ষণে জিজ্ঞাসা করি, পাঠকবর্গ বিবেচনা করিয়া দেখুন, শ্রুতিরই কি কেবল ঐ প্রাকৃতি ? অন্থ ধ্বনির কি তাহা নাই ? সা, রি, গ, ম, প্রাভৃতি সাভটী প্রধান স্বরের কেহ ধ্বনিত হইলে, তাহার কি কোন দাগ পড়ে যে, তক্ষ্ম্য তাহা শ্রুতি হইতে ভিন্ন হইবে ? কখনই নহে। ধ্বনি মাত্রেরই শ্রুতি ব্যতীত কোনই চিহু লক্ষিত হয় না। নিম্নোদ্ধৃত বচনটী দেখুন, তাহাতে ঐ বিষয় কেমন স্পষ্ট রহিয়াছে.—

" এতেতু ধর্বনিভেদা: স্থ্যঃ শ্রবনাৎ শ্রুতিসংক্ষিতা: ।"

অর্থাৎ কেবল শুনাই যায়, এই হেতু বিভিন্ন ধ্বনির শ্রুতিসংজ্ঞা হইয়াছে। প্রায় সর্বদাই দেখা গিয়াছে, পাঠকও বোধ হয় জানেন যে, বিপক্ষ পক্ষের নিরাশার্থ কলিকাতাস্থ বঙ্গসংগীত বিভালয় সংক্রান্ত সংগীতাধ্যাপকদিগের শ্রুতির ভর্কই মহাবলম্বরূপ। কিন্তু দেখুন, তাঁহাদের মূলেই শ্রুতির সংস্কারেই কেমন মহা ভ্রম রহিয়াছে। প্রস্তাবিত গ্রন্থের কর্তারা বলিতে পারেন যে, তাঁহারা শ্রুতিসম্বন্ধীয় প্লোক সমূহের যেরূপ অর্থ করিয়াছেন, ব্যাকরণের কোন স্থুত্রদারা সেই অর্থের ভুল প্রমাণ হইল ? প্রতিবাদ করিবার তাঁহাদিগের এই এক উত্তম পন্থা রহিয়াছে। কিন্তু ব্যাকরণের তর্ক করিতে আমার শক্তি নাই। সংস্কৃত ব্যাকরণ-শাস্ত্র কল্পতরুপরূপ, যে যাহা চাহিবে, তাহাই পাইবে। শুনিয়াছি, অনেক বড় বড় বৈয়াকরণিক সংগীত-সারের সহায় আছেন, অতএব ব্যাকরণসম্বন্ধে অধিক কথা বলিলে, এখনই তর্কের শ্রোতে ভাসিয়া যাইতে হইবে। এই গ্রন্থের পদে পদে সংস্কৃত শ্লোকের প্রমাণ দেওয়া হইয়াছে, কিন্তু অধিকাংশেরই এরূপ অর্থ করা হইয়াছে, যদ্ধারা গ্রন্থকর্ত্তাদিগের স্বকপোলকল্পিত মতের আশানুরূপ পরিপোষণ হয়। ক্রেমে আরও দৃষ্টাস্ত দেখাইব। শ্রুতিসম্বন্ধে অনেকানেক গুরুতর আবশ্যকীয় কথা বলিতে এখন বাকি রহিল, রাগ রাগিণীর সমালোচনায়, তাহা আবার উত্থাপন করিয়া শেষ করিব।

সংগীতসার গ্রন্থের ৮ পৃঃ সপ্তক প্রকরণে দেখিবেন লিখা আছে, "মমুস্থা-দেহে যাভাবিক তিন সপ্তকের অধিক উচ্চারিত হয় না;" "এ তিন সপ্তকের তিনটী আশ্রয় স্থল আছে, নাভি, বক্ষঃ, এবং মস্তক;" "নাভি হইতে যে সূপ্তস্বর উচ্চারিত হয় তাহাকে উদারা বলা যায়, অর্থাৎ খাদ সুর সমূহ।" এই একটী রহৎ প্রাচীন ভ্রম। নাভি হইতে কি কখন কণ্ঠস্বর নির্গত হয় ? উদরাময়ের পীড়া হইলে নাভির নিকট গড় গড় শব্দ শুনা যায়, এতস্তিম সাংগীতিক ধ্বনি উৎপাদনের কোন কল বল নাভির মধ্যে নাই। অতিশয় খাদ অর্থাৎ গন্তীর সূর উচ্চারণ কালীন, একটী যে ধর ঘর শব্দ শুনা যায়, লোকে তাহার যথার্থ কারণ না পাইয়া, বলে যে, এ শব্দ নাভির। এই কুসংস্কার অক্সতার ফল। প্রাচীন শাল্রে এ মত

লিখা আছে বলিয়া, এপর্যান্ত কেহ তাহার দোষাদোষের প্রতি মনোযোগ করেন নাই। এটা পদার্থতত্ত্বর প্রসঙ্গ। আধুনিক শারীরবিজ্ঞান বিষয়ক প্রস্থের সাহায্যব্যতীত সংস্কৃত প্রস্থল্বারা উহার মীমাংসা হইবে না। খাদ, মধ্য, উচ্চ, সকল স্বরই কণ্ঠ হইতে উৎপন্ন হয়। গলদেশে অন্ধনলী (Esophagus) ও শ্বাসনলী (Trachea) নামক ছইটা নলী আছে। অন্ধনলী দিয়া খাল্ল উদরস্থ হয়, এবং শ্বাসনলী দিয়া নিশ্বাস প্রশ্বাস হয় ও স্বর নির্গত হয়। ঐ শ্বাসনলীর উপরিভাগেই ধ্বনির জন্ম, সেই স্থানের নাম কণ্ঠ (Larynx)। স্থিতিস্থাপক হেতু শ্বাসনলীকে ফুলান ও কুঞ্চিত করা যায়। ফুলাইলে ছিন্ত বহৎ হয়, তখন আওপ্রাক্ত দিলে, তাহা হইতে গন্তীর স্বর নির্গত হয়। কুঞ্চিত করিলে ছিন্ত স্থ্ম হয়, স্তরাং তখন তাহা হইতে তীক্ষ স্বর বাহির হয়। নাভি হইতে যে খাদ স্বর নির্গত হয় না, তাহা পরীক্ষার্থ এক সাদাসিধা উপায় বলিয়া দিই। খাদ স্বর উচ্চারণ কালীন নাভিস্থলে হাত দিয়া সবলে ধরিয়া দেখিবেন, খাদ স্বর বন্ধ হইয়া যায় কি না। ধ্বন্মাৎপাদক পদার্থের বিকৃতি জ্ব্যাইলে, কখনই পূর্ব্বমত স্বাভাবিক স্বর উৎপন্ন হয় না।

প্রস্তাবিত গ্রন্থের ৮ পৃষ্ঠায় "ষরগ্রাম" শব্দের চমৎকার অর্থ দেখিবেন। লিখা আছে, "যাহাকে অবলম্বন করিয়া ঋষভাদি ষট্ম্বরের বোধ হয়, তাহাকে স্বর গ্রাম কহে।" যাহার অবলম্বনে রি, গম প্রভৃতি বুঝা যায়, তাহাকে খরজ (মড়জ) কহে। গ্রাম কি প্রকারে হইল ? এক খরজ হইতে অন্য উচ্চ কিয়া নিম খরজ পর্যান্ত স্থারের যে বিস্তৃতি, তাহাকেই "স্বরগ্রাম" কহে। শাদা কথায়, সাঙ স্থারের সমষ্টিকেও গ্রাম কহা যায়। গ্রান্থকার এক খরন্ধ হইতে অন্থ অব্যবহিত উচ্চ বা নিম্ন খরজ্ব পর্য্যন্ত গ্রাম বলিতে চাহেন না। তাঁহার মতে সা হইতে নি পর্য্যন্তই একটি পূর্ণগ্রাম হয়, ইহা তিনি ৮৫ পৃষ্ঠার টীকায় প্রকাশ করিয়া এক বৃহৎ তর্ক করিয়াছেন, টীকাকার বলেন যে, সংগীতে যখন সাত স্থুরের অধিক নাই, তখন আট-সুর পরিমিত যে তুই খরজ তাহা এক গ্রামের ভিতর ধরা হইতে পারে না ; অষ্টম স্মরটী অক্সগ্রামের, স্তরাং এক সপ্তকেই এক পূর্ণ স্বরগ্রাম হয়। এইরূপ কহিয়া ইউরেপৌয়েরা যে 'অক্টেভ' শব্দ গ্রামের তুল্যার্থে ব্যবহার করেন, তাহারও দোষ ধরিয়াছেন; এবং তাহার প্রমাণার্থ বলেন যে, অক্টেভ শব্দের অর্থ আট, অভএব এক অক্টেড পরিমিত স্থুর বলিলে সা রি গ ম প ধ নি সা বুঝায়, কিন্তু তুই অক্টেড বলিলে ইউরোপীয়েরা ১৬টা সুর না লইয়া কেন যে এক সা হইতে তাহার দ্বিতীয় উচ্চ সা পর্যান্ত ১৫টা সুর গ্রহণ করেন, ইহার কোন কারণই নাই। এইরূপ যে কৃট ভর্ক করিরাছেন, তাহার মধ্যে মহা ভ্রম রহিয়াছে। অক্টেভ শব্দের অর্থে অষ্ট্রম, আট नरह। देश ना क्रानाएडरे, औ क्ल इरेग्नाहा। मा-अत अहम मा, ति-अत अहम

রি, গ-এর অষ্টম গ, এইরূপই হইয়া থাকে, অতএব সা-এর তুই অষ্টম উচ্চ যে স্থুর সেও সা: সে আর রি হইতে পারে না। আরও আশ্চর্য্যের বিষয় এই যে, উক্ত প্রথা ইউরোপে যে অকারণে চলিতেছে, তাহার প্রমাণার্থ টীকাকার বার্ণি, টার্টিনি, মার্কস প্রভৃতি কয়েকটা প্রসিদ্ধ ইউরোপীয় সংগীত গ্রন্থকারের নাম লইয়াছেন। ইহাতে সাধারণকে ঘোর প্রতারণা করা হইয়াছে। ঐ সকল লোকের কুত গ্রন্থ-সমূহ অতি বিস্তীর্ণ, প্রাচীন ও বহুমূল্য; তাহা অন্ত কোন বাঙ্গালির গৃহে আছে কি না, সন্দেহ; থাকিলেও ইউরোপীয় সংগীতের পুস্তক কে পড়িবে ? তৎসম্বন্ধে যাহা লেখা যাইবে, তাহার সত্যাসত্য সহসা ধরা পড়িবে না, হয় এই অনুমানে এত অলীক লিখিতে সাহস হইয়া থাকিবে; না হয়, ঐ সকল এম্থের অর্থ ভাল করিয়া বুঝা হয় নাই। যে সে ইংরাজি শিক্ষিত ব্যক্তি ঐ গ্রন্থ বুঝাইয়া দিতে পারিবেন না। বিশেষ ঐ সকল গ্রন্থ অতিশয় বৈজ্ঞানিক। টীকাকার ইহাও লিখিয়াছেন, ইউরোপীয় সংগীতাধ্যাপক মার্কস সাহেব সাত স্থুরেই এক পূর্ণ স্বরগ্রাম বলেন। কিন্তু তাঁহার কৃত Universal school of music" নামক গ্রন্থের ১১ পৃষ্ঠার ও ১২ পৃষ্ঠার চতুর্থ প্যারেগ্রাফে যাহা লিখা আছে যদি কেহ তাহা দেখেন, তবে সত্য মিথ্যা জানিতে পারিবেন। ঐ গ্রন্থের ১২পঃ ৪ প্যারাতে লিখা আছে, সাত ডিগরিতে এক গ্রাম হয়। এই ডিগরির (Degree) অর্থ টীকাকার বোধ হয় বুঝেন নাই। তিনি সাত ডিগরির অর্থ সাত সুর বুঝিয়াছেন, তঙ্জ্মতুই ঐ প্রমাদ ঘটিয়াছে। ডিগরির অর্থ পরিমাণ বিশেষ। সংগীতে সেই পরিমাণকে ধাপ, ঘাট, বা পর্দ্ধা কহা যায়। মার্কস সাহেব ইহাই কহিয়াছেন যে, কোন স্থুর হইতে সাত ধাপ উঠিলে এক গ্রাম পূর্ণ হয়। কেবল কোন একটা স্থুর ধরুন; যেন সা, উচ্চারণ করিলে এক ডিগরি উঠা হয় না। সা-এর পর রি বলিলে এক ডিগরি উঠা হয়, গ উচ্চারণ করিলে ছই ডিগরি, ম তিন ডিগরি ইত্যাদি, এই প্রকার সাত ডিগরি উঠিলে অষ্টম স্থর ২য়, সা পর্যান্ত উঠা হয় কি না, পাঠক দেখুন। সপ্তক শব্দের অর্থ যদি এরূপ হইত যে, অষ্টম স্থর ২য় সা-এর অব্যবহিত পূর্ব্ব পর্য্যন্ত বিস্তৃত স্থুরের সমষ্টিকে সপ্তরু কহে, তাহা হইলে এক সপ্তকেই এক থাম হইত। কিন্তু সপ্তক বলিলে সা হইতে নি. পর্যান্ত বুঝায়। নি স্থরগ্রামের শেষ সীমা হইতে পারে না, কারণ তাহা সা-এর অব্যবহিত নীচে নহে। মধ্যে কোন প্রধান স্থর ব্যবধান না থাক, হুই একটা শ্রুতিও আছে। আরও বিবেচনা করিয়া দেখুন, সা হইতে রি-এর কিম্বা রি হইতে গ-এর কিম্বা গ হইতে ম-এর যেমন এক একটা অস্তর ব্যবধান আছে, অর্পাৎ সা হইতে কোন এক নির্দিষ্ট পরিমাণে উঠিলে, তবে রি পাওয়া যায়, সেইরূপ নি হইতে কোন একটি নির্দ্দিষ্ট পরিমাণে চড়িলে অষ্টমস্থর, উচ্চ সা পাওয়া যায়। অতএব কাহাকেও এক গ্রাম স্বর উচ্চারণ করিতে কহিলে, সে যদি সা-এ আরম্ভ করিয়া


নি-এ শেষ করে, তাহা হইলে নি হইতে উচ্চ সা-এর যে কতথানি ব্যবধান তাহা সে দেখাইল কই ? আর ঐ কার্য্যটা কোনু গ্রামের অধীন ? সা হইতে আরম্ভ করিয়া নি-এ সমাপ্ত করিলে মনে একটু অপেক্ষা থাকিয়া যায় কিন্তু উচ্চ সা-এ শেষ করিলে কেমন যেন বিশ্রাম পাওয়া যায়, ইহা কে না স্বীকার করিবে ? অতএব প্রাচীন কাল হইতে ভারতবর্ষে সপ্তক শব্দই যে গ্রাম শব্দের তুল্যার্থে ব্যবস্থত হইয়া আসিতেছে, তাহা অতি অসঙ্গত। ঐ ভ্রমের বশে গ্রন্থকার গ্রাম-সাধনের উদাহরণ সমূহে সা হইতে নি পর্যান্ত লিখিয়াছেন। কণ্ঠে এইরূপ সাধনে ছাত্রেরা অনর্থক ক্লেশ পাইবে সন্দেহ নাই। মনৈ করুন, এক বালককে স্বরগ্রাম শিথ বলিয়া অমুলোমে সা হইতে নি পর্য্যন্ত উঠিতে এবং বিলোমে নি হইতে সা-এ নামিতে শিখাইলাম। সে নি হইতে উচ্চ সা-এ আপনি উঠিতে পারিবে ? কখনই নহে. কারণ নি হইতে কতথানি চঙিলে উচ্চ সা হয় তাহা তাহাকে দেখান হয় নাই। সেটী নৃতন করিয়া দেখাইলে, সে সাধন প্রথম গ্রামের না দ্বিতীয় গ্রামের ? কোন স্থুর হইতে তাহার অষ্ট্রম স্থুর পর্য্যন্ত গ্রাম সাধাইলে কোন গোলই থাকে না। এইরপ নিয়মে এক গ্রাম শিখাইলে অসংখ্য গ্রাম শিক্ষার কার্য্য হয়। আর এইরপ সাধনাই সর্বসাধারণ্যে প্রচলিত রহিয়াছে। কিন্তু গ্রন্থকার কাহার পরামর্শে ইউরোপীয় সংগীতের উপর ঠেস দিয়াঁ গায়ের জোরে সা হইতে নি পর্য্যন্ত গ্রাম সাধাইতে চাহেন? কারণ সংস্কৃত এন্থে ইউরোপীয় 'অক্টেভ' শব্দের তুল্যার্থ শব্দ নাই।

দপৃষ্ঠার নীচে এরপ লিখা আছে যে, আড়াই সপ্তক পাইবার নিমিন্ত বীণাদি যন্ত্রের নায়কী অর্থাৎ ১ম তারকে মধ্যম স্থরে বাঁধা যায়। প-এ বাঁধিলে, আড়াই সপ্তকের অধিক হয় এবং গ-এ বাঁধিলে তাহার কম হয়। কিন্তু জিজ্ঞাসা করি, আড়াই সপ্তকেই যে পাইতে হইবে ইহার কারণ কি ? আমাদের সংগীতে আড়াই সপ্তকেরই প্রয়োজন। এই গ্রন্থেই লেখা আছে যে, হিন্দু সংগীতে তিন সপ্তক পরিমিত সুর ব্যবহৃত হয়, অতএব আড়াই সপ্তক পাইবার নিমিন্তই যে নায়কী তারকে ম-স্থরে বাঁধা যায়, তাহা নয়। তারের সংকর্ষণ (Tension) স্বহু করিবার শক্তি বিবেচনাতেই ম-স্থরে বাঁধার প্রথা হইয়াছে। প-এ বাঁধিয়া বাজাইলে কখন তার রক্ষা হয় না, ছিন্ন হইয়া যায়, ইহাই যথার্থ কারণ। নতুবা আড়াই সপ্তকের অধিক প্রাপ্তিতে উপকার ভিন্ন অপকার নাই। যদি বল, কিছু নামাইয়া বাঁধিলে তার ছি ড়বে না, কিন্তু তাহাতে তারের সংকর্ষণ ঢিল হওয়াতে তার ভংভং করে, ধ্বনি উত্তম শুনায় না। যদি বল মিহি তার ব্যবহার করিলে হইতে পারে, কিন্তু তাহাতেও ধ্বনি অতি ক্ষীণ হইয়া ভাল শুনায় না।

. ক্রমশঃ

ঞীকৃষ্ণ্যন বন্দ্যোপাধ্যায় ।

(এই প্রবন্ধটি আমরা অনেক দিন পাইয়াছি, ইহার প্রথমাংশ হারাইয়া ফেলিয়াছি বিবেচনায়, ইহা এপর্য্যস্ত পত্রস্থ করি নাই। ইহা অস্ত কোন পত্রে প্রকাশিত হইয়াছে কি না তাহাও জানি না। লেথককৃত বিচার, ভাল কি মন্দ তাহাও জানি না, কেননা বিচার্য্য বিষয়ে সম্পাদক সম্পূর্ণ অনভিজ্ঞ। তবে একস্থানের ভাষা রূঢ় বলিয়া পরিত্যাগ করা গিয়াছে।) বং সং



খ্নিক ভারতবর্ষে, যিনি কায়ক্রেশে একখানি গ্রন্থ লিখিয়া সমাপ্ত করিতে পারিলেন, তিনি শ্রমশীলতার আদর্শস্বরূপ সমাজে পরিচিত হইয়া উঠেন। অথচ স্কট, সৌদি প্রভৃতি ইংরেজি লেখকেরা কত লিখিয়া গিয়াছেন, তাহা সকলেই জানেন। জেম্স একা প্রায় আশীখানি উপদ্যাস গ্রন্থ লিখিয়া গিয়াছেন। কিন্তু আমরা ছই এক জন নাটককারের কথার উল্লেখ করিব—তাহা আরও বিস্ময়জনক। হেউড নামক ইংরাজি নাটককার ছই শত কুড়িখানা নাটক স্বয়ং বা সভ্যের সাহায্যে রচনা করিয়াছিলেন। কিন্তু হার্দি নামক ফরাসীর তুলনায় হেউডও অলসের মধ্যে গণ্য। তিনি ৩৭ বৎসরের মধ্যে আট শত নাটক প্রণয়ন করেন। বংসরে প্রায় বাইশ খানি!

এদিকে ভারতবর্ধে হাহাকার পড়িয়াছে যে, বিজ্ঞানের সমাদর নাই; কাব্যেই লোকের মন নিবিষ্ট। ওদিকে বিলাতে হাহাকার পড়িয়াছে যে, বিলাতে কাব্যের সমাদর নাই—বিজ্ঞানেরই বড় আদর। কাব্যালোচনা মহুয়ের উন্নতির পক্ষে যে নিতান্ত প্রয়োজনীয়, তাহা মিল প্রভৃতির নিকট অনেক শুনা গিয়াছে। একণে কাব্যে আদরাভাবের একটা নৃতন কৃষ্ণল কোন প্রবন্ধ বিশেষ ফ্রেজরে দেখা গেল। পার্লিমেন্টের বাগ্মিগণের বর্ণনাকালে লেখক এই অভিপ্রায় প্রকাশ করিয়াছেন যে, ইংলণ্ডে এক্ষণে যে উচ্চপ্রেণীর কবি কেহ নাই, তাহার কারণ ইংলণ্ডে কাব্যের অন্থূন্ধীলন সেরপ নাই। যদি কেহ বলেন যে, ইংলণ্ডে যে এখন প্রের্বর মত বীরহ নাই, ছাহারও কারণ কাব্যে অল্পাদর, আমরা সে কথাও অসঙ্গত মনে করিব না। আশ্চর্যের বিষয় এই যে, এ দেশে একদল নব্য মূর্খ জন্মিয়াছেন, তাহারা মনে করেন যে ক্ষণিক মনোরঞ্জন ভিন্ন, কাব্যে আর কোন উপকার নাই, এবং বিজ্ঞান ভিন্ন অন্ত কোন বিত্যা অন্থূশীলনের যোগ্য নহে। যদি এই মূর্খিদিগের বিজ্ঞানে কিছুমাত্র অধিকার থাকিত, তাহা হইলে ক্ষতি ছিল না। আমাদের বিবেচনায় ভারতবর্ষে বিজ্ঞানের অধিক আদর কর্ত্ব্য বটে, কেননা বিজ্ঞান কিছুই নাই, কাব্যের তাদৃশ অভাব নাই। কিন্তু ভাই বলিয়া, কাব্যে হতাদের হওয়া কর্ত্ব্য নহে। আর

বাঙ্গালি কাব্যকারদিগের জ্বালায় কাব্য সকলেরই অরুচিকর হইয়া উঠিয়াছে, ইহাও স্বীকার করি।

গত ডিসেম্বর মাসের মুখ্র্যার পত্রে প্রীষ্টধর্মের প্রচার বিষয়ে বিশ্ব সম্বন্ধে যে প্রস্থাব লিখিত হইয়াছে, পাঠকগণ তাহা পাঠ করিয়াছেন ? যিনি পাঠ না করিয়াছেন, তাঁহাকে পাঠ করিতে বলি। লেখকের সঙ্গে বাঙ্গালির অনেক স্থানে মতভেদের সম্ভাবনা; কিন্তু তাহা হইলেও প্রস্থাবটিকে উৎকৃষ্ট বলিয়া স্বীকার করিতে হইবে। ভারতবর্ষে প্রীষ্টধর্ম প্রচারিত হইতেছে না কেন, তদ্বিষয়ে নানা মূনির নানা মত, কিন্তু আমরা বলি, একটা কথা বলিলেই যথোচিত হয়। ভারতে প্রীষ্টধর্ম প্রচারের একমাত্র বিশ্ব—"হিন্দুধর্মের প্রেষ্ঠতা।" প্রীষ্টধর্মে এমন কি আছে যে তাহা হিন্দুধর্মে নাই ? তবে কেন হিন্দু প্রীষ্টধর্মের জন্ম সমাজ্ব পরিত্যাগ করিবে ? পাদরি সাহেবেরা হিন্দুধর্মের মর্ম্ম ব্রেন না বলিয়া এত মাথা কৃটিয়া মরেন। যে দিন ব্রিবেন, সেই দিন আসামে গিয়া চার চাস আরম্ভ করিবেন।

আমরা "মুখ্র্যার পত্রের" গোঁড়া এবং পত্রস্থ প্রবন্ধসকল পাঠ করিয়া বড় সুখী হুইয়া থাকি। কিন্তু ঐ ডিসেম্বর মাসে "Administration of Justice in Bengal" নামক প্রবন্ধ দেখিয়া বিস্মিত হুইলাম। ইহা কোন দেশীয় বিচারক প্রণীত বলিয়া প্রকাশিত হুইয়াছে। যদি সে কথা সত্য হয়, তবে ইহা আমাদের দেশীয় বিচারকদিগের লঙ্জার কথা বটে। বিচক্ষণ সম্পাদক কি ইহার ইংরেজিটুক্ও সংশোধন করিতে অবকাশ পান নাই ? যদি তাঁহার স্থায় স্থদক্ষ ব্যক্তির দ্বারা সম্পাদিত পত্রেও এরূপ ইংরেজি প্রবেশ করে, তবে বাঙ্গালি "বাবু ইংরেজির" জন্ম গালি খাইবে না কেন ?

